



4^o B. ing. g

Tanner

Ex libris Martini Guggi B^{ri} Bl^{au} Tricincti
Cancelli in Aufspicilio prop^{ri}o N^{ost}ra
A. 1714.

postquam ex ceteris sup^{ra} testamento lib^{ri} Adm^o R^{ati} f^{er}ri Hicler in tractu
hunc librum. donavit mihi Ferdinando Zeller. ss. Th. Ebo
Nard. Ho in Sachau. Adm^o And^o P. Jacobus Wilti S^{er}g^{us} Pro
vincialis ex hereditate R^{ati} f^{er}ri Hicler Parochi in Moching
pr^olat^{us} P^{ro}visi Ob^{er} R^{ati} f^{er}ri Hicler
mense Februario. aⁿno 1714. Adm^o R^{ati} f^{er}ri Hicler Secretarius Generalis

JESUIT MARTYRS IN THE NEW WORLD AND FAR EAST / ILLUSTRATED / FLORIDA

TANNER, Mathias. *Societas Jesu usque ad sanguinis et vite profusionem militans, in Europa, Africa, Asia, et America, contra Gentiles, Mahometanos, Judaeos, Haereticos, Impios, pro Deo, fide, ecclesia, pietate*. Prag: Charles University Press, in Jesuit College, by J.N. Hanepl, 1675.

Folio, [16], 548, [4] pp. With engraved frontispiece and 173 (4 full-page) text etchings by Melchior Küssel; plate on p. 230 is cancelled with a corrected plate pasted over by the publisher. Some foxing; blank end-papers worn and to a lesser extent there are number of small round worm holes at beginning and somewhat few at the end to the text, not affecting readability or images to any noticeable extent. Contemporary blindstamped calf over wooden boards (without clasps).

FIRST EDITION of this beautifully illustrated Jesuit martyrology divided in four parts to cover the four parts of the globe. The regions are: Europe, Africa (including Muslim regions and the Middle-East); Asia, with substantial sections on Japan (including the Jesuits Jacobus Kisai, Joannes de Goto and Paulus Miki), the Philippines; and finally America. The America section (p. 433-548), as one would expect, covers mostly South and Central America as well as the Caribbean, however there is also a substantial section on Florida (p. 443-455) with illustrations.

"Collection of biographies of prominent Jesuits active in Europe, Asia, Africa and America in the 16th and 17th centuries, written by M. Tanner, Czech Jesuit provincial, professor and rector of Prague University; the high repute the work gained could be partly attributed to copper engraved illustrations drawn by the Czech painter K. Skřeta and engraved by M. Küssel" (Voit 913). The German Jesuit, Mathias Tanner (1625-1705), was born in Pilsen (Czech Rep.) and is best known for his biographies.

The present work is particularly notable for the fine etchings that illustrate it. There four full-page allegorical etchings decorated with various images emblematic of the regions and 169 half-page etchings of the Jesuit martyrs, often during or just after their, frequently rather gruesome, martyrdom. The plates are beautifully etched by the German artist, Melchior Küssel (1622-1683), who had studied in Frankfurt with Mathäus Merian, whose daughter he married: "... he was particularly famous as a designer of allegorical figures. He worked with great neatness and accuracy, yet without pettiness, for he was still a master of the great Baroque line" (Faber du Faur p. 468). The original illustrations were drawn by Karel Skřeta (or Charles Secreta; c. 1610-1674): "In Karel Skřeta Šomovoský, Bohemia possessed a painter of European stature; his somber portraits and religious scenes are filled with a deeply serious mystical fervour" (Enc. Brit.).

§ De Backer-Sommervogel VII, 1860, no. 9; Palau 327 222; Sabin 94332; Borda de Moraes 845; Takahashi II, 140; Laures 513; Streit I, 652; All-Japan-Kat. 1454; Alden-Lands, European Americana 675/164; JCBL 14.

4^o Br. v. gr. 9

Tanner

Japanes martyrs -

Manne lettere delle cose del Giappone

postquam expositis sunt testamenta 1600. Adm. L. J. Perri thier in traxit.
Hunc librum. donavit mihi Ferdinando Keller. ss. Th. L. v.
Nardis in Sachau. Adm. Andg. P. Jacobus Wille. S. G. p. Pro
vincialis ex hereditate L. O. Perri Hicker Parochi in Moeking
prolati P. Wille. S. G. p. Pro
mense februarii. Auganiar. Roma 1600 Secretarij Generalis
Ged. rivati.

1777

John Brown, Esq.
Boston,

Sept 10

EX

3755

134

1475

2871818

2871818

2/4/2009

16X

Rx

3755

•T36

1675

Leontodon


Oversize

23 21913
2/6/2009



Carlo Screti deli:

Melchior Kuehl fecit:



Longy Zoureny 1870

SOCIETAS JESU

U S Q U E

AD SANGUINIS
ET VITÆ PROFUSIONEM
MILITANS,

IN EUROPA, AFRICA, ASIA,
ET AMERICA,

C O N T R A

GENTILES, MAHOMETANOS,
JUDÆOS, HÆRETICOS,
IMPIOS,

P R O

DEO, FIDE,
ECCLESIA,
PIETATE

S I V E

VITA, ET MORS
EORUM,

Q U I

Ex Societate Jesu in causa FIDEI, & Vir-
tutis propugnatae, violentâ morte toto Orbe
sublati sunt.

AUCTORE

R. PATRE MATHIA TANNER Æ SOCIETATE JESU,
SS. THEOLOGIÆ DOCTORE.

PRAGÆ, Typis Universitatis Carolo-Ferdinandæ, in Collegio Societatis
JESU ad S. Clementem, per Joannem Nicolaum Hampel Factorem.
Anno M. DC. LXXV.

SOCIETY

1844

ADVISORY

COMMISSION

REPORT

ON THE

STATE OF

THE

UNION

AND

THE

WORLD

AND

THE

UNION

AND

THE

WORLD

AND

THE

UNION

ADMODUM REVERENDO PATRI,
IN CHRISTO PATRI
NOSTRO

JOANNI PAULO
OLIVA,

SOCIETATIS JESU PRÆPOSITO
GENERALI.



Proprio Sanguine purpuratos Socie-
tatis nostræ Heroës, & gloriosis ab impugna-
ta Idololatria, Hæresi, ac quolibet Vitio, tri-
umphis nobiles, cùm spectâssem calamis va-
riorum Historicorum, & Encomiastarum
pennis depictos: meritò, ut debebam, gra-
tulatus fui, ad ceteram rerum præclare gestarum gloriam,
eximios ijs fortitudinis Christianæ præcones; atq; ut Achillæ
Alexander ab encomiaste Homero, ità istos ego singulos à suis
præconibus felices existimavi. * Sed tamen nescio quid ultra,
sive ad illorum gloriam, sive ad legentium utilitatem deside-
rari mihi videbatur. Rebar quasi in nebula adhuc præclaros
hos pancratiastas, post eam illustrium Scriptorum lucem, ver-
sari; & cupiebam de facie intueri, quos pennâ descriptos lege-
bam; quasi illo Divi Augustini voto incitatus, quo non con-
tentus Christi Salvatoris sermones, & Pauli conciones è charta
legere, ipsum Christum in carne conversantem, & Paulum
concionantem optabat videre: Cùm

*Segniùs irritent animos immissa per aures,
Quàm quæ sunt oculis subjecta fidelibus.*

Unde mihi persuadebam, potentiùs animos ad omnem vir-
tutem incitandos, si facie ad faciem spectarentur, & quodam-
modo viventes in tabula proponerentur, quorum res gestæ

pennâ relatæ, & veluti solâ famâ acceptæ, tantopere moverent. Succurrebat menti id, quod Rhodijs, admirantibus & laudantibus orationem Demosthenis, quâ reum se peregerat, dixit Æschines, suspirans: *quid si*, aiebat, *ipsummet audissetis sua verba resonantem?* Utî nescio quid latentis energiæ habet viva vox, itâ habet vultus virorum à facinoribus præstantium, ad vivum repræsentatus. Animum igitur sumsi, omnémq; curam eò conferre conatus sum, ut illos æri incisos redderem, & modo quodam viventes loquentésq; repræsentarem, quibus in eruditis illis chartis vita deesse videbatur.

Hos verò cui potiùs, quàm Admodum Rev: Paternitati Tuæ deferrem, ac dicarem, in cujus domo, tanquam vernæ, in hoc opus nati sunt? Tot purpuratorû è Societate Heroum, cui Præpositus Generâlis summo cum imperio præes, pretiosissima purpura, non una in parte Orbis, terrâ marîq; nata, Româ (quæ innumerorum Christi testium sanguine tota colorata est, & Purpuratorum Ecclesiæ Præfulum sedes) deferri debuit, atq; elegantissimum hoc Societatis JESU ornamentum in sinum ejus Patris deponi, cui decor hujus Domûs DEI, ipsius summi Numinis arbitrio est commendatus. Sed & optimam purpuram, ut gratior venustiorque appareat, altè collocandam monet Seneca: *sunt* (ait *Natur. quæst. l. 1. c. 5.*) *quidam colores, qui ex intervallo vim suam ostendunt. Purpuram Tyriam, quò melior saturiorque est, eò oportet altius teneas, ut fulgorem suum ostendat. Non tamen ideo non habet illa colorem: quia quem optimum habet, non quomodocunq; explicetur, ostendit.* Excelsus locus est, in quo divinis consilijs Admodum Reverendæ Paternitatis Tuæ Sapientia Virtusq; collocata est: non vius est dignior, quo pretiosissimam hanc, & omni Tyriâ nobiliorem purpuram extollerem, quæ etsi colore proprio quidem polleat, quo exornet pulcherrimum hoc Societatis Corpus, & splendore suo perstringat oculos intuentium, fulgorem tamen suum ad illam sublimitatem & altitudinem, mirum quantò liberaliùs copiosiusq; explicatura est.

Deinde tot Victorum lauream, cui convenientiùs sociâsem, quàm Olivæ? quarum altera Pacis, altera Victoriæ (quæ utraq; belli finis) est symbolum. Propensione quâdam naturali

turali feruntur in Olivas Lauri, & in earum societate, Plinio teste (*lib. 10.*) uberius crescunt. Lacedæmonij docuisse videri possint, quid faciendum mihi esset: eos, qui se strenuè gessissent, & fortiter agendo occubissent, olivâ coronare; qui verò perfectam & absolutam virtutem præstitissent, eos etiam amictos purpurâ gloriôsè sepulchris mandare soliti. (*Ælian. var. hist. l. 6.*) Perfectissimâ fortitudine præstantes Heroas nostros, & sanguinis sui purpurâ exornatos, non potui nobiliore coronâ decorare, quàm si Nomini Admodum Reverendæ Paternitatis Tuæ subijcerem, plùs quàm Spartano ferto ab hoc decore gloriaturus. Veteres Romanorum Imperatores, laurum in gremio Jovis collocâsse memorat Plinius (*lib. 10.*) quoties novæ victoriæ lætitia nuntiaretur. Tot fortissimorum Athletarum victorijs non tantùm nuntiatis, sed præconio omnium gentium celebratis, decebat, nimirum me quoque lauros deponere in sinum Tuum, Admodum Reverendè Pater, qui unus velut omnium Jupiter, id est, omnes *juvans*, à nobis omnibus coleris & celebraris. Oliva fructifera in domo DEI, laureis novis hanc quoque gloriam Societatis JESU augeri ipse vidisti, ad quam nonnulli Tais monitis ac præceptis instructi, strenuè ac generosè processerunt, plurimum suæ fortitudinis ad Tuam institutionem ac monita grati referentes, inò & gloriam suam in beata illa æternitate tecum communicaturi.

Immortalis dicitur laurus carminibus Poëtarum: & verè immortalis est laurea Martyrum: congruentissimè igitur sociatur Olivæ, quam annis ducentis vivere asserunt Scriptores. Ut Admodum Reverenda Paternitas Tua annos ducentos, & ultrà vivat, precatur tota, quam sapientissimè placidissimèque, prorsus Olivæ ingenio, gubernas, Societas. Tam optatæ longævitati commendare Laureas illas immortales jure oportebat, in quibus in tabulas æreas incidendis, meum hoc quale quale studium, si benevolo annutu probare dignabitur Tua Admodum Reverenda Paternitas, magnum me operæ pretium retulisse arbitrabor, & purpuratis hisce Victoribus gratum ad posteros me transmississe rebor monumentum: vel hoc uno argumento, quòd la-

bor meus Admodum Reverendæ Paternitatis Tuæ oculis
probetur. Iterum precor, ut optimus DE US Admo-
dum Reverendam Paternitatem Tuam, ad commune totius
Ecclesiæ, ac Societatis nostræ incrementum & ornamen-
tum, diutissimè conservet incolumem.

Pragæ An. 1675. die 1. Maij.

Adm. Rev. Paternitatis Tuæ

Minimus Filius

MATHIAS TANNER. S.J.

FACULTAS R. P. PROVINCIALIS

Soc. JESU, Prov. Bohemiæ.

Cum Librum, cui titulus est: *SOCIETAS JESU* usque ad sanguinis & vitæ profusionem militans, à P. MATHIA TANNER Societatis nostræ Sacerdote conscriptum, tres ejusdem Societatis Sacerdotes recognoverint, ac in lucem edi posse judicaverint: potestate à Patre nostro JOANNE PAULO OLIVA Præposito Generali ad id mihi datâ, facultatem concedo, ut liber typis mandetur.

In quorum fidem has literas manu meâ subscriptas, & sigillo Officij mei munitas dedi. Pragæ 22. Aprilis, Anno 1675.



Georgius Hohenegger.

Imprimatur.

MATTHÆUS FERDINANDUS

Archi-Episcopus Pragensis, &c. &c.

PROTESTATIO AUCTORIS.

Cum Sanctissimus D. N. URBANUS Papa Octavus, die decimâ tertîâ Martij, Anno millesimo sexcentesimo vigesimo quinto, in Sacra Congregatione S. Rom. & Universalis Inquisitionis Decretum ediderit, idemq; confirmaverit die quintâ Julij Anno millesimo sexcentesimo trigesimo quarto, quo inhibuit imprimi libros, hominum qui Sanctitate, seu Martyrij famâ celebres è vita migraverunt, gesta, miracula, vel revêlationes, seu quacunq; beneficia, tanquam eorum intercessionibus à DEO accepta, continentes, sinè recognitione, atq; approbatione Ordinarij; & quæ hætenus sinè ea impressa sunt, nullo modo vult censi approbata. Idem autem Sanctissimus die quintâ Junij Anno 1671. itâ explicaverit, ut nimirum non admittantur Elogia Sancti, vel Beati absolute, & quæ cadunt super personam, bene tamen ea, quæ cadunt supra mores, & opinionem, cum protestatione in principio, quòd illis nulla adsit auctoritas ab Ecclesia Romana, sed fides tantum sit penes Auctorem. Huic decreto, eiûsq; confirmationi, & declarationi, observantiâ & reverentiâ, quâ par est, insistendo, profiteor me haud alio sensu, quidquid in hoc libro refero, accipere, aut accipi ab ullo velle, quàm quo ea solent, quæ humanâ duntaxat auctoritate, non autem Divinâ Catholicæ Romanæ Ecclesiæ, aut Sanctæ Sedis Apostolicæ nituntur; ijs tantummodo exceptis, quos eadem Sancta Sedes, Sanctorum, Beatorum, aut Martyrum Catalogo adscripsit.

Mathias Tanner S. I.

A

PRÆ-

PRÆFATIO.



NIL ita gloriosam, & toto latè propagatam Orbe reddidit Christianam Religionem, quàm persecutionum atrocitas, & continuata infestatio, ex qua se ipsa semper fortior evadebat & auctior, sic ut meritò Sanguis Martyrum semen crederetur esse Christianorum. Voluit Ecclesiam suam Dominus toto Orbe diffundi, & ex omni Natione quæ sub Cælo est colligi: ubique ergo infestissimis illam contradictionibus, adversis, mortibus exagitari permisit: testantibus ipsis illius hostibus Act. 28. v. 22. *De Secta hac notum est nobis, quia ei ubique contradicuntur.*

In eandem hanc sortem pari eventu admissa est singulari Numinis providentiâ minima Religionis Christianæ portio Societas JESU, quæ ne vacuum hoc Nomen, vanâ solùm inter mortales jactantiâ circumferre videretur, facta est non tantùm Nominis, sed etiam Passionum JESU Societas. Frustra enim tam gloriosâ appellatione insigniretur, nisi etiâ ijsdem insignibus cum Domino gloriaretur. Absit enim à Socio JESU gloriari, nisi in Cruce Domini nostri JESU Christi: ad Galat 6. cum quo *in laboribus plurimis, in carceribus abundantius, in plagis supra modum, in mortibus* inveniri debet frequenter. 2. Cor. 11. *Non est scilicet Servus major Domino suo.* Joan. 15. & *si Patrem familias Beelzebub vocaverunt, quanto magis domesticos ejus?* Matth. 10. Contestante idipsum pro solatio fervorum suorum Domino, Joan. 15. *Si me persecuti sunt, & vos persequuntur: si Mundus vos odit, scitote quia me priorem vobis odio habuit.* Ut adeo non tantùm persecutiones veluti pretiosam hæreditatem Apostolis, laborum suorum focijs relinquere, sed summam in ijs felicitatem & beatitudinem constituere voluerit: *beati, inquit Luc. 6. eritis cum vos oderint homines, & cum separaverint vos, & ejecerint nomen vestrum, tanquam malum propter Filium hominis: cum dixerint omne ma-*
lum

lum adversum vos mentientes, & persecuti vos fuerint. Sic enim persecuti sunt Prophetas, qui fuerunt ante vos. Matth. 5.

Cujus Beatitudinis tam copiosè participem facere miniam suam Societatem placuit Divinæ Majestati, ut vix invenire facilè sit Ordinem Religiosum, qui diris magis insectationibus ubique terrarum, ab omni genere & conditione hominum fuerit exagitatus. Sanè odijs hominum usque eò exposita semper fuit, ut Gentiles quidem & Hæretici Vatiniano illam odio persequentes, quosvis alios Religiosos faciliùs patiantur, JESUITAS veluti pestem Orbis, malorum omnium Architectos execrentur. Nec inter Catholicos capitalia illi defunt odia; inter quos prodigio pene simile est, si quis laudibus eam celebret & commendet, plerisque passim eam insectantibus; atque illis potissimùm, quibus plura per ipsam commoda & beneficia obvenerunt. Ut non immeritò usurpare possit illud S. Ignatii Martyris, in Epistola ad Romanos querentis, se inter mortales veluti leopardos versari, *quibus & cum benefeceris, peiores fiunt.* Quanto non gaudio in malis & adversis illius quidam exiliunt! quanto non studio alij nævos ejusdem, si quos subinde, ut inter homines, evenire contingat, quàm latissimè vulgare, propalare student! non alio magis genere librorum delectati, quàm ad illius lacerandum nomen procusis. Quorum nonnulli eam odisse minimè contenti, alios quantum possunt in ejus execrationem inducere conantur: societatem hominum pseudopoliticorum, superborum, sceleratorum esse jactantes: sic ut ante non multos annos unus aliquis, professionis aliàs sanctæ, etiam in typis professus sit, se in odienda Societate non esse liberum, sed necessitatum, eò quod ita certus esset illam esse congregationem hominum nequam, ut citiùs negaturus foret Trinitatem in Dei Unitate, quàm crediturus Jesuitas esse homines probos.

Quot deinde Regna & Provinciæ Societatem à se separarunt, & nomen ejus tanquam malum ejecerunt! Vix in ullam Regionem admissa fuit, quin de ejus inde ejectione rursus ageretur. Ejecta autem, & re ipsa infamiter proscripta fuit

ex Gallia, Venetijs, Bohemia, Hungaria, Livonia, Moravia, Belgio, Transylvania, Anglia, Scotia, Svecia, Grizonibus, Japonia, China, Æthiopia, Congo, &c. additis plerumque probrosi exilij decretis publicâ auctoritate firmatis, columnis & pyramidibus ad æternam infamiam; additione etiam domuum & rerum ipsius in direptionem, & propositis in vitam & caput Sociorum, veluti facinororum perduellium, præmijs.

De *malis*, quæ adversus Societatem *mentientes dixerunt*, & etiamnum dicere & scribere pergunt, infinitus sim si prosequi velim. Vulgati enim contra illam sunt omnis generis libri, Historici, Poëtici, Fabulosi, Mercuriales, Censorij, Forenses, Provocatorij, Satyrici, Philippici, Anatomici, Prophetici, & qui non? certè Bibliothecam bene grandem soli impleturi sint, quorum vel sola insyllabum redacta Auctorum nomina, typis nuper Rupellæ vulgata, justum volumen confârunt. His porro quàm exóticos prorsus titulos præfigunt! & ut lectorem ad evolvendum permoveant, doctrinam illis scitu privatis æquè ac Regibus pernecessariam tradi profitentur. ubi hic torquet, hic interpretatur, hic damnat Societatis JESU vitæ methodum & constitutiones: alius nec nomen quidem ipsum, & appellationem Societatis Jesu sustinendam putat: alius doctrinæ ipsius adumbrat arcanum, alius retegic: est qui physionomiæ illius describit notas, componit horoscopum, subtili anatome spiritum dissecat, scrutatur fibras & interiora vitalia: non deest qui latentia examinet studia, referat privata ejusdem colloquia, secreta spargat monita, arcanas evulget industrias & documenta: ille aphorismos illius enumerat, à primævo defluam spiritu repræsentat, peculiarem ejus agendi modum, artes aperit. Sunt qui flagitia illius enarrent, infantes videlicet sexcentos ut minimùm domi sacrilegio natos, & parricidio merfos in piscinis: deprehensas in Bibliothecis puerperarum partui destinatas sedes: congesta in Templorum cameras perduellionibus concitandis arma: nocturnos cum Dæmone tractatus, & exinde quatuor cornibus, ut olim Moyse ab affatu Divino,

vino, deformatos in singulis vultus: thesauros undiq; in sepulchra defossos. Ad hæc Provinciarum rebelliones, cædes Regum, Orbis deprædationes & ruinas: deq; Instituto, moribus, doctrina, consilijs & actionibus tam varia simul & contraria, ut nec de monstis plures olim fabulæ à Poëtis prodierint.

Quid de persecutionibus dicam? nullus locus, nulla Provincia, vix Civitas ulla, ubi non publicis aut privatis exercita fuerit, ac veluti aurum in fornace probata. Solas illas referet hic liber, quæ ad mortem usque & sanguinis effusionem pervenerunt: ex quibus patebit nullum esse elementum, nullum genus tormenti & pœnæ, cum quo non invictissimi Societatis JESU pugiles pro causa Dei decertârint. *Alij distenti sunt, alij ludibria & verbera experti, insuper & vincula & carceres, lapidati sunt, secti sunt, tentati sunt, in occisione gladij mortui sunt: circueîrunt in melotis, in pellibus caprinis, egentes, angustiiati, afflicti.* Hebr. II. Verbo, *transiêrunt per ignem & aquam.* Psal. 65.

Neque est quod de enumerandis persecutionum ejusmodi fructibus, & ex ijs secuta Societatis dilatactione atq; incrementis laborem. Res seipsâ in aperto est, quando totus Orbis terrarum (id quod moriens ingenti stupore & dolore querebatur Philippus Melanchton) Jesuitis impletur, neque ulla Regio, nulla Orbis habitabilis portio est, in quam non *exiverit sonus ejus, & quam non calcaverint pedes ejus, pedes speciosi, quia evangelizantis pacem, evangelizantis bona;* tam feliciter *Domino cooperante, & sermonem sequentibus signis confirmante,* ut illi; Pontifices Gentium conversionem; Imperatores, Reges, & Principes, Orthodoxæ Fidei in suis Ditionibus conservationem, & Acatolici omnes suas ruinas & damna potissimum adscribant. Nimirum quia pars nulla Orbis est, in qua non Socij JESU *euntes semina sui sanguinis miserint,* dignum erat, ut ex omnibus simul Orbis regionibus *venientes, cum exultatione portarent manipulos suos.* Quod ut tantò evidentius pateret, placuit in his mortibus Pugilum Christi recensendis, non annorum seriem & successionem, sed locorum diver-

fitatem sectari, & in quatuor partes, totidem Mundi portio-
nibus respondentes, librum partiri, ita ut primus referat o-
mnes in Dei causa per Europam, alter per Asiam, tertius per
Africam, quartus demum per Americam cruentâ morte sub-
latos.

Quibus nê terreamini, ô invicti talium Heroum in Socie-
tate Jesu posteri, sed contra tantò audentius ite. *Nè putetis
vos melioris esse conditionis*, verbis vos alloquor Pauli 4. Ponti-
ficis Max. quibus ad congregatos primi Conventûs Genera-
lis Patres vestros usus est, *quàm Legis utriusque Sanctos Dei Le-
gatos. Similiter vobis continget: multi enim non recipient vos,
neque doctrinam vestram; sed persequentur vos & interficient,
obsequium se prestare Deo arbitantes: non tantum à Fide alieni,
barbari, & qui in novis Insulis Christianum nomen hostiliter inse-
ctantur, sed etiam illi, qui communi nobiscum Christianorum no-
mine gloriantur.. Perturbatissimum enim sæculum hoc est, quo
Dominus vocavit istam Beatam Societatem. Mementote So-
cietatem hanc in Monte Martyrum, per vota ab Ignatio & So-
cijs primò nuncupata, natam, sanguine pro Christo toties fu-
so alitam & roboratam, non aliter quàm adversis & infecta-
tionibus (qui sensus erat IGNATI, XAVERII, & BORGIE) con-
stituturam, & in majus ac melius profecturam. Atque adeo*

omne gaudium existimate, cum in tentationes varias incideri-

tis: Jac.1. quia si exprobramini in nomine Christi,

beati eritis: quoniam quod est honoris, gloria,

& virtutis Dei, & qui est ejus spiritus,

super vos requiescit. 1. Pet. 4.





C. Sereta del:

Melchior Kuschel f.

SOCIETAS JESU EUROPÆA.




PRIMA & potissima totius Orbis, non quidem molis magnitudine, sed humanæ Politicæ prærogativâ, est Europa; tota aliquando Catholicæ Religionis, & Vicario Christi subiecta, nunc autem majore adhuc sui parte Christiana, licet passim Acatolica, præterquam ubi Mahometana lues pestilenti dogmate Græciam, & vicinas illi Provinciâs intoxicavit. In hac nata Societas Jesu, plurimum sibi laborandum existimavit, tunc potissimum à Domino suscitata, cum maximè *Ecclesia militans novo indigeret subsidio roborari*: quod sibi per Ignatium contra Lutherum, Calvinum, aliòsque Fidei Hostes in tempore à DEO submissum esse, grata semper agnovit Ecclesia, prædicavêre Romani Pontifices, *Deum, sicut alios alijs temporibus Sanctos viros, ita à Luthero, ejusdemque temporis Hæreticis, Ignatium, & institutam ab eo Societatem objecisse*. Brev. Rom. in festo S. Ignatij. In hos quàm feliciter depugnaverit, & depugnet etiamnum hodie, perpetui de attrita Hæresi reportati loquuntur triumphi. Hæresis etenim impunè ante conscriptam Ignatij Legionem grassata, secundis armis omnem, in quam irrupisset Regionem, totum pene Romanum Imperium, occupabat; donec auspicijs Ignatij profligata, & plurimis Urbibus, Territorijs, Regnis, & Provincijs exacta, victoriarum cursum sistere, & in sua castra se recipere coacta est, ubi vix terminis suis securè se continens, de adjungendis pluribus sibi Provincijs & Regnis desperare cogitur.

Nec minùs fortunato successu rem Catholicam tuita est, cujus in Ditionibus suis ab Hæresi semper intactis, incolumitatem, soli Societati JESU adscribebat Serenissimus Baviaræ Dux Maximilianus: in qua Canisij & Hoffæi conatibus conservati Cantones Helveto-Catholici, illud Ecclesiæ carmen grati illis accinuerunt: *Parus Canisius, & Paulus Hoffæus, ipsi nos docuerunt legem tuam Domine*. Quid de sacratissimæ memoriæ FERDINANDO II. dicam? In nulla Provincia, nulla Vrbe, securè habitaturam Fidem Romanam credebat, in quam Præsidium è Compagnia JESU non induxisset. Id quod in Vienna suæ Austriæ, Praga, Boëmiæ Metropoli expertus, quamcunq; Regionem, Provinciam, ac pene Urbem debellasset, eidem de Societatis Collegio prospiciebat; eo eventu, ut omnes hodie non Catholicas solum ex integro, sed & in Fide ac Pietate ferventes, Religiosis ac Cœ-

ac Cœnobitis ex Societatis scholis prodeuntibus refertissimas sese mirentur : eo A catholicarum adhuc Urbium timore, ut nihil æquè sollicitè procurent, quàm ne quâ arte vel fortunâ Societas intra earum septa irrepât, veluti certissimam Hæresi stragem & exitium illatura. Quos ex Collegijs Societatis in Universale Ecclesiæ bonum redundantes fructus, expertus Carolus Caraffa ad eundem Cæsarem Legatus Apostolicus, plurimum eorundem fundationes Deo gratulatus est in Comment. de Germania sacra restaurata, fol. 271. *Collegium, inquit, Znoymæ, Collegium Fglaviæ, utrumq; quasi firmamen & stabilimen Catholicæ Religionis erectum est. Habitat enim in illis Societas JESU; Magistra morum, hæresum vindex, vitiorum expultrix, præceptorix virtutis, Juventutis nutrix.*

Atque hæc sincera Societatis suæ studia coronaturus Dominus, maximorum illi triumphorum materiam, omnibus propè Europæ Regionibus exhibuit, in quibus proprio sanguine purpurati non solum de Hæresi & crudelitate Hæretica triumpharunt inter Heterodoxos, sed etiam vitia & impietatem insectantes, gloriosam Animam posuerunt pro Virtute & Pietate inter Catholicos. Videbis hîc ab Hæreticis laqueo, securi, igne, tormentis, undis, membrorum omnium dissectione, inauditis etiam apud Barbaros Carnificinæ modis, exturbatum pro Fidei defensione Socijs JESU spiritum, in Anglia, Scotia, Hybernia, Suecia, Germania, Transylvania, Gallia, Hungaria, Boëmia, Belgio, &c. Nec minùs miraberis à malis Catholicis veneno, ferro, fustibus, scloporum glandibus, ereptam iisdem pro Virtute propagata vitam, in Sicilia, Lusitania, &c. Quæ dum legis, ne in sola Heroum commendatione siste & admiratione, sed exemplo eorundem, *pro Iustitia agonizare, tanquam pro anima tua, & usque ad mortem certa pro Iustitia. Eccl. 4. 33.*







P. Emmanuel Fernandez Societatis IESU, natus in Afri-
ca Tungi, pro Christi honore interemptus, in Lusitania ad
Eboram. 18. Februarij A.^o 1555.

C. Secreti del.

Melch. Kiesel f.

P. EMMANUEL FERNANDEZ.

Macte animo Societas Jesu! latissimo omine primitias sanguinis in Europæ cultura profundis! Ecce enim in Emmanuel nobiscum Deus est, pro quo usque ad sanguinem non tam decertas tu, quàm ipse pugnat in te. Natus Perillustri sanguine Emmanuel Tingi in Africa, ab infantia Divinitati capax hospitium Animam suam præparabat; siquidem ab infantia crevit cum eo miseratio in pauperes tam singularis, ut Advocatum eorum apud parentes se constituens, stipem pro ijs eblandiretur. Pro debitoribus autem tantà potentia apud eosdem exorabat, ut nollet cibum capere, nisi sua prius

illi nomina redeperissent. Magni deinde Xaverij, & Simonis Rodericij virtutum exemplis captus, Societati Jesu adscribi Ulyssipone impetravit; in qua eandem illam persuadendi & perorandi vim, Apostolico Zelo ita feliciter conjunxit, ut pervicacissimos etiam peccatores percelleret. Eboræ in Societatis morem induxit, fontes comitari ad supplicium, & illis sanctè, & piè ex sua instructione defunctis, pro summis patibuli scalis ad confertum spectatorem verba facere. Primus itidem ex Societate ad excolendum agrum transaganum evocatus, corrogatà stipe visitare, pedes universam Regionem percurrere, sæpius per hebdomadam ad populum

manè pro concione, plerumque semper cum lacrymis, dicere, & quotidie sub vesperum catechesi rudes imbuere in more habuit, quo animarum fructu, exsequentibus conjice.

Beja Vrbs transagana, non civium, sed insensibiliorum, ob inveterata odia, hostium videri poterat habitatio. Quam suà dicendi vi ita permovit, ut vice unà plures quinquagenis ad portam Vrbis habuerit obvios, inimicitias invicem mutuo amplexu condonantes; omnibus exinde Incolis in amicitia fœdera, & non jam civiles, sed fraternos affectus reducitis. Audierat eundem Ulyssipone in Veneris mancipia detonantem Africanus quispiam, novennio jam à legitima Conjuge & prolibus, per alienos amores evagatus, qui salubrioribus flammis inde incensus, è vestigio conjugalistori fidem & voto firmavit, & transmissio mari ad conjugem reversus, Patris & mariti munus re ipsa implevit. Idem Helvijs, nobili Lusitanie Vrbe, in evanidarum rerum sectatores invehens, ita Matronæ ejusdæm Ornatum muliebre supra honestum decorem sectantis, animum permovit, ut sub ipsa concione mundum sibi diripiens, oculus omnium stupore, maritum autem, ornatu illi uxori suadentem, irâ & indignatione compleverit. Sed semel peroraturum proximè audire Emmanuelem satis fuit, ut eidem placatus, & sibi ipsi, omnique superfluo mundo insensus fieret, toti deinceps Vrbi modestiæ singularis cum uxore factus Exemplar. Deniq; tam feliciter Civium mores in melius emendavit, ut Ludovicus Granatenfis, præcipuum Familiæ Prædicatorum sydus ediceret, Helvios ab illo vix primo accessu ita mitigatos, ut inveteratam ferociam dedociti, toti in alios à seipsis abirent; quos tamen ipse nullis concionibus flectere potuisset. Nec minùs Bartholomæus de Martyribus, ex eadem Familia ad Bracharenfis Ecclesiæ infulas evehctus, Apostolicum in eo spiritum suspexit; quin adeo universam ex una ejus persona Societatem metiens, Collegium illi amplissimum Bracharæ fundavit, & extruxit.

Atque hic ipse dicendi ardor gloriosæ illi pro DEO necis oppetendæ copiam paravit. Post totius Vrbis, apud Helvios, conversionem, unum remanebat genere & fortunis clarissimum par, obstinatè in publica stupri consuetudine, cum omnium offensio-

ne, persistens. Hoc scandalum ut tolleret, totâ, quâ pollebat vehementiâ Spiritûs, in Veneris mancipia, tacitis interim reorum nominibus, tam acriter è suggestu invehctus est, ut turpitudinum complex fœmina, sceleris sui immanitate, pœnarumque ei debitum comminatione pavescita, à nefario consortio se divelleret. Cujus emendatione in rabiem scilicet actus inveteratus Leno, Patrem de medio tollere omnino constituit. Igitur redeuntem Eboram, manipulis inter Helvios collectis lætum & exultantem, sceleratus cum sicarijs aliquot vultu velato adoritur, qui causâ necis apertè exprobratâ, terræ allisum, pedibusque proculcatum, fustibus, & sacculis arenâ fartis, ad mortem usque contundunt. Itâ confectum, & jam animæ trahendæ imparem rati, terga vertunt; quos ille blandissimè revocans, *ne fugite*, inquebat, *filioli eum qui vos amat, & vestro scelere gravius, quàm suo dolore afficitur. Redite amabè ad me, paratum pro vobis ad mortem, si visum Deo fuerit, oppetendam. Nullus est qui facinus vestrum evulget, nullus qui cadis facta insinulet. Si cum Deo, uti par est, in gratiam redire cupitis, eu præsto sum, qui vobis ab admissa injuria, & contracta hinc excommunicatione, absolutionem pro potestate mihi concessa, impertiar.* Quâ charitatis plenâ oratione emollitus liciorum unus, & facinus suum execratus, ad moribundi sese Patris pedes abiecit, & institutâ cum lacrymis confessione, ab eodem Sacramentalem veniam est consecutus; factus exinde illi Eboram, quibus posset viribus pergere connitenti, auxiliaris viæ comes; cujus lapsa bundum gradum fulciens, ad Eborense Collegium spirantem adhuc perduxit. Pauculis, quibus supervixit, diebus, à Cardinale Archi-Episcopo Infante Regio, postmodum Lusitanie Rege visitatus, neque ullam querimoniam vocem emisit, neque induci ad ullum sui percussoris vel levissimâ suspitione faciendum indicium potuit; neque rei patratae series priùs, quàm ab ipso illius Auctore narrata, innotuit. Egit inter sacra JESU & Mariæ nomina pretiosam

animam Eboræ. 18. Febr.

Anno 1555.





Petrus Venustus Helvetus, Soc. I.E.S.V. pro Christi honore inter-
fectus Bibonæ in Sicilia A. 1562. 10 Octob.

C. Sireta d.

M. Kiesel f.

P. PETRUS VENUSTUS.

Vallis Tellina, à rubore de-
licatissimi vini celebri Italiae
ora, Palmitem hunc produxit,
qui ut fructus gigneret uberri-
mos, ab ipso S. Jenatio in vineam Domini
insertus, excultusque, ita viti suae Christo
firmiter inhaesit, ut nè morte quidem separa-
ri ab illo potuerit. Princeps inter virtutum
ejus fructus erat Humilitas, semper in sui
contemptum intenta, quæ & pueros infimæ
classis maximo studio excoluit, & victis in
carcere, ægris in publico valetudinario, pri-
vatisque domibus inopiâ pressis, omni deni-
que calamitosorum generi, præsto semper
adfuit, etiam tunc, cum Bibonense Collegi-


um in Sicilia per annos ferè octo Rector gu-
bernavit. Cùmque Urbis illius Duces
Petrus de Luna, & Isabella Vega eum sibi
ad sacras Confessiones delegissent, ipse ta-
men infima semper ambiens, Cateche-
sim rudibus explicabat, & ex opulenti sti-
pem per domos colligens, miseria inopum
ostiatim levabat, ob æs alienum victos per-
solutis nominibus liberabat, moribundis &
ægris aderat, millèque alias necessitatibus
miserorum occurrendi vias, indefessâ Cha-
ritate inveniebat. Singularis ejusdem fer-
vor, & zelus enituit in reduendis ad primi-
genium spiritum Virginum Canobijs, quæ
à pristina vitæ severitate collapsa, ita feliciter

restituerebat, ut cum Monasterij Virginum Rollionensis desperatâ emendatione, Siciliae Pro-Rex, & Archiepiscopus, Panormi de integro novum formari iussissent, illi instituendo primus delectus Pater Venuſtus, tantâ efficaciâ & vigore rem adminiſtravit, ut egregijs illis initijs excellens deinde ſanctitatis ejus fama emanârit. Itaq; inter præclara ſanctitatis opera Martyrio matureſcens, ut ad certamen mortis exemplo Dominico, & Sancti Laurentij ſeſe præmuniret, ſolebat ſeriâ quintâ Majoris Hebdomadæ, inter alia pietatis munera, ſubditis ſibi ſocijs pedes abluere, ad quos etiam pridie, quàm glorioſam mortem oppeteret, veluti divinitus illius præſagus, exhortatorum ſermonem inſtituens, illa Domini verba pro themate aſſumpſit: *Ecce ego mitto vos, ſicut oves in medio luporum.*

Et revera lupum expertus in ſe crudeliſſimum eſt Rogerium quendam Valentium, licet ſub ovina pelle, Clerici veſte, Sacerdotem, quem, cum ad commendationem Patris Dux Bibonenſis inter familiares accepiſſet, ut ſibi eſſet à ſacris, haud multò poſt vitij ejus, alæ præſertim intemperantiâ offenſus, domo ejecit. Ejedum & inopem miſeratus Pater Venuſtus, cum præſertim omnia alia in futurum, & dignam Sacerdotio vitam ſponderet, iterum Duci commendat, & hic iterum promptiſſimus recipit: brevi tamen ad ingenium & aliam, quod plerumque fieri amat in vitij ſolâ neceſſitate, & humanarum rerum reſpectu, non autem ex timore DEI relictis, rediturum. Denuo igitur expulſum Ducis familiâ, Pater Venuſtus tamen curare non deſijt, hortando, monendo, obſecrando, ut vitia, quæ non Deo ſolùm, ſed hominibus etiam exoſum ipſum cum irreparabili damno facerent, tandem eiſiceret, atque ad frugem, & digno Sacerdote mores ſeſe reciperet. At is monitoſem, ſalubria, moleſta tamen ingerentem, ad mortem deſtinat, in ſolam ejus captandam opportunitatem intentus.

Quam ut & præcipiti conſilio quantocius illi maturaret, fecit Ducis ſententia, qui illum nihilo meliorem calamitate factum, in vincula per Episcopum dari petierat, ut vel poenâ correctus ſaperet, vel certè multitudinis è conſpectu ſublatus, deſineret publicè offentioni eſſe. Quod ſubodoratus miſer, auctorem illius conſilij Patrem Rectorem dum ſibi perſuadet, nihil ultra explorans, ut maleficiũ ſcilicet præveniat, illum de vinea Collegij poſtridie S. Lucæ, quarto Cal. Novembris Bibonem reverentem, ad locum, qui vocatur pons magnus, cum ferro expectat. Redibat is lento gradu, quia orationi intentus, humili jumento veſtus, locumque præteriens, ſicarium ſuum blandè etiam ſalutaverat: qui turbidum neſcio quid, ut ipſe poſtmodum fatebatur, reponens, à tergo Patrem invadit, tribuſq; altè vulneribus ad cerebrum uſque fiſſo capite, præcipitem dat in terram. Qui in ſanguine proprio aliquamdiu volutatus, inter ſacra JESU & MARIE invocata nomina, à viatoribus Bibonenſibus paulò poſt repertus eſt, caſu tam horrendo attonitis, & num ſacrioris auctorem in ſe patrati noſceret, percontantibus. Noſſe equidem illum perbel. lè fatebatur, adduci tamen ut proderet nullatenus potuit, ſolum hoc ſubnectens: *ſinite illum, DEUS ei ignoſcat.* Iterumque atq; iterum JESUM ſuaviſſimè appellaus, expiravit, publico totius Vrbiſ lucu elatus, quæ ſacrilegum Parricidam continuo vulgatum execrata, necnon P. Petri Martyrio S. Joannis, ob increpitum ſcelus Herodiadis, & S. Petri è Dominicanâ Familiâ, ob impugnata hæreſim interfecti æquabat: Laureolâ etiam, & palmâ manibus illius in effigie appictâ, licet hoc tandem Patrum conatu, & ſtudio impeditum ſit. Paſſus eſt Bibone 19. Octob.

Anno 1564. ætatis 47. inita
Societatis 18.





P. Martinus Gutierrez Hispanus S. I. squallore carceris & verberibus
ab Hæreticis pro Dei honore enectus Cardeliaci in Gallia A. 1573.
21. Febr.
CS. d.

M. J.

P. MARTINUS GUTIERREZ.

Pater Martinus Gutierrez, ob insignem vitæ sanctimoniam, & prudentiam, inter primarios Societatis Viros meritò computandus, in lucem hanc editus est Almodovari in Hispania A. 1524. Confecto Philosophiæ, & Medicinæ cursu, cum ejusdem Artis exercitamenta jam faceret, repente stimulis conscientie incitatus, Spiritualibus S. Patris Ignatii Exercitijs, ductore Francisco Villanova excoli voluit, quibus non obscure ad animarum potius curam vocari se sentiens, tanto ardore Societatem amplexus est, ut obsonatorem agere jussus, prodiret quotidie in forum Complutense, totâ spe-

ctante Academia, vili ac lacerâ indutus togâ, anuonam socijs coempturus. Inde scientijs Theologicis animum Sacerdotio parare jussus, eâ ingenij doctrinæque opinione in ijs versatus est, ut æqualibus suis publicè disputaturis, ipse etiam tum condiscipulus Salmanticæ præficeret, doctissimis quibusque, etiam Professoribus contrâ argumentibus. Ad principes subinde Hispaniæ Cathedras, Cordubam, Hispalim transmissus, admirabili prorsus, & inusitatâ dicendi efficacîâ cum omnia misceret, & divinis incendijs inflammaret, primùm Placentino, tum Vallisoletano, ac Salmanticensi Collegio, ac tandè Professorum Domui præfectus est. Singularis
in eo

in eo, planèq; filialis in Societatem vige-
bat affectus, sic, ut centenis plures viros, doctri-
nâ & virtute illustres ad eam adduxerit, tan-
tâ efficacîâ solitus D E O pro illis supplicare,
ut quotquot postulasset, unum si demas, om-
nes ad Societatem non multò post accesserint.

Principio sui Regiminis mirè angebat
tur defectibus quibusdam suorum, quorum
dum vita agitur, vix etiam eximiè perfecti
exortes esse possunt. Dùmq; anxie super hoc
queritur aliquando apud Deiparam, sub
examinis vespertini tempus; immodicam
illa famulo suo curam absterfura, bilancem ei
visendam exhibuit, quæ parte unâ sustinebat
corculum mirè angustum, & rugis contra-
ctum, cui penitus absorbendo duæ cruoris
stillæ sat erant: alterâ item cor vastum &
amplum, fluminis etiam glutienti capax,
quod docebat esse D E I, tot sceleribus Mor-
taliū non obruendum; imitandum proinde
illi, in præstolando patienter lapsorum ad frugem
reditu: simulq; patefecit, omnes id
temporis illi subiectos socios, æternæ felicitati
destinatos esse. Ex quo tempore in alium
penitus virum evasit, plurimum jam suo-
rum fidei permittens, quos ad arduas & he-
roicas virtutes ita incitabat, ut exemplo
semper ipse præiret. Eosdem charitate pa-
ternâ complectens, ut necessitatibus averten-
dis opportunè obviaret, etiam prædigijs è
Cælo juvabatur, quibus & tentationes eo-
rum periculosas pervidebat, & intima eo-
rum sensa prior ipse ultro aperiebat. Sæpè
unum è Fratribus toto corpore morbis obse-
sum, unico de more Societatis complexu, ab
omnibus simul repente absolvit. Et alium
tetricâ futurorum, quæ circa se annis in-
sequentibus eventura ominabatur, cogitatio-
ne turbatum, inopinâ hæc secreta conscia demul-
sit allocutione: *Ne te fatigaveris frater,
id per hos quinquaginta annos tecum fiet, quod
DEO visum fuerit.*

Nec remissus fuit in extraneis juven-
dis studium. Ut enim consulere calamitatis,
quos inopia & patrocinijs destituitio ad ex-
trema deducebat, Cæum instituit piorum
hominum, cui cum Assessoribus ipse Senatūs
Regij Præses, totâ Nobilitate præclarum ex-
emplum sequente, nomen dedit: ex quo-
rum numero alij ægros solari, alij egentibus
præbere vitæ subsidia, alij in custodijs quoti-
die versari, alij causas miserorum pro Tri-
bunalibus, quantâ possent maturitate expe-
dire, alij moribundis extrema Sacramenta
procurare, hebdomadatim per ordinem ad-

stringebantur. Inter quos nihilominus ali-
enæ procurandæ salutis conatus, tam collectio
semper in DEum versabatur animo, ut per-
petuus in DEum extases pati videretur; sic,
ut media etiam inter colloquia spectandum
se illi præberet Dominus, eo habitu & formâ,
quâ ad Calvariam per compita Hierosolymæ
raptabatur. Vnde necessariò accidebat, ut
perpetuâ oris, modò in pallorem, modò in
ruborem mutatione, attonito similis, vultu
exhorrescente, improvviso exhiberet motus,
sæpe per vim spiritūs afflictus in terram; ple-
rumque tantis internè pressus angustijs, ut
ad laxandos pectoris sinus, clamores ederet
mugitibus persimiles.

Inter hos tamen omnes pietatis affe-
ctus, prima fuit incredibilis quadam in Dei
Matrem propensio, duplici per hebdoma-
dam Feriæ quartæ & Sabbati Jejunio, jam
inde à puero firmata; cujus amore eos etiam
Cælitum impensius coluit, qui intemera-
tæ Virgini, sive sanguine, sive veneratione
propinquiore fuissent. Vicissim autem Deipara,
sublato omni, quo pertinaciter ab oran-
do impediabatur, capitis dolore, admiran-
dum illi orationis donum contulit. Familia-
rissimè interim prorsus ac otiose contem-
plandam se illi, in Divina quadâ forma iden-
tidè exhibens. Obtinuerat idem apud Fran-
ciscum Suarium, cui etiamnum juveni in
Theologicis subtilitatibus dexteritatè vati-
cinatus fuerat, ut speciali tractatu evinceret,
plus uni Mariæ virtutū & gratiæ cælestis col-
latū, quàm Cælitibus & Angelis simul omni-
bus. Quod pium ejus studium Virgo ratum
habens, grates ei spectabilis facta reposuit,
quod ipso auctore tam luculentè Suarius su-
am gloriam amplificasset. Aliàs eximiâ spe-
cie, pallio in magnam latitudinem expanso,
eidem se obtulit, sub quo Societatem J E S U
universam colligens, materno affectu com-
plecti & confovere videbatur. His alijsque
id genus virtutum operibus intentum, non
omisit dæmon diversis machinis oppug-
nare, sæpe in Angelum lucis se transfor-
mans, imò & DEI-pare specie assumptâ, in
fraudem illum inducere conatus. Illud pal-
mare fuit, quod illius instinctu Muliercula,
sacrilegi flagitij à Patre communita, in caput
ejus procudit. Hæc enim Placentiæ Episco-
pum, infamis fabulæ nacta credulum, quia
Societati privatim infensum, quidquid im-
puritatis comminisci potuit, in puritatem
Patris nefariè intorsit. Sed fraudem omnem
DEI para momento discussit, his etiam ver-
bis innocentiam Clientis ad se recurrentis
solata:

solata: quid tu ita sollicitus mares? itane ignoras, nunquam me, mentisque filium, hoc noxae gerere, cuius insimularis, à te esse offensum?

Atq; hæc scilicet erant, quibus ad pretiosam pro Christo mortem oppetendam durabatur, ejus hæc fuit series & occasio. Electus è sua Provincia jam secundo, post defunctum Borgiam, ad electionem novi Generalis, Romam cum jure Electoris proficiscebatur, cum interceptus in Gallia ab Hæreticis, & de nece ipsi sociisque duobus inferenda deliberantibus, plagis interim, & contumelijs Cordeliaci, duròque carcere affectus, perfrigida tempestate, inclementer detentus est. Unde ingenti laterum dolore contracto, quintum intra diem in ipsa captivitate extinctus est, omnibus morbi lenimentis & solatijs destitutus; prout olim à Diva Matre impetraverat, ut ad Filij sui similitudinem extra omne humanum subsidium mortem obiret. Ecce autem, dum de Catholicè tumulando ejus corpore, in medio Nationis prævæ, duo socij frustra deliberant, adest repente Matrona augusta & verecunda specie, & num quis eorum decessisset, ejus corpus humandum foret, prior interrogat? Quibus annuentibus, prolatà, quam

attulerat syndone, suis ipsa manibus cadaver decentissimè involvit, & benedictione ijs impertit, videri subito desijt. Ut nihil dubitarent Patres, Beatissimam Virginem, quæ ante octiduum, de inferenda odio fidei morte, vix unà ante captivitatem horà, Martinum præmonuerat; aut aliam ab ipsa submissam Cæli Matronam, ad pietatis istud corpori exangui exhibendum munus, descendisse. Cæterum eadem gloriosa mors longè absenti S. Terefiæ, Filiæ illius jam olim spiritali, divinitus revelata fuit in Hispania, quæ datis ad Patrem Ægydium Hispaniæ Assistentem Romam literis testata est. sibi Patrem Martinum ostensum esse à Domino in cælesti gloria conspicuum, & Martyrij laureà decoratum. In qua eadem Martyrij laureà alteri Sanctimoniali, prophetiæ spiritu & revelationibus conspicuæ, ipsa necis die & horà revelata fuit Victoriæ, extremà Hispaniæ in Cantabria Vrbe: uti & Patri Joanni Fernandio, sibi dum viveret, peculiari familiaritæ conjuncto. Sublatus est P. Martinus Cardeliaci 21. Februarij

Anno 1573. Vitæ 49. initæ

Societatis 23.

P. EDMUNDUS DONATUS.

Nihil tam validum, nihil tam sanctum est, quod non effrenis passio, & indomiti animi affectus in præceps ruere semel permittit, pessumdet & evertat. Quid Angliæ Regno quondam sanctius? quid innocentius? tam prodigiosum fuit decem illic sæculis reperiri Regem unum non sanctum, quam in multis modò Regnis videre unum est verè sanctum. Duobus tantummodo sæculis ad 30. fuere Reges & Reginæ, qui abjecto Regno, in solitudines evasere: Reges 15. Monachos professi, Reginæ 11. Moniales. 12. illustri Martyrio donati, & 10. alij ob virtutum heroicarum insignia Sanctorum Confessorum Album promeriti; reliquorum ex omni Nobilitate, gradu, statu, & conditione, Sanctorum infinitus propè numerus. Totum Regnum virtuti & sanctitati ità deditum, ut vix oppidulum fuerit invenire, quin thesaurum frueretur tutelaribus sancti, aut illinc oriundi, aut apud se consulti. Sed hoc Regnum tantis nobile glorijs, & cælum quoddam interris Angelorum ferax, insanus Hentici o-

stavi in Bolgnam amor evertit, cui quod per Romanum Pontificem non liceret, abjecta legitima Conjuge Catharinà, ex qua etiam prolem jam heredem susceperat, esse adultero, rejecto Sedis Apostolicæ Primatu, Schismate nefario Angliam ab Ecclesiâ avulsit, & se Caput Anglicanæ constituens Ecclesiæ, duodecim uxores intra sex annos, partim successivè, partim simul habuit, ex quibus triplicem procretatam sobolem, Mariam, Eduardum, & Elisabetham, nulla tamen proles nepotum, excepit, omnibus his sine hærede mortuis. Justo Dei iudicio disponente, ut damnati Regis extincta stirpe, Regnū Angliæ in Scotiam caderet. Sic impulsus in ruinam nobilissimum Regnum, sub filio cujus Eduardo novenni puero, in apertam hæresim prolapsus est; sub Elisabetha deinde ejusdem ex Bolena filiâ, spurcissimis sectis ità corruptum, ut in una subinde domo, quot capita, tot diversis sectis adherentium essent sententiæ; solâ religione Catholicâ undiq; exesse, sub interminatione gravissimarum penarum & suppliciorum, jussit. Quæ cum non



P. Edmundus Donatus Hibernus S.I. pro Religione Catholica
Corcagiu in Hibernia suspensus. et sectus. A. 1580.

M. J. F.

minis duntaxat, sed reipsâ in Catholicos omnes, Religiosos præsertim & Sacerdotes exerceret, visum fuit omnium fidelium supremo Christi in terris Vicario Gregorio XIII. periclitantibus inter tot discrimina Fidelibus in subsidium, etiam viros de Societate in Angliam & Hiberniam destinare, qui Missionem sanè arduam & periculosam maximis animis non tantum tunc subierunt, sed per omne deinceps tempus, in hodiernum usque diem continuârunt, licet atrocissimis mortibus, exquisitissimis tormentis, & nec apud Barbaros consuetis suppliciorum generibus torquerentur, necarentur, lacerarentur.

Primi qui tam ancipiti, & quotidianæ mortis feraci negotio, caput ex Societate objecerunt, fuere P. Robertus Perfonius, & P.

Edmundus Campianus, mense Junio Anni 1580. in Angliam Româ appulsi. Quo eodem tempore Hiberniâ, pari calamitate, maleficio ejusdem Reginæ involuta, prospecturus sanctissimus Pontifex, alia submisit illi ex eadem Societate auxilia, quorum P. Edmundus Donatus, à nonnullis Donallus dictus, gloriosum exitum in ipso ingressu adeptus est, & primus ex omnibus veritatem Catholicæ Religionis, sanguinis profusione in Hibernia asseruit. Is Limerici in Hibernia natus, ut vexatos dirè Catholicos erigeret ac solaretur, voluntate Pontificis in Patriam suam redijt: sed ab hostibus fidei, omnia sagacissimè observantibus, continuè deprehensus, ibidem Limerici in arcta custodia diu detentus fuit. Variè subinde tentata est ejus

constantia, opima omnia pollicentibus impietatis Ministris, si rejectâ fide Romanâ, perfidiae Reformatorum accederet. Adversus quæ immobilis cùm persisteret Dei Confessor, Corcagiam quadragenis passuum millibus distantem, ad ulteriorem Hæreticæ crudelitatis quæstionem pertractus est. Raptabatur toto illo itinere, manibus latronis instar revinctis, omnia illa à crudelissimis satellitibus expertus, quæ homicidis & facinorosis Patriæ proditoribus inferri solent. Donec in eorumdem communem carcerem Corcagiæ reclusus, varijs tormentis & cruciatibus excarnificatus est. Sed cùm infractâ in his etiam duraret constantiâ, perduellionis scilicet arcessitus publico damnatur iudicio; infamis supplicij à sanguinario Magistratu hîcæ publicatis causis, quæ invidentem Martyrij sortem ipsi non immeritò asseruisse videri possunt. Quod in Fidei Catholicæ confessione, sub perduellionis pœna ab Elisabetha ex Britannia proscriptæ, pertimax constaret: quod ad eandem concives

suos, quâ verbo, quâ exemplo traducturus, & firmaturus venisset: quod Regina, Capitiss Ecclesiæ Anglicanæ titulum impiè abrogaret. Quam nefariam, sibi tamen gloriosissimi triumphî decretoriam sententiam, magnâ alacritatis, & gaudij significatione excipiens, posteaquam humili capitis inclinatione iudicibus gratias egisset, tanquam reus Majestatis ad communem supplicij locum raptatus est. Hic inserto in laqueum collo, cùm aliquamdiu de furca pependisset, vivens adhuc & spirans resecto fune in solum præcipitatur, & ex discisso pectore evulsam cor, manu carnificis populo ostentatur, mox in igne unâ cum alijs intestinis concremandum. Reliquum Corpus in quatuor partes dissectum, totidem palis affixum est, ut diversis locis, donec diffueret, oculis omnium proflaret; fidelitatem scilicet in Reginam, & saniora ab eneclo consilia, spectaculo suo ingesturum. Passus est vir inclytæ memorie, Corcagiæ, sub annum

Domini 1580.

P. EDMUNDUS CAMPIANUS,

E T

P. ALEXANDER BRIANTUS.



Rtus est Edmundus Campianus splendidissimum Ecclesiæ Anglicanæ Sydus, Londini 25. Januar. anno eodem, quo Romæ natâ Societate JESU, Henricus Rex Familias Religiosas omnes Angliâ exegit. In Universitate Oxoniensi studijs omnibus cum Theologia ad finem perductis, in ore omnium & æstimatione itâ versabatur, ut nihil fuerit publici muneris & honorifici, quod magno assensu non gesserit; ad salutandam etiam Elisabetham, à qua in crucem postmodum ageretur, nomine Academiæ selectus. Et licet tum quidem in Fide Romana constantissimus, oblatos à Regina favores, & Pseudo-Ecclesiasticas dignitates, nè Religionem ijs irretiret, magnanimus repudiavit, subinde tamen Pseudo-Episcopi Gloucestrensis Richardi Chenæi familiaritate captus, eo perfidiâ inducens, ut etiam Diaconatu hæretico initiari se pateretur. Sed in ipso nefario consecrationis ritu, furij quibusdam & intemperij agi se sentiens, omnemque à mente quietem deinceps exulasse expertus, in Ecclesiæ gremium proximè se recepit;

ternis interim vicibus è manibus exploratorum, non sine prædij specie elapsus. Nunquam tamen, etiam post iteratam sceleris expiationem, perfectâ animi malaciâ potitum se dicere solitus, donec in Societate JESU, quam multis peregrinationibus per Hyberniam, Belgium, & Italiam exactis, Romæ obtenturum se divinitus edoctus fuit, emissis Religiosis votis, characterem bestiarum delevisset. Accessit ad hujus Tyrocinium Brunæ Moravorum, moribus itâ ab omni non solum impuritatis, sed etiam levitatis, & solutioris vitæ specie alienis, ut illibatam Virginitatis florem in eam intulerit, Angelicum deinceps eundem inter Cœlites secum illaturus, qui adhuc in sæculo, ob incredibilem omnis obscenitatis fugam & horrorem, Angelus passim in Hybernia vocabatur & habebatur.

Præcipua post Jesum erat Edmundo in ejus Matrem devotio, quam in effigie S. MARIE Majoris Tyrocinio illi nuper à S. Borgia transmissam, enixissimè venerabatur; meritis ab eadem sibi apparente, dum in horto domestico obambulare, de beata morte, profusione sanguinis pro fide Catholica oppeten-



P. Edmundus Campianus, et P. Alexander Brimatus Angli S.I. pro Fide suspensi et secti Londini in Anglia A. 1581. 1. Decembris.

C. S. J.

la præmoneri. Postmodum Viennæ & Prægæ toto sexennio, Latina, Græca, Rhetorica, Philosophica tradendo, concionando assidue, Convictum Nobilium, & Marianum Sodalium cœtum regendo, ea gessit solus, quæ multos poterant habere occupatissimos. Inde Antistiti Pragensi, & Rudolpho II. Imperatori, coram quo latine perorabat sapius, unice dilectus; Ferdinando autem Archiduci etiam ita æstimatus fuit, ut Romam illum ad Anglicam Missionem evocatum, eodem sæculum curru Pragâ Patavium versûs devehivolverit, quò ejus ignitis colloquijs interim frueretur. Ecce autem quo primùm die à Summo Pontifice demandata ipsi fuit Expeditio Anglicana, ingens totum illud Regnum, sed præcipuè Londinum, terræ mo-

tus concussit; luculento sanè præfagio illorum motuum, quibus ipsæ deinceps cum Socijs stabilitam in Anglia hæresim à fundamentis tremefecit. Romæ non amplius octiduo moratus, dum à Gregorio XIII. felici appreciatione cum P. Personio, in tam arduam Missionem inauguraretur, iter in Angliam, undecim alijs partim Sacerdotibus partim Laicis comitantibus, per Gallias suscepit. Sed prævolante adventûs eorum in Angliam famâ, cùm non tantum nomen Campiani & Personij, tantopere jam antè illic suspectum, perccebuisset, verùm etiam Regina jussu vultus utriusque ad vivum expressi, portis Urbium ad mare obversis affigi prostarent; visum est, ne uterque simul in hostium potestatem venirent, trajectum tenta-

ret alter, alter successum prioris, Audomari præstolaretur: consilium deinde ex ejus eventu, an manendum, an progrediendum foret, capturus.

Feliciter ergo sub habitu militaris Tribuni in portum Angliæ evadens Personius, continuè post se Campianum evocat; qui Mercatorem totus nomine, schemate, & professione mentitus, cum Emersono veluti famulo, ex eadem interim Societate Alumno Laico, ipso Præcursoris Domini natali die, quem totius hujus Expeditionis Præsidem jam antè electum quotidie implorabat, Du-
brim Portum Angliæ appellit. Ubi continuè in genua procumbens, decussatis ad pectus brachijs, dum se DE OVIDIAM confecerat, nihil propius fuit, quàm ut agnitus teneretur. Continuo enim (scribit ipse de se ad Amicum) *justi sumus Gubernatori nos sistere, qui primo aspectu non falso conjecit esse revera qui eramus, consilij dissimulatos nominibus fidei causâ aliquamdiu Patriâ extorres, nunc redi-
ces ad eam propagandam. Edicit ergo, nos esse sub militari presidio Londinum traducendos. Jamque ad portas palatij, quibus imponeremur, equi stabant; cum, haud scio, quo motu, in vestigio mutatus est: nisi mei Patroni Joannis Baptistæ, quem interim evicere petebam, unum mihi saltem annum impetraret, quem in Religionis obsequium liber insumerem. Quod obtinuit ita cumulatè, ut ab eo die usque ad comprehensionem, intervenerint duntaxat unus & viginti dies supra integrum annum. Repente ergo ex oculis Gubernatoris evanescens, Londinum provolat, ubi continuè ardentissimas Conciones, quantumlibet secretò, ad Catholicos Nobiles instituens, tam numero-
so eorum concursu, fervidè magis & piè, quàm fortè prudenter & cautè frequentari cœpit, ut cum nullâ videretur jam posse solertia ab Exploratorum indagine servari, Londino subducere se in alias partes Regni fuerit coactus. Et licet novo edicto easdem perduellionis pœnas in receptatores Patrum Regina extendisset, ingenti tamen animo ubique à Catholicis, omnium suppliciorum contemptu, excipiebatur. Quorum immo-
dicis, ex ejus in domos suas ingressu lætitijs, cum potissimum discrimen illi crearetur; ut avaram sacrilegorum creditorum vastitatem eluderet, varias adhibebat artes. Ego, scribit ipse de se, *eodem nunquam habitu incedo, ejusdem coloris & moris; nominum verò suppellex mihi est copiosissima. Quibus conatibus cum non fideles duntaxat aut dubios in gradu retineret, sed lapsos etiam magni nominis toto**

Regno, tam ipse, quàm Personius Ecclesiæ restitueret, celeriter eorum famâ Londinam pervadente percussa Regina, in omnem artem, diligentiam, severitatem, & versutias effusa, novum Inquisitorum Tribunal condidit, Conservatorum pacis nomine; quibus nihil præterea muneris incumberet, quàm in Catholicos & Sacerdotes inquirere, capere, plectere cruciatibus, morte mulctare. Atq; hinc illico ebullijt ubiq; delegatorum, lictorum, exploratorum exercitus, in quibus sceleratissimi desertores, pars omnium pessima, quæ catus omnes sacros fecit Catholicis periculosos, famulos Domini suspectos, ergastula Regni omnia fidelissimis hominibus cujusvis sexûs, ætatis, statûs, bonis omnibus exutis implevit, ut novis ædificijs veteres custodiæ, quòd essent impares multitudini Orthodoxorum, augeri passim deberint.

In hac persecutionis rabie, tantò intendendum amplius ad confortandos in gradu Catholicos ratus Campianus, ter quotidie pro Concione diversis cœtibus & locis dicebat, Sacramentis, alloquijs, rationibus firmabat, solabatur; ut præter duas plerumq; somni horas, vix spatium persolvendis sacerdotalibus precibus reperiret. Sub hæc vulgata in publicum Epistolâ, & Magistratui Londinensi inscriptâ, Catholicorum innocentiam tueri, & ad publicam de rebus fidei controversis disceptionem provocare Puritanos, animum induxit. Sed cum præter criminationes & convitia à vanissimis buccinatoribus, & æquitati causæ diffisâ Regina, nihil responsi acciperet, Librum denuò conscripsit prorsus aureum, è decem efficacissimis rationibus pro Catholicæ Religionis veritate confectum, quem inter summa Exploratorum, in ipsam domum, ubi sub typo versabatur, irrumpentium pericula, copiosis, exemplaribus impressum, per Oxoniensem primum Academiam, ac sensim per totum Regnum, magnâ in diversis animorum mutatione, dispersit; quo maxime id apud Regios Ministros effecit, ut inquirentibus in caput ejus constitutis præmijs, omnium investigatorum intentissimâ sagacitate, unus pene toto conquireretur Regno, dum deniq; nefarij Apostatæ, decem aliorum Sacerdotum in manus hæreticas traditoris, perfidia, in casses eorum, hæc ratione, incidit.

Demandaverat illi Personius, ut ad evadendas tot scelestissimorum proditorum in illum intentas casses, in Peninsulam Norfolciam, à mediterraneis semotam, longius secederet; cui pariturus Edmundus, in Lanca-

striam prius recurrere, ad suppellectilem Altaris parandam, postulaverat, & simul ex itinere divertere Lyfordium, ad folandas illic octo DEO sacras Virgines, illo veluti carceris ab Elisabetha inclusas, cum vidua Matre Lyfordij Dynastæ, causâ fidei ab eadem Regina ergastulo mancipati. Huc veniens Campianus, auditis omnium Confessionibus, & sacro Epulo, divinisq; monitis refectis, dum continuò equis consensu, cum Emersono discessum parat (nam 24. duntaxat horarum spatium illic morari Personius, quasi futurorum præcius, indulserat) ecce tibi complures adsunt à vicina undique Nobilitate Catholica deprecatores, ijs ut etiam confitentibus aures, & necessaria solatia impertiret. Sed cum Obedientiâ Religiosâ restrictus resisteret constantius, Emersonum aggrediuntur Edmundi famulum (huic enim tum ad humilitatis exercitium, tum ne Edmundus comi & obsequioso genio faciliè precibus amicorum assentiri solitus, moram longiorem admitteret, plenam in eum cum imperio concesserat potestatem) qui rationibus instantium expugnatus, tridui moram Lyfordij Edmundo concedit, dum ipse interim pro illo Lancastriam procurrens, sarcinulas inde referret. Ibi die postera, dum sacris operaturus se parat Campianus, adest Eliottus quidam, homo recentè à fide Apostata; & quia Catholicum exuissè nesciebat, innocentem ut divinis istâ interfuit, quod magnopere expetebat, admittitur. Erat furcifer ille ob immania scelera publicè Londini infamis; & quia ob intentatum sibi, negatum tamen à se adulterij crimen, equuleo torquendus erat, ut poenam scelere majore redimeret, captivum paucos inera dies cum pluribus Sacerdotibus Campianum, in Arce Londini traditurum se adpromittit. Hic ille postquam fictâ devotione Missæ sacrificium, & pene cum lachrymis dictionem perorantis Campiani audisset, mox præcipiti discessu vicinum oppidum petit, & centum expeditos equites, exhibitis Reginae Chyrophagis munitis literis, ad iniiciendas Campiano manus, pro potestate petit. Cum his peremptoriè, minimè tamen improvisus (jam enim Campianum cum duobus domesticis Sacerdotibus loci Domina in paratas pridem huic usui latebras abdiderat) adveniens, frustra quidem toto illo die latentem perquisivit; altero tamen, intra perfosum parietis cuiusdam cavum deprehensum extraxit, & cum socijs captivum, in comitatu ducentorum equitum, Londinum perduxit. Du-

cebatur illuc equo impositus, revinctis post tergum manibus, pedibusque sub equi ventrem ligatis, & quâ infinitæ concurrenti multitudini notus fieret, pileo inscriptâ epigraphæ: *Edmundus Campianus Jesuita seditiosus.*

Inclusus in turrim, & subterraneo carcere sepultus est tam cæco, ut auræ lucisque nil admitteret; tam arcto depressoque, ut erigere se in pedes, aut porrectus jacere non posset; donec post quadrivium ad Palatium Dudlei evocatus, à Magistratibus, ipsaque Regina quæstionibus varijs exagitaretur, offerente illi Regina vitam, libertatem, honores, divitias, Cantuariæ Episcopatum, si primatum Papæ illi tribuere in animum induceret. Sed omnia fortiter aspernatus, ad tormenta demum ferio rapitur, bis immaniter equuleo tortus, animo ita sereno & pacato, ut præter JESUM & MARIAM, præque cum Divis colloquia, nulla vox ei excideret. Est autem hæc Equulei carnificina. Trabes quatuor in quadrum compaginatæ, humi extenduntur. Extremis quadrati duobus, quâ caput & pedes rei protenduntur, insertum est hinc inde ferreis anulis versatile lignum, complurium funium spiris, & voluminibus implexum, quale attrahendis ponderibus, aut titulis in fonte, adhibetur. In vacuo harum quatuor trabium distentus reus, ligandas manus ad lignum superius, & pedes ad alterum inferius porrigit. Ligan- tur corpus attractis funibus seu fiduculis, è pollicibus aut digitis à terra suspendunt, & omnes in eo laxant ossium commissuras, cum immenso dolore, ex continua nervorum convulsione, viscerumque interdum laceratione. Quo fit, ut nonnunquam plus palmo supra nativam ex violentissima attractione, ut Campiano factum est, excrescat corpus staturam. Sic excruciato bis Edmundo, conditionibus iniquissimis Regij, de fide sepep- tationem publicam, tanquam ab eo prius antè provocati, offerunt; in qua sapius iterata, magno semper illorum rubore & confutatione, palmam ipse unus de plurimis referens, tertio, ac mox quarto, ad equulei torturam ita immanem traducitur, ut se in ea moriturum omnino crederet. Ab hac ergo manibus alienis ad ergastulum suum reportatus, & alijs

& alijs subinde novis cruciatibus, ut unguum omnium à digitis evulsione, dirissimè excaernificatus, tandem ad Tribunal Judicum, feralem accepturus sententiam, educitur in Aulam Vestmonasteriensē. Ibi à duodecim viris reus læsæ Majestatis iniquissimè pronuntiatus, quod Catholicam Religionem promulgando, seditiones in Regnam movisset, perduellium morte à supremo Judice condemnatus est; nimirum, ut in crate viminea ad furcas raptaretur, inde inserta in laqueum gulæ suspensus, reciso mox laqueo è patibulo deijceretur, ubi amputatis quæ ventri subjacent, spiranti adhuc aperto ventre cor & intestina educerentur, atque igni cremarentur. Corpus in quatuor partes dissectum, destinatis compitis ad palos affigetur, caput autem hæc præfixum, ad Urbis portam, quæ patet ad alluentem Tamesim, statueretur. Quam sententiam, ipso festo S. Edmundi Martyris & Regis Angliæ, in se pronuntiata, gratissimo animo excipiens Campianus, *Te Deum laudamus* altâ voce concinuit; cùm interim Judici eam ferenti, chirotheca sanguine manaret, digito & annulo ita cruentato, ut nullâ diligentia satis posset abstergi, aut sanguis, ne de chirotheca, totâ illâ actione durante manaret, sili. Itaq; feriâ 6. quæ erat 1. Dec. in crate viminea, ab equo per Urbis plateas, aliquot passuum millia ad Tiburnum (hoc nomen est fontibus plectendis loco) raptatus, ibique ex carro, cui suspendendus institerat, multis populum ad Catholicam Religionem exhortatus, ab ijs Apostoli verbis incepit: *spectaculum facti sumus Mundo, Angelis, & hominibus.* Tum subducto carro aliquamdiu pendulus, mox quadratim dissectus est; quod idem duobus ejus mortis socijs sacerdotibus, Alexandro Brianto Soc. JEsu, & Rudolpho Scerwino Clerico sæculari factum fuit.

Atque hic fuit pretiosus cœlestis Viri exitus, Anno reparatæ salutis 1581. 1. Decembr. in ea ipsa, ubi natus olim fuerat, Urbe Londino, ipsorum hæreticorum sententiâ Ecclesiæ magis proficiuus, quàm si centum annos victurus fuisset; quo vacillantes firmati, quatuor millia lapsi, Fidei sunt redditi; inter quos obstinatissimus Calvinî affecta, in carcere Campiani Custos. Reliquæ ex corpore ejus tanto studio sunt exambitæ, ut complures omnium bonorum jacturâ, plurium annorum carceribus, eas mercati sint; alij minutam earum portionem vicenis, triginta, & pluribus aureis redemerint, quas prodigijs etiam Divinæ Bonitati placuit illu-

strare. Græcij virerat An 1606. primæ Nobilitatis, Campiani Pragæ olim Discipulus, & quotidianus à morte illius accepta, inter alios Patronos suos cultor. Hujus uxor gravissimis partûs doloribus oppressa, dum nullâ præsentē obstetrice, de vita & prole periclitatur; ad Divos ille suos convertitur, & ex ordine sapius eos uxori suæ propitios adesse invocatur; sed semper unum sibi ex numero deesse animadvertit. Tandem iteratò, & diutius memoriam excutens, stupet Edmundum Campianum, aliâ primò sibi occurrere solitum, nunc effugisse. Itaque non dubius hic aliquid Divini latere, ô Beate exclamat (suo privato sensu) Pater Edmundè Campiane, succurre Vxori meæ laboranti! Vix edixerat, & continuè illa facillimo enixu, nullius obstetricis auxilio, masculum peperit, Edmundi postea nomine baptizatum. Nec minus fuit, licet alio in genere, beneficium P. Joanni Harto ab eodem collatum. Tenebatur hic adhuc sæcularis Sacerdos, eodem cum Campiano carcere, supplicij, opinionione omnium, eidem futurus socius, nisi ad ultiores torturas crudelitas eum reservasset. Huic, post aliquod à morte sua tempus comparens in somnis, magnopere ei author fuit, ut Religionem Societatis JEsu ingrederetur; cui monito obtemperans, magnis continuò votis, donec compos fieret, admissionem expetijt. Illud etiam præcipuè multis visum est prodigiosum, Tamesim fluviorum Angliæ maxirum & præcipitem, qui ad æstus maris suos etiam, indies accessus habet & recessus, eo die quo Campianus morte ibidem affectus est, præter solitum omne, undis torpentibus, cohibito cursu, immotus stetisse, & defixo rei novitate Londino, nec fluxisse, nec refluxisse.

Ceterum nullus Catholicorum dubitavit, etiam in alijs per Orbem Provincijs, Campianum odio solius fidei Catholicæ fuisse cæsum. Unde privatim ex suo sensu longè plurimi eum ut Martyrem venerati sunt, & venerantur; quos inter Serenissimi etiam Orbis Christiani Principes. Sanè Serenissimus LEOPOLDUS Episcopus Passaviensis & Argentinensis; & Serenissimus CAROLUS Episcopus Wratislaviensis, uterque Archidux Austriæ, & Augustissimi Cæsaris FERDINANDI II. Filius, cùm vetus Societatis JESU Collegium Pragæ ad S. Clementem inviserent, primariò in Cubicellum deduci se expetierunt, quod aliquot annorum Pragæ habitatione Edmundus Campianus consecrasset, In quod non minore reverentiâ, quàm sacra-

Sacrarium quoddam & Templum, capite nudato uterque ingressi, & in genua provoluti sunt, dignum eâ veneratione pavimentum dicentes, quod nobilis adeo Christi Martyris (itâ illis loqui ex privata devotione libebat) pes calcavisset. Amplius etiam idem pavementum veneratus est ex prima Angliæ Nobilitate Henricus Ortonus, cum Ducis Lotharingiæ Oratore idem aliquando cubiculum invicens; ubi toto corpore in illud provolutus, devotissimis sæpius osculis solum libavit; beatum prædicans, quod tam venerandis plantis tritum fuisset.

Nemo tamen majore veneratione, quàm Robertus Personius, Campiano in missione Anglicana socius, & Virtutum ejus pro dignitate æstimator, pretiosam ejus mortem prosequutus est. Hic singulari DEI favore, magno pretio à Carnificibus redempta tormento-

rum nactus instrumenta, fidiculas videlicet, quibus in eqvuleo dulcissimus Sodalis Campianus summis digitorum articulis extensus, & distractus fuerat, totis 28. annis ea magni thesauri loco circumtulit, laborumq; omnium levamen, & gravium ærumnarum solatium ab ijs hausit. Instantem demum animæ suæ sentiens Romæ discessum, collum sibi fidiculis illis obvolvî petijt: quibus prius osculum & piam reverentiam exhibens, memor felicitis periculi, quod non pari cum Campiano felicitate subierat, dolensq; plurimum, non fuisse illi fundendi cruoris socium, gratias D E O egit, quòd annorum saltem 30. pro Angliæ sudores non esset gravatus à se admittente. Sic preces inter & lacrymas Sociorum Spiritum D E O reddidit Personius, Anno 1610. ætatis 64. post necem Campiani 29.

P. ALEXANDER BRIANTUS.

Magnus Christi Athleta, & Ecclesiæ Herois invictissimus Alexander Briantus, uti ore pulcherrimo, necdum 28. annum egressus Angelum quendam referebat, itâ in animo Sacerdotali castissimam innocentiam, sincerâ demissione, patientiâ, lenitate, ceterisq; Cœli divitijs ornatam servabat. Ex Rheniensî Anglorum Collegio justus fessæ suppetias laboranti sub Hæresi Patriæ à Greg. 13. Londinum appulit An. 1579. ubi post duorum annorum in utilissimâ animorum procuratone impenso labore, inopinatò, ac præter comprehensum, Personium vestigantium intentionem, eaptus, carceri subterraneo inclusus, tam dirâ fame & siti primùm excruciatu est, ut animam sibi malis his eripiendam credens, pileum sæpius ex atrogitate sitis (licet semper conatum suum inanem expertus fuisset) extenso brachio foras porrigeret, ad excipiendas pauculas ex summo tecto depluas aquæ guttas; & vitalia coeunte depascentibus ardoris æstu, exsudantem è faxis carceris humorem lamberet. Verùm quò ad supplicia atrociora duraret, sustentatus deinceps est solo pane tribulationis mucido & putrido, ac frustillo casei præduri, quantum præcisè ad mortem ascendam sufficeret, adjecto cerevisiæ haustu. Compeditus tamen in vicem famis itâ ponderosis oneratus est, ut loco se commovere non posset, donec post biduum ad eqvulei tormentum evocatus est, ut præderet Catholicos apud quos vixerat, quibus

Missam vel Sacramenta ministrarât, quibus locis Personium viderat, &c. Distractus fuit hoc eqvuleo tam immaniter, ut solutis nervorum & ossium compagibus, membris ab invicem pene disceptis, uno & dimidio pede longiorem à se factum, quàm naturalis ejus statura fuisset, impiè gloriaretur Noronus eqvuleo præfectus. Hammonius autem Commissarius, humum pede impatienter concutiens, exclamaret; quæ malum isthæc pertinacia est? profectò poterat hæc carnificina quemvis non oblitum in sua religione convellere, mentemque variare. Odoenus interim Arcis Præfectus velut in rabiem actus, relicto Præsidis officio, carnificem agere turpiter voluit, Angelicum afflictiissimi Alexandri eqvuleo distenti vultum colaphis crudeliter contundens: nihil tamen extundens aliud, nisi sacra Jesu & Mariæ nomina, in quibus, & meditatione cruciatuum Christi suavissimè acquiescens, furorem illorum etiam ridere potuit, & exprobrare. Hocçine, ajebat, totum est quod potestis? si nihil aliud sunt vestri eqvulei, accedant hujus rei causâ centum alij; ego enim Catholica Religionis causâ longè graviora ferre possum. Ergo ad barbarum proflus & immane torquendi genus descendunt, & acus illi sub ungues manuum pedumq; altè adigunt: quem acerbissimū dolorem etiâ hilari & renidente vultu ipse perferens, psalmū *Miserere* recitare, & veniam vexatoribus suis prædari pergebat; nihil quæstiones eorum pensi habens, vel eas unius verbi responso dignatus.

Novo



P. Alexander Briantus Anglus Soc. IESV, post crudelē in Equivaleo sa-
pius, ex summis pedum et manuum articulis, defensionem, cum P. Campiano
suspendis et affectus in Anglia Londani. A. 1581. 3 Decembris
C. Secreta d. M. K. uell.

Novo igitur furore postridie equivaleum repetunt, immanitate tantā, ut omnium officio sensuum destitutus, crederet corpus suum jam in partes scindi. Tum frigidā perfusum ad se revocant, & nihil tamen ad quāsita respondentem, totam noctem in equivaleo sic extentum relinqui, ipsi jam abeuntes, tortoribus mandant. Sed nihil eum minas pensi habere, imò & veluti pro beneficio grates reponere conspicati, equivaleo depositum, in terribilissimum & uliginosum specum sub terram abijciunt, ubi totis 15. diebus, nullo motu, aut usu membrorum jacuit in terra. Quæ ubi nativum denuo robur, & vigorem recipere visa sunt, tertium ad equivaleum rapitur; in quo Divinæ Bonitati, quæ neminem tentari patitur supra id quod ferre potest, placuit

equivalei dolores, omni sensu eorum prodigiosè cohibito, in rosas & delicias ei commutare. Nam cum in eo distrahendo, ut quàm dirissimè cruciaretur, vires omnes tortores exererent, ipse nullo sensu doloris, nullā animi perturbatione tactus fuit: nisi quod sibi videretur lavæ manēs palma disrupa sanguinem fundere. Sed unde hoc Alexandro tantum in tormentis robur? tanta animi malacia? talis cœlestium gaudiorum affluxus? juvat id ex ipsiusmet audire epistola, quæ ex hoc ipso carcere ad PP. Soc. JESU datā, in eorundem numerum & Religionē recipi expetijt (nam antehac re ipsa necdum in ea computatus fuerat, licet ante biennium firmo animi decreto, & postmodum ante tertigim torturam, etiam voto concepto, illi se addixerat)

D

quam

quam de verbo ad verbum hic inferere placuit.

Quotiescumque mecum cogito R.R. PP. quam ardentem, & quam variis modis DEUS Opt. Max. nostram querit salutem, nostrum cupit amorem, cor nostrum possidere, & in vobis regnare desiderat; toties stupore confundor, quod nos miseri homines, vel beneficiis conamoti, vel allesti premiis, vel saltem stricto DE Iudicio perterriti, totis viribus illi non obsequamur, nec offeramus illi corpora nostra in hostiam viventem, & holocaustum perfectum. Nam prater immensa ejus erga nos beneficia, creationis videlicet, redemptionis, conservationis, justificationis, & quod speramus, glorificationis: prater hac, inquam, & infinita alia, verbis suavissimis nos adhortatur, ut properemus ad ipsum. Ego, inquit, diligentes me diligo; & qui manē vigilaverit ad me, inveniet me: beatus homo qui audit me, & qui vigilat ad fores meas quotidie, & observat ad postes ostij mei. Qui me invenerit, inveniet vitam, & hauriet salutem a Domino. Ubi autem quærendus sit, ipse Dominus ostendit his verbis: Ubi duo aut tres congregati sunt in nomine meo, ibi ego sum in medio eorum. Ibi verò putandus esse Christus, ubi multi charitate conjuncti ideo conveniunt, ut DEUM honorent, DEO soli deserviant, ejusque præcepta custodiant, & Regnum ejus gloriosissimum propagent. Qui hoc ipsum audit, veritatem discet, & non ambulabit in tenebris & errorum caligine, sed securus vadet ad fontes aquarum. In talibus Congregationibus DEO sacratis via recta in Calum tenetur, non vepribus obstita, sed Sanctorum vestigijs incessanter attrita; non stolculi hujus amari sæculi ornata, non delitij aut blandimentis affluens, sed legibus regulisq. sanctissimis munita; ut stulti non errent per eam, nec quisquam in illa deviet, nisi qui suam salutem prorsus negligeret. Hic cuncta in numero, pondere, & mensura, aptè disponuntur, ut verè Sapientia inhabitare dicatur, cujus opera omnia mirè ordinata sunt. Hic viget celestis quædam fratrum correptio, suavis affectuum pravorum castigatio, & mutua Charitatis ineffabilis provocatio. Ob hac & his similia, ante biennium apud me firmiter proposueram, hoc vita genus suscipere, si Dominus voluerit: & cum viro docto & pio, tunc spirituali meo Patre, hujusmodi sermonem habui: An si ex patria, rationabili de causa redirem (eram enim eo tempore in transmarinis partibus) fore sperarem, ut me Patres Societatis in sanctam obedientiam reciperent? cujus sententia fuit, ut hac de re nullatenus dubitarem. Hinc angebatur spes, accrevit animus, & hoc biennio dum in An-

glia versarer, sapius mente renovavi propositum hoc. Sed quia sperabam laborem meum & industriam in messe Domini non prorsus inutilem, distuli propositum. Nunc autem cum Divinâ dispensatione libertate priver, ut huic utili labori me ipsum diutius non possim impendere: iterum renovatur desiderium, iterum incaluit & exarscit spiritus; & tandem votum Domino DEO voti, non temerè (ut spero) sed in DEI timore, nec ob alium finem, quam ut inde sanctius & gratius obsequium DEO præstem, ad majorem DEI gloriam, certiores salutem meam, & ad gloriosorem de spirituali meo hoste triumphum. Vovi equidem, ut cum Domino placuerit me liberare, (si tamen aliquando placerit) intra unum deinde annum, Patribus Societatis me totum resignaturum, & (si DEO inspirante me reciperent) libenter, & summum cum gaudio in perpetuum, voluntatem meam omnem in DEI servitium, & eorum obsequium, penitus penitusq. traditurum. Hoc votum in summis angustiis & tribulationibus meâ, magno mihi gaudio & solatio fuit: & ob hoc majori cum fiducia inpetrande fortitudinis & patientia, accessi ad thronum Divinæ Majestatis, patrocinio fretus B. MARIE semper Virginis, & omnium Sanctorum. Quod quidem à DEO perfectum spero, quia in ipso Orationis tempore à me factum fuit, cum mihi videbar celestia cogitare. Sic enim res gesta est. Eodem die quo primum tormentis cruciabar, antequam ad locum processi, orationibus vacans, & Domino DEO me necque omnia commendans, supernâ quadam spiritus dulcedine replebar, dum invocarem sanctissimum Nomen JESU & B. Virginis MARIE: dicebam enim Rosarium. Hilarius erat animus, benè confortatus, & promptus ad perferenda tormenta, quæ tunc certissimè expectabam. Tandem in mentem venit prædictum propositum, & simul etiam coincidebat in animum, ut nunc voto firmarem, quod antea statueram. Peractis precibus hac animo resolvevi, ratione quâ potui discussi, bonum judicavi, desiderium complevi, votum prædictâ conditione liberè emisi. Quod factum DEUS ipse mihi videtur statim probasse. Nam in omnibus angustiis & cruciatibus meis, de infinita sua bonitate misericorditer mihi affuit, confortans me in necessitate, & liberans animam meam à labijs iniquis, à lingua dolosa, & à rugientibus paratis ad prædam. An quod dicam mirabile sit, nescio, DEUS scit, sed quod verum sit, testis est coram DEO conscientia mea. Hoc dico, quod in ultima tortura, cum crudelius in corpus sevreut adversarij, manibus pedibusq. violenter extensis, omni tandem ferè doloris sensu expers eram: nec hoc solum, sed etiam quasi refocillatus à præ-

eeden-

cedentis tortura doloribus, sensibus perfectis, mente quietâ, & corde tranquillo perfiti. Quod videntes Commissarii, exuentes iusserunt me eodem modo iterum in diem postero cruciari: quod audiens, credebam equidem, & sperabam divino auxilio, me patienter laturum. Interea meditabar (ut potui) Salvatoris nostri acerbissimam passionem, innumeris doloribus plenam; dumque hac ipsa agerentur, vulneratam putâram sinistram manum in medio palma, & sanguinem effluxisse existimâram; sed revera nil tale fuit, nec alius tunc dolor, præter illum manûs gravabat. Nunc ergo ut innotescat vobis petitio & postulatio mea, cum nulla spes reliqua sit, nos brevi pristina libertate ita fruturos, ut U. V. P. P. præsens alloquar, (quod utrûm aliquando sit eventurum, nulli mortalium est notum) interim humiliter me vobis submitto, suppliciter rogans, ut pro me, & de me faciatis, quod vestra prudentia visum fuerit. Et, si fieri possit, ut absens in Vestram Societatem adscribi & recipi queam, supplici mente & toto corde exposco; ut sic cum humilibus humiliter sentiam, cum devotûs DEI laudes personem, & continuè gratias ei pro beneficijs suis referam. Tum etiam plurimum suffragijs adjutus, tutius curram ad propositum brevium. Non ignoro infinitas esse antiqui hostis insidias: tortuosus enim cum sit coluber, mirè simplicium animas, qui fidem ductorem non habent, suâ vafritie deludere conatur, in Angelum lucis transformans se; ut non sine causa admoneamur, ut probemus spiritus, si ex DEO sint. Vobis igitur, quoniam spirituales estis, & huic certamini assueti, committo totum negotium istud; per viscera misericordie DEI obsecrans, ut me vestro consilio & sapientiâ regere dignemini: & si utile videatur in oculis vestris, ad maiorem DEI honorem, Ecclesiæ utilitatem, & anima mea æternam salutem, ut promovear ad hanc sanctissimi Nominis JESU So-

cietatem: in presenti obedientiam promitto coram DEO, in foro conscientie meae, omnibus & singulis Propositis constitutis, & constitutendis: omnibus item regulis, legibusve in hac Societate receptis, pro mea virili, & quantum me DEUS adjuvet: testis dies iste, testis & hoc chirographum manûs meae in die Judicii. De corporis valetudine non est quod dubitetis, quia jam ferè pristinam fortitudinem & robur DEO donante recuperavi; & in dies magis magisque convalesco. De cetero me vestris orationibus commendans, vos in Domino valere jubeo, sollicitè expectans, quæ sit vestra de me sententia.

Factus itaque desideriorum à Societatis Superioribus compos, cum Societati se votis Religiosis, post tam diu in carcere Tyrocinium, legitime adstrinxisset, non multò post judicio iniquissimo læsæ Majestatis reus pronunciatus, viminæ crati unâ cum Rudolpho Scerwino iniicitur, atque per Londinum extra Urbem ad furcam raptatus, sublatum jam Campiano & Scerwino, plaustrum ferale animofus descendit; ex quo pauculis, pro Religione Catholica, & innocentia sua prolatis, subtrahito inter recitatum psalmum 50. curru, modicum pendit, ac paulò post fune resecisso, uti priores duo, in quatuor partes dissectus & laniatus fuit. Productiorem tamen illis in morte pœnam expertus est; siquidem negligentia Carnificis, fune minimè ad gulam intercludendam inserto, ex solo mento aliquamdiu vivus pendit; hinc illo dissecto ex casu in pedes sese denuo valenter erigere parabat: cum nihilominus à Liâtoribus violentè extensus, secus, exenteratus est, neque tum adhuc expertus animæ visus, siquidem ingenti omnium stupore jam excordis corporis membra, nihilominus subfultim à terra emicabant.

• P. THOMAS COTTAMUS.



Adem cum Campiano & Brianto Patria Thomæ Cottamo, Angliæ, & in ea Provincia Lancastrensis, idem vitæ genus, idem exitus fuit. Anno 1549. natus & à Protestantium hæresi operâ P. Thomæ Pondi Societat. JESV ad Catholicam Religionem traductus, relicta Angliâ primò Duacum, ac deinde Romam, studio obtinendæ Societatis petijt. Hauserat nimirum primos ad eam ex annuis literis spiritus, quæ ab India quotannis Romam de conversione Ethnicorum à nostris mittuntur; ad quos & ipse Christo lu-

crandos desiderium traiciendi complures annos fovit; donec intellexit, nolle DEum sudores à se in India, sed in Angliâ cruorem fundi. Itaq; Tyrocinium S. Andræ Romæ trigesimo ætatis anno ingressus, non multò post in Galliam Medicorum consilio, qui pertinacem hædicam in Vrbe curare desperaverant, ac postmodum Rhemum translatus, frustra ubiq; cælum valetudini faventius queritans, in Patrium deniq; solum, suscepto jam pridem sacerdotio, necdum tamen Tyrocinium egressus, migrare jussus est, ubi nativi aeris beneficio restauratam valetudinem, ad



P. Thomas Cottamus Anglus S. I. pro Fide Christi suspensus, et sectus. Londini in Angliā A. 1582. 30 Majj.

C S d

M. J. f.

Anglicæ culturam Vinæ impenderet. Verum in ipso portus ingressu agnitus, & comprehensus est proditione nefariâ Sleddi, qui perfidè Catholicum simulans, Cottamo in Gallia & Remis se familiariter conjunxerat, & notata per otium accuratissimè oris lineamenta, totiusque corporis conformationem, & quæcunque ad eum cognoscendum congruere possent, in Angliam præmiserat. Nobili ergo viro Havardo Londinum sistendus à Magistratu maritimo committitur: qui Religioni ducens Sacerdotem (erat enim & ipse Catholicus) Hæreticis prodere, liberum abire permisit. Quo factò cum discrimen ipsemet capitis in se accersivisset, generoso animo Cottamus, ut impendentem suâ causâ Amico calamitatem in se averteret, ipse

sponte se Præsidi rei maritimæ, approbantibus deinde factum Personio & Campiano, sistit. Et quia in Viro innocentissimo nihil reperire erat, cujus causâ in crimen læsæ Majestatis apparenter saltem coram vulgo traheretur (caverat enim jam à principio Elisabetha, ne ullum Religionis causâ de medio tollere, nisi ob solam duntaxat perduellionem, videretur) idcirco in intimas animi illius noxas quæstiones instituerunt.

Præcipua torturæ post equuleum Anglis species est, Filia Scavingeri dicta, priori omnino opposita. Cum enim ille membra, alligatis extrâisque in diversa manuum pedumque articulis, ab invicem distrahat: hæc è contra illa violentè in unum veluti globum colligat & constipat. Trifariam hic corpus

com-

complicatur, cruribus ad femora, femoribus ad ventrem appressis, atq; ita arcubus ferreis duobus includitur, quorum extrema dum ad se invicem labore carnisficum in circulum coguntur, corpus interim miseri inclusum informi compressione pene eliditur. Immane prorsus & dirius eqv ulco cruciamentum, cujus immanitate corpus totum ita arctatur, ut alijs ex eo sanguis extremis manibus & pedibus exfudet; alijs ruptâ pectoris crate copiosus è naribus faucibusq; sanguis effundatur, prout Cottamo etiam cum heclicâ miserè laboranti evenit, amplius horâ integrâ anulo concluso.

Hoc ei tormentum insana hæreticorum rabies intulit, cum neque carceris squallore, neque inediæ vi quidpiam extorquerent, unpe fideciem aliquam perduellionis in caput innocentem comminiscerentur. Sed quænam putamus tam diræ quæstionis fuit materia? nam quid de Primatu Reginae in Ecclesia Anglicana sentiret, quid de Pij V. Pontificis adversus eam intortâ excommunicatione, ultro ipse fassus etiam scripto fuerat, se idem in his, & omnibus alijs credere, quod sentiret Ecclesia Romana; reliqua autem alijs captivis Sacerdotibus objici solita, velut Anglo-rum ad Ecclesiam Romanam ab Hæresi reductio, Sacramentorum & Missæ in ditionibus Reginae celebratio, prætendi adversus eum non poterant, quem ipso in aditu Insulæ captum constabat. Ne tamen viderentur Fidei solùm causâ necem inferendo Martyrem facere, quem omnino statuerant ut perduellionis reum occidere, rimari iustitiæ mentis arcana, num quid elicere possent aptum invidiæ conflandæ. Itaq; primùm supplicio illo Scavingeri, ac deinde rursùm eqvulci cruciamento extorquere adnisi sunt, ut patefaceret quali pœnæ fuisset à Confessario adstrictus, obnoxas illi pro Tribunali sacro apertas. Et cum ille nihil ultrâ gravius suspicatus, declinandis cruciatibus, quod res esset, aperuisset; ursère porrò, ut delicta etiam, quibus pœna illa Sacramentalis inflicta fuerat, ex ordine recenseret, in eorum quopiam deprehensuros se aliquid confisi, quod injuriæ suæ obvelandæ fucum faceret. Tum verò animosus Christi pugil vafritiem improbißimorû hominum execratus, *Equidem, respondit, peccata mea nulli præter DEUM & Confessarium detecturus sum.*

Verùm cum decreta Cottamo, atq; alijs 6. ex Clero Sacerdotibus mors esset, sive posset illi aperte crimen affingi, sive non, capitali damnatus sententiâ, in viminea crate per Urbem ad Tiburnum extrahitur. Ubi lanienam sociorum spectare jussus, si forte ab animi firmitudine quidpiam remitteret, frustra offerentibus illi, si desipere vellet, Reginae gratiam, Iustitiæ Præsidibus; tandem ferale plaustrum conscendens; *Persuaderine, inquit, vobis patiæmini, criminis affines & confisos tam diros posse adire cruciatus, nec exprimi per illos confessionem? Ego certè ut fatear ingenuè quod est, teste Deo nihil in votis habui ardentius priusquam renavigarem in Angliam, quam ad Indos proficisci, idq; tam serinus agebam, ut jam tum omnia compararem ad iter, nec ab incepto desisterem, si liberum mihi fieret, quò id reipsâ præstarem.* Sub hæc revulsùm Richardsoni unius ex socijs caput, ostentans populo Carnifex, de more clamabat: *Vivat Regina.* Cui Cottamus subiiciens: *Obtestor, ait, DEUM, ut eam diu salvam & incolumem velit, suâq; benedictione sanctâ muniat, cui ego ut Regina mea exopto omnem felicitatem & pacem.* Quidni ergo, subiiciunt improbi Ministri, Ecclesiæ Anglicanæ supremum Caput illam agnoscis? Hoc verò, reposuit ille, *si voluisssem profiteri, abhinc jam biennio vinculis exolutus essem. Sed integritas hic Religionis & Conscientiæ convellitur, quâ unâ causâ exceptâ, nunquam Regiam Majestatem offendi.* Post hæc breviter DEUM sibi & toti Regno propitiùm fieri precatus, recitât cum præsentibus Catholicis, quos ad id invitârât, semel oratione Dominicâ, & salutatione Angelicâ, è plaustrò deijcitur; dumque rescisso fune ad lanienam denudatur, magno omnium stupore cilicium apparuit intimo corpori appressum; generosi illius animi index, qui duorum annorum perpetuis carceris ærumnis minimè fatur, saginari adscititijs etiam proprio ingenio injurijs voluit. Incidit pretiosa illius mors in diem 30. Maij. An. 1582.

ætatis 33.





P. Thomas Mettamus Anglus Soc. IESV, post toleratas annis
17. in causa Fidei Romanæ Carcerum ærumnas, extinctus, in
Anglia Visbiri. Mense Iunio. A. 1559.

P. THOMAS METTAMUS.

Venerandus fuit omnibus Catho-
licis Anglis P. Thomas Metta-
mus, & ipse nobili profapia An-
glus, ob variam & profundam
eruditionem: utpote qui Græ-
cis & hebraicis, historiâ, & variâ rerum le-
ctione eruditus, ad Philosophiæ Doctoratum,
Licentiam simul in Theologia addiderat.
Quibus accedens multiplex & profunda Vir-
tus, unius DEI animarumq; æstimationem,
& sui perinde ac nihili contemptum indu-
cens, quantum illi apud Catholicos addebat
æstimationis, tantum apud Hæreticos concii-
liabat implacabilis odij. Elapsus ex Anglia,
cum doctrinam in scholis comparatam unâ

cum vitæ & sanguinis impendio in salutem
Patriæ devovisset, suscepto Sacerdotio, ocius
in Angliam renavigavit; in cujus ingressu,
pro amplexu vincula, pro hospitio acerbissi-
mum 17. annorum ergastulum, ac post hunc
sepulchrum nactus est. Primum quadrienn-
nium conclusus exegit in Turri Londinenfi,
carcere non aliunde, quàm sorditate & im-
manitate nobili; cujus squallore ad extrema
deductus, omnino moriturus propediem e-
rat, nisi barbara Ministrorum lenitas, ut pro-
ductus Viro faceret tormentum, in alium
subinde carcerem compegisset, ubi non qui-
dem diutius viveret, sed lentius moreretur.
Hic ille paulò laxiùs habitus, postquam re-
staura-

flauratas necessario victu corporis vires, in longiorem vitam sufficere posse speravit, ante omnia propositum animi, quod arcta & profundâ turris custodia defossus significare potuit nemini, de ambienda Societate exequi constituit. Igitur datis ad P. Thomam Darbiscir Parisi literis, infinitis ei precibus negotium commendavit; quo naviter desideria Viri Romæ promovente, Mercurianus Generalis Societatis J. E. S. U. Præpositus, cum Anno 1579. carceris ejus 5. die 4. Maij, non tantum in Societatem adscripsit, sed datâ etiam ad eundem epistolâ magnopere hortatus est, ut illas ergastuli vexationes tam multas atque assiduas, in argumentum & materiam virtutis traderet, reputaretq; sibi non jam quasi uni ex turba, sed propius, atq; perfectius ex Societatis Instituto, scelerandam esse post Christum crucem.

Non diu commodiore illâ carceris custodia frui Mettamo licuit, sed instauratis ad duriora iterum perferenda viribus, in alium, atque alium sæpius translatus fuit, cum novis semper ærumnarum accessibus. Quippe cicuratis nonnihil patientiâ, & perspectâ mansuetudine custodibus hæreticis, dum libelloribus ignotis, & deliberatâ barbarie in sacerdotes effertatis tradebatur, novis ita pœnis & cruciatibus exponebatur. Illud tamen has carceris & pœnarum mutationes solabatur, quod in nova flagitioforum, ad quos adungebatur, colluvie, semper inveniret quos Christo lucraretur, aut quorum ludibrijs & insolentiâ pro ipso exagitaretur. Id quod adeo bellè ipsi, & alijs ex Societate captivis tum cedebat, ut cum alij foris in libertate, propter persecutionis acerbicatem, & exploratorum sagacitatem, vix aliquod operæ premium facerent, ipsi in carceribus, conversis ad Christum novis semper & novis ob quotidiana crimina reis, dum hi in libertatem iterum carcere emittuntur, ipsi in illis maximo proventu, totidem Fidei futuros domesticis prædicatores foras emittebant. Suboluit eâ pia industria Ministris verbi, & Regijs; qui proinde censuerunt, haudquaquam Mettatum diutius Londini ferendum, sed Wisbicum inter alios Christi sacerdotes relegandum, scholam nempe dolorum, & extremæ patientiæ. Distat hic locus quinquagenis fere passuum millibus Londino, olim Eliensis Episcopi castrum, nunc muris undiq; fatiscientibus, sine tecto, sublati Præsulum hæreticorum avaritiâ plumbis & cupreis laminis, sine laqueis, evulsis trabibus, ferro, reliquâq; materiâ, plus ruinarum, quàm fabricæ retinens

ædificium, in commune sepulchrum Catholicorum & Sacerdotum ab Elizabetha destinatum; ubi libertate & omni carorum aspectu exclusi, nullâ aliâ spe, nisi animæ inter ærumnas tantisper, dum ijs conficerentur, trahendæ agerent. Incolebant tristia rudera 3. circiter, seu morte, seu perpetuis damnati miserijs, viva cæcæ omnes inter parietinas pensiles sepulchra. Quidam in suo cavo soli, nonnulli cum socijs, clausi omnes tam arctè, ut egrederentur nunquam, nisi omnes simul ad unam communem mensam. Neq; tunc tamen sine testibus convivis hæreticis, quorum princeps erat carceris curator Græjus, homo ferus, & à Catholicis tam pertinaciter aversus, ut profiteretur demens, si sibi constaret, nisi apud Papiſtas DEI gratiam & salutem nusquam reperiri, sibi tamen fore optatius damnatum mori, quàm Papiſtam æternum salvari. Quod & consecutus est, horrendo ipsismet Puritanis exitu; Filix autem salutari exemplo, quæ ab ejus lamentabili obitu continuè Calvinum exuens, Catholicis accessit. Affari clausos fas erat nemini, nisi Ministrellis aduris de Religione, & piorum stipem, quâ solâ sustentabantur, ad eos deferentibus. Excubiæ intus forisq; perpetuæ, quarum pars observabat intra muros, pars castrum torâ nocte circumibat: cujus in milites Christi odia, contumelias, injurias, non raro lapidationibus conjunctas, facillè cuilibet est conjectare. Unum in his solatium erat, clancularia Divinorum mysteriorum tractatio, quorum apparatus & materia, omnem excubitorum, quamvis improbam diligentiam, sæpius improvisò in receptacula singulorum irrupentem, omniaque perscrutantem, semper tamen fessellere. Exaucto sexennio, liberior eis ergastulis suis prodeundi concessa est facultas, & communiter invicem, veluti in libera pene custodia agendi. Quam illi libertatem, adnitentibus præsertim PP. Westono, Mettamo, & Pondo, in religiosi Cœnobij formam disciplinamq; veruentes, ad signum campanæ omnia peragebant. Sua erant meditationi, examinandæ conscientiæ, sua lectioni, literarum studio, divino cultui destinata tempora: habebantur statim horis prælectiones Sacre Scripturæ, institutiones græcæ, hebraicæ linguæ, explanationes quæſtionum fidei, & morum, adhortationes ad virtutem & perfectionem. Quibus longè latèq; per Angliam vulgatis, tantâ sanctitatis atq; eruditionis opinione, non inter Catholicos modò, sed etiam inter hæreticos celebrari Wisbicum cœpit, ut non car-

cer, sed doctissimorum hominum Academia, & omnigenarum virtutum Palæstra habebatur.

His immorantem, & privatâ disciplinæ observatione ultroneas afflictiones perpetuæ adverforum perpeſſioni addentem Mettatum, Deo tandem ad se vocare, & ex carcere educere placuit. Igitur non minor sexagenario, nullâ pene ægrotatione, aut lethali malo correptus, nisi quod annorum 17. carcer conscivit, ubi mortem vicinam advertebat, erecto semper in D E V M animo, Sacramentis ritè se ad eam comparavit, quam in

Corona inclutorum Fidei pugilum placidissimè obiit, ipso in carcere Wisbici, mense Junio, An. 1592. Mortem illius eò severiorem, quò ab effusione sanguinis remotiorem, non tantum causa, quâ decessit, gloriosam reddidit, sed longè maximè pertinax hæreticorum, quod illam Viro D E I intulit, odium. Namq; post decennij carcerem, septennio ante illius mortem, cum 70. Sacerdotes è nervo dimitti jussissent liberos, Mettatum tamen, à beneficio illius Clementiæ, nondum ejus torquendi saturi, retinuerunt; supplicio tantò molestiore, quanto diuturniore maculandum.

P. JACOBUS SALESIIUS, E T GUILIELMUS SALTEMUCHIUS.



Alter Jacobus Salesius Lezossio Arvernorum in Gallia Oppido oriundus, omnibus humanis æquè ac Divinis scientijs fuit instructissimus. Prodigio simile erat, in corpusculo perpetuâ virium debilitate & in valetudine laborante, quæ eum à docenda Mussiponti Theologia post biennium retraxit, animum reſediſſe tam vividum & robustum, qui præter nativam Gallicam, & scholasticas Latinam, Græcam, & Hebræam, linguas insuper perfectè condidit Chaldaicam, Syriacam, & modernorum Arabicam, quibus ille in spem Martyrij inter eas gentes consequendi sese aptaverat. Et verò non semel Indicam missionem, quamvis omnino viribus fractus, Româ impetrare ardentibus literis contendebat; quod aliquando sociorum uni admiranti, & viriû languorem obijcienti, *nescis tu*, respondit, *Rudolphum Aquavivam aptum fuisse Indijs & Martyrio, qui prius valetudinarij Romæ lumen assidue terebat? quis cognovit sensum Domini, an non in infirmo etiam corpore meo velit triumphare?* Verum longè majores fuere cælestium virtutum dotes, Animi demissio tam profunda, ut observatorem omnium dictorum & factorum suorum deligeret, ubicunq; versaretur, è numero Coadjutorum quempiam, à quo liberè coargueretur, si qua in re offenderet. In DEUM & Divina extatico quodam ferebatur affectu, in medio actionum sæpe exclamare illud Angelici hymni solitus: *Gratias agimus tibi propter magnam gloriam tuam*. Porro unicus floſculi, aut cuiusvis alterius creaturæ aspectus, ità animum ejus ad pul-

chritudinem Creatoris rapiebat, ut divini amoris ardore inflammandus videretur. Et cum inter meditandum divina nunquam ad aliena cogitanda mente exerraret, inter colloquia tamen familiaria perpetuò sermonem ad cælestia, nec advertens, transferebat. Quanto unionis cum DEO flagraret desiderio, vel inde colligas, quò januæ cubiculi pulsu ingrediendi facultatem ad eum postulantes, priusquam dicto *Ingrederere* annueret, genua prius humi fleſcebat dicens: *Intra DEVS meus, intra in animam meam*. Hinc plerumque ab introeuntibus genibus nixus deprehendebatur.

Atque ex hac agendi cum DEO consuetudine, ardentissimus in ejus corde exarsit in Deum amor, qui non posset nisi sanguine & morte extingui; inde nihil magis in votis habuit, quàm per violentam in DEI causâ interneccionem, fidem suam testatam facere. Hoc ille diebus singulis coram venerabili Eucharistia, quam horis propè adibat & venerabatur omnibus, supplex postulare; hoc ambitione summâ, quam celare non posset, votere, quæ ei passim in familiaribus colloquijs, quoties de Martyrio mentio incidisset, voces illas exoptantis, nec advertenti exprimebat: *ô si daretur!* In hunc finem præcipuo ex Divis honore Martyres venerabatur, interque illos Edmundum Campianum, cujus reliquias de collo suspensas gestabat devotissimè, exosculabatur tenerrimè, & ejusdem epistolâ ad se datâ ignes hoc excitabat creberimè, illis ejusdem verbis mirificè visus incendi: *Si vel canibus alendis funerari posses Domine meo, quis sum, aut quæ est domus Patris mei*



P. Jacob, Salesius et^o Guilielm, Saltemochnus Galli Soc. IESV. pro fide Catholica occisi à Calvinistis Albenacii in Gallia. A^o 1593. 7. Februi.

mei, ut recessem? Et audivit tandem benignus Dominus ardentia servi sui vota, quamque pro fide oppetere mortem sub horæ cujuslibet sonum precabatur, ex eadem causâ obiturum se divinitus præsensit. Itaq; non solum uni Patrum asseveravit, non se aliter vitam finiturum quam Martyrio, verum etiam lethi genus præfagiens, aliquot antè annis diserte cuidam innuit, nullum aptius sibi mortis genus competere dicens, quam si inter orandum sclopo trajiceretur. Cujus idu manu hæreticâ evibrato occubiturus se, diversis vicibus edixit binis Nobilibus, cum per jocum pectori ejus sclopum admovissent; *non tu me ices*, inquit, *sed sceltiorum aliquis*. Ejus proinde dexteræ jam tum multò antè bene omnia fausta precari solitus erat.


Denique tam apertè Reçtori Turnonensi per literas impendentem sibi pro fide necem paucis antè diebus aperuit, ut is de eventu securus, domesticis tanquam jam de re facta asseveraret, Salesium Martyrem futurum. Quæ non fuisse incerta divinantis, sed divinitus accepta prædicentis vaticinia, ex alieni facti non minùs veridica patuit prænotione. Impudens quidam Nobilis atrocius Societatis innocentiam calumniatus, turbatè illam Reipublicæ, & invecarum calamitatum ream accusabat, dignam proinde, cujus alumni omnes cum Salesio virgis cederentur. Parcius ista viris innocentibus & modestiùs obijcienda monebat Salesius, cavendum etiam atque etiam illi inculcans, ne ante anni lapsum pœnam ipse, eà corporis parte,

te, ubi virgæ incuti solent, à DEO exciperet. Et profectò currente adhuc anno, excussus Aquis sextijs, quas Dux Elspornius obidebat, tormento globus, posticam corporis partem, quæ debebat, & paulò post vitam illi abruptit.

Sic ergo Martyrio præparatum, & jam maturum, imperia Majorum occupant, & Albenacum, Urbem Calvinianâ peste infectam, tuendâ illic Catholicæ rei causâ proficisci jubent. Quæ imperia incredibili hilaritate, dicto *Te Deum laudamus*, excipiens, confestim se Turone, ubi Theologiam tum docebat, comite Guilielmo Saltemochio dat in viam, Novembri exeunte An. 1592. Albenaci per sacras Dominici Adventûs ferias quotidie ad populum perorans, ingenti fructu & solatio Catholicos complevit: adjunctisq; ad eorum numerum ex obstinata Calvinî fectâ quibusdam pauculis, in rabiem scilicet & furorem Ministros eorum redegit, qui doctrinæ & spiritui in eo loquenti non valentes resistere, de medio tollere optabant; tantum in eo solo veneni esse, etiam ex pulpitis vociferantes, ut non Albenaco solum, sed universo etiam Regno conficiendo sufficiat. Et occupaverat fortè tunc improvise latrocinio, & prodicione civium hæreticorum, Albenacum Chiambaudus Calvinî Afflecka, oppressus; 6. Febr. 1593. Catholicis, primò omnium Salesiû cum socio dari iusserat in vincula, certus neq; pretio, neq; permutatione libertatem ijs concedere, quos Ministri sui veluti Baalis Prophetas, & impios Idolorum, atque Antichristi adoratores neci tradendos contendebant. Itaque toto illo die cum nocte insequenti, varijs injurijs & contumelijs affectum Salesium, postero die, qui erat Dominicus, Rabulæ sui concione in necem illius inflammati milites, exire foras in plateam jubent, in publico moriendum illi dicentes. Qui veluti ovis in occisionem sponte suâ descendens, *Ego verò, inquit, libens exeo Deo duce, cuius causâ mori paratus sum.* Et ad locum suum, quid te, ait, frater mi, fiet? bono animo esto. vide his quanti ex quantulis futuri simus! Tum brevi morâ ad commendandum DEO spiritum impetratâ, flexis genibus, veniam hostibus precatus est, qui ei JESUM & MARIAM invocanti, frustra os luto complere tentabant; donec supplicem à tergo militum unus adortus, soluto sclopo humerum ejus petijt: quo ictu pronus in faciem corruens,

cùm sacra nomina invocare pergeret, ferro confoditur die 7. Febr. An. 1593. annos natus 37.

Atque hæc tam cordatè pro fide Catholica mors obita, quàm gloriosa in conspectu Dei foret, quâ ipsè in beatam vitam nascere-tur, luculentè indicabat splendidissimum lumen, quo cubiculum ejus natale, nocte eadem illius excipiente, plus horæ spatîo, admirabili splendore effulsit. Corpus ejus planè nudatum, totos 6. dies inhumatum, inhi-bentibus ejus sepulturam Hæreticis, in platea jacuit; donec in ruinoso quodam templo tumulatum, ac biennio post magno honore Ruanum, tandèmq; Avenionem, unâ cum Guilielmi cineribus translatum est, syndone, quâ arida jam Christi pugilum ossa mundissimè involuta erant, sanguineum colorem referente. Cades eorum maximâ letitiâ ubiq; à socijs celebrata est, passimque in Collegijs hymno Ambrosiano gratiæ Deo actæ; pijs omnibus magno ambitu & certamine reliquias eorum deposcentibus, quas prodigijs eventibus variè illustrare Divinæ Bonitati deinde placuit. Sanè lipsanis Salesij se, & quandam è S. Benedicî familia à diuturno asthma, liberatam, confessa est Domina Leonarda Chausy, cui etiam devotam ternam è sedecim, quas habuerat, prolem servatam in vivis adscribebat. Bruxellis in Belgio Anno 1623. Dæmonem ab energumena, quam 22. annos obsederat, exigens P. Henricus Adamus, cum manu Salesij conscriptum libellum depromens quæssisset, num illum novisset? & probè se illum nôsse, & ab hoste suo exaratum, quem Albenaci amici sui neci dedissent, aperuit, à quo se uri, & vehementer peruri fatebatur. Eiusdem lipsana clam alteri Energumene P. Bartholomæus Jacquinotus Avenione applicuit, cum subito irrugiens Dæmon insanis clamoribus, ut demortui illius ossa amolirentur, urgere cœpit; singularem hoc factio animis adstantium æstimationem Salesij imprimens, cujus exanguia licet ossa, tantis viribus in hostem infernaleml pol-
lerent.





Ortunatissimus P. Saleſio expeditionis in Hæreticos ſuſcipiendæ comes datus erat à P. Provinciali Guiljelmus Saltemochius, eadẽ cum illo Patriâ Arvernâ oriundus, Vir antiquæ ſimplicitatis, eximie pietatis & obedientiæ. Literarum cum eſſet omnino rudis, in Societatem nihilominus receptus eſt ætatis anno 26. intra numerum Coadjutorum, eò quòd ſutoris opificium à puero edoſtus, prælarè calleret. In hac Angeli agnomen vitæ innocentia, ac præſertim obedientiæ promptitudine obtinuit, quam cæcè omnino, ut jumentum factus in Domo DEI, exequi ſolebat, nullâ ſibi diſcernendi inter Superiorum imperia facultate ſervatâ. Quod tam ſancitè obſtinatum, Superiorũ juſſa omnia ſine diſcuſſione exhauriendi ſtudium, uberem illi patientiæ peperit ſegetem, dum Muſſiponti Conviſtorum in Contubernio januæ præpoſitus à Superioribus, calces & pugnos, vulnera, & cruentas à gladij doſſo vibices ſuſtinere maluit, quàm malè ſeriatum juvenem è Contubernio, præter Superiorum facultatem, dimitteret. In cultu S. S. Eucharistiæ quàm tener fuerit & aſſiduus, Tuſſone potiſſimum patefecit, nuſquam ferè alibi, quàm coram illa precarios volutans globulos, reperi ſolitus. Ad gentem deinde convuſſam & dilaceratam Saleſio comes ire Albenacum juſſus, licet non ignoraret vitæ inter Heterodoxos impendendia diſcrimina, tamen provolvit ut Angelus velox; præmium obedientiæ nactus Martyrij corollam, quàm ei ſors eadem, eadem mortis conditio peperit.

In Hæreticorum manus & vincula unâ cum ipſo delapſus, cum perfidi juſculum ex carne famelicis (Sabbathi dies erat) apponerent, jamque Saleſius fraudis ignarus ſorbere pararet, opportunè admonuit, ut videret quid ageret, id ſibi juſculum, licet ſub aliena ſpecie, ex carne videri. Ita cum eligeret famem potiùs & ſitim extremam perpeti, quàm utramque cum injuria Eccleſiaſtici Præcepti extinguere, hauſtum aquæ ſibi cum Patre exhiberi petijt. Sed & hunc crudeliter negantibus ſectarijs, licet copioſè per eos dies pluiffet, imò importunè de ciborum delectu controverſiam moventibus, ſevera impietatem hanc à Deo ultio conſecuta eſt. Siquidem ipſa illà hebdomadâ tanta in omnibus Oppidi ciſternis aquarum extitit inopia, ut vino carnes coquere cogerentur. Conatus quidem eſt Saleſius vitam ab hoſtibus Guiljelmo impetrare, quòd literarum expers, ni-

hil ipſorum poſſet rationibus officiè: ſed præſentem gloriæ palmam non paſſus ſibi in manibus ille infringi, *nequaquam*, exclamat; *ego te Pater deſeram, quin & pro dogmatibus à te propugnatis, ego quoq; promptus occumbam.* Momentem quin etiam alium, ut ſe tragædiæ, in ſolum Saleſiũ comparatè ſubduceret, *aſſit à me*, reſpondit, *errorem hunc grandem errare. Non me ſejungam unquam ab ejus latere, cui me ſocium S. Obedientiæ conjunxit. Mortem in hoc comitatu non reformido.* Ejus me beneficij ſi compotem Divina miſeratio faceret, *na ego bene fortunatus fuero; promptus etiam Deum exorare, ut percuffori meo facti veniam indulgeat, cui jam nunc ego, quiſquis fuerit, lubens indulgeo.* Corruerat interim ex accepto ſelopi iſtũ Saleſius; cujus caſu nihil iſte conſternatus dum accurret, dum valedicentis more complectitur, pugionibus crudeliter nefariorũ confoditur, ſortem ſuâ mirè ſibi congratulans; donec vires & ſanguinem deficere ſentiens, in genua & terram ſubſidit, & conformatis ante peſtus in crucem brachijs, felicem animam Creatori eodem cum illo die reddidit, annos natus 38.

Exhumatis poſt biennium utriuſque Albenaci oſſibus, prodigio ſimile omnibus viſum fuit, in cranio Guiljelmi incorruptum ſuperſuiſſe cerebrum, nullo etiam grave olentia veſtigio. Ad utrumque etiam prodigioſè ſervatâ Domina Leonardæ Chauſſy vita ſpectat, quæ à Calviniſtis Albenacenſibus corpora illorum Ruantum transferenda impetraverat. Rupto ſiquidem inopinè tabulato, tignũ capiti ejus impendens, & jam à muro revuſum, indubiè oppreſſiſſet, niſi ex ipſo caſu in aère pendulum, ab eorum liſpanis tigno illi intra ciſtam incumbentibus, detentum eſſet. Eandem opem expertus eſt Philip. Daudan Vir ſeptuagenarius, lapſu ex alta turri ita contritus, ut præter linguam, alium membri uſum vix retineret. Ubi tamen hos duos in vota vocavit, ſanus & incolumis ante triduum ſurrexit. Necis adminiſtri omnes triſti & lamentabili exitu interierunt; duo à vermibus viventes etiamnum corroſi, alius inediâ conſectus, alius inſaniâ correptus. Joaões Sarraceni princeps tragædiæ author, à die commiſſi ſceleris tremorem capitis perpeſſus eſt; & filius illi unicuique eadẽ die & horâ, quâ Patens noſtros conſecerat. A. 1605. ibidem Albenaci duello ſublatus eſt: cujus cadaver cum prætercædis illorum locum deportaretur, inde nullâ vi dimoveri horæ ſpatio potuit, exceptum ab obvio delirio iſdem ludibrijs & ſannis, quibus corpora ipſorum à morte affici Patens juſſerat.



P Ioannes Leleszi Vngarus . S. I. ex propinato in odium Fidei
veneno mortuus Ilaureti. A. 1594. 26. Febr.

C. Secreta d

Melch. Kappeler

P. JOANNES LELESZI.



Prelorentissimum Hungariæ Regnum, cum Catholicam Religionem in pretio habuit, omnibus bonis ita à Deo cumulabatur, ut laetæ & melle manans, terræ promissionis non immeritè æquiparari posset. Eadem tum illi quæ Cælo Regina, eadem in illam Ungaris quæ Cælitibus observantia, & veneratio, & quod consequitur, tam firmum cum Cælo commercium, ut etiam Coronam inaugurando Regi manibus Angelicis fabricatam, illi submitteret. At ubi sectariorum perversis dogmatibus ingressi præbere, Regno & Civitate, æquali cum Pietate jure, donare incepit, omnis simul felicitas in exilium

emigrans, pro Sole Justitiæ, infausissima Lunæ Ottomanniæ cornua in eam invexit, quibus ventilata, & in miseram Turcæ servitutem magnâ sui parte redacta, in stuporem hodie & portentum facta est gentibus omnibus. Nihil tamen non egere Principes Austriaci, ut ruenti in præceps Regno opportunè subvenirent, & Religionem Catholicam fulcirent; inter quos Ferdinandus I, cum auxilia illuc è Societate Jesu submittere inchoasset, successores illius tantò majore semper studio ea augere contendebant, quantò heterodoxos magis in eis regno exigendis & perscribendis laborare cernebant. Nulli pene Conventus, nulla Regni celebrabantur Comitia,

via, quibus non agitentur tractatus de eliminandis socijs; sic ut nullo unquam tempore, nullo Regum pijsimorum adnifu, effici toto annorum seculo potuerit, ut incolatus ijs perpetuus, publico Comitiorum statuto decerneretur. Quem amplissimum laborum suorum campum, zelo Austriacorum Caesarum nacla Societas, late quaquaaversum suas operas per Regnum universum, non solum quâ Catholico Regi subest, sed quâ sub Tyrannico etiam Turcarum gemit iugo, dispersita est, cujus Socij Quinqve-Ecclesijs, Albæ Græcæ, Regalis Budæ, Varsadini, aliisque per Turco-Hungariam locis (ut taceam excursions & missiones temporarias) rem Catholicam constanti Residentiarum labore procurant.

Inter hos numerandus venit primario P. Joannes Leleszi, vir ingentis animi, Apostolus Transylvaniæ merito appellandus. Hic exulantibus injuriâ temporum Patriâ suâ Varadino Parentibus, prodijt in lucem Leleszi: à quibus religiosè educatus, & ingenuis artibus optimè instructus, cum eximius in Patriæ suæ salutem Societatis labores & conatus prudens arboriter disperiisset, ad eorum Ordinem animum adjecit, jam duodevicensarius An. 1766. In quo post Rhetoricam & Philosophiam magno applausu doctam, jam quatuor vota professus, accersitus est à Bavaria Viennam, operam deinceps in animorum quæstum locaturus. Christophorus enim Battoreus, inelytus Transylvaniæ Princeps, adnitere unâ Stephano Battoreo fratre, jam tum Poloniæ Rege, profligatam pene ditione suâ rem Catholicam, servare & restituere cum adniteretur, subsidia è Societate JESU, ad hoc maximè opportuna & efficacia, à Cæsare flagitabat. Primus in tam arduam, & discriminum plenissimam Missionem designatus est, reliquis in ea Provincia futurus Præses P. Joannes: jam enim tunc superstitiones omnes plenâ pace & tranquillitate, soli Catholice Religioni indicto exilio, in Transylvania habitabant, & perique omnes Procerum varijs sectis infecti erant, Lutherum, Calvinum, Arrium, Anabaptistas, Antitrinitarios, Mahometem, & quæ non Religionum monstra, sectantes. Inter tot profligatæ fidei Aulicos, ne Sigismundus, in Principatu Parenti Christophoro successurus, in nefariam & ipse Hæresim, Matris præsertim versutiâ, quæ filium in sua secta educarat, pertraheretur, Patris Joannis fidei & educationi commissus est. Sacris & profanis disciplinis abundè instructum, in Catholice Fidei petra

itâ solidavit, ut ejus ad mortem usq; tenacissimus, toto etiam Principatu ruinas illius reparare studuerit. Licet postmodum beneficio perditorum hominum Principatu cedere coactus, in extrema egestate finierit vitam Præge; cariturus honore sepultura, nisi hanc ei fidus, qui ex tot unus supererat famulus, in sacello S. Sigismundi Metropolitane ibidem Ecclesiæ præstitisset.

Nec in solius Principis sana educatione constitit zelus Leleszi, sed aperto Claudio-poli Gymnasio, frequentissimam illuc totâ Transylvaniâ, ex omni Nobilitate Juventutem pellexit, quam feliciter literis simul & Fidei rudimentis, per magistros Societatis instrui fecit. Ipse interim quâ Concionibus sacris, quâ privatis congressibus, animis civiū hæresim extirpare perentans, id assecutus est, ut cum sex solos sub ejus adventu censeret Vrbs nobilissima Catholicos, ipse discedens, majore & potiore sui parte reliquerit orthodoxam. Inter hos animum quantumlibet collectum dissipantes labores, nihilominus tam erat mente in Deum intentâ, ut vix alij cum solo Deo acturi ad horam orationis collectiorem afferant. Nec inferiore studio in opulentissimi Principis Aula paupertatem noverat servare, quam in domestica Collegiorum penuria constitutus: nihil unquam, neterunciu quidem, ex copiosis Principatus redditibus, qui tamen omnes fidei suæ commissi erant, in usus proprios, etiam necessarios, derivare solitus. Verum non diu tulit Orcus damna sibi, & fœdis suis per Transylvaniam illata, sed per faminam Nobilem, hæresis pertinaciter studiosam, toxicum ei miscuit, quod illi ad cenam familiariter invitato perfidè propinavit. Et non fuit quidem illa veneni rabies, quæ in vestigio hominem necaret; ab eo tamen tempore contractis venis, quasi apoplexiâ, omnibus corporis membris obrigescebat. Accessit & aliud à crudelitate hæretica malum, Mutatâ siquidem Principis fortunâ, cum toto Principatu Socij exigerentur, exturbatus est & P. Leleszy, nequidquam obnitente Principe, quantumlibet lætulo tunc ex morbo affixus, hyeme gelidâ & nivosa, initio anni 1788. Inde sensim in mortem contabescens, cum frustra essent omnia medicamenta, Lauretanum in Italia Collegium, opatissimam morifidam sedem delegit, ut ubi ponendam pro nobis Christus Dominus animam in Incarnatione assumpserat, ibi ipse suam pro illo toxici violentiâ exturbatam poneret. Quod factum est die 26. Febr. An-

no 1794.



P. Ioannes Cornelius. Soc. IESV. nobilissimâ prosapia Anglus post repetitam ex manuum pedumq. articulis in cupuleo distensionem. pro Fide Catholica suspensus, exenteratus, et dissectus in Angliâ Dorcestriæ. 3 Iulij A. 1594

C.S. d.

M.K.f

P. JOANNES CORNELIUS.

Nobilissimâ Omahunorum, sive Omagunorum Hybernîæ familiâ (ut multi scriptores volunt) oriundum Cornelium, pientissimâ Comitiſſa Arundelia catholice educandum sibi à Parentibus ejus obtinuit. In Collegio dehinc Anglorum Romæ studiorum cursu confecto, Sacerdos consecratus, & in Angliam An. 1583. Septembri mense remissus, primâ curâ Matrem conquistam ab hæresi revocare studuit; quam etiam miro solatio totius vitæ peccata apud se deponentem, DEO & Ecclesiæ restituit. Tum omnium utilitatibus & salutem se impendens, nullum verebatur subire discrimen, dummodo salutaria malis cuiuspiam asferre pos-

set remedia: mutatis identidem stationibus convocatos Catholicos in sylvis, domibus privatis, solari, confirmare, Sacramentis munire, quotidianâ catechesi rudiores imbueri confueſcens. Constat triennio plus tricenis familijs ejus hortatu inductas esse, ut à nefaria Hæreticorum cœna, & fanis frequentandis se abſtinerent. Mirè industrius erat in indagandis moribundis, & extremâ calamitate pressis, quorum innumerabilem multitudinem, pestilentia maxime grassante, ab exitio sempiterno vindicavit. Resciit abjectum rure jacere senem hæreticum, pediculari morbo ad extrema deductum, à quo muscis, pediculis, vermibus, toto corpore scatente, omnes etiam fan-

Sanguine juncti, graveolentiam non ferentes, se amovissent. Huic Joannes ubi tota nocte, multis confirmans, & in spem aternitatis erigens, assedisset, ab errore quidem & peccatis sacramentaliter absolutum, & mox eadem nocte morituum constanter solatus est: vernibus tamen & putridâ illuvie totis vestibus ita ab eo oppletus, ut mox deposita, usui deinceps esse nequiverint. Grassante in Dorcestria lue pestilenti, nullus ægrotavit Catholicus, cui non adfuerit, nullus protestantium, cui non tentaverit insinuare animi salutem, & Catholica consilia. Præcipuum in his robur fumebat à SS. Missæ sacrificio, quod diebus singulis, nunquam sine lacrymis, Deo litabat; in alijs etiam Divinorum commentationibus à sensibus abripi solitus, ad quos nullâ vi diu poterat revocari. Edomandi per aspera corporis perquam studiosus fuit, & plura quotannis cilicia & flagra sui diverberatione conficiebat, omnibus etiam ante incarcerationem annis, quaternos in hebdomada dies severo jejunio consecrans. Plurimum etiam ad conservandam mentis illibata innocentiam faciebat intenta semper sensuum custodia, quâ toto triennio nec Templum Parochiale, quod fenestris ejus cubiculi erat proximum, nec quale domicilio suo esset tetrum, observavit.

Atque hæc omnia singulari fervore toto decennio in Angliâ gessit Clericus secularis, necdum Societati Jesu legitime adscriptus. Quo tempore multis miris eventibus labores ejus honestare Deo visum. Sanè potestasejus in Dæmones prorsus fuit admirabilis, quos ex obsessorum corporibus solo passim accessu felicissimè exiebat. Horum unum Missæ aliquando assistentem, coëgit præsentem in Hostia DEUM publicè confiteri his verbis: *Agnosco in hoc Sacramento omnipotentiam tuam ô DEUS.* Unde multum percussis Hæreticis, Orthodoxi mirificè fuere in fide constabiliti. Quarum rerum famâ toto Regno, vulgantibus rem ipsismet dæmonibus, apud Catholicos & Hæreticos vagante, impulsu Magistratus, eum Caypha dicebant, *quid facimus? quia hic homo multa signa facit.* Dimissisq; eodem simul tempore tricenis emissarijs, eum ubicunq; deprehensum comprehendere jubebant. Et verò in manus eorum jam inciderat aliquando, deprehensus ab ijs conclave irrumpentibus, scriptioni vacans, & calanum, ut fieri solet, ore tenens, S. videns eos harere, oculis divinitus ne eum viderent impeditis, silentio per medios illos in campum egreditur. Defunctorum

animabus è piaculari carcere liberandis cum esset addictissimus, sæpius ab ijs rogabatur, ut litationibus suis pœnas eorum redimeret. Inter quas erat D. Hartivius, olim. Præceptor suus, uti & Baro Sturtonius, quem in vastissimæ sylvæ incendijs horrendum amburi, inter lucuosissimos ejulatus, tempore sacrificij, quod pro ipso operabatur, aspexit, his editis causis pœnarum: *quod fidem nonnunquam dissimulasset, quando eam palam confiteri ex usu fuisset: quod totam ætatem in Aula, non semper bono præbito exemplo, perdidisset: quod è suffragatorum numero in necem Maria Stuartæ unus & ipse fuisset, licet sapiens de hoc reum se pro sacro Tribunali egerit.*

Postquam autem visum est Divinæ Pietati pleno gloriæ sine laboribus illius coronare, è mediastinis unum quempiam, & inter domestica famulitia ad infima obsequia destinatum apud Dominam, in cujus Castro sustentabatur Cornelius, sivit à malo genio ad prodicionem excitari; qui spe opulentioris fortunæ inductus, Duumviris capitalibus eum numeroso satellitio in villam adductis, indicatâ digito, quâ se condiderat latebrâ, Dei Sacerdotem in manus impiorum tradidit. Inde post varias in itinere eum Heterodoxis altercationes Londinum adductus, & tetro carceri mancipatus, paulò post Senatui Regio sistitur, ut videlicet aperiat, quibus alijs in locis, apud quos divertisset? Sed iniquam percontationem reiiciens, equivoque, & alijs cruciamentis ad confessionem adigitur. Quibus nihilo mollior effectus, & in ergastulum scilicet reclusus, instituit jejunijs, verberationibus, vigilijs, precibus continuis, votorum religiosorum nuncupationi sese preparare. Jam enim Henricus Garnetus, Sociorum per Angliam Moderator, non longè antè literis à Cornelio exoratus, in suam Religionem illum receperat, potestate factâ, consueta Societati JESU vota in carcere nuncupandi. Quibus ille quanto animi sui solatio sese illigaverit, nemo verius, quàm ille dixerit, testatus in epistola ad Dorotheam, Virginitatis perpetuæ voto illigatam, Matronæ in cujus Castro sustentabatur Filiam, nunquam sibi tantum dulcium lacrymarum, tantum Divinæ voluptatis obvenisse, quantum beatus ille carcer peperisset.

Non multò post Londino Dorcestriam, in cujus territorio captus fuerat, remittitur, ut ibi judicatus, perduellium pœnas luat. Ille luc itinere toto latronum more, brachia post tergum revinctus, adducitur, ternas quotidie horas precatiori & corporis diverberationi impen-

impendere, apparitorum indulgentiâ permiffus. In Vice-Comitis aulam receptus, & liberâ pene custodiâ honorificè habitus, bonâ ejusdem gratiâ obtinuit, ut locum supplicij fui, pridie quàm occisus est, ipsomet comitante adiret, veneraturus furcam, quæ sibi scalæ vicem in Cælum conscensuro præbitura erat. Ad iudicium productus, læsæ Majestatis reus damnatus est, quòd vetitas à Regina Missas fecerit, Confessiones exceperit, & Regij edicti in Catholicos & Sacerdotes sanciti impugnatione, penes se scriptam habuerit. Quo eodem die, reliquis qui se inviserant dimissis, accitum sub vespere Dorotheam, suasu suo Virginem, Cælestium jam plenus, ita affatus est: *Sape me Divina gloria cupiditate exerceri experta es, at ecce corpus hoc castro dissocabitur. Vita presentis fastidio te neor, ad sempiternam aspiro. Fac dulcis JESU, ut verborum atque operum meorum illa sit meta. Ad hoc vides me, quod maximè expetivi, competentem à DEO factum Societatis IESU; fac amabo, ut quidquid reliqui mearum rerum, illi cedat. Tu verò vide sis, ut voto inveniendæ Religionis, quo te obligasti, quàm primum respondeas. Obsecra, ne quid cogitem, dicam, aut spirarem, præter Christum, Crucem ejus, & Paradysum. Ego vicissim IESUM obsecro, ut religiosam te faciat, plenam annis & meritis, & gratiâ celesti, ut in tuto rursus conspectu fruamur in Paradiso. Nocte ultimâ solidè in precatione, confessionibus excipiendis traductâ, & vicenis duobus aureis à Dorothea submissis, in Catholicos egentes distributis, oblatam vitæ indulgentiam, si modò Tempa Hereticorum frequentaret, animosè rejecit. Atque sub horam à meridie primam animosus è carcere prodiens, ultro supinus crati viminæ incubuit; in qua ad locum supplicij raptatus, quatuor alios, qui pedites ad furcam unâ ducebantur, identidem ad constantiam firma-*

bat, exemplo ad emolliendam præcipui ejus Provinciæ Viri conscientiam pervadentem, qui benedictionem à Patre sic infamè raptato flagitans, recepit se Catholicis aggregaturum.

Ad locum supplicij ubi devenitum est, sublati in patibulum primò latrone, quem expiatis sceleribus orthodoxè mori Pater condocescecerat, ac tum fidei causâ duobus suis famulis, & Nobili Viro Thomâ Bosgravio, postremus ipse scalas alacer conscendit, illud Apostoli Andree usurpans: *O bona Crux, diu desiderata, sollicitè amata!* Sociorū deinde pedes è trabe pendentium, & laqueum à carnifice porrectum exosculatus, collo induit, DEoque spiritum commendans, è scalis dejectus est, 3. Julij Anno 1594. Et quia spirans adhuc & vividus recesso fune excarnificatus est, dum pectore fisso cor & intestina diriperentur, manum fronti admove, veluti supremum Cruce signaturus, notatus est. Partitum quadrifariam corpus, & palis affixum est, capite ex summo patibulo ad publicum terrorem prostante. Quod dum eminus veneratura per eos dies Dorothea accedit, videt illud lucis radio cinctum mirabiliter fulgere. Sed oculorum ludibrium metuens, dum exploratura propius se admovent; quò se conferebat vicinior, eò clarius radiare conspexit. Quo spectaculo vehementer animo confirmata, de gente non sancta in Belgium profugiens, sacras inter Divi Benedicti Virgines votam DEO vitam traduxit. Totos interim 15. dies, quibus in patibulo fixum prostabat Caput, tam exitiosa vis imbrium devastavit messes, ut eam incolæ vindictam crederent ignominie sacro capiti illatæ, impetrarētque à Gubernatore illud deponi; quâ occasione, unâ cum toto corpore venit in potestatem Catholicorum.

P. ROBERTUS SOUTHUUELLUS.



Nescio an quis alius unquam post sanctissimum Parentem ejus Ignatium, majorem de Societate JESU sensum, majorem vocationis suæ foverit ætimationem, quàm Robertus Southuuellus Anglus, in Comitatu Suffolciæ, illustri & perquam nobili sanguine natus. Scripsit quidem aliquando in sua ad Socios Romam epistola S. Xaverius, æternum animæ suæ exitium imprecans, si unquam ab amore dilectis-

simæ suæ Religionis descisceret: *si oblitus, inquit, fuero tui o Societas JESU, oblivioni datur dextera mea.* Sed an non sublimis ejus de hoc Ordine conceptus adæquavit, si non superavit Robertus, clarissimo in Angliæ gentis Southuuelle natus sanguine, ex his quæ propria manu consignavit, patebit. Primum ergo ejus consequendæ studio, quòd nullibi alibi certius tergemina Virginitatis, Doctoratus, & Martyrij lauream sibi polliceretur, post Philosophiam Duaci sub Leonardo Lessio



P Robertus Southuuellus. Nobili sanguine in Anglia natus. Soc. I.E.S.V.
pro Religione Catholica suspensus et sectus Londini A. 1595.3. Mar.

C.S. d.

M.K. f.

Lessio absolutam, pedes Romam tetendit. Ubi experiundæ virtutis & constantiæ gratiâ nonnihil prolatus, tanto doloris sensu moram tulit, ut scriberet: *quid fieri potest, ne merore conficiar, cum ab illo catu me disjunctum videam, ab illa Societate segregatum, diuisum ab illo corpore, in quo sita sunt vita mea, amor meus, totum cor, & affectus meus?* Pinc tanto maiore gaudio ex admissione affectus, beatitatem suam quasi non capiens, ita seipsum scriptis extimulabat: *Quot sunt, qui suspirant anhelantes die nocteque, nihil aliud cogitant, nisi quâ possint in Societatem admitti! Quoties eis felix admissorum status in mentem venit? Quoties eundem ipsi toto cordis affectu exoptant? Quot sunt, qui cum te per plateas incendentem vident, liquefacto velut corde in lacrymas solvantur,*

dum se tanti boni possessione orbatos vident? tu autem, qui eo frueris, quanto erga Deum amore flagrare deberes? quam gratus esse de tanta gratiâ? seculares cum te vident, propter sanctitatem vitæ, & quâ in vero Societatis filio reperiri debet virtutem, reuerentur, & multo plus à te, quàm à devotissimo quolibet seculari expectant. Facis igitur & operibus eorum expectationi respondere debes. Et rursum alibi: *Considera, scribit, quanta in Religioso Societatis perfectio requiratur, qui semper ac singulis momentis paratus esse debet in quasvis Mundi plagas, & ad quacumque hominum genera proficisci: cum ij sint Hæretici, Turcæ, Pagani, Barbari: & incerti simus, quo nos Deus vocaturus sit. debemus ergo omnibus virtutibus instructi esse, quæ necessaria sunt, ut cum hi omnibus possimus cum fructu &*

F

edifici

edificatione versari. Unde cogitemus, quid desideretur in eo, qui cum Indis est versaturus, quantum debeat habere patientiam, charitatem, compositionem verborum, gestuum, & omnium actionum, quantum cum DEO unionem! Item, quid requiratur ab eo, qui ab hereticis in vincula conjicitur, fame, siti maceratur, mille illecebris tentatur, aq̃uleo & varijs tormentis cruciatur.

Postquam autem Tyrocinium egressus, sacramentum in militia JESU Christi per vota religiosa nuncupavit, ita hanc suam felicitatem profecutus est. 1. Crucifixo desponsata est anima tua; unde & eam crucifixam cum corpore esse oportet. Sicut enim similitudo amicitiae, ita & dissimilitudo disunionis causa est. Nec certe ullo modo congruum est, ut sponso patiente, & infinitis affectu doloribus, eodemque pro ipsius Sponsa sua amore obtinendo crucifixo, sponsa delictijs affluat, seve in ulla delectatione versari permittat, vel in ulla re, quam in sponsi imitatione, quae amoris vinculum est, recreetur.

2. Membrum Societatis IESU, B. Virginis filius, unum ex visceribus Christi effectus es: cum reliquis igitur & te crucifigi oportet.

3. Factus Sanctoꝝ socius, domus Dei incolae, in Exercitu Christi miles, in Ecclesia petra fundamentalis lapis, factus es animarum piscator, secularibus vita norma, & virtutum speculum; mensis Christi operarius, servus illius insolubilis; Diaboli, Mundi, & Carnis hostis declaratus, & publicus; cecorum dux, claudorum bajulus, omnia omnibus.

4. Nihil quod est, aut potest esse in te, aut spectare ullo modo ad te, potes amplius posthac dicere esse tuum; nec memoriam, intellectum, nec voluntatem: nec quidquam potes nolle aut velle de te; nec de te, nisi ex superiorum praescripto, aut de quoquam alio, aut re vel minima disponere: sed Dei & vicariorum ejus ita factus es mancipium, ut plena tui potestas penes illos semper, penes te nunquam amplius futura sit.

5. Cum iisdem plane nodis adstrictus sis, quibus B. P. N. Ignatius, Xaverius, &c. & ejusdem sis Societatis; ad eandem perfectionem, quantum ex parte tua fieri potest, obligatus es. Unde licet perfectionem aliquam aliquid videris te acquisivisse, si tamen ad illam, quam habuerunt iidem B. P. N. evectus non sis, nihil adhuc te fecisse intelligas, nec illi respondisse gratia, quam Societas tibi character, & Spiritus Sanctus communicare solet; ideoque ad perfectiora semper aspirare debere.

6. Ita DEO temetipsum dedisti, ut illius perpetuo mancipium, servusque futurus sis, & de te amplius nihil velle, aut nolle possis; ideoque

quidquid tibi accidit, peculiari ejus providentia evenire certo scias. Ino tu nec in minimis etiam rebus debes ullā ratione quidquam proponere de temetipso, nec hoc aut illud velle perficere; nisi prius te commendaveris Providentia Divina; quia nihil est tam parvi momenti, in quo non possit aliquis defectus committi; & proinde etiam in minimis totam nostri curam DEO relinquere & superioribus debemus; & quidquid accidit, à manu ipsius, tanquam Patris amantissimi, incommo alicui, quod nos nescimus, occurrentis, libenter accipere; scientes, quod quantumcumque gravis, & molesta accidere permittat, aut ad praeveniendum majus malum, aut ad communicandum aliquod nobilius bonum, quod tamen requirat dispositionem praevidi, permittere.

7. Sape tibi occurrit hac cogitatio: Quid responderes, si superior diceret tibi, quod non es idoneus, & utiis Societati, & ideo te debere discedere, nec te velle superiores diutius retinere, cum sis unus Societatis, &c. Et hoc tibi modo respondere proponebas; si velis ut egrediar, prius tamen egredere, ut aditum mihi patefacias; & postquam expertus fueris lucra, quae ex egressu invenisti, referas mihi, & si mihi magis placeant, quam quae hic exterior, forte subsequar. Item, non perfectus, sed imperfectus facta est Religio; & si hic inter perfectos sim imperfectus, quomodo potest salva conscientia me dimittere in manifestum anime periculum? Item, si Christi mortem pro me subierit, & cum suo etiam damno meus miseria perpeffus sit, cur Societas Christo longè inferior, hac non praestabit?

8. Semper te ut Novitium geras, cum eo fervore & humilitate, eaque reverentia & modestia, quam in Novitio requiri existimas; & recordare semper illius quod Regula praecipit, scilicet, ut omnes in animo tuo te superiores ducas, & DEUM in unoquoque, ut in illius imagine agnoscere studeas. Ino tunc te felicem existima, cum tu illis ulla in relicta praestare poteris auxilium, & occasionem illi eorum cedendi, aut succurrendi nactus sis; Et quantum fieri potest, viliora & deteriora pro te semper elige, potiores alijs in omnibus partes deferas.

9. Considera paulo attentius quid affectus sis, quid possideas, quantum à Deo gratiam acceperis, quod sis in Societatem adscriptus, in illa confirmatus, illius votis obstrictus! Quot sunt nobiles, elegantissimi & sanctissimi Juvenes, qui velut exules à patria, velut cervi sitientes à fontibus aquarum remoti, saepe dum tu dormis, & securus requiescis, amarissimis lacrymis, & gra- dolore conficiuntur? &c.

Crevit

Crevit verò in immensum successu temporis hæc Vocationis in ejus animo æstimatione, posteaquam Theologiâ exactâ Sacerdotio initiatus, & in Collegio Anglicano Romæ studiis præfectus est, uno ante discessum in Angliam anno. Ita ergo in scripto quodam proficitur: Ego *Robertus Southwellus*, coram DEO Opt. Max. & curia Cœlesti universa profiteor, assero, & certissimè credo ex signis evidentissimis & manifestissimis, ex toto vitæ præteritæ & præsentis cursu, re in Domino strictissimè & diligentissimè consideratâ, simpliciter & absolutè mihi melius esse in Societate Jesu perpetuò vivere & mori, quàm in ullo alio Religiosorum Ordine; & à fortiori quàm in seculo, aut ullo statu seculari. Et profiteor me in præsentia, sinè ulla, ut spero, passione existentem, summo propriæ salutis & finis consequendi desiderio astuantem, hoc ratum & stabile toto vitæ meæ tempore habiturum: & peto, ut hæc ipsa scriptura, tanquam hujus desiderij testimonium, DEO Opt. Max. in die Judicii offeratur; ut si aliter impostero diabolicâ tentatione deceptus, & hujus propositi oblitus sensero, nulla sit sententia illa, & momentum omnino non habeat; quippe quam, cum mihi optimè & securissimè coner, & rectæ rationis adminiculo adjutus, & in Dei ut spero gratia existens, sinè conscientia ullius peccati mortalis, aut ullius prævæ & perversæ voluntatis, futuris periculis providere deceptor, abhorreo, abrenuncio, abjuro, execror, & omnibus modis recuso, & rejicio, & ad finem vitæ meæ inclusivè detestatam, abjuratam, execratam, & refutatam esse toto pectore, & ex intimo affectu desidero: & ita me habeo, ut etsi omnes Angeli, Cœli, omnes homines Mundi totius, omnes deniq; creaturæ annihilari deberent, nisi ego è Societate discederem, ob horum nullum egrederer.

2. Licet omnes Patres, & Fratres omnes, etiam Superiores essent egressuri, & præter me nullus in Societate esse vellet; ego solus essem, & solus in ea morerer.

3. Etsi Angelus de cœlo descenderet, & mihi diceret, non esse in Societate manendum; si vel unicum haberem superiorem, qui ut superior mihi contrarium diceret, spreto & rejecto Angeli sermone, judicium superioris sequeretur.

4. Etsi Societas tota esset contraria Superiori in rebus ad illius officium pertinentibus, & in quibus illè ex potestate, & ex jure officij statuere & ordinare posset, & ex officio justè deberet, adhærerem illi, etsi contraria

pars & rationes efficaces, & quantumvis apparet, & præterea viros doctrinâ & pietate totius Civitatis clarissimos haberet: imò etsi superior vir aliqui sceleratus & nefarius esset; aut si temerarius esset, ex eo, quòd mihi potius quàm cæteri constare vix posset, an ille in tali casu deberet ac posset hoc facere, & suspendere intellectum, & in neutram partem propenderem: si in alterutram tamen propendere necesse esset, omnino propenderem in partem superioris. Iterum dico & confirmo: Et ego in præsentia animi mei tranquillitate & serenitate existens, mihi ipsi perturbato & tentato, si quando, quod DEUS avertat, contigerit, in rebus præferam ad vocationem & obedientiam spectantibus, consulo & persuadeo, ut reflectam oculos in præteritum statum, cogitem seriò & cum indifferentiâ, ad amplectendum voluntatem Dei, mihi per superiores semper, & in omni tempore, & in omni statu declarandam, me tunc quoad res animæ sensisse melius, verè apprehendisse necessitatem religiose vitæ, & pericula manifesta quæ in seculo occurrunt; & ex hac vera, bona, rationabili, & Deo grata apprehensione firmiter & involubiliter statuisse, coram Deo, & Creaturis omnibus, absolutè optimum, necessarium, & convenientissimum mihi esse, in Societate Jesu, & nullo alio, qui sit aut esse possit, statu vivere & mori, ad laudem & gloriam Dei. *Hæc omnia & quæcumque alia, intelligendo juxta ipsius Societatis Constitutiones.*

Foverat quidem animo Robertus aliquot annis, ut erat animo vasto & excelsso, desideria proficiscendi ad Indos & Barbaros, sed postquam in Patria sua certiore fundendi pro Christo sanguinis occasionem vidit, continuè toto animo illuc propendens, magnis votis & suspirijs eam missionem exambijt. Igitur Henrico Garneto, totius Missionis in Anglia, post Personium futuro Moderatori, datus est comes anno 1586. quàm ætate juvenis, annos natus non amplius 25, tam virtute præstans, & excelsissimâ sanctitate, ad vindicandos ex sempiterno exitio Populares, inextinguibili flagrantia incitatus. Spirans hunc animæ illius magnæ, & Apostolico zelo incensæ fervorem literæ, ad amicum Sacerdotem Societatis, ex ultimo portu quàm trajiceret, datæ:

JESUS MARIA. Rev. in Christo Pater.

Extremis jam obijciendus periculis, & mortis te vestibulo alloquar, mi Pater, tuarum implorans in his periculis, subsidium orationum, ut quo impulso moribundus

semel spiritu revixi, eodem quoque supplicante, corporis mortem aut utiliter fugiam, aut viriliter sustineam. Mittor ego quidem in medium luporum, ac utinam ut ovīs, pro illius qui mittit nomine, fidēque ad occisionem ducendus. Certē terra marique mihi, sat scio, inhiaturos plurimos, qui non solum ut lupi, sed tanquam leones circumveant, quarentes quem devorent; quorum ego non tam timeo, quā expeto morsus; nec tam horreo torturos, quā coronaturos exposco. Caro quidem infirma est, & non prodest quidquam; imō & hęc meditati reluctatur; sed Dominus potens in praelio ipse mihi à dextris erit, ne commovear; quique instituit exemplo, non destituet auxilio: nec aberit à certante, qui ad certandum induxit. Tu verò mi Pater fultio me floribus orationum, qui ascendant in odorem suavitatis; stipato me malis operum, ut si languere oporteat, non timore, sed amore langueam. Ego certē quidem, si (quod sperare non audeo, quanquam vehementer optem) in felici Martyrum Choro vel minimus esse possim, non ero, Deo volente, immemor mei nunc recordantium; nec ero benē merentibus ingratus in Cælo, quibus vel in terris cupio esse quā gratissimus. Age igitur mi Pater (extremum fortē jam te alloquor) age, inquam, apud communem Patrem, ac Dominum Jesum causam meam, imō causam tuam, causam totius Ecclesiæ: Ut eam, quam gero personam, itā sustineam, ut quod DEUS, quod ANGELI, quod superiores à me factum cupiunt, id vel cum sanguinis ipsius vitæq; iactura, fideliter fortiterq; præstem. Quod concedat DEUS; cui te, me ipsum, & nos omnes commendo. Patrem quæso Rectorem, & alios Patres fratresq; ex me saluta. Vale. è portu. 15. Julij. Anno 1586.

R. V. frater & servus in Christo.

Robertus Southuellus.

Et omnino non sefellit Bonitas Divina expectationem famuli sui, sed Martyrij lauream, quā à puero semper maximis votis à Deo precabatur, concessit; idq; eā prorsus, quā gestiebat, ratione, ut prius magnos animarum quæstus annis aliquot faciens, ingentibus ærunis & miserij conficeretur. Si quidem post 6. annorum diurnos nocturnosque in animarum cura per Angliam quæstuosissimos labores, tres annos in carceris squalore, varij tormentis exercitus, exegit. Nec ferē de eorum obtentu ambigere poterat Robertus, fassus amico confidenti, se ad eam

diem, quā Angliam intravisset, nihil petijisse à Deo, quod non impetraret. Neque id mirum; profundissima enim cum intima sui cognitione humilitas, defluentium è cælo gratiarum & donorum, capacissimum ejus animum effecerat. *Quid fui Domine?* his ipsis verbis nihil suum perpendebat; *quid sum?* & *quid ero?* *fui nihil; nihil sum; & ero fortē nihilo pejor.* *Fui conceptus in originali peccato; sum plenus peccato actuali; & quis scit an ero condemnatus pœnā gehennali?* *fui miserabilis in ingressu; fui miserabilis in progressu; miserabilis in egressu; fui sperma fetidum; sum saccus stercoreum; ero esca vermium.* *Cum nihil essem, fui sine periculo damnationis, & sine spe salutis; & jam sum in spe dubia, & gravi periculo; ero aut ex re sperata felix, aut ex periculi successu infelicitissimus.* Sic fui ut damnari non possem; sic sum ut salvari vix possem; sic ero ut in æternum damnatus, aut in æternum salvus. *Quid fuerim, scio, quod fui pessimus; quid sum, nescio, quia de gratia incertus; quid ero, ignoro, quia de salute dubius.* *Quod fui, Domine ignosce; quod sum, corrige; quod ero dirige; inquam dirige, à malo præterito, in bono presenti, ad præmium futurum, Amen.*

Verum quantò in oculis suis vilior, tantò alijs semper fuit æstimator; qui fummas animi illius dotes, & naturæ simul ac gratiæ in unum omnia effusa bona pervidentes, certatim manibus suis ei ministrare, ejus advolvendi pedibus, pressare genua, omnique officio prosequi omnes, ex omni ætate, sexu, statu, & conditione, studebant. Inter quæ ipse nullā die nocteq; admittens quiete, voce & linguā, stilo & calamo, versu ac prosā (nam venustate, atque uberrimā materni idiomatis eloquentiā, etiam hostes à morte suā, etiam Reginam Elisabetham ad lætandum nitidissima opuscula, & suis sumptibus recudenda pelliciebat) hæresim impugnare, fidem suadere, virtutem commendare, eā contentione perrexit & eventu, ut quā plurimis ad Ecclesiam reductis, judicaretur suo tempore rem Catholicam adversus impium Reginæ furorem sustinuisse. Quotidiana vitæ pericula, carcerum, & suppliciorum in momenta quolibet impendit discriminā, incitamentum ei fuere, & ad Apostolicos labores illicitum. Quæ ipse binis ad socios literis ita describit: *Hactenus vivimus, & incolamus quidem, indigni, ut apparet, carceribus.* Crebrius misimus, quā isthinc acceperimus literas, tamen haud sine difficultate mittantur, & scimus aliquarum factam esse iacturam. **Conditio Catholicorum Recusantium**

fantum est eadem, quæ adhuc fuit; miserabilis, & timoris ac periculorum plena, præfertim ex quo adversarij bellum expectant. Nostri qui in custodia sunt gaudent, & suis sese vinculis solantur; & qui liberi sunt, nec multum curant, nec libertatem sibi fore diuturnam putant. Omnes, quæ DEI bonitas & misericordia est, comparant se ad durissimam quæque toleranda, quæ illis evenire possunt, dum DEO serviatur: Cujus gloriæ & salutis animarum major eos sollicitudo tenet, quam sui dispendij temporalis. Non diu est, cum duos comprehenderunt Sacerdotes, qui in carcere Briduel talia passi tormenta sunt, qualia vix credi potest. Victus eorum pertenuis, & adeo nauseosus, ut solo aspectu fastidium commoveret; labores continui, & immoderati, neq; in infirma, quam in prosperâ valetudine levioris; siquidem fuste & virgis pensum ab illis, quamvis imbecillibus exigebant, lectus illis stramen sordidum; carcer gravior olens. Nonnullos suspendunt manibus integros dies, ita ut terram vix extremis pedibus contingant. Deniq; qui eo carcere detinentur, degunt in lacu miseriæ & luto fecis. Hoc purgatorium & nos in horas expectamus, in quo Catholicorum tortores Toplisus & Yongus omne tormentorum genus exercent. Verum quid, quid placitum DEO fuerit, veniat; tenet nos spes perferendi omnia, in eo qui nos confortat. Interea confundantur qui loquuntur mala, & loquatur Dominus pacem populo suo; ut (sicut ait Propheta David) habitet ipsius gloria in terra nostra. Sanctis sacrificijs R. V. & amicorum omnium demissæ me commendo.

Posterior Epistola sic habet: *Multas Epistolas dedimus, sed videntur redditæ paucae.* Versamur medijs procellosis in fluctibus, neq; exiguo periculo, quo tamen adhuc liberare nos placitum DEO fuit. Omnes simul ingenti nostro solatio vota Societatis renovavimus, ex more nostro; & impensis aliquot diebus in exhortationibus, & spiritualibus colloquijs, aperuimus ora, & spiritum attraximus. Videor mihi principia vitæ religiose videre exorsa in Angliâ, cujus nos flentes femina mittimus, ut alij postea cum exultatione colligant manipulos pro Cælo. Cantavimus canticum Domini in terra aliena, & in hoc deserto fuximus mel de petra, oleumque de saxo durissimo. Sed hæc nostra gaudia luctus occupavit, & subiti timores diversæ nos disperferunt. Sed demum majore periculo quam damno, tempestatem omnes

evasisimus. Ego cum alio è nostris, dum seylam vitamus, in charybdim incidimus; sed uterque, DEO miserante, citra naufragium enavimus, & nunc tuto in portu navigamus. In alteris meis descriptis postrema martyria Baylij & Horneri, & quantæ ædificationi populo fuerit sanctus eorum exitus. Idgenus roribus rigatur Ecclesia, ut in stillicidijs hujusmodi lætetur germinans. Expectamus & nos (nisi tanta gloria indigni sumus) quando veniat ut mercenarij dies nostra. *Interim me impensè commendo Orationibus R. V. ut Pater Luminum nos illuminet, & confirmet suo spiritu principali.*

Sextus jam Apostolicorum laborum Roberto decurrebat annus, cum inopinatè à puella, Bellemaj Viri Nobilis, ad quem ex itinere diverterat, filia proditus, & à Topliso iudice comprehensus est. Hic in suam secum domum pertractum, quæ erat in Catholicos insigni sævitia, suo pro unius libitu, decies eum torturæ subiecit, adeo immani, ut in judicium productus Robertus, graviter judicibus conquestus, DEI nomine interposito asseruerit, sibi tolerabilius futurum fuisse mortem inter acerbissimos cruciatus subire. Modus torturæ, æquale longè durior, sigillatim nunquam innotuit, nisi quod in ea suspensus fuerit ex pariete utrâque manu, sed ferro ad arteriam utramq; obstrictâ, cui acutissimus suberat circulus, & retortis in crura tibijs. Quod autem truculentâ adeo quæstione exprimi tentabatur, erat, an esset Jesuita? Regisne Hispaniarum, an summi Pontificis res curaret? sed forti silentio omnia elidentem, ut diuturnitate supplicij ad confessionem adigeret, domi pendente in manibus Toplisus reliquit, dum ipse à negotijs, quæ in urbe curanda habebat, reveniret. Et fuerat tunc omnino ex prolixitate tormenti, (septem enim totas horas mox primum penderat) expiraturus, cum membris omnibus fatiscens animo jam linqueretur, nisi revocatus confestim Toplisus tantisper depositum, stillati liquoris aspergine resocillasset; ubi postquam ingentem sanguinis copiam vomuisset, eidem cruciatui à tortoribus redditus est. Fecerant siquidem Regine Consiliarij Topliso potestatem Roberti cruciandi, quantis, & quibus libuisset poenarum figuris, dum ne illum tamen occideret. Quæ ad satietatem illum fuisse usum, vel inde colligas, quod sæpius jactabundus dicere auditus sit, nihil sibi accidere posse jucundius, laniatione & cruciatibus Sacerdotum; in publico etiam Judicum confesso, quo fatalis in

Robertum lata est sententia, gloriatus; *si par mihi*, inquit, *arbitrio potestas fieret, nihil foret charius, quam quidquid Jesuitarum est, disperuerat in auram mittere.* Impletus igitur excruciat Southuelli privatâ voluptate Toplisus, cum tamen nec hilum expressisset, in publicam demum Custodiam, ad Westmonasteriensem portam eum transtulit, ubi per duos menses ijs ærumnis, fame, ac siti emaciatus est, ut pœdore, fordibus, pediculis, & vermiculis toto corpore oblitus, ad hæc facie luridâ, exangui, & mortuâ quàm spiranti similiore, in iudicium productus, miserationem sui etiam Regina moverit; quæ Parentis illius precibus concessit, ut ex dignitate sanguinis deinceps haberetur. Verum brevis illa indulgentia mox acerbiorè ergastulo in Turri Londinensî, totis tricenis mensibus repensâ fuit, quibus nulli mortaliū ejus vel alloquendi copiâ factâ, quæ & quanta passus fuerit, non aliunde, quàm à tortoribus ipsis resciri meliùs poterit.

Robertus Cæcilius Regius Senator, & Southuello torquendo Præfectus, familiari cuidam suo asseruit, tormentum illud à Topliso excogitatum, fuisse equivale longè diutius, cui nulla humana vis par esse posse videretur: in quo tamen ille animo profusus integro, & hilari, diutissimè pendens, nihil aliud à se exprimi pateretur, nisi hæc: *Sum Sacerdos, & Religiosus à Societate JESU: trajeci in Angliam, ut meis civibus veritatem Catholicam verbo explicarem, testarer sanguine. Hæc si mortis aridet causa, proferre ferrum, satisfiet votis vestris ac meis. Mortem intendetis, Martyrium referam.* Eundem tam diè torqueri solitum asseruit, qui illi in carcere custodiendo destinatus fuit, ut nunquam tormento eximeretur, nisi cum vitam fugituram appareret; tūmq; illum cremati fomento sibi redditum, copiosum è pectore sanguinem semper ejecisse. Ipse nihilominus inter cruciatus vultum constanter servabat ita serenum, & cælesti suavitatè delibutum, ut ipsi Custodiæ Præfecto hæretico sanctus haberi, & observari cœperit. Totum interim in his ærumnis solatium illi erat ex Breviario & S. Scriptura, quorum copiam idem Præfectus illi fecerat; inde ipse miserabilis suæ solitudinis lenire molestias, inde aspirationes ad DEUM depromere, inter quas maximè familiares illi fuere: *DEUS meus & omnia: DEUS tibi se, tu te DEO.*

Tandem ergo 2. Martij, tertio captivitatis suæ, anno in iudicium productus, & quòd sacerdotio per auctoritatem à Sædè Ro-

mana derivatam initiari se passus, in Angliâ Missas legisset, capitis & perduellionis damnatus est. Incredibile dictū est, quanto illâ diè & nocte sequente gaudio, seipso major, incescerit; ut adeo carceris custos non aliunde, quàm ex Cælo illum prodire posse interpretatus, erudiri ab eo in Religione, ardentissimus deinceps Catholicus expecierit. Donec sub crepusculum diè tertiæ Martij, quæ erat hebdomadæ FERIA 6. à carnifice, ut ad iter se compararet, admonitus, hilaritate maximâ, nocturno pilectio, qui solus erat super, illum remuneratus, & arcto amplexu stringens, beatum nuntium excepit, atq; ad carceris fores, ubi infinita hominum multitudine congregatâ, textum vimineum ignobili jumento alligatum illum expectabat, vultu & animo tranquillo, velut ad liquidissimas abiturus voluptates, prodijt. Illi supinus incumbens cum alligaretur, repetebat identidem plenâ gestientis animi humilitatē: *Major hæc dignitas est, quam ut mihi, vili tuo & indigno Chrisle mancipio competat; sit hæc tuæ unius Clementiæ gloria;* clatisq; in oculum manibus & oculis, viam Christi ad Calvariā ignominiosè raptati, toto ad Tiburnum usque raptationis itinere meditabatur. Solutus trahâ, lutum, quod à jactatione resilierrat in os, absterisit strophio, ipsūmq; strophium uni, quem procul agnoverat, ex Societate Sacerdoti projecit, à quo illud deinde Garnettus, à Garnetto recepit Aquaviva, Societatis Generalis Præpositus.

In plaustrum ferale, laqueo collum innexus, ubi descendit, manibus revinctis, ut poterat, sacrâ Cruce se signans, ab illis Apostoli verbis exorditus est: *Sive vivimus, Domino vivimus: sive morimur, Domino morimur.* quæ deinde fufus ita prosecutus est. *Ecce hunc in locum adductus sum, ut ultimam calamitosâ hujus vitæ scenam agam. Itaq; DEUM Dominum & Patriem misericordiarum per Jesum Christum Redemptorem nostrum, cuius pretiosissimo sanguine & morte mihi salutem conciliatum tri confido, humillimè exoro atq; obtestor, ut animæ meæ misereatur, & meâ mihi peccata condonet.* Eundem testor, me nihil in Regina Majestatem unquam designasse; pro illa me preces quotidie fundere solitum: Et nunc in hoc vitæ mortisq; confinio Deum oro obnixè, ut illi salutem sempiternam largiatur: & lucuos huic Patriæ nostræ salutare lumen, quo eodem populares omnes aspirent, benignus impendat. Hanc miseram animam in manus boni Domini mei Creatoris trado, rogôq; ut dono perseverantiâ ad extremum usq; conservet. Corpus arbitra-

tui Regina permitto; ejus me cura nequaquam sollicitat. Hoc unum opto duntaxat, ut meo, multorumq; bono, cedat ista mea hominis infeliciſſimi, niſi cauſa felicem faceret, mors; & leve ac momentaneum tribulationis hujus, ſupra modum in ſublimitate æternum in me gloria pondus operetur. Ad extremum, qui mihi titulus moriendi honeſtiſſimus eſt, confeſſor, proteſtorque primum, me Catholicum S. Romana Eccleſiæ Sacerdotem eſſe: deinde & Religioſum è Societate JEſu; pro quo utroque beneficio, immortales & infinitas DEO ac Domino meo gratias reſero. Monitus, ut admiſſum in Regnam crimen agnoſceret & deprecaretur: Si meus huc adventus, inquit, Regnam offendiſt, illam ego, ut obliſceret, etiam atque etiam rogo, & lœce quod ſubeo ſupplicium, æquo animo ſero: benignus DEUS mihi opem præſtet, intemerata DEI Mater Virgo Maria, cum omnibus Angelis & ſanctis DEI mihi aſſiſtant. Rogo etiam omnib; Catholicos, quotquot adſunt, ut pro me extremo hoc in certamine Celeſte Nûmen implorent. Illis verò ſanctè denuncio, quidquid dictum, factumve ab perturbatoribus hiſce (Miniſtellos designabat) quo meum animum diverſè trahant, deinceps fuerit, hoc me quantumcumque vita, quod reliquum eſt, velle vivere Catholicè, velle Catholicè mori. Quibus dictis animam ſuperis commendaturus precari incepit: Sancta MARIA Mater DEI, & omnes Sancti DEI, orate, & intercedite pro me.

In manus tuas Domine commendo ſpiritum meum. DEUS meus & omnia. DEUS propitius eſto mihi peccatori. Me expectant juſti, donec retribuas mihi. Mihi autem adharere DEO bonum eſt, ponere in Domino DEO ſpem meam. Sub quæ curru pedetentim ſubtractio, quoddam laqueus perperam gulæ applicitus eſſet, diutius ſpirans, & oculis in ſpectatores circumagens, palpitabat; crebrò interim ſigno Crucis, ut potis erat, ſe muniens, & pectus tundens: donec carniſex magnâ vi deorſum corpus pedibus protrahens, animam expreſſit, & reſciſſo fune cadaver diſſectum in quatuor fruſta partitiſſimum eſt, anno ætatis illius 34. Ad cordis verò exenterato pectore prolationem, nemo de more cum Carnificæ proditorem, proclamavit, nemo Vivat Regina præcatus eſt; triſte in omnibus ſpectatoribus ſilentium, & in multis etiam lacrymæ. Caput pontis ad turrim in haſta deſixum eſt, membra ſecti in quadrum corporis, ad quatuor urbis portas ſuſpenſa. Ejus de corpore reliquias naſta ſoror illius Catholica quidem, ſed hæreſim impiè exteriùs ſimulans, deſperatiſſimos quoſque & fatales morbos, quibus nulla medicorum pharmaca prodeſſe poterant, eorum applicatione feliciter curabat; Domino fidelis ſui ſervi merita ita demonſtrante, & pro nomine Chriſti toleratam mortem, ſequentibus ſignis confirmante.

P. HENRICUS WALPOLUS.



*Tanta ſanguinis Sacerdotalis & Eliſuitici, nunquam ſatis extin-
guenda ſitis, Eliſabetham tene-
bam, ut ſi tempus aliquod à ſup-
plicio illorum vacuum interce-
deret, audiretur querula dicere: quàm du-
dum nullus ad furcam Sacerdos? Et quam-
vis aliquando majora hæreſi ſuæ damna ex
eorum morte, quàm vita provenire dolens,
juramento ſe obſtrinxerit, nulli in poſterum
Jeſuitam neci daturam; paulò poſt tamen
juramenti penitens, crudelitati ſuæ victi-
mas eos faciebat. Sublatus erat crudelem
in modum Robertus Southuëllus Londini
3. Martij An. 1795. cum ecce eodem tenore
morti addixit Henricum Walpolum, Eboraci
17. Aprilis ejusdem anni necandum. No-
biſſimâ hic ortus familiâ in Provincia Nor-
folciens, operam dabat percipiendis legi-
bus Londini annorum 21. Adoleſcens, quan-
do audire contigit Campianum cum Hære-
ticis Doctõribus diſputantem, in Templo Ca-*

*ſtri Londinenſis, & iniquiſſimâ poſtmodum
morte affectum. Quibus ille ſpectaculis mi-
rum in modum erga Religionem Catholi-
cam exardeſcens, primum eleganti poemate
innocentiam Campiani Anglicè celebra-
vit, extremo capitis ſui periculo: poematis
ſiquidem talis quiſpiam Auctõr exiſtimatus,
poſt ignominioſam aurium truncationem,
perpetuo carceri addiſtus eſt. Relictis deinde
Legibus, torum ſe ad Controverſias fidei
exhauriendas tranſtulit, eo ſucceſſu, ut jam
tum 20. Nobiles juvenes è luto hæreſis abſtractos,
trans mare miſerit, partim vitam Religioſam,
partim Sacerdotium, quod reverſi Patriæ prodeſſent, amplexos.
Ipſe totum Campiani exemplo, quidquid deinceps
totâ vitâ boni à DEO ſibi affluxiſſet, deſe-
rens, ingenti præ omnibus deſiderio exarſit
obtinendæ ſimilis in Societate vitæ, & obeun-
dæ in patibulo mortis. Ad quam celeriter
inquirendum aditum, furo etiam regni Mi-
niſtrorum illum adegit, qui in iras & rabiem*



P. Henricus Walpolus illustri sanguine Anglus Soc. I.E.S.V. post iteratum pluribus horis ex solis pollicibus suspendii tormentum, in furcam actus, et membratim dissectus odio Religionis Catholicae, in Anglia Eboraci. A. 1595. 17. Aprilis.

C.S. d.

M.X. f.

adi, mirā sagacitate ubique illum per emissarios venabantur, jacturam aliquot primæ Nobilitatis Juvenum per eum factam frementes. Inter quos princeps erat Eduardus Walpolus Henrici propinquus, à puero hæresi innutritus; quem frustra Parentes Calvinistæ modis omnibus in errores retrahere conati, domo & hereditate ejecerunt. Sed eum in Societatem suam JESUS recipiens, in Apostolum Patriæ suæ educavit; in qua totos 40. annos inter continua hostium & vitæ pericula, & quotidianam mortis præsentiam, animarum lucris infudavit, beatâ morte, ætatis anno supra septuagesimum nono, incruentè defunctus.

Cæterùm ex insidijs vestigatorum feliciter in Galliam elapsus Henricus, post trien-

nium illic Theologiæ impensum, Romam petijt; ubi, absoluto, quod adhuc illi studio deerat, Societatem obtinuit. Indè ob infestam sibi Cæli gravitatem, Viridunum ad Tyrocepium missus, exaëto ibi insuper triennio, Alexandro Farnesio datur, ut illius in Belgio Milites Anglos Hybernôsq; Religiosâ in Divinis operâ procuraret. Quâ occasione in Batavorum manus delapsus, unius anni tristissimo carcere itâ ab Hereticis vexatus est, ut nisi mortem in Anglia majore gloriâ optendam distulisset DEUS, vitam illic positurus fuisset. Odio siquidem in Catholicum, Sacerdotem, & super omnia Jesuitam, incensî, præter famis & frigoris incommoda, mortem illi machinati sunt. Cujus palam inferendæ, quod prætexerent jus vel causam,

cum

cum haberent nullam, homines facinorosos, qui eadem custodia tenebantur, promissa impunitate conducunt, ut imprudentem de medio tollant, sparsuri deinde, impatientia carceris captivum sibi violentas manus intulisse. Multas ergo plurium mensium noles, cum diversis horis vitæ illius infidati observassent, nunquam non deprehendere vigilem, & in vitæ custodiam arrestum. Quæ perpetua insomnia tantum non vitam illi eripuerent, accedente præsertim Cæli inclementia, quæ Centurionem quamvis hereticum, extremâ miseri egestate in commiserationem movit, ut detractum sibi ex holoserico raso thoracem ultro largiretur. Eadem Henrici calamitatis in Angliam nuncio perlatæ, fratrem illius Christophorum movere, ut dissimulato Walpoli agnominе Bataviampeteret, ubi sexcentorum circiter florenorum litro liberaliter à Catholicis Anglis persoluto. fratrem annuo carcere exemit. Quam charitatem pensaturus DEus, ita profundè in animum Christophori heroica virtutis Henrici exempla impressit, ut sæculo, & rebus terrenis se eximens, Societatem & ipse ingressus fuerit, magnâ sanctitatis opinione in Hispania multis post annis decedens.

Henricus interim crebris & magnis precibus Missionem, & ærumnas Anglicanas à Præpositis suis flagitans, cum tandem copiam discendendi obtinuisse, bellicâ Hispanorum navi, quæ ex Scotiæ & Angliæ littoribus prædas actura, Dunkerkâ discedebat, vectus est. Et jam feliciter portum clandestinè expositus tenuit, nisi alteri ex ijs, qui secum in scapham descenderant, suspicio Catholici Sacerdotis suborta, absque mora ad Magistratum Kilhami eum detulisset. Simul ergo in Angliam & vincula delatus, post triduum. Eboracum catenis onustus deportatur, ubi teterrimo carceri mancipatus, cum varijs Protestantium Theologis committitur; donec submissus à Curia Londinensi fraudium & cruciatuum præcipuus machinator Toplisus, blanditijs primùm, & fraude arcanâ, omnia expiscari studuit. Sed cum ultro narraret omnia extra Regnum, à se gesta: Religionem susceptam, sacerdotium, conventum Regem Hispaniæ, vitam in Seminario Anglorum Romæ, Rothomagi, Remis actam, visum Alanum, Personium, ingressum in Angliam studio juvandi Catholicos, & hæc etiam propriâ manu scripta firmaret: eorum verò, quæ cuivis Catholicorum vel Sacerdotum obesse, foris aut in Anglia possent,

exprimeret nihil: hæc mihi sepono, subiicit minaciter Toplisus, ad Brendurvellum audienda (carceri nomen est Londini omnium sædissimum) illic certas habeo machinas, quæ loquendi usum mutis restituant. Aderit & in Brendurvello, reposuit modestè Henricus, & in turri DEus, tuis potentior machinâ, nec fuit quidquam excidere, quod vitam aliorum, & conscientiam meam ledat.

Offerebatur illi hic à Catholicis furtiva & certa à carcere, illorum manibus liberatio; quam ipse Martyrij cupidus cum omnino respueret, ut tamen charitati eorum aliquid tribueret, rem totam ad P. Richardum Holtbeijum detulit, sequè illius iudicio, utramque in sortem pariter accinctus, seu fugam, seu carcerem ille eligendum suavisset, sponte subiecit. Cui fugam omnimode, quatuor ex capitibus dissuadenti, quod Martyrij certissimâ spe secuturi iacturâ faceret; quod fugâ & timiditate scandalum gregi fidelium præberet, cum tamen fugæ eventus admodum dubius, & certa ex illo, si in casum succederet, nominis & fidei sequeretur macula; & licet eventum fortiretur, periculum à multitudine vestigatorum inde impendere, qui ad ejus indagationem essent infestaturi illico universa, cum discrimine Sacerdotum, qui plures fortè ijs occurrerent, & familiarum perniciæ, apud quas latuissent. Ità verò ad hæc respondit Henricus: *Amplector, inquit, eâ voluntate Reverentia Vestra consilium, ut si foret mihi de celo datum. Mihi quoque in mentem venerant, quas profert, consilij sui rationes: nihilo sequius putavi Reverentia Vestra permittendas, hoc solum, ut alijs satisfacerem. Catero qui gnarus in huiusmodi dubijs qui sit Societati sensus, cuius manifestus etiam in rebus ambio ductu regi, tanquam certo JESU oraculo. Scio exemptum carcere ab Angelo Petrum, sed universali Ecclesiâ Ristorem & Patrem, iussumque divinitus Romæ prius ejus imperium sedemque statuere, quorum certè nihil ad me attinet. Sit mihi pro Roma carcer meus, & pro Domine qua vadis? ex quo didicit Petrus, præter, quam de se iudicasset, aliter à Christo constitutum; non esse nimirum deinceps fugiendi, sed moriendi tempus. Spe certè ut nullâ foverer, fore mihi hanc, quam inivi, ad bona sempiterna viam; non video qua in re possim utilius versari, cum hic tam multa suppetant, quibus profitear, qualem gero, talem verè ac re ipsa me esse. Quare nisi mihi loquatur è celo vox, ore inquam S. Obedientie aliud indicetur, fixum est non moveri, sed in eo persistere constanter: Ecce me, fiat Voluntas tua, sive in Cælo & in terra.*

Post hæc Londinum regressurus Topli-
fus 5. Febr. A. 1594. Henricum secum du-
xit, sed latronis instar barbarè vexatum, &
tanquam Reginam necaturus peregrè adve-
nisset, ubique apud vulgus, testibus etiam
falsò subordinatis, per viam iniquissimè dif-
famatum. Illic carceri omnium in turri te-
rerrimo mancipatus, frigore, fame tantum,
non eneatus est, sinè strato, sinè veste, sinè lo-
dice aut integumento, annum integrum du-
rans; donec tandem acerbissimus, vel ipsius
Toplisi animus miseratione tactus, aliquid ei
straminis juberet inferri. Quæstioni inter-
rim dirissimæ quatuordecies subiectum fe-
uisse, palàm ipse in Senatu Regio contestatus
est; ejusnam autem generis illæ fuerint,
resciri nunquam potuit, nisi quòd uterque
pollex à morte faucibus, & mancus repertus,
indicium fecit, crudelissimè ex illis digitis
silo ferreo arcè constrictis, plures horas fuisse
suspensum; quo pœnæ modo pluribus cum
sanguine anima expressa est. Meditationes
etiam quedam in carcere ab illo conscriptæ
in manus postea venerunt, ejusmodi charac-
tere exarata, ut Abecedarij pueri scriptura
videretur, & vix ulla vox legi posset, debili-
tata scilicet tormentis manûs vitio, & amissi
digitorum usus. Sed cùm nè his quidem ar-
tibus quidquam, unde reum Majestatis con-
ficerent, expressissent, Eboracum judican-
dum & plectendum remittunt. Quod mo-
lestum sanè 140. milliarium iter, spontaneis
etiam assumptis cruciatibus ità exegit, ut
nudà constanter humo cubans, magnam no-
ctis partem genibus nixus precaretur. Illic
ad 3. diem Aprilis in Judicium, aliorum fa-
cinorosorum in numero, catenâ gravis pro-
ductus, & criminis læsæ Majestatis postula-
tus: quòd Romanæ Sedis autoritate Sacer-
dotio suscepto in Angliam rediisset; quòd
Elisabetham Reginam Caput Ecclesiæ An-
glicanæ prosteri nollit; perduellionis de-
nique reus à duodecim Viris pronuntiatur.
Die insequenti integrâ sollicitando frustra ad
defectionem Henrico, & vel semel duntaxat
ad Calvinî adeundam synagogam infumtâ;
postridie iterum ad Tribunal producitur;
ubi Judex Belmontius Matre sanctissimâ na-
tus, sed post ejus obitum in hæresim, aut sal-
tem hæresis simulationem, ambitu honorum
actus, patibulo eum addixit, ad proximum

lunæ diem necandum, eviscerandum, in qua-
dras laniandum, unâ cum Alexandro Rauli-
no sacerdote, Acerbissimam sententiam Hen-
ricus ingenti gaudio excepiens, in ample-
xum Alexandri ruit, D E O, sibi, illiq; gra-
tulatus; & post actas enixè judicibus gra-
tias, manibus à tergo revinctis, in carcerem
reductus, supremam ad Parentem dedit epi-
stolam, pecuniæ aliquid in suos excubitores
dividendum postulans.

Destinatus supplicio postquam illuxit
dies, Alexandro crati viminæ alligato, post
duas demum horas (eiusque perpetua ade-
untium turba illum in carcere detinuerat)
educitur & Henricus, & eidem trahæ super-
jectus colligatur, sed obverso ad pedes ju-
menti & Raulini capite, ne videlicet collo-
qui, & mutuo invicem hortatu animare pos-
sent. Ad furcam ubi devotum est, Alexan-
dri priorem strangulatum, & crudeli
exenteratione discerptum, Judices Henrico
hum frustra ostentant, membræque oculis in-
gerunt, & ille nihilominus generoso pede
scalarum primos gradus inscendere pergit,
tum verò sublato clamore multitudo horta-
ri promiscuè cœpit, ut vitæ suæ consuleret,
& saltè ex parte Reginæ voluntati obsecun-
daret. Sed ille Primatum illius in rebus
Ecclesiasticis nefariè affectatum execratus,
rogare porro cœpit, ne sibi ultra molesti esse
pergerent. Orsusque pro Regina, Regno, &
Hostibus suis precari, multis etiam hetero-
doxorum lacrymas excussit. Oculis demum
in cælum & manibus, quantum vincula
sinebant, sublatis, summo è scalarum gradu
Orationem Dominicam recitavit; cui cùm
salutationem Angelicam adnectere pergeret,
Ministri hæretici, ac Judices, in D E I Ma-
trem blasphemî, eum deturbari jussere de-
scalis. Postquam non diu pependit, præciso
sune secuta est corporis laniatio, evisceratio.
tanto spectantium luctu ac mœrore, ut
plura eorum millia lacrymis
parentâsse notata sint,





P. Petrus Michael Germanus, Soc. IESV. propinato ob Religio-
nem Christi veneno ab Hæreticis Moguntia mortuus A. 1595.
28. Aug.
C. Secreta d.

M. K. f.

P. PETRUS MICHAEL.



Uos in Germania subierit Socie-
tas labores, quot adhibuerit Ope-
ras, ut eam unitati Ecclesiæ re-
stitueret, nullus magis, quàm
ipsi experiuntur Heterodoxi, cane pejus &
angue illam idcirco exossi. Et licet non eo,
quo Indici illius apud Ethnicos & barbaros
coronentur labores successu, ubi paucula ejus
Opera Regna & Provincias, Germaniâ vastio-
res Christo lucratae sunt; magni tamen instar
prodigij habendum est, potuisse illius ob-
jektu Hæresis torrentem omnia latè inundan-
tem, vel sisti. Sicut enim miraculi vicem,
Ecclesiæ Catholicæ veritatem asserentis ob-
tinet, omnia gentium, linguarum, & na-

tionum ad eam conversio, cum à sectatori-
bus suis minimè grata & suavia exigat; ita
portento maximo majus est, tam paucos vo-
luptuosæ Lutheri & Calvini Hæresi accedere
discipulos, cum dogmata sua blandissima, na-
turaliter totum Mundum in vitam illius car-
nalem & liberrimam trahere apta sint. Inter
hos Germaniæ è Societate JESU opitulatores
non postremus fuit P. Petrus Michael, in pu-
blicam illius utilitatem natus, Vrbe semper
Catholicâ, & Germaniæ Româ, de qua vetus-
tum illud circumfertur: *Quod Roma est Ita-
liæ, hoc sancta Colonia Teveris.* Ubi primam
ætatem innocentem mansuetiore in literatura
decurrit, Societatem complexus est anno æta-
tis 16.

tis 16. Christi 1556. in qua præter uberri-
mos in virtute & omnigena sanctitate profe-
ctus, illud in scientias omnes, ac præsertim
linguarum, adversus Hæreticos usui futura-
rum noticiam comparandam, adhibuit stu-
dium & conatum, ut Parisijs Joanni Maldo-
nato, suo in Theologicis Professori, ipse è
contra in lingua Hebræa fieret instructor.

Sacerdotio initiatus, animos simul as-
sumpsit Apostolico muneri pares; quos in
eo ubi notavere Elector, & plures Principes
Germaniæ, charum scilicet habuere & fami-
liarem, in gravissimis Legationibus ejusdem
operâ uti soliti, nunquam sine notabili Reli-
gionis orthodoxæ fructu & incremento. Quâ
occasione multis A Catholicis Principibus &
Provincijs innotuit, in quibus longè pluri-
mos à Societate, & sincera Religione alienos,
utrique reconciliavit. Nec operosum fuit
id præstare viro ab omni fastu & furo alienis-
simo; cujus eximia Charitas, in omnes tem-
pestiva comitas, cum insigni humilitate atq;
modestia junctâ, animos omnium illi de-
vincebat. Solos pertinacissimè sibi inensos
expertus est verbi divini pseudo-Ministros,
quos quia non congressibus solum & disputa-
tionibus convictos refutabat, sed scriptis eti-
am lucubrationibus acerrimè insectabatur,
in necem denique illi consciscendam, quâ
viâ possent, conjurârunt. Stephanus imprimis
erat quidam Isacius, qui ex Judæo non
melior Christianus, in Ministrum Synagogæ
Calvinianæ evaserat, cujus librum sancta-
rum cultum & imaginum impiè insectantem,
itâ contrario scripto confutavit, ut loquaci-
tatis suæ poenitens, statuâ deinceps magis
mutus remanserit. Alter etiam Joannes à
Munster stolidâ audaciâ in certamen Patrem
provocare ausus, temeritatis suæ graves pœ-
nas dedit; apologeticâ insuper lucubratione

repressus; cujus acri stylo veluti stigmate
confixus, nunquam caput ampliùs efferre,
vel linguam, quâ ex pulpito apud suos bla-
tero multum in Catholicos valebat, præ-
sumsit.

His aliisque id genus religiosæ pietatis
& ingenij partibus rem Catholicam promo-
vere studebat, eo præcipuè tempore, quo sex
annos Collegio Spirensi, & octonos Monasteri-
ensi Westphaliæ Rector præfuit; ubi etiam
solâ in Divinam Providentiam nixus fidu-
ciâ, nullis pecuniarijs instructus subsidijs,
magnificum pro scholis ædificium aggressus,
ad fastigium magnificè perduxit, eadem
simul animi magnitudine sumptuosissimi
Templi jactis fundamentis. Et omnino fuere
hæc P. Michaëlis lucubrationes efficacissi-
mum antidotum, quo plurimi toxicum hæ-
reseos evomere; ex quo apud antesignanos
eorum Prædicantes inexplicabile illi odium
conflatum est, ut sæpe ad necem & vincula
quereretur. Sed cum hostilis & aperta vis
nihil proficeret, dolo tandem circumvêntum,
sæpius ad mensam amicitia obtentu invi-
tant, interque epulas incauto venenum itâ
virulentum propinant, ut nullâ quantavis
Medicorum arte superari posset. Ejecit qui-
dem ille in præsentî, validis amicorum ad-
jutus antidotis, haustum pharmaci pestem;
at recrudescente identidem visceribus pro-
fundè impressâ lue pestiferâ, vitam de cate-
ro duxit afflictissimam, cruciatibus, & acu-
tissimis doloribus semper refertam. Neque
tamen sic etiam æger pedem ex campo retu-
lit, sed in salutem aliorum semper industrius
& pervigil, tres nobiles Matronas therma-
rum remedio valetudinem unâ procurantes,
ab hæresi revocavit. Donec vi mali supe-
rante prostratus, animam Creatori suo reddi-
dit Moguntia 25. Aug. An. 1595. ætatis 53.

P. MARTINUS LATERNA.



Aeterna Polonia P. Martinus (ita
panegyrim suam demortuo illi
concinatam inscripserat Stanis-
laus Niegolezewsky Regius Se-
cretarius) primùm illuxit Dro-
hobicij, nobili à Salinis Poloniæ oppido. Li-
teris humanioribus probè excultus, cum
multa & mira de Sociorum JESU moribus
& vita referri audisset, oculis certius verita-
tem indagaturus, Braunsbergam, ubi tunc
primum Cardinalis Hofius medius inter Hæ-
reticos Collegium illis in Prussia statuerat,

excurrit; & quia longè etiam auditis majora
virtutum & Religiositatis spectaverat
exempla, Calissimum quidem paulò post ur-
gentibus Parentibus redijt, sed non nisi alte-
rà jam sui parte, animo & totâ mente in So-
cietatem fixus. Cui tandè post habitis remo-
ris & fluxis rebus omnibus, etiam corpus in-
tegrè addixit, ex quo Albertum Morosconi-
um, suum in literis Institutorem, exemplo
sibi ad illam prævisse vidit. Hunc ergo ad
Tyrocinium eodem secutus, primis statim
Exercitijs in merum ignem exarsit, qui nun-
quam



P. Martinus Laterna Polonus Soc: IESU pro Catholica Fide ab
Hæreticis in mari Baltico demersus. A. 1598 30. Septembris.
C. Secreta d. M. J. f.

quam deinceps sive profanis in Philosophia, sive sacratoribus in Theologia laboribus extingui, aut imminui potuit; in quibus tamen eo profectu versatus est, ut Doctoralem Vilmæ lauream ex merito reportarit. Sed hanc ille meliorem sibi in cælis adornaturus, in parvulis potissimum & rudibus institutendis Doctoratum suum expendit, infatigabili constantiâ in Apostolicis Missionibus diu multumque versatus. Hic ille posteaquam pro concione totâ quâ valebat vi, conatu & eloquentiâ mortalium animos permovisset, mox ad pœnitentiæ Tribunal sese recipiebat, totos plerumque dies iisdem aures dare solitus. Dicebat autem sæpe, eâdem die bis ante prandium, reliquum à Confessionibus auditis tempus, ægrorum visitationi, parvulo-

rum & servitorum domesticæ instructioni ita impendens, ut nullum omitteret laborem, quo aliquem ad frugem reducendum speraret. In hæreticis infestandis licet acer esset & vehemens, eam tamen morum admiscebat comitatem, ut plurimos perfidiæ ereptos fidelibus adjungeret.

Deniq; eâ gnavi & Apostolici operarij famâ per Poloniam celebrabatur, ut eum Stephanus Poloniæ Rex adversus Moschos bellum moturus expetierit; ejus castra triennio secutus, simul illi à Concionibus latinis, simul Aulæ Regiæ fuit à Polonicis. Neque eum deinceps à se, quoad vixit, dimisit Rex; quo demortuo Procuratoris domestici obire munus Cracoviæ ad S. Barbaræ jussus, eâ promptitudine & alacri humilitate admini-

stravit, quâ Oratoris Regij gloriosum munus paulò antè obijt. Leopolum subinde, ut Residentiæ illi præfesset superior, missus, postquam insuper totis septem annis magnâ omnium satisfactione, & majore animarum quæstu, sacris concionibus urbem illam excoluisset, ad castra denuo revocatur, Sigismundo Regi in Suecos arma moventi, ab ipsdem concionibus futurus. Quanto Leopoliensium luctu & desiderio, vel inde collige, quòd abeuntem non lacrymis solum & gemitu, sed pedibus etiam ad longissimum spatium prosecuti sint cives cum Archiepiscopo universi. Et jam feliciter classis Regia in Sueciam appulerat, cum repente ad pacem inclinantibus rebus, Poloniam repetere à Medicis Regijs jubetur Martinus, ut profligatam, nec patientem cœli Suedici valetudinem recuperet. Sed hanc ille immortalem pro temporanea recepturus, Cælum prius quàm Poloniam attigit, à Piratis Suecis, Sudermaniæ Ducis nomine, mare illud infestantibus, interceptus.

Postquam hi subactâ navi, despoliatis qui vehebantur omnibus, infandissimis insuper contumelijs Pontificem, Ecclesiam, ac Sanctos impetere cœperunt, suarum ille partium esse ratus Catholicæ rei non deesse, acriter in blasphemos invehi, Divorum & Ecclesiæ honorem tueri, & comites ad fidei constantiam vehementer inflammare perrexit: facile exinde argumentibus hæreticis, illum non Catholicum duntaxat, sed etiam Sacerdotem Jesuitam, juratum Lutheri hostem esse. Ergo in unum omnes incensi, certatim opprobrijs, punis, verberibus invadunt, panem etiam aliqui violentè in os illi ingerendo, addito convitio, ut paulò post ad fatiæratem usq; & nauseam bibiturus, maturè comesset. Tum vestibus exutum, & toto corpore, manibus præsertim, multo vulnere, ne natatu evaderet, faucium & debilitatum, scaphæ imponunt, atque in altum provecti, mari demergunt 30. Sept. An. 1598. ætatis 45. Neque tum solum morte suâ reliquis in nave comitibus saluti fuit, unus pro omnibus occumbens victima; sed deinceps etiam in periculis gravissimis patrocinatus est.

Quartus à beata illius morte fluebat annus 1602. cum Nobilis Polonus Laurentius Bieneczowsky, comes olim P. Martino in hac navigatione, atque in jactatione maris, & ægritudinis molestijs beneficis consolator, in Tartarorum, Podoliam vastantium, manus incidit. Ab his crudelissimè per diem servitute exercitus, per noctem manibus post

tergum ad pedes revinctis, velut in globum redactus, suspendebatur è ligno super profundam infernè, ne quâ lapsus etiam rupto fune effugeret, foream. Hic persanctè affirmavit, sibi cum ità 7. Junij penderet, DEI opem per sancti alicujus Poloni meritâ, quisquis demum bello illo cecidisset, imploranti, conspectum currum splendidissimum, quatuor equis candidis super Oceani fluctus invecum, sedente in curru P. Martino Laternâ radijs glorioso. Cui, num se nosset? interroganti, respondit Laurentius, nosse; petivij; vicissim quid triumphî pompa illa portenderet? Tum Martinus, gloriam illâ designari asseruit, quâ Apostolicos suos labores, & mortem pro religione in mari obitam, præmiaret in cœlis DEUS. Quatuor autem equis se invehi, in præmium rectè populis explanatorum quatuor Evangeliorum. Demum quæsit, num in libertatem vinculis solutus asseri perciperet? id erò cum maximè optaret Laurentius, continuò illis sese exemptum, acceptâ prius conditione invisendi loca sacra Cracoviæ & Romæ, persensit, & turbine quodam rapidissimo per aëra deportari, sic, ut brevissimâ morâ in campis Russiæ prope Leopolum, 50. milliaribus à castris Tartarorum se constitutum deprehenderet quidem, sed ludibrium somni suspicatus non crederet, donec claro die vincula ante pedes projecta, & quatuor captivitatis socios ante quatridduum profugos, eodem iter prosequi aspexit. Tum verò post DEUM, sospitatori suo gratijs ubertim actis, Cracoviæ primùm, tum Romæ ad Sanctorum memorias se stitit, & rem totam suo illic confessorio P. Matthæo Pakost, Pœnitentiario Polono, juratus aperuit, quæ etiam à Jacobo Lauro A. 1607. cum Pontificis privilegio, æri Romæ incisa est & vulgata.

Iterum autem A. 1603. 27. Sept. Polonis suis in cæcis periculis versantibus, *Laternam*, vel stellam potiùs maris se exhibuit. Exceperat hos mari navigantes tempestas adeo sæva & turbulenta, ut desperatis humanis omnibus, ad cœlestia uniè converterentur, domesticam suam Czaſtochoviæ Divam magnis vocibus inclamantes. Cum in medijs spississimæ noctis tenebris multâ luce coruscus eis se videndum exhibet P. Laterna, tempestatem & ventos ponere jubet, fluctus momento sedat, incolumitatè quæ ità demum naufragantibus spondet, ut vota DEI parâ promissâ omnino exsolvant.

Verùm nulla nomini ejus devotior, nulla in accipiendis per ejus merita postulatis bene-

beneficijs frequentior est Civitate Leopoli, in qua ejus celeberrima viget memoria, publicâ etiam aliquando Concione à Joanne Demetrio Archiepiscopo commendata. Erat hic Matrona pietatis eximie, quæ ex eo maxime Matrem se factam beneficio Divino gaudebat, quod utramque DEO consecrasset in S. Benedicti Ordine Filiam. Jamq; professionis emittendæ dies appetebat, cum utraque gravi invaletudine correpta, unde in spiritu fieri debuisset valentior, inde evasit debilior, eo usque frigidibus Demonis inducâ, ut tadio vitæ Monasticæ nihil aliud anhelaret, nihil cogitaret, nisi vitæ secularis libertatem. Afflictißima Parens ubi frustra se omnia agere, atque in casum vitæ Religiosæ amorem, Mundanæ odium, inculcare Filiabus videt, ad P. Martinum tandem, quem inter Cœlites receptum omnino crede-

bat, vota facit, ut qui adhuc mortalis illis ad virtutem & sanctitatem sapius fuerat exhortator, nunc ab ejus studio pedem referre obstinatè parantibus, animos & vigorem restituat. Mira prorsus res, tantôque portentosior, quantò difficilior est in animi, quàm fluctuum tempestates imperium. Redux ad Monasterium postridie, quàm ancipitem Filiarum statum P. Martinus commendaverat supplex Mater, ut animos earum postminio exploraret, utramque reperit non animo duntaxat, sed & corpore firmissimam, & vocationis suæ tenacissimam. Quo inopinato eventu læta, auctorem illis mentis ad meliora illustratæ aperit, ut deinceps in obscuro & devio tentationum, Laternam habeant pro Pharo, ad quem oculos & vota, secundos in procelloso vitæ mari cursus paritum dirigant.

P. PETRUS BUZELINUS.
P. LAURENTIUS EVERARDI.
P. OTHO CAMPENSIS.

Sanctus Patriarcha JGNATIUS, singulari DEI beneficio in salutem & auxilium commune mortalium omnium natus, cum Religionem instituisset in bonum proximi æquæ ac proprium curandum intentam, vastissimo animo omnem hominum conditionem & statum, omnes illis opitulandi modos ac media complexus, hæc omnia voluit esse propria illius Munia & Ministeria. Quod recognoscentes Pontifices Romani, magnâ semper animi propensione illam specialiter prosecuti sunt, tanquam ad hoc institutam, verba sunt Julij 3. in Confirmatione Instituti Societatis, *ut ad Fidei defensionem & propagationem, & profectum animarum, in vita & doctrina Christiana, per publicas predicationes, lectiones, & aliud quodcunque Verbi DEI ministerium, ac spiritualia Exercitia, puerorum ac rudium in Christianismo institutionem, Christi fidelium in Confessionibus audiendis, ac cæteris Sacramentis spirituales consolationem, præcipue intendat. Et nihilominus ad dissidentium reconciliationem, & eorum qui in carceribus vel hospitalibus inveniuntur piam subventionem, ad ministerium, ac reliqua Charitatis opera exequenda, gratis omnino, & nullo, pro suo in prædictis labore stipendio accepto, se utilem exhibeat.* Hinc nulla proximi necessitatibus subveniendi praxis, nulla salutem eorum-

dem in quavis ætate, statu, & sexu procurandi methodus est, quæ ex officio proprio illi non incumbat, quodque illa de facto, certis è numero suorum ad omnia hæc munia designatis, non complectatur. Sic parvulis instituendis habet Magistros, Præceptores, Catechistas; Adultis, domi quidem suæ privatim, conversatores & visitatores; publicè autem in Urbibus Concionatores, Confessarios, Sodalitiorum Præsides, altiorum Facultatum Professores; foris autem inter gentiles, hæreticos, fideles, utitur Missionarijs. Jam verò ut nulla conditio hominum ejus opitulationum experts sit, alij sunt qui servitia & plebem infimam, alij qui cives & honoratores procurant: alius est qui in carcere vinculis; in lætulo, nosocomijs morbo dentis, die nocteq; est ad obsequia; alius qui peste, fonticis morbis laborantes invisit; alius hospitalibus de eleemosynis providet. Inter quæ non postremum, periculorum autem, & ærumnarum magnitudine facile primum est, Militum in Castris procuratio, ubi præter cubationes humi, in cespite, sub dio nocturnæ sunt vigiliæ, fames, sitis, frigus, æstus, à militaribus morbis contagia, & à petulantia insolentium fereunda innumera tædia. Adde mille in his mortis pericula, mille mortes, quibus pars tormentis horrendum discerpti & la-



P. Petrus Buzelinus, P. Laurentius Everardi, P. Otho Campensis
Belgæ à Caluiniſtæ odio Fidei necati in Belgio z. Iuly. A. 1600.

C. S. d.

M. K. f.

& laniati, pars gladijs, ſecutorum iſtibus, haſtis, lanceis transfixi, trucidati, membris mutilati, aquis demerſi, carceribus & vinculis adſtricti, fame inter captivos emaciati, hæcenus interierunt. Quibus malis tantum abeſt ut conſternati, animos ab ardua Miſſione Caſtrenſi deſpondeant ſocij, ut potius eò majore propenſione, ſtudio, certatim pro ſe quiſque illam exambiant.

Horum è numero fuere tres magnanimi Heroës, ea etiam de cauſa libentiùs Militaria ſigna ſecuti, quòd illis vexillum Crucis adverſus Acatholicos proferri viderent. In his P. Buzelinus Cameraco Belgij oriundus, reliquis ſocijs Caſtrenſibus Superior præfectus, animo erat excelſo, in omnia pericula, magno vitæ & commodorum contemtu, in-

citatiſſimus; qui ut animabus militum mederetur, corporibus etiam maximà charitate opitulari ſtudebat, toto ſeſtrefte peſte, ac diſſenteria Caleti laborantibus, die nocteque aſſiſtens. Nec quidquam magis in votis illi fuit, quàm ſanguinem pro Chriſti religione, aut vitam in proximi obſequio ponere; cujus ut tantò faciliorem magisque obviam haberet opportunitatem, ardentiffimo ſtudio profectionem in Indias, & barbaras Nationes exambivit. Cùmque hoc ſuum deſiderium non voce duntaxat, & ſermone quovis inter ſocios loqueretur, ſed calamo etiam & lucubrationibus proſequeretur, ternis de Martyrio conſcriptis libellis beatam hanc in cauſa Chriſti occumbentium ſortem pertractans; tandem feraciſſimam mortium obtinuit Mi-

litarem

litarem spartam, in qua etiam post tolerata quadriennio omnia Castrensis vitæ incommoda, animam honestissimo pro fide occubitu posuit.

Concursum erat secundissimo Marte cum Batavis ad Ostendam ab Archiduce Alberto A. 1600. & victoria penes Catholicos, coactis pedem referre hostibus, jam steterat; cum improvviso debellandi studio, arma in hostem ex desperatione pugnaturum, avidè magis, quàm consultè instaurant Hispani, & prælium ad Neoportum exitiale redintegrant. Ceditur ingenti strage victorum exercitus, & præcipuus quisque Ducum & militum occumbit. In apertam ergo jam fugam post ruptam aciem diffusio exercitu, ipsòq; Archiduce, ob acceptum in capite vulnus, agrè discrimen evadente; P. Buzelinus tum demum campum sibi ad spiritualem pugnam relictum arbitratus, timido fugæ consilio rejecto, in pedes ex equo cum socijs desiluit, infinitæ fauciorum multitudini, interque vulnera cum morte & dæmone supremam luctum initura, opem extremam laturus. Ergo inter humi strata cadavera discurrent, & quotquot spirantes deprehendunt, exomologesi expiant, hortantur, animos addunt, beatæ vitæ spe complent; & si quibus vigor adhuc in membris major spem vitæ facit, subjectis humeris in tutum deportant. His superveniens totis ordinibus impune effusus hostis, ubi eos tam sancto operi, ac maxime sibi inviso, in oculis suis incumbere deprehendit, non ferens ulterius sibi insultare, captivos facit; ut tantò clari or necis, non ex furia & impetu Mavortio, sed animo sedato illatæ, causa elucesceret. Buzelinus ergo, magno spiritu & voce contestari hostem cœpit, non se Hispano, sed in ejus exercitu Christo militasse; non arma in hostem ferre, sed animas celo inferere solitum; non stipendia Archiducis, sed gratiam DEI mereri sollicitum; quibus scilicet tantò effertiores in suum & sociorum exitium hostes reddidit. Ut enim hi animorum magis quàm corporum excidio intenti, Catholicum & Jesuitarum nomen capitali quovis hoste execrabilius habent, ita deprehensos in flagranti Sacramentorum administratione Sacerdotes Jesuitas, Hæresi suæ avidius immolare pergunt. Igitur laxato iteratè sclopo, duplici glande Buzelinum sternunt, 37. ætatis annum tunc agentem, prolapsus quidem ex vulnere, minimè tamen in vestigio exanimatum; qui majore diei parte, vitæ & animi compos, circumjacentia perreptans cadavera, si

quos ex doloribus gementes, aut aliter dato vitæ indicio superstitis deprehendisset, suimet oblitus solabatur, morti præparabat, & meliorum in æternitate fiduciâ animans, sanguinem & vitam in Fidei causa libenter ponere hortabatur.

Necato crudeliter Buzelino, in P. Laurentium, Buscoduci ante 33. annos natum, secundo furore convertuntur: qui ut erat animarum zelantissimus, ita miro ardore & efficacità pro concione dicens, avidissimis auribus excipiebatur, pervicacissimos etiam militum animos, & difficillimos, si qui alij, in virtutem flecti, quovis vellet, impellere potens. Quæ res salutem illi & indemnitate, si apud alios, quàm Calvinistas, preces incidissent, paritura erat. Quidam enim hostium cuneis permisti ex Hispanis transfugæ, notum sibi pridem in Regijs Castris Laurentium conspicati, ut vitam corporis in vicem toties suæ animæ morti ereptæ illi servarent, supplices Ducibus & commiliti facti, caro capiti sospitate deprecabantur. Ignari fortè, se Sacerdoti & Jesuitæ magis exitium precibus apud hæreticos accelerare; in quem globorum veluti grandine, multisq; gladio-rum ictibus depluentes, felicem animam corpore exegerunt.

Postremus deniq; Otho Campensis, in cuius aures Ernestus Archidux animi noxas deponere solebat, dum procuratis animis, corpora etiam fauciorum exitio pertentat eripere, sub onere faucij militis, quem equorum ungulis proterendum humeris suis in tutum deportabat, circumventus, tantæ charitatis præmium recepit mortem, natus annos 43. ortus Campis Hollandiæ oppido. Singularis in eo zelus enituit, & felicitas in reducendis ad fidem Orthodoxam hæreticis, quos in militari licentia pervicaciores eâ tractabat lenitate, & conciliabat affabilitate, ut plerosque familiaritate primùm, mox etiam religione eadem sibi conjungeret. Sed non hic stetit vesana in DEI servos Orci militum rabies; in exanimam demum corpora pleno furore incitati, tantis ea vulneribus deformarunt, ita mutilatis artubus membra invicem confuderunt, ut nullâ diligentia dignosci ab invicem & separari potuerint. Apertè facto suo declarantes, quid in inermibus Jesuitis, totis cæforum militum acervis parentes, etiam post fata persecuti sint, quorum ne corpora ad venerationem discerni possent à Catholicis, ferinà barbarie providerunt.



P. Christophorus Spotecus, cum tribus Soc. IESV, Polonis, squalore carceris ab Hæreticis odio Religionis enecti Stocholmiae in Suecia: A. 1601 in Julio.

C. S. d.

M. K. f.

P. CHRISTOPHORUS SPOTECUS.
JOANNES ESTO.
MATHIAS VITRIARIUS.
NICOLAUS KRZIWOZANZEWICZ.

Quam latè pateat Martyrij Gloria, & non solum ijs, qui directè Tyrannorum manu, ferro, vel tormentis occubuerunt, Laureolam triumphalem imponat, sed & omnibus alijs, qui fidei aut virtutis causâ in exilium, carceres, vincula acti, pretiosam in illis animam egerunt; eleganter prosequitur Martyrum flos Cyprianus, & ex co S. Thomas, & communiter Theologi, & SS.

PP. communisq; Ecclesiæ sensus. Ità ergo habet lib. 3. Epist. 6. *Neque enim virtus eorum, qui etsi torti non sunt, in carcere tamen glorioso mortis exitu excedunt, aut honor minor est, quò minus ipsi quoque inter beatos Martyres aggregentur. Cum enim voluntati nostræ & Confessioni, in carcere accedit moriendi terminus, consummata Martyrij gloria est. Et rursus, alibi: si fugientem, inquit, Christi causâ, in solitudine ac montibus latro oppresserit, fera invaserit,*

ferit, fames & sitis, aut frigus ad mortem affligerit, vel per maria precipiti navigatione properantem, tempestas aut procella submerserit; expectat militem suum Christus ubicumque pugnantem, & persecutionis causâ pro nominis sui honore morienti premium reddit, quod daturum se in resurrectione promissit. Nec minor est Martyrij gloria non publicè, & inter multos perire, cum pereundi causa sit propter Christum perire. Sufficit enim testimonium Martyrij sui testis ille, qui probat Martyres & coronat. Sic Romanum Martyrologium præter innumeros, quos in exilio, carceribus defunctos celebrat, ut Martyres iisdem accenset 22. Dec. Cheremonem Episcopum Nicopolis, & alios plurimos, quorum, inquit, *alii sciencie Decij persecutione fugâ dilapsi; in solitudinibus errantes a bestiis interempti sunt, alij fame, frigore, ac languore consumpti, alij a barbaris & latronibus necati, Martyrij gloriam coronati sunt.* Id quod hac Theologorum firmissima evincit ratio: Quia licet carcer ipse, aliâve afflictio immediatè mortem non inferat, sed illius duntaxat mediata sit occasio, cum tamen ea evitari, & liberè pro arbitrio effugii possit abdicato Christo, is qui constanter in ea persistit ne Christo renunciet, morte muldari pro eodem verissimè censetur.

Atque hujusmodi exitu coronata est in victa horum quatuor pupillum in Fide constantia, qui cum libertatem & vitam ejuratione fidei redimere quovis momento possent, carceris tamen & vinculorum constanter tolerare ærumnas voluerunt, in quibus tandem peste consumpti, è carcere & corpore evolarunt. Cum enim Carolus Sudermaniæ Dux, Sueciæ Regno occupato, arma inde in Livoniam adversus Sigismundum III. Poloniæ Regem, à quo Sueciam titulo Pro-Regis administrandam susceperat, transfulisset, atque Derpatum A. 1601. proditio- ne cepisset; in Collegium veniens, socios ad se, qui septem illic remanserant, accersiri jussit. Qui ubi in conspectum adducti sunt, acerbissimis in eos probris & convitijs, in Ducum & Nobilium Corona, cepit invehi, scelestos hominum seductores, ventris mancipia, Dæmonis satellites compellans, qui animas à Deo seductus Orco manciparent. Tum in Fidei Catholicæ dogmata debacchatus ea effudit, quæ hæresis & hostilis suggerebat furor, in Christi Vicarium, Deiparæ, & Sanctorum cultum, Sacramenta Ecclesiæ, &c. Minimè toleranda visa Dei servis est, & multo transmittenda silentio impia Principis insolentia, quibus etiam in tempore verba sug-

gestit Dominus, confutandæ apta audaciæ, qui jubens, non esse sollicitos, quid, aut quomodo respondeant servi sui, dum steterint ante Reges & Præfides, pollicitus unâ est daturum se illis os & sapientiam, cui resistendo non sint futuri omnes adversarii. Itaque à Pontificis suprema in terris tuenda potestate exorsus, ita efficaciter eam Divini juris esse, & ab ipso Christo in Successores Petri derivatam ostendit Pater, ut testimonijs scripturæ silentium maledicentiæ imposuerit. Sub digressum gratiam suam & favores prolixè Patribus pollicitus Princeps, eâ, quâ solent Calvinii asseclæ Jesuitis servare fide exhibuit. Christophoro siquidem Sommerio quantum sibi charo, tantum Jesuitis in senso Duci, donatâ suppellectile, & rebus Collegij omnibus, incolas simul ejusdem potestati concessit. Hic post ablata Templi, quæ fossâ humo Patres condiderant, sacra vasa, cum direptis præterea rebus cæteris minimè sat- tur frustra plura requireret, atrocibus minis, & levioribus tormentis exprimere conatus est. Sed cum neque sic fecisset, qui extra cerebrum illius nuspium erant, potiretur, spe dejectus, in rabiem & furiam decidit, exturbatosque suis cubiculis Socios septem, per angustum conclavi compegit, ubi vestibus & lectis exuti, subtrac- to etiam quovis cibo & potu, fame & frigore cruciarentur. Adjecta simul fuere cum sœnore ludibria & verbera, simul Princeps ipse indecoro furore caput aliquando uni Sociorum contundere, & colaphis pugnâque muldare non erubuit. Alias ineptè ad risum vestitos, hastâ oblongâ mensæ suæ coge- bat assistere, aut etiam æneis fistulis armatos per Urbem se comitari; sibilis interim, scommatis, à petulantibus militum sæce undiq; impetitos, tum præcipuè, cum equis violentè impositi, præcentore ipso Sommerio, Symbolum Apostolorum, & cantus natalitios jubebantur concinere.

Hæc diurna ludibria, vincula sub noctem in arcto carcere excipiebant; donec toto pene semestri indignis hæc modis Derpati vexati, Rivaliam boum plaustris, & exinde lacero, malique à necessarijs instructo navigio, in Finlandiam transportarentur. Illic in Urbem Habo dictam, ingenti populi hæretici ad insolens spectaculum concursu, velut in triumpho invecti sunt, sed ejusmodi, quo Christus in domo Herodis, & Pilati, à spineâ coronatione exceptus est. Nec Sto- cholomiæ minore plausu salutati, separatis in super quique ergastulis inclusi, tam dirè & severè

severè habiti sunt, ut quæ adhuc perpeffi fuerant, levia præ hisce viderentur. Nam præter summam rerum omnium indigentiam, qui Sacerdotes erant, diu noctûq; ferramenta gestare cogebantur, toto semeltri. Ea erant corona ferrea, duobus altrinfecus è ferro cornibus altè ductis, atque ignito clavo commissis, sexdecim pondo gravis. Quatuor ex his fuere, quos diuturnis ergastuli calamitatibus afflicto, pestis Stocholmiæ in carceribus consumpsit; tribus reliquis, post quin-

quennales ærumnas, in libertatem assertis. Inter quos P. Christophorus Spotecus Zagoroviæ in majore Polonia natus, post absolutam Pragæ Philosophiam, Magisterij etiam laureâ decoratus fuit. Tres reliqui temporalium rerum fuere Coadjutores: Joannes Esto, itidem Polonus, annos natus 43. Mathias Vitriarius, gente Lithuanus, annorum 23. & Nicolaus Krzywozanziewicz, similiter Lithuanus annorum 36.

P. ROGERIUS FILKOCKIUS.



Uanto fructu, & Ecclesiæ Anglicanæ emolumento, fundata sint liberalitate Pontificum, Regum Hispaniæ & Galliæ Seminaria, exulibus fidei causâ Gentis illius Juvenibus veluti in refugium erecta, vel ex eo patet, quodd eorum potissimum industria, & indefatigabili zelo, inter acerbissimas Regum & Parlamenti persecutiones ac edicta, semper tamen fides Catholica in eo Regno persisterit conservata. In his enim maximo numero collecti Adolefcentes, sub cura Patrum Societatis sanctissimè educantur, quorum operæ, & Fundatorum piæ munificentia ex æquo respondentes, non aliud in studiorum, & totius vitæ cursu spectabant, nisi ut inimicissimam sibi & Christo repeterent Patriam, & ad Catholicam fidem reducendæ sanguinem donarent. Cujus suæ mentis votique irrevocabilis dabant in singulis seminarijs publicè certum pignus, statuto die ad Altare, teste omni, qui frequentissimus convenire solet, populo, clarâ voce jurantes super Evangelij sanctissimum juramentum, se Patriam repetituros, & suscepto Sacerdotio, fidem orthodoxam pro virili propagaturos, & defensores. Inde mirus in Catholico populo per Gallias, Hispaniam, Belgium, Romæ, in eorum Seminariorum Alumnos affectus & æstimatio, monstrabanturque cum prodirent digitis omnium, tanquam seminarium Martyrum. Nec vana fuere populi præfagia, plura siquidem Sacerdotum millia in egentissimam id genus operarum Angliam fuere transmissa, qui omnes calamitates, & pericula primitivæ Ecclesiæ persecutionibus non minora experti, carceribus, exilijs, equuleo, tormentis mulctati, vitam insuper & sanguinem quam plurimi posuerunt. Solum Duacense ab Alano Cardinale procuratum Collegium, 90.

annorum tractu, suppeditavit Angliæ laboranti plus mille Sacerdotes, quorum ferè 140. vitâ & sanguine Fidei à se prædicatæ subscripsere.

Inter hæc ex præcipuis unum est Valisoleti à Philippo II. fundatum, quod Rogerium Filkockium per Theologiæ curriculum aluit, dum Sacerdotio initiatus Angliam repeteret. Et profectò ea virtutum præstantium convictoribus post se reliquit monumenta, ut quanto cum solatio & fructu recipiebat Catholica Anglia, tanto suo dolore & detrimento amittere censeret Seminarium. Ex quo Apostolici secum ferens ardorem peccatoris, & desideria fundendi pro Christo sudoris & sanguinis, omnia secum avebat in Christi, & Ecclesiæ obsequium expendere. Præcipuum autem semper habebat votum aggregandi se numero Sociorum JESU, quod cum differri sibi ad experimentum usque Angliæ laborum ferret dolentiùs, totum sese ijs impendere, & superimpendere constituit, ut aditum in Societatem apud Garnettum Provinciæ Præpositum ita extorqueret. Itaque in Cantabriæ portum, per hostium manus, & oculatissimas custodias, propè miraculo eluctatus, in media statim sese injecit pericula, quâ Catholicorum bono sacerdotali operam navando, quâ lapsis à fide reconciliationis munus semper præfens offerendo, ut demum elapso biennio in Societatem legitime adlectus fuerit. In qua, ut dignis Martyrio experimentis Tyronem suum duraret JESUS, vix numero sociorum adscriptum in carceris Tyrocinium transiit, Porta novæ nuncupatum; in quo gravissimis vinculis oneratus, à brevissimo paucorum mensium experimento, maturus jam & veteranus Christi miles, ad agonem evocatus. Die siquidem 23. Februarij An. 1601. ad Tribunal citatus, cum nullâ priùs qua-



P. Rogerius Filcockus Anglus Soc. IESU pro Catholica Fide
suspensus et sectus Londini in Anglia. A. 1701. 22. Febr.

C. Sireta d.

M. K. f.

quaestione tentatus, nulla testium produ-
ctione convictus esset, præter omnem judi-
ciorum & Juris formam, ex sola præsumpti-
one & conjectura Sacerdotij, proditorum
damnatur supplicio. Quà eadem informi
Justitiæ Anglicanæ formâ, simul cum eo da-
mnatus est P. à S. Marco Ordinis S. Benedicti,
Virtutum Rogerij admirator simul & prædi-
cator, de quo ita ad Amicum scripsit. *Fuit*
mibi semper in paucis amicus, & unicè carus
Confessor Christi Dominus Arturus (hoc P. Ro-
gerius Filcockius in Anglia latebat sub no-
mine) *sive olim liber, sive nunc necum in com-
pede: Vir excellenter humilis, patientia, pietatis,*
& charitatis exquisita, dignus cujus exemplar
vivendi norma sit. Dicat mibi animus futurum,
ut simul moriamur, qui simul tam diu vivimus.

Neque illum conceptæ fiduciæ eventus
sefellit illucescente namque 27. Febr. uter-
que ergastulo suo eductus, & vehiculo crati-
ceo injectus, per cœnosciam, atque alto inse-
pultam luto viam, ad patibulum raptatur.
Cum interim alacres totum illud iter sacris
concentibus expenderent, ab illo Ecclesiæ
versu exorsi: *Hæc dies, quam fecit Dominus,*
exultemus & lætemur in ea. Ad Tiburnum ubi
ventum est, sublati è crate sua P. Rogerius,
videt è summo patibulo pendentem Nobi-
lem, & heroicarum virtutum Matronam
Annam, ex illustri & opulenta Heighami fa-
milia oriundam. Huic quia consentienti au-
res præbere solitus erat, mirificè ejus sancto
spectaculo recreatus est, incredibilem animi
consolationem & robur hauriens, quodd hoc

ipso temporis momento prerogativam pugnæ triumphique illi obtigisse, ut se in cœlum præiret, cerneret. Hæc Patre Calvinistâ genita, cum pro fide ejectionem è domo, privationem dotis, & totius hereditatis damna elegisset, post pauperis mariti, sed Catholici nuptias, vidua, eò quòd ad perpetuos carceres fidei causâ damnatus, vivens interierat, totam sese obsequijs Patrum consecravat. Jamque triennium effluxerat, ex quo maternâ prorsus curâ, & reverentiâ ancillari, sumptibus tamen Patrum, ijs ministrabat, ædes ab ipsâ conductas instar hospitæ custodiens, & sæpius solertibus latebris vitam eorum contutata: cum denique proditoris Catholici indicio, die quodam solenni, repertis etiam apud illam sacerdotium vestium, & Altaris apparatus, capta, & in ergastulum detrusa est. Caverat enim sævissimo edicto crudelis Elizabetha, ne quis Sacerdotes domo exciperet, sacra audiret, divinis interesset; eodem crimine, & perduellionis poenâ involvi præcipiens domesticos cum hospite omnes, apud quem Sacerdotem divertisse, ac longè quàm maximè sacra fecisse, aut Sacramenta ministrasse comperiretur. Quòd cum liberaliter, ultro etiam confiteretur Anna, id unum se dolere protestata, quòd non potuisset millies plures, quàm fecerit, hospitio Sacerdotes excipere, millies plura illis levamenta & ministeria navare; in iudicium producta est. Nec iudicem misericordia movit, quòd splendidis natalibus orta, quòd ægritudine & annis gravis, quòd alienis ma-

nibus ad Tribunal deportata, ne illic quidem in pedes sese erigere potuerit; sed criminis Majestatis postulatam, ejusdem ream pronunciatam, perduellium poenâ ad furcam damnavit. Vehementer ergo mortis illius generositate incensus Rogerius, utpote quæ dulci osculo furcâ salutatâ, ridens laqueo collum indiderat, præeuntem quantocius sequi cupiebat. Sed anteverit eum P. à S. Marco, quem inhumanâ & inauditâ feritate carnifices, ne ex laqueo jam pendulus mole ipsâ corporis (erat enim procerâ grandiq; staturâ) ante lacerationem strangularetur, pedibus sustentabant: atque ita reseclo properè fune, viventem spirantemque eviscerant; tantâ barbarie, ut cum exemit jam inferioribus intestinis, in apertum plagâ capaci pectus immisisset manum carnifex, ad revelandum ex eo cor, sensu doloris vivacissimo exclamârit: *O DEUS! miserere mei*. Spectabat hæc carro suo insitens P. Rogerius; & unde ad defectionem incitaretur alius, inde animos ipse, ut eum mox consequeretur, fumebat, exclamans cum Apostolo: *Cupio dissolvi, & esse cum Christo*. Torusque mox in cœlum animo & oculis conversus, illud solum suspirabat, multis precibus & suspirijs animam DEO commendans, in cujus manus eam esset jam jam redditurus. Itâ nihil locij laceratione consternatus, nihil conturbatus, post non longam precationem, mirâ hilaritate fauces laqueo, pectus cultro carnificis subjecit, post eviscerationem quadripartito dissectus. An. 1601. 27. Febr.

P. FRANCISCUS PAGES.

Postremus hic fuit ex Societate Jesu, in quem crudelis Regina Elizabethæ sævitia, implacabili in nomen Catholicum & Jesuitarum dum vixit odio incensa, in Angliâ defævit. Quatuor jam supra quadraginta annos adversus Catholicos, 22. adversus Jesuitas æstuaverat, necdum sanguine Martyrum satiata; cum novum edictum, omnibus antehac promulgatis crudelius, in eos condit, omnes capitalibus supplicijs internecone deleri præcipiens, nisi intra 30. dierum spatium Regnum discessu suo purgarent; omnibus qui eos testæ, aut re ullâ juvare præsumerent, proditorum morte indictâ. Cujus funestæ & ultimæ constitutionis progressus spectare non potuit, quadrimestri post abrepta, cum ageret annum ætatis 66.

De cujus lamentabili exitu nihil attinet dicere, cum illum plenum desperationis fuisse, etiam Hæreticus Historicus Camdenus satis indicet, narrans illius postremos clamores fuisse: *Vae sibi misera!* & proh! se destitutam desertamq; ab omnibus! gulam sibi capistro obstringi querentis: quam scilicet in tot Christi Martyribus crudeliter elidi vivens jusserat. Ultima ergo immolata hæresi ab Elizabetha, suprema Ecclesiæ Anglicanæ, si Dijs placet, sacerdote victima, Franciscus Pages seu Pagius, ortus fuit in Angliâ, honestis & locupletibus, sed Catholicis Parentibus, à quibus in Hæresi educatus, absolutis Londini Legum studijs, ut earum etiam praxim domestico faciliùs condisceret usus, apud Nobilem Virum, & in eo præsertim doctrinæ genere præcellentem, suam locavit operam.



P. Franciscus Pagius Anglus Soc: IESU Londini in Anglia pro Fide Catholica suspensus et sectus A. 1602. 29 April.

C. Screta delin.

Melchior Kürellf

operam. Erat huic Filia præcellentis formæ & indolis, sed pulchrioris à Catholicæ Religionis virtutibus animi, cujus in connubium potiunda cùm natalium imparitas spem omnem præcideret, liberalis in juvene forma, & insignis morum elegantia pari modestiæ conjuncta, quæ mutuam apud Virginem ipsi conciliavit amabilitatem, fecit, ut speraret eum posse habere conjugem, si modò ad eundem cum illa Catholicæ Fidei cultum accederet. Nec conditionem abnuit Franciscus, quin P. Gerardum Tomsonum, in carcere Klinkio pene liberâ custodiâ habitum, identidem de salute audiret, à quo in fidei rebus probè instructus, cùm de incerto divitiarum, & inani spe fluxæ felicitatis differenter perciperet, ità his, & Gerardi præ-

cipue arduarum virtutum exemplo captus est, ut Christianæ perfectionis ambitu instinctus, aulam, sponsam, spes omnes caducas animo ejecerit, & P. Gerardi antiquo hospiti famulum se addixerit, quò liberiùs magisq; inobservatus ex vicina carceri domo, magisterio ipsius uteretur.

Nec desijt interim Patribus alijs per Angliam laborantibus opitulari, servire, omni officio prosequi, periculis eorum causâ caput obijcere; donec tandem eà occasione carceres & vincula expertus est. Contigit siquidem magno Juvenis incommodo, P. Gerardum è carcere Klinkio, ubi ejus quotidie divino frui licebat alloquio, transferri in Turrim, ubi cùm nulla ejus conveniendi spes affulgeret, quod usum licebat, prospectu sal-

tem

tem mutuo orbitatem illam consolari posse confidebat. Expiscatus ergo quâ inter alias Castri illius Turri clauderetur, ad eam Tamesis præterfluentis ripam quotidie inambulare cœpit, quæ in ejus fenestræ conspectu erat; eò usque, quoad Pater sive fortuito, sive auræ captandæ gratiâ, postmodum verò observato jam agnitôque ex frequentia Page, de industria prospiceret. Tum verò conspicatus illum se exfenestra spectantem, aperto capite, ac ferme de genibus, quasi aliud agens salutabat, nec recedebat, donec capitis inclinatione vicissim salutantem, & sacro Crucis signo bene faustèque precantem sibi Gerardum advertisset. Quod officium cùm iteraret quotidianus, & jam importunus utriusque; periculo saluator; cautior illo Gerardus, utpote infidiarum experientior, imposterum devitaturus erat: nisi vidisset frustra se inambulanti fenestram claudere, duranti in loco ad feram vesperam, atq; apertioris suspitionis observatoribus ansam præbenti. Qui demum longo tempore eodem loci constanter inambulante conspicati, neque ullam tot inclinationum & gestuum probabilem causam assequentes, die quodam repente in ipso P. Gerardi conspectu apprehensum, ad capitalium criminum inquisitores deducunt. Sed cùm artibus & minis nullis, sive ex Page, sive Gerardo expiscari possent quidpiam, quod alterutri in præjudicium cederet & noxam, vinculis tantisper adstrictum, acceptâ non multo post multâ pecuniariâ, innoxium dimittunt.

Factus jam sui juris Pages, nihil periculationibus hisce fractus, sed ad grandiora tentanda magis magisque convalescens, præsidia literarum sacrarum comparanda sibi omni ratione statuit, quorum ope ad sacros ordines provectus, comparatior postliminio in Patriam & aciem rediret, iusta arma hæresi moturus. Ergo in Belgium transmissus Oceano evadens, cùm brevi tempore utroque potitus esset, remenso pelago Angliam feliciter tenuit. Ubi Divina Mytheria magnâ animi fortitudine atque industriâ ægris fanisq; ministrando, non multo post in manus Quæstorum incidit quidem, sed prodigiosè pene evasit. Dies purificatæ Virginis Saceri illuxerat, cùm in domum conductiam Patrum, cujus hospitam agebat custodem fervens illa Anna, de qua paulò antè in P. Rogerio Filkockio recensuimus, magno numero convenère Catholici, Divinum Sacrificium celebraturi. Et jam ad instructam

Aram sacerdotali indutus apparatu P. Franciscus constiterat, Missam inchoaturus, cùm Inquisitores à vicinia indicio accepto domum invadunt, tam celeri furore, ut vix sacras vestes exuendi spatium haberet. Quæ ut erant properè depositæ, unâ cum omni sacra supellestili à superveniente satellite deprehensæ sunt. Pater autem, inter promiscuum turbam se recepit. Verum non sefellisset singulari supra vulgus modestiâ, & vultus majestate Apparitores, nisi ijs fucum facturus quispiam dixisset, operiri collectos illic Catholicos magno desiderio venturum Mystam, qui jam jam venturus esset. Accidit interim ut fausto eventu fores cubiculi casu aperiret quispiam, per quas furtivè Pater se eiecit, & reducto post se ostio, notam latebræ festi nus subiit. Quem cùm nullâ deinceps Quæstiones industriâ vel sagacitate possent deprehendere, Annam abducere in Custodiam, gloriosâ postmodum pro Religione Catholica, unâ cum P. Filkockio morte defunctam.

His aliiq; inter mille discrimina præclarè in Religionis causa gestis, cùm se P. Gerardo carceri jam erepto, & P. Garneto Provinciæ Moderatori abundè probavisset, in Sociorum numerum receptus est, propediem Belgium repetiturus, ut ibi in Tyrocinio sui unius culturæ incumbens, in Operarium fingeretur minime vulgarem. Sed enim aliter DEO visum fuit, qui in militia Christi Tyroni & Novitio, lauream Martyrij jam decreverat, multis veteranorum longo annorum, laborum, & meritum cursu, sepe frustra quæsitam. Redibat nocte quâdam à procuratore animarum defessus, cùm Muliercula paulò antè Catholica, sed tunc scelerato quæstu vitam & libertatem sacerdotum nundinari solita, eum sequitur, ita pertinaciter vestigijs, quantumvis elabi properantis inhærens, ut improbis denique clamoribus Sacerdotem, proditorem, rebellem, hostem Reginæ vociferans, concurrenti multitudini proderet, & vicinæ traditum committeret; quæ statim ad Popamum supremum Londini juris vindicem traxit, & hic Limbo teterimo omnium, Infernôque simillimo ergastulo mancipavit. Pauculis deinde interjectis diebus, causa illius acta peractaque est nullâ præviâ quæstione, nullâ rei confessione, nullo Actore, nullis testibus, sed solâ Advocati Regij accusatione, à duodecim-viris re^o Majestatis læse pronunciatus, & à Popamo perduellium supplicio addictus est, quod aulicis Romanæ Sedis extra Regnum suscepto Sacerdotio, in Angliam rediisset.

Hanc mortis optatæ iniquam sententiam, tanto exuberantis animi gaudio excepit, ut peractâ à reditu in carcerem apud Henricum Floydum Sacerdotem, totius vitæ confessione, cum is Divinum Sacrificium celebrasset, Pages sui præ gaudio minimè compos, dubitaret, num sibi, quantumvis proximo mane morituro, celebrare post illud fas foret, veritus ne in sensus & voces lætitiæ, quamvis invitus erumperet, non satis condignas reverentiâ rei sacræ. Verùm animos addente Hentico, supremum illud & ineruentum, ante suum cruentum, Deo obtulit sacrificium, tanto cœlestium deliciarum affluxu, & quadam intimâ præ gustatione, ut nullis ex toto orbe accumulandis cruciatibus diceret se à Deo separari posse. Ut tamen disceret non hæc suis viribus, sed gratuito DEI adscribere beneficio, nec quidquam ex se, sed in Deo & gratia ejus posse, omni repente illo divinatorum gustu & quiete internâ destitutus, cœpit incredibili quodam mœnore & tristitiâ percelli, pavore simul & stupore mentis affici, sic, ut toto corpore obrigescens, in eodem perpetuò duraret obtutu, Salvatoris nostri supremam in horto agoniam expertus, quâ cœpit tœdere & pavere, ac tristiari usque ad mortem. Duravitque atrocissima carnis & spiritus in eo lucta, usque dum propè horam supplicij adesse denunciaturus carnifex, cubiculum ingrederetur;

hunc enim vero tanquam boni nuntij Angelum excipiens, eâ momento delibutus est cœlitus dulcedine, & ineffabilis gaudij ubertate, ut non ad supplicij, sed ad nuptiarum & festivitatis locum progredi videretur. Et cum infinitam præ foribus invenisset multitudinem, comitatum sibi ad Tiburnum præbituram, magnâ voce & constantiâ contestari cœpit Catholicæ veritatis sanctitatem, & ad salutem necessitatem. Moxque se ultro nec in vimineam traham componens, dum alligatur, & per longissimam Londini compita raptatur, nunquam à preceatione desijt, agnem suum intensissimâ curâ, paulò antè virium suarum imbecillitatem nimum expertus, Divine Pietati commendans. Solutus à cræte ubi feralem currum sublimis conscendit, repetitâ denuo Fidei protestatione, ejus causâ libentissimè se corpus laniandum exponere asseruit, non aliâ causâ ad necem damnatum, nisi quòd Sacerdos factus in Patriam regressus esset, ad conferendam animis ad ruinam præcipitantibus, quam valeret Religiosam opem. Palàm deinde professus Societatis JESU Novitium, dum sacrosanctum illud nomen pronunciat, subtrac-to carro hæsit pendulus, donec expiraret. Extrac-tis visceribus quadratim dissectus est, membra ad terrorem per Urbis vicos, caput autem in ponte turris sublimè affixum est. die 29. Aprilis. A. 1602.

DOMINICUS COLINUS.



Asculi & heroici pectoris Vir Dominicus Colinus, sive cum Regia terrenorum Principum castra in Gallia & Hispania sequeretur, sive cum immortalia sub vexillo Crucis in Societate stipendia mereret, natus fuit in Hibernia claris & splendidis Parentibus, Vici, cui Labranche nomen est, Dominis: Cujus etiam avitæ Nobilitatis tessera, ipso, dum sæcularis vixit, loquebatur in agnomine, vocatus more Gentis O Calanus (mos siquidem est Hiberniæ Nobilitati O literam, prærogativæ notam, agnominis præfigere) quod ipse humilitatis studio jam Religiosus, in Colini nomen mutavit. Ætatem sub piissima Catholicorum Parentum educatione adeptus maturior, trajecit in Galliam; & quia generosus in juvenili pectore fervere spiritus persensit, militiam continuè sequi decrevit: religiosâ etiam illâ persuasus ratione, quòd in Chri-

stianissimis castris, non tam Regis, quam Christi auspiciâ sequeretur. Flagrabat siquidem tunc domestico correpta incendio Francia, quod illi seditionum ubiq; ferax Hæresis excitaverat; in quo contra Seditarios arma in Regnum & Religionem corripere ausos, quinquennio militavit Dominicus, unius Centuriæ cum laude fortitudinis Ducior, licet annos non amplius 22. natus. Eo bello confecto, alium Martis Campum quaesiturus migravit in Hispaniam, ubi à Philippo Rege in Catholicam militiam auctoratus, & dignis suo genere & virtute stipendijs auctus est. Octo integros in honestissimo Classarij Ducis munere exegit annos, pacificos tamen magis, quam ullo diuturniore bello inquietos, quibus in Galliciæ Portu, Cornu nuncupato, consistens, cum hostis expugnandus nullus esset exterius, ipse alium, quem impugnaret Internum in se invenit. Itaque statuis illis militariis non ad quietem,



*Dominic, Colinus Hibernus Soc. IESU ab Hæreticis suspensus
et sectus Corkæ in Hibernia. A. 1602. 31 Octobris.*

C. Sereta d.

M. K. f.

tem, sed ad Spiritualem pugnam usus, er-
berrimæ Sacramentorum usurpationi, quo-
tidianam rerum Divinarum adjecit lectio-
nem & commentationem, ex qua implaca-
bili in seipsum odio accensus, multis affli-
ctionibus, & molestijs corpus edomare per-
gebat. Quod dum ita constanti pietate urge-
re non desinit, cœpit usu virtutis paulatim
vitæ severioris cupiditate tangi, & alio jam
oculo, quàm hæcenus, vitæ perennis bona in-
tueri. Nihil illi sublime videri & excel-
sum, nisi cælestē; viles è contra haberi spes
omnes, quas vastis animis ostentat fortuna.
Certus proinde jam militiam sub Imperato-
re JESU sequi, vexillum duntaxat inter tot
diversa militantium Ordinum signa circum-
spiciebat, sub quo nomen suum & sacra-

mentum diceret. Et invitabat quidem pri-
mò illum ad se Franciscanæ Discalceatorum
Familix rigor, tum etiam celebratæ Prædica-
torum per Hispaniam disciplinæ vigor,
quòd præsertim utrique spiritum ejus periculi-
tati, ultro apud se gradum sacerdotalem
offerrent. Verùm diu multumque re DEO
commendatâ, & momentis omnibus matura
ponderatâ, decrevit ipse minimam Socie-
tatem JESU complecti, inque ea minimum
Coadjutorum inter Laicos gradum, tanquam
Sacerdotio vel indignus, vel ineptus, con-
stanter exambire.

Cùm autem Patres Compostellani om-
nes (illuc enim ad Tyrocinium cultu corpo-
ris ornatissimo, in Amicorum & Famulorum,
pro muneris & natalium dignitate, magno
comi-

comitatu advenerat) judicarent, quantumvis tricenario majore, minimè tamen obsequijs & laboribus illi statui proprijs suffecturum, utpote qui servitijs aliorum uti assuetus, aut pro corporis & fortunæ gaudijs vixisset. Ipse ut timidam de se opinionem, in singulorum ore ac vultu observatam, factis refelleret, necdum primam Probationem egressus, aut pro seculari cultu veste Religiosâ donatus, cum sæva repente lues Collegium illud corripuisset, toto bimestri promptissimam opem laborantibus exhibuit, tantoque ambitu ultima & sordida obsequia ambivit, quanto olim dignitates & officia consecutus est. Sic per omnia periclitationum genera probatam in Tyrocinio Societati vitam, postquam religiosi votis arctius illi adstrinxit, datus est socius P. Joanni Arcero, classem Catholicæ Regis, pro defensione Catholicorum Hybernæ instructam secuturo. Hic verò ille zelum suum in corpora æquè ac animas Classiariorum exerere, inservire ægris, die nocteque omni ope instar mediastini adesse, hortari ad patientiam: sanis autem suadere virtutem, inculcare Sacramentorum usum, vitiorum horrorem inculcare. Quibus tamen nequaquam distineri se, aut in tantum obrui patiebatur, quin mente assidue cum DEO conjuncta, veluti in solitudine Collegij versaretur, omne etiam macerandi castigandique sui studium, tam in Oceani cursu, quam post factam in Hybernâ exsensionem retinens, perinde quasi nihil exterius laborum exantlandum foret.

Et hæc nimirum erant spontaneæ exercitationes, quibus ad gravissimas ærumnas & calamitates, mox à Fidei hostibus subeundas, animum & corpus durabat. Brevi siquidem ab exsensione in Arce Dombugenſi interceptus, & vinculis contra omne jus gentium, & Sacramenti fidem, ab hæreticis, unus ex omnibus adstrictus est. Pacti namque salutem omnium Arcem propugnantium fuerant obfidentes hostes, & fidem munitione cedentibus servandam, in manibus ipsiusmet Dominici, pacificatoris & internuncij, sacramento firmaverant. Noxæ nimirum indelebili, & fidem quolibet sacramento dejeratâ à periurij labe vindicanti erat, Jesuitam deprehenſum esse. Corcam inde militari manu abducitur, manibꝫ instar facinorosi revinctus, & communi reorum ergastulo à Momoniæ Præfide, Catholicorum hoste in pœcis acerbissimo, includitur. Totum in hoc exegit trimestre, spontanea vinculis adjungens jejunia, & carnis macerationes, do-

nec stato Provinciæ Comitiorum tempore appetente, quibus omnes captivorum causæ publicè agitari solent, judicio & ipse sistere. Noluit aliter in Tribunali comparere Dominicus, quàm in consueta Societatis veste; ut si quam aliam fortè à Religionis & Fidei causâ captivitatis suæ rationem obtenderent, eam ipso habitu & cultu dilueret. Monsfous Hiberniæ Prorox & Comitiorum Caput, magnis eum pollicitationibus ad Reginæ sequendam militiam, partem exercitus illi cum potestate Ducis regendam offerens, pellicere conatus est; mortem è contra, & dirissima tormenta minatus, si in proposito constans, Religionem cum Fide ejurare detrectaret. Accedebant domesticorum & cognatorum deprecationes & invitamenta, vellet sui suorumque misereri, & tempori servire, nec pertinaciter sibi exitium, & illustriſſimæ Familiæ infamiam accerferet. Posse illum secretò Fidem Catholicam in animo servare, & exteriori dumtaxat simulatione ad tempus libidini Reginæ parere. Verùm stetit infractus ad minas & blanditias Dominicus, & utrosque pari constantiâ rejiciens, negavit se in causâ tam nefaria posse consilij & mandatis eorum acquiescere; excogitarent supplicia quæ vellent, inferrent tormenta quæ atrocissima possent, nihil tam immane intenturos, quod non DEI causâ toleraturus sit. Nec alium se in factis exhibuit, quàm dictis prætulerat. acceptâ enim mortis sententiâ, ut perduellium morte Fidei constantiam lueret, plenus hilaritatis in carcerem redijt, tempus resolutionis suæ cum gaudio præstolans.

Non tulit hæc viri Deo pleni solatia crudelis Momoyus; & ut dies supplicio prævios dolorum plenos efficeret, jussit eum barbarâ immanitate, contra omne jus fasque torqueri. Cujus dirissimos cruciatus cum in delicijs etiam ipse reponeret, & veluti præcipuos Cæli favores in gratijs haberet, in furorem scilicet & rabiem acti hæretici, tempus mortis accelerarunt. Ultimâ namque Octobris A. 1602. elucescente, nullâ habitâ diei reverentiâ, quod Dominica esset, manibus à tergo revinctis, & laqueo in collum injecto, ad furcas educunt; qui in exitu illo Civitatis probrosam Christi ab Hierosolyma educationem contemplatus, ut dignè imperium Christi portaret, maximâ modestiâ, oculis in Cælum, animo in DEUM semper erecto incescit, crucem suam eminus magnâ affectûs ténacitate salutans; cui factus vicinus, pronus in genua procubuit, dulcissimèque

mèque patibulum exosculatus, agonem suum DEO ardentè commendavit. Tum Martyrum omnium Exemplar imitaturus, precibus aliquamdiu pro hostibus suis, pro Regina, pro salute Patriæ fufis, magnâ alacritate, & immoti vultûs constantiâ scalas conscendit. In harum fummis gradibus confistens, velut è sublimi pulpito (erat enim cultu Societatis ordinario indutus) cœpit ardentè si unquam aliâs, Catholicos hortari, ut fidem constantè ad mortem fervarent, Reginæ minas, blanditias, Ministrorum furorè, hæreticorum fraudes caverent. *Inspicite*, inquit ad extremum, *in cælum, & quam vestri majores Fidem constantissimè professi sunt, vos etiam nequaquam degeneres tuemini, pro qua vindicanda mortem, ut videtis, ego nunc oppeto.* Et erant hæc suprema Domini verba ad firmandos Catholicorum animos robustissima, cujus à generis claritate, & sublimis fortunæ contemptu notissimi au-

ditoritas, tam constantè eo loci & articuli asserta, fulminis instar mentes Acatolicorum etiam percellerat. Quod animadvertentes Ministri, nè commotos jam multitudinis animos in hæresi labefaceret, præcipitari de scalis illum præcipiunt. Neque diu in furca pependit, cum palpitanti etiam ac spiranti; cuius auspicijs postrema ipse ex Hybernis DEO cadens victima, tot innocentum sanguinis ream ad DEI Tribunal antecessit. Corpus dilaniatum Catholici nocte insequente magnâ pietate collegerrunt, & in Sacello, non procul à loco ubi passus fuit dissihi, terræ mandârunt.

EMMANUEL NERI.

M Agnis motibus, & turbulentissimis casibus vexata, si quæ alia, fuit nobilis illa Hungariæ portio, Transylvania, ex quo domesticum hæresi præbuit hospitium. Varijs namq; vicissitudinibus conficta, modò hunc, modò illum patiebatur Dominum, Tyrannos etiam in quibusdam crudelissimos experta, qui Turcarum & Tartarorum auxilijs oppressam, direptionibus & vastationi immaniter exponebant. Respirabat quidem illa nonnihil, & in pristinam attolli sortem videbatur sub Principatu Sigismundi Bathorei, trophæis ex Turca relatis celebratissimi, nisi progressus secundos infami parricidio turbasset Hæresis, quæ Catholico Principi phyltrum miscuit, animi simul & corporis robur ita depascens, ut gubernandæ impar Provinciæ, fasces illius spontaneâ deditione Rudolpho II. Cæsari, certis conditionibus concesserit. Et verò optatissima bonis omnibus videbatur hæc in Domum Austriacam Transylvaniæ devolutio, cujus pijsimis conatibus certa spes erat ab Hæresum immensa colluvie purgatam, ad Catholicæ Fidei puritatem reductum iri. Jamque Cæsaris auspicijs Societate eò reductâ, Regio splendore & liberalitate Claudio-poli Collegium ipsi erectum stabat, Socijs undiq; ad utilem Provinciæ navandam operam eò confluentibus. Hos inter submissi sunt

Romano ex Tyrocinio, necdum Religiosis votis adstrictus Emanuel Neri, alijs Niger dictus, juvenis ætate minimè grandi, magnâ tamen & adultâ virtute. Qui Provinciâ montibus Italix Alpinis aditâ (Pedemontium hodie dicitur) oriundus, juvenilem ætatem optimis moribus exegit, quos ne sæculi vitia quandoq; corrumpèrent, Sanctis virtutum in Societate Jesu Regulis eos excolere & perficere constituit. Receptus est in eam Romæ Anno 1601. ætatis 26. ipso festo Purificatæ Virginis, adscriptus numero Coadjutorum temporalium; in quorum proprijs virtutibus ut se quàm maximè Deo & Religioni probaret, sacræ rudimenta militiæ potissimum in sui despicientiâ, & Christiana Humilitate posuit. Et cum Obedientiæ, virtutum aliarum in Societate Reginæ, tribueret plurimum, nihilq; nisi ex nutu & præscripto illius faceret, in ijs tamen obsequium præstabat propensius, quæ sensui magis adversa, plus vilitatis & abjectionis continerent. Accedebat magna Divinæ Majestatis æstimatio, & ex illa prorumpens Divinæ charitatis ardor; cujus majorem vim cum sciret non posse exeri, quàm si animam suam pro DEO poneret, ingenti cœpit flagrare fundendi pro DEO sanguinis desiderio.

Accidit percommodè tunc, ut domesticoco Adjutore opus haberent Claudio-politani socij,



Emmanuel Neri Italus Soc. IESV, odio Fidei Catholicæ ab
 Arrianis trucidatus Claudiopoli in Transilvania. A. 1603. 9. Jun.

C. Streta d.

M. K. f

focij, eúmque; Italo fortè sermone magis etiam profuturum, abs Roma peterent; quem cum accuratè circumspicerent Patres, ut ejusmodi Virum in Provinciam periculi plenam, & incursionibus Turcarum Tartarorumque famosam mitterent, cujus firmatæ virtutis tutò confidi posset, non alium delegerunt quàm Emmanuelem, æquabili semper in virtutum studio constantiâ conspicuum. Appulit eò in summo periculorum æstu, quando nimirum infestis armis Transilvaniam, sceptris Austriacis eripere injusti invasores maximè laborabant; quorum primus Michael Weyvoda ferro flammisque omnia devastans, feliciter profligatus est, fuis universis copijs à Georgio Basta, Catholicarum copiarum Duce, etiam vitâ exutus. Successit mox pestis alia longè perniciosior, Moyses

Szekely, sectâ Arrianus, qui Turcicis Scythicisque armis instructus anno 1603. irrupens, ejusdem secum farinæ Hæreticos Claudiopolis incolas corruptit, ut Urbem sibi deditione cederent. Præcipua inter deditionis pacta conditio erat, ut Collegium civium potestati permitteretur, cujus diripiendi, vastandi, evertendi, Patres exturbandi, necandi, jus & fas penes illos unicè foret. Patuie tunc quàm maximè, quos inter cives & vicinos, Urbem socij incoherent. Hæc enim 9. Junij hostibus deditâ, direptum civicâ manu Collegium, dirutum Templum, Gymnasium Regio exstructum opere vastatum, Patrum alij pulsi, alij vulneribus, Emmanuel etiam morte, confecti. Ductor sacrilegæ mandis Superintendens Claudiopoli Arrianorum fuit, quem secuti Hæresum diversi ministri, &

scholarum rectores, direptis Collegij Templicis rebus omnibus, ut ostenderent, in quos potissimum bellum gererent, in gloriosissimum Regine Cælorum Nomen maledicta conferre, ejus, Divorūque ceterorum statuas obtruncare, & sacra omnia profanare insisterunt; ipsum sacrosanctum Domini Corpus, ne quid impietati reliquum esset, violato sacrario in terram effundentes, ut pedibus omnium proculcatum obtereretur. Movita res tam immani sacrilegio tentata zelum, & laudabilem iram in Emmanuele, qui facinus intolerandum ratus, ter venerandam Eucharistiam, quam ipse tanto studio & reverentiā, Sacristæ munere unā cum Valitudinarij officio fungens, observasset, sce-

lestissimorum hominum calcib⁹ proteri; verbis acriter invecus est, & atrox facinus, quod unum poterat, magno zelo exprobat. Verum hi in importunum scelus sui objurgatorem conversi, pugnis, calcibus, & fustibus irruunt, impactaque capiti securi primum prosterunt, tum sclopo trajectum penitus interimunt. In reliquos deinde socios lymphatus bacchantium, citra mortem tamen desævit furor. Georgio Bartolichio dirā verberatione duæ costæ confractæ, Patri Petro Majorio cruenta plagæ impositæ, omnes, etiam agritudine læso affixi, civitate ejecti, & Scytharum Turcarūque feritati expositi sunt.

EDUARDUS OLD CORNUS.



Ublatā ē vivis Elisabethā Anno 1602. maxima spes Ecclesiam Anglicanam meliorum incesit, præsertim ubi præconum vocibus successorem in Regno designatum esse percerebuit, Jacobum Scotiæ Regem. Quid enim non sibi pollicerentur à Mariæ Stuartæ Filio, in Catholica Religione tam constantis, ut illius tuendæ causā caput tandem ferro carnificis subjecerit? Expectabant ergo si non ejusdem Fidei professionem, venerationem saltem aliquam, & favorem Maternæ Religionis, benevolentiam & indulgentiam in Catholicos, ut qui jacturā bonorum & vitæ, secuti essent Matris partes. Quomodo enim crederent Anglicanam Puritanorum Religionem propagaturum, cujus Caput Elisabetha Matri vitam eriperat, ejusdemq; Hæresis Asseclæ, Parentem Regem immani Parricidio sustulerant? cū ē contrā Catholicos, omni semper obsequio & observatione fidem in Regem conservassent: ipso adeo Rege plurimum hoc nomine Clementi 8. se debere profitente, qui peculiari- bus literis Catholicos ad fidem & obedientiam illi, tanquam legitimo Regi continuandam, incitasset. Firmabant eam Catholicorum spem principio magnifica quædam indicia, Regis ipsius pollicitatio, pari loco apud se futuros Catholicos, ut ceteros Angliæ subditos: Religionis & conscientie nomine, ne obolum quidem passurum exigi; *quin per me*, dicebat, *vel inde jam fas esto cuivis habere domi Sacerdotem, dum ne publicè sacra fiant, adesseque privatorum in Tempia convertantur.* Captivi etiam Sacerdotes omnes, qui magno

numero in varijs ergastulis tot annos, veluti sepulti, pene computruerant, morte Regine suscitati, & Senatūs consulto, eā lege, ut simul Angliā exirent, dimissi sunt. Inter quos P. Guilielmus Westonius fuit, 17. totos annos diversis carceribus, & per ultimum quadriennium Inferno potius quàm ergastulo subterraneo conclusus, in quo, toto illo spatio faciem hominis non vidit, nisi Avernaliū spectrorum, à quibus atrocissimè sæpius vapulans, tantis cæci illius specūs, in quem totius carceris sordes confluebant, afficiebatur ærumnis, ut oculis & viribus, & tantum non mente captus inde prodierit; asseverans, quidquid in universa vita passus esset morborum, dolorum, & molestiarum, diei unius & noctis ærumnas, in quadriennali illo carcere exactas, æquare non posse. Verum eò inanes Catholicorum expectationes evaserunt, ut ab inauguratione Regis in eas repente clades projectos se sentirent, in quibus crudellem & sævam Elisabethæ memoriam suspirarent, ejusque ferrea tempora, præ ijs quibus modò ardebantur, aurea nominarent. Rex siquidem novus dulci illo fraudibus Anglicorum veneno inescatus, ut non humanā solum, sed Divinā etiam sacræque potestate, supremum Caput in Regno adoraretur, statuerat, Catholicos, hoc solum quod Catholicis forent, proditores esse, reosque Majestatis in primo capite, ut qui Regi ereptum Regni dimidium, Papæ tribuerent. Quare uti primis Ecclesiæ persecutionibus hoc unum querebatur, essetne quis, an non Christianus, etiam; satis adrogum & bestias confessio nominis, non examinatio criminis, sic Angli Catholicis solā



PEduardus Oldcornus Anglus Soc. IESV post atroces torturas, et in aqua,
leo distensiones, odio Religionis Catholicæ suspensus et dissectus in
Anglia Vigornia. A. 1606. 17. Aprilis.

unâ professione suæ fidei prodicionem confiteri censebantur

Quibus calamitatibus ereptâ Catholicis æternum spe omnis fortunæ mitioris, ad desperata & cruenta remedia spectare inconsultâ perfidiâ cæperunt Nobiliorum quidam, duce Catesbyo, qui conspiratione cum duodecim alijs primariæ Nobilitatis initâ (quæ ex cuniculo ignitiæ machinationis, in quam erat desitura, pulverariæ nomen accipit) extremum tollendo malo persuasit adhibere medium, ut Westminsteriensi Palatio, ubi Parlamentum cogendum erat, subiecto cuniculo, omnes Hæreticæ Angliæ Proceres, unâ cum Rege & Principibus Filijs, in auras & fumum eiecerent. In cujus sceleris consilium cum nullum Sacerdotem,

omnia scilicet contraria suafurum, ad legissent, Machabæos idcirco sese appellabant, quos Sacerdotibus exclusis legisset olim D E U S, ad vindicandam populi fidelis libertatem armis, quæ sola tunc aliquid poterant, sola supererant. Jamque dies exequendæ machinationi destinatus aderat, & totius Regni Proceres, Episcopi, summæque Regni Capita Londinum conveniant, cum inopinatâ patefactâ conjuratione, authores intercipiuntur, & crimen ultro liberaliter fassi, tormentis tamen dirissimis subijciuntur, ut Jesuitas conscios, imò primos infandæ conspirationis authores fuisse confiteantur. Quod cum constanter pernegarent & inficiarentur, tam in equuleo, quam in patibulo omnes, & magno dolore,

ac lachrimabili purgatione sub furca revocaret Thomas Batefysus, unius è Conjuratis famulus, eò quòd promissionibus servandæ vitæ inductus, tormentorùmque impatiens, P. Henricum Garnetum, cum duobus è Societate Sacerdotibus, criminis confcios fecisset; nihilominus implacabilis in Jesuitas explicandi odij hanc causam naçti Regij, tres illos pulverariæ conspirationis autores, adeoque Perduellionis reos promulgant. Toto igitur Regno sagacissimâ indagatione perquiruntur, quorum duobus Angliâ elapsis, Garnetus cum Eduardo Oldcorneo, Nobilis Catholici proditione deprehensus, Londinum in vincula adducitur.

Erat Oldcornus Eboracensi Provinciâ in Angliâ natus, à Catholicis Parentibus, post exactam in levioribus literis primam ætatem, ad Rhemense Anglorum Seminarium, ac tum ad Romanum transmissus, ubi inter ardentissima Societatis in eundæ desideria, sex annos in Philosophia & Theologia exegit, in omnem interim virtutem, & eorum, quæ à Tyronibus nostris fieri observabat, imitationem intentus, donec tandem in eorundem numerum, jam Sacerdotio initatus, admitteretur Anno 1588. Et quia jam tum firmatæ in aspera quæq; habebatur virtutis, eodem simul die mittitur à Generali Aquaviva in Angliam, unâ cum Patre Joanne Gerardo, parvis Virtutis focio, prima ponendo Tyrocinio stipendia, inter Martyrum exercitationes positurus. Periculosâ navigatione defuncti, in desertum septentrionalis Angliæ portum à Navarcho nocte exponuntur, quam perfrigidam, pluviam, cæcamque experti, nascente die ab invicem, ut magis lateant, neq; uterq; simul in hostium potestatem deveniant, digrediuntur, diversis itineribus interiora Regni petitori. Tenebantur tunc non solum Urbes omnes, portus, & oppida suspicacissimis custodijs, sed & silvarum deserta ac avia, pagorum & villarum aditus his septi erant, ubi in omnes alicunde advenas intenti ministri, suspiciosissimo ignotos quosvis subijciebant examini, astûq; omni & arte, an Catholici, hoc est proditores & hostes essent, inquirebant. Horum insidias devitaturus Oldcornus, cum jam aliquantum in mediterranea per cæcos sylvarum calles progressi essent, fausto consilio silvâ erumpens, ad mare regredi constituit, quasi ex mediterraneis Regni pridem domesticus Angliæ incola veniret, & navim mari Londinum trajecturus inquireret. Et juveni piâ delum Divina Providentia, namque

portui appropinquans, advertit navigium quoddam Londinum vela explicare, ejus ingressum præcipiti cursu, & nutibus liberè postulans, receptus est absque omni suspitione, velut civis domesticus, qui pridem navigium, & occasionem trajiciendi præstolatus fuisset. Atque hæc arte securus loca omnia pervadens; tanquam unus foret ex nautis, & pridem Regni incola, Londinum admissus est. Ubi continuè operam omnem in salutem & animarum questum, sub directione Henrici Garneti impendit, ad ardua quælibet, & expeditu difficillima adhiberi solitus, quòd indolis servidæ, ad intricatissima quæque perumpenda, præfens ingenium, & sanctè pertinacem industriam afferret.

Erat inter reliquas Dorothea nobilis fæmina, Elisabethæ Aulam à prima ætate in Gyneceo secuta, ejusdemque Hæresi innutrita; ad quam securius conservandam, Palatio Catholici Fratris, sed tunc Fidei nomine carere detenti, se inclusit, diurnis nocturnisq; custodijs arctè aditus omnes sepiens, ut ne accessus ullus propior Catholico, nedum Sacerdoti permitteretur. Ad hanc plurim Medicorum artibus frustra sæpius tentatam, & præcipuam toto orbe, propriâ suâ opinione Theologum, Oldcornium etiam mittere Garnettus statuit, experturum, ecquid è saxo durissimo exprimi posset olei. Sed hæc, rationum momenta, Patrum & Scripturæ testimonia, ingenio, quo egregio pollebat, eludens si posset, finem autem, pertinaciam in errore, & arrogantiam fæmineam urgenti obijciens, omnem illius, vel aliorum præcedentium fefellit operam. Ergo nihil his artibus proficere se videns, in oratione & jejuniio pertinax dæmonium expugnare aggreditur, tamdiu noctes & dies oratione, mensas jejuniio transigere certus, donec manus veritati convicta daret. Spectavit eum Dorothea suæ mensæ convivam, uno & altero die integrè jejunantem, tertioque idem continuantem vehementer mirata est; donec quartâ diei inediâ expugnata, & jam mirè humilis, docilis, & modesta, bidui explanatione de omnibus quæ dubitabat instructa, genibus Patris advoluta est: ejus exemplum familia omnis secuta, totis deinde 16, annis eum instar Angeli domi suæ habuit, magno vicinorum, & totius illius Worcesteriensis Comitatus emolumento, cujus ipse habebatur Apostolus, usurpantibus de illo, quod de S. Joanne Hieronymus, Catholicis: *Omnes illas fundavit, rexitque Ecclesias. Exinde Palatium illud tanto cæpit sacrorum, concilii*

concionum, confitentium usu indies frequentari, ut faciliè majus Collegium nostrorum inter Catholicos putàsses: ità omnibus ade rat ut Pater, nulli operam suam, laborem, in spiritu & corpore auxilium subtrahens. Inter quæ jejunijs, cilicio, flagris, vigilijs, pene immaniter, & justo amplius in se deserviens, nimia contentione venam pectoris rupit, nec unquam satis deinde curato malo, copiosum sanguinem constanter effudit. Accesit ad extremum corporis debilitatem, quā vix pedibus quandoque insistere potiss erat, pertinaciter adherens palato malum, gangrenæ persimile, quod cum nulla vis medica abrumperè posset, ad S. Wenefridam Virginem recurrit. Celebris illic in Walliæ tractu sanctæ Martyri sacer habetur fonticulus, eo ipso loci, ubi caput Virginis resectum deciderat, prorumpens, ad quem suscepta peregrinatione Pater dum tendit, & peracto in Divæ honorem Missæ Sacrificio magnā fiducia opem implorat, repente sublato omni malo integrè convalescit, non alio usus remedio, quàm lapilli sanguineis maculis notati (quales meros fonticulus ille vehit) ad insanabile ulcus applicatione. Quam ipse reparatam celsitus sanitatem ità integrè deinceps DEi obsequio, & animarum salutis consecravit, ut gestorum ejus famā longè lateque divagante, magnopere perculsi Ministri, omni studio libertati ejus insidias struerent, neutiquam indagines periculosas evasuro, nisi manibus sanguinarijs ereptum, miris modis DEus liberasset.

Accidit aliquando, ut Apparitores famosum grassatorem infecuti, Oldcornium nocte iter agentem cum viæ comitibus, qui totidem erant Sacerdotes, interciperent, & Judicis Tribunali sisteret. Qui dum querere cæpisset, *quid? cur ijs in locis, & de nocte? quo comitatu? & cur tanto iter suscepisset?* ecce tibi improvisus senex, quis, vel unde fuisset, resciri nunquam potuit, repente adstetit, tam appositè causam Patris tuitus, ut nullā de reliquo exploratione Judex adhibita, liberos omnes dimitteret; cum tamen Pater Altaris supellestem, & comitum quique Breviarium secum haberet. Aliàs Bromleius superatis Palatii Dorotheæ muris, apparitores quàm plurimos per hortum immiserat; qui Oldcornum in horto sibi obvium salutantes dum prætereunt, ille domum eos secutus, se condit in latebras. Quæsitus diu nec inventus, suspicionem movit, ne is ipse in horto salutaris esset, cum præsertim inter domesticos non conspiceretur. Verùm fugā

elapsum persuasit caballus stabulo absens, quem paulò antè ibidem conspexerant; itaq; ad omittendam frustra per latebras Patris inquisitionem induxit. His digressis equus in prato inventus est, incisjs omnibus, qualiter nemine solente vel notante, stabulo domoq; totā exiens, ad pascuum prodijisset, ideoq; rem prodigio adscribentibus. Iterum aliàs cinctum se indagine habere Patrem intra aliquam Palatii latebram certi milites, tres dies & noctes inquirebant, plus 20. locis perosso pariete. Jamq; deprehensā, quæ crux religabat, fasciā, non procul illum recondi suspicantes, illum met quo latebat murum quatiebant; quorum ictibus ipse signum Crucis ex adverso obijciens, ità lapidem portente se duravit, ut cum nullo recessu instar adamantis sonaret, nullam ibi subesse latebram ratus Bromlejus, insectā re, triduanum Patri jejunium suo discessu solverit.

Tandem ubi Divinæ libuit Majestati emeritum servum post 18. annos Angliæ impensos, ad Coronam evocare, in eodem campetris Abingtonorum Nobilium Palatio, unā cum P. Henrico Garnetto hâc ratione tentus est. Claudebatur carcere Londini Henricus Littletonus Nobilis Catholicus, reus auxilij armato Catishyo, conjurationis pulverariæ auctori, præstiti; is ubi inaudisset de tribus è Societate, Garnetto, Gerardo, & Greenvago, edicto Regio proscriptis, acriter cæpit promissis tentari, quibus ad eos indicandos proditores invitabantur. Memor itaq; Patris Oldcornei, cui paulò antè in Palatio Abingtoni ad aram facienti & concionanti adfuerat, cogitavit illic fortè aliquem ex proscriptis cum Patre Oldcorneo se abdere, ejus indicio posset ipse vitam à Senatu Regio redimere. Itaq; indicio accepto Senatus, rem exequendam Bromleyo mandat, qui ducentis equitibus domum repentè cingens, dum portam majorem quatit, Oldcornus interim & Garnettus latebris se condunt, diversas duas subeuntibus eorum famulis, Nicolao Ovenio, & Rudolpho Asseyo. Expertus jam antè erat iteratò Bromlejus, frustra se in latebris vestigandis insudasse; aliā proinde viā elicere additos sacerdotes constituit, acceptisq; de loci Domina clavibus omnibus, scalas omnes, portas, conclavia, porticus, aulas, exuebijs complevit, donec ultima fames & necessitas latentes cogeret erepere. Et Patres quidem deliberatum habebant intus inediā emori, ne egressu proditi, in eisdem secum perduellium penas totam nobilem traherent Familiam. At fa-

muli eorum toleratâ septem integris diebus favâ fame, mortem Patribus ab eadem me-
tuentes, forâs prodeunt, rati videlicet se pro
sacerdotibus tentos, malum ab eorum capi-
tibus in se averfuros. At Bromleyus Old-
corneum de facie pridem notum habens, de-
cipi non poterat; ideôq; alios 5. dies vesti-
gationi pertinaciffimâ impendens, tandem
ad latebram utriusq; pervenit. Vincum
utrumq; unâ cum Abingtono Worcesterum
sive Vigorniam, sed inde exploratâ jam utri-
usq; virtute, & excelso animo, honesto co-
mitatu liberaliter habitos, Londinum deducit,
carceri mancipandos.

Tria fûere Oldcorneo objecta, propter
quæ capitis postulabatur; nullius tamen te-
stis, uno excepto proditore Littletono, fide
probatâ, qui tamen spe vitæ, quâ inductus in
proditionem fuerat, dejectus, fassus est in lo-
co supplicij, se accusationes adulterâsse, & in-
nocenti Patri crimina affinxisse. 1. Quod
P. Henricum perduellionis à Rege damna-
tum, ad latebras Abingtonij invitasset.
2. Quod duobus conjurationis pulverariæ
socijs receptum in Provincia Hexfordiensis
per literas sollicitasset, adeôq; ejusdem cum
ijs pœnæ reum se fecisset. 3. Quod Catesbeij
tentatum facinus, licet eventu destitutum,
ut bonum factum, approbavisset. Quæ cum
Oldcorneo nullo negotio diluisset, invita-
tum ad suas latebras Garnettum non inficia-
batur, uno tamen & dimidio mense antè,
quàm à Rege proscriberetur. Quod si ejus-
dem occultatio crimini sibi imputaretur, li-
benter se eâ causâ vitam & sanguinem cum
innocente daturum. Quinquies nihilomi-
nus posthæc dirissimè tortus est, & quidem
vice quâlibet in quinque horas continuato
equivalei cruciati, ut animo & mente linque-
retur, nec posset deinceps manu vel digitis,
tormenti acerbitate dissolutis, uti. Quare
ubi ad subscribendam causam chyrographo
ejus opus fuit, adstrictum inter emortuos
digitos calamus, arreptâ illius manu Wa-
deus ducere debuit. Worcesterum post hæc
remissus est, ut Urbe notâ, ad terrorem vicin-
iæ Catholicæ à se excultæ, cum famulo Ru-
dolpho, Abingtono Comite suo hospite,
Wintero conjurationis reo, & Littletono
proditore, supplicio plecteretur. Produ-
ctus in judicium, quantumlibet falsò de-
lata in illum crimina publicè denuo revoca-
ret Littletonus, & persidiâ detestaretur,
damnatus nihilominus cum ceteris à duode-
cimviris est, & in carcerem reductus. De-
tinebatur carcere eodem in graminum cum

Patre supplicio macandus juvenis facinoro-
sus, & scelus omnium profigatissimus,
qui Patris, & duorum Catholicorum ad
mortem magnâ animi devotione, compun-
ctione, & erratorum detestatione, se com-
parantium solitudinem deridens, carcerem
joculari licentiâ cantillans obibat, cumque
obvijs lusitans, diem illum vitæ postremum
nugando transigebat. Hunc nempe consci-
entiæ stuporem in Calvinî fide didicerat,
Salvatorem per insuïta redemptionis merita
itâ apud DEUM cumulatè nomina nostra
exoluisse, ut velle de nostro aliquid ad ob-
tinentandam veniam peccatorum addere, crimen
esset sacrilegij & infidelitatis. Cui stultam
fiduciam tam efficaciter exprobravit, &
fidem Catholicam persuasit Pater, ut eâdem
supremâ nocte generalem totius vitæ enar-
rationem instituens, multis lachrimis pec-
cata desseverit, & obeundæ morti religiosissi-
mè se comparârit.

Advenit demum designatus supplicio
dies. 7. April. quo in crate viminea extensus
& alligatus Pater, viâ luto infectissimâ raptabatur,
oculis in cælum perpetuò defixis, cum
illi ab eo quem Christo lucrificerat latrone,
egregium accessit decus. Sequebatur ille cum
duobus patibulo additis pedes, verum ad vi-
tandum lutum semitâ domibus vicinâ: eum
repentè à socijs & apparitoribus di vulsus, in
medium desilit lutû, cratem raptati Oldcor-
nei proximè sequens. Cumq; ad sicciorum
callem revocaretur, *finite me*, respondit, *quàm
possum proximû Patrem meum sequi, qui in vi-
tam æternam me genuit*. Exprobrantibus au-
tem vetera sibi scelerâ; *scelustum me*, inquit, *su-
isse non nego, sed dum vestra Religionis fui; at
nunc DEI & Patris gratiâ Catholicus, summè do-
leo talia patrâsse*. Ad furcas ubi ventum est,
sublatum omnium primò Winterum Cate-
bij in conjuratione socium, sequebatur Lit-
tletonus; qui denuo coram omni multitudine
detestatus scelus, veniam proditionis, &
falsò affixi criminis, ab Oldcorneo ultimis
precibus flagitavit. Sequebatur hos Old-
corneus, ad cujus scalas ascendens pedes
affusus Rodolphus, eos magno affectu oscu-
lari cœpit, beatum se illius viventis famula-
latu, & nunc morientis societate, voce mag-
nâ proclamans. Ille DEUM pro se, hosti-
bus, & Rege, ardentè precatus, testem DE-
UM appellavit, nullâ aliâ se causâ damna-
tum, quàm Religionis in Angliâ propagatæ,
& Garnetti hospitio recepti, multò antè
quàm id esset à Rege vetitum; ceterum con-
spirationis pulverariæ se noticiam ullam ha-
buisset,

buiffe, juramento negavit. Tandem spiritum DEO, DEIPARÆ, Diviſque commendans, corpus carniſfici permiſit; qui gradu deſectum, ubi aliquamdiu pendendiſſet, vivum ſpirantemque ferro laceravit, uſitato in proditorum ſupplicij more, anno 1606. Occiſi innocentiam ſingulari prodigio ornare voluit DEUS. Deſoſa namque humo illius exuſta vitalia, ignem vivum & flammam dies 17. emiſſere, licet copioſe cælum plueret, & ſatellites aſſyſa multâ aquâ extingere illum conarentur. Sed & locum, ubi in vincula conſectus cum Patre Garnetto, & tentus fuit, alio decorare portento DEO viſum eſt. Erat intra Palatium, ubi Patres vinciri contigerat, virens area, vario herbarum genere floreſcens; in hujus medio enata eſt viridis, Imperatoriæ inſtar Coronæ her-

ba, perfectæ rotunditatis, foliorum tamen genere, colore, figurâ & magnitudine, penitus ab herbis alijs diverſa. Et ut miraculo ſimilior res evaderet, necato cum Patribus Palatii Domino Abingtono, cùm portæ aræ diſſectæ, multos menſes omnis generis pecora in deſertam aream intromitterent, hæc alias herbas depaſta, unam illam neque protritam pedibus, neque ore violatam ullius, indemnem reliquerunt. Verùm cūi bruta pepercant, brutalis non pepercit hæreticorum perfidia: invidens namque hoc innocentiae ſervis DEI coronamentum, herbam humotenus reſecuit, quæ tamen novâ rursus mirabilitate paulò poſt in eandem, ſed priorè formoſiorem & lætiorè formam germinavit.

P. HENRICUS GARNETUS.



Ilustis penitus, & undequaque non ſolum per Angliæ Regnum, ſed & toto Chriſtiano Orbe, celebrata fuit mors Henrici Garnetti, odio Sacerdotalis & JEſuitici nominis, & quoddam intellectam pro Sacro Pœnitentiæ Tribunali pulverariam conſpirationem non detexiſſet, ipſi illata. Patria illi fuit Nottinghamia, Derbyenſis in Anglia Provinciæ Urbs nobilis, Parens publicus illic literarum Profeſſor, à quo inſtillatam hæreſim mordicus per annos juveniles, ad uſq; Rhetoricæ exitum coluit, mirè Magiſtris ſuis in Collegio Winceſtrenſi, obeximiam indolem, & præclaram in ſtudijs induſtriam, acceptus. Factus Catholicus, licet eum miris modis certarent apud ſe retinere Stempus & Jonſonus, & ipſi occultè Catholici Profeſſores, ſpebus tamen omnibus æternorum deſiderio calcatis, primùm in Hiſpaniam, dein Romam tranſiit; ubi in Societatem JEſu cooptatus, Tyrocinium ſub magno illo vetuſtæ nobilitatis, & eximie ſanctitatis Viro Fabio de Fabijs; ſeveriores autem, tam humanas, quàm Divinas Diſciplinæ, ſub Franciſco Suario, Roberto Bellarmino, Benedicte Pererio, Chriſtophoro Clavio abſolvit; omnibus Virtutū Religioſarum nomine maximopere æſtimatus; cujus jam deſuncti innocentiam ſibi intimè perſpectam, purpurato etiam calamo, à ſcelerata Anglorum ſcriptorum inſania vindicandam ſuſcepit Bellarminus jam Cardinalis. Docuit poſtmodum & ipſe Romæ primùm linguam ſacram, Methaphy-

ſicam, & biennio Mathematicas pro Clavio quaſtiones; cui etiam in ea ſchola ſucceſſurus Generalis designatione fuerat, niſi recuperata Clavio valetudo, viam ipſi in Angliam reſerâſſet. Doluit nihilominus totum Romæ Collegium, ingemuere quotquot Viri excellentiſſimi dotes noverant; Præpoſitus ipſe Societatis univerſæ Claudius Aquaviva, in tam incertos eventus illum dimitti ponderans, urgenti miſſionem illius Perſonio, dixit: Angi ſe mirum in modum, quoddam Agnum miſiſſimum ad crudele macellum iret expoſitum. Et quidem à puero cognomentum illi Agnelli apud omnes adhæſerat, ob miſiſſimam indolis lenitatem, quâ ſi quis unquam mortalium fuit benigniſſimâ, & pene prælanguidâ, ut nec poſſet ullus iræ motus vel indignationis in illum cadere, etiam tum, cùm de vitæ illius ſumma, coram injuſtiſſimo Tribunali à ſanguinarijs hoſtibus, per conſicta nefariè crimina ageretur. Vitâ deinde & conſcientiâ tam fuit inculpata, ut præter caſtimonium factio contrario quolibet, imò & cogitatione intaminatam, Deo teſte affirmaverit Thomas Staunneyus, ejus in Anglia per 16. ultimos vitæ annos confeſſarius, eum ad Sacrum Tribunal, nævos duntaxat minimos, & vix culpæ alicui obnoxios aſſerre ſolitum.

Obtentâ igitur, quam ſummis precibus toto vitæ Religioſæ flagitabat tempore, profeſſione Anglicanâ, menſe Julio A. 1586. in Angliam appulit; neque ullâ captâ quiete, totum ſeſe animarum lucris impendit.



P. Henricus Garnettus Anglus Soc. IESU Religionis Catholicae
 obliſſo ſuſpenſus et ſectus Londini in Anglia A. 1606. 3 Majj

© Secreta d.

. 11 f.

Post biennium in privata Catholicae rei procuratione naviter impensum, jussus cum summa nostris per Angliam regendis potestate praesse, onus sine ullo illic quidem honore, periculi & mortium feracissimum, magnâ fiduciâ in DEUM suscepit. Nemo enim ad necem ab hæreticis quærebatur ardentius, nemo in perpetua latebrarum mutatione vivebat angustius, qui præter proprios casus, omnium periculis afficiebatur, omnium molestiis, vinculis, ergastulis, moribus affligebatur. Susceptam Provinciam summâ circumspectione administravit, quâto Catholicae rei per universum Regnum incrementum, tum operariorum, tum ex gestorum multitudo pater; siquidem Angliam ingressus, unicuique extra carceres invenit

Societatis Sacerdotem, moriens reliquit 40. fructuosissimè occupatos, quos tantâ per annos 18. rexit mansuetudine; ut nihil de illo à quoquam, toto illo tempore, nisi summa cum laude & commendatione scriptum fuerit. Hos ipse idoneis monitis in Viros Apostolicos formabat, urgebat stimulis, & statim anni temporibus in unum collectos, sacris meditationibus excolebat, velut ignem deinde spirantes, & Diabolo factos terribiles, in campum denuo emissurus. Ubi mirâ semper DEI providentiâ conservati, licet jam propè manibus hostium tenerentur, incolumes semper à solitudine sua ad colendam DEI vineam evaserunt.

Indixerat his aliquando communem,
 ad

ad reficiendos triduanâ solitudine animos, conventum, in quo pijs meditationibus, penitusque spontaneis assumptis, rationes conscientie Præposito suo candidè fidelitèrque nudarent, eamque semestri confessione, pro more Societatis, expiant. Et jam 9. convenerant varijs ex locis ad Londini portas Sacerdotes, in suburbano illic palatium illustri Matronæ Catholicæ à Garnetto introducti. Die S. Lucæ sacro, instauratione Votorum exactâ, & jam discumbentes, sic affatur Garnetus: *Aprandio statim neminem teneo, abire illico, qui volet, potest. Hucusq; enim DEI erat peculiari tutelâ nos cingere, utpote legi ejus in Ordine nostro sanctissima satisfacturos; nec me quidquam habebat sollicitum, etsi duplo plures unâ fuissetis; nunc vero hoc nomine exolutis, oportet DEI curâ suam unumquemq; industriam adungere.* Digressis feliciter his, mox superveniunt alij septem, quibus eodem sacro munere perfundis, dum idem Divino planè instinctu inculcat Garnetus, omnes jam jam abituri, paratis ad iterequis fuerant; cum repente Sacris prius operari volentes, multitudo armatorum circumdat. Nihil restabat effugij, præterquam si clausis portis, armatâ vi urbis satellitio se opponerent. Ergo totum Matronæ satellitium correptis armis ad portam constitit, in scarios, invasores, latrones (tales enim se eos credere, quantumvis à Senatu & Judicibus millos profiterentur, fingeat) opem vicinæ magnis vocibus implorat; dum interim Patres nudato celerrimè Altari, subterraneo cavo reconderent omnia, seq̃ue adeo ipsos numero septem, unâ cum omnibus, quæ eorum facere poterant indicium. Tum demum veluti primùm fori satellites ex fenestra recognosceret Filiafamilias, jussu arma ponere famulitio, portam aperit, & totâ domo præiens, ipsa circumducit. Stabant interim in area complures instrati equi, vestesque diversæ, qui Patres & eorum servos operiebantur jam jam profecturos; qui ne suspicionem hospitum unicè illis quæstorum facerent, piâ arte, ut erat ingenio velox, Puella occurrit. Cæpit enim multis dolere, & graviter queri, quòd eo temporis & diei venissent, quo ipsa iter peregrè destinasset; jubebatque interim doctos in ejusmodi subitas occasiones famulos, reliqua in viam accelerare, dum ipsa scrutaturos domum, & rogatos ut paululùm festinare vellent, interim circumduceret. Sed in cassum futura erant omnia, quæ bello ingenio fidelissima virago excogitaverat, nisi custodem servorum suo-

rum egisset Dominus. Ferreis siquidem malleis muros ubique pertentantes, calcabant ipsissimam non semel, quæ Patres tegebant, cavernam; quin & latera circa operculum tentantes quatiebant, in cujus planum si ictu fatali vel semel incidissent, exitialis è cavo respondens bombus, latentes momento prodidisset. Sed & domesticam in penetralibus supellectilem excutientibus, in manus venit elegans sacerdotis ornatus, & Dominico servando corpori sacra pixis, ex cujus usu quæsitam prædam indubiè olfecissent, nisi mente illis turbatâ hanc occultasset DEUS.

His aliisque modis, non finè prodigij specie, gubernationem Garneti sapissimè juvabat DEUS, tam secundis Fidei progressibus, ut totâ Angliâ Hæreticis non alio nomine, quàm parvus Papa diceretur, cui similem Ecclesiâ, & Romanus Pontifex non haberet. Accidebat sapissimè, ut cum eo numero convenissent, quo possent grande Collegium constare, consulturi de re illius Ecclesiæ, repente Londino adesset anhelus nuncijs, discessum ab invicem ijs festinatò indicens, ni vellent mediâ nocte armato satellitio præda fieri. Quibus ipse extemplò notas apud diversos Catholicos assignabat domos & latebras, ipse periculum exhibat ultimus. Et idcirco non falsò illi ceterorum sociorum fructus omnes quadantenus ascribi possunt, qui magnâ rerum & agendi experientiâ, non tantùm cuique suam destinabat Provinciam, sed & labores, eorumq; præscribebat modum, artes innumeras fugerebat, mille cautiones solertis & providentissimæ circumspeditionis ministrabat. Mirâ siquidem pollebat ingenij perspicacitate, exquisitâ prudentiâ, soliditate cordati judicij, & quæ his rarò conjungitur, candidissimâ morum simplicitate, & facilitate; quibus fiebat, ut cuivis, etiam maximè inexperto, & rerum ignaro, libentissimè cederet, suumq; judicium posthaberet. Atque his virtutibus, non suorum duntaxat sibi devinxit affectus, sed omnium Catholicorum in Angliâ veluti uno corde amabatur Patris loco, quòd se vicissim diligere ab ipso experirentur ut Filios, certique essent, itâ se illius animo inculptos, ut neq; infirmaretur quisquam, neque scandalizaretur, quin & infirmaretur ipse, atque ureretur. Neque id adversarios latere potuit; & idcirco nemo unquam tam amenti hostium ambitu investigabatur; quem plus unum valere cernebant ad rem Catholicam augendam, quàm ipsi omnibus

suis artibus & tormentis ad illam extirpan-
 dam. Quem cum millies delegatis licetori-
 bus, apparitoribus, & totâ fori colluvie, fru-
 stra essent scrutati, per posticum illo sæpius
 evadente, cum adversarij domum portâ sub-
 irent; instituerunt in omnibus Catholicorum
 & Sacerdotum torturis, præcipuum arti-
 culum quærere, ubinam lateret Garnetus?
Anni sunt octo, scribit ipse de se, *ex quo nullus*
torquetur Catholicus, quin ab eo medijs in crucia-
tibus quærat, ubi degat Garnetus? quibus-
cum agat? quam Provinciam, quâ veste incolat?
 & tamen is plerumque Londini, aut non ita
 remotus habitabat, cum illic nova ex Italiâ,
 Hispaniâ, Belgij seminarijs, auxilia com-
 munitè deferrentur; quibus omnibus ipsi
 de tecto, vestitu, laboris & industriæ campo,
 prospiciendum erat. Aderat etiam quoti-
 dianis Catholicorum per diversas domos ne-
 cessitatibus, ipsos adeo in carceres Londi-
 nenses aliquando se cum satellitio penetrans,
 ut opportuna captivis socijs ferret solatia;
 in quem si attentius tunc aliquis oculum
 fixisset, agnitum deprehendere nullo negotio
 poterat, ex oris conformatione, & lineamen-
 tis in tabella ad vivum depictis, quæ locis
 publicis passim affixa per urbem prostabat.
 Prodebat quidem non semel ab illectis ma-
 gnitudine præmij fictis Catholicis, sic ut
 scriberet ipse ad sororem suam in Belgium,
 prodito duplici, in quo latere solebat, hospio-
 tio, vagum & incertum sui, hospitium no-
 vum se indagare. Non tamen idcirco desi-
 nebat ipse protectionis Divinæ securus,
 operâ suâ Catholicis propè palam adesse.
Festum enim nihilominus Corporis Christi, (per-
 git ad eandem scribens) *nec sine paratu ma-*
gnifico, nec sine musicis egimus, & octavo post die
pium supplicantium ordinem circa hortum in-
gentem duximus, ignari domum proditoribus
esse obnoxiam. Quæ tot illius effugia, & fru-
 stratas suorum per annos duodeviginti toto
 Regno positas indagine, dedecori scilicet sibi
 vertebant Adversarij, & veluti injurijs
 indignabantur; donec tandem Cæcilius, re-
 rum tunc in Aula facilè potentissimus, Ca-
 tholicorum, & imprimis Garneti hostis ju-
 ratus, desperatum, & fatale consilium, te-
 nendi quantocumque Garnetum, Regi sugges-
 sit.

Tenebantur pulverariæ conspirationis,
 præter Catesbium, & tres alios in prælio sub-
 bitaneo occisos, reliqui socij, & concordi
 confessione facinus ultro, sine cruciatibus,
 consciósque omnes post varia examina ape-
 ruant; inter quos nullum ex Sacerdotibus

ac præcipuè Jesuitis nominari, dolebat ma-
 gnopere Ministris; qui hac occasione imma-
 nis parricidij crimine voluissent involutos
 Jesuitas, non ut consciós modò vel suspectos,
 sed tanquam auctores & hortatores consilio-
 rum impiorum, immanibus supplicijs totâ
 Angliâ extirpare, & diris omnibus devoen-
 dos toti Europæ exponere. Sed cum ne ve-
 stigium quidem conspirationis similis ullâ
 quæstione deprehenderent ex conscijs, tor-
 mentis exprimere confessionem quantumli-
 bet falsam aggressi, immanibus adeo lura-
 tibus conjuratos distenderunt, ut luxa-
 tis artibus ferale postea pegma, nisi alienis
 adjuti brachijs, nullatenus ascendere quive-
 rint. Potuissent dolores humanis viribus
 majores à quantumlibet robusta mente, uno
 verbulo redemptionem sui faciendam impe-
 trare, nisi in generosos, omnesque nobiles a-
 nimos incidissent, qui pari semper constan-
 tiâ Garnetum, totâmque Societatem à scele-
 ris nedum communionem, sed etiam consci-
 entiâ eximebant, utpote omnis violenti re-
 medijs hostes acerrimos, qui ad patientiâ per-
 secutionis Catholicos semper hortati, vim &
 arma non tantum efficaciter disvasissent, sed
 etiam eorundem inhibitionem cum censu-
 ra, ut aliàs sæpius fecerant, Româ procurâs-
 sent. Unus in reorū censebatur numero Tho-
 mas Batesius, conditione servus, cui ortus
 abjectior nequibat spiritus generosos afflare,
 faciebatque perfidia, si servandæ vitæ fiducia
 afflueret, magis obnoxium. Quam ubi
 ex Cæcilio redimi sic posse speravit, dixit sus-
 picionem sibi esse cognitâ Garneto conjura-
 tionis, cujus suspicionis duas afferebat cau-
 sas, quòd uni ex conjuratis primario soli-
 tus esset contenti aures dare, & quòd non ita
 pridem ante tentatum facinus, vidisset Gar-
 netum Catesbyo Hero suo loquentem, alte-
 riúsque ad alterum tulisset epistolam, neque
 tamen sciret quid ea contineret. Satis hoc
 visum est habere evidentiam Cæcilio, ut in
 causæ summam, pro rerum capitalium Tri-
 bunali reis prælegendam, imponerentur Je-
 suitæ, veluti eorum confessione facinoris
 complices, sperabant enim illos inter ea quæ
 de se falsi fuerant, unâ obliq; ac nihil adver-
 tentes, hoc, quod de Garneto, duobúsq; ejus
 socijs permixtum erat, asserturos, & habi-
 tum iri universâ Europâ illos tantis, & tam
 insignibus testibus convictos. Verùm non
 sustinuerunt imponi sibi falsam, & Societati
 crudelem calumniam cordati Viri, quorum
 omnium una vox fuit, *nihil abs se negari eo-*
rum, quæ ad se pertinerent, sed quæ essent ijs
inter-

interjecta ad involvendos crimini Jesuitas, hoc verò à se pernegari, & fisci falsoque à se confessis inseri. Addidit quin etiam cordatior ceteris Faukeſius, prodeat ex nobis, si quis illos accusat, aut cujus testimonio rei sint, vos ipsi edite; si autem nemo est, quid agunt in causa nostra Patres? & quod tam longè à vero abest, cur confessione nostrâ verâ assertum prætexatur? Quæ eadem ex ferali deinde pegmate, in quo excarnificandi erant, ad ultimum usque spiritum constanter asseruerunt; & Batesius ipse spe falsâ condonandæ sibi vitæ delusus, lachrymabili revocatione, quam de Garneto & Socijs suspensionem fecerat, sub patibulo, & paulò ante mortem scriptâ epistolâ, totâ deinde Londino vulgatâ, purgavit. Ettamen Cæcilius, qui pro arbitrio versabat Regnum & Regem, perſvasit illi, Patres Gerardum, Grenwayum, & Garnetum, pro totius conjurationis, non jam conscijs, sed machinatoribus & auctoribus damnare. Et quidem fatebatur Cæcilius, totum se in parandum exitium Garneto immerſisse, ut in uno ipſo Jesuitas omnes, in Jesuitis Papistas universos, & Religionem Catholicam in Anglia perderet.

Repēdit illico acerbissimum edictum 15. Januarij datum, quo ex conjuratorum, insuper confessionibus certis, totius criminis fabri nominabantur, denunciabantur proditores, capturis præmiū, occultaturis aut excepturis crimen, & pœna rebellium ponebatur. Et primi quidem duo feliciter, licet non sine præſenti discrimine, ex Angliâ evasēre. Garnetus autem Socijs omnibus Præfectus, ne cui gratiam hospitij exitio supremo rependeret, nec vagus in sylvis, nec securè in cavernis sub terra lateret, precibus paulò antè & invitationibz Oldcornei cedens, in Palatium Abingtoni se recepit, ibidem non multò post cum ipſo, ut in gestis Oldcornei retulimus, comprehensus. Ad tertium Februarij in carcerem Londini detrusus, quæſivit ex captivis, num qui Religionis causâ illo detinerentur? quibus respondentibus, esse verò permultos: conſoletur vos DEUS, subjecit, & me pariter vobiscum; eandem ob causam servus vobis futurus & socius venio. Non multò post in turrim conclusus, examina subiit viginti tria, primarijs Aulæ huic muneri semper destinatis, ut magni alicujus arcani estimationem in vulgo conciliarent, cui investigando præcipua Regni Capita infunderent. Spargebant interim Urbe totâ, confessum ultro conjurationis scelus; quin & excogitatum à se cuniculum, præfectum ne-

gotio Catesbium, inductos ad scelus conjuratos, invitatos ad occupandum, necato Rege, desertum Regnum exteris Principes. Et cum similia ex ipsiusmet ore excipisse se Viri graves asseverarent, factum est, ut non Angli solum & Hæretici, sed & Regum & Rerum publicarum Ministri, qui Legatos agebant Londini, ejusdem nunciij Principes suos facerent ceteriores; fieretque ita Garnetus publicis Urbium, & privatis omnium literis, Orbe toto, conjurationis universâ confessione propriâ primus Architectus. Ad hæc infelicem etiam illum impatientiâ mæroris, dedecore sceleris, & pœnarum expectatione, mente motum, catenâ attineri ut insanum. Quæ uti narrabantur, passim credita, & ultrâ semper studiòse vulgata, magno mærore consternabant Catholicos; donec solenni indicto Tribunali, publico judicio sistendum Garnetum ad 28. Martij diem innotuit. Ceterum cum examinibus illis juridicis omnibus (quæ non fuisse sine acerbis quandoque cruciatibus retulit ipse Amico, sibi in damnatione fortè assenti) nihil omnino exprimerent, unde, perduellionis nomine reum facerent; & aliunde nec testis ullus, vel delator saltem & accusator sceleris adesset, conjuratis omnibus ejus innocentiam, morte etiam contestantibus, fixum tamen ac firmum illis erat, Garnetum patibulo addicere, in cujus capite & Catholicos omnes, & Ecclesiâ Anglicanam damnare se credebant. Neque hoc Garnetum latere potuit, qui ad Sacerdotem alio carcere pariter Fidei nomine detentum scribens, nullam me, inquit, innocentia absolvet, quò minus reus pronuncietur. Obstat enim mihi illud Caypha: expedit ut unus moriatur homo pro populo. Erant quidem multa alia, quorum reus postulari, & juxta iniquas Elisabethæ leges, perduellium supplicio plesti poterat: ut quòd Patriâ Anglus, Sacerdotium autoritate Pontificiâ suscepisset, reſectus in Angliam tot annis Sacramenta ministrasset, Tempia Hæreticorum frequentari à Catholicis nefas docuisset, & scripſisset; quæ & alia his adnexa, capitalia illic erant crimina. At enim quia hæc nomina nihil apud externos Catholicos continebant probri, volebant reum ejus culpæ mori, quæ esset Rei Catholicæ maximè infamis; atque idcirco nervum omnem dexteritatis exeruerunt, ut patibulo addiceretur tanquam inventor conjurationis, & moderator consiliorum Catesbii. In hunc finem fraudem commenti sunt innoſcenti perdendo ingeniosam, quâ conjurationis

nis notitiam sibi fuisse proprio ore fateretur.

Carcerem Garneti ab alio ei contiguo carcere solus paries dividebat, cavus interior, ut aliquot hominum capax esset, per quem arte simulatâ, ad similitudinem hiatûs fortuiti, rima admittebat mutua utrinque carceratorum alloquia; invento ad reos ex secretis colloquijs per latentes arbitros deprehendendos & arguendos. Translato igitur in vicinum carcerem Oldcorneo, edoctus fraudem à Turris Præfecto Garneti custos, docet illum per eximij cujusdam favoris & amicitia simulationem, posse, si velit, secreto Oldcornei uti alloquio, toties quoties aluberet; dummodo rem, capitis alioqui periculum sibi creaturam, tacitus observet, Optatissimus Garneto venit fraudulentus custodis favor, nihilque doli, ut erat animo innocenti, suspicatus, oblatam gratiam avidè arripuit. Itaque solitarius ad rimam (consulto enim perfidus excefferat) cum Oldcorneo admissus, neque ullum interesse colloquentibus ratus, ante omnia Confessione sacra animum expiavit. Postquam rogatus ab Oldcorneo, etiâ mne adhuc processus examinum conjurationis protelaretur? respondit, nihil haberi prorsus, unde possit convinci ejus fuisse conscius. quòd enim de illa rescisset aliquid paulò antè quàm in lucem prodiret, neminem esse mortalium omnium, præter unum, qui hoc posset testari, conscium. quæ ultima verba infanti fuere mortifera. Scripto enim à latentibus in parietis cavo duobus arbitris excepta, confestim à quæstoribus evocato Garneto fuere objecta. Falsus est ingenuè Garnetus, notitiam sibi conjurationis factam paucis antequam erumperet diebus, sed non nisi intra Sacramentale Pœnitentiæ Tribunal; cujus proinde neminem præter unum esse posse testem edixerat, eundem nempe, qui hoc in Confessione sibi aperuerat. Patrem Grenwayum jussu à Catesbyo suum de censum, sub sacrosancto tamen Confessionis sigillo, exquirere. Quam proinde si non denunciasset, in causa fuisse Religionem Divini secreti, quo Sacerdotum linguas & conscientiam obstrinxit Christus. Ceterum hoc excepto, omnia alia ad everteendum Catesbij propositum se gessisse, impulsisque Grenwayum, ut modis omnibus ab immani Parricidio Catesbium dimoveret; qui etiam precibus ejus pervictus, sanctè, sed fidei sponderit, nihil se moturum, saltem quoad Pontifex de misero Catholico-rum statu moneretur. Hunc itaque itera-

tis precibus à se sollicitatum esse, ut Catholicos omnes anathematis pœnâ à rebus novis, in Regem præsertim, ac Regni quietem tentandis, abstereret. Et erat hæc damnan-do conjurationis Garneto quoad Hæreticos causa legitima, neq; Religionem ullam secreti Sacramentalis, sed neque Sacramentum aliquod in Pœnitentia agnoscentibus, quia tamen mortem hoc titulo illatam, per honorificam illi apud Catholicos fore, quâ in Martyrij candidatum evaderet, pervidebant, tormentis illum atrocibus discruciare aggressi sunt, ut aliquam extra Sacramentum facinoris notitiam se habuisse, dolorum impatientiâ fateretur. Sed cum eam constanter inficiaretur, diem tandem judicio, & supremæ in eum sententiæ ferendæ indicunt 28. Martij.

Dici non potest, quantis conatibus insudârunt Cognitores causæ, ut omnis omnibus, quæ reum capitis Garnetum liquidissimè in Anglia faciebant, illud solum, quod semper negabat fortissimè, quod nullâ probatione unquam, vel testimonio asseri potuerat, conjurationis stigma illi inurerent. Volumen grande, & tædij plenum conflarent, si excuterentur omnes perplexissimi per 23. examina, in scriptis Notariorum labyrinthi, ad unum hoc evolvendum punctum frustra intricati. Huc etiam faciebat tanto apparatu, non ex plano, sed in theatro editiore institutum judicium, in Aula vexillorum, mediâ Urbe sita, cum aliis mæos esset de reis quantecunque dignitatis, in Aula Westminsteriensis cognosci. Voluit eidem extra omnem morem, Rex ipse interfecto velo interesse, unâ cum Regina, & Primarij Regni Administri; ut nempe ex Majestate loci, & Assefforum, focus fieret populo causæ veluti præjudicatæ, & quæ notoriâ immanitate, & ineluctabili evidentiâ, solenniore præter usum damnatione, configi mereretur. Et præferebant id palmam, jactabantque impudenter cum Cæcilio Aulæ Ministri, & ad nefarij proditoris judicium exterorum Principum Oratores omnes invitârunt, audituros ex propria confessione, imò & subscripto chyrographo, conspirationis pulverariæ condemnandum Auctorem. Exspectabant ergo universi causam paucis conficiendam, clara duntaxat evidentis proditiõis argumenta, & jactatam toties facinoris ex chyrographo & ore proprio confessionem: cum interim Fisci Causidicus Eduardus Cookeus horâ diei 9. in Garnetum actionem exorsus, &

per 6. continuas horas ad 3. usque pomeridianam diſſionem protrahens, nihil præter inaniffimas conjeſturas, & ſuſpicioſas Garneti cogitationum interpretationes attulit, nullâ magis divite orationis materiâ, quàm inveſtîvis in Pontificem, Jeſuitas, Sacerdotes, & Catholicos recuſantes, quos omnes extra cauſam penitus forenſis ſtentor Dæmonibus nequiores perſuadere ſatagebat. Patuit tum demum Legatis Principum, & quotquot aderant, non tantum Catholicis, ſed & Proteſtantibus, fraudulentum Miniſtrorum conſilium, nihilque ſub conſpirationis nomine aliud in Garneto puniri, quàm Religionem, & ex Sacerdotio Catholicum ſervatum Sacramenti ſecretum: ubi præſertim Garnetum audiverunt cordatis reſponſis innocentiam ſuam ſedatiſſimâ manſuetudine aſſerentem, & vaniſſimas Cookei ſuſpiciones momento diſſantem. Reſpiravêre continuo qui mærebant Catholici, & Legati Principum credulitati ſuæ non mediocriter irati, falſa, quibus Provincias impleant, nuncia revocarunt, cauſam decipiendi publici, ſcîſtæque conſpirationis tandem pauiſſe, ne ſolius Fidei & Sacerdotij odio, quod revera fiebat, necari videretur. Invitatus erat inter alios Hiſpaniæ Legatus, ut conſeſſionem illius audiret ſpontaneam (ita enim fore aſſerebant) in os illi, velut conſpirationis architecto ingerendam. Perduſto ad finem iudicio, cum nec mentio illius ſubſcriptæ conſeſſionis interveniſſet, quâ tamen, conſpirationem mordicus pernegantem Garnetum, convinci omnino oportebat, quærit Legatus, ubinam ergo illa haberetur? cui reſponſum eſt, haberi omnino; promiſſumque; ut illam videret die inſequenti: ſed hodiêque adhuc videntam expectat, exhibendam ad Græcas Calendas. Tenuit iniquiſſimum iudicium 10. integras horas, quo omnia verſabant Iudices, ut Garnetum conſpirationis reum facerent, & licet conveniens argumentum nullum aſſeſſet, damnavêre tamen illius reum; re ipſa non alio titulo, niſi quod Sacerdos & Jeſuita, ſecretum Pœnitentiæ obſervâſſet.

Reductus eſt in Turrim Garnetus, & ſpatio demum unius menſis crate vimineâ ad patibulum raptus. Erat illud non in Tiburno, ubi communiter alijs ſupplicium irrogari conſuevit, ſed in medio Londinoro, ad majus S. Pauli Templum, ſuper elato pegmate extractum: ad quod protrahit Garnetus, bene precantes ſibi de ſene-

ſtris, ex plano, fronte latiſſimâ ſalutabat, ingenti delibutum gaudio oſtentans animum, cui ſolius Religionis cauſâ, ceterorum innocentiffimo, ea mors inferretur. Infinita hominum omnis ſtatûs & conditionis, quanta nunquam aliàs, convenerat multitudo; in equis, ſubitanis theatris, ex tectis, ſeneſtris, magni Jeſuitæ, & Catholicorum in Angliâ Papæ (ita loquebantur) funus ſpectatura, cui redimendo oblata Regi garriebat 80. millia: cupidiffima audire ſcelus conſentem, & Paſiſmo remiſſâ Fide, Calvino illam (utrumque enim religioſiſſimè pro templorum exedris promulgaverant Verbi Præcones) obligantem. Depoſitus è crate, pegma conſcendit; quem ſecuti duo Decani cum alijs miniſtris, à Rege ſe miſſos dicunt, ut vel hæc ultimâ vitæ periodo faſſus conſurationem, veniam ab eo peteret. Ille placidiſſimo aſpectu è crepidine pegmatis populum univerſum conſalutans, petijt, eſſe ne ſas tantum ſuper DEO animam oratione commendare? Sed Montagutius Recordatoris in Aula munere fungens, ad poſcendam ex Rege prius conſpirationis indulgentiam, impotentius urgebat. Nihil habeo, reſpondit Garnetus, cujus veniam rogem, qui ita nullo prorsus unquam Regem leſi, ut etiam omnes modos diſturbandæ conſurationi adhibuerim. Si tamen ſacro illum ſecreto mihi in Conſeſſione creditam, & ideo religioſè celatam dant vitio, peto dignentur condonare, quod absq; ſalutis æternæ jactura non licuit aliter facere. Hic cauſâ, iniquo veſtro jure acquiſimâ, Divino & Catholico injuſtiſſimâ morte, libenter morior. Hic Montagutius, ſceleſtiſſima fraude verbis Garneti abuſus, quaſi agnitum his verbis crimen retractâſſet; Audite, ait magnâ voce ad populum, Quirites, Garnetus à Rege veniam petit conſurationis. Sed excepit mox ſceleſti vaſtri hominis mendacium Garnetus, & facis, inclamat, atrocem mihi injuriam. Negavi me Regem offendiſſe, & pernego, negavi me quidquam veniâ dignum admiſiſſe, niſi ſilentium rei in Sacramentali conſeſſione acceptæ. Negas igitur, objicit impudentiſſimus Montagutius, cujus tamen habemus tuâ manu Chyrogaphum, conſurationem tibi extra Conſeſſionis Tribunal perſpicuè innotuiſſe. Nego, inquit Garnetus, & pernego, nullum aliunde ejus indicium ad me perveniſſe. Videns ſuam Montagutius coram univerſo populo ſamam in arcto poni, ſcrutatus primùm ſimulatè ſinum & ſacrum utrumque, velut illud apud ſe habere crederet; mox unum ex famulis vocans, hoc ipſum velut in manus illius paulò antè depoſitum, ab illo re-

petit: negante interim audenter, ardentèr-
que Garneto, futurum unquam, ut tale ali-
quod suum chyrographum proferatur. Ma-
gna inde populo facta est expectatio, utra
pars mendacij convinceretur; quæ mox in
risum & cachinnos, cum æterna sycophantæ
infamia, evanuit. Excusante post longam
saccorum scrutationem famulo, scriptum il-
ludalicubi à se repositum, ubi verò, se ne-
quaquam meminisse. *Neque verò memine-
rū, aut reperiēs usquam gentium*, subiecit Gar-
netus; *siquidem res aliter se non habet, quàm
in æternitatis confinijs positus nunc assero, cuius
testem appello DEum, & salutem æternam pignus
pono.* Atque hanc suam innocentiam dimi-
dio ferè horæ spatio pluribus ad populum
confestatus, multū etiam sibi gratulatus
est de die illo inventioni S. Crucis sacro, qui
erat 3. Maij, morti suæ destinato. Tandem
Catholicos vehementius ad malorum tole-
rantiam exhortatus; à ciendis simul tumult-
ibus, conjurationibus, & violentis reme-
dijs, quæ nec Deo, nec ejus in terris Vicario
probarentur, eos absterre laboravit. Tum
DEum ardentèr, licèt perpetuò à Ministellis
interpellaretur, precatu, vestes posuit, ut
solent, quibus detrahenda sunt viscera, &
longo in indusio, utrinque ad tibias colliga-
to, constitit, ut nihil posset, etiam aurā per-
flante, oculos honestos ferire. Mirum est,
quàm ea tota servi DEI modestia populum
conciliaverit; inter cujus optimas apprea-
cationes liberis manibus scalas conscendens,
Carnificem rogavit, ne se, nisi admonitus,
gradu deijceret. Atque tum iterum popu-
lo valedicentem, & Catholicam Fidem ar-
dentissimè supremū suadentem, interpel-
lavit nonnemo: *Atqui sperabamus te nostrum
fore, velleque, uti sponderas, protestantem mo-
ri.* Nunquam omnino, reposuit Pater, tam ex-
celsa mentem meam voluntas subiit, qui pro
Catholica Religione, mille si possem mortes subire
paratus sum. Post quæ DEO iterum animam
suam, Regem, Principes, filios, Senatum &
Regnum universum commendans, laqueum
collo induit, & S. Crucis identidem signo se
muniens, cum hac prece: *Adoramus te Chri-
ste, & benedicimus tibi: hoc signum Crucis erit in
cælo, cum Dominus ad judicandum venerit:*
Carnifici iunxit: à quo scalis dejectus, can-
cellatis in crucem adpectus liberis manibus,
quietissimè pendit, vultu planè renidenti,
& nec mortis angustijs, nec doloribus turba-
to. Parabat quidem Carnifex semivivum
de more discerpiturus, aliquoties laqueum
abrumpere; sed populi clamoribus toties

prohibitus est, expectare jubentis, dum ani-
mam egisset. Qui etiam deinde caput cum
corde exenterati proferens, neutiquam so-
lenne illud: *Vivat Rex*, sed mæstissimum
retulit silentio: censentibus viris gravis-
simis, plus utilitatis Rei Catholicæ morte
suâ Garnetum attulisse, quàm vitæ per annos
20. quantumvis Apostolicè transactâ.

Certatum deinde magno studio à Ca-
tholicis est, ut diriperent aliquid ex ejus reli-
quijs; cujus indusium Marchio à S. Germa-
no, extra ordinem Regis Catholici Nuncius,
magno pretio redemit: alij alia, quanti Car-
nifex edixisset. Præcipuum retulit Joannes
Wilkinsonus, qui extraordinario penitus,
nec ullâ animo quietem relincente instin-
ctu, quo ei procerto spondebatur, fore, ut ali-
quid videret in viri innocentiam mirè faci-
ens, adactus, proximè pegma constitit; ubi
dissecto quadratim corpore, dum occasio-
nem aliquid tollendi opperitur, ecce tibi spi-
ca quædam ex stramento, quo theatrum ad
imbibendum lanienæ cruorem contratum
erat, Garneti conspersa sanguine, nec opi-
nanti in manus incidit, quæ genuinam Gar-
neti effigiem, in unica cruoris gutta perfe-
ctissimè expressum referebat. Hanc cum
summi infimique certatim, etiam ex intima
Regis aula magno stupore inspectam mi-
rarentur, & Rex indignè ferret, Divino te-
stimonio prodigiōse absolutum videri, quem
ipse Majestatis reum damnarat, Inquisitionem
Cantuariæ pseudo-episcopus instituit
inspicere authores, & portenti promulgatores,
qui non minùs constanter rem naturæ viri-
bus majorem asseruerunt, quàm pictores hæ-
retici, ut miraculi pondus similis in culmo
Imaginis expressione eluderent, acciti. In-
genue namque pernegarunt, humano rem
posse perfici artificio. Accedebat aliud hæ-
tæ Londino celebratum; Caput Garneti pa-
lo praximum in Ponte Tameis, cujus species,
lineamenta, color, conformatio, per multas
hebdomodas nativus oris habitus, nullâ re,
penitus à vivente diversus, universam Ur-
bem ad sui contemplationem provocabat.
Et verò cælitus etiam prodigij opinionem
spicæ illi asseri judicabant, qui miraculosè
per eam se adjutos existimabant. Ex qui-
bus Matrona Nobilis periculoso enixu ad vi-
tæ desperationem adducta, reverenti ejus
spicæ tactu puerum continuè incolumis
enixa est. Alia ex gravissimis morbi dolori-
bus fato vicina, ut primū spicam religiosè
manu comprehendit, momento convale-
scens, semihoræ spatio ad consuetæ munia

exequenda redijt. Nobilis item Hispani filiolus anno 1611. violentâ febrî Gadibus de spe vitæ dejectus, applicato linteolo Garneti sanguine delibuto, illico ab æstu recreatus, postmodum ex integro sanus evasit. Sed præcipuo loco censendum est, quod meritis & precibus Garneti retulit P. Gerardus, eadem cum Garneto proscriptiōe conjurationis damnatus. Hic Adversariorum manus ex Anglia fugitans, in portum evaserat, unde Hispaniæ & Belgij Legati solvebant ad reditum. At ij, quidquid Naclero promissum esset, negant se in navim admissuros; maximo Regiæ indignationis periculo absteriti, si resciret ereptum sibi hominem,

quem habebat pro hoste & insidiatore. Dies erat Maij tertius, Garneti supplicio dictus, hora & punctum temporis idem, quo Garnetus necabatur; cum repente mutati animis Legati, ultro & inexpectatò accersitum, vestes non satis tutas ponere, & familiarium comitumque suorum cultu ornari jubent. Itaque adversus exploratorum insidias munitum, in navim secum adducunt, & velut unum è suis in via & Belgio habent: qui proinde annos quibus superstes vixit, omnes sospitatori suo Garneto debere asseruit, meritorum ejus non solum disertissimus laudator, sed & perpetuus imitator.

NICOLAUS ODOENUS.



Idissimi, & perquam utilis famuli munus apud P. Henricum Garnetum, & P. Joannem Gerardum, 18. annos egit, magnus in pusillo corpore DEI servus Nicolaus Odoenus, sive Owenius. Hic in medio Nationis prævæ ortus in Anglia, vitam penitus vixit innocentem, & ab omnibus sæculi illecebris intaminatam; quem etiam Virginem mortuum sanctè testatus est, qui ab usque puero labes animi recententis conscientiam insperxit. Præcipua, quam Societati in illis Regni procellis exhibebat opera erat, fabricatio latebrarum, & servandis contra repentinos hostium aggressus Sacerdotibus, cuniculorum structura. Hos ille subterraneis semitis ducere, intermedijs muris recondere, recessu impenetrabili sepelire, anfractibus & mille mæandris intricare, arte, quâ sibi parem non habuit, incomparabili noverat. Et quod erat operosius, cavernæ aditus dissimulabat, specie prætexebat tam alienâ & peregrinâ, ut nihil minus quàm ingressum, aut os latibuli loqueretur. Porro eos ipsos, quos fabricasset recessus, ita apud se occultos servabat, ut nunquam latebram unius, alteri notam faceret Catholico; unde eas designabat, & construebat solus, procul omni arbitrio, in exhaustâ industriâ & labore, licet perumpendi plerumque forent grandiores muri, saxa excavanda brachijs solidioribus, quàm forent ipsius in pusillo & infirmo corpore debilia, quod illi etiam ad ascitium nomen Joannis, Parvi cognomen attribuit. Atque hoc ejus artificio plurimi à vestigatum rabie servati sunt Sacerdotes, nec facile inventus est aliquis, qui non latebris illius

vitam sæpius deberet, beneficio in omnes Catholicos redundante, quorum progressus, & Divina usurpandi facultas illi debebatur. Quem ipsi in fruendis, tam prosperis eventibus, cavernis, successu, eximia suâ mercari à Cælo videbatur pietate; quandoquidem aliquam aggressurus, à sumptione SS. Eucharistiæ fumebat initium, progressum autem juvabat continuâ precatōe, exitum offerebat soli DEO, nullum unquam laboris admittens pretium, præter meritum charitatis, & solatium operæ, in Catholicorum fructum & utilitatem impensæ. Fremebant interim hæretici, tantum numerum operarum impunè toto Regno vagari, quantum nunquam aliàs, nec quantalibet proditorum & emissariorum arte, è manibus penè labentibus Sacerdotibus, deprehendi posse, latebrarum fiduciâ securos: ideoque dici non potest, quanto odio apud illos flagraret, quanto studio earum latebrarum artifex Owenius inquisitus sit.

Hanc ejus indefessam pluribus annis operam expertus Garnetus, quâ pro Catholicis non posset Sacerdos strenuus utiliorem præstare, legitime illum Societati auctoravit; quod etsi studiosè cealarent Patres, ne si Laicis pateret in eam aditus, eogerentur multos primæ Nobilitatis, qui admitti rogassent, repulsâ offendere, ut qui nullâ re possent utiliter in Anglia occupari. Nequijt tamen Owenius ita famulum simulare, quin suâ virtute Religiosus non obscurè prodiretur, ideoque æmulos habuit conditionis suæ magnos viros, qui cupidè eam à Garneto ambivèrè. Eminebant enim in ipso probatissimi Religiosi virtutes, assiduam precandi



Nicolaus Oddenus Anglus Soc. I. E. S. U. odio Religionis Catholicae tormentis enectus Londini in Anglia A. 1606. 12 Nouembris.

C. Secreta del.

Melchior Küßell f.

studium; paupertatis amor tantus, quantus filioli in Matrem esse potest charissimam; in afflictationum usu spontaneo ardor pene nimius; patiendi pro Christo desiderium inextinguibile, cuius multiplex dedit specimen, tribus vicibus ergastuli poenis & tormentis ad satietatem hæreticorum afflictus. Primæ captivitati eum obiecit libera Campiani, ejus etiam servus fuerat, ut innocentis pro Christi Religione necati, palam & publica laudatio; cuius impatientiâ Ministri proteflantes, sædissimo ergastulo inclusum, catenam coegerunt diu è tibia gestare ferro gravem: cui ipse poenas spontaneas adjiciens, cilicium horridum perpetuo circumferebat. Adhæc vidit illum quandoq; Pater Gerardus colaphorum densâ grandine à famulo

Custodis operiri, silentem ad injuriam & dolorem. Translatus ex hoc ad sædus aliud, cum tribus socijs, ergastulum, tam dirâ ac diuturnâ fame tortus est, ut uni ex socijs per inediam vita erepta sit. Ipse autem spirans mihi, scribit idem Gerardus, cadaver apparuit, tam stipatis pediculorum & vermium examinibus oppletus, quàm egesta à talpis in cumulum gleba, cursantibus abundare formicis solet. Evaluit nihilominus inde incolumis, P. Gerardo famularem deinceps impensurus operam: donec cum eodem comprehensus, & præter putidum denuo Londini ergastulum, quæstioni admotus est. Cum autem neque pretio, neque minis blanditijsve induci posset, ut indicium Sacerdotum aut Catholicorum faceret, suspensus est è manibus ferreas indu-

indutis manicas, & tres amplius horas pendit sublimis, corpore convulso, nervisque contentis, tantò atrocius, quantò pedibus onere prægrandis ferri appenso, libratius degravabatur. Sed & his, divinà spiritus vi obarmatus, fortiter superatis, nihil unquam edidit, quod cuiquam obesse Catholicorum posset; demùmque ingenio & arte feliciter usus, iterum carcere non tantùm evasit, sed & P. Gerardo è turri Londinensiclam elapso, in tempore adfuit, sublatùmque in æquum, ante crepusculum ad Garnetum, tunc ruri degentem, attulit, magno utriusque gaudio, & Catholicorum gratulatione. Quod quomodo acciderit, quia simul narratio exactam torture Anglicanæ descriptionem, à P. Gerardo consecràm refert, juvat hic apone-re. Hic enim ille est Gerardus, qui & Odoëni in carcere tormentorùmque socius, ope ejusdem ergastulum & mortem evasit, & postmodum servitijs ejusdem usus, tandem cum Garneto pulverariæ machinationis falsò damnatus fuit. Ut adeo penitus ad propositum futura sit inserta de eo, quantumlibet prolixior hic narratio.

Compluribus jam mensibus P. Gerardus arcto in carcere tenebatur nullo tentatus cruciati, donec Sacerdos quidam, ejusdem ergastuli incola, in spem libertatis adductus, apud Regios nefarià proditiōnem eum insinulavit, frequentioris literarum cum Garneto, per Nicolaum Odoënum internuncium, communicationis. Nullà poterant Ministri Reginæ accusatione ardentius incendi, ad extorquendum quovis tormento, ubinam Garnetus lateret; qui tot annis nullà vi, nulla fraude, perfidià, emissarijs, sumptibus, autoritatibus deprehendere potuissent. Iudices quinque ad Bartleyum Turris Londinensis Præfectum convenerant; qui cùm blanditijs se nihil proficere viderent, ad horrendam illam & formidandam speciem, reis torquendis destinatam eum deducunt. *Et ibant* (placet enim verbis ipsius deinceps narrationem pertextere) velut supplicabundi procederent, portantibus funalia famulis, & prælucentibus ad subterraneum ingressum. Vastum intus & terribile armamentarium, vario instructum reorum excruciantorum apparatu, quorum singulis effem admovendus. Proin mihi maturè consulere, hortabantur; querebântque: num vellem deniq; mandatis parere? negavi me vellem, flexisque genibus paulisper oravi. Producor inde ad alteram ex duabus, quæ tectum fulciebant columnis, cujus summa ex parte

porrigebant se quædam ex ferro organa, uncinis instructa & annulis, ponderi sustinendo aptis. Mihi arteria manûs divisum utriusque circulo ferreo cingitur: fulcra duo suppedanea vel tria confcendere jubeor, & sursum brachia tollere, quorum seorsim ad singula insertus utrimq; per manicas bacillus, seorsim item per columnæ anulos transmittitur. Fulcra demum, quibus institeram, paulatim subducuntur, & corporis totà mole de manibus pendeo. DEum illic aliquamdiu precatus, interpellor à cognitoribus, vellemne, quæ poscebar, fateri? nolo, inquam, quia nefas scio. Erâtque jam tanta doloris acerbitas, ut illa quatuor efferre verba ægrè potuerim. Vexabat autem tormenti atrocitas potissimùm pectus, ventrem, brachia, & manus, in quas mihi videbar quidquid erat in corpore sanguinis mittere, & extremis expressum digitis fundere, quod tamen reipsa non fiebat. Sed intumescere tam deformi aspectu manus & brachia, ut tumoris labra manicas sepelirent: eoque tunc accrevit dolor, ut animo linquerer, nec putarem posse diutius perferri. Nunquam tamen animo succurrit efferre, quæ tacenda erant: sed magno potius DEI dono luctantem in extremis refovit hæc cogitatio, quòd optâsem pro Christo toties mortem oppetere; tunc tempus agi rem, nec defuturum mihi suâ ope Christum. Hoc desiderio moriendi recreatus est non mediocriter spiritus, visque sunt dolores corporis minui. Delegati meo abacti silentio, robustis custodibus me servandum relinqunt, adjuncto mei carceris custode, qui fronte sudorem detergebat, quo totus continuò madebam. Mandatum etiam sibi aiebant, me tamdiu torquerent, donec aut animam inter cruciatus egererem, aut quod premi secreto dolebant, ederem. Precabar interim submissâ voce, ut poteram, JESUM & MARIAM, quo à verbis illorum attentionem avocarem. Post horam correptus deliquio, sed brevi, ut suspicatus sum: nam pondus corporis tantisper brachijs statim erexere, & fulcra pedibus reddere, quoad animum recepissem. Atque hic denuo, dum animadvertunt restitutum, denuòque orantem, iterum me tormento admovent, removoentque fulcra, repetunt; has vices horarum quinque spatio, novies, prout defecientes vitæ, quibus violentis opprimebar, cogeant illos ne morerer cavere. Redit quinque post horas Vadeus, vides, inquit, tuoque experiris damno, Reginæ parendum, ejusque Consiliarijs. Dic ergo sis

vel nunc, quod tibi fuerat conducibilis antè dixisse. Ego, urgetis, inquam, idem quod antea, proin idem vobis quod antè respondeo. Saltèm, ait Vadeus, dic te Regij scribæ Cæcilij colloquium poscere. Ne id quidem, ajo, facturus sum, quodd nec illi quidquam dicendum habeam, & offensioni futurus sim suspicaturis, me victum cruciatu, aliquid ei quod erat tacendum indicasse. Ergo, inquit discendes & frendens Vadeus, illic pendens putresce, dum membra tibi frustim defluant. Post aliquod tempus ex tormento depositus, etsi nec tibijs, nec pedibus læsus, in pedes tamen nequivi consistere, reportatus igitur sum in meum carcerem.

Postridie referor ad hesternam mei supplicij columnam: sed non potuere manibus indui circuli ferrei, nisi intra sulcos, quos grandes pridie impresserant: sic intumuerant cetera, ut nullus par ijs esset circulus. Suspenso doloris quàm priùs sensus atrocior vexabat manus, ex quibus pendebam, mitior ventris & pectoris: quare mente & ore, precando absque deliquio animi duravi aliquamdiu; sed supervenit defectio virium & sensuum tanta, ut ijs non possem resistui. De me solum hoc scio, uti oculis ut capì, video me in trunco sedere. Exprobrabat mihi hic Eques Bartleyus silentium pertinax: sed tantum mihi DEUS affudit vocis & pectoris, ut referrem, malle me millies, si toties possem, vitam profundere, quàm hominum gratià DEum offendere. Misereri me visus, admonuit tamen, nondum horam fluxisse torquendo destinatum, iterandumque sub vesperam tormentum. Ergo, inquam, eamus. Conatusq; frustra in pedes assurgere, alienis manibus ad meam columnam accessi. Et hos mihi animos suggeri in gratiam Societatis agnovi, cujus licèt maximè indigna, pars tamen sum aliqua. Alligatus ut priùs, summum quidem probavi corporis dolorem, sed magnam animi voluptatem, profectam, ut reor, ex desiderio moriendi. Mihi quidem certò videbar moriturus, & consolabatur me singulariter divini placiti constans amor, spretà cujusvis mortalium voluntate. Nondum horà integrà pensilem me, dum eufos meus lacrymosus carceri redderet, protulit pauxillum aliquid quo resocillarer: sed emortuis manibus exiguum illud quod sumebam, cogebar terere in minutal, orique indere. Reviviscentibus deinde digitis, quod carpere poteram, non tactu, sed pondere sentiebam. Post menses verò tres sensus manibus rediit, sed æger & stupe-

mus; nec nisi post menses inde sex, eum in Turri subdixi, manus ad officium integrè rediit. Hæc autem ratione ex Turri illa evasit.

Stabat ex adverso ejus, quà claudebatur, turris alia, horto interjecto, muro & fossis propinquior, quæ castrum cingebat. Ardenum habebat virum Nobilem, Catholicæ Fidei ergo decennem captivum, suo velut sepulchro carceris, dum absumeretur, derelictum. Is custodis sui conniventia, in plumbei tecti plano, liberio rem auram dum quotidie captaret, Patri, mox ut in suo ergastulo comparuisset, flectebat genua, quærens sibi ab ipso benedici. Ac Pater quidem carcere in cellulam verso, post iterata integro mense S. Jgnatii Exercitia, inter continuum anni totius jejunium, quotidie pariter suam sanctam fallebat pietatem, recitabatque totam Missæ formam veluti celebrans, & spiritualmente Christi corpore reficiebatur. Sed Julij ultimo anni i 597. die S. Jgnatio solenni, sanctiori instinctus cogitatione, speravit posse rem divinam ex vero in Ardenij carcere facere. Ardenij enim uxori bis quot hebdomadis licebat, recens linum, & alia privatim necessaria, marito deferre: fore igitur pronum, ut supellestem Altaris totam, paulatim ad eum deferret. His mente versatis, significavit Ardenio varijs nutibus, missurum se ad illum pia munuscula, cruculas ex mali aurei cortice effictas, & precatorios globulos, quos succisvis horis concinnabat; sed chartam explicaret, quâ involverentur, ad moveretq; illam igni, lecturum in ea quid vellet. Succo enim malorum aureorum (quæ illi subinde custos carceris largiebatur) conscripta, quod cælaverat candore, ignis objectu infuscatis literis, legendum reserabat. Ægrè quidem, sed tandem & natus, & succo mali aurei velatum charactere percepit Nobilis, & Custodis gratiam nummis expugnavit. Hic postridie natalis Deiparæ Gerardum ad Ardenum introducitur, sollicitè, nil suspicans, concludit: qui nocte totà in preparatione ad sacrosancta mysteria, decem annos Ardenio frustra expectata, solidè impensâ, consecravit simul 22. hostias, quas secum in solatium, & futurum mortis viaticum referret. Posthæc dum multa inter se loquuntur, advertunt ab ea turri tam propè abesse tum fossam, tum à fossâ murum, ut non videretur fuga insuperabilis, & si cui pectus non desit, etiam prona & facilis. Ergo rem ad Garnetum, ex ejus sententia, sive remanendum, sive fugiendum

endum judicasset, facturi, per internuncium deferunt. Ille ex Catholicorum Nobilium sensu, fugiendum, si tutò, & vità incolumi possit, respondet. Ergo hi modum fugæ intus per literas digerunt, Amici foris ex conditio apparatus curatione moluntur.

Certà nocte adfuturi erant in scapha prono Tamefi Joannes Lillius, & Richardus Fulvodus, linum singuli ad pectus candidum, ut internoscerentur, præferentes: quibus scapham ad turrim applicaturis, Gerardus cum Ardenio funiculum demitterent, & alligatum illi ex navicula rudentis extremum, sursum ad se attollerent: cujus extremum alterum ad truncum arboris turri oppositæ fortiter adstrictum, & quantà posset vi maximà tensum, cum fossam velut ponte junxisset, commendatent se Deo suisque brachijs, quibus per funem illum fugam promoverent. Rebus ita consultis, expugnatòque iterum nummis Custode, ut Gerardo noctem in Ardenij carcere iterum indulgeret, tres scripsit Gerardus epistolas, quas esset à fuga in turri relicturus. Primam ad carceris sui custodem, quàm eum evadendo capitis discrimini ad fugam invitabat; adfuturum certà domo (quam designabat) eqvum, & viæ ducem, à quo in tutum salvus subduceretur, habiturus quamdiu viveret florenos in annum ducentos, & omnia ad vitam necessaria. Alteram ad Bartleyum Castelli Præfectum, quàm omnem à custode suspicionem amovebat. Tertiam ad Regium Senatum, quàm fugæ causam recensebat: non mortis timorem, ad quam paratissimus staret, sed mortis iniquæ injustissimas causas, quibus vita & fama Garneti, Viri sancti & innocentis, coactè petebatur: se fugâ, naturæ jure innocuis concessâ, servare voluisse, ut animorum prodesset salutis. Adest interea gerendæ rei articulus, ejus eventum cælitus fortunari oratione, indistis jejunijs, elemosynis, afflictatione sui, votis etiam quidam in totam vitam factis, procurare certant Catholici. Primum ejus tentandæ conatum inanem fecit è vicinia Vir, illos in scapha conspicatus, eisque colloctus: ex quo illi putarunt, cautius nocte illà nihil experiri. Sed cum prono feruntur Tamefi, pleno maris redeuntis fluento impares, abripiuntur in trabes pontis interlertas parastatis, DEUM & homines in opem magnis clamoribus vocantes. Adum erat de illis, nisi grandis, & periculo par accurrisset navis, & jactis è ponte funibus emerfi constitissent. Amissis rudentibus & scaphâ evadentes, spectabat au-

diebátque è turri cum Ardenio Gerardus: & suo se uterque carcere, Amicorum præcipuè mæsti infortunio, abdidere, omni alæa denuo mittendæ positi cogitatione.

Sed primo mane scribit ad Gerardum Lillius, bene omnia per DEI gratiam post naufragium habere. redirent postridie horâ eadem, & operirentur adfuturos. Extortâ duplicato pretio Custodis veniâ Gerardus tertium cum Ardenio pernoctandi, advertunt cimbam surdo remigio propinquantem, filum projiciunt plumbo ad pondus faciendum alligatum, trahuntque ad se innoxium rudentem: quem firmis ad prostrans è turri totmentum bellicum adstringunt nodorum vineulis. Vice versâ qui erant in cimba, truncò arboris ingenti colligant, & vehementissimè intendunt. Verùm haud valuit vi tantâ intendi, quin tanto, quod jungebat spatio, flaccesceret, & in arcum penderet, sic ut per eum equitatus non satis suipondere juvaretur, sed nervis opus esset ad superandam illam rudentis curvaturam, & dexteritate ad æquilibrium tenendum. Utrumque tamen metu æterni carceris, aut mortis indubiæ, feliciter exegit Ardenius. At Gerardus lentato jam laxius, quàm fuerat antè, rudenti se committens, accitâ in auxilium DEI Matre, & carceris ejusdem duobus ante se incolis Southuuello & Walpolo, aliquantum confecit viæ. Sed nervorum defectu mox in supinum everfus, pependit è cannabe, promovitque nihilominus usque ad medium. Hinc prorsus defectus viribus & halitu, nec valens transversum digitum, procedere, statuebat se quis præfoecandum, cum ruinæ proximus in fossam immineret. Ergo collectò quod supererat extremo spiritu, evasit ad murum extremis pedibus tangendum. Inde illum adrepens traxit Lillius in terram exanimum, & balsamò modicè recreatum cimbæ imposuit. Post seòto rudente de turri pendulo, in adversam ripam celerrimè trajiciunt, liberatis & liberatoribus DEO infinitas gratias cum lachrymis agentibus. Ibi eos præstolabatur cum parì equorum Nicolaus Odoenus, quibus insensis ed volant, ubi eos Garnetus expectabat. Ceterùm Gerardus paucis, quibus vires perfectè reciperet, mensibus, Londinum redijt, ædes conduxit, Ministerij sancti labo & prepetijt, ed confidentiùs, quò animadverit, tentum se iterum propè ab adversarijs sæpius, illorum semper se manibus DEI beneficio exisse.

At verò libertatis ejus administer Odoenus, his

his aliisque rudimentis DEO, & 20. annorum fidelibus obsequijs Garneto probatus, (neque enim Sociorum in numerum succenturiatus, famuli nomen aut munus omisit) unâ cum Domino suo, & P. Oldcorneo, in hostium tandem manus tertio delapsus est; solâ charitate, quâ majorem nemo habet, ut animam suam ponat pro Amicis suis, proditus, dum latebrâ sponte, ut paulò antè in Garneto retuli, cum famulo Oldcornei erepsit, ut ab hostibus tenti, & pro Sacerdotibus habiti, utiliore Catholicis eorum vitam fervarent. Incredibile est, quantis ejus captivâ inaccesserit gaudijs Regni scriba Cæcilius; gnarus quanta fruendarum latebrarum Nicolao esset peritâ, quâ innumera Sacerdotibus totâ Angliâ occultandis struxisset cæca cubilia. Certâ igitur spe polliceri sibi videbatur, Sacerdotes ad unum omnes ejus indicio deprehensos, Angliâ exterminaturum, & præcipuè Nobilitatis opibus, quod latibulis domesticis eos exceperant, fisci nomine direptis, opulentiam suam locupletaturum. Hæc prima illius exultantis, ut primum Owenium captum intellexit, vox fuit; *non lentâ nunc demum agendum manu, eblandiendum ex ipso, si velit, tormentis argendum exquisitis, & cruciatuum duritie exprimendum.* Acta res omni ingenio est atque industria. Principio Piratico in carcere penè liberâ custodiâ habitus fuit, ut quinam ad eum inviserent, dissimulanter observarentur, unde conjectura de occultis capi posset. Sed eâ expectatione per sagacem viri prudentiam delusus Cæcilius, in turrim Nicolaum transtulit, omni genere atrocitatis urgendum atque mactandum, donec ea, quorum desiderio impotens ardebat, edidisset. Wadæus ergo turris tum custos, insanis in Religionem Catholicam suapte naturâ odijs, & Cæcilij hortatu plenis obsequijs in eam barbariem incubiturus, sex illum dies quantumvis debilem, & pridem herniâ laborantem, in atrocissimo cruciatu pendentem habuit, & horas quidem aliquando septem continuas. Nec eos à crudelitate absterrebant Leges Patriæ, herniâ laborantes reos distendi vetantes, ne pondere ruptis omentis illia prorumpant, homine, quem necdum constitit morte mulctandum, extincto. Providit quidem opportunum periculo remedium crudelitas, & ut in carnificina duraret, ventrem illi ferreæ complexu laminæ, ne viscera prorumperent, coercuit. Sed ea fuit quæstionis atrocitas, in qua ventrem ac pectus po-

tissimum dolor vehementissimus occupat, ut nullo complexu viscera retineri possent. Cum enim patientissimus in tormento Nicolaus, ad omnia Wadæi quæsitâ magis pifce mutus, cum solo DEO loqueretur, JESUM-que & MARIAM suaviter in auxilium vocans, cætera quietus penderet, rabie ferinâ percitus Wadæus conniti jubet carnifices, & quidquid possent viri, in distrahendo scelerato novis gravato ponderibus, exerere. Quod dum strenuè ultimo, exqvuntur conatu, laceratis omentis, erupere miserandum in modum rupto corpore viscera, ipsâ ferri acie in patentius vulnus ventrem discindente. Linquit inter hæc animo Nicolaus, & supremis DEO votis spiritum commendans, in catasta moritur.

Movisset illud hominis quantumvis sceleratissimi fatum, etiam ferinum pectus; Wadæum tamen & Cæcilium in belluas pridem degeneres etiam exasperavit, ut inaudita, & quæ probroffissimâ calumniâ famam defuncti obruerent. Edidit in vulgus, typo & scalpello, eum spontaneâ morte cruciatus, quos imminere metuebat, prævertisse, & desperatione actum, dum nescio quid aliud ergastulo absens Custos agit, cultro ventrem discidisse; cujus desperati consilij causam fuisse, falsum metum tormenti gravioris, cum à Cognitoribus jussus fuisset modico duntaxat spatio pollice utroque de trabe suspendi. Verum frustra vecordissimi mortales tam aliena à veritate mendaciorum finxere argumenta; notior enim erat viri etiam apud A Catholicos virtus & fortitudo, quam annis abhinc decem eadem quæstione dirissimè tentatus abundè probaverat, quàm ut persuaderentur per intolerantiam & desperationem spontaneam ferro animam exturbasse. Unde postea vili & despicabili servo cultellus mensarius, (tali enim viam intestinis aperuisse fingebant) ad scindendos cibos permissus est, quod reis etiam supremæ dignitatis illic nunquam conceditur, ut neque ab addictissimo sibi Custode P. Gerardus cultellum calamarium, ad aptandam scriptiori in vicem calami festuam, impetrare potuerit? Cur deinde Custodis sive incuria, sive indulgentia in ferro permittendo, solitis pœnis non est pensata? cur non Ovveni cadaver præscripto legibus & usu, homicidarum talium affectum dedecore, & palo per medium adacto, extra Urbem rure, asini sepulturâ conditum? Quorâodo etiam, ut verum foret cultrum ei permissum, totâ manu ad scindendum patenti vulnere

nere corpus uti potuit, cùm palàm sit, paulò vehementius eo tormenti genere tentatos, ità diu manuum impotes esse, ut ne tractare quidem cultrum, aut manum comprimere possint? atqui emissus ad forem, ut nescio quid Owenij nomine peteret, carceris custos, excusavit emortuos illi ex immani equuleo digitos, cui ne duobus quidem scribendis ad illam verbis sufficerent, cùm neq; ad vescendum, neq; alium vitæ usum manibus uti posset. Qui etiam veri & facti testis oculatus, quòd eum præfens & coràm vi cruciatuum, & viscera ex tormentis ejectione mori vidiſet, Catholicis juramento confirmavit. Et ex carnificibus, qui eum torserant, unus miraculo similem viri pati-

entiam in continuato sex diebus equuleo, & fortitudinem, inter illas dolorum lethaliū pressuras, humanà majorem, ità deprædica- bat, ut nunquam sibi in manus venisse tantæ hominem generositatis, & Christiani spiri- tûs assereret. Nec defuere Viri magnanimi, qui populo cadaver Owenij expositum specta- nti, rem ut gesta erat sibi optimè perspe- ctam, animosè constanterq; narrârunt. Qui licet idcirco rapti in carcerem, veritatem loqui prohiberentur, fama tamen extra car- cerem libera suum D E I famulo nomen restituit, & glorioso pro fide Catholica agone, generosissimè ad ultimum usq; halitum decertasse celebravit.

P. THOMAS GARNETUS.

Sublato è vivis & percusso Pasto- re, P. Henrico Garneto, dispersi sunt à lupis oves, & universo Regno sub gravissima suppliciorum interminatione proscripti Societatis homines, & sacerdotes omnes, Deportatis extra Insulam, quos carceres varij clauderant, omnibus; tentus tamen est P. Thomas Strangeus, ne immanem prorsus & barbaram ministrorum Regiorum immanitatem, toto corpore Provinciis alijs loqueretur. Tribus enim diebus à Wadæ crudelissimè tortus, altero triduo manicis ferreis excruciat; totos inde, quos vixit, annos, elumbis, captus membris, doloribus capitis vexatus, sanationis expers egit; fatentibus tamen ipsismet cognitoribus, ne suspitionis quidem, ad fulciendam contra illum causam, sibi fundamentum suppetere. Neque hic constitit Jacobi Regis sanctè promissus in Catholicos favor. Juramentum ab omnibus Catholicis exegit, quot capitibus, tot perfidia sacrilegijs plenum, quo omnem spiritualem Romani Pontificis in Regem & Regnum Angliæ protestatem execrari, neque ullam ipsius, præter Regiam solam, in se, suisque jurisdictionem in rebus sacris & conscientia agnituros, jurare coge- bantur. Blackwellus, Sacerdotibus ex Cle- ro, Pontificia autoritate præpositus Archi- Presbyter, in scelus prolapsus, post quadrimensem carcerem juramentum admisit, & pernicioso exemplo sacerdotes, & ex Catholicis quæ plurimos in ruinam traxit. Resistere constanter ex Societate operarij unus & quadraginta, & nefarium juramentum omni

execratione fugiendum Catholicis prædica- vere. Ex quibus primus Pater Guilielmus Wrigthus, veritatem hanc Catholicam car- cere ærumnosissimo, P. Thomas Garnetus, Henrici Garneti Nepos, etiam morte asse- ruit. Natus est Londini Patre Richardo Ju- ris peritissimo, sed direptione honorum, car- cere, ærumnis pro Fide toleratis, longè claris- simo, à quo ad annum ætatis 16, literis & virtutibus educus, Audomarum in Belgi- um, ac postmodum Vallisoletum est trans- missus; ubi, absolutis studijs superioribus, sacris initiatus est cum Marco Bereuvorthio, postmodum in Catholicæ Fidei testimonium, laqueo similiter in Angliam præfocato.

P. Thomas reversus in Angliam, ut vi- res & valetudinem Culo Hispaniensi labefa- ctam, Patrio aëre restauraret, sex annos in hominum salutem, omni verborum & exem- pli efficaciam impendit, interque uberrimos fructus numeravit conjugum paria aliquot, sua persuasione ad Virginitatem in matri- monio, votà D E O continentiam, servandam inducta, est, ætate, generis claritudine, bonis fortunæ, ad omnem commoditatem & volu- ptatem affluere. Cùm autem & ipse san- ctioris vitæ desiderio, à Patruo Henrico So- cietati Angliæ Præposito, admissionem inter suos constanter flagitaret, coopatus tandem est post longa & multa vota, in Belgij tyro- cinium transmittendus, nisi conspiratione Catesbyana præclusis in Belgium vijs, ejus- dem suspicione tentus, in carcere prius vin- culis Martyrio, quàm in Novitiatu religiosi exercitijs Societati se probare coactus esset. Suspectum conjurationis fecere solè Henrici

M

ad il-



P. Thomas Garnettus Anglicus Soc. IESV, pro Fide Catholica suspensus et dissectus Londini in Anglia Anno 1608. 27 Junij.

C. S. A.

M. K. J.

ad illum datae literae, & interceptae, quā causā ergastulo conditus est arcto, frigido, sordium & putredinis pleno; ex cujus situ glisciente in medullas contagio, per omnem deinceps vitam doloribus acutis laboravit. Cū autem neque interceptae literae, neque ullus aliunde rumor de Thoma quidquam loqueretur, quod ex eo per Judices de conspiratione queri posset, minis tormentorum, & examinum perplexitate exprimere conatus est Cæcilius. Sed omnibus in casum adhibitis, squallore ærumnosi carceris abstumendum, suo sepulchro restituit; è quo proscriptione Regiā post novem menses protractus, & in Belgium, quod antè non licebat, ultro nunc Regio navigio ad Tyrocinium Religionis transvectus est. Vixit Lo-

vanij, eo conatu & profectu ad summa virtutis connisus, ut Novitijs Socijs posset Magisterium præstare; qui ab heroica virtute ductis indicijs, gloriosā morte occubiturum olim, tanquam prælagio jam tum discitabant. Quā consummatæ perfectionis æstimatione, mox anno vertente, necdum absoluto tyrocinio, remissus est in Angliam, mirum quā opportuno & necessario Catholicis firmamento, ad recusandum fidei Regiæ iusjurandum, Christi Vicario infidele.

Vix Regnum ingressus, proditione Apostatae Rovesij comprehenditur, & post non diuturnum Carcerem, Pseudo-Episcopi Londinensis Tribunali sistitur. Et cū nihil contra recentem advenam prætendi posset, varijs de rebus promiscuè interrogatur,

num

num Sacerdos, & Jesuita esset? utrùm literas ex Anglia ad P. Gerardum conjurationis in Regem damnatum transfussisset? quorum priora duo liberali confesso, cùm tertium nullo argumento, vel apparenter probari posset, severitate deposita, cepit euni verbis in omnem comitatem & blanditias effusis hortari Episcopus, ut fidelitatem Regi, in dicto récenter juramento, præstaret, aboluturus hæc obedientiâ omne, capitalis etiam causa, periculum. Renuit animosè Pater servandæ vitæ iniquam conditionem, neque ad deliberandum ullâ opus esse dicebat morâ, quam insidiosè quatuor mensium offerebat Episcopus, ut calumniæ Societatis Sacerdotes exponeret, quia & ipsi jam ambigerent de illius jurisjurandi perfidia. Cùmque commotior Antistes extrema minaretur, illa non invitè subiturum se pro sanctis Ecclesiæ legibus respondit; cùm nefas sit potestatem Vicario suo à Christo concessam, temporali Principi asserere. Excanduit adhæc, qui Examinis in Episcopio aderat, Wadæus: &, *juro*, inquit, *hujusmodi hominum exanimibus me nunquam assuturum, nisi exemplo hunc rapi jubes ad novæ portæ custodiam* (est ea Tiburno vicina, ex qua rarùs inclusis, nisi ad furcam, exitus) *Tuo arbitratu fiat*, subjecit mitissimus Præsul; *& si Rex jubet eum mori, per me licet*. Ad quos mitissimè Thomas: *ego*; inquit, *Domini, & ad portam novant præsto sum, & ad Tiburnum expeditus, & mors mihi suavia Votorum est, ut qui pridem cor meum mancipavi, totus a meo JESU possidear*. Infrendit scilicet ad tantam viri libertatem, veritatis omnis expers Wadæus, & insani more, terram pedibus rabidè quatiens, convitijs omnibus, quæ amentis in buccam venire possunt, innocentem proscidit. Episcopus autem gravi admonitione hortari instituit, ne furo prætextat pietatis, & veræ religionis deceptus, æternum sibi exitum accersum iret, qui eximijs à natura dotibus ornatus, multum posset in Evangelio Calvini DEI gloriæ prodesse. Dedit sub hæc Thomas literas ex carcere ad Præsidentem Societatis, qui in locum Garneti per Angliam suffectus erat, P. Holtbeyum, enixè rogans, ne Catholicos pateretur pro sui liberatione quidquam tentare, cùm præter propriæ salutis certissimum lucrum, majus speraret emolumentum suâ illis morte, quam longioris vitæ quantavis operâ allatum iri.

• Sed timorem omnem absterfit præpropera ejusdem ad tribunal judicum, quatri-duo scilicet post privatum illud examen,

evocatio; in quo quadruplicis criminis reus peractus est, quod Sacerdos Romanæ ordinationis; quod Religiosus esset Societatis JESU; quod in Angliam regressus Catholicos à Regis obedientia seduceret; ac demum; quod debitæ Regi obedientiæ sacramentum præstare nollit. Falsus est ingenuè priora duo, cùm nullis testibus idoneè probata fuissent; tertium rejecit efficaciter, ut cui nihil in votis & conatu magis fuerit, quàm ut Catholici omnes debitam Regi in temporalibus, penes fidelem Pontifici in spiritualibus subjectionem præstarent. Sed & obedientiæ, quæ Regi competeret; Sacramentum dicere se, semper paratum; illud etiam ad testificandam subiectam mentem in scripto attulisse. Quod si auctoritatem Vicario Christi jure Divino debitam, & per sacrilegium Principi terreno arrogatam, nollit juramento firmare; hoc verò non posse infidelitatem in Regem imputari. Protulit exinde juramentum fidelitatis scripto à se in carcere elucubratum, ejus exemplar unum ad P. Holtbeyum transmisit, & ex altero obedientiam Regi debitam publicè in Judiciò, & iterum sub patibulo, coram omni populo recitare parabat. Verùm prohibitus tunc quidem est, erepto sibi per vim, & discripto chirographo: cujus tamen verba ex P. Holtbei autographo recitare placet. *Ego Thomas Garnetus, sincerè atque ex animo, & coram celesti curia profiteor, me Regi meo legitimo Jacobo, fidelitatem omnem & obedientiam præstaturum, quæ illi Naturæ, Divinæ & veræ Christi Ecclesiæ debetur lege. Fidei meæ testificatio si parum videtur sufficere, testis mihi sit & Judeoc DEUS, orbisque universus, Regum neminem posse plus fidelitatis à suis exigere, quàm quod ei lex Divina concedit: subiectorum neminem Regi posse majorem spondere ac jurare obedientiam, quàm quæ ab Christi Ecclesiâ probatur. Mea hæc mens est. sic me DEUS adjuvet in hora mortis.*

Damnatus læsæ Majestatis, ubi ad carcerem reductus est, certatim à Catholicis adibat, omnia pene illius, quantumvis reluctantis, in piam memoriam diripientibus, Biduum ultimum egit in subterraneo specu, Limbi nomine, manus pedesque compedibus gravis, & catenis undique circumcinctus, ne desperatè mortem, voluntariâ scilicet nece, anteverteret, qui paulò ante offerentes Catholicos ad evadendum è turri operam & funes, animosus rejecit, dicens, *malle se in aëre collo pendulum à fune subsultare, quàm manibus prehenso in terram saluum demitti*. Instante supplicij horâ ad cratem alligandus,

lætus & alacer prodijt, proinde gestiens, acsi ad convivium & nuptias ducendus foret. Protractus Caballi caudâ ad Tiburnum, ubi crate solutus fuit, præstolantem se habuit Thomam Cæcilium, Regi ab arcanis Consiliarium; qui Regis nomine impunitatem omnem obulit, si modò in animum induceret juramentum fidelitatis præstare. *Vel quinque mille vitas, respondit Pater, si crimine tam impio lucrari possem, neutiquam facerem.* Carum ergo de more iussu conscendere, primo omnium signo crucis se munivit; trabi, cui appendus erat, osculum impressit; injectumque collo laqueum detraxit, & ducta desuper benedictentis ritu cruce, piè itidem osculatus, statim collo reposuit. Parantem ad populum quædam dicere, indignabundus Prædicans, ut missis ludicris juraret potiùs fidelitatem, & religionem Calvinî, hortabatur. Cui P. pulsato amicè humero, *ne hoc loco, ait, amabo te inimicitias exerceamus.* Exorsusq; ad populum dicere, *sacerdotem se ex Societate JESU professus est, omnium, qui vivunt, mortalium, illa die felicissimum, quo nullum sibi, ex quo in lucem editus est, fuisse iucundiorum, Deo teste asseruit.* Detrahentem interim sibi vestes carnificem strenuè adjuvit, & invitentem denuò ad juramentum Cæcilium, gratiæ & vitæ oblatione, simpliciter rejecit. Tum dictionem ad populum resumens, novem se annos Catholicis operam consuetis sacerdotis officiis in Angliâ navasse fassus est; quàm alienum ab omni in Regem inobedientia vel rebellione, ex juramento suo colligi velle, cuius in morte editi testem, omnem populum diceret. Recitavitque sub hæc relatam superiùs sacram formulam. Sublatis demùm in Cælum oculis & manibus, ubi Deo pro tam beatæ mortis beneficio gratias egisset; *avertat ab hoc Regno, subjecti, iram suam*

DEUS, nec à Rege meum sanguinem exigat. Domine ne statuas illis hoc peccatum. Apostata Sacerdos Rovellus me prodidit, DEUS illi condonet. Apparitor *Crassius comprehendit, DEUS illi condonet.* Episcopus Londinensis carceri addixit, *DEUS illi condonet.* Ejus secretarius *insensum illum mihi suis susurris reddidit, DEUS illi condonet.* Wadens mortem meam promovit, *DEUS illi condonet.* Montagatus, & testes falsi multa in me commenti sunt, *DEUS illis condonet; detque mihi videre omnes in celo salvos.* Orare posthæc ad extremum de genibus cùm vellet Pater, Ave, & Credo, nec brevitate laquei impeditus posset, rogavit Catholicos, ut eadem secum precarentur: Quibus ipse hymnum, *Veni Creator Spiritus*, superaddens, in ijs verbis, *sermone ditans guttura*, subducto carro pependit, prohibito per Cæcilium carnifice, ne laqueum priùs, quàm animum efflavisset, succideret. Id quod factum est die 23. Junij, anno 1608. ætatis 34.

Porro inter amicos quatuor, qui protractis pendentis pedibus (idem propinquorum in Angliâ muneris est) breviorē cruciatum acceleratione mortis curare satagebant, fuit etiam unus scdâ hæreticus, quem manu altera protensa visus est Pater velle à se amovere, altera verò cruce versùs illum ductâ signare; quem cuna fixo in eum obtutu postremum respexisset, vivere desijt. Laniati corporis reliquias ardentem expectiæ Catholicis, & felicissimè omnium Atkinsonus, Garneto amicissimus, frustra carnis cum vestibus à carnifice multâ pecuniâ redemit; paulò enim post morbo oppressus curationis desperatâ, applicatis pectori P. Thomæ reliquijs, momentò meliùs habuit, sic ut die postero integrè sanus, ad consueta munia rediret.

P. JOANNES OGILBEUS.

Regnum Scotiæ Fidei Catholicæ quondam tenacissimum, pestilente Calvinî hæresi, sub eadem quibus Angliâ tempora, depravari cæpit; donec Jacobo Stuarto Rege ad sceptrum Angliæ assumpto, in unam coronam coalescens, perfidiæ penitus cecidit. In eo familia Nobili, Parentibus Catholicis natus est Joannes Ogilbeus, opulenti patrimonij jure primogenituræ futurus hæres, nisi Fidei thesauro in hæretica Patria metuens, illum in tutiora ad exteros efferre

maluisset. In Belgium itaq; trajiciens, pluribus annis in suæ gentis Seminario literis operam navavit, quibus eximiè instructus, ut tantò utiliorē laboranti Scotiæ operam impenderet, Societatem JESU examboivit. Quàm solidarum eam Magistrâ virtutum apparatus, sublimis sanctimonix capacem animum instruxerit, exitus vitæ potissimum ostendit. Erat enim Divini Numinis reverentissimus, majoribus obsequentissimus, zelo animarum ità accensus, ut vitæ pericula flocci penderet; nullius rei majori desiderio



P. Ioannes Ogilbeus Scotus Soc. IESV pro Catholica Religione suspensus, et dissectus Glasci in Scotia, 10 Martyr. A. 1625.

C.S.d.

M.K.f.

rio æstuans, quàm mortis in tam nobili causa appetenda. Sortitus erat in hoc munus animam à DEO penitus capacem, vivaci & peracri indole, fervido ingenio præditam, in quo domicilium nacta virtus, generositate quandam & audaces spiritus induit. Absolutis à Tyrocinio, Glasci in Styria Philosophiæ & Theologiæ studijs, in Scotiam, quantumvis arctè per excubias obseratam, se penetravit; ubi maximo animarum fructu aliquamdiu laborans, Glasci comprehensus est, proditione nefariâ unius ex quinque, à quibus Glascum, hæresim ejurare cupientibus, evocatus fuerat. In domum Prætoris Urbicij adductus, alapâ ab Pseudo-Episcopo salutatus est. Quam secuta est, quasi dato signo, tota tempestas colaphorum, verberum, ala-

parum, à manibus ministrorum in caput & corpus ejus undique deplua, ut longo deinde spatio quasi mentis inops, ad se demum vix postliminio redierit. Alij barbam vellere, faciem unguibus lacerare, pecuniam, sigillum, Breviarium, & ex hospitio equum, sacram supelledilem, & quidquid literarum erat diripere: alij vestes etiam, ad usq; indusium detrahere. Quod dum Viro castissimo impudentissimus ad ludibrium elevare tentat, quid visurus es, objurgat ille audacter, bipedum impudentissime, quod, si vir es, ipse non habes? Die insequenti ad aulam Episcopalem confessum Prædicantium, Baronum, & Regni Senatorum adductus, multa juridicè quæsitus fuit; ad quæ generosæ animositatis plena responsa, quæ ex ipso gratiùs percipi-

M 3

entur;

entur, ipsiusmet verbis, ex epistola ad Præpositum Generalem Societatis excerptis, referam, succinctè tamen, multis, quia fusiora sunt, prætermittis.

Quærent an Nobilis sim? dixi esse me, & Parentes fuisse. Quærent, dixisse me missas in dominijs Regis? respondeo: si hoc crimen est, non debet examinari iurejurando, sed testibus. Probabimus ajunt testimonio illorum, qui te viderunt. R. Si vobis testes sufficiunt, esto. Cæterum saxo, ut nec meâ inficiatione infirmetur, nec afflictione roboretur ipsum testimonium, donec mihi visum fuerit. Esne tu, inquiunt, Sacerdos? R. Si demonstraveritis me missas dixisse, convincetis me Sacerdotem esse. Qui, interrogant, vocaris? R. Cur vos id inquiritis? si vobis suspensus sum, crimen proferte. haud estis de me tam bene meriti, ut in vestri gratiam, quidquam dicam. Quærent, num Regem agnoscam? R. defuncto Jacobus est Rex Scotiæ. Dicunt, jura. R. Quorsum? dicunt, ut cognoscamus, num quid contra Rempublicam moliaris. R. frustra jurare, peccatum est, id quod ego facerem, cum scirem per leges nihil mihi hoc posse prodesse; nam leges in criminalibus excipiunt juramenta. Interdum enim amor proprius multis suadet pejerare, propter corporis salutem. Dicunt, tunc Regis nomine jurare renuis? R. quid jurabo? Ajunt, dicturum te sine equivocatione, quidquid nos interrogabimus. R. tamen si nullo jure obstringar, jurabo dicturum me, quæ mihi fuerint visa, de alijs dicam, nolle me dicere. Et quare, ajunt, ista non dices? R. quia non obligor, & nolo peccare; peccarem autem, si proximum innocentem laderem. Et sic post longam disputationem, jussus ea tantum jurare, quæ vellem, juravi. Et mox interrogatus nomen meum dixi, familiam, Patriam, Cognatos, Gradum, ubinam studuerim, Religionem. Interrogatus, num Missas dixerim in Regis dominijs? R. Hoc propter decreta Parliamenti mihi præjudicare & proximo, nec ad Regis forum pertinere: Judices si sunt, crimina, non sacrificia debere investigare. Dicunt, Regem non esse laicum. R. non esse, Sacerdotem, ac ne primâ quidem tonsurâ insignitum. Quærent, quare in Scotiam venerim? R. ut dedoceram hæresim. Quærent, quis mihi jurisdictionem dedisset, cum neque Rex dederit, neque ullus Episcopus. R. idens R. omnes illos unâ cum Rege laicos esse, nec ullam jurisdictionem habere. Oves Christi Petro esse commissas; eas, qui velit

pascere, ab Apostolica sede jus petere debere. Ajunt; crimen est læsæ Majestatis asserere, Papam habere spirituales jurisdictionem in Dominijs Regis. R. de fide est ipsum habere. Dicunt, audesne subscribere? R. etiam sanguine, si opus fuerit; & sic subscripsi. Dicunt, possintne Papa Regem deponere? R. Legitimum, & obedientem filium Ecclesiæ, ut sic non potest. Dicunt, quid si fuerit hæreticus? R. multorum doctorum est assertio, quod possit. Quid tu, inquiunt, dicis? R. cum fuerit definitum esse de Fide, pro illa moriar: & cum Judex Regis & Papæ fuero, dicam quid hic possit, quid ille mereatur. De pulveraria conspiratione interrogatus, dixi, me detestari parricidia. Dicunt, ea, JEsuitas & Papistas docere. R. Legant, si lubet, acta Concilij Constantiensis, & videbunt similia docere cum Wicleff hæreticos, damnare Catholicos. Multa interrogant deinceps de P. Garneto. R. Ipsum fuisse innocentem, nec debuisse proderi nomen Sacramentaliter confitentis, pro totius orbis salute. Ait Archiepiscopus, si quis mihi confiteretur aliquid contra vitam Regis, etiam personam confitentis proderem. R. ideo nemo debet tibi confiteri. Dicunt, ideo Garnetum Papa canonizavit. Unde vobis id, inquam, constat? Quia pingitur, inquiunt, Romæ inter vestros Martyres. R. debile argumentum, quod à Poëtis & pictoribus desumitur. Dico tamen martyrem ipsum esse, si pro confessionis sigillo servato mortuus est: etsi Papa ipsum Martyrem declaraverit, paratus sum asserere per mortem, quod martyr sit. Archiepiscopus ait, apage cum hypothesebus tuis. Tu quid dicis? R. si vera sunt quæ ipse è carcere scripsit, & duorum Regum Legati, atq; alij multi nobiles testati sunt scripto, bene & sanctè mortuus est, innocentisq; fuit pulverariæ conspirationis. Sed ut ut sit, ego a nemine factus sum harum rerum Judex. Veni enim in Patriam ut Christum, non ut Garnetum prædicarem: ego mea nunc, uti tunc ille sua curavit: quisq; pro se, DEUS pro omnibus.

Jam 26. hora erat, ex quo nihil gustaveram, & laborabam febri; & licet clamore disputationis incaluissem, paroxysmus tamen superveniens algere me fecit. Et sic ad ignem jussus sum recedere. Ibi à Scoto quodam, nequam compellor, & mendax, perjurus, qui honestum mentitus cognomen Ogilbei, sceleratam professionem palliâstern. Et nisi tot Nobilium, qui aderant, & Episcopalis Aulæ, rationem haberet, fore, ut me in focum

focum detruderet. *R.* nūquam id mihi commodius eventurum, cū valde nunc frigeam. Sed cavendum illi, ne cineres & carbones per domum disjicerem, quā ipse cogere turverem. Consul civitatis affirmavit, me non esse Ogilbeum, sed Stuartum, & suum civem; fratrem mihi Prædicantem non procul urbe esse, matrem adhuc vivere. Ego nego, illi assentunt. Adest die sequenti mater, filium non agnoscit, quod digitos non haberem concretos, nec essem hebes, sed nimis acer; sic rideo irrisores meos. Paulō post oblongo ferro, perticæ in modum ducto, librarum 200. duobus annulis innector, itā ut sedere, & supinus jacere duntaxat possem. Jubeo interim Londinō ocrearum crurifragia examinari. Veniunt à Rege Commissarii, ij damnant partim suspensio, partim rotā, quatuordecim Catholicos mecum captos; ego Edinburgum duco; ubi maneo in domo Episcopali. Ocreæ crurifragiales adferuntur, extrema minantur quotidie, ut loca & personas prodam; libertate proposita & lautis muneribus, si fecero. Imō si hæreticus fiam, Præposituram in Messet cum nobili matrimonio, & dona Regia pollicentur. Dixi ridens, hæc ob nominis affinitatem P. Messeto offerri debere, non mihi. Responderunt, ipsum esse nimis simplicem. Ego contrā, certē est me multo doctior & sapientior. Si ipse ineptus est, ego aptus nunquam ero.

Die distā quarunt Senatores, ubi primum diversatus sim, cū in hanc Urbem veni. Dico me non teneri personas & loca dicere. Crimina illos, non personas debere inquirere. Urgent Regem de hospitio posse interrogare. *R.* Si merē Civilis esset quaestio, responderem; at cū ipsum non agnoscam in spiritualibus Judicem, illi respondere non debeo. Ajunt, merē civilem esse quaestionem. Ego contrā inficior. Nam finis Regis spiritualis est, quia in odium fidei quaerit, ut deprehendat Papistas ac puniat. Quærent iterū, ergo Regi parere non vis? *R.* quæ Regi debeo, omnia præstabo. Dicunt, Rex Missas prohibet, tu eas facis. *R.* Christōne an Regi parendum magis, vos judicate. Rex prohibet, at Christus Lucæ 22. instituit, & jussit Missas fieri: id si Rex damnat, quomodo non vult haberi persecutor? Pergunt Senatores, contra Regis voluntatem non debuisses venire in Regnum. *R.* Regem sine causa legitima mihi Patriam prohibere non posse, cū æquē naturalis sim subditus, atque ipse Rex. Dicunt merito sibi & Reipublicæ

timet à vobis Jesuitis. *R.* Faciat eantū, quæ mater ejus, & omnes ante ipsum Reges Scotiæ fecere, nec erit cur à Jesuitis sibi magis timeat, quā Hispaniarum Regi. Quid amplius ipsi debemus, quā hujus Majoribus Majores nostri? si jus omne regnandi à Majoribus habet, cur ipse plus exiget, quā ipsi hæreditario jure relictum ab illis? illi jurisdictionem spirituales nec habuerunt, nec usurpârunt, nec aliam unquam Fidem, quā Catholicam Romanam. Unus Senatorum iratus dixit, Magnates disputandi gratiā non venisse. Ego illi respondo, nec ego disputo, sed ostendo me Patriâ privari non debere, nec ad Regem pertinere quæ postulat, cū crimen nullum fecerim. Si quid feci testibus probent, me in Rempubicam deliquisse. Ait unus, haud melius te purgares à suspitione conjurationis, quā si dixeris, hic fui cum isto, hæc & illa egi in Scotia, ipsos interrogate; & si ipsi me convicerint, reus sum; at dum taces, magis te reddis suspectum. *R.* utar consilio isto, cū mihi expedierit; sed nunc non expedit, tum quia DEum offendendo, & proximum proditor perdendo, animam meam necarem: tum quia vos terroribus, & Regijs oblatis muneribus, imbecilles adigeretis, ad imponendam mihi conspirationis alicujus invidiam, ut pallium haberetis crudelitatis in nece mea, quem nunc ob timorē infamiae non punitis, uti velletis. Dicunt, Regem propter Religionem neminem necare. Inisto, cur ergo Glascoenses ad rotas & patibula sunt damnati? Quærent, Suarini doctrinam defendam? *R.* Non legi Suarii librum; si quid habet, quod non sit de fide, ipse defendat, qui docuit. Ego Suarii satelles non sum. Si quis ipsum vult refutatum, scribat librum de eodem argumento meliorem.

Tunc me abire jussu deliberârunt, quō me tormento cogerent omnia edicere; placuit autem vigiliā. Igitur octo diebus, totisque 9. noctibus, stylis, aciculis, acubus, vellicationibus, cōegerunt me vigilare; mira interim minitantes, grandia promittentes, si parerem. Re desperatā, tandem Episcopus dixit, ingenti pecuniā sumā se redempturum, si posset, ne quid mecum negotij suscepisset. Nobilis, qui vigilijs meis præerat, minatus est, effecturum se, ut atrocissima quæq; mihi irrogarentur. *R.* egregij carnifices: ego vos omnes in hac causa nihili facio, agite pro hæretica vestra malitia, vos non curo, neminē rogavi, neminem rogabo unquam: possum, & volo lubens pro hac causa

plura

plura pati, quàm vos omnes potestis inferre. Desinite mihi talia objicere. Me ista accendunt, non consternant; nec aliter ista rideo, quàm strepitus totidem anserum. Paulò post idem reversus, amicè me interrogat, numquid mihi desit. R. lectum deesse ad dormiendum. Redeunt die 10. Senatores, mèque accersunt. Eram autem pervigilatione tam debilis, ut vix scirem quid dicerem, velagerem, sapissimè nec ubi locorum, nec qua in Urbe essèm. Commemorant clementiam suam, qui me vigilià, non crurifragio tentassent. Ego illis repono, si crurifragio me examinassent, portatus in scholam, vel templum, docendo, aut exercitia Sacerdotis in confessionali obeundo, panem lucrari potuissem: at cum per insomnia penè extinxissent partem sensitivam, quod potuerunt pessimum, fecisse, quippe cum ex vocatione mea non tibiæ, sed judicij exercitio, Christo serviam & Ecclesiæ. Dicunt, nisi satisfeceris Regi, atrociora venient. R. si vobis omnia dicturus fuissèm, jam tamen non dicerem, ne viderer dixisse coactus, & sensu, ut bestia; non ratione, ut homo motus, atque ductus. Tentate ocreas. ostendam DEO duce, me in hac causa non pluris tibiæ, quàm vos tibialia facere. Existimo me ad majora natum, quàm ut sensu vincar. Verùm non in me, sed in DEI gratia confido.

Postridie Episcopus Insularum Andreas Knokius dixit, bene mihi provisum iri, si vellem inventiones humanas relinquere, & Religionem ipsorum ab Apostolis prædicatam, sequi. R. Religionem ipsorum, nondum esse decennem, nam me puero tenebatis pro articulo fidei, nullum esse, aut dici debere Caput Ecclesiæ, præter unum Christum; nunc omnes jurant Regem esse. Caput Ecclesiæ in suis dominijs. Tu ipse contrarium antea jurasti, & concionatus es Passeti contra Episcopatum, & confessus es palàm, Diabolum esse, & in faciem conspui dignum, quisquis Episcopus fieret: quinto decimo tamen post die factus es Episcopus; nec contentus uno, pinguiores alterum in Hibernia occupasti. Dicite quæso, estisne secundum Apostolum prævaricatores? Adjunt, non: sed magis innotuit veritas, & nunc videmus ampliùs, quàm antea. Infero, bene est, videtis millia Episcopi in reditibus, cum vix centum numeraretis Prædicatores. Ait Episcopus, Domine Ogilbæ spiritus habes, multos tibi similes optarem assecclas, bene ijs uteris. R. Mallem quidem Carni-

ficem ad suspendium sequi; ad Diabolum enim rectè tendis. Itane loqueris, inquit, mihi? R. ignosce Domine, non didici aulicissimos; & nos Jesuitæ loquimur, ut cogitamus; nolo adulari. Honoro te propter civilem dignitatem, & veneror canos tuos, cedens ætati: propter Religionem & Episcopatum nihili facio: laicus es, nec plus jurisdictionis spiritualis habes, quàm baculus tuus. Doleo, inquit, te ob egestatem, factum ex Prædicatore Papistam. R. tuo me pede metiris, qui duos Fidei tuæ articulos ejurasti, pro duobus Episcopatibus, ait mihi similem in has partes nunquam venisse: Siq; ego evaderem, velle se pro me pendere: pulverem enim me in Olla positurum (Scotico proverbio) si evaderem.

Glasguam in pervigilio Nativitatis Domini reductus sum, & utroq; pede perticæ meæ innexus fui; nunc altero tantum pede teneor, serà, & cuneis duobus firmantibus ferrum, ne semper supinus, malum in dorso contraham. Vocor deinde ad conventum Magnatum, ubi in mensa jacent Suarius & Bellarminus. Quærunt, possitne Rex excommunicatus Papæ jussu interfici? R. Vos jurisdictionem spiritualem nullam habetis: quare ne videar illam in Rege agnoscere, nolo ad quæstionem de Christiana Religione respondere. Si instructionis gratiæ me consuleritis, dicerem: sed cum tanquam Judices interrogetis, non possum salvâ conscientia dicere, quid sentiam. Quærunt, habetne Papa potestatem super Regem? R. Si Christianus baptizatus est, habet. Vrgentibus, quomodo potest excommunicare hominem, qui non est in ejus Ecclesia? R. Est in Ecclesia hæreticus, quoad possibilitatem punitionis, non quoad communionem donorum, & charismatum salutis. sicut enim bannitos & latrones potest Rex capere & punire, sic Papa rebelles hæreticos. At hoc, inquit, Archiepiscopus, faciet multos abhorere à baptismo. R. ita est. sed superbos duntaxat, qui Christi humile jugum spernunt, & cum Patre Diabolo, non Christi, sed suam gloriam quærunt.

In alijs ad eundem Generalem literis commemorat, se post ejusmodi disputationes, acerbis toruris, & terribilibus supplicijs affectum fuisse; quæ tamen in specie qualia fuerint, non expressit. Tandem post carceris & ferreorum vinculorum molestias, allatæ sunt Londino literæ, mortem Ogilbæ, in articulos subscriptos fidelitatis juramento

revocaret, denunciante. Pridie quàm ad iudicium, & inde ad supplicium educeretur, lotis pedibus, adstantes invitavit, ad suas postredie instituendas (ita supplicium suum vocabat) nuptias. Ad quod manè, post longam noctis precationem, à Prætoris evocatus est, brevi & detrito pallio sub axilla seminectus, pridem horam illam sibi exoptatam professus. Introductus in Aulam, recitatis Judicum nominibus, interrogatur, haberetne in ijs quid excipiendum? Cùmque illos sibi capitaliter hostes, diceret æquos Judices esse non posse; reponunt: Romæ ergo tibi Judices, aut ij, qui Missas tuas audierunt, accerfendi sunt. Hi, inquit ille, pauperum mercium distractione, sibi suisque familijs melius norunt prospicere, quàm criminalibus causis præsidere. Obijcit Archiepiscopus, at tu eos pauperes reddidisti. Cui ille: imò verò id ipse potius fecisti, dum eos carcere maceratos, rem familiarem tibi ad redimendam vexationem tradere coëgisti. Mentiri eum impudenter ait Archiepiscopus. Cui ille: definias si potes mendacium; ego uti sentio, & quæ vera esse scio, loquor. Quæsitus, num inter iudices esse vellet virum nobilem Catholicum, qui Missis ejus interfuisse infirmulatus fuerat? Ut periculo eum eriperet, respondit, sibi suspectum esse, ne sui causâ accusatus, & injuriam passus, vindictæ studio contra se incitaretur. Tum Archi-Episcopo interroganti, num esset in Patriam rediturus, si donatus vitâ in exilium mitteretur? Si ob patratum, inquit, facinus aliquid exularem, caverem utique redire; at ob hanc causam, quam sustineo, exul factus, non omitterem in patriam remeare. Atq; utinam singuli capilli capitis mei mille possent ad Fidem orthodoxam convertere, & te imprimis Archiepiscope: neque enim iniquis hisce vestris statutis, sinè lege, sinè autoritate, contra veræ Religionis cultores editis, refragari conscientiæ duco. Quòd si Rex vos omnes Ministros egisset in patibulum, quando vos ei opposuistis in Conciliabulo Taiduni, aut Aberdonie habito, statuentes nullum debere caput Ecclesiæ in terris agnoscî, tum profectò vererer ab exilio in patriam reverti. At cùm vobis in tam iniqua causa pepercerit, cur ego non obediàm potius Christo, quàm Regi? cur eum in tam justa causa non sperarem fore beneficum, qui vos in tam injusta etiamnum tolerat?

Digressi interim ad consulendum super ejus capite Viri duodecim, & paulò post regressi, capitis in eum sententiam dixerunt; quâ jubebant eum suspensio semianimum exenterari, & resecto capite quadratim dividî. Magnâ ille gratulatione sententiam excepit, eamque proferentem complexans. Judicibus omnibus, etiam Archiepiscopo dexteram junxit, ex corde se illis ignoscere, sicut à Deo sibi donari peccata optaret, protestatus. Quibus ad prandium digressis, à carnifice, cui traditus fuerat, per frequentissimum populum eductus, eum & patibulum amplexatus, atque exosculatus est, procumbens statim ad orandum. Cùm autem interim Prædicans populo vendicaret, eum non Religionis, sed perduellionis causâ interficî, neque renutu illius, aut capitis agitatione loqui enim prohibitus erat) à maledicentia compesceretur; tum Pater Joannes, Miror, inquit, vestrum agendi modum. me pro mea causa loqui prohibetis, & interim causam, meam, simul vestram mendacij apud populum traducitis. Nihil in Regis præjudicium dixi, aut feci. Tantum asserui, Papam habere spiritualem jurisdictionem in dominijs Regis, & in toto Mundo apud Christianos, & posse Regem hereticum excommunicare. Si quid aliud dixi, populo ostendatur; nam hisce, qua retuli, subscripsi, & pro ijs mori paratus sum. Vos autem falsa de me ad Regem scripsistis, & nunc ea populo etiam persuadere vultis. Interroganti Ministro, an mortem timeret? Non magis, inquit, pro tam bona causa, quàm tu patinas, cùm ad cenam accedis. Ligatis post hæc arctissimè, ut digiti contremiscent, manibus, dum inter precationem, & Beatissimæ Virginis sanctorumque invocationem scalas conscendit, jussus est ab indignante vice Comite sæpius è gradu deijci. Quod cùm tandem multâ compassione renitens carnifex exequeretur, universus populus magno clamore & tumultu crudelitatem detestans, penam injustæ mortis in Judices iniquos averti à se postulabat. Cujus etiam intuitu factum est, ut suis pendentis, prius quàm animam egisset, resectus non fuerit, neque cadaver, ut mos & sententia ferebat, quadratim sectum, sed loculo inclusum, & destinato reis sepeliendis loco sepultum. Id quod actum est decimâ

Martij, Anno 1615.

ætatis 34.



P. Melchior Grodecius Silesius et P. Stephanus Pongratz Hungarus Societatis
IESV odio Fidei Catholicae crudelissime necati à Calvinistis in Hungaria A. 1619.
7. et 8. Septembris
C. S. d

M. K. f.

P. STEPHANUS PONGRATZ,
^{E T}
P. MELCHIOR GRODECIVS.



Xistialis illa tempestas, quæ clas-
sico hæresis, rebellionum ma-
tris, in Ferdinandum II. Cæsa-
rem concitata, Boëmiam, Mo-
raviam, Silesiam, Austriam in-
undavit, Hungariam quoque eodem conta-
gio involuit. Jam rebelles in Dominum
suum subditi, præcipitatis ex Castris Pra-
gensis fidelibus Regis Ministris, arma palam
corripuerant, jam Societatis Jesu homines
omnes totâ Boëmiâ & Moraviâ proscripse-
rant; eum remotum etiam hostem Ferdi-

nando paraturi, Transylvaniæ Principem
Gabrielem Bethleem in fœdus evocant, eiq;
iniquissimo Marte occupandæ Hungariæ
partes committunt. Irrupit hic validâ ma-
nu sub initium Septembris, Anno 1619. in
superiorem Hungariam, & Cassoviam obli-
dione cinxit; quam etiam primo impetu,
adjuvantibus strenuè hostem civibus Calvi-
nistis, sine sanguine occupavit die 7. Septem-
bris. Rakocius pro Gabriele militiæ Dux,
ubi duos è Societate Sacerdotes, unâ cum
Domino Marco Crisino Canonico Strigoni-
ensi,

enſi, ibidem Catholicis civibus operam navantes, intellexit interceptos, aſſetâ custodiâ in domo, ubi nunc Collegium ſtat, juſſit detineri, omni aliorum acceſſu, cibo & potu, toto triduo, donec ſcilicet vitâ exturbati ſunt, prohibitos. Nihil his conſternatus P. Pongratz, natione Ungarus, rogat per inter-nuncium Ducem, ut ſe nihil tale meritum libertati reſtituat, neque conſuetis miniſterij aſſeſſe Catholicis prohibeat. Renunciat Rakoczi, ut paululûm præſtoletur, facturum ſe brevi, unde Pater intelligat, quid facto opus ſit. Obtulerat interim Criſino Canonico cum libertate ampliſſimos etiam reditus, ſi ejuratâ Religione, Calvinum ſequi in animum induceret: ſed is, hortatu maximè Patris Pongratz, ſceleratam conditionem animoſè rejectit, Diaboli partes agendas à Rakoczio ſuſcipi aſſerentis, dum eum à Chriſto & Eccleſia niteretur avertere, pro qua omnes parati eſſent ſanguinem & vitam profunderere.

Moriendum ergo illis, quia Papiſtæ eſſent, die inſequenti clarè denunciatur. Quà cauſâ mortem ſibi optatiſſimam accidere teſtatur P. Pongratz, apratâ continuè ferro cer-vicem reliquis præibat. Sed nequaquam crudelitati ſat erat tam ſiccâ morte DEI ſervos è medio tolli; ſatiari innocentium cruciatibus, ni fidem abijcerent, volebat. Quod cum nullis promiſſis, aut conatibus obtineret, igne primùm & facibus agere cœpit, quarum aduſione conſue in latera è trabe, ſuſpenſorum deſervijt, quoad deſluente univerſa carne nudatæ coſtæ, ipſæque adeò inter oſſium crates intima viſcera apparerent. Totam illam in Sabbatum euntem noctem tenuit carniſcina, in qua cum nihil ampliùs exurendum reſtaret, omni ferâ belluâ truculentiores heretici, novo tormenti genere, ſilicem inter ac rotam bombardarum interceptas carnes, ac potiſſimùm abſconditas partes corporis, caſtiſſimis hominibus immaniter primùm comprimebant, ac tum laxatâ rotâ ſedè dilacerabant. Itâ teſtata eſt vicinia, totam illam noctem equatibus & ſuſpirijs innocentium, dirutæ cruciatuum expreſſis, inſeſtata, & nonnulli carniſcinæ præſentes, à quibus etiam ſequentia prodita ſunt.

Urgebant inter atrociffimos dolores ingemiſcentem Canonico, cur ſimul cum ipſis in bonum Patriæ non conſpiraret, ſed eorum conatibus ſeſe opponeret? Negavit ille ſe ipſis opponere, qui bono Patriæ ſtudent, ſed eum ijs & ſentire, & conſpirare velle. Suſpi-

cionem ea verba P. Stephano fecerant, animi tormentorum impatientis, & in perſidiam ex dolorum intolerantia inclinantis. Itaq; cruciatuum ſuorum incurius, licèt in ſanguine ſuo humi volutaretur, ſcietque longè adhuc acerbiora ideo ſibi inferenda; ut Canonicum confirmaret: *abſit*, exclamat, *Domine Criſtine à te, ut ijs conſentias; abſit à te, ut reliſtis Chriſti ſignis, iſte brevis & caduca vita, ad hoſtium caſtra transfugas.* Sed exemit errorem Patri Canonico, non eo fine aut ſenſu, talia à ſe dici conteſtatur, ut hereticis accedere veller, ſed cum ijs duntaxat ſentire & conſpirare, qui Patriæ bono ſtuderent, quales utiq; ſoli eſſent Catholici. In rabiem hæc tam animoſâ proteſtatione in Patrem ac Canonicum acti milites heretici, cum hunc inter tormenta jam jam expiraturum viderent, caput gladio à corpore reſcindunt, & in proximam cloacam præcipitant. Ad Patrem deinde, veluti pertinaciæ auctorem, regreſſi, læva tormenta furore amentes inſtaurant, ac digito omnes ſigillatim gallo & rotulæ bombardæ ſubjectos crudeliter premunt, lacerant, diſcerpunt, oſſa comminuunt, identidem ſuggerentes, *uno verbulo, ſi Calvinij ſeſtam amplecti veller, ſignificet, tormenta omnia, & mortem redempturum.* Neganti hoc tantum ſcelus admiſſurum, capiti circumactum funem ſuſte intercipiunt, itaque conſtriſtam cervicem torquent, & coarctant, ut ipſi jam crederent animam ex doloribus effaviſſe; præſertim ante cruciatus impactâ peſſiori ferratâ clavâ tantum non exanimatum, certè itâ debilitatum, ut in terram corruens, longo tempore vix ſpirans & palpitans, ſemianimis jacuerit. Ergo jam exanimi caput ſimiliter reſcindere parabant; ſed quia itâ humi corruerat, ut commodè amputari nequiret, duobus lethaliſus capiti inſiſſis vulneribus, in ſuo cruore volutatum relinqvunt; dum interim Patrem Melchiorem Teſchini in Sileſia natum, ſociorum in inhumani carniſcina otioſum hæcenus ſpectatorem, ijsdem cruciatibus afficiunt. Sed cum eundem in ipſo actum agere ſe vident, properantem exire animam, multis vulneribus concifo capite exturbant, penitùſq; intererunt, ad eandem poſt Canonicum cloacam abijciunt.

Vivebat tum adhuc cæteris robuſtior Pater Stephanus, quem ſemimortuis etiamnum vocibus ad DEum ſuſpirare indignati heretici, vivum & palpitantem eodem præcipitant, & partem aliquam muri ſuper eos, ut obruerentur, deſciunt. Inter eas ſordes

acerbissimòsq; cruciatus identidem gemens, auditur ab ædituo Catholici Sacelli : à quo cùm frustra petijset, ut suo nomine opem Domini Georgij Hoffman, Regiæ Camere Consiliarij, ad se inde extrahendum postularet, eò quòd Hoffmannio ab hæreticis jam necato, ipse quoque ædituus ad necem quæreretur : eundem hortari ardentè institit, ne tormentorum aut mortis metu, induci se sineret ad ejurandam fidem. *Nos, inquit, brevè hinc in Cælum ad dulcissimum JESU conspectum evolabimus, etiam tu illius miles es, certa ergo bonum certamen usq; ad mortem, ut coronam immarcescibilem adipiscaris.* Omni ergo humano destitutum se videns auxilio, totus in DEUM se convertit, & ad supremum agonem vires colligans, plenus æternorum spe, sanctissima JESV & MARIÆ nomina invocare cœpit; donec inter Seraphicos virtutum actus, ipsas viginti horas superstes, partim vulnerum & cruciatuum dolore confectus, partim intolerandis latrinæ fœtoribus suffocatus, purgatissimam animam Deo reddidit.

Atque hæc fuère victimæ, quibus crudelitati suæ hæresis Calvinij Cassoviae parentavit, & salus Catholicorum Civium redempta fuit. Paulò antè siquidem constitutum erat, omnes Catholicos, unà cum Patribus neci dare. Obijt Pater Stephanus ipso Beatissimæ Virginis die Natali 8. Septembris, ætatis anno 36. cùm P. Melchior pridie necatus decessisset, anno ætatis 35. Christi 1619. Post aliquod tempus missi carnifices, eruta inde corpora, loco sicciorè in eadem cloaca extra sordes ruderibus contexerunt; donec post quatuor circiter menses Illustrissima Comes Catharina Palsia, Regni Palatini conjunx, magnis precibus à Tyranno Gabriele obti-

nuit, ut ea sibi auferre liceret; quæ à foribus diligenter purgata serico involuit, decen-
tèrque cistulis imposita, curru sejugi in Parochiam Sebeciensem devexit, inque templo Beatissimæ Virginis prope summum Altare religiosè tumulavit. Translata postmodum quindecim elapsis annis fuère Tyrnaviam, & magnâ devotione in æde Sanctimonialiù deposita; cujus cœnobij Antistita sanctè affirmavit, juratilsque testibus se probare posse pronuntiavit, frequenter Angelicos concentus in eo Templo, præcipuè per noctis quietem, audiri, ex quo ea pignora ibi reposita sunt. Retulit similiter Ladislaus Deaki, Præpositus & Canonicus Strigoniensis, se cum hæretico viro nobili locutum, qui sanctè affirmavit, se circa latrinam, in quam Christi servorum carnifices corpora abjecerant, suavissimum persæpe concentum audivisse. Illud autem accidit memorabile, quòd eorum sanguis in pavimentum & parietes diffusus, nullà diu potuit extersione ablui, nullâ industriâ aboleri, adeò vividus recensque conspectus, acsi tum primum funderetur. Quo eodem asperam vestem suam unus carnificum, cùm diu frustra omni arte & conatu eluere studuisset, tandem eà deposità aliam induit. Mirum dictu! etiam in illa, quam receniter induit, apparuère cruentæ sanguinis maculæ, neque ullà diligentia aut arte aboleri, abstergiverè potuère. Quibus permoti multi Catholicorum, quòd supra naturæ vires hæc fieri judicarent, magnâ pietate, veluti opinionem suâ sanctos, persecuti sunt, & privatâ religione invocare cœperunt; & Illustrissima Comes Catharina Palsia, Patris Stephani digitum thecæ decen-
ter inclusum, semper ad venerationem penès se gestavit.

P. CODEFRIDUS THELEN.



Ickradium in Juliacensi Ducatu oppidum, natale solum Patri Codefrido fuit. A parentibus pietate magis & virtutibus, quàm opum affluentia nobilibus, ad omnem morum decentiam ab infantia institutus est; ex qua Divinum Numen revereri assuetus, neque per studiorum deinde cursum, vitæ pœnè Religiosæ tenorem reliquit. Absoluto Philosophiæ triennio, ubi ad Societatem ingressum obtinuit, cùm in vita Religiosa profectum suimet victoriâ metiendum esse didicisset, tanto supiùs

odio exarsit, ut jam tum mortis pro Christo oppetendæ tyrocinium ponere, & duris quibusque perferendis assueferi dixisset. Cili-
cij exinde usus illi perpetuus, quo summis in ætibus accinctus, scholas Magister & discipulus frequentabat. Flagris in se tum aliàs, tum præcipuè pridie synaxis, copiosius se-
viebat; quam etiam severo jejunio, nocturnâ vigiliâ, aliisque asperitatibus antevertebat. Assiduo precando studio ità mentem animûmq; DEO conjunxerat, ut neque agendo cum proximis ab eo divelli posse videretur, solitus ab ijs, cùm ex nomine voca-
re il-



P. Godefridus Thelen Germanus Soc. IESV Fidei Romane odio scelapoz
rum ictibus confectus ab Hæreticis in Germania Cauba 25 Septembri A. 1620

C. S. I.

M. X. f.

re illum nescirent, ità describi : *ille Pater, qui tam frequenter, atque ardentè DEUM orare & suspirare consuevit.* In Religiosa Vocatione acquiescebat, ut mortem subitum millies potiùs diceret, quàm ab ea descisceret ; pro cuius beneficio identem DEO Eucharistico affusus, tenerrimas quotidie gratias agebat. Nec minor in DEI Matrem fuit devotio, quam ternà quotidie rosarij repetitione salutabat ; nihil æquè ejus interventione obtinere à suo Filio contendens, quàm copiam fundendi pro eo sanguinis. Cujus ubi affulgere sibi occasio visa est, eo in quævis discrimina caput obijciendi ardore exarsit, quo alijs pericula vitare solent. Sacris initiatus ordinibus, jam propè finem moralis Theologiæ studio imponebat ; cùm appulsus in Pa-

latinatum Catholici Regis exercitus, Duce Ambrosio Spinolà, Sacerdotibus aliquot, procurando spiritali operà milite, indigebat. In quam periculorum & ærumnarum feracissimam sortem magno desiderio incensus, edixit, se copiosà sui diverberatione gratiam repositurum illi, qui primus tam beatæ missionis à superioribus sibi imponendæ, nuncium attulisset. Verùm speratam illi fortunatè ab hoste hæretico necis, alià vià DEUS copiam ingessit, dum Novesium proficisci à Moderatoribus sub finem Septembris iussus, in hæreticorum militum potestatem incidit.

Descendebat secundo Rheno Moguntià per Palatinatum, cùm insequentem illorum manipulum devitaturus nauta, littori applicuit,

cuit, ut quod unum poterant, salutem pedibus vestros, in saltibus, vineis, aut oppido vicino Cauba perquirerent. Et tendebat quidem directo cursu cum nonnullis Pater Godefridus Caubam; sed conspicatus inde Calvinistae milites, qui Palatini nomine prædium illam tenebant, obviam prodire, vitiferos montes arduo consensu petebat. Verùm & hinc ab hæreticis vinicolis saxorum imbre repulsus, in manus denique præfidiariorum incidit. Erat jam tum Pater apud Urbem Bacharacum rebus omnibus, viatico, literis, ab hæreticis exutus, & convitijs, contumeliosisq; oneratus; quæ isti ex integro dum in innocentem instaurant, & tanquam omnium bellorum incentorem, Papæ satellitem, falsi Evangelij seminatore, verberibus, flagris afficiunt, unum ex suis, ad prædij Ducem ablegant, qui sententiam & nutum illius exquirat, quidnam captivis fieri velit? Revertit ille non multò post, iussisque captivis se in locum editiorem sequi, militibus in aurem tesseram infusus; quæ accepta explosis bombardis inter necioni eos dare præcipiebat. Nec latuit Patrem decretoria sententia; socios proinde ad patientiam, & cruciatum Domini memoriam hortatus, ut pro Catholica Religione, quæ sola in mortis causam inermes, & cetera innocentes prætendi poterat, libentibus animis vitam ponerent, omnes in ascensu à noxis absolvit. Jamque in clivum Oppido proximum evaserant, cum iterato fibilo admoniti milites, scelops in ictus expediunt, admotisque fomitibus mortem denunciant. Procumbit illico in genua Pater, oculisque ac manibus in cæum elatis, verba paulò antè inter navigandum meditata inclamat: *Domine exaudi orationem meam;*

& non intres in iudicium cum servo tuo. Ab excepto pectore globo humi mox sternitur; in quem furore barbaro illi irruentes, caput scelopis penitus contundunt, sensâque insuper grandiores, lethales omnes plagas jacenti, & JESUM ac MARIAM ingeminanti insigunt. Eadem sævitie quinque alios Catholicos tollunt, exutaque ad nuditatem corpora in vicinam vallem præcipitant. Quæ apud Patrem adhuc residua, in spoliis militi præter vestem cessere, cilicium fuit setis horridum, & cum theca agni cerei flagellum è funiculis contextum, quæ illi Vulcanoveluti fastidiosa consecrârunt.

Ecce autem postridie, dum subulcus in vallem pecora pastum educit, videt illa tristi mugitu cædis locum implere, erutamque pedibus humum magno furore spargere. Rei tam insolite causam scrutatus, advertit terram sanguine sædatam, vultusque malè sepulcorum cum pedibus humo prostantes. Quod cum ad oppidum recurrens obvius quibusque nuntiat, moti ex his miseratione nonnulli, oculis ligneis necatorum corpora incluserunt, illataque in cæmeterium decenter contumularunt: donec quinquennio post Gubernator Caubenſis Catholicus, in loco cædis Sacellum elegans constituit, S. Cruci dicatum, in quo necis historiam eleganter depingi curavit. Nec ullus civium dubitavit, solo Religionis odio Patrem interfectum, cum homicidæ illius nefarii palam jactarent, non aliâ causâ præter illum sævitum etiam in alios, quàm quoddam socii itineris cum Jesuita prehensi fuissent, quos omnes cuperent eodem, quo unum exitio, de medio tollere. Contigit mors hæc in

Palatinatu Caubæ 25. Septembris

Anno 1620.

P. ARNOLDUS à BOECOP.



Supremum consummata Sanctitatis gradum, quem tertium humilitatis modum S. Ignatius in Exercitijs appellat, studiose consecutus P. Arnoldus, *etiamsi nullo superaddito laus DEI par foret, sive in saculo vitam commodâ & divitijs opulentam, sive in Religione molestijs & difficultatibus asperam duceret, ad majorem tamen imitationem Christi, elegit potius cum eo paupere, spreto & illuso, pauperiem, contemptum, & insipientia titulum in Societate ejus amplecti, quàm opes, honores, & sapientia estimationem.* Unicus is erat suæ Matri viduæ filius, Patrimonij proflus opu-

lenti, & avitæ in Geldria Ducatu nobilitatis hæres; unde maxime illi ad propagandâ in posteris generis prosapia exortæ difficultates, quemvis alium ab Religionis amplexu removissent; quæ tamen a consanguineis obiecta, tantò ampliùs eum ad despiciendum terrena excitabant. Igitur superatis remoris omnibus, Societatem JESU ingressus, in id incubuit maxime, ut virtutes à Christo ad imitandum præ reliquis propositas, suas faceret, essetque in omnes mitis, & humilis corde. Inde vilissima omnia in muſijs, vestitu, & victu, præcipuo quærebat ambitu, gaudens postponi alijs, neque alio loco haberi,



P. Arnoldus à Boecop Nobilitate in Belgio natus Soc. IESV, vene-
no ab Hæreticis sublatus in Germania A. 1622. 19. Februarij.

C.S.A.

M. K. f

haberi, quàm postremo omnium. Ex qua
suz vilitatis profunda æstimatione, cupie-
bat alios sua de se judicia metiri, & ineptum
ad præclara munia obeunda æstimari. Atq;
hinc singularis Viro Majorum imperijs ob-
sequendi promptitudo. Uno, jubentis ire,
vel aggredi quidpiam, Moderatoris imperio,
omnia adversa perrumpere, non retro respi-
cere, non obducere moras; certus remi confi-
cere, esto moriendum in parendi studio foret.

Jamque Theologiæ cursum emensus,
Sacerdotio initiatus fuerat, & ad provolan-
dum in labores Apostolicos nutum Superio-
ris avidus expectabat; cùm jussus è Belgio
Moguntiam proficisci, magnis animis peri-
culosum iter arripuit, vias omnes milite,
heterodoxo insidente. In quorum delapsus
manus (quæ illorum in Jesuiticum nomen

est benevolentia) in custodiam innocens
compingitur, magno studio probabilem
causam inquirentibus, ut necem illi, aut
malum aliud crearent. Sed cùm nullius
mali vel apparenter reum, suspectumve, pu-
blicè necare possent, pharmacum illi vane-
nato mixtum poculo propinant, itaque libe-
rum è carcere dimittunt. Vix Coloniam
attigerat, eum gliscente in venis malo, & a-
trocissimas præcordiorum convulsiones ciente,
coactus subsistere, totos 5. menses cum lethali-
bus doloribus luctatus est; ijs invidiæ pati-
entiæ documentis, quibus socijs omnibus
perpetuam heroicæ virtutis memoriam, &
ad strenuè consecrandum exempla reliquit,
sublatus vi immedicabilis toxici 19. Febru-
arij Anno 1622.

P. HER-



P. Hervæus Malvesius Gallus Soc. IESV. odio Religionis Catholicae crudeliter interfectus ab Hæreticis. in Gallia Cleraci. 21. Febr. A. 1622.

C. Sireta. del.

M. Küell. f.

P. HERVÆUS MALVESIUS.



Ucidanum Galliæ Oppidum Patri Hervæo natale solum fuit; Viro domi & foris præclarè rebus pro DEO gestis claro. Sive enim cum potestate Rectoris præesset alijs, sive privatis munijs occupatus domi ageret, constanter Religiosæ disciplinæ observans, in sui despicientia assiduus, & obedientiæ cultor prorsus eximius fuit. Foris autem verè fuit Vir zeli pro Religione Catholica, hæresis osor, ad illius sectatorum salutem, insensissimus; cum illis tamen æquè ac cùm fidelibus, animi candore & ingenuitate adeò non vulgari agere solitus, ut sibi per eam omnium animos, quibus innotuisset, arctissimè devinciret. Guber-

na culis Rhutenensis Collegij cum laude defunctus, studium & operam ad Missiones Apostolicas toto ardore convertit; itinera omnia pedes, licèt ætate omnino devexa, percursare, & non nisi parabilem valde cibum admittere solitus. Multis interim hæreticorum odijs & insectationibus appetitus fuit, tum præsertim, cùm in Regio adversus sectarios exercitu, strenuam Catholici Sacerdotis operam militibus præstare notatus est. Horum præsidio in Urbem Cleracum imposito additus, dum Regios ad agendum fortiter in sectarios obsidentes hortatur, & omnia seduli Pastoris munia procurat; repentè hostes prodicione invadentes, mœnia occupant. Pater sui incurius, & salut-

luti aliorum unicè intentus, dum obvijs quibusq; ad sacram exomologesim aurē commodat, tandēmq; in Aulam Episcopi delatus, eodem Sacramento domesticos ejus expiat, deprehensus agnitūsq; ab irruentibus hostibus, de nomine per ludibrium salutatur Salutationem ludicram mox seria vulnera subsequuntur, quorum primum glande plumbeā ad lēvam mamillam unus ei infligit, altero medium guttur alius ense transfigit, ac mox verticem tertius, odio Sacerdotalis coronā, luculentā plagā confauciat. Denū certatim quisq; velut in communem odiorum scopum irru-

entes, decem faciliē vulneribus, omnibus pedore adverso generosē exceptis, sicā, gladiō, lanceā cadentem confodiunt. Qui SS. JESU & Mariæ nomina inclamans, felicissimē extinctus est die 21. Februarij An. 1622. ætatis 64. Societatis 35. Interempti corpus hostes ad usque indusium expoliarunt; quod post aliquot menses à cæde repertum est integrum, quasi recenti tunc adhuc sanguine respersum. Affirmavit quin etiam persanctè P. Joannes Tournerius, sibi vultum ejus Cleracum aubeantis, visum esse Angelicis quibusdam radijs coruscare.



P. Joannes Sandæus Belga Soc. IESV, ab Hæreticis interfectus prope Wepstadum ad Rhenum A. 1622. 30. Martij.

C. Sireta del.

Melchior Kallf. f.

P. JOANNES SANDÆUS.



Atus est P. Joannes Sandæus Harlemis in Belgio, bonisq; artibus institutus, animum ad Societatem applicuit. Cujus

compos effectus, totum se ad agendum in oratione cum D E O addixit, ut omnis ejus actio, jugis quædam dici posset ad DEUM oratio. Mundum & terrena o-

Q

nnia

omnia ita despicebat, ut animum ab illis penitus avulsam, nihil nisi cælum & superna in delicijs & desiderijs habere ostenderet. Animarum lucris nihil illi fuit pretiosius, nihil optatius: harum salutem illis potissimum procurare medijs cupiebat & vijs, quæ plus discrimini haberent, & molestiarum. Unde cum obtinuisset à Moderatoribus, ut militum salus maximè neglecta, & subsidij curaque Sacramentorum in castris destituta, sibi committeretur, nulla vitabat discrimina, interque volentia hostium tela imperterritus suis constanter aderat, ut ne ullus superem absolutionis expers inexpectatus decederet. Infirmis, aut ex vulneribus debilitatis, paternam sollicitudinem aderat, animabus simul & corporibus prodesse contendens. Eminebat inter hæc eximium quoddam in illo patiendi pro Christo studium, sic, ut quod plura toleranda occurrerent, eò majora ipse obvenire adversa optaret; quæ fidem

plena cruciatibus & tormentis morte coronari contingeret, tum demum nihil sibi ad plenam in terris felicitatem defore censeret. Nec vota fidelis servi Dominus frustratus est. quam enim inter arma & tela mortem effugit, hanc bello soluto extra militiam & castra invenit. Redibat è militari sua statione à castris Cæsareis in Belgium, cum per insidias in regressu ab hæreticis interceptus: qui ex vestitu agnitus, implacabili, quo in Societatis homines ardent odio, non solum violentè captivant, spoliant, direptisque omnibus, contumelias & verbera superadidunt, verum etiam ternos in eum sclopos lethalibus glandibus displodunt; quibus immoriens, gloriosè vitam sanguinemque pro fide testanda profudit, prope Wepstadium Urbem Spirensis Diocesis, die 30. Martij, Anno 1622. ætatis 40. quæ eadem

Urbs honorificum ei sepulchrum apud se constituit.

P. JOANNES LA GARDE.

Dictum Sapientis de Justo, fatis ante tempus è vita subducto, tam bellè in P. Joannem la Gardè convenire videtur, ut verè de eo dici possit; *Consummatus in brevi, explevit tempora multa.* Sap. 4. *cujus vita in brevi Sacerdotio celeriter consummata, condemnat longam vitam injusti;* imò & justì, in Spiritus languore vitam tepidam in Religione exigentis. Vitam, quam in Gallijs natus accepit à Parentibus pietate & virtutibus magis, quàm nobilitate conspicuis, ita ab omni graviore noxa, maximè quæ Castimonie adversaretur, illibatam servavit, ut creditus omnibus fuerit, liliatas illius nives in tumulum secum retulisse. Innata quædam morum facilitas omnibus illum reddebat amabilem; cui accedens candidissima indolis sincerum apertumque ingenium, omnes illi obnoxios faciebat. Quas animi innocentis dotes ad DEI obsequium in Religionem cum attulisset, initio statim intimam cum DEO familiaritatem agere cæpit, totum se ad agendum per orationem cum DEO impendens, tantam arctissimam amicitiam consuetudine, ut nunquam in oratione vel minimam animi pateretur evagationem. Constat siquidem illum totis undecim, quibus in Societate vixit annis, ita orationis tempore unum in DEum immergi solitum, ut nullam penitus unquam mentis aberrationem

tionem experiri eum contigerit. Hinc ea internæ mentis in pacatissimo animo secuta est malacia, ut nullam passionum tempestate turbatus, nullo impatientie spiritu vel levissimè commoveri, nunquam in alium à se mutari, nemini unquam vel asperiori verbo, vel tristiori vultu molestiam creare notatus sit. Accedebat in eximia doctrina, & tam Theologicarum disciplinarum, quàm etiam linguarum peritia, rara adeo morum simplicitas, ut in eo sine fictione videretur Adam, minimè peccavisse. Tanta præterea animi demissio, ut non erubuerit duos circiter annos, quibus in Missionè fuit alteri adjunctus socius, omnes Coadjutoris partes magnam cum facilitate & alacritate obire. Singularis deinde in proximum Charitas, & ardens Animarum zelus, omnium commodorum & utilitatum contemptum illi inducebat, sic, ut sui immemor, frigoris calorisque perinde incurius, nudam humo plures hebdomadas decumberet, lætus semper & alacer, in solum animarum lucrum intentus. Adhuc tantam morum atque omnium gestum erat compositionem, ut in eo nullus unquam quid protervum, aut non compositum animadvertisse deprehensus sit; tantam patientiam, ut nunquam ad tot discrimina & labores, quos in difficillima expeditione adivit, indoluisse dicatur; eadem generosæ mentis alacritate mortem excipiens, quàm in patrocinio Virtutis,



P. Ioannes la Garde Gallus Soc. IESV. pro Dei causa
veneficio sublatuſ in Gallia S. Riani. 1622. 15. Aug.

C. S. d.

M. K. f.

tutis, cujus per omnem vitam amator extitit, operâ nefarij venefici interiijt.

Navigabat P. Joannes cum Regis Christianissimi classiarijs, ut dum ipsi Patriæ litorea ab hoste & pirata tuerentur, ipse spiritali operâ, quoties necessitas ferret, opportunè adesset. Observavit interea in ea triremi, quâ ipse vehebatur, adesse veneficum, à quo mali quidpiam timeri classi meritò posset. Hunc postquam constituiſſet quacunquè demum ratione, esto incommodum inde aliquod, imò & mors ipsa subeunda foret, tempestivè exigere; ne quid temerè aggrediretur, nève homo improbus solis suspicionibus præstigias sibi assigni contendens, crimen pertinaci inficiatione elideret, instituit nocte quadam ei advigilare. Et ecce deprehen-

dit illum magicis nescio quibus circularis occupatum, scelerato carmine dæmonem in veneficium evocare; ad quem proinde improvisus accurrens, in ipſo nefario opere deprehenſum arcuè brachijs constringit, palamque magiæ convictum, libros etiam damnatæ artis producit, & ut navigio eiiciatur apud militiæ Ducem omni ratione contendit. Justissimum Sacerdotis zelum injuriam suam interpretatus magus, dum è navi extrahitur, adstanti fortè Patri Joanni carmen nescio quod veneficum in aurem insufurrat, quo Pater illico persensit valitudinem sibi turbari, vertigine caput circummagi, febrim cieri. Sed nihil veneficio turbatus, *etiamsi me tuus,* inquit, *incantationibus,* DEO sic permittente, *occideris, profecto beatè mecum agitur, qui vel*

morte meâ tam gravem à trivremibus, & contagiosam pestem averterim. Gliscente exinde in venas & viscera pernicioso malo, cum frustra essent medicorum remedia, charissimum sibi Patrem milites in Pictonibus, pecuniâ ad ejus curationem hospiti attributâ, deponunt. Sed cum robur in dies morbus acciperet, jamque ad extrema deduci Pater videretur,

biduo ante obitum in proximum S. Rianipagum, in Insula Riâis, ad Ligeris ostium delatus, magnâ charitate à Parocho excipitur, à quo Sacramentis ritè munitus, in Crucifixi complexu, inter ardentissimos Divini Amoris actus, magnâ sanctitatis opinione, expiravit, die 15. Augusti, An. 1622, ætatis 27.



P. Theodorus Riswig Belga Soc. IESV. inter Carceris arumnas odio Religionis Catholicæ confectus. Neomagi in Belgio. 4 July. A. 1625

C. S. d.

M. K. f.

P. THEODORUS RISWIG.

NOVIOMAGUM Urbs Belgij, Patri Theodoro Riswig primam vitæ usuram contulit, illâ etiam avitæ stirpis, & Progenitorum laude nobilitato, quod magni illius Patris Canisij, cujus laudem esse in Evangelio per omnes Ecclesias, Cardinalis Cæsar Baronius

asserit, civis & cognatus fuerit. Omnibus ille quidem virtutibus in Societate, quam pene puer amplexus est, enituit, potissimum tamen animi demissione, & corporis affligendi studio. Quo tempore in gubernando Gochiensi in Geldria Collegio præfuit, Hæreticus Neomagi pro Hollandiæ Statibus Guberna-

tor, per fraudem oppido occupato, ipsum in captivitate cum socio Sacerdote abduxit. Ex qua frustra illi sese eripere, & objecta veteri Hæreticorum fraude crimina diluere, conati, illud responsi à Curia Hollandiæ Hagâ Comitibus tulere: jure ac legitime captos, in vinculis attingendos esse; abundeq; ad maleficiū sufficere, quod Jesuitæ essent. A qua sententia P. Theodorus in commune facinorosorum Neomagi ergastulum detrusus, quod illi custodiendo parum essent perpetuo exebantes militum vigiliæ, uni atq; eidem catenâ cum tribus alijs innectitur, ut ab se invicem longè divelli non possent. His ille custodiæ angustijs, pedore, illuvie, vicibus & somni incommodis, alieniore, præsertim jam supra sexagenarium ætate, superatus, vitam ipso in carcere, sexto ferè ærumnarum men-

se, pietati & Religioni impendit 4. Julij, Anno 1625. Paucis ante obitum diebus interrogatus, num alieno esset animo in eum, qui calamitose captivitatis, atq; adeò acceleratæ sibi mortis auctor fuerat? negavit omnino. Ceterum ad justum arbitri Numinis Tribunal propediem illum secum evocandum, ut ibi causa utriusque discuteretur. Nec vaticinium exitus fessellit: paucis siquidem ante felicem Patris obitum diebus, infelici alter ille exitio vitæ ereptus est. Quem paulò post secutus est alius, interrogatè eidem mortis reus, qui linguâ tetrum in modum intumescente, & præ ardoribus turpiter exerta, ac subinde in horridum atrorem deformata, ream sceleris animam impiè evomuit.

P. EDMUNDUS AROUSMITHÆUS.

Lancastria Vrbs Angliæ nobilis, Edmundum eadem & in lucem protulit, & post annos vitæ 43. nec privatum, morte perduellium affectit. Societatem JESV jam vir ætate maturâ ingressus, quinq; duntaxat annos in ea vivendo transegit; sed ita præclare factis & meritis plenos, ut primis etiam Angliæ Apostolis meritis accenseri possit. Acer cum primis erat, & vehemens in redarguendis Hæreticorum erroribus, nihil iniquis Parliamenti edictis, aut præsentissimo mortis discrimine absteritus, quod minus in publica etiam cum Ministrellis, & errorum doctoribus certamina descenderet. Inter quæ celeberrimum fuit, quo cum Pseudo-Episcopo Cestriæ congressus est, ubi in plurimum Ministrorum corona, Fidei Catholicæ veritatem, & Romanæ Sedis super omnes Ecclesias primatum, ita firmis asseruit argumentis, ut ad ignominiosum silentium infelicem senem cum ludibrio adegerit, victoriâ per omnem latè Lancastriæ Provinciam vulgatâ, cujus ipse præmium consecuturum non dubitabat, laureolam diu optatâ pro Religione mortis. Sed placuit tum quidem Divinæ Bonitati spem ejus tantisper differre, ejus non ita multò post compos effectus est. Cum enim Hæreseos magistri nupero certamine gloriosum, libere intuerentur eadē in Provincia agentem, Fidēque orthodoxam prædicantem, Apostolicum viri zelum intolerandam audaciam, suiq; contemptum interpretati, vinculis & carceri illum manci-

pant. Sed neq; vinculis adstringi libertas potuit, quò minus & illic spolia Hæresi detraheret. Ità enim ferventer, constantēque Religionem Catholicam alijs captivis suasit, ut deniq; unum ex illis furti convictum, Ecclesiæ adjunxerit, futurum deinde ejusdem secum supplicij focium, quantumlibet ei vitæ copiam, si Hæresim recipere, offerrent Ministri.

Venerat per eos dies Lancastriam novus Provinciæ Præses, homo sævus, & Catholici nominis crudelis insectator, qui continuè sibi P. Edmundum pro tribunali imperans, objectare illi per ludibrium nuperum cum Episcopo certamen, & ex illo conceptam superbiam cepit, cum tamen nihil omnino posset tuendæ asserendæque Catholicæ Fidei, quod firmum foret aut vero simile, in medium asferri. Cui cum animosè Pater, neminem se in disputatione reformidare, neminem detrectare, respondisset, contra quem veritatem Catholicam tueri, & pro ea asserenda sanguinem etiam fundere paratus esset; in tantam ille iracundiam libertate provocationis excaudit, ut DEUM & sacra omnia testatus sit, non antè se Vrbe digressurum, quàm distracta quadratim Patris membra, consueti affixa locis cerneret. Nec mora, die judicio confessum dictâ, sistitur tribunali Pater, & à duodecim viris perduellionis reus condemnatur, quod Sacerdos, & Jesuita, & seductor esset, quoniam extra Romanam Ecclesiam haberi salutem non posse, coram duobus testibus, quibus à Parlamenti



P. Edmundus Arrowsmithæus Angl. Soc. IESV pro Fide Catholica suspensus, et dissectus Lancastriæ in Anglia. 7. Sept. 1628.

C. Secreta d.

M. K. f.

Religione defectionem suadebat, affirmasset. Petijt Edmundus, quod facinorosissimis etiam Patriæ leges concedunt, eos binos testes palam exhiberi; sed minimè auditus, & atrocissimis è contrâ contumelijs, ab impotente iræ Judice & Assessoribus oneratus est. Secuta est de more Judicis extrema sententia, quâ præter suspendium & exenterationem, jussus est immanibus, atq; adeò inusitatis vinculis onerari, ut deportari in carcerem, cum illis ferendis impar, pedibus ingredi non posset, à liçtoribus debuerit. Ubi ad commune facinorosorum ergastulum pervenit, tanta captivos omnes illius cepit miseratio, ut confusione gemituum & lachrimarum, quas debant, omnia personarent, & ad bis mille omnino passus exaudirentur.

Interim Judex morè impatiens, ut erat sanguinis ejus sitientissimus, diem fontium pœnis decretum antevenit, eumque pridic, feriâ 5. hebdomadæ, quæ erat Septemb. 7. anni 1628. jussit educi; juramento se obstringens, non antè cibum gustaturum, quàm carnicis manu necatum Patrem accepisset. Ergo in viminea crate raptatus ad furcam Pater, postquam horæ circiter quartam partem DEum sub illa precatus esset, trinâ genuflexione DEum, adjunctis terciò his verbis veneratur: *ultrò ac liberaliter tibi dulcissime JESU vitam meam devoveo, in satisfactionem peccatorum meorum.* Et nequicquam importunâ Ministellorum & liçtorum interpellatione turbatus, prosequitur: *JESU, vita & gloria mea, toto tibi animo hanc vitam restituo,*
quam

quam à te accepi, & nū tu dedisses, jam ea nequam suppetret, ut restitui à me posset. Semper optavi, DEUS anime mee, tibi, & pro te, vitam hanc meam dare : & illam exhibeo nunc, & agnosco ejus pro te jacturam, lucrum esse : ejus sine te incolunitatem, esse detrimentum. Morior pro amore tuo, pro nostra S. Fide, pro tuenda auctoritate Cathedra Vicarij tui in terra, Pontificis Romani, legitimi Successoris sancti tui Apostoli Petri, veri Capitis Ecclesiæ Catholicae, à te institutæ. Mea peccata, Domine, tuæ causæ mortis exitire. Sed in hac meæ morte, te solum veram vitam expeto. Ne pernite benignissime JESU, ut evadam tormenta, quò vitam habeam sine te. neque enim bonum est tibi vitam habere, ubi tu non es. Da mihi, bone DEUS, constantiam ad ultimum usq. articulum, neque me uno momento vivere sinas absque te ; quia tu cum sis vera vita, nullè potest hac in me esse, si tu meo in corde non vixeris. Majorem concipio dolorem, dum recogito me offendisse te, vel posse à quoquam offendi, quam nullus esse possit, quem hac ex meâ morte concepero. O vita totius vitæ meæ ! quanquam qui totius, si aliquando à te alienus fui ? sed tibi tamen demum devotus, toto ijs corde condono, qui ex mihi student eripere. Facta interim sapius Edmundo est vita potestas, atque optio, dummodo nefarium illud juramentum Fidelitatis conciperet. Sed ille conditionem Sedi Apostolicæ adeò in iurirosam aspernatus, veniam Judici, decemviris, hostibus suis, ardentè à Deo expetiit, rogatis etiam si qui adessent Catholicis, ut suas secum preces conjungerent, Deumque pro se, Rege, & Patria orarent. Negavit interpellans Leus Minister, ullum ibi reperiri Catholicum. Pater, qui plurimos præsentès, sed hostibus ignotos videbat, ne inficiando illis malum crearet, vel hoc ipsum est, inquit, quod me vehementius excruciat, qui optem, si liceat, toties mortem optetere, quot hic adsint mortales confertissimi, hæc una sponsione, si ad Catholicum omnes Ecclesiam se conferant. His dictis, consensu alacriter patibuli scalis, è summo gradu Catholicos ad Religionem retinendam, Hæreticos autem ad complectendam, sereno explicatōque vultu hortatus est. Postque non diuturnam è de prompto libello preceationem, restem collo induens, nocturnum capitis integumentum in oculos demisit, de reliquo carnificem suum munus exequi permittens.

Ubi denuo cogitationibus jam in æternitate versantem sollicitans Leus, Domine

Edmunde, inquit, Rex apprimè misericors vitam copiam tibi concedit, dummodo vel nunc iusjurandum Fidelitatis præstare in animum inducas. At ille reducta ab oculis vitæ, ore & vultu severo, deciperis in me, respondet, longè ab ea cogitatione absim. Omnesque denuo ad Catholicorum partes sequendas exhortatus, veniet enim aliquando, subjecit, dies illa, cum vos hujus nec tadeat, nec peniteat, sed permagno vobis solatio sit & adjumento. Tum verò indignum ulteriore vitæ conclamantes Ministrelli, præcipitari continuè è scalis imperant, etiamnum aliquamdiu labiorum motu, & decussatis in crucem ante pectus manibus, DEUM invocantem. Judex, qui ex specula per tubum opticum carnificinam omnem spectabat, veluti religione impij juramenti solutus, tum demum cibum admisit. Post quod allatos sibi dono binos ex venatione cervos, cum laniati quadripartito Patris membris (quæ & ipsa afferri sibi volebat) crudeli petulantia componens, in adipem illius barbaro & inepto joco ludit. Sed neque vel tum innocentis necè explens rabiem, cum paulò post Urbe digrederetur, præfixum in Arcis pinnis inter alia fontium capita, Edmundi caput conspicit, haud satis alto loco positum dixit, aliùs super reliqua attolli præcipiens, ut omnibus bene conspicuum, discerni a reliquis posset. Sequentè post appetitam gloriosam mortem nocte P. Ambrosio Barlo Ordinis S. Benedicti, decumbenti, & supplicij ejus penitus ignaro, suâ formâ conspicuus adstitit, quamque secum fortunatè actum, esset Lancastriæ, edocuit. Ageret porro & ipse in cultura Anglicanæ vineæ alacriter, idem præmium laborum à DEO, eodem loci, & quidem omnium post suam necem primùm consecuturus. Id quod revera Anno 1641. 20. Septembr. factum est. Quin etiam asserunt quidam, idem ipsi prænunciatum ab Edmundo in carcere, cum illum à se, postremum illi ante iudicium sententiam confessus, vale dicto dimitteret.





P. Mathias Burnatius Silesius Rostembergensis, occisus ab Hæreticis Ruriculis in Boëmia prope Rowenskum. 9 Augusti. A. 1629.

C. Secreta del.

Melin. Kuell. f.

P. MATHIAS BURNATIUS.

Pessimum malorum omnium. Hæresis, quam inter pœnas ab irato Numine desperatis mortalium sceleribus ultimè immitti solitam, Dominus ipse

S. Brigide revelare dignatus est, ex hoc vel maximè est formidabilis, quodd diuturna præ cæteris, sæcula etiam pati soleat. Experta id præ reliquis est Boëmia, Regnorum dum Catholica fuit felicissima, quæ tamen Wicleffi Hæresi per Hussium semel infecta, ita varijs deinceps erroribus, per duo & ampliùs sæcula est confictata, ut nullo quantovis Austriacorum Regum Catholico Zelo, integræ Fidei restitui potuerit. In ejus instaura-

tionem præ alijs ardentius incubuit Ferdinandus II. sacratissimæ memoriæ Imperator, qui post celeberrimam de rebellibus in Albo Monte, non sinè prodigio relatam victoriam, ut rebellionum in legitimos Reges radicem excinderet, subditos non alios habere in Regno voluit, quàm Catholicos. Incredibile dictu est, quantos ea res Apostolicis ex Societate Viris, quos potissimùm in Ministeriũ hoc adhibere placuit, sudores pepererit, quot discrimina conciverit! ingente præsertim rustica, quæ uti ad rationum penetranda momenta est hebetior, ita in pertinacia retinendi erroris est obstinatio. Horum pagi aliquot orthodoxâ Religione imbuendi


buendi cūm P. Mathiæ, navo imprimis & pleno zeli operario commissi essent, mortem illi pro vita, quam animabus illorum afferebat, retulerunt.

Natus hic Rosenbergæ in Silesia, exatam in honestissimis litterarum studijs juventutem, ut ab illecebris sæculi immunem conservaret, duodevigesimo ætatis anno Societatem complexus est. In qua post eruditam annis aliquot in scholis humanioribus juventutem, eidem in Seminarijs Crumlovij & Gitzinij educandæ præfectus, quia amplo suo, & plurimum capaci peñtori hæc non sufficiebant, unâ cum his curis quinque Parochias, indefesso labore, amplius quinquennio, in summa Parochorum inopia, administravit. Ampliorem tamen messiem ultimo quadrimestri retulit; in quo reducendo ad frugem Gitzinensi Circulo adhibitus, complures pagos, oppida, civitates, in Catholicæ gremium Ecclesiæ feliciter reduxit. Has inter oppidum erat Rovenskum nomine, incolarum pertinaciâ proterviâque famosum, cui proinde si detrectaret, etiam quadam sanctâ violentiâ in Dominicum ovile compellendo, militem armatum adhibere, Cæsari placuit. Verum non itâ secretò res agi potuit, quin civibus suboleret, qui proinde certi impetum armis propulsare, multitudinem insuper ruraliorum vicinam, continuo æris campani pulsu in auxilium exciverunt. Miles ubi se majori numero, desperatione & furis armato, imparem futurum vidit, irritatus importunitate pulsantium, & continuo sonitu plebē ad arma evocantium, ignem turri subiecit; cujus violentiâ æra campana, toto eo tractu à sono celebratissima, liquata fuit. Præstolabatur interim militaris expeditionis successum Pater in pago pene contermino; ut ubi ad recipiendam verbi Divini sementem aures incolarum subactæ forent, ipse superveniens, suo concionandi docendiq; munere fungeretur. Periculum nihilominus in tam accipiti expeditione præfagiens, socium nullum die illo, præter puerum à ludo literario, qui Sacrum facienti inserviret, admittere sustinuit, ut si quis casus ferret, solus ipse furoris victimæ caderet. Jamque Sacrificium peractum, & natus recens infans salutari aquâ respersus erat; cūm miratus Pater nihil Rovensko nunciari, duos tresve paganos, rem

exploratorios transmittit. Quorum nullo ad Patrem reduce, ecce tibi furibunda repente adest rusticæ plebis colluvies, omni genere telorum ruralium armata, fudibus, ferreis bidentibus, plumbatis, hastâ, sclopo.

Vix quæri se ad necem Pater intellexerat, cūm jam ad fores vim facturi consistunt, nequam illum sacrificulum ad commeritas pœnas postulantes, qui Ecclesiæ Hussiticæ thesaurum, æra campana, militum scilicet manu, igne corripuisset. Evadere Pater postico in apertum campum tentavit; sed qui ad posticum observabant, properantem consecuti, lethale vulnus illi primò telo cuspidato dextro in fincipite imponunt, eodēque istu, dum corruens dexteram objicit, duobus digitis mutilant. Erectus ex lapsu in genua Pater, dum ad se militum facinus nullatenus pertinere contestatur, interim à tergo quispiam bidentem furcâ geminum illi vulnus indigit, ex quo istu procumbenti denovo in terram, tertius glandem majore sclopo secus humerum lævum adigit per ipsâ præcordia, & sacra JESU & MARIE nomina invocantem conficit. Inde ad puerum Patris comitem, qui ad fugam equos adornabat, abrepti, 12. luculentis consossio plagis, lutulentâ fimi lacunâ demergunt. Indoluit præter Socios, tota latē Gitzinij vicinia indignâ Patris cæde, quem nulla unquam æris tempestas, non pluvie vel nives, neque frigoris ulla vis ab excursu in pagos prohibuit. Jactabant ojus in concionando zelum, quo sermonem ad hæreticam plebem erudiendam duas trêsvæ hōras continuabat: prædicabant in curando templorum decore, sollicitam industriam, quibus alibi nova altaria, alibi subsellia, cathedras, vexilla, aliâque id genus ornamenta industriè providebat. Facies Patris longē, quàm dum viveret, amœnior, & in quandam veluti risum declinans, bonitatem causâ, quam morte asseruit, omnibus probare visa est. Corpus Libuno, ubi occisus est, 9. Augusti, A. 1629.

Gitzinium translatum, ibidem Societatis Templo maximâ solemnitate illatum est.





P. Ioannes Arnoldi Westphalus Soc. IESV. Religionis Catholicæ odio ab Hæreticis in Germania iugulatus Visselhofdæ. n. Novemb. A. 1631.

C. Scetta. d.

M. Kiesel. f.

P. JOANNES ARNOLDI.



Uod indefessâ Christiani Imperij in terram sanctam prolatione sibi commeriti sunt agnomen. Reges Franciæ, appellati Christianissimi, & Reges Hispaniæ à Catholicæ Religionis in Mauros, & Orbem novum propagatione diâi Catholici, hoc ab Apostolico ejusdem Fidei dilatandæ zelo, jure merito sibi vendicavit, sacratissimæ memoriæ Ferdinandus II. Cæsar, dici meritis Apostolicus. Siquidem nullo solitus est vidtrices Aquilas proferre, quo non continuè Religionem inferret Catholicæ Romanam; ratus non esse Cæsaris Christiani, Ecclesiæ Prote-

ctoris, latiùs dominari, quàm regnaret Christus. Quocunque locorum arma Cæsareæ penetrassent, internecionem afferebant Hæresi & excidium, cui profligandæ non minùs succenturiabat militem gladio spiritûs & Verbi Divini gravem, quàm subjugandis hostibus exercitum armis & ferro potentem. Perdomitis compluribus Germaniæ Urbibus, in potestatem etiam Verda devenerat, in qua continuè Religioni tuendæ præsidium ex Societate Jesu constituit, unde excurrentes in viciniam operæ, perpetuis assultibus vires Hæresis atteterent, & Fidem orthodoxam promoverent. Inter primos Collegij ejus inco-

incolas fuit P. Joannes Arnoldi, Warburgi in Westphalia natus, vasti animi, & indefessi vir laboris, qui Catholicis sacris viciniam procurans, ternas simul Paræcias administrandas suscepit. Et licet valetudinis esset tantum non prostratus, obibat tamen sedulus loca sibi credita, nec hiemis rigore, nec æstus intemperie absteritus, quod minus itinera difficillima, hostibus Fidei, & supremis periculis resertissima, alacri animo percuraret. Et licet experimentum eorum, præsentis vitæ discrimine, luculentum aliquando capisset, glande plumbeæ pileum ab insidiatoribus trajectus, nunquam tamen idcirco retineri domi passus est, donec Apostolicorum laborum promissum à DEO stipendium consecutus est, mortem pro Christo.

Inclinatis in Germania, accepta ad Lipsiam clade, Fidei Catholicæ rebus, cum salutem fugâ non Ecclesiastici duntaxat & Religiosi ex suspectis Vrbbus, sed ipsa etiam Principum Catholicorum Præsidia quærent, atque adeo destituta milite Verda hostium direptioni & injuriæ pateret, fugæ tamen consilium, veluti turpe, aspernatus P. Joannes, remanere cum ijs, quos adhuc in Fide instituerat, neque omni Sacramento-

rum præsidio destitutos hosti obijcere, constituit. Dum itaq; more pristino Paræcias sui securus procurat, & festo S. Martini Divinis Visselhofdæ peractis, Verdam (vicinis quinque passuum millibus distantem) solus in essedo, aurigante puero, revehitur, repente interceptum hæreticorum paganorum occupat manus, violentè curru detrahit, terræ afflictum crudeli fustuario excipit, tantumq; non eliso clavâ cerebro exanimat. At ubi respirare, sesq; colligere, & Cœlites oculis ac voce in auxilium vocare vident, novo furore incitati, semianimem corripunt, atque ad arborem alligant; cui unus, cæteris perditior, jugulum ferro petit, præcisq; faucibus impiâ crudelitate oggerit: *huc ore posthac, si potes, tuum illud Dominus vobiscum inculca.* Inter quæ bonus Pater fidelem Domino suo animam

egit 2. Novembris.

An. 1631.



BLASIIUS SCHELLING.

Blasius Schelling Ingolstadtio, nobili Bavaricæ Civitate oriundus, relictis cum sæculo rebus & spebus omnibus, Christum sequi in ejus Societate, & quidem in statu Coadjutorum humili & postremo decrevit. Omnem pene, quam in Societate diuturnam egit, vitam, in obsonatoris, & rerum oeconomicarum Curatoris munere, consumpsit, rara humilitatis, quâ se omnibus libentissimè postponere, de se præbens specimina. Neque tamen temporalium eura spiritum extingui, opprimere passus est, ita quotidianæ precatationis & meditationis obundæ tenax, ut ne superveniens repente occupationum multitudo eam inturbaret, ipse maturiore ante alios manè vigiliâ, consuetam orationis horam anteverteret. Per id tempus, quo Bavaricâ repentino incursum potius exercitus Suedicus, omnia latè, expulatis maxime templis & rebus sacris, deprædabatur, Ebersbergæ degebat Blasius, & ab annis omnino 27. œconomiam ruralem Collegij Monachiensis sedulo procurabat.

Servat ea Vrbs in maximo thesauro, ab annis jam amplius septingentis, S. Sebastiani cranium, à prodigijs celebratissimum, ideoque donarijs & anathematis magni pretij opulentum. Ejus à militum violentia custodiendi cura, socijs reliquis in tutiora dimissis, Blasio commissa est, tantò alacriore parendi studio ab eo suscepta, quantò propior fundendi in tam sancta causa cruoris spes affulgere videbatur. Nec sua illum fessile expectatio. Miles enim hæreticus, & prædæ cumprimis avidus, ubi primum Ebersbergam attigit, cranium Martyris, ejusdemque thesaurum sibi à Blasio exhiberi deposcit. Quem ubi nec minis, nec plagis & verberibus, nec vestium direptione, ad prodendum templi thesaurum permovevi videt, ad seria tormenta digreditur. Igitur frontem viro ad stipitem alligato recte confringit, quem fuste interceptum crudeliter contorquet. Tantumq; non dissiliente cranio oculos elidit, extremum minatus supplicium, nâ proditione secreti mortem redimat. Sed ille dolores omnes in lucris reputans, nihil ad infanien-



Blasius Schelling Bavarus Soc IESV. ob defensionem sacrarum Reliquiarum crudeliter tortus. et necatus ab Hæreticis in Germania Ebersperga. i. Junij. A. 1632.
C. & d.

M. X. f.

tium vocēs reponebat aliud, nisi sacra JESV & MARIÆ nomina, negans se margaritas ante porcos projecturum, & sacra pignora hæreticorum ludibrio expositurum. Quâ illius infractâ constantiâ milicium unus acerbis irritatus, gladio caput unâ cum fune dissecuit, & cerebrum disperfit; alij verò

pertinax silentium etiam in demortui cadavere ulturi, fimo illud contumeliosè obruerunt. quod tamen Catholici biduo post magno honore in Parochiali templo tumularunt. Passus est fidelis Deo & Societati per annos 53. servus 1. Junij, Anno 1632, ætat. 78.





P. Jodocus Maiering Westphalus et Andreas Martini Franco Soc. IESV crudeliter ab Hæreticis necati in Germania Rubeaci 15 Februarij A. 1634

C.S. d.

M. & f.

P. JODOCUS MAYERING. ANDREAS MARTINI.

Natus est P. Jodocus in Westphalia, Osnaburgensis Diœcesis vicco, Mellen dicto, Andreas autem in Franconia Winckenij; juvenili uterque ætate Societatem ingressi, uterq; gradum in ea Coadjutoris, ille spiritualis, hic temporalis, consecuti. Volitabant impunè per ea tempora toto Imperio Suecorum arma, quorum auspicijs Otto Raingravius, acer cum primis hæreticus, Rubeacum Alsatia oppidum, arctâ obsidione, nequidquam animosè propugnantibus Cæsarianis, premebat, violento deniq; assul-

tu, post tridui impressionem Vrbe potitus 15. Februarij An. 1634. Versabatur eo tempore Rubeaci paulò antè officio Rectoris Hagenoæ defunctus P. Jodocus, unâ cum duobus Fratribus, Joanne Alferman, & Andrea Martini, quòque tempore Vrbs expugnabatur, coram Venerabili Sacramento in Templo principe prostrati, unâ cum D. Joanne Hornio loci Parocho, & alijs septem Sacerdotibus, precatoni intendebant. Trucidatis per domos & Urbis plateas passim obvijs, ad Templum eodem tenore ventum est, ac multo sanguine per confertum intus populum.

factâ viâ, ad ipsam usque Aram, ubi genibus illi nixi DEum arderent in auxilium vocabant. Hic verò ubi Jesuitas adeisse conspicati sunt, continuò magno furore involare, onerare convitijs, mox etiam vi ac manu rem gerere, ferali voce insultare, *prodite nebulones sacrificuli, & vos inprimis mortalium pessimi Jesuita, malorum omnium inventores, in pestem & exitium orbis nati*. Prima militum procella in P. Jodocum desceviijt, cui obverso sclopeto graviter aliquot ictibus concussum caput: ipse semianimis in terram concruit. Nec dubitabant omnes eodem loci moriendum sibi esse, ideòque excipendis sive ensium, sive bombardarum ictibus, flexo humi poplite sese aptabant; nisi decurionum unus exquirendam prius Ottonis sententiam, ne quid præcipitanter fieret, consuisset: disponente in bonum suorum suaviter DEO, ut sedato jam à furijs animo innocentissimis sacerdotibus nex conscita, constaret non alia causa, quàm Religionis & Ordinis odio inferri. Itaque pallijs, & rebus omnibus in vestigio despoliatos, Templo educunt, inque Civicam Curiam pertractos, angusto loco omnes simul concludunt; ubi longo plurium horarum spatio, donec domus omnes expiata, & civitas direpta foret, hæserunt.

Redijt post hæc, qui exploratum Ottonis, acerrimi inter paucos Catholici nominis, ac Jesuitarum hostis, sententiam abierat, & vobis, inquit, *nebulones funestus venio nuncius. moriendum omnibus est. Vos vestram nunc MARIAM invocetis licet, visuri quid opus adferre hoc articulo possit*. Quibus non segniter magnâ devotione illam & JESUM, ut supremâ horâ sibi adforent, cientibus, ille, procaciter insultans, *non audit*, inquebat, *altius clamandum est; & licet audierit, auxiliari tamen non potest*. Moxque ipse contortiosus exclamans, *Sancta MARIA*, quæ tessera illi cum militibus ante fores præstolantibus convenerat, signum inferendæ necis exhibuit. Quo accepto irrumpentes milites, in proximios quosq; ferro desceviunt, & P. Jodoco graviter in capite fauciato, coxendicem gladijs punctum confodiunt. Magno

hic ille & præsentem semper animo, ad patientiam hortari alios, & spem beatitudinis ingerere, donec à tergo insiliens aliquis, sicam ei ad pectus usque adegit; quo vulnere exanimatus sanctissima Nomina ingeminans, super Joannem Ascerman moribundus concidit. Eundem corpore suo Andreas Martini, lethali ictu accepto, & capite securi diffisso, contexit. Qui ternis cadaveribus (nam unius præterea Sacerdotis super eum inciderrat) sepultus, quia mortuus credebatur, vitam ex ea carnificina, post multos mortis terrores, retulit. Regressi namque horæ spatio milites, ne quis sacerdotum vivus evaderet, omnibus denuo securi capita diffidebant. Et jam eundem Joanni feralem ictum præstolanti, & DEO ac DELparæ animam tacite commendanti, omnino impacturi erant, nisi eos piguisset cadavera, quibus obruebatur, devolvere, & caput, quod subter mensam abdiderat, protrahere. Quatuor jam horis inrer cadavera latitanti, post multos demum spectatores unus aliquis incommittatus supervenit, qui enslem oleo imbuens, *experiar*, ait, *in istis sacrificijs, verumne sit, quod de mucrone oleo delibuto vulgo jactabatur*. Jamq; omnium perfossis jugulis Joannem petebat, cùm hic repentè se erigens, vitam ab homine, si posset, exorare contendit. Tantùm non terrore exanimatus principiò miles, mox in fugam, mortuos in sese consurgere ratus, concitari cœpit; sed iteratò à Joanne interpellatus, 100. imperialibus unde unde mutuatis, vitâ redimere jubet. Quos cùm in despoliata Vrbe non reperiret, sclopū ille in innocentem, nisi interventu Ducis prohibitus foret, displosurus primùm erat: quem ne deinceps auribus & naso mutilaret, multis precibus vix piæ quædam matronæ exorârunt. Tandem post acerbas plagas, pugnos, & calces, à nonnemine 50. imperialibus postredie redemptus, obscuro rustici habitu inter alios agricolas, post quartum diem ex Vrbe ad socios evasit. Corpora occisorum in cæmeterio leviter humata, Aræ Templorum omnes dirutæ, statuæ & imagines Sanctorum exustæ sunt.





P. Joannes Boddens, P. Gerardus Paesman, et Philippus Nottin, Belgæ Sac: IESV, odio Religionis post crudelissima tormenta capite plecti à Calvinistis, in Belgio Traiecti ad Mosam. A. 1638. 14 et 20. Julij.

C. S. retia del

M. K. sculp.

P. JOANNES BAPTISTA BODDENS.
P. GERARDUS PAESMAN.
PHILIPPUS NOTTIN.

Seviit in fortunatam Heroum, istorum triadem Calvini furor crudelitate immani, qualem nulla barbaries, etiam apud Antipodas hactenus adinvenit. Venerat in Batavorum potestatem honestis pactum conditionibus Traiectum, nobilis Belgij Civitas Mosæ imposita, inter quas ea erat potissima, ut sua Catholicæ rei libertas, & quæ hactenus tranquilla Religiosis & Ecclesiasticis sedes, prmitteretur. Nec princi-

piò quidquam admodum contrarium pactis tentatum fuit; ubi tamen successu temporis libertas illa sensim restringi, & legibus quibusdam in arctum cœpit redigi, opposuere se magno spiritu cum alijs, etiam Societatis homines; quos inter P. Paesman, quia zelo ardentiore promissorum fidem urgebat, odium eorum in se hostium conscivit prorsus implacabile. Nec minùs illud in se accendit P. Boddens Collegij Rector, qui diu multumque cum Urbis Gubernatore Duce Bul-

lionio

lionio agere solitus, detectis feliciter Calvinii erroribus, orthodoxæ Religioni tandem eum adjunxit. Quo successu, & publicâ præsertim Principis hæresum ejuratione exasperati, de medio etiam Rectorem tollere statuunt, in solam deinceps causam intenti, cujus obtentu mortem odio Religionis inferendam, alio cujuspiam criminis colore possent prætexere. Nec multò post ultro illa in manus venit; cujus ut innoxios penitus viros religiosissimos fuisse constet, ex ipsius Bullionij Ducis narratione, propriâ manu gallicè conscripta, & in Tabulario Societatis Romano asservata, totius rei seriem placet breviter excerpte.

Constituerat Gubernator Catholici Belgij Trajectum quaquâ demum ratione recuperare, habebatq; in ipsa Vrbe homines aliquot, qui suffossis per cellam cerevisariam mœnibus, militem Hispanum admittere promiserant. Ex quibus miles Burgundio supra conditionem gregarij pecunijs abundare conspectus, suspicionem aliquam prodicionis fecit; quo nomine comprehensus, rem totam illico patefecit, & conscium Lansmannum, cerevisiæ coctorem, ac cæmentarium quendam nominavit. Elapso fugâ cæmentario captus Lansmannus, & ad quæstionem vocatus, P. Vinckio ex Ordine S. Francisci, molitionem se aperuisse fassus est. In quo, uti & alio postmodum examine, tormentis interrogatus sæpius, neminè præterea Trajectensium Ecclesiasticorum conjurationem patefecisset? ipse constanter, nemini præter P. Vinckium, respondit. Quindecim jam à Lansmanni captivitate fluxerant dies, cum incitatus à quodam Hofmayero est, capitali Jesuitarum insectatore (eò quòd his auctoribus crederet se Bruxellis fuisse datum in vincula) ut eos in criminis societatem, ac præcipuè P. Boddens, Brugis in Belgio natum, septimum jam annum Trajecti Rectorem, vocaret; non aliâ certius viâ supplicium evasurus, quàm molitionem sceleris in eos derivando, qui prodicionis homini idiote, & talium artium ignaro, auctores fuisse crediti, pœnas ab ejus capite in suum derivarent. Hac spe Lansmannus infelix illeclus, citra quæstionem edicit, se P. Rectori, præsentè ejus socio laico, & Patri Paëlsman conspirationem credidisse. Patribus sub vespèram comprehensis, omnes simul Collegij socij ad Gubernatoris ædes producuntur, ut socium inter illos Rectoris Lansmannus recognoscat. Ille omnes aliquamdiu contemplantus, sacerdotem quendam pro lai-

co designat; quem quia omnibus constabat Concionatorem ad S. Nicolai agere, deprehensâ Lansmannus suâ fraude, alium quendam fratrem, Stephanum nomine demonstrat. At is atrocem calumniam præsentè animo amoliturus, sciscitatur ex eo, *quannam lingua Rectori locutus fuerit, ut eam ab ipso intellectam dixerit?* quo, Flandricâ, respondente: *atqui ego Leodiensis ortu, neque ullum Flandricè verbum scio.* Adhæc cerevisiæ domi parandæ intentus, neque unquam Rectorem ioras comitatus sum. Quibus dolosa hominis technâ palàm adstantibus factâ, domum remittuntur: & nihilominus, licèt designari ab illo posset nullus, quia Rectorem neci dare deliberatum erat, capitur post biddum Philippus Nottin Lovaniensis Belgæ, qui prodeunti è Collegio socius esse consueverat.

Inficiabatur constanter notitiam conspirationis P. Boddens, & neque P. Vinckius acerbissimis tormentis tentatus, neque ullus ex alijs conscijs, quidquam se de communicata Rectori, vel Patri Paëlsman prodicione scire fatebantur; & Lansmannus ipse nunquam aliàs illum sibi cognitum dicebat. Certâ tamen vitæ promissione, dummodo in crimine Patribus imputando constans persisteret, inductus, calumniari viros innocentissimos ad mortem usque perrexit. Quod ut tantò propensius faceret, ex eo tempore liberius extra vincula in cõsono cubiculo agere permissus est: útque crederet neutiquam se moriturum, Jacobus Fiesback Adjutor militaris, de cerevisia pro se suâque familia coquenda, in totum insequentem annum, pretio cum illo convenit. Itaque vitæ jam securus, esto post dies aliquot mortis in eum fuisset lata sententia, tamen quia ad speciem duntaxat id fieri (ut constanti sub gladio etiam confessione tantò certius Jesuitas reos faceret) persuasus est, letus, & minimè consternatus ad supplicium prodijt. Ibi ligatis oculis, paulò antequam excipiendo ictu genua flecteret, interrogatus ab adstante Ministro: *Lansmanne, nihilne amplius de P. Vinckio & Jesuitis loqueris?* ille mortis suæ culpam in eos derivaturus, exclamavit: *ô P. Vinckij, & Jesuite!* Et ad eundem Ministrum conversus, submissâ voce, hæc, inquit, *ipsâ horâ domum revertar.* Sed cum Minister paululùm recessisset, carnifex Lansmanno caput momento abscidit: bis tæque infelici, quòd vitæ temporalis spe, ipsam etiam in DEum Religionè perdidit, adeò sui securus, ut ipso die Veneris Sancto carnibus vesceretur. Postrema æa Lansmanni ad Ministrum

verba,

verba, à pluribus, qui sub pegmate stabant, audita, & ab illis mihi (Verba sunt Ducis Bullonij) relata sunt, inter quos fuit Alen-thoven, Legatus Tribuni Eschelle.

Sublatis non multò post carnificis ense P. Vinckio, cæterisque quomodolibet proditi-onis conscijs, quamvis nullus Jesuitas in illius notitiam vocare auderet, adducti ni-hilominus sunt ad quæstionem contra jus & fas omne, ad unius facinorosi conductum te-stimonium; eamque morte quavis & sup-plicio acerbiorè, ingeniosâ crudelitate in servos Dei excogitavit, cujus hæc fuit ra-tio. Reus ad pudendam usque nuditatem exutus, sedere cogitur in humili scabello. Illud autem est ferrea crux decussata, instar cultri acuta: super quam Patri insidenti manus pedesque per digitorum extrema retro post tergum colligantur, quibus intjci-untur manicae compedesque aculeis ad intra obversis præarmata, ut omni ex parte, si ad evitandum dolorem commoveantur, atrociter compungant. Collare præterea tripli-ci acutarum cuspidû ordine internè rigens, è quatuor angulis ergastuli funibus depen-det, quod torquendo collo circumdatum, nullam in partem sinè feda laceratione caput aut corpus declinare patitur, sed ere-ctum semper considerare, ut æquabili undiq; ustulatione torreatur, adigit. Nam lucu-lentus ignis circumaccensus, ita corpus uni-versum ustulat, ut flammarum vitumefac-ta pellis, primùm in pustulas, mox immani cruciati in hiatus divellatur, intra quos car-nifices acetum, sale, pyriòque mistum pul-vere, immittunt.

Primus dirissimum tormentum sustinuit Philippus Nottin, semel per horas denas, ite-rum deinde quaternas: tanto cruciati, ut caro passim adusta ad pugni altitudinem e-bullierit. In quo nullum omnino verbum prolocutus, nullo ejulatu dolorem testatus, ad rabiem scilicet adversarios concitavit. Ex quibus Centurio ictum pede tam vali-dum dorso ejus impegit, ut spinâ dorsi pene confractâ, collum undique aculeato circulo sedum in modum dilacerârît, cum addito:

Loquere canis mure.

Secundo loco tortus est Pater Gerardus Paëfman 27. Martij, per horas itidem denas, & post biduum per fenas: cui in tormento præter costam unam disruptam, collum un-dique perterebratum, mamilla insuper una fœdè adusta, & coxendicis pars ita laniata est, ut excindi penitus, sicut & pars quæ-dam è secretioribus membris debuerit.

Ultimò reliquis dirius exercuciatus est P. Boddens, tres continenter & viginti horas; & iterum aliquantò post per quatuor; nam diutius vitâ superstitè non potuit. Umbili-cus illi vi flammarum elicitus, intestinum in secretioribus expressum, genua diffissa, si-nistra manus torrefacta, pars ventris inferna semipedali plagâ dirupta, corpus totum la-ceratum, fractum, & inutile penitus reddi-tum, ut nunquam deinde pedibus consistere posset; octiduum nequaquam supervictu-rus, nisi gangrænâ partes illas jam inva-dentem, tempestivo supplicio intra quin-tam diem prævertissent. Cæterum nihil aliud in tam barbara laniena extorqueri ab innocentibus potuit, quàm nihil se unquam de proditi-one ejus Urbis habuisse consilij, neque conscientia. Quo non obstante, pro-ducti sunt tamen in judicium, & supplicio capitis, tanquam rei Majestatis, damnati.

Antecedit reliquos denuo Philippus; qui in ferali pegmate constitutus, dum plea falsarum criminatationum sententia mor-tis prælegeretur, imperterritus toto capitis renutu causam inficiatus est. *Non est*, inquit, *ita: istud est mendacium: illud mihi afflictum est: hæc non dixi: constantèrque se unius Catholicæ Fidei odio interfici protestatus, in-ter illa verba: in manus tuas Domine com-mendo spiritum meum, ictum carnificis & mortem excepit 14. Julij An. 1638. ætatis 39. Caput confixum palo, sublime in mœ-nibus expositum est, corpus sub patibulo hu-matum.*

Sexto post die secutus hunc est 20. Ju-lij P. Gerardus, Wesalia: ad Rhenum natus, qui prætensum conjurationis crimen pari ad extremum constantiâ inficiatus, capite uti prior imminutus est, annò ætatis 50. Cor-pus unâ cum capite Collegio illatum, inque Templo honorificè conditum est. Eodem die unâ post priorem horâ, elatus est à qua-tuor bajulis gestatoriâ sellâ (nam vi tormen-torum fractus ingredi per sese non potuit) in theatrum P. Rector, ingenti totius Urbis ejulatu & comploratione, præsertim ubi vide-runt supremam ejus petitionem, quâ manus vinculis eximi postulaverat, crudeliter rejici. Collocatus in medio theatri, prælectam mortis sententiam multiplici renutu falsita-tis coarguit: *ad quid ista leguntur*, inquiens, *quæ de verbo ad verbum falsa & commentitia sunt? Sed quando vobis sic collibuit, agite porrò, ac pergitè.* Tum ne prius, quàm ea quæ con-stituerat, ad populum fuisset effatus, à car-nifice cæderetur, eum ante se stare voluit, ac

subinde

subinde præmissa totius populi salutatione, innocentem se, penitusq; conspirationis ignarum, solius Religionis causa occidi, multis argumentis contestatus est. Post quæ munus suum exequi carnificem sinens, altaque voce in manus Domini spiritum commendans, gladio ictus vitam gloriosâ morte consummavit, anno ætatis 42. Caput cum corpore loculo inclusum, in ædes Præfæti militie delatum est, ibiq; cum duobus alijs loculis pari magnitudine, parique ex ingesta arena pondere confusum est, qui alio aliôque loco clam delati, quo demum loco defossi sint, resciri non potuit. Tantopere caviti diffidens prætextæ mortis causæ hæresis, ne veluti

Martyris pignora Catholicis venerationi essent, quæ illum prodicionis reum jure esse credi volebat. Neq; tamen essetis, quin Lovanii, Trajecti, & passim toto Belgio privata opinione habeantur pro Martyribus, & reliquis eorum, funes quibus revincti, instrumenta quibus excruciiati sunt, magnâ veneratione asserventur. Ipsi quin adeo fœderati Belgij ordines, ejus Actionis indignitatem & injustitiam notantes, vetuerunt quidquam de illa in lucem emitti, ullamve pro illius aequitate tuenda contra jurisperi-
 orum in varijs Univeritatibus ejus iniquitatem demonstrantium, Apologiam edi.

P. JOANNES MEAGH.
 MARTINUS JGNATIUS.
 WENCESLAUS TRNOSSKA.



Uo tempore Panerius, Suevicæ militiæ post Gustavum Regem Dux Generalis, ex Imperio in Bohemiam irrupit, ejusque Metropolim Pragam obsidione pressit, socij Collegij Kutenbergenfis vicini hostis vim reveriti, tutiores & remotiores Urbes circumspicere cœperunt. Novam Domum aliquot ex ijs tendebant, cum repente ab insidentibus sylvam hæreticis ruralis, uno Kutenbergâ milliario invaduntur, despoliantur, & tres insuper, reliquis fugâ dilapsis, crudeliter necantur. P. Joannes Meagh natione Hibernus, Patria Corcensis, Litanias Lauretanæ cum socio recitabat, cum primo statim vulnere plumbeâ glânde sclopi, pectus trajectus, occubuit. Martinus Jgnatius Zemeticij in Silesia natus, præter bombardæ ictum pectore similiter exceptum, graviter securi in capite cæsus est; utrique tamen vulneri aliquamdiu superstes, ad truncum arboris adrepit, genibus ad eundem nixus postridie exanimis repertus. Wenceslao Trnosska Profnicensi Moravo, tempora globus ita penetravit, ut effluente cerebro animam simul eodem vulnere exegerit.

Vehebant iidem secum, ne profanis hæretici militis manibus polluerentur, innumeras sanctorum reliquias, non ita pridem Româ à P. Nicolao Lancicio (nam & ipse comes itineris & fugæ aderat) allatas, in quas hæreticum furorem impij prædones potissimum exerentes, cistis, quibus honorificè

includebantur, ejecerunt, abjectasque in terram, & impiè proculcatas, dispersis inscriptionibus ita confuderunt, ut ab invicem discerni pleræq; nunquam deinceps potuerint. Sed nihilominus post eadem devotè collectæ, multis in Boëmia Societatis JESU Collegijs in thesaurum pietatis & templorum cesserunt, hodièque passim in Altaribus publicæ venerationi expositæ videntur. Ut autem notius fieret, quid impij latrones in Patrum cæde persecuti sint, solam videlicet Religionem & propagandæ Fidei in illa vicinia ardorem: neminem ex secularibus, quorum longè plures fugæ comites aut duces aderant, violârunt, aut molestiâ quâvis affecerunt, quin imò bono animo & securos esse jussos, pacificè cum rebus suis dimiserunt.

P. Joannes Meagh, quem mors in Fidei causa non longè post in Hibernia fortè obunda (eò enim tunc Superiorum nutu, ad populares juvandos redibat) in Boëmia antevertit, posteaquam voluntarius Religionis causâ à Patria exul, Italiam, Galliam, ac subinde Hispaniam peragrasset, liberalibus Catholicis Regis stipendijs donatus, Neapoli aliquamdiu veluti securo in portu vixit. Incidit illic aliquando felici casu, eodem quo Societatis IESU primus Parens eventum, in librum gesta sanctorum explicantem, quem priusquam evolveret, elevatâ in DEVM mente ardentè petijt, ut ejusmodi sancti-vita, fortuitò volumen aperturo, obveniret, cujus exempla vivendo à se potissimum ex-
 primi



P. Ioannes Meagh Hibernus . Martinus Ignatius Silesius . Wenceslaus Trnawski
Moravus Soc. I. E. S. V. occisi ab Hæreticis Ruricolis in Bœmiâ ad Gutterber-
gam A. 1639. 31 Maij.
C. S. d.

M. X. f.

primi DEus ordinâisset. Sed cùm explicanti librum vita S. Dymphnæ martyris, popularis suæ obvenisset, ratus virginis puellæ vitam minimè suæ imitationi appositam, aliam identidem novâ indagine fortiri parabat. Sed arcano semper impulsu retractus, nihilominus eandem, quamvis renitens legere pergebat. In cuius decursu deprehendens, qualiter Virgo Regia incestuosam Parentis erga se libidinem, spontanea ab Regno exul effugisset, & carceres & martyrium pro Fide ac Virginitate subiisset, cogitare cœpit, quid si me ab eadem Hybernia hæresin fugientem, velit DEus insuper peccatorum occasiones ulterius in quampiam Religionem fugâ devitare? quid si deinde eodem quandoque redire iubens, martyrio dignetur coronare? Quæ

dum paucis apud se diebus secretò deliberrat, inopinatò flagitiosè criminis falsè postulatus, carceri mancipatur, ubi destitutus omni hominum ope, unico S. Ignatij, cuius in pariete affixa erat imago, innocentè etiam in ergastulum dejecti, exemplo se solabatur, certò apud se statuens, Deo cordi esse, ut in ejus Religione Cœlo famularetur. Quam numinis esse indubiam mentem novus deinceps casus certum penitus illi confecit. Sancti namque illius patrocinio subinde carcere dimissus, dum Romam proficisceretur, graviter læsa tibiâ, Collegio PP. Societatis exceptus, & magnâ charitate curatus est. Quam Ignatij filiorum in se peregrinum benevolentiam, & vulneris in faucio crure cum eodem sancto similitudinem profundè ponderans,

Q 2

divinæ

divinæ vocationis jam certus, in Societatem recepi Romæ summis precibus flagitavit; unde acceptis à Præposito Generali ad Neapolitanum Provincialem literis, Tyrocinium ibidem, jam initiatus sacerdotio, magno ardore auspicatus est. Hoc ubi confecit, in Boëmiam interim, dum arduæ in Hyberniam missioni maturefceret, ad durandam vitæ Religiosæ exercitijs virtutem, missus est. Enituit hic in ipso singularis ad animarum quæstum faciendum ardor, zelusque ijs adjuvandis flagrantissimus, quem in colloquijs omnibus inducebat, nullos alios sermones miscere solitus, nisi qui Divinitatis æstimationem ingenerando, animum fervore & heroicis desiderijs incenderent. His ille plenissimus semper quidem, sed in sanctissimo præcipuè sacrificio apparebat, eam pietatis & devotionis exuberantiam, dum litaret, præferens, ut illà adstantes etiam ad tenebritudinem & fervorem inflammari se faterentur. Acceperat jam tum discessum in Hyberniam imperantes à Præposito Generali literas, & ad eum spiritualibus S. Ignatii Exercitijs animum comparaverat, tantà infundentis sese Divini spiritûs ubertate, ut certum fundendi pro Christo sanguinis pignus in ijs se accepisse diceret. Sed dum profectionem ex Bohemia in Hyberniam apparat, eam etiam fugâ maturare cum socijs mars Suecicus compluit, in qua non longiore quam unius milliarij itinere, ad terminum felicitatis æternæ pertigit, odio Religionis ab hæreticis cæsus 31. Maji. An. 1639. ætatis 41.

Reliqui duo socij fuere è numero Fratrum Coadjutorum; & Wenceslaus quidem annorum 40. Janitoris plerumque munere per annos 17. fungi solitus: Martinus autem omnia propè statûs sui munia, cum magna perfectione per 42. Religionis annos ita obiit, ut non vulgaris sanctitatis opinionem apud socios sit commeritus. Eluxit in eo vitæ integritas cum circumspectione, quâ leves etiam imperfectionum nævos procul amoliebatur: Pietas in divinam Eucharistiam tenerima, quam lachrymarum profluvia in sacra Communionem abundè testabantur. His accessit devotio in Deiparam singularis prorsus, & ad familiarem usque consuetudinem provecta, quam & aspectabilem aliquando, & se alloquentem, imò & mortis pro fide

obeundæ prænunciam, creditur habuisse. Est in Basilica Kutenbergenfii S. Barbaræ, statua Matris DEI, prodigijs, & in mortales beneficijs percelebris, magnâ idcirco totius vicinæ devotione frequentari solita, & periculosis bellorum temporibus unicum Patrum Societatis illico refugium, non sinè miraculi specie sæpius extremam perniciem à Collegio amolita. Ejus Basilicæ curam per id tempus Æditui munere gerebat Martinus; qui illud in præcipua felicitate reprensens, officium Cubicularij apud Dominam suam commissum sibi credebatur, eratque in veneratione illius assiduus. Ante cujus aram quidquid temporis occupationibus alijs supererat, genibus nixus, vel etiam, dum sinè arbitris se esse credebatur, in terram prostratus, precabatur, & devotissima, veluti si cum spirante & vivente ageret, mittebat alloquia, necessitates suas confidenter aperiebat, & remedia postulabat. Cùm verò martyrij ardens desiderium semper animo circumferret, & ore quâlibet penè fermocinatione resonaret, hanc præcipuè gratiam sibi ut Mater à Filio exoraret, importunus instabat. Paucis ante cruentam cadem hebdomadis, solito ferventiùs ante dictam statuam pro incomparabili hoc beneficio supplex factus, audit ex illa voti compotem futurum, & non longè post sanguinem pro Filio suo daturum. Quo accepto, gratijs immensis DEI paræ actis, dum tardiùs quàm consueverat, Collegium repetit, & amœnâ hilaritate præter morem renidens, oculis etiamnum à lætitiæ lachrymis rubentibus apparere, quærît ex eo sociorum unus, singulari confidentiâ, ob morum & virtutis similitudinem eidem obstrictus (à quod id ipsum mihi alijs; sæpius narratum accepi) tam insolitæ jucunditatis causam? Qui præ gaudij magnitudine pene exiliens, quidni mi frater, inquit, lætus sum & jucundus, qui à Domina mea responsum accepi, appetenda per sanguinis in Fidei causa effusionem beatissima mortis? quæ ei feliciter obtigit anno ætatis supra sexagesimum quarto.





P. Laurentius Passokius Silesius et P. Matthæus Cramerus Boemus Soci-
IESV. odio Catholica Religionis necati ab Hæreticis ad Lipsiam. 2. Nov

C. S. 1

A. 1642

M. K. f

P. LAURENTIUS PASSOKIUS. P. MATTHÆUS CRAMERUS.

Vratislavia, princeps Silesiæ Ci-
vitas, P. Laurentium inter me-
dias Hæreseos tenebras in lucem
protulit, qui ne filius lucis un-
quam esse desineret, solem justiti-
æ quam proximè posset sectaturus, ad ejus
Societatem 24. ætatis anno accessit. Tota
pene ejus, quam à Sacerdotio egit, vita, in
laboriosis fuit Missionibus, vel in munijs o-
mni genere ærumnarum & periculorum re-
fertissimis. Minister primum Collegij Sa-
gani, ac deinceps etiam Rector, bis in exili-
um, hæreticorum civium & militum vio-
lentiâ, ab Vrbe pulsus est. Vnde Glogovi-
am non meliore fortunâ se recipiens, dum ea

paulò post in Svecorum concessisset potesta-
tem, interceptus etiam ipse est. Neq; præ-
sens exitum tunc effugisset, nisi militiæ Sue-
cicæ Præfectus Wittenbergius, hominum So-
cietatis Patronus, & quod in Lutherano Du-
ce meritò obstupeas, etiam non rarò Benefa-
ctor durante illo bello præcipuus, morti eum
& furori suorum eripuisset. Quem etiam
tam diu mensæ suæ convivam (quod & alijs
socijs faciebat, quoties per captivitatem, vel
aliam causam in castra Svecorum devenis-
sent) adhibuit, donec securâ commoditate,
non sinè præsidio militum ad suos transmit-
teret. Quam in servos suos beneficentiam,
cumulatâ remuneratione pensavit illi Deus,
quan-

quando in bello Sueco-Polnico in captivitatem redactum, atq; in custodia Polonica ad extremum usque spiritum detentum, lumine veræ fidei paulò ante mortem illustravit, & piè Catholicèque defuncti animam, ut bene sperandum est, immortalis præmio donavit. Ereptus ità supremo discrimini P. Laurentius, mox in arenam periculose inter Silesios heterodoxos missionis alacer redijt, eoque magno indefatigabilis animi ardore in ea versatus, dum superiorum nutu ad Cæsarea Castra sequenda, ut Religiosam operam militibus navaret, evocaretur.

In hac discriminum & incommodorum feracissima vocatione, quibus non solum vita quotidiana morte, sed etiam virtus familiaribus illis vitijs periclitatur, quam intaminatam vitæ perfluerit integritate, asseverarunt complures Legionis Webelianæ, quam procurabat, milites, fassi se illius vel solo aspectu mirificè intrinsecus solitos ad quandam pietatis sensum commoveri. Tanta Viro inerat modestia, tam sancta morum & vitæ ad omnem perfectionis legem compositio! Nec defuit exercendæ ipsi patientiæ multiplex occasio, vice-Tribuni Legionis præcipue malevolentia, quocum mensæ illi contubernium Legionis Dux Webelius assignaverat. Hic enim odio in convivam Jesuitam, utpote A Catholicis, ardens, eum frequenter negligebat, & mensa cibòq; frustratum, sæpe totos dies inedia ferre cogebat; tolerantissimum tamen ejus injuriæ, & nè verbo quidem aut nutu, molestiam apud Ducem sui peramantem conquestum. Rudimenta videlicet hæc erant, quibus ad fortunatum in Fidei causa obitum, cujus erat appetentissimus, se Deo probare satagebat, & tandem etiam compos effectus est.

Pugnatum erat ad Lipsiam, auspicijs Leopoldi Archiducis sanè infelicitè, perfidia auxiliariis Equitatus, qui pugnare in hostem decreverant, peditum nudo latere cladi exposuit. Fusa fugatæque acies, cæsi innumeri, resistente prope ad interfectionem ingentibus animis peditatu. Integrum erat Patri cladis initio fugam capeflere, & vitam in locum securum ex acie subducere: sed certus non deserere fidem Cæsari & Deo militem, ne cum exitio corporis animæ simul vitam perderet, inter cadavera cæcorum sui securus discurrere, sacramentalem peccatorum veniam illis tribuere, omnèsq; ad piè & Christianè moriendum hortari perrexit. Post multos ità ad beatam æternitatem sacerdotali operâ transmissos, fortè Tri-

buni graviter faucij confessionem excipiebat, cum à superveniente hoste occupatur, & quisnam esset rogatus? Catholicum, Sacerdotem, & Jesuitam esse, animosus profetetur. Hic verò intentato sclopo, jussus, si vivere vellet, beatissimam DEI Genitricem execrari atq; ejurare; ille contrà omni contentione eam invocare cœpit. Quo studio furorem in se militis excitans, gladio simul confossus, & plumbea glande trajectus, in vestigio gloriosus victor concidit 2. Novemb. A. 1642. ætatis 42.

Similem vitæ, eodem in loco, & die exitum, in eodem Exercitu missionarij Castrensis officio perfunctus habuit, P. Matthæus Cramerus, natione Boëmus. Hic ubi dispersa acie misceri funeribus omnia, & totis agminibus in fugam cohortes effundi aspexit, salutem & ipse pernici, quo vehebatur equo, sibi querendam statuit. Jamque intutum propè, ex hostium in cæde occupatorum conspectu evaserat, cum imploratur à Tribuno graviter saucio, & vulneribus suis immoriente. Tum verò Pater boni Pastoris zelo incitatus, ne fugitivus unam etiam Christi sanguine redemptam ovem, in persequentium, rapientium, & perdentium luporum faucibus destitueret, animam pro illa exemplo Christi ponere constituit. Ergo sine mora ex equo desiliens, ut contenti absolutionem impertiret, interim ab ingruente hoste opprimitur. Is fuit Carolus Franciscus è Lawenburgicis Saxoniae Principibus, obstinate Luthero addictus, & Catholicis, atq; adeo maximè Jesuitis, insensus. An verò is talis deprehensio in actu sacramentalis, quam maximè odere hæretici, Confessionis, ignosceret? Rogabat quidem unà cum pluribus secum deprehensis militibus, vitæ veniam Pater, quam reliquis eo articulo poscentibus non gravatè ille ex more militari concedens, Patri non solum denegavit, sed propria ipse manu, gloriam scilicet ex nobili sacerdotis victima pensans, consecit, stratumque minoris bombardæ globo pertempora trajecit. Nec indeptam ex tam præclaro facinore gloriam animo digerere apud se potuit; verum ut Evangelicum in persequendis Lutheranæ doctrinæ adversarijs Jesuitis zelum ostentaret, ipse coram Dorstenfonio, totius Suecorum militiæ Imperatore, in copiosa Tribunalium corona, per ambitiosam jactantiam gloriatu est, quod zelo Eliæ, aut Phinees, zelatus pro puritate sui Evangelij, canem Papisticum in flagranti idololatricæ Religionis actu deprehensum, orco immolavisset.



P. Thomas Hollandus Anglus Sac: IESU, odio Sacerdotii Catholici suspensus, et in quatuor partes dissectus, Londini in Anglia. 22 Decemb. An: 1642.

C.S.A.

M.K.

P. THOMAS HOLLANDUS.



Udomarum in Belgio exulum ab Anglia Catholicorum Civitas refugij, P. Thomam Hollandum, in Lancastrensi Provincia natum, seminario suo excepit, & per sexennium in bonis literis & pietate educatum aluit. Ubi nec Patronorum impensas, nec præceptorum expectationem ille frustratus est, non tantum improbo labore, ingenij tenuitatem ad condiscendas humaniores doctrinas compensando, sed in virtutum etiam Christianarum palestra tantis progressibus connitendo, ut sæpius condiscipulorum sodaliùmq; suffragijs præesse Mariano Cætui iussus sit. Jam tum etiam ge-

nerosæ indolis specimina dare, & futuri adultioribus annis zeli indicia præbere cepit, dum, quò latius in alios pietatis semina derivaret, duobus tribùsve sese horà relaxationis adjungebat, pium aliquod argumentum colloquio suggerens, aut etiam ad Rosarij pensum communi precatione Deiparæ exolvendum inducens; hæc etiam lege inter eos stabilità, ut vesperi ante cubitum, suarum semutuo culparum blandè atque amicè commonerent. Vallisfoletum Audomaro ad Philosophica studia digressus, Carolum Walliæ tunc Principem, postea Britanniæ sceptri potitum, & publico demum à suis supplicio internectum, Latinà oratione, suæ Nationis nomi-

nomine, Madriti, (quo is nuptias cum Infante Maria, post Imperialis tori cum Ferdinando III. Conforte, facturus advenerat) sic compellavit, ut eam sibi gratam accidisse Princeps ostenderet, & corona Procerum secundâ admurmuratione faveret. Post biennium repetito Belgio, Societatem Iesu magno ardore exambivit, in qua Theologiæ studio, dum sivit valetudo, operam navans, & secundum ea studia sacerdotio initiatus, primum in Collegio Anglorum ministri munus Leodij, tum Confessarii in seminario Conventuum Audomari diu sustinuit, eximiam prorsus juventutem illam tractandi dexteritate, quâ omnium constantem in se affectum promeritus, diuturnam post se in eorum animis memoriam reliquit. Mirâ pollebat tum ibi, tum in Anglia deinde familiaribus colloquijs spiritualia inferendi facultate, in quâ cum minimè importunè aut intempestivè, sed festivè & ex occasione influeret potius, quàm ea ingereret, passim à sæcularibus hominibus idcirco dicebatur ex rebus spiritualibus concretus conflatusque, viva vivorum librorum Bibliotheca.

Gandavi posthæc in Tertiæ Probationis Domo, votis publicis Coadjutoris spiritualis illigatus, quia constanter adversâ valetudine premebatur, in natalem Angliæ auram destinatus est; in qua tamen haud fecundior fructus, quia sevilissimæ persecutionis procellâ in publicum è latebris pedem vix unquam Londini efferre, neque privato in horto spatium, aut saltè apertis fenestris auram liberius capere per menses integros licebat, inde cibi appetentiam ferè omnem amisit, debilitate fastidique stomachi vix quidquam cibi retinente. Ex quo noctes plerumque ducens insomnes, à diurnis sacerdotum occupationibus molesto capitis dolore arcebatur. Atque his malis annos aliquot conflictatus, vix aliter juvandis proximis operam, septem illos, quibus Londini versatus est annos, præstare potuit, nisi ostendentibus se vesperti, aut durantibus manè tenebris erepens, ad solandos & Sacramentis reficiendos Catholicos. Quod ipsum alio semper habitu & personâ facere cogebatur, capillum, barbam, amictû, colorem immutando, aliam atque aliam linguam, Gallicam, Flandricâ, Hispanicam, nativam etiam vernaculam externorum more inscitâ pronuntiatione itâ appositè adhibendo, ut quoties personam induisset alienam, ne à familiarissimis quidem persæpe, donec se ipse prodidisset, agnosceretur. Verùm incidit tandem anno

1642. in sagacissimorum, qui eum vestigijs omnibus infestabantur, exploratorum manus, inque Novum Carcerem, ex quo vix aliò, quàm ad furcas exitum concedi aliàs monuimus, compactus est.

Creverat jam per id tempus eoque Religioni Parlamentariæ impudentia, ut nesciret, quemadmodum Elisabethæ Imperio, erubescere, sed posita fronte nullum alium, necandis Catholicorum sacerdotibus perduellionis colorem prætexere satagebat, hac solâ causâ patibulis & laniationi eos addicens, si sacerdotij (quod caput inter læsæ Majestatis crimina constituerat) convinceretur. Invidendâ super priores, & meliore Athletarum istorum felicitate, quibus necem non alio, quàm Fidei Catholicæ odio conscri, persecutores ipsi palam profiterentur. Jactabant quidem Patris Thomæ comprehensores Sacerdotem esse, decretoque huic Ordini supplicio necandum; quia tamen nullis lat certis revincere id poterant indicij, perrexit Pater, ne mortem ipse sibi accerseret, Laici Catholici personam, quam in comprehensioe adsciverat, denuo simulare. Itaq; agendi loquendique rationem ad Laici modum accommodans, latinè se convenientes magistros, capitis renutu, veluti non intelligens, expediebat; studiosè cavens, ne qua re doctrinam, aliâve suas proderet facultates. Eâ tamen interim in victu, somno, rebûsq; cæteris agebat moderatione, tamque singularium morum innocentia, comitate, ut animis omnium, qui eâ custodiâ tenebantur, etiam à Catholicis aliàs abhorrentium, conciliatis, eos post obitum virtutis suæ nactus sit dilaudatores; asserentes, nullius unquam hominis melius morati, magisque innocentis consuetudine usos esse. Noctes enim ferè ducebat pervigiles, precando, & cœlestia mente retractando; ubi somnus obrepisset, non lectulo ad quietem, sed ad considendum sellâ uti solitus. Interdum porro si colloquijs diviniorebus & utilibus opportunitas deesset, solitudinem animo colligendo studiosè captabat, & in cubiculum hortumve secedens, Canonicarum illius precum officium, si vacaret arbitris, persolvebat.

Post duos carceris menses in Curiam Judicalem productus, Sacerdotij, quod unum agebatur, publicè à quatuor juratis testibus postulatur. Sed cum præter suspitionum indicia asserre nihil certi possent, eaq; P. Thomas nullo negotio refelleret; atque ad extremum adderet, si sacerdotij convinci posset, libenter se mortem oppetiturum; intulit

tulit iudex, *jura ergo te sacerdotem non esse, & periculum omne momento à te depuleris. Non est ea, reposuit Pater, in Anglia consuetudo, ut qui scelus accusantur, scelere se ipse jurejurando purget, cum omnem vim probationis eorum juramento Patriæ leges adjuvant. Sed vel evincendum est certis indicijis, quod vocatis, crimen, vel ego absolvendus sum.* Secessere nihilominus viri duodecim, ut, convictusne sacerdotij, an non, P. Hollandus videretur, dispicerent. Nec multò post reversi, contra omnium, qui iudicio intererant, expectationem, convictum videri pronuntiârunt. Tam injustâ, neque ex iniquissimis etiâ ejus temporis legibus, latâ sententiâ damnatus Pater; ex præsumptione, ut aiebant, quam legitimâ & certæ probationis locum tenere dicebat Iudex, in carcerem novæ portæ abripitur: palam edicente Garrowayo senatore gravissimo (qui etiam Isaaci Ponnigagnoni Prætoris sensus fuit) se ad illam Duodecim-Virum sententiam, vel totius Orbis compendio, nunquam accessurum fuisse. Secundum acceptum triduo post à iudice mortis editum, inusitatæ lætitiæ significatione gestiens Pater, socios carceris, ut secum unâ Te DEUM laudamus, recitaret, & infinitam DEI in se beneficentiam gratularentur, amantissimè invitavit. Biduum vitæ reliquum totum in devotionis, ac intimis Charitatis in DEUM actibus, quantum ex omni genere & conditione invisentium Catholicorum finebat accursus, expendit. Referebant illi plena pietatis & sapientiæ à Patre documenta, & suam certatim, Regalis etiam Galliæ stirpis Principes, Londini tunc fortè agentes, avertendo supplicio operam addicebant. Quam ille constanter omni contentione deprecatus, literis etiam ad superiores datis, ita aversebatur, ut enixè sit obtestatus, ne ullos sibi redimendo sumptus fieri, nullius auctoritatem, intercessionemve interponi paterentur. Rogatus à multis, ut quodpiam sui, licet exiguum largiretur monumentum; constanter renuit. Nonnullos autem lineamenta sui vultus pictoris penicillo excipere flagitantes, vultu etiam subrito severè rejecit; donec à superioribus obtento obedientiæ præcepto redeuntibus, ultimâ vitæ nocte, ut faciem expingerent, coactus assensit. Pridie mortis (ea erat Dominica 4. Adventus) multis contentibus aures dedit, & sacrificio Missæ peracto (damnatis enim ad mortem Sacerdotibus, immunitas omnis hujus muneris exercendi permittebatur) divinum Christi corpus dispertivit; quo-

rum nonnullis ardore sibi confidentiâ junctis, verba, quibus ad contritionem niterentur, suggerens, tantâ ferventissimæ charitatis expressione prævit, ut vel solâ ejus recordatione se illi deinceps ad DEUM incitarent. Invitatus ad cœnam, quam ei supremam in carcere Amici paraverant, accubuit quidem hilaris, melioribus spiritus dapibus eorum animas refecturus; induci tamen non potuit, ut præter unum ovum, & vini cerevisiâ permixti pauxillum, quidquam præterea degustaret; ajens, plus inde sanguinis sibi futurum in venis, quod crastinò Fidei causâ esset profuturus. Expeditis omnibus, Oratori etiam Hispaniæ, se, Regisque negotia enixè commendanti, precibus & interventione apud DEI conspectum adpromissâ, ad modicè carpendum somnum, ut alacrior ad furcam compareret, se composuit: quo perfunctus, officium ejus diei (erat is dies lunæ 22. Decembris, Apostoli Thomæ, translate ex Dominica festivitati, sacer) aliâque preces ante horam tertiam P. Thomas absolvit, Sacrum in apparato à PP. Capuccinis, qui in Aula Regiæ impunè debebant, Altari, post generalem totius vitæ confessionem apud unum è Societate institutam, ardentissimo pietatis sensu supremum peregit.

Sub horam deinde decimam productus è custodia, trahæ viminæ supinus inijcitur, cui colligatus, & ad Tiburni furcas, altero ab Urbe lapide raptatus, inter infinitam illic mortalium vim, Legatum etiam Hispaniæ se consalutantem, & sacerdotem è Societate habitu ignoto, cui paulò antè in carcere, confessus fuerat, prope ipsum patibulum reperit. Hic apprehensâ P. Thomæ dextera, *Eja, inquit, bono animo nunc esto, teque fortiter gere.* Cui ille, *non est per DEI gratiam, quod vereare; non deerit, ut spero in DEO, animus.* In pedes è crate erectus, & consensu animosè carro, collum laqueo forcæ affixo indutus, ubi miro silentio populum in se defixum advertit, vivificæ Crucis signo, claris verbis prolata formulâ se signavit, &, *Adductus huc sum, inquit, ad mortem eo nomine subeundam, quod sacerdos, ac Jesuita esse existimer. Verum tamen hic affirmare possum, nullum hæcenus argumentum sat firmum contra me, quo is esse convincer, allatum esse.* Quibus insuper ex ordine relatis, & confutatis, efflagito, subiicit, *ab adversariis meis, si fortè hic adsint, ut si à vero discedo, liberè me hic falsi coarguant. Jam verò ut multorum expectationi, me nosse cupientium fiat satis, cum jam confecta sint omnia, & pronuntiavi de capite meo, ecce palam nunc*

meâ sponte confiteor, & Catholicam me esse, & Sacerdotem, & quâ infinita in me DEI benignitas est, Societatis JESU Religiosum; primum item ex eo Ordine, qui ab hujus Parlamenti exordio, morte multatus sum. Pro quibus omnibus indigno toleratis beneficiis, immortalî DEO, quas possum maximas gratias ago. Tum magnâ libertate Catholicæ Fidei veritatem, extra quam nemini salutem obtinueram affirmabat, contestari exorsus, à Ministello progredi inhibitus est, seque ad mortem comparare iussus; dum ipse interim binos latrones, qui ob sua scelera eidem cum Patre patibulo suspendendi adstant, ad eandem disponderet. Obscucus mandanti Pater, eam temporis moram, quam ille allocutione, & comprecatione Prædicanti, sanè verbosa, & Psalmi unius alteriusque decantatione conterebat, aliorum conversus, suum DEO agonem tacitus commendabat. Ut suas nœnias Minister absolvit, nunc me vicissim, instat Pater, elatâ voce DEUM orare sine, ut ea omnes, quæ dixerō, intelligant. Quomultum tergiversante, nihilominus exorsus Pater, genuaque, signo Crucis facto, reverenter submittens, sermone Anglicano in hæc verba precatus est: *Suscipe ô Pater misericordiarum, qualemcunque me vides. Suscipe has indignas perpeſſiones meas, quas sanctissima Vnigeniti tui, Domini mei, consociatas morti, propensissimâ tibi voluntate represento, eorum virtute conjunctioneque, quæ passus est dulcissimus Redemptor meus JESU S, unâ cum meritis omnium, qui in lege Naturæ, in lege Moſis, & Gratiæ, Divina Majestati Tuæ accepti fuerunt, sunt, & erunt; futuras, ut spero, gratiores. Ignosco Judici, ejusque Affessoribus; ignosco Duodecim-Viris; ignosco accusatoribus meis, & qui inferenda necis mihi quoquo modo causa extiterunt.* Tum precatus pro Rege, Regno, ejusque ad Fidem Catholicam reductione:

ſi tot mihi ſuppeterent, ait, vitæ, quot erines in capite, quot in Oceano gutta, quot in Cælo ſtella, quot perfectiones & excellentiæ in DEO, illas ego perlibenter omnes eum in finem impenderem. Quibus cum ingenti approbatione acclamantis populi prolatis, ubi aliquamdiu clausis oculis ad eliciendam contritionem conſiſus eſt, mox eos apertos in adſtantem carro ſacerdotem deſiſit; qui eo ſigno monitus, poſtremam ei peccatorum abſolutionem ſic impertivit, ut extrema formulæ verba potuerit exaudire. Subducto interim carro, placidiſſimo ipſe vultu, oculis ſemper in Cælum intentis pendit, nullâ oris contorſione, nullâ brachiorum, pedumve indecorâ jaſtatione, ſed manibus ante pectus (liberæ enim illi permiſſæ erant) ſurrectis, & orantis in modum conjunctis; perinde quietus, & toto corpore modeſtè compoſitus, ac ſi expiraſſet, aut optatiſſimo ſitu vivens conquieſceret.

Ex tam inuſitato, & Angelico planè morientis Patris aſpectu, notam aliquam hæreſis ſuæ metuens Miniſtellus, continuò funem præcidi volebat. Sed mitior illo carniſex, id facere priùs, quàm totam egiſſet animam, omnino reſiſit; quem cùm lanienâ conſuetâ partiretur, nullâ militum, aut carniſcium vi reſiſti potuit, quin complures fruſtra carniū, ſtramenta, & ſtrophia cruore Patris maſeſacta, unus etiam ex Gallici Oratoris familia, cor ipſum è medio rogo diriperet. Veſtimenta item omnia magno pretio à liſtoribus redempta, & fruſtatim in Catholicos, certatim ea depoſcentes, diſiſa, ſingulari veneratione, privatâ ejusque devotione ſervata fuère. Paſſus eſt P. Thomas Londini 22. Decembris An. 1642. ætatis 42. Societatis 22.

P. BRIANTUS CANSFELDUS.

Niverfa P. Brianti vita, quam in Societate IEſu religioſiſſimam totos 39. annos vixit, merum fuiſſe cenſeri poſteſt Martyrij Tyrocinium. Itâ enim aſper, ne dicam crudelis, in corpus, ejusque cupiditates conſtanter ſævijt, ut nihil, quod caro concupiſceret, ei largiretur, ſenſibus autem abhorrentia, veluti gratiſſima Dominicæ Paſſionis analeſta, magnâ cupiditate amplecteretur. Natus in Lankafrenſi Angliæ Provincia, & voluntario Fidei cauſâ exilio in

Belgium profuſus, exactis laudabiliter juvenutis annis, è ſæculo in Societatem IEſu ſe recepit; in qua virtutum & excellentiſſe doctrinæ merito, quatuor votorum ſolenni nuncupatione auſtoratus eſt. Et quia omnia illius deſideria, omnia animi vota, unam ſpirabant Angliam, in qua Apoſtolicis laboribus fortunatè pro Chriſto mortis coronidem imponere poſſe ſperabat, diſmiſſus tandem eſt in campum certaminis, non miſſore ſuperiorum voluntate, quàm animi ſui ſolatio. Ubi nihilo minore cæteris conatu, ſub adſci-



P. Briantus Cansfeldus Anglus Soc. IESV, post verbera et atroces iniurias, squalorē carceris in causa Fidei Catholica ē vivis sublatuſ Fibrati in Anglia A. 1643. Mense Augusto

adſcitatio Chriſtophori Bertonij nomine, quotidiana inter vitæ pericula, & incredibiles perſecutionum ærumnas, conſtantem animarum lucris operam per annos complures, ad ultique 65. ætatis annum, ita impertivit, ut copioſos ex hæreticis reductis, & firmatis Catholicis, in horrea Domini manipulos reportarit. Ità meritis plenus, & Cælo maturus, dum beatæ per ſanguinis effuſionem mortis laureolam vix ampliùs ſibi obventuram ſperat, repente præter omnem ſuam expectationem, imò & comprehenſorum intentionem, eam ſibi in manus à Cælo ingeri deprehendit.

Erat Judici criminalium cauſarum in Eboracenſi provincia conjunx, olim Catholica, quam, ex ſimulata hæreſi ingentibus ani-

mi angoribus cruciatam, unus aliquis è Patribus Societatis Eccleſiæ reconciliaverat. Exarſit hoc auſu in graviffimas iras maritus, dimiſiſſique quaquaverſum exploratoribus, Patrem omni ſagacitate veſtigabat, non antè quieturus, quàm patibulo affixi & eviſcerati ſanguine, implacabile ejus odium reſtinxiſſet. Ecce autem dum apparitores Sacerdoti illi deprehendendo omnia rimantur, & domos, quantumlibet levibus indiſcijs ſuſpectas rimantur, incidunt in Patrem Briantum, ſacris tum penitus operantem: quem uti ad Aram conſtiterat, ſacro apparatu veſtitum, ornatumque corripientes, inter ludibria & ſannas ad judicis exaſperati domum trahunt, vexant, verberibus exagitant, ac demum in tetrum ergaſtulum detrudunt. Inclementer

omnino & diriter, quamdiu illic detinebatur, habitus est; sed cognito postmodum errore, & placato iudicis animo dimissus, & suo, quo vellet, ire arbitratu permissus est. Verum non erat ampliùs, quo sollicitus dono acceptam vitam collocaret securam; fractas enim prostratasque acerbâ tractatione,

aerumnosi carceris situ, cibi potusque incotamodis, seniles vires vix custodiâ effereas, nullis deinceps instaurare potuit fomentis. Itaque uno post ferè mense, concitatus ergastuli malis mortem, inter nostros in Eboracenâ missione oppetit; Augusto mense. Anno 1643.

P. RODULPHUS CORBÆUS.



Ortunata, si quæ alia, & singulari prærogativâ integrè ad suum famulatum à DEO electa fuit P. Corbæi familia. Pater & Mater cum omnibus prolibus vitam Religiosam amplexi, ille cum 3. filiis in Societate JEsu, Mater cum binis filiabus in S. Benedicti familia, pleni virtutibus & meritis ad mortem usque perseverant. Parentes ejuratâ, quam primùm sequebantur, hæresi, voluntario extra Angliam suscepto exilio, P. Rodolphum Corbæum, aliàs Corby dictum, in Hibernia non longè Dublinio suscipere, simulatâ fictionis, & omnis dissensionis tantum ab infantia osorem, ut nunquam à veritate quid alienum, minùsve sincerum protulisse, nunquam certare, aut contendere de ulla re sit notatus, quamlibet dissipationem hisce dirimere solitus; *ergo sit ita, ut dicis & viâ, nec de hoc ampliùs disceptemus.* Nullus illi pecuniæ amor; quam si aliunde accepisset, continuo fratri tradebat. Observantia in parentes, reverentia in DEUM ac Cœlites, ac præcipuè in Deiparam summa, quam à puero recitatione Officij Mariani, omnibus Festis & Dominicis colere consuevit. Anno ætatis 15. in Belgium, ac subinde in Italiam Hispaniamque transgressus, in varijs Anglorum seminarijs scholas omnes, cum Theologia quinquennio audita, perfolvit, factusque sacerdos, & in Belgio Sociorum numero adscriptus, totum se divino obsequio addixit. Profundissima cum primis in eo enituit humilitas, quâ persuasus ineptum se, ad quidlibet rectè discernendum, & proprio arbitrio gerendum, esse, ad omnem superiorum nutum cerâ flexibilior evadebat. Ab his remissus in Angliam, pedes semper, scipione sultus, rusticolæ aut tabellarij habitu, pauperum Catholicorum tabernas, quos nec egestas sacerdotem domitare, neque obscuritas illum in ædibus ditiorum adire sineret, percurfabat, quâ Sacramenta ministrando, quâ privatis alloquijs ad veritatem, ad virtutem, instruendo; nam-

publicè ad concionem plurium dicere, & conventus celebrare, nunquam totis 12. annis, quibus Angliam excoluit, periculi magnitudo; neque privatas has tenuiorum Catholicorum lustrationes diurno tempore fieri, acerbitas persecutionis permittit. unde non aliàs magis, quàm intendentibus se tenebris, vel nocte intempestâ, pagatim eorum intrabat domicilia, eodem cum ijs cibo, qui ex improvviso occurrisset, victitare solitus. Nec cum ab humilibus & laboriosis conatibus retardabat adversa valetudo, quâ perpetuò conficiabatur; cujus molestijs ultimis octo vitæ annis vires capitis usque eò prostratas sensit, ut neque diutiùs meditari, neque prolixius lectioni vacare posset. Et concursabat tamen ille remotas etiam in medijs silvis Catholicorum domos, donec in una earum improvise interceptus, in partem beatæ pro Christo necatorum sortis devenit.

Stabat ille ad Aram, Missæ Sacrificium, in quo jam Epistolam legerat, offerens, Hamptelæi domo, in medijs silvis, in Comitatu Dunelmensi solitariè sita; cum irruentibus per vim militibus comprehensus, & ad Parlamentum Commissarios Sunderlandiam abreptus, jubetur propriæ manûs subscriptione Sacerdotem se, & in Sacerdotali functione deprehensum fateri. Quod promptissimâ voluntate executum, imò & Jesuitarum è numero unum esse profitemens, navigio nocte intempestâ imponunt, & unâ cum Joanne Ducketto Sacerdote seculari, Londinum avehendum committunt. Huc appulso continuo carcer Novæ Portæ, veluti propriâ confessione Majestatis reos excepit; nec ipsi aliò, quàm ad patibulum exitum inde sibi concedendum ominabantur; unde clausus rerum humanarum curis, uni DEO totos sese heroicarum virtutum exercitio impendebant. Conati sunt varijs artibus Catholici P. Rodolphum morti ereptum in libertatē vindicare, quos inter Prolegatus Londini Cæsareus, captivi in Germania Tribuni mi-

litaris



P. Rodolphus Corbæus Hibernus S. I. Ord. Sacerdotij Catholici
suspensus et membratum dilaniatus, Londini in Anglia 17. Septemb. A. 1644

CSA

MX. f

litaris Scoti commutationem cum Patris capite urgebat. Sed deprecatus est ille magnopere favorem inexpectatum, ac senectutem, infirmam valetudinem, inutilem jam in vineæ Christi cultura vitam prætexens, in Dominum Duckettum viribus validum, præclaris à natura dotibus instructum, beneficium transferri oravit. Verùm & ille ingrati muneris oblatione perculsus, vicissim illud à se in P. Rodolphum amoliebatur; defixis admiratione, qui aderant, concertationisque novitate stupefactis. Inter hæc bimestri captivitatis elapso, dies 14. Septemb. Exaltationis S. Crucis sacer eluxit, quo citatus uterque ad Tribunal est, & Judicium sententiâ, ex propria cujusque confessione, Sacerdotij, hoc est, læsæ Majestatis, condemna-

tus. Abducti à Tribunali, præter morem detrufi sunt, barbarâ maligni custodis inhumanitate, in tetrum ac vile ergastulum, inter homicidarum, maleficorum infandam sæcem, catenis insuper, ac ferreis compedibus onerati, tantâ inclementiâ, ut Præfectus carceris factus certior, facti atrocitatem exosus, jussu abstinere.

Igitur honestâ custodiâ, reliquo uno ante supplicium die & nocte conclusos, certatim domestici, exterique Catholici, & in his plerique Orthodoxorum Principum Oratores convenère, ultima suis rebus consilia, salubria monita, & apprecationes postulando, negotia precibus eorundem commendando, & Sacramenta Confessionis & Communionis obeundo. Et Galliæ quidem Legatus, post-

R 3

quam

quam cum suis omnibus sacram exomologesim apud P. Rodulphum obiit, Rosarium ab eo, ac numisma benedictum, Regine Matri dono mittendum in Gallias accepit. Quod idem præstitit Dux Guisla, quæ cum Marchione de Brossay, & utriusque comitatu, supremam noctem totam in carcere, tanquam in sacris vigilijs perstitit, sacrificantibus adfuit, & sacro Epulo ex manibus item P. Rodulphi, cum plurimis alijs Catholicis pasta, demum calicem, quo rem Divinam fecerat, numerato pretio comparavit, & ceu pietatis thesaurum in excelso tempore habuit. Cæterum ipsi ab accepta mortis sententia miram toto ore spirabant hilaritatem; quantoque ab excessu vitæ per intervalla aberant propius, tantò majore teneritudine liquecebant, erumpentibus subinde præ gaudij magnitudine lachrimis: sic, ut Rodolphus Sacerdoti de Societate, qui ei habitu minimè suspecto semper in carcere tunc aderat, profiteretur, nullo se prorsus tangi, tenerive metui. Ultimo tamen sacrificio vehementer animo percelli, turbari, & conternari ita visus est, ut toto corpore succussus, nec verba satis proferre interdum posset: quas tamen mentis tristitiâ obnubilata tenebras, in eodem adhuc sacrificio imploratum ab eo Numen, cum fenore etiâ, & auctario solatiorum restituit.

Appetente supplicij horâ prodire uterque alacres, raso in coronam Sacerdotalem, vertice, proprio quisque, non autem alieno, ut antehac consueverant, habitu; P. Rodolphus in veste ordinaria Societatis, & D. Duckettus in tunica talari, Catholicis Clericis usitata. In cratem vimineam simul colligati, ubi raptatione ad Tiburnum in conferta multitudine pertracti sunt, patibulum amplexu primum, atque osculo devotissimè consalutârunt; tum consensu ferali plaustro, insertisq; laqueo cervicibus, stetere permitti quinque flagitiosis, scelerum causâ eâdem poenâ se-

cum damnatis. Hic Rodolphus pauca de mortis sibi irrogandæ causâ præfatus, cum fatentem etiam Vice-Comitem Londinensem, habuisset, eam non aliam esse, quàm sacerdotium autoritate Romanæ Sedis susceptum, reditum in Angliam, & munus sacerdotale illic exercitum; tum enim vero Pater magnopere sibi in tam bona causa mortem gratulatus, Deo etiam immensas pro illa gratias se agere, magno pietatis sensu declaravit. Nec plura effatus, totus se ad roborandum in Fidei confessione Havardum quendam, unum ex ijs quinque sceleratis, convertit. Huic adulteratæ monetæ falsò, ut ajunt, postulato, & paulò ante supplicium ad Fidem Catholicam converso, plurimum negotij faceiebant eo supremo articulo Ministrelli. Verùm is tum sponte suâ, tum Patris adhortatione, palam constanter edicebat, sinè fide Catholico-Romana, spem nullam salutis esse posse. Tandem perberevi mentis ad interna collectione, Pater indicium in turba Sacerdoti fecit impetandæ absolutionis, quam veluti ex arena missionem adeptus, & D. Duckettum suavissimè amplexatus, subducto plaustro pendit, donec uterque animam edidisset. Dissectorum è carnibus aut sanguine, ne partem ullam, vel reliquias subducere possent Papistici (ut vocant) canes, crudeli diligentia cavet justitiæ Præfatus, jubens cremari, quidquid eorum cruore conspersum esset, ipsa adeò lintea, quibus præcincti erant carnifices, & manicas, quas brachijs induerant, elui. Pervenit tamen in Catholicorum potestatem altera D. Ducketti manus, & P. Rodulphi toga integra. Passus est 17. Septembris, Anno 1644. ætatis 47. Societatis 20. eodem die, quo ante septennium Pater ejus Gerardus, Watenis in Societate piè placidèque decessit.

P. RICHARDUS BRADLÆUS.



Lincolniensis Angliæ Provincia. P. Richardo natale solum fuit, magni animi Viro, sanguinis & vitæ, quoties usus ferret, aut necessitas, prodigo. Societatem ingressus est duodevicensarius, à cuius disciplina, virtutibus & literis in aptissimum Divinæ gloriæ instrumentum formatus, quatuor in ea solemnia vota professus est. Quan-

tum in vinea Domini exantlavit laborum, quantum in animarum questu subiecit delictorum, nihil attinet explicare, cum de eo verè dici possit: Anima ejus in manibus ipsius fuit semper. Certè in Castrensi missione, quæ animosæ illius virtuti ante Anglicam professionem campus fuit, præsentissimam sapientiam vitæ adiit discipulum, ita sui securus, ut in medio æstu præliorum, ordines militum per



P. Richardus Bradleus Anglus Soc. IESUÆrumnis et illuvie
carceris pro Fide Catholica confectus in Anglia Marchestrix.
30. Ianuarij. A. 1645.

për universam aciem, à fronte usque ad postrema auxilia, inter volitantes globos impeterritus percursaret, solo armatus manum Salvatoris de Cruce pendentis signo, cujus ostento & præliantes ad fortiter in Fidei hostes pugnandum, & vulneribus prostratos ad fortiter in tam bona causa moriendum animabat. Accidit aliquando, ut dum in cruento præ alijs confictu, denso plumbeorum glandium imbre caput circumvolante discurreret, nullaque sui ratione habitâ ad milites è vulnere lapsos accidens, aures semper omnibus præfens afferret, militum quispian periculi magnitudinem conspicatus, & salutis Patris metuens, casside sibi detractâ caput illius, Angelum vitæ sacerdotis custodem fuisse suspiceris, obarmavit. Vix id per-

fecerat, cum impactus capiti illius è sclopo globus est, impetu cerebrum cum vita elisurus, nisi fidelem servum tam præsentem custodiâ servâisset Cælum.

Jam quæ in Angliæ procuratore difficillimis temporibus toleranda occurrerint, facile est ex alijs divinare, cum nunquam in luce prodeundi in publicum facultas, sed noctibus duntaxat Catholicos invifendi, solandi, roborandique fas esset. Et licet hoc ipsum cautiissimâ Richardus ageret circumspectione, tentus nihilominus tandem est ab emissarijs Parlamenti, & in Manchestrensem carcerem in Provincia Lancastrensi detrusus. Nec aliud præstolandum ipsi manebat, nisi sacerdotibus Anglis omnibus irrevocabiles decretum patibulum, evisceratio, exustio;

nisi calamitates ærumnosissimi carceris animam illi antè expressissent. Porro si quis avet rescire, cujusmodi in Angliæ sacerdotum fuerint custodiæ & ergastula, audiat unum alterumve ex ipsis illa perpeffum, & notitiâ experimentaliter nobis describentem.

P. Ioannes Gerardius Societatis J. E. S. U., qui multis annis fructu incomparabili in Angliâ labores Apostolicos produxit, captus tandem sub Elisabethæ imperio, *demissus sum*, narrat ipse, *angusto ostio in subtegula-
neum carcerem, æquè lectuli capacem, staturâ
meâ breviorē, fenestrâ nocte diuque apertam,
& quod erat gravissimum somno, valetudini, na-
ribus maximè infestum, tam pestilentis & acutæ
graveolentiæ, quantam poterat explicare cloaca,
in quam diversi & multiplicis carceris sordes
omnes undiq; confluebant.* P. Guilielmus Vetonus ex eadem Societate, atrocissimis perpeffionibus totâ Angliâ notissimus, detrusus est in carcerem tam horrendâ, præter alias ærumnas, graveolentiâ, ut, quod ipsemet scri-

bit, præfocaretur ejus mephiti, sentirétque naturâ proclivius fore semel mori, quàm diu in tantis durare miserijs. Capi somnus illic non poterat, nisi defectum viribus corpus humi prostratum concidisset. cujus per 50. noctes à se capti tempus si colligeretur, scripsit ipse, non confecturum spatium horarum decem. Lumen non nisi malignum incidebat, quantum scilicet immittebat angusta, instar balistarij foraminis, fenestella: ut in beneficio duxerit, se non penitus esse excæcatum, caput & cerebrum in deliria solutum licet ita viribus & mente exhaustus fuerit, ut ultra quatuor lineas scribendo vel legendo progredi non posset. Plura sparsim in prioribus, de incredibilibus Anglicanorum carcerum ærumnis memoravimus: quibus P. Richardus prius confectus est, quàm ad publicè propugnandam felici suspensio rem Catholicam educeretur. Die videlicet 30. Januarij Anno 1645.

ætatis 41.

P. HENRICUS MORSÆUS.



Fortunatè in Fidei causa *mortis
responsur*, in se ipso, ex nomine suo habuisse, videri potest Pater Morsæus, aliàs Mors agnominatus, in Norfolkensi Angliæ Provincia Parentibus Heterodoxis editus, & in hæresi ad usque Jurisprudentiæ comparatam Londini notitiam, persistens. Tum enim reclamantis conscientiæ perplexa neque devitare amplius, neque eluctari seipso valens, in Belgio Magistros perquisivit: à quibus Catholicam veritatem edoctus, tantâ firmitate complexus est, ut mox repetitâ Patriâ, priusquam exactum à se (quo Fidem Catholicorum explorari solitam sæpius monuimus) fidelitatis præstaret jusjurandum, primum carcerem, dein etiam exilium tolerare elegerit. Romam ergo, Veritatis sedem contendens, Pontificio Gentis suæ Collegio receptus est, annos natus 23. in quo post septem annos Philosophiæ & Theologiæ navatos, sacerdotio initiatus, cum virtutum dotibus Apostolico muneri paribus jam tum instructissimus notaretur, in Angliam, Pontificiâ fultus auctoritate, ad quæstum animarum faciendum remissus est, iterum pro hospitio carceres habiturus in Patriâ. In ipso siquidem Insulæ portu Neocastrî naufragium libertatis passus capitur, examinatur, ob Fidei professionem publicæ custodiæ traditur,

amplius triennio gravissimis inediæ, frigoris, squalloris, ergastuli incommodis maceratur; quibus exhausto penitus corpore, & exangui macie torrido, non minùs pene vultu, quàm nomine deinceps mortem loquebatur. Ferebat ipse à Præposito Generali secum potestatem, mox ut Angliam teneret, Societatem IESU ingrediendi; cui opportunè sanè pro Tyrocinijs palæstra triennialis carcer, & in spiritus magistrum sacerdos quidam ex Societate, eadem cum illo custodiâ tentus, obtigit. Sub ejus directione (erat enim in Asceticis doctrinis apprime versatus, & exercitatus) quantum in virtutum, ac præsertim zeli animarum usu profecerit, eo maximè patefecit, quòd toto eo carceris tempore, vix unus illinc maleficorum eductus sit ad mortem, cui non ipse in Catholica Religione viam feliciter ostendisset ad vitam.

Ex trienniali custodia actus iterum in exilium, Belgium petijt, ubi jam ipsi inter socios computato, Anglos milites Religiosis ministerijs procurandi provincia demandata, cum ab illo extremo conatu, laboribusq; pene citra modum, sanè ultra vires susceptis obiretur, in ruinam valetudo extremam, & tantum non in exitum præcipitata est, sic ut cum deinceps utcunque restauratum, non alijs, quàm Ministerij domesticis munijs, Watenis & Leodij occupandum duxerint superiores.



P. Henricus Morseus (alias Morus) Anglicus S. I. ab susceptis Sacrorum Ordines suscipiens, et dissectus, Londini in Angliā, 1. Februar. A. 1645.

C. S. A.

M. K.

riores. Quod ipsum tamen magno disciplinæ Religiosæ cessit emolumento, cum ipse Regularum scita, Superiorum iussa, quam fervaret ipse, tam ab alijs diligenter exigeret; ab obedientiæ præscripto, rectivè conscientia, ne latum quidem unguem, seu gratiā, seu metu discedens. Namque spiritu fortitudinis robur corpori suggerente, cum infirmabatur, tunc potens erat, ardēsq; salutis alienæ cupiditate, unius Collegij parietibus contineri non poterat. Igitur in patentes Angliæ campos denuo superiorum annutu evadens, tanta unus corpusculo ægritudinibus fracto, & agendo perfecit, & tolerando pestulit, quanta vix plurium fortes lacerti ferendo sufficissent. Certaminis arena Londinum fuit, tum aliās, tum præcipuè annis

supra mille sexcentisimo trigésimo sexto, & septimo: quibus pestifera lues urbem populata, contagionis metu omne auxilium subsidiūq; ab ægrotis, pauperibus præsertim, amovebat. Horum solatio, non tantum qui ex Catholicis, sed ex quolibet sectarum grege, malo corripenterentur, operam & vitam suam apud Superiorem devovit; tantis ex obtento annutu incedens lætitijs, ut vix se capere posse videretur. Igitur Exercitijs S. Ignatij, votorūque instauratione ad palæstram comparatus, domos imprimis Catholicorum, quò commodius conveniat singulos, sibi describit; quorum spatio quadrimetri solas contagio infectas, censuit amplius quadringentas. Has igitur dum primā curā (nam sectarios minimè negligebat) diu

S

noctu-

noctūque percurſat, incredibile eſt, quantum ærumnarum & moleſtiarum exhaueſcit. Subeunda erant cubicula odoris atque animæ gravis, agendum cominus, eo ipſo loco aſſidendum, ubi contagioſi nauſeantis naturæ proluuiem proſuderant: cooperti flagitijs, & ad ſalubria monita obſirmati, quâ blandiendo, quâ terrendo, ad ſalutis conſilia perducendi: Confeſſiones veteres corrigendæ, ab ultima pueritia repetendæ. Accedebant continuæ exploratorum inſidiæ, & tenſæ ab investigatoribus paſſim indagines, quibus repentè in domo, ad quam venturum ad ægros condixerat, obruendus, ancillæ indicio periculum euasi, eandemque trans horti parietem proſpectantem, celeriter inſtruxit, conſitentem audiit, DEO & Eccleſiæ reconciliauit.

His aliſque officijs dum prodeſt alijs, & præter multos æternitati tranſcriptos, plus quadraginta morbi beneficio ab hæreſi reducit, pro ſalute animabus inſpirata, ipſe luc, à peſtiferis eorum corporibus, aſſatur. Brevi tamen præſtantis Medici curatione ſibi reſtitutus, & ad periculolum miniſterium alacrior reuerſus, quia ſibi nuſquam parcebat, luem iterum, longèq; grauioſem conſciuit. Sed neque hæc ultra periculum progreſſa, eo ipſo momento, quo Superioris literas, omnem tantisper ægrorum curam inhiſcentis, & propriæ valetudinis curam mandantis, perlegit, illum deſtituit, ſic, ut ad inſtitutum ægros viſendi paulò poſt redierit. Quo in munere magnâ alacritate ruſus verſantem, improvîſo apparitores occupant; à quibus cubiculo concludus, ante omnia S. Euchariſtiam, quam ſecreto ad ægrum deferēbat, ne impiorum deveniat in manus, abſumit: ſub vesp̄eram tamen ad examen Magiſtratûs vocatus, quia quæſtionibus nonnullis ſatiſfeciffe viſus, etiam laudatus dimittitur. Hunc ille ſucceſſum Deiparæ beneficio, quam ex amini Patronam invocaverat, attribuens, majore ſecuritate, DEI proteſtione conſiſus, ſalutari operi incumbēbat: cū iterum ab emiſſario quopiam, manus illi, domos ægrotorum obeunti, ſunt injeſtæ; ſed oblata libertatis mercede, ut eſt illis fides pretio vernalis, non difficile laxatæ. Dum autem pergit munus ſuſceptum imperterritus præſtaturū obeunt, ruſus in Apparitores prioribus iniquiores, quia potu madidos, ab ægra quapiam revertens, incurrit, qui comprehenſum in Weſtmonaſterienſem carcerem, non ſinè blaſphemis exprobationibus, viſuros ſe, num Maria, & Sancti illum eſſent

erepturi, traducunt. Invenit hic illum, poſt longam urbe totâ conquiſitionem, ſuſpicatus, quod res erat, ab emiſſarijs carceri mancipatum, ſuus ſamulus, quem ille publicè (nam ſoli colloqui prohibebatur) rogavit, ut Reginæ, quo eſſet loco, quàm primùm indicaret. Quod Pater quidem non ſerîo, ſed ut hæc ſpe libertatis, etiam ab invitis extorquendæ, interjeſtâ, minore ſumptu cum cuſtodibus depaciſceretur, dicebat. At ſamulus ſerîo peti ratus, rem egit per Confeſſarium apud Reginam impigrè. Cujus actionis ignarus Pater, cū libertatem interrim certâ pecuniæ ſummâ à Cuſtodibus redemiſſet, factus rei certior, parūque conſtanter & honorificè Reginæ facturum exiſtimans, ſi poſt ejus imploratam opem, ante illius eventum ereptâ libertate uteretur, ultro apparitoribus in eandem ſe cuſtodiam ſiſtit. Multis illie injurijs per dies aliquot affectus, rebûque omnibus exutus, in carcerem Novæ Portæ, juſſu Conſilij Regij tranſfertur; unde poſt unum ſerè meſem ad Tribunal evocatus, duorum criminum, teſtimonio virorum quatuor, ac trium mulierularum, accerſitur; Sacerdotij videlicet, & ſeductorum à Fide, & obediaſtæ Regis ſubditorum.

Primus Neotonus, jam pridem ob perjurij notam è ſubellijs, & jure teſtandi eliminatus, juramento firmavit, Patrem aliquando ſibi ſaſſum, eſſe ſe ſacerdotem. Inſciatus factum Pater, *cur enim, inquit, inſidiatori inſeſſiſſimo faterer, quod ſcirem ex Regni legibus eſſe capitale?* obteſtabatur judices, ne, notorij nebuloniſis teſtimonio fidem adhiberent. At, inquit, *ſupremus Judex, ſac nebulonem eſſe, fieri tamen poteſt, ut ejus teſtimonio ſuſpendaris. Jura ergo, ſi potes, te ſacerdotem non eſſe. Niſi id juraveris, reus eſſe manifeſtè convinceris.* Proſeſto Regni leges, reſpondit Pater, *juſjurandum ab accuſatis exigi non ſiſunt, eamque probationem nullam eſſe volunt.* Juravit deinde Grayus viſum à ſe Nobilem, flexis genibus Patri conſitentem; & molier Halla nomine, addidit, ſe ſateentem moribundam audiviſſe, illi eſſe conſeſſam. Madifona autem affirmavit, inunctam ab illo quandam ægram fuiſſe, neſcio quâ re, è panniculo robro à collo pendente. Reſpondit ille: Nobilem viram, quem Grajus conſeſſum eſſe diceret, eum ſitum in colloquio idcirco elegiſſe, quod ad levandum dolorem, cū æger eſſet, foret illi tunc commodiſſimus; an verò conſeſſio hæc fuerit, nec ne, id ſciri à Grajo non potuiſſe, cū conſeſſio ſit ſecreta. Hallam verò nec intelligere, quid rei ſit conſeſſio. Suaviſſe, qui-

quidem se moribundæ, ut conscientiam examinaret, atque eam in rem, ut facilius contritionem eliceret, etiam iuvisse. Ad Madsenæ testimonium, respondit, se medicamentum ægræ applicuisse, quod in panno murice tincto gesta verit. Dimissi post hæc de more sunt ad deliberandum Viri duodecim, qui mox reduces, Sacerdotij reum videri pronuntiârunt, non item seductionis subditorum. Quo accepto, comiter Judici gratias Pater egit. Qui ad Assesores conversus, *en etiam gratias*, inquit, *michi agit, quod compertus sit reus. Imò maxime mi Domine*, reponit Pater, *gratias ago, idque ex intimo corde*. Comparantem se exinde ad excipiendam fortiter mortis sententiam, & mortem ipsam, repentinus favor Regis excepit, qui intercessu Reginæ inductus, & indignatus se à Consiliarijs deceptum, fore, ut si iudicio rem permitteret, evidenter seductorum à Fide, & Regis obedientia subditorum, convinceretur; libertati Patrem restitui, & solo exilio multari præcepit.

Tertium igitur Patriâ proscriptus, suam in Belgio operam Anglicæ legioni, castrensis iterum Missionarius, navavit, eâ integritate & virtutis exemplo, ut non aliâ, quam S. Patris appellatione à legionis Tribuno Gagio indigaretur. Brevi nihilominus angustijs his impatiens concludi vastus animus, in Patriæ remitti auxilium assiduus precibus apud Superiores contendit, tantòq; cordis solatio Anno 1643. nuntium obtentæ Missionis excepit, ut in genua ante Moderatores provolutus, actis gratijs, omnium eorum Patrum Gandavî cubicula obierit, gaudia illis sua impertiens, & absolutâ quâdam sponsonie memoriam eorundem apud DEum, ubi sub patibulo plectendus constituerit, promittens. Hâc fiducia à partes Anglicæ Boreales renavigans, sesquiannum circiter strenui, utilisque operarij munus, cum multarum salute animarum, implere pergebat, cum in hostium potestatem etiam non quaesitus, pro alio, cui insidiabantur, denique incidit, Dunelmum in carcerem, sub militum custodia deducendus. Ex itinere, quod longiusculum erat, ad vicinam publicæ pacis in quodam vico Conservatoris domum, nocte asservandum captivum tradunt, quem omni humanitate per Viri absentiam excipiens Coniunx, clam illi Catholicam se esse speruit; cui vicissim sacerdotium suum proferenti, copiam evadendi, prius quam rediret maritus, ultro obtulit. Cum verò prorsus ille abaueret, tanto hospitæ incommodo

& periculo clam profugere, illa periculum nihili pendens, scelere quin potius tam atroci illam ut eximere fugâ pergeret, urgebat, quo alioqui se proditioe sacerdotis hostibus Fidei involutura esset. Cessit tandem diu reluctatus, & nocte illâ quaterdenis passuum millibus per devios tramites pedes confectis, sex circiter hebdomadis obscuro quodam Regionis ejus angulo delituit. Inde securum jam emergere posse sperans, hominem fidum, viarumque gnarum adscivit, quo ductore in aliam Regni partem, ubi ignotus rem Catholicam procuraret, transibat. Sed ille viâ ductor seu fortuito, seu divino consilio, in summa semitarum illarum gnariate, omnem earum memoriam ita amisit, ut quâ procederet, penitus nesciret. Quod ergo restabat unum, ad conspectam in vicinia domunculam divertit, de via percontaturus, unâque ibat P. Henricus; cum in limine consistens, & quasi ex composito opperiens eos vir, ex Patre querit, an non is idem sit, qui nuper Dunelmum captivus missus, & custodia militum elapsus profugisset? Pater improvisâ ictus percontatione, cum diffiteri nollet, capitur, vincitur, & post gravem, sædumque multarum septimanarum Dunelmi carcerem, Londinum denique navigio transmittitur.

Infandas eo itinere à nautis perpeffus injurias, & periculosa procellâ, quâ navium altera ante oculos fluctibus haulta est, defunctus, in carcerem Novæ Portæ Londini die 24. Januarij detruditur, prius aliquot tamen horarum spatium pretio à satellitibus mercatus, ut Oratorem Hispaniæ, & Comitem Egmontium ex officio saluaret, qui etiam in secretum conclave deducto, ibique Sacris operanti ministravit, & benedictionem expetiit. Advolvit interea Londinum Patris Henrici frater, D. Morseus, Vir opulentus, & inter Juris Advocatos autoritatis magnæ; qui licet sectam Protestantium sequeretur, ternis nihilominus florenorum millibus ejus libertatem redimere, sed frustrancâ licitatione contendebat. Siquidem 30. Januarij ad Tribunal evocatus, recitatâ accusationis formâ: *quod ante annos aliquot sacerdotij convictus, Regnòque egressus, revertisset*: iterum solenni formâ de sacerdotio, hoc est, de perduellione damnatus, & in perendinum diem supplicio destinatus est. Totâ illâ die & nocte, quæ illi supremæ fuere, ab omni grege hominum etiam A catholicorum ita obruebatur, ut neque cibi capiendi spatium haberet. Omnes Viri tanti vel aspectum,

vel solatium, vel faustam apprecationem, vel in rebus perplexis consilium, esto haud modico sui periculi pretio, comparare studebant. Quorum non pauci ab irruentibus mediâ nocte militibus intercepti, & toto noctis residuo, ac die insequentibus, Parlamenti iussu detenti, pecuniâ vexationem redimere coacti sunt. Magnâ etiam honoris significatione cum per se, vel internuntios convenire, Cæsaris, Catholici, & Christianissimi Regum Oratores; & Lusitanus quidem unâ cum Coniuge pedites, quamvis cæno à densa pluvia squallebant viâ. Lapsa inter hæc officia Patri nox tota insomnis jam erat, & hora quarta prope crepusculum jam matutinum. Ergo recitatis nonnullis pro Angliæ conversione precibus, inexplicabili pietatis teneritudine, Missam de Sanctissima Trinitate, in gratiarum actionem pro beneficio mortis, Christi causâ oppetendæ, celebravit; post quam perfolutis ejus diei Canonicis horis, singulorum, qui eodem carcere clauderantur, circumivit ergastula, quos omnes supremum valere iubens, eâ vultûs aménitate renidere illis visus est, ut tantam animi non caperent magnitudinem. Ac præcipuè Pater Christophorus Ultanus, è Sancti Francisci Familia pro Christo vincens, tantâ animi lætitiâ, & martyrij cupiditate, ex ejus amplexu perfusum se expertus, ut quoties deinde ejus rei mentio incidisset, lachrymis gaudio manantibus exclamaret, *bone JESU! num qualis ille vultus erat!* adjicere simul solitus; si ad id tempus in hæresim, aut gentilium errorum tenebris hæssisset, uno illo Patris celesti aspectu, & hauriâ ex amplexu mentis serenitate, ejus, pro qua moriebatur, Fidei veritatem agniturum fuisse.

Ab hoc ad solitarium conclave Pater se contulit, & uno de Societate Sacerdote, qui semper tum præsto aderat, arbitro, totum se in ardentissimos affectus, & heroicos Charitatis, Fidei, Spei, doloris, ac gratitudinis actus, viribus omnibus impendit, quoad fatalis nuncius horam supremam instare eum admonuit. Quo audito, bone DEUS, quàm promptus & alacer provolutus in genua, oculis manibusque in Cælum sublatis, immensas DEO, pro infinita felicitate, gratias egit! quanto affectu gratiæ hujus magnitudinem prædicavit! dumque alter suggereret, *pergeret porro in occursum Christi, & DEIPARÆ Sanctorumque amplexum*, exclamans excepit: *Veni mi JESU dulcissime, ut tibi indissolubili nexu vincens, nullâ dehinc vi, nullo nunquam tempore, nec æternitate divellar. Venite*

vincula, crates, tormenta, mortis laniena, venite! JESU Salvatoris mei causâ, grata mihi in primis & jucunda estis!

Eductus est ad traham craticeam quatuor equis junctam, manu Vice-Comitis Londinensis, in qua raptatum ad furcam consecutus est in via Legatus Galliæ, palamque totâ inspeçtante multitudine deveneratus, Regem & Regnum Christianissimum ei commendavit, & bene sibi dici demissè postulavit. Quod in loco supplicij denovo repetiturus, è curru suo desiliit, & sub furca Patri collocutus est, strophiole, quod ad manum tunc solum erat, in memoriæ pignus à Patre donatus. Magno exinde animo plaustrum conscendens, laqueum ipse collo induit, confertamque multitudinem his serè alloqui exorsus est. *Veni huc, si nescitis, Religionis causâ moriturus, illius inquam Religionis, quam Ecclesia profitetur Romana, quæ à Christo fundata, ab Apostolis stabilita, per omnia deinceps sæcula, ad hunc usq; diem, Hierarchiâ semper visibili propagata fuit; Scripturarum testimonijs nixa, Sanctorum Patrum, & Conciliorum autoritate fulta, extra quam denique spes nulla salutis esse potest.* Interpellatus hic à Vice-Comite, utq; similibus missis, si quid potiùs provisionè in Regem, aut Parlamentû nõisset, ediceret, monitus est. *Bene moves*, respondit Pater, *omino magnum arcanum adhuc dicendum habeo, quod totius Regni, & Parlamenti, permagni interest.* Hoc accepto, remotiores ex Magistratu, ad motis equo calcaribus, cum propius audituri accessissent: *Tunc Anglia, subiicit ille, erit beata, ubi veram Fidem Catholicam, Apostolicam, Romanam, in suas ditiones revocaverit, & Angli sub uno in terris capite, Christi Vicario, tanquam obedientes Filij, vixerint.* Præter hanc, nullam ego provisionem aliam novi, nedum ullius particeps fui. Hoc verò certissimè exploratum habeo, causam horum omnium tumultuum, calamitatum in Anglia, hæresim esse, quæ quamdiu veneni instat per hoc Regnum serpserrit, ne vos frustra quietem, malorumve ullum remedium expectabitis.

Iussus iterum hæc missa facere, & sua magis in leges Regni crimina fateri; breviter annorum vitæ omnium, quos in hæresi primùm, ac deinde Catholicus & Religiosus in dilatazione Evangelij transigisset, seriem recensuit, usque ad felicissimam illam mortis horam, pro qua Divinam Majestatem, inquit, annis 30. crebris precibus supplicæ poposci. Habes ergo nunc, subiicit cum Ministris Vice-Comes, quod petisti. Itâ est, ait Pater, eoque nomine gratias immortalæ DEO, quàm possunt maxi-

maximas, ago, precorq; , ut mors mea pro hujus Regni peccatis, aliqua ex parte ab eo suscipiatur. Certè si mihi tot vite forent, quot arenas mare aluit, eas ego tibi libentissimè hunc ob finem, & ob Fidei Catholica testimoniū, omnes prodigerem: quæ nimis Fides sola est vera, sola est certa, atq; sola (hic zelo incitatus interrumpi noluit) continuis miraculis confirmata: caci enim vident, muti loquuntur, mortui resurgunt. Quid ais Domine Vice-Comes? si ad vitam redire mortuos cerne- res, nonne crederes? dic fides, nonne veram assereres eam esse Ecclesiæ, ubi hæc patrantur? enimvero testimonia tua Domine credibilia facta sunt nimis! Noluit hic pati Vice-Comes, ut progredieretur; ad mortem se precando comparare jubens. Obscuro Pater, animum paulisper collegit, & oculis manibusque in Cælum intentis, elatâ voce profe, Angliæ conversione, Regnis, & Principibus Catholi- cis, ac demum pro hostibus suis longiusculè

oravit. Ac postquam agonem suum DEO Divisque ardentius commendasset, sublatis altius manibus, magno animi sensu pronun- ciavit: In manus tuas Domine commendo spiritum meum; percussioque dolentis ritu pecto- re, simul ab adsistente clam Sacerdote, ut con- venerat, sacramentaliter absolutus, simul pe- dibus currus subductus est. Pependit ille, quietissimus, nullo incondito motu edito, dum expirasset. In cujus deinde laniati san- guine complura sudaria, Legatorum, & Co- mitis Egmontij rogatu, intincta sunt, & ad- venerationem partim servata, partim Catho- licis Majestatibus transmissa. Partes dis- secti corporis ad quatuor Urbis portas, caput ad pontem sublimè affixum est, reliqua om- nia igni absumpta. Acta sunt hæc Londi- ni 1. Februarij Anno 1647. ætatis ejus 50, Societatis circiter 20.

P. JOANNES GROSSUS.



Itam, quam in Anglia Norfol- ciæ P. Joannes divino munere accepit, ejusdem utilitatibus magno ardore, Feltoni cogno- mine ad securiūs latendum u- sus, per annos 27. gratus impendit. Nihil pene calamitatum & incommodorum cogi- tari potest, quo non exercitus, ultimis præ- fertim his temporibus, fuerit, quibus Parla- mentum in Regem confurgens, aperto bello, nimiam illius inter reliqua in Catholicos le- nitatem ultum ibat, tanto simul in Sacerdo- tes & Jesuitas furore lævians, ut nullo am- pliùs Regni angulo satis securi, nullâ arte, habituve sat tecti, venalem perditissimis e- missariis animam in horas agerent. Inter has tamen quotidianas mortes animæ prodi- gus, dummodo pretio Martyrij eam mercari daretur, P. Joannes, ne publicis quidem con- ventibus & exercitijs abstinuit, nullo un- quam Dominico, festivo die (quod de nullo alio legisse memini) per tot annorum spatia ad collectos fideles concionem habere, aut doctrinam Christianam explicare intermi- sit. Quâ indefessa Apostolica functionis con- tentione, non tantum utendum sibi putavit tum, cum copiosè in Ecclesiæ horrea confe- rendæ messis spes afflueret, sed vel unius colligendæ spicæ, unius reducendæ ad cau- lam Christi oviculæ, spem dignam judicavit, in cujus lucrum vitam & sanguinem, corpus & animam profunderet. Id quod luculenter

palàm fecit, per eam, quâ in hostium, & mor- tis manus incidit, occasionem.

Tenebatur Lincolnix arctissimâ Parla- menti custodiâ P. Joannes Huddus, Sacerdo- tij reus, & proximè celebrandis illic Judicium Comitij, ut certò ferebatur, perduellium supplicio necandus. Ultimo pressum casu socium dilectissimum, durum videbatur P. Joanni, absque solatio Sacramentorum desti- tuere; verum id efficiendi, & nedum in car- cerem, sed vel in Urbem se penetrandi, via nulla succurrebat. Certus nihilominus eti- am cum vitæ dispendio obstacula perrumpe- re, hominis rusticani personam statò fori die assumit, & permittit agricolis, diversa rure venum importantibus, & sinè noxa disce- dentibus, manè tenebris ingreditur: in car- cerem tamen toto illo die incassum fraude aliquâ se insinuare connixus est. Ergo infe- cta re, dum matutino astu cum plebe rustica, quasi mercatu soluto Urbem egreditur, ex- cubitores in porta, qui pro libidine tunc quosvis obvios, nullâ etiam probabili suspi- cionis ansâ præbitâ, veluti sacerdotij suspec- tos invadebant, detinebant, & nisi pecuniâ libertatè redimerent, dirè vexabant; prehensum Patrem siliunt, & sacerdotij, cujus tamen nullum habebant indicium, nullum funda- mentum, obtentu, examinandâ ad Guberna- torem ducunt. Nihil optatius eâ captivita- te obtingere tunc illi poterat, quod speraret, se eodem cum Patre Huddo carcere conclu-



P. Ioannes Grosius Anglus Soc. IESV. carceris squalore in Anglia pro Religione Catholica erectus Lincolnia 27. Februarij. A. 1645
C.S.A.

M. K. f

dendum, tantopere ex ambitu solatium hâc opportunitate illi præbere posse. Verùm militari custodiâ iussu attineri Gubernator, ingenti mœrore, jubens in alium carcerem deduci, consternavit; quem tamen omni ad P. Huddum deinceps penetrandi spe interclusum, aliqua ex parte refecerunt ferrea vincula, & carceris illius aliquot hebdomadas toleratæ calamitates, hominûmq; perditorum injuriæ, quibus ex Fidei odio quotidie, in summa rerum ad victum, vestitum, & cubitum inopia, faginabatur. Interim quia Regius exercitus Vrbi, quæ Parlamenti præsidio tenebatur, obsidionem admovere, parabat, captivi milites omnes, unâq; P. Ioannes, Vrbe scaphis evecti, in deserto S. Bolephi templo, sub custodia inclusi sunt.

Egit hic Pater, sexagenario jam annis quinque major, anni tempestate perfrigidâ tres ipsos menses, loco ventis pervio, omnis auxilij, fomenti, solatij, & tegumenti, ad repellendum gelu nocturnum, expers: unde rursus ad alium commodiorem corpori locum translatus, interiorum spiritûs afflictionum tantò infestiorum molestiam est expertus, quantò dolentiùs injurias in DEUM, blasphemias, maledicta, perditorum hominum sentiebat, præ angustijs proprijs. Tandem post captivitatem in septimum jam mensem prolatam, cum nullum sacerdotij probabile indicium, nullum in caput ejus testimonium colligi posset, libertatis spes offendi cœpit, si numerato illam pretio redimeret. Quo ex piorum liberalitate tandem

colle-

collecto, dimissus quidem ille est ex carceris custodia, ita tamen ex diuturnis illius ærumnis prostrata valetudine, ut brevi dimitteretur ex corporis ergastulo in pace. Quamquam dubium esse possit, utrum non ex carcere similiter migraverit in carcerem: siquidem hospite, cujus domicilio receptus antehac sustentabatur, belli domestici malis exaesto, & in exilium exturbato, in dirutas quædam ædes, & à militibus expilatas, recipere

se coactus est. Ubi mensem non integrum superstes, & vix animam, tot malis pro Christo in vinculis exercitam, trahens, post celebratum die 27. Februarij, An. 1645, Missæ sacrificium, in ipsa gratiarum actione semianimis in terram concidit, ac paulò post inter edita pœnitentiæ, ac singularis in DEUM charitatis indicia, placidissimè expiravit Lincolnix.


CURBERTUS PRESCOTTUS.



Ullibi propè terrarum gravioribus, & ipsa perpetuitate acerbioribus infectionibus pressa fuit Societas I E S V, quam in Provincijs Britannix, cujus nulli fuere carceres, quos ipsa non implevisset, nulli eqvulei, patibula, securæ, quas non eruentasset, nullæ Urbium portæ, pontium, turrium, murorum pinnacula, quæ non suorum laniatis membris, præfixis capitibus, horruissent. Verùm si unos habuisset hostes hæreticos, non foret admodum ei dolendi materia. Iacturas enim hæc pensabant lucra gloriosa immenso sænore, vitæ factis ingentibus, & heroicis mortes spiritibus illustratæ: ex quibus duobus ventura sæcula admirationem ducent, & exemplum. Damni majoris, & frugis nullius extitere, Catholicorum quorundam in nos factiosa molimina, & apud supremos etiam Religionis vertices intentata litigia: proinde à Protestantibus, quibus usus maximo erant, omni studio promota. Ausi fuere hi, porrectis etiam libellis, à Pontifice Clemente VIII. postulare, ut quicumq; forent in Anglia Sacerdotes Societatis, juberentur editione severâ Pontificis, quod neque Elisabetha, neque Parlamenta suis proscriptionibus & tormentis efficere, potuere, Regno æternum facessere. Hoc enim facto Catholicos omnes, & reliquos Sacerdotes, pacificè illic & liberè acturos, nihil fore ab Adversarijs, qui in solis Jesuitis importunum & factiosum zelum persequerentur, gravius ferendum. Mera hæc Parlamenti, & Regionum vota fuere, quòdque illi desperabant vi ullâ in Anglia consequi, hoc si dolo & arte Romæ adipiscerentur, non dubitabant à se Catholicam Religionem toto Regno exigendam. Nec multò post improbrum conatum, si cessissent, eventurus fructus patuit: quando propositum Catholicis, si pacificè in Regno vivere vellent,

Fidelitatis juramentum, pessimo Archi-Presbyteri, & quorundam Sacerdotum seculariũ exemplo, omnes Catholicos in Religionis ejurationem, ne confiscatione bonorum, & perpetuis simul carceribus multarentur, pertraheretur erat. Cui accedens altera Parlamenti sanctio, quâ teneræ juventutis in scholas transmarinas profectio, perduellionis, & læsæ Majestatis crimen, extremo piumdum supplicio statuebatur; jubebanturq; Catholicorum filioli, gremijs parentum erepti, ad usq; annum 17. Calvini Didascalis tradi, omnem Religionem eversura erat, nisi Pontificio decreto firmata in Angliæ statione Societas JESU, utrique Hæreticorum molitioni obviam ivisset. Itaque cùm Fidelitatis Jurisjurandi iniquitatem fuso etiam sanguine plures à Societate stabiliivissent, omnem curam in deligendo Catholicæ pueritiæ flore, mittendòq; ad seminarium Audomarense, quod Peronius maximis sumptibus fundaverat, intenderunt.

Hujus delectus faciendi cura commissæ fuit Curberto Prescottto, Lancastrix oriundo, & propter eximiam Viri virtutem, probatũq; Fidei & animarum zelum, in numerum eorum Sociorum admisso, qui Sacerdotij expertes, in Marthæ ministerijs adjutoriam Societati præstant operam. Multos annos operi sanè laborioso, & curarum æquè ac discriminum plenissimo, incredibili solertiâ atque industria impendit; ut cuiusvis facile est divinare, cogitanti, inter acerbissimarum legum pericula, colligendæ toto Regno pueritiæ molestias, in eadem navigijs imponenda, portubus arctissimâ custodiâ obsessis emittenda, opportuno viatico providenda, difficultates. Egit tamen munus impositum inconfusibili solertiâ; & quamvis ad Regni exitus sagacissimè satellites & excubitores in deprehendendos ejusmodi Juvenes vigilarent, nullo tamen anno pauciores centenis, fre-



Curbertus Prescottus Anglus Soc. I. E. S. V. post plurium annorum arumnasum carcerem, eiusdem squallore miserius, pro Religione Catholica consumptus, Londini 20 Febr. A. 1747

CS d

M K

frequenter etiam propè ducentos, ex omnibus Regni provincijs Audomarum transmissit, qui deinde longà Societatis industriâ, per omnes doctrinarum & virtutum gradus in Viros formati, suscepto Sacerdotio in Angliam, futuri Catholicæ illic rei præsidio, postliminio remeabant. Non potuit diu Ministros Regios latere, tam copiosa coloniarum in transmarina Seminaria tractuctio, unde in ejus auctorem intenti, toto Regno exploratores disponunt, emissarios constituunt, à quibus semper quæsitus, sæpe captus, tractusque ad judices, ità semper rem suam ipse egit, ut in eorum potestate diu nunquam restiterit, semper è manibus & carcere, usque ad tristissima, Regnū invadentis Parlamenti tempora, incolumis evaserit.

Sub hujus mox primordia, cūm atrocius in Catholicos, ac Sacerdotes potissimum, quàm unquam antea inquireretur, inter primos ipse in manus incidit, atq; in facinororum ergastulum conjectus, de Sacerdotio, crimine Majestatis, ut perduellium morte plecteretur, postulatus fuit. Verūm Sacerdotij expers deprehensus, cūm solo Catholici nomine patibulo addici per leges Patriæ non posset, Fidelitatis præstare juramentum, hoc est omnem Christo subjæctionem in suo Vicario ejurare jubetur. Quod cūm frustra minis & malis omnibus à Viro cordato, & mille mortes pro Fide subire parato, exigèrent, ei pœnæ, quam *Præmunire* vocant, subiiciunt; cujus est, fisco addictis bonis omnibus, æternis conclusum carceribus reum detinere.

vinere. Omnem igitur sibi, præterquam ad sepulchrum, præclusum exitum videns, prolatum hæcenus per omnem latè Provinciam animarum zelum, inter parietinas carceris ità contraxit, ut in angustum collecta, intensior ejus Virtus appareret. Hic ille omnia Vocationis suæ munia, serviendo captivis Sacerdotibus, ultima ministeria præstando Fidei causâ exercitis Catholicis, & omnibus ex animo suam operam addicendo carcere detentis, ità naviter & constanter annis aliquot exercuit, ut amorem apud omnes; &

altissimæ perfectionis opinionem apud carceris custodes sit promeritus. Certè elemosynas, quas toto Regno inter Catholicos notissimus, non parcè accipiebat, ità liberaliter in vinculorum suorum confortes partebatur, ut plures eorum vitam ipsi, per inediā alioquin enecandi, tulerint acceptam. Cujus proinde è vivis discessum non minore luctu, quàm Filij Parentis, Pupilli optimi Nutritij mortè prosecuti sunt. Obijt Londini, ærumnosâ carceris illuvie consumptus in vinctulis 20. Febr. A. 1647. ætatis 55. Societ. 23.



P. Guilielmus Boytonus Hibernus Soc. I.E.S.V. pro Religione Catholica ab Hereticis Anglis occisus in Templo, Rupes S. Patritij nuncupato, in Hibernia. A. 1647. 13 Septembris.

C. Secreta del.

Melch. Knist. sculpsit.

P. GUILIELMUS BOYTONUS.



Rostrato Caroli Regis Angliæ exercitu; & partibus illius fractis & dissipatis, victoria penes Parlamentum stetit. Cujus fructibus non satis usum sibi visum

fuisse, nisi Catholicam Religionem in triumphum, omnibus Catholicis veluti sub hasta venum expositis, duxisset. Quocunque victoricia arma, ad usque extremos Hiberniæ fines circumtulit, vastitatem unâ, & ultimum

ultimum Catholicis excidium non minabatur solum, sed re ipsâ possessionum direptionibus, exilijs, cædibus, funeribus, intulit. Quis enumeret honorum in sola Hybernica perpeffiones? ubi quia majore hæcenus, quam in Anglia libertate agebant Catholici, & Religionis exerciticia pene impunè obibant Sacerdotes, eò dirorem experti sunt hæretici exercitus sævitiam, tam implacabili in miseros odio furentis, ut neque decrepitæ senem, neque teneræ infantiam parceret ætati. Est apud Casselenses templum nobile, rupes S. Patricij communiter dictum, in quod A. 1647. 13. Septembris, irruentes septem millia Parlamentariorum, totum cædibus & sanguine repleverunt. Receperant se illuc metu hostium undiq; è vicinia Catholicici, & Urbe in hæreticorum potestatem redactâ, velut ad asylum refugientes, circum altaria strati jacebant cives Orthodoxi, cani senes, imbellis ætas & sexus, armata rosarijs & libellis: qui omnes diritate planè hæreticâ, & neque agris in lectulis parcente, crudeliter trucidati sunt.

Maxima tamen sævitie pars in sacra DEO capita deservijt, quos inter magni zeli Vir è Societate Jesu, P. Guilielmus Boytonus, natione Hybernus, cecidit. Hic irruentibus hæreticis, magno fervore ad subeundam, constanter pro Religione Catholica mortem illos adhortatus, iisdem Sacramento Pœnitentiæ expiandis unicè intentus erat. Quo in opere distentum perfidi occupantes, cruentâ internecione cum Filijs Patrem occide-

runt. Verùm ultus est indignam suorum necem DEUS, & patenti ostento sceleris hujus, & aliorum deinceps immanitatem declaravit. Impositum erat in ea rupe hæreticum deinceps militum præsidium, cum nocte intempesta adeff Præsidij Gubernatori senex, augustâ specie; & manu prehensum, ac in editam templi turrin violentè educum interrogavit, quâ vesanâ audaciâ sacer ille, locus tam impiè prostitueretur? simulque tremementem, nec quid responsi daret habentem, in subiectum cæmeterium dedit præcipitem; itâ tamen, ut reliquâ nocte, confractis licet ossibus, vivus adhuc istic inter mortiferos dolores jacuerit, vitamque traxerit in lucem usque sequentem, ut ostensam in se, vindicem Numinis manum, locuples ipse tantæ rei nuncios testari posset.

A cædibus hominum, ad Cœlites impugnandos versi nefarii, Crucifixum capite, manibus, pedibusque truncârunt, imagines sacras pedibus impiè procucârunt: ex quibus majore procaciâ nonnemo, raptam è Societatis domo Deiparæ statuam, per plateas joculariter circumferens, cibo in os ingesto edere jubebat, & alijs petulanter dictis & factis, applaudente scelestissimorum fæce, laceffebat. Quæ dum per lusum maxime joculariter securus agit, senfit seriam è Cœlo in flagranti ultionem; siquidem prægrande è vicinæ domus pariete saxum in transeuntis caput deciduum, os impium, accerebrum elisit.

P. ROBERTUS NETERVILLIUS.



*N*ecessè est prima & divinissime gubernationis, quæ Regia est, transgressionem, esse deterrimam: inquit Aristoteles, Monarchiæ præcipuus Patronus 4. Politi. c. 2. Experta id ingenti suo damno fuit Anglia, cum Regiam potestatem perosa, Parlamenti Dominationi se subjecit; tantum non in chaos quoddam, novæ Reipublicæ molitione, redacta. Et ut de Catholicorum pressuris solum memorem: à funesta, & rarissimi in Veterum annalibus exempli, Caroli Angliæ Regis An. 1648. 9. Febr. palàm Londini supplicio extremo additi, & securi à carnifice percussi, tragœdia, nunquam in Britannia Regnis, ac Hybernia præsertim, ærumnoso magis salo navigavit Catholica Christi navicula, hæresi plusquam decumanis fluctibus in

Catholicorum fortunas, sanguinem, sacerdotum libertatem, vitamque grassatâ. A milite, ab incondita hæreticorum rabie, à vario Magistratu, extrema pati, & nova semper quæ imminerent metuere, in illa veluti Diocletiani tempestate, cogebatur pusillus grex. Miserabilis Familiarum Nobilissimarum calamitas! quæ avitis fortunis & domibus extorres, cum prolibus & uxoribus per sylvarum errores vagæ, per avia latebrosa palabundæ, miserabili latitatione vitam tangebant: donec tandem, nisi fidelitatis jramento se obstringerent, aut in exilium è Regno, aut in mortem ipsam deicerentur.

Anno 1649. Dublinio Catholici omnes, jussu Parlamenti expulsi sunt, promulgatâ simul capitis sententiâ, si quis eorum vel unius noctis moram in Urbe, aut suburbijstraxisset.



P. Robertus Neteruillius Hibernus Soc. IESV. ab Hæreticis Anglis pedibus regatus, fustibus confusus, et quaquaversum ad mortem usq. allisus. Pontani in Hibernia
N. 10. g. is lunij. c. Secreta d.

M. K. f.

xisset. Et ne in Pastores Christi mitiores for-
 rent, fortunarum simul & capitis damnaba-
 tur, si quis Jesuitæ, aut cuius Sacerdoti, mo-
 ram, quanta est vel unius horæ, domi suæ
 concessisset. Idem factum Corcagiæ, Urbe
 ab hæreticis callidè per dolum occupatâ;
 edictum enim est, post plurimas in Catholi-
 cos prius patratas cædes, civibus omnibus,
 ter explosio bellico tormento signum dandum
 Catholicis, ut Urbem, aut Religionem dele-
 rant. Ante signi tertij significationem, mise-
 rando certè, sed heroicis nascentis Ecclesiæ
 temporibus comparando spectaculo, omnes,
 etiam ægri ac parvuli, senes, mulieres, ac
 matronæ nobilissimæ, in voluntarium sese
 exilium effudère in campos; manè tantâ for-
 tunâ opimi, vesperi ad inexpertas hæcenus

ærumnas abjecti, vitam deinceps sub aperto
 Cœlo, cujus causâ patriam linquebant, aut
 in scrobibus & sylvis mendicato sustentatu-
 ri. Simili, majore tamen sævitia, cum Urbe
 Pontano, involuta est excidio Residentia Pon-
 tanensis Societatis JESU: nam truculentâ sæ-
 vitia stratis passim per omnes plateas, domos,
 & agros, Catholicorum corporibus, & indis-
 criminatim fusi sanguinis rivis, fenum, par-
 vulorum, scæminarum, restagnantibus vi-
 cis, nescio unde notitia apud Anglos incre-
 buit de P. Roberto Neteruillio, quod Sacerdos
 & Jesuita esset. Ergo 15. Junij ejusdem an-
 ni, in domum irruentes, nihil ætatem jam na-
 tu grandævam in Patre, nihil venerandum,
 aspectum reveriti, magno furore per pedes
 correptum lectulo extrahunt, per domum

raptant,

raptant, quaquaversum allidunt, fustibus contundunt, extractisque ad collum & humeros ossibus, seminecem in cruciatibus relinquunt. Quibus intra quatrimum confectus, magno solatio animam, doloribus pro Christo toleratis corpore exactam, illi reddidit.

Alium Dublinij è Societate Patrem, ætate gravem, ad ipsum Altare deprehensum, detractis vestibus in teterrimum carcerem, dejecerunt, & ærumnis sordium ac famis saturum, navigio cum alijs omnibus sacerdotibus impositum, in exilium abegerunt.



P. Ioannes Bathæus Hibernus Soc. IESV ab Hæreticis Anglis odio Religionis Catholice plumbeis glandibus traectus. Pontani in Hibernia. A. 1649. 15 Augusti.

C. Scrota del.

M. Kinsell f.

P. JOANNES BATHÆUS.

Cum pellendos Hyberniam in exilium, & navigijs in alienas terras avehendos Pastores animarum omnes, Senaculum Parliamenti jam edixisset, undique hos magnâ solertia conquestum dimissi sunt milites, qui debiles etiam & ægros ad emigrandum cogerent. Quo in mugere, incelemente sanè usi severità, senes & infirmos gra-

batis protractos, fustibus ut pecora propellebant, vexabant, cavillis subannabant. Dublini P. Henricus Cavellus, militum petulantia è lecto, in quo æger decumbebat, ejectus; & cum pedibus niti non posset, in cathedram per ludibrium, facturus impijs iocis & risum, est elatus, ibidemque fustibus pro applausu malè acceptus, tandem cum alijs mari in Galliam dimissus est.

Percus.

Percussis hæc ratione Pastoribus, dispersus & eiectus suis Vrbibus, Dublino, Corcagio, & Pontano, qui cædibus supererat Catholicorum, ex nobilissimo etiam Senatorum, & divitum Mercatorum ordine, pusillus grex, *circuibat in melotibus, in pellibus caprinis, egens, angustiat, afflicto, in solitudinibus errans, in montibus & speluncis, & in cavernis terra.* Hebr. 11. Quam in Fide Catholica insuperabilem constantiam, intolerandam pertinaciam & dedecus suum interpretati Parlamentarii, in ultimam barbariam ex Hybernia, ne debilioribus in Religione, corruptelæ scilicet & scandalo constantiæ suæ forent, deportare in exilium constituunt. Advectæ sunt itaque navibus oneratis catenæ, manicæ, compedes, ac reliqua tristis ergastulorum, innectendis facinorosis suppellex, copioso fanè numero, usque ad 30. millia, totidem ex Hybernici Catholicis vincientiis servitura: quibus adstricti, proximâ classe in ignota Indorum maria, & Tabaci Insulas securè transferrentur. In horum fundos & possessiones, decretæ sunt longè majore numero ex hæreticis ducendæ coloniæ, ducenta scilicet advenarum millia; quò sola deinceps hæresis, Catholico hæctenus Hyberniæ Regno, fide penitus extirpatâ, integrè & pacificè potiretur. Ex quo facile arguere est, quàm locupletes & opulentos necesse fuerit esse Catho-

licos, quorum residui post tot deprædationes & expilationes fundi, explendis ditandisque suffecerint tot sanguifugis.

Sive interim exorta est crudelitatis hujus administris suspicio, sive alicunde levè primùm rumore, mox certissimis fundamentis suboluit, Sacerdotes quospiam in numero illo Catholicorum adhuc reperiri, qui eis ad perseverandum fortiter in proposito incitores essent, & hortatores; deprehensus tandem est P. Joannes Bathæus Pontanensis, unâ cùm germano fratre, itidem Sacerdote sæculari. Ergo magna cum exultatione ac strepitu prædam nobilem in forum abripiunt, duobus circiter à nece P. Netervillij mensibus, ad stipites alligant, & velut Religionem Catholicam ac Societatem in ijs essent ad intercessionem pessumdaturi, utrumque plumbeis glandibus ad mortem usque trahunt, Pontani 16. Augusti,

Anno 1649.



P. MATTHÆUS GRIMES.



Rothomago, prælarâ Galliarum Vrbe, ortum traxit P. Grimes, aut Grimius, etiam Bazier nonnunquam cognominatus. Hic in perillustri Angli familiam adolescens etiamnum adscitus, primâ vice Societatem apud illum nôsse didicit; & ut erat jam tum ingenio & judicio acri, æstimare, ac denique maximo studio & voluntate exambire. Voti compos 20. ætatis anno factus, itâ virtutibus simul & literis animum excoluit, ut ad quatuor Votorum solennem professionem provectus, Anglicam etiam missionem, quamlibet exteris, impetrârit. Et hæc ipsa, quòd Gallus esset, & non Anglus, conditio, majoris flagrantie argumentum ad strenuè laborandum illi subiecit, cùm se fulminantibus in solos domesticos & patrios sacerdotes legibus Anglicanis, obnoxium non esse putaret. Igitur tantò majore securitate

& impigritate, quantò minore sui periculo, Angliæ se impendere pergebat, egentioribus præsertim, ad quorum animos aditum quasi per viam argenteam, eblanditis apud opulentiores largis eleemosynis, aperiebat, quò illos efficacius ad æternorum hæreditatem pertraheret. Verùm utcumque profuerit hæctenus Sacerdotibus extraneis peregrinitas, ad evadendum penas huic gradui in homines patrios constitutas, ipsi tamen acerbissimis his Parlamenti temporibus suffragari non potuit.

Primus ex non gentilibus Mystis carceri hoc nomine mancipatus est, postquam non infrequenter annis aliquot insidiosas exploratorum manus dextrè subterfugisset. Licet autem nullis indicijis sacerdotij indubitanter convinci potuerit, detentus tamen est in vinculis ærumnosi carceris aliquot menses, nunquam in tribunal adductus, nunquam pro se dicere



P Mathæus Grimes, Gallus Soc. IESV, ærumnosi carceris pædore pro Christo confectus Londini in Anglia. A 1650. ii Augusti.

C. Sereta. d

M. K. f

dicere iussus : donec à pædore & situ ergu-
stuli, lethali contraclâ ægritudine, gemellam
cruentæ morti palmam, miserabili tæbe con-
sumptus obtinuit 11. Aug. An. 1650. Tan-
tam porro in supremo illo morbo adstanti-
bus exhibuit patientiam, quantâ suspensi-
um, mille votis pro Christo expetitur, tole-

raturus erat : unanimi apud omnes fideles
opinione in eorum numero computatus, qui
in odium Fidei supplicio tantò diriore, quan-
tò prolixarum carceris ærumnarum
mors, brevi suspendio acerbior
est, enecantur.





P. Petrus Wrichtus Anglicus Soc. IESV, quidam Sacerdotij Catholici suspensus, et membratim dissectus, in Anglia Londini A. 1651. 29 Maij.

C. Scritta d.

M.K.f.

P. PETRUS WRICHTUS.

IEnuibus, sed divitibus in Fide, parentibus ortus P. Wrichtus, alias Wrichtus, Slytonij in Anglia, illud hæreditatis loco à moriente Patre documentum accepit, ut Fidei Catholicæ, in sua familia hæc illibate conservatæ, ad mortem usq; tenax, illam cum virtute studiosè coleret, amplam hæc ratione apud DEUM hæreditatem consecutus. Ipse intempestivâ orbitate, compulsus, cum domi res esset ætior, quàm ut numero tot prolium sufficeret, ne viduæ matri puer 13. annorum oneri esset, Caufidicorum alicui operam ingeniûmq; addixit. Ubi paterni immemor præcepti, jam magis è

numero unus Protestantium, quàm Catholicus, nuptias etiam nobiles in medio nationis pravæ exambire cœpit. Sed eâ spe Dei providentiâ ejectus, mendaces fori artes despiciere, & redeunte pristinorum memoriâ, sororis maximè, & pij cujusdam sacerdotis ductu, meliora respicere cœpit. Cœpit inquam, nam subito iterum & tempestuoso consilio in aliud periculum prolapsus, Hollandicæ militiæ nomen adscripsit, tantâ præcipitantia Patriam deserens, ut non vestem, non pecuniam ex hospitio secum abstulerit. Vix mensuris inter hos meruit stipendijs, cum opportunitatem naviculâ ad Hispanum præsidium per Scaldim transfugiendi nactus, palam

lām & in conspectu totius exercitus, id supremā temeritate solus aggressus est; iterum tamen DEI protegentis auxilio, inter densam globorum grandinē, à tergo in fugientem exploforum, in portum incolumis deductus.

Hac rerum vertigine perfunctus, dum Bruxellas meliorum consilio proficiscitur, omnibus in via à latronibus despoliatus, iterum in ipsa Urbis porta, quasi praestolantem se Patronum invenit Anglum Catholicum, à quo veste, & in viaticum argento donatus, Romam iter instituit. Leodium perveniens, bonum rursus Angelum in Collegij Anglicani Societatis Jesu Janitore deprehendit, cujus hortatu peregrinandi propositum, in studia literarum resumenda postliminio convertit; profectusque cum commendatitijs ad Anglos Orthodoxos Gandavum, biennio illic in scholas humaniores incubuit, tam luculentis ingenij & Religionis eximiae indicijs, ut in Societatis deniq; Tyrocinium Watenis receptus sit. Hunc ille campum edomandae praeservidae indolis nactus, eò praecipitem suum genium Religioso deduxit dominatu, ut ab ipsa natura factus natus ad tranquillissimam malaciam videretur. Ab eo deinceps, usque ad susceptos sacerdotij ordines, tempore, tolerandis frigoribus, inedia, asperitatibus spontaneis, corpus ad graviore Angliae ærumnas durare studuit, nihil animo aliud volvens, quam vincula, patibula, eqvales, securēs, in causa Fidei subeundas. His illum cogitationibus animum ad quævis ardua praeparantem, excepit à Superioribus imposita Seminarii Audomarenensis praefectura, quæ illius mentem, ad vastiora & magis heroica hiantem, vehementer perculit. Quam ille refractariam animi repugnacis velut querelam & renutum advertens, sibi religiose indignatus, & rebelles Obedientiae spiritus pedibus Superioris substraturus, de genibus Reclori Collegij suam operam ad munus hoc, tam à se hactenus alienum, promptè in omnem omnino vitam addixit. Ratum habuit DEUS adeò luculentū de seipso sub jugū Obedientiae misso Petri trophæū; nam horæ non plus unius intervallo, à Praeposito Provinciae addifficilem in castris expeditionē destinatus, tantis eam suscepit & administravit animis, ut in promovendis rei Catholicae, & salutis proximi negotijs, nec acies aut obsidio, nec æstus aut frigora, nec dies aut nox, illi terrori, aut remoræ fuerint. Multi per septennium in hac laboriosa missione ab hæresi ad Ca-

tholica Ecclesiae castra per illum sunt redacti, multi ad tractanda utiliter militiæ Christi arma animati; donec Wintoniensis Marchionis accitū, castra Hispanica, cum campis Angliae Londinensibus commutavit.

Funeffissima per illud tempus Rei Catholicae in Anglia, sub violento Parlamenti dominatu, erat facies, revocatā novo Senatusconsulto, omnium hactenus à temporibus Henrici legum, in Catholicos diritate. Exhausti pecunijs omnibus, tandēq; domibus & possessionibus ejecti; domus ipsae spoliatae, quassatae, multorum etiam everse funditus. Honestissimæ, & avitæ nobilitate familiae, per sylvas & nemora vagantes, miserabili latitatione vitam anxie in cavernis & antris contegebant. Ut de ijs taceam, in quos fidelitatis erga decollatum Regem suspectos, toto Tyrannidis pondere exaggerata tempestas incubuit. Impleti Catholicis carceres omnes, & cum eorum multitudinem vincula amplius, & ergastulorum claustra non caperent, Tamefis pro custodia, & naves illi impositae carceres fuere optimorum hominum, in utroq; elemento vincitorum. Intermissi quidem deinde trimestris spatio ferrearum legum crudelitas, & quandam Catholicis inspirandi velut intercapedinem promittere videbatur, illis potissimum legibus abrogatis, quæ Catholicos ad templa, & liturgias hæreticas minaciter compellebant. Sed eò fortasse, ut sequentia mala docuerunt, quò securitate concessa liberius usi Catholici, certius deprehenderentur. Mox enim fidei datæ curā susque deque habitā, sævitiam ita instaurarunt, ut nullus, etiam primæ notæ Nobilium, & sagacissima vestigatorum indagatione securus esset. Domus nec una, nec semel, festis potissimum diebus, omiſsa, quam non violentā irruptione, pertinaci & accuratissimā pervestigatione, nocturnis etiam pervigilationibus, excussissent; quocetiam inopinatè incumbentis tempestatis imbre, P. Wrichtus involutus est.

Suboluerat venaticis illis Parlamenti, ex sanguine Catholicorum viventibus, latere quidpiam in domo Marchionis Wintoniensis prædæ idoneum, & in omnem idcirco occasionem insidiosè intenti, tempus duntaxat opperiebantur, quò certius irretitus Mysta teneretur, ne evaderet. Imminebat Purificatae Deiparae festus dies, cui pro eximia sua in Virginem devotione celebrando, Marchio cum P. Petro augustiorē apparitionem adornaverat. Cum ipso festo sagaciter praesenti occasionī imminens exploratorum globus,

bus, improvisò irrupit, tum penitus, cum Pater Sacrificio proximus, in sacello præparabatur. Et fuisset omnino in flagranti deprehensus, nisi ascensum rectis per gradus itineribus, magnâ locorum gnaritate, urgentibus apparitoribus, occurrisset Marchio, auctoritate suâ tantisper eisdem remoratus, dum Pater tempestivitate hâc usus, securis latebris conderetur. Repertum in Sacello Breviarium, facer apparatus, aqua & vinum in ampullis, indicia fuere præsentis sacerdotis certissima, & relicta patens fenestra quâ eruperat, viam insuper fugæ, nec procul absentis latebras denotavit. Per hanc puer, velut angulis penetrandis aptior catulus, venatum emissus, optatò Patrem deprehensum in retia vinculorum impulit. Fama tulit, puerum hunc Judæ sorte, proditorem Patris infami deinde laqueo luisse. Illud certum, vitam à Patris nece morte acerbiorē, inter perpetuas malè consciæ mentis diras vixisse, fasiumque de seipso cuidam Catholico, nihil se quietis in hac luce reperire, sperareque amplius, nisi à morte strangulatu voluntario accersitâ. Paucis ante comprehensionem diebus, præ quàm aliàs impensiorē animo suo æstimationem felicitatis eorum ingeri sentiebat P. Wrichtus, quos eo privilegio dignaretur Deus, ut pro nomine JESU digni haberentur contumeliam, carceres, & mortem pati; quo etiam de argumento geminas extremo illo tempore conciones conscripsit, plenas spiritu & nervo, quarum nempe cathedra postea patibulum fuit, & vitæ epilogus dictorum confirmatio.

Conjectus posthæc est, velut de sacerdotio suspectus, in carcerem novæ portæ, ubi jam quinque alij attinebantur fontes ejusdem criminis; ex quo certissimâ spe præconcipiens, non aliò quàm ad patibulum se educendum, universæ primò omnium vitæ noxas apud unum è captivis sacerdotibus recensuit. Nullâ molestiâ longo tempore illic affectus, nullâ quæstione tentatus, aut ad tribunal judiciorum adductus fuit, sperantibus justitiæ Britannicæ ministris, Catholicos ingenti lytro Patris libertatem redempturos: quâ etiam spe dissimulantes ferebant carcerem à Catholicis turmatim frequentari, à quorum piè affluentium quotidianis cætibz illa facinororum aliquando custodia, in penitentium, & sacris divinæ mensæ accumbentium sacrarium, auro emptâ apparitorum negligentia, transijt. Tandem ubi P. Wrichtus hæreticorum sordes, & in exaggerando semper suæ libertatis lytro cupidita-

tem indignatus, nullam de se amplius cum illis fieri pactionem voluit, de tollendo serio è vivis deliberatum fuit. Evocatur igitur Londinum Thomas Gagij infamis & scelestissimus, ex Sacerrimo Prædicatorum Ordine Apostata, ejus ipsius Henrici Gagij Equitis Aurati, ex prima Angliæ Nobilitate frater, cui à confessionibus P. Wrichtus in Hispanica militia partem exercitiis ducenti, diu fuerat. Hic Thomas cùm familiariter Patrem in Belgio, adhuc Ecclesiæ & Ordini fidus, novisset, tanquam sacerdotij ejus apprimè gnarus, in testem adversus illum subornatus est. Neque scelestus transfuga, mercede prodicionis illectus, conditionem abnuit, sed veluti tot jam antea sacerdotum sanguine prodicionibus suis effuso irritatus, venenatam in P. Wrichtum linguam præ alijs exacuit. Tres præter Thomam constitere adversus Patrem Wrichtum accusatores, ij scilicet, qui in comprehensione liçtorum munus obierant: quibus nil aliud ad evincendum sacerdotium afferentibus, quàm vestigia, & quædam indicia illius in Sacello Marchionis deprehensa; exorsus post illos Thomas, toto horæ dimidio accusationem suam pertexit, nominatis locis, in quibus cum sacra fecisse; personis, quibus Sacramenta impertivisse sæpius vidit. Noluit Pater inficiari, quæ verè de suo sacerdotio à proditore dicebantur, gratulari sortem, & intimas DEO grates referre se dixit, quòd non ut homicida, neque ut fur, neque maledicus, vel alterius criminis reus, sed solius Catholicæ Religionis, ad tribunal productus esset. Cæterum judicandi & de se statuendi partes, Patriæ & Duodecimviris permittere.

Parantem secedere interpellans Tribunalis Præses, *noveris*, inquit, *Domine mi, te non Religionis causâ judicari & pati, sed quia ex Angliâ transmarinū itineribus egressus, foris Pipistrici Ordinis cerimonijs initiatus sacerdos, in Angliam redux, populi seductor, eandem Fidem Anglijs persuadere conatus es. Hoc ipsum, respondit Pater, cominus mihi est cum omnibus Apostolis, Martyribus, quippe in quos eadem à Nerone, Domitiano, aliisque Tyrannis jactata sunt. Atque ita nonnullis insuper ad defensionem Henrici Gagij, cujus defuncti nomen impudentissimè proscindebat Thomas, prolatis, secedens, & post horæ quadrantem revocatus, hanc sententiam accepit: *Ad carcerem, unde hic deductus es, remigrato, inde in locum supplicio destinatum pertrahitor; ibique donec semimortuus fueris suspensor, semimortuo viscera extrahuntur, caput amputatur, reliqua membra**

quatuor in partes divisa, in quatuor consuetis Urbis locis assignantur: & sic DEUS tui misereatur. Incredibilis se perfusum lætitiâ scribit ipse, optatissimo, & tot annis desideratissimo nuncio, sicut contentâ voce exclamavit: *Nunc ergo Omnipotens DEUS, sit sanctissimum Nomen tuum benedictum in æternum!* Nec plura locutus, injectis vinculis in carcerem reducit, post biduum ad furcam educendus. Cogebatur eo toto custodiæ tempore, eodem lecto cum pio sacerdote Domino Cheney, apud quem bis eisdem universæ vitæ noxas expiârat, decumbere, qui proinde de supremis ejus duabus ab accepta mortis sententia noctibus, ad Societatis Anglicanæ Provinciam scribens, ita loquitur: *Ab accepta mortis sententia quàm primum se ad quietem recipiebat (erant autem due omnino noctes) ac tunc adeo dormivit, quasi ex somno non suscitandus videri posset: adeoque jacuit immobilis, quasi exclusa penitus essent omnes illa tristiores imagines, quas depingere vicina mors in animo solet. Ad minimam antea commotionem, quin ad ipsam respirationem evigilare erat solitus; accepto autem fatali nuncio, alit̃ adeo sensus ei omnis erat sopitus, quasi ab omnium accessu esset remotissimus.* Penetravit se interim ad illum sacerdos è Societate, à Præfide Provinciæ submissus, qui cumulatis plenum gaudijs ita circumfluere deprehendit, ut præ dulcissimo lætitiæ Divinæ sensu, lacrymas vix teneret. Agebant interim pro redemptione tam chari capitis, Marchio, Orator Hispaniæ, & Catholici omnes; quorum conatus ille quàm ingratos haberet, unico verbo ad sacerdotem illum expressit: *Vanitas est. Non est enim mi Pater, non est ulla vita mea in hac mortalitate hætenus ac tunc pars, que tam suavi cordis incensione totum mihi animum supernè venientibus voluptatibus inundârit. Atque hoc à me R. P. Provinciali refer: non satis capere aut scire me, quomodo in hoc mortali corpore possim tantam lætitiâ ferre, aut majorem sperare, aut experiri.*

Nihil pene deinceps temporis vacuum Patri ab interpellatoribus Catholicis fuit, à prima luce usque ad tenebras multos expiâbat, etiam à totius vitæ noxis; alijs monita, consilia, solatia alijs, & supremas precationes impertiebat. Jamque nox ultima, quæ sacrum Pentecostes diem excipiebat, quæque ille repetitâ totius vitæ exomologesi prævenerat, adfuit, quâ post ardentissima colloquia, quietissimo somno ad usque horam quintam matutinam producto, supremum DEO sacrificium incredibili sensu animi obtulit, illam inprimis Cælestis in se

gratiæ prærogativam tenerrimè ponderans, quod ex octo ejusdem carceris sacerdotibus, & duobus quidem sacerdotij convictis, duobus etiam ad mortem condemnatis, ipse solus ad palmam evocaretur. Vix dimidium horæ effluerat, cum pulsari fores ad se evocandum arbitrat, priusquam compelleretur se proripiens, exclamavit: *Venio dulcis Jesu, Venio!* datoque sacris in carcere commilitonibus amplexu, magnâ hilaritate foras prodijt ad supplicij, varia ob crimina socios, quos sortem suam miserabili ejulatu deflentes, ipse totus lætitijs incedens, ad fidem veram nequicquam hortatus, mediâ horâ de divinis ore quodam Cælesti disseruit. Distribuerat biduo antè Pater in Catholicos memorix pignus sexcentas icones, nomine suo inscriptas, quarum unam Christi nascentis ingentis thesauri loco Matrona Nobilis à se æstimatam, omnibus domesticis biduo illo ostentabat, nemine, etiam post frequentatam imaginis & chyrographi considerationem, quidquam in ea notante. Dum verò die post tertio, qui Patri fatalis erat, imaginem eximit, ut coram ea Pater noster ac Ave Maria pro felici Patris agone recitet (rogaverat enim P. Wrichtus, ut hæc quotidie coram illa, in gratiarum actionem pro beneficio suæ pretiosæ mortis, Deo & Deiparæ diceret) advertit cruentus undique circa Patris nomen insperfas maculas, quas & alijs omnes, qui iconem prius intaminatam viderant, obstupentes, omen & indicium mortis pro Christo sanguineæ Patri oppetendæ legunt.

Compositum interim in cratè viminea, non ut aliàs solum verrente, sed rotis subjectis, ut expedite & suaviter procederet, incumbente, neque supinum in eam abjectum, sed supposito abundè stramine veluti sedentem, operto capite, & sericâ vittâ leniter manus ante pectus ligatum, plures equi ad patibulum, veluti in triumpho phaleris & tintinnabulis instructi, trahebant; sequentibus tribus alijs, quæ facinorosis plebeijs onerabantur, infamibus trahis, ac rhedis duabus, Nobilium aliquot latrocinij reorum, plenis. Quorum ejulatus mœstissimos, & desperato dolore marcidos vultus, cum Patris hilaritate amœnissimâ renidentibus oculis componentes pompæ spectatores, hunc triumphatoris, illos triumphum oborto collo sequentium captivorum imaginem referro dicebant. Ab ipso carcere, toto illo spatio, per duo milliaria Anglicana ad furcas usque porrecto, plateas, fenestras, tecta, campos,

cun-

conferti populi vis tanta inundaverat, quantum Londinum nunquam, nisi in dira nuper Caroli Angliæ Regis tragedia, vidisse meminit. Per quam tamen incredibili ardore ad traham usque irrumpentes Catholici, viri æquè ac femine nobiles, semel, iterum, ac tertio accurrebant; quidam etiam duodecim vires ad Patrem accessu implevit, Magnatū postulata ferendo, & locum ubi supremam ejus benedictionem præstolarentur, indicando. Accidebant autem omnes, ex illustrissimis etiam familijs, dejecti in genua, & manibus, vestiti, trahæ oscula lacrymabundi figebant, eâ voce usi, *Benedic Pater*: sic, ut cum alijs atque alijs accedentibus (id enim præter omnem superiorum temporum morem minime impediabant armati stipitatores) qui Patrem vehebat auriga progredi non posset, audiens toties eadem verba precationem poscentium ingeminari, ipse pro ijs factus intercessor identidem succubabat: *Benedic Pater*. Quibus ille omnibus lætabili oculorum perjurcundè rendentium alacritate satisfaciens, Cælestibus singulos solatijs aspergebat. Ubi verò ad Marchionis, in quibus comprehensus est, ades prætervehebatur, sublatus in Illustrissimos Cōnjuges, & totam qua cum tam sanctè versabatur familiam oculis (omnes enim in pergula foras è domo porrecta, vultum ejus opperiebantur) manus in altum, ità ut vinclæ erant, sustulit, & illis in genua publicè, inter solatij dolorisque simul lachrymas provolutis, formatà quantum potuit cruce supremum bene & vale dixit. Fuère quin adeò ex illustribus Matronæ quadam tam intrepidæ, ut ad traham penetrantes, unà cum Patre in vimineo illo & infami texto confiderent; quarum una hoc beneficii inde seretulisse grata memoravit, quòd tenebrosæ mentis inextricabile hæctenus experta tormentum, discussâ inde tenebrarum caligine, nunquam deinceps persenserit. Alia sericas fasciolas magno numero cōemptas, & raptim allatas, contactu ejus & cruce sacrari obtinuit, quæ in plures deinde distributæ, magno in pretio sunt habitæ.

Jam ad usque Tiburnum appulsi, infinito propè concursu secircumdedit multitudo, ut rhedæ ferè ducentæ, quingenti equites, hominum verò ad viginti millia putarentur adesse. Sed Patri illud omnium jucundissimum accidit, quòd sicut in carceris egressu vehiculo incubiturus, sacerdotem amicum manum porrigentem, unàque à peccatis absolventem habuit; ità hic è traha


surrecturo manum item inopinanter obtrulerit è Societate sacerdos, bajuli cultu cannabino vestitus, & funibus axillæ subjeclis ad portanda onera accinctus, atque is fidiissimus olim in Castrensi Missionis achates, P. Odoardus Lathomus, in accusatione sui à proditore Gagio nominatus. Ab hoc, raptim institutâ exomologesi, nemine id notante iterum expiatus est; nisi quòd ministri, ut nè morituro moras homo rusticus neceretur, baculi semel iterumque repetito ictu, tandem submoverunt. Quanquam præter hunc adfuère plures è Societate, in omnes patibuli partes dispersi sacerdotes, ut quocunque se obverteret, semper in notos & fraternos vultus incideret: quorum etiam unus ut melius notari posset, rhedæ adversus posticæ tornicem sive testum conscenderat, supremam ei, inter collabendum è subducto curru momento, absolutionem, accepto ut conventum erat indicio, collaturus. Quatuor Nobiles è trabe una, tres alij ex alia pependere; P. Petrus inter ultimæ sortis fures viros tres, totidemque feminas, in plauistro constitit. Quo loci & rerum articulo, cum varia de Fidei Catholicæ veritate, suæque felicitate disferentem, filere tandem compulsi sent ministrelli, unâ ferè horâ tacitus, oculis ac manibus in Cælum sublati, dum alij ad mortem impiam à ministris pararentur, in meditatione æternorum, animæque in manus DEI commendatione persistit. Omnibus dehinc è laqueis suis jam pendentibus, unus ipse in carro, collum ambiente, sed necdum alstringente fune circumdatus supererat; quem necis suæ causâ recensitâ, ardentioratione Catholicos ad fidem retinendam, hæreticos ad amplectendam exhortantem, ausus interpellare, & ad redimendam perfidiæ professionem vitam tentare Calvinî sacrificulus; illis Salvatoris verbis ab illo depulsus est: *Vade post me Sathana; scandalum mihi es, cui certum deliberatumque est pro Religione Catholica, si vel mille vite superessent, omnes libentissimè profunderè*. Jussus tandem ad mortem se comparare, ubi aliquamdiu in alta quasi contemplatione absorptus, omnium in se conversis oculis persistisset, subductus à pedibus carrus pendentem deseruit, 29. Maji, feriâ 2. Pentecostes, Anno 1651.

Quartâ ferè horæ parte expectatum fuit, dum eadem vultûs, quâ vivus pollebat honestissimæ venustatis amœnitate pendens, penitus expiraret; tum primum enim carnis exscissio fune, ac deinceps capite, corpus


pus exenteratum quadripartitâ divisione, discepsit, minimè prohibitis, ut aliàs solebat, Catholicis, quo minùs sudariola sanguine Patris intincta, & partes carniùm in reliquias auferrent. Quin adeò Mareschallus supplicio cum potestate præsidens, inexpectata, & hæcenus inaudita benevolentia concessit, ut si qui in conferta multitudine adefsent, quibus cum forti & nobili hocce viro sanguinis vel amicitie necessitudo intercederet, caput sibi & quatuor corporis partes ad sepulturæ honorem asportarent. Quas occissimè Catholici, nè quid fortè de concessio beneficio revocaretur, admoto curru impo-
sitas, securo loco, una cum corde flammis erepto, ad futuros honores, si hos ei quandoque à summa Sede decerni contingeret, condiderunt. Tantâ porrò odorum fragrantia locus, in quem illa pignora relata sunt, redoluit, ut faterentur omnes qui aderant, se per omnem hæcenus vitam talium odorum nihil unquam expertos, quales è pretio-

sis illis membris efflarentur, persuso iisdem non sinè ingenti stupore quodam etiam è Societate Viro, orationis omnis aliàs tantum non experte. Sed major Viri virtutum, quæ ab animo duntaxat percipiuntur, fuit fragrantia, quæ non in stuporem solum & commendationem invictæ fortitudinis pertraxit præcipuos etiam ex heterodoxis, verum etiam ad currendum in odorem unguentorum ejusdem fidei allexit. Inter quos præter Baronem unum, & Matronam diu contra stimulum calcitrantem, septemdecim fuere alij, qui sibi ad bonam mentem

stimulo & lumini P. Wrichti gloriosum fuisse obitum testati sunt,



P. HIEREMIAS FISCHER.

 Rumlovium Boëmiae Civitas, P. Hieremiæ Fischer patria fuit, probis atque apprimè devotis Parentibus in lucem edito, qui præter illum, quaternos alios liberos summâ voluntate DEO in Societate sacraverunt. Ab infantia doctus ab illis verbo & exemplo timere Deum, amorem simul tenerimum erga Deiparam, quam Matris amantissimâ loco semper habuit, animo combibit: eumque maximis deinde in Cætu Mariano, ac demum in Societate, incrementis auctum, filiali in ejus patrocini-
um fiducia ita fovit, ut in necessitatibus suis certum sibi apud eam statueret perfugium. Grassabatur A. 1623. Græcij, Styriae Urbe, pestilentia, & cum Civibus, Societatis etiam Collegium, ubi tunc Hieremias studiis operam dabat, invaserat. Primos inter afflatus est ipse venenato mortis halitu, magno Sociorum dolore, quibus ob singularem morum suavitatem, & innocentem vitæ simplicitatem, erat acceptissimus. Simul atque ictum se malo Hieremias sensit, posthabitis humanis remedijs omnibus, totam in Deiparæ auxilio spem defixit, atque illico ad expertam toties in adversis suis opem confugit. Ceperant eâ tempestate, Societatis operâ, magnopere per

Austriam celebrari, fierique in pretio fidelibus lapilli quidam, Fojenses agnominati, eò quòd reperti in agro, haud procul Dionanto in Eburonibus, in quo B. V. à Foya, hoc est à Fide, imago, magnâ convenientium undique populorum celebritate colitur, contra ferè omnia morborum & malorum genera, præfens asserre solent remedium. Hunc ergo Marianum lapillum, plenus bonæ confessionis, pestilenti admoveat carbunculo, eaque religiose invocata, nullo alio applicito remedio, mirum dictu, inopinatè convalescit. Eo beneficio magis in vindicem suæ salutis amore ac studio accensus, nunquam ex illo destitit eam singulari cultu & observantiâ prosequi. Secundum perducta ad præfinitam sibi metam doctrinarum studia, varijs Sacerdotum munijs & perfusionibus applicatus est: in quibus cum Superiorum expectationi, magno semper animarum proventu, respondisset, Collegij Pragensis Minister constitutus fuit, & munus illud, in paucis difficile & anxium, mirâ charitate fortitudini permixtâ, annos aliquot cum laude prudentiæ obtinuit. Inde ad Glogovienis in Silesia Collegij, nuper Saxonici belli turbine dissipati eversique, instaurationem, cum potestate Rectoris destinatus, copiosam laboris & industriæ sege-

tem,



P. Hieremias Fischer Bœmus Crumloviensis Soc. IESU, ab Hæreticis necatus in Silesia Anno 1634. die 23. May.

tem, cum inclytæ mortis corona insperatò invenit. Cujus certam se accepisse prænotionem, Olomucio Glogoviam proficiscens, fido ac familiari Amico è nostris aperuit. Habuisse nimirum olim se in propinqua amicitie parte, atque in studio pietatis, præsertim erga Beatissimam DEI Matrem, Socium & Sodalem unum quempiam item è nostris, quem post fata sibi factum conspicuum monuisse, sibi quidem bene jam penes Sanctissimam Matrem, ac beatè esse, ipsum quoque eodem venturum propediem, sed vià haud paulùm duriorè. Ex quâ denunciatione non dubitanter asseverabat in digressu, casum iri se quapiam in sylva: perinde ac si & genus mortis, & locum, & tempus, certà notione

accepisset; quamvis pæcæ domi militiæque tunc essent res, neque præsentaneè quidquam periculi appareret. Saxonie Dux Septemvir Elector Imperij, nuper Gustavo Adolpho Suecorum Regi fœderatus adversùs Ferdinandum II. Cæsarem Augustum, propter jussa restitui Catholicis ea Sacerdotia, facultatèsque Ecclesiasticas, quas inde usque à Passaviensi Conventu per vim invaserant alienæ Fidei Principes, & usque adhuc obtinebant; quamvis casò nuper Sueco, ejulce belli reliquias prosequeretur, & alternante, ut solet, fortunà, copias suas in Provincias Cæsaris nunc immittebat, nunc revocabat. Anno 1634. rursus infesta in Silesiam signa intulit, & nonnullæ Cæsareis copiis ad Lignitium allatà clade,

ad circumfidendam Glogoviam castra promovit. Urbs haud valde communita operibus, & pene destituta militari praesidio, ac insuper vicina bellôque immunis Polonia, fugam aut receptum persuasere, non expectata obsidione, Canonicis cum Clero, Religiosis utriusque sexûs, & multis Civium. P. Hieremias Collegij Rector dimissis in Poloniam Socijs, extrema opperiri cum duobus alijs constituit, neque nisi extremo adigeretur periculo, Urbe decedere. Igitur ubi è mœnibus hostilis miles conspectus est, & intus ad arma conclamari cœptum, trepidari, discurre, tum demum minimè sibi cunctandum ratus, abitzum accelerat, præterfluentem Oderam, cujus interjectu prohibitum iri militarem injuriam crederet, transmittit, & in finitimam Poloniam iter intendit. Jamque alterum ab Urbe militare promoverat in sylvam, cujus arborum densitate & umbrâ tectus, in tuto se propè jam versari rebatur, proximè limitem Poloniæ constitutus. Cum ecce improvisi duo adequitant citato gradu, quorum alter antevolans, *hem Jesuita, Jesuita*, inclamat, nomen scilicet nefarijs id genus hæreticis hominibus exosum, & multò pessimè execratum. Præiverat aliquanto intervallo cum Civibus Urbe profugis Frater Coadjutor, neque jam, arboribus occultatus, conspici poterat: Rectorem ponè sequebatur alter Sacerdos, quem miles priorem aggressus, minorem sclopus in caput ejusdem exonerat, trajecturus plumbo tempora, nî Patet inclinatione capitis ictum devitasset. Mox incitato in Rectorem equo, rebus omni-

bus unâ cum veste despoliat, nixumque humi genibus, & diloricato in vulnus thorace offerentem se morti, & SS. JESU ac MARIE nomina appellantem, glande secundum cor transverberat, neque quidquam locutum, ampliùs, uno ictu sternit exanimem, Socius Sacerdos certam pro vita pecuniam depauctus, captivus ab illis dum abducitur, abundè ex ipsorummet ore causam illatæ Rectori necis accepit, inveteratum videlicet in Jesuitarum universum nomen odium, quod non solum Papistæ, scelesti nebulones, sed & Jesuitæ essent, extirpando Lutheri Evangelio jurati hostes: ex quo solo, cum despoliatis viatoribus alijs parcerent, his insuper vitam ipsam implacabiliter ereptum primariò ibant. Unde & exprobrabant captivo Sacerdoti Religionem suam, quæ excindendæ Lutheri sectæ unicè incumberet; *Eccur, inquebant, vos mortuum excoissimè Jesuita, sic ubique gentium Sacerdotes nostros Evangelicos insectamini, fugatis, proditis, perditis? & miramini, cum vobis vicissim eadem à nobis eveniunt.* Corpus cæsi Rectoris jussu Glogoviensis Abbatiæ in vicino pago Cursdorff honorificè tumulatum est eo in Templi loco, quem ipsa sibi Antistita, si fortè extorris Glogoviâ obiret, delegerat. Percussorem ultio divina non longo intervallo secuta est: nam post mensem ferè sextum triviali in duello, simili glandis plumbeæ secundum pectus ictu, miserè stratus est. Occubuit P. Hieremias A. 1634. 23, Maij ætatis 36.





P. Joannes Vorthingtonus Anglus Soc. IESV. inter arumnosi Carceris aequal:
lores odio Catholica Religione extinctus in Anglia 25. Januarij. A. 1652.

C. S. d

M. K. f.

P. JOANNES VORTHINGTONUS.

Veteranus hic in exercitu Christi ad subjugandos illi Anglorum animos Miles, totis 46. annis in Regno Britanniae Apostolicis laboribus insudavit. Facile hinc cogitatu est, quibus ærumnis & periculis, quantis in summa temporum difficultate calamitatibus exerceri necessum fuerit hominem, vitæ quidem & sanguinis pro salute animarum prodigum, eâ tamen circumspectionis cautela in eorum procurratione occupatum, ut tot annos odoram venaticorum canum vim, omnes Regni angulos sagacissimâ vestigatione lustrantium, frustraretur. Latendum videlicet sæpius

cum Athanasio velut sepulto erat in desertis terræ scrobibus & cisternis, cum Felice inter ruinas domuum parietinas, conflictandum cum fame & siti, frigore & egestate: donec ex intervallo majore iterum animo erumpens in publicum, non tantum in Fidei constantia Catholicos roboraret, lapsos in hæresim Ecclesiæ restitueret, sed præfidentes etiam errorum duces ac magistros certaminibus lacefferet. Et quia singulari in his omnibus enituit prudentia, ob morum suavitatem etiam heterodoxis acceptissimus, præpositus tandem fuit regendis in Anglia socijs. Quod munus cum aliquamdiu plenâ omnium satisfactione, eximioque

mióque hinc redundante in Catholicorum commoda fructu, administrasset, incidit tandem in adversariorum casses, diuturni laboris præmia, ex gloriosa pro Christo morte recepturus. Graves omnino plurium annorum ærumnoso inclusus carcere perculit calamitates, varijs interim & periculosis agitatus quæstionibus, de juramenti fidelitatis æquitate, de suis in Anglia in tam longa commoratione gestis, aliisque, ex quibus mors illi specioso justitiæ titulo consilisci posset. Quibus non facile dictu est, quanto ingenio satisfecerit, quàm dextrè captiones, & periculi plena interrogata eluserit, quàm circumspicè cautèque in omnibus se gesserit. Jusjurandum tamen fidelitatis constanti semper animo damnavit, mille mortibus necandum potiùs corpus, discerpendum supplicijs offerens, quàm ut rem adeò nefandam & execrandam nedum admitteret ipse, sed vel ullà ratione probaret. Cujus tam animosæ confessionis dum solitam à manu carnificis mercedem desideratissimæ mortis expectat, hanc à diuturnis ergastuli calamitatibus conscitam, tantò majore merito, quantò produtioris supplicio feliciter obiit in vinculis 25. Januarij A. 1652.

Quàm felix autem fuerit invidendæ illius mortis causa, ex iniquitate sceleratissimi jurisjurandi, quod illis annis Catholicis omnibus totâ Britannia à Parlamento propositum, & ab ipso constanter damnatum fuit, conjice. Cujus quantò apertior supra juramentum fidelitatis ab Elisabetha & Jacobo editum fuit impietas, tantò clarior

mortis illius ob ejus contemptum illatæ patet gloria. Ita enim formula Sacramenti Elisabethæ sonabat: Ego NN: prorsus testificor & declaro in Conscientiis mea, Reginam esse solam supremam Gubernatricem, & istius Regni Angliæ, & aliorum omnium suar Majestatis ditionum & Regnorum, non minùs in omnibus Spiritualibus atque Ecclesiasticis rebus & causis, quàm temporalibus. Et quod nemo externus Princeps, Persona, Prælati, Status vel Potentatus, aut facti, aut jure habet aliquam jurisdictionem, potestatem, superioritatem, præminentiam, vel auctoritatem Ecclesiasticam, aut spirituales in hoc Regno. Ideoque planè renuncio, & repudio omnes externas jurisdictiones, potestates, superioritates, atque auctoritates. Sed execrabilior juramenti Parlamentarij forma ita habet. Ego NN. abjuro, & renuncio Papæ suprematum & auctoritatem super Catholicam Ecclesiam in generali, & super meipsum in particulari: & fide teneo nullam esse transubstantiationem in Sacramento Cene Domini, aut in elementis panis & vini post consecrationem eorundem, per quamcunque personam. Et eadem fide teneo, non esse purgatorium: & hostiam consecratam, Crucifixos, aut imagines non debere coli, & nullum cultum esse jis debitum. Item credo salutem non posse mereri per opera: & omnes doctrinas in affirmationem dictorum punctorum abjuro, & renuncio sine ulla evasione, mentali reservatione, aut secreta evasione, quacunque sumens verba à me dicta juxta communem & usuales sensum eorundem. Ita me Deus adjuvet.





C. Soretta del.

Melchior Knechtel f.

SOCIETAS JESU AFRICANA.



AFRICA altera Orbis portio, ab Septentrione in Meridiem latissimo tractu graduum septuaginta porrigitur, sic, ut ferè quinque & triginta à Gaditano freto ad Æquatorem, totidem inde ad Bonæ spei Promontorium, ultimum ab Austro limitem, numerentur. Media Africæ longitudo Æquatori, Zonæque torridæ subest, quam falsò Antiquitas opinabatur exultam penitus, inhabitabilem, & imperviam esse: sed ab Henrico Ordinis Equitum Christi Magistro, sub auspicijs Joannis I. Lusitanæ Regis, Orbi nostro, & Societatis JESU operarijs aperta, magno deinceps labore ad Christianam Religionem exculta fuit. Maximâ quidem sui parte Mahometis impiæ superstitioni dedita est, Turcæ, aliorumque Mahometanorum Principum Dominatui subjecta: numerat tamen amplissima quædam Regna, & in his præcipuè totum Imperium Abissinum, sive Æthyopiæ, Christo initiatum; Schismate tamen Græco, aliisque Orientalium hæresibus ità pertinaciter addicta, ut nullis hætenus Sociorum laboribus, sanguineo conatu, ad Ecclesiam Catholicam integrè traduci potuerint. Pauculæ quædam Regiones Idolorum cultui addictæ, eæque recipiendo Christi semini aptiores, numerantur. Inde nulla pars Orbis sterilem magis se agrum Evangelico fatui exhibuit, in qua ne unum quidem Regnum, præter Insulas complures Hispanæ Monarchiæ subjectas, censetur, integrè & Catholicè palàm Christo addictum. Neque id mirum: siquidem insana illa sævissimi Mahometi Lex, omnem ne dicam suasionem, sed mentionem ipsam Christianæ Legis ab auribus sectatorum suorum tam procul amovet, quàm propinquum interitum omnibus hujus Prædicatoribus decernit: Lege mortis, etiam à filio parenti inferendæ, sancitâ in eum, qui verbum in Mahometem, ejusve legem ignominiosum proferre attentârit. Ut proinde meræ temeritatis, nec ullius emolumenti (præterquam certæ necis, hæc methodo quæri concessæ) opus aggressurus sit, quisquis suadere Christum, aut eximere Mahometem illis voluerit. Solâ idcirco ferè eâ messe solantibus se, per ditiorum Turcicarum missiones, Socijs, quâ mercimonijs, aut captivitate detentos ibi Catholicos, in avitæ Religionis constantia retinere fatagunt. Adde, quòd neque Religionis cujuspiam cultori, ad aliam quamcunque à nativa sua diversam, præterquam Mahometanam, transire concessum sit: le-

ge vivicomburij latâ, nisi vel ad Fidem pristinam parentum redeat, vel capeſſat Mahometanam. Expertus id est P. Joannes Elianus noster, Mëmphi in Ægypto Catholicos procurans, qui à parentibus Judæis prodijſſe deprehenſus, juſſus eſt ab Urbis Præfecto ſive Thalmud, ſive Alcoranum amplecti; vivus alioqui cremandus, niſi Italicorum Inſtitorum charitas eum in tempore diſcrimini ſubduxiſſet. Socius hic adjunctus erat P. Chriſtophoro Rodericio, quem Pius 4. Nuncij Apoſtolicæ titulo in Ægyptum ad Cophtorum Patriarcham legârat, magnis illic laboribus fruſtra perfunctum, ut Nationem illam Græci ſchiſmatis Catholicæ unitati reſtitueret.

Ceterum nihil intentatum reliquit Societas, quo duriffimum hoc novale omnibus viribus ſubigeret, ſparſâ per omnes omnino Africæ Regiones & Regna, vario quàm maximè proventu, Divini verbi ſemente. Tingi Regnum, ad extremam Mauritaniam oram ſitum, primus excoluit è Societate A. 1548. Joannes Nunnius, & Ludovicus Conſalvius, qui Septam Urbem delati, ſpatio dierum 15. id profecerunt, ut cives, qui pravitatem morum Saracenos ipſos ſuperabant, Religioſis viderentur (ita ad Regem Luſitaniam ſcribebat Urbis Gubernator) æquari poſſe. In Regnum Congi, quod inter Heſperios Æthyopas ab ipſo propè Æquatore exoriens, inque meridiem porrectum, in mediterranea quoque introrſum latè recedit, miſſus cum duobus focijs Georgius Vaſius, ſpatio quinque menſium ſupra quinque hominum millia Chriſto adjunxit, alijs ſubinde Sociorum operis, poſtquam ipſe laboribus immortalis eſt, ſubmiſſis.

Vaſtiſſimum autem inter omnia Imperium eſt Abyſſinæ, quod Preteſſannes, vulgò Preſbyter Joannes (nomen eſt illic omnibus Regibus commune, Cæſaris appellationi æquivalens) toti Æthyopiæ imperans moderatur, cujus à ſchiſmate Græco ad Catholicam Eccleſiam traducendi deſiderio incitatus Julius 3. Pont. Max. aliique deinceps ſucceſſores, præterquam plurimas de Societate illuc tranſmiſſas operas, tres delegârunt cum ampliffima Patriarchatûs Æthyopici dignitate, aliôſque Epiſcopatûs Nicæni Inſulis ornatos viros: & quidem quod mirere, ipſo volente, qui alioqui ſpeciali voto honoribus Eccleſiaſticis omnibus januam in Societate præcluſerat, S. Ignatio, & tergiverſantes ad tanta dignitatum nomina Socios, præcepto S. Obedientiæ urgente; quæ nimirum videbat ſub mero nominis ſplendore, nihil præterea niſi ingentes ærumnas, & labores illis allatura. Primus ex his Joannes Nunnius, in ipſo adeundæ Æthiopie conatu Patriarchatu demortuus, ſucceſſorem habuit Andream Oviedum, quotidie, ut ſic dicam, pro Chriſto morientem: qui poſt 6. menſium horridos carceres, ab ipſo Imperatore Sequedo ferro appetitus, ſed Regine interventu ſervatus, ne commiſſam ſibi, licet quotidie mortem intermineretur, deſertiſſimam Eccleſiam relinqueret, aratro & boum curâ, vitam ad uſque mortem ſuſtentavit, quam ibi oppetiit A. 1580. die SS. Petro & Paulo ſacrâ, multis miraculis

culis ante & post mortem à DEO illustratus. Hos in eadem Patriarchali Sede tertius è Societate P. Alphonsus Mendez secutus, præter ipsum Imperatorem Sultanum Sequedum Ecclesiæ adjunctum, supra centum millia Æthiopum, unius anni 1628. spatio, à schismate traduxit. Jam verò Melchior Carnerius Nicææ primùm Episcopus, & Oviedi in Patriarchatu Coadjutor, cum utiliùs alibi operam locaturus speraretur, primus Sinarum & Japoniæ Regnis datus est à Pio V. Episcopus; cujus in Nicæna Cathedra successor P. Apollinaris de Almeida, post 8. annorum in Abyssina labores Apostolicos, suo eandem sanguine rigavit. Nec destitère cæpta ardua deinceps Socij prosequi, præsentissimis vitæ periculis animas obiectando; quibus complures eorum, dum Æthyopes Christo lucrari pergunt, involuti, in prædam Turcis cessère, atque in acerbissimam captivitatem venditi, longam mortem in vinculis & ærumnis traxère.

In amplissimo Angolæ Regno, cui proprium Guineæ nomen est, Fidem Christi feliciter A. 1560. plantare incepit P. Franciscus Goveanus, laboribus ibidem suis immortalis: cujus initia profecuti Socij, Regem Banzæ cum filio natu majore, multisque Proceribus idololatri Baptismo abluerunt A. 1581. donec authore P. Balthasare Barreyrà, parta Hispanis inter paucas memorabilis, & plena prodigijs victoria, totum pene Angolæ Imperium ad Fidem Christi inclinavit. Amplissimum post Abyssinam Regnum censetur Monomotapiæ 800. in circuitum leucas patens, in cuius ingressu P. Gonsalvus Sylveria, post Cafres omnium Æthyopum nigerrimos Christianâ Fide exultos, & Tongi Regem baptisatum, Regemque Inhamioris cum Regina & octo prolibus ad eadem Sacra inductum; ipsum denique magnum Monomotapiæ Imperatorem, & complurium Regnorum Dominum, cum plurimis Satraparum Sacro fonte abluit; Mahometanorum tamen paulò post artibus ab eodem Rege crudeli nece pro Christo extinctus A. 1561.

Memorabilis etiam fuit baptismus Regis Mocumbæ, qui cum veritatem Fidei agnitam profiteri, carnalium deliciarum spinis irretitus, tergiversaretur, immedicabili à DEO ægritudine prostratus est; ast ubi primùm P. Balthasari Barreyrà, iteratò baptismum suadenti, manus dedit, prodigiosè mox revalescens, Idola omnia comminui præcepit, atque è grege Uxorum, quem Patriâ licentiâ numerosum alebat, unam selegit, cum qua Sacro fonte simul renatus, legitimum Christiano ritu Sacri Conjugij fœdus inivit, aliisque dimissis omnibus, multos suorum magnitudine exempli ad Baptismum pertraxit. Nullius tamen ex Africæ Regibus conversio plus admirabilitatis habuit, quàm Regis Fessæ & Marocchi, qui à Melitenfium interceptus classe, & Beatissimæ Virginis monitu factus Christianus, Religiosum tandem etiam statum in Soc. JESU ample-

xus est. In cujus ingressu Balthazaris de Loyola assumpto nomine, posteaquam Sacerdotio initiatus est, adeò præclara Virtutum Zelique Apostolici Romæ præbuit specimina, ut ad populares suos, aliósque Africæ & Mogoris populos Christo conciliandos dimissus sit. Verùm ipso in itinere ærumnis navigationis maritimæ confectus, primos Apostolicæ Missionis conatus gloriosâ morte coronavit, A. 1668.

His accedunt Insulæ Canariæ, Tertiæ, Madagascar, Mozambicum, quæ partim Lusitanorum, partim Hispanorum armis domitæ, Christo etiâ laboribus Sociorum maxima ex parte sunt subjugatæ. Deniq; nulla etiâ Turcarum Monarchiæ subest Regio & Provincia, in quam sese conatus Societatis non porrexerint, partim in missionibus & legationibus temporarijs per omnes ejus oras, auctoritate Sedis Apostolicæ, susceptis, partim in sedibus fixis, sparsos ubique magno numero Christianos captivos, mercatores, Sacramentis & concionibus procurando, solando, confirmando, & Schismaticos lapsosque ad unitatem Catholicæ Ecclesiæ reducendo. Horum alij Mesopotamiam, Libyam, Illyricum, Cretam, Chamos, Istriam, Arabiam, Regna Tunis, Marrocho, Algeri, Bañagasso, identidem peragrârunt; alij ad omnes ferè Græcorum Schismatis Patriarchas, Archimandritas, Alexandrinum, Melchitarum, Jacobitarum, ac sæpius Cophthorum sese penetrantes, ut ab erroribus eosdem abducerent, sæpius ingentia discrimina, captivitatem, deprædationes, vincula Turcarum & carceres experti sunt. Ex quibus eos solùm jam describemus, quibus funes ceciderunt in præclaris, & hæreditas præclara obtigit Martyrij: dum veluti in Crudelitatis theatro leonibus Africanis & bestiis expositi, usque ad mortem decertârunt, tantùm ut Christo fruerentur. Tu interim benevole Lector funiculis ijsdem, & vinculis Charitatis in DEUM trahi te sine, si non usque ad mortem & supplicia, certè usque ad gladij illius ancipitis penetrationem, qui *pertingat ad divisionem animi & spiritûs, compagum quoque ac medullarum*

Hebr. 4. cujus acie mortificato in te homine carnali, sola DEO vivat Anima, usque ad mortem certans pro
Justitia. Eccli. 4.





P. Gonsalvus Sylveria Comitum prosapiâ natus in Lusitania Soc. IESV.
 assu Regis Manovstapæ pro Christo strangulatus. A. 1561. 18 Martyr.

C. Severus.

M. Kiesel.

P. GONSALVUS SYLVERIA.

Ndomitis Africæ leonibus, scædâ Mahometi lege in tygridum sævitiam insuper efferatis, sub mite Christi jugum mittendis, destinatus à DEO Gonsalvus, antequam de utero matris exiret, cæcitatem crudelis gentis deplorare videri potuit, tertio ante ortum die matris viscera vagitibus & fletu implere auditis. Natus est in Lusitania Illustrissimis parentibus, Ludovico Sylveria Sorteliæ Comite, Regiæ Custodiæ Præfecto: & Beatrice Noroniâ Lusitanix Mareschalli filiâ, A. 1526. 23. Febr. cui ipse liberorum decimus nascendo vitam ademitt, A puero durissimæ vitæ genus auspicatus,

vinum ad mortem usque libavit extra Sacrificium nunquam, in miseros benignissimè affectus, quibus jam tum stipem ab alijs corrogabat, & ipse ad ægros & pauperes deferrebat. Nullum per omnem vitam à veritate dissonum verbum, ne quidem per jocum, protulisse notatus est, etiam cum plagis & castigationi apud Pedagogum redimendæ, illud necessarium videretur. Ad condiscendam Grammaticam in Cænobium PP. Franciscanorum cum famulo datus, eorum exemplo magnam partem noctis vigilare, & reliquum noctis vestitus dormire consuevit: donec Conimbricæ altioribus studijs incumbens, Societati, tunc primùm Conimbricam à Joan-

à Joanne 3. Lusitanæ Rege introductæ, nomen dedit; quantâ animi ad Crucem Domini ferendam resignatione, optimè explicuit ejus in Tyrocinio Magister P. Jacobus Miro, ita ad S. Ignatium scribens. *Hic nobiscum Procerum unus, cui nomen Gonsalvus Sylveria, Societatem iniit rectâ admodum mente, eoque solum permotus studio, ut DEUM quærat, & omnia pro ejus amore contemnat. Adulescens, est alio gravique judicio, ad magna factus. Ad æternarum veritatum perceptionem ac sensum venit; & vigilantia est opus, in moderanda nimia in se ipsum asperitate. Res est exempli præclari, quomodo se gerat, intueri. Etenim qui nuper tribus famulis, Magistrisque morum viro gravi stipatus incedebat, eum jam in culina, aliisque domesticis operibus videre, velut quisquilis abjicientem se, quâvisque ex animo ea faceret, res est profectò, unde Deus meritò magnopere laudetur. Ingens in Aula extitit motus ejus causâ, & propinqui qui sunt magna dignitatis persona, strenuè dimicarunt; sed ejus bene fundata constantia, & fortitudo, tum illis, tum etiam nobis pro miraculo est. Post Tyrocinijs biennium, in quo continuis pene jejunijs, vigilijs, flagellationibus, omnes pravas affectiones radicitus evellere studuit, communibus votis editis, addidit ipse hæc tria infusæ propria, 1. Nunquam se directè vel indirectè, ne dissimulante quidem, in Regulis Societatis relaxationem quæsiturum. 2. Nihil unquam pro Spiritualis perfectione munere, ne stipis quidem accepturum. 3. Nunquam se Societatem voluntariè, ac ne ejectum quidem, rationem vite ejus deserturum. Atque ex eo tempore in sui depressionem unice incumbens, hoc in genere ea præstitit, ut admirationi potius, quàm imitationi proponi posse videantur. Nam & supercilia sibi abrafit aliquando, ut deformis evaderet; & amentiam simulavit, ut despicatui duceretur; & domestica Æthyopum mancipia, instar mediastini lectos eorum sternendo, cibos parando, & eisdem ministrando procuravit. Obtinuerant Ulyssipone à Regina Gonsalvi consobrinæ, ut sæpius ille præ alijs ad Aulam acciretur, doctrinam Christianam Gynecæo explicaturus: quâ molestiâ ut se liberaret, institit aulicos mores, & exquisitum faminarum cultum acerbè perstringere, ipsas nunc compta cadavera, nunc adopena tape-
tibus sterquiliniâ vocitans: sed cum nil efficeret, Davidem imitari, & stulticiam, in eorum alloquio, toto vultu & gestu simulare instituit; salivâ etiam fædè per mentum defluere permisit. Verùm arte deprehensâ,*

unde contemptum quæsit, majorem nactus est æstimationem & venerationem. Ad hæc eousque vestes fordescere permisit, ut prognatæ bestiolæ visu morsuque graves catervatim proreperent, non sinè intuentium nausea. De quo monitus aliquando ab Archi-Episcopo Conimbricæ, & Jacobo Comite germano suo, respondit, se eas Comitatu ipsius longè præferre. Sæpe probibat in publicum lacerâ veste sinè pallio, ostiatim victum mendicans; sæpe lateres & cæmentum ad structuram Collegij humeris vectabat, vel etiam asellum per mediam Urbem ad flumen præ se agebat, revecturus inde arenam. Quo in obsequio aliquando Comes Alvarus frater ipsi obvius, cum præ pudore vultum averteret, ipse tantò magis voce & virgâ jumentum incitabat. Cui etiam aliàs in illustri & splendido comitatu pergenti factus in publico foro obvius, ut pompam illam suâ humilitate damnavet, medium perlutum incescit, seque totum cæno infecit. Et quia corpus fractum laboribus & inediâ ita tractabat, ut perire tantum non sineret, lethalem inde morbum contraxit: ex quo tamen unico Simonis Rodericij, unius ex primis S. Ignatij Socij, Sacrificio, confestim valetudini restitutus est.

Sacerdotio initiatus, totum se ad rem Christianam inter agricolas promovendam convertit, etiam tum, cum Theologici Doctoratus honore insignitus fuit; itinera omnia non nisi pedes conficere, & solo plerumque pane & aquâ esuriem pellere solitus. Hunc autem prius semper quàm concionaretur, ostiatim per casas paganorum emendicabat, ne per concionem agnitus, liberalius fortè donaretur. Unde etiam non alibi precario victum quærebat, quàm apud eos, quos sciebat præ tenuitate aliud, quàm panis particulam, aut juris modicum non posse largiri. Si se mensæ alicujus invitantis negare non poterat, corrogatum panem promebat è pera, & eo solo, vel si cogeatur apposita non aspernari, vilissimis eorum vescabatur. Tum ad Nosocomium continuè se referebat, ægris, leprosis maximè, navaturus operam, neque unquam ut alibi diversaretur, etiam Archi-Episcopi Bracharensis interventu, adduci poterat. E Porta Urbe, quam cum vicinia aliquamdiu excoluit, ad Rectorem Conimbricam in hæc verba scripsit. *Ego quamdiu mihi DEUS in bisce peregrinationibus aderit (spero autem nunquam defuturum) cibo mendicato vivam: confessiones audiam, dum erunt qui audiri volint, nec me operi somnus, nec stu-*
dia

dio quies, nec jejunio fames eripiet. Dum vires suppetent, iter pedibus faciam, quocunque ire contigerit. Usque ad ravim concionabor, usque ad mortem corpus persequar, & animo subijciam. Perseverabo intrepidus in hoc proposito, nec patiar aut ullo mortis terrore animum vinci meum, aut ullo vitæ fustidio torpescere. Pergam per quidquid asperum & durum se objecerit, nec sistam gradum, donec cum Christo Jesu affigat Cruci. Quanto in se ipsum odio ab ipsis vitæ initijs, usque ad vitæ extremum, sævire perrexerit, patuit ex eo, quod nunquam cilicinum thoracem corpore deposuit, addens nonnunquam alterum in femore utroque; ferreis asperatum cuspidibus. Ità acriter quotidie se verberabat, ut nihil in tergo sanum, nihil esset integrum, uno velut ulcere totum teneretur: in quem usum virgarum genus adhibebat, quas Indiarotas vocant, tam idoneas ad dolorem ciendum, ut primo istu sanguinem cum acerbissimo sensu proluciant. Cum pars una corporis jam verbera non posset excipere ob nimiam lacerationem, aliam cedebat, & hunc in modum omnes percutiebat. Jam verò in victu præter panem & aquam rarò aliud adhibebat, nisi fortè in missionibus adjiciens aliquid cæparum, aut halecis, labori perferendo. Somno quàm parcissimo utebatur, quem aut nudà humo, & ut summum supposito saeco stramentitio, aut sedens recto corpore, nusquam acclinis carpebat, tabulà sic ad sedile applicatà, ut si capitis inclinatione tangeretur, strepitum ciceret, & soporem omnem discuteret. Conimbricæ Nosocomij curam gerens, cum fortè uni ægrotorum sanies, quæ in crure suppuraverat, sectione chyrurgi educata esset, Gonzalus lance totam excipiens, cum nescio quid horrentis naturæ perfentisceret, illico sui domitor egregius, totam ore exorbuìt. Itinera omnia pedes conficiebat, neque unquam supportandæ sarcinæ, cujus ipse bajulus semper extitit, mancipium ullum admittebat: si quid melioris panis in stipem accepisset, eum viliori cum mendicis commutabat, & ut vilior fieret, omnibus intuentibus publica in platea absolvebat.

Con sanguineorum amorem ità penitus animo exuit, ut Comiti Jacobo fratri, eà solà causà Conimbricam, quò Consalvum salutarèt excurrenti, dici per Janitorem curàrit: se illum non nosse. Si quem alium præterea conveniendum non habeat, redeat cum bono Deo unde venerit. Idem fecit Matronæ illustrissimæ, sanguine sibi junctæ, quæ ipsum

publico in Nosocomio decumbentem invisura advenerat. Nullà liquidem ratione persuaderi passus est, ut eam, quæ jam erat in limine conclavis, ad se admitteret, sed illam cum viro suo longè clarissimo, jussit abscedere domum insalutatam. Neque unquam submissa ab illis dona & xenia admisit, quin plures aliquoties mulos talibus onustos, & à Philippa sorore Comitissæ Tovaræ Conjugæ ad se transmissos, ad carceres & xenodochia abire jussit. Coactus superiorum jussu in ejusdem Philippæ solatium ad Castrum Comitissæ se conferre, in has leges cum illo descendit: ut cibum sibi cum Socio separato in cubiculo, non autem ad suam mensam, per vilissimum mancipiorum ministraret (quod ille deinde secum assidere, & eadem ex lance comedere cogeat) idque non alium, quàm carnem bubulam solam, sine conditura omnelixam; & diebus esurialibus duratam solæ, vel fumo halecem, aquà purà coctam. Atque interim sic ibi inter suos agebat, ac si illis esset ignotus: nuda illi humus prolecto, saxum erat pro cervicali, cui ferreo cinctus cilicio incubebat, qui etiam alias domi cubandi mos illi erat familiaris. Quibus omnia suorum beneficia aspernantis animi exemplis, non tantum non offendit, sed universo Palatio veluti religiosam in domum converso, Eleonoram etiam secundam sororem, alteramque insuper neptem, ab amplissimis utramque jam instructis nuptijs, ad Christi signa in Monasterium traduxit. Hos inter labores aliquando maleficum ad furcam comitatus, deinde pro ejus animæ Sacrificium DEO offerens, ingenti cupiditate exarsit, similis pro Fide mortis oppetendæ. Placuitque Divinæ Bonitati in eo Sacrificij æstu precanti, eam gratiam polliceri, simulque necis modum, per laqueum similiter inferendæ, revelare. Quo ostento incredibiliter exhilaratus, sapius coram diversis gaudiorum impotens, illud aperuit; & semel etiam Ulyssipone inter concionandum, inusitato quodam gaudio exultans, collum cum ostenderet, se illud præ toto mundo æstimare dixit, quod strictum olim fune in Religionis odium, nobilem sibi gloriam præbiturum esset. Cujus prædictionis veritas alio etiam publico ostento divinitus firmata fuit, dum Ulyssipone sub Missæ Sacrificio calicem elevanti, manus cruore persusæ toti populo conspectæ sunt.

Perfunctus Præpositi Domus Professæ Ulyssiponenfis munere, discessit in Indiam A. 1556. designatus à S. Ignatio Provincialis,

in qua navigatione omnium ægrorum & miserorum communis servus, illis cibos ipse coquebat, lectos sternebat, à sordibus mundabat, nec aliter quàm nudo in tabulato, inter vilissimum noctu turbam quiescebat. Goam in Septembri, cursu in paucis felicissimo appellens, licet sub mediam Sabbati noctem Collegium primum fuisset ingressus, sequenti tamen statim die conciones auspicatus, omnibus deinde Dominicis & festis, cum totius Provinciæ exactissima gubernatione continuavit. Nec ulla facile Prætoris in Ethnicos fuit expeditio, cuius ipse comes non esset, cum eodem Ciaulum, Bazainum, Tanaam, Cocinum profectus: nunquam tamen induci se passus est, ut eadem cum Prætoris domo vel mensa exciperetur, solo semper ostiatim emendicato cibo in pauperum tugurijs victans. Ejusdem instinctu magnificum S. Thomæ Apostolo templum Goæ extructum est, ad cuius structuram quotquot gentilium, fuere autem ingenti numero, operam contulere, omnes tandem à superstitionum tenebris ad lucem Evangelij transiverunt. Officio Provincialis magno suo gaudio, eò quod regendis alijs ineptissimum se duceret, liberatus, ad Novitiorum conubium secessit, ubi orando præter solitum Deo, afflictoque amplius corpori intentus, tanquam futurorum præfagus, aliquot dies recognoscendis ijs, quæ de Martyrio tradit S. Thomas Aquinas, insumpsit. Quibus dum maximè intentus est, ecce tibi offertur inopinata occasio ad Cafres, quo nomine multa Regna continentur, proficiscendi, cuius ei copia omnium primo facta est ab Urbis Archiepiscopo, & Provinciali Quadrio, utpote eam tanto studio, ut ardentius non posset, hisce de causis expetenti: ut inter nigerimos illos Æthyopas tantò obscurior lateret: ut ærumnarum & calamitatum abundantia fatiari posset: ut Regionibus illis ad promontorium bonæ spei aditis, totique antiquitati indeprehenfis, Christum inferret. Atque eà forte tantopere exultavit, ut sæpius auditus sit in hæc & similia prorumpere: *O Castrum gens non minus nunc animo, quàm corpore atra & deformis, quàm opto, quàmque etiam spero, ut purissimo sacri baptismatis liquore perfusa, nigrum animo colorei brevi depellat! Utinam jam inter vos, ac vobiscum essem, Æthyopes mihi charissimi, ut Jesum Christum DEI Filium, ejusque potentiam & Majestatem nota vobis efficerem! faxit sempiternum illud Numen, cuius providentiâ Mundus gubernatur, ut mihi inter vos vite finis sit, proque salute*

vestra mortem sustineam crudelissimam; atque ita illud assequar, quod summo pere desidero, ea nimirum ut in me exerceatur crudelitas, ut omnia corporis mei membra mille in particulas minutatim concidantur. Quid pati possum tam grave, tam durum, tam asperum ac difficile perpassu, quo satis quam compensare, quantum debito optimo Parenti Christo, quantumque ejus causâ me agnosco vobis debere, pro quibus ille Crucis affixus est, & servissimis confossus vulneribus sanguinem suum effudit? Itaque Goâ extremo jam anno 1559. cum P. Andrea Fernandio, & Andrea Acolta discedens, navigium illud omni hominum genere refertum, ad Religiosi Canobij normam convertit: Litanias ipse quotidie præorabat omnibus, ac tum clarâ voce, quidquid in mari tunc licitum erat, pronuntiabat è Missa; diemque reliquum, quod privatis exercitationibus supererat, catechismo & pijs allocutionibus impendebat.

Mozambicum appellens, omnium primò nudis pedibus Ecclesiam Deiparæ ità invisit, ut aliquot diebus in ea permanferit, expeditionis suæ successum ejus patrocinio commendans. Inde Sofalam, ac deinceps Regnum Tongense ingressus, non multo tempore, sed incredibili solertiâ continuato labore, Regem, Reginam, cum liberis, totaque Domo, ac Procerum multis, ad fideliū numerum aggregavit. Ibi relicto ad bene cæpta persequenda utroque Socio, ad magnam Cafariæ, seu Monomotapæ Regem, qui ob auri copiam Imperator auri vocatur, iter intendit, quanto ejus Cælo lucrândi desiderio incitatus, optimè suis ad eapropositum Generalem exprimens, dum ità scribit: *Ego, inquit, Pater mi incidi in vineam sanctâ hujus negotiationis, beate Obedientiæ ductus; nec animus ultra est alias fodinas usquam, nec quietem aut artes cogitare. Nam si loquendum est experimento, quod in mari montanisque capitur, ibi DEUS abscondit plenitudinem ac suavitatem Divinitatis & humanitatis suæ, spiritualiter ijs repositam, qui diligunt ibi habitationem, ac requietem ad lucra Redemptoris. Eo itinere, postquam unicâ preceatione gravissimam tempestatem repente sedâset, ad barbarum quoddam littus delatus, primò omnium excitatâ arâ Sacrum fecit in Solis ardore tantum, ut Lusitanis, quancumque calceis tectos, torridum solum adureret pedes, Gonzalo autem sacrificanti nudum caput pustulis ab æstu oppleretur, quas tamen ille nullis medicamentis perfanare sustinuit. Resumptâ post triduum navigatione, adverso vento ad Mingoaxanem Gilox Regem Mahometanum*

num rejectus, licet is potestatem inter suos promulgandi Evangelij ultro faceret, subsistere renuit: ratus præcipuo Castrorum Rege converso, finitimos & inferiores Reges haud magno molimine secuturos. Inde igitur ad Ivabum, ubi Monomotapæ ditio oritur, contendens, divinâ re peractâ ab Lusitanis comitibus petit, ut quoniam fines tanti Regis ingrederentur, legationis suæ negotium enixius Deo commendarent. Ipse autem se ab omni hominum consuetudine avellens, velut sibi in altera navigij parte prætendi fecit, in quam veluti cellulam inclusus, octiduum ipsum delituit, semel tantum quotidie tostici ceris pugillum, & perexiguam aquam fumens. Octavo die ubi primum Sena, quæ navigationis meta erat, in conspectum venit, monitus Gonzalvus è latebra sua prodijt, oculisque in oppidum parumper intentis, continuò in Cælum eisdem, in genua procidens, cum manibus sustulit, rogatis omnibus, ut pro felici expeditionis successu semel Pater & Ave ad Deiparam, quam negotij totius Patronam delegerat, secum dicerent. Tantis enim animis plenam discriminum illam missionem aggrediebatur, ut Provincialis Quadrius diceret, ejusmodi Gonzalum esse, ut si quis suo illo tempore deligi deberet, quem Antichristo adversarium DEUS objiceret, neminem sibi Gonzalo aptiorem videri.

Substitit Gonzalvus Senæ 4. ferè mensibus, dum responsum ab Imperatoris Regia ducentas leucas distita, adveniret: neque enim procedendum sibi ulterius, nisi prius adventum suum Regi prænuntiasset, judicavit. Quo temporis spatio supra 500 in ipsa Urbe baptismo tinxit, & ad vicinum Inhamioris Regem excurrens, ipsum cum Regina & octo liberis ita permovit, ut magnopere sacras undas expeteret, quas etiam se illi præbiturum Gonzalus spondit, ubi prius Monomotapæ Regem abluisset: causam prætendens, non decere antè illum lustrari, ne fortè prælatum sibi stipendiarium suum iniquius ferret; re ipsa autem, quia nullum, quem Magistrum custodémque Fidei relinqueret, habebat. Adfuit interim à Rege responsum, ut Gonzalvus ad Regiam duceretur; quo ipse cum Gomio Coëllio Lusitano, linguæ eorum peritissimo, in comitatu Castrum profectus, totum illud sexcentorum millium passuum iter pedibus emensus est, sarcinâ insuper, in quam omnem Sacrificij apparatus collegerat, onustus. Fluvios, qui multi regionem interfecant, licet aquâ col-

lotenus pertingeret, vado transibat, elatâ interim manibus aut capite sarcinâ: quamquam unum vado insuperabilem, cum in vas quoddam velut ingentem ollam, DEI Sacerdotem ad natandum invalidum immisissent, circumstantes ipsi propellentesque, trajecere Caesres. Cùm verò annonâ illos defecisset, Gonzalus quæ sibi paraverat, in eos benignè distribuit, ac deinceps Jangamis (pomi genus est) immaturis & acerbis victitavit. Sed miraculo tributum est, quotquot ille Jangamas manu attrectasset, repente miram induisse suavitatem. Ex oppido Mabate occurrere turmatim cives insolitis officijs, in suum quicque hospitium certatim invitantes; quibus omnibus baptismum & Sacra Christiana, aliquamdiu ibi subsistens, impertivit: abscedensque pronuntiavit, nunquam eo in oppido desore Christi cultum; & vaticinium firmavit eventus in hanc usque diem. Bambam deinde ubi ventum est, Caesrem morti propinquum, quantum ille patiebatur articulus, instructum expiari undâ salutari, & cùm impositis super ægrum manibus Evangelium recitasset, illico salvus & incolumis Caeser è lecto proslitit.

Monomotapam ut primum Gonzalum attigisse Imperator accepit, continuò Antonium Cajadum Lusitanum, copijs suis omnibus Præfectum, ad salutandum illum, cum muneribus misit. Alit enim veluti prætorianam cohortem omni tempore triginta millia, circa in vicinis pagis distributa: & si usus ferat, nunquam minus centum millibus sub signis habere solet. Munera erant auri pondus ingens, boves permulti, famulique in domesticos usus. Gonzalus officiosè remisit cum gratiarum actione donis, renuntiare jussit, nihil se Regium, sed Regem ipsum velle, quem Cælestis Regni æternæque felicitatis compotem faciat. Excelsum animi admiratus Rex, venientem ad se Patrem in intimum conclave Regium, cùm mortalium nemini, ne stipendiarijs quidem Regibus pateat eò unquam accessus, sed è foribus eum pedibus nudi alloquantur, calceatum Gonzalum introduxit, mediisque ipse consistens, assidente ex altera parte Matre, considerare eum ex altera jussit. Antonius Cajadus, qui interpretas adhibebatur, præ foribus constitit. Gonzalus ante omnia Regi pretiosæ vestis aliquantum, quod ex India Mozambicòque vlexerat, dono dedit: & Rex vicissim ab eo petit, quantum fæminarum, quantum auri, prædiorum, agrorumque vellet, postremò & boum, quibus illic non minus quam auro pre-

pretium est. Ad quæ Gonzalus cùm respondisset, se pridem his omnibus æternorum bonorum cupidine spretis, eò solum venisse, ut eadem bona Regi patefaceret: admiratus ille interpreti dixit: *profectò necesse est, qui nihil horum capiat, quæ ceteri usque eò mortales amamus, is alià quãdam ab communi naturâ constet, atque adeo ex genere herbaceo sit, ex olivibusque prognatus.* Digressus à Rege ad mappam, quod sibi in diversorium & templum extruxerat Pater, aram etiam in illo, cum eleganti Dei paræ imagine proposuit: ad quam dum quotidie rem Divinam facit, Procerum quidam conspectâ obiter è foribus iconæ Virginis, ad Regem deferunt, pulcherrimæ formæ puellam illi domi esse, atque ut eam sibi deposcat, hortantur. Mittit absque mora Rex, qui enixè petat, ut suam Conjugem, quam speciosissimam secum adduxisse dicatur, sibi videndam præbeat. Errorrem facillè intellexit Pater, atque ut auspice DEI Matre opus Evangelicè ordiretur, tabulam pretiosâ involutam veste deferat ad Regem. Cujus animum ut ad debitam ejus venerationem præpararet, pauca præfatur de summo & uno rerum omnium autore DEO, deque Filio ejus, qui salutis humanæ causâ de Virgine natus, vitæ & mortis, Regnorumque & Coronarum solus potestatem habeat. Ejus itaque non quidem Matrem ipsam, quæ beata cælum incolat, sed effigiem ostensurum esse; dignam proinde, in qua & ipse Rex potentissimam Cæli terræque Reginam veneretur. Mox summâ reverentiâ in genua provolutus Pater, imaginem tegumento evoluit, ad cuius conspectum commotus Rex, & ipse venerabundus prosternitur. Cùmque eam sibi donari instantissimè flagitaret, Pater nihil tergiversatus, suâ manu illam in cubiculo Regis, quod Sacelli in morem aulae magnifico vestierat, collocavit. Ecce autem eadem ipsâ specie quinque deinde sequentibus noctibus, Regina Cæli conspicuam se Regi stitit, divinâ circumfulgens luce, magnæque affabilitate, sed linguâ incognitâ illum affari visa. Quod cùm ille magnopere tū apud Matrem, tum Lusitanos doleret, ac deum Gonzalvo ipsi periret; respondit Pater, eam nimirum linguam divinam esse, quam nemo intelligeret, nisi Sacrosanctam Filij ejus Legem per Baptismum amplecteretur. Ergo Rex percipiendæ ejus linguæ cupientissimus, biduo post per Cajadum Patri significat, se, pariterque Reginam Matrem statuisse Christo initiari. Hic incredibili solatio gestiens, multumque DEO & Deiparæ

successum gratulatus, & impensè commendans, aliquot dies in tradenda utrique Christiana doctrina insumpsit, atque 15. circiter ab adventu suo die, magnâ pompâ & gratulatione utrumque sacro fonte perfudit, Regemque Sebastiani, Matrem autem Mariæ nomine appellavit. Eodem die Rex observantiæ causâ 100. boves Patri dono misit, quos ipse omnes cædi, interque pauperes distribui curavit; obstupefactâ ad tantam liberalitatem cum Rege Aulâ universâ. Post Regem è primoribus Aulæ accessere ad sacrum fontem facillè trecenti: qui cùm & ipsi plurima donaria transmitterent, ipse omnibus in egenos dispersis, solo perexiguo cocto milio, herbis, & sylvestribus pomis vitam sustentabat.

Jamque universa Monomotapa tantorum exempla secutura nihil dubitabatur: cùm æternus Christi & virtutis hostis Satan, quatuor in Aula potentes è Mahometanis suscitavit, qui adolescentem & improvidum Regem suspicionibus in Gonzalum implerent, veneficum illum pestilentissimum esse, à Pro-Rege Lusitanorum ex India submissum, qui ipsum cum Regno intoxicatum baptismali aquâ, Dominio Lusitanorum subijceret. Rex non ætate solum, sed & naturâ Casibus ingenitè mobilis, ubi maximè in eandem sententiam mater perducta est, primo quoque tempore Gonzalum tollendum decernit. Quod sive conjecturâ, sive divinitus Pater cognoscens, Antonio Cajado prædixit, Regem sibi perniciem moliri. Huic autem res itâ incredibilis visa est, ut subridens rejecerit. Sed paulò post Regem in eo proposito obfirmatum penitus deprehendit: quod tamen ut dissimulatione cruentâ tegeret, Cajado respondit, decretum id tantum à se, ut Gonzalus procul à Regia amandaretur. At Pater futurorum divinitus præsciens, vehementer apud Cajadum instittit, ut certos, quos nominabat Lusitanos, confestim ad sese adduceret. *Constitui enim, inquit, hodie Confessiones vestras excipere, & SS. Eucharistiâ reficere: quod nisi hodie fiat, postea non licebit.* Eodem die instructiores ex catechumenis circiter 50. baptizavit, ipsque quidquid si vestium, sive sacrorum supererat munusculorum, divisit, unâ sibi Crucifixi effigie, duobusque cereis servatis. Hinc tanquam ad nuptias Agni evocandus novam induit tunicam, & sacrum amiculum cum stola sacerdotali induxit. Sub vespërâ invisenti, & talem ornatum miranti Cajado, lætus Pater, & leniter manū pectus prehensens, *Antoni, in-*

quit, *profecto paratior ad mortem subeundam ego sum, quam inimici ad inferendam. Regi autem Matricque ejus, quod ipsi per simplicitatem Mahometanorum astu in fraudem inducti sunt, libenter ignosco, quasque, ut quidquid hac Regna panarum debent, in unum caput meum convertat.* Cajasus ægrè à Patre inductus ut domum se reciperet, duos tamen clanculum submisit famulos, qui sedulo excubantes si quid ingrueret, se admonerent. Pater in illo suo ornatu in multam noctem pro tuguriolo in area inambulat, oculis identidem in cælum intentis subsistens, manibus modò sublatis, modò in crucis formam extentis, suspiria crebra profundens. Hinc tugurium ingressus, cereos duos accensos ad latera crucis collocat, prostratusque in genua aliquamdiu persistit orans. Tum in stoream ex arundinibus contextam prolapsus ex fatigatione, ut videri potest, irrepit somnus. Id ubi ex insidijs sanguinarij notant satellites, octo circiter irrumpunt; quorum Mocorumes inter Cafres nobilis, frequens & per familiaris Gonzalvi conviva, in jacentis pectus toto impetu deiecit sese, opprimitque: inde bini brachia, totidem crura arripiunt, duo funem sollo implicant, quo confixo Pater, ingentem ex ore naribusque sanguinis copiam effundens, victorè spiritum Conditori suo reddidit A. 1561. ætatis 35. 15. Martij. At paricidæ in Christi signum debacchati, illud penitus comminuunt: rursùmque in viri Dei cadaver efferati, dum vestibus penitus exuunt, ferro incinctum cilicioprehendunt. Itaque magum penitus fuisse, qui ita ferro indueretur, interpretantes, recte alligatum ad Mosengeßem fluvium, ne malefici hominis pestilens odor veneno cuncta corrumpere, pertrahunt, & demergunt. Ex quo tempore ferunt crocodilos, qui plurimi voracissimi que illo flumine gignuntur, nulli unquam mortalium, velut posita feritate, noveruisse. Alij testantur, aquis imminere visum mirabile lumen, ubi Gonzali corpusmersum fuerat. Neque hic constitit furor Regis. Quinquaginta Neophytos, pridie mortis à Gonzalo baptizatos, simul neci dari imperat; executuris sinè mora mandatum impijs ministris, nisi Proceres, qui unà cum Rege similiter baptismum receperant, monuissent, si baptismus crimini daretur, tum pariter sibi & Regi moriendum fore. Mitigatus eorum oratione, ac Lusitanorum potissimum, ubi furor deferbuit, exprobratione Rex, quod facinus tam atrox injustè patrafset, gravi profecto Cælitum, & Regis sui

vindictâ ulciscendum: repente in adversam partem actus (ut erat ingenio penitus mobilis) quò causam facinoris in alios à se amoliretur, duos ex sua foribus Mahometanis occidit, omnibus etiam reliquis, ad quos pessimi ausus causa pertinuit, seriùs quidem, justam tamen Numinis, & Regis Lusitanie iram expertis, cujus jussu Barettus inducto in Monomotapam exercitu, A. 1569. diligentissimè conquisitos, morte turpissimâ post exquisita tormenta multavit, effecitque ut Regiâ Urbe Mahometani omnes proscriberentur. Excepit præterea mortem Gonzalvi inaudita agrorum calamitas, innumerabili locustarum multitudo, quæ objectu suo Solis lumen ipso in meridie tegebant, omnia latè depascente, unde etiam strages hominum immensa. Ipsam etiam Reginam matrem suam, quod neci Gonzali consensisset, aliquot post annis furiosè pœnitens Rex, occidi imperavit.

Ceterùm excelsâ prorsus & minimè consuetâ fuit Gonzalvus virtute, in Deum ac Divina affectu penitus absorptus; hinc sæpe in cubiculo repertus est à sensibus omnimodo abalienatus, & à terra sublimis in aërem elatus. Cùm rem Divinam faciebat, adeò frequenter extasim patiebatur, ut quid, quove loco dicendum esset, à ministro quærere cogeretur. Ad quam ut tantò purior accederet, sæpe visus est iterum ac tertio eadem die confiteri. Multas quotidie orationi dabat diurnas nocturnasque horas, genibus semper flexis, oculisque ab obtutu in Cælum, (quo mirificè se excitari dicebat) nunquam deflexis. In Virginem immaculatam tenerimo prorsus ferebatur affectu, eamque omnium semper suarum actionum Præsidentem constituabat. Egißem illius ubi ubi conspiceret, profundâ capitis inclinatione; si solus aut in tenebris esset, genuflexione venerabatur; eodem venerationis gestu, quoties in decursu Rosarij salutationem Anglicam repeteret, eam avere jubens. Et hanc salutationem quolibet ejus festo millies repetebat, uniuscujusque principio genua in terram submittebat. Ex hac cum Divis familiaritate, nil mirum est multa cum arcana fide de absentibus, seu de futuris didicisse. Nam & Bracharæ Collegium Societati statuendum, licet omni ratione tunc obniterentur cives, ne quibus Religiosis apud se daretur sedes, prædixit: & fratri suo Alvaro classem in Turcas ducenti, cladem accipiendam prænuntiavit. Cui vaticinio hic minimè fidem adhibens dum in hostem movet, tanto illum terrore

vel

vel ipso conspectu complet, ut pacem postularit. Quam aspernatus Alvarus, & victoriam sibi ex hostium timore spondens, joco etiam Gonzali dicta exploit; tandem, inquit, *comptum est, non semper fratrem meum vera predicere; en falsus vates, in hoc saltem eventu deprehenditur.* Verum mox ingenti clade ex conflictu accepta, didicit non in prosperis magis quam adversis, veridicum fuisse Gonzalum. Philippæ sorori ex conclamato morbo sanitatem, & prolem simul masculam, domus tam lautæ hæredem, quam post 10. menses re ipsa enixa est, adpromisit. Obsequiæ illius, quæ nutum etiam superioris observat, tenacissimus fuit, ne ad momentum quidem iussa eorum disserere solitus. Contigit eum ex Urbe Portuensi repente Conimbricam à Rectore revocari, cui ut mox obtemperaret, nullis Virorum illustrium, aut Socij argumentis induci saltem ad eam moram potuit, quæ calcei festinato resarcirentur: sed hyeme frigida atque humida iter aliquot dierum nudis pedibus accipiens, totus aquâ & luto persusus Conimbricam ingressus est. Id quod illi in omnibus missionibus, ex peculiari paupertatis studio, semper fuit commune; in quibus si elatos domo calceos contrivisset, reliquum viæ nudis conficiebat plantis, nec ullis precibus adduci poterat, ut alios ab extraneis oblatos adhiberet. Charitatem in proximum abundè loquuntur ea, quæ in salutem eorum ad sanguinis usque profusionem gessit. Quos ut ad Cælestium curam incitaret, ter quotæque unâ die dicebat, tantâ animi contentione, ut aliquando sibi manum clavo transfixerit, dum pulpitem concutit, nec tamen ipse quidquam seu doloris, seu sanguinis, qui copiosè manabat, adverterit. Binas ternasve horas dicendo extrahebat, tam suspenso auditore, ut cum in oppido Tomarensi duodecim semel horas in Parasceve continenter dicendo extraheret, à nemine desertus sit. Portuensi in Urbe cum inciperet alterâ vel terciâ à meridie horâ, ad noctem usque producebat disitionem. Pro omnibus autem in parandas conciones libris illi erant, Christi Crucifixi, & Dei paræ imagines, præter quas nullo, nisi Breviarium, Sacra Biblia, & vitas SSrumolvebat.


Incidens aliquando in unum ex Socijs perturbationibus animi, quas ipse vultus terrior prodebat, agitatam, *quin tu maiorem istum, inquit, ex animo depellis? qui in famulatu DEI sunt, eos latus & hilares oportet esse.* Tu Pater, ait ille, *Sanctus es, atque ita animum*

habes ab omni perturbatione sedatum; Certè si hisce, quibus astio, tentationum fluctibus jactare, non posses ullo gaudio aut pace frui. Gonzalus Socium miseratus, in secretum locum deducit, dorsumque illi suum denudans, ostendit pene fractas & ruptas verberibus costas. *Quid animum respondes, inquires, mi Frater? tunc solum hostis sollicitat? quis in hac vita, quæ militia est, pacem habet, aut à demone induciatur nec flagella timet, nec plagas istas; me frequentissimè impetit; sed persio auxiliante Nemine, & victurum spero. Ne te perditum puta, aut desertum à DEO. Hoc quod calamitatem putas, DEI benignitas est, gloria nobis segetem ministrans; non ideo patitur hominem oppugnari, ut succumbat, sed ut ipso Duce & Commilitone vincat.* Quibus verbis, sed maximè insolente spectaculo tota subito ex corde merentis dispulsa tristitia nox est, & maxima animo ingenerata fiducia de hoste triumphandi. Cum alijs gubernandis in Lusitania præesset, nihil ipso in monitis dulcius, nihil in imperio suavius, rogare videbatur dum præcipiebat. Et quemadmodum nihil de necessarijs subditis deesse, ita superfluum nihil adesse patiebatur; exceptiones maximè illas sive in visu & cultu, sive in rebus alijs quibusvis exosus, quas uti vitæ communis pestes, & Religiosæ discipline quàm maximè adversas, ab Societate omnimodè ablegare laborabat. Si quem sciebat ex subditis mærore, aliòve animi morbo cruciari, non quiescebat, donec ipsum aut per se, aut alterius operâ, illo malo liberasset. Quando horâ consueta relaxationis ad valetudinarium non ibat, vel operam coco dabat in abstergendis vasis escarijs, vel cum illo, alijsque adiutoribus rei domesticæ, pijs de rebus sermonem conferebat.

Sexaginta & amplius annis à nece Gonzali missus ab Indiæ Pro-Rege Ludovico Atai-da Alphonfus Barbuda in Monomotapam, ut auri metalla lustraret, dum Cuamam fluvium enavigat, tribus Mauris Principibus comitatus, haud longè ab Arce Tuise, truncum in ripa validum conspexere, quem verficolores magno numero volucres insidebant, aëra cantu multiplici permulcentes: earum pars una exorto sole digressa est, alterâ suum carmen prosequente, donec illa revocasset; alternabantque, uti narrabant piscatores indigene, excubiarum vices. Mauri Principes cupidi rescire quid id esset, moluntur excensionem: sed admoniti periculum ingens imminere à tigridibus, aliisque feris belluis, quæ proximos saltus infederant, nihil

temerè sunt aggressi. Ajebat senex piscator interrogante Barbudà, exundantibus aquis lignum illud in ripam esse ejectum, adalligato albi hominis (sic Europeos signat) cadavere, nigris induto vestibus, & quadrato pileo, calceis, caligis, chlamyde obvoluto. Mox ab excelsa rupe in sylvam proximam profiliisse tigrides, ferasque alias, quæ unguibus pectoribusque junctis palum illum ad pedem rupis deportarint; inde distracto fune corpus dorsis subvectum intulisse in sylvam, exubarèque continuo, ne quis accedat. Duce[m] quendam exploraturum, quid illud esset cadaveris, quid belluarum, arcuisse telis feras tantisper, dum proximas in arbores evaderent duo Mauri, qui rem inde per otium specularentur. Illos toto biduo acriter in omnia intendisse, integrum illibatùmque corpus vidisse: illi feras advolvi pronis capitibus, & vices quasi vigiliarum alternà successione mutare. Aves rari coloris, rostris ac pedibus albo rubròque distinctas, admodulari: quinas in decussim aquilas assi-

dere, quæ suas item stationes vicissim inter se varient, prope feras metus expertes. Eas se volucres belluâsque Barbuda vidisse narrabat, credique cadaver esse Gonfali Sylveria, cujus inter eas gentes veneratio magna sit, & benefactorum recens memoria, & videri in ea tempora tam prodigiosè servari à DEO, quibus idoneus illi cultus designetur. Hæc ipse Alphonsus Barbuda, rebus gestis & Sacerdotio venerabilis, Ulyssipone, cum remeasset ex India, ad P. Franciscum Goveanum. hic ad P. Antonium Colassum, qui pro Lusitania negotijs Madridi fuit, perscripsit: & in suam Cosmologiam sacram theoria g.n.7. & 9. retulit P. Gasparus Ruthardus.



P. ANDREAS GVALDANEZ.

IN celeberrimam illam ad Æthiopas Abyssinos, Ecclesiæ Catholicæ à Schismate Græco conciliandos, expeditionem, quam ad instantiam Joannis Regis Lusitanæ Julius 3. Pontifex Max. primum quidem designavit, postea autem Paulus 4. executus est, tredecim fuere ab ipso S. Ignatio delecti à Societate viri, sanctimonie non minus, quam eruditionis laude præstantes: quorum caput & dux Joannes Nunnius, in Patriarcham Æthiopiæ consecratus, præter duos sui muneris Coadjutores, & in munere Patriarchali, si satis decederet, designatos successores, Andream Oviedum, & Melchiorum Carnerium, illum Hieropolitanum, hunc Nicenum Episcopos; in reliqua selectissima sacerdotum decade numeravit etiam P. Andream Gvaldanez, ortu Castellani, Societati Conimbricæ A. 1555. adlectum. Hic ex Granatensi Collegio, ad cuius primordia insignem operam collocaverat, reversus in Lusitaniam, in Indiam solvit A. 1556. ætatis 41. navigatione exitu quidem felice, tempestatibus tamen gravissimis sætâ, quarum periculosissimam ad Promontorium Bonæ Spei, solâ aquæ à se benedictæ in pelagus aspergine, Patriarcha fedavit. Goam appulsi tristitia omnia, & pejora expectatione inveniunt. Nam &

P. Confalvus Rodericium ab Æthiopia reversum offendunt, difficiles loquentem aditus in eas partes, & Regis animum à recipiendo Patriarcha alienum: simulque de tristi Sociorum naufragio, qui aliâ navi ab Ulyssipone Goam vehebantur, intelligunt. Dum enim à cæteris navigijs divulsa ipsorum oneraria à Mosambico vastum præcidit Oceanum, in Syrtim per tenebras noctis impingitur. Dirupto alveo nautæ vectoresque 300. circiter in Insulam desertant, ex aggestu duntaxat arenæ in tumulum modici ambitus exurgunt, evadunt, modico vini, & cibariorum aquis fere vitiatorum, fluctibus subducto. Extemplo Navarchus opis petendæ gratiâ, scapham cum eximijs viris 30. conscendit, & leucas 500. emensus, haud sinè miraculo Goam applicuit. Mox è naufragæ onerariæ reliquis tabulis concinnato raptim navigio, 50. fere alij conscenderunt, & post innumerabilia discrimina, aut potiùs continuam mortem, Cocinum incolumes tenuerunt, vulgo eos, tanquam benatos homines spectatum, occurrente. Remansere ad 200. & in ijs è Patrum numero tres, Confalvus, Paschalis, & Alphonsus Lupius: qui suam in ratem ab antecedentibus invitati, præcipuum conditionem in communi discrimine recusarunt, ne tot animas affli-



P. Andreas Gualdanez Hispanus. Soc. IESU. pro Fide Christi à
Turcis sagittis confixus Mazuræ in Aethyopia. A. 1562.
C. Serota del. Mich. Russell f.

afflictas periclitantesque desituerent. Nonus jam in arenaria illa insula miseris fluxerat mensis, jamque vitâ se ipsam absumentem, aridæ fluebant buccæ, miserabili oscitatione hiantes, neque aliud extremæ fami remedium, præter mortem expectabatur. Cum autem frustra adhuc quædam fractæ navis restarent, ratem aliam moliantur, haud quidem spe Indiam attingendi, sed ut specularentur, si quid uspiam appareret effugij. In hanc 31. ascendunt, duobus aquæ cadis, & aliquanto aridi piscis imposito, & cum ijs uno omnium voto Patres, sperantium, si quid uspiam inveniretur auxilij, suâ illos caritate facturos, ut & ipsi participes fierent. Et jam alterum mensem per avia Oceani errabant, quatuor interim ex fame enectorum

cadaveribus in mare abjectis, cum plures numero conspiciantur insulas: ad quarum unam pulcherrimis palmis prætextam excendere dum contendunt. appellere nunquam, tanta virium fuit debilitas, potuerunt. Itaque ad Insulam humilem ac propè demersam fluctibus, planèque sterilem, levandæ ratis causâ partem veclorum cum Patribus exponunt: ipsi autem ad fertilem palmarum alteram commeatûs parandi causâ applicantes, dum famem diuturnam aviditûs, ut ferè sit, non tam expleant, quàm obruant, gravissimo prostrati languore, tum demum ad socios in maligna insula redire potuerunt, cum præter duos vix adhuc spiritum trahentes, omnes unâ cum Patribus fame enecti sunt: quæ eadem fors naufragorum turbam

in

in prima illa perexigua insula relictam, cum ob parvitatem suam obscurior à celocibus Goanis reperiri non posset, oppressit, nec antè inventi sunt, quàm inedia omnes ad unum absumpti.

Utraq; fors Patriarchæ & Socijs dolenda visa est, & prior de protectione ad Abyssinos in consilium continuè adducta. Ac Patriarcha quidem, licèt asperis & periculosissimis rebus tamen sese in omnem aleam Christi causà paratum ostendere: ceteris nequaquam, ac præcipuè Pro-Regi & Goano Archi-Episcopo, è sedis Apostolicæ dignitate visum, ejus fastigij personam Schismaticis præbere in ludibrium & contumeliam. Ne tamen legatio penitè intentata defereretur, Andream Oviedum Episcopum cum P. Gvaldanez, P. Emmanuele Fernandio, & tribus Fratribus, Gonzalo Cardoso, Francisco Lupio, & Antonio Fernandio eò præmitti placuit, quos deinde omnes Oviedus sacerdotes creavit. Itaque in Martio A. 1557, iter ingressi, à Barnagazio Rege, Abyssini tributario, perhumaniter excepti sunt, indigenis undique ad manus eorum exosculandas accurantibus. Multis passim per viam Sacramento baptismi & poenitentiae expiatis, cum unius jam diei tantum iter absente à Regia, missò nuntio vetuit ultrà Rex, quoad ipse advocaret, procedere. Quatriduo lapsò evocati, perhumaniter à Rege excipiuntur. Facile tamen adverterunt Regem in hæresi Dioscori obfirmatum, magnopere ab Ecclesia Catholica abhorrire, ideòque Concilium ab eo convocari ex suis, ad disceptanda Religionis utriusq; dogmata, urserunt: in quo dum felici successu errores Dioscori refellunt, Turcæ in fines Abassiae irrumpentes, Regem à cura Religionis ad armorum tractationem avocârunt. Quem ubi in hæresi obstinatum advertit Oviedus, proficiscenti in bellum, exitum & interitum, qui etiam consecutus est, prædixit. Successor Regni Adamus Sequedus Catholicis longè infestior, non tan-

tum severè interdixit, ne quis Æthyopum ad eorum Sacra accederet, sed etiam Oviedum cum Socijs, 6. circiter menses in aspera horridaque custodia habuit, ac mortem etiam, quod Fidem prædicare non cessarent, intentavit.

Atque in his aliisque gravissimis ærumnis, quibus ferè solis æquanimiter, toleratis DEO obsequium præstabant, sextum jam annum in Æthyopia versabantur, ex quo nihil de eorum successu Patriarchæ alijsque, Goæ innotescere potuit, aditu omni & commercijs cum India armis Turcicis intercluso. Oviedus ergo cupiens Indiæ Pro-Regi statum Æthiopie persectum facere, ad maturanda, si qua viderentur opportuna rei Catholicæ tutandæ consilia, quia literis omnia geruntur remissis, per hominem qui cominus tractaret, cuiusq; fides & auctoritas plurimum polleret, id præstare constituit. Nullus Andréa Gvaldanez aptior visus, viro rerum Æthyopiarum experientissimo, sibi que percaro. Is dum petit Mazuam, quæ Urbs est Insulæ cognominis in Erythraeo litore, quâ tractus in Indiam est, in Turcas incidit; quibus ex vestitu proditus, quod Christianus & Sacerdos esset, unâ cum Lusitano itineris comite, cum ad ejurandum Christum nullâ vi adduci possent, barbarum in morem telis confossus, viam & vitam felici exitu confecit, A. 1562. Vir fuit ut pulchro corpore, ita antiquâ simplicitate, spectatâque virtute, ut de eo passim usurparetur, quod de Nathanaele dixit Salvator: *ecce verus Israëlita in quo dolus non est.* Et cum summo juvandum Abyssinorum desiderio astuaret, simul atque ea loca attigit, ingenti conatu gentis idioma sine doctore, semestri adeò perfectè combibit, ut multa ex nostris ad Religionem spectantia aptè traduxerit, quæ & Catholicis ad conservandam Fidem & virtutem, & hæreticis ad depellendos errores, magno usui fuere.

P. IGNATIUS AZEVEDIUS, cum 39. Socijs.



gnatius Azevedius, citra etiam pretiosam hanc mortem, inter summa Societatis lumina memorari dignus, illustrissimâ Lusitaniae familiâ natus, Patrem habuit Emmanuelem, Regiâ familiaritate conspicuum: germanos Franciscum, cui Majoratû, & fortunas omnes transcripsit; & Hie-

ronymum, Indiæ postea Pro-Regem, cujus Imperio Zeilanum armis suis adjecit. Ignatius postquam ætatis anno 22. Paternum Dominatum ætatis prærogativâ obtinuit, DEO cor ejus tangente, humanarum rerum nauseâ, & æternorum desiderio, in ipso dominandi limine usque eò tangi cepit, ut in Exercitationibus S. Ignatij Conimbricæ animum, ad



P. Ignatius Azevedius S. I. Illustrissima Lusitania familia oriundus in itinere Brasiliæ a Calvinistis pro Catholica Religione mari demersus. A. 1579. 15. July.
Secreta del. Melch. Kiesel f.

ad inveniendam voluntatis divinæ exequendæ viam modumque applicans, dimissis Fratri opibus, & lautas nuptias aspernatus, totum se DEO in ejus Societate addixerit A. 1551. Tyrocinium fervore maximo auspica- tus, infra omnes se perpetuò demittebat. si- lentio ita deditus, ut die toto sæpe nihil pro- loqueretur, sed totus in DEI contemplatio- nem intentus, lachrymas affatim funderet, quibus & humum largè, & scabellum si cui innitebatur, perspergebat. Inclementia sui corporis verberandi aspera atq; atrox, omnis denique sui habendi ratio adeò austerà, ut macie deformatus vultus penitus concide- ret. Quarto post anno Ulyssiponensi Colle- gio præille jussus à S. Ignatio, eodem planè tempore, quo Gonsalvus Sylveria Domui Professæ Præpositus est, tanta utriusque vir-

tutis apud S. Ignatium erat opinio! ipse ad domesticam sollicitudinem, nosocomiorum simul procurationem adjunxit, & quos om- nium miserimos ac tæbe defluentes nota- bat, suâ ipsius operâ procurabat. Quo in munere versanti, discedens ad sufficiendum demortuo S. Ignatio novum Generalem Ro- mam Michael Turriauus, cum insuper vices suas in administranda provincia commississet, ille pedes obire provinciam, calceos, ves- tes Sociorum reficere, omniâque Coadjuto- rum munia tantò impensius supplere. In- de ad regendum Bracharense Collegium, tum primùm à Bartholomæo de Martyribus è Dominicana Familia Archi-Episcopo Ur- bis excitatum evocatus, præter alia excellen- tissimæ Charitatis opera, felicissimè in diffi- dentium capitali hostilitate, animorum

conciliatione, quos neque Archi-Episcopi, neque Regis auctoritas redintegrare poterat, quibusque tota civitas invicem distraeta, rixis atque odijs dissidebat, elaboravit.

Duo imprimis erant, qui inveteratis odijs concurrentes, invicem graviter mutilaverant, & inimicitias nihilominus immortales exercere pergebant. Horum animos diu multumque versans Ignatius, eò tandem inclinavit, ut in gratiâ reditus omnino sponderent, diemque, quo in templo Collegij pax sanciretur, condicerent. Et quidem statuto die maturè adfuit alter, alterum diu morantem sollicitus Pater, missò nuncio advocandum cogitabat, cum opportunè vir vulgò bonus in templum venit. Hunc ergo per idoneum fore nuntium ratus, demissè rogat, ut laborem hunc in se suscipiat. Ad quæ vir bonus, *omnia mihi alia*, inquit, *Pater impera: hominem illum decimum jam annum non alloquor*. Pater mente breviter ad Deum elevata, atque *Divino consilio te huc advenisse adverte, ut tecum etiam inimicitias componat*. Per ego te *Christi sanguinem rogo, ne hinc nisi redintegratâ amicitia hodie discedas*. Quo ad Collegium deducto, socijsque ut interim colloquijs eum detinerent commendato, redit ad templum, alium internuntium quæsiturus. Et incidit commodè in Civium alium, quem eadem, quâ priorem humanitate interpellans, idem penitus responsum accipit, mandaret Pater aliud quidlibet, sibi cum eo homine jam diu non convenire. Et hunc interceptit Ignatius; actertium in quem incidit, submissè idem precatur; at ille nihil fecius quàm priores exëusat, pridem inter illos jurgia & dissensiones intercedere. Et hoc quoque retento, tandem qui expectabatur advenit, & pro una quadruplicem pacem integravit. Accidit ibidem, ut nihil panis totâ domo haberetur, cum nihilominus Ignatius signum conveniendi ad prandium Socijs dari jussit: & ecce eodem momento pro foribus adfuit mulier, nulli antea nota, quæ canistro panis depositò disparsens, nunquam postea comparuit.

Postulatus ab eodem tunc fuit concinator per Quadragesimam ab Urbe Barcella, quod onus in alium minimè deponendum ratus, ipsemet eò, & pedes accurrit. Eo in itinere ad Pradum fluvium pluvijs tumefactum ubi ventum est, post brevem precem, incertum quâ vi, modòve, ipse unâ cum socio in altera amnis parte translatum se deprehendit. Cavandum ejusdem Provinciæ fluvium rapidum cymbâ cum trajiceret,

ecce immanis arbor aquis devecstâ jamjam incurrere, quæ neq; urgendo declinâsi jam, neque sistendo posset. Conclamare vedores de certo exitio inopes consilij; at Ignatius omnibus quiete confidere jussit; truncata jamjam irruentem levi ramo apprehenso à cymba, perinde quasi levem stipulam diverstit. Idem aliquot post annis in lustratione Brasiliæ actuario lembo vehebatur, cum ingens bellua è cetorum genere apparet, quæ in minora navigia incurrere solent, atque in prædam subvertere. Omnibus certum ab ea exitium præstolantibus, Pater in Dei fiduciam animis erectâ, brevi precatione monstrum abegit. Civitati Barcellæ, aliâ penitus facie, quam ternis subinde & quaternis per diem dictionibus, aliisque Societatis ministerijs excolebat, inducâ, in reditu Bracharam, asellum præ se, sarcinulis & missionum ejusmodi necessario apparatu onustum, unâ cum socio agebat. Itaque spectaculum de se Urbi facturus, optionem facit socio, malitne asello vestrum se pedes capistro ducere, an contrâ præeunte se, ipse in Urbem vehi. Anxius aliquantisper socius, utri ex his despicationis inesset amplius, ut illud in se transferret, tandem præoptavit vehi. Tum Ignatius apprehenso jumentum, quàm longum erat, capistro, per Urbem mediam Collegij Rector jumentum, cum sessore socio trahit, magnâ Civitatis ignominia, quam Ignatius quærebat, loco, admurmuratione. Porro tam durus in se verberibus, perpetuo cilicio, jejunijsque emaciando fuit, ut necesse haberint superiores socium ei cum potestate adjungere, qui suo arbitrio hæc illi temperaret. Accidit aliquando, ut domesticorum quispian spuriis cogitationibus vehementius infestaretur, qui tamen ubi in Ignatij vultum oculos convertit, & ab eo vicissim blandiùs aspectus est, omnis momentò feditas animo depulsâ cessit.

A. 1565. demortuo Jacobo Lainez, alteri post S. Ignatium Societatis Præposito Generali successus S. Franciscus Borgia, cum plures in diversas provincias pro se misisset Visitatores, in Brasiliam designavit nostrum Ignatium, qui post periculosam navigationem, longè majoribus periculis obnoxia, remensus est Oceanum, itæque Romam; & segetem quidem multam, & ad messem albam esse retulit, operarios autem paucos. Igitur eodem cum auctoritate Provincialis redire jussus est, factâ simul potestate colligendi ex Hispania, quotquot sponte se offer-

rent.

rent, socios, itémque tyrones, & tyrocinij candidatos, quos compertum erat in linguis barbaris perdiscendis esse aptiores, celi item solique genio, & alimentis facilis afuiscere. Antequam Româ descenderet Ignatius, Pium V. ad osculum pedum accessit, à quo Indulgentias pro Socijs Brasiliæ omnibus, Agnos cereos, Sanctorum reliquias, & præter unum ex undenis millibus Virginum caput, effigiem insuper Deiparæ ex S. Lucæ prototypo expressam, perrarum eâ tempestate munus dono accepit. Indè per Hispaniam instituto itinere, socios expeditionis 71. collegit. Dum navigandi tempus Ulyssipone expectat, quia nulla nostrarum ædium tot capitum, præter sua capax erat, omnes in Collegij suburbanum prædium, situ ac solitudine exercendis animis prorsus idoneum, conduxit. Ubi vitam planè Angelicam agitare, orationi, meditationi, rerum Divinarum lectioni, siquæ per omnia pœnarum genera mortificationi intenti, ad omnia exemplo suo illis præeunte Ignatio. Inter hæc negotij cuspis causâ Eboram ipsum excurrere contigit, ubi in odæ Templi nostri fortè orationi vacans, spectavit nostros infernè facris exorcismis nequidquam malum genium è corpore energumeni exigere conantes: cujus ipse misertus, silentio descendit, atque ex improvviso accedens, Rosarium quod manuolvebat, miseri collo inijcit, cujus impatiens hostis infernalis, è vestigio hominem deseruit, nullo amplius mali hostipitis indicio remanente. Ut conscendendi tempus adfuit, Ignatius suos omnes Ulyssiponem advocat, incredibili gestientes lætitiâ, quorum sermones, & invicem gratulationes, de cœlo, de morte, de Martyrio, crebrius quàm de Brasiliâ fuere. Quibus interna divinis navigia, cum designato Brasiliæ Præfesto Aloysio Vasconcello, septem navium classe in Brasiliam solvit. A. 1570. die 5. Junij. Ipse rei culinariæ administratione sibi assumptâ, ita omnia disposuit, ut perinde atque in Collegijs sua orandi, legendi, meditando, conscientiam examinandi, tempora observarentur: Christiana etiam disciplina, tubæ navali explicabatur quotidie, Litanie de Sanctis vespere publicè decantabantur arte iconem Deiparæ super ara collocatæ, super qua etiam Dominicis & festis omnibus missam, ut vocant siccam, Sacrosanctæ consecrationis expertem, Ignatius faciebat. Octavo navigationis die Materiam Insulam Lusitanici Juris, non procul Canarijs seu Fortunatis tenuerunt, ubi Prætor certis de

causis aliquantisper subsistere cùm decrevisset, institores & nautæ ejus, quâ Ignatius vehabatur, onerariæ, in Palmam, unam ex Canarijs, præeundi copiam, privatorum negotiorum obtentu impetravere. Ignatius ob crebra Piratarum illic latrocinia principio digredi à classe reliqua abnuebat; sed cùm nihil propinqui discriminis in exiguo illo ad Palmam trajectu appareret, & tot suorum in reliquas naves dispartendi opportunitas, si suam defererent, vix adesset; ne videretur periculo, quod terreni lucris spe contemnebant mercatores, ipse in animarum quæstus institor abstergeri, precibus naviculariorum cessit. Igitur prius publicâ communione omnibus in navi indictâ, accitis deinde suis optionem dat, maluitne tantisper morari in Materia, an inferendæ in odium Fidei periculum mortis experiri? Quatuor ex omnibus cessere formidini vitæ studio, quos ipsos etiâ constantia postmodum ab incepto vitæ Religiosæ defecit. Quadraginta Ignatium secuti, eos qui cum P. Diaz remanebant, veluti gloriæ suæ præfagi, postremum amplexantur: quos omnes sacro Agni cerei amuleto Ignatius armavit. Ventus principio aspirans, medio in cursu eos destituit, cùm interim invicem omnes perpetuis ferè de Martyrio sermonibus, ad mortem se animarent.

Inter hæc vota subitus ex adverso ventus navim arcet portûs ingressu, quem propè jam tenebant, & ad Insulam Tertiam propellit. Hic Ignatius oblata sibi terrestris itineris, utpote longè securioris & brevioris ad optatum terminum commoditate, illud amplecti cum suis constituit. Et jam complures sarcinas navigio efferrî jussérat, cùm repente consulto per Sacrificium (quod in omni deliberatione solenne habebat) Numine, & socijs sacro epulo refectis, mutatâ mente, sese cum omnibus onerariæ restituit. Miro prorsus DEI consilio ad destinatam gloriam eum impellente; cujus etiam dispositione factum credi potest, quòd intervallum 80. leucarum Palmam à Materia dirimens, diebus 15. navi expeditâ, neque multum adversantibus ventis, vix decurrerint, quod tamen Jacobus Soria, nobilis Pirata, gente Normanus, ferox Calvinista, & à Joanna Navarræ Regina maritimæ rei præfectus, navibus quinque onere depressis tri duo permenus est. Is ad Materiam naves septem applicaverat prædabundus, sed denis adversum se Lusitanorum emissis navigijs fugere coactus, ad Canarias classem convertit, & quarto die,

qui Jovis erat, in conspectum Palmas, & onerariæ nostræ, quæ portum capere vento destituta, neque juvari ab incolis vi maritimâ destitutis poterat, pervenit. Nostri ubi hostilem atque infestam Classẽ in se rectâ ferri aspiciunt, tormenta expedire, arma capere, omnia ad defensionem certatim disponere. Ignatius autem acceptâ in manus nobili suâ, quam Pontifex donârat, Deiparæ imagine, ad officium cunctos & pietatem, socios autem ad mortem fortiter pro Fide obeundam hortari, quos etiam postremum ita compellâsse fertur: *Hodie Fratres charissimi, uti mihi meus promittit animus, omnes è vita migrabimus, & Divinis in Cælo delicijs cum Christo Duce nostro, cum Beatissima Virgine Patrona, ceterisque calitibus fruemur. Præclariùs certè nobiscum agetur, Celi quam Brasiliæ portum invenistis. Igitur orationi intentis animis ad subeundam fortiter felicitèrque mortis necessitatem nos comparemus, quando scilicet bono Deo complacuit hunc nobis supremum esse diem paranda beatitudini sempiternæ: ejus amoris honorique vitam demus, qui pro nobis suam prior erogavit; & decet servis exæquatam cum suo Domino fortunam volentibus & gratulantibus esse. His dictis illi confestim protensis sublimè brachijs atque oculis in Cælum, omnes uno ore respondere: Amen, Domine fiat in nobis voluntas tua, tibi vitam ecce omnes cum sanguine libentissimi devovemus. Tibi hanc animam pro se quisque quam ducimus, & tue gloriæ reddimus. Interea ex applicata ad onerariam hostium nave, tres ingenti ausu insiliunt: quibus in vestigio necatis, irrumpunt glomeratim alij atque alij, ut jam sustineri amplius vis tanta non posset. Tum Soria ut Societatis homines in ea versari acceperat, quamvis paulò antè captos alios sacerdotes, & è Familia S. Francisci concionatores, indulgentem habitos*

dimisisset, promiscuè occidi omnes, quo flagrabat in nos odio, imperat, *interfice inclamans, interfice canes Papisticos, quoniam isti ad prava dogmata profeminanda Brasiliam petunt. Dein cum abisset propius: præcipientur exclamat, in sanctus Jesuita universi, Papiæ hostes nostri acerrimi. Ignatius interim Lusitanos ad cadendum fortiter hortatus, moriamur, inquebat, ut viros fortes & Christianos decet, & libenter ad unum omnes ob Christi nomen & Fidem occumbamus. Quas ejus voces agrè ferentes hæretici, primò quidem in capite graviter sauciatum, & mox tribus lanceis confossum; cum néque jam enecto Deiparæ effigiem avellere possent è complexu, unà cum ea dedere in pelagus præcipient. Ipse autem intermortuis vocibus socios affatus, Filioli, monebat, mortem nè expavescite, sed DEO gratias agite, quòd vitam vos suo impendere obsequio sinat. Porro corpus in mare projectum, neutiquam ut solet, subsidit, sed brachijs in crucem diductis, aquis innatavit, sacrâ imagine nunquam è manibus dimissâ. Cùmque diu exanime fluitasset, undis tandem absorptum, emerisit rursus, & nomen JESU tertio invocavit; dimissâ Deiparæ Majoris imagine, quæ cruentis digitorum, quibus eam diu strinxerat, notis signata, à præternavigante quopiam excepta, & nostris in Brasiliâ donata, hodièque cum sanguineis illis notis magnâ religione colitur. Eâdem porro necis suæ horâ visendum se præbuit Ignatius Hieronymo Fratri suo germano, longo locorum intervallo disjuncto, radijs mirè coruscans, & caelesti fulgore gloriosus.*



Socij 39. P. IGNATIJ AZEVEDIJ.



Um ab impijs in superiore navis parte Ignatius occiditur, P. Didacus Andrada annos natus 40. interim Socios ad gloriosam mortem sub tabulatis partim animabat, partim consentientes expiabat. Qui excitus clamore & strepitu, vidensque Ignatium vulneribus suis immorientem, in amplexum illius ruit, inclamans ad alios: *pugnemus Socij fortiter, nec sanguini parcamus, qui Christi sanguine redempti sumus. In qui-*

bus verbis pluribus confossum vulneribus, unà cum Ignatio in mare præcipitatur. Benedictus Castrius, similiter infernè cum tyronibus sibi conceditis precationi intentus, simul hostem potiri navis advertit, arreo Christi Crucifixi signo egressus, hostibusque obvius, ultro profitebatur; *Catholicus sum, Romanam Ecclesiam Matrem agnosco, ejus moi filius volo. Inter quæ verba tribus globis trijectus, cum Fidem prædicare non desinere, ferro punctim cæsique confossum, in undis etiam*



Quadragesima Socij I.E.S.U., Duce P. Ignatio Azavedio, pro Catholica Fide a Calvinistis in itinere Brasiliæ, mari demersi. A. 1570. 15. Julij.
c. Sereta del. Melch. Küsell f.

etiamnum vivens abiicitur. Emmanuel Alvarum, qui ad domestica Societatis officia à pastoritica vita transferat, vulnere in faciem inflicto, tabulatis allidunt, ossaque brachij utriusque & crura confringunt, & ad crudeliorem cruciatum lentè ita mori permittunt. Hic ubi alios atque alios Sociorum vidit è tabulatis ad lanienam protrahi, ita illos alacriter affatus est, nolite inquebat, *Fratres terreri cruciatibus meis, néve mei misereri: invidete potius felicitati meæ, cui pro suo nomine perferendi quidpiam, nunquam id promerito gratiam Dominus fecit.* Jam 15. annus agitur, cum in Societatem adscitis sum: Brasiliam toto jam decennio votis sequor: sed profectò bene mecum actum est, cui tenuis opera merces tam beato fine collata est. Et verò pri-

dem ille cælitus responsum à DEO accepit & loci, & mortis huiusmodi, quam egestus tandem in fluctibus consummavit, totamque jam olim cum suis circumstantijs, uni ex socijs Petro Luisio patefecit, Blasio Ribetæ, & Petro Fonseca, coram sacra imagine precantibus, gladiatorum capulis crania confregerunt, alteri insuper pugione per maxillam adaucto. Decumbebant tunc ex morbo Gregorius Scribanus, & Alvarus Mendez, & dissimulatà conditione suâ poterant vitæ consulere. Sed gloriose mortis desiderio, injectà sibi leviter Societatis veste, profligare in publicum seminudi, & jugula ferro præbuerunt. Simon Acoſta Tyro 22. annorum, quòd dignitate corporis & indolis ostentaret profapix claritatem, Sorix à

militibus sistitur : quo sciscitante , sitne Jesuita ? cum inficiando dilabi posset , mori tamen in sanctitate Religionis maluit , in oculis suis à Soria jugulari , & in mare præcipitari jussus.

His necatis succedunt tabulatis oneraria , quò Socios ætate juniores Ignatius abderat , binosque ac ternos productos , togis exuunt , & adactò iterum iterumque in viscera pugione , semianimes in fluctus deijciunt , præcis etiam , quos validiores ad uandandum adverterant , brachijs . Unus Joannes Sanchez adolefcens , nobilem mortis sortem evasit , non suo quidem vitio , sed quòd usui Soriæ futurus esset ad coquendos cibos , illi enim munerì inter socios adscitus erat : ex quo deinde omnia hæc conformiter ad Lusitanorum relationes , intellecta fuere . In cujus locum alium Divina providentia suffecit excellentissimæ indolis juvenem , affinem classis Lusitanicæ Præfeci , nomine Sanctum Joannem , qui captus observatâ Sociorum per totam navigationem modestiâ , & virtute , vehementissimè apud Ignatium instabat ipsdemi adscribi . Sed ad tempus , ut ipsâ expectatione ardentius incitaretur , dilatus , tandem communis mortis pari exitu ipsis conjunctus , numerum quadragesimum complevit . Hic ergo dum Socij necandi fecernerentur à reliquis vectoribus , ipse sæpius inter sæculares repulsus , semper iterum cumulo Sociorum se inferebat , ut quibus optabat in terris conjungi , eorum Ordini sociaretur in Cælo . Omnibus jam Socijs ita neci datis , quæsitum ex Soria est , quid reliquis vectoribus fieri vellet ? ipse , ut suum in nos odium testatum præclare faceret , manus ab illis abstinere jussit , potestate etiam quò maxime vellent , digrediendi factâ . Mox in res sacras furore converso , Sanctorum reliquias proculcant ; caput unius ex undenis millibus Virginis S. Ursulæ Sociarum , è carthesij fune impiè suspendunt ; Deiparæ , Sanctorumque effigies per cachinnos in scopum , in quem pugiones ejaculabantur , constituunt ; Rosaria , piàmque reliquam suppellectilem alto demergunt . Christi crucifixi signum unum quidem rogo exurunt , alterum verò sicarum ictibus , inter mille blasphemias , configunt . Unus etiam in Sacrum apparatus indutus , religiosissimas Missæ caerimonias æmulando derisit , & cum cerere Agni orbem ostentasset pro hostia , eum humi dein abjectum , ceteri pugionibus confodere .

Ceterum has flagitiosissimorum hominum crudelitates brevè secuta est vindicis

Dei ultio . Quatuor milites qui Ignatio vulnera imposuerunt , eodem temporis & loci vestigio oculis capti sunt . Ipse Soria aliquot post annos in Patria ad extrema deductus , & flagitiorum conscientia animi impositus effectus , cum neque de pœnitentia , neque de Deo quidpiam audire sustineret , infelicem animam orco transcripsit . Incidit hic felix Christi pugilum obitus in 15. Julij , qui eo anno Sabbathi erat , quo eodem die & horâ S. Teresa degens in Hispania , & numerum eorum occisorum , & genus , & causam eorum divinitus cognovit , renuntiavitque eadem ipsâ die P. Balthasari Alvarez ; simul testata , se illos cum Martyrij laurea conspexisse in Cælo . Verum illustre prodigium fuit , quod plurimi è Societate in Paraquariam navigantes spectaverunt 19. Nov. A. 1616 , quod omniũ testimonijs firmatum , Neapolim ita descriptum transmisit P. Marius Falconius A. 1617. *Die Sabbathi*, inquit, *19. Nov. sub noctem ventus versus in ortum est , qui per noctem omnino posuit , secutâque malacia est usque ad pomeridianum Dominici . O malacia ! ô suavissima malacia ! non qualis esse solet , quæ paritædium navigantibus ; siquidem ijs in undis constituti , quæ molle sepulchrum fuere illis undegradraginta Martyribus , quem credis nos sensum dulcedinis percepisse ? spectabamus undas , quæ in hanc usque diem apparent tinctæ speciosissimo sanguine , crystallis pulchrioribus ; splendidiore gemmâ pretiosius videbantur eæ guttæ , quæ ex aquis manubastis stillabant , nobiliores orientalibus margaritis , quæ si uno sole irradiantur illustranturque , hæc solibus undegradraginta . Aquæ nobis nequiores , quas degustantes , suavissimas percipiebamus . Cum igitur constitissemus , animis præ dulcedine supra ipsas aquas liquefcientibus , & vix non linquentibus , mille se nobis species exhibuerunt in undis , quas attoniti spectabamus . Jam videre videbamur Sanctos illos sanciatos ; jam plenis manante ; rivois , stillantesque de pectoribus sanguinem , jam discursare carnifices : cum ecce ventus exsurgens aquas turbavit , naves provexit , nostra gaudia diluit .*

Reliquorum 30. qui præter jam relatos , glorioso mortis agone decertarunt , nomina sunt sequentia . Primus , Alexius Delgadus , Tyro , annorum 15. 2. Alphonfus Vaëna Toletanus , opificio aurifex coadjutor . 3. Andreas Gonzalez Lusitanus . 4. Antonius Correa Lusit. ortu Portuensis , 14. annorum , placidissimo ingenio puer , & orationi deditissimus , qui coram SS. Eucharistia aliquando orationi intentus , certior à DEO gloriolæ mortis factus est . Quo nuncio latissimus ,

in cruciatus quosque acerbissimos spem erigebat. Huic cum heretici caput illiso bis terve mucronum capulo, quasi dedignantes puerum necare, solum cruentaissent, ipse ne mortem amitteret, questus coram socijs duritiem sui capitis est, ex quo vix aliquid sanguinis pro Christo elici potuisset; atque illico ubi in Socios crudelijs favebatur accurrens, una cum ijs vivens, sine alio vulnere in altum deturbatus est. 5. Antonius Fernandez Lusit: 6. Antonius Suarez Lusit: 7. Dominicus Fernandez Lusit: 8. Emmanuel Fernandez Lusit: 9. Emmanuel Pancecus, Lusit: 10. Emmanuel Rodriguez Lusit: 11. Ferdinandus Sanchez, Castellanus. 12. Franciscus Alvarus Lusit: Coadjutor. 13. Franciscus Magallianez, nobili loco Lusit: 14. Franciscus Perez Godojus, Hispanus. Hic Salmanticæ literis deditus, cum exerceri meditationibus S. Ignatii impetrâset, Divini Spiritûs instinctu ad Societatis vitam perpelli cepit. Sed morabatur eum præcipue superioris barbæ decor, studiosè hæcenus ab eo procuratus, quem sibi, quod necesse erat, præscindi, vix in animum inducere poterat. Verùm obruente vi Spiritûs Divini, ipse forfices de repente corripiciens, barbam omnem penitus resecuit, & Methymnam, Tyrocinium sub P. Balthasare Alvarez positurus, evolavit. Luxit in eo diligentia quadam exquisita, in omni adione exactissimè adhiberi solita; ut interrogatus aliquando, cur infano calore in culinaria suppellectile ad nitorem usque expolienda se fatigaret, quæ mox iterum deturpanda foret? responderit, non præsumere se alioquin opus illud B. Virgini repræsentare, nisi numeris omnibus absolutum. Infederat genæ ipsius infestus crabro, cum peregrinationis experimentum pedes cum socio de more faceret, & jam multo prolucido sanguine, dolorem tumor, inflatioq; vultûs sequebatur. Ipse interea certus vesperam non depellere, patientiâ triumphabat, donec socius re animadversâ bestiolam abegit. Notatus in tyrocinio defectu finis oculi, quem ipse cupidine adipiscendæ Societatis in primo examine reticuerat, laborare, fuerat à Societate statim dimittendus: cum P. Balthasar mero re animi tabescentem solaturus, spem retinendæ facit Societatis, si in Brasiliam cum P. Ignatio proficisci animum inducat, cui multum utilis Juris Pontificij, & canendi peritiâ esse posset. Ipse conditione lætissimo animo acceptâ, tanto ardore animos ad eam colligere instituit, ut cum in eo apud Olyssiponem intra Collegij prædium secessu datus coco

adjutor, compositis aliquando à prandio omnibus culinæ instrumentis orationi se dedisset, totas septem horas genibus nixus, etiam cenâ neglectâ in ea perseveravit, quia scilicet coquus, qui id facturum promiserat, illum non advocavit. In crudeli illa Sociorum laniena identidem altâ voce exhortans, solennem illam P. Balthasaris in Tyrocinio penitus imbibitam tesseram ingeminabat: *Eja Fratres non degeneremus à præcellis cogitationibus Filiorum DEI.* 15. Gaspar Alvar. z, Lusit: Coadjutor. 16. Gonzalus Henriquez, Lusit: jam tum Diaconus. 17. Jacobus Perez Lusit: hic Eboræ operam dabat Philosophiæ, adjectaq; ad Franciscanorum Ordinem mente, ad eorum cænobium aliquando ad missionem postulaturus, omisso ludo literario excurrerat. Postero die Magister ab eo pœnas absentiae de more poposcit, cum neque purgaret absentiam, neq; supplicium detrectaret. Quod postquam silentio subijt, ac tum primùm absentiae causam patefecit: admiratus virtutem Magister, & idoneum Brasiliæ expeditioni ratus, conditionem illi proponit: ipse fortunâ oblatâ lætissimus, continuo nomen dedit. Cujus de glorioso exitu ubi Magister postea condiscipulis retulit, illi certatim notatas in eo virtutes enarrare, & locum ipsum, ubi inter illos sedere consueverat, in veneratione habere, & vacuum deinceps semper relinquere. 18. Joannes Baëza, Hisp: 19. Joannes Fernandez, Lusit: Bracharensis, Coadjutor. 20. Joannes Fernandez Lusit: Ulyssiponenfis. 21. Joannes de Mayorgo, Vasco. 22. Joannes à Sancto Martino Hispant: 23. Joannes Zaurus Toletanus. 24. Ludovicus Correa, Lusit: 25. Marcus Caldeira Lusit: 26. Nicolaus Dinis Lusit: Is totos jam quinq; annos Grammaticæ classes nullo doctrinæ, sed maximo probitatis compendio frequentabat in Patria sua Brigantiæ. Et cum Societatem ardentissimè flagraret, ab Ignatio in Brasiliam assumptus est, 17. ætatis annum agens. Et cum eo nuncio velut impos animi gaudio exiliret, causam rogatus, respondit, nequire se animo gestienti temperare, ex quo sibi Deus paulò antè sponderit, haud multò post quàm fuerit Societate receptus, cruentæ mortis gloriam adepturum. Mortem ejus Brigantiam nuntiata Antonius Pinheiro Mirandensis Antistes dum populo pro concione proponeret, *Nicolaus ille noster* inquit *inter alia, quem hæc vestras sæpenumero placentis vidisti obeuntem, jam Christi gloriosum Martyr est, ingentis gloriæ coronâ nunquam defecurâ redimitus: quando ego quamvis Antistes,*
dubius

habius salutis meæ, atque incertus inter vos sum.
Ità ille ex sua privata sentiebat pietate.
27. Petrus Nunnez, Hisp: 28. Petrus Fonto-
rius Lusit: Coadjutor. 29. Simon Lopez Lu-
sitanius. 30. Stephanus Zurara Cantaber. hic
in signi morum simplicitate & candore præ-
ditus, digressurus Placentiâ, ubi vestiarium

procurabat, ad sequendam Brasiliam, Patri
Josepho Acoftæ factus est, se ingenti gaudio
proficisci, utpote certum Martyrij, quod sibi
Divina Majestas, quæ fallere non potest, oran-
ti spondidisset. Cum proijceretur in pela-
gus *Te Deum laudamus*, altâ voce concinere
exorsus est,



P. Petrus Diaz Lusit: S. I. cum 4 Socijs in itinere Brasilo pro Fide
Christi ab Hæreticis in mari demersus. A. 1571. 13. Septembris.
C. Secreta del. Mælk. Küsell f.

P. PETRUS DIAZ, cum 4. Socijs.

Coriosum Ignatij Azevedij cum
Socijs exitum, plenâ pietatis
epistolâ in Europam perscribens
P. Petrus Diaz, magnopere for-
tem suam in ejus calce deplorat,
quod à tanta felicitate exclusus, cum alijs
Martyrij experts, in Materia Insula relictus

fuiſſet. *Obſupeſco ſanè inquit, mecum ipſe con-
ſiderans mutationes, migrationesque noſtrorum
è navis in navem, Olyſſipone primum, deinde in
hac Inſula Materia: ut felix ille manipulus, ſic-
uti Gedeonis quondam milites, pene viritum à
Domino leſti fuiſſe videantur. Me in S. Jaco-
bi navem imponere, (id nomen onerariæ Igna-
tium*

tium vehenti fuerat) ipse apud Aloysium Praefectum remanere Ignatius jam propè decreverat, sed mutavit consilium, quòd ego tanto bono indignus videlicet fui. Reliqui sumus nunc è Societate ad 30. Captum iter Numinis fiducia persequi certum est: utrum eodem eventu, nescimus; illud quidem intelligimus, Jacobum Soriam id vehementer expetere, nobisque rendere infidias. Neque expectationem viri zelotissimi frustratus est Deus, sed ejusdem lauræ copiosius etiam fortè participem fecit, prout fusè enarrat Franciscus Henricus, Praepositus Domus Professæ Olyssiponicæ, epistolâ Romam A. 1571. perscriptâ, cujus verbis totam rei feriem narrare placet. Post obitum Ignatii cum Lusitanicæ naves è Materia Insula cursu in Brasiliam directò solvissent; aliæ alium eventum sortitæ sunt: ea verò, quâ Petrus Diazius cum Socijs aliquot vehebatur, ad Cubæ insulæ portum, cui à Sancto Jacobo nomen est, fluctibus & procellis adeò labefacta pervenit; ut eam relinquere planè sibi necessarium duxerint. Sed cum alia esset ibi nulla, ad Abanam ejusdem insulæ portum in Orientem procedere statuunt; ac tridui primum iter emensi pedibus, & quidem exalceatis, imbre denso atque perpetuo, viâ tetricâ, difficultatibus præterea, ut in ejusmodi regione, maximis, exiguo & aperto sese commiserè navigio, ventis pluviaeque adeò expositi, ut non commeatu modò corrumpetur humore nimio, sed & ipsa quibus induti erant vestimenta pene putrescerent. Eo navigio quatuor & septuaginta leucas Abanam usque provecti, majoris formæ navi in eo portu conductâ, Augusto mense denique ad insulas Tertias, Aloysium Regium Praefectum, & è nostra Societate Franciscum Castrium, & 5. fratres qui antecesserant, assequuntur. His Aloysius navali turbâ vehementius imminutâ, quòd & ex oneraria ipsius in tam difficili ac diuturna mensum quindecim navigatione viri sexaginta perierant, & ad Antillas multi subsisterant; multi etiam laboribus periculisque defatigati mutato consilio in Lusitaniam inde revertantur, cum superesset vestorum & nautarum vix quod in unam satis esset onerariam (in quibus tamen ipsis feminae quinque & viginti, imbelli cum puerorum grege numerantur) redactis in unum omnibus, captum iter unicâ navi peragere instituit; solvitque feriâ quartâ octavo idus Septembris. Porro è Societate nostra (totidem alijs fere tempestate disiectis, de quibus nihil dum certi compertum est) 14. aderant, Patres duo, Petrus

Diazius & Franciscus Castrius; duodecim fratres; Alphonsus Fernandus, Gaspar Goës, Andreas Pais, Joannes Alvarus, Petrus Diazius alter, eodem quo sacerdos nomine, Fernandus Alvarus; & ex novitiorum numero Michael Tarraconensis, Franciscus Paulus, Petrus Fernandus, Sebastianus Lupius, Didacus Fernandus, Didacusque Carvallius.

Dies octo in altum Oceanum prospero flatu provecti, naves quinque sole jam occidente conspiciunt, quarum erant Gallicæ quatuor, una Anglicæ. Eæ dissimulato in noctem usque consilio, conversis deinde repente proris, vento secundo navem nostram insequuntur. Id ut animadvertit Aloysius, ratus (id quod erat) & hostes esse & hæreticos; advocatâ statim concione socios navales ad prælium acriter ineundum hortatur, mortemque ut Christianos deceret pro Catholica religione fortiter oppetendam. Deinde arma expediti, culcitras locis opportunis prætendi, saxorum vim congeri, sulphurei pulveris cados promi celeriter imperat: dispositis denique ad pugnam stationibus, peccata ritè confessus est ipse, & cæteri, quibus eâ nocte consistendi spatium datum est. Verùm inalbescente jam die rostrata hostium navis ex eorum genere, quos Galeones appellant, ad nostram appropinquaverat amplior & eminentior multò, duabûsque tormentorum significationibus, de more jussérat à Lusitanis vela submitti. Cum illi nequaquam parerent, tum hostes factò ter in onerariam impetu, quinque ex eorum numero occidunt, 17. còsque ferè omnes in eruribus vulnerant, sic ut funibus ne caderent alterâ manu apprehensis, non nisi alterâ decertare possent. Et quamquam hæretici è superiore loco admodum pugnabant, haud tamen incruentum eis fuit certamen: siquidem & initio certaminis de suis 20. ferè amisèrè, vulneratis præterea circiter undecim; & deinceps tribus bombardæ idibus læsi gravissimè sunt, quorum uno diffractus malus, & vela prostrata; altero perforatum carinæ latus, non sinè magno eorum discrimine aquas accepit; tertio discepti decem simul hæretici; quæ tametsi erant omnia, non levia incommoda, nihil tamen hostes æquè perturbavit ac vela dejecta, prorsus ut de se actum jam arbitrantur. Tum verò ex ipsa desperatione omnibus connixi viribus, quantum jam nostros invadunt, & minore quam putaverant negotio superant. Decem quippe non amplius propugnatores erant relicti, quorum 5. in prora collocati pri-

mo impetu cecidère. Itaque patefacto jam aditu, hæretici ad sexaginta vi maximâ irrumpunt, quos Aloysius, cum duas ferreas glandes, alteram accepisset in pectore, alteram in crure, quamquam exhaustis jam corporis viribus, magno tamen animo constituit opperiri; gladiôque & scuto nunquam abjecto, ad extremum usque spiritum dimicavit egregiè. Ejus morte à reliquis deditio facta, quæ tamen ad mitigandam hostium crudelitatem minimè valuit, nam diabolicis instructi furijs, obvios quosque obtruncant: Aloysium ignari quis esset, nudatum, itémque aliorum corpora, multis adhuc spirantibus, in undas projiciunt. Versus deinde in Sanctorum reliquias, & sacras imagines furor, quarum erat ingens in ea navi numerus. Has hæretici Catholicis per vim extorquere, trahere per tabulata, calcare pedibus, in ignem denique gratulabundi conijcere: simul ore impurissimo in Sanctos, quorum erant ille reliquæ, blasphemias evomentes, quas horret animus scribere. Quin etiam repertas vigesimo post die statuas duas, alteram Sacratissimæ Virginis, alteram Angeli, elatas in publicum sacrilegis fregere manibus, caput Angeli per ludibrium totâ navi circumferentes. Tertium & trigésimum vagati diem, capto etiam Algarbiensi navigio, prædam exposuere, postremò ad Orvium promontorium oræ Callaicæ. Classi præpositus erat Joannes Cadavilius Gallus, hæreticus vehemens, & Ecclesiasticorum Ordinum inimicus acerrimus; rostratâ vehebatur eadem, quâ Jacobus antè Soria Ignatium Azevedum & comites ceperat & occiderat. In Aloysium verò Præfectum incidere Calviniani, cum ab Insula Gomera, eam depopulati, solvissent.

Atq; is fuit Aloysij & Lusitanorum obitus, cujus viri de fortitudine virtutèq; frater noster ita multa commemorat; ut pro certo habendum sit, animam ejus in Cæleste Domitium commigrasse. Nunc veniamus ad nostræ Societatis homines, quod maximè nobis propositum est. Ii, cum hostes infesti adventarent, à media nocte ad lucem usque expiandis per confessionem criminibus quisq; suis vacarunt. Deinde tabulata subire jussi, non nisi commisso prælio ascenderunt ad animandos milites, cibo recreandos, & curanda vulnera. Sed quo tempore facta est deditio, in summa navi præter Castrum exstabat nemorum; namq; is paulò antè ad excipendam unius è Gubernatoribus confessionem ascenderat, ad imam proræ turrim ex vulnere animam agentis. In eo munere oc-

cupatum, hæretici vulneribus quàm plurimis punctim cæsimq; confodiunt; irâ maximè perciti, eo quod Ecclesiæ Sacramenta ministrantem offenderant. Nam in cæteros non adeo se viere: in Castrum verò certatim omnes. Sub idem tempus Petrus Diazius, qui ad eam usque horam confessionibus eorum, qui sub tabulatis erant, operam dederat, atq; hilari semper ac sereno vultu animaverat cæteros, Gaspere Goë sequente, in apertum prodijt. Ut primùm apparuere, utrumque Galli confestim occidunt, nec puero quidem ætatis admodum teneræ parvum, qui à Petro ægre sese divelli patiebatur. Atq; hoc maximè modo tres ij primo congressu cæsi ac nudati deiciuntur in pelagus. Tum undecim reliqui sedato jam paulisper tumultu, sese invicem plenè pietate sermonibus adhortati, ultro in editiora navis evadunt: nec modo latendi causâ, in cæteram turbam sese non inserunt; sed etiam in unum deditâ operâ conglobati omnes, apertè profitentur, se & ejusdem esse religionis, cujus tres modò perempti, & æquè paratos ad mortem communis Domini gratiâ subeundam. Quos circumfusi confestim hæretici, dictis factisq; eo die toto contumeliosè ac petulanter illudere ac divexare non desinunt, cum illi responderent nihil, nisi siquid ad honorem DEI, vel ad dignitatem Ecclesiæ Catholicæ pertineret. Ubi nox adfuit, manus ad terga religantur infontibus: atque inter vinciendum accidit ut Michael Tarraconensis è vulneribus, quæ in brachijs principio acceperat, ingemisceret: quæ res tantùm absuit ut hæreticos ad misericordiam permoveret, ut etiam arreptum furenter hominem, multa ingerentes probra, è navi præcipitaverint & ne committatus abiret, Franciscum quoque Paulum (nam is erat proximus) eodem impetu deturbârunt. Sic eo die 13. Septem: A. 1571. quinq; Socij ex 14. interceptis, in Fidei odiû cæsi sunt. P. Petrus Diaz annorum 54. Lusit: Socijs reliquis Præfectus. Admissus is fuit in Societatem A. 1548. Conimbricæ, ubi deinde in studijs altioribus versatus, & repentè illi vale facere jussu, totum annum culinæ ministerijs magno humilitatis præbito exemplo, applicatus fuit. Sacerdotio initiatus nunquam aliter quàm de genibus horas Canonicas persolvit, etiam tum, cum Procuratoris munus magnâ accuratione obiret; ut adeò quoties eum negotiorum causâ, quod fiebat sæpissimè, evocatum venirent janitores, semper ferè genibus nixum deprehenderent. Alter fuit P. Franciscus Castrius, & ipse ætate jam

jam grandior, decimum in Societate annum agens. Tertius Gaspar Goëz. 4. Franciscus Paulus. 5. Michael Aragonius, Catalauniâ oriundus. Barcinonæ dum studeret, documentum edidit indolis Martyrio perquam accommodatæ. Innexuerat ille in publica Academiæ area æmulum scholasticum argumentorum nodis sic, ut quia se expedire ratione nullâ poterat, alapam Michaëli impigerit. Quam Scholasticorum aditans corona, cum ferro rependere hortaretur, ipse ultionem Christi arripens, & in genua provolutus, alteram adversario maxillam præbuit. Quarto post mense in Societatis tyrocinium adscriptus, A. 1567. cum Theologiam accurate jam persequeretur, Ignatio se adjunxit,

ut in Brasilia primus Philosophiæ studia constitueret. Postremus Gaspar Consalvius, ubi advertit nullam spem vitæ relinqui Societatis hominibus, depositâ veste, calceis & galero, nauticæ turbæ se immiscuit. Sed hæretici multum in capta oneraria ejusmodi turbæ conspicati, ne in alenda tot corpora cibis abuterentur, aliquot eorum, velut inutile pondus, atq; imprimis Gasparem dant è navi præcipientem, neque speratâ vitâ quam quærebat, neq; gloriosâ morte quam susceperat potitum.



ALPHONSUS FERNANDEZ, cum sex Socijs.

Necatis per immanem crudelitatem eo modo 5. Socijs, novem reliqui Sacerdotij expertes vinctulis injectis in cubiculum unâ navis detruduntur, adhibitisque custodibus totam eam noctem, partemque sequentis diei transigunt. Quorum deinceps pretiosam mortem, & illatas à Calvinistis Gallis Anglisque injurias, ita persequitur eadem epistola P. Franciscus Henricus: Interea alij super alios adsunt ad ostium carceris, tristia nunciantes, quidam etiam truci obtutu, strictis minaciter gladijs frementes: *Papiste, latrones, æquis erit aliquando qui vitam vobis eripiat?* & alia ejusmodi. Interea nostri, quasi futura prospicientes, magno animo sese ad extrema quæque paraverant: nec eos sefellit opinio. Nam educi è carcere, damnantur capitis. Jamque parabantur laquei ut suspenderentur singuli è maximo navis malo: cum Prefectus majoris prædæ spe, quod eos putaret pecuniam ad templum in Brasilia exadificandum secum attulisse, rem in præsentia distulit; sed eorum compertâ denique inopiâ, Petro Diazio, Didacôque Carvallio ibidem relictis, septem reliquos in rostratam exoneraria transferri jubet. Hic eos hæretici denuo circumfistère; nec solum in fratres nostros, verum etiam in Romanum Pontificem Christi Vicarium, in Ecclesiasticos ritus, in Sanctos eorumque venerationem, denique in Sacramentum ipsum Altaris, contumeliosa atque impia verba proferre; ad quæ cum illi fortiter admodum responderent, cedebantur pugnis, alapisque frequentibus defensores Catholicæ Fidei:

quin etiam exquirebantur diligenter in summis capitum verticibus, sacre quas appellant coronæ; quarum hæretici si quas invenerant, has verò iterum iterumque singuli tundere, & simul jurgijs & maledictis in eisdem invehi, cum alijs multis, tum illis præsertim: *Canes, fures, veteratores; per vos stat, quò minus conspirent universi mortales, atque consentiant, sublatisque discordijs ac tumultibus, tranquillâ omnes pace atque otio perfruamur. Vestro scelere non modo in Germania & Gallia, verum etiam Brasilia, atque adeo toto terrarum Orbe prava doctrina diffunditur.* Erat è novitiorum numero Petrus Fernandes faber lignarius, omnium recentissimus ille quidem, sed apprimè humilis & magnâ virtute vir. Is initio demissionis pileo talarique tunicâ exutus ab hostibus, ne deinde fallente vestitu pro seculari haberetur, & præclaram pro Christo moriendi occasionem amitteret, aggregabat se ad fratres identidem, vultu oculisque ad modestiæ religionisque significationem ita compositis, ut vel ex eo satis intelligerent hæretici hominem esse de nostris. Quo etiam vehementius irritati, caput ejus arreptum utraque manu subrigere, colaphis petere, digitis oculos aperire, palpebrisque distendere, paxillos denique mento subdere nè vultum demitteret, ad hæc illum contumelijs inceslere ejusmodi: *Canis attolle faciem, frontem exporrigere; quæ ille nimirum excipiebat tantâ non solum animi æquitate, sed etiam oris hilaritate, ut eo bono se indignum existimans, conversus ad Deum diceret: Quo meo mihi merito hoc tribuit, ut pro te patiar Domine?*



Alphonſus Fernandez Luſit. S.I. cum 6. Socijs pro Fide Chriſti à Calvinis-
tis in mari ad Inſulam Tertiam merſi A° 1571. 14. Septembris
C. Secreta del. Melch. Küſſell f.

Per hanc ſimul procacitatem atque ſe-
vitiam hæretici cū ſe miſeri diutiùs ob-
lectaſſent, alij demum aliò varios in uſus di-
greſſi ſunt; ſpatiūque fratribus datum ad
inflammandos mutuis cohortationibus ani-
mos, virēsque recolligendas: quo in genere
Petri maximè Fernandi, ejus quem modò
dixi caritas ac virtus enituit, cū in ſingu-
los congreſſus, lætiſſimo ſemper vultu cæte-
ros ad conſtantiam ac Fidem accenderet, at-
que ad agnoſcendam inſignem hanc in ſe
Dei beneficentiam multis rationibus exci-
taret. Cujusmodi ſermonibus dum ſe invi-
cem confirmant fratres, magna rursus cir-
cumvenit eos hæreticorum manus. Inſti-
tuitur de religione certamen: oppugnabant
hæretici ſupplicationes & preces, quibus au-

xilium à Sanctis more Catholico expoſci-
mus, quā in diſputatione acrior coortus qui-
dam ex ijs: *nōne, inquit, cernitis in noſtra
potestate vos eſſe captivos? quin vos igitur Maria
Virgo Sanctique, quorum opem implorandam
affirmatis, è manibus noſtris eripiunt? cui fra-
tres: Si expediat nos eſſe ſuperſtites, Beatiffima
Virgo Sanctique, & vitam vobis à Domino, & li-
bertatem obtineant utique: ſed quia emori præ-
ſtat, idcirco non impetrant.* Hæc & alia id ge-
nus reſpondebant fratres: quæ illi cū ferre
non poſſent, amentes iracundiā & rabie,
conſputabant ora ſubinde noſtrorum: quin
etiam quodam Alphonſi Fernandi reſponſo
permotus unus ex ijs furēnsque: *ob id ipſum
inquit, quod ita dixiſti, peribis.* Cui Alphon-
ſus utpote Prominiſter: *non ſolus ego, ſed omnes
plani*

plani mori parati sumus. Atque expectate (ait hæreticus) *molesti canes, caput egomet vobis præcidam, vosque (meam fidem testor) in mare projiciam.* Hæc altercatione in cœnam ulque ducta, discedunt hæretici: fratres verò tempus nacti rursus molestiâ vacuum, de integro adhortari se mutuò, divinam opem in tali tantòque salutis æternæ discrimine expectere; Christi morte cruciatibusque memoriâ repetendis, sese ad perseverantiam, atque fortitudinem incitare; Deo denique pro tam præclara sibi oblata bene moriendi occasione gratias agere. Interea hæretici expleto epulis ventre, animi quoque feritatem extremo supplicio nostrorum exsturare constituunt: nec mora: singulos ostioni denive circumstant, exutosque tunicis, quantâ maximâ vi quàm possunt longissimè à navibus in altum ejaculantur. Ac Petrus quidem Fernandus & Joannes Alvarus, natandi minimè periti, fluctibus hauriuntur illico: cæteri s. unum in locum divinitus congregati, diu sese sustentant, postremum vale sibi dicentes invicem, ac veniam delictorum inter se petentes. Didacus verò Fernandus, quem unâ cum Sebastiano Lupio (qui deinde superstitis ambo fuere) sub noctem hæretici quidam, quasi divino jussu, cibo potùque refecerant, validus viribus, classem, quòd è repentina pluvia venti quieverant, tardiùs euntem assecutus, & nescio quo pacto in unam navium acceptus, Divinæ consilio Providentiæ man sit incolumis. Luctantur cum fluctibus reliqui, & quamquam in summa difficultate ac defatigatione, Apostolico Symbolo, precibusque fundendis ad Deum sese contra spirituales nequitias communire non desinunt. Jamque nox erat media, cùm Alphonso Fernando in verba præeunte, certos è quinquagesimo Psalmo versiculos decantare cæperunt, atq; illum præsertim: *Tibi soli peccavi, &c.* Verùm lassitudine tandem victus, & aquarum vi obrutus Alphonfus exstinguitur, spectatâ

probitate ac religione vir, ejus præcipuè robur animi ac virtus in hæreticis modò refutandis eluxerat. Hunc autem eo consilio è Lusitania secum abduxerat Azevedius, ut Philosophiam, cui magna cum laude vacaverat, in Brasilia Provincia proficeretur. Alphonsum secutus est mox JESUM invocans Andreas Pais: postremus omnium Fernandus Alvarus mergitur. Tum Sebastianus Lupius in mari medio, nocte intempesta, densis tenebris, imbre maximo derelictus, clatum sortè quâdam in classe lumen eminus mutuens, mille circiter & quingentorum piscium intervallo distantes consequitur naves; quarum ad unam, itémque alteram accedens, & ut admitteretur suppliciter postulans, cùm acerbè minitantes hostes, intentaque in se tela sensisset quasi ad extremum perfugium contendit ad unam è scaphis: cujus ad marginem stans sortè quidam hæreticus paulò mitior, tum Sebastiani angustias, tum etiam forsassis ab se desertæ veræ Fidei Religionisque recordatione commotus, excipit hominem, penulâque contactum, ac surtim in navem impositum, commentis quibusdam hostium furori atque immanitati subtrahit. Duos autem illos qui in Lusitanica navi relictî fuerant, eodem genere mortis eadem animi magnitudine defunctos accepimus. Porro nobis hæc omnia Sebastianus ipsemet Lupius exposuit. Nostotam rei gestæ seriem his consignatam litteris eidem Sebastiano recognoscendam ostendimus: cujus ille narrationis veritatem ac fidem suo rursus testimonio comprobavit. Hic felicissimus DEI fervorum exitus fuit: ac longè diversus intersectorum: quorum corryphæus Capdevillius in oppido suo natali Salies, securi obruncatus à privato inimico est. Crassus Petrus de Btovage præcipuus in præcipitandis in pelagus sociis, & ipse deinde prolapsus in mare, nunquam comparuit.

P. GONZALUS CARDOSUS.

Pater Gonzalus Cardosus ortu Lusitanus, unus fuit è Socijs Andreæ Oviedi. Cum quo Ulyssipone A. 1556. solvens in Indiam, atque unâ profectus in Æthiopiam necdum sacris initiatus, ab eodem inter Abassinos in sacerdotem consecratus est; fuitque illi deinde cum alijs socijs laborum omnium, ærumnarum, carceris,

exilij fidissimus comes, & adjutor. Et quamvis lucrandis omnium Christo animis sese impenderent, in pertrahendis tamen ad veritatem Catholicam obfirmatis in schismate Monachis potissimam operam ponebant; à quibus tamen id obtinere, ut nulli impensius ad extirpandas ab Æthiopia Catholicorum reliquias Imperatorem urgerent, quàm illi pseudo Religiosi. Gonzalus nihilominus,



P. Gonzalus Cardosus Lusit: S. I. odio Fidei interfectus in
Aethyopia. A° 1574 22 May.

C. Scretta del.

Melchior Küßell f.

nus, periculorum omnium contemptor, & labores in delicijs numerans, dies & noctes hæreticis æquè ac Catholicis indefatigabilem navabat operam. Præcipuus fructus exitit à conciliatis dissidentium, animis quos à dexteritate tractare noverat, ut arbiter videretur alienarum voluntatum. Quibus in DEI obsequio strenuis conatibus non tantum pretiosam mortem apud Deum est promeritus, sed eandem sibi obventuram cælitus edoctus, disertè alijs prænuntiavit. Contigit subinde illum à Patriarcha mitti in pagum Dambeam, itinere dierum 15. distantem, cum Francisco Lupio comite, ut Catholicos incolas Sacramentorum pabulo & prædicatione pasceret; quam ille missionem magnà animi alacritate suscipiens, Patriar-

chæ sibi & laboribus futuris bene apprecanti dixit: *Leto atque hilari animo hoc iter suscipio, quod obedientia, quæ mihi vitâ charior est, suscipiendum imponit; scias tamen neque me peruenturum Dambeam, neque ad te amplius reversurum.* Nec mora; continuo in viam cum socio Francisco se dat. Et jam partem itineris majorem confecerant, cum Cardosus Franciscum monet, instare tempus moriendi: ipsum quoque in eodem periculo futurum, consulat tamen diligenter sibi, & ad communem illius afflidiissimæ Christianitatis utilitatem, quam dirè vexabant Imperatores, servet vitam. Nec multò post, cum unà in sanctis affectibus & sermonibus cæpto itinere pergerent, perditi quidam è schismaticorum secta homines sylvâ erumpunt,

punt, atque utrumq; ferociter aggressi, Cardosum quidem primo ictu contrucidant; Lupius autem vulnere minime lethali faucibus, in densam & secretam sylvam se abdedit, ac post multas ambages incolumis ad suos pervenit; diuque post reliquos Patriarchæ Oviedi socios superstes, etiam P. Emmanuelem, Fernandium, primi post Patriarcham nominis sodalem tumulo intulit. Hic obitus sui similiter præcius, cum peregrè Fremonâ Catholici hominis exceptus hospitio, egredi festinaret, hospiti ægre ferenti, *sine me*, ait, *eo pergere, ubi cursus mei metam magnus Agonotheta Deus fixit, morituro Fremonæ; ut ibi prope cineres magni nostri Patriæ Oviedi Patriarchæ sepeliar.* Ut eò pervenit, caput ægrotare: & Christianis pro viri caritate visentibus, die, inquit, *Natalis Christi moriar.* Eosdem nuncio recens appulso consternatos, quod pseudomonachus schismaticus Imperatori, apud quem graciosus erat, suaderet, ut reliquias omnes Catholicæ Ecclesiæ neci daret; bono animo esse iussit, addens Pseudomonachum brevi moriturū, antequam im-

petraret, quod petebat. Illucescente prædicto die frequentes Catholicos ad constantiam in Fide hortatus, Missæ Sacrificium celebrante Lupio, cum ijs interfuit, & S. Eucharistiam percepit. Tum vultu latissimo *ite*, inquit, *nunc in domos vestras, sed adeste à prandio frequentes.* Secundum hæc supremo inunctus oleo, repente versus in certum conclavis angulum, *ab Domina mea*, exclamat, *ab Domina mea!* Admiratus Lupius, *quid rei est Pater*, inquit, *quam Dominam inclamas?* ad hæc ille caelesti plenus gaudio, *vidi, ait, vidi, Virginem Deiparam divinâ luce radiantem: sine abeuntem, sine me vocantem sequar.* His dictis animam efflavit, & Catholici corpus extincti mixtis gaudio & dolore lachrymis rigant, ac venerabundi exosculantur.



P. MAURITIUS SERPIUS.

Viana nobile Lusitanie oppidum P. Mauritium tulit, virum Patroni sui nominis strenuum æmulatorem, & plenum generosum in militia Christi spirituum, cui nomen suum in ejus Societate dedit A. 1547. Videre in ipso erat exactissimam parendi promptitudinem, eâ facilitate & ac curatione ad exequenda, quæ obedientia imperabat, ferri solitam, ut in ipsos moderatorem nutus intenderet. Perpetuam cum DEO conjunctionem, & tenerimum, quo velut infans in dulcissimi matris sinu quiescebat, per orationem recursum, testabantur assidui lachrymarum imbres, quibus in omni sacrificio, precatione, quovis de DEO sermone, quem solum cum proximis ferere semper solebat, suavissimè perpluebat. Magnâ fuit animi simplicitate & candore, cum eximio juvandarum animarum studio conjuncto, ex quibus eò prior ad opitulandum illis ferebatur, quò fuissent fortunæ conditione tenuiores. In se ipso asperis modis habendo fuit omnino durus & inclemens; aspero setis cilicio plerumq; succinctus; & flagris tantâ in se duritate seviebat, ut licet nullos in funiculis adhiberet sanguini prolificando aculeos, membra tamen

copiosè cruentaret, siquidem nullam prope modum horam diei à diverberatione sui liberam præteribat. Inde perfectum illi fuit in perturbationes, & effrænes naturæ impetus dominium; & simul tantus castimonie nitor & facilitas, ut illibatam sepulchro intulisse credatur. Missiones omnes, quas plurimas in Lusitania magno animarum proventu obiit, pedes semper instituit; non alio, quàm stipe corrogato cibo visitans. Accidit in earum una, ut fessus ac semilacer cum socio oppidum ingrederetur, ubi non multo antè sublatum quidpiam furto fuerat, dilapso auctore. Ergo in hos advenas externos, quorum species attrita & lacera oportuna facinori videbatur, iniicere manus, latrones appellare, & in commune facinorosorum ergastulum in vincula detrudere. Ille ad dissimulandam personam, nê tam opportuna innocentis tolerantie dilaberetur occasio, persuaso socio, mirè patientiâ gestire, & animo esse æquissimo. Biduo ita in carceribus transacto, adducti qui facinorosos recognoscere, dum intuentur attentius, non prædones, sed Religiosos de Societate JESU esse pronunciant, quos sola animarum, & Regni Cælestis præda sollicitet. Tum verò consternati facinore suo cives, culpam deprecari,



P. Mauritius Serpius Lusitanus S. I. odio Fidei in Africa occisus à Mahometanis A° 1578. 4. Augusti.

(Sicula 1.)

M. K. f.


precari, inauditam stupere lenitatem, nec velle sinere oppido egredi, quàm illatum dedecus pari honestamento pensarent. Verùm tum demum Mauritius velut ad injuriam erubescere, nihilq; in se immeritò admissum profiteri; dignum qui perpetuis vinculis & carcere, tanquam fera bestia attingeretur. Atq; hæc ille de se ex animo sentiebat, cùm humilitatis studium omnem ei præcellentis sapientiæ & virtutis, quæ exaggeratè fulgebat, conspectum eriperet: quæ etiam suadente, scriptum aliquando Provinciali bene longum suorum defectuum obtulit, quibus ineptus omnino ad quodvis, alios regendi munus, redderetur. Cæterùm, quæ erat ejus explorata superioribus prudentia, vitare non potuit, quin Ulyssipone Domum

Professorum Præpositus, & Eboræ Collegium atque Academiam Rector administraret: in alios porro deinceps atque alios Magistratus evehendus, nisi eum Regis Sebastiani favor, constante viri famâ allectus, ad splendida Auræ Lusitanicæ ministeria evocasset. In qua Epheborum Regionum, qui è Lusitanæ Nobilitatis flore legi solent, curâ tantisper habitâ, postquam Ludovicus Consalvius Camara, Regijs confessionibus suam operam, Regis veniâ subduxit, assumptus ad eas Mauritius est propensissimâ Sebastiani electione. Ipse autem splendidos illos Auræ fumos post amatam tantopere suam Religiosam humilitatē habens, itabat in Regiam paupere semper & obsoleto, cui dulciter affueverat, cultu, certus non aliter, quàm ex æviternarum Dei legum dicta-

diſtaminibus, conſcientiam Regis gubernare. Cujus ſui inconcuſſi propoſiti luculentum ſpecimen dedit tunc, quando ab Henrico Infante Cardinale, Regnum pro Sebaſtiano etiamnum impubere adminiſtrante evocatus, ut ſe quoque conſcientem audiret, prorſus diſcretęque abnuvit id ſibi integrum eſſe, quamdiu ab Eccleſiaſticis hominibus, contra decreta Summorum Pontificum, veſtigialia repeterentur. Sed cūm Religioſiſſimus Princeps id ſe ignaro, ſi factum ſit, accidiffe profiteretur, actis quoque pro libera admonitione gratijs, emendaturum quod peccabatur promptę ſponderet (ut mox etiam præſtitit) tum demum aurem conſcienti libentiſſimę præbuit.

Inter hæc procuratę Regiæ conſcientiæ munia magnum in vicina Africa inter Mahometanos Principes de Regnis Feſſæ & Marocco exarſit bellum; ad cujus ſocietatem invitatus à Rege Mahomete Sebaſtianus, quia inter conditiones præcipua offerebatur, libera Evangelij per utrumque illud Africę Regnum prædicandi facultas, ad arma provolvit. Ergo ſpecioſo dilatandę fidei Chriſtianę deſiderio, dum totus in reſtituendum ſolio Mahometem intentus, non ſolum militum inſtituit delectum, verum etiam intempeſtivo & juvenili fervore abreptus, copias in hoſtem ipſemet educere, immobili conſilio pertinax contendit, multis & magnis rationibus conniſus eſt eum ore libero ab ea expeditione Mauritius divertere. Sed immobilis in propoſito Rex perſiſtens, nullis ſummorum etiam Procerum, & Philippi Hiſpaniarum Regis conſilijs de ſententia, quæ certum ſibi exitium, & Regno univerſo calamitatem aſſerebat, dimoveri paſſus eſt. Igitur obſtinatum ad profeſſionem Regem certus & ipſe in omne periculum ſequi, caput ſuum DEO inter ſacrificandum pro Rege, Ręque publica ardentiffimę devovet: ubi etiam de ſecutura clade divinitus edoctus videri potuit, quam ita certò & aſſeveranter ſapius, antequam portu ſolverent, pluribus prædixit. In digreſſu Ulyſſipone Socijs, atque inter ceteros P. Amatori Rebello, qui & ipſe Regem Sebaſtianum, pueritię ejus Ma-

giſter olim inſtituerat, familiariùs valedicens, *extremum te hoc Rebelle completor, ait, neque poſthac invicem viſuri, niſi in Cælo, ſumus.* Duodecim unà ſocij, quibus præeſſe Mauritius juſſus eſt, cum exercitu tranſmiſerunt; ubi infeliciſſimę conſerto prælio, exercitus Chriſtianus interneſione deletus, & pauci quidam Procerum vivi in poteſtatem hoſtium venerunt. Sebaſtianus juvenilis ferocię prodigia edere hoſtibus, omni ratione vivum illum ſervare nitentibus, viſus eſt: ſed cūm indecoram deditionem averſatus, perpetuā cæde manus hoſtes à ſe depelleret, tandem vulneribus & telis debilitatus concidit exanimis, ambobus utriusque Maurici exercitus Regibus, eodem prælij fato & necę ſimul involutis. Fuſo ac fugato Chriſtiano exercitu, cūm pro ſequiſque ad vitam tutandam diverſę curſarent, Mauritius relictō equo vitam ſaucijs æternam, per ſtratū latę cadaveribus campum cum Chriſti Crucifixi ſigno percuſans, aſſerere inſtitit. Quorum alios ad ipſam ſuturorum erigens, alios ad ſupremam luſtam Chriſtianę ſubeundam exhortans, alijs ſupremam peccatorum abſolutionem imperans, unum quempiam ſaucium, atque in vulnere ponentem animam vidit. Confeſſum accurrens humi ſe ſternit, aurem conſcienti pronus accommodat, & à noxis moriturum expiat. Inter hæc dum paſſim obvolvitant Mauri victores, unus eum conſpicatus: *Ecquid tu iſthic Nazaræ canis impietatis moliris?* per contumeliam indignabundus exclamat: & librato acinace caput illi bipertito dividit. Ipſe eodem loci ſancto operi immortalis concidit, die 4. Aug. quo pugna conſerta eſt A. 1578. non aliā cauſā, quam odio adminiſtrati Sacramenti, in cuius exercitio deprehendi contigit, necatus. Neminem ſiquidem aliorum Patrum qui exercitum ſequebantur, occiderunt, nè pretium ſervitutis amitterent; qui repræſentatā poſtmodum pecuniā vindicati, luſtuosa cladis oculati teſtes & nuncijs Ulyſſiponem rediere.





P. Abrahamus Georgius, Alleppi in Syria natus, Soc. IESV
pro fide Christi obtruncatus in Africa A. 1795 mense Aprili.

C. Secreta del

Melchior Kügel f

P. ABRAHAMUS GEORGIUS.



Eternâ gentium omnium memoria & gratitudine dignus celebrari Gregorius XIII. Pontif. Max: inter immortalia, quæ in nationum diversissimarum salutem molitus est opera, missis in omnes propè Orbis plagas & regiones è Societate nuncijs Apostolicis, qui eas per varios hæresum & schismatum errores dispersas, in unum Christi ovile, sub unius Pastoris curam congregarent, Maronitarum etiam gentem sinu suo complexus est: quibus nè deinceps etiam defœrent unquam veræ Fidei Doctores & Magistri, magnificum Romæ educandis gentis ejusdem adolescentibus, sumptibus

& retribus Apostolicis extruxit Collegium, & curæ Societatis contradidit. Sunt autem Maronitæ Syriæ populus Libani montis, quatrIdui ultra Hierosolymam itinere, & Damasci urbis incolæ, proprio Patriarchæ in spiritualibus subjeçti, qui ex omnibus Græcæ Ecclesiæ nationibus soli constanter in obedientia sedis Apostolicæ persisterunt quidem, multis tamen in ea gentium colluvie erroribus, Dioscori præsertim hæresi inquinati. donec A. 1581. Sergius Patriarcha ejuratis coram P. Eliano, & P. Joanne Bruno. erroribus, Catholica dogmata integrè recepit, & inter complures etiam Sergium Rîsum, fratris sui filium, Romam ad Collegium Maro-

Mironitarum transmissit. Ex hac ipsa natione ductâ origine P. Abrahamus Georgius, natus est Aleppi in Syria, præcipuo Orientis emporio An. 1563. & futuræ sanctimonie in ipsa infantia illustre præbuit specimen, quando etiam ab ubere matris pendens, omni feriâ 4. & 6. jejunatus more, suctu constanter abstinuit. Romam inter ceteros Patriæ suæ Juvenes adveniens, cum in ipso studiorum ingressu insolito ardore Societatem exambiret, apparerentq; in adolescente, præter vividam indolem, non ordinariæ virtutis præsentia, admissus est ad tirocinium A. 1582. Quo laudabiliter ad umbilicum perducto, & nuncupatis ex more votis, Florentiæ biennium condiscendis Grammaticæ præceptis impendit; atque inde Romam revocatus, post Humanitatis & Rhetoricæ studium, altioribus disciplinis ad sufficientiam imbutus est. Nec parùm ad virtutis alacriter persequendæ ardorem profuit contubernium B. Aloysij Gonzagæ, cum quo etiam minoribus ordinibus initiatus est in S. Joannis Lateranensis Basilica, A. 1588. Hos inter studiorum labores nihil æquè grave Abrahamo accidit, quàm diuturno tot annorum spatio, veluti otiosum à procuranda salute animarum quiescere, quarum profundo zelo eum exerceri cum adverterent superiores, placuit eum ad Orientis Indias destinari, ubi per linguarum, quas egregiè callebat, cum multis illarum gentium commercium, multò utilissimus fore videbatur.

Conimbricæ in Lusitania dum transmittendi tempus opperitur, interim alia sociorum manus ad navigandum eo anno detecta, excluso Abrahamo, in Indias destinatur, qui designatione hæc nihil motus, nihilominus P. Ludovico Azevedio, uni ex destinatis in Indiam, constanter sæpius nunquam variatâ sententiâ, perinde atque acceptâ divinitus prænotione asseruit, eo ipso anno cum ipsdem illis Socijs se navigaturum. Nec prædictio sefellit, cum enim fortuitâ causâ unus quispiam è designatis ad eam expeditionem fuisset impeditus, locum ejus eventu ceteris inexpectato, sibi planè certo, Abrahamus obtinuit. Toto autem illo tempore, quod & aliàs semper consuetum illi fuit, omne tempus à necessarijs liberum negotijs, orationi unicè impendebat, semelque duntaxat in die, & perparcè quidem cibum capiebat. addictus impensè domandis animi perturbationibus. Ubietiam antequam vela faceret, res contigit plena admirabilitatis, quæ illum cruentæ pro Christo mortis

certum reddere videbatur. Scalabis sive Santarena oppidum Lusitanie haud ignobile, Tago impositum, raro prodigio celeberrimum est. Fæmina Urbis illius civis A. 1266. viro suo alienis amoribus obnoxio factura medicinam, Divinam Hostiam veneficæ Judæ suasvè clam ore à communionem exemptam, atque involutam sudario, domum è Templo, in secleratam pharmaci mixturam Judæ deferebat. Verùm stillante sanguinem sudario conterrita, domum suam defleat, & in cistam coniecit sacram buccellam. Cùm verò nocte obscurâ immensam ex se lucem cista profunderet, sciscitanti marito quid eâ reconditum sit, edisserit. Accitus manè Parochus, Cæleste pignus. indicâ populo supplicatione desert in Templum, & æreo imposit Ciborio ad venerationem. Centum annos ita servata religiosè Hostia, cùm Anno 1370. proferretur ex more populo adorato, inventa est vitreæ inserta ampullæ, ternos altæ digitos, ab imo fundo in tantas oris angustias coeunti, ut cùm integra illi nequiverit ullâ humanâ industriâ immitteri, Angelis authoribus id effectum credatur. Frequentatur is exhiberi solitæ S. Hostiæ dies incredibili hominum & multitudine & religione, novi præsertim & constantis hodièque miraculi expectatione, quo se Christus Servator intuendum Sacra ex Hostia aliâ atque aliâ formâ, diversis spectatorum exhibet, huic matris in gremio infantem, alij flagris cruentatum, isti sub spinea corona, illi sub gravi Cruce fatiscentem, vel etiam à sepulchro redivivum. Huc itaque de via pietatis ergò concessit etiam Abrahamus, cum socijs Ludovico Azevedio, præcipuo dein inter Æthiopas operario, Melchior Coutinio, & Octavio Lombardo: & dum pignus illud venerabile adorat, atque observat impensius, Dominum conspiciatur cruce onustum, qui se macie animo esse jubet, fore olim, ut suam ipse crucem etiam portet, & sibi Martyr existat. Quâ denunciatione mirè recreatur animatûque, continere suum gaudium, quin socios faceret confcios, non potuit. Sic comparatus trajecit in Indiam A. 1592. & primam Evangelico operi manum admovit inter Christianos Thomæos.

Ea gens à Commorino promontorio ad interiora usque continens, per Coromandelium tractum, & terras Malabarum, longè porrectos montes incolit, sub Regum Calcutani, Cocinensis, Cranganorij, Colani ad occasum: ad ortum verò, sub Regis Narasingani

gani dominatu, Ethnicis Saracenisque cincta ac permixta. II ex Apostoli Thomæ præceptis atque institutis, à quo Thomæ nomen acceperunt, in hæc usque tempora Christi nomen fidemque tenere, hæresi tamen Nestorij multum inquinatam, quam ex placitis Armenij Patriarchæ, à quo Episcopus accipere consueverant, hausere. Cum verò à Mahometanis acerbè vexarentur, & ab Regibus Ethnicis in servitutem redacti, cum alias indignitates & contumelias perferrent, tum verò sedem ac domicilia iniquis penionibus redimere cogerentur, ad Lusitanorum amicitiam & præsidium refugerunt. Ab his ex quo in protectionem accepti sunt, eorum salutem PP. Societatis JESU impensò præ alijs studio, à quo pedem intulerunt in Indiam, complexi, plurimum laboris atque ærumnarum subire, obnitentibus, & circa quæstus sui detrimenta sollicitis, tum Nestoriano Antistite, tum sacerdotibus indigenis, quos Cassanaires vocant. Quorum iniquis conatibus obviam ut efficacius iretur, posterioribus annis ex designatione Philippi III. Regis Catholici, imperio Clementis VIII. Franciscus Rozius è Societate nostra Archi-Episcopi Angamalani nomen, & gentis universæ curam subivit. In hujus gentis cultura amplam meritorum segetem nactus Abrahamus, cum copiosis animarum manipulis uberes quoque patientiæ fasciculos collegit. Sæpe namque tecto omni exclusus, dum montes saltusque percurset, arboris alicujus umbrâ, prout temerè occurrerat, protectus, edendi ac bibendi penuriâ propè defatiscens, adeò tamen has inter ærumnas exultabat, ut interna sua gaudia premere impotens, exclamaret ad socium: *probi! quæ opes, quanta delicia sanctâ hac paupertate conteguntur!* Verùm hæc homini extrema omnia Christi causâ experiundi cupidissimo, orexin duntaxat prolicere, non famem explere poterant. Itaque operosior alteram, & alex periculosioris à DEO brevi sortitus est.

Post defunctum Andream Oviedum, Æthiopiæ Patriarcham A. 1577. relicti aliquot superstites socij, Lusitanorum in illo Imperio reliquias, unâque indigenas Catholicos, in gravissima persecutionis procella tantisper tuebantur, dum nova sociorum auxilia subrogarentur ex India. Agebatur jam annus 1593. quoadusque nemini sociorum, licet complures irrepere tentârint, penetrare fas fuit. Quia tamen unicus post Patriarcham ibi reliquus P. Franciscus Lupius, ob

ætatem devexam votis omnibus suppetas poscebat, licet omnes Regni aditus firmis præsidij obsepti, nè quis Lusitanorum iraperet, sagacissimè à Turcis observarentur, tentata res tamen iterum fuit missis duobus Sacerdotibus, Antonio Monferrato, & Petro Paëzio, paratis cuivis discrimini caput obijcere. Sed & hi in ora Arabiæ à Turcis deprehenso, duram toto septennio servitutem servièrunt. Nec infelix hic tamen sociorum eventus animos labefactavit. Placuit iterum atque iterum experiri, & pro salute periclitantium omnem adire fortunam. Igitur delectus est Abrahamus, qui præter Arabicum Chaldaicumque, Turcici etiam sermonis peritus, vultu quoque Asiatico quàm Europæo similior, cæteris magis idoneus ad eam expeditionem visus est. Goam ubi redijt à Thomæis, nè quis ad Saracenos rumor emanaret, qui turbare posset consilium, annum integrum in Professorum domo delituit, non modò clam civibus, sed multis etiam domesticorum ignaris, Rogavit hic Abrahamum aliquando P. Ludovicus Azevedius (qui à morte Patris idipsum testis affirmavit) ut inter sacrificandum nocte natali Domini, tria pro se DEO commendaret. Cujus desiderio satisfaciens, ità postmodum ei de singulis respondit: *Vide, nè primum posthac amplius à DEO petas: alterius rei compotens te DEUS facit: tertio locus omnino non est; nam hominem illum, cujus tibi cordi perseverantia tantopere est, sua DEUS in Societate ultra esse non vult.* Nec multò post homo ille è Societate dimissus est. Eidem Ludovico roganti ut se in Æthiopiam, cum eò appulisset, à superioribus accerferet; facturum id quidem, si pervenisset in Æthiopiam, spontendit, sed eò tamen se minimè perventurum asseruit; subinducendo simul eidem & locum, & genus inferrendæ sibi necis.

Cum primùm navigandi tempus afflisset, Armenium se mercatorem, veste, pileo, barbâ promissâ monstravit. Noctè intempestâ domo egressus, cum puero Abassino itineris socio ad Matthiam Albulquerquium Pro-Regem, qui totus in eam expeditionem incumbere, & pactus ipse fuerat cum navarcho Saraceno, valedicturus contendit. Ille ubi hominem aliena in veste conspexit, obortis lachrymis ruit in ejus amplexum, & alto suspitio: *hæc nimirum sunt artes, inquit, & technæ, quibus ad animarum compendia mortalium oculos fallere solet Societas, & suos Filios in discrimen ac certam propè mortem exponere!* tum aptis ad institutum donarijs & mercibus

bus auctum ubi à se dimisit, ille salutatis, quos pia lachrymarum opplevit invidia, socijs, navim cum suo puero conscendit in-eunte Januario A. 1595. Post varias tempestates, marisque & pyratum pericula, Mazum Arabici sinus Insulam exiguam, Æthiopico littori oppositam, quam Saraceni praesidio tenebant, appulit, nemine quis esset, quidve acturus veniret, explorante. Itaque tam propinquus paucarum horarum spatio desiderata sinibus Æthiopiae, & in omnem irrependi occasionem intentus, à Mazuæ Praefecto potestatem jam expresserat merces suas in Æthiopiam transportandi, & cum Navarcho trajectionem condixerat, cum revocata subito facultate, retrò redire iussus est, retractionis causâ, uti ferunt, à pueri ingluvie praebitâ. Hic à Patre, dum ipse per Urbem itineri apparando discurret, domi relictus ad sarcinas, morae pertæsus, fame stimulante comedere aggressus est, cum dies esset severo Saracenis jejunio venerabilis, quo ante solis occubitus quidpiam degustare nefas habebatur. Ergo mirari primò puerum, quòd palàm auderet legem temerare, tum etiam sciscitari, quis esset, & unde domo? ac tergiversantem minis & flagris adigere. Sic ille compulsus, Christi se cultorem, uti & herum suum, confessus est. Id nimirum Arcis Praefecto extemplo renuntiatum, atque ab hoc delatum ad Gubernatorem Urbis, Patrem retrahi, sarcinis exui, & in custodiam compingi fecit. Postmodum vocatum ad se Gubernator in magna Mahometanorum corona interrogat, quis, ejus fidei, & cujus sit? quid actum in Æthiopiam contendat? ille non ultrà dissimulandum ratus, se, quod erat, Aleppo Syriae oriundum, Christiana sacra profiteri, eademque Æthiopiae illatum ire, respondit. Hic illum Praetor, qui & ipse Christianus antè fuerat, omnibus comitatus officijs pollicitationibusque, ad Mahometem invitavit, suas ei sarcinas redhibiturum, patefacturumque; aditus in Æthiopiam, aut si malit Mazuæ confidere, amplissimis cumulatorem honoribus spondet. Si nolit à Christo reipsa deciscere, at simul et certe tantisper, dum missione & comiteatu accepto in tutum evadat, Abrahamus contra his omnibus despectis, Mahometem omni contumeliâ dignum nullo se habere loco, solum Christum Servatorem adeò sibi in excelso esse, ut nè vitam quidem velit simulatâ ab eo defectione redimere. Hâc libertate irritatus Praefectus, in turris arcem Patrem detrudit: unde aliquot post dies, ratus attritu

incommodis haud agrè cessurum, rursum educit, pollicitationes iterat, & nisi obsequatur, minas. Illo renuente, conditionem dat, vel ut solenne illud carmen Mahometi pronunciet: *La ilâ, ilâ, Mahomet treenlaca*, hoc est: *alius non est DEUS, quàm DEUS, & Mahomet ejus Apostolus*: vel mortem atque exitum expectet. Constanti vultu & animo imperterritus Abrahamus malle se dixit vitam millies & sanguinem profundere, quàm sacrilego carmine Mahometem honestare. Quin ut ipse potius Gubernator, qui Christiani natalibus ortus esset, ejuratâ impijssimâ sectâ fidem in baptismo Christo juratam redintegraret, commonuit. Hâc liberâ constantique viri fortis exprobratione percussus Gubernator, in tantum excanduit, ut ad motâ capulo manu librârit in ejus caput acinacem. Quo nihil idum declinante, sententiam mortis in eum tulit. Pater illâ acceptâ quantas potuit Deo gratias agens, vestes profanas deposuit, & sacerdotis de Societate habitus, vertice in coronam raso, publicè ad supplicium prodijt; eductusque ex oppido, carnificis gladio cervicem subjecit. Verùm dissilijt primo ictu gladius, perinde ac si vitreus esset, Abrahamo penitus innoxio; quod & alteri ferrò, postquam majore impetu & viribus in collum Patris impactum fuit, evenit, levi solum plagâ in cervicibus ejus relicta. Tertiò demum ense caput Abrahamo resectum est An. 1595. cum ageret annum 32. omnibus adstantibus duplici illo prodigio consternatis, multis verò indignam caedem luctu ac lachrymis prosequentibus. Ipso adeò Gubernatore, qui plecti jusserat, plurimum dolente, cum negaret sibi integrum fuisse homini parcere, ejus necem vel omnibus fortunis suis redemptam vellet.

Atque hic fuit exitus P. Abrahami ob fidei odium crucidati: cujus virtutes inter navigandum observatas Navarchus, tametsi sectâ Mahometanus, & mirabatur ipse, & passim apud alios depredicabat, ut agrè fidem inveniret. Ipsum quin adeò Cœlum virtuti ejusdem testimonium praeiit, sepulchri loco pluribus prodigijs illustrato. Nam quadraginta ipsos dies sub vesperam quotidie circa tumulum visa consistere lux frequens, tanquam funalium; oblitescensque rei novitate ac miraculo, qui frequentes ab urbe prodibant ad spectaculum Saracenis. Ad hæc per eosdem illos dies tres aves ingentes miri candoris, & invisæ in ijs terris formæ, locum circumvolitare conspectæ. Quibus commoti impij sectæ Mahometanæ

Ministri, exhumatas corporis ejus exuvias volucris in escam ejecerunt, & nè unquam discerni ad venerationem possent, inter ossa profana miscuerunt: ut adeò frustra illa indagarent P. Ludovicus Azevedius & Laurentius Romanus, qui A. 1605. illac transibant in Æthiopiam. Demum ante quadragessimum diem tum Præfectus Arcis, tum quotquot necis ejus authores extiterant,

morte sublatis sunt: Gubernator autem Insulæ & Urbis vix elapso semestri, à Bassa qui ei in gubernatione succedebat, capitis supplicio plexus est. Quo factum est, ut bonorum animis altius infederit opinio probitatis & virtutum illius, viveretque multis etiam post annis in illarum gentium recollectione ipsius veneratio.



P. Franciscus Ribeirus Luit. Soc. IESV ad Fidei Christianæ à Mahometanis in ipso Missæ Sacrificio interfectus in Africa A. 1620
C. S. d

M. K. f.

P. FRANCISCUS RIBEIRUS.



Ufistania Martyrum hujus & prioris sæculi Parens, P. Franciscum Orbi dedit in Civitate Aranda, quam moderni Torres Vedras dixerunt, natum. Hic in ipsa pueritia transvectus in Indiam, Societa-

tem complexus est Goræ, anno ætatis 15. Ubi exacto Tyrocinio, & post studia omnia pro more Societatis ad calcem perducta sacerdotio initiatus, destinatus est in Africam, proximorum deinceps salutis operam illis regionibus navaturus. Susceperat ejus gen-

tis

tis curam jam inde à priori sæculo multis annis Societas, plurium capitum partim ja-cturâ, partim durissimâ inter Turcas captivitate; fructu tamen & eventu, sic cum laboribus alibi impensis conferantur, exiguo; cum una prodigij plena Lusitanorum in Ambundos (hoc nomine censentur septingentæ triginta Angolæ Regni Dynastiæ) victoria, longè latèque per Africam divulgata majoris spem proventus animarum fecit.

Delatus illuc cum Prætoris Pauli Diazij classe A. 1574. P. Balthasar Barreyra cum aliquot socijs, Christianam rem feliciter, indulgente Rege, promovebat: cum repente idem Rex mutata mente, omnes illas plures septingentis Regni sui Provinciis, ad delendum funditus Lusitanum Christianumque nomen tumultuosissimè concitavit. Itaq; ex improvviso stetere ad duodecies centena hominū millia in armis, contra trecentos non amplius Lusitanos, & triginta millia Pauli Songa Reguli Banzæ, qui solus ex Dynasti omnibus in Lusitanorum religione & amicitia constans persisterat; adductus exhortatione P. Barreyræ, qui flagranti vultu, divino zelo, passim ordines Neophytorum Æthiopum concursans, timere illos numerum hostium vetabat, Deum enim Christum, cujus sacra susceperant, cum innumerabili Cœlestis militiæ exercitu, ipsi affuturum. Ab his ad Lusitanos versus, *state animis*, ajebat, *nec multo pauciores estis, quàm Gedeonis milites, qui Madianitarum multitudinem etiam inermes prostrabant. Vobis ego Deipara nunc ac nomine denuncio certam illustrèque victoriam de barbaris, à quorum sacrilego ludibrio sacram ejus effigiem paulo antè vindicasti. Crastinus dies est Deipara Purificationi sacer: ite cras auspica luce ardentem in prælium. Vincetis, spondeo, imò vobis cessantibus vincet illa, quæ aciei ordinata instar unæ est. Eundem me autorem spei, & participem periculi habetis; nec cessabo pugnantis vobis, sed oratione & munum ad Cælum protensione dicabo.* His veluti certæ victoriæ promissis incredibiliter accensus est militum ardor, quorum excipienda confessionibus parte noctis impensâ cum socijs Pater, curavit insuper, ut totum antemeridianum festi tempus Sacrificijs, Eucharistiæ participatione, supplicationibus, à toto exercitu consecraretur. Ante omnes Paulus Songa, cui summam secundum se in exercitum potestatem Lusitanus Prætor esse jusserat, capere gaudium non poterat, nec tenere se, quin per suorum ordines volitans, *vicinus Commisionibus*, exclamaret;

nec nostrum hoc prælium, sed DEI est, cujus opem & ductum nobis deesse non posse plane certum sum. Jussis interim militibus curæ corpora, Paulus Songa speculandis hostium rebus intentus, advertit montium præruptorum juga, quæ Lusitanorum fronti obiecta erant, ab immensa illa Æthiopum turba occupari. Quare ne nocturnâ impressione in castris opprimerentur, pugnae signum exercitui à Prætoris, & à Barreyra Maria victrix in tesseram data est. Ipse directâ jam acie locum cepit, unde sublati in cælum oculis & manibus, divinum auxilium ardentissimis votis poscebat. Hora erat post meridiem ferè tertia; quando barbari promoveri aciem Christianam versus radices suorum montium cernentes, è cunctis simul partibus cum impetu descendunt, densissimas sagittarum nubes ejaculantes. Verum nullum è tot millibus telorum in nostros ictum pertulit, sed omnia Divinâ vi reflectebantur in auctores, qui passim cautes, sædâ strage declivia montium latera complebant. Instare Christiani tantò acrius, quorum nullus globus aeneis fistulis emissus, nullum spiculum arcubus Æthiopum in prima acie cum Paulo Songa fortissimè depugnantium, evibratum, sine noxa intendebatur. Barreyra ex his jam scilicet debellatum esse, cum nullus è nostris vel vulneratus hætenus esset, coniiciens, currit ad Prætoris victoriam gratulaturus. Ecce autem in ipso momento, fugientium passim prius Ambundorum manipulus obvertit audacter vultum, sagittas ejaculatur, unum alterumque, mox alios usque ad septem è nostris sternit. Quo aspectu ingemiscens Prætor, *redi sis*, exclamat, *ad orationem Pater, redi, si nos salvos vis.* Percussit ille pectus credulitatem suam damnaus, & postis iterum genibus, profusisque lachrymis propitiæ Numen institit. Hinc emendato statim Marte, cursu cæpto victoria processit, pertinacissimis quibusque hostium caelis, reliquis fugatis. Jam sol occubuerat, & densa nox ingruens victoribus non minus utiliter, quàm lux ipsa militavit. Clamor minax vincientium, gemitus cadentium, hominū scloporum, tormentorum ex ære tonitrua, desperatæ vociferationes fugientium, terrore per noctis horrorem multiplicato increbrescentes, extremâ consternatione superfluit dementabant. Vora obhiabat ingens præruptis marginibus, & prominentiâ rupium asperis, altè deorsum silens. In eam primis quibusque fugientium per deficientis


jam

jam crepusculi caliginem lapsis, alij super ipsos acervatim simili errore, aut incumbente protrusi turbâ cumulabantur: quoad conferta multorum millium corporibus fovea cum cætera campi superficie cœquata, funestum quandam & horribilem quasi pontem Christianis insequentibus sterneret; qui longè latèque procurrentes, cæde ac strage omnia complebant: donec sæpius dato receptui signo, in castra multâ jam nocte reversi, DEUM ac Deiparam victoriæ authores, lætis vocibus celebrârunt. Insecutis diebus novem Lusitani milites longius in terras Ambundorum progressi, sub solis occasum clarè Crucis formam ingentem, ac lucidam in aëre viderunt. Quod cum reversi ad castra narrarent, fuerunt qui se idem eodem tempore alio in loco usurpasse oculis testarentur. Quo omnes interpretabantur sibi à DEO ostendi, in quo signo vicissent: simulq; augurabantur conversionem ad Christum omnium illarum Africæ gentium, hoc ostento portendi. Nec eos spes sua, & favor Numinis frustratus est. Eâ namque victoriâ omnibus per Africam regionibus, sed præcipuè sub eâdem cum Angolæ Regno zona torrida jacentibus, vulgatâ, cum præsertim ipsimet faterentur Ambundi se non viribus fractos humanis, sed è cœlo manifestè pluentibus in ipsos jaculis debellatos, ingens nominis Lusitani terror omnes pervasit, & campus Socijs apertus est latius liberiûsq; fidem Christi proferendi. Itaque plures ex eo tempore ab Lusitania eas in oras enavigantes Socij, & Madagascarem, & Mozambicum, cæteraque

zonæ torridæ subdita Regna magnis Fidei progressibus excoluerunt.

Hos inter P. Ribeirus Mozambici An. 1620. animarum lucris intentus, rogatu Præfeti Lusitanæ Arcis, expeditionem Moderatorum jussu suscepit ad eos Æthiopes, qui 250. leucis ad Austrum Mozambico diffliti, in extrema zona torrida ubi Capricorni Tropico concluditur, Promontorium accolunt, cui nomen à S. Laurentio Lusitani fecere. Post accipitem, & ærumnarum in æstuosissimo mari sætam navigationem, multa cum indigenis, multa cum ipso Rege Idolis dedito transegit è Dei gloria: eoque hominem deduxit, ut sibi gratum futurum significaret, si suo in Regno Crucis trophæum erigeret, & Fide Christi fundatâ, Tempa excitaret. Id simul ac Saracenis suboluit, qui frequentes ibi negotiantur, & perditissimâ Mahometicæ impietatis flagrantia nomen Christianum insectantur acerrimè, & soli penè per Africam Divinæ Fidei progressibus obsistunt, deliberato consilio Patrem designant ad necem. Nec mora, in proximam suscepti facinoris opportunitatem intenti, tantam ad aras tumultuosi irruentes obruunt, improvisoque hastis transverberatum, immaniter contrucidant, ad aram ipsam sacrum hostiam, ubi DEO pro se hostiam viventem immolabat Anno

1620.




P. FRANCISCUS MACCIADUS, & P. BERNARDUS PEREIRA.

SI Religiosus status ob continuam, quâ Mundo moritur, violentiâ, non falsò à Bernardo Martyrio comparatur, in quo duriora sunt prælia vel unius Castitatis contra spiritualia nequitia, quàm in Martyrio Patientiæ contra Tyrannos & tormenta; Felicitatis, & Machabææ Matris virtutem adæquârunt Parentes Macciadi, qui non minùs ac illæ, septem susceptos in Lusitanæ oppido Villareal liberos, omnes DEO in Religiosis Familijs consecrârunt. Quorum Franciscus Societatis Institutum sibi potissimè sequendum ducens, ætatis suæ anno 17. sæculi 1605. illud amplexus, non multò post

charitate Christi & proximi illum urgente, in Indiam, atque inde in Æthiopiam transiit. Cujus exemplo adductus alter frater ejus Antonius, non tantùm idem Religiosæ vitæ genus, sed & missionem ad Indos secutus est, pari ferè heroicæ mortis exitu in eadem Æthiopia, pestilentium obsequio vitam & animam devovens, in Regno Angolæ. Socius gloriosi pro Fide certaminis Francisco fuit P. Bernardus Pereira, qui Visi in eadem Lusitania natus, adolescens sui juris atque arbitrij trajecit in Indiam, ibique dedit Societati nomen sub annum 1609. Tractabat uterque Theologiam Goæ A. 1623. prior docendo, iste addiscendo; ità egregiè Magistri

vir-



P. Franciscus Macciadus et P. Bernardus Pereira Lusitani Soc. IESV. Capite plexi à Mahumetanis in Æthiopia Ausciagurella A 1625. in Septembri.

c. s. 1.

M. K. f

virtutem imitatus, ut aptissimus superiori-
bus visus sit, qui in periculosam Æthiopie
expeditionem comes illi adjungeretur, ubi
planè in sperantibus optatæ mortis occasio
utrique destinata est. Post multas in eo Im-
perio Regum, modò sinistra, modò bene in
Catholicam Religionem addictorum, vicif-
situdines, tandem Sultanus Sequedus ad co-
ronam assumptus, deliberatâ ab invetera-
to schismate ad Romanæ Ecclesiæ unita-
tem transitione, Regnum simul universum
Christi in terris Vicarij obedientie subijcere
statuit. Sed cum pauculi admodum ex so-
la Societate, ad tantam messis copiam super-
essent operarij, licet supra vires, supraque
modum niterentur, tamen nec millosimæ ex
uberrima segete parti, in horreum Domini

colligendæ, quam zelus Imperatoris arden-
tissimè promovebat, sufficere potuerunt. Sed
neque ab India, unde sola spes subsidij afful-
gebat, sine certo exitij aut captivitatis discrimi-
ne, quisquam Sociorum penetrare pote-
rat, omnes in Æthiopiam aditus & portus
obtinentibus Turcis, omnique sagacitatis in-
dustriâ, ne quis ex Lusitanis eò se insinuaret,
intendentibus. Quia tamen instantissimè
suppetias Goâ evocare pergebant socij Æthi-
opici, Goanis (nè spem tantam in manibus
positam corrumpi mellorum inopiâ pate-
rentur) tentari omnia visum est, quò tantæ,
tam diuturnæ, tamque exoptatæ maximi
Imperij conversioni, quanquam per extre-
ma omnia & asperissima, prospiceretur. Er-
go ex plurimis competitoribus, nam Impera-
tor

Cc

rator

rator magno numero Socios auxiliares mitti petebat, selecti sunt in præfenti duo nominati Patres, qui ingressum per novas & intactas hæcenus vias in Abassiam molirentur, ut si ex voto res cessisset, plures deinceps eodem illo aditu penetrarent.

Conscendere navigium ingenti animi gaudio die Purificatæ Virgini sacro Anno 1624. velis in Arabiam felicem conversis, in cujus conspectum per difficilem Oceani æstum pervenere 21. Februarij. Arabiæ partem maximam Turca obtinet, & reliquos ferè ejus Principes atq; Regulos, omnes Mahometi devotos, sibi habet tributarios. Patres ut ditionem Ottomanni Lusitano & Christiano nomini capitaliter infensum devitarent, Caxemam Urbem diverterunt, cujus Regulus Lusitano nomini apprimè favebat, licet eo ipso tempore Turcarum Tyrannus per Oratorem suum eos omnes arceri postulare. Antequam exscenderent, ex consilio Navarchi Turcicum induerunt habitum; datæque à Regulo in Urbe commorandi tantisper facultate, in designata hospitia concesserunt. Postridie per Lusitanum hominem, quem penes se Regulus amicitia studio habebat, Patres accersit. Illi munus ex more illius & cæterarum orientis gentium (quarum Principem sine munere accedere habetur nefas) adornantes, tenue quidem illud ex Religiosæ paupertatis penu, quia tamen ex rebus Indicis conflatum, Principi longè gratissimum obtulerunt. Cujus raritate captus, mirè se illis benevolum, & supra expectationem affabilem exhibens, ad merendam etiam ex assis capellis, & alijs id genus lautitiæ Arabicæ instructam, frequentioribus cyathis ritu patrio propinans, perbenignè invitavit. Qui cum modestè, propter Quadragesimæ religionem, excusarent, & solo haustu aquæ propinanti respondentem, modicum quid de saccharo libarent, ipse vultum eorum roseo liquore conspersit: quod erat insigne, ipsum verecundam illam repulsam haud quaquam trahere in suum contemptum, sed à se libenter volentèrque admitti. Aliquot ibi dies necessariâ captâ quiete, quia nullum offerebatur ulteriori promovendo itineri navigium, longioris moræ impatienciâ, ultro ejus sibi præstari copiam à Rege, quo Zeilam devehantur, exorant. Ille pronâ quidem voluntate postulatis assensus, sed ut fallendis Oratoribus Turcicis, qui tum in Aula Regis morantes perniciem illis in itinere moliri potuissent, aliò quàm Zeilam iter obtenderent, opportune

commonuit. Primâ Aprilis vela fecerunt, tam concitato mari, ut secederent in momenta fluctibus obruendos: cum tertiâ ejusdem mensis die, eadèmq; quartâ sanctioris hebdomadæ, prodigiosam in ecclipsata luna crucem intuentur, quæ instantem illis pro Fide mortem portendisse meritò censeripotest. Visebatur illa in medio lunæ disco, atro colore depicta, fulgentibus reliquis circum lunæ portionibus; neque antè desijt, quàm lunæ defectio. Adenum Urbem Turcicam pene inobservati subièrè; unde Erythræo freto transmissa, 13. die Zeilam incolumes inveniunt. Zeila Emporium est olim nobilissimum, in exteriori Africa ad Erithræi fauces situm, rebus ad vitam cæteris, si unam aquam exceperis, abundans; incolis Mahometicæ superstitionis, adeoque in fluxa fide, dum quæstum faciunt, juxta fas nefasque habentibus, habitatum. Patres excensuri, Turcicum habitum permutavèrè Armenio, qui commeantibus toto Oriente mercatoribus, quales se profitebantur, ferè pervulgatus est: sub quo facilius in eorundem Institutorum Caravana (ita caterva seu multitudo mercatorum vocatur, quæ magno numero in unum securitatis ergò collecta, aliquoties per annum in Abyssinam commeat) eò penetrarent. Zeila Gubernator, qui Urbi pro Rege octidui spatii inde confidente præerat, lectis Caxemani Regis, quibus Patres impensè commendabantur, literis, & Regis gratiâ, & suapte ingenio, omnibus eos exceptit humanitatis officijs: eò etiam præcipuè, quod Imperator Abyssinæ vehementer postulârit, ut si quos illac ad se tendentes ratio compendij, vel itineris ex India detulisset, benignè suâ gratiâ habitis, fieret expeditionis suæ copia prosequendæ. Cæterum omnia paulò post de PP. fuèrè ibi suspiciosissima; nam exploratores undique, quodnam sub Armenio cultu genus hominum lateret, intenti, quantumlibet omni studio Patres sua obscurarent, facillè tamen conjecerunt, longè à quæstu atque negotiatione alienos esse, quorum proinde indicium ad vicinum Auxagurellæ Regem tempestivè prævolavit. Eò itaque quadridui itinere cum Caravana delatis, Rex Mahometicæ insaniæ studio ardens, compedes exempto injici jubet, pèrque summam injuriam in carcerem compactos, durè omnino & crudeliter habuit.

Fama interim ad Imperatorem Sequendum de PP. comprehensione perlata, ingenti animi dolore & sollicitudine complevit, ut pro-

proinde omne studium ad eos, qualicunque demum ratione eripiendos converterit. Et cum bello armisq; in libertatem PP. afferre, domesticis rebellium turbis intricatus, non posset, minis autem homo barbarus permoveri se non pateretur, blandis eum officiis aggressus, per caduceatorem generose stirpis equum, & Palatinis primatibus mulas aliquot misit. postulavitque per literas duos Patres, quos non nesciret ad se pertinere, missos fieri. At ipse muneris tenuitatem cum fastidio aspernatus, captivos in caduceatoris conspectu producit quidē, sed illico per contumeliā retrudit in carcerem: additis ad Imperatorē præfidentibus, & arrogantia plenis literis, quibus minabatur se Patres neci, aut vānum daturum, aut certē in perpetua servitute habiturum pro mancipijs. Imperator accepto procacitatis intolerantē responso, nē quid Patribus presentioris incommodi periculive, par pari reddendo, accerferet, dissimulatā injuriā nuncium remittit, & quantavīs auri argentei summā depacisci fecum lubeat, verbis amicissimis lenissimisque daturum pollicetur. Quod nisi faciat, Patrēsque ad se liberos transire permittat, jussus in Æthiopia tantisper silti eos omnes, qui ex ipsius dominatu per eam quæstum mercaturā faciebant: quos omnino nisi restitutus Patribus, haud esset recepturus. Sed nihil apud Tyrannum ulla valuit aut officij ratio aut æquitatis: nihil suorum quamvis complurium discrimen denunciatum: sive quod ab Æthiopum cum Romana Ecclesia, Patrum operā, conciliatione, Mahometanæ sectæ malē metueret, ex quorum ditione non ampliūs essent à Patriarchis Græci schismatis Episcopos & sacerdotes postulaturi; sive quod majus à Gabriele, homine Ægyptico, rebellium in Abassia contra Imperatorem antesignano emolumentum, tam sibi privatim, quàm universim Mahometanis

speraret. Gabriel enim, Abassinis Capraël dictus, Regiam mentitus prospiciam, Æthiopiarū populos ad avitum schisma, contra Imperatoris Sequedi, ejus abolendi studio defendendum undique conciebat, & validā contractā manu contra Imperatorem movere est ausus. Obiectus illi est Princeps Zelachristus Imperatoris germanus, Romanæ Fidei studio flagrantissimus; qui primo congressu fudit perduellem, & cæsis viginti duobus millibus, reliquos in fugam itā coniecit, ut nisi Ducum unus seriūs quā jussus fuerat effugij viam præclussisset, debellatum eā die fuisset. Igitur elapsus tum quidem Capraël est, & novis supplementis auctus, haud procul Auxagurellani finibus se recepit: cujus fortunæ impensius Rex studens, Patres, quos ipsi ad versos in Religionis negotio fore, si se Imperatori junxissent, sciebat, tollere de medio constituit, & eorum cæde aliquid ab eo nundinari. Posteaquam ergo diu ferro compeditos in vinculis habuit, ærumnis, & vario malorum genere mactatos, intempestæ noctis silentio obruncari jubet, atque in altam foveam præcipitatos obrui. Eodem anno 1624. ejus necis factus certior Gabriel, etū factum laudaret, nequaquam tamen eā contentum laudaret, duos etiam Patribus à servitijs pueros neci dari, aut certē necandos ad se transmitti poposcit. Verū facinus anteverit Zelachristi de Gabriele victoria, cujus gladium effugiturus, dum apud eos ipsos Auxagurellanos asylum quærit, mortem invenit, ab ipsdem timore imminentis Zelachristi interemptus. Caput ejus hastili præfixum Zelachristo oblatum est, & ab eo Imperatori transmissum, vastatā nihilominus perfidi Regis provinciā, ut etiam in hac vita debitas vindici Numini necis in-

fontium Patrum poenas
daret.

P. GASPAR PAES, & P. JOANNES PEREIRA.



Vo tempore P. Franciscus Macciadus cum P. Pereira ingressum in Abyssinam jussi sunt tentare per Zeilam, eodem simul anno 1623. Goā discescere 6. alij Patres, duo qui per Melinden, quatuor reliqui per mare Erythræum, & portus Turricos molirentur eodem aditum: ut si unam & alteram expeditionem falleret successus, tertia saltem eventu optato potiretur. Et pri-

mi quidem, de quibus jam diximus, ab Æthiopia prohibiti, aditum sibi gloriosā morte aperuerunt in cælum: alteros frustratus eventus, unde venerant redire coëgit: tertij, de quibus potissimē, ob plurium annorum experientiam, & frustra tentatam per Turcarum ditiones viam timeri poterat, feliciter perrupere. Fuere hi præter P. Gasparem, P. Emmanuel Lameira, P. Thomas Barretus, P. Hyacinthus Francisci. Natus fuit



P. Gaspar Paës, et P. Ioannes Pereira Lusitani Soc. IESV. Fidei Catholicae
odii à Schismaticis Æthiopicis crudeliter necati Assæ. prior. 25 Aprilis.
alter. 2. Maij. A. 1635.

C.S. d

MX f

Gaspar Paës Covillanij in Lusitania, qui in prima statim pueritia, nescio quâ causâ vel occasione, deportatus in Indiam, Societatis tirocinium Goæ auspiciatus est anno ætatis decimo quarto, sæculi 1608. Vacabat is etiamnum Theologiæ sub Professore P. Francisco Macciado, quando factò sociorum pro Æthiopica expeditione delectu, ipse inter primos cum eodem suo Professore designatus est, alio quidem in Abyssinam usus itinere, eodem tamen ad cœlestem patriam sanguineo pretiosæ mortis calle pertingens. Discessere Goâ sub extremum An. 1623. Diu urbem & insulam Lusitanam, unde anni insequentis 27. Martij abeuntes, & Erythræi fauces inveciti, Mazuam applicuere 2. Maij. Et quia multis fuere tum ab Impe-

ratorè Abassinorum Sequedo, tum à Lusitanorum Dienfi Præfecto, Ballæ Turcico Mazuæ commendati, excenderunt habitu consueto Societatis, excepti ab eo insolitæ prorsus & inexpectatæ benevolentia signis, quæ munerum à Sultan Sequedo spes prolicuerat. Nam & tormenta venientibus in honorem per Urbem explosa sunt, & hospitium singularem curâ apparari iussu, datâ insuper spe celestis in Æthiopiam expeditionis. Patres ut indulgentiam in se Ballæ ipsi etiam quantum possent conciliarent, primo statim congressu munera ei Goâ secum advecta, moræ gentis, obtulerunt, quæ ipse tum pergrata habere significavit, tum quod officij & præcipuè observantiæ est, hospitalem illis propinavit potionem, expeditivque illico ci-

tum

tum nuncium ad Bassam Suaquentum, ut in Æthiopiam succedendi illis faceret potestatem. Duos circiter menses isthic Bassa eos demoratus est, ut videlicet interim eâ cunctatione ab Imperatore Sequedo Patrum cupidissimo, asellam eliceret, quam suo Turcarum Imperatori dono vicissim transmitteret. Magno studio id genus bestiae colore candido & mirabili corporis habitudine, ab omnibus illis Principibus exambitur, habeturque summo in pretio, ita ut earum una quinquaginta & amplius millibus florenorum vaneat. Ut primum asella advecta est, statim etiam abeundi copia facta, 40. Turcarum comitatu adversus latronum incursiones addito. Ità securi Daboroam, primum Æthiopiarum vicum, atque inde Fremnam, ubi Andreæ Oviedi Patriarchæ monumentum est, incolumes pervenere; quanto omnium Catholicorum gaudio, post tam diuturnam expectationem excepti, dici vix potest. Ad Imperatorem deinde salutandum à P. Visitatore Emmanuele Almeida deducti, post humanissimam de adventu congratulationem, & singularem Imperatoris ex adventu novi Patriarchæ, quem paulò post secuturum afferebant, letitiam, in suam quisque stationem toto Imperio, quod plurima Regna complexi alibi monuimus, distributi sunt.

P. Gaspar in Regnum Bargamedri, quod latissimis finibus continetur, missus, in absentia Pro-Regis, Catholicæ Religionis apprime addicti, uxorem interim illius spectatissimam in rebus fidei instruxit, & baptisimi Sacramento, propter ambiguum Æthiopiarum formulæ significationem, sub conditione lustravit. Idem præstitit plerisque Regni Optimatibus; quorum exemplo populus tantâ frequentiâ idem postulavit, ut orsus diluculo Pater, defessus usque ad noctem, quâ Catechismi doctrinam, quâ sacrum laticem nullâ intercapedine impertiendo, vix faceret satis. Post dies 15. ab ea multum dolente lachrymantēque digressus, alteram matronam Imperatoris neptem impensissimè piam, & Romani cultus proferendi cupidissimam, aliòsque deinceps Regni Proceres, editissimis ac præcipitibus montibus superatis convenit, idemque omnibus officium exhibuit. Ex eo Regno ad Agaos Nili accolae, populos multitudine innumerabiles latèque diffusi, transgressionem factâ, magnam & ibi rei Catholicæ accessionem fecit; donec Alphonsus Mendez novo Patriarchæ Æthiopum ex Societate JESU, Gorgoram cum re-

liquis socijs obviam excurrit, à quo novis inflammatus ardoribus ad stationem suam recurrit, bene inchoata ad debitam perfectionem promoturus. Rebus illis ita ex voto perfectis, ut jam sine sua presentia optato cursu progressurâ sperari possent, in alias atque alias subinde Abyssinæ regiones se transferens, magnos ubique collegit animorum fructus, non prædicando solum & docendo, sed & imagines sacras ad piorum devotionem eleganter (quam artem præclare callebat) expingendo: quarum unam B. Francisci Borgiæ ab eo expressam, inque ejusdem festo publico cultui propositam, magnopere Imperator cum Palatinis & dilaudavit, & in veneratione habuit.

Ecce autem paucos post annos, quam felicibus ibi progressibus Catholica Religio implantari, atque Alexandrinum schisma extirpari cœpit, subita iterum in Fideles procella, & in Imperatorem rebellio, à pertinacibus hæresis sectatoribus, concitata est; cui succumbentem Sultanum Sequedum nequidquam adhortationibus suis, inq; Deum fiducia conatus est frater Imperatoris germanus Razius Zelachristus eripere; donec in tempestivis insuper fatis erepto Sequedo, res Catholica pene universa nefariorum astu & potentiâ eversa est. Quippe Faciladafius Princeps filius ætate atque animo invalidus, parenti Sequedo in Imperio succedens, à matre vidua schismati pertinacissimè, adhuc vivente marito, addicta seductus, licet Ecclesiæ Romanæ Sacramento pridem addictus esset, persuasus tamen non posse Imperium aliter, nisi revocatâ veteri Alexandrinorum fide, & Romanâ funditus extirpatâ, conservari, totis in hujus excidii viribus & opibus conjuravit. Mox ad primum ingruentis procellæ sonitum imbecilliores multitudinis animi concussi, partim à Religione Catholica palam descivere, partim occultam in animo servare contenti, apertè profiteri refugiebant: quibus robustior firmitudo, ij relictis sedibus latebras, & spontaneum exilium eligeant. Patres in quos potissimum turbo concitabatur (quod nisi his dimotis evelli stirpitis Romana Religio animis Fidelium non posset) mutato habitu, identidem sedes mutare cogebantur, ut sub alieno cultu melius & tectius constantiam trepidorum toto Imperio fulcirent. Donec A. 1634. actio in exilium Alphonsi Patriarchæ, & in Turcarum potestatem impiè perfidiosisque contradito, lata simul in omnes Societatis homines est exilij, & nisi migra-

rent, capitis proscriptio. Ibi tum P. Gaspar, & è Socijs qui potuere, in Urbe Tigrani Regni principe Asfà restitère, nè simul omni pastorum curâ destitutus grex, luporum direptioni impunè pateret. Hinc dum cautissimè ad juvandos solandòsque Catholicos per intervalla procurant, accidit aliquando, ut P. Gaspari finitimos vicos & oppida, quò Catholicorum liberos sacris undis ablueret, peragranti, obviam venirent adversarii ità improvisò, ut nullus effugij amplius locus esset. Ergo subitaneo consilio Pater frontem confestim linteo obvolvìt, & voluntario casu ex jumento, quo vehabatur, tanquam à recalcitrante excussus, in terram prolabitur gemens. Hostes ad eum mox delati, quærunt ex ejus comitibus, equis ille miser esset, qui pronus corruisset è mula? quibus respondentibus, cæcum illum esse Lusitanum, totà passim notum Æthiopià; in præsentì periculum ambiguo comitum responso (nam & Lusitanus, & velatis linteis in præsentì oculis cæcus, & totà Æthiopià nominatus erat) salvus evasit.

Verùm haud multò post, ingentibus jam exantlatis laboribus, ut hostium furori tantisper cederet, unà cum P. Joanne Pereira, & P. Bruno à S. Cruce, in solitudinem Fremonæ, haud procul Asfà se recepit, connivente principio ejus loci Domino, quem fallere & latere, quamvis absconditi, nequiverè. At ubi ad monachos aviti schismatis flagrantissimos defensores ac vindices, Patres ibi agitare perlatum est, non prius destiterunt hominem, errorum communione secum conjunctum, inflammare, inque eadem Patrum hortando, terrendo, obsecrando sollicitare, ac præsertim eorum antesignanus Abbà Asfà Christòs, odio in Fidem orthodoxam flagrans, dum denique polliceretur violentas manus eis se illaturum. Sola jam opportunitas perficiendo quærebat facinorosi locus enim seu latibulum, quò Patres se cum fida Lusitanorum manu intra desertum receperant, à natura munitum & in sublimi monte locatum, ad patrandum scelus minùs aptum, & securum ijs videbatur. Differtur itaque rei in actum vocandæ propositum, usque ad celeberrimam illam solennitatem, quam S. Marci Evangelistæ honoribus ibi ad ripam fluminis agunt Christiani. Convenère illuc cum magno numero convenarum Catholicorum è suis latebris Patres, iisque Sacro divini verbi, & Sacramentorum pabulo refectis cùm ad sua latibula malorum securi remearent, ab Dyaa-

sta 150. lancearijs stipato repente occupantur; quorum terrore acti in fugam diversè Christiani comites, in manibus hostium Patres, cum paucis fidentioribus, & pro Fide mori paratis, destituunt. Nec mora, lanceis hastilibusque irruentes milites, P. Gasparem secundo vulnere vità eodem in vestigio spoliant, die 25. Aprilis ejus A. 1635. ætatis 42. Societatis 28. Duos alios Patres dirè convulnerant, & exturbatis ut rebantur per vulnera è corpore animis, strata humi cadavera omnibus vestimentis spoliata relinquunt. Mirum verò dictu est, quod & ipsi crudelitatis auctores mirabundi spectavère, & postea prodidère memoriæ; sanguinem P. Gasparis, cùm è vulneribus copiosè manaret, in terram neutiquam defluxisse, sed in auras illico tenuatum vanuisse.

Cecidère cum Patribus Æthiopes ex odio Romanæ Fidei ad tricenos alios, qui eos à peracta S. Marci solennitate domum deducebant: quorum mortes & vulnera ità prosequitur P. Brunus, ipse etiam unus ex graviter laucijs, in literis ad Alphonsum Patriarcham datis 17. Julij A. 1635. *Post discessum militum ducitur ad me P. Joannes Pereira, prope cor magno vulnere accepto, supra me jacentem ac nudum nudus exclamat: moriamur simul Rater mi, moriamur simul! & utinam mortuum fuissim! Peccata ritè confitetur apud me, & ego apud illum. tum ceteri vulnerati idein faciunt, scilicet Lucas Rapasus, qui post confessionis Sacramentum emisit animam; Zea Gabriel, Leon meus famulus, Franciscus Michadus famulus Patris Pereire, Hieronymus Cosmi frater, primo aggressu necati: hic leviter vulneratus, omnibus nobis adjumento fuit cum Damiano, qui miraculosè inter ceteros relictus sospes à vulneribus, sed non à lapidibus, qui in illum jacti, non admodum noxij in eundem fuerunt. Hi postremo loco nominati nos paleis tegunt, lacrimis midentes. Non multo post incendium excitatur apud nos in paleis (nam regressi quidam ex homicidis illis, cùm fœni insuper plurimum è vicina silva comportassent, in cinerem eos redigere volebant) mortem omnibus minatur. Verùm ex Divino consilio interea temporis adventat Asra Nebensens, quæ ad ligna colligenda ante militum adventum ad interiora deserti pervexerat. Hac incendij metum dirimit incredibili sedulitate, ingenioque virili. Post incendium de improviso accedit ad nos Augustinus Garenensis, quem optimè novit P. Didacus: vestimentum quo erat indutus scindit in partes & nos tegit. Denum ad solium occasum Xunò Ardui de Lima, Damianus Cosmi Frater*

Frater cum famulis, sepultura committunt vitā sanctos, & nos humeris impositos ad latibulum ibi proximum ferunt. Ibi secuto postea die Franciscus Machadus summā animi alacritate animam DEO reddit, cui semper placuit. Ad septimum diem P. Joannes Pereira post mediam noctem finem imposuit doloribus, quibus à vulneribus continenter angebatur; & eo perrexit, ubi nullus dolor. Die verò octavo proximum morti me putabam: deficere mihi vires sentiebam præ solito: lumen oculorum paulatim extingui: demum cum sanguine ex quindecim vulneribus, quibus confectus eram effuso, spiritus corporis paulatim extingui advertebam; ideoque animā prius DEO commendatā consolari capi, quos presentes habebam, nē ex meo interitu tristitiā premerentur. Mortis autem verbum audientes, lacrimas effundunt uberrimas, ad pedes meos ruunt, precantes, nolim eos deferere. Quā nobis vita, ajunt, sinē Magistro, ac Patre? Quō ibimus oves destituta, & sinē pastore inter lupos? ut cum nostrū Magistrū videremus ac moremur, inter desertā remansimus; rebus serē omnibus destituti, nē destitueremur pane caelesti. Te mortuo, quis enim nobis suppeditabit? Hac & similia Damianus de Mesquita. Responsum datum est illis S. Martini Episcopi, quo lacrymis abstinnerunt, &

noctu huc me duxerunt; ubi inter Martyrū consanguineas, ac uxores, filiōsque viro semivivus, rebus ad recuperandas vires necessarijs destitutus, cum vulneratū pro Christo: pro quorum incolunitate solūm doleo. Utinam hac ad vestras manus perveniret, ut ex earum liberalitate aliquid acciperem, & Lusitanis istis consulerem, & eorum inopiam levarem. Hoc enim solū me vulnus lacerat; cetera quibus corpus insignitur, gaudij fructus ferunt continentes. Hac ego successivis temporibus præ virum deflectione, unum rogo, ut DEO me commendatum velint, & peccatorum veniam meorum mihi impetrent: hac enim indignum me Sociorum morte reddiderunt; sed spe excitat ex infinita Dei misericordia, tandem aliquando ad eandem mortem obeundam pro Christo Domino, & pro Fide Orthodoxa. Me incolunem multi esse audierunt; & præsertim Abbā Asfā Christos, ad quem scripta fuit Epistola à Gabrā Christos, in qua nos omnes à se ex humanis ereptos affirmat cum Lusitanis, qui nobiscum erant; & causam victoriā in illius refert preces, uti testatus est mihi Olda Georgius, qui epistolam legit. Finem facio scribendi, ad genua, inō ad pedes vestros provolutus, & oscula honoris debiti impertiens.

P. APOLLINARIS DE ALMEIDA, Episc: Nicenus.
P. HYACINTHUS FRANCISCI, &
P. FRANCISCUS RODRIQUEZ.

IN ipso persecutionis Æthiopice æstu P. Apollinaris de Almeida, destinatus Alphonso Mendez, si quid humanitus accidisset, in Patriarchatu successor, & consecratus Nicææ Episcopus, in Abyssiniam apulit A. 1630. Is natus Ulyssipone in Lusitania circa A. 1592. penē puer, vix iustā ætate, nomen addixit Societati, in qua ingenij atque industriæ opibus tantum profecit, ut post Eloquentiam sex annos explicatam, Philosophiam Ulyssipone, atque Eboræ sacros libros quadriennio cum laude fuerit interpretatus, creatus Theologiæ Doctor. Secundum hæc superiorum missu destinatus in Indiam, ut unā cum P. Didaco Sicco Niceno Episcopo laboranti Æthiopie ferret suppetias, cum in ipso navigationis cursu, priusquam pervenissent in Indiam, mors inopinata Didacum sustulisset, ipse in eundem il-

lum titulum mandato Summi Pontificis & Regio suffectus est, eo semper in Matrem suam Societatem conservato affectu, ut nunquam alio obsignandis literis & placitis suis sigillo uti voluerit, quā consueto illi Sacrosancto nomine JESU. Goam A. 1629. ubi appulit, invenit P. Joannem Rocciam nominatum Hierapoleos Antistitem, & primum Patriarchæ Alphonfi successorem, ideo remotum à trajectu in Æthiopiam, quod nondum fuisset actus copiam iniciandi sui in Episcopum: hinc Apollinaris jam in Lusitania consecratus, continuo maturavit eò trajicere, ut exoptatorum citò compos laborum evaderet. Quò ubi per ingentia maris & terræ pericula pervenit, deprehendit iniquissimam sortem Catholicorum, ac Patrum præcipuè, in quos toto Regno jussu Imperatoris fiebat inquisitio, ut comprehensi trans mare deveherentur, & Turcis in potestatem



P. Apollinaris de Almeida Episcopus Nicenus Soc. I.E.S.V. P. Hyacinthus Francisci Lusit. P. Franciscus Rodericus Italus odio Romanae Ecclesiae suspensi et lapidati à Schismaticis in Aethyopia Oinadege. mense Iunio. A. 1638.

C. S. d.

M. K. f.

statem dimitterentur. Ipse pertentato animum integrum gentis ingenio, ubi deprehendit illud mobile penitus & inconstans, haud operæ pretium fore censuit eo in Regno diutius commorari, eâ etiam ratione permotus, nè si unâ eum Patriarcha, ad quem prima gregis illius cura, ad se autem succedanea pertinebat, de medio tolleretur, nemo superesset, qui tum ejus vices posset excipere. Verùm id consilium Patriarchæ minimè probabatur, existimanti Imperatorem cum schismaticis in se unum maximè intentos, suâ etiam Regno, aut fortè è vita ejectione contentos, de reliquo non magnopere inquisituros esse, an alius quispiam successor palantes Catholicos regendos suscepit, cum id eousque ipsos latuisset, ac proinde

necessarium omnino fore, ut Episcopus in Regno persisteret, quò publicæ vexatorum Fidelium calamitati atque indigentiae, quoad fas esset subvenire posset. Re tam ancipiti atque arduâ in deliberationem cum Patribus quotquot aderant deductâ, noluit Apollinaris suam diere sententiam, nè nimio fortasse sui studio duci videretur: sed id se facturum professus est, quod è re publica fore plures Patrum censuissent. Censuere verò illi cum Patriarcha, utrumque in Regno oportere persistere, sed locis omnino & sedibus diversis, ut oppresso vel exacto uno, alter excipere gregis curam posset.

Itaque mense Majo A. 1634. digressi ab invicem, Apollinaris cum Patre Hyacintho Francisci in montem quendam se recepit; in

in alium iere P. Ludovicus Cardeira cum P. Bruno à S. Cruce: Patriarcham cum novem residuis Patribus in ditionem suam Barnagassus recepit; sed mox ingentibus Imperatoris pollicitationibus corruptus, navibus impositis, quasi in Indiam eos transmittere vellet, per summam inhumanitatem atque perfidiam, Bassæ Turcico, qui Suaqueno, cæterisque Erythræi sinûs prædijis imperabat, in potestatem atque arbitrium dedit. Ab illo barbarum planè sædumque in modum, ut captiva mancipia solent, habiti sunt, detractis etiam vestibus, ipsisque adeò quas è collo gestabant, sacris reliquiarum capsellis. Demum libertas eis venalis eà conditione proposita est, si eam triginta aureorum millibus redimerent. Cujus tam immanis pretij cum nulla vel ex parte colligendi spes afflueret, & annus jam integer inter acerbas vexationes durissimæ eorum captivitatis lapsus, nullà tamen erga infantes illos miseratione barbarum animum tangeret, quatuor aureorum millibus mutuo comparatis licentur libertatem suam. Verùm mox iterum novà perfidià, cum jam navim vela facturi conscenderent, Bassa revocatà sententià septem duntaxat socios eo pretio missos facit, Patriarcham cum duobus iniquissimè retinet. Cujus rei nuncio in Æthiopiam perlato, mater Imperatoris cum quibusdam Aulæ ministris capitali in eos furens odio, animum Imperatoris perpulit, ut datis ad Bassam literis tres illos in suspicionem alicujus proditionis arcesceret, utque securi eosdem percuteret, hortaretur.

Percrebuit interim apud Schismaticos, Episcopum Apollinarem in Regno cum pluribus adhuc residuis Sacerdotibus degere; quæ eorum constantià offerati, qui Patres universim ejectos volebant, concitaverunt Imperatorem in eos sive Regno, sive è vita exturbandos. Quorum patrocinium suscipiens Pro-Rex Dambeensis, omnes in suam clientelam & ditionem invitavit, nisi satius visum fuisset Episcopo diversis potiùs ab invicem divisos locis agitare. Igitur duobus socijs Pro-Regi concessis, Episcopus ad Regiones rubro mari viciniore descendit; ubi inter pastores delitescens, lacte vitam sustentabat, & ab æris cœlique injurijs frondibus arborum defendebat. Verùm cum ab ijs ipsis pecuarijs exueretur paulatim suis quamvis exiguis impedimentis, abreptique per vim famuli venum Turcis dati essent, coactus est desperatum apud illum ipsum perfidum Barnagassum, qui Patriarcham

Turcis prodiderat, asylum Doboroæ quærere, apud quem jam antea P. Franciscus Rodriquez morabatur. Inde ad Patriarcham etiam tum vinculis Suaqueni attentum literas dat A. 1635. quibus fortunam suam, dubiam Barnagassi fidem, nullam meliorum spem, nullum operæ ex diuturniore sua inter Æthyopas commoratione pretium explicabat: satiusne ergo videretur inde se eripere, utque unà deinde Indiam repeteret, Suaquenum sese convertere? Verùm quantumlibet optaret Patriarcha Episcopum periculis exemptum, quia tamen responsum, quo ad professionem secum in Indiam accerferetur, revenerit, longè minus ipse adesse poterat, Divinæ Providentiæ commendatus est; dum interim Patriarcha, extorto violentè à negotiatoribus Lusitanis, quantum libido Bassæ ferebat, pretio, in Indiam navigare cogitur. Pervenit interea in Æthiopiam novus ab Alexandria evocatus, in locum Catholici Patriarchæ Alphonso, Abuna (ità illi Schismaticos suos vocant Patriarchas) qui in transitu per Suaquenum, singulari humanitate & benevolentia Alphonso Sociorumque captus, cum nullis suorū Pseudo-Monachorum delationibus, fusturis, & querelis induci posset ad persequendum Episcopum Apollinarem; illi denuo Imperatorem aggressi, quæ minis, quæ precibus sollicitant, ut Episcopum cum duobus Patribus, apud Barnagassum morantes, neci tradat. Eà postulatione impulsus Imperator, magnis denuo pollicitationibus Barnagassum aggreditur, eos ut suæ potestati tradat perurget; indemes illos servaturum Regià fide pollicetur. Qui in reditu per Zamariani castra A. 1636. transeunt, quia macie confecti, vix amplius illi ipsi qui antè fuerant cognoscebantur, profusus ei cæterisque militiæ Ducibus Catholicis lachrymas exciverunt. Ibi Divinà re in castris ab Episcopo factà, & tam Pro-Rege quam Ducibus, Sacrà Synaxi resectis, profecti sunt in utramque fortunam parati usque ad vicum Ondegùè, haud procul à castris Regijs. Quò ubi advenisse cognovit Imperator, catenis manus & pedes innexus, Abunæ potestati & arbitrio permitti mandavit. Verùm hic benevolentia à Patriarcha Alphonso exhibitæ memor, negavit se quidquam in eos juris arrogare velle. Itaque uni è Palatinis Magnatibus à Rege donati sunt, homini quantum schismati addito, tantum in sacerdotes Orthodoxos crudeli, adeoque esserato, ut eos in vinculis semper ponè se, quoquo iret, libidinose tractos, per noctem

suo sub lecto cogeret more canum cubare, datâ in victum diurnâ solâ permodicâ orizâ.

Post eas calamitates pluribus mensibus toleratas, in exilium denuo in Dambeensis lacus Insulam deportati, & capitalium Romanæ Fidei hostium, Monachorum Schismaticorum custodiæ traditi sunt, donec in libertatem Filiorum DEI optata mors illos hâc occasione asseruit. Venerat Romanæ Abissinus quidam, homo ignobilis, Imperatoris Jacobi, qui Sequedum antecesserat, filium se mentitus: & ut gratiam apud Patres Purpuratos mercaretur, legatum se Romanam ab Æthiopica gente universa asseruit, postulatam ex alia, quàm Lusitanorum natione, Fidei Magistrus. Æthiopus enim Religioni Catholicæ optimè addictus, eò solùm Patres insectari, quod è Lusitana exosissima illis gente orti omnes essent, qui Sultanum Sequedum contra Parentem suum in occupando Imperio potissimum adjuvissent. Patres Romanæ curiæ non tam quod fidem impostori, nullâ publicâ fide legationem probanti, haberent, quàm ut experimento rem tanti ad Ecclesiæ Catholicæ incrementum momenti tentarent, duos, neque Lusitanos ortu, neque familiâ Societatis, delegerunt ex Ordine Minorû Gallos, qui ineunte A. 1638. in Abissinam appulsi, cùm intrepidè ac aperte errores Alexandrinos ubique arguerent, & instituta Romana, velut eam in rem ab Imperatore evocati, prædicarent: continuò plures Schismaticorum è monachis & proceribus aulam interpellare, Regemque fœderis & violati promissi arguere, qui dogma Alexandrinum unicè colere pollicitus, clandestinè interim Româ alterius sectæ Prædicatores accersat. Imperator eâ obnunciatione concussus, ut innoxium se ejus negotij probaret, duos illos è Franciscanis Patres suspendio interimit. Episcopum autem Apol-

linarem cum duobus socijs, quod ijs viventibus nunquam securos se in nativâ Religione perfituros dicerent, improbissimorum hominum libidini permittit. Isti nullâ interjectâ morâ comprehensos per tumultum omnes tres, in stativa Regia ad Oinadegam vicum rapiunt, ibique temere ex rhamno suspensos, semivivos etiamnum spirantesq; saxis obruunt A. 1638. initio Junij, quorum corpora laniatui volucrum ac ferarum exposita, in nullo fuere violata.

Sociorum Episcopi primus fuit P. Hyacinthus Francisci, Florentiæ in Italia domo illustri natus. Castimonie studio, destinatus sibi à Parentibus opulentis nuptias, generosè constantèrque aspernatus, Societatem Romæ complexus est A. 1614. profectus in Indiam Goæ studiorum cursum consecit, cuius in meta constitutus An. 1623. cum P. Gaspare Paëz aliisque in Æthiopiam tetendit. Eluxit in eo tantus modestiæ, verecundiæ, atque omnis Religiosæ virtutis fulgor, ut eum sibi præ omnibus eâ gratiâ Nicenus Episcopus in socium cooptârit: essetque totâ Æthiopiâ pervulgatum, illam ipsius formam atque indolem Imperio dignam satis ostendere, illum alicujus Italici Regis filium esse. Passus est A. ætatis 40. Societatis 24.

Alter socius fuit P. Franciscus Rodriguez Lusitanus, qui absolutâ Conimbriciæ, jam Societati adscriptus, Philosophiâ, Goam enavigavit; ubi alterum annum Theologiæ impendens, suscepto sacerdotio in Æthiopiam penetravit A. 1628. Ibi constanter Patriarchæ adhæsit, exadificandis potissimum ritu Romano templis perutilis: donec exacto Patriarchâ, ipse militari habitu inter Lusitanos apud Barnagassum remansit, eisq; omni ope ad salutem præstò fuit. Incidit gloriosa mors in annum ætatis ejus 35.

Societatis 20.

P. BRUNUS BRUNUS à S. Cruce, & P. LUDOVICUS CARDEIRA.



Vantopere sortem suam desseverit P. Brunus, quod interfecit pro defensione Fidei Catholicæ P. Gaspare Paës, & Joanne Percirâ, ipse quamvis longè pluribus faucibus vulneribus, conïortuus non fuerit, audivimus ex supra ipsiusmet, peccatis & demeritis suis id adscribentis, literis. Verùm magis

interim gloriosam illi, quia apertiore solius Religionis, & præmeditato odio inferendæ mortis lauream parabat DEUS, cujus testis esset Magoga Civitas copiosa, & celebre forum è Catholicis & Schismaticis Æthiopiis congregatum. Natus fuit in Italia Civitellæ 7. Novemb. A. 1590. Patre in eadem urbe Regio Auditor. A puero pietati addictus,



P. Brunus Brunus à S. Cruce Italus, et P. Ludovicus Cardeira Lusitanus, Soc. I. E. S. V. pro defensione S. Romanæ Ecclesiæ suspensi, et lapidibus obruti à Schismaticis in Æthiopia A. 1640. 12 Aprilis

dictus omnibus festis sacra mysteria sumebat, solutorum sodalium fugitans, cum modestioribus nonnisi de rebus divinis colloquia miscere solitus. Eâ verò fuit in egenos misericordiâ, ut panem illis, quem pro jentaculo & merenda quotidie accipiebat, suo fraudato genio, largiretur. Corporis afflictiâ percipiendo, una puero ratio succurrebat, cingulo nimirum scorteo, quod gestabat, usque ad lachrimas diverberare sese: cum interea deriderent eum domesticici, quod simul flagellantem se, simul tanquam ab alio cæderetur, plorantem audirent. Sed ipse propositi tenax, exemplis arctioris vitæ, & ferventibus supra ætatem adhortationibus, sorores suas tres ed impulsit, ut sæculo relicto, virginitatem Deo in diversis Partheno-

nibus consecraverint. Decimum quintum ætatis annum ubi inter hæc attigit, ad Romanum Seminarium è S. Genesio, quod oppidum eo tempore gubernabat ejus parens, transmissus est: ubi triennium Grammaticæ Poeticæque impendit, eâ legum illius contubernij observatione, ut bis solum toto triennio in eas deliquisse ipsemet notaverit, nimirum contentiosius unâ vice cum socio egisse in cubiculo, alterâ silentium violasse in triclinio: cujus utriusque noxæ tanta eum semper tenuit detestatio, ut cum sæpe antea, tum in Æthiopia generali eas exomologesi expiare meminerit, quibus scilicet in vita profana universa nihil gravius unquam admisit.

Perferebantur interea complures ab Indijs

dijs in Europam nostrorum literæ, quibus uberrimæ gentilium conversiones, & atrociora supplicia & mortes in fidei causa enarrabantur: quæ cum ex intervallo super mensa legi auscultasset, æmulandi cœpit ardere studio, & Societatis in eundem sensum cupiditate flagrare, quam ferè cernebat in ejus operis parte esse potiore. Ut ergo jam tum durissimis quibusque in Dei & animarum causa ferendis assuefieret, cœpit ter quot-hebdomadis flagro membra concidere, simulque cilicio uncinis asperato corpus adstringere: omni jentaculo & merendâ, uti & quovis lusus genere abstinere: ter in hebdomada per totum annum, & quotidie per quadragesimam, nulladum legis necessitate compulsus, jejunium observare; Sacramenta frequentare assidue. Ex quibus tantum Religionis cœpit ardorem, tam inflammatis eam exambivit precibus, ut superiores denique Societatis, spectatis egregijs ejus animi dotibus, ad Tirocinium ex Poësi admittendum duxerint, pervigilio Assumptæ Deiparæ A. 1608. Tum ille ab ipso propemodum Tirocinij ingressu suscepit Indicæ postulandæ missionis cogitationem; ad quam ut instructior aptiorque evaderet, omnem inediam siti que ferendâ, quam Magistri facultate subire licebat, arripiebat occasionem; nudâ incumbere humo, durissæ asseribus; deposcebat probis appeti, atque convitijs; humilioribus premi officijs; ut Tirocinij ejus Magister, cum biennio transacto Romano illum Collegio ad condiscendam Rhetoricam transcriberet, nullum se comperisset. Tironum omnium diceret aut ad omnem virtutem magis incitatum, aut qui majores in ijs processus haberet. Institit ille tum longè ardentius, ac deinceps Philosophiæ tempore, Indicos sibi labores deposcere, dum denique deductis ad finem Theologiæ studijs, voti compos à Mutio Vitelleco Generali factus est, spondente, missurum se illum propediem; expediret igitur sese, & ad arripendum post paulò iter compararet. Et accidit tum penitus, ut Sultanus Sequedus Æthiopiarum Imperator, Patriarcham à Pontifice cum plurimis è Societate Patribus ad se mitti postularet, cui proinde Româ, præter eos quos Lusitania longè plures adiecit, transmissi sunt P. Alphonsus Mendez Lusitanus, consecratus Æthiopum Patriarcha, & P. Didacus Siccus itidem Lusitanus, designatus illi ea in dignitate successor, atque interea Nicenus creatus Episcopus (qui tamen in itinere Indico obiit) illiq; comes attributus est P. Bruno.

In Indiam appulsis, atque inde Goâ in Æthiopiam navigantibus evenit, ut celebrante P. Bruno coorta subito tempestas, certum omnibus afferre naufragium videretur. Hinc conternati ventorum rabie qui sacrificio aderant, metu naufragij huc illucque diffugiebant, cum Brunus animo vultuque immoto, correptis S. Hostiâ, Divinôque sanguine, se convertit ad fluctus ventosque savientes, & per eum Dominum, quem suis præferret manibus adjurat, ut iras ponant & substant. Mirum dictu: quievêre continuo venti, mare disedit, aër conferenavit, & abruptum ipse tantisper Sacrificium, attonitis omnibus, qui vultum ejus interea coruscum viderant, ritè peregit. Fremonam ubi attigit, totum se descendæ gentis linguæ adixit, missus inde A. 1626. ab Imperatore & Patriarcha Nebesleam in Regno Damasi, ut templum ibi Romani moris, & Societati domicilium excitaret. Ac principio quidem instauravit ibi templum sanè magnificum, olim ab Helena Imperatrice conditum, sed ætatis hominûmque injuriâ labefactatum, primûque in eo Romano ritu sacrâ hostiâ litavit. Plurimis ibi Ecclesiæ conciliatis, Gorgorram abiit, ubi rursus ingens ad Romanæ fidei professionem mortalium facta est accessio, baptizati perquam multi. Paulò post accersitus à viro Principe, ut cum illius conjuge, quæ Alexandrino in Schismate obstinatissimè hereret, experiretur, num quid ad ejus salutem opis conferret, cum illa omnem conversionis aut confessionis mentionem admittere se nolle diceret; negavit vicissim ille se de his velle cum ipsa tractare, sed observantiæ gratiâ cupere duntaxat officiosâ salutatione desungi. Eo obtentu admixtus, paucis verbis ejus animum ita pervellit, ut ipsa continuè summâ sua sponte posceret ad fidem institui, neque illum ante expiatam ritè conscientiam suam à se pateretur divelli. Cujus nobilissimæ matronæ, & uti pertinacissimæ prius, ita pientissimæ postea exemplum, mirum quantum profuerit plurimis ad salutem.

His aliisque innumeris pro salute animarum susceptis laboribus Bruno distento, prænunciatum fuit veluti divinitus in vico Ascio, labores illum, ærumnas, & cruces manere permultas; quo ille vaticinio mirè gestiens, Bruni Romani nomen, quo fuerat illic eatenus compellatus, cum Bruni à S. Crucis nomine commutavit. Et verò paucis annis, hoc est non integris sex elapsis, quibus Æthiopiam Ecclesiam pacificè Patriarcha guber-

gubernavit, indignatus Dæmon Catholicæ Religionis incrementa, plurimas rebelliones (quæ ibi pro mobili gentis ingenio sunt creberimæ) in propugnationem sectæ Alexandrinæ excitavit, quibus fractus fatigatusque piissimus alioquin Imperator Sequedus, permisit imprimis ad diem 25. Junij A. 1632. suis, qui vellent, reditum ad vetera schismatis instituta: ac deinceps, nequidquam obnitente, & fratrem Imperatorem erigente Razio Zelachristo, Ecclesias omnes, etiam quibus Patres & Patriarcha utebantur, hæreticis condonavit. Sed Imperatorem brevi pœna, & mors cita, ante evolutum trimestre secuta est. Facilladatus Filius, Patris in Imperio successor, socios sedibus suis insuper omnes exegit, & Patriarcham, receptum apud Barnagassum quarentem, in immanem Turcarum captivitate dedi mandavit; paucis residuis Patribus, ut alibi jam memoravimus, quos inter erat P. Brunus Brunus, cum Niceno Episcopo, per ingentes æumnas & persecutiones in Æthiopia, diversis sese latebris occultantibus. A. 1635. paulò ante eadem P. Gasparis Paëz & Joannis Pereira, in qua etiam P. Brunum quindecim vulneribus faucium, evasisse tamen, ingessis eorum paulò antè memoravimus, duo illi evenerunt, quæ magnopere ad casum quemlibet fortiter ferendum, animum ejus incenderunt. Puer infans, quem in ulnis mater catholica gestabat, audiens illam de acerbitate persecutorum vitæ P. Bruni indignantium queritantem, & nè ille tormentis impar succumberet formidantem, explicuit tunc primum in voces linguam, disertè afferens, neque interitum eà quidem præsentē infestatione Brunum, neque cruciatibus unquam cessurum. Item aliàs deprecanti Bruno Desiparam, cujus à puero erat studiosissimus, ut se contra vim efferatorum hostium tueretur, nève sueretur constantiam suam eorum tormentis labefactari; adfuit illa aspectabilis cum DEO infante, & suum pollicita in adversis omnibus præsidium, anulo in ejusdem digitum inserto, uti olim Filio suo Catharinam, nunc item sibi eum despondit.

Postquam subductus in tutum ex immani illa cæde P. Brunus, ex tot illis vulneribus ingenti profuso sanguine frustra medicamentis curabatur, indicta sunt pro eo publicè omnibus fidelibus, etiam infantibus jejunia, unicà per diem à matribus lactatione eis præbità, dum sanitas illi à DEO restitueretur; quâ recuperatà illico se ad omnes

afflictissimi gregis curas, omnibus contemptis periculis retulit. Contigit interesse aliquando ejus concioni virum Principem Habetem Zamarianum, Imperatori affinitate conjunctum, qui ejus oratione permotus, continuo Ecclesiæ se Romanæ conjunxit, & montem, quem in sua ditione habebat editissimum, ab incurfu cujusvis hostis abundè tutum, inhabitandum illi obtulit. Hic illa unà cum P. Ludovico Cardeira, solo præterea ex socijs in Æthiopia superstitē, latitans, piorum vivebat elemosynis, suosque cætus statis temporibus cum fidelibus celebrabat. Cum verò sæpius eos sibi dedi urgeret Imperator, minatus alioqui se Zamarianum in perduellibus numeraturum, constanter renuit ille, maluitque; adeò in discrimen se cum universa domo & ditione sua conjicere, quàm nefarià proditione innocentes Dei famulos in certam necem Tyranno dedere. Tribus in eum vicibus infestas idcirco copias Duce Tigrano Pro-Rege immisit Imperator, quem semper ingenti clade fudit fugavitque Zamarianus, & ultimo prælio unà cum Ducibus omnibus exercitibus etiam interfecit. Tandem, nescitur quo casu, oppresso Zamariano, timentes Schismatici nè ea Romanæ fidei media in Æthiopia relicta scintilla, aliquando eorum hæresi deflagrationem crearet, cum mons penitus inaccessibilis armis obtineri violentè non posset, statuere ejus incolas velut indagine cinctos, fame ad deditionem cogere. Graviùs obfessos sitis, corrupto ab hostibus, qui unus ad potum in montis radice scaturiebat, fonte, quàm fames habebat: sed indictà Brunus supplicatione (cò enim se præter complures Catholicos universa Zamariani receperat familia) & jejunio, ipse nudatis pedibus Ven: Sacramentum circumtulit; quo in Ædem vix relato, tanta repente montem pluvia, siccis undique atque arentibus circum agris inundavit, ut aquis omnia receptacula implerentur. Sed & hæc demum aliquantò post, omnique cibatu consumpto, coacti ex intervallo nonnulli ad plana descendere, ut cibaria compararent, ab instructis undique insidijs intercepti & contrucidati sunt, contemptà animosè vitæ servandæ conditione, si ad impiam schismatici communionem desciscerent. Ergo Patres ablegato ad Imperatorem certo homine petunt, ut si eos neque eo in monte, neque universum in Æthiopia morari amplius sustineat, patiatursaltem indemnes, utpote nullius admissi criminis reos, ad suos in Indiam redire. Ille per literas respondit, descenderent porrò de

monte, atque ad suos abirent, aut si malint, loco quem ipsis in Regno suo assignaturus esset, securi manerent: divinæ se suum caput iræ devovere, si quid illis nocementi patiatur inferri. Eo Imperatoris freti sacramento descendunt Patres, & mare Erythræum, unde in Indiam renavigent, petunt: cum sceleratè iterum à Gubernatore Tambanensi intercipiuntur. Vehementer ursère tum Monachi Schismatici Imperatorem, ut juberet eos è vita tolli, solutos se eum juramenti obligatione, quo suum Deo caput pro eorum incolumitate devoverat. Sed cum nollet fidem datam violare Imperator, scripsissetque Tambanensi, ut illos ad se continuò sub fida custodia mitteret, illi per Imperatoris matrem mortem illis paravère. Hæc literis Filij legitimis interim suppressis, alias nomine ejusdem comminiscitur, quibus jubebatur Gubernator Patres proximis Magogæ nundinis, ceu Majestatis reos, publico suspendio necare. Illi in tempore ab homine Catholico, qui rem totam exploraverat, admoniti, eam sibi felicitatem mirè gratulari, & imminenti propediem supremo certamini streauè se comparare. Magogam igitur A. 1640. 6. Aprilis qui tunc feria 6. majoris hebdomadæ fuerat, adducti, ad diem usque Jovis 12. Aprilis in carcere attenti sunt: quo producti ad fori medium, ubi truncum aridum lictores suspensio statuerant, suum stipitem flexis humi genibus devenerati sunt. Tum manibus ligatis, corpore umbilico tenus nudati, factâ loquendi potestate, P. Ludovicus Cardeira multitudinem affatus: libenter se omnino mori, dixit, & in tantæ multitudinis conspectu multò libentissimè, ut Christo Domino suo quaquâ ratione assimilari possint: & quidem pro ea fide tuenda, extra quam nemini omnino salus animæ sempiterna posset obvenire. Cum verò diceret Imperatoris Minister supplicio Præfectus, haud esse jam tempus ampliùs Romanæ prædicandæ fidei: imò verò, exceperit Brunus, jam maximè id agendi tempus est, dum morte ac sanguine veritas ejus obfignanda est, ut nulli posthac dubium esse possit, quàm sincerè eam & ex animo in vita prædicarint. His dictis convertit se Brunus ad P. Cardeiram, & ejus ad pedes advolutus oravit, ut semet, & quem manu prætendebat funem, tanquam suus superior benedictione sacraret, & priorem se mori juberet, ut Dominum suum quoad posset æmulatus, ex

obedientia decederet. Cardeira & illi, & resti, & sibi metipsum bene à Deo precatus est, itémque & urbi & regno universo, Psalmo sexagesimo quarto ad finem usque gentis lingua recitato; quæ re Catholicis magnum pietatis sensum, hæreticis admirationem confusionemque concivit. Tum restis P. Bruni prior arbori alligata est, & ipse continuò tractus & suffocatus, anno ætatis 50. Societatis 35. vultu etiam à morte haud tetro, vel ut esse suspensis solet lurido, sed qualis viventi fuerat residente, & blandum spirante: cujus aspectu mirificè confirmatus Cardeira, eodem supplicio hilaris confectus est, anno ætatis 55. Societatis 39. Mox gentis more lapidibus appetiti, & quadriduo toto eodem in ligno pendere permitti, cum omnis odoris corpora expertia essent, in collem belluis infamem abjecta sunt, ne à Catholicis ad venerationem subduci possent. Erat P. Bruno Colonellæ in patria superstes frater Propertius Medicinæ Doctor: is gravibus aliquando doloribus in humero afflictus, literas à fratre olim ex Æthiopia datas magnâ fiduciâ loco affecto applicat, precatus, ut si quæ de ejus Christi causâ obita ferebantur morte veritati congruerent, operam suo malo afferret. Testatusque sanctè est, sese eodem ab admota epistola momento omni fuisse dolore liberatum, neque unquam ex eo ampliùs, cum antehac sapius ex intervallo rediret, condoluisset.

P. Ludovicus Cardeira Bruni in morte socius, Lusitanus ortu fuit, civitate Bejá, qui anno ætatis 16. impetratâ societate, A. 1611. transmissit in Indiam, atque inde cum reliquis in Æthiopiam, Cujus plenos fructibus labores, & ingentes toleratas ærumnas, quia jam relatis P. Bruni, aliorumque gemella sunt, tacitus prætereo. Duobus autem præ reliquis socijs specialiter profuit Æthiopiæ; canendi peritiâ tum voce, tum organo, cujus utriusque disciplinâ institutis adolescentibus, mirè animos incolarum Fidei Romanæ conciliabat. Ad hæc vernaculum gentis idioma aptissimè calluit, & Biblicæ Æthiopum linguæ, quam doctam ipsi vocant, fociorum omnium peritissimus evasit, inquam non pauca sacris è libris transtulit, & alia suo ipse ingenio, quo perspicacissimo fuit, quatuor vota unâ cum P. Bruno professus, conscripsit, mirantibus ejus facilitatem, & eloquentiam ipsis met Abassinis.



P. Bernardus Nugueira illustrissimo ortu Lusitanus. pro fide Catholica à Schismaticis suspensus, in Æthiopiæ Regno Goiana. A. 1653.

C. Scireta del.

M. K. f.

P. BERNARDUS NUGVEIRA.

DLures ex Lusitanis nobiles familia, tum per mercaturæ opportunitatem, tum per varias belli occasiones, quibus Abissinæ Regibus in Turcam, aliisque perduelles, subditiarij sæpius ab India venerant, sedem sibi stabilem in Æthiopia fixere, Fremonâ nobili ejus Imperij urbe, ac Oviedi Patriarchæ olim sede, deinceps autem etiam prodigijs claro sepulchro insignitam, majore parte eorum colonijs inhabitatâ. Ibi natus est P. Bernardus Nugueira, ductis è Bracharenfi apud Lusitanos nobilitate claris originibus inclitum nomen, quod morte deinde supra natales quoque illustri gloriosius red-

didit. A puero institutioni Patrum Societatis pij parentes filium commiserunt, sub quorum disciplina latinis literis ad perfectionem imbutus, eos etiam in omni genere virtutum profectus fecit, quibus ad publicas, easque sacras Patriæ utilitates, in Ecclesiæ candelabro positus, diu illic Fidem Catholicam post expulso partim, partim necatos socios omnes, solus ipse utiliter sustentavit. Jam inde ab eo tempore, quo Sultano Sequendo Patriarcham à Romana Sede deposcenti, missus interim est P. Emmanuel Almeida, qui Vistatoris ac veluti Legati ad eum Imperatorem munus obiret in ijs, quæ ad rei Catholicæ instaurationem apud Abassinos expe-

expedirent, Bernardus illi fidelis comes ac interpres constanter adhæsit: cui vicissim Almeida certis quæ se à publicis negotijs vacua dabant temporum intervallis, divinæ Scripturæ mysteria explicabat, tantâ Bernardi quâ scribendo, quâ audiendo ea excipientis contentione, & totius ingenij, quo excellerebat, applicatione, ut eâ sacræ disciplinæ peritiâ plenè imbutus & scholasticè doctus, magnos deinceps in omni occasione de proximis fructus retulerit. Postquam autem superveniens Patriarcha Alphonsus Mendez, Ecclesiam illam hæresum erroribus perpurpare aggressus est, neminem quem lateri suo fideliores adungeret seu comitem, seu interpretem, nactus est Bernardo; hinc etiam sacris initiatum ordinibus, in ardua illa tot laborum perfundione habuit veluti adiutorem, omnibus secum prosperis & adversis exercitum, & calamitatibus ipsidem, quibus alios eâ tempestate pressos memoravimus, involutum. Deum socijs omnibus universim ab Æthiopia proscriptis, Patriarchâ expulso, Episcopo necato, ipse unus Catholicus sacerdos ad fidelis ibi gregis solatium, quia necdum Societati adscriptus tolerabilius latebat, à Patriarcha relictus est: quo etiam luculento teste & laudatore omnes Vicarii, & inconfusibilis operarii partes cumulatè implevit. Quo eodem tempore assumptus est ad conscientiarum arcana ab inclito illo Regioque Principe Razio Zela Christo, quem cum optimi augustæ memoriæ Imperatoris Sultani Sequedi germanus esset, eo postea vitâ functo, Filius ejus & Imperij hæres cereo fluxoque ad consilia nova ingenio, Patrum optimum longâ viginti & amplius annorum custodiâ afflixit. Et cum promissis varijs multifariam tentatum, à Romanæ Fidei sanctitate dimovere non posset, aliquantò post necem Bruni & Cardeiræ, meliore conceptâ mente, è custodia exemptum suo permisit arbitratu vivere: unde nonnulla iterum bo-

næ in eo Imperio conversionis affulgere spes visa est. Verùm cum iterum à Monachis suis Schismaticis, qui supremum in eo Principe columnen & firmamentum Catholicæ Religionis perspiciebant, urgeretur, eundem illum ingratis nepos suspensio interemit.

Fluxerat inter hos Bernardi Apostolicos labores Annus 1650. cum P. Franciscus Piccolomineus universæ Societati Præpositus Generalis, tum ejus privatâ sollicitatione, tum Patriarchæ, virtutis ejusdem commendatione inductus, datis ad Provincialem earum partium literis 30. Octobris, eum Societati legitime adscripsit; cujus ille tam diu exambiti favoris compos factus, novo ad rem bene gerendam capto exinde impetu, voluntatem suam omnem eorum qui regunt voluntatibus transfererebat. Et erat tum omnino ipse solus, per quem Patriarcha circa oves sibi commissas, quæ fieri vellet, conficiebat; hinc naviter in Regno Tigrensi elaboranti, quædam Goâ in mandatis dedit, sacerdotalis quoque apparatus instrumento abunde submisso: adhæc aurum adjecit, pro eorum qui isthic inopiâ premebantur, Catholicorum levamento, quo sustentarentur. Ibi rebus quam optimè constitutis Bernardus, in Regnum Gojam transivit, ut submissorum à Patriarcha subsidiorum parte, illos etiam fideles adjutum iret. Sed non poterat diu latere tam navus supremi Abassie Pastoris Vicarius, quin dum animabus æquè ac corporibus undequaque juvandis intendit, ad Pro-Regem deferretur: à quo tentus, vineulis immaniter confectus, ad tribunal ductus, Religionis Imperatori tam invise damnatus, & ad furcam, destinatum illic longâ temporum præjudicatione in Catholicos supplicium, additus est. In qua suspensio strangulatus, fortem animâ Creatori suo reddidit in eodem Gojam Regno. A. 1653.





SOCIETAS JESU ASIATICA.



ASIA, reliquarum Orbis Partium hætenus cognitarum maxima, & Europam Africamque propè vastitate excedens, maximos etiam Societati JESU exhibuit labores, incredibiles attulit ærumnas, & post innumerabilium Gentium & Nationum conversiones, felicissimos ex diris mortibus peperit triumphos. Ejus ut Nationes aliquando Catholicas, sed Turcarum sub Imperio in schisma, aliasque hæreses, prolapsas Ecclesiæ restitueret, pluribus legationibus in Syriam susceptis, Maronitarum gentem, totamque Armeniam feliciter Christo ejusque Vicario subjecit, per delegatos illuc à Gregorio XIII. P. Joannem Elianum, & P. Joannem Brunum, A. 1581. aliosque deinceps. Quibus ut nunquam deessent idonei ex propria Natione cultores, quorum industriâ & laboribus hodièque in obedientia Romani Pontificis persistunt, Seminaria Romæ Maronitis, Græcis, Armenisque in Fide Catholica educandis excitata sunt, in quibus pietate & doctrinâ instituendis hodièque naviter defudat Societas.

Præcipuus tamen Apostolicorum sudorum campus illi fuit tertia pars Asiæ, quam communiter Indiam Geographi nominant; quò in partem laborum Apostoli Thomæ divinitus vocata, ita feliciter in messem ipsius intravit, tam optatis successibus Fidem illic per eum prædicatam propagavit, ut jure merito ejus socij, successores magni Apostoli semper habiti, neque alio quam Apostolorum nomine (quo hodièque in illis partibus gaudent) ab incolis sint vocati. Ipse quin adeò S. Thomas successores sibi eos, & laborum socios divinitus præscivisse, & designasse videtur. Siquidem Meliapore, quæ Coromandelis Regni tum caput erat, templum Christo molitus, à Rege autem Sagamo, & Dæmonum sacrificulis impeditus, cum inusitata magnitudinis truncum in litus mare ejecisset, eumque complures adhibiti Elephanti toto adnifu dimovere loco non possent, Apostolus Regi conditionem tulit, si truncum illum sibi ad Templum vero Deo ædificandum daret, nullis machinis, nullo mortalium adjutore, se protinus illum ad Urbem tracturum. Cum Rex insanire hominem ratus annuisset, tum S. Thomas zonâ, quâ erat præcinctus, ad prominentem è caudice ramusculum annexâ, signo tantum facto Crucis, immanem arborem facili ductu

ductu sequentem , in ipſo pomario Urbis ſtatuit : ibidémque defixâ lapideâ Cruce vaticinatus eſt : cùm ad eum uſque lapidem pertingeret pelagus (diſtabat autem id temporis à mari leucas ferè decem) Divino juſſu è remotiſſimis terris candidos homines , ad eadem quæ ipſe intuliſſet Sacra inſtauranda , venturos . Nec ſefellit prædictio ; ſiquidem ſub Luſitanorum ap- pulſum , quorum claſſe eodém S.Xaverius aliſque deinceps è Societate ad- veſti ſunt , occultis tot annorum acceſſibus locus Oceano tandem allui cæptus eſt.

Nulla inter innumerabiles propè nationes, Regna,& Inſulas illic eſt, quam non excoluerit, colâtque hodie ingenti ſudore & ſanguine ſuorum Societas J E S U , plurimis hominum myriadibus ad Chriſtum converſis. Solus S.Xaverius, qui primus è Societate durum novale excoluit, ſupra decies centena millia propriâ duntaxat manu baptiſmo eluit, non accenſendo incomparabiliter majorem mortalium vim , quam ſuis prædicationibus inſtructam, alijs baptizandam reliquit,& quam Greg.XV.Pont.Max. aſſerit eſſe majorem, quàm ſuo Græci Romanique ſubjecerint Imperio ; & Bogius cum multis alijs Hiſtoricis teſtatur fuiſſe numerum copioſiorem, quàm univerſi à temporibus Apoſtolorum Hæretici ad ſectas ſuas per annos 1500. tradu- xerint : inter quos fuère potentes Monarchæ , Reges & Reginae ab Idolis aut Mahomete ad Chriſtum traductæ ſupra duodecim : Rex Vlatiſ, Rex Bu- liagri, Trauancoriſ, Saxoniæ, Amangucij, Maldivarum , Celebis cum Fratre, duo Zeilani Reges, Regina Ternatiſ, aliſque ignoti Reges nominis. Cùm tamen penè extra ſpem eſſet, belluinam illam Principum licentiam circum- ſcribere terminis Chriſtiani pudoriſ, qui domi centum , foriſ quotquot immanis libido ſuaſiſſet, uxores alebant.

Nec ſegniore paſſu Xaverij veſtigia ſecuti ſunt ſocij, quorum Apo- ſtolico denique zelo impenetrabiles ceſſère Chinarum Imperij muri , Re- gnorum Japoniæ portus impervij, vaſtiſſimæ & innumeræ Oceano ſparſæ Inſulæ, Molucæ, Salſettæ, Ancheditæ, Philippinæ, quarum una par eſt ma- gnitudine toti Hiſpaniæ ; Zeilani, Amboini, Celebis , quarum una Macazar nomine, milliarium ambitum continet 600. Inſulæ Mauri, Sanguini, Oræ Piſcariæ , Promontorium Comorini, ampliſſima Regna & Imperia Perſiæ, Mogoriſ, Siam, Calcut, Travancoriſ, Cocini, Bengalæ, Ormuz, Cocincinnæ, Corea, Tunchinum, & quidquid demum terrarum tractibus illiſ haſtenus in- notuit, nihil eſt quod ſe abſcondat à calore, & igneo Societatiſ zelo. Quanta porrò ex igne, quæ mittere venerant in terras illas Socij, exarſerint veræ Fidei, & in DEUM Charitatiſ incendia, quàm latè porrexerint ſeſe animarum lu- cra, teſtiſ eſt Japonia, etiamnum domeſticorum pro Fide Athletarum ſan- guine reſtagnans, tantâ in Tyrannorum atrociffimiſ perſecutionibus con- ſtantiâ, ut omnibus ſacerdotibuiſ, tam indigeniſ quàm peregriniſ, morte vel exilio ſublatis, inconcuſſa tamen in Chriſti religione, poſt plura diriffi-

mis supplicijs fuorum sublata millia, hodiéque perseveret. Testis China, pluribus jam Templis verbó DEO extructis consecrata; in qua præter centena Catholicorum indigenarum hætenus millia, Principes è Regio sanguine, ex amplissimo ordine Mandarinum, Duces militiæ, Eunuchi Aulæ præcipui, illustres Imperatorij Gynæcei fœminæ; Imperator quin adeò ipse Sinarum potestemus, dictus in baptismo Constantinus, cum matre Anna, & conjugè Helena, filiôque unico, sacro fonte à Patre Xaverio Koffler initiati sunt. Cujus Christianitatis tanta hodie spectatur Sanctimonia, ut aurea nascentis Ecclesiæ sæcula illic redire videantur. Testes Celebis Insulæ, in quibus cum totis populis Regem Siani, & Regem Manades, P. Jacobus Magallianes: Insula Sanguini, cujus Regem & Reginam cum universa aula, & duos alibi Reges P. Mascarenia; Insulæ Baciani, cujus itidem Regem cum tota Natione P. Antonius Vazius sacris undis abluit. Ut taceam potentissimum Japoniæ Imperium in 63. Regna divisum, quod præter alias ex Societate operas, excoluère creati à Summis Pontificibus ex eadem Societate Japoniæ Episcopi, P. Melchior Carnerus, P. Sebastianus Morales, Ludovicus Cerqueira, P. Petrus Martinez: quorum, aliorumque Sociorum indefessis laboribus vidimus ad Christum conversos, maximos Japoniæ Monarchas, Franciscum Regem Bungi, & aliorum sex Regnorum Dominum: Bartholomæum Regem Omuræ, cum undecim alijs Japoniæ Regibus, Joannem Faramondum totius Japoniæ Imperatoris consobrinum, lentis deinde vivum ignibus, post digitorum omnium in manibus & pedibus truncationem, pro Christo crematum: Franciscum & Mathæum Regis Arimæ fratres, pro eadem Christi religione mortem passos. His accessit Mater regnantis hodie Persarum Imperatoris; Filia Arabiæ desertæ Regis: Filia Mahometani Dacence Regis, illa Ormuzij à P. Barzæo, ista Goæ baptismo tinctæ. Hieronymus Xaverius magni Xaverij nepos, magni Mogorum Imperatoris Nepotes quatuor Christo adjunxit, quos secutus est ipse Mogoris Imperator. P. Balthasar Bareira Regem Mocumbre, & Regem Taræ centum quinquaginta annorum senem; P. Antonius de Andrada Regem Tibeti cum Regina: P. Antonius Eredia Regem Maldivarum: P. Emmanuel Diaz Reges variarum Provinciarrum tres, partim ab Idolis, partim à Mahomete Christo asseruerunt.

Quibus si accenseas non jam de vulgo Gentilitatis, sed ipsarum superstitionum, & profanissimorum Sacrorum innumeros Popas, & supremos Antistites, & tota Idololatricorum Ccenobiarcharum domicilia, & cum suprema potestate sacrificulis præsidentes Pontifices, colliges nimirum exinde incredibiles sociorum labores, exantlatos per mille difficultatum, ærumnarum, mortium pericula, insuperabiles conatus, ad subiicienda humili Christi jugo colla eorum, qui penè instar Deorum à suis colebantur. Talis erat summus ille Brachmanum in Regno Ormuz Jogus (Pontificem nos dice-

diceremus) octogenario major, tantâ sanctitatis opinione, ut Rex ipse ab eremo sua Ormuzium venienti pedes ablueret, & magnâ Religione aquam inde acceptam biberet: quem tamen in Christi rete mirâ felicitate pertraxit P. Barzæus, & præeuntis exemplum omnes Cœnobiorum illi subsectorum Brachmanes (quorum plures erant centuriæ) & Sacrificuli secuti sunt. Par huic alius ille Bazaini, & alius iterum in Insula Anchediva supremus Jocus fuit, alibique totis Indijs, Japoniâ, & Chinâ, innumeri superstitionum Antistites; quorum opiniones assuetus sequi populus, plurimum millium uno sæpe baptismo capitum accessu, Ecclesiæ fœtum multiplicabat. His accessit Thomæorum Christianorum in Malabare Archi-Episcopus, à Nestoriana hæresi ad Catholicæ gremium Ecclesiæ A. 1577. reductus: in qua eadem Archi-Episcopali sede positus deinde P. Franciscus Garzia, totam illam gentem Romano Pontifici subjecit. Sed nimirum tam fortunati in medijs Inferorum Regnis successus, sinè multo sanguine, prælijs & necibus obtineri non poterant, ubi per plura annorum millia quietâ & securâ possessione triumphans Dæmon, omnem Inferorum objecit peccatam, armavit crudelitatem, ut nè sede tam diuturnâ pulsus, sub iugum Christi Regna sua mitti cernere cogeretur. Unde spectabis hic benivole Lector, si usquam alibi, inaudita suppliciorum genera, exquisitissima tormenta, plura quàm ullâ aliâ parte Orbis funera, quibus Socij JESU dum pulcherrimam Orbis partem, ac veluti deliciarum hortum, sanguine suo in futurum Christianorum semen rigant, ab Elephantina incolarum rabie obtriti sunt. Quæ dum legis, nè mirèrè solùm otiosus spectator, sed æmulare pro viribus strenuus illorum sectator! *mortes enim & supplicia Martyrum, exhortationes sunt Martyriorum, ut imitari non pigeat, quod celebrare delectat.* Qui enim ipsos, in quantum potuerit, imitari noluerit, ad eorum beatitudinem non poterit pervenire, ait S. August. ferm. 47. de Sanctis.





P. Antonius Criminalis Italus Parmensis, primus e Societate IESU, a Badagis Idololatriis, in India Orientali, quatuor lanceis confusus, et obtruncatus. A. 1549 in Mayo vel Junio.
C. Secreta del. Melch. Küßel f.

P. ANTONIUS CRIMINALIS.

Nemo amplius præter meritum, & sine causa, odijs omnium usque hodie exagitari, linguis maledicis configi, infectionibus exerceri, latronum supplicijs extirpari credat Societatem IESU. Verum quidem est, quod Deus ejus filios novissimos Religionum ostendit, tanquam morti destinatos; ut dicere possint: usque in hanc horam colaphis cadimur, & instabiles sumus, maledicimur, persecutionem patimur, blasphemamur, tanquam purgamenta hujus mundi facti sumus omnium peripsema usque adhuc. 1. Cor. 4. sed nunc quid sine causa? Criminis condemnatur ipsa patiendo exordia, non sine mysterij specie, pri-

mus omnium è Societate IESU Athleta Criminalis. Criminalis est, cui violenta mors primò obtigit. Primum in quovis genere, mensura est reliquorum; ait Aristoteles. Crimina plectuntur in primo, hinc de reliquorum conjice innocentia. Sed non turbetur cor vestrum focij! Crimina plectuntur in Criminale non alia, quàm quæ ad infame crucis patibulum Dominum vestrum condemnârunt! Dixerunt enim Judæi ad Pilatum: si non esset hic malefactor, non tibi tradidissimus eum, Joan. 18. & rursus Matth. 27. seductor ille, Hoc enim appellabatur nomine D. JESUS Christus, ait S. Aug. in Ps. 63. ad solatium servorum suorum, quando dicuntur seductores. Seduxit & An-

& Antonius Criminalis laudabili ab Idolis defectione ad veri DEI cultum Comorini Promontorii incolae, quò cum socio Joanne Beira à S. Xaverio missus est, socius futurus Francisco Mansilla, qui solus è Societate cum tribus Sacerdotibus indigenis, Christianos ibidem per id tempus instituebat. Ad quos ut cum Beira accessit Antonius, novis omnia flagrare coeperunt studiis, quibus gentem illam ingenio ferocem, ad fidem Christi parum propensam, incultam moribus, in mutua odia incensam, Christo lucrifacerent.

Natus fuit Antonius Sissè in Italia, pagoleucis circiter tribus Parmà disito, 7. Febr. A. 1520. ubi à duobus Sacerdotibus humanioribus literis instructus, & piissimè educatus, cum altiora studia profecturus Parmam concessisset, in PP. Fabrum & Lainium Ignatii socios feliciter incidit, qui plus centum civibus eodem tunc simul tempore Exercitia S. Patris tradebant. Ad vacandum iisdem sub directore Fabro inducitur Antonius, tam abundè infundentem se Spiritum Divinum hausit, ut castitatem DEO perpetuam nuncuparet; & primo sacrorum Ordinum initiatus talis foras prodiret, qualem ex talis Fabri incude exire decuisset. Insuper curiosius introspectis utriusque moribus, formam illorum, quam suspiciebat, statuit æmulari: unde anno insequente, qui fuit seculi quadragesimus primus, idemque Societatis à Paulo III. confirmatæ primus, pedes Romam accurrit, ibidemque S. Ignatio probandum se tradens, continuè in numerum Sociorum admissus fuisset, nisi eum Patrens in solatium orbitatis suæ, ob recens defunctam matrem, evocasset. Apud illum aliquamdiu non jam ut secularis, sed ut Religiosus vivens, bonà ejusdem venià anno sequente, medio hiemis Romam recurrit, & à S. Patre in Societate recipi promeruit, annos natus 22. jam Subdiaconus. Non multò post in Lusitaniam ad prosequenda Conimbricæ studia cum quatuor sociis ire iussus, vilissimo habitu, & corrogatà in diem stipe, totum quinque mensium iter pedes confecit; noctes, si bona fors tulisset, in publicis pauperum domibus, vel inter deserta mapalium rudera, vel si tenebris interciperetur, sub dio traducere solitus. Quantà autem in sociis tunc se gessisset charitate, luculentè expressit Ribadeneira, unus ex viæ Avenionem usque comitibus, eà, quam in morte P. Antonij dedit, epistolà. *Mirabar, inquit, persape ejus fervorem charitatis; ut mirum non sit, ejus initijs finem datum à DEO non*

dissentaneum. Consuetum namque illi erat sociorum sarcinulas sibi imponere; quoties fluvius transmittendus, vada ambigua tentare, & frangere; debiles etiam humeris sublato transvehere; hilaritatem omnibus vivacem vegeto suo latòque ardore accendere; suam denique singulis operam paterno affectu, familiari observantià exhibere. Studiis Theologicis biennio absolutis initiatus sacerdotio, in Indiam solvit Ulyssipone A. 1545. datis priùs his ad Parentem, quibus eum ad aeterna fortiter hortabatur, salutaribus monitis: Per Christum te obsecro, id agamus, ut videre mutò in beata illa, ad quam conditi sumus Rurra, possimus, in hac opinor nunquam amplius visuri. Saluti, dum licet, querenda incumbamus, nec enim postmodum dicere joverit: nunquam sic fore credidissem. Erit cum frustra cupimus, quod prestare nunc ultro & facile valeamus. Si quid usquam boni, si quid mihi jucundi gratificatus es, per Christum te oro, thesaurum illum ambias Jesum Christum, veros omnes thesauros se uno concludentem. Necte filiorum aut filiarum mordax cura ab eo retardet: fortassis enim futurus es nobis omnibus superstes; tamen si optarem nos omnes jam esse mortuos, crucifixos inquam, & saculo mortuos.

Goam Indiæ Metropolim eodem anno 1. Septembr. appulsi, & post 6. mensium in Seminario S. Fidei, in Aeditui & agrotorum Curatoris ministerio quietem, ad excolendum Ore Piscariæ Comorini Promontorium ire iussus, totam illam Regionem per ducenta amplius passuum millia patentem, quotiensibus nudo pede decurrebat, nuda ut plurimum in humo dormiens, ubi eum nox interciperet; nullo adversus ardores æstatis illic sævissimos, aut hibernos imbres tegumento munitus, per continua in fluvij & torrentibus transvadendis vitæ discrimina, salutem animarum procurans; orizæ modico, & aquà simplici victitans, nam piscis & olus summæ illic Primorum sunt delicia; tamque alacriter arumnas omnes exhauriebat, ut ijs occalluisse videretur; & ubi omnes ipsius socios sternebat fatigatio, moribusque affligebat, charitatis illum, quam nature visanimosior, vegetiorem quotidie, ac velut recentiore operi reddebat. Christianos regebat ad ducenties mille, quos in oppidis, pagis, & tugurijs inter se longissime distitos visitans solabatur, confirmabat in fide, defendebat à Ministrorum Regionum oppressionibus, & rapacitate militum, titulo custodiendæ Provinciæ miseros incolae expilantium. Ad hæc quanto egeret Virtutum

tum præsidio, facile est cogitare; patientiæ præsertim, prudentiæ, comitatis, & hortatrici reliquarum omnium charitatis, quæ omnibus omnia fieret, transformaretque se in eorum genium, ut sibi devinctos Deo obstringeret. Ac nè linguâ velut extraneum audirent, quem reipsa ubique experiebantur Patrem, hoc suis etiam laboribus tedium adjunxit, ut difficillimum, & valde barbarum illorum condisceret idioma. Porrò in tanta, tam varia latissimæ vineæ atque itinerum occupatione, mira erat Criminali quiescentis in DEO animi tranquillitas; utque nisi pro DEO, ità nisi cum DEO agebat nihil. Præterea genua ad orandum flectebat quotidie trigies aut quadragies, colligendis nimirum animi viribus, & implorando Divino auxilio pro munere Apostolico. Triennio integro eam Provinciam strenuè excolebat Antonius, cum Ignatius eum in numerum Spiritualium Coadjutorum per literas recipi jubet: pro quo beneficio impensas S. Patri egit gratias sequenti epistolâ, candido affectu, quam styli elegantia uberiore.

JESUS sit semper cum omnibus.

Tua humanitati, Venerabilis Pater, me indignum Societatis Coadjutorem benignè placuit admittere: qua in re dabo operam pro viribus, ut tuis votis respondeam: quod Domino JESU præstante, spero me facturum. Non quidem ad hoc munus me idoneum judico; nam longè me ad tanti muneris functionem distare reperio: nihilominus, sicut tibi visum est, ità censeo me ad unguem obtemperaturum. Non solum autem Coadjutorem, sed omnium bonorum, atque meritum Societatis participem facis, in super omnibus facultatibus, gratijs, autoritatèque, non secus ac Professus, uti libere concedis. Præterea doces Pater hac omnia ad adificationem, non ad destructionem mihi concessu; quod mihi proculdubio ubique terrarum in eodem Domino JESU Christo persuasi sequendum. Et ut melius progrediar, etsi alias Romæ Charissimo in Christo Domino Petro Laudens vota Paupertatis & Castitatis, atque Obedientiæ, tibi danda reliqui; licetque alibi idem pluries voverim: scias velim me non solum Præposito & Professus, Coadjutoribusque, sive Cooperatoribus, sed cuicunque Societatis nomine existentis, etiam servo, perpetuò adstrictum esse. Quod attinet ad illa septem, in quorum unum si quis incidisset, ad Societatem non admitteretur. Landerur Dominus noster JESUS Christus, qui me ab illis protexit, & eri-

puit. Reliquum est ut obtentâ facultate à Magistro Francisco, quibusve expedierit, gratijs illis in Domino utar, nam absque illa abstinendum omnino duxi, perinde ac si hæc ad me nunquam pervenissent. Interim Domino DEO Optimo Maximoque gratias agam, ipsum precabor, ut omnes nos ad Cælestem Hierusalem pervenire concedat. Ex istis regionibus India, Comorini Caput appellatis, die 4. Decemb. 1548. Hæc ipse stylo simplici.

Novo jam sacramento autoratus Antonius, in oppido Punicali populis erudiendis infudabat, donec animam cum sanguine exsudasset. Occaso necis hæc erat: Joannes Fernandus Correa, in Arce Bedalensi Lusitani præsidij Dux, ut aditum ad Pagodem (nomen est Idoli cæ Regionem celeberrimi) è Regno Bisnagæ, & Narsingæ adventantibus intercluderet Ethnicis, angustam viam, quæ sola ad Ramanancorem, Idoli ejus sedem patebat, fossâ grandi intercept, aggeremque altum extruxit; quo brevi ab Idolo vota, à templo peregrinos, à comœatu Brachmanes, in amplissimo Cænobio penes Idoli Templum habitantes, exelussit, quorum reditus peregrinorum donis antè pinguescebat. Fæme itaq; ac irâ stimulat Brachmanes, apud Badagas Bisnagæ incolæ injuriam queri, exaggerare probum, damna exponere, vindictam flagitare, quam nimis primum erat ab ijs obtinere, quibus ob assiduas prædationes & vastationes invisi evaserant & intolerabiles Lusitani. Ad arma igitur conclamatur undique; & quoscunque tangebatur Religio, & Dei Ramancoris captivi libertas, opem ferebant ad DEUM è servitute redimendum; alij etiam honoris libertatisque sensu stimulat, commodam eam occasionem arbitrabantur executiendi jugum Lusitanorum, quos, utpote non plures quadraginta, non laturos aspectum armatorum Badagarum, solumque conspici sat fore ad eos exanimandos, fugandosque censebant; neque alium sibi insequentibus superfore laborem, nisi conficiendi fugientes. Condictâ die steterè in acie, hastis, & Mauricis missilibus instructa Ethnicorum & Saracenorum millia sex, sublatisque signis Ramanancorem cæpere progredi, sed sparsis manipulis, nullo ordine, palantibus similes, mutis tympanis, & gradu tacito; ut prius oculis immineret sibi illos, quam rumore strepitum sentirent Lusitani. Dum primi substiterunt manipuli, expectantque secuturos, deliberare cæperunt Lusitani, num in naves recedendum foret; cum Arcis Præfectus Fernandus

nandius diceret, non posse nisi temerè quadraginta homines tot millibus opponi; neque auxiliares manus sperandas esse ab Oræ Piscariæ indigenis, piscando quàm pugnando aptioribus; Arcem etiam Bedalensem malè munitam, impressione ferendæ imparè; pulveris insuper ignarij & commearum defectum, fugam suaderè asseverabat. Adest interim è pago vicino (quem paulò antè baptismo frustratum divinis imbuebat) redux Criminalis, videtque Lusitanos salutem in navibus querere, barbarorum ferro obijci Neophytos. Ducem adit, obtestatur, videat etiam atque etiam num quâ viâ res possit sinè sanguine cum Badagis componi, vitâ saltem suorum & Neophytorum salvâ. Sed Dux crudi propositi tenax, præter suos flocci reliquos habens, eos quâ possent & nòlent sibi consulere jussit. Jamque infelices spe omni in Lusitanorum præsidio abjectâ, quibus lembi erant, in eos cum familiolis reculisque suis se colligebant, robustiores nandique peritores ad Cilai saxa, altero milliari à continente distita, natatu contendebant; pueri & fœminæ, quorum calamitas major, & periculum tristius, huc illuc cursabant; cùmque nullum necis aut servitutis cernerent effugium, lamentabili ejulatu replebant aëra. Pater filiorum, quos recens in Christo genuit, lamentis motus, magis autem veritus nè sub tormentis duraturi non essent, quibus eos Badagæ retrahuri erant ad cultus sacriligos; boni pastoris functurus officio, animamque suam positurus pro ovibus, frustra reclamantibus & dehortantibus Lusitanis, navim inscendere detrectat; sed quaquaversum discurrens, ubi malè laterent, vel pejus prostarent miser, sedulè inquirebat, verbis ignitis constantiam Fidei, & necessarium in hoc rerum discrimine vitæ unâ mortisque contemptum suadebat, spe vitæ beatioris quantocius potiundæ erigebat animos, pueros & infantes ad cymbas comportare jubebat. Sed junctis jam copijs audaciores Badagæ, vias intercipere alij, alij scrutari latebras, magna pars ad mare proruerè, quò se turba fugientium premebat. Nec tam celeres in vitando litore fuerunt Lusitani, quin sex eorum è numero faucij, tres quidem statim, duo alij paulò post expirârunt, sexto solum in vivis fervato.

Pater igitur ut etiam Neophytos, qui ad templum magno numero velut ad asylum confugerant, in fide confirmaret, ad coldem properat: mox ingenti post se exci-

tus strepitu, ut respectans vidit hostem esse, sibi que ingruere, prostratus in genua, manus oculosque in cælum tulit, mortem magis invitans, quàm expectans. Substititè tantisper attoniti Barbari, quodd factum hoc viri esse magnanimi non falsò putarent, nec abstinuere solum ab eo manus, sed etiam eorum unus illum è genibus in pedes erexit; comitem tamen Patris & interpretem, quo ad tradenda pueris Fidei mysteria utebatur, alius è Barbaris adactâ in pectus hastâ, in conspectu Patris interemit. Hos aliquantò post alij subsequuntur, quorum telis eodem quo prius situ ac specie offert se victimam Criminalis; & ab his quoque præteritur innoxius, pileo tantum erepto; adeò vel ipsi Barbari speciem illam orantis verebantur. Nec multum jam aberat à templo, cùm turmâ tertiâ irruente, tertium sese abiecit in genua; ubi vulum & palmas in cælum tendenti, Saracenus hastam sinistro lateri immergit; alij manus vestimentis iniecere, quos ipse Pater in veste detrahenda adjuturus, eandem proprijs manibus diffibulavit; & nè quid prorsus hinc auferret verè paupertatis amicus, interiorem quoque subuculam sanguine stillantem exuit, Barbarisque concessit. Nudus jam & gravi vulnere faucis, ad Neophytos suos in templum nihilominus properat; cùm novus à tergo Badagarum fit tumultus; ad quem ille conversus, adversum pectus vulnere præbuit, & vibratum à Barbaro hastile excepit. Procumbens ergo in poplites vir sanctus, hastile ipsemet exemit pectori, avensque cruentum vitæ suæ sacrificium illic absolvere, ubi eodem die incruentum sacrificium Filij DEI-Hominis æterno Patri obtulerat, ut erat exhaustus sanguine, & nutante jam gressu, in templum nitebatur. Sed hoc supremum solatium ei abstulit alia hostium superveniens turma, à qua altero hastili humeros, costas medias altero perfollos, in genua corruit, revolutusque in alterum latus suo in sanguine jacuit, donec palpitanti adhuc caput acinace rescinderetur; quod in fano Idoli pro anathemate suspensum à Barbaris, vindictam & victoriam DEO suo gratulantibus, refert Lucena, & alij. Corpus verò post discessum Barbarorum multis cum lacrimis fabulo potiùs texere, quàm tumulto condidère Christiani, cùm præter manus ad fodiendam humum instrumenta non suppetarent. Hæc Punicalè accidere, extremo Oræ Piscariæ ad septemtrionem oppido, anno 1549. mense (quantum ex literis Balthasari

Gagi colligere licet) Majo; cùm annos vixisset novem supra viginti, menses tres. Dignus, qui primus è Societate Martyrij palmam consequeretur, cùm inviàta esset animi corporisque patientià, obedientiæ cultor eximius, simplicitate, humilitate, mansuetudine illustris; quàm contemptor proprij, tam Divini honoris studiosus; verbo talis, ut adhuc vivum Xaverius *Sanctum* passim compellaret. In literis verò ad Ignatium, quatuor ante Criminalis martyrium mensibus, hæc de eo scripsit: *Antonius Criminalis Comorinensem agrum cum sex socijs colit. Mihi crede est Sanctus, & natus ad erudiendam gentem illam. Mitte huc ejusmodi complures, nam te istic ad manum habere plurimos arbitror. Nostis illa in Ora præest. Ethnicis juxta & Saracenis gratus; à nostris vero dici non potest quantopere diligatur: hæc Xaverius.*


Serenissimus Lusitaniæ Rex Joannes epistolam, quam de morte Antonij à Goano Episcopo acceperat, prædicari palàm per Lusitaniam jussit è sacris pulpitis, & Julio III. Pontifici Maximo per Oratorem suum gloriosum Criminalis agonem exponi fecit; dignum ratus, nè Christi Vicarius tale pro Christo susceptum certamen ignoraret. Alphonsus Cyprianus, emeritæ virtutis senex, & Christianorum Choromandelium Pater, in literis ad S. Ignatium post celebratas fusè virtutes, quas in Patre Antonio per menses decem in Ora Piscaria observarat, subdit: *singula, quæ Hymno solenni vespertino Confessoribus (iste Confessor Domini) Ecclesia tribuit, excelluisse in Antonio Criminali.* Antonius verò Gomez censuit, victorià sui perpetuà, & interioribus conflantantis secum animi crucibus, ærumnis præterea & vexationibus corporis, hilaritate summà toleratis, apicem illum summæ honoris à DEO promeritum, quem tandem assecutus morte clausit beatà, invidendâque magis socijs, quàm dolendâ. Sed & P. Henricus Henriquez, nostris post necem Criminalis in Ora Piscaria præesse jussus, datis Punicali ad S. Ignatium anno 1549. literis, *Possunt, inquit, R. V. affirmare, Patris Antonij Criminalis excellentem fuisse ac sublimem vitam. Nihil eo castius, nihilque purius, nihil sui, quod quidem noverim, despicientius, nihil accuratius in obediendo, spiritu pauper vivens & moriens, ut cui sepeliendo lacrum linteï segmentum defuerit. Habemus hic illum pro Martyre, & hoc tantum bonum rebus pro DEO gestis putamus consecutum. Patres nostri ac Fratres ab ejus morte in orbitate sibi videntur agere; & prorsus in eo omnium vir-*

tutum absolutum exemplar auferunt. Christiani quoque Patrem in eo lugent charissimum, ejusque necem ferunt ægerrimè. Denique P. Francisco Xaverio mirum in modum satisfaciebat, nec possunt de eo tam multa perscribi, quin scribenda supersint multo plura. Hæc Henriquez. Bedalæ & Ramanancoris Christiani testati sunt, se suis oculis inter sacrificantis Patris Criminalis manus vidisse hostiam rubentem, & tinctam sanguine, paulò quàm occideretur à Barbaris; ut videretur DEUS præcludere cruentæ neci sacerdotis sui, qui tunc incruentum Filij sacrificium sibi offerebat. Et tunc quidem hoc portento prælusit exitio Patris, quod aliàs miraculo ab eodè averterat, & in hoc usque tempus distulerat. Idolum ille, quod Gentiles antiquà Lucinæ superstitione parturientibus opitulari credebant, nil mortè suam, nil furorem Ethnicorū moratus, præcipitavit in mare, templumque solo æquavit, eo tempore, quo Ethnica Nobilis ex partu laborabat. Verius conjunx, nè ob eam causam Idolum suæ uxori opem negaret, furibundus Criminalem ad necem requirit; sed vix pedem domo extulit, cùm mulier vehementissimis tortâ doloribus, intellexit divinitus, se eâ morbi vehementiâ interituram, si quâ violentiâ Sanctus violaretur; jubet proinde maritum revocari, & tam procul manus abstinere à DEI servo, quàm salvam cuperet conjugem. Quibus minis deterritus Barbarus rabiem posuit, & uxor feliciter enixa est, & maritus Patrem postmodum & coluit vivum, tandèmq; etiam Martyrem, non jam suâ crudelitate factum, est veneratus.

Mortem gloriosam Criminalis ut Europæi intellexere Socij, dici non potest quanto spiritu, & alacritate ejusmodi missiones, sive in India, sive in Europa expetierint, spe martyrij adipiscendi. Confalvus Sylveria in Lusitania Patrem Criminalem per martyrium imitandi desiderio incensus, extra se ferebatur; quod tandem post gravissimos in Africa labores, est consecutus. Eos verò qui in India versabantur id desiderium eò urebat impatientius, quò erant fidei hostibus viciniore, & ab ijs ad mortem ipsi quoque avidè poscebantur. De quo Gaspar Barzæus, ille Apostolico Vir igne flagrans, ità in Europam ad Socios scribit: *Non possum satis exprimere, quantum me ardor incenderit, & nunc etiam teneat, pro Christo JESU patiendi, ex quo de Martyrio accepi Fratris nostri Patris Antonij Criminalis. Spero ejus quamprimum gratia me fore competentem, quando incipit DEUS*

eam nostris largiri, qui ejus desiderio tenentur. Equidem affirmare ausim, sanguinem primi hujus Martyris semen fuisse non tantum Christianorum, sed & semen Martyrum, quandoquidem in sola postmodum Asia tam multi è Socijs Martyrij palmam sint consecuti. Sed & in Europa patrocinium jam vitæ sancti multum profuit ejus ex fratre nepoti, Joanni Dominico Criminali. Ægrotabat hic A. 1595. vitâ à Medicis jam conclamata; cum nocte quâdam vigilans, flammam circa testum videt horrendam erumpere, ex qua totum subito cubiculum occupante proficiens Dæmon, inque eum minax ungulis insiliens, rapturus ad infe-

ros discerptum videbatur. Tam immani horrore extra se positum, nec Dei, nec Sancti ullius memorem, non deseruit Antonius, sed vultu sereno & hilari comparens, brachio arreptum timere vetuit, & post expulsum Dæmonem, flammamque extinctam disparens, nepotem corporis & animæ sanitati, mutatis in melius moribus, restituit.



P. NUNNIUS RIBERIUS.

Eodem quo P. Criminalis anno, mense Augusto, die 22. primum numerum, & par nobile Martyrum complevit, secundus ordine è Societate JESU, in odium fidei veneno sublatu in Molucis P. Nunnii Riberii. Qui vitam nobilissimis natalibus auspiciatus in Lusitania, dum anno 1543. in Conimbricensi Academia SS. Theologiæ daret operam, eximiâ Consalvi Sylverii constantiâ, quâ is pro obtinenda Societate adversus reluctantes præcipui in Regno nominis parentes certavit, permotus, ad eam & ipse ineundam constantem adjecit animum; & Cal. Augusti ejusdem anni, cum multis alijs insignis doctrinæ ac pietatis viris admissus est. Tertio demum post ingressum Religionis anno, cum lectissimo Sociorum manipulo, ad manipulos in albescentibus illis Regionibus colligendos, in Indiam missus est, jam tunc sacerdos. Vix litora Indiæ pede contigerat, cum per literas jubetur à S. Xaverio navigare Malacam, quò ipse S. Pater propediem Amboino rediturus erat. Qui ut Nunnium primum conspexit, agnovit virtutem viri summis quibusque expeditionibus parem, ac idoneam esse. Igitur post bimestrem secum Malacæ commorationem, solum absque socio anno 1547. misit Amboinum in Molucas. Sunt Molucæ Insulæ complures subiectæ Equatori, quarum nulla plus locas sex ambitu suo colligit. Quæ cum ingentis pretij frugem (quæ indigenis cariophyllum, Hispanis ob figuram clavus dicitur) ferant, reliqua pæne cuncta ad victum & cultum necessaria aliunde mutuari coguntur. Earundem Insularum alia

Banda nomine, sola (quod constat) in Orbæ terrarum, in lautiores mensas & medicamenta mortalium, ex una eademque arborum macim & nucem myrsificam progerminat. Indigenæ verò colore sunt fusco, capillo sparso & fluxo, ad bella strenui; at in Banda viri mercaturam, sœminæ agriculturam exercent: in alijs verò Insulis victitant medullâ arborum quarundâ, quam medullâ *sugum* vocant; ea lentè purgata, & testaceis incoctâ formis, non solum in quotidiana alimenta, sed etiâ in usum nautici panis abundè sufficit. Et ex ejusdem plantæ ramis artificiosè concisis, siti levandæ mirifici saporis simul & salubritatis candidus liquor exudat, quem vulgo *tuacam* appellant. Conveniunt è Sinis, Javis, & Chersoneso, origine & sono linguæ dispares, cæterum contumaciâ, scelere, perfidiâque simillimi; quippe qui non nisi malo pœnæ adacti bene agere nõrunt: & non ferro solum, & apertâ vi, sed & fraudibus, venenôque grassantur. Circa Amboinum autem adeo belluinæ sunt indolis, ut filij parentes decrepitos vicissim donent, ad instituendas semierudis eorum carnibus epulas, inter nefarias choreas absumendas: in omni verò lascivie genere etiam belluis sunt pejores, latrocinij terrâ marique metuendi, & nihil non perfidiæ ausuri, ubi oboli lucellum assulisset. Ex his tamen P. Nunnii per quadrimestre spatium, quo classis Lusitana ibidem moras traxit, sexcentos circiter ad Christi cultum perduxit, Idola nefaria complura evertit. Recedente postmodum classe, Lusitanos quosdam, qui se socios sancti laboris mansaro ibidem P. Nunnio obrulerant, ad æqualia studia fervore



P. Nunnus Ribera Lusitanus Societatis IESU. Amboini in Molucis Insulis, veneno à Saracenis ex odio Fidei propinato interemptus. A^o 1549. 22 Augusti.
C. Serota delin.

Melchior Nirell f.


suo ità excitavit, ut illis adiutoribus sesqui-
anni spatio duo amplius hominum millia
aquis salutaribus abluerit. Passus inter Apo-
stolicos hosce labores semel atque iterum
naufragium, in mortibus versatus frequen-
ter, quas à capitalibus Christiani nominis
hostibus in horas expectabat; vitam interim,
pro Insularum diversitate, nunc pusillo ori-
zæ, nunc herbarum radicibus, nunc medul-
là sago, misere sustentans. Solo affectu di-
ves in Christianos pauperes; quibus (cùm
aliud præ manibus non foret) ut opem ferret,
suas sibi detrahebat vestes, eosque seminu-
dos contegebat. Accidit subinde, ut men-
dici quidam subsidium à Patre peterent, cùm
Nunnus tenerrimo commiserantis animi
affectu motus, quidquid serè gerebat vestium

protinus exuit, & petentium egestati divi-
sit, coactus ipse solà lodiculâ involutus ince-
dere, dum vestimenti quidpiam à Lusitanis
pro se rursus emendicâsser.

Hæc agentem servum DEI, circumpo-
sitis flammis domi suæ exurere tentant Sara-
ceni; sed cùm fraus ex voto non cessisset, Pater
periculo divinitus subductus, paucis post
diebus furorem hostium declinaturus, ut
prodesset pluribus, navigium conscendit, &
in aliam Molucæ Insulam contendit trajice-
re. Verùm factò naufragio in fluctus excus-
sus, dum nando conatur in litus evadere,
immane adiit vitæ periculum, è quo tamen
demum, sed sædè lacer, emerit. Nimi-
rum undarum impetu in scopulos impa-
ctus, capite corporèque toto confractus est
ità,

itā, ut vix triduo in pedes confurgeret, sed reptaret humi quadrupes & semilacer, omni humanā destitutus ope; donec à silvestri homine (Allifuros nominant) in pagum quandam delatus esset, ubi à Neophytis sedulo recreatus, & pristinæ restitutus est integritati. Verum quia Saraceni pretium interfectori Patris non parvum proposuere; eorum aliquis usitatā, ut diximus, illic gentium viā veneni, tentavit Patrem è medio tollere. Dies erat Assumptæ in Cœlos Virgini sacer, quo eodem die, quamvis ignaro Nunnio, primum Japoniæ pedem intulit Xaverius; Nunnius tamen, sive quoddam in spiritu hunc ipsum in Japoniam ingressum, & apertam Evangelio viam persensisset; sive imminens sibi Laureolæ præfagus, & velut de triumpho adventante exultabundus, miro succensæ mentis, & elevatæ vocis impetu, in Missā (quam submissā cæteroqui voce dicebat) occinere cœpit: *Gloria in Excelsis DEO*. Absolutā deinde concione dum cibum sumeret, virus sive cibo, sive potui latenter infusum hausit; quod ubi permanavit in venas, & tota viscera permeavit, gignere ingentes æstus & febres cœpit, tetrōsque stomachi dolores ciere; è quibus Nunnius sensum confici, in horas contabescere; donec septimā

die (qui erat 22. Aug. Anni 1549.) de pestiæ exitiali peste præcordijs extingueretur in Amboino. Vires Patri extinguere potuit virus, non virtutem; qui supremis adhuc septem vitæ diebus cum ex debilitate ingredi non posset, gestari in linteo à Christianis per omnes pagos voluit, ut D. Joannis Apostoli (cum quo venenum hauserat) senescentis exemplo, inter discipulorum manus Ecclesias suas inviseret, & saluberrimis monitis tum universos, tum singulos confirmaret. Has inter curas & labores vitā jam deficientē, spe vitæ beatioris plenus, crucemque Christi ardē complexus, pro ejusdem Crucis gloria ab inimicis Crucis Christi est enectus, cum vitam ibi egisset in perpetua arduosissimi laboris assiduitate difficillimam, præter herbas crudas & orizæ pugillum omni alio cibo carens, tecto etiam & lecto præter cælum & humum nullo.



P. LUDOVICUS MENDEZ.

Alter in Ora Piscaria ictus piscator est P. Ludovicus Mendez. Erat hæc ipsa Ora Piscaria prima olim occasio mittendi Operarios è Societate nostra in Regiones Indiæ, albas ad messim. Cum enim Paravæ (id genti est nomen) adempto à Mahometanis piscandi arbitrio, gravioribus in dies afficerentur injurijs, neque excutiendæ tyrannidi soli sufficerent; in summa consilij inopia, suadente Joanne Cruceio Malabare Christiano, Legatos 15. petendæ opis gratiā Cocinum destinant, qui Gentis nomine sponderent, Paravas omnes Lusitana Sacra suscepturos, si auxilio in rebus afflictis sibi affarent Lusitani. Utque sponsoni major esset fides, mox ut mandata suorum exposuere Legati, salutaribus aquis cum alijs 70. Paravis à Michaële Vazio Indiarum Vicario abluti, Christo dedere nomina. Hoc veluti pignore cæterorum voluntatis accepto Lusitani, non dubitavere suppetias ferre laborantibus. Classe proinde à Cocino expedita ad litus Piscarium, Mahometanorum non

tantum repressere audaciam, sed etiam Paravis crepta piscationis jura restituerunt. Quā eadem classe advecti sunt Sacerdos aliquot, qui lustrandis baptismo Paravis, summis æquē ac infimis, nemine repugnante, itā insitire, ut paucos post dies tota gens Christianam se esse miraretur. Ad hujusmodi veluti subitarios fidelium greges aliqua subinde mancipia, & auxiliares Indi tēmerē adjugebant sese; magis quod Dominis, aut Lusitano Prætori gratificarentur, quàm quoddam suis ponderibus Religionum discrimen & momenta perenderent. Igitur multo maxima Neophytorum pars, præter intincti lymphæ corporis, & nominis immutati memoriam, Christianæ disciplinæ retinebant nihil; quod ipsum partim gentis fœbat societiā, partim inopiā Cultorum, quippe qui propter paucitatem, neque probè subactio solo fererent, neque sata deinceps ab initio usque ad extremum æquali curā prosequerentur. Itā labores in semine destituti, optatam segetem virtutis ac pietatis ferre non poterant. Inter hæc è quotidiano



P. Ludovicus Mendez Societatis IESU, Comorini in India Orientali, ab Ethnicis, Fidei hostibus, post aliquot accepta vulnera, obtruncatus. A. 1552.

C. Secreta del.

Melch. Küßel f.

commercio cum Nationibus, quæ ignorant DEUM. multa & gravia in Lusitanorum etiam mores irrepserunt vitia; propiusque aberat, ut Europæi advenæ aliquid in dies singulos ex Asiatico traherent luxu, quàm ut indigenis ipsi Christianæ sanctorum quidpiam impertirent. Hæc Joannes Lusitanæ Rex cum & literis multorum, & sermone didicisset, angebatur intimis sensibus; quippe cui salus hominum, ac præcipuè suorum popularium carissima semper fuerat. Stimulabat præterea animum illa quoque Religio, quod ex Decretis Pontificijs, & jure Divino, non nisi tuendi augendique divini cultus, & propagandi Evangelij nomine (si promulgationem eam impedirent) bellum ignotis gentibus inferre, & Indicarum fru-

gum opumque decimas & vestigalia sibi capere liceret. Sollicitè proinde viros doctrinæ virtutisque non mediocris famâ eximios undiq; conquisivit, quos laboranti Indiæ submitteret operarios; sed frustra; cum per id tempus tanta foret hujusmodi Virorum per Lusitaniam penuria, ut Concionatores è finitimis Regionibus accerferentur, & magnis stipendijs evocarentur è Gallia, Hispania, Italia, Germaniæ, qui in Conimbricensi Academia, tunc recens excitata agerent Professores. Hisce curis anxius, jamque ad Indiam sublevandam externa circumspiciens auxilia, opportunè intelligit Societatem JESU nuper ab Ignatio institutam esse, quæ ad Evangelij prædicationem sinè ulla prorsus aut temporum, aut locorum exceptione,

coaluisset, jamque in varijs Europæ locis haud obscurum egregiæ cujusdam pietatis & doctrinæ specimen dedisset. Hoc lætus nuncio Rex, Petro Mascarenia, suo apud Pontificem Oratori mandat, etiam atque etiam agat cum Ignatio, uti Socios sex ad sese mitat, quando generis humani salutem, & Christi, Domini gloriam usque adeo sitiant; non defuturas in Asia & Africa scaturigines, quibus eam, aliqua saltem ex parte relevent sitim. Hoc mandato accepto Mascarenias Ignatium appellat: Ignatius ex autoritate Pontificis, quod alijs quoque Regionibus consultum vellet, Oratori expetenti sex, duos tantum assignat: Franciscum Aspilquetam, cognomento Xaverium, & Simonem Rodericum Lusitanum. Simone de vesito navi in Lusitaniam, Xaverius in comitatu Mascarenia iter pedibus potissimum per Alpes, & saltus Pyrenæos emensus est. Qui ubi Regem Ulyssipone salutasset, ab eodem Pontificio diplomate instructus, quo Nuncios Apostolicus ampla cum potestate per Indicas Regiones creabatur, anno tandem 1541. Aprilis die 7. cum Paulo Camerte, & Francisco Manilla, prætorem S. Jacobi conscendit, in qua illum secum Alphonfus Martinus de Sosa, Indiarum pro Rege Gubernator, habere voluit: & Xaverium post varia navigationis & diuturna discrimina, Goam Urbem totius Indiæ Principem, Paulo & Francisco Mozambici relictis, deduxit. In ea Urbe postquam in Lusitanorum perversissimis moribus, neque multum ab Ethnicorum differentibus, corrigendis emendandisque, per menses sex summo studio, nec minore fructu desudasset, quæ erat convertendorum Gentilium succensus cupiditate, hortatu Vazij, & facultate à Prætorè Sosa habitâ, ad Oram Piscariam magnâ animi sui voluptate profectus est. In quo Oræ maritimæ tractu quantas Vir Sanctus solus per duos ferè annos conversiones, quanta miracula fecerit, nil attinet hic scribere. Id solum nunc memorandum est, ab eodem Sancto, cum is iter in Sinas adornaret, in Oram Piscariam missum esse P. Ludovicum Mendium. Qui postquam annum jam quantum ibidem excolendis doctrinâ Christianâ Paravis profuisset, præciso à Barbaris capite, charitatis & zeli sui immortalem promeritû est coronam.

Fuerat eâ tempestate mos atrox inter conterminos Piscariæ Reges, vendendi populationes finitimorum, qui viribus & resistendo debiliores forent, vendebaturque conceptis ad pretij & prædæ mensuram diplomaticis. His Regum muniti literis emptores, latronum conducebant turmas, armatque modò hunc, modò alium pagum repente invadebant, ac eo direpto, in ditionem sui Regis recipiebant sese, prædam grassationis cum eo divisuri. Docebat tunc Mendez Christiana Mysteria in pago Piscariæ populofo, qui Badagis tributum solvebat ex eo tempore, quo hi irruptione factâ Antonium Crimaleme occiderunt, & Oram Piscariâ sedè depopulati sunt. Quem pagum cum sæpius acceptâ prædandi licentiâ devastarent latrones, indigenæ injuriam apud Badagas questis sunt, Badagæque tributarios suos à violentia infaustorum vindictæ, quàm plurimos è prædatoribus obruncârunt. Rex prædationis, quam Badagæ ulciscébantur, nundinationi, irâ rabièque furens, cum Badagis vindicibus, utpote validioribus, arma inferre non auderet, in Christianos tributarios se convertit. Pagum igitur dictum intempestâ nocte magno numero, elatisque vocibus ingressi Barbari, in plebem & Primores promiscuè sæviunt, ut in solitudines alij, alij in Templum (ubi eâ nocte Ludovicus in oratione vigilat) diffugere coacti sint; quos Pater summâ commiseratione excipiebat, erigebat solatij, præparabat imminenti neque dubiæ laniæ. Observârunt concursum populi Templum versûs prædones, eoque præcipientes advolant; sed confertam multitudinem aggredi veriti, lignorum strue Templum cingunt, omnes uno incendio perdituri. Hic Mendez pro foribus hosti obviare, rogare supplex, erga DEI domum, erga tot infantes, pueros ferme sexminasve, causæ quam ultimum irent ignaros, incrudescere nò velint. Quæ dum pro ovibus bonus Pastor orat, ferrum precantis faucibus barbarus immergit; mox prostrato lætus iterum ferro eodem fodicat, demum palpitantis & spirantis adhuc caput abscondit: quod reduces postmodum, pauculis alijs cæcis ac saucitatis, ad Regem suum triumphandi attulere.





Duo Sacerdotes Societatis IESU in Salsetty Indiz Orien-
talis Ineulis, ab Idolorum cultoribus, lapidibus obruti

A.º 1554.

C. Secreta del.

Melch. Küsell f.

DUO PATRES ANONYMI.

Dem omnino Salfettanis evenit, quod Jerosolymis Salvator prædixerat. Postquam enim Jerusalem lapidasset eos, qui mittebantur ad eam, Prophetas, iussu DEI ultione factum est, ut non relinquerent lapidem super lapidem vastatores Jerusalem. Lapidaverunt pariter Salfettani Indigenæ A. 1554. missos ad se ex Europa divini verbi Præcones è Societate duos; quâ lapidatione eam, sed favorabilem sibi pœnam promeriti sunt, ut aliquot post annis, dum pro Rege Indiam gubernaret Antonius Noronia, ducenta octoginta templa Pagodum in tractu Salfettano funditus everfa sint, præ-

ter infinitas alias ædificulas, quæ singulæ suum habuere, sed obscurioris nominis Pagodem. Everfionis hujus initium (ut specimen secuti ex morte Patrum proventus demus) ductum est à famosa & propudiosa Basilica, in qua Pagodi primario, in simulacro quavis giganteâ magnitudine immaniore, abominando prorsus modo sacrificabant, prostitutione scilicet publicarum meretricum, quæ illic de publico alebantur, ut promiscuè ad-euntium ad templum turpitudini paterent. Expeditionis egregiæ auspex P. Ludovicus Goëz cum Præfecto Lusitano, simulacrum Pagodis in frustra conscindunt, Basilicam subruunt, ac nè ullæ de Templo subruo Eth-nicis

nici extarent reliquæ ad venerationem, ejus loco Crucis trophæum erigunt. Neque hic stetit fructus laborum è sanguinea segete lapidatorum sacerdotum prognatus. Licet enim dum viderent semen Divini Verbi feminare visi sint super petram, & lapidea Salfettanorum corda, à quibus tandem nullum reportarent fructum, nisi lapides, quibus obruti sunt; mirâ tamen metamorphosi potens DEUS de lapidibus istis suscitavit filios Abrahæ, auferens lapidea indigenarum corda, & dans eis cor carneum; ut vix ulla deinceps à nece eorum fuerit illis partibus natio ad Fidem Christi promior; licet interdum novo Apostolicorum Virorum sanguine oportuerit eam in majorem fecunditatem, quasi rigari. Id quod hæc ratione evenit.

Consecrant penè iidem sive petitem lapidibus, sive aliter, innumeris plagis afflictum P. Petrum Colazzium, & ut mortuum dereliquerant: quem tamen palpitantem adhuc deprehendentes Christiani, Goam in linteo deportarunt, ubi quadraginta dierum curatione convaleuit. Moxque ut ingredi potuit, in campum, ex quo faucius & feminis elatus nuper fuerat, rediit, vitam pro salute animarum, & pro Christo mortem in promptu habens: unâ ingrati soli culturâ difficili, quod tam avarè diuturnis sudoribus responderet, afflitus. Quod aliquando tacite apud se dum queritur è monte edito civitatem despectans, & meliora desperans propè de relinquenda frustra curat Babylone deliberat, placuit Divinæ Bonitati servum suum docere, non in vanum locatam operam, neque frustra rigatam Patrum lapidatorum sanguine terram sterilem. Audiat enim ima ex valle derepente vocem pueri concinentis: *In nomine Patris, & Filii, & Spiritus Sancti*; pergentis eodem cantu scitè pertextere reliquum sacre doctrinæ carmen, prout à Patribus edoctus fuerat. Eâ voce mirè recreatus, animari se majorem in modum pensavit ad labores, in ejus populi salutem fortiter integrandos: velut sibi ore pueri DEUS significasset, haud quaquam eos in cassum deinceps casuros eo in solo, quod suo & duorum illorum Patrum sanguine jam emolliisset. Et verò respondit optatissimus conceptæ spei eventus, reddiditque fructum plusquam centesimum. Tantæ enim fiebant postmodum ibidem ad fidem conversiones, ut ipsi Europæi Goæ Christiani, quis credat? arrogat sibi sapientiæ cothurno, improbare cœperint, tantos ad suscipiendum solennem baptismum accursus (se-

ptingenti enim quandoque simul adveniebant) laudem sibi Patres nostros ex tanto numero, non Dei gloriam ex salute illorum, quærere dicentes, quos ad baptismum aut allicerent promissis, aut minis intruderent. Jactabantur hæc ventosis sermonibus adversus solennes Salfettanorum in templo nostro Goano baptismos, ad quos confluebant turmatim Ethnicis; eum potentiorum impugnatorum unus in agmen eorum numerosum Goam intrantium incidit, qui duce nemine, sponte ex pago, in quo Christiani institutionem audierant, ad Patres Goanos veniebant, ut baptismi tandem compotes fierent. Constitit Nobilis curiosus inspectans, hominesque vidit omnis conditionis & ætatis ramos gestantes, hilares ducentes saltando choros, & cantu doctrinæ Christianæ, quam ab excolentibus Insulam Patribus didicerant, lætos & amœnos. Perculit Nobilem id spectaculum, quod non coactos ad baptismum, sed ultroneâ voluntate à Deo motâ, illum lætissimè expetentes prodebat: ita ut non diu postobviam Patri nostro cuiuspiam factus, equo desiliens in aurem repeteret: *Credo, Pater, credo, & certò credo eos, qui manibus vestris tinguntur sacro baptisinate, ultro & magnâ voluntate id agere*. Certè tantus erat Neophytorum ardor, ut vix sacro balneo tincti, fierent statim Evangelij præcones; lapsoque vix hebdomadæ unius spatio, chorum ad Patres ducebant vernaculis organis variarum tubarum, tibiârûmque festum & hilarem, cultu omnes decore, aliquos etiam aureis torquibus insignes, omnes læto cantu baptismum poscentes, & ad eum optandum à Neophytis persuasos. Nec quiescebant, donec propinquos omnes undeunde conquisitos, ad sacrum lavacrum adduxissent: licet quibusdam magno esset redimenda ad Christum conversio, quod & frequenter domo extruderentur, ejurarentur à parentibus, à Saceracis non pauci occiderentur. Brachmanarum etiam complures in magna templi frequentia, è loco eminenti suos execrabantur errores, veniam petebant premeritâ se animarum, superbo & avaro mendaciôr & fraudum præcio. Quorum unus opulentior, id sibi muneris perpetui injungi à nostris petijt, ut exeuntibus è Christi lavacro pauperibus suâ ipse manu calceos aptaret; quod etiâ quoad vixit, summâ animi voluptate faciebat. Itâ scilicet ædificabatur Salfettana Ecclesia super fundamentum Apostolorum & Prophetarum, quos ad se missos nuper lapidaverat.



Unus è Socijs P. Henrici Enriquez Societatis IESU in Promontorio Comorino, à Barbaris, odio Fidei trucidatus. A^o 1555.

C. Secreta del.

Melch. Küsell j.

P. HENRICI HENRICHEZ Socius Anonymus.

M Agnis Xaverij laboribus & sudoribus excultum Comorini Promontorium, non ita continuò subigi potuit, quin in longa deinceps tempora uberem Apostolorum laborum campum successoribus & Filijs ejus præbuerit. Præerat Socijs Goà il luc transmitti solitis Henricus Henrichez, qui leucas excolebant sexaginta oræ litoralis, in qua sunt pagi vel oppida plura quadragenis, nonnulla capitum quinque millibus habitata; gens dura & agrestis, anni maximam partem ad mare transgens. Infelicitas soli tristis, omnia occupant arenæ steriles; solis ardor intolerabilis, aquas urens, &

fabulum in tantum excoquens, ut soleas ambulantium exurat. Malorum autem cumulus mediterranei barbari, lege Deorum cultores, professione & arte grassatores. Torrentis instar subinde ex montibus subiecta inundant improvisi, direptisque omnibus, homines in servos abigunt. Aptissima denique ad fingendos probandósque Tirones Apostolici muneris regio (ut eam vocabat Xaverius) seu vitam spectes arumnis exercitam, seu difficilem culturam, seu pericula nunquam non obvia. Versabantur in eam Henrico Socij aliquot, intèrque eos, de quo agimus, necdum sacris initiatus; partiti inter se loca, quæ sua singuli pro parte per-

peragrabant, ut se omnium votis & necessitati commodarent. Sexcentos quotannis vel octingentos ex adultis Christo adscribebant, continui erant in concionibus ad viros, doctri-
 nae rudimentis ad pueros, ministrandis tam numerofo populo Sacramentis, ut multis locis totus annus videretur Jubilæo coli. Magno præterea Religionis fœræ compendio Calciges & Brachmanes (religiosa Idololatriæ Magistrorum nomina) crebrâ versabant disputatione; id quod majorem in modum valebat ad stabilandos in proposito Christianos, & rudiores ad Fidem Christi amplectendam inducendos, cum viderent fœdatis suarum sapientissimos, rationibus domitos, evolvere se nullo exitu posse, sed vel mutos filere, vel ea respondere, quæ pueri etiam dicere erubuisse.

Horum unus inter Brachmanes Jogus annos egerat aliquot in eremo solus, pœnis ultroneis asperos; unde descendens, concionari passim de seipso, affirmarêque se esse illum, qui tot pridem annis fatus functus, imò antea sæpius mortuus, Deorum gratiâ in vitam toties redisset, ut hæc arte eorum venerationem, in Brachmanes & Jogos liberalitatem, eis inculcaret. Hic tantum fidei in plebe stulta invenit, ut cum recenseret multa ab annis trecentis, quæ ipse oculis vidisse asserbat illic gesta, pro indubitato crederetur annis trecentis senior esse. Tam prodigiosa ostentum novitatis dum spectatur tanquam cœlo lapsum, exprobrabant Christianis Ethnici, equeum possent de suis monstrare hominem sæculorum trium, & ex mortuis vicies redivivum? si tanti fieret ad annuciandam Christi legem enavigasse illis Magistros tot maria usque ab Europa, quanti præstare, Magistrum ex orbe defunctorum toties reducem habere? Quod ubi Henrichez intellexit, misit extemplo, qui homini gratularetur in viciniam adventum, rogaretque pergere usque ad Punicalem, ubi ipse æger morabatur; cupere se vehementer tantum virum nôsse, fruique illius præsentia. Invitatio tam comis, Jogo pecuniæ avido spem fecit doni alicujus à Christianis, Patre accessum suum ita pensaturo, emungendi. Stipatus ergo densâ populi turbâ Punicalem in medio Nobilium cum pompa ingreditur, quam constabant pueri coronati, Virorum ordines, Musicorum chori, insano strepitu

aures tudentium. Occurrentem hominem Henrichez magnâ voce, quam omnes exaudirent, non jam salutavit, sed ad defendendum tam prodigiosum, cui similem mundus nunquam spectâisset, vicies in orbem ex mortuis reditum, provocavit. Conturbatus insperatâ provocatione Jogus, cujus falsitatem verax conscientia objurgabat, pudore tamen metum superante, videri voluit in pugnam libenter assentiri. Ergo postridie coram tota multitudine coactus de sua tam multiplice suscitatione dicere, cum in multis ab Henrichez falsi reprehenderetur, animo tandem penitus concidit, ubi hanc sibi ab eodem conditionem proponi audivit: *Debere illum, qui vellet hominibus persuasum, se toties mortuum, toties suscitatum, ut minimum semel coram illis mortem oppetere. & palam semel resurgere.* Deprehensus enim infelix, nec futuri aleam subire voluit, nec defensionem præteriti, quod tam diu jactaverat; sed in comitatus certamini, & Oppido se inglorius subduxit.

Hæc aliæque præclaræ in rem Christianam, & Idololatriæ exterminium gesta, in rabiem scilicet egere Calciges, & gentilem viciniam Bagadarum, non aliter restinguentdam, quàm è Socijs cujuspiam sanguine Pagodibus suis immolato. Igitur in omnem, maturando uni alicui certo (Henrichez fuisse verosimile videtur, nam hic ipse Barbarorum errore pro ipso eneas, Henrichez socius in Actis nominatur) exitio occasionem intenti, dum sagaciter, quâ ocysimè illum deprehendant, vestigia prædicantis legunt, incidunt in hunc æmulum zeli illius socium; quem nihil dubitantes illum ipsum Henrichez, quem vestigabant (& erat omnino Idololatrici cultûs hostis acerrimus) superstitionis avitæ eversores esse, cæco impetu irruunt, & plurimis confossum vulneribus, ad optatam, exantlatis sudoribus, lauream transmittunt Anno 1555. 6. Decembris. Cujus quidem nomen in terris posteritati intercidit; Cælestibus tamen fastis gloriosus inscriptum, bonitas causæ, & mortis illustris titulus persuadet





P. Alphonsus à Castro Lusit. S.I. post gravia supplicia mortem pro Christo subijt. à Mahometanis in Molucis octēz, A° 1558.
C. Sereia del. Melch. Küßel f.

P. ALPHONSUS DE CASTRO.

Alphonsum Castrum Orbi nostro dedit Olyssipona; Orbi novo & Societati P. Franciscus Viera, quo Castrus Confessario utebatur, & cujus hortatu cum alio Juvene, Societatis itidem Candidato, è Lusitania navigavit in Indiam, ut ibidem à S. Xaverio in Societatem facilius admitteretur. Ubi navem conscendit, insignem de consanguineis victoriam retulit, plus quàm navali coronâ dignam. Accurrerat ad navim cum propinquorum globo frater, & natus major, & Juris laureâ venerandus, ut fratrem ætate minorem à consilio absterret; diuque inquisitum tandem è latebris per vim ad Na-

varchum protrahit, & ab eodem sibi reddi multum expostulat. Sed Alphonsus negat se hominem nosse, neque pro fratre habere eum, qui ad Christi sequelam properanti obicem poneret. Quâ constantiâ victus Doctor, domum suam redire coactus est. Alphonsus autem unâ cum Juvene viâ & consilij socio in navi remansit constans; & ita quidem, ut sive alia obliti omnia, sive providentiâ Numinis freti effectus paupertatis voluntariè expetiri cuperent, viaticum pro longinqua navigatione comparatum inferre negligerent. Imò & illud, quod filijs spiritualibus sollicitus P. Viera inculcavit, magnanimi Juvenas, nè amore DEI dilatatum

corcarum rerum cura coarctaret, in tenuissimum quemque navalis turbæ brevi erogarent; totum reliquum iter consecrari nendicato. Universum interim tempus vel sacre lectioni, vel piæ meditationi, ac sacris inter se colloquijs, vel agrorum ministerio tribuebant, eâ celestium solatorum exundantiâ, ut in conspectu Indiæ constituti, cum se invicem intuerentur, risum tenere non possent.

Advectos in Indiam Xaverius in Societatem recepit. Et Alphonsum quidem laboriosis ministerijs, & pietatis exercitijs Gœ exercitum, & quodam quasi œconomi munere functum, demum & sacerdotem creatum, secum Malacam deduxit: ubi dum Alphonsus primum sacrum facit, S. Xaverius illud concione habitâ cohonestavit. Postmodum autem Malacæ & Cocini pro concione itâ se probavit Alphonsus, ut eum Cocinenfes concionatorem sibi deposcerent; sed Xaverius A. 1549. ad Molucas mittendum censuit, ut Socijs ibidem sparsis præesset. Quo in munere multa & gravia, non modò à Mahometanis & Barbaris, sed etiam à domestico quodam, eodémque socio perculit. Erat is Antonius Vazius Neophytis natus parentibus, homo alijs, quàm sibi sapientior, idémque ingenio acer, in ciendis pro concione affectibus potens, in vulgari conversatione affabilis & pius, cæterum superfluariâ ferè pietate, cum suavitate quadam ingenij & morum conjunctâ, quâ fiebat vulgo amabilis, maximè Præfecto Oduardo, qui Vazio familiarissimè utebatur. Hæc porro se apud Præfectum gratiâ insigni, & singulari apud populum Viri magni opinione circumspicientem, subibat quidam pudor obnoxia Alphonso Castrio obedientiæ, ferebâtque durius, quòd iugo alterius subesset. Scalpsit hanc ejus pruriginem missionis longinquæ urgens occasio, quâ Rector Castrius ad infideles Mauros juvandos evocabatur; qui Ternate solvens suas regendi vices Vazio commisit. Injecto Vazius in gradum hunc pede, per se commentus est, quâ in superiorem evaderet. Mirum planè auditu & miserabile, in Regionibus Orbe toto divisis & barbaris, Apostolatûs muneribus insudantem sic desipuisse ambitionis levissimæ ambitu, ut confingeret literas à Provinciali, quibus Rector nostrorum (qui tamen tantum sex erant) dicebatur; reversum Alphonsum excluderet, & indignissimè Virum mansuetissimum haberet. Donec literis à Provinciali Indiæ ad populum Ternatensem

datis, doli convictus, & morbo gravissimo deterritus, suam publicè noxam sateretur, & populum ab errore deduceret. Cæterum à Societate homotalia ausus nihilominus segregatus est; donec compluribus demissi animi datis argumentis, admissionem ad Tirocinium rursus impetrasset. Vocationis enim suæ ad Societatem amantissimus jam inde fuerat, cum dimissionem à S. Xaverio petiturus, uno in se Sancti Viri oculorum conjectu, paucisque his vocalis: *Et vis fili mi à nobis discedere?* sic immutatus est, ut nunquam imposterum de Societate deserenda tentationem ullam passus fuerit.

At Alphonsus muneri jam restitutus, paulò post ex Maurica Ternatem acciur à Francisco Viera, suo olim in Lusitania Confessario, tunc Goani Collegij Rectore; & instaurato per occasionem Jubilæi, quod Viera secum attulerat, animo, ad Mauricas Insulas remittitur, deducitur secum Socios, qui per eas plagas præessent, & mox ubi res compositæ forent rediturus, ut primo quoque tempore transiret in Baccianum, ad nascentis ejus Ecclesiæ, cujus linguam in promptu habebat, statum ordinandum. Quò postquam digressus est, bello omnia tumultique miscentur in Molucis. Tumultus occasio hæc erat. Multa jam pridem de perfidia & occultis machinationibus Regis Molucensis Aërij delata erant ad Odoardum de Saa, Ternatinæ Lusitanorum Arcis Præfectum; velle nimirum Aërium conjunctis cum Bornei Rege viribus Lusitanum nomen penitus in ijsoris extinguere. Ad quæ cum accessissent intentatæ per insolentiam Baccianensi Regulo Joanni (qui sub protectione Lusitanorum baptismum recens susceperat) impotentes minæ, Odoardus haud cunctandus ratus, in arcem dissimulantem Regem, ejusque fratrem Cizilgazarem totius fraudis focium evocat, & comprehendit; falsò ratus, hæc viâ tumultus comprimi, & rebellionis primos ignes extingui posse. Egit enim amor populi erga Regem die uno, quod annis compluribus odium Regis in Lusitanos non potuit. Ad arma concurrunt à Ternatenfibus, Tidorenfibus, Marcianis, & à conterminis etiam Insulis, quasunque incolebant Saraceni. Hi omnes ad Babum captivi Regis filium confluunt, grandique constituto exercitu, cingunt premuntque Lusitanorum oppidum & arcem; omnes conclamant aut Regis libertatem, aut Lusitanorum necem, qui fidem proditione sefellissent. Inter hos motus, venit capto Regi in mentem

de navigiolo, quod Alphonso commodaverat in Maurum transmissuro, indèque post mentem redituro rursus Ternatem: dùmque sperat fore, ut capto Castrio ipse è carcere per commutationem liberetur, jubet occultè filium naviculis in excubijs habere, quæ revertentem Patrem intercipient. Sed casum fuisset hocce Regis consilium, si Viera processisset. Miserat enim & ille celocem ad P. Alphonsum, monens, Ternate in defectionem omnia ruere, stratum mare hostibus, populum in armis esse; proin in Mauro tantisper subsisteret, dum novis ab se literis revocaretur. Ità quidem Viera; sed DEO visum est, ut nuncius tempori non adesset. Consecdis igitur Alphonsum negotijs dierum spatio quindecim, Ternatem remeabat turbamur ignarus; incurritque in vigiles in reditum suum insidias, & ab hostibus capitur. Qui mox vincum in oppidum Ires deportant, libris, supellectile ad rem sacram necessariâ, Crucifixi effigie olim à Xaverio gestatâ, & alijs rebus omnibus spoliant; Adolescentes insuper Christianos tres viæ comites, in mancipia divendunt; vestibus, ipsòque indusio intimo Patrem nudant, roganti plurimum, fragmentum lacerum vix relinquunt, quo ad pudorem cingeretur: post hæc manus in tergum retortas constringunt, funèque circa collum implicito per dies quinque in oppido asservant: inde Ternatem deducunt, sed in crucem ex decussatis duobus navigij lignis compactam, nudo corpore sublatum; ex qua deinde solum sistunt Principi Babo arcem obsidenti, qui nudi Alphonso, antè sibi noti spectaculo motus, femoralia & indusium sibi ipse detraxit, quò ejus nuditatem obtegeret. Ipse etiam Rex in arce captus, ubi Castrium captum inaudijt, misit à quibus suo nomine officiosè viseretur. Nisus etiam est Princeps Babus Castrum suorum fidæ custodiæ tradere, sed obstitere Irenses; causati nusquam gentium tutius, quàm apud se tenendum. Iren igitur Patrem reducant, vestibus, quas Babus donaverat, rursus spoliant, semicinctu vili agrè illi ad pudorem tegendum relicto. Revinciunt denuo ab humeris manus; fisco arboris gravi trunco ad modum numellæ collum medium inducunt; jamque de fuga Patris nihil solliciti, abjectum humi, dies totos triginta ad solem & nocturnam auram nudum, vespis & culicibus commordendum exponunt. Quod quidem tormenti genus glorioso Athletæ longè gravissimum fuit, qui dudum valetudine tam erat affecta,

ut auræ etiam levissimæ ad nudum corpus afflatu offenderetur, eamque ob rem nè noctu quidem ad conciliandam quietem vestes deponerebatur unquam, nec obloletum indusium cum recenti, nisi medio ardentique sole, frigoris intolerans permutare solebat. Præterea nihil per octo omnino dies cibi ad eum allatum est; reliquis verò diebus furtivè attulère aliqui cariophyllos (quo fructu Insula abundat) recentes; sed Maurus sacrificulus, qui à Patris latere per dies octo nunquam discessit, ad defectionem Alphonsum identidem sollicitans, fassus est, Patrem etiam ijs abstinuisse; mirabatúrque vitam absque alimento tamdiu à Patre protactam. Accedebat ad tantam barbariem Caciziorum insultus frequens, quà promissis, quà minis urgentium ad ejurandam Christi fidem, & professionem Mahometis suscipiendam; quod facinus Alphonsum cum execraretur, atrociter à Barbaris exedebatur. Tandem Mahometani ubi nihil proficere se vident, virumque tot cruciatibus & inediâ consumptum, ut spes vitæ nulla amplius superesset, intuentur, statunt eum ferro absolvere. Ergo Mauris duobus sicarijs maciandum tradunt; qui arreptum per asperas cautes secundum litus deducunt, locum qui maxime placeret, tanto scelerei delecturi. Ibat Pater specie quidem spirans cadaver, at eo animi vigore, ut abrupta saxorum, levitate mirâ supervaderet, quasi tot dierum ærumnæ non consumpsissent robur, sed pondus tantum levassent corporis. Quin adeò tantam non ad necem, sed ad convivium properaret, notabat ipsemet loca idonea lanienæ, & subsistens tortoribus demonstrabat. Quod postquam semel ac iterum fecisset, occurrit demum modica planities exese rupi subiecta, in qua magnus jacebat truncus, quem maris undæ alluebant. Atque Alphonsum: *Nonne hic locus placet?* inquit, animo tam erecto, ut cum placere demum sibi respondissent, acinacem, quo erat conscindendus, sibi petierit ostendi; quem modicè contemplantus: *acies, inquit, hebes est, meliori eam cote subigite.* Tum rogat manus vinculis exui; sed negantibus id sicarijs: *agite, inquit, solveite; num me fugiam timetis? nihil est quod timeatis; ad hoc manus solutas posco, ut religiosius tantisper DEUM precer.* Quod subridens, & tranquillâ oris specie cum diceret, carnifices multum invicem mirati, manus illi liberæ concefferunt. Manibus Pater in Cælum sublati, prostratus in genua, Deo se in victimam offerebat; & paulò post


sur-

furgens, arboris trunco pronus incubuit, quò commodiorem ictum carnificibus præberet: quos etiam blandâ voce affatus: *Jam verò, ajebat, quod cordi est perpetrare.* Hic alter eorum impacto dorâ spinæ in longum acinace, divisurum planè medium erat, nisi magnâ vi ambabus manibus ictum vibrans, caput ipse sibi læsisset (sunt enim tam exquisitæ temperationis & ponderis eorum gladij, ut uno ictu medium hominem per totum rectâ findant.) Alter igitur adhuc vivum suo acinace absolvit; tertiâque vibratione in mortui jam collum inflicto ferro, caput summum à maxillis divisit. Corpus truncum in mare devolvunt barbari, caput ludo crudeli ad instar pilæ inter se jactatum, altè tandem acuto scopulo defigunt.

Vulgatâ postmodum P. Alphonsi nece, non tam mortis immanitas, quàm occisi robur, & invicta post diuturnos carceris cruciatus morientis virtus, ipsi adeò Mahometanis admirationem, & Patris reverentiam impressit. Sanè miles quispiam Giloli aliquamdiu prædiciarius Patri Vieræ narrabat, S. Martyrem Alphonsum Castrium (sic eum nominabat miles) etiam apud Mauros plus habere venerationis, quàm apud Christianos. Addebat audisse se à Rege Giloli Mahometano miras de Castrio laudes, de illa potissimum adeundæ mortis generositate. Illud verò ejusdem curiosi & solliciti roboris de inspicendo, & aciendo acinace argumentum, hocce sarcastico in suos epiphonemata Regem clausisse: *hoc nostri videlicet Cacizij facturi essent pro Maurorum lege!* Placuit etiam benignissimo Domino, qui nunquam liberalitate vincitur, suo heroi reddere vicem, non modò confitendo illum coram Patre Cælesti & Angelis, sed etiam coram hominibus. Nam corpus quod in rapidissimum mare projectum, & unius diei spatio ultra centum milliaria abripiendum erat, elapso tamen triduo tantum absuit ut loco motum sit, ut aliquantò etiam superius cerneretur, quàm quò fuerat abjectum; vultuibus adeò vividis, ut tunc inflicta puta-

res; eâ denique luce perfusum, ut gummatas recens pictorum tabulas suo splendore referret. Situs ipse corporis quasi viventis erat, nam alto scopulo infederat, qui pleno æstu, aquis in fornices speciem sinuatis ambiebatur; quo situ multos dies perstitit, quin dissolveretur. Exactis tandem mensibus octo, & obfisione Ternateni solutâ, misit P. Viera hominem, qui reliquias ad se deferret chari sibi olim filij spiritualis, & nuper fratris. Ossâ igitur consumptâ carne hærebant suis adhuc commissuris, in situ sedentis hominis, niveoque candore nitentia; at calvaria inter eas rupes nullâ potuit sagacitate reperiri.

Porrò homicidæ Patris non tantum ij qui ferro eum violârunt, sed quicumque carceri mancipârunt, ipforumque adeò agnati, pessimo exitu brevi tempore periêre; ferro alij, alij igne, plurimi morbo nunquam antè viso, quo tumescente in vesicas ignitâ sanie turgidas, per univerfum corpus nudatis carnibus defluebat cutis, viscera dirus calor depascebat, ut omnes magnis clamoribus Alphonsum repetentes perirent. Regi Aërio vineulis soluto fassus est senex Ireenis, filios suos vendito calice, qui ablatus Patri fuerat, novo mali genere intumuisse enormiter, quo tumore brevi confecti, elatis in Cælum brachijs, ad usque ultimum halitum vociferabantur, ô DEUS! ô Domine DEUS! quamvis Gentiles essent. Idem etiam Rex totam hanc Martyrij seriem, ut eam ab ipsismet carnificibus acceperat, P. Vieræ narravit; quod totum confirmârunt etiam piscatores duo, qui ad littus piscantes, dum P. Alphonsus ad necem raptaretur executione factâ, generosi agonis fûere spectatores.



P. FRANCISCUS LOPEZ.



Franciscus Lopez gente Lusitanus, annorum undequadragesima, è quibus in Societate viginti, in India exegit duodecim, cum Joanne Nunnez Baretto Patriarcha anno 1556. Goam advectus est. Ex

quo tempore varijs tum Goæ, tum Cocini perfunctus est officijs, quâ catecheticis exhortationibus, quâ Sacramentorum administratione, quâ gubernando etiam Coullanum Collegium; potissimum tamen gessit Concionatoris munus, magnâ laude, & ingenti ani-



P. Francisco Lopez Lusit: S. I. pro Fide Christi occisus à Mahometanis in mari Cocinensi A.º 1568. 29. Octobris.

C. Sireta del.

Melch. Kürell f.

animarum melle; eaque vi pœnitentiæ & doloris sensum ab Auditoribus exprimebat, ut rarò diceret, quin Auditorium in apertos fletus undique erumperet. Cocini degentem offenderunt naves quatuor Octobri medio, anno 1568. appulsæ, quibus Ludovicus Ataides novus Indiæ Pro-Rex vehebatur. His postmodum quinta accedens, mox Goam, reliquis Cocini subsistentibus, perrexit, Apostolorum Simonis & Judæ festo die. Navi cum imperio præerat Ludovicus Mello, vehebátque centum quinquaginta Nobiles Lusitanos, è nostris verò quatuor, qui eandem armis & mercibus bene instructam Cocini jussu Rectoris conscenderant, Goam devehendi; scilicet ipse P. Francisco Lopez cum tribus fratribus, Antonio Dionysio, Jacobo

Carvallio, Emmanuele Lobo, & Adolescente Candidato Societatis, qui Goam petebar, ibidem Societatem initurus. Felicem cursum lati tenebant, cum postero die prope Cialem, celoces Mahometanorum quindecim ex insidijs invadunt Lusitanos, & Calcutio egressi, armis, velis & remigio habiles, pugnam cantu barbaro, velut prædà jamjam potituri, inchoant. Impressionem illam hostis primam non modò animosè fregit Lusitanus, sed aliquot etiam ictibus liburnas eorum depressit binas, tertiam uno latere mutilavit, majusque aliquod exitium minabatur barbaris pertinaciter eam aggredientibus. Cum ecce omnino miserandus casus in nostros revolvit perniciem, & victoriam abstulit, quam jam tenere videbantur,

tur. Intentis enim in prælium Lusitanis, in tormentarium pulverem, nescio cuius incuriâ scintilla delapsa, totum sulphurarij pulveris commeatum in flammam rapuit, puppim primùm, & ex ea certantes magno fragore in auras excussit; tum peste continuo diffusâ, multis locis igne concepto oneraria, fornacis instar ardebat succensa. Erecti spectaculo hostes, navigia propius admovent, excepturi homines in captivitatem, & prædam, si quam liceret, è flammis subducendi. Christiani quò se verterent, quodve preeligerent mortis genus, aliquamdiu deliberaverunt; undique circumstabat mors, vel igni, velaquâ, vel ferro percundum erat, vel hostium arbitrio permittenda vita, morte ipsâ futura fors acerbior. Sed ut vitâ nihil est carius, levissimum malorum visum est illud, ubi spei aliquid reliquum esset. Itaque ut ad quemque flamma arreperat, in mare delapsi, ad Malabaricas adnabant celoces, ultrò se in servitium offerentes: quorum tamen pars ab hostibus suorum cæde exacerbatis occisi, pars redemptioni asservati sunt. Socij cum P. Francisco diu in angulo conflagrantis Onerariæ perstitierant, Deum orantes, ut regere se eo tempore, ac tueri vellet. Tandem & ipsi adrepente flammâ mari se committunt, si quid spei fors daret experturi. Et Franciscus quidem obestitate corporis ad natandum inhabilis, ad Maurorum celocem, à qua propius aberat, enititur cum adolescente Candidato, qui post elapsus è barbarorum manibus, feriem necis oculus & propinquus testis confirmavit. Patrem videlicet ex tonsi verticis corona pro sacerdote agnitus, sublatum fuisse comiter in trirrem, & admodum blandè interrogatum: an vellet Mahometi nomen dare, vitamque hac lege redimere? at P. severo vultu impium detestans facinus: Ego, inquit, nequaquam id in animum induco meum. Hic verò Mauris hastas in adversum pectus intentantibus, vibratosque in caput acinaces, nisi Christum ejuraret; eadem constantiâ respondit: Christianus sum, mortem pro Christo libenter appetam: vitam potestis, non Fidem, juvante DEO, eripere: stat sententia, quodvis supplicij genus subire prius, quam egredi Religione Christianâ. Nec verbis ulterius acta est res. In illa Christianæ professionis illustri generositate, Saracenus hastâ medias costas transadigit, alius caput ingenti vulnere dividit, in mare provolvunt cæteri, & supernatantem pergunt lanceis configere, donec mergeretur, & vitam

glorioso certamine terminaret. Idem factum esse Carvallio & Lobo referebantij, qui prælium spectarunt, & uni quidem eorum biremem prehendenti caput ferro depressum. Quartus porrò Antonius Dionysius, ex quo similiter per innumera vitæ pericula elapso rei series comperta est, in Diaconum jam tunc ordinatus, quàm prodigiosè tot inter mortes & ærumnas servatus sit, libet ex literis P. Organtini, quas ad S. Borgiam tunc Societatis Præpositum Generalem dedit cognoscere.

Hodie, inquit, Antonius Dionysius appulit, quem tenebant captivum Mauri; recessitque nobis suos casus, Rutilis Francisci Lopez, & aliorum necem. Ac de se quidem narrat: sibi juxta navim exsune prehensio pendenti, nè mari mergeretur, malum anticum in caput ruisse. Semimortuum eo ictu à Mauris tentum; quibus cum aliud ex navi nihil præda flammâ reliquisset, in littus regressos, illic à conferta ipsorum turba quæ littus compleverat, se cum ejusdem fortune socijs (ut est gentis crudelissima mos) omni convivorum genere salutatum, cunctis ad necem captivos poscentibus, Spoliatis deinde vestibus, & prorsus nudo in varia sparsos loca; se in pagum abductum Capocatus dictum, secumque triginta Lusitanos; fuisse illic nudum in compe, summisque miserijs; tandem pro Religioso agnitus, Maurique indicio, a quo visus olim Cocini fuerat, Domino proditum. Servatum nihilominus ab heri in vivo, ne illi cum eo pretium redemptionis interiret; sed pejor quadrupede tractatum. Occupari solitum purgandâ quatuor domorum orizâ; quod opus cum probe obiret, ventitasse narrat ad se Mauras anus, & purga orizam meam Pater, imperasse, spiritisque interim faciem fedasse, cecidisse pignus, & omni contumeliâ affecisse. Herum verò pueros missasse, qui bufones & ranas è lacunis conquirerent, isque os comedentis aut quiescentis verberarent. Dormienti quoque subiectum ab iisdem pueris gladiolum quempiam; post verò malignè velut ab inscijs, & casu supervenientibus retentum, proclamantibus se ad necem ab Antonio designatos; pignus, calcibus, aliisque contumelijs, confictam calumniâ injuriam ulciscientibus. Diebus aliquot elapsis, cum ad lacum transisset herum (bis enim vanierat) in conseruum incidit Juvenem, cui ex inopia redemptionem desperanti, Mauri persuaferant Mahometem. Jamque ad solemnem circumcisionem dictus erat dies; cum eum Antonius accersit, notumque in eo erigendo solidam insenuit tam prosperè, ut assurgeret miser, & in gradu Christianæ Fidei firmus consisteret. Die postero Mauri frequentes

quentes adsunt, deducturi ad sanum Juvenem: at is liberè Christianum se fassus, Mahometem ejurat, fixumque sibi denunciat in Christo vivere & mori. Quo frustrà modis omnibus impugnato, in Antonium denique iras vertunt, velut mutationis ejus tam subite auctorē mortemque ei idcirco intentant; quibus ille constanter dicebat, mortem sibi ex voto venturam, qua tali de causa inferretur, Abstinnere tamen ab eo cruen-

tas manus barbari. Non tacebo, quantà vi Sacrificuli egerint, ut Lusitanorum quempiam, & nominatim Antonium impetrarent, Mahometi suo immolandum, sponsione datà victoria in perpetuum obtinenda. Sed placuit Deo eum his omnibus malis eripere, aureis centum quinquaginta redemptum. Non tamen prius dimissus est à Barbaris, donec ejus capiti Coronam Clericalem igne inurerent.



P. Georgius Fernandez, et P. Gomez, Damaralius Lusitani S.I. pro Religione enecti à Barbaris in Iava Insula. A. 1780. 21 Septembris

Sc. d.

Al. f.

P. GEORGIUS FERNANDEZ, & P. GOMEZ DAMARALIUS.



Um confitentium peccata tollunt Agni, barbarorum gladijs tolluntur & ipsi victimæ, P. Georgius Fernandez, & P. Gomez Damaralius; agone eò glorio-

sore, quòd & victimæ charitatis, & sanctæ Fidei testes purpurati occumberent; confessionem facientes Fidei, dum alijs apud eos confessionem facerent peccatorum. Amboinum celebrem in Molucis Insulam destinati erant

erant à Reſtore Goani Collegij, ut pro ſuo, quo ardebant, Apoſtolico zelo, oram illam, quā confirmandis Neophytis, quā convertendis ad Fidem Sanctam Gentilibus excolerent. Jamq; Goā anno 1580. menſe Septembri in navigio Auguſtini Nonnij ad deſideratam miſſionem proficiſcebantur, vento ſecundo uſi uſque ad Inſulam Javam majorem; cujus incolæ jam inde à primo Luſitanorum in eas oras ingreſſu (ut ſunt ingenio ferociſſimi, & Chriſtiani nominis jurati hoſtes) cum Luſitanis perpetuas exercent hoſtilitates, in omnem intenti eis nocendi occaſionē. Et cum ex Numinis potentia multoties in prælijs manifeſtè Luſitanis aſſiſtentis perſpecta (quorum pauculi ingentes Javenſium copias ſæpius ingenti clade fuderunt) eorum ſacra expetere debuiffent, incredibili furore ex eo tempore in Chriſtianum Numen & nomen exarſere, ut quoties deinceps Luſitani in Molucas proficiſcentes Javam præterveherentur, toties ſerè ab inſenſis incolis infeſtarentur. Vix igitur & hoc anno ex ſpeculatoribus cognoverant appropinquare Luſitanam Biremem, cum mox complures naves inſtruunt, quibus Luſitanam invadant. Decertatum eſt utrinque acriter; & ut quiſque ſua fortiùs tueretur, quàm raptor invadat aliena, Luſitani magnam edebant in Javenſibus ſtragem; ſed quā eſſera gens magis irritaretur ad pugnam, velut ſi infixæ in pectora hoſtium haſta, & ferreæ glandes, ſtimuli forent barbaris ad victoriam aucupandam. Feſſis tandem Luſitanis navis expugnatur, & captiva abducitur ad indubitatam necem. Patres igitur claffarii, mercatorèſque maſtos omnes, ſpe melioris vitæ ſolari, hortari ad preces, ad confeſſiones invitare: quas dum in Zaëniſi portu magno dolore factas excipiunt, à ſupervenientibus Saracenis duplici furore, quod in ipſo Chriſtianorum Sacrorum miniſterio deprehenſi, in eos accenſi,

per impiam crudelitatem uterque jugulatur, die 24. Septembris, anno 1580. Poſtquam P. Fernandez annum egiffet ætatis 33. in Societate 18. Gomez ætatis 37. in Societate 20. tria ſolennia vota triennio antè profeſſus.

Luſitanus natione erat uterque; Fernandez quidem vitam auſpicatus Olyſſipone, Gomez Viſci, ad lucra animarum ficti factique ambo. Fernandez jam tunc Theologiæ Conſultus, poſtquam Conimbricæ atque Eboræ literaturam poliſtorem, & Rhetorum Cathedram docendo honeſtaſſet, omnem illam ſuam facultatem ad Gentilium commoda convertit, & quæ deſeruit roſtra Orator, invenit in Java Martyr, è navi raptus ad ſecurim. P. Gomez autem quadriennio priùs cum Alexandro Valignano Viſitatore Oceanum trajecit, ut opem ſuam adducendis ad Chriſtum Gentilibus impenderet. Multis ille annis eam miſſionem à Moderatoribus ſummo animi ſervore expetierat: at cum Moderatores, neſcio quibus de cauſis, in ea concedenda diſticles forent, Beatiffimæ Virginis patrocinio ſibi in hocce negotio utendum ratus, votivam ſuſcepit peregrinationem ad ejus aedem, quam in Caſtellæ ſinibus ſitam, ab Rupe Franciæ nominat. Ibi proſolutus in genua Gomez quæ lacrymis, quæ ardentiffimis precibus Matrem implorat miſericordiæ, Superiorum animos in ſua vota ſpectare ſibi liceat, ipſiſque magnæ Matris honorem in gente non ſancta promovere. Et verò reperit ab eo momento faciles in deſideria ſua Moderatores, qui Gomezium, ut dictum eſt, anno 1574. in Indiam navigare juſſerunt, ubi ſedecim annorum fructuoſos pro Fide labores, glorioſo tandem ſine coronavit.



P. PETRUS MASCARENIA.



Rat P. Petrus cum Paulo Apoſtolo in laboribus plurimis, in plagis ſupra modum, in mortibus frequentibus, priùſquam ſemel expetitum toties pro Chriſto mortem oppeteret. Societati nomen Goæ dedit anno 1558. cum ætatis annum ageret ſerè trigeſimum. Atque ubi biennium Tyrocinij perſolviffet, ſtudijs admotus, ſacrisque ordinibus initiatus eſt, & ad Salſettanos primò

cum Emmanuele Gomis Laico ablegatus: ubi illum DEUS gratiâ fanitatum donare dignatus eſt, ut gentilium animos Chriſtianorum ſacris hac viâ, illis utique perutili, conciliaret. Fœminæ enim acerrimos dolores diu perpeſſa, pertinaciter item alvi profluviò ita afflicta, ut morti vicina crederetur, ſolâ Evangelij ſuper eam recitatione, valetudinem integram momento temporis reſtituit. Et viro cuiſpiam annos jam duos è



P. Petrus Mascarenia Lusit: S. I. odio Fidei Christianæ in Mo-
lucis veneno à Barbaris sublatus. A. 1582

C. S. d.

M. K. f.

paralyſi, finè ulla ſalutis ſpedecumbenti, eà-
dem Evangelij recitatione malum omne pe-
nitus depulit. Quibus ſignis, & ferventi
inſuper Patris adhortatione moti Salliettani,
ingenti numero baptiſmotingi expetierunt;
quem illis magnà ſuà voluptate per pagos di-
ſcurrens conferebat; generoſus omnium pe-
riculorum, quæ in tanta barbarie occurrere
quàm plurima neceſſe eſt, contemtor. Bi-
ennium ſerè in ea cultura poſuerat, cùm ſu-
perioribus viſum eſt illum laborantibus in
Amboino & Molucis, vexatiſque multum à
Mahometano Principe Chriſtianis, cum alijs
ſocijs quinque ſubmittere. De quorum
adventu ubi in Mauro Inſula, quadriennio
poſtquam inde Patres abſuerant, auditum eſt,
pagi omnes littorales ad portum confluxe-

runt, ſublatis in Cælum manibus, ſletu,
gaudio, cantibus, & teneritate intimæ bene-
volentiae gratulati ſibi eorum adventum.
Poſtridie viſi turmatim è montibus patres
matrèsque deſcendere cum liberis parvulis,
quos Chriſtiano lavacro initiandos deferre-
bant, præfati, nihil ſe habere quod Patribus
darent præterea; ſed probè animo retinere,
horum ſalutem puerorum pro omni theſau-
ro illis eſſe, cujus deſiderio ex alio Orbe illuc
eſſent adveſti. Illo itaque die luſtrati ſunt
ſupra 150, ac paucis deinceps diebus ad mil-
le, nondum tertium ætatis annum egreſſi.
Pueros adulti ſecuti ſunt, partim Mauri,
partim Ethnici, præ gaudio interlætos cla-
mores in lachrymas ſoluti: jurabantque o-
mnes ſe vità priùs, quàm lege Chriſti, ejusque
præ-

præceptis decessuros. Inter reliquos pagus erat Galelea, multis incolarum millibus freuens, ubi plures Mahometani Christianos magnopere opprimebant; donec loci Dynastæ, Fioliâ dicebatur, cortangens Divinior afflatus, repente ex insensibilis hoste, adeo ferventem Legis sacræ fecit Prædicatorem, ut vocatâ ad convivium urbe universâ, omnes ad suscipiendum Baptisma exhortaretur. Itaque de Mysterijs Fidei abundè instructis omnibus, præire ipse ad sacrum Baptisma voluit; quem secuta Nobilitas, demumque ad usque infimum populus, ex discorde hæcenus gente populum unum effecerunt.

Rebus ita in Mauro & Amboino utcumque compositis, P. Petrus duobus ibidem, qui cæpta promoverent, relictis, cum tribus reliquis Ternatem contendit, tres menses in Lusitanorum Præsidiariorum culturâ positurus. Successerat ad votum morum in Lusitanis reformatio, ut jam censerent omnes in excolendis folijs Lusitanis diutius non occupandos. Proinde tertio Pentecostes die instauratis de more Societatis votis simplicibus, reliqui aliò profecti sunt, Mascareniam cum Vincentio Diaziotyrene, quem ibidem recens adlegerant, relicto. Prima Mascarenie cura de Templo erigendo fuit, quo ad id usque tempus Ternatenſes caruerant. Igitur ex collatitia mercatorum stipe magnis animis ædificium aggreditur, tamque strenuè operas urget, ut cum die Sanctæ Annæ ceptum esset, quinto idus Novembris ejusdem anni primum in eo Missæ sacrificium solenni pompâ habitum sit. Post hæc ad viva DEI templa, quæ superstitione Idolis sacraverat, ædificanda conversus, totam latè viciniam circumcurfabat, & viris potissimum Principibus Fidem Christianam efficaciter suadebat; quòd usu jam didicisset, plebejos horum exemplo facillè Ecclesiæ aggregari. Quinetiam Deus procul aliunde Reges magnos, virosque Principes ad Divinum fontem accerere Ternatum visus est. Horum unus fuit Toparcha Urbium quinque, Regis Tidorensis cognatus, cujus exemplum secuti ex Proceribus Regiæ sex primarij, eodem lavacri vitalis beneficio per P. Mascareniam fructi sunt: ac demum aliquot post diebus duo Regis Tidoris fratres, tandemque Rex Bengaj, Rêxque Baciani. Cujus Christianæ rei progressus dolore perciti Calciges (Mahometis Popparum genus) insalutata Regis Matre, pertinacissimâ Mahometi cultrice, in montes profugiunt; diserte fassim, malle se profugos ab Aula & oculis homi-

num degere, quàm tam multis ad conciones Mascarenie confluentibus, Legis suæ ruinam spectare præcipient. Tantis porrò barbarorum baptismum posulantium obrebat P. Mascarenia cum altero Societatis sacerdote accursibus, ut de una solum earumque nostros flagitabant, Insularum scribat, si centum & plures adessent sacerdotes, operose in ea occupatum iri, cum tamen ejusmodi Insule forent quàm plurimæ. Quot verò pro Dei gloria P. Petrus exantlaverit labores in terra Selebium, quò anno 1568. cum classe ad Regem Siani ex captivitate liberandum submissa profectus est, lubet ex ipsiusmet literis, Ternate pridie Nonas Martij anni 1569. datis cognoscere. Quando apud Seles hoc anno versatus sum, non abs reſore existinavi, si ad vos, quæ sunt ibi gesta, perscriberem: ut cum tantam messis copiam, in tanta operariorum inopia cognoveritis, cuncti Domino supplicetis, ut quàm plurimos dignetur huc mittere. Sionis Rex, quod jam audisse vos reor, conversus ad Christum est, & sacro baptismate initiatus in ora Manadi, quo tempore Didacus Magallanes ibi fuit. Ea de causa intra sexdecim menses totum Regnum ab eo defecit, uno dumtaxat oppido excepto, quò ille cum parente fratribusque confugit, atque inde ad hoc Ternatis Castrum se contulit, opem à Lusitanis implorans. Interea Divinâ aspirante Clementiâ populares ejus ad sanitatem reversi, Regem in Patriam revocant, imperata facturi. Celox ad eum deportandum à Lusitanis instruitur. Unâ discessimus ipso natali die Sancti Bartholomæi. Proximo die Dominico in ora Manadi sacra Missa peregrinus. Ibi cognitum est, dimidium tantum Regni partem ab Rege stare, ceteros in defectione persistere. Inde ad Sionem Urbem appulsi, jactis anchoris oppidanos de Regis adventu facimus certos. Ij simul atque audierunt Lusitanorum navem delatum Regem, quamquam teneret Arcem adversa factio, nihilominus Principes ad navem usque accessere sese dedentes, ac Regis pedes multis cum lacrymis osculantes. Substitit annus ibi jam triduum, nec hostes ad pacem adduci poterant. Quocirca Navarchus, & Consalvus Hurtadus cum sua cohorte descendunt: ad hos armati adiunguntur trecenti ex ijs, qui Regi favebant. Quare perterriti hostes arce desertâ in montes recipere sese. September mensis tunc agebatur, jamque aderat dies præfinita Navarcho, ut se cum reliqua Lusitanorum classe conjungeret. Quocirca solutis anchoris, Natali die Mariæ Virginis ex eo loco pervenimus ad pagum familiarum circiter trecentarum, quibus Consobrinus quidam Regius imperat. Ibi remansimus celox

abente, ego & Rex cum Lusitanis duobus. Nec mora, templum excitatum est: in eo Regis Patrem, qui ibidem erat, sacro baptismate ablui-
mus, venerandum senem, ad Christianam Fidem valde propensum, & ingenio inprimis nitentem ac docilem. Septembri exeunte cum Neophytos Mandanenses invisere decrevissem, Rex ipse cum multis à suorum numero me prosequi statuit. Dum ornantur navigia, è Sanguini Insula honestissimi quique viri ad me venerunt, rogantes ut irem ad Regem suum Christianis invitandum sacris: cuius rei magnam ipsi quoque voluntatem ostenderunt, cum signis alijs, tum vero comâ extemplo tondendâ, quam aluit mulierum more valde promissam. Quorum ego studijs optimis obsequendum ratus, praesertim quod eâ ratione ad Insula Sanguini totius (qua sanè magna est) conversionem aditus patefieret, admodum letos dimisi, pollicitus me ad eos esse venturum. Is simul ac patriam attingere, novas edes nobis excipiendis exstruere aggressi sunt. Inde paucis interjectis diebus Regis cognatus, cuiusdam viri Principis filio comite, praeclarè instructo navigio venit ad me deducendum. Parata jam erant Regis quoque Sionis octo navigia. Itaque is etiam mihi cum sua cohorte se comitem praebeuit. Festo die Sancti Francisci mane profecti, vespere ad Sanguinem accessimus: postridie Rex Insula cum Optimatibus ingenti omnium gaudio nobis obviam prodire. Urbs Regia, & Insula totius nobilissima, Calanga appellatur. Eòsumus deducit, ac triduo post promulgavimus Evangelium: quo perattenti audito Rex & Regina, Primoresque respondent, meam sibi orationem vehementer probari: proinde magnopere velle se fieri Christianos. Moratus igitur ibi sum, quoad fuit necesse ad precipuam sexus utriusque Nobilitatem sacro baptismate expiandam: quo illi suscepto, Redemptionis humanae mysterio dici vix potest quantum voluptatis & gaudij non solum animo ceperint, sed etiam publicè ostenderint. Neque tamen inter hasce gratulationes vel Reges ipsi, vel ceteri, de salute animarum serio mecum agere & querere destiterunt. Planè ut nostra domus inprimis laxa, dies noctesque auditoribus esset referta. Decretum est etiam communi consilio, ut veneranda Crucis trophaea statuerentur: eamque Crucem suâ ipsi manu viri nobiles è ligno pulcherrimo fabricati sunt. O spectaculum nostris oculis perquam jucundum! Fratres mihi carissimi, si vidissetis Regem illud par, Sionis & Sanguini, Christi Domini Crucem primum sublatam in humeros, deinde Proceribus certatim adjuvantibus defixam & erectam, nixos genibus cum universa multitudine suppliciter adorantes! Interea tempus advenerat Cauripanos


Neophytos invisendi. Ea res magno sanè dolore Sanguinianos affecit: quos ego, ut potui, levavi, pollicitus me revisurum ipsos in rediit. Rogatus ab iisdem, ut ante discessum aream extruendo Templo describerem, pecuniam in id corrogatam praesto futuram in tempore; equatam & amenam agri planitiem illis ad mare assignavi, densis consitam arboribus, quae arbores intra sex horas universa (& quidem Principum manibus) prorsus sunt excisa. Tantus eos arder animi, tantum novi Templi desiderium ceperat. Quin etiam Rex devexâ jam aetate, cum propter infirmitatem corporis exercere sese ipse cædendâ sylvâ non posset, instabat tamen, ac praerant sedulus operi, ceterisque hortabatur. Regina verò jussit nuntiari, se quoque cum feminis purgando solo, herbisque vellendis, in ejus laboris ac meriti partem esse venturam. Ad extremum cum non liceret mihi apud eos esse diutius, ab Rege ipso, & à nobilissimis quibusque honoris causâ ad navem deducti descendimus. Lusitanis duobus qui mecum erant, singula donata mancipia. Regis praeterea iussu propinquus ipsius, & alius item summo loco natus adolescens, actuarius nos prosecuti sunt. Erat adhuc nobiscum Sionis Rex: cuius in Regnum simul atque pervenimus, navigia comparati imperavimus, ut nos in Cauripam comitaretur ipse cum magno Principum numero. Itaque Regno bellicis copijs praesidijsque firmato, navibus quinque profecti Calendis Novembrii, altero die Mandanem attigimus: ubi versati sumus ad dies decem. Interea Balachini (sic enim appellantur hi populi) ad me detulerunt hominum esse plus centum millia, qui jam pridem avidè Baptismum expeterent; simulque Regem Sionis rogarunt, ut ea de re mecum ageret. Sed ego cum cernerem ejus ora Neophytos esse permultos, nos autem ita paucos, ut non nisi raro ad eos adire possemus, excusavi me ut potui, praebeique spem fore, ut à Patribus, qui ad Selesbes erant commorandi causâ venturi, baptizarentur. Me verò non aliam ob causam eò accessisse, nisi ut factos jam Christianos inviserem. Inde cursum in Cauripam intendimus, & exitinere ad oppidum quoddam Regis Bolonis maximè nobile navem appulimus, ut reliquum ibi à Didaco Magaliame adolescentem acciperem, mecumque perducerem. Rex Bolonis Mandadi Regis est filius, Mahometanus ille quidem, sed ad Christiana Sacra propensus: is aberat eo tempore passuum ferme ducenta millia. Mater autem ipsius ubi cognovit me portum intisse, misit qui me & cibarijs, & humanissimis verbis exciperet: sed mihi nequaquam eo loco morandum existimavi. Itaque adolescente, quem dicebam, in navem accepto, Cauripam denique attigimus, magna

magna tum Neophytorum, tum etiam Ethnicorum latitâ, cuius non obscura dedere signa, quamdiu ibi mansimus. Neque verò parum nos occupatos habuit gentis ejus religio ac pietas, itâ ut nostrum hospitium celebraretur assidue vel à Neophytis, quos in Fide confirmabamus, vel ab Ethnicis, qui salutaribus rudimentis ac præceptis imbuebantur: quos ego tamen baptizare nolui, quanquam ipsorum essigilantes, ob eas ipsas causas, quæ mihi apud Barachinos occurrerunt. Dixi aliquem è Putribus ad eos habitandi causâ venturum: atque hac spe injectâ digressi inde, Sionem inveniunt Januarii mense tenuimus. Consultus Pereira Lusitanicæ classis Præfectus Regi Sionis receperat, se illi adversum rebelles subsidio esse venturum: jâque Januarius erat in exitu, necdum ille aderat. In ea expectatione comparuere duo navigia, quibus Rex comite me prodijt obviam, ratus esse de classe Præfecti. Sed à Lusitano Præfecto Mandorrella, qui ijs navigiis vehebatur, cognitum est, Lusitanicam classem vi tempestatis in Malacam abreptam; sanè molestus fuit mihi hic nunciûs. Cognitâ meroris causâ Mandorrellas, ipse Regi se suoque milites liberaliter detulit, ac Divino fuviente Numine itâ se præclarè gessit, ut paucis diebus duo caperit oppida, vel ipso loco, vel propugnatoribus, & armatorum apparatu inprimis munita, Eâ vi Floriâ sedati & compressi tumultus, universi Insula in sui Regis potestatem reducta, Selebes Lusitanorum virtute perterriti. Regis hujusce Fides ac bonitas præter æternâ, quæ ut speramus manent illum in Cælis) præmia, felicem etiam hunc rerum exitum videtur in terris esse promerita: usque adeo nos officiosè & amanter est prosecutus, quantumcunque nobis apud Selebes contigit iter facere, nusquam à latere nostro discedens. Itaque in ejus gratiam magnus etiam nobis honor est habitus: nec solum in deducendis nobis officio fungebatur, sed etiam Fidei Christianæ præconem se præbebat, exponens quàm illam sibi frugiferam ac salutarem expertus esset. Nobis verò apud eos profua prohibite piôque animo gratias agebat ingentes: & cum alia, tum illa præcipuè predicabat, se in exilij sui calamitate benignè à nobis exceptum ac sustentatum, denique in Regnum nostrum beneficium restitutum esse. Quibus ille rebus animos hominum non mediocriter permovebat: nec apud Neophytos modo, sed apud Lusitanos ipsos magna nostrorum nomen ponebat in gratia. Pacato igitur, ut dixi, Regno, Rege salutato, Ternatem reversus sum, mecumque Regis filium duxi natu maximum, indolis egregiæ, novum circiter agentem annum, quem ipse mihi tradidit Parens educandum apud nos.

Inde renavigans Anno 1569, in Molucum, atque rursus in Amboinum, non minorem tolerantia segetem à Mauris, quàm laborum habuit à Christianis. Legi sinè lachrymis non potest alia ejus in Lusitaniam epistola, quâ socios hortatur ad opem, quàm plurimi possent, celeriter ferendam tot miseris sacrum baptismi flagitantibus, & sacerdotum penuriâ in cæca errorum nocte tabescentibus: sibi dolore rumpi solere viscera, quod solus tot millibus sac esse suâ unius operâ non valeret, audirétque illos interim fletu fortem lamentis, & luctu inconsolabili querentes. Tetendisse ad auxilium manus Insulas octo, ad Amboini maximam pertinentes; Burros duos, majorem & minorem; Zeilanum, & non exiguo numero alias: ab se verò quid eis præstari tandem potuisse? cum in ea tantum, ex qua hæc scriberet Insula, non plus 20. leucarum ambitu, pagos numeraret 60. quorum plures capita censerent ad quinque millia; quibus ut aliquo modo satisfaciât, cibo sibi & somno tempus deesse. Fluxo erat & debili corpore, morbisque obnoxio: sed eorum sensum ægritudines obruebant alienæ, quibus gravius quàm suis frangebatur. *Adeste* (inquit, nostros Conimbricæ alloquens) *adest dilectissimi, neque vos aut metus, aut dubitatio moretur, nè fortè tot morbis & arumnis, quibus hæc assatim abundant Ora, imbecilles sitis & impares; subinstitit enim debilitati corporis & virium Divina Virtus. Experti loquimur; nam morbis sæpius redactos ad extrema, perperis verò circumfessos & pressos angustiis, eâ vi rescit Divina Bonitas, non modo æquo ut animo, quibus arctamur, miseris toleremus, sed optenuus etiam graviore. Inter hæc non rarò à Sarcenis Ethnicisque ad mortem questus, singulari DEI providentiâ ereptus est. Quodam tempore comprehensuri Patrem Barbari, montem, in quem Pater sese receperat, armato circum milite velut indagine cingunt, ut nullâ humanâ ope elabi posse videretur; sensim deinde progressi circulum coarctant, & in angustum quendam salebrosûmque tramitem proserpunt. Nullam jam evadendæ morti viam superesse advertit Mascarenia, præterquam per montis quoddam præcipitium, quod conscendere barbari uti non poterant, itâ defendere non curabant, cum satis suo situ fugam præpediret intercluso Patri. Qui tamen brevi prece invocato Deo, per illud ipsum præcipitium pronò corpore se devolvit, longumque postmodum iter per ignotas semitas tam vegetus*

confecit, ut seipsum mirari non desineret. Sed paulò post ad eadem rursùm à Gentilibus designatus, ad aliam sylvam profugit, hostilem in latibulis declinaturus rabiem; in qua ipsos octo dies nullo alio, quàm herbarum agrestium cibatu vitam sustentavit. Incurrerant in eum sæpè feroces Saraceni, Deo tamen oculos eorum excæcante, Patrem nunquam agnovère; feramque rati, præterierunt innoxium; ac tandem satifcentes, re infectâ, damnatòque consilio, domum se receperunt. Accedentes verò ad desertum post gravem tentationem & octiduanam inediam, velut de Cælo missi Angeli, Christiani indigenæ, ministrabant ei; atque ægrè pedibus ex debilitate consistentem, in manibus & brachijs ad sua domicilia deportabant, & ingenti charitatis significatione varijs fomentis vires ità integrabant, ut paucis post diebus ad opus Apostolicum periculorum securus rediret. Tandem post multos agones, & morte ipsâ graviora pericula, mortem inde hausit, unde alij salutem sibi propinquant. Nam Saraceni cùm aperto furore Patrem

è medio tollere nequirent, ad dolos conversi, potui venena miscuere; ut frigido veneno quem in vivente non poterant, fervidum lucrandarum animarum zelum unà cum vita extinguerent. Quod factum est Anno 1582. magno omnium Lusitanorum & Indigenarum dolore, qui eum diligebant ut communem Patrem, venerabantur tanquam Sanctum, audiebantque velut ex Spiritu Dei loquentem, quo conversiones animorum edebat admirandas. Equidem Ternate dum aliquando concionaretur, homo publicè sceleratus penitentie tam serià confixus est, ut ex pulpito descendens Mascarenæ genua complexus, ejus aurem supplex ad confessionem poposcerit: quam cum fletu peregit tam acerbo, & tam altis gemitibus, ut ab omnibus perciperetur.



P. RUDOLPHUS AQUAVIVA cum Socijs.

Paterno clarus sanguine Rudolphus, eodem in obsequium Christi profuso multò clarius, Patrem habuit Joannem Aquavivam Atriæ Ducem, Claudij Præpositi Generalis Societatis JESU fratrem germanum; Matrem verò Margaretam Piam Carpensam, Rudolphi Carpensis Cardinalis sororem; fratres germanos duos, Julium & Octavium, utrumque sacrâ purpurâ insignem. Jam inde à prima ætate indoles Virtutis aptissima in Rudolpho emicabat; cùm ægrotantes per Urbem incommittatus conquereret, blando alloquio in sordidis eorundem grabatis residens solaretur; mendicantibus detractis sibi vestes elargiretur. Orationi in ipsa pueritia mirè intentus, adeò totus in Deum absorberi consueverat, ut à Lucretia Palmeria Nobili Matrona aliquando in contemplatione deprehensus, apertis quidem oculis, sed sensus omnis expers esset, & neque voce compellatus, neque sæpius vestium tractu ad se revocatus, quidquam persentiret. Perolvebat autem orationem omnem genuflexus, ut tandem neque genua fuerint paria continuando labori, intumescere primùm eorum altero; quod vero Rudolphus contentionem nil remitteret,

etiam in periculosum ulcus turgente. Hisce Pietatis exercitijs occupato vilescebat caput sæculum, placere vita Religiosa, eaque potissimum in Societate JESU; eò prorsus tempore, quo Claudius Aquaviva Patruus, Rudolpho ignaro, relicta Pij V. Pontificis maximi Aula, cui Cubicularijs deserviebat, ad eandem Societatem, attonitâ ac stupente Curia, se adjuungebat. Neque vota sua coram domesticis ità pressit Rudolphus, ut non ex ejusdem moribus (quibus Patres nostros ad Ducem sæpius ex itinere divertentes exprimere studebat) facillè legerentur; unde & parvulus Jesuita passim ab aulicis audiebat. Inter hæc mater ejus Margareta morbo correpta diem clausit extremum: cui animam agentem Rudolphus Crucifixi effigiem manu tenens assidue astitit, ea suggerens, còque animi sensu, ut ab exercitio sacerdotis plura non requireres, Lacrymas non modo non fudit ipsè ob mortem matris sibi carissimæ, sed & alios ut à fletu abstinerent hortatus est, quòd perspectam matris virtutem spem certam facere diceret indeptæ jam beatitatis. Enimvero fuit illa Matronalibus abundè dotata virtutibus, ut non indigna videretur eo admirabilitatis suffragio, quo ad usque 36. post fata annum, cadaver ejus integrum pro-



P. Rudolphus Aqualiva Italus Ducis Atrivæ filius Soc. IESU. cum quatuor Socijs. profunde Christi in Indiâ crudeliter enectus. A. 1583. 15. Iulij.
C. Sereia del. Melchior Küell f.

prodigiôsè servatum est, neque capillo quidem adhuc dilapso. Matre ad hunc modum orbatus, Patre ultro seipsum orbare cogitabat Rudolphus: sed acriter illo desiderijs sanctis obistente, moræ impatiens, Domum Professorum Romæ accedit, verbis, gemitibus, lacrimis Provinciale, Adstantes, Generalémque Præpositum fatigans. ut se in Societatem recipere velint. At Patres ubi intellexère à Duce necdum potestatem Rudolpho factam, suaviter Juvenem hortati sunt, per aliquot præterea dies parentis resolutionem præstolaretur; ad quæ immobilis Rudolphus, cum ultra æqui bonique fines pietati paternæ se indulgissè, neque cunctationem se pati posse, lacrimabundus iteraret: subijciens Rodericius Provincialis:

Vide, inquit, nè fortè sensus iste non perinde, ac videtur tibi, sincerus sit, sed propterea Societatem ità desideres, quod Ritrinus tuus Claudius eum ingressus sit. Ad quæ veluti suboffensus Juvenis: Ammandate me, inquebat, in septentrionem, vel in quamlibet aliam remotissimam Regionem, modo recipiar in Societatem; paratus sum Tirocinij, & universæ vitæ tempus eo loco ponere, unde nulla sit spes unquam sive Claudium, sive alium quem è meis revivendi. His atque alijs ex magno & divino quodam spiritu responsis ità Patres inflexit, ut eum domo violenter exigere religioni duxerint. Missio itaque uno è Socijs, qui Ducem de filij proposito commoneret, Rudolphus vix sua capiens gaudia, Patri Alphonsò Ruiz Tironum Magistro traditur, ad S. Andreæ hospitij

nomina

nomine deducendus. Quò ut pervenit, dici non potest, quo animi & teneritudinis sensu novitios singulos complexus perfuderit, singulis etiam pedes excolaturus, nisi Magister vetuisset. Adest interim Præsul Julius frater natu major cum tristi nuncio, ad Parentem continuè redeundum esse, sic jubente Pontifice. Ea res cum declinari non posset, ut quàm mitissimè ageretur, Claudium mittit S. Borgia Generalis Præpositus ad Rudolphum, qui eum bono animo esse jubet, horteturque, ut Christi Vicario lubens obtemperet, Divinæ dispositioni felicem rei eventum committens. Jam ad Rudolphum rumor aliquis de adventu Fratris Julii, & adventus causa, pervolârat; & cum aliud non videret effugium, latebras quæsit, quibus tegeretur, dum turbo remitteretur. Sed reperit eum tandem latitantem Claudius, & mandata quæ ferebat exponit. Cui lacrimabundus Rudolphus: *Tu hoc loco si esses, inquit, rogo quid ageres? quid tibi animi esset? Tunc hac facta ut probare possis? Nil equidem ajo, respondit Claudius: nuncium ego duntaxat P. Generalis, & ejus jussu hortatorem ago.* Cum Rudolphus nihilominus obniteretur, à supervenientibus alijs januam versùs tractus est, miserabiliorem sese diutius, quàm si in latrones incidisset, cum hi vitam etiam animæ, quam latrones non possent, ereptum irent. Ad januam Præpositus Generalis cum alijs Patribus, & Præsul Julius Aquaviva cum aliquot Nobilibus operiebantur. Quos ubi Rudolphus conspexit: *Ecquid demum (inquit ex abrupto) tam malè meritis de vobis sum Domini, ut ita me insectemini? Per ego vos Deum testor, qui ad hanc me Religionem vocat, facessere mihi negotium desistite, & ejus in vos iram concitare.* Et quoniam Julius videbatur acriùs agere, adversùs illum Rudolphus iratior: *Númne hoc fratris, inquit, num Consanguinei, num facinus est amici ô Juli?* Præsul verò cuidam, qui hortabatur ut letus ac volens iret: *Nostim', inquit, Domine quid sit Religio? Nolles profectò tanto me spoliare bono, sed ipse tu quog, frui velles, si nosses.* Et quoniam incaluerat, cum admoneret Præpositus Borgia, ut missis verbis obedienter iret: *Pace tuâ Pater, inquit, haud equidem licere tibi reor eos ab Societate excludere, quos ad eam DEUS advocârit.* Ac respondente breviter rursus Borgia, iret, sic jubere Pontificem. *Ex ipso quoque, subjecit, si mecum loqueretur, Pontifice quærerem, si semper iternis fortè damnarer ignibus, erepturusne me inde ipse foret?* Tandem cum nulla Juvenem

expediendi via reliqua videretur, si suadendo hortandòque certaretur, sic eum vultu severiore Borgia compellat: *Cave sis fili, nè immoderato studio perditum eas id ipsum, quod tantopere tenere vis. Primas in hac Religione obtinuit semper propriæ voluntatis infractio. Quod si tu statim adeò difficilem te atque intrastabilem ipso in exordio præbes, parum habile ingenium ad eam te habere declaras.* His verbis quasi frigidâ perfusus, confestim obmutuit; utque testaretur se velut membrum Societatis ejusdem Præpositi imperia exequi incipere, in cursum fratris conscendit.

Ad paternas reducendum aedes candidatum nobilem multi acriter exagitârunt; præque alijs Avia ejus Cæcilia Ursina Comes Carpenfis; quæ dum preces blanditiæque omnes in cassum cadere vidit, eò demum descendit, ut suaderet alium Rudolpho Ordinem, in quem sacris honoribus pateret aditus, quibus olim auctus ad Ecclesiæ posset emolumenta prodire. Cui Rudolphus: *Domina, aeternum ego & irrevocabile divortium, non inducias & amicam dissidium cum saculo meditor; neque ad diverforium humilitatis, sed stabile ejusdem domicilium, qualem utique Societatem esse asseris, aspiro.* Alterius verò Matronæ nobilis, moleste præceptum obtemperandi parentibus oggerentis, loquacitatem, unicâ repressit interrogatione. *Domina, inquebat, ubi, & quamdiu studium conscientia questionibus navasti, quod tam scitè vim præceptorum DEI pernoveris?* Inter hæc Rudolphus, cujus anima deficiebat in atria Domini, opem sibi à Generali Præposito implorandam censuit, optato sanè eventu. Mox enim Claudius cum Joanne Polanco ad Pium V. Pontificem Maximum mittitur, qui significet Rudolphum sat jam superque probatum videri, neque ultra de constantia ambigendum esse. Dum hæc Præpositi nomine Pontifici proponit Claudius, Julius è contra Aquaviva Cardinalis nomine Parentis, eadem, quæ olim Parens ipse Pontifici obrudebat: *Inconsultum videri Rudolphi consilium, & ab egritudine quapiam, tristitiæ animi profectum.* At interfatus Beatus Pontifex: *haudquamquam à tristi & melancholico spiritu esse Religionis propositum, sed à bene tranquillo letoque, pronuntiavit.* Cæterum quoniam pauculos post dies Dux Romæ discessurus esset, indulgere se Patri dixerit, et simul eum Rudolphus interea loci maneret; simul verò atque Dux abiret, Rudolphum nemo ampliùs demoraretur. Ità demum in Ducis digressu bonâ ejusdem gratiâ, incredibili suo

suo solatio in Tirocinium receptus est 4. Non. Aprilis A. 1568.

Erat hoc ipso tempore Romano in Tirocinio B. Stanislaus Kostka, Rudolpho nostro planè geminus & germanus; sed illo consummato in brevi, partes ferè virtutis obeundæ Rudolphus obtinuit. Non lubet hic recensere ea virtutum singularum decora, quæ fusè in vita Patris commemorantur; illud universim attulisse sufficiat, quod plures cum Carolo Mastrillo accurato actionum Rudolphi observatore pronuntiârunt: eo in gradu virtutes in Rudolpho fuisse omnes, totus ut modestia, totus humilitas, totus charitas, totus denique virtus videretur. Sed non satis Rudolpho erat sibi bonum esse, nisi & alios bonos faceret, eos præsertim qui veræ Fidei expertes Orientales plagas incolunt. Hos ut invisere, & in sancto conatu vitam & sanguinem fundere sibi liceret, ardentissimè à Superioribus expetiit. Duo tamen faciebant, ut Everardus Borgiæ in Generalatu jam successor, quamvis singulari studio in earum gentium conversionem incumberet, Rudolphi tamen vota differret. Primò, quòd existimaret ejus talenta tanta esse, quæ Europæ plurimum prodesse, ad eoque hoc illi columnen non videretur subducendum. Deinde, quòd corpus invalidum, & labefactatas vires, Indiæ laboribus impares judicaret. Ferebat pacatè eam repulsam Rudolphus, addebat tamen nihil se dubitare, quin demum vota sua optatum essent finem habitura. Degebat id temporis in Collegij Romani servitijs Bernardinus Nursinus (is, qui postea Camillo Lellio, Ordinis Clericorum infirmis ministrantium, Institutori primus adhæsit) & jam eam habebat apud Patres opinionem sanctitatis, ut in dubijs, desperatisve rebus, precum ejus suffragia passim exposcerent. Rudolphus igitur cùm de Indica expeditione, ac propemodum de valetudine etiam conclamatum foret, Bernardini precibus suam necessitatem commendat. Is postquam rem ardentem cum DEO & DEIPARA egit, Rudolphum fortè obvium arctè complexus, bono animo ac certâ spe effe jubet, non tantum valetudinis recuperandæ, sed & Oceani tranandi, & quod optatissimum esset, sanguinis ibidem pro Christo fundendi. Ità sibi à Sanctissima DEI Genitrice significatum esse. Lætus eâ denunciatione Rudolphus; quà orando, quà corpus afflicto, Deum in sua vota trahebat; donec Everardus injectâ sibi divinitus (ut ajebat) luce, potestatem fe-

cisset in Indiam proficiscendi cum Nicolao Spinola, Michaële Rogerio, & Petro Berno, qui & ipsæ postmodum in odium fidei occisus est. Mox sub navigationis initia prope portum Ligurnum eâ jactati sunt tempestate, ut nautæ omnes desperatâ salute nudos sese in mare deicerent, universi natatu evasuri; quod idem Nicolaus Spinola natandi peritus faciendum sibi censuit. Reliqui cum Rudolpho natandi inexperti mortem quidem præstolabantur in navigio, votum tamen peregrinationis ad vicinam Matris DEI ædem concepère, si salvi litus tenerent. Ratum continuò votum fuit; tranquillatum mox mare, & Socij periculo defuncti, in novas servati sunt arumnas. In sinu enim Lugdunensi per septem continuos dies in perpetua mortis expectatione tantâ jactati fuère tempestate, ut navi pessimè quassatâ, ex cubiculo demigrandum foret sub tabulaturn, & inter equos, qui in Hispaniam eodem navigio vehebantur, stabulandum. Nec meliore usus est diversorio in alia navi, quâ Ulyssiponem appulit; de quo ipse ità inter alia scripsit ad Michaëlem Lauretanum: *Diversorium meum, inquit, in navi, tametsi mihi nunc carcer, nunc sepulchrum videtur, duos pedes latum, totidem altum, ut neque flexis genibus stare liceat, neque orare, nisi sedenti aut prostrato; tamen lætor in ijs quæ dicta sunt mihi, in domum Domini ibimus; & quia conformor Crucis Domini. In literis verò ad Everardum fusè datis, ità de se scribit: Atque in hac provincia ità acquiesco, ac voluptatem tantam experior, ut equidem vocationem meam nè cum toto quidem terrarum orbe mutârim. Didi enim jam nunc aliud esse servire DEO inter arumnas, ac citra eas; quasque homines in conclavi suo orantes, & procul ab occasione eas exercendi positi, existimant sibi adesse virtutes, eas sæpenumero umbras potius, quam virtutes esse.*

Præstolabantur Ulyssipone adventantes ex Italia Socios alij decem in eam profectio-nem designati, quibus adjunctus cum reliquis tribus Rudolphus, pridie Annunciationis anno 1578. in altum provectus, pridie Exaltationis Sanctæ Crucis Goam pervenit. Ubi ad sextum Calendas Novembris prima Rudolpho obtigit baptismi conferendi occasio. Viginti homines post meridiem privativam ab eo sacris undis aspersi sunt, sed memorabili prorsus eventu. Erat enim ex eo numero vir ævo gravis, qui cùm Mahometem sequeretur, Goam nuper nullius suafu aut monitu venerat; instabatque, ut quàm citissimè baptismi initiaretur, quòd nescire

se diceret, quantum sibi restaret usuræ lucis. Ecce autem prædestinationis Divinæ insigne documentum! protinus à baptismo narium vena ita illi solvitur, ut nullâ ope proficiente, cum immensa copia sanguinis supremum ediderit spiritum, Deo primitias Rudolphi Indicas ita honorante. Aperuit Deus paulò post Rudolpho latum patientiæ, laborumque campum apud Mogores; quorum Rex Echebar nomine, inter Orientales maximus, magnum Tamberlanum octavo gradu contingens, missis per legatum literis Regijs, duos è Societate Patres ad se mitti postulabat, quarum tenor hic erat. *Ad Patrem præcipuum, in nomine Domini. Litera Salaladini Mahometi Echebarisæ, Regis manu DEI constituti. Patres Collegij S. Pauli primores, scitote me vobis valde benevolum esse. Mitto istuc Ebadolum Legatum meum, & Dominicum Petrium (erat is Christianus interpres, natione Armenus) petitum, ad me duos ut Patres doctos mittatis, librosque legis, & nominatim Evangelium; ut legem ejusque perfectionem cognoscam. Aveo enim eam nosse. Oro igitur omnino veniant cum iisdem Legatis, & libros Legis afferant. Sciântque Patres qui venerint, me eos excepturum quàm benevolissimè, & gratissimè habiturum, &c.* Exarsit inter Socios generosa cupiditas & modestissima contentio, dum sibi quilibet gloriosum laborem deposceret: tandem omnium ferè suffragijs Rudolphus ad eum deligitur, & comites duo item sacerdotes, Antonius Monferratus Catalaunus, & Franciscus Henricius Persa, genere Mahometanus, sed optimus Christi cultor, idemque Persicè doctus, quâ linguâ Mogorum Nobilitas utitur. Discesserant ingenti gaudio paulò post medium Novembrem, quos interim Rex in Urbe ab se condita, cui nomen Fatepurum, adeò cupidè expectabat, ut præcognito eorum Goâ discessu, dies itineris numeraret, disponens suâ opinione mansiones. Cùmque paulò lentius ob valetudinem Monferrati procederent, relinquendus is erat in Urbe Narvaria, sex dierum intervallo à Fatepuro distita, quòd Rex per nuncios iter accelerari juberet. Nec minor in adventu fuit lætitia, quàm sollicitudo fuerat in expectatione. Ut primum advectos cognovit Rex, edidit mandata, ut ad se prius, quàm compellerent quemquam mortalium, deducerentur. Qui cùm venissent, omni honore acceptos per insignem benignitatem, multis diversisque in multam noctem interrogationibus tenuit. Tum jussit hospitaliter accipi, & ingentem vim pecuniæ afferri, quâ ute-

rentur arbitrio suo. Sed Rudolphus eâ omni cum liberali gratiarum actione remissâ, causam breviter adjecit, Religiosos ipsos esse, id est, homines qui ultro abdicatâ rei pecuniariæ possessione, devotæ Deo paupertate, necessarijs vitæ contenti essent. Eam Rex professionem plurimum apud suos ac sæpius commendavit; deditque eos alendi negotium Domino Petrio; ex quo Patres tantum præcisè admittebant, quantum vitæ tenuiter tolerandæ satis foret.

Rex erat ætate circiter quadragenarius, oris colore non admodum Europæis absimili, ingenio sagaci & magno, Christianis ita favens, ut etiam quosdam desertores impios, ad regressum pecuniâ & beneficijs invitârit. Attulerant Patres, quòd ipse sacros libros postulâset, Regia quatuor linguarum Biblia, septem compactâ Tomis, opere elegantique magnifico, ei donanda. Quos ubi primum obtulerunt, ea Echebar singula assumens volumina, detracto capitis integumento, nudo vertici reverenter imposuit, & osculatus est: percontatus nominatim quod esset Evangelium, præcipueque veneratus, suum in conclave omnia magnâ curâ recondi jussit. Sub hæc, quò tranquillitati Patrum confuleret, iisdemque sui copiam expeditiùs faceret, semotum intrâ septa Regia domicilium attribuit. Qui cùm ibi Sacellum continuo ingenti nitore cultique, quàm id loci fas fuit, exornâssent, id ultro Regi visere libuit. Proposita erat in ara Sanctissimæ Deiparentis imago, ex ea expressa, quæ Romæ in Exquilina Basilica colitur. Rex ita pedem in Sacellum intulit, & in sacram effigiem defixit obtutum, Majestatem admirans, & Religione perfusus, primò Mahometanorum more stans, cervice, humerisque profundè incurvatus; deinde more Christianorum, nudo vertice, flexo genu, manibus junctis; tum ritu Ethnico humi toto prostratus corpore, adoravit: adijiciens Majestatem Numinis dignam, quæ gentium cunctarum ritibus adoraretur. Inter hæc nullum Rex omittebat erga Patres genus benignitatis; ut ipsum adeò Monferratum, cùm adhuc languens fuisset advectus, & ab suis curari medicis jusserit perdiligenter, & eum ipsemet inviserit sæpius, summæque comitate studuerit consolari.

His officijs eò magis Patres delectabantur, quòd ad excipiendam salutis doctrinam non alienam indolem indicarent. Sed ultra ea vix quidquam Echebar progressus est. Cognoscendæ Christianorum legi, postulatu

Rudol-

Rudolphi, diem certum destinavit, cujusque hebdomada Sabbathum; quòque liquidius rem cognosceret, disputationem instituit eruditissimis Mahometanorum advocatis, quos Mulassos vocat; qui tertio congressu ita revicti sunt, ut profiterentur ultro, nihil restare sibi quod contrà asferrent; neque jam cum Rudolpho, sed inter sese, in alias alij distracti sententias concertarent, non sine admiratione perpetuè inter Patres concordia. Omitto quibus de rebus disceptatum sit, satis habeo indicare successum: qui is fuit, ut Rex jam non obscurè stomacharetur ineptias Alcorani, easque identidem Mulassis ad inurendum dolorem obiectaret. At Mulassi, pars assentiri propè palam, maximèque Abdulfasil Regiorum sacerdotum Antistes ac princeps; alij leviter repugnare, plerique tremere, irà odioque disrumpi, denique cum nulla laqueos exuendi via suppetere, miracula postulare. Fuit quin etiam eorum de grege profundè quispiam improbitatis, qui sumpto ab audacià ostentatione consilio, sive medicamentis fretus ac veneficijs, sive ubi ad rem veniretur, per artem & fucum elusurus certamen, fieri periculum vellet, ut Rudolphus cum Evangelio, ipse cum Alcorano ardentem insilirent in rogum, & cui flamma pepercisset, ejus lex prodigij sancita suffragio, pro vera susciperetur. Quæ temeraria, seu fraudulenta provocatio, egregiam Rudolpho materiam præbuit animi sui præstantissima decora expromendi; tria precipuè, maximam Fidem, maximam obedientiam, maximam fortitudinem. Etenim ubi primum ignis mentionem Mulassis fecit, Rudolphus ut ardebat Fide, siæstum sequeretur animi sui, in conditionem lætissimus ferebatur, certus eam, quam tueretur, veritatem affici damno nequaquam posse; & adesse causam rebatur idoneam dandæ in conspectu Fidei, nè tergiversatio in Religionis contemptum acciperetur. Verùm cum & Socij deterrent, & ipse ad Sapientum decreta in conspectu Domini rem examinasset; facile intellexit, manifestam esse Dei tentationem Evidentibus enim rationibus Mahometicam vanitatem redargui, ipsosque factis Mulassos, & Regem vidisse, nihil in ea solidum, nihil nisi turpissimum, atque adeò constatam varijs è sectis colluviem, corrivatis undique quæ corpori blandirentur, & quàm simillimos belluis homines facerent, inveniri. Nullis igitur opus esse prodigijs, imò, nè si fierent quidem, valitura apud eos, qui ad lucem rationis idcirco caligant, quia

divelli suis à libidinibus ultro nolint. Hæc atque alia istiusmodi cum Rudolpho & suggererentur à Socijs, & ipsi succurrerent; non ille tamen magis mentem subjecit rationibus, quàm voluntatem obsequio, nè suam potius tanta in re, quàm alienam secutus sententiam videretur. Verùm enim verò cum illum ea vehementer cura coqueret, nè per eam detredationem splendor aliquando sanctissimæ Legis apud Barbaros infusceretur; dum versat animo, quid consilij sequendum foret, vide quàm mirabilem invenit viam non sustinendæ modò, sed etiam decorandæ dignitatis Christianæ. Quod tantopere semper expetiverat, venisse tempus arbitratus est, nobile Martyrium & voce faciendi & sanguine. Maledicere palam Mahometo decrevit, & asperius quàm consuevit exagitare Mulassos; ut quoniam capitali supplicio Mahometani facinus illud sine mora vindicaret, intelligerent omnes, nequaquam se metu mortis periculum ignis reculare, qui ad certam se mortem ita ultro ac volens offerret. Ergo post multas preces ad Deum, ut sacrificium suum in odorem dignaretur suavitatis accipere, plenus animi Divinæque fiduciæ, in Mulassorum & Procerum corona, sedente in medio Rege, in hanc sententiam prolocutus est. *Igneus ego, Rex (testis est Deus, in cujus conspectu esto) pro veritate Christianæ legis non reformidos; jube rogam accendi: in eum me jube vicum dimitti in testimonium Christi JESU: non parco, non recuso; amo, exopto. Atque in causa desit, capitale est apud vos, qui secus de Mahometo loquatur: ajo Mahometum falsum Prophetam esse; Anti-Christum esse; mendacem & fraudulentum esse. ajo Christum JESUM Filium esse DEI vivi; neque aliud nomen hominibus datum esse sub Cælo, in quo speranda sit salus. In hujus testimonium professionis vel igne me, vel ferro, vel quâ lubet nece mactato. At tentare Deum nefas est, neque opus miraculis firmare Fidem, quam ratio manifesta evincit.* Satisfecit Regi oratio, quanquam non omnes in partes; adeò miri alicujus spectaculi, quemadmodum olim Herodi, libido exarserat.

Paucis diebus intermissis, nunciari Rudolpho jubet, Mulassum jactatorem illum esse hominem sceleratum, & supremo supplicio dignum, seque cupere conflagramentem videre; ut quando apud plebem ejus scelerum ignaram nonnulla in veneratione esset, ita redactus in cineres, absque invidia sua poenas daret. Itaque conditionem ignis intrandi verbo Rudolphus acciperet; curatu-

rum se, ut prior ille ingrederetur, quia provocaverit; eoque combusto, ne sineretur Rudolphus intrare prohibitum. Hoc Pater accepto nuncio, confestim ad Regem properat, declaratque sibi nequaquam licere necis cuiuspiam participem fieri. Et ille, *non id peto, inquit, ut in uocem consentias: sed ut conditionem accipere te imules.* Id quoque cum sibi licere Pater negaret, institit, ut nutu saltem consentiret; at, cum eo loco nihil à voce distare nutum, esset responsum; subiiecit, *denique satis habeo, ut presens intersis, tantus licet atque immotus; rem ego proponam, perficiamque.* Tum Rudolphus: *ne erres, ô Rex; nihil est quod intersum, si nihil in me possit inde referri; sin autem presentiam meam populus pro consensu accepturus sit, non patiar, sed publice proclamabo, testaborque dissensum.* Hinc disce quàm pura sit, quàm simplex, & sancta Christi Filij DEI Religio. Simulationes istas & involucra non recipit. Ut ipsa vera est, ita quidquid fictum ac subdolum est, odit & vindicat. Itaque tibi auctor sum, ut si quâ penâ Mulassum suas ob noxas plectere vis, lege in eum agas, & causam supplicij vulgus intelligat. Denique Christianorum si iurat experiri constantiam, me in ignem immitte. Quod attinet ad miracula, tum fuerit opportunum de ijs agi, cum Mulassi ostenderint in rationibus nostris haud satis esse firmitatis. Quamdiu illa stabunt, nò alia querant. Vias insuetas tentare, dum trita notæque patent, superbum ac temerarium est. Hæc fortissimus Christi Præco liberè modestèque, & sapienter dixit: ut ingentem à Corona plausum retulerit, & Regis vel curiosam miraculorum aviditatem, vel molestam flagitationem represserit.

Cæterum non satis noverat Rudolphus Regis animum, & erga Sanctam Fidem propensionem, cum in Aula nihil constaret magis, quàm non Mahometanum. non Ethnicum, non Christianum Regem esse. Exhibebat ille quidem Patribus benivolentiam, sed in rebus Fidei inconstanter se habebat; ut qui centum concubinarum illecebris implicatus, in ludicra opera & spectacula abreptus, cogitationes divinitus iniectas continuo & velut in semine suffocaret. Super omnia adversabatur salutem hominis vancors superbia. Volebat sibi Augustissimæ Triados, nec non Incarnationis mysterium ita demonstrari, ut id suâ intelligentiâ comprehenderet. Explicabat utrumque Rudolphus aptissimis symbolis, ut vel ipsi faterentur Mulassi, sic explicata continere dignam Deo Majestatem, neque valeret repugnare Rex:

sed eodem tamen hærebat in nodo, & obtentum querere videbatur suæ perfidiæ. Fecerat quidem potestatem subditis, qui vellent, Christiana sacra suscipiendi; sed rogatus, ut voluntatem suam Regio diplomate testaretur, pertinaciter abnuvit, suam affirmans ab unde vocem esse: quo factum est, ut diffidentibus populis, ea potestas nullum haberet usum. Illud tamen videri potuit ingens rectæ mentis argumentum, quod tribus è filiis natu secundum, Barhium nomine, Monferrato tradiderit Lusitanicè loqui & scribere edocendum, imbuendumque etiam, si vellet, Christianâ Fide. Itaque perplexis Patribus, nec quid consilij capere, nec quid sperare oporteret, uspiam affulgebat; ut proinde docendus fuerit per literas Provincialis de toto Mogorum statu à Rudolpho exaratas. Adidit & alias ad Nunnium Rodericum Goanum Rectorem, quas hic subnecto, ut sanctissimi ejus animi species penitus intelligatur.

Ex literis, inquit, ad P. Provincialem scriptis, quæ inter nos domi, quæque foris cum Rege sunt gesta, cognosces. In his tecum, nonpe cum Patre Spirituali, solummodo agam de me. Optimè vòsti, quantum expetiverim hanc provinciam, & quantâ exultaverim latitiâ, cum missus in eam sum. Sicut audioimus, sic vidimus. Ad id quod optabam perveni, id est, ut testificarer coram Regibus, & Principibus hujus Mundi nomen Domini Jesu Christi, cum se præmium inde reportandi mortem, quam sacriliter in conspectu Domini pretiosam appellant. At scito Pater, non paucos esse hoc loco, qui hujusmodi mortem cupiunt: verum abest tantum à nobis, quantum Rex abest à funere. Interim dum illa differtur, non deest materia erumnarum intestinalium & externarum, ut interdum tedeat me etiam vivere: placuitque Authori expeditionis hujus Deo mihi porrigere calicem, non enim qui inebrians dicitur, sed illum alterum, qui vini meri plenus misto. Cæterum nondum usque ad sanguinem restitimus. Ità tamen simul consolatione abundo, ut si ad meam hanc voluptatem accederes, ut liberarer ab onere hujus qualiscunque Præfecturæ, quod Sancta Obedientia mihi supra vires meas imposuit, totumque in Socium meum rejiceretur, tum verò impleveretur gaudium meum, ac superabundaret; si tamen esse gaudium potest in medio nationis prave, ubi nihil nisi peccata vident oculi nostri; ubi aures nihil audiunt, nisi terribilium, ac fœdissimum Mahometi nomen. Nihil Pater (sensus scribo) nihil hunc aërem personat, nisi illud diabolicum nomen: nec ferè unquam suavissimum

IESU nomen ad aures nostras accidit. Namque Mahometani, si quando appellant, solum nominant IESUS Propheta, Deique Filium negant. Atqui ego talem IESUM non novi, nec scio dicere, nisi IESUS Filius DEI: idque si interdum lingua ipsa multum pronuncio, ac volo satiari dicens, Christus IESUS Filius DEI, tunc refricatur mihi pena & afflictio spiritus, quod ille, apage inquit; alius aures obturat; illi irrident; ki execrantur. Ubi verò me domum recepi, cupio ut ipsi parietes, & pauca illa Christianorum animae, quae velut in Arca Noë nobiscum sunt, undique ingeminant acclamantque, Filius DEI; sed respondere mihi videntur, quomodo cantabimus canticum Domini in terra aliena? Cum Regem allocuturi, atque ad salutem subleaturi adimus, occupat homines invenimus in precationibus illis fuisse, quas Mahometani tantà sedulitate modestiaque, ac reverentia simulatione exequentur, ut mirum sit; cogniturque oculis nostris illorum videre dealbatorum abominationem sepulchrorum. Denique totum hic Mahometus est; hic Anti-Christus pollet in hac gente; ad tartareum huius bellae honorem flectunt genua, prosterunt corpora, nutus attollunt, elemosynas erogant, faciunt omnia: nobisque libertatem vocis non licet exercere, ne vitam Regis in periculum adducamus. Itaque mori non licet; nec tamen vivimus, quia tabescere nos fecit zelus noster, solamque spe vivimus, eaque incerta, quae nunquam ad malum potius, quam ad bona vergit. Quod si spes nostra similis esset spei animarum Purgatorii, item similis consolatio esset. Nunc autem eam certam est, cum securae expectatione boni eis promissi; nostra planè habet incertum eventum, quod quidem ad conversionem Regis pertinet. Nam alioqui Deus eum sensum infundit cordibus nostris, ut labores in conspectu Misericordiae eius nihilominus acceptos confidamus esse, quam si exitum sortirentur: quia scrutator cordium & renum est DEUS. Hac cogitatio facit interdum, ut mihi similiter atque Patriarchae olim Jacob, dies hi pauci videantur pra amoris magnitudine, cum dies ac noctes laboremus in re tanti DEI obsequij, quantum est Fidem eius in gentibus barbaris ferere, tanto cum vita nostrae discrimine. Atque hac altera est causa consolationis nostrae, quod eo loco versamur, qui quondam nobis necessitatem imponit, quotidie vias nostras in mortem offerendi; quem statum videtur mihi debere quivis germanus Societatis filius invidere nobis; quia maiorem charitatem nemo habet, quam ut animam suam ponat quæ amicis suis. Et quoniam charitatem in nobis ita magnam non agnoscimus, quod nondum usque ad sanguinem resitimus; tamen eo loco sumus, ubi

propius est, ut hanc quoque DEUS nobis concedat. Ac proinde precor te, Pater, qui me semper amasti, ut adjuves me ad gratias agendas de beneficio tanto. Et quoniam de charitate est sermo, quàm nihil est dulcius, ne ab ejus te suavitute distrabam, in ea finem dicendi faciam, tuis me Sacrificijs & orationibus ex animo commendans. Fatepuro 4. Id. Septembr. 1580. Millionis exitu tam incerto Provincialis ex literis cognito, revocandos existimavit. At Rex uni Francisco Henricio potestatem abundi fecit, reliquos duos negavit cum bona sua gratia abituros.

Interim arma in Regem germanus ejus frater, qui Regnum Chabul citra Indum, possederat, corripuit, junctis sibi Bengalenfibus, qui paulò antè rebellaverant, eam defectioni prae-textentes causam, quod Rex Religionem mutare vellet; ut idcirco Rex five dissimulandi causâ, five revera aliorum, aliquamdiu pristinae in Patres benevolentiae significationem intermitteret. Jam verò cum adversus fratrem ingentes copias Rex ipse produceret, castra sequi Rudolphus statuit, ut salutis Regiae momenta captaret omnia, & occasionebus immineret. At Rex satis fore dixit; si Monasterium, ne filij quem secum ducebat, profectus in literis retardaretur, secum iret. Fatepuri igitur relictus Rudolphus vitam planè caelestem ducere orsus est, ut etiam barbaros in sui rapere admirationem, qui saepius ad osium cubiculi adreptabant, dum corpus flagris malè exciperet, Ipse Regis filius natu maximo strepitu ingenti verberum noctu exaudito, è conclavi proficiens, ad cubiculum Rudolphi, sonitu flagelli sequens, accessit: cumque Pater finem pulsandi fecisset, ingressus dissimulanter, pavimento sanguine conspersum conspiciens, quid egisset interrogabat; rem totam leni risu, & gratâ interpretatione regente Rudolpho. At Regulo sic ejus facti species inhæsit, ut post annos multos venerans, celebransque tantæ virtutis memoriam, coram Patre Hieronymo Xaverio exclamaret: *O virum! ô qualis erat iste vir!* Nactus etiam per Regis absentiam plus otij Rudolphus, illud limandæ linguae Persicae, excogitandisque argumentis, quibus infamiam Mahometi quàm clarissimè refelleret, impendebat. Quo in studio ita profecit, ut totum Alcoranum egregiè calleret, & locos sibi invicem repugnantes haberet promptissimos; Mulassis vehementer mirantibus, qui defensionem ne attentare quidem jam audebant. Sed nequiverat Rex diutinum ferre

Viri

Viri desiderium, ac propterea profligato celeriter bello, ad sese cum accessit in castra, tamque honorificè & amanter adventantem excepit, ut Aulici tantam sui Principis indulgentiam admirandi nullum facerent finem. Porrò Rudolphus ut tantis gratijs redderet talionem, omnibus artibus salutem Regis procurare studuit: ipsum adeò Regem induxit ut jejunaret, jejunioque flecteret Patrem luminum, ad enlargiendum sibi verè fidei lumen. Sed barbarus cibo abstinens, potione quâdam ad mentis usque stuporem se interim ingurgitabat: itaque hærens in cæno, vitâ aternâ indignum se reddebat.

Erat per id tempus solus jam apud Mogores Rudolphus, nam Rex Patrem Monferatum Legatis suis adjunxerat, quos ad Philippum II. Hispaniæ Regem (ad quem tunc mortuo Henrico Cardinale universa Lusitanorum ditio pervenerat) ad Summum itidem Pontificem, & Generalem Societatis Præpositum officiosis literis instrudos, expeditivit. Goam ubi Monferratus pervenit, fusiùsque exposuit instructuosam videri nostrorum in Mogore stationem; statuit Provincialis etiam Rudolphum inde evocare, datis ad Regem literis, in quibus ostendebat Rudolphum maximè idoneū fore Legatis in Europam comitem: addidit & alias ad Rudolphū, quibus jubebat, ut omnimode se à Rege expediret, redirète in Indiam. At Rex urgenti abitu Rudolpho ita respondit: *Ego te plurimum diligo, & consuetudine tuâ plurimum delector. Quod pertinet ad veritatem Divinæ Legis, ita sum animatus, ut eam ex quocunque quamvis vilissimo homine, si cognoverim, sine mora sum suscepturum. Cæterum nemo unus omnium existit nunquam cujusvis discipline, ex quo tam multa, quas satis mihi facerent cognoverim, quam ex te. Abire si placet, ego vim tibi non inferam, cum bona tamen venia & voluntate nunquam abibis. Denique peccatum hoc, si me destitueris, tunc in caput sit.* Reposuit Rudolphus: Regem à Patribus non deferendum, sed suo tempore alios viros optimos & doctissimos submittendos; proptereaque se neque libros, neque sacram suppellectilem asportaturum. Nihil tamen de proposito suo remittebat Rex; id unum repetens: se quidem eum nolle per vim tenere, invitissimo tamen se abiturum. Perstitit nihilominus in obediendi studio Rudolphus, seque ad professionem comparavit. Tum Rex, ubi eum advertit animum planè obfirmasse ad abitum, sacramento primum adiecit, ut sponderet reditum, quantum in se foret, ad Mogores. Deinde accipere jussit

quidquid in Regno suo arderet, professus nunquam passurum se, ut abiret in donatus. Rudolphus ut morem Principi gereret, Moscovitam Christianum, qui cum Polona conjugè, & parvulis duobus liberis Regi captivus serviebat, sibi dari postulavit, & cum ijs Goam reversus est sub initia Maij, post quatuor annorum in Mogore commorationem, ingenti Sociorum gaudio, qui se Rudolphum inter homines vivum visuros desperaverant. At Rudolpho hærebant infixus animo dolor, amissi ut rebatur per eam revocationem Martyrij, quæ ipse Monferrato & Henrico Mogoricæ expeditionis comitibus, cum in Indias nuncios obitæ ab Edmundo Campiano, & Alexandro Brianto in Anglia gloriose mortis perlati esset, talibus verbis deplorabat: *Illi, illi sunt viri; nos verò indigni tam beatâ sorte hominū.*

Cæterum paulò post Deus viro Martyrij sitientissimo occasione fundendi sanguinis suppeditavit in Salfettis. Deerat sub id tempus Nallertano Collegio Rector; cui muneri opportunissimum visum est Roderico Vincentio Provinciali substituere Rudolphū, cujus virtutē sapientiāque omnes & admirabantur, & vitâ, quæ jam tum manuscripta circumferebatur, S. Xaverij. Expetebant interim Neo-Rectorem avidè Salfettani Socij, inque ejus adventum renovationem votorum distulerant. Quâ Cortallini peractâ, capit Rudolphus domicilia Sociorum & Ecclesias omnes circumire, ipsos adeò Ethnicorum pagos, quos paulò antè Idolorum everfio acridus in Christianos irritarat. Quin & oculos in Coculinum conjecit, statuitque opidum invisere, fundamenta sacre adis inibi positurus. Vix itaque dies Dominicus illuxit, qui fuit pridie Idus Julij, cum Rudolphus & Paciecus in Arce Ravioli, aliique in alijs sedibus rem Divinam fecere, dixeretque ad populum pro concione, & omnes sub vesperam in pagum Orliensem convenere. Inde Antonius Franciscus unus Sociorum scribit ad Coculini primarios, Rectorem postredie cum alijs Patribus eò venturum; rogare se præterea, dent operam, ut universi convenient, habere se quæ unâ cum illis, salutis ipsorum causâ, communicet. Rescripsit ad eas literas è Principibus unus, se quidem malis domesticis impeditos (extiterat enim inter eos ex primarij viri eade dissen-

fit) convenire minùs commodè posse, ac prodignitate Patres excipere. Si tamen oppidum liberet inspicere, id ipsorum commodò fieri licere. Hisce nuncijs Barbarorum excitata perfidia; continuò inter se deliberant quemadmodum Patres Deorum suorum evertores, suæ legis irrisores, pessimis supplicijs dis cruciatos interimant. Nostri Idibus Julij, quo die P. Ignatij Azevedij, & Sociorum ejus obitum heroicam necem Goani Socij piè recolebant, suo quisque Sacro peracto, adulto valde jam die, sui ignari discriminis, Coculinum rectà contendunt. Erant omnino de Societate quinque, Rudolphus Aquaviva, Alphonfus Paciecus, Antonius Franciscus, Petrus Berna, Sacerdotes; & Franciscus Aranea ad opera manùs adjutor; qui cùm reparandis, cæmentoque adversus Barbarorum injurias ædificandis præfesset ædibus in Salfetis, eundem maximè ad usum Coculinum, cùm locus ædi sacræ capiendus foret, ducebatur. Prosequebantur nostros Christiani propemodum quinquaginta, Lusitanique eo in numero duo: cùmque primos Coculini aditus attigissent, nemòque obviam prodiret, placuit primarium quendam virum accersere, qui apud suos plurimum auctoritate valebat. Is ubi accessit, & causas, cur nemo adversum procederet attulit, abeundi veniam confestim petijt. Nostri ut maneret cùm exorare non possent, quòd is occupationes nescio quas prætenderet, hominem dimiserunt. Is ubi discessit, omnium advertit aures & oculos clamor horrificus, Ariolos erat, sinè quo isti nihil moliantur, qui seminarum & puerorum in corona magnis stridoribus clamores edebat, & insanà totius corporis jactatione pulverem in aërem spargebat; nec quid diceret satùs perspicuum erat, nisi illud; advenisse jam tempus, quo violatum ulcisci Numen Idolorum oporteret, injuriàsque eas, quæ quotidie inferebantur à Patribus, vindicare. Sub hæc paratum jam sibi tugurium Patres intrant; Crucem in fastigio statuunt, & paulisper quiescunt. Nemo paganorum apparet. Mox quidam conspecti commeantes ultrò citròque, & oculos exploratum modò in tugurium desigentes, captantèsque aure suspensà Patrum sermones. Qui cùm audissent de ædificanda æde sacra agitari, jamque positam Crucem animadvertissent, è vestigio evanescent. Ultrò accersitis duobus è primis, qui degebant in vicinia, alter tantum venit, cui Calugus Naïque nomen erat; interrogatusque quid ità principes pagi non adessent,

solemnia benevolentiae argumenta præbituri; deinde, quid inconditi sibi vellent venefici clamores? Respondit perfrigidè, domesticis populum conflictari discordijs: Magum, Idolorum jussu, concire multitudinem adversus Patres; verum jam sese rem totam disturbasse. Hæc Alphonfus Paciecus cùm audisset, hominem ad Rudolphum adducit, qui paululùm ad canonicas precatationes à cætu secesserat. Mirà ille hominem comitate complexus, offert operam suam ad dissensiones tollendas. Vilis est Barbarus probare ille quidem consilium, sed nihil ab se, ignaris fratribus, statui posse cautos, abcessit. Etiamnum resonabant dira carmina, horrendusque venefici ululatus; quæ quò diutiùs advenarum aures verberabant, eò certius ipsi norant contra se fundi. Et quanquam vitam suam in DEI potestate positam esse meminerant, tamen horrore quodam sensim perfundebantur; atque adeò sinè cunctatione retrò abiissent, nisi subito imbre, allatisque eodem tempore cibarijs, reficiendas tantisper vires, dum deplueret, censuissent. Guratis raptim pièque corporibus, dum quidam de comitatu, quòd allata domum annona multitudini minimè sufficisset, ad quidpiam coëmendum in pagum ingressi, expectantur, Patrèsque interim jamjam profecturi, de aptando sacræ ædi situ sermonem conferunt, locumque describunt; ecce tibi clamor affertur ingens ex ea parte, quà primarij Pagodi ruinæ in proximo stabant; & qui expectabantur Christiani, fugientes apparent, eosque insectans globus ingens Ethnicorum, hastas, gladiosque vibrantium, & sagittas aptantium arcubus, magnòque fremitu ingeminantium; *Macta veneficos, macta patriæ nostræ perturbatores.* Omisà dein insectatione fugientium, intendunt cursum ad Patres. Continuò Christiani Orlienses obviam inermes, ut erant, progressi, admonere etiam atque etiam, precari, obtestarique, nè Patres innoxios, tamque ipsis benevolos violarent. Illi contrà nihil pensi eorum habitis consilijs, tela expedire. Lusitanus Regius Scriba scolopeto instructus, se ferebat adversum, speciem præbens vim vi repulsuri. Sed Paciecus hominem reprehendens: *Abstine*, inquit, *non enim ad bellum venimus*; pergensque in occursum furentium, brachijs tanquam ad complexum expansis, quiescere, ac securos jubebat esse. Inter hæc nova turba ex ea parte, quà Patribus retro iter capefendum erat, cum insecto clamore, velut ex insidijs dato signo coortitur.

Præbant robusti duo Barbari, feroces juven-
tâ, nudi corpora, ore truci, sparso & incondi-
to erine; multitudo ingens sequebatur. Hi
priores in eum locum, ubi Patres constite-
rant, cursu delati, quis inter eos præsit, inter-
rogant. Rudolphus in re subita constans
animo, equum ad fugam sibi expeditum à
Christiano, quo utebatur interprete, obla-
tum repudiare, Sociorum cuicumque eum se
concedere dicere; hortari suos ad subeundam
fortiter pro Christo mortem, quæ omni pro-
fectû vitæ anteferenda sit; eam tantopere ex-
petitam, & tam diuturnâ peregrinatione
quæsitam, ecce jam esse in manu, eam non
modò non dubitanter, sed etiam ardentem ex-
ciperent. Inter hæc verba adfuit illico ho-
stium manus, & ab Rudolpho ipso cædis fe-
cit initium. Huic poplites primò succidit
ingenti plagâ: quo ille vulnere procumbens
in genua, oculis in cælum intentis, diductâ-
que suis ipse manibus veste, nudam præbuit
hostili ferro cervicem. Sed nè id quidem
ad leniendam carnificis crudelitatem satis
fuit. In eas ipsas cervices, quas Christi pu-
gil nudarat, impresso mucrone, duas illi
graves mortiferasque plagas imposuit. Huic
immanis scenæ secundo actui præcludere jam
olim Rudolphus persæpe visus est, cùm inter
precandum exardescens, dissimulatâ veste,
nudatâque collo, perinde quasi jam tum fe-
riendus foret, exclamaret in cælum: *Para-
tum cor meum DEUS, & paratum collum
meum, Deus cordis mei!* Ad has plagas ac-
cessit nova, quæ humerum à reliquo corpore
penè discerpfit; & ad extremum jaculi vul-
nus in pectore; quibus vulneribus animam
suo edidit Procreatori. Supremis autem vo-
cibus dixisse memoratur, ut esset suo Domi-
no usquequaque per similis: *Ignosce illis, Do-
mine!* atque addidisse: *S. Xaveri, ora Deum
pro me! Domine JESU accipe Spiritum meum!*
& hoc ubi tertio repetiverat, expirasse. At-
que huc Rudolphum sua Virtus provexit,
quò tanto semper ardore contenderat. Ni-
hil enim adeò, cùm ex Regno Mogoris re-
vertit, querebatur, quàm quòd medios inter
hostes nunquam sibi fors similis obtigisset.

Proximè Rudolphum, ac penè eodem
tempore, invasere Franciscum Araneam,
quem gladio vulnerarunt in gutture, & lan-
ceam adegerunt in costas. Jacuerat is prope
sepem, ægram trahens animam, donec Bar-
bari reliquis interfecis, occisorum cadave-
ra numerarent; atque ubi conspicati sunt
Franciscum spirantem adhuc, omnis ad eum
virorum, mulierum, ac puerorum multitu-

do convolat, magnis clamoribus præ lætitia
gestientium; qui quò plus honoris haberent
Idolo suo, bis circa illud seminecem raptant;
deinde ut mos est gentis in reorum quæstio-
nibus, uno tantum pede consistere jubent,
tum etiam Idolo supplicare. Quod cùm
constantissimè facere renueret, positus est
quasi signum ad sagittas, quas innumeras in
eum miserunt, & sanguine imbutas Idolo
consecrârunt. Atque is fuit univerforum fu-
ror, ut nè pueri quidem ipsi puellæque in ejus
corpore lacerando, suisque manibus, mucro-
nibus, jaculis, & præacutis sudibus confi-
gendo, animum possent satiari, cùm è suis
ulciscendis Idolis aliquam sibi quique partem
conaretur laudis appetere. Quare & a-
rundines, & veruta, & alia ejusmodi tela ejus
cruore madefacta, unâ cum reliquo occiso-
rum sanguine, suis consecrâbant Idolis: eo-
démque ipso, ut eorum mos est, Deorum si-
mulachra festis clamoribus inungebant. De-
nique itâ confecto laniatâque Araneâ, vul-
neribus aliquot in cervice defixis, reliquum
spiritum exhauserunt.

Tertio loco Petrum Bernam aggressi, in
caput ejus transverso vulnere itâ sævière, ut
vertex avulsus modicâ penderet è cute; alter
oculus illi telo trajectus; auris dextra ferè
detracta. Addidère & contumeliosa tor-
menta, verendis exsecris, & in os morientis
per turpem contumeliam immisiss; ea de
causa, quòd ille nuper vaccam, præcipuum
ipsis coli solitum Numen, super ejusdem
Aram occidisset, & Deorum fana evertis-
set.

Similiter Pater Antonius Franciscus,
accepto in capite gravi vulnere, & reliquo
corpore confossus, id demum obtinuit, quod
quotidie in Missæ Sacrificio à DEO Eucha-
ristico enixè postulat, scilicet ut sibi ejus
causâ mortem oppetere liceret. Certè eo
ipso die Sacrificanti, miro prodigio facer san-
guis exundans effervuit labrotenus, haud ob-
scurum fundendi sanguinis argumentum.

Sed & P. Alphonsum Paçecum eâ gloriâ
fundendi pro fide sanguinis dignatus est
DEUS. Hic dum Barbari alios crudeliter
laniant, veluti moræ impatiens, *me me*, cla-
mabat: *adsum, qui feci, qui vestra Idola com-
minui.* Hæc dicenti cùm Barbari lanceam
adegissent in pectus, ille extensis in crucem
manibus, oculisque in cælum sublati, alte-
ri se vulneri offert intrepidus; quo accepto:
*Tu Domine, inquebat, lanceæ pro me confixus
es, per eam ego te obtestor, ut hisce parcas, & no-
vos illis Fidei predicatorum submittas;* cùmque
hoc

hoc dixisset, concedit exanimis. Erat Alphontus clarissimâ Principum inter Hispanos familiâ genitus, talentisque ad quævis Societatis munia egregijs instructus, quod ipsum moram illi injectit, nè, pro eo ac optabat, in Indias mitteretur. Vicit tamen piâ importunitate Superiorum reluctantiâ, sancto etiam dolo usus, ut Deum in sua vota flecteret. Instabat hora, pro qua Cordesius Provincialis Consultores suos evocârât, de Alphonso in Indiam mittendo supremum deliberaturus: tum Alphonsus singulos viritim in Collegio Socios adit, rogâque ut eâ horâ coram Divinissimo Sacramento certum quoddam negotium Deo commendent. Convenerat in odeum constituto tempore totum prope Collegium, & ut alij alios ignorabant ab Alphonso rogatos, mirabantur insolitam id temporis suam comprecantium frequentiam. Ipse etiam interim Alphonsus in cubiculo suo impâctis vehementer in dorsum flagris, cælum pulsabat. Perseverabant adhuc in oratione Socij, cùm ecce Alphonsus adest, & gratulabundus *abire*, inquit, *licet, jam voti compos sum*. At illi recognitâ, pro qua preces adhibuerant, partim gratulari, partim dolere, plus impetratum quàm voluissent. Egit is primum in Goano Collegio per triennium Ministrum, id est, religiosæ economiæ sub Rectore custodem; inde Socius Provinciali adjunctus est; aptissimùmque judicârunt omnes, qui in gravissimis Indiæ negotijs ad Summum Pontificem, & Societatis Generalem Romam mitteretur. Quia verò metuebant, nè Europæi Virum sibi intericerent, datis ad Everardum literis petierunt, nè in detentionem Alphonsi ullatenus consentiret. Ipsum etiam Paciecum literis suis ad reditum itâ hortatus est Provincialis: *Confortare Pater, mementoque jam dudum te, cùm primum has in Oras discessisti, totum eis debitum, ac dedicatum esse; non itaque permittat Dominus, ut te careamus. Equidem pro eo, quantum rationibus Provincia hujus commodaturum te persuasum habeo, etiamsi jam vitâ excessisses, dolerem vehementer, si existimarem fore, ut hoc illi subsidio nudaretur. Ad ipsum verò Generalem Mercuriarum hæc scripsit: Mitto in Urbem, ut rerum nostrarum statum edoceat, Alphonsum Paciecum. Vir est, cui perinde ac mihi, in omnes partes tutò habeas fidem. Partes enim possidet omnes Prudentia, Virtutis, experientia: superq; omnia, est filius verus Societatis. Quam ob rem vehementer ab te peto, ut eum ad nos omnino remittas. Nam verè magnam jacturam, si*

eo careret, hanc Provinciam fecisse censerem. Redijt porrò Alphonsus confectis feliciter negotijs, atque potissimum impeditâ facultate, quam Lusitani Præfeci pro Salfettaniâ à Rege petierant, ut ijs Idola retinere fas esset; quòd metuerent Salfettanos ad Idalcam omnes migraturos, cum jactura reddituum Regionum. Tredecim insuper socios secum ex Europa advexit, novos vineæ operarios. Dùmque Provincialis nomine Rudolphum in Salfetta deducit, unâ cum eo, aliisque è Societate quatuor, secularibus verò Christianis viginti, 15. Julij 1583, pro Fide occisus est. Corpora occisorum in puteum quendam conjecerunt Barbari, quæ post triduum extracta, aded nihil corruptionis passa sunt, ut recentem potiùs stillarent è vulneribus sanguinem, quasi eo die fauciatâ fuissent. De Rudolphi potissimum corpore affirmârunt complures, odorem quendam ex eo prodijisse jucundissimum, sanguinemque, qui ex omni vulnere, tum è cervice manabat uberimus, ita æstuâsse, ac si succensis ignibus efferverceret. Quæ res omnium voti vehementer accendit, tantusque osculantium manus, pedesque ac plagas, impetus fuit, ut jam tum cælestem eorum gloriam videre sibi quodammodo viderentur; Reliquias etiam ex ijs aliquas tam studiosè quærebant, ut alij sudaria sanguine tingerent, capillos evellerent alij, alij ungues præscinderent; itâ ut Rudolpho quidem nec in manibus nec in pedibus unguis remanserit ullus. Tanta erat apud omnes Rudolphi æstimatio. Corporibus aptè compositis, solennis instituta est supplicatio. Deportabantur ea à Patribus, crebris cum funeralibus, cantûque Psalmorum, qui ad eam triumphî gloriam spectare potissimum videbantur: sed lacrimarum effusione tantâ, ex intimis ortâ latitijs, ut nascentes velut Ecclesiæ imaginem repræsentaret. Delati sunt hæc pompâ ad Templum Oppidi Ravioli, ibique in prægrandi arca conditi: Patre Provinciali votivam Missam in gratiarum actionem solenni cantu peragente, quòd tale funus non alias desiderare videretur exequias.

Quâ die cæsus cum socijs fuit Rudolphus, eadem ipsâ P. Joanni Ferdinando, quem & vitæ sanctimonia, & per familiaris cum beatis Spiritibus consuetudo clarum fecit, Deo monstrante, tota rei gestæ series in Europa patefacta est: sciscitantique ex præsentate sibi Angelo, cur itâ malè dirêque haberi suos famulos DEUS permitteret? responsum ab eodem esset, id eâ re permitti, ut mor-

te suâ gloriam DEI illustriorem reddant. Anno ab istorum Heroum cæde quarto, qui fuit ejus sæculi octogesimus septimus, deliberante Petro Castrio viro nobili, cum in Lusitaniam solvere cogitaret ex India, trësne Salsettæ pagos, qui sibi muldæ nomine obvenerant, Domui Probationis Goanæ nostræ, domesticâ necessitate laboranti tribueret; an pretio divenderet alijs? Novitij, Viscitatoris Alexandri Valignani admonitu, precibus insistere, & hos Christi Pugiles, qui nuper in illis eisdem pagis, vitam profuderant, oravere, ut rem suscipere, cujus successus populorum utilis conversioni foret. Ea consultatio dum per dies aliquot tenet, Frater unus è Nostri exatæ atatis, Procurator Domûs Probationis, ad mulierem accedit ex tertio S. Francisci Ordine, probatæ sanctitatis; ejusque preces in rem præsentem efflagitat. Recepit illa se facturam. Hoc dum agit; cogitare secum primò inde cœpit, Paupertate magistrâ stare omnem Religionem: inde autem, non esse cur eo præsidio Novitij nudarentur. Ea versanti, offertur species Rudolphi ultra modum humanum, gemmatam habentis coronam in capite, è qua splendor admirabilis emicaret; qui ad eam, *filia, curari debet aliquid*, inquit, *Domui Probationis ad propulsandam inopiam, nè multis sit iter ad Societatem JESU obseptum: super ea re scrupulum omnem abijce; & ad Deum preces effunde.* Querenti, *quis esset?* Rudolphus sum, ait, *quem Christi amor in illis pagis compulit ad mortem.* Et multis ultrocitròque auditis, & redditis, sermo finitus, magna cum mulieris lætitia; quæ visum uni è Nostri recenti gaudio aperuit. Preces verò auditas eventus edocuit; nam & Castrius liberam nobis omnem possessionem donavit, & consecutus est Salsettanorum, qui requirebatur, assensus; Prorege ipso, omnibusque Magistratibus nostrâ causâ adlaborantibus.

Anno hujus volentis sæculi tertio decimo, Neapoli quispian è Nobilitate, nostro nomini haud satis æquus, cum Rodolphum in omni passim sermone cerneret venerationi esse, atque in concilio catûque eorum, qui in Fidei odium cæsi fuere, collocari; improbare factum instituit, sugillare Patres qui finerent, reprehendere qui nomini ejus ho-

norem deferrent; *qui vitam, ut aiebat, per infortunium absolvisset, quale plerisque, qui Barbarorum veniunt in potestatem, comparatum est.* Eâ nocte quo diem illum exceperit, quo importunus homo per licentiam exorbitarat, ecce quiescenti multa in luce spectabilem se Rodolphus exhibuit, & *num se cognisset?* quæsit. Illo inficias eunte, sciscitatus est, *qui demum hominem, quem non nosses, vellicare, ac petulanter auderet incessere?* cumque ille, ut *quis ipse esset, ediceret*, vehementer oraret; *Rodolphum esse*, respondit *se, quem ipse non esset pridie vituperare reveritus;* eoque dicto confestim evanuit. Verùm Nobilis visio perterrefactus, postridie primâ luce rem detulit ad Archi-Episcopi Vicarium; eoque comitatus ad Patres venit, ubi conspectâ Rodulphi expressâ coloribus in tabula effigie, agnovit in illa Virum, quem nocte conspexerat; & ejus honori deinceps venerationique studuit impensissimè.

Tertium his libet inferere, prorsus ad Rodulphi gloriam & ornamentum haud parum illustre, illi nimirum debere plurima ex parte Societatem nostram egregium decus illud Ecclesiæ Japonicæ P. Carolum Spino-lam, cujus in loco certamen exponam. Is enim dum salubres de rebus deferendis humanis cogitationes cum animo suo versaret, commodum nuncij adferuntur de morte nostri Rodulphi. Quod genus tam fortunatæ mortis cum vehementius generosum Caroli pectus percussisset, alienæ victoriæ flammis accensus, mox etiam paris desiderio exarsit. Re ergo Deo commendatâ secum statuit, Religiosum Societatis JESU Ordinem, itidem ut ille, inire, iturque in Indiam omni deinde contentione procurare. Hæc res Carolus ipse affirmat scriptis Omurano è carcere literis ad P. Mutium Vitellescum. Præpositum Societatis universæ; quibus post alia, narrans suam ob Christianæ legis præconium captivitatem, eximium hoc suæ patientiæ beneficium, maximam partem acceptum refert precibus P. Rodulphi, cujus se morte pro Christo obitâ excitatum ad Societatis, Japonicæque professionis ingressum tam enixè flagitandum, affirmat. Tanta nimirum est vis atque efficientia

exempli Sanctorum!





P. Franciscus Carrion Hispanus Soc. IESV, pro fide Christi veneno
sublatus in Iaponia. A. 1590. mense Augusto.

C. Sereta del.

Melchior Küffell f.

P. FRANCISCUS CARRION.

Idem Christianam primus in Japoniam anno 1549. intulit S. Franciscus Xaverius; inde gentis illius Apostolus ex merito appellatus, eandem etiā ferè biennio prædicatione & miraculis constabilivit, genitis Christo per Evangelium, ex omni hominum genere quàm plurimis. Proseculi sunt eandem Provinciam non sinè gravissimis difficultatibus Patres nostri, & grandia incepta P. Franciscus Carrion primus omnium literis consignavit, & in Europam misit, magna sancti laboris & ipse pars; cuius aliquot præcipuos successus, ex ipso met hic delibare juvat. Fervere potissimum tunc

nostrorum zelus visus est, eum circa annum ejus sæculi septuagesimum nonum, Alexander Valignanus Orientis Visitator, totum nostrorum in Japonia regimen in tres quasi Provincias divisisset; designasset etiam Collegia quæpiam, in quibus Juniores nostri linguae Japonicæ, aliisque necessarijs studijs vacarent; Excitasset seminaria, & domum Probationis, in quam admitti possent è Lusitanis ibi peregrinantibus, aut etiam è Christianis Japonijs, si qui nostro instituto idonei, à DEO in Societatem vocarentur. Quibus ita constitutis, Visitator in Regnum Arimæ se contulit, ut Regis conversioni, alterius Regis Omuræ Bartholomæi Patruj, ejusdem

Kk 3

suasu

suasu de religionē Catholica amplectenda deliberantis, manum ultimam imponeret. Sed reperit Regem in proposito vacillantem; ut quem avia Idolis addicta, cum avunculis ejusdem sectæ à sancta cogitatione retraxerat. Effecit tamen adjuvante DEO, ut rursus aures libenter daret sibi differenti de doctrina Christiana, & non longè pōst, cum uno è patruis suis, & juvene patruelæ tempus locumque condiceret baptismo, in quo Rex quidem Protasij nomen accepit; uxor verò paucis pōst diebus maritum secuta, Lucia dicta est.

Auctā per hos Principes Religione Kalendis Martij Meacum versūs iter inijt, quò eum spes convertendi Nobunangæ Japoniæ Imperatoris evocabat. Adiverat hunc Imperatorem priùs P. Organtinus, cum Laurentio Japone interprete, qui patriā elegantia de Christianæ Religionis veritate disserens, eo gustu à Nobunanga auditus est; ut Aulicos suos ei dissertationi interesse Imperator voluerit; id tamen priùs in aurem Laurentio familiariter insusurrans: *Ersi ego, inquit, contentius, & irato similis te questionibus laceravi, tu tamen aucter loquere.* Tum valvas pandi, & Proceres suos vocari jubet. Cùmque multa ex Laurentio ferventer quæsiisset, Laurentio plausibiliter omnia dissolvante; altā voce Imperator Principes adstantes circumspectans, *adeste*, inquit, *auxilio: nam cogi me sentio ad istam ad eò rationi congruam Religionem amplectendum. Quin vos ipsi ad Sacra Christi cum conjugibus & liberis suscipienda comparate.* Moxque ad Laurentium conversus, jubet cum Nobilibus viris de Fide Christiana uberius loqui. Quod cùm is rursus cum ingenti plausu fecisset, Imperator, subitò Organtinum cum Laurentio in intimum secum conclave deduxit; ibique exquisitis formulis utrumque obtestatus est, sibi nè mentirentur; dicerentque, an revera ea, quæ dixerant pro veris ipsi haberent? Causam dubitationis suæ asseribat; quòd posteaquam mira à suis Bonziji de futura vita ipse audisset, iidem tamen Bonziji, sub fide secreti sibi fassi fuerint, ea quæ dicerent, falsa quidem esse, jactare se tamen illa ad populum, ut sibi quæstiosa, & politico regimini utilia: & idcirco eadem de doctrina Christiana se suspicari addebat. Hic Organtinus in seriò composito vultu, quàm potuit efficacissimè, certissimam suam mysteriorum, quæ docebat, fidem, asseveravit. Visaque in conclavi Regio figurā globi terrestis, eam arripens; *vide*, inquebat, *Domine*

ne, unde quantisque marium ac terrarum spatij, quam horrendis periculis venerim: (simul illi Italiam monstrat, relegitque digito viam, quā se inde in Japoniā contulerat) *quanta autem subjunxit foret hac dementia, si florentis Patriæ meæ neglectā dulcedine, sine ulla humani commodi spe, ingentibus vitæ periculis hæc venissem, soli instigante inani libidine mendaciorum venditandorum? Quòd Bonziji, ut inqueiebas, populum fallacijs suis circumveniant, faciunt id, ut ipse etiam dicebas, tanquam sibi quæstuosum. At nos paupertatem ultro amplectamur, & ex ministerijs nostris nullum facimus quæstum; ut quos una beata vitæ spes sustentat & erigit.* Audivit hæc Imperator fixis Patrem intuitus oculis, & quasi satisfactum sibi foret, invitavit eum à se Regia dimisit. Sub idem tempus commissum est grande inter Bonzios Fohescianos, & Giodoscianos de Fide certamē, cuij arbitrum elegere Nobunangam; qui eam certamini legem dixit: ut victi capite multarentur. Concurso rabiosissimè peracto, victores declarati sunt Judicum sententijs Giodosciani. Fohesciani verò, jussi priùs sanguine proprio subscribere oblatæ chartæ, quæ se convictos, & ratione ab adversarijs superatos fatebantur; demum capite plexi sunt, qui certaverant: reliqui sectæ ejusdem in desertam Insulam deportati, bona & castella eorum plurima, direptioni populari permissa. Erat Fohesciana secta omnium infestissima Catholicæ Religioni; Quare illam suam operam Nobunanga reduci ad se Organtino magnificè jactans, id se ipsius, & Christianorum amore fecisse prædicabat, confirmavitque spem de sui conversione conceptam, ut jam Organtinus plura, quæ è re Christiana essent, majori audaciâ aggredideretur. Edificabat gloriarum plenissimus, & triginta septem Regnorum Dominus Nobunanga Urbem Anzuquiamam quantā poterat magnificentia, cupiens eam Regnorum omnium caput & Metropolim esse. In ea civitate censebant omnes, summi momenti institui publicam Religionis Catholicæ professionem, cui rei perficiendæ hæc commoda se obtulit occasio. Vulgaverat Imperator, Urbem jam, domoque Regiæ perfectā, edicium per omnes suas ditiones, quo cunctos Dynastas ac Principes invitabat ad visendum utrumq; illud ædificium. Fiebatur concursus ingens primæ Nobilitatis, quòd metuerent notandam ab homine suspicaci & jactabundo suam absentiam. Organtinus igitur gratiam Imperatoris aucupaturus eodem venit, & confestim ad salutationem

tationem Nobunangæ admissus, faciliè intellexit, non parum eum delectatum, quòd Europæi quoque (quos Patriæ magnificentie affluets parvi facere opulentiam Japonicam percrebuerat) suorum operum & opum spectatores cupidos, & laudatores non paucos videret. Hac opinione tumido & lato Imperatori Organtinus libellum porrigit, quo petebat sibi fieri potestatem, domus & templi suæ Religionis usibus in Urbe nova condendi. Negat id prius pluribus præpotentibus Bonzijs Nobunanga, Patri tamen blandissimo & residentis vultu non solum liberalissimè annuit, sed ultro amænissimum locum delegit, & ut statim ædificium in eo nostrum inchoaretur, iussit. Non defuerunt hoc rerum articulo sibi Christiani Meacenses, sed ingenti studio & sumptu partim ibi emptâ, partim Meaco apportatâ materiâ, intra unum mensem ex elegantia Japonica utriusque ædis molem ligneam erexere. Accessit postmodum & Visitator Valignanus Imperatorem, quem ipse & tres filij ejus certatim honoribus exceperunt; & domum regressis decem anates peregrini generis, rarum illic donum, quòdque ipse Imperator paulò antè à Legato Regis Banduenfis acceperat, Visitatori submisit. Fecit etiam eidem petenti potestatem fundandæ in Urbe nova domus pro Seminario puerorum; quam Nobunanga paulò post ad fastigium perduciam inivit & laudavit. In ea statim viginti quinque nobilissimos pueros sub cura Organtini collocatos, discedens Valignanus reliquit; qui cum in discessu gratijs prolixè actis Nobunangæ valediceret, ingentis pretij tapete donatus est, in quo eminebat phrygio opere depicta Urbs Anzuquiama: opus in paucis insigne, quod deinde à Legatis Gregorio XIII. Romæ oblatum admirationi fuit. Omnia hæc benevolentie in Patres argumenta spem augebant de conversione Imperatoris: sed libido & superbia retinebant hominem à Fide amplexenda. Constat eum, & Filium ejus primogenitum, seriò egisse cum Organtino, ut legem, quæ libidinum licentiam prohibet, tantisper laxaret; pollicebanturque se cum Aula, ac Japonia tota confestim Christianos futuros. Superbia ejus in tantum etiam excrevit, ut Divinos honores appetere. Locum proinde in colle novæ Urbi adiacente designat, & totam artificum, ex arcis & urbis opera perfecta feriantium, industriam adlaborare jubet in Delubro omnium, quæ unquam in Japonia fuissent, superbissimo illic erigendo.

Exiguo tempore (ut Japones sunt in ædificijs velocissimi) moles constitit omni magnificentie genere visenda. Apparebant ibi speciosissimis in loculis exposita simulacra Camium, è totius Japonie expilatis Sacrarijs eò translata; supra hæc humiliora perædis circuitum facella, eminebat altè thronus splendidissimo ornatu radians, in quo præcipuæ venerationi saxum exponebatur, insignibus Nobunangæ sculptum, ipsūque Nobunangam Japonico usu representans, nomēque Idolo novo novum impositum Xantai. Misit ergo conditâ die innummerabilis ex universa Japonia hominum multitudo, campos ingentes tabernaculis latè positis operiens, quòd minimam eorundem partem tecta Urbis, alioqui amplissimæ, vix caperent. Primus omnium splendidissima pompâ Jonus Suquendonus, Mini & Boazi Rex, maximus natu filiorum Nobunangæ, sacrificatum exquisitis ritibus novo DEO processit. Hunc Reges & alij Principes, tum Nobiles, ac denique plebs, ingenti ambitu secuti. Non tulit impunè hominis arrogantiam DEUS. Paucis post diebus concubiâ nocte effulsit ab occidente vibrantissimus splendor, simulque supra turris apicem ardentissimè flammescens nubes apparuit, eodémque situ ac visu, ad observantium horrorem, ad solis usque ortum perstitit. Horribilis etiam paulò post Cometes longissimam, & formidolosissimè micantem caudam latè explicans, medio æthere exarsit, in dies aliquot. Lancea etiam ignita sereno excussa cælo in arcem novam intorta est, cunctis horrentibus; uno Nobunangâ, quem monstra petebant, giganteam temeritatem ostentante, & contemnente minas, quas tragico suo mox sanciturus erat exitu. Etenim adulto Majo, Faxibæ primario suo Duci, adversus Amanguccianum Regem, & Bonzium Ozacæ Principem bellum gerenti, poscentique auxilia, totum copiarum suarum robur, quòsque in comitatu suo fidelissimos habebat, ire suppetias jussit. Numerosissimam horum auxiliorum manum ductabat Aquechius, vir manu promptus, & Nobunangæ percarus. Hic Meaco profectus, re-
putare

putare secum cœpit, quàm destitutus viribus præter morem Imperator esset; adeoque oppressioni, quâ ipse cresceret, opportunus. Duces igitur quosdam sibi addictos, Nobunangæ insensos, clam advocat; consilium exponit; omnes probant. Hinc subito ignavis militibus pronuntiatur nocturnum iter Meacum versus, arcano, ut mentiebantur, Nobunangæ jussu, quendam sibi suspectum Dynastam opprimere studentis. Sub lucem adsunt Meaci 14. Junij, palamque jubentur Palatium Nobunangæ oppugnare. Nec mora in quoquam fuit. Surgenti è strato Nobunangæ, & manus ad faciem lavandam levanti, trepidus adfertur nuncius, Regiam armatis obsessam esse. Ille audacissimus nihil credere, & solita superbiâ mirari. Donec prodeunt ad fenestram, sagitta humerum transfixit; quâ ille extractâ ensē stringens, fortissimè aliquamdiu multis resistit: donec glande plumbeâ tractus, sanguine ac vitâ deficiente, in conclave secretum profugit, forēsque claudit; ibique, ut quidam referunt, usitato in Japonia desperatorum more, ventrem sibi dissectuit. Sed vix id sciri pro certo potuit: nam flamma undique à conjuratis palatio subiecta, statim illud cubiculum unâ cum cadavere absumpsit, extinxitque simul Sequendonum Nobunangæ primogenitum, & primum nuper ad Idolum Xantai sacrificulum. His ita Meaci peractis, tota militum vis Anzuquiamque Urbem novam convertitur Aquechio Duce. Arx capitur, sparguntur avarissimè cumulati thesauri, & quod per vim ac rapinâ victrix quindecim annorum licentia corralerat, triduo per profusissimas largitiones dissipatum est. Quo rerum articulo emerfus è latebris Oxaquenus secundo genitus Nobunangæ, dum Sanxius frater tertius cum exercitu ad ultionem necis paternæ properat; Arci, Urbi, Temploque Anzuquiamo flammis subjecit, omniâque horrendo incendio delevit. Hic finis fuit primi Japonicæ Monarchiæ Imperatoris, qui felicitatē Augusti in vita, Cæsaris tragicum exitum in morte repræsentare videbatur. Deo iusto Judice superbiam hominis, & in profitenda Fide agnita

foecordiam ita plecente. Occiso Nobunangâ, cum amicorum ejus proscripio fieri cœpit, nostri Meacenses nil mitius sibi, quam cruentam necem, utpote Imperatori notoriè familiaribus, templo autem & domui triste incendium ominabantur. Sed fuere curæ DEO Patres adeo, ut Organtino filium suum in presidium submitteret ipse Aquechius. Brevisque interfecto Aquechio pax Japoniæ, rebusque Fidei apprimè necessaria redijt. Hæc aliæque plurima in annuas literas suo studio redacta, primus, ut dictum est, in Europam transmisit P. Franciscus Carrion, oculatus gestorum testis, & magnâ parte Apostolicorum laborum socius, dum Scimmum Insulam, atque ipsam Urbem Meacensem (in qua relata tragedia peracta est) gnævus operarius excoletet. Cùmque sapius desideratam pro Christo mortem spe devorâset, anno demum 1590. ejus calicem ebibit, dum in Firandum ad opus Evangelij missus, tantam ibidem impietatis fecisset stragem, ut eam æquis oculis Ethnici ferre non valentes, toxicum ei miscuerint genti familiare, quod viscera haurientis contorta, diseruciat, & provocato prius copioso per vomitum sanguine, tandem & animâ ipsam corpore exturbat. Id cum incautus sumpsisset Franciscus, nec domare posset pharmacis, triduo per ingentes cruciatus exacto, vitam in Firandensis Insulæ vico Ikizuk dicto, beatâ morte coronavit anno 1590. Oriundus ille erat Methymnâ Campi, exactoꝝque Philosophiæ curriculo, & susceptis Baccalaureatûs insignibus, ad Societatem anno ejus sæculi septuagesimo primo, ætatis undevigesimo accessit, & quo jam tum flagrabat divinæ gloriæ studio, Alexandrum Valignanum Orientis Visitatorem anuo 74. secutus est primum in Indiam, ac porro in Japoniam post biennium progressus, repetitâ aliquantisper Philosophiâ, aliisque studiis celeriter, ut resposcebat, instructus, manum Apostolico operi admovit, quod non nisi à vita prius derelictus deseruit.





P. Georgius Carnvalhal Lusitanus. et P. Iosephus Furlanettus Venetus, S. I. ex propinato in odium Fidei veneno mortui A. 1592.

C. S. d.

M. K. f.

P. GEORGIUS CARVALHAL, & P. JOSEPHUS FURLANETTUS.

Providit Ecclesiæ, & Societati suæ optimus DEUS continuam operatorum successione, velut si mortis ac Martyria, novæ forent virorum Apostolicorum geneses, per quas uno avulso, non deficit alter. Sublato igitur per venenum Patre Francisco Carrion, in illius locum & labores mox suffecti sunt P. Georgius Carvalhal, & P. Iosephus Furlanettus. Viseum, Urbs Lusitanæ non ignobilis P. Georgio Patria fuit, qui in Societatem admissus A. 1568 mense Majo, ætatis florentis anno 18. ma-

gnos statim in virtute fecit progressus. Suo rogatu destinatus in Indiam, comes factus est Rudolpho Aquaviva, aliisque magni nominis Viris, quibus ille permilceri & vitæ merito, & mortis gloriâ meruit. Gox Tyronibus datus Magister, cum eas partes laudabiliter sustineret, accersitus est in Japoniam, & operam perutilem, ut erat navus & impiger, in Scimo Insula procurandæ salutis mortalium præstitit, Bungenfi præsertim in Regno, quod turbatum deprehenderat. Tradiderat Franciscus Rex Bungenfis filio suo præmaturè Regni administrationem,

nem, qui licet magnum Christianæ Religionis propagandæ zelum, parentis Catholici hortatu, prætulisset, propositum tamen non tenuit, Riozogi terroribus, & Bonziorum suasu in transversum actus. Concepit infelix, seditiosè id flagitantibus Idololatriæ, sacramentum impium, quo se obstrinxit ad reddendos Bonzijs creptos census, permitteudaque sacra Camium, ac Fotoquium. Tantæ idcirco perfidiæ sibi conscius, Magistrorum Fidei congressus occursumque declinabat, melius majore, quàm Parentis sui Francisci, Regis senioris dolore, pudorèque. Qui cum in morbum periculosum incidisset, accedentes ad se officij causâ Principem filium, cum nuri ipsius conjuge, admittere in conspectum noluit: auditusque est cum diceret (id quod eventu deinde comprobatur, spiritu Prophetico prævisum fuisse apparuit) stirpem suam, quæ quingentis jam annis in Bungo regnabat, in isto suo adversus Deum rebellis filio, sic ejus peccatis exigentibus, finem habituram. Mox bello invalescente, brevi tempore Fungenfè, Chincungenfè, ac Buygenfè Regna, quæ Franciscus Parens Bungenfè adjunxerat, amisit. Bungenfè ipsum vix tenebat, Proceribus plurimis rebellantibus. Interea Rex senior studijs Religionis se totum addicebat, & in domo privata degens, octavo quoque die ritè confessus, Eucharistiam sumebat. Quotidie manè stans horis mysteria vitæ ac mortis Christi commentabatur: vesperti autem cum congregata familia in Sacello domestico, flexis ante aram genibus, coronam Desiparè recitabat. Votis insuper tribus in hoc secessu se Deo devinxit; Castitatis conjugalis, Obediendiæ mandatis DEI, & suis in spiritu directoribus, constanter exhibendæ; postremo honorum honorumque omnium prius jacturæ subeundæ, quàm in Fide Christi titubaret. Opere pretium est audire, quibus verbis hoc postremum votum expresserit. *Promitto tibi JESU CHRISTE, Fili DEI, me te, unum verum, æternumque DEUM agniturum, adoraturum semper, & quæ docuisti crediturum: etiamsi Patres Societatis, quos mihi delisti Missi, à te desicerent: etiamsi (quod fieri non posse arbitror) Vicarius tuus in terris, Romanus Pontifex, & tota Christianitas Europa tuum cultum alijerent.* In his pietatis officijs ac cogitationibus versantem, circumfuit rebus jam perditis Regni proceres, & missi filio, qui enixè precarentur, ut tenuium Imperij reliquiarum Regimen, & Patrocinium susceperet. Diu reluctabatur: sed pietate, ac

misericiordiâ victus, tandem annuit. Principio quatuor Principes, qui Regem juvenem pravis suis consilijs perverterant, exilio multavit. Tum exercitu instructo Chiracuram factiosorum Ducem oppugnare orsus, brevi tempore à conspirantibus destitutum oppressit, & acie occidit. Sic Regno Bungenfè pax reddita, Deo, quàm sit ad omnia utilis pietas, exemplo illustri demonstrante.

Profuit hæc pacificatio P. Georgio, aliisque à Societate operarijs ad uberiores fructus ex eo agro carpandos, cum indies novos, etiam à prima Nobilitate, ad Baptismum pertraherent. Jam verò cum laborantem Firandi P. Franciscum Carrionem veneno sustulissent barbari, ejusque socium P. Theodorum Mantels, eadem arte laboribus Apostolicis inutilem effecissent, fustigatus est illis cum socio Patre Josepho Furlanetto, P. Georgius Carvahal. Verùm nec illis diu licuit esse superstites; quippe quos ante exactum ibidem, à quo venerant, annum, eodem toxico infecere barbari; ex quo acerbis primum capitis dolor, tum febrium ardor, demum cruentus vomitus subsecutus, P. quidem Georgium intra octiduum consecit Iki-zuki die 7. Maji 1592. Josephum verò uno post haustum venenum anno, cum Arimam ad Obamenfès balneas experiundas profectus esset, eadem mali vis ingenti Christianorum luctu peremit, postquam in Societate vixisset annos 22. in Japonia quindecim. Vir, qui dum valuit, comitate & robusta charitate; postquam valere desijt, tolerantia, & pietate in vi amore omnes traherebat. Natione & patriâ Venetus erat, in Indiam profectus A. 1576. jam tum sacerdos, navigatione difficillimâ, quâ mille quingenti morbis consumpti fuere. In Japoniam anno 1578. provectus, laudabilem in Scimo operam posuit Gentilibus ad Christi Fidem adducendis. Subinde Superiore Seminarij Facazukiensis morte sublato, in ejus locum subrogatus est. Ibi & juventutis curam egit perdisigenter, & ad Christianorum eruditionem insigni fructu incubuit, & gentiles, excursionibus per vicinos populos factis, plurimos lucrificet; tinctis aliquando uno in oppido simul sacro latice bis mille sexaginta quinque capitibus; quæ omnia unus ille indefessus præstabat. Revocatus A. 1587. in Scimum, administrandam suscepit Ecclesiam, quam toto jam sexennio dire vexarat Tonus, qui juxta Leges Japoniæ, post piam & Christianam mortem Ludovici Regis Catti, filij parvuli Ludovici itidem dicti, utpote

utpote patruus, tutorem gessit, homo Ethnicus, & in omnem vexandorum Christianorum occasionem intentus, ut qui Evangelij præcones ex Insula proseripfit, Christianis necessitatem intulit aliò migrandi, paucis ibidem in ærumnis cum laude constantiæ durantibus; quos adventus Patris, quasi è cœlo missi Angeli, recreabat. Multa ibi præclare gesta sunt à Patre Josepho clam Tonno, consultumque diligenter animorum

corporumque saluti, distributis etiam proprijs suis cibarijs in famelicos inopes, cum annus gravior annonam orizæ, quâ victitant, afflixisset. Id genus Apostolicis laboribus probè excultus, destinabatur ad præmium ab Agonotheta Christo, dum Patribus per venenum in Firando infectis, ipse cum

P. Georgio suffectus, eodem toxico extinctus est.



P. Theodorus Mantels Belga S. I. in Iapone ex odio Fidei veneno Sublatus A° 1593 s. May.

C.S.d

M.K.f

P. THEODORUS MANTELS.



Rat P. Theodorus Mantels Patris Francisci Carrion focus non tantum usque ad fractionem panis, quem parvulis in Fide simul frangebant, sed etiam

usque ad bibendum calicem passionis, eodem quo P. Carrion die oblato haustu intoxicatus; sed ut erat ætate ac corpore firmior, sumto insuper confestim antidoto vim ejus retudit, per biennium vitæ inter ingentes

tes cruciatus extractâ. Octobri mense red-
dux Macaum è Japonia P. Alexander Vali-
gnanus Orientis Vifitator, eum periclitan-
di ex mutatione aëris remedij gratiâ secum
duxit; sed cum illa priore nocentior videret-
ur, Malacensem periclitari à medicis juffus
est. Verùm conſumptis jam per veneni vio-
lentiam vitalibus, decimo octavo poſtquam
Malacam appuliſſet die, vivus per biennium
Martyr, malo victus occubuit anno ſæculi
ejus 93. ætatis 33. Leodium Urbs Belgij fre-
quens ac celebris, Moſæ anni impoſita,
Theodoro natalis fuit: quem latinâ inflexio-
ne Mantelium, Manteles alij nuncupant.
Societatem anno 1580. menſe Februario vi-
cenarij ingreſſus eſt, Divineque gloriæ in-
ter barbaros proferendæ ſtudio ſuccenſus, in
Indiam poſt triennium profeſtus, inde rur-
ſus in Japoniam trajecit, eo tempore, quo Sa-
xumanus diviſo biſariam exercitu Bungum
intravit, pagos, oppida, atque inprimis Chri-
ſtianorum Eccleſias forſe vaſtans. Miſcue-
rant ſe Saxumani copijs Bonziji, tempus vin-
dicandi Deos ſui à noſtris ſpretos ſibi obla-
tum gratulantes. Hi furore pluſquam bar-
baro in Cruces obvias, & ſimilia Chriſtiane
pietatis monimenta debacchabantur, tem-
pla diruebant, ſacras imagines, veſtes, ſacra
vaſa, ferro, aquâ, aut igni malè perdebant.
Non tamen ſemper impunè; præterquam
enim, quòd complures ex ſacrilegis in ipſo
flagranti ardore ſcleris repentinâ morte, aut
calamitate aliâ oppreſſi ſint, imbellem etiam
famineum ſexum in ultionem provocâ-
runt.

Erat Chriſtiana mulier, quæ ex Arce,
Uſuquienſi ardentem in Urbe capta domum
Probationis Societatis, & duo Tempa Chri-

ſtianorum deſlagrare videns, non magis ejus
ſpectaculi acerbitate pungebatur, quàm
æmulo zelo, quòd magnificum Cœnobium
Bonziorum, cum ſpecioſo Idolorum delubro,
in ora continentis ab Arce anguſto freto di-
rempa, cernebat: & indignata Chriſti tem-
pla abire in cineres, nefaria verò Demonio-
rum culmina ſtare integra; ardore quodam
altiore ſtimulata, nocte concubiâ, fretum ſo-
la natando trajicit; mœxque non uno loco
ligneis (ut ſerè ſunt ædificia Japonum) ædi-
bus igne admoto, repetito natatu ſe arci red-
didit; indeque undantem è Cœnobio ac tem-
plo Bonziano per tenebras flammam, & ma-
gno ſuo ſolatio ſpectavit, & pari gratulatio-
ne alijs oſtendit. Sed tolerabilior jaſtata fuit
parietum teſtorumque quantumlibet DEO
ſacrorum, quàm viventium DEI Tem-
plorum, hominum videlicet Chriſti doctri-
nam profitentium; quorum ingens numerus
omnis ſexûs, conditionis & ætatis, cum Fi-
dem ejurare reſpuerent, vitâ ſpoliati ſunt.
Invidebant tam glorioſa certamina diſcipu-
lis ſuis Maſiſtri Fidei, Societatis noſtræ Pa-
tres, Carrion potiſſimè, Patris Mantels ſo-
cius; ſed barbaris ſatis erat eos, jam antè
propinato veneno intoxicatos, Regno ejeciſ-
ſe, quos incuruentè morti ſervavit DEUS; ſi
tamen incuruenta dici poteſt, cum ingentem
ſanguinis copiam Chriſti Athletis ſum-
ptum expreſſerit venenum,



SANCTI TRES JAPONIÆ MARTYRES.

Numerosum equidem Candida-
torum Martyrum exercitum ha-
bet in Cælis, ut ſperamus, Jeſu
Societas; ſed Militans in terris
lex autoritate ſacræ Romanæ
Eccleſiæ triſagium tantum accinere ſuis
Athletis hætenus poteſt, dicerèque: *S. Ran-
lus, S. Joannes, S. Jacobus*. Hi Mundo primùm,
poſt etiam Cælo in Japonia nati; primitiæ
fuère, quas Eccleſia & Societas Japonica cru-
ento ſacrificio DEO hætenus ſacravit. Per-
ſecutionis occaſio hæc fuit. Poſt Nobunan-
gæ, quam ſuprà memoravimus necem, Im-
perium Japoniæ occupaverat Faxiba Cam-

bacundonus, qui poſt Taicoſama dici voluit.
Is Religioni Chriſtiane per annos complures
impenſe favit; donec anno 1587. ſceleſtiſſi-
mo Jacvini conſilio, ſuis omnibus Fidem
Chriſtianam interdixiſſet, Patrèſque è Ja-
ponia proſcripiſſet univerſos. Erat Jacvi-
nus Taicoſamæ Medicus & Leno, olim Bon-
zius, qui dum Imperator Ozacà progredere-
retur, ne pellices ſuas ſecum ducere cogere-
tur, virgines undique conquierebat, quibus
Imperator libidinoſiſſimus abuteretur. Com-
morante igitur Taicoſamâ in Urbe Paca-
tenſi, exhaustâ jam viciniâ, Jacvinus excur-
ſit Arimam, inde Virgines Imperatori colle-
cturus.



S. Paulus MiKi, S. Ioannes de Goto, S. Iacobus Gisi Iapones Soc.
IESV, pro Fide Christi Crucifixi Nangasacki in Japonia A. 1597.
5. February.

M. K. f.

cturus. Christianæ illæ erant omnes. Itaque cum vocatas ad se impudentissimus leno consuetâ impudentiâ compellâisset; singulæ quasi ex composito responderunt; morturas se millies potius, quam DEI Legem talia prohibentem, violarent. Indignatus suprâ quam credi potest infamis homo, calidè instructus nocendi artibus, ad hilariter cœnantem, merôque Lusitano æstuantem Cambacundonum ingreditur; Percontantique de more: *ecquam duceret speciosam comitem?* ille, artificii mæstitiâ vultum obductus, contractis nonnihil humeris: vacuum se, ac graviter increpitum à puellis Christianis, Arimâ redire dixit. Exiit ad hæc audita Cambacundonus, discurrens, vociferatur clamoribus horrendis, exitium minatur

Arimenlibus fœminis. Astutissimus leno concessio hisce æstibus spatio, blandè rursus adrepens, ut novos, jamque perniciosiores suscitaret: *mibi verò, inquit, ô Imperator, immeritò videris succensere dementatis mulierculis. Quid misera potuerunt, nisi quod edocta, quod iussu fuerant facere? ad hoc eas Europæi illi Bonzj (sic nostros vocabat) quos in delicijs habes, erudierunt. Quamvis delicias solû tuas per illorum consilia interturbari, minima pars damni fuerit; statui ego tno, fortuna, vitæque tuæ (Dijomen avertant!) timeo. Tum multa sententiæ suæ confirmandæ, à Lusitanorum illic degentium, Christianorum item Principum Japoniorum, Iusti Ucondoni potissimum potentia formidabili, occupatis Insulis Philippinis, & rebellione recenti Bon-*

ziz Ozacensis, mutuatus argumenta, in eam Imperatorem concitavit rabiem, ut is in-tempestâ mox nocte nuncios ad Justum Ucondonum miserit, per quos optionem apostasiæ, aut exilij offerebat. Qui cum retulissent Ucondonum exilium & mortes mille præligere; alios mox ad Provincialem Coëllium expedit, qui ex eo quærent, quâ facultate Patres Fidem prædicarent, boves animalia innoxia, & de homine bene-merita occideret, Bonzios pellerent? Respondit Pater breviter: habere se diploma ipsiusmet Imperatoris, quo potestas Patribus amplissima concederetur, propagandæ in Japonia Legis Christianæ. At furens Tyrannus nihil ea pensi habens; Justum Ucondonum prius omnibus possessionibus, sanè quàm amplissimis, honoribus item, officiisque omnibus spoliatum, unâ cum fratre, conjuge, liberis, sene Patre Dario, in exilium ablegat; eandem etiam in Patres sententiam edit. Justus ad eam denuntiationem nihil turbatus, imò plurimum sibi gratulatus est, quod dignus habitus sit pro nomine JESU contumeliam pati; quin & ipse sui exilij nuncius, habitu jam ut exul fordido, ad familiares suos accurrit. Hic senex Pater: Justum non sine lacrymis dulcissimis amplexans; *Lata, inquit, fili narras; bene nobiscum agitur, cum familiam nostram dignam DEUS judicet, in qua Christiana constantia prima exempla constituat. Maeste istâ virtute! libenter sequimur. Utinam contingat post opes ac rem familiarem, etiam vitam pro Christo profundere! eamque actutum, quo DEUS vocat.* Patris vetuli auctoritatem reliqua secuta familia, omnibus palam incessit lætitijs: frater, uxor, liberi, certatim pro se quisque, Ucondonum amplecti, renidenti omnes vultum, festis acclamationibus celebrare gaudium, concurrere in ædem sacram, hymno solenni gratulari felicem sortem, nec finem instantis mali optare alium, quàm oppetendam pro Christo mortem. Hinc reversi ad iter se comparant; prodeuntque parvis instructi sarcinulis, heri principes, hodie mendici; dignum Cælo spectaculum! omnes quo se reciperent ignari, passim per avia errabant; tandem insylvis ac montibus variè quæsitis latibulis recepti: id unicum dolentes, quod etiam Patres, eadem sententiâ comprehensi, animabus opitulati deinceps in Japonia nequirent. Constituit viginti dies Tyrannus, intra quos omnes Patres è Regni finibus excederent. At cum navis non ante sextum abhinc Mensem esset inde

solutura; jussi sunt interim omnes Firan-dum convenire, ibidemque præstolari navis discessum.

Erant è nostris per Japoniam sparsum viginti; qui ut ad speciem Tyranno parerent, à Provinciali evocati ad conditum locum, brevè omnes convenerunt, adductis etiam secum Seminariorum alumnis, & Catechistis juvenibus, quod hi omnes instantissimè ambirent eorumdem periculorum cum Patribus, & exilij fieri participes; oblati prius ultro Patri Organtino schedulis, quæ continebant abdicaciones Patriæ, opum, Parentum, Legis Christianæ gratiæ. Deliberatio habita postmodum Firandi est; an abeundum nostris è Japonia esset? Erant qui censuerant manendum solis Sacerdotibus & Catechistis; reliquis, ac potissimum Novitijs abeundum, ut in tranquillitate adolescerent, ad supplendum aliquando defectum Sacerdotum & Catechistarum, consumptorum ærumnis aut gladio Cambacundoni. Prævaluit tamen generosius consilium, judicantium, nè Tyrones quidem ab hac pulchri periculi communione segregandos esse, nec invidendam illis raram occasionem educationis nobilis inter Martyria. Mansere itaque in Japonia omnes, hinc inde per Dynastas Christianos dispersi, quod hi certatim etiam cum præsentis capitis periculo, certos Patrum manipulos ad se mitti postularent. Interim uxor Cambacundoni, audito Patrum exilio graviter ingemuit, instantèrque urgit apud virum sententiæ revocationem. Sed barbarus, quamvis fateretur se paulò ulterius irâ prolapsum, quàm necesse fuerit, non fore tamen è dignitate sua ajebat, si à proposito, quod tanto strepitu susceperat, citò ac leviter desisteret. Procurabant interea rem Christianam strenuè, quamvis cautè, sparsi per Japoniam Patres, & præter infantes innumeros, ex adultis per eas latebras sacro recens tinxerunt lavacro quàm plurimos. Jamque paulò liberius agere cœperunt, cum circa annum 1595, in Japoniam venit designatus ejusdem gentis Episcopus ex Societate, Pater Petrus Martinez, specie Legationis ad Cambacundonum ab Indiæ Prætoris missus, & à Tyranno commiter exceptus, permissusque in Regno sedem figere. Sed nova rursus erupit procella, unde minime timeri potuit. Ad annum usque 1593, soli è Societate operarii vineam Japonicam excolebant, donec ex Sacro Ordine S. Francisci quatuor discalceati Patres ad Tyrannum ex Philippinis Insulis, quas eripere

eripere volebat Regi Catholico, missi essent, pacem petitori: qui ejus Legationis obtentu ad Martyrij spem, cujus erant sitientissimi, aspirabant. Eos Imperator liberaliter habuit, annuitque, ut sedem sibi Meaci, quam petierant, stabiliarent; cā tamen lege, nē Christianæ Fidei cuiuspiam suorum capessendæ authores forent. At ipsi sanctiore zelo inflammati, paulò post domicilio Templōque excitato, SS. Eucharistiæ Sacramentum publicè proposuere, frustra amicis, frustra Patribus nostris dehortantibus, qui vehementer timebant suum quinquaginta annorum laborem, per ardentiorē illum zelum momento uno pessumdari. Sed flagrans illa Martyrij cupido obscurabat publici periculi magnitudinem, adeò, ut anno 94 ejusdem seculi, accitis tribus alijs socijs, novam Ozacæ crexerint ædem, & in ea perinde ac Meaci, plebi promiscue Legem DEI proposuerint. Jamque tertiam Sancti Lazari meditabantur Nangasachi; cū Jacvinus ille medicus occasionem nactus, Imperatori denunciaret, Legem Christianam rursus à novis Sacerdotibus Franciscanis publicè doceri; Patresque nostros idem privatim facere. Tum excandescens Cambacundonus, homines intempestā nocte mittit, qui Meaci & Ozacæ Patres utriusque Ordinis dent custodiæ, & illis obnoxios in catalogum referant.

Erant Meaci è nostris aliquot cum P. Organtino; sed Gibonoscio Gubernator optimè illis affectus, nē comprehenderentur impedivit; Ozacæ verò solus è Societate per id tempus degebat Paulus Miki, cum Joanne de Goto Religionis Candidato, & Jacobo Kisai viro ævi grandis, & servilibus domus nostræ ministerijs occupato. Hi proinde cum uno è Franciscanis, tribusque ejus familiaribus comprehensit Ozacæ; Meaci verò è Franciscanis Patres quinque, Laici duodecim conjecit in vincula, numerum quatuor & viginti compleverunt. Inter eos Paulus noster præ gaudio vix capiebat sese, cū secum reputaret, quòd triginta tres vitæ annos numerans, feriā quintā, in utroque Domino suo similis, comprehensus & vinculus esset. Cūque noctem subsecutæ diei in carcere insomnem egisset, quā præstabat dicendi facultate, ad custodes suos, aliosque Ethnicos incarcerationis prolixam habuit orationem de Fidei mysterijs, de Domini cruciatibus, de Martyrij excellentia. Admirabantur qui aderant dicentis incredibilem ardorem, robustamque charitatem; quorum duobus carcere detentis eam Veritatis lucem

affudit, ut pollicerentur, simul ac vinculis expediti forent, baptismum se suscepturos. Diluculo diei tertiæ Mensis Januarij, revincti post terga manus, inter lictorum contumelias & probra, spectante miserentique populo, delibuti tamen gaudio, sacris hymnis intenti, ducuntur in Vicum superioris Meaci amplum, & per frequentem: ubi mitigatā à Gibonoscio sententiā, lavæ auris extremum (nam alioqui utraque rescari debebat) singulis præciditur. Resectas nostrorum, humique projectas particulas collegit, tulitque ad Patrem Organtinum Victor Neophytus, Ozacano Gubernatori à secretis; quibus acceptis Organtinus, inter fluentes ubertim lacrymas: *Ecce primitias, ait, Societatis in Japonia! Ecce laborum tantorum pretium, ac fructus! Hos ego flores novellæ Ecclesiæ, tibi magne DEUS supplex represento; tu fac eos, quæ tua est consueta benignitas, in messiem Christianorum uberrimam progerminare.* Plura conantem, & suus, & adstantium fletus prohibuit. Ternos deinde felicibus carris impositos, prisco Japoniæ more, trahente bove, circumvexere per vicos ad ludibrium in populi frequentia, quantam compita, fenestra, tecta capiebant. Nostri vehebantur postremi: è quibus Paulus ad plebem circumfusam suā linguā de Christianæ Fidei mysterijs, è carro velut è cathedra, verba faciebat. Præferebatur omnibus in oblonga petica descriptum in tabula ferale, sed honestum carmen, hæc sententiā: *Quoniam hi ex Luzonijs (ita Philippinas Insulas indigitant) venerere specie Oratorum, & Meaci, ad Christianam legem pervulgandam, id quod severè jam olim fieri vetui, persistere; edico ut omnes, utraque isti Japones, qui nomina sua eidem legi dederunt, è medio tollantur. Proinde quatuor hi & viginti Nangasachi infamī Cruci suffigantur. Et quisquis ex hoc non paruerit interdicto, quo rursus eam Legem proscribo, is se unā cum suis multatum iri sit certus.*

Simul atque ad carcerem reiecti sunt, Paulus Franciscanus Patres ardē, reverenterque complexus, illis impensè gratias egit, quorum sub umbra tam grandis, tam diu desiderati à DEO beneficij compos evaderet. Satellites aurigæque qui aderant, spectaculo attoniti: *Quid hoc est hominum, ajebant, prorsus insuetum atque mirabile, in suis malis atque opprobrijs, juxta ac secundis in rebus, latitā exultantium?* Postero mane, hoc est die quartā Januarij, vilibus jumentis impositi, Ozacam primū, deinde Sacajum deducti, utrobique ad ignominiam contume-

liosè

liosè per compita, sicuti Meaci, circumvesti sunt. Consilium enim Taicosamæ erat, suos infami spectaculo à capeffenda Christi Fide detertere; sed Bonzijs consilium hoc non placebat, quòd ita nequaqum opprimendam, quin magis etiam spargendam eam legem non dubitarent. Remanserant Sacai usque ad diem nonam Januarij, inde profecti sunt Nangasachum itinere terrestri, ut obvijs in locis tristi spectaculo cunctis horrorem, odiùmque Christianæ Legis inferrent: quam item ob rem causa supplicij sublimè, ut spectari legique posset ab omnibus, hastili præfixa ferebatur. Absè Sacajo Nangasachum sexcentis passuum millibus, viâ difficili, & inæquali; anniq; tempestas inclemens erat, & in Japonia ventis plerumque horrida, & sava gelu, adversùs cujus incommoda Martyres malè comparati. Miserat proinde P. Organtinus Christianum solidâ virtute, Petrum nomine, qui tres socios nostros ope, impendiisque, ut foret usus, prosequeretur: & Franciscanis ad idem obsequij ultro se alter addiderat, cui Francisco nomen erat; sed in viâ decursu ipsi quoque in cæterorum relati censum, Martyrio pro mercede donati sunt. Multa passim in itinere gesta præclare ab Sanctis sunt, quæ recensere singula prolixum esset. Paulus imprimis ardebat animo, socios inflammabat, & patriâ linguâ, quâ nondum promptâ Franciscani Patres atque expeditâ pollebant, verba, an verborum fulmina? ad suos custodes & obvios quosque jaciebat. Pollebat enim dicendi & vi, & copiâ singulari. Eundem & socios incessit ardens cupido sacri Mysterij pro Viatico ante mortem libandi: eâ causâ monuit perepistolam P. Vice-Provinciale Societatis præmaturè, sic scribens: *Nullo alio in hac vita desiderio nunc tenemur amplius, præterquam confitendi, communicandique prius, quàm Nangasachum attingamus: neque enim novimus, num qua se postmodum oblatura occasio sit. Patribus Franciscanis his, nondum idiomatùs nostri sit gnaris, integram conscientia rationem nequimus exposuere. Magno autem solatio esset nobis, si P. Franciscus Rufus eo munere perfungi posset.* Die postremo Januarij pervenèrè Facatam, ubi comiter humanitèrque, itidem ut alibi passim, ab Ethnicis ipsis, nedum à Christianis neophytis, habiti sunt. Paulus ibidem multam nostram prædicando impendit de more. Postquam eos Facatam appulisse recevit Fazamburus, cui Regio jussu cura supplicij sumendi mandata fuerat, obviam Martyribus processit, ut morti devotos exci-

peret; & aptari per nuncium Nangasachi continuò Cruces quinquagenas præcepit. Et quoniam hic numerus patibulorum major erat, quàm captivorum, pium sanè ac religiosum certamen exortum est inter Christianos reliquos, dum pro se quisque superfluas Cruces occupare contenderet. Ipsos adeò infantes, malorum infuetos, ardor invasit moriendi; visaque est ætate major eorum prudentia, interrogationibus tentata, cum se ad Martyrium offerrent. Calendis Februarij Facatà Carazum delatis, Fazamburus Paulum nostrum ex vetere necessitudine miseratus, salutavit cum lacrymis, & ejus vicem moriendi, suamque ejus plectendi duram necessitatem dolere se, cum sensu testatus est. Cui Paulus: *Desine lacrymarum istarum, inquit, amice, & questuum: pro Divina lege & doctrina Celestis mortalibus tradita nex illata, felix fortunatâque est, neque indiga miserationis: hoc unum sine me impetrare abste, si quid mihi gratia reliquum apud te est, ut Nangasachi breve mihi, ac socijs oculum facias, ad sacra Confessionis ac Communionis copiam.* Annuit ille tum quidem postulato, atque ut videbatur, ex animi sententia; sed postmodum ubi tempus ac res admonuit, parciore promisso fuit. Porro progressi venèrè ad Figenfis Regni vicum, cui Zucasaki nomen est. Inde discessum postridie est, & itineris reliquum, quâ terrestre fuit, pedibus emensum, quamvis argente cælo, & fractis per incommoda corporibus, ut quàm erant propiores Martyrio, tam illi congruentius proluderent. Ad quartum Februarij sub meridie appulèrè sacra Christi Martyrum turma Sononchum Omurano in agro, novem procul leucas Nangasacho, maris interjectu: simulque duo Societatis Patres adfuèrè, Franciscus Passius, & Joannes Rodriquez. Incredibilis utrimque extitit consolatio, nec vacua lacrymis mutui amoris, ad conspectum Patris Passij; salutem ille peramanter impertivit principio univerfis à P. Vice-Provinciali, tum ad subeundum strenuè certamen verbis opportunis accendit. Paulus ardè Patrem complexus, submisso animo respondit, certam sibi firmamque constare spem Divinæ sobolis, per hanc Tyranni infectionem vehementer copiosèque augendæ; quando ipse Ozacè in custodia, quæ Dei benignitas est, sex gentilibus coactus fuerit, propter importunitatem postulantium, vitalis lavacri copiam facere; quo maximè tempore poterat eos detertere ab ejusmodi petitione procella suboriens. Vespèri conscendèrè navim, trajecturi ad locum

um supplicij, sed manibus à tergo confectis, insertisque in rethem feralem cervicibus. In brevi spatio septem emensi leucas, portum Pokizu tenuerunt, ubi noctem in navi tolerare perfrigidam. Manè vix luxerat; cùm Fazamburus ad Patres Pasium, & Rodericium (qui Nangasachum præcesserant) mittit, ut venientibus occurrant, & trium suorum confessiones, turbâ dimotâ excipiant; id se amicitia, & datæ fidei concedere; de alijs curæ illis ne sit. Communioni impetientæ per tempus locum non fore, sed neque necessarium videri occumbentibus pro Christo suo, qui suis ipse pro viatico sit. Porro in locum supplicij venire, neque Vice-Provinciali per se fas esse, neque Episcopo. Idcirco Episcopus per certum hominem omnibus primùm in commune, tum Franciscanis Patribus seorsim benedixit, benèque precatus est. Egere gratias illi magnâ religioſæ ſignificatione modestæ, deprecari præterea, quòd minùs illi promptè exactæque, quàm fuerat æquum, obtemperâſſent. Adhæc Vice-Provincialem, cæterosq; de Societate per interpretem oravere, ut quas illis creârant molestias, confuetâ ſibi facilitate condonarent. Pafius Uracumum uſque non longè diſſitum, Rodericus ultâ pauxillùm proceſſit, & certiores fecit Sanctos Martyres, paucas ipſis eſſe reliquas vitæ mortalis horas, ſuccelluram continuo candidiſſimam immortalitatem; quâ voce, vix dictu facile eſt, omnium animi quantâ ſint lætitiâ delibuti. Pafius ſegregatum à cæteris, deducitq; ad Noſodochium S. Lazari Paulum noſtrum, vitæ univerſæ errata repetentem audivit; mox etiam Joannem & Jacobum exomologefi purgatos, ad Societatis vota, & Religionem ipſam, uti jam antè per P. Organtinum flagitârunt, authoritate P. Vice-Provincialis admittit, quem illi abſentem in Paſio, uti parentem, Deiq; vicarium amplexati ſunt. P. Rodericius interea cæteros ad agendum fortiter, conſtantèrque pro Christo tolerandum cohortatus, eorum etiam nonnullis ſacrâ poteſtate noxas condonavit.

Collis eſt extra Nangasachum trans militarem viam, mari imminens, atque in Urbis conſpectu, cujus in adverſa parte locus eſt facinoroſis plecendis additus. In ejus partem alteram juſſit Fazamburus, flagitantibus Luſitanis, transferri Cruces; meditantur enim jam tum Luſitani templum S. Mariæ, Martyrum appellatione nobile, ibi olim excitare, horum Sanctorum pugilum venerandæ memoriæ, quam ſontium conſuſione nolebant obſcurari. Explicatam ſummo in col-

le aream cruces viginti ſex, ternis, quaternisve diſjunctæ paſſibus occupabant. Tot nimirum ad illuſtrem Martyrij gloriam deſtinabantur, cùm duos illos in itinere additos, ceu Regij edicti immunes, fruſtra Paſius à Fazamburo repetiviſſet. Circùm iuſtrectus ſclopis & haſtis ſtabat ad vim arcendam, multus miles: liſtores pro numero Martyrum, ut dum ſuis cuique præſto eſt, moræ compendium fieret. Admiſſi in medium ſoli Paſius & Rodriquez, ad confirmandos athletas. His ſimul ac venè in conſpectum Crucum, tanta de repente vis gaudij oborta eſt, ut eam in vultu, in verbis, motibus emicantem conſpicatus Fazamburus, ſeiſcitaretur admirabundus ex Paſio, ecquanam illis eſſet tam inſolentis lætitiæ cauſa? Sed cùm Paſius diceret, gloriam illos ab ignominia repetere, & mortem in Chriſti cauſa appetitam DEI ſervis dulſcere; renidens ille, hominem, animaleſ ea non capere quæ ſunt ſpiritus DEI, ſuo etiam exemplo patefecit. Crucem Japonij hunc in modum componunt. Tigno majori duplicem aptant trabem tranſverſam, alteram cui manus, longiorem; breviorẽ alteram infernè, cui pedes ferreis manicis, aut funibus aſtringunt. Trunculus porrigitur mediùs, cui reus ponderi corporis ſuſtinendo velut inequitat. Collum cirrus innectit ferreus. Summa brachia cubitum inter & ſcapulam, corpùſque mediũ funes aſſerunt. Tum erecta crux paratam in ſcrobem depreſſa, humo ingeſtâ ſaxisque firmatur. Sic ibi ſontibus fieri inſuevit, ſic noſtris etiam cum Martyribus actum eſt. A ſuo quisque liſtore compactus in Crucem, ſublatusque in altum, obverſis ad Urbem, ad mare, ad Auſtrum vultibus pendere. Mediũ ſuere ſex Patres Franciſcani; illis utrimque ad dexteram levamque, pari numero denique tres noſtri ad levam tenuere, Jacobus quintum locum, Paulus ſextum, Joannes ſeptimum. Inde è cruce velut è cathedra Paulus, cujus æſtum ne ipſa quidem propoſita pœnarum facies potuit reſtinguere, ad ſuos populares convertit ſermonem: *Ego, inquit, extraneus non ſum, ciues mei, ne cui fortaiſſis ea opinio ſuſpectam faciat Evangelij mei fidem, Japonia mihi patria eſt. Societatem JESU jam olim complexus, en agor in Crucem idcirco, quia Chriſti doctrinam evulgavi. O factam bene! DEO meo gratias ago ob hoc beneficium. Sed vos quando hic rerum articulus veritatis diſſimulationem excludit, ſic à me accipite: nullam patere, præter eam, quâ Chriſtiani ingreduntur, ſemitam ad ſalutem. Ego, ut in ea edoſus ſum, Regi necem*

Am

meas

meam liberatè perlibenterque, & ijs omnibus, qui sunt ejus authores, condono, ijsque vitam Divinam gratia per salutarem Baptismum exopto. Subinde oculis ad confortes gloriæ suæ dictionēque translātā, constantiam illis ad mortem excipiendam, & pectoris robur adjunxit. Interea quatuor satellites lancearij liberatas vaginis lanceas, qualibus hanc in rem usus Japonibus est, expediverunt; incipites eæ sunt, & oblongæ, formā atque acie macheræ persimiles, hastilibus præfixæ. Quas illi dum stringunt, Christiani, qui frequentissimi aderant, salutaria JESU ac Mariæ nomina exclamarunt, & mistum gaudio ploratum ediderunt. Adactis mox per costas lanceis, à dextro in cordis latus, brevi morte omnes exanimati sunt. Si quid uspiam vitæ reliquum in ullo latere per signa compertum, id alterā transverberatione expressum, illi eo fuit.

Hic felix Christi Martyrum exitus fuit, qui fortiter dimicantes retulerunt è certamine gloriam, ex hoste palmam; cujus extitit in publico testis atque assertor, decretæ à Taicosama crudelitatis titulus, & causa sævitiae in eo descripta, omnibus palam eodem in loco supplicij ad lectionem sublimè proposita. Nangasachum locus certaminis fuit, dies quinta Februarij, annus 1597. Christiani simul atque vulnera Martyribus infligi, & jam undique derivari copiosè sanguinem conspexere, per medios satellites fecere viam, nec minus deterriti, nec sustinere coërciti, dum sudaria, vestes, sacro cruore imbuenter. Sed in amictus quoque Martyrum ab iisdem religiosè sævitum est, lacinij ad venerationem distractis; ut honestari deinde corpora floreis circumdatis oportuerit. Fazamburus irā succensus, veritusque tot undique confluentium agmine ad Martyrum cultum, violentam rapinam cadaverum, custodias densari jussit, & Præfectis vigiliarum vitæ minas proposuit, si quodquam cadaverum

defuisset. Verum ut prohiberi à sanctis corporibus vis potuerit, certè religiosa veneratio nullā quivit industriā coërceri. Ora Sanctorum Martyrum vultusque, præter solitum aliorum eā supplicij formā necatorum, decore visa renidere, admirantibus Ethnicis insolentiam venustatis. Idem in sanctis corporibus nitor candorque quatuor & quadraginta post dies ab eorum obitu deprehensus à Lusitanis, dum soluturi Macaum, illuc venerationis ergo venissent; nulla tabes aut podor, nulla à voracibus corvis, qui persequentes ibi sunt, violatio, quamvis tanto ibi temporis spatio pependissent. Quin etiam sanguis S. Pauli atque aliorum trium, confusus ab Italo milite collectus in petaso, servatus; in fidei Sinico, quod Porcellanam vocant, post nonum mensem fluidus, purusque, & expers vitij ac graveolentiæ fuit. Nec multò post obitum Sanctorum die Veneris in noctem devexā, tres lucis tractus, formā columnarum, sublimè corporibus imminere conspecti sunt; quorum qui medius erat, supra sacram Societatis ædem suo motu delatus, ibi evanuit, & tenebricosam noctem serenavit, & viam post se, quam suo ductu signavit, scintillis luminis, quasi stellis dispersit. Diu etiam deinceps sextā quaque feriā flammulæ resurgentes, velut sidera locum Martyrij obvivere ritu supplicationis ordinatae, & ad ea usque processere domicilia, quæ prima excipendis Martyribus Nangasachi fuerunt designata. Hæc atq; alia per eos dies ostenta comparuere, quæ Sanctorum Martyrum gloriam Divino visa sunt suffragio nobilitasse. Porro mensis ex eorum sanguine, tanquam è semine, tam copiosa Christianorū secuta est, ut quando altera in eam Ecclesiam concitata tempestas est A. 1620. jam septingenta credentium millia, vel sola Societas in Japonia procuraret. Hæc de Martyrio; nunc pauca de singulis adnotabimus.

SANCTUS PAULUS MIKI.

Natus est in Japonia, claro genere è Regum Japoniæ sanguine derivato, A. 1564. Patrem habuit Miki Fandacudonum, virum bello strenuum, & Fide Christi nobilem, apud Nobunangam olim Imperatorem Japoniæ in paucis gratiosum. Quinquennis Christo ejusq; Ecclesiæ per Baptismum insertus, à puero ita modestiam, atque artes ceteras bonas secutus est, ut ad eas videretur ab ipsa sua indole, &

natura comparatus. Postquam ad undecimū ætatis annum adolevit, P. Organtino instituendus in Anzuchiamensi Seminario à parente traditus est, quo per annum 1582. vastato, ad proseguenda literarum studia delatus est ad Amacusanum Collegium. Ex illo suum nomen Augusto mense A. 1586. Parente jam Bungeni in bello sublato, in Societatem transcripsit, exactoque consuetæ periclitationis biennio, Religiosis sese votis in Scholasticum

sticum approbatum (ut nos appellamus) mancipavit. Latinitati deinceps aliqualem dedit operam, fructu quidem, pro ingenij ejus præstantia, minime magno, sed ut usus erat Japoniæ, nequitiam pœnitendo. Cæterum in perdiscentis intimè, penitusque capiendis Christianæ Disciplinæ principijs, & Japonum sædis multiplicibus, ad eas convellendas, pervestigandis, longè utiliorem operam impendit. Nam cum earum esset insignem adeptus scientiam, simulque facundiam, quam acceperat à natura, admirabilem multarum virtutum, quibus domi forisque inclaruit, vim atque efficacitatem adjunxisset, vix credi potest, quàm secundà ubique famà, quantis animorum motibus ad concionem diceret. Ità Omurano primùm in Regno, atque Arimendi, ac deinceps in Meacensi tractu, & Procerum sibi benevolentiam, & complures illorum veritati ac Ecclesiæ conciliavit. Eminēbat in eo potissimum domi exacta ad regulas disciplinæ morum, foris animi profunda demissio, despicientia fluxarum rerum, corporis ad egregiam modestiam conformatio; postremo in omni actione temperata facilitate maturitas. Cæterum & domi & militiæ nihil admirabilius in eo, neque præstabilius extitit ardore charitatis, & omnis experte desidii studio Christianæ suos inter populares amplificandæ Religionis, ut nullus unquam illi neque locus, neque tempus, nulla ab eo opere aliena occasio videretur. Hinc ille crebrò disertare cum Bonziji, validèque confutare; hinc alijs eorum coarguendorum rationem ac modum tradere, hinc & commentari, scriptoque vulgare, quæ ad convellendas Japoniæ superstitiones ex usu alijs esse possent.

Paucis antè diebus, quàm ædibus nostris Ozacæ adderentur excubiæ, incurrit in Ethnicum, hominem facinorosum, quem turba licitorum ob sua flagitia rapiebat ad

pœnas. Irrupit per confertos satellites Paulus turbâ dimotâ, & fontem brevi, sed flagranti alloquio sic accendit, sic permovit subjeçitque veritati, ut doctrinâ salutari, quoad res ferebat & locus, institutum, & sacro ablutamentice transcripserit Cælo. In ipsis vinculis atque carceribus quæstum faciebat animarum, semper potens pollensque animi, atque eloquentiæ vi, seu liber, seu vinctus foret, inter ludibria plebis, & publicam ignominiam, à carrucis infamibus, è jumentis, in via, in diversorijs; ad extremum denique ad Ethnicos & interfectores suos, ad Neophytos tribulantes, ad p̄ficos Catholicos exteros, ad ipsos ejusdem secum gloriæ socios, & consortes palmæ insisteret verba facere, hortari, ac media in morte inflammare uni versos de Cruce. In ejus conspectum ut primò venit, eam submisso corpore veneratus est, atque exosculatus: contra verò spectantium salutationes ità admittebat, ut verbis ac vultu, quidquid aliquam sui venerationem indicaret, aversaretur. Cum per corporis parvitatem, ad minimè pertingeret, ut medio Crucis tigillo posset insidere, à liçore medius lineatè sindone trunco Crucis alligatus est. Is quòlinteum nisi arctius adstringeret, pedem alterum Pauli corpori, vim facturus, impressit. Corripuit improbitatem hominis Pater, qui Paulo adstabat; cui ille: *sine Pater, inquit, agat pro libidine atque arbitrio suo, mihi neque id curæ, neque molestia est.* Intentà jam in se lanceà dixit: *In manus tuas Domine commendo Spiritum meum;* mox: *Subvenite Sancti DEI:* Et eam precationem persequens, transadacto ferro vitam præclarè actam præclariùs absolvit, natus annos 33 quorum undecim puer domi, undecim in Societatis institutione, reliquos undecim ipsa in Societate, eà virtutum gloriâ, quam memoravi, peregit.

SANCTUS JOANNES DE GOTO.

AB Insula natali nomen hoc, à familia cognomen Soan sortitus, à Christianis parentibus inde usque à puero ad pietatē educatus, simul ac potuit per ætatem Societati ad servitiū Templi traditus, Dogici (nos Catechistam dicemus) partes diu præclarè egit. Ad idem munus secutus Ozacam P. Petrum Morejoniu, dum ibi versatus est, candidissimæ mentis, nec minoris Religiosæ integritatis, ad regu-

larum nostrarum normam conformatæ, semper omnibus documentum exhibuit. Eo tempore domi erat Ozacæ, quo Taicosamæ imperio excubijs circumventa est. Potuit se ipse, si libido fuisset, tempestati subducere; sed maluit fortunam Societatis, quam habebat in votis jam pridem, præsertim tam pulchram experiri. Ergo convasatâ celeriter, sepositâque ad tutelam suppellectile sacrâ, cuius ille tum quidem curam agebat, passus est

nomen suum, sicuti è Societate foret, in tabulas proscriptionis referri: atque ne id vacuum veri, & malè gereret, continuò per literas, interprete sancto Paulo Miki, ipse unà ac Jacobus à P. Organtino adscribi tandem jam aliquando Societati flagitârunt; quibus ille se rem cum P. Vice-Provinciali, Nangasachitum agente, confestim literis peracturum recepit. Quod die Meacum ad primum supplicium contumeliâmque in propatulo subeundam Ozacâ discessit, flexis humi genibus D E O gratias pro beneficio habuit. Inde quàm læto, quàm hilari ore atque animò scenam feralem peregerit, permirum est. Votis Societatis, Patris Vice-Provincialis concessu, in manibus P. Francisci Pajj nuncupatis, tanquam novo quodam imbutus spiritu, ad Crucem alacer adspiravit. Eam ut conspexit, pronus salutavit: & ad suum genitorem, qui aderat, conversus, pueritiæ squæ benè ab eo educatæ institutæque, acceptam referre se contestatus est eam boni vim, quæ jam erat in manu; egit pro ea gratias, & ad Fidei defendendæ constantiam illum, & per

illum matrem absentem hortatus, huic vitam lineam, patri rosarium sertum, quæ reliqua illi erant, extremum observantiæ pignus largitus est. Dein adstantem Christianum quempiam sibi notum oravit, ut Meacum redux sibi suam operam salutandis Patribus Societatis gratificari velit, & P. Petro Morejonio imprimis significare, se ipsius exemplis virtutum, quæ habuisset in oculis, & præceptis optimæ institutionis ad eam, cujus jam particeps evadebat, gloriæ summam profecisse. Sublatus in Crucem consortes suos dextrâ levâque ad animi firmitatem verbis idoneis corroborabat: & vicissim ipse à P. Joanne Rodericio ad constantiam admonitus, securum illum sui, atque expertem sollicitudinis esse iussit; per eum se constiturum usque ad extremum, per quem usque adhuc firmus constitisset. Hactâ demum transfixus, pronuntiatis hospitalibus JESU ac MARIÆ nominibus, adolescens optimus, undeviginti natus annos, ad destinatam in Cælo gloriam coronatus abscellit.

SANCTUS JACOBUS KISAI.

ORiundus è Regno Bigensi, & ab infantia Christianis sacris initiatus, uxorem itidem Christianam habuit; atque ex ea suscepit filium, noménque indidit Joannis, quem probè educatum à parvulo, decennem sibi reliquit superstitem. Conjugem ad Idolorum cultum impiè reversam diu sollicitavit ad pœnitentiam. Sed ubi contumacem, & alienioris ingenij pertinaciter esse expertus est, facto legitime divortio repudiavit. Igitur postquam à maritali cura otiosus fuit, prorsus ad pietatem studium omne suum, operamque convertit. Sollicitè Societatem expetere, ambire, eò domi nostræ rem familiarem curare, adesse Januæ, hospites advenientes consuetâ Japonibus urbanitate excipere, Ciam temperare; intereâque religiosos miscere sermones. Cui pulvis est è folijs arboris toto Oriente cognitæ & percelebris, qui aquæ calidæ permixtus haustusque, mirum in modum caput corpusque corroborat. Ufus autem obtinuit, ut honestioribus hospitibus ipso in accessu porrigatur, ac sæpius etiam ex intervallo, si diuturnius sit colloquium; habeturque ad id semper in promptu aqua fervens. Pertinet verò ad officiosam sedulitatem, id promptè, mundè, urbanè exhibere. Ex quo continuæ sedulitatis, & officiosæ charitatis Jacobo nascebatur occasio. Erat in eo mira

demissio animi, quâ se postponebat omnibus, omnibus concedebat. Eâ gratiâ, dum ducebatur ad Crucem, cuiuspiam postulanti à se strophium, quod fortè pendens gerebat è cingulo, dare vehementer abnuvit, ne qua peccatori homini, ut se se dicebat esse, veneratio tribui videretur. Verùm qui postularat, vel eâ ipsâ tantæ submissionis gratiâ, sudarium, quamvis repulsus, eripuit, & venerationi servavit. Passioni & cruciatibus Christi Servatoris mente retractandis intentus impensè fuit; eamque totam feralem historiam habebat in libello manuali vernaculis characteribus eleganter descriptam, quod sibi esset ad manum evolunda quotidie, familiaritèrque prosequenda. Ozacâ domo custodijs consecrâ, suo in tabulas relato nomine, per literas Societatem ipse quoque ab Organtino postulavit, & obtinuit. Educendus Meacum, Deo beneficium publicæ contumeliæ de genibus gratulatus est: cruciatus autem illatos & opprobria excepit animo non solum æquo, sed hilari & festivo. Toto itinere, atque ipsâ in Cruce propitiando tacitis precibus Numini potissimum intentus fuit. Demum acceptis hactâ vulneribus, pronuncians sacra JESU & MARIÆ nomina, victor in Cælum palmâ insignis immi-gravit sexagenario major.

VIN-



*Vincentius Alvarus Nobili stirpe natus in Lusitania Soc. IESU.
obtruncatus pro Fide à Mahometanis in India. A. 1606. 18. January.*

C. Secreta d.

M.K.f.

VINCENTIUS ALVARUS.



Pellicissimi Patrum Societatis in proferenda latissimis Indiæ Regionibus Christi Fide successus, & Apostolicorum laborum fructus, eum livorem in Mahometanis excitârunt, ut in eorum, veluti juratorum Prophete sui hostium, exterminium intenti, terrâ marique implacabili odio persequerentur. Frendebant illi se non tantum Regnorum & Insularum dominij, in quibus infinitam gentilium multitudinem Turcico premebant iugo, conversis ad Christum indigenis, depelli, verum etiam præcipuos quosdam è suis ad suscipiendum Baptismi lavacrum traduci. In his Peripateticus erat

Mahometanus, non tantum ex conjecturis ab horoscopo Propheta nominatissimus, verum etiam Sanctimonie titulo, longissimâ intra vastam solitudinem inediâ captato, totâ Perside & Regno Ormuzij celebratissimus. Habebat uxorem è stirpe Zaidis progeneratam, qui rectâ serie ad Mahometem pertinebat, & ex ea susceptam filiam jam nubilem: quæ concionante per compita Ormuzij P. Bartheo sive doctrinâ Christi afflatæ, sive interiore Divini Spiritus magisterio edoctæ, desiderium ingens ceperunt Religionis Christianæ. Ergo rei peragenda dum vias invicem meditantur, non multò post de media nocte clam se domo subducunt, & faculratibus om-

M m 3

nibus,

mnibus, hoc est quater mille aureis annuis, derelictis, sacro tingendas Baptismate Barzeo se sistant. Marius & parens furore percitus, dromedarijs ad Persarum Imperatorem transmisit, omnesque in itinere Mahometicæ superstitionis Principes querelis suis in Barzeum & socios accendit. His accessit Princeps samina, in Alcorani doctrina versatissima, & unius ex Arabiæ desertæ Reguli, ac Mechæ Præfeti ex Fratre Filia, nupta Legato Imperatoris Persarum Ormuziū destinato; & quia de Mahometi erat prognata sanguine, verrendo ejus Mechæ fano jam olim à teneris fuerat designata, quod nisi Virginibus spuria illa Mahometanorum sanctitate ac genere claris apud Turcas non tribuitur. Exemplum igitur duarum secuta, clam familia & marito Barzeum adit, & Christiana mysteria edocta Baptismum suscipit. Maritus ad hæc veluti furij agitatus, Barzeo & socijs funesta omnia minatur, irisque tumidus, magnis itineribus Babilonem ad Imperatorem contendit, perfidiam accusat, raptaeque Conjugis contra gentium jura in Legato suo violata, ultionem deposcit. Non multo post quatuor Urbes in ora Amani sitæ, quas primas infamibus suis venenis sedarat Mahometes, Legatos ad Barzeum mittunt, Religionem Christianam postulantes: quibus tandem & Rex ipse Ormuzij accessit, Legis Christianæ desiderium eidem aperiens, & certum Baptismo tempus condicens. Interim autem totâ Insulâ per præcones gravissimis panis vetuit, ne quis Mahometem impofterum auderet inclamare, qui ipsi summus est in falsum Prophetam honor; & portas Fani Regij muro obstruxit, in quo solo (nam alia Barzeus, fixis inibi publicè cum puerorum in supplicatione ductorum manu Crucibus, occupaverat) suos conventus Mahometani peragebant.

Hi alique ab impia Mahometi superstitione magnificè traductorum ad Christi Fidem passim per Indiam successus, tantum Patribus apud illius sectatores, Malabres præsertim, odium concitârunt, ut aliter nisi illorum sanguine restingui non posse videretur. Itaque piraticam Indico mari passim exercentes, nullis ferè mari alijs insidiabantur mercibus, quàm socijs intercipiendis, quos dolori suo & Mahometi immolarent. Conscenderat Vincentius Alvarus navem, Bazaino Goam ad studiorum cursum prosequendum vocatus, unâ cum P. Antonio Veloso; jamque Cialum prætervectus, non procul Dabule, quod Oppidum Idalcæi pa-

ret, distabat, cùm à Malabaribus piratis Mahometi cultoribus interceptus. Exin de pretio redimendæ captivitatis à Lusitanis unâ navigantibus agi cœptum, nec difficulter conventum: excipientibus tamen ab ea libertatis conditione Saracenis nostros homines, quos in mare cervicibus resecis se proturbaturos jurabant, quia Mahometum, ejusque legem expugnatum irent. Cui supremo adui congruè interim ut præluderent, nullum à perpetuo verberum pugnorūque grandine vacuum tempus transire sinebant. Quia tamen lytro redimendis captivis à Procuratore Regis Lusitanie facilius exprimendo, efficacior fore judicabatur unus ex nostris, idcirco fluvium non procul Dabule, ubi Procurator Lusitanus agebat, invecis, designatus est ad id Vincentius. Sed is ardens institit, ut sacerdos potiùs mitteretur, ejus major futura esset auctoritas ad rem conficiendam: reipsa autem volens Patrem subdolum tempestivè malis, quæ sibi gratulabatur, & servatum animorum faciendis lucris, quibus se minimè idoneum vir humillimus rebatur. Interim dum in oppido res conficitur, dies Veneris, Mahometo inter Saracenos sacer, Vincentio gloriosus illuxit: quem ut solenni carimonia facerent sacriorem, Vincentium Mahometo victimam mactare constituunt. Institere magno conatu vitam ei exorare Lusitani, & pro charo capite grandius nequidquam pretium addicere: quos ipse è contra vehementer deterrebat, ne paratam sibi Martyrij gloriam tam vili impendio averterent. Ergo vinculis insuper injectis, ad proram navigij rapturam sub vesperam, ubi locus erat impio sacrificio destinatus, & ut quidam referunt, erecta ara Mahometi sacra, ad quam piacularis hostia caderet Vincentius; tum verò ubi se mortis tam pretiosæ candidatum vidit, tanto delibutus gestire cœpit gaudio, ut cùm fors toto vultu & corpore prorumperet, humano majus esse qui aderant, opinarentur. Ad necis locum procedens, Psalmum: *Miserere mei DEUS*, decantabat, donec provolutus in genua, captivos omnes rogavit, suis ut DEUM precibus sibi redderet propitium. Demum demisso capite inclamanti: *Miserere anima mea bonis JESU*: cervix à Saraceno præcisa est 18. die Januarij, vel ut alij in Aprili, Anno 1606. ætatis 27. initæ Societatis 11. Corpus in mare dejectum nunquam postea comparuit. Facinus horrore & crudelitate plenissimum incondito clamore Mahometani, veluti præclare factum, persecuti sunt, & impofteris sui

sui nomen insonantes, vultu in terram dejecto, ut eâ victimâ sibi esset placabilis, orabant. Ortus erat Vincentius Ferreriâ Lusitanæ oppido, nobilissimâ Profapiâ; exorataque Societate IESU, cum esset laborum pro Christo adeundorum avidissimus, magnâ contentione ab ipso Tyrocinio postulavit in Indiam, velut ad fertilem ærumnarum campum ab-

legari. Quo posteaquam Anno 1599 pervenit, insigni domesticorum exemplo vitam per omne pietatis genus exercuit: nec antè patiendi sitim extinxit, quàm à barbaris in odium Fidei Christianæ ipse extinctus esset, factus prius cruenta DEO victimâ, quàm incruentum ad Altare DEO offerret Sacerdos.



Franciscus Martinez Soc. IESU, natus in Sina Macai, odio Religionis ab Apostata falso delatus, et ad mortem usq; fustibus centus, Cantone in Sina. A. 1606. die 31. Martij.

FRANCISCUS MARTINEZ.

EX quo sanctissimum Christi Evangelium, vastissimo Sinarum Regno inferri à Socijs cepit, tranquille semper per amplissimos ejus Provinciarum tractus disseminatum est. Acutissima namque simul & mitissima incolarum ingenia, uti ratio-

num momentis profundè & solerter pensandis, adeoque percipiendæ Fidei veritati sunt aptissima, ita à sanguine & omni violentia quàm maximè abhorrent. Tenentque pro regula communis veritatis, ferarum esse, non hominis ad manus venire: bellum autem non aliud esse, nisi feritatem, arte ac legibus, quas

quas feræ non habent, utcunque digestam: humanitate autem nihil magis homini convenire. Inde militiâ nihil abjectius est apud Sinas, nec ad illam quisquam inducit animum, qui putet se aliquid in literis posse, cum sit illic Literati & Militis discrimen, quale imperantis & famuli. Atque hinc est, quod jam integro pæne sæculo Societas Jesu ab A. 1582, laboriosa non minus quam fructuosa Imperium istud satiatione excolens, nullum tamen odio Fidei censeat illic interemptum, unum hunc se excipias Franciscum: quem tamen non nisi mendaci & improbâ cujusdam Fidei desertoris atque apostatæ nequitia circumventus Magistratus Cantonensis neci dedit.

Fuit Franciscus natione Sina, in Scholis nostris Macai Fide Christi imbutus, atque ab Alexandro Valignano Orientis Visitatore in Sinas cum Socijs immisus A. 1589, ubi post paulum in Societatem, primus ex illa gente cum Sebastiano Fernandez receptus est. In ea deinceps strenuam impendit operam convertendis gentilibus, & tam Xaucei, quam Nanciani atque Nanchini Neophytos Apostolico zelo excoluit, tum privatis, tum publicis pro concione allocutionibus. Debet illi Sinenfis Ecclesia magnum illud column Ignatium, qui prius Chiutaisio dictus multum rem Christianam adjuvit. Evocavit interea Macaum Valignanus Franciscum exeunte A. 1605, ducem sibi in Sinas futurum, ad lustranda coram sociorum domicilia: qui proinde Magistratum diplomaticum instructus, ubi in Cantonensis Provinciæ Metropolim appulit, turbata reperit omnia, vano de Lusitanis Macaënsibus dissipato rumore, quasi P. Lazaro Cataneo Viro Societatis egregio, conjurationis duce, Regnum Sinenfis occupare molirentur. Ea calumniâ à nefarijs hominibus, & quidem, quis credat? Christianis Europæis, ut Societati pararent invidiam, quam suis iniquis consilijs obesse videbant, conflata, faciles ad fidem imbellium Sinarum animos invenit. Adhæc auditâ morte Valignani, anceps animi, adhucne pergeret Macaum, an regrederetur, hærebatur Franciscus. Monebant Amici, ut periculum irati populi devitaturus, retrò, unde advenerat, rediret, nè pro absente P. Cataneo succedanea victima occideret. Ipse Patriæ jure & innocentia, & solenni diplomate securus, præstolari constituit motum obedientiæ à Carvallio Rectore Macaënsi, cujus imperium datis literis expetiit. Sanctiorem illic hebdomadam cum pauculis Christianis reli-

giosè exegit; nunquam domo pedem, lecto rarissimè extulit, ob vires sputatione sanguinis & febri prostratas: latebatque faciliè ignotus, nisi Christi desertor sacrilegus lucri fame cum proditum perdidisset.

Convenit hic illum per eos dies, & ut aliquid emungeret nummorum, terrores occipit verbis ostentare, & delationem ipsius ad Magistratum comminari: & cum se videret spe suâ excidere, apud unum è maris custodibus, ceu Regni cum Cataneo affectatorem, postulavit. Custos se præmium similiter à Magistratibus, velut re gravi deprehensâ, ratus accepturum, rem desert ad Urbis Pro gubernatorem. Hic sine mora lictores mittit cum satellitio, qui sibi Franciscum, & adium Dominum, cum omnibus comitibus sisterent. Febri jacens in lecto æstuabat Franciscus, servos secum habebat duos, pueros item duos cum patruo illorum; cum quibus vinculis innexus, per mediæ noctis tenebras, & confertissimam populi concurrentis multitudinem ad Palatium inconditè raptatur. Ibi nullâ causæ cognitione præmissâ, è fori Sinenfis periniquo usu, omnes tormento subijciuntur, quod ita apud Sinas instituitur. Pedes rei inter duo ligna tortoris arbitrio confringuntur, quæ ingenti malleo concussâ, ipsos pedes horrendum in modum contundunt. Francisco præ ceteris crudius habito, vox nulla, vel gemitus doloris index erapit: quin imò socios adhortabatur ad tolerantiam, meminissent se Christianâ lege à mendacio prohiberi, viderent ne quæstioni cederent, per quam tormenta vitæ alterius essent redempturi. Dire extorti, ad Vicarium Præfecti raptantur: quæritis ex Francisco: *quis esset? cur illic Macao venisset?* Tranquillè Franciscus: *non Macao, sed Sciacoce adesse:* idem comites affirmarunt, & quod protulit diploma; in quo legens Vicarius subscriptos Mandarinorum præcipuos, vindictæ metu cohortuit, quam non essent in eum dissimulaturi, qui sævâ illum barbarie torserat, quem ipsi suâ fide ac nomine securum voluissent. Hoc advertens scelestus Apostata, subitâ vafritie panam confictæ calumniæ, sceleratiori calumniâ accumulat. *Quidquid, ait, loquantur literæ (vera an falsa vestrum est discernere) sed id certo Macao huc venit ad emptionem bellici comestus:* & testem ex pueris minore producens, ex eo sciscitatur, *coemisset necne medicinam aliquam Franciscus?* annuit ignarus fraudis puer, & quidem sæpius emisse integro quo ægrotarat mense, & sumpsisse respondit: cui diabolica planè audaciâ veterator vocem addidit,

addidit, quæ reum faceret; nam igniarium pulverem junctis duabus vocibus appellant Sinæ, quæ semel seorsim prolata medicinam significat, quam puer nominârat. Sed Apostata alteram adjungens, tormentarium pulverem, teste puero, probabat emptum. Obstabat vehementer, sed conficius doli, puer, ingerebâtque ardentem & sapius medicinam, quam significare voluerat: Apostata autem jurans & pejerans, & diris se omnibus devovens, coram in puerum vociferabatur, qui dicto testimonio non staret. Judex ad sycophantæ contestationes puerum innocentem, suisque præ metu vix compotem torqueri jubet; cui dum acerbissimo cruciatu intra canaliculis conferti digiti adstringuntur, defecit cum animo lingue constantia, & dolori succumbens, non solum coemptum pulverem, sed & Catanei emissarium Franciscum esse, Macao ad comparanda arma advenisse, & quæcunque Judex voluit, mentitus est, dicturus plura & pejora, si ulterius premere-tur. Quâ à timido puerulo sevis cruciatibus expressâ confessione, securus videlicet ac triumphans Judex, detectâ præsertim Clericali in vertice Francisci coronâ, *actus es*, inquit ad Franciscum, *ad hæc perpetranda tormentum litoris Mandarinorum sic abisti? cras inde senties, quid lucri feceris.* Simul jubet sejuncto singulos carcere concludi, Franciscum compedes, manicas, numellam injici, aquæ ipsi nec stillam præberi, quod illum Apostata Necromantem finxisset (ut eâ fortè ratione baptismo invisentium illum gentiliû obicem poneret) qui se ad aquæ solum aspectum, oculis omniû invisibile subduceret. Quod exangui verberibus, & febris exueto, sitim creavit in plurium dierum carcere intolerabilem. Postridie in sarcinis ejus duæ à Valignano sermone Lusitano inventæ epistolæ, cum libris aliquot latinis, visæ sunt Judici indicij certum facere, illum Macao advenisse, tametsi Scioaceum datæ in margine notarentur, unde Macaum vocabatur.

Digestâ post complures dies per Judicem lite, Aitatus Archithalassus duci ad se miseris imperat, ac ne frustra exteritus inanissimo belli à Lusitanis Chinæ inferendi metu, civium domos cum amplissimis suburbij videretur solo æquâsse, illorûmque invidiam & iras à se defenderet, reos ad fores Palatij per totum diem stare jussit, innumerabili populo prodicionem illis exprobrante, malâque omnia imprecante. Sub noctem ad Tribunal prodiens, jussit omnes crudelissimo sustuario

excipi, duobus pueris exceptis, ac tandem semivivos morti addixit, & ad Judicem Progu-bernatorem remisit. Franciscus in vincula reductus, noctem ibi totam cum maximis doloribus conficiatus, & suo inspersus sanguine, magnâ tolerantia traduxit, in nullam se partem, ad doloris levamen, versare, per manicas & compedes, idoneus. Belluâ Judex immanior damnato jam ad mortem edicit, ut de se, Cataneo, Lusitanis, conjuratione, aut apertè nunc omnia efferat, aut sciat se exquisitis supplicijs mandandum. Cui sedatè Franciscus, *se Christianum esse, & Celi Dominum à puero colere, Patribus annis jam 15. inservire, seque unum ex ipsis esse: literas vero commendandi haudquaquam conscriptas, sed legitimas & veras à P. Riccio in Aula notissimo, & Mandarinis dictas, sanctè affirmavit.* Quâ responsione asperior barbarus, cum humi stratum eadem quâ pridie sævitia cædi imperâisset, ad primas plagas animo & vitæ ille linqui cepit, præsertim quod aliud prævisisset tormentum longè acerbius, quo summos illi digitos inter commissuras carnis & unguium acutissimis arundinum cuspidibus confixere. Quare Judex criminis sibi fore metuens, si quæstione illum occidisset, servorum brachijs referri jussit in carcerem, in quibus ante fores animam efflavit 31. Martij A. 1606, ætatis 33. Vir in quæstu animarum mirè ardens & utilis, & precatiori magnopere deditus: dignus qui ad tam pretiosam mortem, per iniquum Religionis & Christi desertorem, ac delatorem perveniret. Humatus est extra Urbis portam sua in veste, suisque in compedibus & manicis, de ipsius Judicis mandato, fortè nescio quid morte gravius post mortem in eum coquentis. Sed hæc ipsa honori Francisci inservierunt, quando sub novo Archithalasso, Societati addictissimo, deprehensâ illius & Sociorum innocentia effossum cada-ver, è vinculis & habitu agnitum, magnocum apparatu & splendore, concursuque illius Christianitatis, primùm Sciancei, ac tandem Macai contumulatum est. Mandarinî autem duo, quorum imperio vitâ exutus fuit, muneribus, & dignitatibus omnibus in perpetuum spoliati, & infamia notati sunt. Delator apostata ad sustuarium, quo similiter ad mortem cedendus erat, damnatus, vitam ingenti numeratâ pecuniâ redemit, quâ in sempiterno exilio plenam ignominia, à carnifice Conscientia laniatus,

exegit.



*P. Iacobus de Mesquita, ex illustri Lusitanorum Sangvine, Sec. II. V. ærumnis
Exilij ex odio Fidei confectus in Japonia 4. Nov. A. 1614.
C. Schœta del. Melch. Küßel. f.*

P. JACOBUS MESQUITA.

Uantò plus ad promovendam DEI gloriam salutemque animarum valeat humilis simplicitas, quàm superba scientia, docuit abundè P. Jacobus Mesquita ortu Lusitanus; ex Oppido Mesamfrio Diæcesis Lamecenfis; qui licèt splendidis & nobilibus ortus esset natalibus, humilitatis tamen, & zeli quantocyus in animarum lucra exerendi studio, altiorum disciplinarum studia, & gradum Professorum deprecatus, solius Theologiæ moralis cursum persolvit, formatus Coadjutor Spiritualis. Mira tamen in Japonensi Ecclesia per annos 38. operatus est, Magnatibus & Regibus plerisque, ipsi

adeò Imperatori multùm acceptus, dignisque ab omnibus judicatus, qui Legatos Japonios in Europam comitaretur. Instituerant eam Legationem anno 1582. præcipui Japoniæ Reges, Bungensis & Arimensis; ut suam Romani Sedis venerationem, quam impij in Europa heretici contemptui habere ceperant, honorificè Legatione toti Orbi palàm facerent. Et verò triennali peractâ navigatione, ubi Romam tenuere, lætum, & post hominum memoriam planè novum spectaculum præbuere Romanis, singulare verò solatium SS. Patri Gregorio XIII. Qui licèt Patres nostri suaderent privatum colloquium cum Japonijs ad finem Legationis obti-

obtinendum sufficere, ex consilio tamen Cardinalium eos ut Legatos excipere, publicèque Senatui, eumque in Aula Regia dare decrevit: ratus id non solum muneri, quod obibant, deberi, sed etiam quod ornatiùs fieret, eò majorem in gloriam sedis Apostolicæ, in novellæ Japoniorum Ecclesiæ excitementum, ac probrum hæreticæ contumaciæ cessurum. Igitur 11. Calendas Aprilis, præcedentibus compluribus turmis Equitum Romanorum in Urbem inducti sunt, ubi paratum ijs erat milicium in Domo Professorum Soc. JESU, ibique cum ducentis è Societate personis ex Collegio convocatis, Claudius Præpositus Generalis adventum Legatorum operiebatur: cujus in sinum, complexumque Japones, velut in Parentis amantissimi, ut irruerunt, nemo adstantium potuit ad tam dulcem pietatis sensum oculis temperare. Multò plus lacrymarum fufum est, ubi exclusâ quantum potuit turbâ, ex Domo in Templum introducti, Hymnusque Ambrosianus suaviter ac piè à Germanicis Alumnis decantatus est, Subibat animos Divina clementia, quæ ex tenebris illis Japoniæ tantam lucem fecisset, accerferetque, ab extremo Oriente faces ad succendendam in Europa refrigescentem multorum charitatem. Ipsi etiam Juvenibus Japonijs magna erat gaudiorum materia, quod emensis per triennium viginti millibus milliarium, salvi & incolumes, jamjam visuri & allocuturi essent Christi in terris Vicarium.

Die posteriâ ad Villam Julij Tertij Pontificis extra portam Flaminiam, unde mos est Legatis in Urbem solenni cum apparatu invehi, in curru recto delati sunt; inde præeunte equestri custodiâ, & Helvetiorum cohorte plurimâque deinceps Romæ Nobilitate, inter festum tympanorum tubarumque sonitum, tres Japonij Juvenes (nam Julianum, qui postea in persecutione Japonica gloriosus Christi Martyr occubuit, morbus prohibuerat) patrio ritu vestiti, suo quisque acinace succincti, infidentes equis holoserico nigro egregiè phaleratis, incessere. Mancij latera, qui primus ibat, Archi-Episcopi duo tegebant. Michaëlem duo Episcopi, Martinum totidem è Nobilitate primores, medios ducebant. Sequebatur inde flos Nobilitatis Italica, plenæque erant spectantium viæ, tecta, januæ, fenestræ domorum; & dum faustæ undique voces bene precantium Japonicæ Ecclesiæ initijs resonabant, ad molem simul etiam Adrianam, & Vaticanum reboantia tormenta audiebantur. Interim Pontifex

cum Cardinalibus ad Aulâ Regiam descendit, ubi Præsules, & honoratior populus itè cuncta complerant, ut in submovenda turba, viæque Legatis aperienda laborandum operosè fuerit. Tum demum Legati in aulam introducuntur: qui ut primùm apparuère, variis animos omnium pervasit sensus admirationis, lætitiæ, pietatis. Addebat Legationi gratiam tum peregrinus, & planè ab nostro abhorrens corporum cultus, tum flos ætatis & indoles, eminens generis, ac morum Nobilitas. Recurrebant etiam animo ærumnæ longinquæ peregrinationis, & pericula eâ ætate (nam decimum octavum annum nondum exierant) Fidei dumtaxat, & Christi Vicarium venerandi causâ susceptæ; quæ perpenfa Cardinalibus, ipsique Pontifici lacrymas excussere. Legati per confertam turbam sui quisque Principis literas propagulam deferentes, ad Pontificem etiam magnâ veneratione, modestiâque progressi, Patri Sanctissimo pedes exosculati sunt. Quos ille vultu blandissimo, oculis lacrymarum plenis excipiens, semel iterumque dulcissimè quasi filios amplexatus est. Tum Mancius primùm, deinde Michaël adventus sui causam per P. Jacobum Mesquitam exposuere, Regum suorum suoque nomine, verum ac fidele obsequium, tanquam unico, ac summo Christi Vicario deferentes. Quibus cum graviter pro re Pontifex respondisset, traditis ipsi literis, in destinatos sibi gradus, extra Cardinalium consessum deducuntur. Recitate deinde versè in Italicum literæ, summâ omnium voluptate audite sunt. Gratiæ agebant primùm ij Reges Deo, quod per homines Societatis ad Fidem Christi perducti essent, deinde vel atatem suam provectam, vel turbas Japoniæ excusabant, quò minus ipsi coram, uti volebant, pedibus Beatissimi Patris adsternerentur. Postremò significabant hos Legatos à se mitti, tanquam ad communem Pastorem ac Patrem. Recitatis literis, Legatorum nomine latinè dixit, non sinè plerorumque lacrymis, P. Caspar Consalvius è Societate nostra Lusitanus. Tum reducti rursus ad Pontificem Legati, impresso sacris pedibus osculo, recedentem in conclave Pontificem sequi, & pallij Pontificij syrma (quod Casarei Legati, cum adest, munus est) sustinere jussi sunt. Non satis fecerat pietati suæ publico illo congressu Gregorius; itaque secundum epulas, quas apud Cardinalem S. Sixti sumperat, privatim cum Mesquita revocatis, liberius effusiusque totum paterni animi sui sinum, & flagrantissimæ chari-

tatis dulcedinem exposuit; multaque de navigatione, de rebus Japonicis, de conversione, de Ecclesijs earum Regionum ex P. Jacobo Mesquita interrogavit; cumque diu tenuisset, admonitos demum, ut Divum Petrum salutarent, eique de viâ successu gratias agerent, non sine sensu dimisit. His Sabbatho gestis, die Lunæ, qui Annunciationi Deiparæ sacer erat, cum de more ad Templum B. Mariæ supra Minervam Pontifex iret, iussit adeste in comitatu suo Japonios, & proximè ante se, qui primæ dignitatis est locus, collocari. Postmodum invisuris Legatis septem Basilicas, ita patere adyta, eosque haberi honores voluit, ut ipsimet Pontifici vix quicquam fieri honorificentius posset. De Juliani autem decumbentis salute sic laborabat, ut præter curam Medicis præstantissimis demandatam, singulis diebus vellet de ejus statu edoceri. Sed dum ægrum ita curat Japonem, ipse immortalitate dignissimus Pontifex, 10. Aprilis 1585. omnium cum dolore moritur; Japoniorum maximè, qui Patri optimo parentaturi luctum induerunt, cum Claudius Sanctissimo Pontifici iusta persolveret. Erant qui dicerent: Gregorium nimis lætitiâ ex Japonum adventu, & relationibus P. Mesquitæ de progressu Religionis in Japonia Indiâque, exanimatum fuisse. Successor ejus Sixtus V. iussit etiam sæpius ad se Legatos accedere; & ad quaterna aureorum millia à Gregorio Japonicis Seminarijs attributa, bina & ipse adjecit: Legatosque ipsos, Equites ab aureo calcarari creavit; quos Romani etiam in numerum Patriciorum adscripsere. Tandem acceptâ à Pontifice benedictione, tertio nonas Junij, Japoniam rursus, viâ comite & Angelo P. Jacobo repetiverunt. In eo reditu, præter communia vulgo omnibus incommoda, P. Jacobus febribus exagitatus est; sed integratâ rursus valetudine, dum fortè ambulans pedestris compendium itineris quærit, à reliquis divulsus, duo repenti barbari densò in saltu, intendentibus se nocte tenebris, strucento vultu, atrî & nudi ambo, alter stricto ense armatus, alter instructus sarissâ, incautum excepere. Pater exterritus, cum nullam in humanis opem reliquam cerneret, brevem ad DEUM precationem fundit, & subito absque ulla injuria à barbaris dimittitur.

A. demum 1590. Legatos in Japoniam incolumes reduxit, à quorum ore, res à se in Europa, ac potissimum Romæ visas referentium, densis quotidie circulis auditorum o-

mnis generis multitudo pendebat. Jucundum autem spectare erat Matres Legatorum in dignoscendo suo partu laborare; nam qui juvenes discesserant, post octo annorum tractum, alio jam vultu, moribusque alijs, viri revertebantur. Porro vix dici potest, quantum iste Legatorum reditus, ad consolandos Christianos persecutione Taicosamæ pressos valuerit: cum paternam benedictionem à Pontifice singulis mitti, fierique pro illorum constantia in Europa preces Legati narrent. Sed & sensim furor Tyranni remittebat suam atrocitatem; donec eum rursus suscitasset Rex Arimæ Protasius, Christianus ille quidem, & qui ad Gregorium Pontificem suum cum reliquis Oratorem miserat, sed cupiditatibus suis contra præscriptum Christianæ legis morem gerens. Hic, ut occupatâ Imperatoris gratiâ partem finitimi Regni adipisceretur, proneptem Imperatoris filio suo Michaëli conjugij nomine pellicem induxit; usus hac in re operâ potissimum Pauli Daifachij, quem postea filius Michaël regnandi cupidus, malis artibus adortus impulit, ut parentem Protasium dominatu ejiceret. Quod ipse callidè admodum instituit, Regem Protasium cum Faxegava Sasioyo committens; ut demum Protasius Regnum, fortunas, caputque ipsum perdiderit, extorris patriâ, gladiòque cæsus. Prodito postmodum Pauli & Michaëlis facinore, Paulus quidem flammis ablitus est jussu Taicosamæ: Michaël verò ut in gratiam rediret Imperatoris, Fidem Christi ejuravit. Tandem duorum Fratrum parricidio sædatus, ex Arimeni dejectus dominatu misere cõtabitur. Hæc impia paucorum Christianorû, & ambitiosa consilia, in Religionis, quam præferebant, invdiam vertit Taicosama, maximè postquam ab Hollandis, implacabili in Hispanos odio flagrantibus, motæ sunt Tyranno suspiciones, quasi Hispani occupatis nuper Insulis Luzonijs, brevi ad occupandam Japoniam venturi essent, præmissis Religiosis, qui Evangelij obtentu animos Japoniorum ad defectionem sollicitarent. Sævium proinde gravissimè est in Christianos Japones, tam ab Imperatore ipso, quàm filio ejus Xoguno, qui jam tum partem aliquam Imperij gubernabat: & promiscuè omnes, nullâ sexûs, ætatisque habita ratione, flammâ, ferro, crucibus, exilio, bonorûque publicatione exterminabantur. Toleravere supplicia incredibili fortitudine quàm plurimi, quorum constantia nostrum hoc currens sæculum primæ Ecclesiæ cœquasse videri possit. Cum autem

videret

videret Tyrannus eam Japoniorum Christianorum firmitatem flecti & frangi nequaquam posse, nisi sublati Fidei Magistris; neque tamen ferocire in advenas auderet, utpote Principum plurimorum gratiâ fultos, anno 1613, omnes Religiosos Nangasachum convenire jubet, Faxegavæ Sasioyo gubernatori curâ demandatâ, ut navigijs ocyssimè impositos, ex Imperio exportari faciat, pœnâ capitis, si quis redijisset, si quis revexisset, propositâ. Provincialis noster ad Sasioyom mitigandum P. Jacobum Mesquitam, quòd is apud eum gratiâ plurimum valeret, Surungam difficillimo itinere ablegavit, qui tamen re infectâ Nangasachum redire iussus, cum nonaginta alijs è Societate 27. Octobris A. 1613, ad inculta littora exturbatus est; ubi

inter sumas ærumnas præstolari omnes coacti sunt, dum Sasioyus terna navigia, quibus pars Manilani, plures Macaum veherentur, instrueret. Ipse continuò Patribus exactis templadiuere, sollicitare Neophytos, tormentis urgere ad defectionem. Ejecti interim in littora, ærumnis, famèque eneati non pauci interièrè. Inter quos etiam fuit P. Jacobus Mesquita, qui ex persecutionis laboribus, & ærumnis morbo confecto, Medicis, medicamentisque omnibus prohibitis, casâ piscatoriæ pœdore, in communi Sociorum lectu, lætus, alacérque contabuit die 4. Novembris 1614. ætatis suæ 61. Societatis 41. Nangasachenfis Collegij pluribus annis Rector.

P. ANTONIUS CRITANA.

Nonaginta, ut dictum est, è Societate navigijs impositi, è Japonia ejecti sunt; septem tamen supra viginti, qui se potuèrè inobservati subducere huic censui, ut auxilio solatiisque afflictissimis Neophytis essent, clam in latebris per Japoniam subscitèrè, vitam morte ipsâ duriorè ducentes, ut ex fragmentis literarum ab illis datarum manifestè appareat. Unus ex ijs ità scripsit: *Habeo cellulam, cui per fenestram duorum palmorum lumen immittitur. In hac vixi clausus per dies 60. non sine ingenti dolore, propter æstum intolerabilem.* Alius scripsit: *Tantas in omnibus angustias patior in obscuris mapalibus, ut quarto die in egritudine gravem inciderim. Nocturnum exire fas est, & solari Neophytos contigit sapius, cum eos conquererem, per abrupta me pede labi, & vultu lacero, pedibusque laniatis assurgere. Facile constat, hac carni parum grata ideo suscipi, ut Ecclesia hac sibi constet, & aliquando nobis Deus restituat docendi libertatem.* Alius inter cætera hæc affirmat: *Vesimur ad mensuram, ac veluti unciatim jam dudum, orizæque ferè crudæ, quæ mihi jam per foramen inijcitur.* Ex his tamen incommodis non solum non exij ager, sed solio valentior, & morbos, quos antea patiebar, hæc veluti dietæ decoxi. Alius ità scribit: *Clausus vivo in tenebris, & Horas Canonicas recitaturus ad rimam accedo, quæ lucis aliquicquid admittit. Mapale meum stramineum est; in terra stat humida supra modum; unde intra paucos dies ingentes laterum dolores contraxi, qui neque stare me, neque jacere sinunt.* Sanè P. Mancium Firabaisci quamvis virum ætatisque robustæ virum, ut qui an-

num agebat 44. similium latebrarum squalor, rerumque ad vitam tolerandam necessariarum penuria, brevè confecit Nangasachi. Harum igitur ærumnarum, ac potissimum Martyrij, quod in horas expectabant hærentes in Japonia Patres, participem sese facere summopere desiderabat P. Antonius Critana, sed non potuit evitare observantium oculos: ab his proinde in navim compulsus, quam expectare poterat in mapalibus, in navi reperit mortem, ex solis ærumnis exilij accitam, nullâ aliâ ægritudine confectus; quam maximo animi gaudio delibutus, nautico super fune 28. Novemb. ejusdem anni obivit.

Natus erat in Hispania Almodovarij Toletanæ Diæcesis Oppido A. 1550. Societati dein anno 71. adscriptus, Ministrum Toletanæ Professorum Domûs septennio magna cum laude, & eximiâ in omnes charitatem egit. Donec propagandæ inter infideles Sanctæ Fidei zelo succensus, trajecit in Indiam, ac paulò post in Japoniam; ubi A. 1593 gradum Spiritualis Coadjutoris sortitus est. Ibi cum reliquum ætatis, magnâ probitatis laude, flagrantissimo animarum zelo, singulari item in Sacrosanctam Triadem, Virginemque; Deiparâ pietate conspicuus, exegisset; exilij ex odio Fidei passus, in beatam abiit Patriam.

Plures alibi ejusdem vexati exilij incommodis vitam finire. Mancius Taicicu Japon Coadjutor temporalis, arte pictoriâ præstans, & ob id Ecclesiæ Japonicæ perquam utilis, ejectus ob Fidei constantiam è Patria, & navi æger impositus, morbo per navigationis ærumnas vehementer intento, vitam Mancai in exilio absolvit 20. Jan. 1615. ætatis 41.



P. Antonius Critana Hispanus. Soc. IESV. Squallore Exiliꝝ pro Fide
enectur in mari Japonico 28. Novemb. A. 1614.

C. Sirela del.

Melchior Kujell f.

Paulus Rio in natione Japon, Coadjutor temporalis quidem, sed quod dicendi facultate excelleret, diu Concionibus habendis adhibitus, eandem procellâ eiectus, incommodis navigationis, & insolentiâ Cœli à Japonico diversus, brevi succubuit Manilæ mortuus die 17. Februarij 1615. ætatis 64. Ibidem septimo pōst die extinctus est Matthias Sanga ætatis suæ anno 43. quē quarto pōst die rursus secutus est ibidē Andreas Saito, Japon uterq;.

Sed & Japoniæ in solatium relictī clandestinē focij, ante illata per carnificum manus tormenta, primitias Cœlo transmiserunt, Mancium Mizogucci. Qui cū peritiā linguæ sibi nativæ, ingenitæque facundiâ præstaret, & Christianæ doctrinæ, quantum satis est, comparâset, tametsi ad Coadjutorum temporalium ordinem pertineret, relictus

tamen est in Japonia, solatio futurus Christianis & auxilio. Sed mole rerum, atq; ærumnarum magnitudine, cū atrocitas persecutionis nullibi securum subsistere permitteret, oppressus cessit è vita eodem anno, & mense. Hunc secutus est P. Emmanuel Barretus, ortu Lusitanus, Episcopo Japoniæ Ludovico Cerqueriæ, itidem ex Societate IESU, itineris & laborum socius, nullis unquam laboribus in procuranda salute mortalium infactus. Ac subinde P. Ioannes de Fonseca Ulyssipone natus. quos in animarū quæstu occupatos, & ob acerbitatē persecutionis in silvis plerumq; & subterraneis montiū spelæis degentes, conscita tot incommodis mors pro Fide absumpsit A. 1620. illum 11. Martij, hunc verò 29. Septembr.

P. IOAN-



P. Joannes Metella Lusitanus, P. Ludovicus Pelingottus Italus, Soc: IFSV, odio Christianæ Religionis latoris confecti, et capite truncati ab Ethnicis, in Cœlone Indiarum Orientalium Insula. A. 1676 6. Decemb.
C. S. d.

MEK

P. JOANNES METELLA, & P. LUDOVICUS PELINGOTTUS.

Pater Joannes Metella Boniardi-
ni in Lusitania natus A. 1584.
Societatem complexus est anno
ætatis 14. In qua suave Christi
jugum in adeo tenera adolescen-
tia portare conulescens, in eam maturuit so-
lilitatem, ut duræ etiam morti Crucis post
Salvatorem ferendæ sufficeret. Et hæc quidē
itā illi ab ipsis Tyrocinij primordijs in vo-
tis fuit, ut nihil magis ab infinita Dei pieta-
te precaretur, nihil æquè apud Superiores ur-
geret, quàm missionem in feraces ejusmodi
mortium Indiarum campos. Fortè quinto post

anno manus Sociorum colligebatur ex Lusitania, in subsidium Indicis operis cum P. Camillo Constantio transmittenda; in cujus syllabum nihil non egit Joannes ut infereretur, dum denique impetraret. Itaque Philosophiæ studio necdum ad calcem perducto, pervenit in Indiam A. 1603, ubi reliquis scientijs instructus, & sacerdotio inauguratus, totum se indigenarum salutis procurandæ impendit, Cœlanum Insula Apostolicorum ejus laborum campus fuit, amplitudine & glebâ nobilis, cinnamomi omnium præstantissimi copiosè ferax, ad oram Malabaricam trans

Como-

Comorinum Promontorium sita. Nulli ea certo Principi subiecta est, sed in varios dispersa dominatus, multis partim Ethnicis Regulis, partim Mahometanis Sultanis pareret, ditionis partem aliquam duntaxat obtinentibus I usitanis. Atque hinc perpetuum Christiana Fidei præconibus, si uspiam alibi, sanctis est discrimen, laborantibus in omnem Insula ditionem proferre illam Socijs, & Neophytos jam baptismo renatos adversum injurias infidelium tueri: illis autem è contrà conatibus sanctis non minus pertinaciter resistentibus.

Socius arduæ in paucis Missionis Patri Metellæ erat P. Ludovicus Pelingottus, & ipse fidelis in vinca Domini operarius. Is Sorbolongi, in Foro Sempronij Italiæ vico, fortunâ mediocri natus A. 1578. Societati nomen dedit ætatis anno 25. tum penitus, cùm Frater illius eidem studijs omnibus ad eminentiam exculso, & Romæ Nobilium quorundam Juvenum Institutori, connubium lautè dotatum offerebat. Sed ille carnales amores aspernatus, pretiosam Filio Dei in hominum animabus sponsam, procul & de ultimis finibus querere decrevit. Cui comparandæ ut necessariis sumptus provideret, Tyrocinium Societatis ingressus, tanto ardore in Apostolicarum virtutum thesauros congerendos incubuit, ut ex ipso Tyrocinio in Indiam transmissus Institutor, Cælicæ negotiationi initium

fecerit A. 1605. Ardentissimum Deo lucrandi Indorum animas desiderium vel inde conjice, quodd trimestris spatio linguam eorum non tantum perfectè condidit ut intelligeret, sed ut eadem perfectè etiam scriberet, legeret, & loqueretur. His sumptibus instructus, in animarum questum insudabat in Ceilano Insula cum P. Metella Martegambæ, nobili ejus Regionis Urbe, quando ei desideratæ pro Christo mortis obeundæ fors obtigit. Erat Candia in ea Insula Rex potens pollensque, Lusitanam, atque adeò Christiani nominis hostis & acer insectator: è cujus Regno Idolorum sacrificuli damna sua dolentes, & finitimos ad rebellionem eâ causâ concientes, à Lusitanis comprehensi, pœnas dedere commeritas. Eâ re in furorem conciti Candenses, & in justo rebellium Popparum supplicio Dijs suis injuriam factam interpretati, non aliter illam, quàm Christianorum sacerdotum nece expiandam decreverant. Itaque interceptos in ipso dilatandi Christi Regni fervore Patres, & ad propinquam Crucem, ut seirent cujus odio necarentur, raptatos, lanceis immaniter transigunt, projectisque ad pedem Crucis corporibus, recisa capita hastili publico in loco sublimè appendunt. Passi sunt viri zelotissimi A. 1616. & quidem P. Metella ætatis 32. Societatis 18. P. Pelingottus autem 38.

Societatis 13.

P. JOANNES BAPTISTA MACCIADUS.



UI in Baptismo Joannis Baptistæ nomen acceperat, cum eodem ad gladium damnatus est, P. Joannes Macciadus, aliàs etiam Tavera agnominatus. Nec absimiles ab ejus virtute impetus habuit, dum in ipsa infantia non quidem in desertum abire, sed in Japoniam ab Insula Tertia, Patria sua, enavigare, septennis pugio firmiter proposuit, neque unquam revocato animi decreto, Societatem JESU Conimbriciæ annorum 16. amplexus, tandemque in Japoniam A. 1609. delatus, populis illis *Agnus Dei, qui tollit peccata Mundi demonstravit*. Et quia ingenitæ Nobilitatis impetu ad quævis ardua exaltanda propellebatur, gravissima passus est ærumnosis illis Taicosamæ, & nihilò Parente melioris Filij Xogum Imperatoris, temporibus; quando proscriptis Evangelij præconibus ipse clam in Japonia remanens, dies totos in latibulis & speluncis latitando

transigere, solasque noctes in animarum procuracionem impendere poterat. Atque utinam eadem cautela adhibita fuisset etiam ab alijs diversarum Religionum alumnis, quibus hæc Societatis modestia, si non imprudens, certè non sat opportuna videbatur. Illi namq; post Antifitis Japoniæ obitum, dum Sede vacante parerent nemini, Divinæ quereliùs propalam tractarent, constitit demum publicè, multos Christiani gregis curatores in Japonia remansisse. Id quod contemptum suum interpretatus Xogum, deprehensos omnes non jam exilio, sed morte multari præcepit. Quia verò primus sævæ inquisitionis impetus in Nangasachum deservijt, dilapsis in diversa Socijs, P. Joannes in Insulam Goto, & regnum Omuræ à Provinciali mittitur. Sed ab itinere Firandum, adversâ tempestate rejectus, monetur ab amicis Nangasacho, præmissos esse in Goto Insulam exploratores ad eum perquirendum; itaque in par-



P. Ioannes Baptista Macciadus, natus in Insula Tertiâ, Soc. I.E. S.V.,
fidei odio capite truncatus in Iaponia ad Omuram A.^o 1617. 22. Maij.

M. K. f.

tes Cami, aut Nangafachum, ubi cura indagandi remisisset, sese interim recipiat. Ille consulto per orationem Deo, constituit non aliò, quàm quo iussus erat abire; duplex inde se solatium manere, inquit, gloriosa mortis alterum, alterum obedientia. Itaque secundâ usus navigatione, postridie quàm exscenderat, in ipso Sacramentalis Confessionis actu deprehensus, ut pœnitentem à vinculis peccatorum absolvit, in vincula se spontelictoribus obtulit; *hæc ego vincula*, inquit, *nequaquam defugio, quin etiam inde usque ad Europam consector; nemini propter illa succenseo, nihil queror, sed bonum Deum potius obtestor, ut noxam condonet omnibus, qui vincula mibi ista quoquo modo procurarunt.* Permissus Magistratum indulgentiâ extremum Missam fa-

cere, & Sacramenta Neophytis impertiri, ardentem eisdem exemplo suo ad constantiam hortatus est, *votorum se suorum metam attingisse professus, quæ septennis pugio in domo paterna conceperat, cum primùm de Japonibus famam accepit.*

Navi consensâ, & frustra rogatis custodibus, ut se vinculis, ad exemplum Christi, confringerent, Omurenses in carcerem deportatus est 29. Aprilis A. 1617. ubi ex consortio Fratris Petri de Ascensione Franciscani, eâ custodiâ jam antè conclusi, ita exhilaratus est, ut eam sortem cum universis Orbis Imperijs non mutaturum, ore & epistolis diceret. *Hodiernus dies est duodecimus*, scribit ad Sociorum Nangafachi Moderatorem 3. Maij, *ex quo comprehensus sum. Deo gratias ago, quod*

eam mihi quietem dederit, ut nihil magis cupiam, quam enim vita statum, quem in hoc ergastulo sum consecutus. Eidem gratias ingentes habeo, quod ex ea hora, quâ me video detineri, nihil aliud occurrat, quam quod me in Cruce fingam, aut sub ictu sica Japonensis. Benedictus sit Dominus, qui ad hunc modum suos solatur, pro se vel exigua patientes. Vim verborum sacra Scriptura, & robur spiritus, quod conferunt, nunquam alias sum affectus, nisi ex quo me video in hoc rerum statu constitutum, atque ita Imperiorum Orbis in unum collecta potentia, non videtur mihi anxius se terra vermiculi vires aquare. Facili intelligo me in hunc remi nihil conferre, totumque esse Dei ac Domini mei beneficium, cum quo, & pro quo, in finem decertabo. Unum dolebo, si ejus causâ perire pati me contigerit. Jam est quadragesimus dies, ex quo ingenti dolore crucior, qui ex hujus carceris, qui est in media palude, humiditate ita increvit, ut nullam quietem cupiam. Id in magnis Dei beneficiis repono; ut quoniam mecum hæcenus mitius agitur, hos dolores, qui similes mortis doloribus, à Deo immixtos alacriter feram, & inveniat Dominus quo me probet, cum præter peccata mea nihil sit, quod me afficiat; non carcer, non ipsa mortis expectatio. In alijs datis 17. Maji sic ait: afficior vestrorum laborum & angustiarum recordatione. Dominus, qui hac ita disponit, fines suos habet, quos nondum assequimur; & quoniam causa ipsius est, & ipse omnia moderatur, credi debet, eum omnia ex majori gloria sua, & hujus Ecclesie, nostroque omnium bono directurum. Hac me cogitatio contentum facit, eique gratias ago, quod mei memoret fuerit; cum animum subministraret, quo labore omnes, totiusque Mundi tormenta, pauca mihi esse fingo; quam nihil sit, quod ex me possim; quam multum ejus auxilio instructus, quod nunc experior. Bonus Jesus eos, qui se ipsi tradunt, non deserit; qui promittit, explet ad amissum; nemo eum invocavit, qui non eum invenerit, non deserit suos in vinculis, in tribulationibus non derelinquit, & ideo Divina ejus Lex jugum, quod semper est duorum, appellatur; licet soli patiamur, & ipse non patitur. Id jugum etsi naturâ sit plerumque insuave; tamen est & vocatur suave & leve, quia socium habet, qui, quod est ponderis, in se suscipit, & ita nostra infirmitati accommodat, ut non patiat nos tentari supra id quod possumus. Gratulor igitur ex animo Deo, ejusque me Volentati accommodato, tamen si vellet in incommodiore ergastulo ad diem judicii detineri; nam si de me ita disposuerit, vires quoque in hujus itineris longitudinem suppedabit: si me volueris à contrario vitam hodie reddere, quam in ejus

obsequio impendendam accepi, beneficio gratius non repugnabo; satis certus, quod, utut fuerit, me tamen peccatore indignissimum non derelinquet; & ita cum Propheta dico: factus est Dominus Refugium pauperi, & Adjutor in tribulationibus. Jesum Christum habemus pro refugio, quotquot ejus causâ omnia relinquinus; sumus enim pauperes, habemus fidem in tribulationibus Adjutorê, qui tempore subvenit opportuno, velut amicus semper & ubique fidelissimus. Captus sum (inquit in alia epistola) in Goto, cum ad absolvendi formulam manum erexissem; eâ pronuntiatâ Magistratibus occurri, ea dixi, quæ Dominus id temporis in os inmittebat. Huc in Cori pertractus sum, & custodior diligenter; utinam etiam aliquando in ejus causâ paterer! Benedictus sit ille, à quo majora meritis beneficia suscipio. Affirmo R. V. & ipsissimum scribo veritatem, quod præsentem rerum mearum statum cum totius orbis imperijs, vel secularibus, vel Ecclesiasticis nuntiquam permulcrem. Nunquam alias vixi meâ sorte aequè contentus, nunquam aequè hilaris me sensi, nunquam aequè sine cura, aequè sollicitudine me reperi. Benedictus sit DEUS, à quo ita copiose compensatur tantillum illud, quod in ejus causâ toleramus. Nunc quod vincula patior, ut Evangelij præco, videor mihi jam aliquod de munus Societatis JESU affectus.

In suo carcere, Magistratu dissimulante, potuere Sacrificium à die Pentecostes offerre quotidie, ad usque postriedi Festi SSS. Trinitatis, qui fuit dies Maji 22. Pridie jam uterque divinitus imminere sibi mortem intellexit, atque alteri alter revelationem explicuit. Dynasta mox per ministrum venisse denunciavit à supremo Senatu necis in utrumque sententiam, quam essent illâ ipsâ nocte excepturi. Illi æstu divino inflammati, in lachrymarum gaudij teâres resoluti sunt, & hymnum Te DEUM Laudamus unâ concinuerunt, ac deinceps acri se flagellatione exercuerunt ad certamen, & longâ de rebus Cælestibus contemplatione. P. Fr. Petrus dicebat, se per eos dies sacrificantem vel orantem, aliud nihil à Deo postulasse; & quod exauditus esset, se Domino maximopere gratulari. P. Joannes Baptista respondit, se tribus in vita sua diebus, præ cæteris maximo gaudio delibatum; quo Societatem ingressus est; quo nuper erat comprehensus; & nunc, cum de supplicio moveretur. Ipse tum exemplo magnitudinem voluptatis suæ brevissime ad Superiorem in hac verba perscripsit: Hæc ipsâ horâ concupitus ad me mortis nuntius advenit. Morior solatio plenus, quia pro bono JESU morior. Ago illi gratias, quod me, licet indignum, tam insigni beneficio affecerit.

fecerit. Inclinatâ jam die missi spiculatores, jubent Patribus cibos parari; sed illi nullo se jam ad vitam retinendam alimento indigere professi, iteratò alter alterum de peccatis consistentem excepit, & simul Litaniarum ritu sanctos in auxilium omnes evocârunt. Custodiâ educti, & uterque manum Christi de Cruce pendentis sigillo armati, alter succedens alteri, Neophytos ex itinere multos, qui comitabantur, ad ea quæ tempori erant idonea hortabantur: quæ tamen ob immodicum planctum haud satis intellecta sunt. Cum ventum ad locum est, breviter alter alterum jam tertio à peccatis expiavit; & rursus ultimum amplexati, ac salutatis elatâ voce Christianis, nonnihil divulsi sunt, unde se invicem intuiti, cum nescio quid essent collocuti, quod præsentis Neophyti non perceperant, latissimè arriserunt. Jam hora cædis appeteat, cum Damianus quidam Neophytus, qui vinctus magno amore ministrârat, geminam protulit stoream, super qua procumberent obruncandi, nè eorum capita in solo volutarentur. Verùm illi pari uterque sensu, tegetem repudiârunt, *corpus è terra factum, & redditurum in terram, nusquam melius, quam in terra volutari.* Ergo nudâ humo provolvuntur in genua, manibus in cælum surrectis, atque illico fatalem ictum gladio excipiunt. P. Petrus primo truncatus ictu corruit. At P. Joannes Baptista, cum primum vulnus accepisset, errante carnifice, nondum truncus assurgit, atque iterum in genua ruens, JESUM ac Mariam inclamat; tum altero petitus, ac tertio ictu, tandem obruncatus est.

Mortuos Neophyti cum ingenti deflerent ululatu, lachrymas ipsis, qui aderant, Senatoribus expresserunt, atque alius super alium ruentes ad pignorum venerationem eruperunt. Quin & ipse, qui Nangasacho venerat, Senator Ethnicus, è famulis suis unum, quem sciebat esse Christianum, ut illos imitaretur admonuit; si qua enim Lex salutem æternam pariat observatoribus suis, eam certè hanc esse oportere dicens, quæ mortem eo hilaritatis sensu docet excipere, quo vix alius quisquam acciperet vitam. Subinde capillos illorum, vestes imbutas sanguine, herbas, humum, lapillos Neophyti ad pium,

ptivatum licèt, cultum rapuère. Postridie missi sunt à Dynasta qui sepulturæ locum, honoris, ut aiebant, ergò clauderent circumducto pariete, ne qui fortè subducta clam cadavera pro thesauro asportarent aliò venerabundi. Verùm cum frequenti Neophytorum accessu videret Religiosum locum celebrari, postremo die Maij exhumata corpora jussit in mare demergi. Ex ministris dein de, qui ea merferant, constitit, delatos eodem navigio fuisse desertum in scopulum duos Religiosos, Fratrem Alphonsum Navarrete Dominicanum, & Fratrem Ferdinandum à S. Josepho Augustinianum, ac Juvenem quendam constantissimæ ad mortem & supplicium voluntatis, Leonem nomine, qui nostro Patri suam operam præstare consuevit: quos cum in Fidei odium quoque trucidassent, omnium simul membra saxi illigata depreserunt in fluctus. Id ubi Nangasachi increbuit, multis navigijs, retibus & harpagonibus, tentata in cassum res est; donec putrefactis tempore funibus, ad quos alligata pondera sarcophagos deprimebant, sacra pignora è profundo enataissent, quæ Neophyti Nangasachum occultè devexerunt. Placuit autem Divinæ Bonitati causam, ob quam passi fuerant servi Dei, etiam prodigioso lumine illustrare. Nam supra locum, in quo sepultus erat P. Macciadus, duo fulgentissima sydera fuere sæpiùs à neophytis, gentilibusque conspecta. Cæterùm admirari deceat Divina judicia, aliter atque aliter statuentis in impios, dum alios plectit pro meritis, alios in exemplum miserationis exornat. Thomonaga Guobiøye Linus, qui P. Joannem Baptistam cum alijs ceperat, jussuque Prætoris interfecerat, paulò post ipse pœnitens, ob Religionis Christianæ cultum, pridie nonas Novembris anni ejusdem Omuræ interfectus, eandem mortis gloriam adeptus est. At qui eundem prodidit ut comprehenderetur, alter sibi ventrem Japonico more dissecuit; alter vulgi fabula, & ludibrio puerorum, vagatus est incertus,





Leonardus Kimura primus ē Iaponibus à S. Xaverio baptizatus, primus ex Soc: IESV pro fide Christi lento igne exustus. consum. tū igne funibus, caput reverenter primus coronat Nangasacki. 1616 18. Novemb: C. S. 2

M. K. f

LEONARDUS KIMURA.

Leonardus Kimura, fortunatum Japoniæ nomen! Nam primitiæ Christiani spiritus obtigere Familiæ Kimurianæ, Heroum etiam aliàs feracissimæ, dum primum omnium in ijs Insulis baptizavit unum ex Kimuris, Gentis Apostolus S. Franciscus Xaverius. Hic autem Leonardus apud nostros à prima pueritia institutus, Dogicum, hoc est, Catecheseos explanatorem egit inde usque ab anno 13. ætatis. Et in studio quidem literarum processit egregiè; quando tamen animum ad Societatem capeffendam annos natus 27. impulit; gradum in ea Coadjutoris temporalis voluit occupare. In ea

17. omnino consumpsit annos, magno pietatis & humilitatis exemplo: Proximis etiam pro virili opitulatus, eà maximè tempestate, quâ nostris edicto Imperatoris universo Regno exactis, ipse à Præsidibus suis sistere Nangasacki iussus est. Ibi dum rem strenuè Christianam procurat, homicidij postulat, & præproperè in carcerem trahitur. Sed ejus innocentia brevi compertà, è carcere dimittendus erat: cum deprehensus esse Christianus, & Societati IESU adscriptus, odio deinceps Religionis habitus in vinculis est. In ijs triennium exegit, & carcerem ipsum, quem sibi squallore pœdorèque præcipuum delegerat, bono Christi odore adeò complevit, ut sacra

sacra potius ædes, quàm ergastulum videretur. Nimirum vincti omnes, qui eadem custodia tenebantur, atque inprimis tredecim, quorum crimen Religio erat, Leonardo duce, quotidie horam manè precationi, quæ mente; alteram ei, quæ voce peragitur, tribuere; Sanctorum Litanias recitare; id temporis, quod ad prandium reliquum erat, piæ lectioni dare. Secundum meridiem altera precationis eos excipiebat hora, tum quaternæ deinceps lectionis, scriptiois, aliarumque piarum tractationum: quibus rursus succedebat per horæ spatium commentatio. Ter per hebdomadam corpus jejunio; & acri verberatione exercebatur. Feriâ sextâ in quinque; Christi Salvatoris vulnerum memoriam, totidem horas extra ordinem orabatur. Mensibus singulis solennes quadraginta horarum preces, pro præconibus Evangelij, præq; Japonibus Christianis, celebrabantur. Post hæc in alium solitariū carcerem Leonardus compactus est, tam humilem, ut vix ad fenos dorantes attolleretur, neque ille humi sedere, quin verticem allideret laqueari, posset. Hic ille inediâ & verberatione quotidianâ (si dies festos exemeris) Deo gratias agere; & Deus vicissim illi omnes illas annui carceris molestias, incomparabili lætitiâ diluere. Inde verò mirâ diligentia atque ardore spiritus totum juvenis mortalibus impendit triennium. Eos qui recens ducebantur in vincula, benignè excipere, molliter tractare; tum Christianis reformare mysterijs, docere poenitentiam, capitis damnatos erigere, confirmare, solatio instruere, atque ad obeundam ex officio mortem comparare; adesse languentibus, famulari, eos qui se inviscabant, cælestibus recreare colloquijs, ad Christianæ legis observationem cohortari, corrogare de aliorum benignitate egenis subsidium, & suū illis victum adeo liberaliter impertiri, ut quotidiani sui demens, satis aliàs exilis, parte, octogenariam anum, quæ pro custodia foribus sessitabat, anno integro, quoad vixit, aluerit. Præter multos, quos eo tempore ad Christiani hominis officium excoluit, quosq; ad firmandam peressum sanguinem Christi Fidem animavit, 86. per Evangelium, genitos salutaribus undis aspersit.

Adveniens interim à Regia Imperatoris Fuscigava Gonrocuus Nangasachi Gubernator, A. 1619. continuò conflagrationis sententiam in Leonardum & quatuor alios dixit; propterea, quòd nonnullos ex ijs, qui prædicabant Christum, domo exceperant.

Hos cum Leonardus in multam noctem, quæ feralis, imò feriatas ac festus dies erat excepturus, idoneis pergeret consilij accendere; pro se magnopere sollicitus, Deum anxie precabatur: *Deus cordis mei, ne quæso me tam exoptato munere frustrari sinas!* Manè ad Præfectum rerum capitalium accitus cum cæteris, vix sui compos & gaudij potens, ubi concinuit Psalmum: *Laudate Dominum omnes Gentes, & Canticum Simeonis: Nunc dimittis servum tuum Domine*, provolvitur supplex in genua ante Christi effigiem in Cruce pendentis, & illi grande hoc beneficium in acceptis referens, è custodia catenis oneratus producit. Amicorum plurimi concurrere, in ejus amplexum ruere, commendare sese, & apud Superos ejus ambire deprecationem. Ipse alacritate admirabili circumspicere, resalutare, denique ad constantem in suscepta Fide perseverantiam omnes hortari. Interrogatus à Judice: *num de Societate JESU es?* respondit promptè: *Et sum enim vero, neque tu id nescire potes; quippe missum meorum Superiorum sapiens ego te in ornatu habitû quæ Societatis salutationis causâ conveni. At ecce in Japonia, reponit ludeæ, contra leges Imperatoris restitisti? ut Christi Evangelium, inquit, divulgarem, id quod & præstiti adhuc sedulo, & dum super mihi fuerit hac anima, præstabo.* Hac igitur de causa, reponit sapiens barbarus, *vires torrebere.* Ille actis serenâ fronte gratijs, ad circumstantes sese convertens; *Vos ego mihi testes, ait, imploro, haud aliâ me causâ, quam promulgati Evangelij, in Fidei odiû damnari.* Dein coram Magistratu ipso Athletas cōsortes suos ad firmitatem, perugas ad regressum, Ethnicos ad Fidem paucis invitat. Ad stipitem, reverenti osculo prius salutatum, alligatus, ubi rursus amicis ac familiaribus suis verba novissima dixit, aggelis inflammataque remotius à stipite materiâ, sublati in Cælum oculis ustulari cœpit, tantâ inter ignes atque incendia mentis constantiâ, ut nec membra contraheret, nec ullam in partem se contorqueret. Negabat se affici ullo doloris sensu, quin etiam placidum videri, ac suave incendium. Diruptis deinde ignium vi retinaculis, candentes prunas utraq; manu collegit, & vertici venerationis ergò pro corona imposuit, Psalmum: *Laudate Dominum omnes Gentes*, decantans. Attoniti spectaculo Christiani qui aderant, sublatâ vociferatione Sanctissima JESU ac MARIE nomina invocârunt; multique Ethnicorum ad Christiana sacra, inaudita exemplo fortitudinis excita-

ti, se transtulère. Exultorum reliquias Barbari comminutas alto mari dispererunt; sed animosa Christianorum pietas, vel per ipsa pericula fragmenta ossium haud pauca undis per urinatores erepta, inter se ad priva-

tam venerationem partita est. Passus est Leonardus Nangasachi, ubi natus fuerat, 18. Novembris An. 1619. ætatis 44. Societatis 17.



Ambrosius Fernandez, Lusitanus Soc. IESV, carceris squalore et arumnis pro Christi Religione confectus Omura in Japonia. Turj. A. 1670.

G. S. 1

M. K. f

AMBROSIUS FERNANDEZ.

Militiam profanam securus primum, Compagnie Jesu nomen postmodum in Iaponia dedit Ambrosius Fernandez, gente Lusitanus, Patriâ Xisto, ex Portuensi Diœcesi. Qui in Coadjutorum temporalium humilibus officiis versatus est adeo enixè, ut multis penè pertinax & nimius videretur. Laborabat summâ temper contem-

nocturnam vestitus ubi ubi fors tulerat capiebat. Mirabantur omnes Ambrosio nihil ex militia adhæsisse martialis ferociæ, cum nunquam moveretur iracundiâ, neminem à se unquam minùs familiari & affabili responsione dimitteret. Ex paupertatis studio per 30. & amplius annos, novum nihil omnino induit, caterorum jam attritis vestibus & calceamentis semper usus; cibos pro se exquirebat vilissimos, bellaria vinumque nunquam,

quam, nisi iussus, degustavit. Remanserat ille Nangasachi, Socijs reliquis Japoniâ expulsi; datûsque P. Carolo Spinolæ socius in laboribus Apostolicis, socius demum factus est A. 1618. carceris diuturni. Cùm enim sagaciter perquirerentur latitantes per Japoniam Patres, constituerat P. Spinola ipso vespere Festo S. Lucie die in alias aedes clam demigrare: Sed dilata certis ex causis in diem sequentem migratione, visus est sibi Pater medio noctis per somnij speciem videre latrones, perfractis parietibus domum irumpere; quo viso excitatus, & ludicram dormientis imaginationem esse interpretatus, in somnum rursus se frustra componere laborabat. Vix lapso horæ dimidio, adfunt milites Gonroci Gubernatoris Nangasachani; & perfractâ januâ invadunt locum, in quo noster Ambrosius degebat. Hunc itaq; crudeliter vinctum domo efferentes, etiam P. Carolum in altero conelavi deprehendunt. In eo P. Carolus genuflexus fundebat ad Deum preces, & ingrediente milite, sublati mox in Cælum oculis, quanto maximo potuit affectu, pro captivitatis beneficio gratias Deo reddebat. At milites protinus injecto similiter fune, collum, manus, pedesque adeo arctè constrinxerunt, ut lacerata vinculis caro perpetuas retinuerit vulnerum cicatrices, livore, dum vixit, coloratis. Sic victos, in Prætorio Gubernatoris sub dio, prope stabulum, noctem diemque relinquunt, gravi vexatos frigore, & doloribus nexum; quos tandem Christiani famuli aliquantum relaxarunt. Sabbatho proprium Societatis cultum induti, Gubernatori sistuntur; cum quo multa P. Carolus ad legis Christianæ sinceritatem explicandam differens, ipsummet ausus est ad eam invitare.

Nangasacho missi Omuram, ut in conspectum venire carceris, in quo jam complures è Patribus nostris tenebantur, cantu signum sui adventus eminens dedere captivis; qui similiter canendo è custodia hilariter responderunt. Carcer, in quo primum egerunt, tugurium fuit stramine malignè tectum, quadraginta palmos longum, latum viginti, impositum monti, omni tempestatum injuriæ obnoxio. Sed quia ruinam minabatur, dum alium mense Julio satellites ibidem instaurarent, per dies octodecim, exigue casæ captivi sedecim inclusi sunt, ingenti cum incommodo, tum ob æstus vehementiam, cui gravitas odoris, & continua nausea accedebat; tum ob viclûs tenuitatem, cùm nihil inferri paterentur annonæ duri

exhibitores. Hinc omnium tentata valetudo per alvi profluvium. Septimo Augusti in novum reducti fuere ergastulum, latum palmos 16. longum 24. nullo pariete, sed ex palis distantibus ab invicem intercapedine duorum digitorum contextum, tegulis tectum, stratum trabibus, quibus tabulæ crassæ pro pavimento affixæ erant. Fores serâ claudiebantur, erantque adeo angustæ, ut vix transitum darent humano corpori. A latere patebat fenestella magnitudine lancis, quâ cibus quotidie inferebatur. Circuibat hunc carcerem via lata octonos palmos, atque hanc duplex obibat seps, depacta expansis arboribus, & in cuspidem acuminatis, quas spinæ supernè coronabant. In tanta loci coarctatione captivi 28. nonnuncquam 33. tenebantur conclusi; ut proinde ne quidem extendere se possent ad quietem. Sed mirum in modum vexavit Christi pugiles continuus quidam factor, ortus ex multitudine hominum tam angusto loco clausorum; ex præsentem item, intra ipsum carceris septum cloaca, in quam naturam exonerabant; ex quo fiebat, ut illâ subinde ab imbris exundante, ultra talos sordibus mergerentur: Item ex sudore corporum, quæ æstate nunquam siccabantur, cùm miles vetaret mutare recentibus lintheis obsoleta, aut lavare usu inquinata; coactus per integros annos idem indusium retinere. Hinc illa quoque necessitas sequebatur, quod nemo subterfugere conspectû sodalium posset, sed omnium actionum, quas summè etiam ingenius animus videri exhorret, cogeretur perpetuos habere testes, quotquot unâ tenebantur. Accedebat ad hæc incommoda, quod carcer edito loco situs, solisq; palis inter se distantibus compactus, æstate quidem solis radios ardentissimos admitteret, hyeme verò asperissimos ventos, gelidumque aërem non prohiberet; adeo ut P. Carolus de eo ita scripserit: *Asservo, neminem esse è nobis, qui æstimato inferioris appetentia sensu, non mallet vivus cremari, quàm hunc carcerem ferre. Nam omnes à vestibus sumus pene nudi; neque vigilis permiscere, ut denno ad nos referrentur, quas Nangasachi faciendas locaveramus. Ablatâ etiam iodice, nihil passi sunt importari. Neque, quamvis in vertice collis objecti ventis degamus, vel tegetem concessere, statibus, imbris, nivibusque arcendis, planè ut immane sit frigus.*

Nihilominus omnes has carceris molestias, insigni alacritate toleravit cum reliquis socijs Ambrosius noster, donec è frigore & copia deciduarum nivium, paralyti primum, mox etiam apoplexiâ (non sine suspicione por-

porrecti veneni) iſtus, intra duodecim horarum ſpatium, Sacramentis omnibus munitus, felicem ſpiritum in manus Dei, propè ſeptuagenarius, reddidiſſet, à quo mercedem expectabat laborum quidem in Societate exhaustorum per annos 43. ærumnarum verò in carcere patientiſſimè toleratarum per annum unum, & dies 22. cùm aliud ferè per id tempus non ſpiraret, quàm ingens deſiderium ardendi in rogo, aut moriendi in Cruce. P. Spinola tantà eum poſt mortem profe-

cutus eſt veneratione, ut decerptos ejus capillos ſuæ liſpanothecæ inferuerit, appende- ritque ad collum cum aliorum Sanctorum ſacris pignoribus, Ubi primùm beatum ſpiritum emiſit, ille qui ex condito per hebdomadam alijs præfuit, præcinnit in gratiarum actionem DEO Pfalmum: *Laudate Dominum omnes gentes*; cæteris inter lacrymas gaudio factas, gratulantibus felicem Ambroſio exitum, ſibi in Cælo Advocatum.



P. Aegydius de Abreu Luſitanus Sancti IESU verberibus ad mortem ex odio Religionis contuſus à Calviniſtis, in Iava maiore Tacatree. A. 1622

P. AEGYDIUS DE ABREU.

AVa major, Inſula eſt Orientis, multis diviſa quidem Principibus, ſed in quos dominatù unus, Mataranus nomine, vel uſurpat, vel arrogat. Gens eſſera, inculta,

moribus aſpera, & vel in ſuos levi pretio crudelis: ut proinde nulli, ne puellæ quidem ſine ſica præſentiſſimo imbuta veneno, prodire liceat in publicum. Ut mirum ſanè ſit, cœlum aliqui mite, & perpetæ ventorum vicifſitudine

studine (quamvis sub zona torrida jaceat) temperatum, tam immites, & intemperatos gignere homines. Ad hæc solum piperis, sacchari, & omnis Indiciæ frugis abundè ferax, mala aurea, sicubi terrarum, mole & sapore præstantia profert. Ferunt etiam in Java reperiri pelicanos. Et sanè si non alium, certè in P. Ægydio Pelicanum vidit Java: qui dum captivos Catholicos, velut pullos congregaret sub alas, nè sanguis ad pascendos deforet, ab A Catholicis occisus, eum profudit. Erat Pater natione Lusitanus, patriâ Campo-Majorensis, absolutis Philosophicis studiis missus in Indiam. Inde cum in Japoniam iter per Javam haberet, à Batavis captus est. Occupavèrè locum quandam in Java Batavi, in quo & Urbem condiderunt Arce firmatam, quam indigenæ Jacatram, ipsi a suo nomine Novâ appellant Bataviam. Urbs illa Orientis est miraculum, æmula Venetiarum; nam quamvis à Venetijs superetur ædificiorum splendore, superat tamen vicissim aquæ potabilis rivis, & Indicarum palmarum, quaquà navigaveris, ad obumbrandum abundantia. Ea supremi per Orientem Batavici Prætoris sedes est; & quidquid toto illo Regnorum Orbe contrahitur mercium, huc convehitur; indeque in Hollandiam, dispensandum ingenti compendio per Europam, in navibus transportatur. Quamvis ergo P. Ægydium ad fretum Sincapuræ deprehenderint, captum tamen in novam traxèrè Bataviam, ut pluribus ludibrio esset. Toto biennio in arcta custodia detentus, permissus tamen quandoque fuit per arcem circumire,

quòd elabendi nullum subesset periculum. Quà opportunitate, pro suo Sacerdotis, & è Societate quidem, instituto, Catholicos qui iisdem vinculis tenebantur, spiritualibus auxilijs recreabat, admittit sua consentientes audiebat, explicabat doctrinæ Christianæ capita, hortabatur ad retinendam Fidei, tot inter adversitates, constantiam. Ad hæc solebat aquam benedicere, excitare Oratoria, & alios Ecclesiæ, quos poterat, ritus celebrare. Et cum nequireret Japonios, ad quos plenè desiderijs festinabat, Fidei verè imbuerè Mysterijs, Catholicos saltem in iisdem aut edocebat plenius, aut confirmabat. Quinimo, ut contineri impatiens amor quævis obstacula aut ignis instar consumit, aut instar aquæ violentè perumpit, nullà periculi habità ratione ipsos etiam Batavos, Arcis & sui custodes, quà blando assatu, quà proposità ob oculos Fidei nostræ veritate, ad eam pertrahere laborabat. Sed, quod de suis custodibus scripsit Sanctus Ignatius Martyr, ipsos nimirum beneficijs evasisse peiores, id expertus est etiam P. Ægydus: nam A Catholicis custodes reddebant pro bono malum, pro verbis salutaribus immania verbera; neq; alio passim, quàm Papiæ, & Diaboli nomine vocitabant, contumelijs appetebant; cruciabant longà inedia. Quæ omnia cum invictà patientiâ toleraret, tandem plagis ab impijs secularijs confectus occubuit, & DE O victoriam reddidit animam A. 1622. persecutores in Indijs nactus Europæos.

AUGUSTINUS OTA.



Multi annos computant Religionis, sed sæpe parvus fructus est emendationis, inquit religiosissimus Thomas à Kempis. At Augustinus Ota unius diei militantis

Societatis Tyro, eodem die triumphantis veteranus, Religionis fructum uberrimum carpsit in ipso flore, postquam militantem Societatem solà morte honorasset. Natus erat Augustinus in Japonia Ogicæ, quæ Firandensis Provinciæ est civitas; à puero imbutus disciplinâ Bonziorum. Sed cum anno ætatis 15. cum parentibus in Insulam Goto profectus esset, ejuratis Bonziorum superstitionibus, ad Patrum Infortiorum cohortationem, unà cum parentibus sacro latice ablatus est. Toparcha Oræ Gotenfis, Ota appellatus (à quo

nomen suum traxit Augustinus) pià liberalitate ædem sacram crexerat, sacris Missæ sacrificijs, concionibus, reliquisque Christianæ pietatis exercitijs obeundis peropportunam; cui dum idoneum curatorem (quem Japones Cambo appellant) inquit, Augustinum invenit muneri huic longè aptissimum; præterquam enim quòd S. Guidonis æmulus, aras frondibus floribusque exornaret, supellectilem lineam & Templi pavimentum mundissimum semper asservaret; Sacerdotis insuper quandoque absentis vice, quoad fas, obibat: convocatos in sacram ædem Neophytos erudiendo, & confirmando in disciplina suscepta; præcinendo item devotos cantus, Fidei mysteria rhythmicè continentes, & certas cum illis preces recitando; ut

Pp

præter



Augustino Ora lapum. Soc IF.SV pro fide Christi capite truncatus in lapina Ikinos una 10 Augusti A. 1622.

C. Sereta. d

M. Kusli. f

præter augustissimum Missæ sacrificium, ad solatium suum vix aliud desiderarent Neophyti. Verùm postquam exortâ persecutione Templâ Christianorum dejiciebantur, eâdem procellâ involuta fuit sacra ædes Gotensis. Mæstus proinde Augustinus Nangasachum ad Patres nostros recurrit, ibique conjugij onere, uxore demortuâ, solutus, alterius cuiuspiam Ecclesiæ procurationem sibi demandari cum lacrymis postulat, unicum suum solatium esse dictans, Templis & animarum saluti pro suo modulo deservire. Præfectus igitur Firandensi Ecclesiæ rursus Cambo, tantâ diligentia & zelo eam procurabat, ut ab omnibus pro Societatis operario haberetur. Lustrabat ille omnes oras sollicitus, & in lucrum animarum semper intentus; laborem

reputans pro quiete, pro præmio periculum, quod ea tempestate frequens subire necesse erat. Ob quæ sua merita A. 1621, datus P. Camillo Constantio socius, quamvis nondum in Societatem adscriptus, cùm in Gotenses Insulas trajecisset, unâ cum Patre ab apparitoribus Toni Firandensis comprehensus & vinculis onustus, in carcerem Ikinosimanum compactus est. Erat arctus ille carcer, amplius virtutis campus Augustino, patientiæ præsertim, cùm in ea captivitate, & fames gravissima toleranda esset, & fœtores enormes hauriendi. Per quæ tolerata patienter mala, dum se comparat ad exhibendum Christo sanguinis testimonium, Xogum Imperator Cambacundoni filius certior factus de Patris Camilli & Sociorum comprehensione,

hensione, Patris Camillo rogum, socijs secures decernit. Quæ sententia ubi captivis innovit, Augustinus impensè petijt in Societatem admitti; atque ut impetraret, supplices ad Præpositum Provinciale super ea re literas, adhibita Patris Camilli commendatione, rogavit. Erat Augustini virtus pridem cognita, & multis probata experimentis P. Provinciali; unde haud difficulter id, quod petebatur, concessit, facultate P. Camillo per literas datâ, eum in Societatem legitimè, & ad vota admittendi. Admiratione dignum

fuit; cùm omnes Patris Camilli literæ ad Provinciale, & hujus vicissim ad Camillum, in manus hostium delapsæ interciderent, has unas perlatas fuisse, idque pridie, quàm Augustinus moreretur. Ingenti ergo animi suisolatio in Religiosum statum admissus, vota fecit: & vitam, quam in Societate Jesu teacturum voverat, unius diei Tyro, virtute veteranus, pro Christo datis cervicibus prodegit. 10. Augusti 1622.



P. CAROLUS SPINOLA.

Sanguis Martyrum non tantum semen est Christianorum, sed etiam exhortatio Martyriorum, dum imitari non piget, quod celebrare delectat. Celebrabatur ubique secundis rumoribus gloriosa mors P. Rodulphi Aquaviva, Ducis Atriæ Filij, in odium Fidei a Sallettanis occisi, eo planè tempore, quo Carolus Spinola è Comitum Tassariorum Illustrissima progenie, Patre Octavio, Rodulphi Cæsaris magno stabuli Magistro, Pragæ in Bohemia natus, ex assidua mortis & sæcularis vanitatis meditatione, de ingredienda Societate JESU deliberabat. Qui hâc Rudolphi victoriâ ad paris mortis desiderium succensus, spe potiundi in Orbe novo gloriosi Martyrij, sinè mora admissionem in Societatem postulare statuit; quam spem valde confirmabant dicta velut Prophetica Patris Bartholomæi Riccij, dudum antè Carolo disertè asseverantia: *eum Societatis Religiosum, Japonia Apostolum, & Christi Martyrem aliquando futurum.* Desiderium hoc suum postquam cum Moderatoribus pertractasset, justus est deferendi sæculi veniam petere ab Amicis; qui non leviter initio repugnarunt, periclitandi, ut solent, studio, an ex DEO foret vocatio. Sed perrupit difficultates omnes ingenti constantiâ Carolus, quam insigniter expressit in literis ad patrum suum Cardinalem Philippum Neapolim datis. *Intellexi (scribit ipse) proferendum esse bene longè adventu P. Rectoris; sed obtestor Dominationem Vestram Illustrissimam, ne gravetur proximo tabulario sententiam mihi suam perferbere, ut Festo S. Thomæ ingredi in Societatem queam; nequid, dantiùs obsecro me moretur, quia moras non fero. Adventu Rectoris jam mihi non est opus, cùm hic adsit Provincialis, qui compotem me facere poterit. Si fortè Dominatione Vestra me ducat, donec re-*

sponderit Dominus Octavius, affirmo ejus me approbationem susque deque habere: nam seu venerit, seu manserit, desiderium meum tamen nunquam retardabit. Quod vero cum Illustrissima D. V. hanc rem tractaverim, id solius officij causâ feci; indecorum ratus, si omitterem; non quod auctoritatem veniamque Vestram expectarem. Nam quamvis veniam mihi recuset, ego ultro mihi faciam, idòque in Collegium, neque inde discedam; neque expellere me valebunt, quando DEO potius, quam alteri debeant obedire. Ac si fortè in suorum me numerum referre nolint, scribam ad eorum Præpositum Generalem; aut etiam efficiam, ut ipse Pontifex Maximus intelligat, resciscatque. Imò ut me deficiant omnia, spero tamen non defuturum angulum aliquem in extremis Mundi finibus, in quo vel herbarum radicibus, vel panicillo falsa aqua vivam: nam si Deus pro me, quis contra me? Si modestia modum excessi, Dominatio Vestra quaso adscribat magnitudini desiderij, quo feror in Religiosum vitam. Spero Illustrissimam Dominationem Vestram, utpote Cardinale (hoc est Ecclesiæ Sanctæ Curiam, ac speculum) non commissuram, ut tantum boni negetur uni nepoti suo indigno. Etenim si alijs eum Ordinem ingredientibus semper favit, mihi certè videtur etiam ampliùs adesse debere. Pluribus supersedeo, nè molestus sim. Nolæ 7. Decembris 1584.

Ex his literis perspectâ Caroli constantiâ acquievit Cardinalis, ut Carolus annum agens vigesimum, 23. Decembris A. 1584. Societatem Nolæ ingrederetur. Ubi Tyrocinio sub P. Bartholomæo Riccio, & in contubernio P. Bernardini Realini (quo familiariter utebatur) absoluto, ad studia Philosophica Neapolim missus, in Societatem incidit B. Aloysij Gonzagæ, cujus se sanctissimâ consuetudine usum gloriarî solebat. Sed quia initia mali phytici in eo apparere cœperant,



P Carolus Spinola ex Marchionib; Italia. P. Sebastianus Kimura primus è Iaponibus Sacerdos cum 7 alijs Soc. IESV. lento igne pro Christi fide exusti. Nangasachi in Iaponia 10 Septemb. A 1622.

c. s. d.

M. K. F.

salubrioris aëris gratiâ Mediolanum proficisci iussus, dum Romæ tantisper subsistit, operam dedit P. Clavio Mathematicas disciplinas docenti; eâ felicitate, ut eisdem subinde Theologiæ discipulus, alijs publicè traderet Professor; eâ tamen modestiâ, ut si discipulorum scriptis suum nomen præfixum legeret, illud mox aut eraderet, aut obliteraret. Porro inter studia adeo non elanguit fervor virtutis in Carolo, ut potiùs domesticis omnibus exemplo esset, externis admirationi. Ad statas meditandi horas adijciebat alias extra præscriptum; orationis item binas, affectu plenas, & indicēs illius ingentis desiderij, quo Martyrium ferventissimè expetebat, manè primùm, ac subinde per diem sæpius recitabat: diebus recreationum, & per autumn-

les ferias, pagos castellaque concionabundus obibat; cui operi tam erat addictus, ut totam vitam consecraturus fuisset docendæ Catechesi, si missionem Japonicam non impetrasset. Cùm Breræ Parthenio Sodalitio per quadriennium præesset; inter reliquos, & hunc adinvenit Beatissimam Virginem colendi modum, ut Sodales repetitâ novies salutatio-
ne Angelicâ, novem interea beneficia Virgini à Christo, per novem menses in utero gestato, concessâ meditentur. Dum vero scholas inferiores doceret Magister, formandis discipulorum moribus ita temporis intervalla distinxit, ut suâ cuique attributâ horâ, seorsim cum unoquoque tractaret, & nunc salutis negotium, nunc meditandi artem, alias puritatis amorem commendaret; eo fructu,

ut

ut complures è Nobilissimis adolescentibus in publica Gymnasij area humilitatis & mortificationis exercitia obiverint, plurimi autem contemptâ sæculi vanitate eidem valedixerint.

Sacerdotio A. 1594. initiatus, novum ad omnem virtutem concepit ardorem; preces Canonicas de genibus semper, quod & in Japonia pertinaciter observavit, persolvebat; SS. verò Missâ Sacrificium Seraphicis inflammatus peragebat affectibus, in quo pellem propelle, sanguinem pro sanguine, per Martyrium fundum offerre solebat Deo Eucharistico, ut cupitam ad Japones impetraret missionem. Quam dum per literas absolutus studijs rursus urget, Cremonam interim suo Apostolico fervore itâ ad pietatem inflammavit, ut se cives ipsi alios esse stupeant. Inter hos labores, allatæ sunt expectatissimæ literæ, de concessâ missione in Indias: quam ut adornaret, Mediolanum citissimè reversus, valerèque jussis Con sanguineis, frustra iter præpedire conantibus, Genuam contendit; ubi dum occasionem navigandi in Hispaniam operitur, literas scripsit ad Socium olim suum Pompilium Lambertengum, è quibus elucet ingens desiderium difficilium pro Christo patiendi. Eæ sic habent: *Præteritis diebus ne tempus perderem, Litaniis collegi Nostrosque, qui hucusque pro Christo sanguinem fudere. Duxi ea Reverentia Vestris perscribenda, ut numerum haberet absolutum, meique subinde memior, eorum me precibus commendaret, ut virtutes imitari queam. Quid me vult facere? si pati aspera non poterimus, at saltem delectabit spectare quæ alij tolerarunt, eorumque nos flammâ accendere, ac parare. Ecquando erit illud tempus? O dies! O hora! O momentum! O Pater Pompili, quanta suavitas vel cogitare secum pœnas mortis, pro Christo tolerare! Ecquid ergo erit ipsum mori? Jam Rev. V. hoc insigne munus meum remuneretur, visendo semel ad sacratissimum Christi Clavum, eumque deprecando, ut ille mihi cor configat, affixumque pedibus suis retineat in Cruce. Et sanè explevit aliquatenus ejus patiendi desiderium uberrima ærumnarum messis per navigationem Indicam tolerata. Nam cum eò jam provecti essent, ut Promontorium Bonæ spei se propediem superareturos crederent, clavum navigij rupit vehementia venti. Discors erat inter Nautas consilium, quid in re trepida facerent. Milites, qui Nautarum ægrotantium invaserant officia, quæstionem definivè, coacto Navarcho in Bajam Brasiliæ cursum dirigere. Quo tempore P. Carolus difficilem febri à*

nautis, quos obsequijs & spiritualibus alloquijs solabatut, contraxit. Idibus Julijs post multa pericula, portum Brasiliæ hilares tenuè. Unde quinto post mense 12. Septemb. mare rursus ingressi, tam immanibus jactati sunt procellis, ut mortis facies omnium oculis obversaretur; quare die nocteque integrâ in excipiendis confessionibus occupatus erat cum P. Hieronymo de Angelis Carolus, pro maris tranquillitate patrocinium. identidem invocans Nostrorum Patrum, qui ea ipsa maria olim suo sanguine pro fide sparso purpuraverant. Posthæc die 25. Martij anno 1597. in portum Insulæ Boriquenæ, quæ ad occidentalem Indiam pertinet, invecti, & ab Antislite Judicæque Regio perhumaniter accepti, suam illis vicissim operam cum salute plurimorum impenderunt. Doctrinæ Christianæ explicationem per socios in summa urbis æde, & in plateis instituit ipse cum P. Hieronymo; dùmque naves instaurarent, omnes Urbes Insulæ circumvit, donec laboribus fessum utrumque duplex invasisset tertiana.

Quinto, postquam huc appulerant, mense, mutato consilio, reliquæque navi Indicâ quâ venerant, aliam conscenderunt, exiguam atque inermem, & die 21. Augusti vela fecerunt æger uterque, ut neuter alteri opem ferre posset. Accessit ad ægritudinem & ille dolor, quod dum ipsi Indiam avidè peterent, tandem 3. Januarij A. 1598 se Olyssipone esse viderent. Dum enim Insulas Tertias prætervererentur, in Anglicanam navim impegerunt, cui cum resistendo non essent, rebus omnibus præter vestes spoliati, exiguo lembo, per immanes tumultuantis Oceani fluctus, longissimo spatio deportati sunt in navim Præfecti, à quo interrogati sunt de Patria & conditione. Carolus non ignarus, quanto in odio apud Anglos hæreticos esset Societas, tam insigni patientiæ occasione lætus, apertè professus est, Religiosos se esse Societatis, genere Italos. Sed contrâ, quàm sperârat, res evenit; Præfectus enim humanissimè exceptos, in Angliam secum deduxit; indeque calceis, & tibialibus, atque pileo Anglicano (ut securiores forent) donatos, in Lusitaniam Ulyssiponem remisit. Ubi in usus crine & barbâ, in vestitu alieno & vili, nautæ quàm Religioso similior Carolus, initio non agnoscebatur. Agnitus tandem est eò majori cum gaudio, quod diutius nihil de eo vel rumoris acceperant. Optabat ille quidem mox Indiam repetere, sed Moderatoribus visum est expectare Præpositi Generalis voluntatem. Itaque

in Lusitania eo anno manere coactus, quatuor solennia vota nuncupavit. Sub extremum verò Martij anni infequentis, Indicum rursus ingressus est iter; & A. 1602. incredibili animi sui gaudio Nangasachum tenuit, quod per viginti quatuor millia milliariorum jam alterâ navigatione petebat.

Annos 20. egit in Japonia Carolus, è quibus 16. Ethnicorum, Christianorumque excolendis moribus dedit, principio quidem publicè, clanculum deinde, quatuor verò non omnino integros inter incommoda maxima carceris Omurani duxit. Initio ergo ad Arimense Collegiū missus, Japonicæ linguae discendæ causâ, administravit simul Annunciatæ Virginis in Seminario Sodalitatem. Inde post annum missus Ariam, apud se decrevit, nullum subterfugere laborem, quo vineæ sibi commissæ vigorem tueri augerèque posset. Itaque non rarò jejunos lassusque uno aliquo è loco reversus, in alium ad plures sæpe leucas dissitum avocabatur; neque alio cibo, somnòque recreatus, atque illo, quem suggerit ardens salutis alienæ studium, spiritusque fervor, promptus se conferebat quocunque accersebatur. Ubi spiritualia egentibus subsidia ita impertijt, ut corporum quoque egestati provideret, tum pauperrimo suo peculio, tum collecto à Lusitanis, Japonibusque Christianis subsidio, quod proprijs semper ad eos humeris deportabat. Cui singularem etiam Deus gratiam conferre videbatur, adducendi ad Christianam Fidem gentiles omnes, cum quibus egisset; ut in tanta temporum iniquitate, quantam ipse invenit, ad quinque tamen hominum millia suis manibus baptismo tinxerit. Accidit ut infantem alicujus barbari abjectum, atque animam agentem plebs admiranda circumstaret, quâ dimotâ Carolus, velut medicinam facturus, expressam strophilo aquam capiti jacentis asperfit, pronuntiata sacrorum verborum formulâ, & paucas post horas lustratus infans animam exhalavit. Tantum gaudiorum attulit Patri lucrum illud animulæ alioqui fortè periturae, ut disertè affirmaret, etiam si DEUS non aliud illi reddidisset laborum præmium, quos exhauserat, vel deinceps toleraturus erat, estimaturum tamen se plus satis recepisse mercedis, vel unicâ illius animæ salute, abs se tanquam instrumento, procuratâ. Inter has proximi adjuvandi curas, sui non negligens, redibat bimestri quolibet in Collegium, & spiritualibus auxilijs lassitudinem animi recreabat; sicque novus semper & vegetus ad labores redibat.

Exacto serè biennio Meacum est missus, ejusque Collegij Ministrum annos 7. egit, tantâ in omnes charitate, tantâ affabilitate, morumque comitate, planè ut exemplo proponi omnibus soleret ad imitandum. In sese unum severus erat & asper, repetitis à se pœnis quotidie per flagellationem, quâ se per Quadragesimæ dies adjecto unâ cilicio cruentabat, Victus illi tam modicus, ut perpetua quædam abstinencia vocari posset; cui frequentia tamen jejunia admiscebat. Japonicos fructus, quos appetuit maximè Europæi, ne gustatu quidem multis annis delibavit; tenuissetque id propositum sui vincendi constantissimè, nisi jussus fuisset rigorem remittere. Par huic secum pugnandi ardori erat egregia illius animæ cum DEO conjunctio: & quotannis quidem mensis spatium intra se collectus, cum DEO per Exercitia Spiritualia, ardentissimique amoris affectus consumeat; sed & inter orandum quotidie tantâ Cœlestium voluptatum dulcedine perfundebatur, ut eam per uberes lacrymas, maximè dum Sacris operabatur, cogeretur explicare. Ab hac intima cum DEO necessitudine manabat Cœlestis illa animi fortitudo, quâ generosissimè mortalem hanc vitam aspernabatur, nec non promptitudo illa tam constans, quâ nullam non amplectebatur occasionem patiendi. Erigebat ipse cæterorum animos maximis in periculis, efficiebatque, ut prompti evaderent ad vitam vel per tormenta, si res ferret, abijciendam, quos alioquin sole pœnarum minæ consternarant. Per id tempus curam quoque sustinuit Sodalitij Catechistarum dirigendi, quod non exemplo minus, quàm verbis, ad omnem virtutem informavit. Post annos 7. Meaci exactos, munus Procuratoris Provinciæ suscepit; per quâ occasione cum Nangasachum migrare cogeretur, incredibile dictu est, quàm graves acciderint Christianis omnibus discelsus ejus nuncijs, qui Patris instar eum & amabant, & venerabantur.

Inter hæc, gravissimæ illius persecutionis turbine Socijs omnibus Japoniâ proscriptis, coactus est simul etiam obire partes Vicarii Generalis in Ximenis tractu, pro P. Valentino Carvallio Societatis Provinciali, qui defuncto Japonensi Episcopo, jussu summi Pontificis, Administrator erat Episcopatus. Itaque ad latendum occultius, novum sibi apud externos nomen indidit, Josephi à Cruce; quo tamen simul palam profitebatur, quid extaret in animo. Cujus temporis exantlatos pro Neophytis labores commemorat modeste ipse

ipse in literis ad P. Pompilium datis 20. Martij 1617. *Jam duo fere anni sunt, inquit, & dimidiatus, ex quo Christianis hisce excitandis colendisque, magno cum labore incumbō. E domo in domum etiam succedo, noctū confitentes audio, simulque hic sacris operor, quia proprijs edibus careo. Plerumque solus, absque omni hominum consortio ago, nec vel unius diei relaxationem habeo, prater eam, quā Dominus eos imperitur, qui amore sui se fatigant, adversasque res perpetuuntur. Gravissima quæ me torquet acerbitas est, non solum pampinos, florēque vineæ hujus adverso Tyrannidis turbidine videre prostratos, verum etiam vnas propi jam maturas, tot tantorumque laborum nostrorum spem collapsam. Inter hæc tamen valetudinem theo, ut queo; neque vel tot rebus deficientibus, unicæque in diem refectio, eaque modica pustus, adhuc macroscō; atque ita reipsa sentio verum esse illud: Non in solo pane vivit homo. Demum tamen, quia ob Provincie procuracionem minù occultum eum esse oportebat, ad quem erat omnibus perfugiendū, exploratorum insidijs proditus, in manus incidit Imperatoris Ministrorum.*

Multorum opinio fuit, eam captivitatem P. Carolo divinitus fuisse significatam; nam diebus eam præcedentibus longior erat in sacro Saciendo, inflāque hominis à sensibus abstracti; in orationibus prolixior, in familiarī consuetudine lætior & affabilior. Biduo etiam antè ab oratione surgens, Catechistam advocat, supellestem illi tutò occultandam committit, pyxidēque icunculis instructam, quas in portē sua dari Patribus, amicisq; jubet. Duo etiam Rosaria è scrinio extrahit, alterum pro fratre, pro sorore alterum sui Dogici. Ipsi Dogico pileolum quandam candidum donat, dicens: *Hunc in mei memoriam servato: cūque Dogicus diceret: se cum eo commori paratum esse; reposuit: Evenient omnia pro placito DEI; sed scito te nihil esse perpessurum. Inter hæc persuasus ædes mutavit; in quibus cum Ambrosio Fernandez (ut supra narratum est) captus An. 1618. & in carcerem illum Omurensē ærumnosissimum inductus, Socios ibidem jam inclusos arcē complexus, in ea D. Clementis Martyris verba prorupit: Non meis meritis huc me misit Dominus, vestris Coronis participem fieri. Simulque tantā dulcedine repletus est, ut non in carcerem, sed in Paradisum Cœlestem sibi ingredi videretur. Certè ad quandam hæc verba ardentissimè scripsit: Equando ô DEUS meus, hoc ego beneficij meritum sum, ut dignus efficerer pro nomine JESU contumeliam pati! O bene collocatos labores meos, quos itinere*

tam longo ex Italia in Japoniam tuli! O bene remuneratos dolores, præsertim illos, qui Tyrannidis hujus sævientis temporibus tolerati sunt! Etiam si nunquam assequer, quod præcipuè semper expetivi, cuius quæ desiderio in hæc Regiones profectus sum. Et tamen locus ille carceris ejusmodi fuit, ut ipse P. Carolus de eo scripserit; neminem esse, qui, estimato inferioris appetitūs sensu, non vallet vivus cremari, quàm eum ferro; uti fusi in vita Ambrosij Fernandez descripsimus. Angustè admodum habemur, scribit ipse ad quandam, neque enim quisquam plus habet spatij, quàm duorum palmorum & trientis: singuli corporis sensus proprijs doloribus conflantur. Ordinaria epula sunt lances duæ orizæ frigida, aqua purā coctæ; paropsis una Xiri (sorbitionis id genus est, herbis ingratis mixta) tam amari, ut hauriri vix queat. Ad hæc exigunradicū cruda ac salse, aut par unum halecularum, aqua calidā, aut frigidā salutarum.

Mox è carcere ad plurimos Societatis Patres literas dedit ardore Cœlesti plenās, quibus gaudiorum suorum copiam explicabat, omnibus epistolis deinceps subscribens: *Carolus incarceratus; aut Carolus pro Christo captus. Earum literarum frustatim paucas delibabo, ut ipsius verbis explicem pectoris inflammati desideria: Tandem, inquit ad quandam, venit hora mea, atque ut clarè mihi innuit voluntas Numinis, ita Divina ejus Bonitas sperare me jubet, non egressurum me hoc carcere, nisi ut in Cælum mittar. Quare consolationibus superabundo ob tam felicem conditionem, quæ mihi obtigit, expectans felicissimam exitus mei horam. Utinam ita Domino placeat, ut hinc non egrediar, nisi ad moriendum, aut ad Evangelium liberè disseminandum! O mi Pater, quam liberaliter mihi Dominus labores meos omnes vel hæc gratia compensavit, quod amore illius captus sim! O Pater, quàm suavis & deliciosa res est pro Christo pati! Id ego, ex quo in hunc carcerem veni, liquidius experior. Hinc ingens eum anxietatis sensus urebat, quoties ei scribebatur fore, ut è Japonia proscriberetur: blandēque cum eis expostulabat, qui eum similitum rerum admovebant, obtestans tam injucundis nuncijs indicandis abstinere, E contrario si quis significasset moriendum ei pro Christo fore, perpetuūque carcere jam damnatum esse, Sacri unius munus illi pro nuncio reddebat; tantāque interim gaudiorum suavitate obruebatur, ut celare non posset. Sic loquitur scribens ad Rectorem Nangasachensem: Magno me solatio affectè jucunda illa nova, quæ suis mihi literis nunciat: at longè certè meliora sunt, quæ ex ipso Gonrocoi ore*

nonnemo fide gravitateque spectandus accepit, nimirum Octobri proximo vivos nos igni esse comburendos. Ultimam veri sint nuncij! O Pater dilectissime, si palo semel alligatus, igneque combustus pro Christo fuero, quanta eris illa mea felicitas! Equidem animadverto tanto me favore longe esse indignissimum; sed immensum quoque DEI miserationem esse non ignoro. Iterum ad eundem: Sani, inquit, incolumesque, in Paschatis ferias viximus, peractâ licet cum parvisimo cibo Quadragesimâ, habitaque in dies singulos bene longâ corporum flagellatione. Id solum deest ad summam, ut nova illa adferantur, brevè nos abreptum iri in macellum. Etiam si verò navigijs nos non imponant, ut è Regni finibus relegemur, certè in hoc carcere mori parati sumus. Quàm verò in tam grandi præstantissimæ charitatis, Divinique amoris impulsu, de se demisè sentiret; quàm se indignum, qui vitam pro Christo profunderet, exilimaret; quàm sedulò, nè ob suas fortè culpas ab hac gloria rejiceretur, amicorum patrocinium imploraret, sic ad alium expressit. Abhinc diebus aliquot percrebuit rumor, vivos nos hoc anno crematum iri: unde fortè prius exilio hoc meo absolutus abiero, quàm he meæ ad Reverentiam Vestram perferantur; quod certè quamcivissimè finire cupio, ut ego quoque finem faciam illius offendendi, cui tantum debeo. Ceterum vale mi Pater charissime, dum inter nos visamus in Monte Sancto, nisi mea me peccata tam insigni occasione intercludant. Alteris ad eundem sic ait: Ternas à Reverentia Vestra accepi, è quibus cum vestrum in me amorem, tum mei in carcerem comitandi studium intelligo. Sed fallitur vehementer, dum honestius de peccatore hoc miserrimo opinatur, qui peccator tantus sum, non quidem defectu Celestis gratiæ, quam assatim mihi dari sentio, sed quia eâ minus, quam decet, proficio, neque tempore utor, quod, ut morti me parem, concessum mihi est. Nihil in me boni deprehendo, præter voluntatem multa pro DEO patiendi avidam, factamque ad omniem ejus nutum, seu centum annis vellet me hoc carcere affligari, seu in exilium extra Japonem expelli. Id unum cruciat, quod vitari mihi sentiam prorogari, quâ perpetuò (quæ mea calamitas est) Deum offendere; mortemque expecto, ut finem aliquando faciam illius exasperandi: speroq; deprecationibus Reverentia Vestra, & aliorum, aut Crucem impetraturum me, aut ardentem pyram.

Illud autem prorsus admirandum, quòd tot ac tantæ in quadriennali carcere toleratæ molestiæ, adeò inexhaustam ejus patiendi sitim non sedaverint, ut voluntarias etiam pœnas affligendo innocenti & semivivo cor-

pori identidem adderet; & cum solâ orizâ in aqua decoctâ visitarent in carcere martyres, Carolus tamen affligendi sui studio, & hoc alimento pluribus per hebdomadam diebus abstinebat, eosque exigebat arctiori inedîâ. Cilicio ferè continenter induebatur, demptisq; fectis, quotidie se cum socijs acriter verberabat, petebatque identidem à Procuratore Japoniæ nova flagella, thoracisque setaceos, quia datos frequenti usu citò atterebat; & quamvis vestem, indusiumque toto triennio nunquam, hæc tamen mortificationis instrumenta, mutavit aliquoties. Quo vitæ tenore extremum sæpius mortis subijte periculum, non semel ad supremam lucem sacro inunctus oleo; Deo tamen reddente illi virium integritatem, subinde supra spem omnem humanæ opis. Cumulabat omnes morborum difficultates sævitia satellitum, qui nec guttam aquæ, extra prandij cænæq; tempus, importari sinebant, ad mitigandos febrium ardores. Carolus tamen in summa humani solatij inopia, Divinis recreabatur adeò, ut ad quendam è nostris itâ scripserit: *Eo ipso ærumnarum tempore non capiebat pectoris mei angustia letitiam, quantam nunquam aliàs expertum me memineram, sic ut præ bilirate gestirem, viderique Cæli limen intrare.*

Ut à febribus paulisper convaleuit, nova se illi obtulit patientiæ seges; cum ipse, duòque alij, adulto jam Novembre, seminudus, & adversus Cæli frigidi injurias indefensus, vinculus catenis, & in angustum navis angulum compactus, Firandum itineris miliarium 90. contendere jussus est. Causa itineris erant duo Europæi, è Philippinis Insulis advenæ, à pyratibus Hollandis Anglisque comprehensi, & quòd Sacerdotes ac Religiosi essent, per suspicionem accusati; quod cum illi dissimularent, visum est Judicibus ex Omurenfi carcere advoeare aliquot, à quibus scilicet recens captos cognitum iri expectarent. Die 25. Novembris producti nostri, vivorum instar cadaverum pallidi, vinculis constricti, seminudi, spectaculum vel ipsis barbaris facti ad commiserationem. Sed cum duos illos captivos, utpote nunquam antè vivos, & recens ab Hispania advenas, non nossent, in carcerem Omurensem revedi sunt: ac tum demum duo illi fassi sunt se Religiosos esse, qui ad Christianam Fidem propagandam adnavigassent. Quod ubi Imperatori significatum fuit, iræ impotens, illos, & quotquot vincti tenebantur Religiosos, vivos cremari jussit. Hujus edicti fama cum ad carcerem Omuranum perlata esset, haud facile creditu

creditu est, quantâ communiter hilaritate captivis audita sit. Carolus statim amicos salutare literis, quasi brevi è vita discessurus, instituit, quæ quia ardentibus planè sunt, ultimæque quas scripsit, prætereunda non videntur. Reçtori Nangasachensi scripsit 26, Augusti 1622. *Male admodum me habuit febris continua, à 20. Junij in Idus Julias, abstulitque quod reliquum erat virium, planè ut moriturum me opinarer: sed vivere me Dominus voluit, ut unâ cum alijs Sodalibus in holocaustum offerer. Apparet eos certè jam inde ab extremo Julio anni elapsi voluisse, ut arctius constringeremur, ut fame incommodisque majoribus vexati, paulatim Martyrio nos appareremus. Nescio cui felicem hunc successum acceptum referre debeam, nisi immensa benignitati Domini mei, qui divitias suas in servo aliquo suo indigno (qualem me agnosco) patefacere vult; ac precibus Patrum, Fratrumque Societatis. Quia autem vereor de fore qui meus in posterum perferat ad Reverentiam Vestram, hisce valere eam jubeo, petoque veniam culpæ mearum, obtestorque, ut me juret in reddendis pro tam insigni beneficio gratijs, simulque mihi impetret à DEO constantiam obeunda mortis, dignam non degenerare filio Societatis. Die 28, ad Præpositum Provinciale scripsit in hæc verba, quæ carpiam describo: *Heri insigni furore satellites in carcerem inopinatè involarunt: credebamus pro ijs, quos acceperamus nuncijs, aut trucidatum nos iri, aut Nangasachum avehendos. sed mox intellectum, venisse ut numerum inirent captivorum. Audivimus felicem obitum eorum, qui venire Manilâ; puto nos brevi quoque incendio conflagratos. In omnem casum (quæ DEI gratia est) parati sumus, felicem illam horam expectantes. Attonitum certè me habet immensa DEI bonitas ac clementia, quæ indignissimum mancipium tanti beneficii honore dignatur, quantum est, vitam pro ejus amore ac nomine fundere. Neque eâ me cogitatione expedire valeo, quin illa Apostoli verba usurpem: Non est volentis neque currentis, sed misereentis DEI! Quare existimo sacrificijs Reverentia Vestra, aliorumque Patrum, præcipue eam gratiam exorantem esse: atque ita secundum DEI Virginisque, & aliorum Celitum patrocinium spero, illorum ope me illud quoque corporis animique robur impetraturum, ut supernum certamen obeam, pro dignitate sincere sobolis Societatis IESU. Ceterum hisce Reverentiam Vestram valere jubeo, abjectusque ad ejus pedes, nozarum mearum veniam deprecor, præcipue quod parum adeo profecerim tot sanctissimorum præsidiorum auxilio, quot in carcere suppeditarunt quadriennij spa-**

tio, ad perfectionem assequendam; petoque suâ me cumulet benedictione. Patres, Fratresque omnes, quos ultimùm affectu maximo complexus sum, obsecro uti me in referendis Divina Majestati, pro tanto munere gratijs adjuvant, impetrentque constantiam ad usque finem, præcipue cum ultimus morbus adeo vires mihi exhausserit, ut ægred pedibus consistam, &c. subscribit autem; Carolus morte damnatus pro nomine IESU. In eandem sententiam dedit literas biduo post ad P. Visitatorem, & Nangasachum ad Sodales Misericordiæ, quibus eos hortabatur, ut magnis animis vim ferrent Tyrannidis sævientis: quas deditâ operâ in itinere abjecit, cum Nangasachum ad incendij supplicium proficiscebatur, ut nempe à Christianis legendi avidis tollerentur.

Post paucos dies, quàm obierant supplicium, qui Manilâ venerant, jussu Gonroçui Nangasachensis Gubernatoris, producti sunt ex Omurano carcere 24. Religiosi, manibus vincis, relictis in custodia Sacerdotibus duobus, Dominicanis uno, altero Franciscano, aliisque Japonibus sex, quod Nangasachi capti non essent. Post amicos complexus, Psalmos aliquot dulcissimis lacrymis mixtos alternis modulati sunt. His finitis, beata illa cohors suo tugurio excessit; hæc majoribus lætitijs, quod istud supplicij sui initium in sextam feriam incidisset, quâ jejuniû præstare consueverant, memoriæ morientis Christi. Nave conscensâ, vecti sunt militibus undiq; sipiantibus, & omnium ad eos alloquendos accessum prohibentibus. In itinere porro, quod paucarum erat leucarum, alacritate maximâ nunc classarios, nunc nautas adhortabantur, ad retinendam Christi Fidem, si quidem Christiani essent; ad arripiendam, si gentiles; ad pœnitendum, si Religionem tormentorum metu deseruissent; donec ad Castellû Nangaia attingerent, tertio à Nangasacho lapide; ubi celerrimè in equos fuere sublati, ne Christiani cujuspiam colloquio interpellarentur. Captivos omnes præcedebat Carolus, ceteri sequebantur indiscriminatim, occupabatque suus cujusvis latus carnifex, restim tenens captivi cervicibus innexam. Sic leucas itineris duas confecere; & cum occupasset euntes nox, in Uracamo quievère. Inclusi primò fuere septo ligneo sub dio, sed mox, cum ingens decideret pluvia, arctissimè juncti, unum in mapale eâ nocte sunt compacti. Lucescente in Sabbatum die, multi accurrere Christiani, è quibus solitres cum eis loqui sunt permisi. Horum unus erat Dogicus P. Caroli, ex quo nuncium cer-

tæ per incendium mortis accepit, incredibili suâ lætitiâ; vicissimque illi memoriæ suæ quoddam pignus, illud ipsum flagellum dedit, quo se in custodia consueverat diverberare. Ut ergo nuptiali illo die prodiret festo quasi vestitu spectabilior, amiculum Clericale candidum sibi, Patrique Sebastiano Kimuræ; cæteris verò Societatis Sodalibus pileos vestesque novas parari voluit. Ad hæc vexillo, cui JESU nomen esset inscriptum, manibus prælato, mori decrevit, ut vim vigorémque à fortissimo hoc Nomine inter flammās hauriret. Sed nihil ei horum permissum fuit. A meridie eodem, quo dictum est, ordine, leuæ unius iter peregrè ad supplicij locum, qui sancti cognomento (à sanguine, inibi crucibus affixorum A. 1597.) est consecratus. Plurimi per viam occurrere Christiani, videndo spectaculo exciti, qui fufis lacrymis eorum benedictionem patrociniūque precum expetebant. Ad hos versi Heroes, *Filioli*, inquebant, *nolite dubitare, è Cælo (quò brevi Divinâ iuvante gratiâ pertingere speramus,) opem feremus. Ad mortem usque constanter eam Fidem, quam docuimus, tenete: atque illud de Divinâ Bonitate sperate, quòd tanta in necessitate causam suam Deus deserturus non sit.* Reliqua confertæ Christianorum Ethnorumque turbæ strepitum cientes, longiùs exaudiri non patiebantur. Ferunt numerata fuisse Christianorum dumtaxat, qui confluerant, triginta millia. Cùm ad id loci venerunt sancti Athletæ, unde parata supplicio tormenta licuit intueri, sermone gestūque, quàm potuere iucundissimo, consalutarunt. Quia verò nondum advennerant Nangasacho reliqui socij 30. quibus capita erant amputanda, horâ ferè integrâ ad suam quisque columnam astricti, eorum operiebantur adventum. Erant in ijs nonnulli, qui Patres hospitio tlexerant, cum Uxoribus, liberis, & vicinis: conjuges præterea ac filij quaternorum, qui paucos ante annos vivi, amore Christi fuerant combusti. Utrumque agmen, suavissimâ invicem salute interpitâ, intra septum se recepit, subitòque coijt militum manus, ad tuendum adversus tumultus. Septimedio sedebat alto sublimis throno Xuquendaynus, præcipuus Gonroci administer, quæ bimestri pòst, cùm sagacissimè in Religiosos inquireret, ut in eos furorem effunderet, ultio Divina secuta est; nam inter convivas accumbens, vix altero sumpto bolo, exanimis conceidit, & mortui cadaver, combusti instar corporis nigrescere, teterriimūque exhalare odorem cepit.

P. Carolus antequam vineiretur, ad columnam suam prostratus, quanto potuit affectu gratias egit Divinæ Bonitati, pro tam insigni collato in se beneficio, arctissimèque eam complexus, sapius pectori appressus. Ubi verò se in pedes erexit, à licitoribus levissimè, & ferè in speciem palo est alligatus, ut nimirum expedire se facili modo, flammisque eripere, si liberet, posset; quam in rem, quoque apertæ patebant septorum fores; quippe hoc erat indicio conventum, ut Religionem ejurasse censeretur, quisquis incendio se eripuisset. Omnibus alligatis, cæterisque è regione in conspectu, quibus capita erant resecanda, adductis, Carolus illum Psalmi versum: *Laudate Dominum omnes gentes*, clatâ voce præcinit; carmen reliquum cantu exequentibus socijs, alacritate magnâ vocis vultusque, non finè lacrymis spectatorum. Quoniam verò Carolus præcipuus Judicij Administer erat vicinior, oculis ad Tribunal versis, in quo præsidebat Xuquendaynus, constantissimâ morum licentiâ: *facile*, inquit, *apud vos ipsos estimare potestis, visâ hac alacritate nostrâ, in dirissimo mortis supplicio obeundo, an Religiosi homines in Japoniam irrepant studio occupandi Regni, an vero cupiditate aperienda vobis in Calumnia, quæ sola patet per Religionem Christianam. Non ambit opes scepterâve Christiana humilitas; quin imo calcit contemnitque amore Domini sui. Nos animis solummodo salutis quæ vestre instamus, quæ posita est in cognitione vivi verique Numinis (quod gens Christiana vobis indicavit) legimusque ejus observatione. Nos denique (quæ Dei Clementia est) vitam feliciter absolvimus, & post breves hosce cruciatus gloriam speramus sempiternam. Infelices miseris quæ vos, qui viam insistitis, quâ in aternam ruitur mortem! Atque ut plurimos trucidetis, non deerunt (quod putatis) Christiani præcones, qui Japonibus impofterum apportent veram Fidem, quos invitat nempe mors nostra, non deterret. Quin imò, unius nostrum morientium vice, centum exurgent novi (ea est DEI Providentia) audaces juxta ac fortes Evangelij Propagatores, qui felicissimos sese reputabunt, si vitam sanguinēque dare poterunt pro Christo; qui, quantan extremâ hac luctû pugnibus suis fortitudinem imperitatur, ipsi contemini. Deinde ad Lusitanos vultum convertens, tantâ eos vi efficacique ad sectandam Christianæ vitæ perfectionem adhortatus est, ut vir quidam gravis ac locuples vi orationis & exemplo dicentis commotus, valericere mortalibus, & se DEO in Societate dicare decreverit. Dum hæc Carolus loquebatur, gladios nudare carnifices; cæteri,*

cæteri, quibus truncandæ erant cervicæ, in genua se submittere, ad excipiendas secures. Tum verò Isabella Fernandez, conjux Dominici Georgij Lusitani annis superioribus combusti, ob Carolum hospitio receptum, quæ eandem jam ob causam gladio erat subjiçienda, verbis affectûs significatione plenissimis, Patrem ultimò compellavit: ex adverso Carolus, qui filiolum ejus præsentem non animadvertebat (quem paucis ante captivitatem mensibus sacro fonte tinxerat, & Ignatij nomine, quoddam festo illi die natus erat, insigniverat) veritus, nè quis fortè puerum abscondisset, ut felicissimam illi eriperet occasionem honorandi innocentissimi sanguinis profusione Christum, Isabellam interrogat: *ubinam est meus Ignatius? aut quid illo factum est?* Isabella filium brachijs complexa, sublimèq; elatum ostentans: *Eccce, respondit, præsentem teneo, quem una mecum adduxi; ut illi per mortem offeram, à quo & vivum accepi.* Jube, inquit ad puerum, *fili, nunc ultimum valere Putrem tuum, qui aquâ te salvari iterum genuit Christo.* Incredibile quantum multitudinis animos commoverit egregia pueri, vix quartum egressi annum ætatis, religio, benedictionem Patris supremo illo articulo flagitantis; qui mox etiam postquam oculo irretito vidit cadentem sub ictu carnificis Matrem, suam gladio cerviculam subjecit. Triginta suère, qui sub oculis alligatorû palis, & jamjam incendij principium expectantium, truncati sunt, & ad terrorem augendum capita omnî ex adverso illorum locata. Supremo hoc tempore Carolus sacram absolutionem impendit Lucæ de Freitas, quæ, quod sæpius optaverat, DEI beneficio erat affectua, ut vicina lateri ejuspiam Sacerdotis moreretur. Aderant expediti satellites, qui circumjectam materiam inflammarent; ad quos Carolus: *Nolite, inquit, mirari, si videritis à quopiam nostrum signum aliquod edi debilitatis; neque enim are, aliòve metallo conflati sumus, sed mortales carne languidâ sensibilibus compacti, cui à natura comparatum est, doloris cujuscunque vel levissimi sensum percipere, ne dicam atrocissimorum incendij tormentorum.* Spero tamen confidèq; nobis adfore divinitus vim, quâ constanter mortem illius amore toleremus, ad Religionis veritatem asserendam, quam tot annis hoc in Regno docuimus, propagavimusq;. In tempore profectò adhibita fuisse videtur admonitio: duo quippe Japonæ Christiani, Religiosam quandam Familiam paulò antè ingressi, vim ignium sustinere diutius non valentes, iterum tertium-

que clapsi vinculis, magno reliquorum Confessorum dolore, ex incendio ad tribunal Judicum, vitandæ mortis studio evasère. Sed eorum jussu in flammam rejecti, nequidquam vanum Amidæ, Japonij Idoli nomen implorantes, incendio aboliti sunt. Tertius Japon, qui semel ignibus extulerat pedem, mox facti pœnitens redijt in rogam, Fidèmq; moriendo sancivit. Illorum à Religione defectum justè accidisse Numinis permissione declaravit quædam Caroli præmonitio, qui sens, priusquam è custodia excederet, fore prædixerat: *non omnes ex eo numero* (perinde uti evenerat quadraginta Martyribus Sebastenis) *coronam suam è manibus Angelorum accepturos;* repetendo identidem per viâ hæc verba: *vehementer angor animo, verèorq;, nè aliqui nostrum turpi casu suo festa lucis hujus latitiam corrumpant!* Commoverat ad hæc dicenda DEI servum, duorum triumve illorum Japonum asperitas pertinaciæque, quam in carcere monstraverant, nolentes morem gerere in re quapiam gravi. Quâ duritie animadversâ Carolus, pro eo, quo adversus eorum salutem, Divinæque studium gloriæ ferrebat ardore, adhortari eos ex composito cepit, spiritus illos altos demitteret, sèq; ad aliorum accommodare morem; comminatus etiam severam Dei vindictam in eorum præfractâ asperitatem. Satelles unus è custodibus carceris Omurani, qui præsens hæc audièrat, ac deinde spectaculo tristissimi casûs intererat; certiore, inquit, testimonio mihi opus non est, ut sciam, quantus vir Divinâ estimatione sit Carolus, quam audisse illum ipsum dicentem, quod eorum aliqui, qui è carcere ducebantur ut Christo immolarentur, festa pompæ latitiam essent corrupturi.

Jam ignem materiæ satelles intulerat, qui quinque & viginti palmorum intercapedine ab exurendis distabat, ut crudelior existeret cruciatus, acriusq; ad desertionem incitarentur, & paulatim per diuturniorem doloris sensum exsolverentur vinculis, priusque torrerentur lentè, quàm arderent; quin si aliquâ parte luculentior erumperet flamma, protinus coërcebant. Interea dum languido flammarum ardore ignis in viscera penetraret, immoto stabat corpore Carolus, oculis in Cælum fixis, Deoque sui corporis victimam in holocaustum destinabat; donec scintillæ quædam materiæ accensæ ad vestem ejus circa pectus adherentes totum flammâ subito involverunt: cùmque diutius cum incendio luctari non valeret, in terram prolapsus, paulatim viribus destitutus est, primusque

omnium efflavit animam, renatus Cælo per mortem obitam, die 10. Septembris 1622. cum ageret ætatis annum 58. ab inita Societate 38. Vir illustrissimarum virtutum clarus ornamentis, quem Japones perpetuâ retro memoriâ Columnæ instar firmissimæ suspexit sunt, quæ ultimorum temporum decursu, per diuturnæ prædicationis molestissimos labores, dum pax permetteret: per sanguinis sui effusionem, dum Tyrannis sæviret, nutantem Christianæ illius Reipublicæ statum fortissimè sustentavit. Heroum omnium cadavera, eodem loco sitû; triduum jacuere, acritè custodita adversus accurren-

tium vim, è quibus Christiani continenter ad venerandum adventabant, nullo prætermisso studio thesauri tam divitis potiundi. Deinde in mortuos rabie inflammati gentiles, ut eorum penitus obscuraretur memoria, altissimâ fossâ, Caroli Sociorumque cadavera, unâ cum columnis quibus fuerunt alligati, depresso, supellestem sacram, quam illis abstulerant, luculento igne combustam contumulavere, raso etiam terræ pavimento, quod cruore suo Christi milites decorarant; & procul Nangasacho per mare dissipato.

P. SEBASTIANUS KIMURA, & septem Socij Japones Patris CAROLI SPINOLÆ.



Uemadmodum Christianæ Religionis, ita & Sacerdotij primitiæ, DEO ita disponente, Kimuris in Japonia obtigere; avum enim Sebastiani primum è Japonijs, sacris undis abluit S. Xaverius, Sebastianum verò primum Japonem Sacerdotio initiavit Ludovicus Cerqueria è Soc. Jesu Episcopus, eundemque primum è sacerdotibus indigenis martyrio affecit Imperator Xogum, aliàs dictus Cubosama. Sacerdotio jam inde à pueritia sua præludit, quando anno ætatis duodecimo, ultroneâ voluntate Ecclesiæ cujusdam obsequijs sese strenuè addixit. Nonum supra decimum annum cum ageret, receptus est in Societatem Tyro, absolutoque cum laude Tyrocinio, Meaci & in Ximo in tradendo Catechismo Patrum administer defudavit; donec annos natus 30. Macaum ad severiores disciplinas ediscendas navigasset. Ornaverat DEUS animam Sebastiani admirabili quadam simplicitate & candore, quo & hominibus semper erat acceptissimus, & in obsequium DEI tam simplici ferebatur oculo, ut cætera non respiceret; illustre quâ domesticis, quâ externis exemplum contemptus Mundi, & paupertatis, quam præcipuo studio colere videbatur, reliquit, adeo, ut nihil in sua supellestem haberet præter clepsydram, qua stata suarum precum tempora accuratè admetiebatur. Porro pro Concione dicebat ardentè, videbanturque sermones ejus mirabili quodam fervere zelo, quo vitia persequabatur; addebaturque sermoni efficacem actionem, ut emendatio sequeretur uberior: hinc diebus jungebat noctes, quibus salutem proximorum, nullâ mortis, quamvis sæpe præsentis, habitâ ratione, procuraret, Unde

tantus charitatis fulgor inter medias gentilitatis tenebras non potuit occultari, minùs fallere exploratorum, Præcones Evangelicos ad necem quærentium, sagacitatem. Occultaverat Patrem Sebastianum domi suæ, quasi lucernam sub modio, vel cum vitæ propriæ discrimine, Civis Nangasachenfis; qui idem domi suæ Christianū habuit mancipium mulierem Coreanam. Hæc servitutis longæ tædio, Christo simul Dominoque suo fidem fefellit, ipsūque unâ cum P. Sebastianiano, ut sunt inimici hominis domestici, prodidit in captivitatem. Ductus est ad Omuranam custodiam Pater festo S. Pauli, ubi eadem cum P. Carolo passus incommoda, eundem servavit vitæ ordinem. Manè post horam piæ meditationi impensam, Sacerdos quilibet Sacrum faciebat: singulari namque Numinis providentiâ, & acutissimâ Christianorum circumspeditione, omnem sacrificij apparatus eò secum vel intulerant, vel alio prætextu, corruptis per Neophytos multo ære custodibus, à Christianis transmissa receperant, sic ut nunquam eis panis triticeus, & vinum in hostiam Missæ defuerit: reliquum temporis usque ad prandium Horis Canonicis & Rosario recitandis, sacrisque libris legendis dabatur. A prandio postquam Spiritualibus colloquijs nonnihil sese recreassent, libri precésque repetebantur. Canz præmittebatur recitatio precum matutinarum, & Officij Mariani, adjunctis etiam, si festum fortè incidisset, litanijs, & hymno Salve Regina. Somnum quadrante præibat conscientiæ examen, quod exci piebat consueta omnibus flagellatio. Hoc vitæ tenore cum se egregiè ad Martyrium cum Socijs comparasset, ingenti voluptate nuncium mortis excepit,

cepit, auditusque est dicere: *Optare se, posse vel minimum quid demonstrare illius immensi gaudij, quo animus suus esset delibutus ex ea cogitatione, quod appeteret bora, quâ sibi esset pro suo Redemptore moriendum; & aspectum illius feralis apparatus, messum sibi esse inexplicabilis voluptatis.* Et verò columnæ alligatus, igne lignis jam subiecto, manibus ipse ante pectus in crucem decussatus, oculisque in Cælum sublatis, tantâ inter ignes pace potiebatur ac lætitiâ, quasi sensum funditus perdidisset, cum tamen tres horas vivus steterit in ardente rogo, vniculis incendio pridem absumptis; donec instante jam mortis articulo, flammarum ardore in viscera recepto superatus, genibus humi fixis, & capite prono, quasi more patrio venerabundus, beatam animam, Sociorum qui simul ardebant postremus, suo reddidisset Creatori, cum annum egisset vitæ 57. Societatis 38. in qua gradum Spirituallis Coadjutoris obtinuerat.

Cum PP. Carolo Spinola, & Sebastiano Kimura, sex Societatis Tyrones, Antonius Kiuni, Petrus Sampo, Confalvus Fufai, Michael Humpo, Thomas Acafoxi, Ludovicus Cavara, eodem incendio conflagrârunt. Ante quorum conspectû septimus, Joannes Chungocui capite prius multatus est. Productus ille fuit ex carcere Nangasachano, in quem ante quadriennium detrusus erat, cum facillè liberare se potuisset. Dum enim cum P. Carolo, cui famulabatur, captus, & ad Judicem adductus interrogaretur; *num scivisset P. Carolum Sacerdotem & Religiosum fuisse?* Ad quam quæstionem, cum ex adstantibus aliquis, Joannem absolvere volens, respondisset: videri eum deceptum fuisse habitu externo Patris Caroli, quem communem alijs gerebat: respondit ferventer ipse: *nequaquam deceptus fui, sed scivi Religiosum esse; cui etiam idcirco libentiùs famulatus sum.* Sic actus in earcerem Nangasachi, cum pulcherrima virtutum exempla edidisset, paulò ante supplicium adseitus est in Societatem, & cum alijs ejusdem carceris incolis, in conspectu Sociorum primus, forti constantique vultu ferrum exceperit. Reliqui sex, cum ad Omuranum earcerem abrepti essent, Patrum nostrorum conspectis virtutum exemplis, in eorum admitti Societatem postulârunt, quorum prius quàm caperentur, aut Dogici, aut rei familiaris fuerant administrari. Quatuor primi, Antonius videlicet, Petrus, Confalvus, & Michael, biennio propè priusquam ad supplicium raperentur, Societatem impetrârunt. Jam enim ante captivitatem suam commu-

ni consilio decrevêre, simul aliquod religiosioris vitæ genus inire; hinc A. 1619. in monte quodam non procul Nangasacho diffuso, sed ab hominum frequentia segregato, mapale posuerunt, & vitam proflus Religiosam, per continuatas preces, per crebras sui diverberationes, per sacram lectionem, traduxerunt. Inde ad animarum negotia soliti prodire, videbant ægros, eorumque necessitates solatio & ope levabant. Mox ad eos magni fidelium cætus institui cæpti, quos ipsi pijs sermonibus ad Fidem firmabant. Jussi non semel abstinere, minas riferunt; donec onusti ferro, demum in custodiam tracti sunt. Explicuit impius Judex quidquid ipsi fuit artis & industria, ut chirographum ab illis exprimeret, quo sponderet, se Christianæ Religionis negotium posthac non tractaturos. Sed in casum fuêre verba; eoque fortissimos Confessores in specum tenebris horridam detrusit. Aderat Tonus quidam, qui suum ipsius præsidium patrociniûmque deferabat; verum ipsi remisferunt officium, negantes se, qui Christum haberent Advocatum, quidquam pensi facere mortalium comminationes.

Sed illustrius subiêre certamen A. 1621. Nam Gonrocuus Urbis Gubernator, cum videret illorum studio Fidem Christi latius amplificari in dies, jamque illos crederet ærumnis in carcere toleratis fore perfidiæ propiores; si Christo statuunt abnuntiare, liberam illis facit abeundi potestatem; sed repudiantibus illis libertatem, quæ cum Christi Fide non sit conjuncta, eam pro liberatione conditionem dumtaxat pacificatur, ne eam porro Fidem studeant profeminare. Verum illi vitam libertatèque execrati sunt, quæ prohiberet Divinam Christi gloriam proferre. Tum verò indignatus Gubernator, certam mortem illis intentavit. At illi nuncio læti, DEO decantârunt gratias per hymnum, *Te DEUM laudamus.* [Postridiè in Tribunal acciti sunt manus revincti, primusque examen subiit Antonius Kiuni, natus in Regno Japoniæ Micava, cæteris provectior annis. Interrogatus, *essetne de Societate Jesu?* respondit: *haud esse dignum se tanto favore, quem egreijs suis servis consuevisset DEUS impertiri; hominem se esse unum de multis, qui saluti suæ atque aliena studeret: nec aliter facturum se unquam, vel cum dispendio vitæ.* Hic Judicium unus, qui nuper Christum ejurârat, Feizo appellatus: *Sat,* inquit, *superque tibi esto, si tuam rem egeris; aliorum si curam relinquis, ego te meo suffragio mortis sententiâ absolvo.* Cui Antonius: *tui haudquaquam consilij ego, qui,*

quid agere me oporteat, prae te habeo compertum. Cui bono sit vita pretium, si gloria Christi non impendat? Post hunc accitus Confalvus ortus è Regno Bigen, & in ejus Regiæ obsequijs diu versatus, pari contentiâ rem gessit. Petrus Sampo, ultimâ Japoniæ ad Orientem parte, quæ OXu dicitur, oriundus, & propter egregias naturæ dotes, primoribus Imperij cum primis charus, tertius succcessit: qui Dogicum se Societatis professus, sibi illud incumbere asseruit, ut Japoniam universam salutaris doctrinâ participem faceret, quam a Patribus acceperit; nec remunerari se Patriam posse plenius pro collatis in se muneribus, quam si illi viam demonstraret ad felicitatem sempiternam. At Imperatori par est obsequi, inquit Judex, qui novitiam irrevelli sectans suas in terras prohibuit. Excepit Petrus: fas mihi sit exponere per humilitudinem, mentis meæ sensa. Si qua contagio Regnum vastaret, cui medicinam facere unicuique noster; verum ille destitutus cæteris, soli sibi suæque familia auxilium adferret, quo dignum supplicio tam inhumanum, atque inhumum Medicum censeris? Ego sanè existimo, quotquot à Christi Fide alieni sunt, non morbo duntaxat lethifero, sed ipsimet jam morti subjectos; & quisquam mihi probro vertat, quod per salutarem doctrinam meos cives vindicem ab interitu sempiterno? Effugerat brutus sim, nisi vel per capitis discrimen, tam salubrem hominibus, quotquot nactus fuero, fecero medicinam. Id ipsum est, quod Societatis Patres in Japonem ab Orbe extremo, contemptis humana vitæ commodis, per insania naufragijs maria adduxit; id illos continet in speluncis terræ; id exponit periculis, laboribus, & continuatis ærumnis. Crebro medicina quidem porrigitur sana mente captis, nec aliud jam Patres præstant, qui deliris Japonibus sexcenta miscent pharmaca, concilianda idonea vitæ; sed ipsi, quod phreneticis solenne est, rependunt Patribus injurias, odia, persecutiones, cades. Utinam propitium Numen eo me honore dignetur, ut meos Magistros ac Patres in Christo studeam emulari. Rectè tu ista quidem, ait Judex, sed temporari servias, oportet, & verbo saltem spondeas, te posthac prædicationis officium non obitutum. Tum Petrus iterum: Nihil certè mihi gravius accidit, quàm quod Veritatis lumen paucis aperuerim: Utinam mihi vox esset, qua toto simul Regno posset audiri, profecto celsissimos mihi montium vertices facerem pulpita, atque inde summâ vocis contentione pernox & perdius, ad salutis semitam universos vocarem. Petro succcessit Michaël Xumpo, qui fassus est, se Patribus proscriptis, in abditiſſimas Sylvas recessisse, suis criminibus, totiusque Japoniæ per lacrymas diluendis: conatum se populis,

qui se quæſcère, eâ recessus opportunitate iter in Cælum liberius ostendere; promptum se nunc etiam paratūq; extrema pati, pro Divina gloria propaganda. Secundum hanc quasiſionem ad Omurani carceris ærumnas amandati, quanto ardore anhelarint Christi causâ mortem tolerare, ex eorum literis, quas ad quandam de Societate scripserunt, cognosci licet. Quia nos valde angit commissorum à nobis peccatorum conscientia, venit nobis in mentem ambigere, num idonei sumus qui pro Fide moriamur. At permittat saltem DEUS, ut vitam in his vinculis terminemus! Id assidue oramus, ut pro sua Divina Clementia nobis concedat. Quod modo victi sumus propter Christum, beneficium est, quod Societati ferimus acceptum; cuius meritis & precibus factum est, ut S. Ignatius & S. Franciscus Xaverius, tantum nobis boni à DEO impetrarent. Immortales gratias & Sanctis illis, & Societati agimus, neque satis verbis explicari potest, quantum nos eâ gratiâ P. Carolo, nostro omnium amantissimo Patri, devinctos esse sentiamus. Deniq; si DEO Optimo Maximo bonum factum videbitur, ut nulle perpetuos annos hæc tenis astricci maneamus: enimvero beatos nos esse censebimus, adeoque omnibus in rebus semper erimus in ejus potestate. Idem P.R. tuis precibus nobis obtine. Ad Societatem admitti, sanctissimum mox in carcere Tyrocinium sunt aggressi, cum eos P. Carolus exemplis suis ad omnem perfectionem virtutis erudiret. In quem quàm intentos haberent oculos, vel ex unis Petri literis patescit, quibus affirmat, non novisse se hominem illustrioris tolerantiae, aut acrioris in se severitatis, adeoque continuatæ, non uno binisque mensibus, sed quadrienni ferè spatio: planè ut vehementissimè miraretur, quomodo alacritate tantâ dura omnia superaret; fingeretque se tam aptè ad tot hominum ingenium, vestitu, patriâ, sententijs quoq; non rarò dissidentium, Crebrius ex devotione, ut habet mos Societatis, etiam necdum egressi Tyrocinium, vota sua devotionis renovarunt, non sinè magna Cælestium deliciarum copia, & adstantium documento, profectūque spiritali.

Duo reliqui, quamvis seriùs ad Societatem admitti, virtute tamen prioribus suè re haud inferiores, ut animi fortitudo inter cruciatus edocebat. Erat Thomas Acafoxi vir nobilis ex Regno Tingenſi & strenuus bello: sed cupiditate salutis æternæ accensus, non dubitavit in Ecclesia nostra ministerium Dogici sustinere, muneribus humilibus & abjectis se dedens, & verum præbens specimen animi submissi, cum neminem ejus naturalium

talium splendor lateret. Exactis postea nostris ex Japonia, comes exilij ijs accessit, qui Manilam in Philippinas se receperunt. Inde reversus in Patriam, cum jam haberet annos supra quinquaginta, in hac postrema perfectione magna sua cum voluptate servivit P. Sebastiano pro Dogico, & una cum eo ita captus est. Lictores, qui Patrem comprehenderunt, trahebant in viacula adolescentem Domum administrum, cum Dogicus foret, Thomam, quid ageretur ignaro. At comperto quod erat, curriculo vestigij illorum insedit, & juvenem raptantes assecutus, impavidus & constans animo: *Sistite gradum lictores, inquit, hac vincula & catenas Dogico Patris debentur, non sumulo: me igitur vincite, & hunc missum facite.* Dictum factum. Mansit in his vinculis Thomas propè biennium; sed eadem semper animi magnitudine, sui que simillimus. Paulò antè quàm educeretur ad rogam, cooptatus in Societatem est, quinquagenario major. In supplicij articulo diserebat ardore maximo, omnesq; ad laudandum DEUM excitabat, qui suis Athletis tantum inter cruciatu cōstantiæ & voluptatis daret.

Ludovicus Cava natus est Ariæ, non procul Arimã. Multos annos fuit inter honorarios Ephebos Joannis Arimandoni, ejus Provinciæ Dynastæ; sed à Michaële Joannis filio, à Christo Apostata, quòd Fidem Christianam noller exuere, omnibus fortunis ejectus, solum vertere coactus est. Vixit exinde duos ferè annos Nangafachi, ac deinde se retulit Ariam; ubi non longo intervallo liberorum illi, quos habuerat, postremus, & uxor, morte sublata sunt; ipse solus, & omnium caducorum bonorum genus, DEO gratias

agere, & quidquid accidisset adversi, velut ab eo profectum, insigni patientiâ tolerare, adeoque etiam occasionem inde sibi facere vitæ sanctiùs instituendæ. Remigravit Nangafachum, atque extra Urbem in secretiore quodam loco tugurium ex framentis contextit; ibi se rerum Divinarum contemplationi ex integro dedens, Angelicum quoddam vitæ genus coluit. Sæpe sunt illi manus à lictoribus injectæ, Sacerdotem Societatis ratis, qui sub eo schemate rem Christianam procuraret; semper, ubi constitit errasse, dimissus est. Ad extremum quando placuit DEO singularia Ludovici merita remunerari, tertium ab Regijs Ministris captus, & quòd nonnullam Europæi hominis speciem vultu præferret, pro Religioso, & de Societate quidem nostra habitus, ad Gubernatorem deductus est. Ibi tametsi aliàs absolutus erat, cum ei Gubernator interdiceret, nè ut adhuc fecerat, Fidei Christianæ præcepta pergeret explicare, magnâ libertate negavit se in hoc quidem ei dicto audientem futurum. Gubernator incensus irâ, mox hominem in carceres Omuranos amandat; ubi permotus Tironum nostrorum exemplis, ipsi accensus expetijt, & paulò priùs quàm neceretur, accensus est, cum annum ageret ætatis ferè quadragesimum. Adstabat ipse in bustuario proximus ijs, quos vim ignium declinatuos ex incendio se pruripuisse narravi; quos ubi primùm vidit nonnulla fracti animi signa præbere, verbis & adhortatione conatus est ad constantiam erigere; animo ipse vultuq; infracto, pretiosam mortem in conspectu Domini

consummans.

P. CAMILLUS CONSTANTIUS.



Uplici triumphato igne gloriosus P. Camillus Constantius, dum libidinis faces Neapoli adolescens exstingeret, Corollam Virginitatis indeptus est Camillus; dumque idem ab igne Japonio extingueretur, Corollam Martyrij assecutus est Constantius. Bovolina extremæ Calabriæ oppidum, natalis fuit Camillo Constantio; parentes Masius, seu Thomas Constantius, & Violanta Montana, familiâ perhonestâ, Humanioribus literis & Philosophiâ excultus, Neapoli versabatur jam annum alterum in juris discenda peritia, jam tñ præter alia exquisitæ pietatis exercitia, durus in se, & in-

diâ crebrâ, ac quotidianâ flagellatione inclamens: cibi perparcus, permisâ famuli arbitrio, quem suæ semper mensæ adhibuit, conditurâ & delectu. Versabantur ibi tum adolescentes Camilli populares & amici, alii infames & Venere; quos cum ille crebrâ hortatione ab ijs vitij revocaret, illi contrâ periclitandæ ipsius constantiæ facinus insigne designarunt. Dies erant Bacchanaliorum, & Camillus domi suis intentus studiis, sub horam noctis quintam tacitus confidebat; cum ecce immissa ab illis femina, formâ atque omni ornatu spectabilis, Juvenem de nomine consalutat. Ille percussus insolentiâ salutationis, assurgit; &, *quid tibi*, inquit, *hic ne-*

gotij



P. Camillus Constantius Italus Soc. IESV. Religionis odio vivus lento igne
concrematus Tabaria in Japonia. 15 Septemb. A. 1622.

C. Sereta del.

M. Kuerll f.

gotij est? Illa respondet: *hanc ego tibi noctem, Domine Camille, addixi.* Is contra: *At ego tui nequaquam indigeo; redi porro unde venisti.* Respondit illa, *certum sibi esse, noctem ibi ducere; intuitum enim esse per Urbem eâ noctis horâ monilibus atque auro onusta ingredi.* Ille verò expulit obnitentem, iussitque ab ijs præsidium quærere ad reditum, à quibus fuerat eò perducta. Tum foribus obductis, apprehensusque, quod habebat, æreo Christi Crucifixi sigillo, procumbens in genua, DEO de victa tentatione gratulatus est, & Deiparæ invocato præsidio supplex oravit, ne se pateretur unquam inquinari. Cùmque famulus secundùm eas preces mustaret, sæminam potuisse eâ nocte admitti; duos illi colaphos infregit; & *tunc*, ait, *qui meo pane vesceris, ausis me sollicitare?*

Sic ductâ sanctè atque innocenter adulescentiâ, annos natus 21. in Societatem die 8. Septemb. 1591. adlectus est: & 12. post anno, qui fuit 1603. mari transmissus, jam tum sacerdos pervenit in Indiam. Navigavit porro Macaûm anno sequente, Sinicæ missionis desiderio; sed DEO melius illi quidpiam providente, destinatus A. 1605. in Japoniam est. Ibi 9. annos uberrimo fructu excoluit Domini Vineam, donec A. 1614. cum cæteris Patribus è Japonia proscriptus, Macaûm se recepit; ibique 4. solennibus votis nuncupatis, ad cæteros labores, totum septennium in librorum Sinensium & Japoniorum studium adjunxit, ut eorum errores è proprijs voluminibus confutaret. Quod & præstitit egregiè, reversus A. 1621. in Japoniam, cum duobus

bus alijs è Societate habitum militare in-
 ductus. Primum & periculosissimum certa-
 men illi fuit cum eo ipso, à quo transveheba-
 tur, navis Præfecto: qui, tametsi Christianus,
 veritus fortunarum capitisque discrimen, si
 à se vectum constaret, decreverat hominem
 deferre ad Gubernatorem Nangasachensem;
 sed precibus Neophytorum exoratus, servan-
 te Patrem ad majora DEO, missum cum fe-
 cit Fundojamam in Regnum Eigense, unde
 multis Christo aggregatis, in Carassu profe-
 ctus, præter uberem animorum messem, no-
 vum Sodalitium, ad conservandum illum
 Christi gregem instituit. Sed præcipuus la-
 borum campus illi fuit Insula Firandensis,
 quam multa cum patientia, neque sinè vitæ
 periculo excoluit. In carcerem namque pe-
 ne prodigiosè, tot custodiis obseptum, ta-
 men non observatus penetrans, contentibus
 sui copiam fecit, animavitque ad obeundam
 fortiter mortem. In Insulam Ikisuki trans-
 gressus, atque inde in proximam, quæ per ab-
 sentiam Patrum jam pridem carebat usu Sa-
 cramentorum, omnes incredibili solatio im-
 plevit. Hinc in proximam Uki dictam, quæ
 Gotosium Insularum caput est, transmit-
 tens, nullum Christianorum inexpectatum præ-
 terijt. Erat Joanni, Patris hospiti, & viæ co-
 miti propinquus Ethnicus homo Nobilis;
 hunc uxor pia fœmina, ob præsentiam Patris
 hortabatur impensius ad Christi Sacra cape-
 senda; ille animum ad suscipiendum bap-
 tisma simulans, mox certior omnium facit
 Dynastam; qui celeritate usus, & navigijs
 armatos Patrem insequi jubet. Noximè illo
 frustra quæsito, pergunt in Uki, ubi navim
 Firandensem in statione conspicati, magno
 eam tumultu invadunt, atque in ea Patrem
 Camillum, socio pridiæ ad negotia dimisso,
 deprehendunt. Vincitis ergo Navarcho, Au-
 gustino Ottà, & Gaspare Cotendà Patris Do-
 gicis, cum Patri parcerent, rogavit & ipse
 vinculis pariter & carcere constringi. Sed il-
 li majestatem vultûs, sanctimoniam spiran-
 tis reveriti, etiam lauti convivij honorem re-
 pudianti obtulerunt, cum Ikisuko Firandum
 deportandi essent. Pater in digressu hospitem
 suum Joannem inter mutuas lachrymas ita
 est affatus: *En Joannes aliquando tandem di-
 gni effecti sumus illâ beatâ sorte, quam tot annis
 desideravimus. Rogo te ego, atque per viscera
 Jesu Christi adjuro, ut Divino ejus amoris respon-
 dere studeas, & usque eo constans perseveres, ut
 viram quog, & sanguinem proijcias pro Redem-
 ptore nostro.* Firandi in Ikonoximanum
 carcerem traditus, quæ ipsi evenerant, ita

ad Rectorem Nangasachensem perscripsit:
*Jam cognoveris Reverende Pater me captum
 esse. Nè dolorem ex eo acceperis. Non merendi
 materia est, sed agendi gratias. Quare te oro, &
 omnes Patres ac Fratres Societatis, ut me agendis
 DEO gratijs, pro tam singulari beneficio adjuve-
 tis. Die 25. Aprilis cum appulsus essem in Insu-
 lam Uocogoto, ibi ab aliquot armatis navigijs
 captus sum; à militibus, per iter ita tractatus sum,
 ut valde me revereri viderentur. Ab ijs deductus
 sum ad tribunal Firandense; interrogatus quis
 essem, & quorsum in Japoniam venissem; respon-
 di me Sacerdotem esse Societatis Jesu, nomen mihi
 esse Camillo Constantio; deinde exorsus sum mul-
 tis exponere causam adventus mei in Japoniam,
 & obtuli Apologiam, quam de hoc argumento
 conseceram. Deinde percunctantur, cur non pa-
 ream Principi Japoniæ? Subjeci, Religionem Chri-
 stianam jubere, ut obediatur Principibus in omni-
 bus, quæ Dei præceptis non adversantur: quare
 cum editum Principis Japoniæ, quo vetat prædi-
 cari Legem Christianam, pugnet omnino cum jus-
 sis Regis Cælestis, idcirco in hac quidem non posse
 me Regi terreno dicto audientem esse. Id cum
 audisset unus illorum Judicum, pronuntiavit me
 mortis reum esse; & confestim fure in collum
 meum injectis, amandarent me in carceres Ikino-
 ximenses, ubi modo versor cum duobus Religiosis,
 qui profecti Manillâ, capti sunt à piratis An-
 glis. Servamus perpetuum jejunium, utpote qui
 modicâ duntaxat orizâ, & herbis vitam tolera-
 mus. Sape custodes carceris doceo Christi Fidem,
 qui ijs quidem quæ dico assentiuntur, sed ne Chri-
 stiani fiant, edictis Xogun deterrentur. Interea
 expectamus responsum ex Aula. Dum fiat DEI
 voluntas, ego fretus ejus gratiâ, ad quemvis ca-
 sum paratus sum. Nè cessate me DEO vestri ora-
 tionibus commendare. Saluto omnes peraman-
 ter, & quæso ut meas mihi culpas ignorent. In
 singulas horas mortem operior latus & sinè mora.
 Rursum ad P. Petrum Paulum Navarum,
 Rectorem Arimensem, sic ait: Affirmabas R.
 P. ut recorder, postremis tuis ad me literis, spera-
 re te, me in Cælis visurum esse vel Confessorem, vel
 Martyrem. Ecce mi P. in Christo charissime, di-
 gnus factus sum, qui Fidem Christi pro Tribunali
 Firandensi confiterer, & hac de causa carcere
 modo teneor in hoc Mundi angulo. Quis novit,
 num te non sum accessurus? sed non sum tanto fa-
 vore dignus.*

Certior interea factus Imperator de
 comprehensis DEI servis, indignatus quòd
 suo edicto posthabito, Christianam Doctri-
 nam porro in Japonia Religiosi prædicarent,
 continuò imperat P. Camillum vivum tor-
 reri, & socijs ejus cervicem abscindi. Edu-

Aut ergo ex carcere, in quo solus supererat, P. Camillus, socijs jam alibi sublati, funibus & catenis adstrictus, sex Dynastæ administratos in littore se præstolantes invenit: quibus cum singulari significatione benevolentia, uti & ijs qui se comprehendissent, & qui ad mortem ducerent, gratias agens, vidit inter reliquos Gonroci primarium Ministrum, supplicij sui Præsidentem futurum. Quem de more veneratus, gratias egit, quòd suâ causâ tantum viæ, nec sine incommodo confecisset: id quod ipse dixit eâ oris hilaritate, morumque venuustate, & gratiâ, ut circumstantes oblupefcerent, hominem qui mortem expectaret, tam lætum esse, atque imperterritum. Ad locum necis, quia inter innumeram multitudinem multi etiam Angli & Hollandi spectatum convenerant, Flandricè ad eos præteriens Pater verba habuit, quibus eos de Christiano officio commonebat. Sic nimirum remuneratus eos, quibus auctoribus ea fuerat excitata persecutio. Ubi attigit repagula, quibus obseptus erat incendiij locus, clarâ voce dixit: *se Camillum Constantium esse, de Societate Jesu Sacerdotem, gente Italum; cujus memores vellet esse Christianos, qui adessent.* Hoc dicto, mox fune lentis ex arundinibus contexto alligatus ad palum est. Tum velut è suggestu, quem optaverat dudum, concionari cœpit, postquam professus est, se nullâ alia de causâ morte damnari, quàm quòd Fidem Christianam divulgasset. Et propositis illis Evangelij verbis: *nolite timere eos, qui occidunt corpus; de ijs inusitato ardore dicendi disputavit, tandemque conclusit, corpus serius aut citius inevitabili fato abiturum in cinerem; proinde sævirent in se ut liberet, animum certè suum neque legibus mortis, neque ipsorum potestati esse obnoxium.* Inter hæc circumquaque succensu rogo, inter flammâs nihilominus voces audiebantur denunciantis, *Cælestem beatitudinem, præter eos qui sequuntur Christi sacra, atq; ex ejus præceptis vitam sanctè exigunt, cæteris omnibus interclusam esse: pro hujus defensione Religionis se libenter mori, & summâ voluptate agitare inter flammâs: cætera scèta, credite mihi, inquebat, sunt mera somnia, & commenta Bonziorum, fraudes & inventa Demoniorum, quibus homines in sempiternum interitum agere precipites, & ab rectâ salutis via abstrahere conantur.* Hic densus fumus exortus, totum prætexens aërem crescente incendio, servum Dei oculis spectantium eripuit. Et tamen inter stridores illos ardentis flammæ cum pectus ejus alio majore igne æstaret, audiebantur adhuc

maximâ vi concionantis voces. Paulò post visæ flammæ discedere, ut inter eas ipse Camillus spectari posset, precibus piè intentus. Nec diu quievit, cum sublatâ voce capite suavissimè decantare Psalmum: *Laudate Dominum omnes gentes; eo finito exorsus, Gloria Patri, videbatur mox succubiturus supplicio, ut æternæ gloriæ initium faceret.* Verùm generosissimus Athleta, quasi novas de integro vires hausisset, cœpit denuo sermonem habere utrâque linguâ, latinâ, & Japonicâ. Et dum disserit, sive spe erectus mox affuturi præmij, sive ex copia Cœlestium voluptatum, tertium ingeminavit Japonicè: *O quam mihi bene est! O quam mihi bene est!* idiotissimus is est ingentis lætitiæ index apud Japonios. Interea gliscente incendio, & horribili crepitu perstreptente, consumptis vestibus, apparuit ejus corpus nivis instar candidum; at mox ignium vi prorsus decoloratum. Tum verò existimabant circumstantes fortunatam illam animam ad æternæ vitæ requiem migrâsse, quando omnibus admirantibus exauditus est validâ & canorâ voce invictus Sacerdos, qui se in illis flammis Deo sacrificium offerebat, canere quinque hanc vocem trifagij: *Sanctus, Sanctus; ut satis appareret, fortissimum pectus affluere Cœlesti gaudio.* Atque ita finem vivendi fecit, ut idem sanctum carmen exordiretur unâ cum Angelis concinere, sed æternum in Cœlis. Incidit ejus pretiosa mors in diem 15. Sept. A. 1622. cum ipse quinquagesimum esset supergressus ætatis. Venerandæ ejus reliquiæ, quòd ijs terra digna non esset, à sceleratis licitoribus in mari sepultæ sunt.

Gabriel Camilli hospes, quòd eum domo suâ aliquando recepiisset, & ipse vitâ privatus est. Uxor verò ejusdem Maria, cum tota Gabrielis familia (sex capita erant, præter duas ancillas, & filiolum unius triennem) biennio toto sub custodia habita, tandem & ipsa pretiosam mortem sortita est. Atque ex his præcipuè fervor enituit in puella 11. annos nata, Gabrielis sorore, quæ ubi nudari enses in suam omnium necem à primoribus Urbis Firandi Proceribus vidit, ad Gratiâ Matrem conversa, ô Mater, inquit, *hi quidem Paradisum nobis aperiant, numquid par est illi gratias referre, & nos quidquid gaudiorum est gaudere?* Prima quæ gladio cæsa est, Maria fuit Gabrielis avia, supra 90 annos nata: quam secutus est nepos alter Linus, 21. annorum adolescens: Post hunc Maria soror octo decennis natu major; & mox ejusdem nominis minor 11. annorum. Spectabat hæc suo-

suorum funera Gratia semper impavida, tandemque & ipsa cum nuru sua gladio caesa occubuit, anno ætatis 50. nurus verò 19. Restabant duæ ancillæ, Cæcilia & Maria, cum trienni filiolo Michaële; is cum nondum intelligeret quid metus esset, eluctat' è hujulanti-um brachijs, rectè ad Cæciliæ matris, ictum jam præstolantis, sinum accurrit: quæ cum

suavissimè eum esset complexa, & pro auxilio JESUM cum MARIA invocasset, primum ipsa, secundum ictum excepit animosus pufio: tandemque beatum agmen ultimò caesa complevit ancilla altera Maria. Corpora omnium, ne venerationi Christianis esse possent, alligatis saxis in mare demersa sunt.



P. Petrus Nauarrus Italus, Dionysius Fugixima et Petrus Onizuccha Iaponæ Soc: IESV. vivi pro Fide lento igne consumti Ximabara in Iaponia 1 Novemb: A. 1622.
C. S. d. M. K. f.

P. PETRUS PAULUS NAVARRUS, cum duobus Socijs.



Uam Amanguccij fundavit Ecclesiam S. Franciscus Xaverius natione Navarrus, multis annis insigni cum fructu procuravit P. Petrus cognomento Navarrus, natus Laini oppido Calabriæ. Excurrebat

ille annis' singulis Amanguccio ad Bungen-
ses, aliòsque finitimos Fidei mysterijs imbu-
endos; donec prorsus exesse iussus est à Tera-
moto Dynasta, qui sui Regni amissionem,
Bonzijs suavoribus, sibi accidisse credidit, ob
toleratam in suis ditionibus P. Navarrum.

R r 2

Abeun-

Abeuntem lachrymis & desiderio persecuti sunt Amangucciani; at gavisi Bungenſes, quod Patrem jam integrè poſſeſſuri eſſent, quo hæcenus velut dimidiato fruebantur. Ergo à Moderatoribus enixè ſibi dari poſtularunt, impetrâruntque rei ſacræ curatorem; neque dimiſerunt priùs, quàm duodecimo poſt anno à ſæviente in Eccleſiam Daiuſanum Imperatore, ingenti omnium Chriſtianorum mœore expulſus eſſet; ſed non multò poſt iſdem reſtitutus, geminatis ærumnis laboribusque, præter voluntarias pœnas exceptus eſt. Solebat enim præter jejunium in totas hebdomadas abſque omni cibo protrahere, quotidie flagellis ad ſanguinem in ſe deſcendere. Incertà tum veſte utendum Patri erat, & noctu ſolùm per confragoſos montes, & mille diſcrimina ſibi nudis pedibus, multòque vulnere crebriùs cruentatis invifendi, & in Fide ſtabiliendi Neophyti; latitandum multis diebus in fovea, dum aſſumpto bajuli habitu, ſtramineo tectus pileolo inſidiantes milites eluderet. A quibus tandem noſtrorum in Tacatu quartum annum jam Rector comprehenſum ſe, ità in literis ad Rectorem Nangafachenſem datis enarrat: *Inveniente adventu accerſitus à Rev. P. Provinciali veni Caſuſum. Ibi conſeſſus generaliter, rationem illi reddidi conſcientiæ meæ. Dein trajecto mari, biduum moratus Obamæ, abij nocturn verſus Faxirao, quo me abdidi, ut ſpiritalibus Exercitijs vacarem; ſimul Chriſtiani Arimenſibus denunciavi, compararent ſe ad ſerías Chriſti Natalis piè per Sacramenta ſuſcepta celebrandas; adfore me temporì, qui adminiſtrarem. At illi veriti, nè in manus venirem exploratorum Dynaſta, ſibi ſatiùs videri reſcripſerunt, ſi Nativitatem Fairacuſibus celebrarem, ipſi Circumciſionis diem expectarent. Veni Ariman noctu, cum duobus viam monſtrantibus, & quia deerat navigij copia, coactus ſum viam Regiam inſiſtere. Nox erat illuſtris. Obviam nobis factus duabus ante mediam noctem horis famulus Dynaſta, obſecrum in me deſcixit, & quod erat ſuſpicatus, me per veſtem infra pectus corripuit, juſſitque ſubſiſtere; cui Ego: non eſt, inquam, quod in me retinendo labores, ego enim ſpondeo me non abiturum. Sic dimiſſiſſem ducebat ad quendam Præſidem. Verùm cum poſt paulo facti enim penitudo ſubiſſet, noluit ultra procedere; atque ità reliquum noctis exegi in domo hominis Ethnici. Poſtridie ubi luxit, factus certior Tonus, qui Ximabaſe ſc. ſcens ab Arima ſedem habet, angſi animo capit, tum quod ad eam diem noſtris rebus ſtudiſſet, tum quod hæc ità pridem Regno præſente jactaverat, nullum in ſua Provincia Re-*

ligioſorum eſſe. Quare ut honori ſuo conſuleret, literas dat ad quendam à Gubernatoribus Japonia ſibi addiſſum, conſulens quid opus ſit factò. Interea quia rem geſtam rumor indies latius vulgabat, juſſit me Ximabarum deduci, valido militum præſidio cinctum, poſt dies 20. quàm Arima fueram in hominis Ethnici domo. In via hoc unum egi, diſſerui de Fide Chriſtiana, adeoque me libenter audierunt, ut prælarè erga noſtra Sacra animatos reliquerim. Qui militibus præerat, fuerat olim Chriſtianus, ſed in Ethnicos errores relapſus, ex eo ſermone reſpuit, decrevitque ad Chriſtum reverti. Cùm detineret Arima, facta eſt poteſtas omnibus impuñè audiendi me; fructum inde cepi non modicum; & hoſpes meus cum conjuge viſi ſunt ad Fidem noſtram inclinare. Præter cateram humanitatem, quæ me domi ſuæ complexi ſunt, Ximabarum etiam venerunt, ut me allocutione & donarijs recrearent. Oravi Tonum ut me publico in carcere collocaret, aut Omuram transmitteret, ad alios Religioſos; ſed fruſtra fui. Depoſuit me vadibus acceptis in fidem 4. Chriſtianorum Ximabarenſium, & 5. Arimenſium, qui mei habendi curam libenter ſuſceperunt, parati vel ſua diſtrahere veſtimenta, ſi ſerat uſus in ſumptus meos. Diverſor apud Andream Mongoyemonem, gratiâ pollentem apud Tonum, ubi quotidie ſacrifico, multisque Sacramenta diſtribuo, libero ad me accèſſu Chriſtiani factò. Inviſerunt me Ethnicorum aliqui & Nobilioribus, qui, quæ cum ipſis diſputavi, probare viſi ſunt. Ipſi eadem referentibus, Tonus accenſus eſt deſiderio res noſtras audiendi. Salutarit me per Ephebum, & fructus dono miſit: dolere ſibi, quod in manus inciderim; diſſimulaturum ſe fuiſſe, ſi potuiſſet, quemadmodum cum alijs Patribus faciat, quorum 10. ſi velis, poſſet comprehendere, quarus ubi verſentur. Optare ſe ut ex Aula jubeat navigare Macaum; præſtiturum ſe navium ſuarum, totiusque commentus, & militaris præſidij opportunitatem. Sed avertat omen DEUS. Ego hic aveo vitam abſolvere, & proſperdere ſanguinem pro eo, qui ſummi pro me prior profudit, atque ad id me comparo. Commodum accidit, ut P. Joannem Baptiſtam Zolam convenirem, cui ſemel iterumque conſeſſus, expecto quid jam de me afferatur ex Regia Yendo.

Interim quia Bungondonus loci Dynaſta, cupidine Patrem audiendi ad ſe accerſivit, quæ eà occasione invicem egerint, ità in alia epifola proſequitur. *Accerſivit me, inquit, Bungondonus in Arcem, meque excepit cum inſtituti honoris ſignificatione. Deinde poſtquam fructus, & alia xenia mihi præbuit, ſermonem de æterna ſalute ingreſſi ſumus. Oſtendebat difficile ſe aſſequi, quare DEUS, qui omnium Crea-*

tor est, non omnes faciat salvos. Respondi, Deum ideo condidisse hominem, ut per virtutem & bonas artes ad salutem veniret; dedisse tamen illi arbitrij libertatem, quâ bonum amplecti posset, aut malum, uti libuisset, sed premium penamve sempiternam proposuisse pro meritis inferenda. Id summa Sapientia consilium fuisse. Nam cum det unicuique auxilia & vires, quibus bene agere valeat, sit ut libere utenti, aut repudianti, sua debeatur merces, aut supplicium; & qui sponte abutatur, ipse sibi malum creet, & aeternum: comperto DEUM solos eos arcere Celo, qui sibi rebelles sunt & contumaces. Exemplum mihi esto abs te ipso Domine. Tu priusquam servis tuis agros partiare, vel aliud congiarium des, singulorum promerita solerter expendis; premium morigeris, rebellibus penam decernis. Hoc si te mortalem decet, quomodo non magis oporteat Conditorum ac Dominum omnium, qui perfectissimus est, equâ lance hominibus vel iustitiam exhibere, vel Misericordiam? Ad hec cum quid opponeret non haberet, annuit Tonus approbavitq;: mox subiecit: Impensè doleo plurima tibi aspera perpetienda esse, si in Japonia morièrè diu; quidni repetis Patriam tuam, ubi tuo vivere modo possis? Gratijs prius actis respondi, gravissima me multa per immensus Oceanum transis expendisse in eam curam; etate confectum, optare me pro Christo inter Japones mori. Hæsit attonitus Dynasta; & conversus ad Ethnicum Nobilem, qui aderat, ostendebat vix se suam capere admirationem. Postea sermone delapso ad calumnias, quibus Ethnici Christianam Religionem consueverunt aspergere, protulit Apologiam de sinu, quam exordii levientis procella pro Fide conscripseram: eam Tonus cum secretario dedisset legendam, probabat quæ recitabantur, non sine laude scriptoris. Ubi perventum est ad refellendam calumniam, de Regis sub iugum Christianorum compulsi: hoc verò est, inquit, quod Imperatorem angit, habetque sollicitum. Cui ego, haud egre Xogum desinat metnere, & suspicaces animos ponat, si hanc Apologiam legat. At, inquit ille, Philippina Insula in oculis sunt, testes locupletes. Dixi, de illis mihi non satis liquere, quæ Juris alterius sunt: Lusitanos autem Macai, Malaca, Cocini, Goæ, totisq; Indijs, paci cum finitimis Regibus inviolatè studere. Adjunxi de Roma nulla, de Constantino Magno, de Ecclesia sub ejus Imperio felicitate. India ab Europa quanto distaret intervallo, quantis periculis, offendi: nam ipse, ut in longè positis consuevimus, omnia sibi propinqua representabat. Audita sunt omnia cum plausu & admiratione. Tunc addidit ipse: Utinam vester iste Deus Xogenum traheret ad suam Fidem; eum mihi crede, universa Japonia sequeretur. Ante-

quam mihi faceret abeundi copiam, dixit se optare, ut Patribus nostris liceret Nangasacki saltem impunè degere, ut è propinquo eos convenire, & sanctis eorum sermonibus frui posset. Jussit quamprimum describi Apologiam meam, & facillè passus sum; spero enim brevi in Curiam Japonia pervasuram. Jam sermones ferebantur in noctem; idcirco modestè facultatem abeundi postulavi. Assurrexit ille, & honoris gratiâ in atrium usq; me persecutus est, ibi manibus ac capite humum contigit.

Perrexit interim Pater se comparare ad mortem, continuo meditationum, verberationum, & cilicij, quod nunquam deposuit, usu. Tantus autem undique dicendi causâ ad eum concursus fiebat, Ximabarâ, Nangasacko, Tacau, imò usque à Regnis Bugen & Bungo, ut custodia videretur in Ecclesiam transisse. Omnes ille, quâ poterat benevolentia, excipiebat; operam dabat contentibus, porrigebat SS. Eucharistiam; firmabat in Fide, baptizabat complures infantes, & clam ad ægros sæpe visibat. Quod ab oratione supererat temporis, convertendo Japonicè libro P. Petri Antonij Spinelli de laudibus B. Virginis totas noctes impendebat, dum demum abolveret. Et jam ultra dimidium anni captivo Patri effluerat, cum desiderata ab Imperatore in eum allata est mortis sententia, jubens eum cum duobus socijs lento incendio conflagrare. Quod simul ut ad aures Patris perlatum est, tantis incessit lacrimis, ut nè succumberet gaudio, formidaret: idque maximè dum sacrificaret, post consecrationem superinfusâ Cælesti dulcedine, tantum lachrymarum & suspiriorum profundere notatus, ut peragrè abolveret. Quæ sua solatia ipsemet socijs communicans per literas ita expressit. Credo jam tibi innotuisse, scribit ad P. Zolam, sententiam, quæ me flammis vivunt addicit. Infinitas gratias DEO optimo ago, de beneficio tam singulari. Et tu R. P. pro tua in me charitate, mecum unâ gratias age magno DEO, & impetra mihi tuis orationibus perseverantiam usq; ad supremum spiritum. Milles te amplexor in Domino, & precor ut meas mihi culpas ignoscas. Patri Mattheo Couros scribit in hunc modum: Lectis tuis literis R. P. non potui cohibere lachrymas, spectantibus omnibus qui conveniunt, cum singularis amoris significatione, ut ultimum mihi valedicerent. Remuneret DEUS hunc insignem amorem, quem mihi cum alias semper, tum hoc extremo tempore demonstrasti. Anni jam sunt complures, cum hoc tam insigni beneficium à DEO flagito; sed identidem vererbar, nè ob mea peccata non exorarem, Nihilominus

vinus Pater misericordiarum coniecit oculos suos, non in mea crimina, sed in suam clementem Bonitatem, & compotem me fecit voti mei. Sit ipse benedictus in aeternum, & in ultimam usq; horam suam mihi dexteram porrigat. Felicissimum me, si post tot annos instructus transactos, tandem ad me revertar; quod equidem spero me impetraturum, per Sacrificium quod fecisti hodie pro me, in Beatissima Virgini honorem, in qua sita est spes mea, & quam precor, ut post hoc exilium, & captivitatem, ostendat mihi peccatori benedictum fructum ventris sui JESU. Osi aliquando mihi contingat precibus hujus magna Regina venire in conspectum Sancti Filij ejus, & totius Sanctissime Trinitatis! certo tibi persuadeas, me beneficiorum, quibus abs te sum affectus, memorem, supplicaturum DEO nostro, ut nos conjungi velit in Paradiso, ut nunquam divellamur. Nudius tertius invisti me P. Zola, cujus alloquio mirifice sum recreatus, cum usq; ad seram noctem una de DEO loqueremur. Amplexor te R. P. millies, & ut SS. Sacrificijs tuis DEO me commendes, rogo. Eidem 30. Octobr. Res ipsa ait: satis ostendit te R. P. imitatore esse illius boni Magistri, qui cum dilexisset suos, in fine plusquam aliis ostendit, quantum eos diligeret. Deus rependat tibi hanc consolationem, quam mihi tuus literis charitate plenis attulisti. Si non considerem brevi inter nos revisuros in Cælo, exclamarem, mihi crede, sicine separas amara mors? sed quia spero me adiutum precibus B. Virginis, & tuis, brevi discessurum, ut fruor amplexibus Christi nostri, idcirco taceo, & unum hoc dico, me in Cælum proficisci, ubi anticum præstolabor. Heri primâ luce conveni P. Zola. Ad hunc modum comparo me quotidie diligentius ad optatas Agni nuptias. Ipse pro sua pietate me deducat ad illas Cælestes delicias, ubi nunquam mihi excidet, quantum tibi debeam. Denique pridie quàm mortem obiret, eidem sic scribit: Non est R. P. de discessu meo quod doleas. Societas me amisso iacturam non facit, qui ei annos 44. tam negligenter servit, cujus me valde penitet: proinde iurâ me mi P. ut veniam à DEO impetrem. Necdum reversus est Nangasacko, qui missus est ad Convocium, spero tamen hodie reversurum; negotiumq; meum confectum iri. Utinam crastinus dies, qui omnibus Sanctis sacer est, meta sit votorum meorum, ut multiplicatis intercessoribus, liceat mihi fortiter mori pro bono JESU meo, qui pro me peccatore tam copiose profudit sanguinem suum. In Cælo nos revisemus.

Illuxerat dies omnium Sanctorum honori sacer, cum Pater primâ luce, nondum conficius pridie allatum de se responsum, Sacrum fecit tam uberibus perfusus lachry-

mis, ut satis appareret, quanta vis ignis Divini eas exprimeret. Sacro facto, dixit ad 26. Christianos tanto ardore, ut omnibus fletum ciceret. Tum hospitibus suis nonnulla pietatis instrumenta divisit, suum illis apud Deum promittens perpetuum patrocinium. Ubi verò recevit venisse de sua morte decretum, contulit se ad valedicendum per literas, quibus videbatur id officij debere. Primas dedit ad P. Provinciam in hæc verba: Magno mihi solatio P. R. fuerunt literæ tuæ. Gratiâs tibi ago ex animo. Opportuno tempore allata sunt; cognovi enim advenisse eum, qui expectabatur, pro executione mea necis. Itaq; hodie fretus favore omnium Sanctorum, moriar pro Christo Domino & Redemptore meo. Precor te ex animo, ut alius quog; feci, ut quidquid errorum admisi in Religiosæ discipline observatione, mihi ignoscas; atq; id ipsum velim ut mihi impetres a cæteris socijs, quorum orationibus me Deo commendari postulo. Ego, quæ DEI gratia est, latum me sentio, promptumq; ad moriendum pro amore & honore S. Nominis JESU, neq; ullum metus animi meum percellit. Finio, petens suppliciter tuam sanctam benedictionem, & commendans me enixè tuis sanctissimis Sacrificijs, & precibus. Ximabara 1. Novemb. 1622. Petrus Paulus Navarrus, qui in momenta expectat mori, excussus pro Christo. Alteras dedit ad P. Matthæum Couros: Pater amantissime, inquit, vive felix. Quia hic solennis dies erit vitæ meæ postremus; ago immortales gratias æternæ Bonitati. Moriar animo lato & securo, fretus meritis JESU Christi Domini mei, ad cujus conspectum toto animi impetu avello. Tu mihi mea delicta ignosce, neq; intermitte tuis sanctis Sacrificijs & precibus mihi optulari, quibus me commendo. Petrus Paulus Navarrus, qui paulo post desligrabit pro Christo. Duabus horis ante meridiem attulit Bungondoni famulus ad Patrem mortis decretum, his verbis conceptum: Xogun Imperator Japonia, Patrem damnatum jubet vivum comburi, quod remanserit in Japonia, iussu excedere, & contra Regis edicta, quæ prohibent Christi Legem vulgari, eam disseminavit. Audivit ipse sententiam, quæ solebat esse vultus hilaritate; dixitque, nunquam dum viveret, lætiores se nuntium accepisse: & gaudere, quod possit suo sanguine doctrinam obgnare, quam 36. annis Japonibus tradidisset: hoc se sine caput objecisse periculis innumeris, reliquisse Patriam, & quæ mortalibus solent esse charissima. Ideo non habere se quod de Xoguno queratur; & se plurimum Bungondono debere. His dictis orsus est magnâ rationum vi suadere ei, qui mortis decretum attulerat,

ulerat, ut se Christo adjungeret. Sed hominem sævitia persecutionis deterrebat. Tonus responso Patris accepto, lachrymas non tenuit. Processit ad certamen Christi Athleta post meridiem, pallio indutus, nudis pedibus, & Rosario de collo suspensio. Ducebatur una Dionysius, Petrus, & Clemens, qui cum illo fuerant in via comprehensi, duoque priores jam erant in Societatem adlecti. Vultus serenitas cum inusitata quadam modestia conjuncta, omnium oculos præcipuè in Patrem converterat. Ipse litanias præcinebat, cæteris respondentibus, Ethnicis vehementer attonitis ad tantum euntium ad ignes tranquillitatem. Ubi ad locum reorum supplicij infamem eventum est, palos ibi defixos Pater detracto capiti pileo veneratus est, caputque tam festinatò ingredi, ut ægrè possent alij consequi. Ut intra repagula subijt, nixus ante suum stipitem genibus, DEO de beneficio, quod accipiebat, gratias egit. Paulò post cum surrexisset, à quaternis lictoribus columnæ alligatus est. Rosarium & cingulum à lictoribus derepta, Christiani magnis donarijs redemerunt. Ubi Tonus advenit, rogo injectus est ignis. Spirabat validè ventus, ideòque correpto mox flammis pal-

lio Patris, semiustulata vestium frustra in sublime ferri visa sunt. Deinde serpente flammâ spectatus est Pater, qui modò socios ad constantiam hortabatur, admonebatque ut Jesum invocarent, modò lumina tollebat in Cælum, quò aspirabat. Denique vinculis igne consumptis, in alterum latus prolapsus est, cum identidem clarâ voce repeteret: *JESUS MARIA. JESUS MARIA.* Vari fortitudine, benedicente ipsis secundò P. Petro Paulo, triumphârunt de igne cæteri, & Petrus eò gloriosius, quò, quia longius aberat ab incendio, productius tormentum habuit. Incidit ea victoria in diem 1. Novemb. A. 1622, cum P. ageret annum ætatis 62. ab initia Societate 44. Dionysius vixerat annos 38. Petrus 18. non ità pridem Societati donati; cujus jam vota nuncupaverant. Corpus Petri cilicio præinctum (quod nunquam à primo captivitatis die deposuit) una cum reliquis redactum in cineres, in mare projectum est. Christiani sacris pignoribus frustrati, dolorem leniebant carcerem invisendo, quem generosus Athleta incoluit, quò non aliter subibant, quàm nudis poplitibus prorepantes, venerationis ergò.

P. HIERONYMUS DE ANGELIS, & SIMON JEMPO.



Primum Apostolum Regni Yezo ultra Japoniam siti, meritò dixeris P. Hieronymum natione Siculum, ea in urbe natum, quâ Ennam majores, hodie Castrum Joannis vulgò vocant. Is cum Panormum Juris discendi gratiâ venisset, ad spiritualia S. Patris nostri Exercitia inductus, in illis animum concepit erga Societatem; cujus Tyrocinium Messanæ A. 1585. exorsus, domum illam amplâ Nobilis suæ Domûs hereditate (quâ etiamnum utitur) dotavit, & egregijs virtutum exemplis illustravit; abstinentiæ imprimis, quâ ne se conficeret, sollicitè ad vigilandum Moderatoribus fuit. Impetratè crebris apud Moderatores postulationibus missione Japonicâ, Ulyssipone in Indiam solvit needum Sacerdos, cum Carolo Spinola A. 1596. in qua navigatione, præter captivitatem Anglicam, & alia incommoda cum Carolo sibi communia, in gestis ejusdem supra relata, illud habuit in secunda ab Lusitania navigatione, Sacris jam initiatus, peculiare, quòd piratico è lembo prolapsus in

mare, cum nullam prædones impij (quâ nosrum in nomen immanitate sectarij sunt) operam illi eruendo darent, à puppi unde excederat, ad proram subter navim delatus, emerferit nihilominus Divinâ protectione incolumis, quamvis impetu ventorum turbulentibus velis celerrimè raperentur. In Indiam delatus A. 1599. post triennium tandem, in expetitam tot votis Japoniam pervenit: Ubi post unius anni laborem in condiscendum gentis idioma expensum, Fuscimi nostris præesse jussus, eam curam aliquot annis exercuit. Multos ibi recens ad Fidem adduxit, multos jam priùs adductos, egregiè ad omnem virtutis laudem excoluit. Inde Surungam, ubi suam eâ tempestate Regiam Imperator Daifusama collocaverat, ut stabilem ea in Urbe sedem Societati primus fundaret, se transulit. Cùmque è sententiâ ea res cecidisset, placuit Yendi, quæ altera erat Regia, idem tentare. Verùm inde magnâ in se concitatâ procellâ ejectus Surungam, nec multò post Socijs omnibus totâ Japoniâ proscriptis, Meaci clandestinus remanens, totam eam



P. Hieronym, de Angelis, Siculus, Simon Iempo Japon Soc: IESV,
cum Ioanne Far amondo Imperatoris Japoniæ Consobrinio, vivi lento
igne pro Christi fide exusti Tendi in Japonia 4 Decemb: A. 1623.
C. Sireta del. Melchior Kijell f.

eam vastissimam Insulam Evangelij prædicatione ultro citroque non semel permenfus, tam ardua, tam multa sustinuit, ut ea supra conditionem esse mortalitatis naturæ, supràque vires credi possint. Primus in amplas 5. Provincias, primus in tria Regna, longè in extremo Japoniæ ad Orientem submota, Fidem intulit; primus extra Japoniam penetravit in regionem Yezo, quæ brevi disjuncta freto, Insula sit an pars aliqua Tartariæ Orientalis, nondum satis exploratum est. Primus item suâ visitatione Christi pugiles inelytos solatus est, quos A. 1614. Tyranni furor Meaco, Ozacà, Facoco pulsos, in extremos Japoniæ fines Tzungarum relegavit, incredibili ubiq; animarum facto proventu. In Regna Cami primum veniens, cum vix mille mortales Sa-

cris imbutos Christianis reperisset, ipse brevi intervallo supra dena millia, ac deinceps longè plura suâ manu abluta Christo conciliavit. Cum in Regno Oxo, quod ultimum est in Japonia ad ortum solis, An. 1621. populares suos gravius Rex infectaretur ob Fidem, deliberatum Patri fuit iræ Principis semet publicè obijcere, quò vel commissum sibi gregem fortiter firmaret exemplo. Sed impeditus à Christianis, accurrit Xindajum, ut ibi contra vehementius invalescentem Tyrannidem Cives firmaret: quos ipse cultu identidem mutato, modò singulos adibat per noctis obscuræ silentia, modò designabat locum quò convenirent: modò obvios in compitis, sicut confabulaturus, per exomologesim

logesim expiabat; donec à Moderatoribus Jendum Urbem Regiam adire jussus, rem ibi Christianam ultimo biennio administravit, tot mala perpeffus, tam gravia expertus incommoda, ut qui robustus antea & succi plenus erat, jam macie tenuatus, vix idem ipse esse agnosceretur.

Opportunè per illud tempus A. 1623. aberat Jendo Xogunsama Imperator, quàm opportunitate liberaliùs se P. Hieronymus in conspectum dare, augerèque incrementis egregijs Ecclesiam Dei capit. Erat è Bonziji præcipuus unus doctrinà inter suos & auctoritate, qui majorem inter Christianos æstimationem, & opes consecuturum se, propter ejus opinionem doctrinæ, quàm inter Gentiles sperans, Baptismo suscepto Christianis se aggregavit. At ubi spes ea decepit expectationem, per ipsam Christianorum perniciem ad cupitas opes grassari certus, Urbis Gubernatorem admonet, multa se milia nòsse Christianorum, quòsque illorum Pastores, qui ipsa in Urbe Regia commorentur. Protrahat igitur in lucem indicio suo clancularios Patres, gratiam Imperatoris hoc facto, opes, honorèsque, utrique sibi mercaturus. Verùm ubi cunctantem Bonzium Gubernatorem, & vanitatem consilij prætententem advertit, Meacum festinus excurrit, & quanta sit præda in manibus ipsimet Tyranno explicat. Imperator indicio lætus, donatum laute Bonzium continuò remittit, & in Patres, ne quàm elabantur, esse jubet intentum. Hæc nefarii proditoris scelerata consilia, quamvis dissimulatione maximà agitata, subodorati Christiani, omni ratione discernimini Patrem subducere satagebant. Sed jam res illuc evaserat, ut nec illi tutus pateret ad fugam exitus, utpote qui toti Regiæ passim usu quotidiano atque occurfu notus, obstupesceret ipse, quò latere tam diu potuisset; neque posset absque multorum excidio diuturnà occultatione defendi; atque adeò universa Christiana res extremà stare fortunà videbatur. Eapropter extrema quoque experiri, consilio ab omnibus approbato, constituit, ut ad multorum salutem suo unius capite redimendam (nam alioquin si in ædibus cujuscumque deprehenderetur, omnes 20. domuum suo domicilio vicinarum incolas, cum ipsis infantibus in necem, ità jubente Imperatorià lege, trahebat) occuparet prior ipse, & Gubernatori se ultro fisteret, vilem ità animam cum beata commutaturus immortalitate. Ea ubi sententia stetit, ingenti delibutus gaudio, illaq; Prophetæ verba usur-

pans: *si propter me orta est tempestas, tollite me, & mittite in mare*; Japonico cultu, sub quo latuerat compluribus annis, abjecto, barbâ positâ, vertice in coronam Sacerdotalem raso, consuetam Societatis togam & pallium, unâ cum Simone Jempo, post Catechistæ munus 20. annis laboriosissimè obitum, Societati demum adscripto, induit. Sic instructus Gubernatori se animosissimè cum Simone obtulit P. Hieronymus, professus se inde usque ab Sicilia Patria sua, per innumerabiles terrarum marisque difficultates, in Japoniam eâ causâ convolsse, ut eos ignorantie tenebris obfessos niteretur quaquâ posset opè, ad lucē Veritatis, atq; æternam salutem eruere. In hanc curam multis annis à se laboratum, multum esse malorum toleratum: quibus nunc ipsam etiam vitam quoque libenter fesse, dum Japoniæ profuit, adjicere. Constitit insolentia tantæ fortitudinis mirabundus aliquantisper Gubernator; & nonnulla deinde ex utroque scilicetatus, ambos in custodiam jussit abduci. Ibi Simon usque eâ, quâ pollebat ad persuadendum facundia vi, Divini Spiritus aurâ aspirante, 40. Japonenses qui vincti in eadem custodia tenebantur, ad Sacra Christiana traduxit.

Interea temporis Meaco triumphabundus, ob res bene gestas, ubi revenit Imperator, atq; ex Gubernatore intellexit tres comprehensos esse in Urbe Regia Patres profeminatores Evangelij (nam præter duos nostros interceperant etiam P. Fr. Franciscus Galvez Franciscanus) in tantum furorē & dolorem efferebuit, ut palam dicat, levius sanè se toleraturum, si aliquot in se correptis armis Regna movissent, quàm quòd ipsam etiam in Regiam Patres, contemptis proscriptionibus, spretis minis atque supplicijs, insinuare sese minimè formidarent. Sed facturum se palam, & severitate supplicij, & vel sui sanguinis internecione, quò demum animo in Christianos sit; & ne sibi quisquam posthac, aut claritudinis obtentu, aut quaquâ impunitatis aliâ spe blandiatur, suum se Confobrinum Joannem Faramondum, cui odio Christianæ Fidei comprehenso jusserat in fronte Crucis signum inuri, & unâ cum illo Patres, ac circiter 50. alios, qui servabantur in carcere, flammis aboliturum. Igitur eductos sinè mora omnes, imperat per vicos Urbis amplissimos ad ignominiam infanz plebis, & Faramondum quidem cum 2. Sacerdotibus, P. Hieronymo de Angelis, & P. F. Francisco Galvez Franciscano, equis impositos, reliquos 47. pedites circumduci, ut in subiecta

Regio Palatio area vivi concremarentur. In dorso gerebant singuli suū nomen grandibus notis descriptum. Concurrerat mortaliū infinita vis ad insolentiam spectaculi, & multi quoque Principes, qui ovanter erant Imperatorem ex omnibus Regnis profecuti. Ut ad locum supplicij perventum est, suum omnes qui pedites inceſſerant ad stipitem, revincti sunt: illi tres vetiti jumentis descendere, si forte spectatis aliorū pœnis labefacta constantiā, possent ex Imperatoris libidine ad perfidiam transmoventi. Simon Jempo, qui totā viā omnibus Christi Fidem prædicabat, alligatus ad palum, longè efficacissimè eam suadere perrexit: eo maximè latus, quòd inscriptam magnis notis in tabula supplicij causam legeret in hæc verba: *Homines isti tam grandi supplicio mactantur, eo quia Christiani sunt.* Exprimi non potest, quā invictū animum omnes in tanta tormentorū sevitia gesserint: neq; unus fuit qui ingemisceret, qui se cōtraheret, aut vultu saltem minimū doloris signū ostenderet. Ut vel ipsi gentiles dicerent, supra omnem naturam esse tantam fortitudinem. Christiani verò spectatores tantū abest ut supplicio tam immani tererentur, ut potiùs magis animerentur. Nam dum ignis fureret maximè, sponte suā ad Judicum assidentium Tribunal accurrunt Vir ac femina, & voce, publicā Christianos se esse proclamant, ac proinde eodē cum illis incendio concremandos. Sed jubente Magistratu vindicta duntaxat in præfentiarum sunt, & custodiæ traditi.

His itā crudeliter exustis, dum ad eosdem flammarum triumphos anhelarent tres reliqui, Faramondus loquendi copiā postulata, dixit ex equo ad populum confertissimū, *vel ex eo posse à quovis veritatem Christianæ legis agnosci, quando ipse expectata, propter communem cum Imperatore sanguinem, magnæ fortune gaudia, cum adeo infami diræque morte libens ac volens commutet; idque post toleratum 14. annorum longum exilium, post truncatos sibi manuum ac pedum articulos, post frontem sibi stigmate Crucis insitam, tantū nō eā ejuratā iacturam unā faciat sempiternæ salutis. Quod si tam dira in se Principis immanitas documento est, quanto ille hæc Legem odio prosequatur, profecto suam tam inestabilis sevitia tolerantiam haud levius ostendere, quantā ipse execratione detestetur ritus gentilitatis, & profana sacra. Ea se inde usq; à primo ætatis diligenter accuratè, scrutatur, haudquaquam fuisse cum Christiani disciplina commutaturum, si quidquam firmi in ijs solidique comperisset. Esse aliquid in illa, id quod ipsorum pleriq; non nesciant, quod percellat animum, quod à caducis mentem avocet, atq; ad*

æterna transmovent; deniq; quod pervellat prorsus atq; convincat. Volentem plura dicere, cum jam commoveri videretur, & lachrymis annuere peroranti multitudo, interpellârunt administri qui aderant; verentes, ne quid in populo jam concitari capto, fortasse turbarum aut tumultuationis existeret. Ultrique deinde Patres affari concionem permissi, eā quā præstabant ambo dicendi vi atque efficacia, quæ dixerat Faramondus, sicut impressione factâ altiùs affirmârunt. Posthæc depositi jumentis alligantur ad palos, & Hieronymus quidem medius; unde socios identissimè ad moriendum pro Christo cohortatus, ubi utrique vale ultimum dixisset, suppositus fomiti ignis repentè corripuit pyras, & glomerato incendio, undantèque fumo itā Dei servos involvit, ut eos adstantium aspectui subduxerit; nisi quòd interdum alpirantis aure motu ab eorum corporibus tetra nubes dimovebatur. Iis autem intervallis observatum est P. Hieronymum de principio ad Urbem convertere, atq; ad Deum preces breviter pro ea fundere; mox in eam se partem reflectere, quā vento agente ignis vehementiùs invaleſcebat; tum ut faceret palam flammam se neutiquam reformidare, tum ut ad multitudinem, quæ frequentior eā parte constiterat, sermonem aptiùs dirigeret; ad quam semper uno in vestigio rectus atque immotus, tam diu verba inflammatis spiritibus fecit, donec obvolutus incendio, animâ interceptâ, pronus in genua concidit, & probatâ ignibus auream animam Cælo reddidit 4. Decem. A. 1623, ætatis 56. Societatis aditæ 38. laborum in Japonia 22. In Faramondo autē singulare illud fuit, quòd cum flammarū una vehementiùs in illum à vento impelleretur, eandem ille, tanquam rem longè sibi charissimā amplecteretur. Immobilis verò semper stetit, quoad unā eū stipite pron⁹ cecidit, & expiravit. At verò P. Franciscus, qui longiùs animam trahebat, etiā post mortem in pedes erectus, omnibus jam consumptis vinculis, perstitit columnæ innixus, à qua ne digitum inter summa tormenta recessit. Exusta eorum corpora, quia intensissimè excubijs servari notabant Christiani, triduum quieti domi se continuere: donec illis jam securis, trecenti glomerati nocte concubia, itā omniū exuvias uā cum buſtis colligere, ut tellurē ipsam pretioso sanguine coloratā abaderent. Ultriusq; nostrorum capita Macai servantur in Collegio, donec possint palam aliquando ad venerationem Apostolicā auctoritate proponi.



P. Didacus Carvallius Lusitan, Soc: IESV tolerato glacialis aquæ per 12. horas frigore pro Christo enectus Scenday in Iapo. ma 22 Febr. A. 1624

U S I

M R

P. DIDACUS CARVALLIUS.

Um tot incendijs, quibus in Patres furor Tyranni desævijt, magis magisque aliorum zelus inflammaretur, ut refrigesceret. Charitas, glaciali aquâ sævitum est A. 1624, in P. Didacum Carvallium. Sed oleum dixisses non aquam igni affundi, ita in amorem Christi inflammator ab aquis Didacus prodijt. Conimbrica hunc Orbi dedit A. 1580. Societati 96. Indiæ 1600. hæc demum omnibus excultum disciplinis Japoniæ submisit, anno hujus sæculi nono; unde post quadriennium cum reliquis socijs è Japonia proscriptus, remetiri Oceanum, & Macaum repetere coactus est, primâ prolusione

Martyrij factus extorris. Verùm clam ite-
rum, ductore Deo, in Japoniam irrepens, Omura primùm in pijs laboribus strenuè versatus; emissis ibi in Augusto A. 1617. solennibus 4. votis, in extremam Japoniam ad Regnum Oseiu, cui Dates Masamunius imperabat, sese recepit. Illic fortissimos Christi Confessores, qui propter Fidei constantiam multati exilio, egeni omnium, ærumnosam vitam agebant, quo potuit solatio recreabat. Bis deinde cum P. Hieronymo de Angelis trajecit in Regnum Jezo, ubi simul ignoto illic Deo aram posuere, & sacram primi litavere hostiam. Primus item in Akita, primus in Sciemboco Fidem Christi prædicavit. Inde per-

pervagatus ad solandos afflictiſſimos Chriſtianos Regnum Deua, cùm aliter in Provinciam Sungarũ penetrare, confirmaturus illic pro Chriſto exules Neophytorum non poſſet, tertio transmiſit in Regnum Jezo objectum Japoniæ; unde per averſam ab attentiffimis excubijs partem, in Sungarũ operarij metallici cultu trajecit, Chriſtiano veſtus navigio. Matzumã primũ urbe principe Jezo inſperantes Chriſtianos inſiſit, cohortatũque ad firmitatem eſt. Inde ſe unius itinere diei tranſtulit ad metalla, & ibi etiam univerſos Sacramentis impertitis incredibili complevit gaudio. Sic ſordiatuſ eã ſoſſior illuvie Tacacocam Provinciæ Sungaruane portum, ac deinceps in Akitenſem Provinciam apulſit inobſervatuſ, & latè circumtulit operam atque induſtriam ſuam, dum Chriſti Confeſſoribus, diverſa per loca degentibus, per Sacramenta recreandis, & gentilibus baptizandis diſtringitur. Secundũ hæc Zubotam feſtinuſ repetijt, ut moliretur aditum uſque adhuc fruſtra tentatum, ad procurandum Chriſtianis myſterijs Regium Gyneceum. Sed quo ipſe illabi non potuit, inde, quæ ſœminarum ſolertia eſt, deluſis Arciſ cuſtodibus illæ eruperunt, & retro pedem poſtquam expiata ſunt, clandeſtinæ retulerunt. Itã quã plurimis luſtratũ oppidis, multũque, qui atrocitate pœnarum defece- rant, ad Fidem revocatiſ, ad ejus quoque Provincie metalla argentaria perrexit; & opem ubique omnibus pro virili, & conſolationem adhibuit. Atque hiſ non pluſ trimeſtri, labore ſupra quã cuiquam credibile ſit maximo, per enormia pericula geſtiſ, aditum in Provinciam Scionai, Socijs eatenuſ inten- tatam, aperire niſuſ eſt: ac tandem ſexcentiſ aditiſ, ſuperatiſque periculiſ, in Sacatam Urbem Provinciæ caput ſurtim penetravit. Hic re Divinã primũ factã, tridui ſpatio non contemnendum Chriſto manipulum animarum colligentiſ, Zubotam ſe retulit, unde ruruſ in Sungarũ acceſſituſ, ſeptenũ- dierum viam emenſuſ eſt, uniuſ ut viri nobiliſ Chriſtiani, quem morbi viſ in diſcrimen adduxerat, exomologeſim audiret. Atque in hiſ inſeſatigabiliſ viri conatibũ, unicum ſolatiũ erat ſpes vitæ pro Chriſto, ſive per ferrum, ſive flammam proijciendæ, eò quòd hæc pleraque in medio ſagaciſſimorum undiq; veſtigatorem moliretur; ut ipſe capere non poſſet, quonam pacto couſq; manũ impiorum evaſiſſet.

Neque diutiũſ vota fidelis ſervi fruſtra- tus eſt Deus, ſed per ipſam P. Hieronymi de

Angelis necem, aditum illi ad ſimilem exitum paravit. Aderat Jendi, dum conflagratione ſævitum eſt in P. Hieronymum, aliõſq; ex omni ordine 52. Maramunius Rex Scendaïj, ubi majore parte P. Carvalliũ degere ſolebat, Socijs toto eo Regno ad quæſtum animarum diſpenſandiſ Præpoſituſ: per quam occaſionem unũ quiſpiam eſt ſamulitio, multoſ in Regno ipſiuſ Chriſti Fidem profiteri, muſſitando ſuggeſſit. Tum ille, qui quæſtui omnia, & poſt Imperatoriſ gratiam habere, conſueſſet, plenuſ curarum ac metuſ, cele- rem continuũ nuntium expedi, & in Chriſtianoſ inquiri univerſoſ exactã diligentia imperat. Accepto imperio Gubernatores, ante omnia ſollicitare Joannem Goto, cui aliãſ ob præclara Viri merita, Chriſti Sacra palam ſequi Maſamuniuſ indulſerat, ad defectionem miniſ, pollicitationibuſ, auſi ſunt. Quibuſ ille fortiter & cum ſtomacho rejectiſ, malorum tamen quaſi præſaguſ, cùm ad P. Didacũ retuliſſet quæ geſta fuerunt, uterq; ſe ad mortem ſubeundam inſtituit comparare. Chriſtianorum omniuſ confeſſioneſ Pater illico maturaviſ excipere; & ne ſuiſ hoſpiti- bus noxæ foret, alium in locum haud longè diſtitum, cui Oroſcio nomen, abſceſſit; duobuſ ultro Chriſtianiſ illi ſe comiteſ præbentibuſ, qui illi etiam ad mortem uſq; fortiter adhæſere. Exceptuſ à Mathia Ictiore probo Neophyto, propter ejus domicilium peranguſtum ſibi mapale conſtruxit. Pauciſ poſt diebuſ tentata ruruſ eſt Maſamunij juſſu Joanniſ conſtantia, cùmque ille nihil concederet, exul atque extorriſ a ſolo patrio extruditur. Mox in reliquoſ Chriſti cultoreſ cùm ſagaciſſimè indagaretur, 60. capita Oroſcio deſerto, in vallem tugurio P. Didaci proximam, caſiſ tumultuariũ excitatiſ recep- pere ſeſe. Interea veſtigatores accepto indicio, Patrem, & ponè illum complureſ Chriſtianoſ Oroſcium commigrãſſe latendi cauſã, illico Oroſcium contendunt. At ubi nul- loſ ibi, quos quærebant, invenère, fortè inter abeundum in ejus conſpectũ delati valliſ, ubi illi erant metati, ſeiſcitatiſque *quid illud caſtrorum, quid hominuſ eſſet?* ùt Chriſtianoſ eſſe, qui ſe declinandæ vexationi illuc abdi- derant, renunciãtium eſt, eò confeſtim evolare, miſcere omnia, vexare, Chriſtianoſ manu capere, trahere. Tum verò Carvalliũ ſua ultro eſt latebra prodijt, & ſe Fidei præconem profeſſuſ, cujuſ uniuſ tam impen- dioſa veſtigatio ſit, apparitoribuſ ſe ipſemet obulit. Illi unã vinẽum cum alijs rapue- runt ad Judiceſ; à quibuſ multas primũ

horas

horas sub dio densas inter nives, quæ Cælo cadebant, detentus per inclementiam; tum nomen, Patriam, suæ Fidei rationem interrogatus; ubi singula per ordinem exposuit, ad extremum eam se Fidem, quam prædica- verat, perlibenter suo sanguine, & quorum- cunque perpeffione cruciatum asseriturum esse, magno animi ardore professus est. Nocte illâ confessionibus suorum audiendis integre impensâ, vix manè dies illuxerat, quan- do suis educi custodijs, revincti manus, per ingentes viarum nivibus & glacie oppleta- rum ineptias, Midrusavam biduo diffitam Urbem pertrahuntur. Illic socijs in diversa ergastula inclusis, Pater apud administratos Justitiæ diversatus est, quibus perlibentibus Apostolorum Symbolum explicuit, simulq; atrocem illam calumniam, quâ pietatis ob- tentu Patres ad occupandam Japoniam uti jactabantur, disertâ oratione redarguit; quippe cum se viderent Europâ, opulentis- simâ Patriâ suâ posthabitatâ, longâ trium an- nûm, perdifficili & periculorum refertâ na- vigatione, nihil demum aliud nancisci, quàm ut miseram animam per omnes ærumnarum formas ubi aliquamdiu traxerint, postremò per varias poenarum facies, atrocissimâ mor- te projiciant. Vel ex eo uno satis constare pro- fectò posse, non Japoniam à sese, sed Japo- num salutem queri; neque tot malorum gra- tuitam perpeffionem Imperij ac fortunarum pretio, sed animorum auctionari, ac venum ire. Postridie per aequalia incommoda Midru- savam tetendèrè, vinculis arcè constricti, suo quicquid custode comitatus, & humeros insigniti titulo captivitatis; *Christiani*. Verùm quia duo ex ipsis ætate & laboribus iti- neris fracti, cadentibus perpetuò nivibus, progredi non poterant, in valle quadam 9. Febr. capite sunt multati, & in frustra concisi: maximis lætitiæ præbitis indicijs, quòd pro Fide moriebantur. Midrusavæ rursus fue- runt reliqui interrogationibus tentati, & P. Didacus, ut auctor alijs esse vellet desciscendi à Christiana Fide, impensûs rogatus, eam perfidiam vehementer execratus est. Igitur catastrâ Japonicâ cum duobus alijs, quia ser- ventius Judicibus resistebant, pedes constri- ctus est; sic ut exinde pedes illi magnopere contusi, penèque confracti essent. Desperatâ eorum perversione Judices, Scendajum vin- ctos abduci jubent: ubi Michaël quidâ Chris- tianus illis factus obvius, per omnia sacra rogabat satellites, ut & ipse vinciretur. Sed rejectus quidem ille est, mœrens ac tristis: alter autem Julianus Fyemon idem paulò

pòst similiter postulans, exoravit, & magno omnium solatio numerum pro Christo vin- ctorum auxit.

Scendajum denique ut attigère, publi- cam in custodiam promiscuè cum facinoro- sis aliquamdiu compacti, ad flumen deinde, propter quod effosâ humo scrobs, duos alta pedes, defixis consepta sudibus erat, aquis è fluvio derivatis stagnans, adducuntur die 18. Febr. cum P. Didaco novem socij. Tempe- stas erat perfrigidâ, & ut est Regionis ejus in- genium, apprimè glacialis. Hic omnes ad suum quisque ligatus stipitem, exuti vesti- bus, confidere in aquis pectore tenus, per bar- baram immanitatem, ad ipsas 3. horas coac- ti sunt. Omnium lento in cruciatu miram constantiam, Pater insuper nullo frigoris o- stenso sensu, quâ verbis appositis, quâ toleran- tiæ exemplo firmare, nonnunquam oculis ad modestiam submissis, sicut cœlestibus meditandis intentus conticescere. Interea om- nium eæ voces exaudiri, hilarè ingemina- ntium: *JESUS MARIA! Benedicimur sit Ve- nerabile Sacramentum; DEO sit semper laus & gloria*. Post 3. horas in glaciali frigore, inter assiduas satellitum contumelias, & ad defe- ctionem provocationes, cum jam propem- dum obriguissent, ut ad poenarum redinte- grationem servarentur, ex aquis educi sunt. Cæteris, quò rigorem corporum nonnihil temperarent, ad ripam fluminis sese volutan- tibus in sabulo & glareâ, P. Didacus & frigi- ris & sui victor, plicatis decussatim cruribus, quemadmodum aliàs consueverat, humi consedit, & manibus ante pectus compositis, capite leniter inflexo, mentem atq; animum ad Divinarum contemplationem rerum illi- co transtulit, attonitis ad tam mirabilem vi- ri fortitudinem Ethnicis. Hic dum iterum Patri proposita conditio est sui, & sociorum vitæ redimendæ, si illis ad abijciendam Fidem author sit; ille eadè animi in- tegritate, auctorem se priùs illis ad subeun- da tormenta omnia fore respondit. Eâ respon- sione Gubernator concitatus, flammis illis atq; incendia comminatus, tantisper ad car- cerem reduci omnes imperat; duobus excep- ptis, qui vix è fluvio egressi, obriguerunt mortui.

Quatriduano carcere per gravissimas in- jurias tolerato, die 24. Febr. A. 1624. sub me- ridiem rursus è custodia producti, cum se ad ignes depolci crederent, ad aquas & gelu rapti, eadem in fossâ nudi, ad singulos vincti palos compositi sunt. Principiò stare jussi, aquâ genuum tenus non ampliùs ascenden-

te; deinde confidere, ut novo tormento pe-
ctus atque prœcordia pertentarentur; deniq;
ut crebrâ undarum reciprocatione dolor au-
gesceret, alio identidem atque alio situ, ad
primam usque noctis horam collocati sunt.
Tum verò vespertino frigore & vento, den-
sèque cadentibus nivibus, aqua sensim ad-
stringi, & congelascere, & jam corporibus
paulatim sensum extinguere. Igitur supre-
mam horam sibi imminere certi, capere in-
vicem blandissimè consalutare, & verba no-
vissima bene precando dicere: jam accepta
divinitus beneficia memorare; jam alia, quæ
præsentem forent in usum postulare; aliàs
gloriosam DEI Genitricem Virginem, ut
sibi ab suo Filio vires ad supremum certam-
en deposceret, exorare. Excitabat omnes
atque erigebat P. Didacus, toto illo tempore
nè contremiscere quidem unquam notatus:
cùmque Mathiam Xojanum jam extinctum
(quod Pater ignorabat) bis compellisset, re-

spondisse fertur erigenti se Patri jam mor-
tuus, cum ingenti omnium, qui mori eum
viderant, admiratione. Tandem extinctis
universis, postremus ipse superstes fuit. Quin-
ta jam erat noctis profundæ hora, cùm dila-
pſis ad sua barbaris, pauci perſistere Christia-
ni, donec P. Didacus haud multo ante dimi-
diatam noctem, post toleratum 10. integris
horis gelu tormentum, admirabili constan-
tiâ, inter eadem illa quæ docuerat alios reli-
giosa verba, vitam simul & tormenta finivit,
cùm annum ageret ætatis 46. Societatis 30.
quorum dimidium in Japonia & Cocincina
transiegit inter Apostolicos labores, quos ad-
mirabili mansuetudine, affabilitate, demis-
sione animi, charitate exornavit. Eorum
exuvix frustatim concisæ, in profluentem
abjectæ sunt. Solùm P. Didaci, & aliorum
4. capita, jacturæ à Christianis quibusdam
ad venerationem religiosè subducta
sunt.

P. MICHAEL CARVALLIUS.



Arvalliorum alter per aquam,
per ignem alter gloriosam Fidei
secere Confessionem. Et Michaël
quidem hunc felicem exitum
inter scenicos ludos adhuc puer
de se promiserat. Etenim ut Bracharenſes
cives (inter quos natus educatusque fuit Mi-
chaël) simul recrearet, simul instrueret Socie-
tas JESU, historiam Abrahami, filium suum
unigenitum Deo immolaturi in theatro ex-
hibuerat. Michaël puerulus ad tenerum spe-
ctatorum sensum, & copiosas lachrymas,
Isaacum egit, & lignorum struem (in qua re
ipsa olim in Japonia in suave DEO Sacrifi-
cium immolandum erat) humerulis suis de-
portabat. Igitur ob egregias animi dotes in
Societatem adlectus anno superioris sæculi
97. cùm alienæ salutis & Martyrij flagraret
amore, ad Orientales Indias quinto post an-
no destinatus est; ubi in Goano Collegio
Theologicis eruditus disciplinis, eandem
postea per annos complures singulari cum
laude alijs explanavit; donec anno ætatis suæ
40. Japonicam exorasset missionem, Biremis
quâ vehabatur, posteaquam Oceani vim æ-
grè aliquantisper sustinuit, demum ad Ma-
lacæ oram fatiscens, vectores in mare effu-
dit. Michaël vix nando servatâ vitâ, cùm
nullum esset in portu navigium, quo cœ-
ptum iter prosequeretur, ausu magno pedes
illud ingressus est: & per ingentia viarum

incommoda Macaum usque absolvit. Inde
militari veste irrepens in Japoniam, & Ama-
cusam ad vernaculæ linguæ studium à Supe-
rioribus amandatus, morbo non uno tentatus
est, quos homini alienioris jam ætatis, & vi-
ctus insolentia, & asperitas frigoris concilia-
vit. Ipse interim ut futuro Martyrio, quod
unicè suspirabat, proluderet, corpori suo in-
festus esse, atque illud diris modis vexare, fla-
gris diverberare quotidie, & quidem sole-
mniorum dierum pervigilijs geminatâ ad
sanguinem verberatione; cilicio accingi
continû, & setoso frequenter alterum adju-
gere ferreum. Triduo quothebdomadis, &
pridie festorum tolerare jejuniû; & diebus
Veneris in pane & aqua. Victum interim
suum omnem erogare pauperibus, & in eo-
rundem subsidia stipem undequaque colli-
gere. Tempus reliquum omne mentali da-
bat orationi, semper in genua provolutus: &
ut Deo litaret religiosius (quod nunquam fa-
ciebat lachrymarum experts) comparabat se
ad Missam unius horæ meditatione, & tan-
tundem gratiarum actioni impendebat. Simul
ut gentis idioma condidicit, totus in morta-
lium salutem incubuit, vitamque Angelicæ
quàm humanæ similiorem, quasi præfagus
quod velox sit depositio tabernaculi sui, cum
omnium admiratione, nunquam remissâ
contentione agitavit. Evocatus ad exci-
piendas quorundam confessiones Omuram



P. Michael Carvallius Lusit: Soc: IESV, pro fide Christi inter:
lentos ignes uiuus consumitur Omuræ in Iaponia 25. Aug. A. 1624

C. Scretu d.

Melchior Küßel f.

A. 1623. operâ clandestinè illis ex sententia navatâ, parabat se in tutum recipere; cum exploratori clanculario agnitus, ipso S. Magdalenæ festo, quam peculiari devotione venerabatur, recte injecto in collum capitur, iussuque Gonroci Gubernatoris Nangasachi, carceri Omurano, 16. palmos longo, oblongos lato, quo jam antè 4. alij Religiosi tenebantur, concluditur. Solatio præcipuè fuit, præter copiam quotidie DEO in carcere litandi, duos ex ipsis suis comprehensoribus ad Christum convertisse, neque suâ comprehensione ulli noxæ vel incommodo fuisse, cum præter morem jam captus de nullo, qui aut se convenisset, aut quicum egisset, interrogaretur.

Tenuit ea custodia Patrem 13. omnino

menses, cujus ineffabiles delicias amicis communicaturus, nunquam satîs exprimere posse sibi videbatur; ita ad Societatis in Iaponia Procuratorem scribens, *Sumus omnes infirmi, & corpore debiles; sed admodum robusti & recreati spiritu, nam DEUS qui Pater misericordiarum est, in maioribus aruminis uberiores favores, atque ad eas tolerandas auxilium suggerit.* Hoc de me possum equidem affirmare, singulari quodam & extraordinario me sensu voluptatis inter patiendum affici: neque in animus unquam induxissim meum, tantam inesse in adversis pro DEO sustinendis suavitatem. Ejus Majestati laus in æternum sit & benedictio. Multo maxime autem luculenter ad P. Benedictum Fernandium, qui nono post anno in odium Christi necatus est, in hæc verba sua solatia eccle-

declaravit: *Troba sciebam me servum inutilem esse, atque ad Orbis conversionem parvis in carcere atque extra carcerem, hoc est nullius usus. Atq; eo placuit DEO huc me compingere, ut purgatis penitentia criminibus, DEI servorum, qui mecum sunt exemplis, tempus male à me otiosèq; collocatum ad discum corrigere, & iniquemetipsum ad mortem obendam comparare, quam profectò admodum impensè ad Divina Majestatis gloriam, in nozarum mearum satisfactionem expe- to. Haud ideo equidem inficias, multum me ac vehementer perverteseri, quoties oculos ad illas converto. Sed ubi rursus ad eam me reflecto Benignitatem, quæ solem suum oriri facit super bonos & malos, justos & injustos, non possum mihi non summa quæq; de DEO polliceri; & jam nunc mihi video quodammodo manibus antecapere, atque complecti sanctam ejus gratiam, & animi robur, quo vitam pro ijs institutis ac lege profundam, quam tot egregij pugiles, per enormes adeò cruciatibus tumentur & asserunt, quàmque à principio datis cervicibus olim Apostoli propugnârunt. O Pater mi dilectissime, quàm fortunatus essem, si me ob DEI tam boni amorem, ingenti rogo deslagare conspicerem! Quàm felix, si bonore ejus Domini minutatim considerer, qui tot me donis suis prævenit, qui insecutus me tam diu est, patienterquesustinuit obnitentem; neque ignarus ingratum animi mei, neque adeò pertasus! O amabilis JESU mi, equid unquam præstitero miser peccator, quo gratificer tibi? Quibus tibi satis laboribus fecero? Quæ subisse tormenta, quò tibi placeam, sat fuerit? Quot cruces paratas habes, quæ incendia constituta? O quid me vis facere Domine! da quod jubes, & jube quòd vis. Jam deum tempus est Pater mi charissime, opitulandi mihi indigno servo tuo, quæ fervidis orationibus, quæ sanctis Sacrificijs, ut ad ea omnia fortiter excipienda mihi DEUS vires suppeditet, quæ me pro meis delictis ipse pati voluerit; concedatque ad suam gloriam, atq; in contestationem suæ sanctæ Legis plurimà adversa sustineam; flammæ ferrumque, & quidquid in caput meum hostes Numinis ejus excogitare quiverint, ac moliri. Mundus, & quidquid ejus voluptatum est, quidquid opum & gloriæ, mihi jam prorsus despectui, & pro nihilo sunt. Hoc mihi sit unum posthac gaudium, pati pro Christo; adeoque etiam si Divina sic Majestati collibitum sit, ut in hoc carcere malis confectus occumbam, fiat voluntas ejus. Et si ex adverso voluerit, ut hoc arcto & solo in loco, ad usq; supremum, & decretorium gentis humane diem doloribus & morbis oppressam animam trabam, nentiquam obsto aut refragor. Jam verò quoniam quidem certiores Nangasacho redimus inminuentis propediem finis nostri, extre-*

munum idcirco per hanc descriptionem vale tam cara Capiti, quàm est mihi R. V. dico. Tu pro me Deum ora Pater carissime; ego diligenter vices reddam. Ad R. P. Provincialem autem: Audio, inquit, multos Jendi mortem subisse pro Christo. O fortunatos illos millies, felicesque athletas JESU, qui palam facere, toti que Xogni Regia testatam legum ipsius injustitiam potuerit, & Legum Onnipotentis DEI æquitatem tueri, quique pro ejus honore atq; existimatione, minime cunctati sunt cum sanguine vitam profundere. O felicitatem! ô sortem optimam! ô sanctam invictam! ô mortem eo beatior, quò mihi vita in hac valle lachrymarum sit infelicio! ut cum Paulo Apostolo nonnunquam exclamare cogar; cupio dissolvi & esse cum Christo. Miserum me, quem, quia truncus infelix & oblitus peccata sum, haudquaquam ea manebant certamina, quæ suis destinat electos DEUS. At R. V. quoniam mihi Pater est, tantumq; gratia apud Deum Dominum nostrum communem valet, eum interpellat pro me, atq; efflagitet, ut benignos ad me oculos, & pietate plenos convertat; atq; hoc largiatur, ut quando dedit hoc loco concludi, vitam quoq; liceat ipsius gloriæ, & nozarum mearum vindicationi depacisci.

Advenit interim felix Nangasacho nuntius, eandem communiter in P. Michaëlem, tres PP. Franciscanos, & unum Dominicum, conflagrationis apportans sententiam. Quo incredibiliter exhilarati, die 25. Aug. A. 1624. producti sunt è custodia, Crucem singuli manu ferentes, arctè vincti, collo in restim inserto, & brevi maris trajetum in locum supplicio destinatum trajecti, ante omnia navicularijs, pro exantlato sui causâ labore, gratias egerunt. Tum elevatis sublimè quas gestabant crucibus, instituire Psalmos ritu sacro modulari; donec P. Carvillius ad confertam multitudinem conversus, Fideique Christianæ gratiâ perlibenter mortem se omnes oppetere contestatus, primus omnium palo, multis oculis & amplexibus antè delibuto, alligatus est: reliquis secundum ipsum, omnibus in habitu sui Ordinis, ad diversos palos laxè, pene ad speciem adstrictis, ut caloris impatientiâ victi, commovere sese & contorquere possent, & incompotis gestibus ac motibus plebi ludibrio forent. Verùm illi fixis in Cælum obtutibus stabant immoti, altâ voce Divos in auxilium vocantes, dum admotâ singulis exigua pyra, torreret potius longo lentoque æstu, quàm ardere deslagratione videbantur. Ludovico Japoni è tertio S. Francisci Ordine flamma propior continuò vinculorum nexus exolvit; qui

qui jam liber ad socios Sacerdotes, medias inter flammās, ardoris & cruciatuum potens accessit, & sacros eorum pedes venerabundè suaviatus, & circumstantem multitudinem ad Fidei Christianae professionem, quā solā comparari queat sempiterna salus, vi magnā cohortatus, ad stipitem se suum ultro retulit, & fortem animam primus in Caelum transmissit. Hunc proximè P. Michael secutus est, quem flamma luculentior citius reliquis, post grandia constantiæ documenta extinxit, anno ætatis 47. Societatis 27. Tertius succubuit victor ignium Fr. Ludovicus Saffan-

dra Sacerdos Japon, qui superstitēs adire Sacerdotes, combustis jam funibus suis conatus, cū pedibus ustulatis ingredi non posset, eos suo è loco profundā corporis inflexione veneratus, excessit. Duo reliqui, ipsas tres horas constiterē, nullo doloris aut infirmitatis indicio; donec & ipsi demum incendio confecti sunt. Corporibus penitus igne consumptis, & cineribus in mare dispersis, subduxerē tamen Neophyti ossium ac stipitum fragmenta quædam, eaq̃ue ad venerationem piè religiosèque servarunt.

P. JOANNES BAPTISTA DE BAEZA, & P. GASPAR DE CASTRO.

Eodem die, septimo nimirum Maij, A. 1626. quamvis distinctis in locis, vitam, quam in maximis ærumnis tempore persecutionis Japonicæ toleraverant, felicissimè finire P. Joannes Baptista de Bæza, & P. Gasparus de Castro. Ubedæ in Hispania natus P. Bæza, ex Legum studio Societatis tyro, ac deinceps emenso Theologiæ curriculo Sacerdos factus, miram illam, quā pollebat, dicendi facultatem salutis gentilium devovit, transmissæque sub annum 1586. Oceano, Mozambici primū, tum Goæ & Macai, cum ingenti animorum fructu eandem exercuit. Inde in Japoniam, qui votorum scopus Patri erat, missus An. 1590. in Regno Fingensi per triennium plus quam septuaginta millibus hominum natu grandium Christi Fidem persuasit, eosque omnes manu propriā salutaribus aquis abluit, præter innumeram infantum & puerorum multitudinem. Eā enim frequentia ad Baptismū Patris accedebant, ut is non rarò brachium ad affundendos latices eorundem capitis attollere amplius non posset, adeoque differendus fuerit reliquorum Catechumenorum in diem posterum Baptismus. Secundū hanc animorum messē Scimabarā aliquantisper substitit, donec Ludovico Cerqueria Japoniæ Episcopo socius & adiutor datus, Vicarij Generalis munus cum laude eximie prudentiæ, & ardentissimæ in omnes charitatis sustineret. An. 1612. pulsus cum Socijs Scimabarā, ad Regna borealia se recepit; sed inde rursus post biennium revocatus Nangasachum, quamvis iussu Tyranni in exilium deportandus cum reliquis foret, ta-

men postulatu plurimorum, quos ipse sacris undis tinxerat, ibidem clam remansit. Non multò post invitatus à socijs in Chinam, ut eum agrum ad copiosam messē jam maturum operaretur, solā spe vinculorum in Japonia obtinendorum impetravit nè mitteretur: ubi eas toleravit annis deinceps plurimis ærumnas, & pericula tanta, quæ conflagrationis tormentum suā longævitate superasse videri possunt. Solos ex assiduīs periculis, quos passus est terrores, aliquatenus juvat ex ipsiusmet literis, ad nostrum aliquem datis cognoscere. *Quis tibi satis* (inquit ille) *explicare possit R. P. ea quæ in hac perturbata Babylone superioribus hisce mensibus gesta sunt? cum bi Eubnici unum id anxie agerent, ut nos caperent, eaq̃ de causa perturbarent omnia, & incredibilem cunctis metum injicerent. Quod si ex me sciscitire, cur igitur in eorum manus non venerim? non habeo quod respondeam aliud, quam id ex DEO quæri posse. Nam ex quo hac in ora versor (versor autem jam 8. ipsos annos, sic ut nusquam exceßerim) neg. proditores unquam, neg. exploratores in eas ades, ubi versabar, pedem intulerunt. Noctē, quæ Natalem Domini jam proximè elapsū antegressa est, tricenī Jude socij totam in qua debebam viciniam diligentissimè perlustrarunt, ut Patrum quempiam in latebris reperirent: omnes adire domos, præter eam unam ex omnibus, in qua ego nixus antearam genibus opperiebar, ut mibi vincula immanes illi lictores injicerent; & à me Dogicum eā causā prius ablegarā, ne in discrimen meā causā veniret. Nox eā universa in omnis ejus viciniae summa perturbatione consumpta est: conceptæ sacre imagines: jactata in Deum maledicta, miseri Christiani sexcenti appetiti injurijs, Idem*



P. Ioannes de Báeza Hísp: et P. Caspar de Castro Lusit: Soc:
IESV, gravissimis Proscriptionis ærumnis à Xoguisana Impe-
ratore confecti in Iapoma .7. Maij. A. 1626.

G. Secreta del.

Melchior Küßel f.

usu mihi venit in pervigilio Dominice Circumci-
sionis, quando paucis horis non paucas pervagari
domos coactus, cum una exturbatus, aliam non ac-
ciperet; ad extremum sub dio, Cælo sereno, sed
tempestate, frigore, ventisq; asperissimo, noctem
ita peregi, ut agere postridie Sacrum possem facere.
Veniebat in mentem ejus pacis tranquillitatisque,
cujus per sacros illos dies fructum Societas cape-
re ubique gentium solet: sed quæ benignitas Dei
est, meam ego sortem illâ feliciorē duco. Hæc
& similia totâ duodecim annorum serie tam
illi fuere crebra & vulgaria, ut ærumnarum
Fidei causâ toleratarum magnitudine tan-
dem solveretur totis artibus fluxâ paralyti,
nervis omnibus contractis; ut proinde mem-
brorum impotens, lignea conclusus in cista
domesticatim circumgestaretur, id unum

anhelans, ut suam DEO vitam daretur im-
molare per flammæ. Verum enimvero vi-
sum aliter DEO fuit, qui lento morborum
pœnarumque igne consumptum, siccâ vo-
luit morte defungi, Sacramentis ritè compa-
ratum Nangasachi, ubi diu Rector Collegij
fuerat, 7. Maij A. 1626. ætatis 68. Societatis
47. laborum in Japonia 36. Corpus vitæ fun-
cti Ethnicorum furori, solertissimè illud ad
flammas conquirentium, subduci fecit, & ad
debitos Martyri aliquando honores recondi
P. Franciscus Pacieus Provincialis & Gu-
bernator Episcopatus, esto jam tum carcere
in odium Fidei conclusus.

Patri Casparo Lusitanie urbs Brachara
Patria fuit; qui ad familiaria munia adle-
ctus in Societatem. Conimbricæ primum
vitæ

vita Religioſæ poſuit Tirocinium, tantùmque in virtutis ſtudio promovit, ut P. Sebaſtianus Morales, ex Luſitaniæ Provinciali designatus à Rege, & à Summo Pontifice confirmatus Japonenſis Eccleſiæ Epifcopus, cùm navigationem ſuam in Japoniam adornaret, unum ex omnibus viæ comitem, juxta ac ſalutis ſuæ Curatorem (nam medicinam non nihil callebat) Caſparum ſibi ſegregavit. In ea navigatione perpetuâ in valetudine conſtitatus Epifcopus, & ejus ſocius Sacerdos, copioſam charitatis Caſparo præbuere materiam; quibus tandem ante ingreſſum Goe morte ſublatis, in India antiſper Caſparus reſtitit, dum P. Petrus Martinez novus ex Europa devectus in Indiam Epifcopus, unâ ſecum acceptum transvexit Macaum. Ibi ob egregiam animi indolem literarum ſtudijs, ac morali Theologiæ admodum, Sacris initiavit Ordinibus, deduxitque A. 1596. ſecum in Japoniam, tam navem deinceps, tamque flagrantem animorum Curatorem, ut ea in Vineæ, quæ illâ tempeſtate cultores habebat ſtrenuiſſimos, primas illi paſſim deferrent. Et quoniam corporis habitudo firmitasque ſavebat, nihil non ille laborum ſuſcipere, nihil non exhaurire, nunquam ſive diu, ſive noctu vacare, neque itineribus, vigiliâ, inediâ, neque æſtuando, neque algendo fatigari. In univerſali illa Sacerdotum è Japonia proſcriptione, juſſus navim poſt 22. annorum Japoniæ culturam conſcendere, clam ipſe in navigium, quod ſtabat in anchoris ſe conjecit; unde trimeſtri toto, quoad navis illic conſtitit, in Urbem ex intervallo regreſſus, multis admodum ſaluti fuit. Quâ digrediente & ipſe migrare coactus, brevi poſt Japonicarum ærumnarum deſiderijs actus, nemine præter Navarchum in conſilij conſcientiam admiſſo, cultu habitûque variato, Nagaſachi inobſervatus excedit. Terram continuò pronus exoſculatus eſt, & ſe cum lachrymis D E O ruſſum dicavit in gentis ejus ſalutem; quam in Arimenſi primùm ditione, tum in Regno Fingenſi, per præſentiſſima capitis pericula ardentiffimè procurans, ad octona mortalium millia numerabat, quibus ſuam debebat præſtare ex officio

operam. Interea tamen neque de precandi commentandique contentione quidquam remittere, neque laxare jejunia, neque corporis cilicio & flagellis quotidie divexandi morem, nè in morbo quidem omittere. Capto inter hæc P. Francisco Pacieco Provinciali, in vicinam ſeſe Inſulam Chriſtianis habitatam recipere vitæ tuendæ cauſâ coactus eſt; ſed non longo intervallo Aryam, firmandis in atrociffima Tyrannide Chriſtianis revocatus, in larebram ſe tam arctam anguſtâmq; compegit, ut laxitatis amplius ſibi deſuncto fore, quàm eſſet viventi tunc ſpirantique diceret. Et erat anni tempeſtas hiberna, unde tanta difficultatum acceſſio facta eſt, ut gravi morbo conſcito animam vix ægrè retineret. Ecce autem necdum viribus confirmatum, ſubitò coorta perſequentium rabies Tyrannorum, inſtaurataque Chriſti Præconum investigatio, Caſparum in Nacaianam villam ſequi milliari diſtam ejecit. Sed inde quoque veſtigio temporis, deprehenſo P. Balthaſare de Torres, coactus excedere, declinandæ inquiſitorum improbiſſimæ diligentiae, ſeretro ſicut ſandapilâ in fructetum elatus eſt; ubi diem noctemque delituit, quoad ij, qui domeſticatim omnia perſcrutabantur, abſcederent. Ibi demum tot adverſis exercitus, tam aſpera ab inclementia aëris perpeſſus eſt, ut fugientem jam ultro non poſſet vitam remorari. Igitur è frondibus ramalibus tugurio ſibi malè conſerto, ventis ac reliquæ temporis inclementiæ pervio, à Patrum uno clam acceſſito ad cœleſte iter Divino Viatico corroboratus, vitam incommodis periculisque pro Chriſto aditis glorioſam, ſelici clauſulâ coronavit, die 7. Maij A. 1626. ætatis 66. Societatis 47. Japonicæ culturæ 24. Cadaver loculo impoſitum, eo in ſaltu quo latuerat, ex ejus voluntate, incredibili Neophytorum luctu & conſternatione depoſitum eſt, juſſum etiam à P. Francisco Pacieco Provinciali è custodia, honoribus futuris ſervari.





P. Franciscus Paciecus Lusit. P. Balthasar de Torres Hisp. P. Ioannes Zola Ital., cum 6. Coadiutoribus Iaponijs. Soc. IESV, lento igne vivi pro Christo exusti Nangasacki in Iaponia 20. Iunij, A. 1626. C. S. d. M. K. f.

P. FRANCISUS PACIECUS, cum 8. Socijs.

DEsavijte atrocissimè in Patres nostros, aliòsque Divinæ Legis præcones, ac eorundem receptatores, Japoniæ Monarcha, ea potissimùm de causa, ut illà tormentorum atrocitate Viros quidem Apostolicos à munere prædicandi, indigenas à Sacris veræ Fidei, Patribùsque suscipiendis deterreret; voluitque idcirco per populosissimas Urbium plateas captivos raptari, & in maxima congregati undiq; populi frequentia extremo affici supplicio. At voti sui adeò compos factus non est, ut jam ipse adverteret constantissimam Martyrum tolerantiam multò maximè & Japonios ad veram Fidem,

& Patres ad insistendum Divinæ Legis promulgationi invitare. Ergo dum P. Franciscus Paciecus totius Japoniæ Provincialis, & Episcoparùs iussu Pontificis Maximi Administrator, cum octo è Societate captivis ad locum supplicij Nangasacki duceretur, subveritus Urbis Gubernator, nè tanti viri fortitudo animos spectantium confirmaret potius, quàm labefaceret in suscepta Religione, sub gravi supplicio vetuit quemquam ad spectaculum Urbe egredi; portas etiam Urbis obserari iussit, nè quamvis vellent, possent egredi ad destinatum supplicij locum Nangasachenfes. Sed neque his artibus prohiberi potuit five Ethnicorum curiositas,

riositas, sive Christianorum pietas, quin complures utrorumque (quamvis non eà, quàm aliàs frequentia) adessent; cùm interim è finitimis undique Regionibus multò quàm aliàs copiosior afflueret spectator ad supplicium; quod ubi P. Francisci ac Sociorum egregiè gesta, atque captivitatem priùs retulero, fusiùs enarrabo.

Natus est P. Franciscus in Lusitania genere Nobili, Patre Garzià Pacieco, matre Marià Mesquità, sorore Jacobi Mesquitæ, de quo paulò antè incendio in Japonia absumpto memoravimus; fratrèsque habuit ternos, qui militiam secuti, & egregios in eadem gradus consecuti, in Indiam Franciscum præcessere; quorum ipse deinceps autoritate cùm Goe ageret, in contubernia militum, crebrò se infinuabat, ut perditos illorum mores ad leges Christianas emendaret. Nondum pueritiam excefferat, jamq; in omnem pietatem adeò erat propensus, ut cùm de veterum Martyrum gloria decennis audisset, votum tantilla in ætate conceperit se Martyrem fore. Cùmque videret Ulyssiponà (ubi humaniores discendebat disciplinas) quotannis è Societate Patres Scholasticosq; lectissimos, Divinæ gloriæ & Martyrij studio concitatos, in Indiam Japoniamque navigare, eorumdem æmulaturus gloriam, Societatem à P. Sebastiano Morales flagranter expetiit & impetravit, atque Conimbricam ad Tirocinium ablegatus est. Quantos inibi processus ad Virtutis perfectionem fecerit, uno hoc ab exemplo discere, quo multos Sanctorum si non vicit, at certè peregregiè æmulatus est. Jussus namque Tironum Societatis more experimenti causà mendicatio peregrinari, ad Pontem Limium paternum oppidum divertit. Ibi squalidus uti erat ac lacer, ad maternas aedes, atque adeò ad matrem ipsam stipem rogaturus accedit. Illa vultum mendicantis intuita, in mendicabulo quidpiam suum tacito naturæ ingenio persentiscere, commoveri, variari in vultu; denique cubiculum interius ingressa filias evocare, si fortè fratrem in peregrino agnoscerent. Quod dum mater facit, Franciscus è vestigio subducit sese, oppidòque excedit sui victor, & triumphator suorum. Philosophià Conimbricæ imbutus, exorat A. 1592. Indià, in Prætoria Francisci Melli Goam appulit, ubi post Theologiæ studium Sacris initiatus, cùm in Japonia primos adversus Ecclesiam æstus cieri accepisset, eò quàmprimùm evolare, & suum procellæ pectus objicere contendit. Ergo Macaum discedens, post-

quam annis aliquot Moderatorum jussu pro concione illic laborasset, in expetitam diu Japoniam permixtus demum est transmittere, 4. priùs solennibus DEO votis A. 1603, obligatus. Primus tum labor eum excepit in gentis idiomate per annum unum condiscendo, quo utcumque eruditus, Meacum, urbem Japoniæ principem, in duobus cum socijs est destinatus; adeò scdam expertus tempestatem, ut permultis Japonum mari haustis, anchoralibus distractis, navi convulsà, malò ità diffractò, ut ejus parte alterà P. Joannes Porticus oppressus fuerit in puppi; ipse non sinè miraculi opinione diu cum mari, ventis, ac morteluctatus, sospes evaserit. Naufragus venit Ozacam; unde aliquantò post Sacajum progressus, stabilem Societati Residentiam ibi primus instituit. Sed medio excursu Macaum imperijs Majorum revocatus est, ad ejus Collegij gubernationem sustinendam; cùm eo perfundus munere, adentiùs ad ærumnas adspiraret Japonicas, eodem illum remitti placuit; ex quo præsertim Ludovicus Cerqueria Japonienis ex Soc. Jesu Antistes, incurarum eum suarum Adjutorem, cùm Vicarij Generalis appellatione censuit adsciscendum.

Biennium in illo munere, cum ineffabili Japoniæ emolumento posuerat, cùm A. 1614. Ludovicus Episcopus, dolore magis vexatæ Ecclesiæ suæ, quàm suo, naturæ concessit; & ea mox insecuta tempestas est, quæ inexorabili Imperatoris sententià, omnes Evangelij Præcones proscriptos ejecit. Igitur etiam ipse, quem pervulgata gesti muneris dignitas, Magistratum oculos salutare non sinebat, Macaum deportatus; cùm assidua ejus animus sollicitaret Japoniæ cogitatio, anno vertente, adscito Inſtitoris habitu, cum plufculis Socijs, qui nautas vel milites cultu assimulabant, majores quàm unquam antea spiritus ad tolerandos pro Japoniæ salute labores, eodem retulit. Quantum ibi per 11. annos ærumnarum exhausserit, cultu ob pericula variato, semper alieno nomine, etiam Ignatij à Cruce assumpto, facile credet, qui cogitabit vitam illi in salubris plerumque & montibus, vel si bene secum ageretur, in squalidis luridisque muralibus traductam. Sacaj certe angustissimo in angulo, inter domorum tabulata nè proderetur, anno toto delituit, periculo tantò deinceps majore illi accrescente, quantò imposita Japoniæ Pro-Episcopi à Pontifice dignitas, unicuique Christianis omnibus per fugium illum constituebat. Quo in gradu con-

constitutus, cum in salutem commissi gregis diu nocturne curis distraheretur, nullius tamen servitium admisit unquam: & quamvis ætate jam gravis, afflictâ valetudine, oculisque ita caligantibus esset, ut ijs captus promodum videretur, nudis tamen semper pedibus incessit. Fixerat ille sedem, ut opportunè cum res posceret conveniri posset, in oppido Cocinotzu, ea potissimum de causa, quòd Matauntra Bungus oppidi Dominus, quamvis Ethnicus, ingenio tamen miti, ad Christi Sacra connivebat. Verùm is A. 1625, ad Imperatorem Jendum profectus, ubi favissimis passim edictis & supplicijs in Christianos agi vidit, ut favorem sibi Imperatoris conciliaret, jubet ipse quoque in ditione sua inquisitionem fieri. Quod dum fit, Cumata quidam nomine, à Fide Christiana apostata, Mondum Gubernatorem clam convenit, spondetque se illi P. Franciscum dum velit traditurum. Lætus hoc indicio Mondus, navigium sub vesperam cum satellitio conscendit, & duce Cumatâ, qui in Patris diversorio frequens alioqui & domesticus erat, eò rectâ contendit. Pater audito militum strepitu, facili quod re ipsâ erat suspicatus, adventantibus obviam processit. Quorum aliquis efferatior illum baculo excipiens, Mondus autem Gubernator præcipiti rabie etiam acinacem distringens, in loco necaturus erat, nisi Collegarum alter manu injectâ prohibuisset. Comprehenso sunt ibidem cum P. Francisco, Petrus Rinxei, qui Societatis impetrandæ studio totos 8. annos Provinciali in obsequijs fuit; Paulus Scinsuke, qui à puero Patribus nostris adhæsit, in custodia demum uterque Societate donatus. In vicinia verò cœpere Casparem Sandamatsu, qui cum sectas Japonum & characteres egregiè calleret, pro concione dicebat, quamvis domesticis additus esset obsequijs. Excurrebat ille in viciniam Concionis habendæ gratiâ cum famulo Joanne Kisacu, de quo dum ex Fratre Caspare quærerent liatores: *quisnam esset?* respondit: *famulum esse, liberum proinde dimittendum.* At Joannes elatâ mox voce, complures jam annos se Provinciali eâ spe famulari testatus est, ut aliquando Societatis & Martyrij confors evaderet. Vincit ergo unâ, & ad hospitium Provincialis deductus, sanctam eidem movit invidiam. Ubi enim illum cum cæteris, se uno excepto, vincum confpexit, impensè oravit milites, ut sibi etiam vincula inijcerent. Sed non impetravit: Scimabaram cum reliquis exors vinculorum adductus. Ibi modis pri-

mum iniquissimis à custodibus habiti, cum ex adverso Angelicam præ se modestiam, tranquillitatem, submissionemque ferrent, milites tantæ fulgore virtutis obstupefacti, eam sibi Legem petierunt explanari. Datus ergo ijs est Petrus institutor, jam tum à P. Provinciali cum alijs 4. unâ comprehensis in Societatem adlectus: qui paucis diebus tam egregiè, operante in illorum animis divino Spiritu, rem egit, ut uno eorum baptismum consecuto, cæteri omnes, nisi deterreret immanitas cruciatuum, initiari baptismo velent, virtutis captivorum passum cum lacrymis facti deinceps prædicatores. Eâ re, Neophytorumque ad Patrum carcerem concursibus incitatus Gubernator Mondus, hominem præficit eorû custodiæ, fastus & importunitatis ipsis militibus intolerandæ. Sed & ille sanctis captivorum exemplis, & unius hebdomadæ catechesi, prorsus à se dissimilis evasit: palamque etiam Mondo, tantum non in furorem versò, asseruit, nulla esse tormenta & supplicia, austeris spes aut Principis favores, quibus ab exposcendo baptismo posse deterri.

Versabatur hoc ipso tempore clam Scimabarâ P. Joannes Baptista Zola Brixientis Italus, qui in Societatem anno ætatis 19. adscriptus, novennio post P. Albertum Laertium secutus, cum 61. Socijs in Indiâ transmissi; indèque absolutâ Goæ Theologiâ, in concupitam jam Sacerdos trajecit Japoniam, quam etiam indefatigabili studio per annos complures excoluit. Datus Arimensi Collegio, & Socijs in ea ditione laborantibus, in locum capti P. Navarri, Rector, cum atrocissima in viros Apostolicos vigeret inquisitio, mutatis perpetuò stationibus, tandem Scimabaram delatus est. Nec ibi quieto esselicit. Capto namque Provinciali, & Scimabaram adducto, consilio rogatque Christianorum, quam vis esset Martyrij sitientissimus (quod etiam per literas à P. Carolo Spinola, & P. Navarro, quas in Breviario suo circumferebat, promissum sibi habuit) temporamen cedens, in domum Joannis Naïsen veteris & fortis Christiani, littori imminentem concessit, ut deinde mari consensu inde se subduceret, languidus adhuc ex morbo & imbecillis. Jamque ad discessum instructo, unâ prius horâ quàm conscenderet, submissi à Gubernatore accepto indicio satellites superveniunt, & horas Canonicas, epistolâsq; illas Martyrij vades fortè legentem, ex improvviso occupant. Erat cum illo Vincetius Caunus Sina, in Corea natus, quam Taisolama

erosama armis occupaverat, operâ Ducis Augustini Fingendoni Christiani. Hujus aciem in suos dispositam ordines Vincentius 13. tunc annos natus, eminus ex castris Coreanis contemplatus, exarfit desiderio ejusdem cominus spectandæ. Ergo insalutatis suis, è paternis castris (Pater enim tribus equitum millibus præfectus erat) se ad hostem proripit, & in Ducis Augustini tentorium ultro se infert puer speciosissimus. Propinquus quidam Augustini liberali pueri formâ & ingenio captus, Caunum sibi vendicat, & in Japoniam abductum, Ecclesiæ Seckienfis obsequio addicit. Hic ille salutari lavacro ablutus, linguam Japonicam brevissimè puerili facilitate condidit, magnisque in virtute factis progressibus, in præclarum adeò concionatorem evasit, ut Coreani & Japonæ quàm plurimi suam illi salutem secundùm Deum acceptam referrent. Ardentè expectabat Vincentius Societatem, quam ut impetraret, acceptâ à Patribus admissionis conditione in Sinas penetravit, insigni multorum ad Fidem accessione; donec in Japoniam rediit, Joanni Zola adhæsit, cum quo & comprehensus fuit.

Horum captivitatem cum fama longè vulgasset, Feizo apostata, qui Nangasachi pro Gonrocuo Republicam administrabat, quò suam Imperatori fidem probaret, in Christianos & ipse accuratissimè inquirebat. Latebat tum Nangasachi P. Balthasar de Torres, Vir tantus, ut si singula de illo proferenda forent, justum conficerent volumen. Grana: quæ Hispaniæ Bætiæ Urbis nobilis est, illustrissimis genere & virtute parentibus natus est 14. Decembr. A. 1563. & ubi maturuit, Oceaniam ad scholas Societatis transmissus. Cum verò complures ex illo Collegio ad infidelium salutem procurandam in Orbem novum alacres, & gaudio quodam insolito delibutos abire videret, cepit & ipse spe similis olim Missionis Societatem ardentè exposcere, quam etiam bonâ Parentum veniâ A. 1579. impetravit. Exacto Navalcarneri per omnia virtutis absolutæ documenta biennio Probationis, triennio item Philosophici studij Seguræ, cum cum magis magisque ardens juvenarum animarum zelus veluti depasceret, dimisere tandem Superiores eâ classe, quæ Japonios Oratores cum P. Mesquita Româ revexit in Patriam. Goam ut appulit, ita naviter Theologorum doctrinis se impendit, ut easdem deinde primùm Goræ, tum etiam Macai totos 8. annos eximiâ cum laude, & quantâ nullus antè satisfactio-

ne docuerit. Et tamen, quod mirere, publicè simul ad confertissimū populum pro concione dicebat, pœnitentibus ita assiduus, quasi nihil præterea muneris haberet, aures dabat, simulque calamitosos & mœstos omnibus certum erat perfugium. Ubi verò ad desideratas Japoniæ ærumnas transmittere A. 1600. Macao permixtus est, ijs incesit gaudijs, quæ parere illi poterat primum in Indias transmittendi votū tandem opere completū; hinc tanto ad eas comparare se nixus est studio, ut eo toto in cursu divinæ commentationi, quam antea per familiarem habuerat, penitus se dederet, prorsus ut jam ejus in Cælo videretur omnis esse conversatio. Appulso prima cura linguæ vernaculæ condiscendæ fuit: dein Meacum profectus, ibi atque in circumposita vicinitate Socijs prepositus, primum Divinæ fecit sationis periculum, atque Ozacæ postea & Fuscimi egregium fecit suæ operæ pretium. Secundū hæc in Borealia Regna transcurrit, Canga, Noto, Zu; & sex ipsos annos in ijs tractibus, nive & frigoribus asperimis, consumpsit, maximâ frugis ubertate, ejus colligendæ copiam Fingendoni Principis in Christianos, & in Justum Ucundonum Japonensis Ecclesiæ columnen, favor ac studium faciebat. Socijs post hæc omnibus Daifusamâ decreto Japoniâ exactis, habitu ementito in ejus Ecclesiæ subsidium relictus, dici non potest quanta tum demum malorum & difficultatum in illum incubuit moles! Cum enim ob intentissimam vestigatorum sagacitatem, nihil uspiam tutum, nullus, vel periculosus esset receptus, sæpe tertium Pater derepentè quartūque mutare cogebatur latibulum. Demum Christianis, quò sibi diutius servaretur, volentibus, in Regnum Sanuki, aliquantò ab communi insectationis molestia longinquius secedens, excitato è stramentis mapali, sex ipsos menses solitarius in silvis, in bestiarum contubernio consedit; donec remittente nonnihil inquirendi in Christianos ac sæviendi studio, repetitâ Ozacâ suis sese reddidit officijs. Ecce autem vix pedem ed retulit, cum instauratâ insectatione, repente deprehensus, ita à satellitibus velut indagine cinctus est, ut eorum oculis subdici nullâ humanâ arte posse videretur: cum novum & insolens consilium capientes Neophyti, Patrem in lectum componunt, & medicamentis undique delibutum, instar valetudinarij fascijs circumligant. Ejus consilij celeritate delusi exploratores, & prædam evasisse manibus admirati, recessere; Christiani verò

verò Patrem illico Sacajum ad securitatem transtulere.

Interim grave ortum est bellum inter Daifusamam, & Findeyorum Taicosamæ nuper Imperatoris filium, quo funditus Ozaca eversa est. Igitur nè eo discrimine ope sua civibus & militibus, qui plurimi Christiani erant, deesset, Ozacam è vestigio recurrit, retrahentibus nequidquam cum lachrymis à præsentissimo discrimine Sacaians. Cecidit eà obsidione in pugna Findeyorus, urbs capta, incensa, flammis consumpta est. P. Balthasar medijs præliorum in fluctibus animo erat adeo præsentis ac tranquillo, ut qui eum observabant, attoniti obstupeficerent, cum fugà salus quærenda esset per cadavera necatorum, pèrque ignes, qui tectis injecti latè omnia depascebantur. Hic illi socius Michaël Dogicus in oculis trucidatus; ipse ab grassantibus militib⁹ primò atrociter pulsatus, dein veste omni spoliatus, nudus in propatulo relictus est. Dum ergo nuditatis suæ verecundiâ in obviam fortè casam desertam se abdit, mortem ibi certus opperiri, Dominus illi non sinè prodigij specie amicum submittit. Joannes Sacurajus, qui Patri eo in itinere adhæsit, & vitam pro Christo postmodum in flammis Nangasachi profudit, conspiciatur obsoletæ vestis lacinias temerè abjectas, & præter eas funem, qui corpori cingendo sufficeret: quibus Patrem utcumq; obvolutum, per medium victorem exercitum, ab omni militari licentia immunem DEO servante deduxit, cum tamen nè à puerorum quidem aliqui aut sæminarum injuriâ temperarent. Consumpto eodem impetu flammis Sacajo, cum locum quò se reciperet non reperiret, gravem morbum ab incommodorum magnitudine contraxit. Simul atq; ab eo quoquo modo respiravit, Nangasachium primum, tum Cami & Sacaj vastissimas Regiones Evangelicis laboribus excoluit, ad usque A. 1621, cum adversà rursus tentatus valetudine, Nangasachium denique repetere coactus est. Sæpius ibi improbè satellitum elusà diligentia, cum è manibus propè tenentium tanquam prodigio evasisset, tandem in castes nec quæsitus incidit. Latebat ille apud Cajum Virum optimum, cum missi à Feizo satellites viciniam totam perquisitione Religiosi cujuspiam, habitu Sinico illic occultati, infestant: cujus turbationis ignarus Pater domo egreditur, ut Caj filium civium uni nuptui datam ritu Catholico desponderet. Eo in opere dum adhuc est, turba licitorum in ædes Caj tam improvisò irrupit, ut cistæ

Sacri Apparatus claudendæ, quam Pater apertam continuò rediturus reliquerat, otium non suppeteret. Igitur ex ea suppellectile comperto solitos eò divertere Sacerdotes, tum multuosè perveſtigant omnia, viciniam excutunt, tormentis proditionem Sacerdotis extorturos minantur; risu ab ambientibus talia Neophytis excepti. Audito Pater fremitu, vacuum in parietem, eos in usus comparatum, interim se recepit, diem ac noctem integram eo in antro cibi somnique prorsus experts, & ne prætereuntes eum perſentiscerent, prorsus immotus persistens. Et quia toto eo tempore duo excubitores Gubernatoris aderant, quos fallendi copia non erat, Pater inediæ & internecioni se devoverat, priùs quàm suis hospitis noxæ foret. Postridie excubiæ toto viço dispositæ, nequà Pater evaderet, conclavium januæ clavis confixæ, inque ejus unius captionem intenta omnia. Verùm Institoris Christiani è Regnis Cami charitas, omnem eorum industriam delusit. Hic morbo simulato, ut ab eo loco opinionem averteret, in alteram usque noctem pro specu decubuit: ut adeò frustra alibi vestigia Patris scrutati lictores, desperato eventu recesserint. Quare nocte concubiæ perſusso extrinsecus muro Pater ereptus, contiguas primùm in ædes, atque inde mox in alias, rursumque extra oppidum in alias, tandem Joannis cujusdam agricolæ in pagum Arimensem evasit; tantà festinatione, ut præter conspiciendum thecam, Breviarium & Rosarium, nihil omnino secum tulerit.

Jam 3^a dies ibi egerat in tuto Pater, cum Dominicâ 3. Quadragesimæ, hoc est die 15. Martij A. 1626. Sacris ibi operantem gemini exploratores, senescij obtentu egressi, ac citra suspicionem in domum admissi, deprehendunt, & magnâ dissimulatione digressi, satellitibus qui in propinquo subſtiterant, indicium faciunt. Illi celeriter irruere, domesticos atrium obsidentes ad remorandos incurſus, disſicere, foras perfringere; deniq; Patrem sacro jam se ornatu exuentem violenter corripere. Illum, & Michaëlem Tozo Sacrorum socium, patrem, matrêmque familias, & reliquos familiares vinculis injectis comprehendunt, & per celebres Urbis vicos, sicut in triumphum deducunt. Id cum pleno meridie fieret, ingens Christianorum ad spectandos venerandosq; heroës concursio fuit; advolvebantur prætergredientium genibus, & ofſu lachrymis sanctam à Patre, ducto Crucis signo benedictionem precabantur. Liberaliter ibi omnino à Feizo, cibis

sem-

semper de propria mensa transmissis, habitus est, quod speraret à Patre eà humanitate delinito, posse aliquid de ejus receptatoribus, & Religiosorum latibulis, per anfractuosas quaestionum ambages rescire. Sed inanis fuit improbi Apostatae solertia: ut adeò ipsi Ethnici mirantes probarent ejus, & vulgatam Christianorum taciturnitatem, tantà circumspèctione, quæ Socijs nocumento forent, prementium. Nangasacho Omuram devecus est, & carceri omnibus oculi injurijs undique aperto, oculos in quadrum palmos lato, cavere altitum instar è lignis compacto, inclusus est, post toleratas trium Japoniæ Imperatorum 20. annorum spatio acerbissimas persecutiones. Nihil ibi aequè animum Patris excruciat, atque Divinæ mensæ penuria, quam ità luculenter in literis ad amicum de Societate testatus est. *Ananissime Pater, nihil aquè hac arcta in custodia mihi grave est, ac SS. Missa Sacrificio carere, neque à me esse spe, ut vel in ipso mortis articulo Sacramenti Communionis tribuatur.* Unum hoc P. Joanni Baptiste Batzæ invidéo, quòd Sacramentis comparatus obierit. *Ad meam sortem quod attinet, magnas Domino gratias habeo: quod me ita maris ac terræ periculis eripuit, atq; illo imprius, quod in Civitate subijt, cum per medium hostem exercitum deduxit incolumem, quia nulla preerat humana vis sospiti mihi vitæq; compoti transitum polliceri.* Sed bonus noster JESUS, quæ ipius est infinita misericordia, hanc mihi felicissimam habebat sortem servatam, ut pro S. Evangelij sui promulgatione sanguinem profundam, & lavem stolam meam in sanguine Agni. Oret ipsum R. V. ut perficiat id, quod hoc in carcere exorsus est, neque meis peccatis, & in ejus obsequio soorditi corrumpi sinat. Incommoda & labores carceris, præter viditum, quem centurio Hieronymus Macedus abundè suppeditat, non desunt; sed exiguan ea mihi, atq; adeò nullam asserunt molestiam; simul nos inter illa solatur DEUS sempiterna quietis expectatione; & id ego quiddam duntaxat unum upperior, ut in busto propèd em Nangasachi deflagratus inteream. Atque hæc ipsa Divini Sacrificij inopia omnium molestissima incarcerationis cum P. Provinciali Scimabaræ accidebat; eà insuper curâ vehementer anxij, nè dubia P. Provinciale in valetudo, quem tremula paralysis, & dolor artuum ex arumnis ergastuli sextum jam mensum toleratis, invaserat, ante supremum in rogo certamen ipso in carcere desisteret.

Interea temporis Mondus frustra minis tentatâ Patrum defectione, statuit tormentis experiri. Vincentium ergo Caunum ex Si-

nis oriundum, tanquam ex gentis illius indole molliorem ad tormenta, aggreditur, jubetque exutum vestibus per ingentem frigoris inclementiam humi nudum distendi; submissis, qui ferreis comprehensos forcipibus, manuum pedumque articulos premenda contorquerent. Quem ubi nihil his moveri cruciatibus, sed Fidei veritatem etiam adstantibus suadere aspexit, percitus furor, suis ipse manibus illi brachia ac nares forcipe, prehendere, dirèque totis quantis valebat la certis distringere non erubuit. Verum neque his de constantia vel tantillum remittens Vincentius, ad novum atque insolens tormenti genus abripi jubetur. Tantam suspino in os vim aquæ infundunt, quantam petloris cavum admitteret; eandem mox validâ stomachi verberatione, & conculcatione violentè expellunt; crudelitate toties repetitâ, donec fractus viribus fatigatusque deficeret. At Vincentius omnem illius sævitiam perpetuâ illius Psalmistæ carminis repetitione: *in manus tuas Domine commendo spiritum meum:* ità superavit, ut quamvis ingentem copiam sanguinis in manuum brachiorumque contorsione vomisset, nihil doloris expertus præterea sit, nisi quandam manuum veluti stuporem ac debilitatem. Solitudo deinde dicere, *se probè experiri, eum qui corpus & animum DEO devovit, non suis amplius adversus tormenta viribus depugnare, sed gratiâ DEI invincibilem reddi.* Nudus ergo iterum, Cælo gelidissimo, religatus ad arborem, iterum ad defectionem sollicitatus; ille pari firmitate iterum de Tyranno triumphavit. Ergo solitarium, cumque per angulum in carcerem detrusus, manibus artissimè semper, nisi dum cibum caperet victis, die noctique per duas hebdomadas sic habitus est, inedia, alioris (nam undique auræ pervius patebat) angustiarum, omnis denique indignitatis expertus. Accitus post hæc ad Judicem unâ cum Socijs Paulo & Joanne, quò sua quisque nomina referret manibus in tabulas, quæ de captivis mittebantur in Regiam; cum calamum Vincentius algente manu continere nequivisset, Judex aliquo commiserationis sensu permotus, vestes illi primum suas restituit, tum etiam igni tantisper admovit, dum stylum posset discusso digitis rigore completi.

Interea temporis novas Gubernator Midzunus Cavaccius ab Jendo Nangasachum appulit A. 1626. 12. Junij, habitaque cum Apostata Feizo deliberatione, Scimabarano, Omuranôq; Gubernatoribus mandat, ut 20.

Junij quos habebant vinctos ob Christi Fidem, Nangasachum mittant. Igitur die 18. Junij summo silentio per tenebras noctis Scimabarâ P. Franciscum Paciecum Provincialem, P. Joannem Baptistam Zolam, Gasparem Sandamatſu, Petrum Rinkei, Joannem Kifaku, Paulum Scinsuke, Vincentium Caunum simul educi, ad evitandum Christianorum concursum visum est: qui tamen minimè delusi, ingenti frequentia accurrere, suos à se Magistros tolli acerbissimè desistentes, & supremum sibi bene precari multis utrimque lachrymis exorantes. Sacerdotes gestatoris sellis inclusi, reliqui jumentis impositi, Nangasachum versus deportari cæperunt: jussi in via Phimi subsistere, dum alij Socij ab Omurano carcere adducerentur. Jamque illo extracti P. Balthasar de Torres & Michael Tozo, die 19. Junij Nisium Uracami vicum pervenerant, apud tenuem, sed Christianum agricolam noctem illam ducere jussi; ubi ad Patrem domus hospes nocte mediâ clam excubitoribus adrepens, ad ejus pedes se provolvit, eo gestu & corporis inclinatione (quia verbis, nè sono proderetur, non poterat) supremum ab illo expiari deposcens: cui in digressu Pater monumentum amoris supremum dedit, Breviarium & conspicienda, solo sibi Rosario relicto, quo in cæramine uteretur pro telo. Habuit ea pignora hospes, itémque iij ad quos eorum pars aliqua delata est, velut S. Martyris, in existimatione & honore præcipuo. Ubi dies Junij 20. illuxit, ab utrisque Nangasachum versùs lentè processum est; ubi cum jam propè unius anni intercapedine nemo fuisset in monte Sancto supplicio enectus, pèrque eam omissionem instrumenta pœnarum dimota, septa convulsa, jussi continuò desigi pali, via, quâ eundum erat, expediri, omnia instaurari. Quæ ut lustraret, missus à Feizo Nagascendayus cum Sanctio, à Fide transfugæ, ubi longè pyras à stipitibus disjunctas conspexit, inhumanum id ratus in ejusmodi homines, & in scelerosos dumtaxat usurpandum, ad moveri propiùs materiam, densiusq; stipari jussit, approbante factum Governatore. Simul parata fuere ad supplicium omnia, & inclinata in vespèrum dies æstus remisit, simul Socij omnes ad supplicij locum per frequentiores urbis vias traduci cæperunt, tanto Christianorum motu, preces & benedictionem, afflictæque præsidium Ecclesiæ flagitantium, ut coerceri à licitoribus nè sustibus quidem possent: & unus aliquis ibi præfens è Societate, observatâ ex occulto Cœlesti quâdam in vultu P. Provincialis maliciâ, itâ commoveri se sen-

sit, ut nè profiliaret in medium, seque jungeret morituris, vim sibi inferre necesse habuerit. Ubi præter eum veñti sunt locum, quo nostrum nuper Tyrocinium, Adèsque Sacra steterant, P. Provincialis sibi Sociisq; poposcit aquæ pauxillû: quâ confestim à Christianis cum nonnullis fructibus allatâ refrigerati, & valètiore ad orandû redditi, ultrâ perrexere.

P. Balthasar de Torres, qui cum Michael brevi intervallo præcesserat, ubi P. Provinciale cum suis adventare conspexit, è vestigio lecticulâ profiliens, capite nudato suo Moderatori adversum ire, consalutare, complecti; & attonitis eâ utriusque hilaritate, ut si ad epulas non ad rogam irent, Ethnicis, pèr festivos inter se miscere sermones. Ingens multitudo è vicinitate finitima spectandi avida accurrerat, urbana parciùs, ob proposita Gubernatoris edicto supplicia exiturâ, & clausas eas Urbis portas, quæ ad incendi locum ferebant. Advenere etiam multo militate comitati Feizo, & Gubernator Midzum Cavaccius, quem P. Balthasar detractò sibi pileo veneratus est, indignum Feizonem à postatam eo honore præteriens: cui vicissim ille capitis inclinatione respondit. Sæptum jam ingressuris, P. Balthasar, qui abente ab aditu proximus, reverentiæ studio pedem retulit, & P. Franciscus Pacieco Provinciali suo primas ingrediendi, modico de via decessu, dedit. Mox cuncti proni procubuerunt in terram, & illam sempiternæ suæ beatitudinis matrem, tot ante se inclytorum heroum sanguine sacratam suaviati, DEO elatâ voce istud in se singulare beneficiû gratulati sunt. Tum hilari vultu, & excelſis animis, universi ad suam quiq; columnam accedere, venerari, complexu stringere, donec ijs, nè commovere se possent, arcto nexu devincti, lignis undique densatis obsepirentur. Simul igitur omni ex parte sarmientis injectus est, simul insonuit una omnium vox modulantium. Psalmos, & SS. Nomina JESU & MARIE invocantium. Involvit illos principidâ atrâ fumi nubes, & eripuit oculis adstantium; sed eâ subito flammæ fulgore dissipatâ, conspecti sunt tam immoti, tam constantes, quàm si eos nullus ignis violâſſet; JESUM ac MARIAM dumtaxat identidem ingeminare auditi, modico vix semihoræ spatio de flagranti depugnârunt, triumphaturi sempiternum in Cœlis. Cineres exustorum corporum in sæccos operosè collecti, in alto disperſi sunt, nè quid reliqui Christianis ad eorum monumentum & venerationem existeret: Imperante in Japonia Xicogano, die 20. Junij A. 1626.

P. THO.



P. Thomas Tzugi Iapon Soc: IESV. pro fide Christifidus lento incendio consumtus Nangasachi in Iaponia. 6. Sept. A. 1685.

C. Scrota d.

M. J. J. J. J.

P. THOMAS TZUGI.



Mura, fertilis ille Martyrum & adeo ferax ager, ut quicumque ex Religiosis cupiditate Martyrij arderet, Omurensis ditionem concionabundus circumiret, Mar-

tyrium (ut communi inter se phrasi aiebant) quæsiturus, P. Thomam Tzugi in lucem protulit, producendum subinde à tenebroso Omurensi carcere etiam ad lucem, & ignem Nangasachensem. Erat ille mirè à natura comparatus ad eloquentiam, eaque prorsus incredibili in dicendo præstabat majestate, ut & gentiles ad fidem, & peccatores ad pœnitentiam velut pro potestate induceret. Omnem illam indolem ad suorum popula-

rium salutem summâ contentione & ardentissimo zelo conferebat; donec in turbida illa Daifusamæ dominatione, in exilium cum cæteris expulsus esset. Sed paulò post animarum stimulatus zelo, remensus Oceanum, in Insulam revertit, & orationis efficaciam populares suos in Fide confirmabat, animabat ad Martyria, quæ plurima indigenis Christianis tum irrofabantur, externi verò Sacerdotes solo mulcabantur exilio. Donec Omurensis Dynasta, Imperatoris jussu, primus in externos sævire cepit, & è singulis Religiosorum Familijs (quarum quatuor eà tempestate numerabat Japonia) singulos ad gladium damnavit, Primo tum è Societate,

ut diximus, eruenta mors in Japonia obtigit P. Joanni Baptistæ Macciado, ad cujus tumulum (in quo die uno, antequam mari mergeretur, sacrum cadaver depositum est) quemadmodum in primitiva Ecclesia, gregatim accurrebant venerationis causâ Neophyti, atque inter illos Marina Dynastæ Omurenfis Amita, neglectis hominum de se sermonibus, qui hâc excursione dicebant violari superstitionem illam apud Japonens nobilium feminarum solitudinem. Præter alios id graviter sensit Nepos Dynastæ, neq; se continuit, quin missô internuntio indignabundi animi sui sensum Amitæ explicaret. Verum illa nepoti suo responderi jussit: *Si alios in posterum Sacerdotes, maxime Societatis JESU, quos Magistros semper habuerat, comprehenderet, martiretque, se unâ cum ijs ad mortem & Martyrium proditurum.* Adeo imitari non pigeat, quos celebrare delectabat Martyres. Fuere etiam ex Neophytis, qui velut dubium proditæ Fidei argumentum putarent, si de ijs spargere-tur, quod ad Martyrum tumulum nondum excurrissent. Imò cum Senatores Nangasacki Catholici concursum ad tumulum veta-rent, nè ex ea actione, quæ salvâ Religione omitti poterat, Dynastæ magis iram prorita-rent, fiebant Neophytis velut de heresi suspec-ti. Tantus erat Religionis ardor, quem elo-quentiâ suâ, totâ illâ viciniâ P. Thomas iden-tidem sufflaminabat. Nangasackium sub-inde transgressus, dum & illum a zrum uber-rimo proventu excolere studet, repente Gu-bernatori proditus, mox à Sacrificio Missæ peracto comprehenditur, & in Omurensem deducitur custodiam; ubi ingens à suis propinquis & necessarijs, pœnarum metu turpi-torâ Fide prolapsis, sustinuit hortationum,

pollicitationum, demum & minarum cer-tamen, quò illum suo exemplo ad ejurandum Christi Fidem perducerent. Sed eos ipse, quâ erat dicendi facultate, primum expro-bratâ perfidiâ castigatos, dein ad reditum & constantiam invictatos, tandem etiam, ut fru-strâ se in illis permovendis eniti vidit, ab se repulso descepit, & sibi certum esse per en-ses vel flammâs, aliâque mille pœnarum ge-nera, ad gloriam sempiternam, cujus sola Christiana Fides semen sit, evadere, fortiter juxta ac liberè est contestatus. Constantissi-mus igitur Christi Confessor, & minimè in-credulus Thomas, ex carcere Omurenii ad supplicium ignis Nangasackium eductus est, simul cum duobus hospitibus suis Ludovico Maki, & Joanne ejus filio. Ubi ad palum al-ligatus, glorioso incendio deflagravit die 6. Septembr. A. 1627. ætatis 56. initæ Societa-tis 38. Enituit ejus egregia fortitudo, cum inter flammâs & glomerata incendia de Chri-sti Salvatoris cruciatibus, de sincero veri Dei cultu, ac Christiana Lege, ad circumstantes confusâ dicendi majestate, & incredibili ar-dore verba faceret, attonitis rei spectaculo universis. Postremò Psalmum: *Laudate Do-minum omnes gentes*, occinens, ei modulationi immortalus est. Honoravit famulum suum, & ferventem Præconem DEUS osten-to mirabili; statim enim à morte pectus illi ultro diffractum dissiliit, & à pectore sic hian-te, stupentibus Lusitanis & Japonibus uni-versis, rubens flamma promicuit: ut scilicet viderent omnes, quali Pater, dum viveret, flagrarit incendio, quod etiam ardentissi-mis dictionibus in alios eru-abat.

P. MATTHÆUS FERNANDEZ, & P. BERNARDINUS PECCIUS.

Ocinum, opulenta Indiæ Ori-entalis Civitas, P. Matthæum, in-signem illis Regionibus opera-rium tulit, Lusitanis satum Pa-rentibus, literis, ubi ijs condi-scendis maturuit, mediocriter imbutum, sed prudentiâ & bonis artibus instructissimum. Societati in India adscriptus, Oram Pesca-riam multis annis fructu uberissimo excoluit; unde jam sexagenarius in Regnum Jafana-pataniæ evocatus, quinquenni spatio eosere-vore in DEI cultum promovendum sese ex-

pendit, ut supra quinque millia, in illa este-ratorum hominum barbarie, sacris undi asperferit, eversis Idolorum fanis tria templa Christo excitârit, in quibus summâ pietate & fervore Divinum cultum promovit, quo apud omnes Apostolica virtutis nomen obtinuit. Socius Apostolicorum laborum in ea cultura ipsi fuit P. Bernardinus Peccius, Senis in Italia nobilibus & opulentis parentibus natus, in Indiam A. 1602, unâ cum P. Laërtio, qui Indiarum nomine Procurator Romam venerat, & permultos gloriosâ pro Christo



P. Matthæus Fernandez Indus Corinensis. P. Bernardinus Peccius Italus Societatis
I.F.SV. cum ab Idololatris in Regno Iafana patariæ 18 Septemb. A 1628

CS 4

M. K. f.

Christo morte postea defunctos secum de-
xerat, unus eorum & ipse futurus, transmi-
sit 23. annos natus, quarto ab ingressu in So-
cietatem anno. Postquam ingenti plurium
annorum labore earum Nationum linguas
complures (ad quas genio suo videbatur in-
eptior) condidit, maximos fructus in ani-
marum quæstu, Deo conatus ejus pensante,
reportavit. E quorum medio repente à Mo-
deratoribus, postquam frustra toto semestri
periculosam eam ad Jafanapataniis missio-
nem exorasset, evocatus, & in ipsis tumultu-
um in Christianos à Gentilibus ibi exci-
tatorum primordiis Jafanapataniam contem-
dere iussus, singulari præpotentis Dei manu
ad eam gloriosæ mortis lauream duci vide-
batur. Discedentem persecutus Christopho-

rus Coëllius de Lourciro ultimùm valedice-
bat, & experieulorum magnitudine Marty-
rium augurans, mortem illam ipsi gratula-
batur. Cui ille, *hoc ipsum*, inquit, *Louveire il-
lud est, quod tot jam annos tantopere persequor.*
Est autem Jafanapatania Regnum in Ceila-
no Insula, primò omnium à S. Xaverio ex-
cultâ, præpollens, cujus prima in Christiana
Religione institutio, S. Francisci Seraphici
Familiæ debetur. Sed cum tantæ Regioni
percolendæ operarum paucitate non suffi-
cerent, Societas in partem laborum A. 1622.
vocata, operam ibi ita strenuam exercuit, ut
sexennio supra 50000. indigenarum tinxe-
rit sacro Baptismo. Inter quos PP. Matthæus,
& Bernardinus, dum maximis sudoribus in
laboriosam culturam impenduntur, felicibus

Vu 3

eorum

eorum progressibus irritatus Dæmon , ne tot sæculis possessio Regno pelleretur, felices successus non tantum sistere, sed & convellere adnatus est. Moliebatur per id tempus Ceilani pro Lusitano Rege Præfectus, ad Christianorum tutelam, arcem præmunitam, indito ei Deiparæ à Rupe Francica nomine , ad quam securam Neophytis, à frequentibus idololatrarum incurfibus pateret refugium. Cujus structuræ molitionem ut impediret infensissimus illà Insulâ Christiano nomini Rex Candia, repentino exercitu se in Jafanapataniam infudit. Lanzarotus de Seixas Lusitanæ Arcis in eo Regno Præfectus improvisè obrutus, cum videret se aperto Marte hosti resistere non posse , ne conternatos hostili impetu popularium animos ad defectionem inclinari contingeret, deditâ operâ spargi in vulgus jubet, colloatas jam à se, quâ possent hostes ingruere, opportunas excubias, nihil proinde turbarentur, tempestivè à se, si periculum ingruat, admonendi. Eo rumore Patres, qui refugium in arce quærere alioqui statuerant, confirmati, ad Ecclesias suas securi revolant. Et P. quidem Bernar-

dinus, qui tribus jam noctibus in agro latuerat, veluti defunctus periculo, ad suam sedem cum P. Hieronymo Frois se retulit; cum inopinatè hostis magno impetu in ædes invadit, direptâ sacrâ suppellectile cetera inflammat. Hieronymus ad primos impulsus, ut erat ætate firmus ac robore, saltu trans horti sepes evadens, per noctis illius varios errores in Arcem pervenit. Bernardinus ab hostibus occupatus, atque in vestigio obruncatus est, Cujus sanguine jam efferatioris facti, continuo impetu in vicum etiam P. Matthæi, leucâ difficium, rapiuntur, eadèmq; favitiâ deprehensum, lanceis confixû capite plectunt, die 15. Sept. A. 1628. ætatis 64. gloriati postmodum, se non alijs quàm Patribus, Templis, ac rei Sacræ bellum ac perniciem inferre, cum neque in aliud præterea quidquam ferro flammæve in toto Regno grassati sint. Hoste post dies aliquot ex voto regressû digressû, cum cæsorû Patrum collecta corpora Templo nostro inferrentur, animadvertum est P. Bernardini ossa insuetum quandam, planèque Cælestem odorem spirare.

MICHAEL NACASCIMA.



On minima Michaëlis nostri gloria, tali genitum Matre, tali-que congenitum esse Fratri, quorum uterque Martyrii gloriam indepti sunt. Fingus Japoniæ Regnum illis & Michaëli nostro Patria fuit, ubi jam olim Sacrificuli inter se dissentientes, in Christianam Fidem propè universos inclinârunt. Imò & illi, quos Iconu vocant, quique putant animam Amidæ in Sacrificuli Ozacensis corpus, & in omnes deinde ejus stirpis primogenitos demigrâsse, quos ideo non secus ac Amidam vivum venerantur, cum viderent quam Legis nostræ Decalogus passim probaretur, illum ad verbum descriptum, in Amidæ libros inferebant, sui-que sequacibus observandum proponebant. Ut jam non esset difficile ad Baptismum eos perducere, qui difficultatem præceptorum, quæ ferè à Baptismo deterrire poterant, vel Sacrificulis autoribus superâssent. Tenuit igitur prosperum cursum conversio in Fingensi Regno, usque ad persecutionis tempora; quibus usus Canzive Regni Dynasta, odium suum in Christianum nomen egregiè exercuit, plurimòsque ad superstitionem Idolorum metu pœnarum retraxit. Qui tamen plerique

dum alios generosam pro Fide mortem intrapidè, imò cum gaudio subire vident, apostasiæ pœnitundine affecti, palam rursus Christianos se vivere & mori velle dictabant. Neque tamen continuè ad atrocissimam suppliciorum generâ, quibus Michaël postea sublatu est, descensum, levioribus primum in constantiam Christianorum, certatum. Eminebat inter Fingenses Paulus Jafudax, quem dum 4. Regni moderatores quâ promissis, quâ minis, multum ad defectionem sollicitarent, mortem demum, nî iussu faceret, denuntiarunt. Paulus hoc nuntiolatus, *presto sum, inquit, hoc unum peto, nè ultra mecum tempus teratis; nihil enim est in hac vita mortali, quod me possit à proposito Fidei deterere.* Cumque è moderatoribus quidam subjungeret: *at nisi acquieveris, tormenta tenent, quibus atrociora nemo vidit in tota Japonia.* Respondit Paulus animo jam effervescente; *videbitis etiam ea tormenta ferentem eo animo, qualem nunquam vidit Japonia universa.* Nec mora; à ministris injecto in collum fune, raptatur in carcerem hilaris, quamvis nonnihil gaudium fortissimi Athletæ attemperârit privigni, qui simul vincendus erat, turpis defecto. Qui ad doloris Paulo increment-



Michaël Nacascima Iapon Soc: IESV. ferventibus aquis montis
Vngen, ad mortem usq; per multos dies pro fide Christi excruciat
us in Iaponia 25. Dec: A. 1628.

C. S. d.

M. K. J.

mentum, visus est cum ejusdem Affine, alter pedes, brachia alter Pauli continere, dum medius à carnifice ferro diffunderetur: cujus tamen ità dissecti caput, ter JESum ac Mariam distinctè invocavit.

Nil mitius actum est cum Maria Matre, & Jacobo Fratre Michaëlis nostri; dum ad Michaëlem demum nostrum, adultà jam persecutionis sub Sciogunsama Imperatore sævitie, ventum est, quem majore virtutis & fortitudinis robore duratum in Societate graviora, longèque atrociora excepere tormenta. Comprehenfus ille. Nangafachi quòd Christianos erudiret adjuvarètque, & in vincula deductus est Scimabaram: ubi exquisitis tormentorum generibus ipfius est tentata constantia. Fustibus oëties tam crudeliter

vapulavit, ut confracta in corpore ossa omnia, & ipsam adeò excussam corpore animam crederent adstantes. Post hac machinæ cujusdam artificio in sublime elatus, in subjectus aquas magno impetu præcipitabatur. Tum resupino corpore humi strato, magnam aquæ copiam periciatu, viscerumque convulsione. Mox ardentissimo soli torrendus expositus, inter omnes hos cruciatus, animo semper in DEUM intentus, meruit à DEO in æstu omnia circum torrente, umbraculum, prodigio (quod olim columna nubis & ignis, Israëlitis propitia, infesta Ægyptijs,

ptijs, patrauerat) repetito: obducta enim repente nubecula illum à sole defendit; & cum alij æstuant, ipsum solum lenis auræ afflatus recreabat. Ergo cum nihil proficere se advertit Satanae ministri, ad nova confugiunt tormenta. Ungen editissimus in altitudinem mons est, altera ab Nangasacho leuca: is cæcisignibus, quibus intus flagrat, aquas diversè per latera exudat, quæ in lacus & stagna collectæ adeo fervent, ut quâ fortè corpus humanum contigerint, fœda illi ulcera, dolorisque acerbissimos efficiant; sæpius autem superfusæ, pellem & carnes ad ossa usque depascantur. Adhæc adeo pestilentem in aliquibus balneis (nam plura ex ijs medica sunt, omnibus pellendis morborum generibus saluberrima) aspirant halitum, ut eum neque animantia impune excipiant, neque alites ipsæ citra noxam, quamvis altè perniciterque supervolent. Eò demum Michaël latus sæpenumero pluribus diebus interpolatim, ne brevior cruciatus exanimaretur, ferventibus aquis perfusus, aliàs per bullientia stagna traductus, immanissimè toto corpore, atque omnibus artubus dissecratus, incredibili firmitate animi atque constantiâ, Christianam Fidem, usque ad efflandam in cruciatibus animam, confessus est. Quam ipsi tormentis his extorsere tandem satellites Gubernatoris Nangasachienfis, die 25. Decemb. A. 1628. Corpus in stagnum, ejus æstu confectus fuerat, ab lictoribus projectum est.

Verſi deinde A. 1629. & 30. in Neophytos varijs modis exercuandos, per omnes ferè Japoniæ Provincias Præfecti; cum citati Cavachinouram primarij ejus municipij, fidè deferere nollent, statuit Daiquan Gubernatoris Amacufani ingeniosam, quam prior

iste adhibuerat, imitari sævitiam. Captos igitur omnium, qui accessit fuerant, adolescentescens liberos, in carcere arundinea sepe vallatum, testoque carentem inclusit, solis ardori atque imbribus expositos, addit custodiâ, quæ non sineret nisi semel quotidie lancem plenam farinæ, quam ipsimet afferre jubebantur parentes, in cibum accipere, & aquæ tantillum, quantum medio hauſtu posset epotari, cum interea ferveret Augustus. Cum filios hunc in modum excruciarî jam 12. dies vidiſſent honeſtiſſimi parentes, Fidem tandem ejurârunt: sed invicti conſtitere pueri, recuſato etiam, qui ſubinde à custodibus eos miſeratis offerebatur cibo, cum reſponſo: *cum Daiquan ita jubeat, ſas eſt obtemperare, & tantillum pro Chriſti amore perpeti.* Quæ res tam gentilibus, quàm Chriſtianiſ admirationi fuit, cum præterea duo prodigij ſimilia, quæ ijs diebus evenerant, ſeriò expenderent. Nam cum eſſet aër culicibus moleſtiſſimis confertus, vel in carcerem non irruerunt, vel ſi qui erant illapſi, naturæ ſuæ obliiti, innocentî illi turbæ non incommodârunt. Deinde cum imber maximus deciſiſſet, ut exiſtimarent omnes carcerem omnino inundatum, præſenti captivorum diſcrimine, nè una quidem aquæ gutta in eum delapſa eſt, ut continuè poſt accurrentes omnes animadvertère, ipſique pueri deinde Patri Antonio Giannonio retulère. Videns ergo Daiquan ſe nihil cum pueris efficere poſſe, ſtatim habuit (quod primariò intendebat) Parentes eorum, aut ſaltem è quavis Familia unum aliquem, ad ſua placita inclinâſſe: qui tamen ipſi paulò poſt pœnitudine ducti, ad Chriſti Sacra plerique redierunt.

P. JULIUS CÆSAR MARGICUS.

Nobilis Margicorum Familia, per utramque Parentis lineam Aquilæ in Veſtinis propagata, nobile nomen huic Servo DEI indidit, cujus appellatione, ad majorem Julio Cæſare magnanimitatem, provocaretur, quâ fortior eſt qui ſe, quàm qui fortiffima vinct mania. Editus in hanc lucem veluti certaminum arenam A. 1585. ætatem illam primam aduſque Societatis ingreſſum ita integer decurrit, ut nihil unquam reprehentione etiam perlevi dignum in eo notâſſe teſtarentur domeſti & æquales; ſed ex adver-

ſo in omnem pietatem, & ſui vincendi ſtudium ab eo verbis & exemplis induci experirentur. Habebat enim jam tum familiarem ciliçij, flagellorum, & jejuniuſum, cujus guſtum ſuavem ei faciebat quotidiana Paſſionis Dominicæ commentatio, cujus etiam ſpeciali quopiam cultu proſequentæ morem nullo die intermittebat. Ubi autem duodevigefimum ætatis annum, deducit ad finem, & cum plauſu propugnata Philoſophiâ, attingit, ut ſuum Martyrij. & Indicos labores obtinendi deſiderium proſequeretur, Societatem unicè exambevît, donec ſuperato mul-

tiplici



P. Julius Margicus. nobili loco in Italia Natus. Soc. IESV. ueneno sublatuſ ab Idololatriſ in fructibus porrecto, Siami in India. A. 1630.

C. Sereta. del.

M. Kiesel. f.

tiplici Parentum & Amicorum obſtaculo potiretur A. 1606. In hac edomandi hoſtis, domeſtici palæſtra, omnes rebellium affectuum motus comprimere ſtudebat, eò ſemper directâ animi intentione, ut ne, dum conſigendum eſſet cum Tyrannis & hoſtibus externis, haberet in ſinu domeſticos, à quibus proditoriè infeſtaretur. Obtentâ multis precibus optatiſſimâ, quia id temporis ærumnoſiſſimâ, miſſione Japonienſi, illuc enavigavit A. 1615. quam tamen non diuturnis laboribus excolere potuit, ejeſtus cum alijs: in eo tamen feliciffimus, quòd beatam illam moriendi pro Chriſto fortem, quam in Japonè obtenturum tantum ſperavit, in Siami Regno re ipſâ conſecutus eſt. Habebat in vinculis Rex Siami Hiſpanos aliquot, quos ut eximeret

Philippinarum Prætor; Socios tres impetravit à Superioribus Macao, quib⁹ internuntijs & pacificatoribus, illi in libertatem aſſerentur. Et verò propitio uſi Numine, non tantum Hiſpanos vinculis abſolutos Manilam remiſerunt, verum etiam proniſſimo Regis favore ibidem remanere permiſſi, totos ſe in condiſcendum gentis idioma impenderunt, quò majore facultate convertendis ad Chriſtum indigenis pollerent. Philippinarum Pro-Rex ut grâti animi vicem referret; P. Julium Margicum cum literis officiôſiſſimis, & liberali referendæ gratiæ viciffitudine, ſtabiliendæque amicitiae voluntate conſertis, ad Regem Siami transmittit, futurum Socijs in animarum captura adjutorem. Græves ibi omnino ærumnas & vitæ discrimina

X x

non

non semel à barbaris incurrere, cum modò ad incendia & rogos conquirentur, modò gravissimorum apud Regem scelerum infimulati, ad necem postularentur. Verùm innocentiae Patrum Rex conficius, suo eos præsidio quoad vixit tutatus est: quo demum A. 1629. è vivis sublato, omnia in perniciem Sociorum inclinari cœperunt. P. Franciscus Gardinus Missionis ejus Superior, imprimis Regno dimissus est; ut jam adeò totius ejus gentis pondus & spes ad Christum convertendæ, in solum P. Julium incumberet, socio altero Romano Nisci in suorum Japonum salute procuranda, qui ob persecutionis acerbissimam Patriam profugi, Fidem ibi in exilio tuebantur, unicè occupato. Igitur P. Julius nondum perfecte linguæ gnarus, interpretem adsciscit quendam nuper Christianum factum: qui ut erat perfido ac mobili ingenio, desertam non multò post Fide, Patris etiã vitæ parabat insidias. Literas primùm quasi

à Patre conscriptas, quibus Regnum Lusitanis prodebat, confingit, easque Judicibus deferens, infcio Patri vineula & carceres procurat. Et quia nihilominus verèbatur, nè fraude detecta innocens Pater, ut alias contigit, deprehensus, vivus dimitteretur, diffimulato dolo, verbis compositis, Patrem obtentu commiserationis solatur, & reficiendis nonnihil viribus fructus patrios, sed veneno illitos muneri desert. Pater fraudis atque perfidiæ incogitans, ut erat ingenio minimè suspicioso, simul cum cibo virus mortemque sumpsit: quo brevi spatio inter acerbissimas præcordiorum convulsiones confectus, felicem animam Cælo transiit A. 1630. ætatis 44. initæ Societatis 22. Corpus defuncti cum ad sepulturam in cymba exportaretur, juvenes ignoti vultu Angelico spectabiles comparuerunt, illudque circumstantes, Christianas Viro DEI exequias facere visi sunt.

P. ANTONIUS ISCIDA.

Mirabile consecutus est iter, serviens præceptis DEI P. Antonius, ut inveniretur illesus in aquis validis. Ferventissimis enim montis Ungeni per 30. dierum intervalla peresus aquis, cum alijs Martyrij socijs inde caro ad usque ossa deflueret, ipse præter infatigabiles cruciatus, ceteroqui membris semper integer remanens, lento demum igne consumptus est: ut jure merito gloriari possit, se transivisse per ignem & aquam. Natus Scimabaræ in Japonia, atque à prima ætate in Seminario PP. Societatis JESU educatus, nomen eidem dedit A. 1589. undevicesimo suo. In qua Philosophiæ & morali Theologiæ scientijs instructus, quia gentilium suorum sceleratæ percelluit, validè eas concionando, singulari innatæ sibi eloquentiæ vi confutabat. Peragravit ultro citròque, inter gravissimas persecutionis ærumnas, plerasque ejus Imperij provincias, traductis ab Ethnica superstitione innumeris ad Christi Fidem; donec Novemb. mense A. 1629. Nangasachi comprehensus est, proditione vicini cujusdam famuli, qui haud ita multò post miseram animam, manifestâ perfidiæ pœnâ, lamentabili exitu edidit. Occasionem, quâ in hostium manus devenit, ipse Pater ita in suis literis descripsit. Vix Omuram veneram, ut P. Joannem Costam, quem annis compluribus non videram, convenirem; cum literæ mihi redduntur à

P. Provinciali, quibus Nangasachum ire confestim me jubet, ad excipiendam infirmi cujusdam confessionem. Patri Benedicto Fernandez videbatur oppido intempestiva hæc itio mea; verum me eo ipso periculo solabar, quod pro animarum obsequio subibim. Sed enim præcepit ille mihi, ut eâ confessione audita reverterer illico, quia Omura tutior à vestigatorum libidine, quam alibi forem. Deliberatâ celeri reversione, in Urbem profectus sum. Verum cum ibi opinionum plures essent, coactus sum 6. ipsos dies ibi resistere. Cum jam in procinctu ad reditum starem, admoneror multos è Gubernatoris stipendioribus dictum locum petisse, quod Religiosos ibi commorari audierint. Hoc admonitu substiti paulisper, & interea P. Bartholomæus Gutierrez ex Ordine S. Augustini comprehensus est, eoque me urgere cepit hospes meus ut emigrarem. Nocte sequenti recepi me ad Jacobum quandam Cusiove, qui cum me ab hospite dono ejectum acceperisset, in suam me invitavit: cui nè gravior essem, Dogicum meum postridie dimisi aliam in domum; & quarto die inter litandum magno animi sensu vitam meam Divina Majestati devovi. Eâ ipsâ die secundum prandium nescio quid inaudio strepitus, & subito ante me conspicio Gubernatoris Vnemij apparitorem, gemino præcinctum acinace, qui ex me, ecquis sim? sciscitatur. Subsensi quid rei quæreret illico; atque adeò Sacerdotem me & Religiosum respondi. At ego, inquit ille, veni ut comprehendam te; idque ut dixit, ecce irrumpit licior: quibus



P. Antonius Iscida Iapon Soc: IESV, post toleratas 30. diebus ar-
dentes montis Vngen aquas, et egvulei formenta, vivus lento igne
pro Christo exustus Nangasacki in Iaponia 3. Sept. 1632.

C. S. d.

M. K. f.

quibus ego protendens manus, ut me vincirent
oravi arbitrio suo. Unus è sinu suò promptus, quo
quanquam ligârunt me, caterum omni me hono-
re persecuti sunt. Sic vincitum duxit una cum
Jacobo ad domum Gubernatoris, ubi me Tonus
Goroyemonus Catafuma, certâ spe vita ostentatâ,
hortari cepit, ut Religioni Christiana renuncia-
rem. Cui cum ego nil pensi me vitam, neque hu-
mana ulla ducere dixissem, abduci me in custo-
diam jubet, ubi grandibus compeditos catenis re-
peri P. Bartholomæum Gutierrez, cum suo Dogico
Joanne, & Michaële famulo; qualibus me quog,
cinxerunt, & ferrea præterea collo collaria indi-
dere. Illuc è Proceribus plusculi me invisum ve-
nire; int'rog, alia insinulabant, haud simplicis
fuisse hominis & ingenui, sed fallaci & malitiosi,
cultu sefellisse Gubernatorem; sed parem mereri

laudem, quod percontantibus ejus ministris, can-
didè responderim esse me Religiosum. Secundum
hac me Tonus Goroyemonus accersivit ad se; cui
ego ex occasione veritatem S. Legis nostræ pradi-
cavi. Vnemiis etiam me vocavit ad se, & co-
piosum varij generis apparatus Sacerdotalem,
quem Evangelij Ministris in eainspectione eri-
puerat, monstravit. Tum sola & super-
pellicij equis sit usus? quasvit; cûmq, dixissem
Concionibus, & Divinis habendis officiis adliberi:
rogavit, aliquod sibi ut rei specimen exhiberem.
Leitur amiculum mihi & stolam injeci. Placuit
autem homini ea species, & suorum ornatu Bon-
ziorum dixit prestare; cûmq, ea rursus para-
rem deponere, vetuit, & in capite Aula considere
jussit. Consedi, dîmg, verbum ex verbo duci-
tur, veni in dissertationem de Fidei nostræ veri-

rate, tantæque dignitate concionatus sum, quantâ nunquam ab saxissima huius persecutionis exortu. Audivit ille sanè me perlibenter, & dubia multa percontatus est; atq; ut est excellenti ingenio, facillè capiebat & comprobabat ea, quæ fuerant à me responsa. Ad extremum nihilominus, nequeatne fieri, inquit, ut istam tu Legem dimittas? Qui possim, inquam, ei nuntium Legi remittere, cuius tibi veritatem prædico, extra quam nullus saluti locus est? super? Respondes, inquit ille, ut sapientem virum & fortem, qualis tu es, deceat. Vos enim verò clientes Fidei estis & integri: nos contra universi caterva latronum, qui Principum obsequijs caput grandi pretio devovimus, post vero, ubi res maximè postulat, terga vertimus, & delinimus illos. Hoc absoluto colloquio, conferrî ingentem in rogam sacros omnes, quos habebat apparatus, multâque librorum imperavit, & cineres in alto dispergi, negans æquum videri, ea quæ tantam habuerant inter mortales venerationem, esse debere contemptui, & indignè haberi. Postridie me rursus subverseram ad se acersit, ut per complures, quos eo convocarat, aut convinceret responsiones meas, aut convicisse certè videretur. Venientem omni urbanitate excepit, & hospitalem potionem Cia propinavit. Tum varia proponi cepte questiones; quibus à me dissolutis, eo demum ab illis post longas ventum ambages est, oportere me missis disputationibus parere Uenio, & unam aliquam Japonicarum Sectarum complecti. Verum ubi se vidère operam ludere, diversi abiire, & me cum Uenio solum reliquere. Multum jam noctis processerat, idcirco me à se dimisit, & postridie, hoc est 10. Decembris, iussu Omurani deportari nobis, ipse ad Regiam profectus est.

Omure itaque unâ cum tribus Patribus ex Ordine S. Augustini, unum in carcerem, non ampliùs sesquiulnâ undequaque latum compactus est; ubi illi ad loci incommoda jejunium quotidianum, orizæ pauxillo manè sumpto, adjungere, quater hebdomadâ se flagellare, plurimam temporis partem in preces incumbere solebant. Ubi autem non multò post redux Gubernator de flagrationis sententiam, quod ipsi sperabant, ferre cunctabatur in vinclos, incredibilis eos doloris sensus incescit; quem suum P. Antonius datis ad quendam literis die 29. Decem. sic expressit: *Persuaseram mihi ingenti animi mei volupate certo fore, ut reverso ex Regia Uenio, incendio vitam finire; sed quoniam ob mea peccata DEO aliter visum est, nequeo satis R. V. doloris mei vehementiam explicare. Caterùm cum ipse ita decreverit, necesse est ejus voluntatem o-*

mnî mea cupiditati præferre; cùmque adeò jam illi pridem vitam devoverim, reliquum sit, ipsum exorare, ut de me constituat ex arbitrio suo. Neque tamen idcirco tanti beneficii adipiscendi spem deponam, quamdiu hæc custodia detinebor, tametsi me langui meus tanti boni reddat innumere-tem. Gravem huic, & ipsâ morte acerbior. rem carcerem triennio ferè sustinuit, crebris pollicitationibus ac minis frustra sollicitatus à Præfectis, ut desertâ Christi Religione ad Japonica Sacra transfret. Quorum uni aliquando atrocissima supplicia comminanti, frustra mihi, respondit, minas & verba, qui penas jam dudum & cruciatus expecto, neq; tibi reor proclive fore, satis huic meæ facere cupiditati. Igitur si me diem unum torquere decretum tibi est, meo rogatu ac sententiâ in denos extendes; si denos decretos habes, profer in centenos: pro roga annum unum in denos, & ipsum porro decennium produci in omnem ætatem. Si decem cogitata tibi sunt forma penarum, quibus me exerceas, amabo centenas excogita: certamen si placeat, utriusq; nostrum invicem sit, tibi saviendo, mihi durando, dum victus alter defatiscat. Ergo ad ferventes montis Ungeni aquas A. 1631. 4. Decemb. variè discruciatu est, carnificibus omnem in eum iussu Gubernatoris immanitatem expertis. Plurimis horrible & prolixum hoc supplicij inventum Fidem excussit, qui, cùm non reformidarent pro Christo vitam semel abijcere, eam tamen ob iteratos toties cruciatus retinere minimè sustinebant. Perfusos etenim ad usq; ossium aduersionem, fomentis identidem restaurabant, ut ubi convalescent, iterum ex intervallo atq; iterum perfusi, graviùs ex renovatis vulneribus torquerentur. Igitur arceptum P. Antonium, carnifices ante aquarum tormentum, manus pedesque revinctum validè distendebant, omnes corporis juncturas veluti in equuleo distrahebant, sicq; luxatum sublimè demum suspendebant, postremò scapulis aquam ferventissimam insulsi: quæ tamen præter omnem consuetudinem, stupentibus ad prodigij novitatem carnificibus, nullam ei cicatricem inurebat. Post 30. dierum tormentum, revocatus in custodiam, ibiq; ad usq; 3. Sept. A. 1632. omnibus incommodis ærumnosè afflictus, demum Gubernatoris edicto vivus lento incendio combustus est Nangasachi c. 4. alijs, Tolciogunfamâ nuper post Parentem suum Sciogunum, & Imperij & crudelitatis ejusdem potito. 63. natus annos, aetatis

43. in Societate.



P. Franciscus Buldrinus Italus Soc. IESV. arumnis persecutionis Japonicae pro Christo confectus in Iaponia A. 1633.

C. Serreta. d.

M. Kussell. f.

P. FRANCISCUS BULDRINUS.

Nter deductos in Indiam An. 1602. à P. Alberto Laërtio 60. Socios, quos in subsidium militantis illic Societatis conscripserat in Europa volones, fuit etiam P. Franciscus Buldrinus. Is Patrum nostrorum, qui sub id tempus frequentes in Anglia Martyrij laureolas indipscebantur, exemplo stimulatus, ejusdem Martyrij cupidine Oceanum transmittere, & Regnum DEI annuntiare gentibus diu expetijt. Roma illi vitam, & Societatem duodevicensario dedit, 8. Sept. 1593. India campus fuit, ubi talenta virtutesque suas insigniter exercuit: Scripturam Sacram biennio interpretes, Theologiam Scho-

lasticam quinquennio Professor, magnâ ingenij doctrinæque commendatione explanans. Quoniam verò spes Martyrij non assulgeret ab Indis, jam utcunque sub jugum Christi subactis, missionem in Japonem impetravit. Sed inde Patrem brevè exorta Daifusamæ tempestas Macaum reject, donec rursus exiguo spatio ingentes afflictissimæ ejus Ecclesiæ calamitates miseratus, mutato cultu redijt in Japoniâ, ut in tuenda veræ Fidei causa laborantes sub acerbissimis tormentis Neophytos confirmaret; cujus quàm opportuna & necessaria fuerit per illud tempus Japonensibus præsentia, quantus ab ea extiterit fructus, juvat in speciem ex certaminibus Neophytorum,

rum, in quibus doctrinâ & adhortatione suâ firmatis de Tyranno tam ipse, quàm reliqui Socij triumpharunt, recognoscere. Canzugendonus Rex Fingenfis, fremens edicta sua à primarijs Regni Nobilibus contemni, Simonem quendam Virum Equitem de medio tollere decrevit, eoque amicum ejus intimum Cacuzaimonem mortis internuncium ad eum transmisit. Verùm hic lachrymis pro verbis perorans, cum à Fidei constantia eum abduci posse desperaret, invenit, ut id filio suadeat, aggreditur. Cui illa, ut à Patribus instructa erat, animosè, *in tali causa*, inquit, *filium meum animam ponere non laboro, aeterna enim felicitas nunquam magno emi potest; si placeat me quoque illi adjungere, summo me beneficio devinxeris.* Ergo post dies aliquot submissus Amicorum alius Jecicava, qui ei moriendum esse denuntiaret, intempestâ nocte adveniens orantem invenit; tantùmque illis novis recreavit, ut vix sua capiens solatia exclamàrit: *ô letissimum nuntium!* Mox ante omnia provolutus in genua, actis DEO pro supremo favore gratijs, Matrem & uxorem adit in vicino quiescentes, letitiæque suæ facit participes, & quasi iturus ad nuptias, Japonum more tepidâ se abluit, festo vestium cultu exornat, distributisque in famulos munusculis, vale omnibus lætissimus dicit. Tum bonâ Jecicavæ veniâ tres viros de Congregatione Misericordiæ acceperat (Patres enim, quò prodesse pluribus, summiore latere oportebat) ut adessent morienti, cū quibus recitatâ inter contritionis lachrymas confessione, ubi aliquamdiu solâ mente ad ardentissimos amoris actus fuisset connisus, unâ manu Parentem, alterâ conjugem tenens, *hoc ego*, inquit, *amantissima capita ultimum vobis vale dico, præbto itinere præparando, cumque adiero beatam illam Patriam, rogabo pro vobis, ut me modico intervallo sequamini.* Posita interim fuit super Ara, in Aula Martyrio destinata, inter duos cereos imago Salvatoris, à Pilato post flagellationem populo ostensi, ad quam mox omnes supplicantium ritu procedunt, & iteratâ ab omnibus precatione, Simon fortiter caput obrutandum præbet: quod rescissum universi non sine veneratione dissuaviantes, felicem sortem festo clamore aggratulantur. Ab ejus morte macta cum conjugē Mater timorem suum, nè Martyrij amitterent occasionem, continuè lachrymis probebant, donec novâ primum illius spe, mox certo nuntio à quopiam perfusâ, ab eo momento dolorem posuerunt; eâ solâ curâ anxie, nè ab earum mortis societate abesset,

Magdalena, pro eadem causâ nuper necati Joannis relicta vidua. Quod cum à Gubernatore impetrassent, tantâ letitiâ invicem invipientes perfusæ sunt, ut ei explicandæ omnis impar sit oratio. Deduxerat autem Magdalena septennem puerum, fratris sui filium, à se maritoque adoptatum. Cui mater: *filii mi Ludovice, brevè ac Patrem tuum ibidem* (mos enim barbarus ibi inolevit, ut cum reo Parente omnes cum Patre liberi plestantur) *vide, ut nè tibi excidat suavissimum nomen JESU ac MARIE.* Non excidet, reponit puer, *non excidet Mater.* Cùm dies ille abijisset in sanctis colloquijs & admonitionibus ad eos, qui lapsi erant à Fide, obscurâ jam nocte (id enim tempus Magistratus vitandæ populi frequentiae elegerat) monentur, ut se ad iter & mortem parent. Illæ autem quasi ad convivium proficiscerentur, postquam inter assiduam comprecationem ad locum, ubi pro eis crucis fixæ erant, hilares pervenerunt, Joanna Simeonis mater prima Cruci alligata, quando, inquit ad carnifices, *D. meus JESUS affixus est Cruci, acerbissimos dolores tulit: quem quia imitari cupio, rogo vos ut me atrociter toto corpore Cruci alligetis.* Quod cum facerent, & collum arctius stringerent, laxate, rogavit, *paululum colli vincula, ut commodius orem.* Quod dum facit, unus satellitum hastam defixit in latus, sed mollius: quâ etiamnum Jesum & MARIAM inclamante, ille vulnus tantâ vi redintegrat, ut ferrum in sinistro latere impactum, à dextera scapula emerit. Deinceps Magdalena cùm immitiùs alligaretur, de carnificum inhumaniatē, quasi de beneficio, gratias agebat DEO. Ludovicus autem videns Matrem alligari, ad suam ultrò Crucem accessit: cùmque jam colligandus esset, quidam de adstantibus, *nihilne*, inquit, *times filii mi, tam vicinâ morte? minime*, respondit puer, *per DEI gratiam.* Clamavit tamen paululum cùm atrocius constringeretur; ad quem innocentis pueruli gemitum illachrymans præfectus, funes modicè laxari jussit. Quia verò ponè Matrem Cruci affixus stabat, eam continuè intuens, alternis JESUM & MARIAM ingeminabant; donec prior lanceâ, incertum quo casu, solâ in carne perstrictus, neque penitus, fallente ferro, perfossus est. Ergo iteratur ictus, populòque ingemiscente nullus pueri clamor, ac nè gemitus quidem auditus, nè lachryma quidem ulla genas madefecit. Quod idem ferrum innocentem adhuc filioli sanguine destillans, in maternum pectus demersum est. Simonis uxor ultima ad palmam pervenit, quæ seipsam Cruci componens,

ponens, eum Deo gratias pro beneficio mortis in ligno obeundæ ardentissimas referret, stupefacti ejus, & jam necatarum firmitudine carnifices, eam alligare, licet ab ea invitati, recusabant. Ergo seipsam cruci aptantem, Ethnici quidam funibus adstrictam attollunt, multisque confossam ictibus vitæ spoliant. 9. Decemb.

Atque hæc & similia quotidie de Tyrannis reportari à Neophytis solita trophæa, fructus erant Sociorū, undiq; è latebris & speluncis ardorem in animos eorum & ignem spargentium. E quibus nescio an quis alius P. Buldrino fuerit fortunator, quive plures adhortationibus suis per omnes Japoniæ Provincias Cælo per Martyrium peperit Candidatos. Nemo siquidem eo felicius latuit, nemo dexteriùs omnes satellitum & proditorum, venandis Patribus insidiantium technas elusit, nemo ferè ex Sacerdotibus Europæis tam diu acerbissimâ illâ persecutione in Japonia ab A. 1612. si modicum exilij tempus excipias, usq; ad 33. subsistere potuit, eò quòd totius vultus lineamenti à Japonibus diversi faciliùs deprehenderentur. Quantum autem eâ causâ difficultatum & ærumnarum

tot annis illum exhaurire necessum fuerit, nec dici, nec credi potest: utpote cui nullus locus, nulla sedes aut habitatio tuta erat, sed perpetuò delitescendum in sylvis, commorandum in petrarum cavernis, & hiantis terræ antris, confidendum cum rerum omnium extrema penuria, quâ sæpius magnitudine famis, & aëris injurijs ad extrema deductus, non tam vitam, quàm longam trahebat mortem: ut adeò sæpius profligatâ vitæ ulterius servandæ fiducia, sese ultro vestigatoribus in vincula daturus fuisset, nisi lachrymis afflictissimorum Neophytorum cedens, necessitatibus eorum fè subtrahere, religioni duxisset. Quibus demum omni conflagratione gravioribus malis oppressus, alicubi in septentrionali Japonia Deo victima cecidit, A. 1633. ætatis 58. Societatis 40. *Et licet persecutoris gladius eum non sustulit, palmam tamen Martyrij non amisit; computatus inter eos, qui apud Apostolum Hebr. 11. circumverunt in melotis, in pellibus caprinis, egentes, angustijati, afflictij, in solitudinibus errantes, in montibus & speluncis, & in cavernis*

terre.

P. IGNATIUS FIALHO.



mp̄ator Mogoris, omnium qui in India regnant potentissimus, Reges plures non modò subditos, sed & domesticos habet, à quibus minimum auri millionem quothebdomadis dono accipit. In bellum 50. elephantorum millia educere potest. Nuper dum septena elephantorum, cum trecentis equitum, nongentis peditum millibus numeraret, putabatur non multum instructus esse, & vulgarem potiùs belli tempore comitatù, quàm justum exercitum habere. Cæterùm gens numerosior est quàm bellicosior, & ad res divinas valde segnis. Primus eam excoluit Rudolphus Aquaviva, ac deinceps alij è Societate, sed fructu ob gentis segnitiam exiguo. Qui postremis his annis regnabat, cum rationum momenta, quibus Religio Christiana nititur, satis perspexisset, cupiebat nocturno vifo confirmari. Demens, qui plus somnianti phantasiæ, quàm judicio suo tribueret, & in somnijs, ubi nulla est, ibi Christianam Fidem vellet reperire. At nunc demum, cum hæres Regni post Parentis mortem favire in Christi cultores incipit, spes est, ut sanguine Martyrum rigata Mogorea, in

fructus germinet uberiores. Primus igitur è Societate hoc in Imperio Martyrij gloriam, quam ibidem tam anxie querebat olim P. Rudolphus Aquaviva, invenit Ignatius Fiallius. Rei seriem lubet ex literis P. Josephi de Castro, Agræ, quæ Mogoris Urbis princeps est, & sedes Regia, die 8. Oct. A. 1633. datis, quarum partem subjungo, intelligere. *Sub Regni hujus ingressum, anno abhinc 23. offendi R. P. Hieronymum Xaverium, filium unius è sororibus S. P. Francisci Xaverij, virum magnis virtutibus præditum, cui Patres alij deinceps succenturiati sunt, omnes Viri verè Apostolici, & DEO pleni. Subdit fufusculè, quanta secundos habuisset res Christiana progressus, sub primo atque altero Regibus, quorum ille Lahore, hic Agræ, primarijs Urbibus, Aedes nobis sacras exstruxerat. Mox subdit. Ecce autem post R. ebum nebula. Functo Rege, ad Regni administrationem deligitur Filius natus tertius, qui pro eo, quo erga Mahometicam sectam (quam tenet) fertur zelo, nostræ Religioni non parum est insensus; & quamvis odij hujus fomitem 4. aut 5. continuos annos doloso cinere texerit, sexto tamen anno retexit, & ignis in apertum erupit incendium, apertòq; Marte nos, & Christianos hujus*

Regni



P Ignatius Fialha Lusitanus Soc. IF. SV. à Mahometanis odio Fidei Christianæ gladijs confossus in Regno Major. A. 1633.

C. Scretz. d.

M. Kuehl. f.

Regni omnes persequi cepit, atq; ob id plurimos jam Christo accensos, ritu Judaico circumcisos, ad Mahometanum vomitum compulsi redire. Potestatem nobis insuper derogavit, quâ autè valebamus, DEI verbum pro concione exponendi; constitutis etiam arctis vigilijs ante portam nostram, qua gravi sub pœna infideles ab aditu Templi nostri arcerent; qua etiam eò feritatis processerè, ut nos sedibus nostris propellentes, unum è Putribus media in platea alapis, pugnis, fustibus malè multarent. Et ego in hac luctuosa catastrophæ meas partes sustinui; nam unus è primarijs Mahometicæ sectæ administris, ubi in me curâret violentas manus iniici, vinculisq; ante domum nostram constringi, militibus 4. id carnicina dedit, ut numerato 100. alapas, totidem pedum trusiones mihi impingerent, & tribus distinctis vicibus 40. verbe-

ribus funes bene contorti & crassi, dorsum meum contunderent atq; proscinderent; quo factò continuo sanguinem mihi è venis prolucuerunt, adeo ut à cingulo usq; ad caput (quod mirum in modum intumuerat) non fuerit cernere nisi unam plagam. Deinde omnes ad dies aliquot carere traditi sumus. Et omnia hæc tam crudelia in nos exercuere, ad innatum suum odium in Christianam Religionem declarandum. Rex instruxerat portum quendam maritimum, quem incolebant novem millia circiter Christianorum, quorum partem mors clementer Tyranni di eripuit, partem fuga maturata, pars reliqua mense Junio in Aulam coacta, Regni Primoribus in mancipia cessit, hoc addito mandato, ut circumcissioni subderentur. Quod executioni mandatum est magnis & gravibus tormentis, adeo ut eorum aliqui violentia

lenta circumcissioni subiecti, animas quidem in crudeli carmificina liquerint, non tamen heroicam Martyrij palmam. Reliqui gloriosi Agonistæ adhuc in sanguinea arena perstant, pro Aris & Fide Christiana egregiè decertantes. Durante hac persecutione res contingere mirabiles, quæ suo tempore lucem videbunt. Ecclesiastici duo cum duobus Religiosis Augustiniana familia, hac illos appetente servitiâ, sibi constantes, animosè pro Fide sua cum hostibus dimicârunt: nam cùm per vim illos

vellent Mauris addicere, illisq. accensere, illi negârunt se in illorum ituros sententiam, & mortem millies potiùs appetituros, quam à Christiana Fide recessuros. Eodem in portu vitæ excessere quing. nostrorû Patrum; quorû unus ad constantinam Christianos exhortans, Christi Cruci affixi (ut mos est) effigiem manu pretendens, plures gladij ictus excepit: quod ab illis ipsis accepi, quos Pater exhortabatur. Nomen Patri Ignatius Fialbo, natione Lusitanus.



Thomas Nisciforus Japon Soc. IESV pro Christiana Religione vivus lento igne tostus Nanjasachi in Japonia 22. Iulij. A. 1633

C. Serra del

M. Kuerll. f.

THOMAS NISCIFORUS.

Reluserat jam inde sub Japonicæ persecutionis initia, tot Martyrum, in hunc potissimum annû incidentibus victorijs, Deus, & ut magnam purpurati exer-

citûs securam processionem demonstraret, portentosas quasdam Cruces in arboribus, potenti suâ manu efformatas præmisit. Famosissima inter reliquas erat, quam Fabianus Neophytus in ficulnea sua reperit. Biennium jam

Y y

jam arbor infrugifera frustra terram pondere premebat: eam Fabianus excindit, trunco ad domûs columnam, ramis ad focum usurus. Truncus ad solem expositus, annum integrum arefcebat. Tandem 8. Idus Decemb. A. 1611. ascia truncum dedolans, advertit in uno ex decussis fragmentis inesse Crucem atrî coloris, in trunco candido expressam. Stupet portentum, filium advocat, & *vide*, inquit, *Paule*, *sit ista Crux nec ne? Crux planè est*, inquit filius, & *prodigio quidem similis*. Evulgato mox prodigio, venerabundi ad Crucem accedere Neophyti, eandem ad infirmos deferre, febres eâ depellere; ut passim affirmarent, si aliud veræ Fidei non extaret argumentum, hoc unum satis sibi fore ad eam mordicus defendendam. Fama interim admirandæ Crucis etiam ad nobilem Matronam Marinam Omurandoni Dynastæ fororem, sceminam planè religiosam, & Ecclesiæ illius Columnam pervenerat; quæ Crucem ad se deferri jubet. Nocturnis horis deportanda fuit, propter accurrentium multitudinem; quamvis ne sic quidem vitari potuit frequentia. Hanc Nobilis scemina magno cultu excepit, & unâ cum Neophytis, qui numerosissimi aderant, venerata, magnificè asservavit. Ex ea Crucis veneratione, ipse truncus in pretio haberi cœpit; maximè posteaquam acceperissent eo contrito dilutôq; plurimos infirmos, tertianas & quartanas excussisse. Unde qui frustulum ejus fragmenti, in quo Crux erat, obtinere non potuerunt, ad ipsum truncum, qui etiam tum humi jacebat, confugiebant; quem ita conciderunt, ut intra exiguam moram temporis, qui adveniebant, ne truncum quidem invenerint, sed ad radices conversi eas penitus extirpârunt, usque adeò, ut nostri Sacerdotes duo cum eò ex itinere divertissent, optâssentque arboris illius frustulum, ne radicem quidem fibras reperire potuerint; tanta fuit Neophytorum pietatis aviditas. Nec mirum Neophytos ita exarsisse, cum ipsi Ethnici, & falsorum Deorum sacrificuli, plus Veritati quàm odio tribuentes, faterentur eam Crucem rem videri humanâ majorem, planèque Cœlestem. Et subinde accidit res nova, quæ admirationem auxit: nam cum Viri primarij ædes à Dæmone nocturnis spectris ita infestarentur, ut nullum in ulla re præsidium inveniret, eam Crucem sibi concedi postulavit. Noctem unam Cruce potius est, nec ultra Dæmon, Crucem hanc vel maximè fugiens, eas ædes infestavit. Longius deinde sese Græcis fama sensim diffundebat, ut jam

suarum partium esse judicaret Episcopus, eam rem excutere, & ritè statuere, an pro miraculo haberi possit, uti vulgò habebatur. Itaque ex auditis juratis testibus totius rei seriem edoctus, ex præscripto Concilij Tridentini eam pro vero miraculo haberi jussit. Et quia Nangasachenfes quoq; ejus visendi desiderio flagrabant, visum est Antistiti externo etiam apparatu Cœlesti hoc prodigium esse prosequendum. Ergo ritu solenni Sacrum Votivum de Cruce decantatum est, dictum pro frequentissima concione de Crucis prodigio; tum circa Templi porticus supplicantium pompa explicata, in qua Præpositus Provincialis fragmentum illud Cruce insignitum sub conopeo, quod Primores Urbis deferebant, gestavit. Atque ita Crucem portentosam prælusisse videtur Nangasachi, longæ Processioni mox ibidem secutorum Martyrum. Et quamvis alijs annis copiosè sevitum sit in Christianos, hic tamen annus sæculi 33. quo eodem ætatis suæ in Crucem actus est Rex Martyrum Christus, gravior Japoniæ incubuit, & 30. omninò è Societate Operarios illi sustulit, agonali Cœli laude donatos.


Primus ordine fuit Thomas Nilsiforus, qui in Regno Mino natus, atque à Patribus Societatis à puero in Seminario educatus edoctusque, eidem se per annos complures, laborum & itinerum in animarum causa, consortem adjunxit, & in Dogici munere socium. Relegatus cum ipsdem in exilium A. 1614. mox iterum in Japoniam, nuato habitu revertit, variâque ejus Imperij Regna, ut prodesset multis, peragravit. Et professio miserabilis per illam Tyrannidis sævientis immanitatem Neophytorum status vel ferreum pectus emolliisset, ad ferendam quâ posset laborantibus opem; quando ingeniosa crudelitas novas indies procudebat tormentorum species, quibus tenellas ejus Ecclesiæ stirpes à Fide Christi penitus convelleret, & discerperet. Mitia jam illi videbantur & nimium lenia, quæ per violentiam inferrentur incendiorum tormenta; spontaneâ ultro tolerantia ferenda erant, & perseverandum sine vinculis in rogo, nisi Fidem ejurare fortissimi Christi Athletæ censerî vellent. Ità Simon Xeyzajemon natus annos 72. jussus à Tyranno A. 1627. vel negare Christum, vel in circum accensa pyra undique ambitum se immergere, singulari Divini Spiritûs impetu actus, continuò vestibus sibi detractis, nudus penit9 in ignes insilijt, quos inter medius constitit immobilis, ac si alienum, non suum corpus

corpus torrerı videret: septies praterea vel octies se circumegit, ut melius ureretur, in hoc vel illud latus, prout crudelis Tyrannus imperabat. Quo eodem tempore Nobilem familiam cum filiolo Petro annorum 13. unaque illius ephebum annorum 11. arbori alligatos, facibus crudeliter adurebant; sed cum favitiam superaret puerorum constantia, vasculum aheneum ab igne candens manibus Petri indidēre sustinendum, hoc pacto, quod si abijceret, aut aliter manibus delabi sineret, hoc ipso Fidem Christi ejurare censeretur. Accepit illud majore Spiritus S. flammā incensus pūso, & nudis sustinuit manibus, donec penitus extincto calore frigeret. Neq; aliud interim ex ore ipsius, dum pellis & caro usque ad ossa deflueret, audire fuit, quā SS. JESU & MARIE nomina, quibus identidem oculis in Cælum sublati, cetera immotus, hoc de se incensi Sacrificium offerebat. Eadem conditio pluribus alijs inter lenta incendia, aliquot passus igne distante totis, data fuit, quemlibet corporis motum signum fore ejurati Christi. At illi immoti perdurārent ipsas duas horas; donec ad majora servandi supplicia, flammis exire juberentur. Hæc autem erant totius corporis, so-

lo extante capite, in terram defossio, quod diebus singulis (dum interim defossū corpus à violentis terræ qualitatibus vivens putrescebat) lignee ferræ tractibus aliquot à corporis trunco findebatur, donec tum à vulnere incurata sanie, tum ab urente Solis æstu progeneratis vermibus, alijs decimo, alijs etiam vigesimo torturæ die expirarent. Atq; hæc dignissimorum Cæli Candidatorum certamina provocabant nimirum ardentissimū in Socijs zelum, ut per quantumlibet atroces ærumnas & supplicia constantiam eorum firmatum irent, ut quibus ad Fidem præluxerant verbo, ad eandem servandam præirent exemplo. Itaque in solatium & auxilium eorundem clandestinē in Japoniam irrepens, quantumvis adhuc Religionis & Sacerdotij experts Thomas, ut quoquo modo posset, in tanta Operariorum inopia illis prodesset, ingentes plurium annorum latibulis toleravit ærumnas: donec in Scimonofceki deprehensus, & post pulcherrima virtutum, Patientiæ præsertim & Pietatis, in diuturno carcere, edita specimina, Societati adscriptus est, & Nangasachi, imperante Tosciogunfamā, vivus lento incendio conflagravit 22.

Julij A. 1633.

NICOLAUS KEYAN Fucunanga.

Entilem quempiam dirē vexabat Dæmon in Japonia, cui obviū fortē Neophytus, & energumenum miseratus, benignē interrogabat: unde, & quorsum venire? respondit ex energumeno Dæmon, se ex Anglia venire, ubi multos annos Catholicis torquendis præfuerat, eo consilio, ut Japonos modum & artem Christianos torquendi edoceat. Et verò edocuit hic mille artifex novum & inauditum tormenti genus hoc anno Japonios, quod furiali Tyrannorum rabie confectum primus subiit Nicolaus Keyan. Scrobem Japonij effodiunt pedes aliquot altam, superinducunt furcam, è qua corpus undique funibus ceu fascijs arcē obligatum, (ne sanguis in caput defluens citò hominem præfocet) pedibus sursum erectis, manibus revinctis, nunc cingulo, aut umbilico, nunc genū, aut crurum tenus depressum in scrobem suspendunt: scrobi geminam inducunt tabulam, itā excisam in medio utramque, ut commisit, & corpus medium complexæ, omnem auræ lucisq; usum suspensio excludant. Sic tenent hominem in versum penden-

tem, impactum, vitæ ac mortis incertum, inter utriusque divortia dubium, donec eum vel delabentis paulatim in caput sanguinis oppressio suffocet, vel tabescentem conficiat inedia, vel laboriosa medius inter homines solitudo & destitutio itā fatiget, ut victus demum priusquam animam edat, Fidem abiret. Triduum in scrobe ejusmodi è patibulo pependit Nicolaus, à vespere scilicet diei Jovis ad usque imminentem meridiem diei Dominici, quo eodem die S.P. N. Ignatij celebratur natalis. Sed qui primus tormentum illud experiebatur, ad illud fortiter constantēque tolerandum à Delpara Virgine, egregio planè beneficio animatus fuit. Non semel pendentem invisit Beatissima Mater, & de nocte solum detigillo, ad interquiescendum deposuit, & aquā recenti suppeditata (cujus postmodum plenus adhuc cyathus in fovea inventus est) fovit; attouctis, & insolentiæ rei stupidis excubitoribus. Qui etiā cum subinde ex pendente sciscitarentur, *quid agere haberet?* respondebat: *id solum agere fero, quod Imperatorem, & universam cum illo Japoniam ad Christi Fidem perducere nequeam.*

Y y 2

Hæc



Nicolaus Keyan Fucunanga Japon Soc: IES V, primus in Scrobe cingulo tenuis suspensus, et in eo quater duano tormento Deipara hauritu refocillatur, Nangasacki in Iaponia 31. Iulij. A. 1633.

C. Sireta del.

Metz: Kiffen f.

Hæc eum scilicet sola cura mordebat, solus hic dolor angebat Apostolici spiritus hominem. Quarto igitur suspendij, & Natalis S. Ignatij die, ipsa in fossa Nangasacki fortissimus Christi athleta gloriosam animam Cælo transcripsit An. 1633. ætatis 63. Societatis 45. Omium Japoniæ oppidum illi natale fuit, qui à pueritia institutus à Patribus Societatis Jesu in Seminario, nomen illis suum adjunxit A. 1588. natus annos 19. Triennio latinas literas didicit, & quæ erat à natura facundiâ, atque Japonicarum sectarum peritiâ, perlongam multis in Provinciis, ac per-

utilem rei Christianæ navavit operam, habendis promiscuè concionibus, rudibusque Fidei elementis & Catechismo instituendis. A. 1614. cum cæteris Patribus à Daifusama Fidei causâ proscriptus, sed post paulò remissus, simulatâ personâ multa aspera perpassus est, dum rem Christianam egregiè promoveret: donec in Regno Figen captus, primus horribile scrobis tormentum, cujus novitate universa Christianitas ibi consternata fuit, victor toleravit, docuitque Divino adjutorio superari posse.





P. Antonius Vasconcellus illustrissimâ familiâ Lusitanus Soc. IESV odio Religio-
nis veneno sublatus in India Goa 16. Augusti. A. 1633.

C S d.

M K f

P. ANTONIUS VASCONCELLUS.

CEnus, munus, & funus, omnia illustria habuit Vasconcellus. Parentes illi fuere Franciscus de Fera, summus Palmellæ Præfatus, & Petri Menesij Viseensis Præfati Filia. Eboræ, Deputati Sacræ Inquisitionis munus, ætate nondum ad id maturâ, sed adultâ jam sapientiâ, & bonis artibus excultus, itâ prudenter gessit, ut nihil eo tota in Urbe gravius, neque modestius, nihil religiosius videretur. Multus erat in orando, & in omni actione pietatis, multus in seipso castigando macerandoque; in quem finem ducem vitæ Religiosum Virum apprimè ex-

perientem delegit; & cùm familiam optimis institutis & exemplis temperatam haberet, nullam Officij partem non optimè, integerrimèque explebat. Nulla illi ambitio, nulla parandarum opum, aut dignitatis altioris cogitatio, nulla imperij adipiscendi cura. Cùm autem Fidei tuendæ amplificandæque studio, etiam sanguine suo si posset asserendæ, flagraret (ad quod etiam conaturum se voto obstrinxerat, perlibenter delatum ab Inquisitore Generali munus Inquisitoris per Indiam admisit. Ut verò certam absolutæ virtutis, ad quam conniteretur, haberet normam, oculos atque animum in S. Franciscum

Vy 3

Xave-

Xaverium Indiarum Apostolum coniecit, conatusque est illius in se decora summo studio referre. Indico in itinere passus est cibos exquisitiis sibi, quam consueverat, apparari, quos omnes in ægrorum militum, nauticorumque usus expendebat, non suorum dumtaxat famulorum, sed suapte sæpe operâ manûque dispersiendo, nullâ sui, nullâ dignitatis habitâ ratione, quam non nesciebat illâ Christianæ humilitatis & caritatis specie plurimum exornari. Simul ut Goam appulsa navis est, prodijt ad illum officij causâ Comes de Linares id temporis Pro-Rex, qui Consobrinam Antonij in matrimonio habebat. Verum ne quid ille videretur honoris admittere, quod titulo sanguinis deferri poterat, eum constanter occursum deprecatus est. Munus Sanctæ Inquisitionis administravit in India integritate summâ, diligentia incredibili, illudque perfectissimæ virtutis exemplis egregiè decoravit. Quæ ipsa in obeundo munere adeo exacta impigræque accuratio, eidem accersendæ oppetendæque pro Christianæ Fidei sanctitate mortis, exoptata votis omnibus occasio fuit. Quippe enim in nonnullos quæstionem instituit, quos oportebat ob sua facinora omnium bonorum, ad hoc & vitæ quoque & existimationis adire discrimen. Hi cum experientiâ didicissent, nullum ad integritatem ipsius corruptendam aut labefactandam aditum, patere, quod unum sibi reliquum esse crediderunt, hominem optimûm, ac de Repub. Christiana meritissimum, de medio, malis artibus temperato illi veneno, sustulerunt. Cupiverat ille diu antè, atque impensè flagitaverat Societati adscribi, eò quia se crederet ibi plenius animarum servandarum zelo, quo flagrabat, responsurum, & S. Francisci Xaverij virtutibus ac vestigijs institurum. Sed Superioribus visum fuerat illum usque & usque differre, ut Divinæ gloriæ impensius, per munus quod gerebat, serviret. Jam verò ubi in morbum, operâ nefariorum hominum incidit, in Societatem prius à P. Alvaro de Tavares, Goanæ Provinciæ Præposito, legitime adscriptus est, quam extremum vitæ diem morte pro Fide obitâ conficeret; quod demum Goæ, editis in morbo illustriissimis magnarum virtutum documentis, expiato generali Confessione animo, perceptisque Sacramentis reliquis, post nuncupata in Sociorum corona Religionis vota, inter suavissima cum DEO colloquia, præstitit die 16. Augusti A. 1633.

Et ut de virtutibus ejus pauca in exem-

plum delibemus, duas ille minimûm horas quotidie Divinarum rerum meditationi tribuebat: Sacrum quotidie per ternos horæ quadrantes faciebat, postquam duobus noctris sacrificantibus in Indica navigatione quotidie prius ministrasset. Canonicum officium, & Deiparæ Rosarium, semper nixus genibus quotidie decurrebat. Et quamvis nihil ferè expiabilis materiæ ad Confessionem afferret, nihilò tamen seciùs quotidianâ conscientiam exomologesi levabat. Reliquum temporis, summâ desidiæ fugâ, vel explendo muneri publico, vel regendâ familiâ, vel literarum studio impendebat, neq; animi causâ vacuum unquam operis, nedum temerè otiosus. Delicias in victu cultûque omnes aspernatus, cibos nonnisi communes, plebejos admittebat: vestitum eundem cum suis famulis, neque necessario ampliorem. Jam verò sagum cilicinium nunquam deponebat, his hebdomadè se acriter flagellabat: ad hæc crebra illi jejunia, longæ vigiliæ, quamvis ultra quaternas quinâsve horas vix unquam somno indulgeret, solitus etiam famulos expergefaceri primo diluculo ad studium precatationis. Nullius unquam servitio ad ponendas vestes sumendasq; utebatur, nè minùs integrè ac decorè vestitus unquam ab ullo conspiceretur. Tantus erat castimonie amor! quam etiam voti Sacramento pridem ante susceptos Sacros Ordines sanxerat. Domum primo statim vespere non ocluisse, & famulis hac in re deliquisse, aut domi repertos non fuisse, idem erat quod loco & ejus famulatu excidisse. In pupillos, viduas, atq; omnino in quoslibet egenos & calamitosos, propensissimæ fuit liberalitatis: hinc nunquam prodire in publicum sinè nummis, quos suâ in pauperes manu erogaret. Et aliquando suâ veste exiit, ut cadaver hominis repente occisi involvi posset ad sepulturam. In navi quidquid ipse pharmacorum intulit, in ægrorum curationem exhaustumq; jam nihil suppeteret, etiam mutuabatur ab alijs, nè cū morbo luctantibus fortè deesset; tantâq; illis contentione, non per suos dumtaxat famulos, sed suâ quoque manu serviebat, ut etiam callos sibi & ulcera, miserationis experts, servilibus munijs induceret. Moriturs ipse ministrabat Sacramenta; mortuis ad tumulum stragula de suo lecto suppedibat; sacrâ dein litatione ipsorum animas expiabat. Quibus & id genus alijs bonis moribus DEO gloriam, sibi mortem in conspectu Domini pretiosam comparavit.

P. EMMA.



P. Emmanuel Borges Lusit. Iosephus Reomuy et Ignatius Kindo Japonæ Societ. IESV. triduoano suspensionis in scrobem tormento pro Fide necati in Iaponia Nani-
jasschi 16 Aug. A. 1655

M. X. f.

P. EMMANUEL BORGES, cum duobus Socijs.

Solitarius nuper è patibulo in subiectam scrobem pendebat. Nicolaus. At P. Emmanuel, Emmanuel DEI Filium imitatus, medius inter duos pependit Socios Nangafachi, quos in carcere autoritate Præpositi Provincialis Societati adiunxit; Iosephum videlicet Reomuy, & Ignatium Kindo, qui ambo fuere Japones, hic Ariyensis, Eigenfis ille, ambo in Seminario instituti, ambo Patrum annis compluribus comites & adjuutores, ambo cum illis Patriâ extorres; ut proinde in morte separari, eodem illi die in scrobe commortui, non debuerint, qui studijs in vita sua tam conjuncti

fuere. Illud tamen peculiare habuit Ignatius decus, quodd & Parens ejus Adrianus in odiû Fidei olim necatus, jus quoddam hæreditarium filio reliquerit Martyrij. Cæterum Patri Emmanueli Ebora Lusitaniæ Urbs inclita primam lucis usuram dedit, ubi jam vicenarius Societati A. 1616. auctoratus est, & octavo post transiit in Indiam, atque inde post quarto in Japoniam; unde cum cæteris post biennium, edicto Daifusamæ Macaum ejectus, aliquantisper ibi Procuratorem Japoniæ egit, donec A. 1621. eodem peregrino habitu reversus, reliquum tempus omne in illa excolenda Domini Vineâ strenuè, eximioque cum fructu collocavit. Periculorum quæ

quæ plurima subjicit, præsertim per officij peculiaris rationem (erat enim Sociorum Nangasachi Procurator) unum hoc esto specimen, exceptum è literis, quas ipse A. 1626. ad quendam dedit in hæc verba. *Posteaquam Aprili naves solverunt, gubernationem gessit Feizo tantum trimestrem. Sed tantâ pertinaciâ Christianos, atq; inprimis Religiosos insectatus est, ut domum ubi diversabar, ter unâ die invaserit: neq; ullum fuerit Christianorum habitaculum, quod tertio minimum, quothebdomadis non fuerit ex improvviso lustratum. Invaserunt me primum septem homines armis instructi diluculo, prinsquam surrexissẽ ex lecto: Iterum sunt aggressi septendecim, cum ad Sacrum faciendum sacros paratus induerem; tertio demum irrupere vicini sub horam prandij, tanto tumultu, ut permiscere omnia velle viderentur. Sed latebra beneficio, quam Japones Anam vocant, nunc etiam, ut alias crebro feceram, vim eorum elusi.*

Ex qua efferata inquisitorum rabie cum necessitas emergeret Patri quotidie hospitia mutandi, & nè incolis noxius foret, si in eorum domibus deprehenderetur, majorem partem in sylvis & solitudinibus degendi, facile cogitari potest, quanta cum perpeti necesse fuerit. Quotquot enim Patrum aliquem domo excepsisse convincerentur, omnes unâ cum prolibus & Conjugibus, totâque decem contiguarum ejusmodi hospitio domuum familia, etiam si Ethnici forent, crudeliter necabantur. Sanè post sublatum incendio P. Hieronymum de Angelis, paulò post 37. partim Viri & fœminæ, partim pueri & infantes illorum, quos inter 13. erant Ethnici, morte mulcati sunt, lendi, quia Patres & Christianos domibus recepissent, aut pro ijs fide-

jussissent. Octodecim pueruli Christiani, præter duos omnes, cum ridentes & exultabundi ad supplicium processissent, alij capite truncati, vertice alij ad umbilicum divisi, alij modo transversò dissecti, alij deniq; cum pede uno in altum raperentur, mebratim omnes in conspectu Parentum concisi. Ex viris autem & fœminis undecim in crucem acti, quos inter soli duo erant Christiani, ex quorum manibus cæforum puerorum capita suspendebantur: octo vivi lentis ignibus cremati, & quidem duo gentiles, quod Farandum hospitio acceperant; reliqui 19. capite truncati. Nec multò post iterum lendi lentis ignibus absumpti sunt eadem causâ 10. Viri, 6. fœminæ, & charissimus aliàs Imperatori honorarius Ephæbus, quantumvis gentilis, capite plexus, quod Christianis domum elocasset. Atque hæc inaudita omnibus retro sæculis feritas, cogebat omnino Patres, nè suis in Spiritu Filijs, quos in visceribus charitatis longè teneriùs, quàm Matres suas carnales proles, diligebant, noxæ forent, antra quærere & spelæa, ex una in aliam perpetuò migrare Regionem; neque nisi extremis Neophytorum, quâ vicissim incredibili in Patres suos erant dilectione, precibus violentè adaçti, in teçta eorum succedebant. Sic igitur de loco in locum perpetuâ vicissitudine commigrans Emmanuel, demum Bungeni in Provincia captus, Nangasachum pertrahitur, ibique die 13. Aug. pedibus sublimis, revinctis à tergo manibus, depresso in foveam capite suspenditur; quo cruciatus tri-duum fortiter tolerato vivere desijt, die 16.

Aug. A. 1633. ætatis suæ 53. ab initia Societate 33.

P. JACOBUS ANTONIUS GIANNONIUS, & JOANNES KIDERA.



Atus est Bitonti Urbe in Apulia nobili, Parentibus illustri & per vetusto genere, opumque inter suos gloriâ claris, die 7. Decem. A. 1577. Ex fenis illius germanis, quinque itidem se Dei maucipavere servitio, in Familijs Dominicana, Carmelitana, Theatina singuli; duo alij in Ecclesiasticis dignitatibus sublimes vixere. Simul atque per ætatem literarum rudimentis idoneus fuit, ad publicas Scholas Bitonti transmissus, sedulitati & ingenio eam conjunxit modestiam morumque compositionem, quâ

Civitatis universæ oculos & amores in se converteret: Magister autem affirmaret, nihil unquam in illo se, quod vitio dari posset, observare potuisse. Et jam annum ætatis 15. ingreditabatur, cum Bitontina Nobilitas theatralem nescio quam actionem dæura ad publicam lætitiâ, suas etiam Jacobo Antonio partes detulit: per quam occasionem, dum ad periclitandum quisque suam actionem conveniunt, unus quispiam seu per jocum, sive seriò Antonium præfidenter sollicitavit ad osculum. Ipse hominis inverecondam audaciam execratus, procul eum à se depulit,



P. Iacobus Giannonius per vetusto genere Italus, et Ioannes Kidera Japon Soc. IESV. hic quatruiduano, ille triduano in pedibus in fossam suspensio pro Christo necatus, Scimabaræ in Iaponia. 28. Aug. A. 1653.

C. Secreta. d.

M. Küster.

depulit, & Actioni remissis illico suis partibus, obfirmatissimo animo renuntiavit; neque ullis adduci momentis ultra potuit, ut inter quos integritati suæ, quam ad usque mortem illibatè servavit, periculum creari sibi persuaserat, cum ijs haberet societatem actionis. Missus exinde cum fratre natu maiore Neapolim, ut bonarum disciplinarum studia in Collegio Societatis profunderetur, ejusdem virtutis insigne dedit specimen. Diverterat fortè ad eorum hospitium Bitontinus quidam Canonicus, cujus procacior famulus animadversà Jacobi verecundiâ, principio subturpes jocos, & scurrilia in illum dicta jacere, risumque captare; post verò cum ejus vitandæ petulantiae in suum se cubiculum, atque adeò cubitum recepisset, nudus ad il-

lum procax ille succedere. Percussus obscenitate castissimus adolescens, præsiliit illico, atque ut erat profugit in indusio & patentem aream, maluitque partem nocti frigidus sub dio agere, quàm cum pudicitie probro, donec ille abigeretur, ad quietem redire. Per idem tempus excurrens Neapolim Theus Parens ipsius, puellam Jacoo paris claritudinis & opum desponderat ut quia frater natu major Ecclesiastico seè Ordini dicarat, ipse natu proximus Familiae nomen ad posterum derivaret. Id verò ubi ille sensit, Patrem adortus, adeò causam fortiter ac vehementer egit, ut eum à consilio dimoverit. Jam tum enim perlatis in Europam de Sociorum in Japonia contra Tyrannum triumphis vehementer accensus, cum nullum nisi Reli-

Zz

giosuna

giokm eò transmitti advertisset, incredibili Maryrij, Japoniæ, & Societatis desiderio flagrar caput, nec antè desijt, donec exorato, corpq; bene precante Patre, aditum ad Societas Tyrocinium impetraret, A. 1596. 18. Glob.

Tyrocinio absoluto, nunquam deinde Missum sollicitare apud Claudium Aquavivæ desistit, donec is sanctâ Juvenis importunitate victus sponderet, se illum ubi aliquâ maturuerit, voti compotem facturum. It prosperè omnino evenit, ut Jacobo Philoſophiæ operam Neapoli navante, Claudius Cneralis Præpositus, sive valetudinis, sive al causâ illuc excurreret. Mox enim ibi petores Indiarum plurimi eum circumfistere irgere, sollicitare. Ille suorum ardore mirè recreatus, cùm Provinciam tantâ non oſset orbare sobole, id concessit, ut invocâ precibus, aliisque pietatis & pœnitentiæficijs Numine, septem ex omni eorum numero sortito legerentur. Tertia Jacobo so obvenit; cuius ille compos effectus, nullum ibi faciebat, neque Deo gratulandi finem. gitur expeditiv se confestim ad iter, & contuatâ trimestris spatio Romæ Logicâ, reliqua Philosophiâ compendio per semestri Ebore auditâ, conscendit Ulyssipone verò anni 1604. & tam difficilem fortitus est arsum, ut bis fractâ navi ante Mozambicam, priùs quidem corpora, & fortunatas omes servârint incolumes; at posterius præter opora omnium jacturam adierint, ne Breiario quidem uno reliquo, ex quo pensur persolvi Canonicum posset. Gox Theologiæ tantisper dedit operam, dum opportun Malacam navigatione extremo ferè A. 1606. blatâ, tempestivè Malacam appulit, ut Decembri mense inaugurari Sacerdotio posset. Ibi nocte Natali Domini primam litavit hostiam, & deinceps Malacensium obsequijs usque ad insequentis anni Majum, primas Sacerdotij sui functiones impendit. Macaum appilſus, ibi toto biennio substitit, & unum annum Theologiæ prosequendâ, alterum Ministri Officio, simulq; Japonicæ linguæ disciscendâ impendit. Unde Majo A. 1609. digressus, in opatam demum Japoniam procellis iterum jactatus & malis, die 29. Junij, Apostolorum Principibus sacro, sospes ac latus perveit, Nangasacho ubi primum exscendit, Arinam haud multò pòst destinatus, gemino illic spectaculo, suprà quàm dici queat, recreatus est; tum quòd adeò bene Christianis institutum elementis pueritiam cerneret, ut ea certatim æternis

expeditè, haud segnìus quàm in Europa recitarent; tum quòd aliquorum pro Fide nuper necatorum corpora trahere, deſeculari, venerari datum eſſet, quorum aspectu liqueſcebat in lachrymas, orabâque sanctas eorum animas, ut suâ apud Deum suffragatione ejusdem sese certaminis consortem & gloriæ redderent.

Nec multò pòst novum Imperatoris edictum ab Regia perlatum est, quo Cruci suffigi jubebantur ij, qui Fidem Christi promulgarent universi, quiq; fuerant eam complexi suorum popularium. Tum verò P. Jacobus adeptæ spe felicitatis lætissimus, cum ad oppetendam eam mortem se compararet, revocato quaquâ de causa ab Daifusama decreto, sedatâque tempeſtate, adjuncto sibi Dogico Joanne Kiderâ, Firandi nato (qui deinde in Societatem receptus, cum Patre in vincula datus, & eodem supplicio affectus fuit) Arimenſem percurſavit ditionem, & manipulos in horreum Domini cum exultatione portavit. Sed recruduit per Annum 1612. priſtine tempeſtatis cicatrix, novisque promulgatis interdictis, ut Christianos Pater ſolaretur, nocte potiſſimum & alieno cultu tectus, raſo more gentis ſincipite, & reliquâ in nodum ad occiput caſarie collectâ, omnes concuſabat. Verùm exeunte A. 1614. cum reliquis proſcriptus, & Macaum remenſo Oceano repetere coactus, antiquam ibi induſtriam ſuâ in procuranda omni ſtudio indigenarum ſalute renovavit; donec A. 1617. mutatâ veſte atque oris figurâ, per ingentia maris & piratarum diſcrimina Nangasachum revedus, Arinam è veſtigio ad ſuos ſe retulit. Hic ille nonnullorum exemplo, quos odio Chriſtiæ Fidei turbo tempeſtatis involverat necaverâtque, quanto ejusdem ſortis deſiderio exarſerit, nemo melius, quàm ejus literæ teſtari poterit. *Vadimus propagatum Sanctam Fidem Catholicam*, ſcribit ipſe ad Fratrem natu majorem in Italiam, & *utinam facit Deus, ut pro ejus amore in illius conſirmationem diſſerim mille in fruſtra; quippe quæ ſoret unica gloria mea; idq; vehementer à DEO eſſagito, cupique & te, & omnes neceſſarios noſtros idipſum mihi obnixè ſugitare.* Et iterum ad eundem: *deſidero à te, inquit, dici, vel certè curari terna aut quaterna Sacra pro anima mea, quæ pro veteris cujuſdam deſiderij mei adeptione proſpere conſido, ut nempe pro Deiejus q. Sanctæ Legiſtudio, non inquam in Crucem agar (nimia id enim dignitatis & honoris ſit) ſed ut mille in partes dilacerer.* Hoc illud eſt quod expeto, quod deſidero, & *ſpero me compotens à DEO factum iri.* Et ad P. Fran-

P. Franciscum Pavonium Arimâ: Fateor R.V. *duo me dum vivo vehementer ac sapius expetivisse, ut de Societatis ineunda desiderio sileam; alterum venire in Japoniam ad harum gentium conversionem, & hujus jam compos effectus sum; alterum, emori (ô utinam!) in Cruce pro eo, qui amore mei pependit in Cruce; quo quaquam indignus, confido me tamen consecuturum, quoniam ibi quidem gentium sum, ubi irrogantur indies Martyria. Interea loci hoc satis habeo, si DEO desiderium hoc meum obtuleri; sed R.V. vehementer oro, ut hanc mihi gratiam à DEO exoret pro sua gloria, & gentis hujus conversione.*

Quis autem enarret infinitas calamitates, acerbissimas erumnas, quas 20. annorum spatium in difficillima illa Japoniâ cultura exhaurire necesse fuit: in quibus trium in Japonia Imperatorum persecutiones expertus

est, Daifusamâ, Sciogunsamâ, & Tosciogunsamâ; ab isthoc demum, quam diu persequebatur, gloriam adeptus. Inter lustrandam Arimensem ditionem, haud ipsâ Arimâ procul, in apparitorum insidiis unâ cum socio Joanne Kidera incidit, à quibus comprehensus, inque custodiam abductus, diuturnâ calamitate maceratus est. Postea manicis compedibusque innexus, præcone præeunte producit, pèrque vicos & oppida Arimensia, contumeliosè circumductus, fannis ab insolente plebecula & probris appetitur. Demum Scimabarâ ferali foveâ die 25. Aug. pronò capite insertus, pendens è pedibus die 28. ejusdem mensis (Kidera autem 29. tormento mirâ constantiâ tolerato) laureatam animam expiravit, ætatis suæ A. 56.

à suscepta Societate 37.

JOANNES YAMA.

Suspensum simile elegit anima Joannis Yama, priusquam datam fidem Deo ejuraret. Quo tempore ita plerique etiam sæculares Neophyti ardebant Martyrium, ut unus ijs dolor esset, doloribus in causa Fidei non emori. Sanè aternâ dignum memoriâ est facinus ejujusdam Arimensis Neophyti. Hunc amicus Ethnicus eripere sententiæ conabatur, sed cùm nihil suadendo profecisset, chirographum, quàm proximè potuit, imitatus, velut Neophyti manu conscriptum ad Judices detulit, quo ille fidem Christi ejurabat. Sensit hoc Neophytus, & mox quatuor alijs Neophytis testibus comitatus se ad Judices confert, & multis ferventer de injuria imposturâque amici questus, non fidem, sed amicum illum, ejusque chirographum ejurare se dixit: testatus eum sibi amicum esse non posse, qui se malis artibus à Christi Cruce & Martyrio avertere conaretur. Amplius aliquid præstitum est Nangasachi ab imbelli sexu: nam cùm adverterent mulieres, solos Viros à Regijs Ministris in censum Fidei causâ referri, nè idcirco à laurea Martyrij excluderentur, virilem complures vestitum induerunt, ut in Candidatorum mortis numerum & ipsæ hæc arte venire possent. Nec inferiora istis fuere puerorum Martyrij desideria. Sanè in Regno Devano Joannes Catauneme, sanguine inter suos illustrissimus, cùm post varias oppugnationes victor, de inferenda sibi in Fidei odium nece nihil jam ambigeret, pridie quàm comprehenderetur

Filiolum suum septennem his verbis aggressus est: *quid facies filii, si te satellites rapiant? pati te comburi virum, vel potiùs fidem relinques? Et tu, reponit Filiolus, quid facies Pater? Ego comburi mesinam, inquit Parens. Ergo ego multo magis, subjungit filiulus. Age ergo, inquit anxius de constantia pusionis Pater, periclitemur an vera dicas: & ad ignem adiens, hic, ait, prunas cape, & prius è manibus non abijce, quàm jussero. Aperuit mox palmulas palmaris puer, & impositas prunas, ambustâ licèt ad carnem pelliculâ, immotus sustinuit; donec Pater abjici juberet. Quo rogante, an ignis ureret? respondit parvulus: *pussilli animi fore illum, qui paratus pro fide comburi virum, tantillo spatio trahere prunas manibus non posset.**

Atque hæc & similia ex Patrum Societatis disciplina, quotidiana penè fortitudinis prodigia, incredibiliter eorundem animos, atque inprimis Joannis Yama eorundem popularis, ne tot annos in Societatis disciplina educatus, minùs secularibus pro Deo posse & audere videretur, accendebant. Natus ille fuit Tzunocuni in Japonia, & Societ. A. 1586. auctoratus, 47. annis sub vexillo Christi stipendia meruit: quo toto tempore gentilium suorum salutem strenuam navavit operam, totum passum illud Imperium, quàm vastum est, pervagatus, ubique Christi Legem egregiâ, quâ pollebat eloquentiâ, allèrens, nihil incommoda, nihil moratus crebra & propè quotidiana vitæ pericula. Interim extorris Patriâ propter fidem cum ceteris Macai



Ioannes Iama Japon Soc IF. SV. pedibus in scrobem pro Fide Christi suspensus, et necatus in Iaponia, Iendi in Septemb. A. 1633.


C. Secreta d

M. Kurell. f

substitit aliquantisper: unde reversus ad suos, salutarem illis, sibi sanè quàm laboriosam instauravit operam, usq; ad A. 1629. quo comprehensus est in extrema ad Orientem Japonia, dum Regnum Vosciu, vexatam ibi confirmaturus Ecclesiam, peragraret. Jendum Urbem Regiam in vinculis deductus est, atq; in ijs quadriennio detentus. Cum verò produceretur ad decretum Imperatoris sententiæ supplicium, postulato instrumento scriptorio, elegantissimâ formâ verborum exaravit sententiam, quâ Japoniam afferebat altis offusam tenebris relidere, Japones ceu luce orbatos, pessumire præcipites in exitium sempiternum, dum ab Evangelij sole oculos avertunt. Perlata continuò ad Urbis Gubernatores ea scriptura, prorogandi aliquan-

tisper supplicij, quòd eum ad Idolorum cultum magnopere averent reductum, causam dedit. Igitur in custodiam revocatus, admirabili Numinis in suos electos providentiâ, compluribus ibi salutis fuit, quos Fidei doctrinâ jam antè satis imbutos, sacro lactice, quod non potuerat antea, tinxit: multos Procerum ejus cognoscendi alloquendi; studio venientes ad carcerem, suâ prædicatione subiecit, agnoscere, nulli ad salutem, nisi in Christi Fide viam patere. Sed demum Tosciogunsam Principis Imperio morte damnatus Jendi, lupinis pedibus dependens umbilico tenus tenebroso in specu, exeunte Septembri A. 1633. triumphavit de Tyranno, annû agens ætatis 67. in Societate 47. Gradum fortius Coad-jutoris temporalis.

P. MICHAEL



P. Michaël Pineda Japon Soc. IESV, exclusus odio Fidei Christianæ omni hospitio, calamitatibus, et aeris intemperie triduo extinctus Nangasacki in Iaponia. A. 1633. extinto Septembri.

C. S. d.

M. K. f.

P. MICHAEL PINEDA.

A Macusa Regni Fingensis Insula P. Michaëlem Mundo dedit in vico Sciki, Virum magnis ornatum virtutibus, sed humilitate maximè, obedientiâ, Charitate in Deum & proximos, ardentique eorum iuvandorum studio spectatum; quo in opere totam ferè exegit aetatem. Quo tempore Daifusama fatigavit Ecclesiam, ipse in Philippinas deportatus; inde post aliquantum exilium redux, otij & desidiæ impatiens, ad Apostolicos labores se retulit. Quas calamitates & ærumnas longo annorum tractu, temporibus acerbissimis, inter oculatissimos undiq; exploratores fortiter toleraverit, non attinet

dicere: cùm ea facilè queant ex sævitia Principis insectantis æstimari. Porro tam ingeniosa tum evaserat ad misellos Neophytos à Fide deturbandos Tyrannis, ut vix ulla tormentorum, vel crudelium fraudium facies excogitari posse videatur, quæ in usum non venisset; quos ut fortiter superarent illi, necessaria penitus erat verbo & exemplo excitantium Patrum præsentia. Inter alios Titus in Regno Bungeni vir nobilis, cum Marina conjuge duos habebat filios, Matthæum novennem, & Simonem annorum 16. & Martinam annorum 14. Hic evocatus à Rege, cùm nec precibus, nec minis à Fide possit dejici, domum remissus, mox jubetur postridie

Zz 3

per

per submissum nuntium, si nolit Christum ejurare, filium minorem ad Tyrannum mittere, vitâ vel Fide spoliandum. Mittit illum Parens intrepidus, fortiter antè, pro ætatis capacitate animatum. Biduo post rediit nuntius, Matthæo extincto, Filiam ut mittat jubet. Quâ similiter dimissâ; post aliud biduum petitur & Simon: cui valedicens Pater, *Fili mi Simon, inquit, vade, & si quæ sanguinis in Palatio aspexeris vestigia, intellige eas esse notas constantia germanorum tuorum: ac vide ne degener sis, quem atas ipsa debet reddere fortio-rem.* Aliquot lapsis diebus nuntiatur Tyrannus & Simonem peremptum, uxorem ergo, nō respiciat, necandam mittat. Acquiescit uxor & maritus, certus tandem illam cum liberis in tuto jam positis, & ipse sequi. Igitur evocatus ad Regiam, cum infractum penitus animum etiam ad sua supplicia, omnium stupore, præferret, restituntur ei tum quidem cum conjuge liberi omnes: quos ubi domum reduxit, narrat singuli quid ipsis in Palatio ad frangendam constantiam evenisset. Re-ferbat Matthæolus, præter truces carnificum aspectus, ignem & gladios intentantium, præter virgarum dirè incussa verbera, frigidissimo Cælo gelantem aquam corpusculo esse affusam. Idem tulerat conjux Marina, ad-jectâ probrosâ, quæ morte durior Japonijs ac-

cidere solet, membrorum omnium denudatione. Martina insuper trium dierum fame macerata est. Simoni utrumque brachium itâ in catasta retro distorserant, ut suis sedibus crudeliter luxarentur. Quæ tamen omnia incredibili nimirum omnibus erant solatio, quia in Christi gratiam tolerata. Inter hæc in dies Tyranni augebat rabies, in Patres potissimum, à quibus omnem hanc in Neophytos derivari firmitatem non ignorabat, penitus exterminandos, quibus percussis, non dubitabat dispergendas a se facillè oves gre-gis. Itaque cum exquisitissimâ sagacitate, Michaëlem investigarent, & quolibet demi-grantis vestigijs penè inhærerent explorato- res, hospes, ad quem ultimò Pater agro cor-pore diverterat, desperans, inde quidem cum apud se occultari posse, inde autem pœnarum quæ in receptores Sacerdotum tulerat acer-bissimus Imperator, atrocitatem reveritus, nocte tempestatibus ac procellis horridâ eum ab se silentio dimisit. Pater cum quò se reci-peret non haberet, omnem illam imbrum & auræ inclementiam invalido infirmoq; cor-pore sustinere compulsus, ad extremum inde agonem, postque triduum ad ipsam mortem deductus est Nangasachi, extremo Septem.

1633. ætatis 56. Societa-
tis 26.

THOMAS RIOCAN, LUDOVICUS CAFUCU, DIONYSIUS YAMAMOTO.



Durima equidem miracula eve-nire hæcenus in propagatione Sanctæ Fidei; at ego miraculum aliud illustrius haud esse puto, quàm quòd externi aliquot & pannosi Sacerdotes, balbutiente adhuc ad Ja-ponicum idioma linguâ, potuerint apud gen-tem sagacissimam juxta ac superbissimam efficere, ut sua rejicerent dogmata, externa probarent; idque tantâ firmitate, nihil ut du-bitaverint ad cauenda fortunas, Principum favorem, carnis illecebras, vitam denique, ipsam prodigere, eâ alacritate, quantâ in ho-rum opposita à natura ferimur. Testis est cum tot exulibus Justus Ucondonus Prin-ceps, uti olim fortunis omnibus, itâ in suo exilio virtutum ditissimus: qui etiam dum ærumnis exilij confectus, lætissimus in coro-na Patrum nostrorum moreretur, inter reli-qua & istud edixit: *Ad uxorem, filias, nepotes-que quod attinet, omni curâ liber morior, Exu-*

les Christi sunt, hoc unum sat'is est. Testis etiam ille eximius Arimensem Christianorum ser-vor; qui dum Sacerdotes nostri in exilium agerentur, ut suum sibi retinere liceret, Le-gatos ad Dynastam misere, qui hoc ipsum peterent. Quod si concedere nollet, certum sibi esse sciret, fortunas, uxores, liberos, Pa-triam, vitâque ipsam, in hac causa prodi-gere. Evocati postmodum Arimam, cum se morituros in odium Fidei sperarent, nemo fuit, qui non vestem sibi, uxori, liberisque etiam tenerimis ad Crucem subeundam comparâre. Fuit quin aliquis, qui Crucem Japonicam sibi dudum fabricarat, ut si forte in eam agi juberetur, domi paratam carnifi-ces invenirent, nec in ea fabricanda sua vo-ta differrent. Neque id animi robur (quod mirare) teneriori deerat ætati. Pueri cui-piam, cum nescio quis è Prætoris satellitio Corollam precatoriam è collo suspensam cri-minaretur, eam à puero exigit magis ter-
rendi



Thomas Riocan, Ludovicus Cafuchi, Dionysius Yamamoto Iapones, Soc. I. E. S. V. vivi lentis ignibus pro Christo cremati. Cocura in Iaponia A. 1633 in Septem.

C. Sereta d.

M. Kuss, II.

rendi causâ, quàm quòd id in mandatis haberet. Quo negante Christianum posse Fide integrâ res sacras Ethnico tradere; *At, mactabo te*, inquit satelles, *nisi dederis mactari*, reponit generosus puer, & ingenua mox provolutus cervicem aptat, junctis ante pectus manibus cum præstolatur. Satelles constantiam pueri admiratus, puerumque suaviter complexus, illasum dimittit, mirandam Christianorum Fidem ubique discitans, quæ vel in pueris tanta operaretur.

Nec minùs mirabile & illud est. Ad futurum Martyrium, quod unice desiderabat, Thomas quidam Nobilis unâ cum uxore & 7. prolibus se comparabat, jamque dudum vestes sibi consuerant ad Crucem modestè subeundam. E prolibus vivebat una in vici-

no pago, conjugio jam illigata; quæ cum audisset in Parentum ædes venturos milites, Parentem captivaturus, cum tribus filiis suis ad ædes paternas occurrit, discitans se ideo venire, ut de se & filiis Sacrificium DEO offerret in odorem suavitatis. Interim satellites trecenti in eum vicum cum Judice irruunt, & ad defectionem Christianos quâ blanditijs, quâ minis sollicitant. Filiolus Thomæ nondum sexennis milites adesse jam videns, crepundia sua inter æquales distribuit, asserens ea sibi impofterum nulli usui fore, cum pro Domino JESU mactandus esset, & in Cælo meliora habiturus. Tandem eum Judex videret in Fide obfirmatos, neque in omnes sævire vellet, jubet recedere satellites. Ex ijs quidam nè nihil omnino egisse vide-

viderentur, è Thomæ filijs unum terræ allidunt, eique per vim sacram Agni thecam eripiunt. Et ibant iactabundi, quasi huic suam Fidem rapuissent: verùm ille cùm affurrexisset, abeuntes insequitur: *Et cave, inquit, thecam per vim ereptam velut signum prodite à me Fidei ostentetis; quod si feceritis, Dynastam ipse ego accedam, & columniam refutaturus protestabor, nos omnes in Fide persistere, vos verò imbelles in nos saviere ausos non fuisse.* Quo audito ita affecti sunt, ut vel metu, vel potiùs virtutis admiratione permoti, suam mox adolescenti thecam restituerint. Et hæc quidem agebat ætas tenerior. Quanta verò ex amore agnitæ semel Fidei perpessa sit ætas provectior, longum foret singula recensere. Complures jam vel ex Societate sola recensui Japonæ varijs tormentorum generibus in odium Fidei enectos; nunc rursus memorandi veniunt terni, qui lentos ignes fortissi-

mè toleravère. Omnes tres nati Japonæ; Thomas Riocan Amucasâ Fingenfis Regni Insulâ; Ludovicus Casucu Arimâ; Dionysius Yamamoto Firocimâ oriundus. Omnes primum in Seminarijs Patrum Societatis in virtute ac literis instituti, diuturni postea eorundem in Apostolicis laboribus, in munere Catechistarum comites, laborum & arumnarum, in Patria & exilio, denique periculorum etiam & triumphorum consortes. Ad extremum comprehensi sunt cum Patribus, quos comitabantur. Dionysius cum P. Acosta, Ludovicus cum P. Benedicto Fernandez, Thomas cum P. Juliano Nacaura, & in custodiam Nangasachensem compacti. Ibi legitime in Societatem cooptati, & Cocuram abducti, lentis ibidem ignibus, in odium prædicatæ defensionæ Fidei triumphabundè occubuerunt, mense Septembri.

A. 1633.

JACOBUS TACUSCIMA.



odem mense & anno, simili prorsus mortis gloriâ dignatus est D E U S Jacobum Tacuscima, qui Sciki Japoniæ oppido in manus adversariorum delapsus, ibidem vivus incendio deflagravit, priùs in carcere Societati legitime aggregatus. Et verò merebatur ille jam dudum, quam flagitabat Societatem, egregijs suis in rem Christianam promovendam laboribus: nam in Seminario nostro à puero educatus, semper deinceps Patribus adhæsit, quàm eloquentiâ disertus, tam vitæ exemplis potens: quibus artibus multos Ecclesiæ conciliavit, multos in Fide nutantes confirmavit, plurimos ad fortiter tolerandum animavit Martyrium. Quoniam verò ultimus ille ignis supplicium in Japonia è Socijs sustinuit (deinceps enim in omnes sæviturus est horribili illo in subiectam scrobem suspendio) dignum hic ægergratum lectori facturum arbitror, si prædictario retulero, quàm magnanimitate illud perpessi, quàm solennitate reliqui profecti sint eos, qui primi illud ex Japonibus toleravère.

Primum ignibus in Christianos sæviit Arimensis Dynasta, & octonas ad incendium damnavit victimas A. 1613. Adrianum cum Joanna conjuge, Leonem cum Martha, & Jacobo ac Magdalenaprobibus; Leonem item alterum cum Paulo Filio. Ubi de pronuntiata in eos sententia constitit, Præfecti Soda-

litiorum, jussu Sacerdotis nostri, Neophytos omnes de futuro intra dies paucos Arimæ novo spectaculo monuerunt. Vigniti Christianorum millia tantâ festinatione concurrere, ut nemo de comiteatu adferendo cogitaret, vel oblivione corporis in Divina rapti, vel quod morituros se omnes sperarent. Arimenses tamen Neophyti hospites hos modestis excipiebant epulis in latissimo agro Arci subiecto, unde Dynasta ipse oculis spectare posset multitudinem. Quæ cùm ejus offenderent oculos, edici jussit, nisi secederent, se directis in eos præsidij tormentis, immisissisque sclopetarijs omnes confecturum. Sed illi tum demum exultare spe Martyrij, condensarèque se in globum, nè glans ulla temerè periret. Metuebat Dynasta Christianos convenisse ut igni destinatos eriperent; sed cùm inermes illos ardere mallet, quàm destinatas victimas aris eripere demum videret, ad executionem latæ sententiæ processit. Ergo intra primum ab oppido lapidem, in latissima planitie lignea domus, templum dices ad exurendas victimas, extruxit, columnis octo incumbens, ejus tectum stramine, arundine, lignisque ad concipiendum ignem accommodatis insternitur. Circum ædem ipsam crassiora repagula arcendæ multitudini altè designuntur; spatium quod est à repagulis ad columnas, ignium pabulo completur, ut inde sensim adrepens ignis, ad columnas alligatos lentè torreret, donec



Jacobus Tacuscima Japon Soc: IESV, vivus pro Fide lento igne exustus, Scilicet in Iaponia 30. Septem: A. 1633.

C. Sereta d.

M. K. f.

donec in tectum evadens, flammis omnia simul involveret. Interim monentur victimæ, aram Sacrificio futuro (dies erat 7. Octobris) instrui; ad quam vocem omnes exultabundi ingenua provolvuntur, DEO sibi que proximam sortem gratulantes. Non defuit illis in hoc agone nostrorum Sacerdotum auxilium, quorum operâ cum peccata expiassent, seque Sacro ad hoc iter Viatico, paulò antè quàm in ultimam clauderentur custodiam, confirmassent, admirabiliter exarserunt. Comitari tamen illos à Christianis prohibiti sunt, nè si pronuper Regno ejecti, publicè nunc comparerent, irritatus Tyrannus acriùs in eorundem ejectionem, cum jactura in perpetuum talis subsidij, incumberet. Itaque per Sodalitiorum Praefectos totâ re à PP, nostris

designatâ, multitudo in sua Sodalitia dividitur. Seni incedebant, incensos cereos vel Rosaria manu gestantes, supra viginti Christianorum millia, octo victimis in medium agmen, inter duos Sodalitiorum Praefectos receptis, & qui viri inter eos erant, candidam Sodalitij vestem superindutis, mulieribus autem exquisitissimè ad diem summæ solennitatis adornatis. Manus omnes habebant revinctas, puero Jacobo annorû 11. excepto, qui ut vinciretur impetrare non potuit, negantibus ministris se pro puero vincula habere. Volebat è Neophytis quispiam eundem in humeros tollere, ad quem ille, *permitte, inquit, me peditem certare; Ducem nostrum sequimur, ille non equo, non sellâ montem conscendit, sed Cruce suâ onustus. Satis tibi sit quod Cruce*

Anna

carce:

sareo: labori nunc indulgendum, aternitas nobis longam & securam quietem parat. Nemo fuit cui non lachrymas ea vox civerit; nec tamen Jacobus bajulum suum, quin violenter eum in humeros suos attolleret, exoravit. Insuper universa multitudo aternis invicem Litaniis omnium Sanctorum decantabant, plerisque lachrymas copiose fundentibus, donec ad locum supplicij ventum est: ubi columnam quisque suam multis osculis & amplexibus tenerrimè consalutantes, ultro vincula, quibus adstringerentur, inducebant, circumfusâ multitudine latis aggratulationibus eos prosequente. Sed Leo Cayemon priusquam colligaretur, in testum evadens, magnâ vi omnes contestari cepit ad perseverandum in Christi Fide, pro qua alacres ipsi morerentur. Gaspar autem, supremum Sodalityorum Arimensium caput, ut erat à Patribus instructus, Christi ad columnam flagellati imaginem explicans, in hastili sustulit, in hæc verba exclamans: Ecce, quem apertissime nunc ad columnam alligati refertis! ille, ille, cujus causa mortem expectatis, vivit & regnat in Cælo, ille vos certantes intuetur, Fidem in se vestram coronaturus: ille vos ad gloria januam præstolatur. Quæ ubi dixisset, simul ex omni parte incendium excitatur: cujus vim sanctissimæ victimæ, dum ad se pertingeret, votis suis prævenientes provocabant. Eorum vota circumstans multitudo suis profecuta, in genua provolvitur, plerique Symbolum Apostolorum pro Fide certantibus præcinebant; alij cum propius jam urgeret incendium, pectora tundentes, magnis vocibus lamentabili ejulatu permixtis, DEI misericordiam inclamabant. Victimæ interim nostræ suos ignes intrepidæ, socios gratulabundæ, Neophytos circumstantes modestæ spectabant: donec ignis, qui jam diu suâ propinquitate lentè torrebat, eas penitus involvit & incendit. Leo ille Orator ex quo co-

lumnæ alligatus fuit, oculos cælo uti semel fixit, ita nunquam revocavit. Alter Leo Suqueyemon tanto impetu flammis urgentibus animam emisit, ut inclamans Sacra JESU & MARIÆ nomina, supra omnem naturæ vim, rugijse potius, quàm locutus videatur. Si quidem non obstante flammarum crepitantium fragore, neq; circumclamantis multitudinis murmure, nemo unus fuit Ethnicus aut Christianus, quem non vox illa distinctè perculerit, & ultra spectatorum coronam procul sese in campos intulerit. Magdalena verò non ætate solum, sed & voto annis antè aliquot concepto, Virgo, cum ignis funes adhuc spiranti solvisset, non refugit incendia, horrente naturâ, sed ardentes prunas utrâque manu colligens, capiti suo venerabunda proferto imposuit, & pacatissimè succumbens, in Domino obdormivit. Quid Jacobus Magdalensæ fraterculus? cum idem ignis sua vincula dirupisset, per medias flammæ & incendia ad Matrem accurrit, ejusque complexus genua, cum ab ea hæc verba audisset: *fili mi! Cælum intue, fili mi!* JESUM & MARIAM ter invocans, & in parentis sinum corpusculum reclinans, suavissimè exspiravit. Quid inter hæc spectatores Neophyti? cum advertissent hostias jam omnes in odorem suavitatis exhalasse, ultra se non continuerunt, quin repugnantibus frustra ministris in medios ignes involarent, sacras exuvias erepturi. Et licet ambustis vestibus corporibusque, ignis vestigia secum retulerint, nullum tamen doloris sensum fuisse referebant, cum intrepidè prunas & stillantia cadavera extraherent. Sacra eorum corpora Nangafachum ad Patres nostros delata sunt, reliqua verò quæ incendio superfuissent, ligna, columnæ, prunæ, cinis ipse collectus, in hodiernum diem

à Neophytis religiosè aservantur,

P. BENEDICTUS FERNANDEZ, & P. PAULUS SAITO.



On distraham narratione hosce heroës, quos & triumphus junxit, & occulta quædam sympathia, ut nec mori alter sinè altero potuerit; mortuorum verò cadavera dum ad rogam comportarentur, ad mutuum contactum, stupendo miraculo sese consalutârunt, & felicitatem suam

Lusitano Japoniôque sermone, audientibus satellitibus, sibi invicem gratulata sunt. P. Paulus Tambæ in Japonia natus, educatus fuit à PP. Societatis in Seminario; multo deinde sudore, laboribus, ærumnisque in prædicatione Fidei per annos 26. quos in Societate exegerat, toleratis gloriosus. P. Benedicto Borba Transpagana Regionis in Lusitania op-

pidum



P. Benedictus Fernandez Lusitang, et P. Paulus Saito Japon. Sæc. IESV, suspendio ex pedibus in scrobem, et posterior quidem totos septem dies tolerato, pro Christi necati Nangasacki in Japonia. 2. Octob. A. 1637.

C S J.

pidum patria, & genus Nobile fuit. Præbuit hoc olim adolescens Christianæ modestiæ pulcherrimum documentum, cum hortante quopiam, ut abrogato nomine, quod vulgare esset, clarum aliquod & illustre adscisceret; constanter renuit, cum diceret: se DEI gratiam, quam in baptismo cum illo nomine susceperat, cum eodem nomine tueri, atque augere pro virili velle. Huic accepimus P. Vascum Pirez claræ virtutis Virum, pulsatis leniter humeris, aliquando futurum dixisse, ut Martyrij compos evaderet: & eventum comprobatum est, non fessellisse vaticinium. Societati se pene puer, annos 16, natus in Lusitania addixit; & septimo post anno, qui fuit hujus sæculi alter, in Indiam ductore P. Alberto Laërtio transmisit. Indè quarto post an-

no, & sexto sæculi perrexit in Japoniam, ubi eum eventus Pirezianæ vaticinationis manebat. Egregiam ibi operam eximio cum fructu, tum Indigenarum, tum externorum, totos 27. annos navavit, in Regnis ejus Imperij compluribus. Celebris in paucis ea fuit excursio, quæ per annum 1620. cum essent obsita periculis omnia, pervagatus est Regna Omi, Mino, Isci, Micava, Totomi, Surunga, Quanto, Sangami, Musasci, Ovari, cujus Urbem principem tendum, Toscioguni Regiam, eâ quoque occasione lustravit. In ea expeditione vix cuiquam credibile sit, quantum perpeffus sit famem, noctibus solis itinera, & diebus latibula in sylvis prosequens: quantum adierit discriminum, quot sustinuerit hominum efferatorum incurfus. Ipse

verò indefessus ad omnem laborem, administrare Sacramenta, Fidem ubique prædicare, sæpe alias induere atque alias formas, ut necessitas cuiusque præsens postulabat, aut suggererat caritas. Inopem elephantiam laborantem ut solatij causâ conveniret, Medicum assimulavit, eaque specie fefellit Ethnicos familiares. Sæpe cum Gubernatores acri indagatione perquisivère ad pœnas, quòd, cum è veterum eset, præcipuisque Præconibus Christianæ Fidei, toto latè Regno celebraretur. At Benedictus è medio opportunè digrediens, in cava rupium, atque abdita nemonum tantisper se abdebat, dum eorum vesanus ardor deferveret, sæpe ibi cum fame, siti, nuditate luctatus, dum armato circum satellitio tanquam indagine cingitur. Nonnunquam cum ipsis miscuit quæstitoribus sermones ignotus, & eorum sagacitatem dubiâ formâ distractam, animi præsentis ausu delusit.

Demum Nangasachi 30. Julij, & P. Paulus haud multò post Sciki comprehensus, & Nangasachum iidem ad custodiam deductus est. Benedictus inter armatas peditum acies equo sublimis, sicuti triumpharet invehctus, & ad Præsides introductus, ita eos suâ comitate demeruit, ut dicerent, ejus liberale tum genus, tum ingenium, abundè ijs in moribus elucescere. Quâ vili laudatiunculâ ac si viri fortissimi animum debilitassent, ut à Veritate ad suas partes descisceret, sollicitare capèret; quibus ille contrafacto ad severitatem vultu, *mirari se, inquit, Viros cateroqui claros, tam indigna & indecora sibi, quem crederent ingenuum, assos suadere.* Tum illis libellum Fidei suæ tesseram exhibet, cui suo sanguine atque animâ vindicandæ & asserendæ, suum illis corpus ad omnem pœnarum atrocita-

tem ex sua libidine irrogandam, promptè ac perliberaliter permetteret. Illi videri commiserescere; sed quia verebantur Imperatoris iram indulgentiâ provocare, Benedictum pœnâ spectis damnârunt, & ejusdem confortem sententiæ P. Paulum fecerunt. Igitur die 26. Septembris ambo è custodia producti, suspenduntur inversis corporibus è trabe, mediâ sui parte humo depressi, lucis atque auræ exortes, arctè circumligati, ut lento sanguinis & viscerum in caput defluxu, tam diu fatigentur, donec inediâ contabescant. Postquam pependère simul horas viginti sex, P. Benedictus animo visus deficere, de tigillo deponitur, ne brevem mortem miles tam generosus occumbat; & in custodia fomentis recreatur, ut cum instauraverit vires, sulphuratis excrucietur aquis montis Ungeni. At P. Paulus 7. ipsos dies, omni vescendi copiâ destitutus, in suspendio perstitit, tantâ mentis viriumque præsentia, ut attonitos ejus fortitudinis admiratione custodes, cum ad se propius accederent exploraturi, quid ageret, elatè jubere voce abs se longius facessere, ne suæ gloriæ scilicet intercederent; ajebâtque non antè se quàm P. Benedictum hinc excessurum, cui cupiebat ut vitæ, ita mortis etiam confortione sociari. Ergo septimus ubi dies advenit, is fuit 2. mensis Octobris, P. Benedictus in carcere seiscitatus, *equid ageretur cum P. Paulo? an num etiam superaret, ac viveret?* ut intellexit eum animam agere, & è vestigio editurum: *Hoc num,* inquit, *presolabar:* & sublatis in Cælum manibus, eodem propè momento simul uterque, alter in speculater in carcere, felices animas edidère.

P. JOANNES DE ACOSTA, cum duobus Socijs.



Zeytanum nobile in Lusitania oppidum, Ducum Averenſium sedes, P. Joannem de Acosta tulit, quem India mense Julio A. 1591. acceptû, & 16. ætatis anno Societati adſcripum, Japoniæ A. 1604. transdedit. Ibî vir inclytâ virtute, & in primis ſui deſpicientiâ, parendi ſtudio, precatationis aſſiduitate, caſtigandi ſui contentione, ſed multò maxime flagrantia caritatis inſignis, inter ærumnas & pericula, decennio ſtenuam Chriſtianis fovendis, Ethnicis erudiendis, operam indefeſſus attulit; donec ab Daiſufama Macaum ejeſtus, ibî navæ ſpeciem con-

tinuò, quâ deliteſceret, induit, & celeriter in Japoniam pro Navarcho renavigavit. Quantum reliquo ibî tempore calamitatum hauſerit, quantum exantlârît laborum, evaſerit periculorum, quis unquam adumbrare, nedum exæquare, dicendo queat? Dum Regna illa percuſſaret, ubi eum dies defecerat, in agro, in ſilva, in ſolitudine. ſub dio, ſub arbore, ſub antro pernoctabat: promiſcuas in ſaltibus baccas, herbas, radices vellebat ad viſum. Novem diebus in profundo delituit, quo perſunem illi cibatus fuit dimittendus. A. 1629. tres ipſos menſes, ob exploratorum, qui in ipſum intendebant, numerum & ſagacitatem,



P. Joannes de Acosta Lusitanus, P. Sixtus Tocum, et Damianus Fucaye Japonici Soc. IESV post toleratum primus 4. postea ceteros vero 8. diebus fossa tormentum pro Christo mortui Nangasacki in Japonia 8 et 9. Octob. A. 1659.

C. S. d

M. F.

etatem, coactus est in subterraneo specu inter dumeta, procul habitata loca delitescere, nunquam inde elato pede, sola ea veste frigus asperissimum defendens, qua consueverat uti in sole; orizæ & frigida pauxillo vitam retinens, quæ clam illi suppeditabat ex intervallo pius quispiam è Christianis; unde tandem semi mortuus, ubi paululum confervavit, eductus est. Postremo in Regno Suvo die 24. Aug. A. 1633. comprehensus, Nangasackum trahitur, atque in custodia vinculis attingitur; donec die 5. Octob. sub meridiem productus ad supplicium foveæ, obvium habuit Christianum Japonem, qui studio pietatis seu vero, seu obtento, aliquod ab eo sui monumentum poposcit. Sed accepta repulsâ, ferro petijt ejus auriculam, abscessumque

Lupo Sarmento Carvallio Equiti Lusitano, Japonicæ navigationis Præfecto, cruentam adhuc manantem sanguine, religiosi pignoris loco dedit. Pependit medius in specu Pater duos inter Socios, & quarto à suspensione die 8. Octob. ex ijs foveæ tenebris in lucem sempiternam excessit, natus annos 58. à suscepta Societate 42.

Socij suspendij fuere P. Sixtus Tocum, & Damianus Fucaye, Japon uterque: Ille veteranus in Societate miles, natus in Regno Jyo; qui ab ineunte ætate in Seminario eductus, A. 1589. in Societatem adlectus est, Vir spectatâ demissione animi, obsequendi celeritate, paupertatis ambitione, caritatis ardore. Multum suis popularibus quâ Cathichismis, quâ Concionibus annos complures,

varijs in Provincijs ad salutem conduxit. A. 1615. exilio cum cæteris damnatus, per eam occasionem Sacerdotio initiatus est, unde A. 1616. revertens in Japoniam, multos exinde animarum causâ labores adiit, multas ærumnas perpeffus est, cum luculento lucris spiritualis proventu. Scrobi cum P. Joanne de Acofta infertus, quinto demum die sub vespere 9. Octob. feliciffimè expiravit, annos natus 63. in Societate 43.

Damianus Fucaye Arimenfis fuit, qui educatus in Seminario, Catechismi traditio-

ne imprimis excelluit; virtute, & fuorum juvandorum studio inclytus, pluribusque annis P. Provinciali comes additus. Demum ut cætera vitæ anteaftæ ornamenta gloriosè coronaret, Nangafachi in vinculis ad Societatem admissus, ibique in speluncam ex pedibus fufpenfus, die quinto fufpendij è vita difceffit.



P. JULIANUS NACAURA, cum quatuor Socijs.

Uso tot heroum sanguine, veluti efferrata Tyranni rabies, rursus 18. die ejusdem mensis & anni aliquot è Societate diversis locis & tēporibus comprehensos, Nangafachi produxit ad ferobis supplicium. Agmen eorum duxit P. Julianus, qui Augusto Regum sanguine in Japonia natus, Nacaauram, unde & cognomen traxit, locum habuit natalem. Admodum puer Sacris Christianis imbutus, Romam (ut in vita P. Mesquitæ dictum est) cum tribus alijs Illustrissimis adolescentibus, Mancio, Michaële, & Martino, ad summum Pontificem à Regibus Bungenfi, Arimenfi, & Omurenfi, quos sanguine attingebant, legatus est. Qui omnes ubi in Patriam sospites redièrunt, humanis rebus addictis, Societati nostræ se mancipârunt 25. Julij A. 1591. quo tempore Julianus annum ætatis 22. attigerat. Sed erat in eam tum ætate tanta mentis excelitas & fortitudo, ut dejecti de sententia ingrediendæ Societatis nequirit, omnia Necessariorum invitamenta generosè despiciens, nec procellam reverens, quæ jam tum in Christianos à Cambacundono excitata gliscebant. Post operam latinis literis, quanta sat erat, & Morali Theologiæ triennio impensam, inauguratus Sacerdotio ad animarum lucra se totum convertit. Quo in opere plurima perpeffu aspera toleravit, longissima suscipiens itinera, infrequentium studia latebris & fugâ eludens. Nunquam gerulorum brachijs deportabatur ad confirmandos Neophytos, & ad Martyrium fortiter subeundum cohortandos, dum jejunijs & ærumnis victus pedibus ingredi non posset. Quanto verò fuerit emolumento pusillo gregi, reliquis nostrum in exiliū actis, satis constat ex fortitudine Neophytorum ad mortes, velut ad epulas præparantium sese.

Quis enim non stupeat gloriosum Martyrium Nobilis illius apud Arimenses familiaræ, cujus non minima pars ad P. Julianum pertinet, qui per id tempus ditiones illas excolebat, facundus ad ejusmodi laureolas capeffendas cohortator? Thomam primæ Nobilitatis & magni nominis Ducem, ad defectionem Dynastæ ipse, P. Juliani confanguineus, sed à Fide apostata, sollicitaverat: at P. Julianus Fidem DEO datam servandam esse impensè suadebat. Unde Thomas sollicitanti rursus Dynastæ, ita respondit: *Quam grave sit militem à vexillo sui Ducis deficere, ex me ipso didici, cum Ducis persunctus officio, transfugas semper sum execratus. Ego sub Crucis vexillo Ducem Christum sequor, in ejus militiam ritusacro Sacramento adscriptus: ab eo transfugere gravius puto, quam vitam ipsam, quæ infra vitam solent assimari, prodigere. Hoc animo meo jam diu sedet ac sedebit: velinque ut tandem hoc ita de me sciatur, ut nulla spes mutationis ultra me sollicitet ac laceffat. Hoc à me postremum habe, nec aliud ultra spera.* Quæ cum dixisset, salutato Dynastâ secessit. Satis hoc unum Japonensibus Regulis esse solet ad certissimam mortem evocandam. Sed tamen ea erat Viri virtus, non Christiana minùs quàm militaris, ut ad eum graviùs plectendum Reguli animus, non nisi pellicis, incentorisque sui Saffioye machinis, potuerit permoveri. Thomas interim continuus orationibus, ac voluntarijs corporis afflictationibus ad majora præludebat, se ipsum sæpius expiatus, Cælesti pane confirmabat. Pridie illius diei, quam tot votis evocabat, sub noctem amicus ad eum adit, monet quid in se, quid in suos machinari Dynastæ assecras spargatur, itaque seipsum suosque nocturnis tenebris in tutum recipiat. Thomas domi suæ filios duos, si-liolam, uxorem, fratrem Matthiam, & utriusque



P. Julianus Nacaura è Regum Japonia sanguine, P. Joannes Adamus illustri prosapia
Sivulus, P. Antonius de Sousa nobilissimo Lusitania stemmate, cum duobus alijs Ia-
ponibus Soc. II. SV. scrobis supplicio in odium Fidei enecti. Nangasachi in Iaponia.
21. 22. et 26. Octob. A. 1633.

C.S. I

M.X.

usque parentem Martham numerabat. Erras, inquit Thomas, *toto Cælo, ab quo nos abducis, erras!* *Nusquam me ac meos tutiores, quàm sub ictu sicæ Japonensis inflexos puto.* *Utinam ego omnium truncas cervices palpitare ad pedes meos viderem priùs, quàm meas inclinarem!* Manè sub horam 9. ante meridiem ab uno è Moderatoribus Arimensis oppidi evocatur, causante nescio quid ædificij, ad cujus designationem opus illius præsentia esse simulabat. Sensit Thomas se ad Urbem illam, *quæ constructur in Cælis vivis ex lapidibus*, evocari, *Lætatur igitur in his quæ illi dicta erant, ad suos exclamat: in domum Domini ibimus*, jam diu enim stantes erant pedes nostri in atrijs tuis Hierusalem. Itaque suorum gaudiorum parte domesticos impertitus, omnibus illi, illo omni-

bus fausta comprecantibus, post mutuos amplexus, extremumque vale discedit. Gubernator Thomam mentitæ vultus hilaritate excipit perurbanè: & postquam de fictis ædificijs perfunditoriè tractasset, domestico prandio excipiendum detinet. Et interim dum famuli triclinium parant, jubet afferri sibi sicam, quam glorioso militi Thomæ omnia subodorato, laudandam, aut verius probandam ostentaret. Accepit eam Thomas, & militari manu sæpius quatiens admirabatur, & ex animo gloriæ suæ instrumentum collaudabat. *Quid tibi videtur Thomas*, subridens inquit Gubernator, *prohè fungetur officio suo* *sica mea, nec icturn fallens molliter amputabit?* *Planè*, inquit Thomas, *hospitem potissimum, illius icturn cupide præfolantem.* Quæ cum diceret,

ret,

ret, sicam ficario restituebat: qui nihil moratus, primo ictu altè in ejus corpus adacto, victorem interimit; ipse verò ferale convivium innoxio sanguine polluens, carnificis munere functus, Martyri meliores epulas, sibi famem æternam præparavit.

Vix bene domo abierat Thomas, cum ab alio Gubernatore Mathias ejus Frater accersitur; qui similiter nihil dubius quò vocaretur, super se eandem sortem cecidisse gaudebat. Geminata iterum domi oscula & amplexus, faustæ quoque utrinque comprecationes. Excipitur à Moderatore pari vultu Mathias, & sciscitans, quid esset in quo illi obsecurus vocaretur? *In hoc*, reponit Gubernator, *advenisti; eduçaque sicà, dum manus ille in Cælum erigeret, eum obruncavit.* Mox à Gubernatoribus missi ad Matrem occisorum Martham satellites, *duo*, inquirunt, *filij tui pertinaciæ suæ penas, Dynasta jussu, morte exolverunt. Tibi cum duobus nepotulis Jacobo & Justo, eadem ex causa extemplo moriendum est. Justam conjugem, ac filiolam, Dynasta elementia finit intactas.* Martha gratulata sibi genuisse Martyres, quorum consortium cum nepotulis mox sperabat: accersitis Jacobo & Justo, Parentis ac Patruj mortem, mortisq; causam exponit, quibus ipsi futuri mox essent comites. *Exultate*, inquebat illa, *filio-li, Deoque ipsi, vobis, ac mihi sortem vestram gratulamini. Præcessit ille, nos sequimur: quid est quod nos in hac mortalitate detineat?* At illi omnis moræ impatientes, hoc unum scire urgebant, quàm citò id futurum esset, atque Avix pueriliter blandientes, Matri suaviter gratulantes, domesticis cæteris aridentes, nihil omittebant eorum, quibus exuberare solent animorum sensus. Nutricibus suis munuscula dividebant, suasque reculas inter æquales partiebantur. Tum Martha positis viduitatis vestibus, jucunditatis suæ candido induitur apparatu, eoque ipso innocentix teste pueri ornantur. Post gratias deinde impensè DEO redditas, Justam nurum suam solari aggreditur: quæ lachrymis ac singultibus pro verbis respondens, cum denique filiolos à satellitibus correptos ultimo stringeret amplexu: *Ite filij*, inquit, *fortes occumbite, nullus metus irreat, carnifici cervices præbete, aptate vestem, ictum provocate, neque vos à Parentis fortitudine tenerior atas excuset.* Illi verò sicca parenti figentes oscula, nisi quantum maternis lachrymis irrigabantur, his ultimis verbis pene illam affectuum variorum tumultu opprefferunt: *Inus ad Parentem nostrum, & si præcedimus, sequere; ibi te præstola-*

bimur. Accurrerat ad necis locum tota Ari-ma, quo pueruli etiam saltibus exilientes properabant. Carnificem ergo suum ibi cognoscere cupientes, dum undique circumspectant, ecce in circumfusa multitudine suo se splendore sicã prodidit. Ad eam mox accurrunt; & alter alterum hilariter attentius intuiti, ultimòque osculo in amplexu salutantes, corde magis quàm ore valedicunt. Tum in genua ruentes, spectatores suos horrore complebant, alieno periculo tremantes, cum ipsi non timerent suo. Jacobus, ut erat edoctus à Parente & Avia, Justo fratre biennio junior, annos natus non ampliùs novem, fratrem prævenit, aptatæque sibi veste cervicem exporrigens, SS. JESU ac Mariæ nomina cum repeteret, nondum eâ invocatione, tertio prolata, obruncatur. Truncum caput, horribile spectaculum! fratri accidit ad genua; in quo tamen Justus æquè sibi constitit, ac si nihil præsentī morte moveretur. Igitur eodem vultu, eodem ritu se comparans agnus alter in genua procumbit, dum fratris exemplo inter primam SS. Nominum invocationem vox ictu interclusa deficeret. Spectabas hæc hilari vultu, sicisq; oculis Martha, quæ jam nepotulorum curâ libera, sibi uni attendebat. Primùm sacras reliquiarum thecas collo duas exemit, alteram filix suæ Nangasachum, alteram Francisco, Joannis Arimæ Regis Filio, ipsius Tyranni Fratri transmissit, eò quòd nutriciam infantulo curam exhibuerat, velut eum ad proximum illi quoque funus imminens (quod paulò post pro Christo necatus subijt) invitaret. Et cum unius horæ spatium ad eam orationem, quæ solâ mente decurrit, impetrasset; eâ expletâ Cælum intuens, Deum ad quem properabat, inclita veneratur. Sed mox genibus nixæ, vesteq; compositâ cervicem fortiter præbenti, unico sicæ ictu caput excutitur, quod à terra bis resiliens exultavit.

Horum ad Martyrium exhortator P. Julianus, & ipse demum Cocure delapsus in manus carnificum, Nangasachum in carcerem pertractus est. Ibi constantiam ejus varijs machinis labefactare conantibus Prædictis, negabat ille magno spiritus fervore tam immane scelus, quæcunque demum supplicia irrogarent, ab se, id ævi & sanguinis homine, id Fidei & pricæ professionis Viro, posse concipi, nedum perpetrari. Ergo ipse convellendæ constantiæ abjectâ, eum 18. Octobris educunt ad foveam cum quatuor alijs; quorum cum mediis ipsis graderetur, ad obvios firmâ ac elatâ voce dicebat, se illum

Julia-

Julianum esse, quem olim Japonia mitior Romanam profitendæ Fidei gratia Legatum, nunc furens in fossam mitteret; libenter se Fidei illius sanctitatem, quam fuerat Romæ coram Christi Vicario professus, hic interitu suo statuere, atque affirmare. Tum capite depressus in foveam, quarto suspendij die, hoc est 21. Octobris anni 1633, honestissimâ morte vitam præclare actam terminavit, natus annos 66, in Societate 43. gradum in ea fortitus Coadjutoris spiritualis, quem Religiosæ disciplinæ, modestiæ, obedientiæ, & charitatis studio magis, quàm Regio sanguine nobilitavit. E quatuor Socijs duo, eodem quo P. Julianus die, in fovea expiravêre, Petrus, & Matthæus Japones, in Seminario educati, & Patrum deinceps in itineribus comites, & operis Evangelici catechizando, & concionando strenui adjutores; tandem in ipsa custodia ad Societatem admissi.

Quinto suspendij die felicem emisit spiritum P. Joannes Matthæus Adamus, Mazzaræ Urbis Siciliæ natus, ductâ à Majoribus Nobilitate generis per utrumque Parentem, Franciscum Adamum, & Smiraldam Bandinam. Romam à Cosmo Adamo patruo suo duodennis deductus est, ut comparandæ doctrinarum bonarum scientiæ intenderet animum. Patruo non diu post è vivis sublato, in Societatem JESU nomen dedit; cùmque Divinæ gloriæ amplificandæ studio exarsisset, anno 1602. jam tum Sacerdos transmissit in Indiam, ac porro inde anno 1604. in Japoniam. Multis animarum juvandarum causâ laboribus ærumnisque exercitiis, multas ardore magno Provincias decennio pervagatus, Daifusamâ sevientem Macaum, unâ cum reliquis A. 1614. ejectus est. Sed aliquantisper ibi commoratus, impatientiâ moræ Japonibus salubris, mutatâ personâ reversus, novos exantlavit labores, eoque graviores, quò majoribus undique periculis obvallantibus intendebantur. Anno 1622. bis unâ cum P. Hieronymo de Angelis, per ingentia vitæ discrimina, & pares ærumnas, in Regnum Jecingo Septentrioni obversum, & Sando Insulam eidem oppositam profectus est; ubi magna tum temporis animarum ad Ecclesiam

facta est accessio, & ingens Evangelio porta patefacta. Triennio post in Regno Osciû ab exploratore deprehensus in latebra, ab iudice ipso, cui factum indicium, silentio profugere iussus, nè in Toni notitiam veniret; obscurâ nocte, per ignotas montium ac vallium salebras, nivibus atque algore horrentes, solus, locorum, quibus erraret, incertus, ut ab suis hospitibus malum averteret, vagatus est. Nec leviora mari pericula, quàm terrâ perpassus est; quippe qui Meacum cursu cum P. Francisco Paccieco inito, fractâ navi vix ægre sospes enavit. Mors illi demum obvenit Nangasachi; ubi revolutus in caput, foveæ dimidiatus immersus est, trabi affixus per pedes; donec ijs in tenebris per inediam & diros cruciatus à vita discessit die 22. Octobris, natus annos 59. in Societate 38.

Postremus occubuit P. Antonius de Sousa, qui Cavillanij in Lusitania illustri genere natus, nondum consecratis doctrinarum spatijs, in Orientem anno 1609. transmissit. Ea ut Macai primum absolvit, ad sacros suscipiendos Ordines Malacam regressus, inde clâm anno 1616. in Japoniam sive irrepsit ipse, sive ejectus per tempestatem est. Verum anno insequente obortâ Magistratibus suspicione eum è Societate esse, in exilium eorum jussu migravit. Egit deinceps per annos aliquot apud Malacenses Procuratorem Japoniæ, donec habitu peregrino nactus opportunitatem, iterum in Japoniam se insinuavit. Ibi mirâ charitatis industria totos quinque annos ornatu thalassico cymbâ circumvectus, multum laborum atque incommodorum toleravit, ingenti compendio animorum. Postremò cùm ad similem prædam Ozacæ descendisset in terram, occupatus, vinctus, immaniter aquæ in os infusæ violento rejectu tortus, Nangasachum, longo 150. leucarum intervallo, ferro manus & pedes innexus deducitur; ubi à die 18. Octobris tenebricoso pendens in specu, totos 9. dies immane tormentum, attonitis excubitoribus toleravit, & die demum 28. Octobris, ætatis vitæ annis 45. in Societate 30. mortem gloriâ cumulatam occubuit.





P. Mattheus de Couros, illustri sanguine Lusitanus Soc. IESV. gravissimum Imperatorum persecutionibus pro Christo enectus in leprosi tugurio, in Laponia ad Fuscinum. 29. Octobris A. 1633.

C. S. 2

M. K.

P. MATTHÆUS DE COUROS.



Uam non sit volentis, neque currentis, sed solius DEI miserationis, sanguinis pro Christo fundendi gratia, expertus est P. Mattheus de Couros. Constituerat ille, desperans posse ulterius exploratorum undique in se unum intentorum manus effugere, ultro se ex Martyrij desiderio, Magistratui die quapiam coram sistere; sed ecce inopinatum rogatur ab homine elephantiaci, quem ab hominum consuetudine lepra procul arcebat, ut ad se inviset, forte confitentis errata excepturus. Quod dum Pater facit, in angusto hominis leprosi tugurio, tot persecutionum in ultima lenescere ærumnis

attritus, placidissime moritur; die 29. Octobris A. 1633. ætatis 95. Societatis 50. hoc scilicet marens, quod sanguineæ mortis expertus (sit tamen expertus dici potest) decederet. Ulyssiponem Lusitaniæ Urbem principem sortitus erat patriam, & in ea genus nobile, ibique vix dum egressus pueritiam, sed valido ad virtutem ingenio, Societati JESU suum nomen inscripsit A. 1583. Quia verò ingentibus ad salutem Japonum agebatur desiderijs, exorata multis lacrymis in eam missione, Anno 1586. eà ipsa quæ Japonenses ab Urbe Oratores illud revehebat, classe trajecit. Macai tantisper in Theologiæ studio mortuus, Japonicam simul linguam egregie condidit.

didicit. Quā ad elegantiam usque perpolitus, acerbissimis illis in Japonia temporibus biennio nostros rexit in Insulis Seiki, & Amacula, quinquennio in Arimenſi Domicilio; bis præſuit novennio toti Japoniæ, ejuſdem ſimul ex ſummi Pontificis decreto Pro-Epiſcopus: donec ultimâ ætate ſenectam incredibilibus ærumnis pro Chriſto exercitam, e-reptamque Divinâ ope ſexcentis periculis, in leproſi tugurio, haud procul Urbem Fuſcimum, beatâ morte terminavit.

Ut verò aliquam laborum ejus & diſcriminum partem attingam; poſt reditum ab exilio, quo à Daiſuſama cum Socijs omnibus aliquamdiu Macai ſubiſtiterat, A. 1610. jam tum Præpoſitus & Pro-Epiſcopus Japoniæ, cum Gonrocuus Nangaſachi Gubernator ſagaciſſimè in Evangelij præcones intenderet, mirabili modo manus ejus effugit. Nam cum Sacras ſibi veſtes ad Sacrificandum indueret, repentè nunciuſ advolat, qui eum à ſamula domeſtica proditum, ut ornatum detrahat, & capeſſat fugam, anxius monet. Vix dies una apud vicinum Neophytum commorationis exorari potuit, reveritiſ paſſim omnibus minas, & pœnarum gravitatem. Sed enimvero ut domo prodeat, atque aliò ſe latitaturuſ conſerat, quæ ratio ineunda, qui modus? Sumptum ex deſperatione conſilium, è ſententia cecidit. Moſ obtinet in Japonia, ut ſellis geſtatorijs & oppanſis velis, ſolæ per Urbem circumveſtiantur mulieres, viriſ id probro ſit. In unam illico ſe Pater injecit, & bajulis ſuccollantibus, ſed quem ferrent ignariſ, elatuſ eſt, ſequente ponè, ſicut heram deduceret, pediſſequā. Sed geruli neque quò irent, neque via quænam eſſet gnariſ, paſſim ſtare; ſeiſcitari promiſcuè Neophyti domum, quæ fuerat deſignata; & prætergradientium quiſque, ut libido erat, adire propiùſ, velum reducere, ecquæ portaretur explorare. Sic incerti viarum fortè ſubſiſtunt ante anùſ viduæ foreſ. Illa è veſtigio prodire, exclamare, vociferari, indè aſtutum ſe auferant, aberraffe à domo, nolle ſe eoſ pro ſua ſubſiſtere. Famula item ſupervenientiſ quò corrigat errorem, vocem intendere, objurgare, ſe præeuntem jubere ſequi. Sic demum quò ibatur perventum eſt. Sed illico novum diſcrimen. Iſ qui teſto Patrem accepit, in tempeſtâ nocte in vincula abreptuſ eſt; & cum nullum Patris indicium faceret, ex templo qui invigilarent excubitores diſpoſiti ſunt, nè quò Pater poſſet elabi. Sed Deo te-gente & latuit ille tunc, & poſt ejus diei diem ſeptimum clām ſoſpeſ eorum manuſ evaſit,

A. 1625. cum Scimabaræ delapſuſ eſſet in adverſariorum manuſ P. Franciſcuſ Paci-cuſ, qui P. Matthæo ſucceſſerat in Provinciæ & Epiſcopatuſ cura, quantum ruruſ diſcrimen adierit, Gubernatoribuſ in eum potiſſimum incumbentibuſ, ipſe quibuſdam in li-teris ſic reſert: *Ed die, quâ captuſ eſt P. Joannes Baptiſta Zola; ecce inopinatò certior ſio, militeſ ſcolpiſ inſtructoſ domum, in qua tum erant, circumgrediſ; & brevi intervallo admoveor à ſocio, equiteſ nonnulloſ eminuiſ conſpici, qui ad noſ verſuſ iter intendant. Igitur ego me raptim veſtibuſ induo, Roſariuſ collo iniſcio, jamque exire in vicinuſ feſtino, quò ſic hoſpiti meo caveam, nè ſcilicet illi, qua in domo diverterim, reſciant. Sed hoſpeſ ipſe apprehenſuſ unuſ brachio me remora-tuſ eſt, ajeuſ, equiteſ illoſ nequaquam ad me ve-nire. Haud facile certè explicavero, quàm ea mihi denunciatio diſplicuerit; quippe qui incre-dibili animi mei latituſ, nixuſ genibuſ, me jam Domino devoviſſem, propemodum certuſ fore, ut in victoruſ: pro Chriſto numeruſ propediem adſciſceret. Prætergreſſiſ equitibuſ, in ſylvam ab Chriſtianiſ deductuſ ſum, ibique Alatuſtinuſ or-ſuſ recitare, illud me tum poſtre mò facere arbi-tratuſ ſum. Stabuluſ ibi erat ſtramento leviter teſtuſ, promiſcuſ juriſ, cui, quoniam quideuſ pluebat, ſucceſſiſ, & humi ſeno ſubſtrato procu-bui. Enimvero animuſ meuſ humaniſſimâ tunc voluptate perſudit ea cogitatio, quod pervigilio Nataliſ Domini (nam ille tum dieſ erat) adeò conſimili hoſpitiò exceptuſ eſſem. In eodem illo hoſpitiò adhuc perſiſto, cum hodie dieſ 10. Februa-rii ſit, tantuſ affectuſ calamitatibuſ, ut eaſ affectuſ valetudini atq; ætati mee noxæ fore, mihiq; gra-vem quempiam conciliaturuſ eſſe morbuſ non dubitem. Una ea me ſpeſ ſolatur & fovet, futu-rum ut aliquando id Deuſ excorem, quod nuluſ dudum votuſ eſſagito, ut nuſ cum alijs ejuſ ſtu-dio atque amore, à vita deſagratiòne decedam. Cum verò A. 1626. adminiſtrandam ruruſ Provinciæ & Epiſcopatuſ ſubcepſiſſet, at-que vel idcirco omniſ in eum cura veſtigia-toruſ intenderet, quomodo ſagacitateſ illo-ruſ eluſerit, ità alibi ediſſerit: *Per id tem-poriſ Gubernatores Tacacueſeſ militareſ ſub-miſerunt manuſ, juſſeruntq; diverſoſ perdili-genter indagare omnia. Nihil ab illiſ, quod non ſerutarentur, præteritum eſt, non caſa, neq; ſpe-lunca, non ſtabuluſ, aut ulluſ gurguſtium, ipſiſ etiam tegetibuſ è domo detractiſ, nè quid occulte-rent. Fortè fortunâ factuſ eſt, ut qui redactuſ in ſiſcuſm jerant impedimenta P. Balbaſariſ de Torres nuper concremati, latibuſ eadem ipſi in domo deprehenderent; hinc rati paſſim alibi haberi ſimilia, nihil reſpiciam intentatuſ relin-queret,**

quere, cava omnia peruestigare, omnes angulos. Ergo animis conslernati, qui mei curam adhuc egerant Christiani, ut me inde conscenso navigio celerim proriperem, omnino impellebant. Ego vero, quo leuitem eorum impetus, ut me eâ ipsâ nocte subducerem, daturum operam sponendi. Parauerat ignaris omnibus hospes meus specum sub terra, longam duodenos, latam quaternos palmos, Solis experte ac luminis: in eam primis tenebris ego, Dogicus, famulus, nullo, prater hospitum, arbitro, successimus. Dies noctesq; agebantur in tenebris, nisi quod aduiscendum, ad Horas Canonicas recitandas, ad conscribendas ex officij ratione epistolas, aliquid maligni luminis accendebatur. Cibaria porrigebantur occulto foramine, quanta scutella moles est, quod reducto propinqui iugurij, ubi senecio quidam operabatur, stramento, tantisper aperiebatur, dum illa inferrentur. Tertiâ quaque die ad reuerenda purgamenta fovea aditus patefiebat. Victus contemptissimus; quod hospes, ne quod usquam vestigium nostri linqueret, neq; pisces, neq; melioris obsonij quidquam aliud auderet coimere. Triginta quinq; dies in illa caligine commoratus sum: nisi si Paschatu perwigilium, Festum, & Octavam dempseris, quibus diebus ad faciendum Sacrum exiui. Post eos dies in alteram demigravi scrobem, magnitudine priori illi aequalem, quam ingeniosa charitate idem ille meus hospes effodit: in eâq; deo hætenus jam exennte Septembri. Sacrum Missæ instrumentum apud me habeo. Inuinet fosse iugurium, quod asservandis artis suæ instrumentis operarius ille fabricatus est. In eo mihi ostiolum est, cuius suspensione stramenta, & rudes storce temere consuëq; iacentes, spectantibus adimunt. Prodeo noctis silentio, & Altari raptim composito Sacrum facio: tum prius aram, omnemq; apparatus meum in fossam infero, quam luxerit. Ibi diem transigo malignam ad lucem, qua ad lectionem scriptionemque permodicâ fenestram illabitur. Evenit die quadam, Dogicum & famulum, cum in hospitij culina consedisent, adeo repente ab exploratore occupari, ut vix in silvam evadendi copia fuerit; vix mihi meum in antrum subeundi, cuius foribus id hominum genus insidre plus unâ vice. Omnes huius ditionis exploratores suis quiq; locis subsident, in illum me nun, quem studiosissimè venantur, intenti. Et quia Gubernatoribus satis exploratum est quantum me spatij intercapedo contineat, omnes domorum intergerinos parietes, quotquot duabus circum leucis existunt, insidre dirui, ut quidquid universa in domo est, ingredienti protinus in conspectu sit. Famulus, qui literas aut epistolia quot hebdomadis à me Nangasachum perferit, ut oculos vicinitatis evitet, tacitâ nocte proficiscitur. Is

qui mittitur inde ad nos, mandata quæ fert, apud hominem fidum hinc senilem deponit; is eum in locum secreto refert, quem hospes consiluit. Nec tuta nobis aliter constat commercij ratio. Post P. Gasparis de Castro occubitus, post tot rerum vicissitudines, & temporum acerbitates, reliquus in his oris ego solus sum, qui scriptionibus Joveo Christianos atque erigo, qui finitima quapiam in Insula rentur me delitescere, & in responsionibus suis, dum ad me rescribunt, fortes animas verbis preportant; utinam & summa tempora fortes ostendant.

Ex quibus videas illum totos 8. menses habitasse sub terra, post quos, utrum fas illi fuerit ad auram exire, exploratum non est. Porro A. 1629. adauctis priorum temporum in Tacacu difficultatibus, vestigatorum è manibus arcta in latebra, ut olim S. Felix Nolanus opere araneo repente prætextâ, elapsus est. Sed quoniam eas aedes crebro lustrabant quæstiores, nè quando in eam latebram impingerent, alias in domos, atque identidem in alias, nunc temerè, nunc consultò transferrebat: fuitque subinde delitescendum illi horrido & tenebroso in loco, ex quo morbum contraxit adeo gravem & acerbum, ut in proximo vitæ discrimine omnium egenus medicamentorum, versaretur. Anno 1630. gliscebatur Aryiæ Bungondoni furor in universam Christianorum nationem; novas pœnarum facies in omnem ætatem ac sexum excogitantis. Præstò tanta in necessitate adfuit P. Matthæus Provincialis, tum per se ipse, tum per interpretes; certus, si res tulisset, in conspectum sese dare Tyrannorum. Sed enim vero hoc ejus consilium disturbavere Christiani, nè simul universo, quod ab illo capiebant, subsidio frustrarentur. Igitur conscenso navigio nocturnis tectus tenebris inde abscessit. Vix autem bene à littore solverat, cum ecce duo advolant è famulitio Gubernatoris, eos à fuga vi retracturi. Ergo cymbæ aliquantulum provectæ manu ex littore annuere, ut regrediatur; isti contrà nihil respondere, & se vidisse dissimulare: tum alter duorum in aquas insiliit, ut abeuntes natan-do consequeretur: sed tenebricosa nox opportunitatem fugæ dedit. Illi postera diei diluculo ad proximum inde portum abiêre, cum viderent navigium superato difficili freto, legere littus Insulæ Amacusæ. Evasisit tamen omnem illorum diligentiam, & ab homine Christiano in populo Saquinatu exceptus est. Postridie expiata per Confessionem ejus familiâ, Oyen perrexerat leucâ distantem, & apud ejusdem Christiani Socerum tutò divertit.

Bungendonus Arimæ Dynasta totius seriem itineris à duobus adolescentibus conscijs cognorat, quos uni de suis Aulicis adjunctos celeriter die 24. Junij ad ejus loci Gubernatorem submittit, ut Patrem fugitivum suo nomine repetant. Sed ille vacuis his remissis, sibi Patris comprehensionem cordi fore respondit. Quod profectò consilij à DEO fuit: nam si adolescentum opera fuisset adhibita, elabi Pater haudquaquam potuisset. Biduo postquam ijs excefferat ædibus, Scimadoni satellites advenere: jamque in alteris, quibus successerat, intellexit, eas omnino à sedecim obsideri. Ipse annis & morbo gravis, quid ageret demum, quid iniret consilij, si noller vota Christianorum latebram aut fugam suadentium aspernari? Efferrî se passus est, corbe ex cannis contexto, quaternis bajulis succollantibus, in arduum montem densis impeditum vepretis. Sed vix bene progressi fuerant quantum patet equi cursus, cum rursus eum crassa substrata storea humi deponunt, alterâ item porrectâ, quâ pluviam defendat. Duabus elapsis horis curriculo reversi, iterum atque iterum, quin & quarto

etiam & quinto sedem illi eâ die mutarunt, nè fortè, cum in ædibus ab Ethniciis non fuisset deprehensus, eum interdumeta proxima, ut sunt oppidò suspicaces, quærirarent. Modicum orizæ ad vescendum datum; & sic dies illa sub tegetibus, & nox dimidia, nunquam relaxante pluvîâ, transacta est. Intempestâ nocte duodeni venere juvenes robore validi, quibus erat propositum, prærupti montis difficillimum jugum transcendere, & Patrem in alieno territorio statuere. Igitur arundineo rursus corbe exceptum, ingenti cum difficultate per calles præcipites, tandem superato supercilio, ad maris littus deponunt, impenetrabili dumcto, & arbore crassâ obscuratum. Ibi confedit septenos dies exiguo instructus orizæ demenso, expositus pluvij, quæ nullum toto eo tempore propemodum intervallum dedere. Postea repetitis periculis & laboribus, Christiani cujusdam navigio in aliud Regnum transgressus est. Donec tot laboribus ac ærumnis fractus, in leprosi hominis, ut dictum est, tuguriolo, purgatissimum Spiritum placidissime exhalasset, prope Urbem Fuscima.

P. ANTONIUS DE ANDRADE.



Leiros, oppidum Lusitaniæ, non parum ortu suo A. 1580. nobilitavit P. Antonius de Andrade, Vir uti Natalium splendore, ita & abundantia ingenij, acie mentis, & limato judicio, & ad gubernandum prudentiâ, & ad dicendum facundiâ non mediocriter à Natura instructus; adhæc doctrinis Philosophicis & Theologicis egregiè perpolitus; & quod caput est, omnibus bonis moribus, laudibusque religiosarum virtutum exaggeratè cumulatus. Societatem Jesu complexus est A. 1596. ætatis 16. atque in Indiam magnis precibus exorata trajecit A. 1600. Illic primos annos partim in necessarijs doctrinis comparandis, partim in salute mortalium procuranda cum fructuosissime contrivisset, missus est in Regnum Mogor, ut illic Socijs præfesset. Sed cum improvise occasio se dedisset Catayum, tot votis expetitam, tot encomijs deprædicatam Provinciam investigandi, commendatâ P. Francisco Corso ejus Missionis curâ, uno cum socio ac duobus famulis, cultu corporis itineri per barbaras habendo gentes congruo, profectus est Delio, & ad usque Mogoris fines per Indostanum Regnum ad montes Siranagar so-

pes evasit. Ibi à limitum custodibus, quod neque Ethnicum esse, neque Infiditorem, quales erant è caterva ceteri, satis constaret, suspicantibus nè profugus è Mogore quispiam ob scelus, aut clancularius foret explorator, parum absuit quin detineretur. Sed Divino adjutorio, cujus respicebat gloriæ, suspensio dilutâ, primos illos montes incredibilis ad superandum difficultatis, ingressus est. Sunt autem illi editissimis fastigijs, tamque præcipiti & angusto ascensu, ut si uno pede aberraveris, in Gangem rapidissimè subter fluentem, expes vitæ, altissimè prolubare. Descensus etiam multò periculosior, cum sæpe cogaris aversâ facie, sicut qui scalis mobilibus descendunt, niti manibus, & apprehensio, quidquid se obtulerit, adhærescere, dum tutum averfus pedem firmâris. Sic ad Urbem Siranagaris primam perventum est, ubi à Præsidib⁹ exquisitè interrogatus, unde, quis, quod, quaque de causa iter haberet? ubi Lusitanum esse, fratrem in Tibeto quærere, quem ibi degere audierit: nigras vestes, quas in sarcinis mirabundi deprehenderant, ad luctum more suæ gentis, si fortassis obijisset, testandum secum ferre, respondit, continuò sinè noxa dimissus est. Successerunt montes iterum ad dies



P. Antonius de Andrade Lusitanus Soc: IESV. propinato à nefarijs in odium Religionis veneno Sublatus, et in morte aspectu Deipara recreatur. Goa in India 19. Martij A. 1634.

C. Secreta del.

M. K. f.

quindecim; hos excepere nivosi alij, quos inter labens in profundo Ganges, qui nivibus ex alto montium jugo deciduis & mole stipatis ita confertur, ut tanquam ponte super eas transeat; haud levioe periculo liquandarum nivium, faciendique lapsus, quam formidolosiore subter frementium horrore undarum, superandus fuit. Extremo Regionis hujus, quæ Siranagari tota paret, vico Mana nomen est; eum solitudo consequitur, quæ Tibetum determinat, nivibus, præter duos anni Menses, quibus illæ solvuntur, penitus intractabilis. Viginti dierum trajetibus est ferè per excelsos, sed incultu squallidos, & vastis rupibus horrendos montes. Nullus toto eo tractu vicus, cultor nullus, frigus propemodum æternum; nix durata, & magni

crebrò ponderis patiens, exhalatio è solo gravis, & usque adeò noxia, ut quem affarictominem, ferè nec opinantem extinguat. Nulla lignationis copia, sive ad fovenda corpora, sive ad cibi coctionem. Eò viatores totam hordei farinam secum asportant, quæ aquæ injectu diluta simul pro cibatu, proque portione est. Ut primum capere nives diffuere, continuo ad Tibeti Regem Orator cum donis ablegatur, qui catervæ negotiatorum illuc subeundi potestatem petat. Interea dum eo in vico P. Antonius trajetionis ejus tempestivitatem præstolatur, ecce rumor adfertur, jubere Siranagarem victos ad se remitti Lusitanos. Eo accepto Pater, tanti pretium laboris occupare certus, decernit quamvis alieniore tempore, relicto cum sarcinis eo in Oppido

Oppido Socio fratre, iter ultrâ tentare. Ductorem mercede adfciscit expertum hominem indigenam, & ambos secum famulos crassis in algorem stragulis instructos accipit, confectâque cibarijs perâ, clam ante lucem profectus est. Duos dies impatibili labore per nives processit. Tertiâ die ecce tres ejus oppidi, unde abierat, incolæ, ad eum retrahendum ab Gubernatore submissi, reditum urgere, ni faciat, extrema minari; jam actos esse in vincula ductoris liberos & conjugem, publicatas fortunas; Fratris ibi relictî nec vitam in tuto fore, nedum facultates; denique confectum ærumnis iri omnes in via, si procedant longiùs; itaque regrediantur, si sibi consultum, si suis velint. Ductor minis conterritus, retrocessit. Patri cum famulis rationem itineris jam satis, ut sibi videbatur, edocto, cum non auderent vim adferre emissarij illi, ultrâ pergere cordi fuit. Sed pergentem excepere continuò cæca nivibus altis itinera, quibus cum genuum tenus semper, sæpe umbilico, sæpe pectore, & scapulis tenus insunderentur, liberare se inde, nisi summa contentione, & gelido perfusi sudore non poterant. Itaque quò minùs demergerentur, interdum pronis pectoribus super nives incumbere, sæpe natantium more sensum conniti promovere, Laboriosum diem laboriosior occupabat nox, quæ ad quietem, & fomentum corporum nihil adferebat subsidij. Una penularum sterneretur super nives, duabus reliquis omnium trium illi incumbentium corpora tegebantur. Interim ab hora quarta postmeridiana usque ad postera auroram, minuta nix acta vento perfrigido tam densè cadebat de cælo, ut sæpius nocte, nè obruti conspeliarentur, surgendum esset in pedes, excutienda nix, & stragula denuo prosterrenda. Jam manus, pedes, vultus, algore stupuerant, sensus defecerat; & Patri, dum nescio quid apprehendit, expertus jam algore doloris pars digiti decidit, non antè damni sui, quàm sanguinis per manum defluentis admonitu. confcio. Intumescere pedes, & adeò obriguere, ut velut orbatî vitâ, cum ferro candente postea ustularentur, nullum doloris sensum haurirent. Accessere præterea duo mala prægrandia, cibi fastidium, & sitis ex labore & defatigatione peracris; quam non nisi suctu nivis licebat extinguere. Sic demum usque ad fastigia montium evasere, ubi amplo è lacu Ganges oritur, & alter amnis, qui Tibetum perlabitur. Et jam tum acies oculorum, adeò candore nivium obtusa hebetabat, ut totos deinceps 25. dies Pater nihil propemo-

dum cerneret, neque valeret ad recitandum breviarium distinguere characteres. Atque aliud ex illo gravius incommodum nascebatur, quòd nimirum cum solis quinis abessent leucis ab Urbe Regia Tibeti Ciaparangua, quia tamen neque prospicere poterant longiùs, & ponè montes illos explicabatur ampla & æquabilis undequaque planities obducta nivibus, sinè vestigio, sinè viæ nota, prorsus jam de progressu desperare cogeantur. Adhæc victus etiam cepit longinquitate deficere, & famulos itâ calamitas affligere, ut propter animi corporisque impotentiam, & foveri eos à Patre, & componi ad quietem, & indui, & cibari oporteret. Igitur deliberato consilio statuit ut famuli redirent ad pagum, uti faciliè paucis diebus prono itinere poterant, ipse eodem illo in loco solus, eorum cum socio reditum præsolaretur. At famuli negare sibi vires & animum esse, quoquò sinè ipso eundi; si regredi nolit ipse, sibi quoque certum esse penes ipsum restare. Ubi obstinatos Pater in sententia vidit, ipse sibi quoque regrediendum cum illis censuit, præsertim de nonnullo focij infortunio sollicitus.

Tertiâ regressus die, vasta in solitudine vocem hominis calamitantis exaudìt; ad illam continuò flectit gradum. Erat rusticanus homo, quem cum cibarijs, & veste Socius, & Gubernator submiserant, ut Patrem perquireret, atque ea supplementa conferret. Recreatus mirificè Pater fuit & allato solatio, & læto incolumitatis Socij nuncio, quem scilicet Gubernator, ut Patrem sequeretur urgebat, veritus, nè id sibi ab Rege Tibetano, si quid adversi Patri evenisset, vitio verteretur & calamitati. Usus eo rustico ad viam duce Pater, triduo nactus est vasta sub rupe locum aliquantò cæteris magis à nive liberum: ibi confedit, opperturus dum institorum caterva, quam Gubernator ipsius gratiâ solitò celerius jusserat adornari, perveniret. Ea ubi advenit, & salvus cum ea Socius, magno uterq; gaudio mutuo in amplexu perfusi sunt. Restitère ibi dum paulò ampliùs nives diffugerent, universi sesequi mentem; fuitque longè deinceps, quàm antea, iter levius atque expeditius. Hoc interim spatio nuncius ad Tibeti Regem allabitur, venire ad illum hominem exterum remotissimis ex oris: cujus desiderio videndi cum esset incensus, ad cæteræ principem dat illico literas, ut ejus hominis peculiararem curam, tanquam sui agat. Idem triduo, quàm ad Urbem appellerent, præmisit obviam tres equos, qui Patrem & Socios veherent; sanè per opportunè, ut con-

concurrentem ad eos spectandos turbam populi possent sine noxa pervadere. Ab Rege, Regina, Regiôque Principe, & horum exemplo à Palatinis universim benevolè acceptus, secundum primas salutationes, mercaturæ, atque omnis ab se quaesitus opinionem amolitus, Christianam illis Legem conatus est per interpretem explicare, quâ re omnium sibi tantopere devinxit animos, ut Rex ipse liberum ad se accessum quoquo tempore, etiam tum permitteret, dum nemini pateret aliorum. Submittebat quotidie aliquid annonæ vernaculæ, & pronas Evangelio præstabat aures. Ubi redeundi tempus fuit, ut Regi Mogoris Pater ex officio adesset, priusquam nives iter obvallarent, abundi veniam ab Rege postulavit. Ille principio videri velle silentio & dissimulatione protrahere, tergiversari: tum ubi negari non possè, vidit, ita demum se eam dare paratum dixit, si iurejurando sponderet, se anno vertente redditurum. Spondit redditum Pater, dum sui tamen Moderatores, quod facturos non ambigeret, sissent, in hæcce leges. Primò, ut sibi Rex potestatem faceret Christi legem toto passim Regno, arbitrato suo, sine impedimento ac noxa vulgandi. Tum, ut locum Templo, ac domui precatationis fabricandæ gratuitò concedat. Præterea nè illis negotiationibus, etiam Lusitanorum hominum, si qui fortassis isthuc deinceps advenerint, misceri se sinat, nedum cogat. Ad extremum nè garrientibus adversum se Mahometanis impostoribus, qui Keciurense in Regno commæant, aures faciles, neu fidem adhibeat. Has illi conditiones perbenevolè Rex dato diplomate sanxit; & publicas adjecit literas ad Institores Mogorenses, quibus in Tibeto fortunæ vel commercia sunt, ut Patribus morem gererent, & eorum curarent sarcinas atque impedimenta; neque indiligentiùs quàm sua ipsius Regia, tutò & immunia vestigalium ad se perferri facerent. In digressu cum Regi Regiisque, Coniugi, Filio, propinquis alijs, pia munuscula dispertisset, optima reliquit à se postea rei Christianæ bene gerendæ proferendæque fundamenta. Rex illi è suis addidit aliquos, qui deducerent trans Regni fines, & ad curanda corpora necessaria subministrarent.

Est autem Tibeti Regnum, quod & Potentis dicitur, omnino visitatis amplissimæ, atque uno eo nomine complectitur Regna complura; Coque, ubi Urbs princeps & Regis sedes; Regnum Ciaparangua, Ladue, Mariul, Rudoc, Utsana, & ad ortum solis

ignari nominis alia duo Regna, quæ cum Imperio Sopo conjuncta, creduntur cum totum occupare tractum terrarum, qui ab Moscovia ad Sinas usque porrectus, uno Tartariæ vocabulo nobis usurpatur. Ille, quod de nobis est sermo, à 32. elati Poli Arctici gradu, ad longa in Septentrionem spatia dominatum exercet. Igitur P. Antonius reditu maturato, Agram Urbem Regiam Mogoris tenuit, unde ante 7. menses abiverat; datisque de toto expeditionis negotio ad Præpositum Goznæ Provinciæ literis, ut datæ Regi fidei responderet, ineunte post anni spatium Junio, cum altero Sacerdote rursus in Tibetum profectus est; certiùs exploraturus, quanti spes fructus animarum olim inde capiendi existeret. Augusto mense per non multò inferiora incommoda ad Tibeti fines perventum est: quod simul atque Regi nuntiatum fuit, incredibilem animo se voluptatem capere præstulit, & jumenta ac famulos toto quatrinduo præmisit adversus, qui exciperent, qui gratularentur, & gratuita reliquo itinere hospitium præberent. Ipse venientes latissimè complexus, aedes instructas regio Principi vicinas, & quotidianum regio è penu demensum dedit. Paucos post dies ad consciscendum nescio quod bellum profecturus, ad Patris se pedes advolvìt, & sibi bene illum precari ad fortunandam expeditionem poposcit. Reginam alternis minimùm diebus se absente conveniat, & Christianæ cupidissimam disciplinæ, si nequeat plenè imbuerè, certè primis interim elementis erudiat. Regno sesequi mense confecto, redijt Rex, seque integre ad Christianæ Religionis adita cognoscenda convertit. Multa hic anni spatio ad DEI gloriam perfecta, multa in posterum inchoata sunt; sæpe cum profanis Sacrificiis, quos Lamas appellant, decertatum. Calendis Aprilibus anni sequentis ab Rege liberè attributa templo, & domui ædificandæ area, & post diem undecimum primus ab eo lapis ritu solenni in fundamentis constitutus est; opus paucis mensibus incredibile omnium ordinum studio perfectum, convectantibus etiam Proceribus materiam, & nobiles manus operi admoventibus: templum à B. Virgine DEI para à spe, nuncupatum, simulq; ejus patrocinium adscitum est. Plura de gentis ingenio, moribus, indole; de soli, ac cœli natura, qui volet, extat P. Antonij epistola ad Præpositum Societatis Generalem ex Urbe Regia Ciaparangua, data die 15. Augusti A. 1625.

Jam verò cum in Tibeto videretur adolefcere

lescere Christiana res, & suis quodammodo jam niti stirpibus, acturaque, si coloni, qui continuarent operam, non defuissent, altas radices; P. Antonius, ipso etiam autore Rege, remeavit in Indiam, ut statu rerum Moderatioribus coram exposito, plures operas eodem vel ipse deduceret, vel certè, si quid eum reditu prohiberet, submitti curaret. Verùm ita res tulit, ut haudquaquam necesse fuerit ad auxiliares copias aut obsecrare, aut quinquam alium fatigare; nam ipsi commodè Goana decreta Provincia est, ubi ipse suà autoritate delectum habuit Sociorum, quos ad bene cœpta urgenda identidem in Tibetum submittebat. Susceptà Provincià, simul ab Antonio Vasconcello S. Inquisitionis Præsidente (quo de nobis paulò antè dictum est) ejusdem S. Officij Deputatus renunciatus est, & ad instituendam visitationem à Secretis adscitus. Quo in munere ita versatus est, ut ejus integritatem ac solertiam, nullà largitione vel actu corrumpi facilem experti ij, qui erant obnoxij, quavis demum ratione è medio illum tollere conati sint. Interea ipse Provincialatu primùm, & mox item Goani Collegij Recloratu perfundus, cùm alterà vice Reclorem ejusdem Collegij gereret, sic in sperato appetitus est. Susceperat munus, Antonio Vasconcello morte sublato, Antonius de Faria Macciado. Inter alios quos sacrà censura, & publicà ignominia perstrinxit, fuere Joannes Rodriquez Ulyssiponenfis, & ejus aliquot propinqui; Antonius autem potissimus indagator ejus perfidia, ferali hoc in actu habiturus erat probrosum in perfidiosos orationem. Illi doloris atque odij impatientia, deliberavere hominem de medio tollere, & novo scelere flagitij prioris infamiam obscurare. Erat Joanni Rodriquez filius adolescentens, qui nescio quomodo inter Collegij servitia assumptus, in omnem occasionem Patris veneno tollendi, & suorum ignominiam prævertiendi intentus fuit. Verùm eibus illi cum Socijs omnibus erat promi-

seus, urceus autem ad potum, licèt tantquam Reclori certo semper & eodem accum-benti loco, proprius & peculiaris, tamen in eonè misceri virus imprudenti fortasse posset (jam tum enim moliri hoc adversarios percrebuerat) P. Christophorus Atougia Collegij Minister aquam accubitorio quotidie recentem ipse infundebat. Id cùm unà quadam die, incurià an oblivione prætermisisset, perniciem imprudens, ab adolescente conscitam hausit in aqua Reclor Antonius Fuit autem tam atrox & violenta medicatio, ut continuo virus in visceribus persenserit; & è mensa confestim assurgens, aliquanto epoto oleo aliisque remedijs, conatus sit illud frustra vel egerere, vel opprimere. Itaque post diros cruciatus die 19. Martij A. 1634. ætatis 54. Societatis 38, biduo triduoque ante funestam illam Afectionem, in qua fuerat concionaturus, abiit è vita Goæ.

Contigere quædam in morte & post mortem P. Antonij, quæ admirationem merentur. Morienti enim spectabilis adfuit DEIPara, & suo moribundum recreavit alloquio. Demortui verò corpus seorsim ab aliorum Sociorum corporibus humatum, miro prodigio in imposito marmore suam effigiem, tanquam coloribus expressam reliquit: quæ cùm aspiranti veneno, quod Pater sumpserat, à nonnullis attribueretur; ubi constitit nullis instrumentis eradi, aut aboleri posse, opus humano majus creditum fuit. Ad hæc Patri Alberto Mescinski, glorioso postea pro Fide in Japonia agone perfuncto, febris semestris, invocato P. Antonio, momento temporis depulsa est. Sed & mulier transverfam in utero prolem gerens, Patris implorati beneficio, brevi & felici nixu partu soluta est. Alij cuidam tumor, quo genu vexabatur, resedit, simul atque Patris sepulchro supplex sese advolvit. Ità nimirum voluit DEUS famulum suum, ejusque sepulchrum esse gloriosum.

P. SEBASTIANUS VIEIRA & quinque Socij.

NUllum investigarunt sagaciores, coeperuntque lætiores Gubernatores Nangasachij; sed, quod mirere, nullum tam invitum morti adjudicavit Sciogunus Imperator. Natus est P. Sebastianus, Vir animi excelsi, & robustæ virtutis, in Lusitaniæ oppido, cui Castro de Airo nomen fecere, So-

cietatem adolescens complexus, & doctrinis omnibus ab ea imbutus, in Indiam A. 1602. P. Albertum Laërtium Procuratorem, jam tum ipse Sacerdos secutus, anno vertente Ma. caum transmisit, & Novitiorum ibi primùm Magistrum, ac deinceps triennio Procuratorem Provinciæ gessit. Mox ubi trajecto mari pervenit in Japoniam, omnes Operarii egre-



P. Sebastianus Vieira Lusitanus, cum quinq. Socys Japonibus Soci. IESV, triduoano Scropis tormento, et Subiecto igne pro Fide Christi necatus, in Iaponia Iendi. 6 Iuny A. 1634.

C. Sreta d.

Melch. Küßlf.

giè strenui numeros abunde implevit; donec à Daifusama cum reliquis Regno depulsus est. Deportatus exilio in Philippinas, ut erat non laborum minds & periculorum appetens, quàm salutis Japonum suorum cupientissimus, quàm celerrimè potuit, alieno cultu in Japoniam revolavit, ibique maximo Christianæ rei emolumento fuit, donec Moderatorum accitu ad triennalem rursus Provincie Procuracionem Macaum evocatus est.

Anno 1623. in Comitijs Provincie Macai designatus est Romam Procurator, qui Provincie negotia Præposito Generali explicaret, & nova secum auxilia Sociorum ab Europa afferret. Eum ultimo ex Orbe terrarum miris annorum 4. ambagibus ad Urbem appulsum A. 1627. non solum Præpositus Ge-

neralis, sed Curia universa, ipseque Pontifex Urbanus VIII, gratulabundus accepit, & de Japonum Christianorum cruentis differentem victorijs cupidissimè nec sicis oculis auscultavit. In digressu donatum spiritibus è thesauro Ecclesie muneribus, & Apostolicâ benedictione ad futuras pugnas confirmatum, ità ab sese lætum, & spei plenum remisit in Japoniam, ut eidem sponderet, se illum Sanctis Martyribus Sacrosanctâ auctoritate adscripturum, si fortè sanguinem redemptum pro Fide Christi asserenda profunderet: quam ipse tanquam ab oraculo vaticinationem lætus accepit. Indè bono Sociorum numero collecto rursus Oceanum longo flexu remensus, Macaum incolumis demum obtinuit; unde regressus Manilam, indè mutato sæpius ad

ad fallendos exploratores corporis habitu, de-
mum in Japoniam se iterum per ingens vi-
tæ discrimen, sub nautici Sinenfis specie pe-
netravit. In qua ut primum pedem A. 1632.
posuit, pronus humi procumbens, & tellu-
rem complexus, deveneratus est, ex qua sibi
aditum ad beatam fore immortalitatem au-
gurabatur. Ad qualeslibet deinde cruciatus
perferendos DEO sese, cum ejus gratia, offe-
rens, addidit: *hæc requies mea in seculum seculi;*
hic habitabo, quoniam elegi eam, hæc est domus
DEI & porta Celi. Vix autem sui rationem
itineris, actorumque in Urbe, latentibus ibi
Moderatoribus cautissimâ circumspeditione
reddiderat, cum subito rumor totâ latè Japo-
niâ dissipatur, rediisse Sacerdotem Romanum
(hoc enim vocabulo posthac notabatur) ex
Europa. Unemius Nangasachi Gubernator,
& Nangatus Arimæ Regulæ, tum suæ cru-
delitatis sponte, tum quod Imperatoris exci-
dere gratiâ vererentur, plurimos quaquâ ver-
sum exploratores dimittere, qui ejus imagi-
nem tum lineamentis in ære, tum coloribus
in charta expressam circumferrent, ut ex ea
facilius agnitū comprehenderent, propositâ
1500. nummum aurorum mercede, quis-
quis eum scitisset: cujus adispiscendi pretij
cupidine, & aucupandæ Magistratum gra-
tiæ studio, in obvios quosque: si forte quoquo
indicio ab indigenis diffidere viderentur, ir-
ruere confestim exploratores, & illos ad ima-
ginem experiri. Ipse inter hæc per Japoniam
Provincialis, unaque Pontificis auctoritate
Pro-Episcopi munus gerere jussus, dum per
totam necessariò peregrinari ex officio cogi-
tur, multò præsentissimis semper obnoxius
periculis, agitabat. Quæ ipse, quò diligentius
evitaret, cum jam illi tellus esset infida, in
cymbam sese conjecit, quâ item crebrò mu-
tatâ, quocunque vocaret, usus circumvehe-
retur.

Dum sic per humilia obscuriorum
Christianorum gurgulia, pèrque ignota liti-
tora latebris quæritandis, identidemque mu-
tandis vagatur; neque illi quisquam audet,
tormentorum reformidatione, quæ sunt ad
victum necessaria liberè suppeditare, ad ex-
tremam propè rerum omnium indigentiam
redactus est; ut vix ad cibatum orizæ frigidæ
pauillum, atq; ad delicias conditâ sale mæ-
nam aut sardam interdum nancisceretur.
Unum illi permagnum interea, & solidissi-
mæ voluptatis solatium à quotidiano Sacri-
ficio accedebat, cujus illi semper copia,
quamvis subvili sæpè storea, faciendi fuit.
Sed nimirum cum sagacissimis terrâ mariq;

excubitoribus omnia tenerentur, non admo-
dum diu potuit eorum diligentiam eludere.
Igitur propter Ozacæ litus cymbulâ vectum
ad eò celeriter improvisòque occupavêre, ut
nullâ remorum contentione subducere se
posset. Itaque remigibus inhibere jussis, ho-
minem ex imagine agnitum, festâ gratulatio-
ne comprehendunt, suam gestientis animi
lætitiâ de Romano capto, vibratis milita-
riter hastis testati. Confestim eum vinculis
impeditū Nangasachi Gubernatori statuunt:
ille etiam prædâ immoderatè exultans, citum
hominem ad Imperatorem expedit, qui Ro-
manum in plagas incidisse tandem significet.
Et verò paucis antè diebus præmoneri divi-
nitus secuturæ captivitatis & mortis visus
est, quando Divinum Sacrificium in Pauli
hominis Christiani domo peragenti, Sacer in
calice cruorâ consecratione vehementer spū-
mare apparuit. Interim Nangasachensem
primum in custodiam, post in Omurensem,
cum quinq; unâ comprehensis Ecclesiæ Mi-
nistris conjectus est, quos ille in opus Evan-
gelij secum circumducebat, & Societatis cu-
pientissimos in eam ipsa in custodia adscri-
psit, habuitque postea ejusdem supplicij con-
sortes & gloria.

Imperator avidus ex Romano nonnulla
curiosius de Europa cognoscere, jubet eum
ad se continuò Jendum mitti. Id cum divi-
nitus innotuisset Sebastiano, pridie quàm
nuncius reveniret, in carcere suas instituit
sub vesperum sarcinulas, sicut ad iter facien-
dum, componere. Custodes mirabundi, quid
moliretur, sciscitanti; ille, *ad Regiam profectu-
rus*, inquit, *prospiciem, maturè mea convulso.* Illi
hominem insanire rati, deridere, miserari,
tum hortari ut labori parcat; vana ea esse
consilia. At ubi postridie jussa Imperatoris
perlata sunt, tum verò illi sese invicem aspec-
tare stupidi; quémque pridie ludibrio, nunc
venerationi habere, tanquam DEO familia-
rem, & præscium futurorum. Jendi P. Seba-
stianus talarem continuo Societatis vestem
& pallium induit, & in eo quoties ad Præto-
rium, aliòve in publicum productus est, pro-
cessit, ut suæ Fidei coram Tyrannis, & omni
populo, vel ipso indumento testimonium da-
ret. Imperatoris affandi copia data non est;
eò scilicet, nè Regio conspectu (ut gentis ibi
lex obtinet) noxæ omnis & vinculorum im-
munis evaderet. Itaque per Tonos quosdam
ad eum allegatos, nonnulla de rebus Euro-
pæis Imperator percontatus est. Quæ verò
interim in custodia ab eo gesta sint, juvat ex
ejus epistolis representare. Una quæ est ad D.

Gonzalum Silveria ita habet : Non potest gens ista ignoracionem causari Divina Legis, cum nos eam clare diseret, predicemus. Ego in toga & pallio prodivi coram Judicibus, qui ex habitu statim dixere me Patrem esse. Veritatem Legis bene intelligunt, quanquam id prae se non ferant, cum secundum eam operari nolint. In hoc carcere quatuor & viginti degimus : Octo, qui venimus, quod Christiani sumus ; reliqui ob suas noxas. Omnibus predicamus, satagimus, que nec doctrina ijs deesse, neq. exemplo. Sciogunus nobis annonam tanquam captivis ob Fidem praebeat, modicam mensuram orizae atra in diem, per pauculum salis, & calidam aquam. Sed cum hisce & ceteris quotidianis laboribus & conservationibus, adeo bonam ac firmam mihi valetudinem largitur DEUS, ut nunquam commodiore sim usus. Talisq. ac tanti sunt favores, quibus nos afficit quotidie, ut satis pro eorum minimo facturus Divina Majestati nunquam sim, si vel omnia tormenta pertulerim, quae mortales universi instituere, tum qui fuerunt ante nos, tum qui post nos futuri sunt : atq. adeo si unus ego, universa, quae illi omnes, perpetiar, nihil id erit prae eo, quo me plurimum DEO obstrictum agnosco. Illi centies milies gratia sint pro tanta egestate & penuria : sed ego hunc statum minime commutavero cum totius Orbis excellentissimo.

Altera ad Vincentium Tavares sic habet : Duo Judices, hujus Regiae ad alterius ipsorum domum me accersiverunt. Ibi in toga & pallio, sed victis sine pollicibus, & ad Zonam, qua cingebur, alligato. Ubi ad illos accessi, jusserunt me solvi ; & in interius conclave duxerunt, ubi longo spatio mansi, familiaribus ipsorum concurrentibus ad contuendum Romanum. Illud temporis opportunitatem dedit respondendi ipsorum dubijs, & Divina iisdem mysteria predicandi. Applicabant mentem ad omnia, & cogebat illos evidentia veritatis ad eam agnoscendam & intelligendam, fatendumq. nisi Tenca (id est Imperatoris) respectus foret, illico se baptizatum iri. Hac totius Japoniae vox est, quacumque veni, predicans & pertrahens res nostra Sanctae Fidei. Venerunt duo Judices ad conclave, ubi ego restiteram, & ad aliud conclave magis etiam secretum duxerunt ; & allato atramento & charta, interrogaverunt me : cur in Japoniam venissem contra leges Scioguni ? anne ad Regnum occupandum ? & quam illa Lex esset, quam predicarem ? Ad omnia respondi, & scripto exceperunt omnia. Responsionibus omnibus cesserunt, fassi sunt Legem esse bonam, & recte eos vivere, qui eam duces sequantur. Sed Sciogunum eos execrari plus quam latrones, incendiarios, & homicidas. Et sic datus est huic actioni finis. Post tres dies alij

duo Judices venerunt ad aream carceris ; meque iustum vinciri funibus ad collum, ad brachia, & a tergo manus, eduxerunt in aream, & sedentem in sterna ad conspectum trachi in fideculis fontis Japoni, & aliorum apparatus ad tormentum, monnerunt Scioguni nomine, ut quam predicabam Legem desererem. Allata sunt calamina, charta, atramentum ad excipiendam responsum. Ea istiusmodi fuit. Esse me jam annos 63, natum ; ijs innumera accepisse beneficia a Domino Caeli & terrae : at a Scioguno compedes, tormenta, carceres, cum sit homo morti obnoxius perinde atq. ego. Ageret porro, & propter Fidem, quam predicarem, quibus collibitum me tormentis excruciet, vitamque adeo ipsam eriperet : eam me perquam libenter daturum pro veritate Fidei, quam Christiani constantia semper esse confessorus, sive omne mihi suum Imperium donaret, sive omnibus quae in illo sunt tormenta afficeret. Et si cuperet hujus argumentum responsum audire, scriberet mihi apparatus praeberet, id illi me scripto daturum. Ipsi interposito ad pleraq. responso, describere omnia, distantes meae responsum convincere, neque quidquam esse causa, cur me tormento subicerent, citra novum Scioguni mandatum, ad quem meam referrent responsum. Duobus diebus elapsis atramentum mihi, calamina, chartamq. attulere ; ut illico ea breviter scriberem, quae haberem dicenda. Horis minus quam quatuordecim, conseci compendium mysteriorum nostrae Sanctae Fidei, à Mundi oris conditione ad ejus usque finem, & judicium extremum ; idq. characteribus & lingua Japonicis ; & quoniam jufferunt idem nostratum scribi characteribus, id etiam praestiti, & totum ipsi quam primum misi, traditumq. Scioguno est ; qui aliquem praesentis nostri timorem, si nos jussisset occidi, ac si nos eum ulturi essemus. Quis autem magnificentior esse Fidei nostrae triumphus potest, quam si Tyranni pauperulos metuant, qui eum inculcant, & predicant ? In hac Regia Fidei, nostra Sancta magna in existimatione, notitia, & auctoritate est, intelliguntq. Legem hanc bonam esse, & in ea duntaxat una salutem obtineri. Tertia ac postrema epistola his verbis concepta est : Omnes victi magno sunt animo ad perferenda omnia mundi tormenta pro sanctissima Fide ; & reor brevi nobiscum actum fore. Ego equidem nescio quando eam ea hora assumpta sit : ad illam asservo meliorem ex apparatus albi, quos Dominatio Vestra submisit, quia ille meum erit latitatur dies, cum vitam pro eo dederim, quam dedit pro me, tanto disparem intervallo meae : sed aliud nullum quod faciam, suppeditat majus Sacerdotium mei ; postquam tanta libertate & integritate, verbo, scriptoque eam predicaverim in

hac Regia, Scioguno, ipsiusq; Judicibus, quod idem nimirum est atq; omnibus, qui in illa sunt; nam eam vel ipsi jam pueri sciunt. Neg. eam ipsi occultè absconditque pradicavi; sed in toga & pallio vicos Regia Jendi obivi, agnitus omnibus Religiosis Societatis Jesu, pari modo, quo quietis temporibus agnoscebamur, & eramus venerationi. Neg. parum ad excusationem nostra Sanctæ Fidei pertinuit, adscivisse Dominum vile hoc instrumentum, ad liberam istam presidentiam prædicandi Evangelij in compitis Monarchiarum Gentiarum, & in conspectu atq; auribus ferocium Tyrannorum, uti primæva in Ecclesia robusti illi Heroës facitabant, qui nobis suâ doctrinâ atque exemplo præiverunt. Et quanquam mihi magna gloria est Apostolicum hoc tueri munus ed formâ, quâ nullus omnium hac in persecutione fecerit; certè pro eo quanti hoc beneficium facio, non possum unicâ hæc vitâ DEO respondere; per paucâ forent centena, per paucâ millena corporum, ut tam eximia gratia redderemur. Die 7. Aprilis 1634.

Imperator ubi admirabilem illum P. Sebastiani de Christianæ Fidei mysterijs commentariolum, paucis conceptum atque absolutum horis, coram Purpuratis cœpit evolvere, insistere interdum, & anceps pendere consilij, hætere, addubitare; demum ut ad eam disputationem, quâ animæ immortalitas afferebatur, legendo pervenit: Enimvero, exclamavit, *Europæus hic Bonzius probus est, qui sua fidenter instituta proponit; & profecto si ea veritati congruunt, quæ de animarum immortalitate pronunciat, ut videntur congruere, miseris nobis demum quid fiet?* Et videbatur animus Imperatoris ita sensim legendo pervelli, ut ambigere posset credi, quo sese inflecteret, gaudentibus Tonis, qui aderant, tacitèque gratulantibus, qui scilicet Fidei Christianæ veritatem pridem ipsi quidem agnovierant, sed

pœnarum reformatione dissimularant. Sed huic æstui cogitationum Oindonus intervenit Imperatoris avunculus, cujus apud adolescentem autoritas, ætate & consilio sulta pollebat. Is posteaquam Sciogunum vultu contradicubij jactari motibus sensit, & causam ambiguitatis percontatus, intellexit; mirari se dixit imbecillitatem consilij; Sebastianum illum mentis impotè esse; demoniorum esse doctrinam, quam prædicaret: inconsultum, atque adeò indignum fore instituta Mæjorum, & avitam legem cum hominis barbari advenæ deliramentis, nullâ causâ, nullo momento commutare. Imò senem illum exterum videri ideo noxæ dedendum, nè publicæ rei atque Imperio præpostera indulgentia calamitati sit. Ad hæc Imperator, ut est mobili ingenio, neque satis autoritate, neque sapientiâ validus, dejectis oculis, abripi Sebastianum jubet, & lege cum eo agi. Igitur à Judicibus morte multandus, jumento imponitur, & inscriptam vexillo papyraceo supplicij causam, *Fidem Christianam contra Imperatoris edicta prædicatam*, ponè se trahens, ad foveam evehitur; ibi revinctis à tergo manibus, supinis pedibus, pronus in caput genuum tenus in scrobem demersus suspenditur, unâ cum quinque Socijs, quos illum pronuper adscivisse in Societatem dixi. Ipse cum suspenderetur, negavit se quidem tormento fossæ confectum iri, sed flammis atque incendio; & cum triduo pependisset immotus, & socijs omnibus morte defunctis etiamnum superstes, supposito à lictoribus igne deflagavit, ipsa in Urbe Regia Jendi die 6. Junij A. 1634. ætatis 63. Societatis initæ 45. Corpus in cineres redactum est, nè quid esset ex eo reliqui Christianis ad venerationem.

P. JOANNES DEL CARPIO.



N Oceano Orientali Insulæ sunt numero propè infinitæ, amplitudine quàm maximè dispares, multis subiectæ Principib⁹. Primæ à nobis Molucæ sunt: extremæ Japonicæ; inter has mediæ Luzoniæ, quas Hispani, quòd eas Philippi II. Regis Catholici auspicijs occupavissent, Philippinas dicere. Earum Princeps ipsa Luzoniæ, seu Manila est, universæ Hispaniæ magnitudine par; secundum illam Mindanaus & Calamianes, & omnium latissima Borneus. Inter mino-

res, quæ tamen singulæ ad 100. leucas patent, potissimæ ferè recensentur Mindorus, Ibaus, Bohel, Sebu, Leire. Mindanaus à Mahometanis propemodum universa tenetur, in cujus una parte dominabatur his annis Cacciles Coralatus, homo ferox ingenio, & manu strenuus; & cui potissimum in Societatis homines odium, quos Mahometanæ adversari perfidiæ, quantâ possent ope, sciebat. Igitur cum aliquando oppressus morbo vereretur quorsum is evaderet. Mahometo, si recepsisset valetudinem, Patrum quotquot cepisset,



P. Ioannes del Carpio Nobili ortu Hispanus Soc. I.F.S.V. à Mahometanis odio Religionis interfectus in Insulis Philippinis Ognucci 2 Decem. A. 1634

C.S. d.

M.K.f

capita devovit. Et ecce DEI permisso brevi confanuit: cùmque post paulò classem ad prædam emitteret, in mandatis Præfecto dedit, nè vivum ad se Patrum quemquam, si deprehenderit, traheret, sed è vestigio Mahometo mactaret. Ex his Philippinarum Insulis ad delectus habendos Sociorum, sub A. 1612 in Hispaniam Procurator venerat P. Alphonfus Hummanes, is ipse, cujus hodie sepulchrum ijs in Insulis crebris à DEO prodigijs honestatur. Eo tempore Joannes del Carpio, ortus Riofrio in Hispania, cùm Juvenis paterno degens in prædio, Divinis motibus incitatus Sacramento se obligasset, ad intendendos in salutem animarum omnes animi sui nervos, eà gratiâ Oropefæ in Collegio Societatis Grammaticæ præceptiones condiscer-

bat. Opportunè in P. Alphonsum incidit, cuius consilio animum ad expeditiones Indicas adjecit, & cum eo ipso in novam Hispaniam trajecit. Hic eum Societati adscriptum in Tepozotlano tantisper Tyrocinio collocavit, dum navigandi in Philippinas tempus appeteret. Mox factò in Philippinas trajectu, Manilæ Sacerdotio initiatus, & ad Leire Insulas destinatus, diu strenuè easdem, inter quotidiana vitæ pericula percoluit. Sed inter eos tantà morum innocentia, tantà sui custodiâ, attentioneque agitavit, ut nullam Societatis regulam consultò se unquam delibetateque violasse, ipse non dubitavit, homo cæteroqui modestissimè de se loquens ac sentiens, asserere.

Demum Ogmucense ibidem Oppidum cum

eum Christianis suscepisset præceptionibus informandum, eodem Coralatus hostis validam classem improvisus applicuit. Conati sunt eum principiò quidem propulsare magno animo incolæ; sed ubi se conspexere numero vinci, nec posse tanto pares hosti resistere, in arcem, abducto secum P. Joanne, confugerunt. Coralatus insolentia elatus, admove-
 veri materiam undequaque circum Arcem, & inflammari imperat; cujus Præsidarij fumo & flammâ subacti, se hosti permisere. Primus in conspectum P. Joannes processit; quem simul atque Præfectus classis conspicatus est, impellente vehementer eo, qui aderat Mahometano Cacicio, genti Catholicæ infensissimo, elatâ voce trucidari jubet. Pater in genua confestim procumbere; ille in pro-

cumbentem altè demergere acinacem, & honestæ mortis jam diu cupientissimum obtruncare. Id quod factum est die 3. Decembris A. 1634. ætatis 51. Societatis 20. Postridie, Barbari, quò suos in perempto periclitarentur acinaces, truncatum capite, vulneribus sædum in morem concidunt, & in partes divulsis membris distrahunt. Interrogatus à primario quopiam Præfectus hostilis, quidni Patrem servârit necis immunem, cujus potuerat libertatem mille minimum argenti ponderibus, cujus ipsi cupidissimi sunt, vindicare? Nihil ille se dixit pensare pecunias, præcepto in Fidei Christianæ Præcones odio; cùm præsertim Rex suos eos omnes Mahometo, voti reus, jussisset interfici.

P. DIDACUS YUKI.



Zacæ multis jam antè illustrarunt constantiæ triumphis Neophyti; tantus enim erat eorum ardor, dum Camidonius in Christianos inquireret, ut ad eam famam multi, quos negotia alibi distinebant, ea abruptantes redirent, professuri singuli domi suæ se Christianos esse, unde Martyrum gloriam expectabant. Et verò incidit inter duos Neophytos sub id tempus lis in forensibus judicijs inaudita. Sodalitij præfectus lethali ægritudine correptus occumbebat, in cujus vicem Sacerdos noster antequam ad alios abiret, alium subrogarat. Ad ægrum pervenit nescio quis de crastina Christianorum caruiscina rumor; & quoniam Præfecti Sodalitiorum primi petendi erant, suffectum sibi accersiri jubet, & coram Neophytis æger sano piam litem indicit. *Cum adhuc vivam, inquit, oportet me in hoc Fidei theatro personam Præfecti sustinere: non sinit ea mens Patris nostri, ut me Martyrio privaret. Et quoniam ægritudo me brevi exstinguet, alia nulla posthac occasio se mihi offerret pro Christo moriendi; tibi adhuc valenti deesse non poteris.* Hæc ille aliæque ita ferventer, quàm si de grandis enjuspiani hereditatis possessione adeunda avarissimus quispiam litigaret. Sed dies postera litem diremit; nam cùm Judices ingentem conspexissent multitudinem Martyrium unicè exoptantium, penituit irritasse crabrones. E toto nihilominus numero, 80 supra quinquaginta, relictis alijs, in saccos compegerunt, & arctissimè constrictos ad publicam ignominiam secundum celeberrimos

mos pontes exposuerunt. In hoc Christiani frumenti acervo, per saccos dimenso, grana erant selectæ Nobilitatis germina; Joannes præsertim Regio sanguine genitus, Regis Ava nepos, ejusdemque conjunx Magdalenæ, quam à cupiditate Martyrij imminens partus abortusq; periculum nequaquam deterruit. Diem totum frigidissimâ anni tempestate, solo Fidei Zelo fervidi, in hoc tormento exegerunt; tum in carceres detrusi, & arundinum ardentium manipulis lentè ambusti, atrociter torrebantur. Subducti tamen supplicio ac morti, exutique bonis omnibus exulare sunt coacti.

Tandem primus Ozacæ, autoritate publicâ gloriosam mortem subiit P. Didacus Yuki, quem Japonia produxit in lucem, productum excepit ab ipsis propemodum incunabulis Seminarium, eduxitque in Virum Societate dignum, cui A. 1594. aggregatus, Religiosarum commendatione virtutum eandem illustravit, Philosophicis disciplinis, & subinde triennio moralis Theologiæ præceptionibus institutus, humaniores Scholas quinquennio Japones docuit. Potissimum tamen ab ejus prædicatione fructus extitit, præsertim ex quo Daifusamæ proscriptione plebisq; Patrum aliò deportatis, ipse inter paucos unus eo in Regno clam, dissimulatâ personâ permansit, & longinquos Japoniæ tractus, solandis firmandisque Catholicis peregrinatus est. Atque ut nemini mortalium noxæ aut calamitati foret, totos annos viginti nullo usus est hospitio, nunquam ad quendam divertit, vagatus in silvis atq; per avia;

hera



P. Didacus Luxi Japon. Soc. I.E.S.V. triduo in scrobem ex pedibus suspensus vitam pro Christo finivit in Iaponia Ozacæ, mense Februa. A. 1636. ætatis 62.

C. Sireta. d.

M. Küsell. f.

herbis, quas promiscuè tellus ultro profunderet, & agrestibus arborū brutarum pomis vitā trahens potiùs, quàm sustentans. Ad extremum Ozacæ comprehensus, Gubernatoris Nangasackensis jussu ibidem capite prono in scrobē suspensus, assertā constāter toto triduo ad usq; extremum Catholicā Fide, labente Februario ex illius tormenti tenebris, in sempiternam lucem excessit, A. 1636. ætatis 62. Societatis 42.

Sublatis ad hunc modum propè omnibus Fidei Magistris, quantā feritate in destitutos pastoribus greges per hos annos sævitum sit, juvat obiter insinuare: Aryiæ 280. Christiani partim viri & mulieres, partim pueri & infantes comprehensi, adeo cruentum inivère certamen, ut nullus fuerit à gra-

vissimis tormentis immunis. Inter reliqua vacuas cannas, sulphure, absynthio, aliisque fortenti ac famosâ materiâ opplebant: quarum uno foramine naribus ejus, quem cruciabant, inserto, alteri ignem admovebant, ore interea vi obturato. Adeo grave id erat tormentum, ut non modò exanimaret eum cui admovebatur, sed totam faciem aduret, vapore cum fumo igneo erumpente ex canna, qui halitu attrahebatur. Fodicabant præterea acutis quibusdam cannis, velut terebris, carnem adusque ossa, sæpe etiam ipsa ossa penetrando: ustulabant facibus nuda corpora: manibus ac pedibus revinctis sublimes appendebant, nodosis fustibus immaniter cædebant. Si quos liquerat animus, varijs remedijs ad graviora tormenta fovebant.

bant. Alios alibi succis poplitibus enervabant, Crucis stigma candente ferro fronti inurebant: interceptas duabus trabibus tibias comprimebant, easque, toto corpore super trabes saliendo carnifices, multis penitus comminuebant. Adorti inter ceteros varijs promissis ac blanditijs sunt matronam, cui filia aderat 13 annos nata, ac nurus infantulum brachijs complexa. Sed cum Idola averfarentur, acutis cannis corpora earum fodiceant, ingentibus aquæ scyphis violentè ori infusis, & violentius regere coactis eas affligunt, donec velut exanimis jacuere. Redeunte postliminio animo, cum neque sic Fidem ejurare vellent, prolem tenellam arripiunt carnifices, ejusque facie faciem matris converberant: & quantò puella flebilius vociferabatur, tantò ferociùs eam torquebant, cum Mater veluti sensus experta, egregiè sibi constaret. Puellam deinde tredecennem adorti, ubi eam infusâ aquâ, cannisque acutis cruciassent, acuto fuste totum ei corpus terebravere: quod illa ita tulit, ac si omnino non sentiret. Mox viridem cannam igni injiciunt, cumque ferri instar canderet, eâ totam adurunt, tædisque accensis undique ustulant. Cujus constantiâ minimè his concussa efferrati, fumum adhibent illum naribus pestilentem, acutas in super cannas auribus naribusque immittunt, & comâ arreptam bacchico furore per solum raptant.

Excruciabant iidem puerulos 10. aut 12. annorum, non tam ut à Fide ipsi deficerent, quam ut Parentes illorum commiseratione proflerentur. Convulnerant ijs manus, easque ut ardentibus prunis imponerent, cogebant, quas si retraherent, indicium fore negatæ Fidei. Multi intrepidè tenuere immotas; alij estò retrahebant exclamabant simul tamen, non ideo à se Christum negari. Eorum unus quinque vel sex annorum cum integrâ nocte fuisset tortus, quidam adstantium pietate motus, sicut aridam illi comedendam tradit. Non comedet ait unus ex carnificibus, nisi priùs Fidem mutet. Tacuit puer: sed sicut in faciem ejus conjecit, nolens omnino eam ori admoveere. Igitur efferrati carnifices, inter ceteros cruciatus, carnem illi forcipibus in frusta dissepserunt, incisof etiam labio. Neque tamen exprimere unquam ab innocenti illo ore quidquam indignum potuere. Magnus fuit puerorum his tormentis divexatorum numerus, & pauci omnino vi cruciatuum superati sunt, plures longè pessimum Parentum exemplum emolijit, ita ut 50. duntaxat superfuissent Bungo-

doni sevitiâ superiores, jussi ab illo Ximabaram deduci, ut novum à furiali ejus immanitate excogitatum supplicij genus, primò quidem in alijs exercitum spectarent, mox autem & ipsi, nisi à Christo deficerent, experirentur. Septem ex præcipuis Christianorum antesignanis illo mastrandos delegit, quod Sacerdotes nostros hospitio exceperant, suisque monitis plurimos ex lapsis ad gremium S. Ecclesiæ reduxissent. Septem pro ijs in lato prope maris littus campo vifebantur paratæ fossæ, altæ tres palmos, sex latæ: ex quibus lignum sursum eminebat, cum tigno transversim affixo, in figuram ferè crucis. His duobus lignis, nè se commovere ullo modo possent, corpus ac brachia alligata Christianorum quinque virorum, & duarum mulierum, qui antè considere in illis fossis jussi: eorumque colla intra duos asseres, conclusa, ut capita supernè immota furori carnificum prosterent. Ubi adsuit Bungodonus, mox Leonardo Sacuzaiemon, uni è primoribus Aryienibus serrà rescari brachium jussit, quia uni è Præfæctis suis dixerit, mentiri ipsum, asserentem confictam ab ipso in Fidei quæstione subscriptionem, suam esse. Omnium deinde, cervices experunt serrà ferreâ paululùm, convulnerare, viam alteri lignæ serræ faciuri, quâ paulatim singulis diebus eos excarnificari oportebat. Tribus vicibus primâ die, duabus reliquis sex diebus repetita laniena, cum neque diebus neque noctibus è fossa & repagulis suis educerentur: imò quotidie sale asperso confricari vulnera, iterum paulò post serrà exasperanda, jussit Tyrannus: & si quem linqueret in cruciatu animus, mox medicamenta applicabantur, quò ad majora tormenta durarent.

Adstantibus 50. Christianis nil aliud primo & secundo die factum, quam ut immanissimi spectaculi terrore animis concuterentur, à cuius intuitu ipsimet gentiles oculos horrore avertabant. At tertio & quarto die manibus pedibusque vincti, super acutum lignum considere singuli ad horrendæ tragœdiæ spectaculum coacti sunt; inserto in os fune, & retro validè adstricto, quòd JESUM & MARIAM invocassent. Mox eodem fumo, aquæ ingestione, acutis cannis, ardentibus tædis, uti nuper excruciantur; vix uno genere tormenti expleto, aliud aliudque admoventes: adeò ut tandem, præter unum adolescentem Congâ oriundum, universi dederint manus. Sed & illi, qui fossis impositi serrabantur, fracti tandem cessare,

5. quidem ac 6. die quinque, septimā autem nocte Paulus Nagata 83. annos natus. Solus Thomas Chibioius magnā vultūs serenitate perpeffus est omnia; quem accedens nonne- mō cūm sciscitaretur, *an eos cruciatus sentiret, nūm nec leviter vultu, nedum animo mutaretur?* sentio, ait Thomas, *sentio; sed causa ob quam patior, & merces aterna, qua brevi hoc supplicio exantlato me manet, sufficit ad cuncta perferenda animos.* Jam ad occasum vergebat dies 31. Maij, cūm Thomæ septimo tormentorum die tandem ferrā caput præcidere carnifices, quod in terram delapsū, eandem vultūs quam in vivente alacritatem retinuit. Tres nihilominus viros, qui sublatis ē scrobibus defecerant à Fide, capite plecti iussit Bungodonus, quōd hospitio exceperissent Patres; tanta rabies animis hos ē Japonia extirpandi infederat! qui inter magna pœnitentis animi & contritionis indicia, asserentes se Christianos mori, rescandas cervices fortiter præbuerunt. Eodem ferrā lignæ tormento per quadriduum ter in singulis dies repetito, Michaëli Xozaburi, Congæ caput resecissum est: cujus constanti fortitudine animati Gonsalvus Pater ejus, & Joannes Magofuquius, prius coram Præfesto testati se Christum, quem paulō antē in eodem supplicio negaverant, confiteri, fortissimē idem toleravere supplicium: uti & quinque alij partim Aryiæ, partim Facayæ, ab apostasia ferventissimē resipiscentes.

Sed minimē his satiatius Bungodonus, unicē cupiebat quempiam ex Sacerdotibus nostris occupare, quem posset vi tormentorum ad Fidem ejurandam cogere, ac deinde nihilominus ipsorum et Christianorum manibus necare. Parūmq; aberat quin Provincialem P. Matthæum de Couros comprehenderet (ut paulō antē in gēsis ejus memo-

ravimus) nisi Divina eum Bonitas mirabiliter servasset. Igitur obtestatus est Unemem, ut quempiam ē Patribus, quos in carcere detinebat, sibi excrucians donaret. Verūm non est id passus Deus, brevi meritam tantæ crudelitati mercedem rependens. Nam cūm Unemem invisisset, morbo correptus puerum inclamat, vociferans, ut ē conspectu suo multitudinem capitum submoveret, quæ non posset sinē maximo cruciatus intueri. Hæc, subindē exclamans, *ecquid videtis unum ex Aryiensibus mihi tormenta comminari? pellite eum hinc, & capita ista amolimini.* Cucinotzum in summa morbi violentia delatus, non me, inqueiebat, *tam morbus affligit, quā quid dicturi sunt Christiani, me calitus puniri ob pœnas ipsis irrogatas; at nē dubitent, ubi convalesco, acrius eos quā antehac excrucio.* Ximabaram ad Aram suam delatus, admotis morbo remedijs ita ille ē contrā ingravescere cœpit, ut videretur sibi penitus conflagrare. Exaudiebantur interim in Arce ululatus, ac clamores formidabiles, ingentium saxorum collisiones, nec quo hæc autore fierent cernebatur: tantūque eum & famulos pavor invasit, ut quō se horribilibus spectris liberaret, statuerit ad balnea montis Ungen, quibus crudelissimē Christianos excruciat, se deferri. Est illic aqua ita plerūq; fervens, ut temperari ad salubria balnea debeat multa frigidā: verūm ita tunc tepidam illam invenit, ut ipse simul atque advenit insilierit in thermas. Sed vix se immerferat, cū ita horribiliter aqua efferbuit, ut toto corpore amburi se clamans, foras extrahi se præceperit. Tandem paulō pōst tumultibus & ululatus horrificis ibidem, cum intolerabili omnium consternatione, infestatus, miserabili exitu sceleratam animam efflavit.

P. ANTONIUS SOCIRO.



Riginta jam annis nullo irrigata sanguine India, fructus tamen dabat uberrimos, quales tot Martyrum effusus antehac sanguis non vanē pollicebatur. Hoc demum anno 1637. glorioso rursus purpurata est cruore P. Antonij Sociro. Hic natus in Lusitanæ oppido Borba, anno 25. ætatis Societati se adjunxit: quōq; erat mortalium juvenum studio; nondum Tyrociniū perfunctus, A. 1602. P. Albertum Laërtium in Indias secutus est: & quō maturiūs se illi operæ, quam

potissimū expetebat, impenderet, auditi Morali Theologiā in Ceilanum Insulam se transtulit. Cūmq; in adducendis ad Fidem ejus Insulæ populis supra 40. annos laboriosissimē impendisset, magnam ejus partem in summa operarum paucitate, suā unius curā complexus, visitans solānsq; Neophytos, Sacramenta dispertiebat; & quia sparsim longo intervallo degebant, incommoda magna suscipiens, quippe cūm pedes unā die non rarō vicena, tricenāque passuum millia conficeret, incredibile est, quantā apud omnes San-

Aitatis



P. Antonius Sociro Lusitanus Soc. IESV pro Fide Christi ab Idololatriis Indis
occisus in Ceylano A. 1637. ætatis 61

C S d

M X

Ætatis exstimatione floreret. Et sanè sustentabant præclarè eam opinionem ejus excellæ virtutes; nam & horas diei complures precando agitabat, & Religiosas paupertatis & mortificationis artes tantopere studio habebat, ut jungens utramque, neque præter modicum oryæ coctæ quidquam vesceretur, neque aliter ipsam, quàm ficulneâ fronde exciperet, nè qua in discum, quantulacumque demum illa, impensa fieret. Nunquam Lusitanus exercitus in hostem, nisi P. Antonio comitatus, movere signa; cujus unius gratiâ sibi DEUM largiri victorias asserabant. Et revocavit ille Mosaicum illud prodigium, aliquando, cùm per ardua & siticulosa mon-

tium gradiens exercitus aquæ penuriâ vehementer afflictus est. Pater enim DEUM precatus, rupem eduram scipione pulsavit, & confestim aqua tam abunde scaturivit, ut reficiendo exercitui satis esset. Signis subinde cum hoste collatis cæsi Lusitani sunt, & captus Pater. Sed cùm suos Dux hostium acriter increpuiſſet, quòd incolumem servâſſent, neque in vestigio animâ exuiſſent eum, qui suorum esset idolorum osor, insectatôrque, multò infestissimus; illi convitio incitati, hastas ejus pectori admovère, & continuò prolapsum in genua, confossum penitus vitâ spoliavère A. 1637. ætatis 61.

Societatis 36.



P. Marcellus Franciscus Mastrillus è Marchionibus Italiae Soc. IESV. post crudelissimam infusionis aquae et quatruiduanae in scrobe è pedibus suspensionis supplicium capite demum tertio ictu truncatus in Iaponia Nangasachi. A. 1657. 17 Octob.

C. S. d.

M. K. J.

P. MARCELLUS FRANCISCUS MASTRILLUS.

EXtremi Naturæ nifus dum ultimæ vires exerunt, semper infusos, & ipsâ naturâ majores effectus exhibere videntur. Idem accidit in ordine Gratiae. Omnibus in Japonia Operariis Evangelij per acerbissima supplicia extinctis, & uno eorum, qui Caput omnium fuerat, Christophoro Ferreirâ, per tormentorum intolerantiam in Idololatricam apostasiam lapsa, supremum in P. Mastrillo illi Ecclesiæ Cælum parabat subsidium: itaque totum illius vitæ cursum, merum esse voluit miraculum, merum prodigium. Natus in Italia A. 1603. Patre Hieronymo Mastrillo Marchione, & matre Beatri-

ce Caracciola è prima Regni Neapolitani Nobilitate, nunquam aliò, quàm Cælum ventus oculos intentos habere infans voluit, Beneficio Deiparæ in lucem editus, primamquam loquax edidit vocem, in Mariæ appellationem resolvit, cujus deinde Officium cum fratribus puer recitans, nunquâ sine lachrymis absolvere potuit. Ejus invocatione à ferociente tauro puer in cornua sublatus, cum omnes agitatione enectum crederent, inde omnis à bestia depositus est. Et cum jam tum in miseros vivos, & vitâ sanctos tenerrimæ esset misericordiæ, semel quidem in forma pauperis Angelo elemosynam elargitus est; in subsidium autem animæ necati sui in rixa famuli

famuli procurato Missæ Sacrificio ministrans, vidit illud ipsi in flammis infernalibus ardenti, nihil profuturum. Ab ipso rationis usu vitam cœpit ducere etiam Viro austerram, noctibus totis per hyemem nudâ humo cubando, cilicijs, jejunijs, flagris durè corpus accipiendo: quibus promeritus est 14. ætatis anno, ab Angelo specie elegantissimi Juvenis comparente moneri, ut sæculo relicto Societatem Jesu amplecteretur. In qua expetenda cùm Parentis artibus, à Religione filium remorantis, sensum intepuisset, eadem Numinis violentiâ, quâ ejus Fundator, ad eam inductus est, altero illi crure confracto. Cujus idu sapiens uti primum consuevit, fugâ se paternâ e domo, rectâ ad Tyrocinium Neapolim proripuit; quatuor tenebriones, quasi malè sibi ab eo quondam futurum metuentes, atro ac squallido vultu obvios habens; qui ubi frustra terribus ac minis à proposito juvenem avertere conati sunt, momento ab oculis evanuerunt, & atra nubium tempestas ab ijs confcita, subito in ferrenum transiit.

Igitur A. 1618. ætatis 15. Tyrocinium auspicatus, in primis statim Exercitijs cœlestibus visis à DEO recreari cœpit, quibus in omnia asperissima ejus gratiâ subeunda firmatus, continuò missionem Japonicam apud Præpositum Generalem urgere cœpit, neq; ab eo tempore deinceps, dum obtinuisset, flagitare desistit. Et revera ab ipso Matris utero in eam Missionem à DEO segregatus videtur. Vix enim infantiam egressus, cùm juberetur à Pedagogo preces quotidie cum fratribus in commune recitare, lachrymis plerumque infusus eas perturbabat: quarum causas interrogatus, ingenuè edixit, videri sibi inter orandum circumgredientes se Ethnicos, qui sibi vitam creptum eant: neq; præ animi gaudio posse idecirco lachrymis temperare. Quas cogitationes in Tyrocinio Societatis continuans, credebatur passim prænotionem securæ suæ felicitatis divinitus habere. Nam ingrediens aliquando per Neapolim, cùm fortuito in artificem incurrisset, qui aciem gladio inducebat, *ejusmodi*, ait ad comitem, *futurus est gladius, qui mihi caput ob Christi Fidem apud barbaros amputabit*. Cui sustinendo ut in tempore se se aptaret, jam tum flagellare se quotidie, crucem ferreis asperatam cuspidibus ad pectus gestare: & ne unquam Martyrij à DEO inter preces postulandi memoria excideret, eas dicere in Rosario conferto globulis è palo tornatis, ad quem Martyrum unus in Japonia alligatus

pro Christo conflagravit. Missus experimenti causâ, pro Societatis more, cum duobus Tyrocinij focijs mendicatò peregrinatum ad Montem Virginis, cùm amisâ in sylvis viâ, nocturnis tenebris obrueretur, repente Juvenis formæ liberalis comparuit, qui demonstratâ semitâ, & fructuum quorundam esu. supra omnem cibi mortalis virtutem confortatis, momento evanuit. Omnibus deinde annis, quibus in Europa, inter præclara omnigenarum virtutum Socijs præbita specimina, vixit, instantissimè votum suum, Japoniam petendi, apud Præpositum Generalem urisit, & supra mille epistolarum in eam causa conscripsit; itâ ejus desiderijs absorptus, ut nullo die domi, in Scholis, in Convictorum Nobilium, quos regebat, contubernio, coram socijs, discipulis, hac de materia mentionem in colloquijs omisisse sit notatus. Quibus tot tantisque arduum Missionum studijs, obtinuit ille quidem, ut decreta illi fuerit semel Angliâ, semel India, tum & Japonia, quam unâ cum P. Sebastiano Vieira illuc revertente erat petiturus. Verum cùm importunâ Necessariorum intercessione semper ea consilia discuterentur, egit ille rem suam tantò instantius apud DEUM. Quod dum aliquando Missæ Sacrificio inserviens, per merita S. Eustachij, cum lacrymis ardentissimè facit, vidit ab imagine ejus Sancti fulgentissimum in se radium lucis derivari; sensitq; ab eo diserte se commoneri, optatâ gratiâ certò potiturum.

Inter hæc Marchione Patre demortuo, & Philiberto Fratre in Marchionatu successore plures annos in conjugio sterili, Amici propagationi Familiæ metuentes, Marcello semel iterumque negotium facecebant, exitum è Religione suadentes: ille quo semel ijs omnem avocandi sui cogitationem detraheret, coram P. Provinciali repente prolapsus in genua, voto sanxit, nullo se unquam quo suæ Familiæ eventus, Societate abiturum. Et, ut pateat, quàm diversa sint hominum in vita, & post fata sentia & judicia, ipse ille Philibertus paulò post vitâ functus, non semel candido vestitu Marcello adfata visus, illum amabili gestu ad iter, Japonicum scilicet, invitabat. Jamque annus 1633. in exitu erat, cùm iter illud adeò Marcello obseptum, inauditum prodigium aperuit. Ornaverât ille in ipsa Neapolis Regia solennitati Deipare sinè macula Conceptæ, splendore prorsus Regio à Pro-Rege institutâ, unam ex Aris quatuor; cujus solennijs, & supplicatione exquisitissimo cultu & magnificentiâ peractâ (cu-

jus tamen nè quidquam aspiceret Marcellus, severissimà oculorum custodià caverat) aulae de scalis refigentem artificem nescio quid monebat; & ecce malleus ex manibus fabro elapsus, ità Marcellum in dextri temporis musculo percussit, ut penè exanimem in loco relinqueret. Continuò domum devehitur; vulnus in extimo satis exiguum, at quantum esset intestinum malum, indicio fuere aliquot pòst diebus secuta febris, oculorum torpor, capitis acerbæ punctiones, mentis aberrationes, rigor & stupor corporis tam pertinax, ut nullis fomentis, ac nè igne quidem admoto depelli potuerit. Die autem 21. ab istà, jam nec vesci posse, imò nè os quidem accipendum cibum recludere, quod ei vi maximà Chyrurgus geminis inter se obversis cochlearibus vix sensum aperuit, ut vel perpaucas liquidi stillas infunderet. Sed cum nè id quidem efficere ullo conatu posset, Medici pleno Collegio convocati, apertè profiteri (quod & jurejurando postea testati sunt) Marcellum humanà arte sanari non posse, sed mortem illi in horas opperiendam. Per ipsos hujusce morbi dies sæpius se illi visendum objecit Viralbà veste, & Sacrà Cruce in pectore insignitus (quem postliminio S. Xaverium fuisse intellexit) jam noctu, jam interdium, sæpe vescenti, oranti, agenti etiam cum alijs, modò assidere lecto, modò vicino in abaco, solari, bono animo esse jubere, ac semper animum Cœlesti quadam jucunditate complere. Semel iterumque sciscitatus ex Marcello est: *mori mallet, an vivere? cuperetne mortualem cereum an scipionem* (utrumque enim manibus sustinens offerebat) *viatorium?* cui pari semper integritate cum reponeret æger, utrumque sibi æquè cordi esse, si DEO collibitum foret: tandem vicissim alio die ex Sancto sciscitatus est: *utra sibi tandem in Cælo, mortisne? an itineris decreta esset conditio?* negavit Sanctus adhuc sibi fas esse ea arcana reterege. Spopondit nihilominus consulturum se Numen. Paucis diebus idem revenit ad ægrum, sed pluribus alijs stipatus: quos ægro interrogante: *quinà essent? num forte Martyres Japonij?* nil aliud respondit Sanctus, quàm *amicos ipsius esse, qui impensè illum DEO commendarent.* Ipsdem certos ardentes manu gestantibus comitatus postremùm hanc formà illi adfuit, triduo antequam prodigiòse curatus est: *percontantique: num forte animæ de Purgatorio essent, auxilium postulatura?* Sanctus idem quod antè respondit. Cæterùm etiam *animabus in lustratorio igne gravem ipsius esse morbum, quòd ejus interim ope ac*

suffragijs destituerentur. Ergo, subinfert æger, *aquum est aliena adjuvando illis sacra, ac precationes à me procurari.* Probavit ille, collaudavitq; consilium, atq; disparuit. Visus etiam aliàs ipse est Vir ornatu cum viridi Cruce militiæ Alcantarensis, qui se ipse magno futurum aliquando auxilio spondit. Et æger ex ijs, quæ postea in Insulis Philippinis sibi ab earum Pro-Rege, hujus militiæ Heroë contingere, didicit fuisse aut ejus loco sponsores Genium Tutelarem, aut Ordinis Patronum,

His alijsq; Cæli favoribus ità replebatur Marcellus, ut deinde sibi restitutus scriberet ad amicum Sacerdotem; *fuerunt mihi dies illi perennis paradysus, visitationes continua, nuncia felicissima, vicissitudines admiranda, consolationes Cælestes, spes Divina. Multa percepi, multa mihi adhuc obscura sunt.* Et jam cuncta spectabant occubitus, cum S. Xaverius monuit Matronam Nobilem sibi devotissimam, Marcellum eo morbo non excessurum, sed magnis adhuc gerendis eum servari: jussitque hæc ipsa Confessario mox referri, ut fides postea, re peractà esset vaticinio, Marcellus interim, ut pietati duntaxat sue obsequeretur (nam vitæ spes nulla vel cupido erat super) coram Præposito Provinciæ votum Indicæ professionis 2. Januarij nuncupavit. Sacro deinde oleo extremum unctus, quia ob pertinentem faucium comprehensionem Divino Viatico muniri non poterat, S. Xaverium interventorem adhibere constituit. Effigiem itaque ejus aliquam lateri cubilis affigi petijt, quæ continuè vicino è cubiculo, peregrinantis habitu Divum referens, admota est. Illi supplicabat æger assidue, admotis identidem gutturi sacris ejusdem reliquijs, nè se pateretur obire Divinissimæ Eucharistiæ expertem. Manè velut exorati beneficii certus, sacram poposcit Hostiam, eamque, factò priùs in altera non consecrata periculo, facilis ac lætus transmissit. Quin eà ipsà nocte duobus Patribus affirmavit, se Sacrum postero die facturum, *Fortasse in Paradiso*, illis reponentibus, quia mente aliend eum loqui credebant: *id verò nescio*, subiecit ille, *nam facturum me Sacrum dixit, at ubi, non dixit, insinuans, id à S. Xaverio sibi datum in promissis.* Et certè eadem nocte cum P. Vincentio Caraffa Rectore Collegij, qui postea toti præfuit Societati, multis de suo in Indiam itinere, tanquam illius certus, tractavit. Die Januarij tertio inter vitæ mortisque confinia traducto, instabat jam hora ab solis occasu quarta, & vix horæ quadrantem vitæ reliquum esse omnes rebantur, erantque jam

jam funeri curando parata omnia. Socij pars orando, pars pias aspirationes suggerendo, agonizanti optulari. Affidebat illi dextrâ propter lectum P. Julius Recupitus; ad quem exili voce, *videri se in quadam quasi valle consistere*, inquit Marcellus, & *tenuem è longinquo lucem radiare*. Mox: *videre se globum è Cælo promicantem, & in illo clarissimâ luce coruscantem S. Xaverium, specie usq; eo blandâ & amabili, ut momento maiorem sibi omnem absterferit*; eamque animo suavitatem, quod postea testatus est, in perpetuum infuderit, ut etiam deinde cum maximè vellet aliquem mortis sensum consciscere, non posset. Tum verò nomine suo cieri se, *Marcelle, Marcelle*, audiens; mirabundus, *Hei mihi, minus clarè audio*, inquit: & manu silentium Socijs adgeniculantibus faciens, oculis, auribus, totòque animo tantisper arrectus repetitâ vocatione, *hinc hinc vocor*, ait: momentòque qui se nullam in partem movere nunc poterat, in alteram lecti partem, ubi parieti affixa icon pendeat, se convertit. Socijs rei novitate attonitis, cum identidem mussitantibus, & veluti cuiuspiam loquenti, quem tamen nemo percipiebat, respondentem audirent, P. Marius Fontanarosa ægrientium curæ tum præfatus, & Apostolicus postmodum inter barbaros operarius, ut Marcellus quid ageret, quidque loqueretur perciperet, inter lectum parietemque se iniecit. Idem præstare volens Frater ægrorum curator, perstantem ibi S. Xaverium, invisâ quâdam vi prohibitus, penetrare permissus non est; prærogativam hanc (ut conjici potest) soli illi indulgente Indiarum Apostolo, qui ad Indorum salutem tantis impensis à se quæsitam, anhelaret. Marcellus igitur, ut se ad Divi imaginem convertit, a Socijs, & rebus creatis omnibus per extasim raptus, eundem propter lectum ad stare in sua virili statura, cultu imagini ipsi per similem videt, corusco vultu, & longè supra humanum serenior. Ad quem Xaverius hilari ore: *Et quid agitur Marcelle?* inquit, *morine moris, an Indiam petere?* ille id sibi unum cordi maximè esse respondet, quod DEI placito congruat maximè. *Tenésne memoriâ, heri te*, inquit, *coram Provinciali votiisse professionem Indicam, si vita suppeteret?* Teneo, inquit Marcellus. *Eja age igitur*, ait Xaverius, *in conceptâ à me verba te devote; prævivit; statim verba*; quæ cum à Marcello repeterentur, exaudita sunt; quin adeò cum aliqua bis tæne minus clarè excepisset, subridens Sanctus eadem iteravit. Verba autem quæ prævit hæc sunt, ex formula votorū nostrorum.

*Omnipotens sempiterne DEVS, Ego Marcellus Mastrillus, licet undecunq; Divino tuo conspectui indignissimus, fretus tamen pietate, ac misericordiâ tuâ infinitâ, & impulsus tibi serviendi desiderio, voveo coram Sacratissima Virgine Maria, & te Sancto Patre Francisco Xaverio, & Curia Cælesti universa, Divina Majestati tuæ, paupertatem, castitatem, & obedientiam perpetuam in Societate JESV; & præcipuè Apostolicam missionem Indicam, quam heri pariter vovi coram meo P. Provinciali: & promitto eandem Societatem me ingressurum, ut vitam in ea perpetuò degam; omnia intelligendo juxta ipsius Societatis constitutiones, & decreta Sancti Patris Francisci Xaverij de Indica expeditione edita. A Tua ergo immensa bonitate & clementia per Jesu Christi sanguinem, & meritis Sancti Patris Francisci Xaverij, peto suppliciter, ut hoc holocaustum, & votum à me indignissimo nuncupatum, in odorem suavitatis admittere digneris, & ut largitus es ad hoc desiderandum, offerendum, & fovendum; sic etiam ad explendum, & sanguinem pro tuo amore fundendum, gratiam uberem largiaris. His absolutis S. Pater redditam ei dixit incolumitatem: quòq; de accepta vita gratias ageret, iussit eum Christi Crucifixi, quem præ manibus habebat, vulnèra deosculari. Eo suavissimè præstito: *suntne tibi*, inquit Sanctus, *religiosa mea?* annuente Marcello, & eas de pulvino, sub quo jacebant, promente: *habe eas animo tuo citra*, inquit, *Nūmme & S. Crucis religio?* fatenti rursus: *age*, inquit, *eas admovi parti ægrota: admovit confestim ille temporali laucio*. Sed abnuens capite sanctus, & rejecto è sua dextera in levam baculo viatorio, atque extremo ægrientis occipiti admotâ manu, ibi vim morbi delitescere, & lipsanothecam applicandam, admonuit. Paruit æger, statimq; Xaverius: *sequere dicentem*, ait, atque ita subjunxit: *Ave lignum Crucis, Ave Crux pretiosissima, me totum tibi dedico in perpetuum; & oro suppliciter, ut gratiam fundendi pro te sanguinem, quam Indiarum Apostolus Franciscus Xaverius post tot exantlatos labores consequi non meruit, mihi licet indignissimo largiaris*. Et paulò post: Abrenuntio parentibus, propriæ domui, amicis, Italia, & omnibus, quæ mihi retardare possent Indicam Missionem; & me totum in animarum salutem apud Indos dico, coram S. Patre Francisco Xaverio, meo, meo Patre; quæ duo verba extrema de suo Marcellus adjecit: iisq; blandè sanctus arrisit, & placidè subdidit: *bono, ac leto, in posterum animo esto, atq; hos actus quotidie repete*: simulque ex oculis evanuit; evanescente pariter & morbo, & vitâ, jam penè dimissâ, momento revocatâ. Absoluto quippe*

quippe colloquio sanus, integer, omni ex parte incolumitati restitutus apparuit, sine febris, sine paralyfi, sine defluxionibus, sine vulnere; sine languore, imbecillitate, pallore, macie, fofpes, firmus, validus. Tum exportatâ fronte ad valetudinarij Præfectum; *mi Pater*, inquit, *esurio: praebe quippiam quod edam.* Dum cibus adfertur, jubet adstantes primum solennem S. Francisci Xaverij precatiunculam clarè pronuntiare; voluitque ter illum versiculum repeti: *ora pro nobis S. Franciscè Xaveri*, & ipse subiecit: *ut dignus efficiar promissionibus tuis.* Id postquam factum est, & allatus cibus, trepidare adstantes principiò; & quò faciliùs dimitteret, minutum concidere. At ille erecto vultu ridere illorum formidinem, lectio citra fulcrum rectus insidere, atq; ultrò periculum in solidiore cibo facere: deniq; S. Francisci Xaverij ope valentem se omnino ac firmum prædicare; tantisque se viribus jam tum pollere, ut consurgere possit è strato, & postridie, cum primum per tempus licuerit, Sacrà Hostiâ litare. Igitur ij, qui præsentés aderant, jam certi valetudinis confirmatè, inclamare portentum, prodigium, miraculum! Confluxère omnes continuo, & celerimè fama toto Collegio percrebuit, restitutum Marcello vitam, eò magis æstimandam, quò minùs à morte abfuerat. Itaq; coram S. Francisci Sospitatoris imagine in abaco collocata, *Te DEum laudamus*, provoluti in genua recitavère.

Interea Marcellus ubi accisas quatuor ferè dierum inediâ vires cibo ac potione refecit, surgit è strato, vestes induit, & aliquantisper ingressus, ad Sancti tabulam venerandus advolvitur, gratias fuo vindici reddit, fasciâ & emplastrâ deponit; arbitrisque dimissis, totam rei gestæ seriem P. Rectori denarrat, eamq; suâ ipse manu sat fusè describit. Postero die, atq; ejus anni 1634. die 4. in Templo ad Aram S. Francisci Xaverij religiosè celebravit, plurimis undequaq; ad celeberrimi prodigij famam excitis. Deniq; ex eo die communia Sociorum munia etiam continuo Marcellus obire, domo prodire, & perpetuis sese laboribus jam valens ac robustus atterere: ac paulò post Matri graviter ægrotanti totos octo dies, veste nunquam depositâ, diurnus ac nocturnus assedit, donec eam placidâ morte composuit, expeditior ad Indos evoluturus. Atq; hîc vide mihi incredibilem in S. Xaverio erga Japoniam, & Religionem suam zelum. Nam cum hoc ipso 1633. anno, Octobri mense, Caput ibi Socio- rum, Christophorus Ferreira, turpi à Fide de-

fectione triumphū corrupisset, Xaverius eisdem Japoniæ ante lapsum trimestre, Athletam alium in Europa tantis prodigijs succenturiavit: eumq; per omnes Provincias, ad quas infamias rumor devenerat, velut clarissimum pugilem circumduxit, ut in ipsius perfugæ obtutu, idem quod ipse exhorruerat, fossæ tormentum fortiter perferendo, Japoniæ simul, & toti Orbi palàm faceret, uno degenerare ramo avulso, nunquam aureum alterum defuturum. Marcellus in grati animi erga Divum significationem, ex ipso curationis suæ die nomen Francisci assumpsit, neque aliâ deinceps, quàm *Sancti sui* appellatione eum nuncupavit: neq; aliquid, quod ejus interposito nomine à se flagitaretur, dum tamen à se præstari posset, refragaturum voto sanxit. Litanias de eodem altissimis encomijs à se consecutas dixit quotidie: singulisq; diei & noctis horis, quæ somno solvebatur, Angelum suum Custodem ad Divum ablegabat (quod etiam alijs faciendi magnopere auctor erat) salutationis ac venerationis officio vicem suam obtutum. Sed & S. Apostolus vicissim tantis eum gaudijs perfundebat, ut ipsemet fateretur, se quasi continuè Cælestibus visis perfrui. Illud præterea lumen animo ejus indidit, ut nullo manifestante continuè sentiret & discerneret, sicubi reliquiæ sui Sancti præsentés adforent, ad quarum conspectum totus accendi, lachrymis ubertim perfundi, & animo quasi abripi solebat.

Priusquam in Indiam solveret, Nolam excurrit, suorum domesticorum res quasdam supremum composurus. Ibi inopinatò æcitus in Templum, ut ab energumena malum genium depelleret, cum consuetis Ecclesiæ exorcismis nihil proficeret, clam illi Sacrum Xaverij Lipsanum admovit. Tum ille cum fremitu subito excedens, *egredens abeo nunc ego hinc*, inquit, *neque tibi possum, ut pervellem noxæ esse, at paulo post ludico intuerete operiar, ibi manus conferturi.* Quia verò omnium maximè Marcellus reserire cupiebat, utrūne transmissio mari Martij compos futurus esset; id ei Sanctus oranti adpromisit se manifestaturum, priusquam Neapoli digrederetur. Vocatur post hæc repente in Templum ab ignota sibi Matrôna nominatim ad suam confessionem excipiendam, quæ sui accusationem inde exorsa, quod Sancti Xaverij imperiū hæctenus ad ipsum exequi neglexisset: nunc autem novis ejus imperijs (qui in Templo nostro Sacerdotali ornatu comparens, Sacrum sibi Epulum porrexe- rat) adactam eidem nunciare, sanguinem in India

India pro Fide Christi profusurum. Et nè fidem sibi derogare possit, testem se suum citare Confessarium, cui pridem antè Divi ejusdem nomine, restituendam prodigiosè Marcello fuit, iter in Indiam, & alia pòst secutura, prædixerit. Ergo plenus optatissimo nuncio Neapoli digreditur 28. Aprilis. A. 1634. salutatisque Romæ Martyrum sepulchris, & Vicarij Christi benedictione donatus, per Umbriam deinceps & Picenum, in dèque Florentiam, Mediolanum, & Genuam progreditur. ingentibus ubiq; honoribus. ob tam omnibus certum Martyrij prælagium exceptus. Passim enim illi, quæ potuère, sublata sunt à viris devotis, qui sanctitatis eius opinione, certaque Martyrij expectatione erant imbuti; sic, ut sola in Urbe Parmensi duodecim minimùm suppositæ illi fuerint calantica, subductis in reliquias ijs, quas aliquantisper habuerat in usu. Quantis verò ipse tunc ardoribus viam legeret, eâ, quam ad P. Gabrielem Mastrillum Parmâ dedit, epistolâ luculenter ita expressit: *Vado plenus dulcedinis & consolationum spiritualium, vacuus omnibus cogitationibus & curis terrenis; Deum meum quærens, & illi soli serviens, tanto Paradiso vicinior, quanto me longius abire Neapoli video; & si consolationes eodem proportionem incrementum ceperint, cogar in agros excurrere, & Divini amoris admiranda proclamare. Hac tecum Pater non ad ostentationem. Absit, sed ut immotescant tibi Divina misericordia, & laudes antehom Sanctissimum, qui verè infirmum elegit, ut fertis confundat apud ludos. Infirmissimus ego: omnia tamen potero in Sancto meo Percgrino. Ut clariùs loquar, quæ me confortat, cuius in me, & in Socios meos singulari protectio, mirum est quantum in dies, & in momenta singula augeatur. Genuæ mari consensu, feliciter Barcinonem, ac deinde Mantuam Carpetanorum, Regum Hispaniæ sedem attingit. Ubi quibus honoribus exceptus sit, ita in Epistola 12. Decembris inde scripta Ulyssiponem, enarrat. Ego jam vivere non possum amplius, quia nullum mihi respirandi tempus conceditur. Majestati suæ Regiæ placuit audire miraculum. Audientiam mihi secretam fecit ita favorem, ut Curiam universam in admirationem rapuerit; tot interrogationibus, tanto sensu, ut propenodum lacrymaretur, adeo jam teneris ac mollioribus oculis erat. De Regina nil dicam, cui nūq; adhuc bis me affari placuit, & prolixè quidem differendo, præter miraculum, de tot India rebus particulatim, deq; varijs & cruclibus tormentis Japonia, ut in vultu atq; oculis satis internum animi affectum monstraret. In summa, ego*

*meam S. Francisci are pictam icunculam amisi, & magna contentioni quâ eam flagitavit, cum eam me penes esse crederet, ejusq; statim habendæ cupiditati, quam præferebat priusquam expingeretur, non potui nullo pacto resistere. Inio amplius ut vidit quatuor me in suis gerere ejusdem sancti imagines è charta, omnes cupivit, & acceptas manu singulas, hanc Regi confestim, inquit, datura sum, dein conversa ad Comitissam Olivariam ibi præsentem, harum trium una tibi cedat, ait, altera Principello, postremam nascituro adverte, ut diligenter assernes. Voluit deinde, ut Principellum visserem, tot benevolentis & confidentiæ indicijs, ut incredibile sit. Accepit extraordinariâ voluptate icunculam, dicens eam se velle semper gestare pro pectore, continuòq; se curaturam expungi pro me alteram. Jamq; omnes Matrone & domicelle hujus Curia suas singula icunculas requirunt: ut in omnium adeo pectoribus S. Franciscus meus futurus sit Comes Dux prolixè mecum collocutus ipso Sancti die, qualis remanserit, inde colligit, quod in Regine præsentia mihi dixerit Comitissa Coniux ipsius: Comes amore captus est S. Francisci Xaverij, & tuæ Paternitatis. Et sic etiam magnam imaginem perdidit. Enimvero dignus non eram, qui similes penes me thesauros haberem. Protonotarius, hoc est, Caput omnium Secretariorum, præcipuâ nobilitate, quæq; moderatur omnia, eo quod, gratiâ præ omnibus apud Comitum Ducem valeat, cum coram eodem Comite miraculum audiret, nonnullâ in me voluntatis inclinatione propendere cepit. Post hoc permisit Sanctus, ut decem à suo festo diebus periculossima tentaretur affectione: accersiri me iussit continuò; commendavit se Sancto, & die tertii febri exstitit vacuus, & jam lecto liber est. In digressu Rex pijsimûs, Marcellum Reverentia titulo, exemplo nunquam antea usitato, dignatus est, longiusculum cum eo sermonem ita concludens: *Vident Reverentia Vestra num quid à me velit, perlibenter enim quidlibet præstabo. Commendet nos DEO, nostramq; Domum, populos, & Regna nostra. Cujus insolentis ei exhibitæ dignationis rationem postea Magnatibus attonitis reddens: Vidi in Patre, inquit, nescio quem sanctimoniam fulgorem, qui me ad ipsius reverentiam adegit. Quadraginta deinde Socios ex Hispania legendi copiam Patri fecit, qui Regijs impensis veherentur, ad fundandum Nangasachi in Japonia Collegium. Et Regina pretiosissimam vestem, & alia complura addidit, ad exornandum Goæ S. Xaverij monumentum.**

Lapsus inter hæc illi est totus annus 1635. agente potissimùm Comite Duce Olivario, qui cum ad exigendos è Brasilia Bata-

vos habere in comitatu, tanquam certum victoriæ obfidem cupiebat: verum ille discussis remoris, Olyssiponem tandem appulit 30. Martij, A. 1636. ubi cum feliciter Regios Ministros munificentiam Regiam prætextu inopiæ ætarij arctissimè adstringentes, inflexisset, unâ illâ curâ fatigabatur, quod duplici effigie sui sancti Reginæ in Hispanijs donatâ, nullam in Indias secum devehendam haberet super. In re desperata extremum tentaturus, totâ unâ nocte cum quodam ex Novitijs in arte pictoria Tyrone se includit, ubi alter expingendo, alter verbis Xaverij vultum, lineamenta, colores, majestatem è memoria describendo, tam feliciter laboravit, ut imago extiterit quâ nulla Sancto unquam similior. Hæc unicum Marcello deinceps delictum, hæc thesaurus fuit, quam à se divelli, nisi morte, passus non est. Die 7. April. eâdem scilicet, quâ Xaverius olim indè solverat ad Indos, Prætoriâ ingressus est A. 1636. cum novè Socijs, nam reliqui 23. in alias naves dispersi sunt. Patronus navigationis à tota classe proclamatus S. Xaverius, cujus prodigiosæ iconi in puppi, præter unam honori DEI parâ, altera exstructa Ara est. Explicatis in cursum velis, Marcellus & socij ante Altare Divi ingenua provoluti, vota instaurâre, eâ formulâ, quam Neapoli Xaverius illi præverat. Ex hinc eâ religiofitate tota illa navigatio peracta est, ut navis in Religiosam Domum conversa videri posset. Instituta Sodalitas sub Rectore, qui unâ proficiscebatur, Indiarum Pro-Rege, conventusq; ter per hebdomadam coactus. Supplicationes hebdomatim ductæ, quotidie Christiana doctrina tradita, & sub vesperam publicè ab omnibus dictæ Litaniæ. Adhæc mensuræ communionibus publicè ab omnibus obitæ, & eâ occasione pleræq; generales ex tota vita, aut ab annis plurimis confessiones repetitæ; ad quas plurimum permovebat Marcellus, quovis vespere tintinnabulo per navigium obiens, & suffragia pro defunctis, atq; in peccato lethali constitutis, enarratâ simul terrificâ aliquâ in exemplum historiâ, exorans. Quoties porrò ingruente tempestate, maliciâ, periculis, aut in scopulis aberrationibus periclitabatur navis, epistolularum Xaverianarum liber pro acu erat magnetica. Cujus invocato patrocinio fortuito reclusus liber, semper eâ facie, quæ prima legenti occurrebat, locum quo venturi essent, & felicem de periculis emergencem docebat. Quod si gravius ingrueret discrimen, novendialem indicabat Marcellus toti navigio in honorem San-

cti devotionem, multiplicabat sese flagellantium supplicationes, in quibus præibat ipse nudis pedibus, caput cinere conspersus, & sune in collum injecto Crucem præferens, tamq; vehementi eo temporis ditione utebatur, ut sæpius eam interrompere, quod lachrymanti populo spatium daretur, necessum fuerit. Cum verò aliquando totos 13. dies insolita eos moraretur malicia, nec ullis posset supplicationibus & publicis corporum, diverberationibus aura faventior exorari, suspicatus Marcellus eam calamitatem operâ Dæmonis, qui Nolæ hoc sibi minatus erat, concitam, sumptâ stolâ ex Libro Sacrorum carminum dæmonem increpare, atq; ut abscedat, navimq; missam faciat, adjurare cepit. Ad insolitum exorcismum cum incredibilis omnes pavor incessisset, operarius nauticus, qui hæc ex aliquo carchesi rudente audiebat, tantâ repente suorum criminum pœnitundine percussus est, ut velut impotens animi per confertam multitudinem ad pedes Patris acciderit, confessionis copiam, quâ toto jam quinquennio omiserat, cum lachrymis postulans. Atq; ex ea statim hora frenedens tot animarum lucris dæmon, apertè omnium hætenus incommodorum audo-rem prodere cepit. Nam cum Laurentius Sosa pius adolescens, scelerosum quendam ex nautis Marcello prodere (quod ipse omni concione flagitabat) ut emendaretur, statuisset, de media nocte atrociter illum dæmon, velut omnia ejus ossa comminuturus opprimere cepit, insuper graviora minatus si hominem illum detexisset. Verum accurrens Marcellus ubi sacra Xaverij lipsana admovit, momento malum omne, fugiente periculastram, specie atræ umbræ, dæmone abiteris; simulq; facinorosum illum patefactum ad exomologesim, & Sacram Synaxim adduxit. Postridie cum pro more navis populus omnis in se flagris deserviret, miris strepitibus conatus dæmon pietatem frustra interurbare, tandem Laurentium illum Sosa solo altitum præfocare conatus, velut exanimatum reliquit. Eum Pater per eandem Sancti reliquias sibi restituit, dæmonemq; immanis instar umbræ in mare abegit, tam gravi post se odore relicto, ut nihil unquam tetrius expertum se adolescens assereret.

In rabiem ergo his actus est Marcelli hostis, studuitq; pluries vitam ei, sibi adeo perniciosa, abrumpere. Nam cubantem super lectulo quatuor de funibus contortis, & cuiusvis ferendo ponderi paribus suspensio, primâ statim nocte omnibus refectis, vehementer

adeo

adè solo allisit, ut crure violato, atq; in noxium tumorem inflato, misso sæpius sanguine curari debuerit. Quibus diebus autem Confessio & Communio generalis habenda fuit, quatuor dierum continuam primùm febrim, aliàs sævissimos per triduum colicæ dolores, nè confessuris vacare posset, ei concitavit. Cum verò aliquando à conciliata inter duos Nobiles amicitia ad suum conclave reveniret, invadens eum dæmon, tibiam comminuere semel admisit, & ubi sæpius aliàs pronum in tabulata periculose allisit, sibilis inceps horrificis, tremendis & inconditis fragoribus eum turbare perrexit. Sed nihil hæc moratus Pater, ut è contrà quantum posset malè faceret dæmoni, post triduum 80. primæ ætatis adolescentulos, multum priùs & operosè à se instructos, primà vice Sacræ mensæ admovit. Sed & dæmon toto deinde triduo malaciam, & post impatibiles æstus, contrarios navi ventos, quibus in altum rejiciebantur, excitavit, ut ex tot vicissitudinibus in summa aquæ penuria, gravissimis contractis morbis, de tenenda hoc anno India desperarent. Jamq; Pro-Rex, nisi biduo secundior aura spiraret, vela in Socotram Africæ Insulâ verti jusserrat ad hybernandum: quando Marcellus tam ancepsit periculo avertendo supplicationem ex solo innocentis ætatis agmine instructam, ad Sancti sui Aram per navim deducere instituit, eundem in thaumaturga icone ità palàm affatus, ut ejus nunc agi honorem, aliàs in discrimen venturum, ni opitularetur, diceret: respiceret innocentium preces & sanguinè, per quos olim miracula patrare consuevisses. Ad hæc pauxillum ejus reliquiarum ubi religiosè demisit in mare, tam placidi postridie aspirare venti, ut ijs perpetuatis post 27. dies Cocinum (ubi se illos expectare, in epistola sua fortuito consulta, Xaverius prædixerat) incolumes invecit, Goam denique post alios 11. navigationis dies læti subiverint 8. Decembris. Adventum ejus incredibili celebritate, tanquam Viri palàm Sancti, universa Civitas & Insula exceptis vestes omnes, quas cum Indicis de more permutavit, in venerationem direptæ, ut pedum ejus penè vestigia, flectentibus ad ejus occursum incolis, lambrentur. Cælum etiam magnis prodigijs gratulationem ejus adventus celebravit. Nunquam enim omnibus anteaçtis temporibus tot ac ita stupenda è tumulo suo Xaverius patravit miracula, quot brevi eò appulsi Marcelli intervallo. Sed & primus Indiarum Apostolus S. Thomas Meliaporæ in Choromandelis

Indiæ tractu applaudere visus est. Visitur illic quadrato lapidi insculpta Crux, sanguineis Apostoli ibidem cæsi guttis aspersa, quæ die illius Natali annis singulis, simul atq; ab Sacerdote Evangelium in Sacro legi ceptum est, modicis primò stillis, largo deinde sudore manare solet. Color etiam Crucis è candido sensim in pallidum, indè in atrum, mox in cæruleum cedere, Sacrificium autem peractò nativum redire. Id prodigium si quando absit, dirum aliquid portendi, præfagium est. Postquam insectis classibus cœpère Batavi grassari per Indiam, desiderat fieri. Sed 10. ab adventu Marcelli Goam die, hoc est 18. Decembris A. 1635. tantum sanguinei sudoris totas 24. horas, spectante frequenti populo stillavit, ut multa lintea imbuta sint. Auxit miraculum sudandi modus, non à summo deorsum, quod ominosum longà experientia habetur, sed ab imo sursum, quod lætum est. Per eosdem dies Goæ duobus in Templis singula Christi Cruci affixi simulacra à frequentissimo populo visa sæpius aperire oculos, & quod accitus ipse Marcellus observavit, & in Europam perferipit, Japoniam versùs illos convertere: perinde quasi gratulatus suorum militum adventum Imperator, quò tendere porrò illos vellet, ut idem Marcellus interpretatur intuitu designaret.

Substitit Goæ ad finem usq; Aprilis anni insequentis 1636. Marcellus, perpetuò die nocteque Sancti sui tumulo ità affixus, ut tamen in Japoniam desiderijs anhelaret. *Mi Pater*, scribit ipse ad quendam, *quàm bono Domino servimus! cum ea quæ dixi, quàm verissima sint.* (egerat de suis miserijs, & peccatis) *pergit tamen usq; Divina Majestas sua, ad consensionem meam, novas adjungere novâsq; flammæ, desideria magis ardentia, cogitationes magis accensas, ferventiora consilia. Deniq; ego ubi videri nescio, Sanctum sepulchrum amati mei Patris rapuit mihi cor; sed Japonia repetit illud, & obtinet. In Japonia nulli tormenta sunt, ad quæ non currat, inq; ijs quiescat. Non est carnis fex, cui vitam non offerat; non est securus, cui collum non porrigat; non catena, compedes, carceres, labores, perpeffiones, quæ illud obsaturent. In summa, corpus Goæ, cor tot in partes distributum. Vide, quid de me agi queat. Præverterat jam in Hispania impenetrabilem alioquin difficultatem intrandi monumentum, & lustrandi cominus palpandiq; sacrum Xaverij eorpus: eòq; mandatum à Rege, quò hujus reipropia sibi fieret, obtinuerat, tuleratq; à Regina Matre amictû incomparabilis pretij, quem*

ipſa ſuis literis jubebat à Marcello ſacro corpori imponi, & veterem ab eodem exemptum ad ſe remitti. Quod cùm intempèſtæ ejusdam noctis ſilentio in comitatu P. Provincialis, Præpoſiti Domûs Profeſſæ, & duorum inſuper Patrum fieret, quis exprimât queis animum ejus ſolatijs & affectibus S. Apoſtolus perfuderit. Indumentis veteribus Regi-næ tranſmiſſis, linteum, quod collo Divi circumligatum, cruore ipſius etiamnum rube-bat, ſibi tulit. Et viciffim devotionis ſuæ ſyngrapham, ſanguine ſuo de peſtore elicto conſcripſit, & in modum ſchedaſmatis pli-catam, ſigillôq; Societatis munitam, in ma-nu Sancti reliquit. Extimè ità erat inſcripta: *Sancto Apoſtolo Indiarum, ſcriptura & juramen-tum perpetuum M. Fr. M. Intrinſecus autem ſic: Sancte mi Peregrine, care Pater, Magiſter amate, & omne bonum meum. In Italia reliqui mundum totum, ut venirem adoratum has tuas ſanctas reliquias. Tibi linquo in pignus cor. Ab- eo, ut ſequar tua ſancta veſtigia in Japonia. Me tibi dedico totum in holocauſtum, in Filium, ſer-vum, & mancipium. Linquo tibi hanc ſignatam meo ſanguine, in pignus affectus, & velut ſcriptu-ram perpetuam, quam ſis mihi monſtraturus & exprobaturus in die Judicii, quâ me obligo ad ob-ſervandam, quàm maxime potero, & imitandam tuam ſanctam vitam in omnibus, & per omnia, & ſic id tibi juro. Solum te precor, ut me juves ad executionem tuâ benigniſſimâ gratiâ, & des mihi eam mortem, quàm tantopere deſideraſti in Japo-nia. Tibi committo meos ſocios, amicos, propin-quos, & devotos, inimicos, & mundum totum. Pater mi care, care, care; habe tibi cor & ſcriptu-ram, da mihi gratiam ad exequenda omnia. In Domo Profeſſa Goana, hoc veſpere nonâ noctis, 11. Martij 1636, Care Pater vale; Linquo te pro te. Tentavit ſæpius deinde perſcribere in Euro-pam ſtatum, & moderna lineamenta corporis Xaveriani, ſed lachrymis & ſingultibus ſemper oppreſſus, nullâ vi perficere potuit. Scripſêre alij, qui cumeo luſtraverant, cor-pus etiamnum perſtare ſuccidum, divinum quendam afflans odorem: jacere ſupinum, brachio peſtori admoto (nam alterum pri-dem Romæ eſt) in habitu Sacerdotali, gem-mis illuſo: vultu oblongiore, colore in fuſcum vergente: comâ & barbâ aliquid promif-fioribus, & aliquâ canitie diſtinctis, aperti oculis, totum blandiſſimâ majeſtate venera-bile, cujus deniq; unicum intuitum omni-bus navigationis Indicæ laboribus, ſcripſit Marcellus, nimis vili emi. Quia verò ad-verterat Marcellus jacere illud, & quodam-modo premi arctiori loculo, quantumvis ar-*

genteo incluſum, non antè Goâ diſceſſit, quàm plurimum millium corrogatâ ſummâ, laxius ei itidem ex argento curaret condito-rium.

Dedit etiam Goâ complures ad diverſa literas, eas, quia ſervoris & ſanctitatis neſcio quid exuberans ſpirant, placet hic reddere, Primæ Neapolim ad P. Gabrielem Maſtrilli, inter reliqua hæc habent: *Age, gradum faciamus ad gaudia, voluptates, & jubilum cordis mei. Mi P. Gabriel, conſiteor R. V. neſcire hic memet ipſum ubi verſer, utrùm in terra tantopere exoptata Indica, an in veſtigio Riradiſi, quem ob peccata mea tam parum promeritus ſum. In itinere tanta lætitia fui, ut mihi ea cum omnium miratione legeretur in fronte; non poteram eam continere, nec poſſe majorem dari credebam; ea Goam ap-puſſo ad ſepulchrum mei gloriſſimi Sancti tan-topere accrevit, ut eò propemodum pervenerit, ut non queamus amplius. Et hoc nunc jam ego diſtineor eo tempore, quod mihi reliquum a conſeſſionibus eſt, ad fontem illum perennem Divina dulcedinis perſtare, immerſum in illum Oceanum conſolationum Cæleſtium, quas explicare nequeo, quanta qualisq; ſint. Satis dixiſſe ſi, videri mihi proſuere etiamnum de Cælo in illud Sacrum cor, fluvium illum Divinarum voluptatum, quo exclamare cogitur: ſat eſt Domine! & pec-cuari quadam indulgentiâ in adſtantes quoq; re-funditur. Hic jam redardeſcunt fervores, ac-cuntur deſideria, inflammatur cor, in ſeliſſimam expeditionem Japonicam, cui jam proximam. Alteræ ad P. Nunnium Acuniam Ulyſſipo-nem ſic ſonant. *Quid petis, mi Pater, à paupere peccatore ob ſuas culpas ex Europa relegato, & in alterum, remotiſſimumq; Orbis angulum miſſo, ad concipiendum fervorem aliquod à tanto Divini amoris igne tot gloriſſiſſimorum Martyrum, de-ſcendendum, vel ab ipſis Japonibus, Deo, ſicut optet, famulari? ſic planè res ſeſe habet. Quid ſi Deo deinde collibitum eſt ſua dona ſpargere, & etiam in immeritos partiri, ea exuberantia Di-vinarum miſerationum eſt. Eadem ratione, mi Pater, egiſſe mihi viſus eſt gloriſſiſſimus meus Pa-ter, & Proteſtor S. Franciſcus Xaverius. Placuit illi hominem nullius uſus aſſumere, quò ejus opera clavius eluſceſcerent; conſtituêrunt res eas, quæ geruntur, ipſius eſſe. Quæcùm ità ſint, R. V. mihi genibus oro, pro eo ſtudio, quo gratificari Sancto cupit, ut magnis illis ſuavisſimè, quibus Ulyſſippo me proſecuta eſt, hoc ſigillum apponat, ut à Deo mihi ſuis precibus veram cognitionem ejus, in quo nunc verſor, ſtatuſ exoret; quantum ſit illud, quod illi debeo, quantum illi id quod poſſum, ut ſaltem dum me penitus novero, quippiam inveniam, & ſciam DEI miſericordiam implorare. O quam bono**

hinc famulamur Domino, mi Pater! In tertijs ad P. Evangelistam de Gottis (à quo principium sanctimonie Marcelli extitit, ut ipsemet his literis insinuat) ita scribit Neapolim. Plurima mihi rationes erant, nunquam obliviscendi mei cari P. Evangelistae, ut sepius significavi R. V. tum per literas ad P. Gabrielem datas, tum per proprias ad ipsam; at nunc hic ad sepulchrum gloriosissimi mei Sancti, dum animum paulisper reflecto ad vitam meam peccatis refertissimam, & ad exigua mea merita pro tanta Divinarum gratiarum exuberantia, illuminata mihi mens est, & propè evidenter intellexi, omnia mihi conferri ob merita R. V. & subito excitata mihi sunt vividissima species unius Missae, cuius mihi applicande gratiam pro sua caritate fecit, quodam die R. V. in Domino Professa, cui ego ministrare volui, eamq; dixit in S. Caroli sacello. Videat omnium particulatim mihi memoriam incidisse. Jam si principium meae felicitatis, meorum latitiarum, meorum gaudiorum spiritualium obtinere per unam R. V. Missam dignus fui, consequitur utrumq; nostrum grandi obligatione teneri, me quidem offerendi pro R. V. bonam meorum laborum & sudorum partem, utpote aurora tanti boni mei; R. V. vero persequendi mei ad DEUM commendationem in suis sanctissimis Sacrificijs & orationibus, quando illa tanta efficacitatis sunt. Et cum effectus ab una sola causa dependeat, scilicet ab insigni caritate R. V. idcirco nihil amplius dicam, nisi me hilarissimè, suprà quam unquam concipere potuissim, presolari Etesias, hoc est generalium ventorum tempus ad navigandum in Japoniam versùs, quod hoc Aprili fiet. Et fiducia mihi in DFO benedictò, & protectionis mei Beatissimi Sancti est, fore, ut cum has receperit R. V. aut citius etiam, in campum descendere ad decertandum, eròq; jam intrà confinia Paradisi. Accipiet nova omnia R. V. ex P. Gabriele, cui ea largè perscribo; & ora pro Marcello, &c. Ultimae ad Dominum Antonium Tellez de Sylva ita loquuntur. Domine Antoni Tellez de Sylva, fili dilecte animae meae, comes expeditionis, atque amice ex animo, mandat mihi DEUS, ut te linguam; S. Franciscus Xaverius in Japoniam me vocat, obtemperandum nunc tantummodo est, eòq; promptius, quoad magnificentissimum Sacrificium accedimus propius, ad expiandum proprio sanguine animum, predicandūq; vulneribus, quando verbi id non permittitur. Ego te gero in peccatore insinuatum in corde, & in inemet conversum, & me in te; ut quod in me est, una videamur anima in gemino corpore, ego te comitabor obsequijs Ulyssiponem, & in venies ad fruendas laetitias meas. Ego te prosequar in Patriam inter necessarios; tu mecum eris in carceribus inter car-

nifices. Tu primus in die triumphi mei particeps eris solatijs, & potiore sanguinis partem, quàm jam nunc tibi offero, vendicabis. Dignare tributum admittere ab isthoc paupere, & tibi obstrictissimo servo. Memento Marcelli tui apud te tempore gratiosi, tantopere tibi aliquando dilecti, & in amplitudine tua, ubi reserveris à me obitæ per tormenta in Japonia mortem, dignare senel Ave Maria ad Sanctum recitare, & beneficium amico collatum gratulari. Dabo operam, ut particulatim ante alios omnes rescias, nunc enim tempus non est. Sed fidem tibi meam obligo, eum tibi me semper fore, qui esse debeo; & altero in Regno perulaturum, quod in isto nequivi; & ubicunque fuero, satis erit tua mihi vota significasse; admissò tamen te etiam interea in partem eorum, quae pauca vivens praestitero in obsequium Domini nostri, & dilecti mei P. S. Francisci Xaverij, qui te etiam invisat in veste candida, cruce in pectore, cereo, & viatorio baculo in manibus, Regio suo comitatu stipatus, ut solet. Sanctus hic gloriosus tibi adsit, te visat, & protegat per omnem vitam, in rebus tuis omnibus; eiq; supplica, ut quinq; anni pœnarum, vulnera in capite & cruribus &c. non differantur ob peccata mea, sed omnia quae possunt tormenta; omnia jungantur; ut demum succedat verum bonum, si tamen superest aliquid fruendum amplius, quam quod modo impertitur. O Deus Bone, quae deliria scripsi! haec tecum; usq; dum nos revisamus. Vale milles; vale & salve, & perge bilatis: res enim tua valde bonum sortiuntur exitum. Marcellus Franciscus Mastrillus Indus felicissimus, servus tuus ex animo.

Instituta deinde Goæ Sodalitate Nobilium sub S. Francisci Xaverij nomine, Marcellus Macaum quidem versum cum quatuor Patribus solvit, in Philippinas tamen nec cogitans, omnibus invitis, pervenit, agente illum occultà vi suo Sancto, ut ibi monstratum sibi per visum Neapoli transmissionis suae in Japoniam Patronum inveniret. Malacani secundo cursu perveniens, plurimos ex vulneribus in cruenta adversum Batavos victoria aegrotos militesprehendit, quibus tum omnibus ingenti caritate assiduus in Nofocomio adfuit, tum unum potissimè, à quo terribissimus odor arcebat omnes, impensius fovit, suis ulnis & complexu, quoties curaretur, sustinens, quamvis tertio fuerit ex terra illa illuvie animo deficiente alienatus à sensibus. Indè Sincapuræ & Campoæ fretum praetervectis, repente Hollandorum myoparones tres adversi occurrunt, quibus licet velis renūsq; omnibus laboraret in altum effugere oneraria, piratici tamen myoparones ad cursum expeditissimi jam ictu tormenti dedi-

tionem imperare, minari cominus, ut jam exaudiri possent, pœnas, cruciatus, nî sistant fugam, seq; submittant. Tum verò Marcellus, qui sub tabulato discriminis infestus precebat, evocatus, effigiem sui Sancti hosti opponere, opémq; ejus omnibus indubitato polliceri. Mira res! non aliter quàm si injectâ manu retinerentur Myoparones, ulterius non posse progredi, biremi, jam penè manu prehenstæ, locum effugij dare, dum penitus ex oculis abiissent. Præcipiti eâ fugâ oneraria in errores à suo cursu delapsa, incertum erat quò porro dirigenda esset. Macaum petere dissuadebat periculi ab Hollandis piratis motus; in Philippinas flectere non sinebant maria, illuc vasta & ignota, Insulæ circum hostiles & infestæ, commeatûs & aquæ ingens jam penuria, navis fatiscens & plurimum maris hauriens, cui exhauriendo essent impares. Re nihilominus ad Marcellum delatâ, ille consulto per Hostiam Deo, duas in calicem schedulas injicit, quarum uni Macaum, alteri Manila inscripta fuerat, certis sequi omnibus eam, quæ sortitione prima evenisset. Educta Manila, Philippinarum Urbs princeps est, eôq; statim navis obversa. Ecce autem continuo, velut resedâ carinâ, sistere sentina; biremis celerius aspirantibus auris provehi, commeatûs quasi succrescere, & deniq; resedâ Manilam, quamvis viarum & locorum ignari, post undecimum diem invehî, ipso S. P. Ignatij die. Sed & ibi nova prodigia. Dederat in Hispanijs commendatitias Marcello ad Gubernatorem Philippinarum Præfectus Aulæ Regiæ, quantumlibet neganti illac se iter habiturum, quas idcirco nullo in pretio neq; memoriâ retinebat. At dum Manilæ impedimenta sua excutit, ecce ealiteræ incogitanti veniunt ad manus; quas redditurus Gubernatori Sebastiano Hurtado Corcuera, Militiæ Alcantarenfis Equiti, ut hominem conspexit, agnovit os habitumq; prorsus illum, quo in morbo Neapoli sibi comparens hujus Ordinis Eques cum viridi Cruce, magno futurum aliquando auxilio sponponderat: quod & confestim experiri cæpit. Nam licet severissimam ipse Corcuera legem capitis tulisset, nè ullus quemcunque Religiosum in Japoniam deportaret, multumq; tota Manila, ac præsertim Instructores adversum ejus consilium reclamarent, sanctè nihilominus Marcello sponpondit, se eum unâ cum quatuor socijs Sacerdotibus in littus Japoniæ expositurum.

Manilæ duos & medium menses subsistens, quantò vicinior Japoniæ fiebat & Mar-

tyrio, tantò sanctius institutâ vitâ ad illud se comparare studebat. Multas diu noctûq; horas continuatâ vigiliâ Orationi tribuere, nondâ semper humo cubare, sacris eâ flagrantâ operari, ut alij sui inflammandi cupidine eum tunc spectare perquirerent. Omnisejus sermo Divinitatem spirare, eo fervore incensus, quo oculis scintillare, flammâq; modestissimo vultu vibrare videretur. Totus esse in orando pro defunctis, quibus jam pridem omnes actiones suas, uti & suffragia à morte pro se ab universa Societate de more dicenda, consecrârat. Frequens illi cum S. Xaverio in thaumaturga ejus effigie confuetudo, ex cujus vultûs colore gestûq; variante, rerum orsus atq; eventus varios legebat. Quo die tertius evolutus est annus à prodigiola sui Neapoli euratione, Manilæ coram socijs super mensa noxas suas vice lectionis prolixè objurgavit: vilissima Domûs & culinæ officia instar mediastini totis illis mensibus obiit, & cum nihil novi vestitus admittere, unquam etiam aliâs sustineret, suis vestibus, calceamentisq; sarciendis suam ipse operam adhibebat. Flagris sese quot noctibus cruentabat, idq; tam diutinâ verberatione, ut miseratus Superior illum mitius sevirè in se jussit. Id quod tamen nulla carnis in spiritum rebellio exigebat, siquidem castimoniam nullis impuris unquam imaginibus, aut incompressis corporis motibus infestâ, ad usq; mortem illibatâ Anglicam conservâsse certò scitur. Interea cum vulgatum esset Gubernatoris consilium Marcelli in Japoniam transportandi, atq; illi universâ obluetante Manilâ turbantur aliquid metuere, coactus est Gubernator ad speciem Marcellum cum suis socijs Macaum dimittere, quem tamen illico de viâ Manilam retravit. Ergo dum socijs valedicens, exosculatus omnium pedes cum lachrymis, Sanctum suum pro ipsidem consulit, advertit eum in sua icone vultu in pallorem & mœsticiam versò, grandem illis tempestatem portendere, pet quam portum Macaensem non essent obtenturi. Itaq; ad eos conversus: *Solvite porro, ait, quando tempus fuerit; sed certi nos Manilæ propediem revivros.* Stetitq; suus vaticinio eventus, quando fracto navigio, multisq; demersis, vix egre Socij ad idem littus enatavère. Brevi tamè resedâ biremi iterum solvèntes, paucis diebus Macaum tenuère, literas secum ad Provincialem Japoniæ à Marcello deferentes, quibus eos secum in Japoniam à Gubernatore transportandos, remitti Manilam efflagitabat.

Marcellus interim Manilæ totum se condescendo Japonico idiomate studiosè impendebat; cum repente Gubernatori divinitus mens injicitur, movendi in Mindanaum unam ex Philippinarum Insulis belli. Imperabat illic etiamnum Catciles Coralatus, de quo suprà in P. Joanne Carpio sermo fuit, homo sævus, & nomini Christiano infensissimus, continuus terræ marique latrocinij eò jam potentia provectus, ut si porrò impunè grafari sineretur, in periculum amittendi omne ijs Insulis imperium Hispani inducerentur. Sed re ad militare consilium deductâ, plenum temeritatis plerisq; Ducum censetur futurum bellum, ubi in hostem viribus & numero validissimum, uni Hispano contra sexcentos & ampliùs hostes depugnandum esset. Quia tamen in proposito constans Gubernator mentem illam prorsus divinitus sibi injectam, Marcellumq; veluti certum ejus victoriæ vadem, improvisè id temporis à Deo illud directum interpretabatur, placuit omnibus rem ad Marcellum deferre. Ille consulto pluribus Sacrificijs, & maximis sui afflictationibus & precibus suo Sancto, edicit, bellum cum certo victoriæ obtentu suscipi posse, si S. Xaverium in ejus ducem adsciscant: eo pacto certam se illis victoriam, dum fidant, nomine Sancti polliceri. Ergo exclamato bello, ut certius deinde constaret illud divinis, non humanis confici viribus, vix capita colligi sub signis potuere sexcenta, ità res ibi Hispana accessit tum erat. Ante omnia die Purificatæ Virginis sacro A. 1637. omnes Sacris mysterijs expiati, undecim navigijs solvere, Marcellum Gubernator, veluti classis Genium Tutelarem secum Prætoriam vehi voluit: à quo dæmon, cui bellum illud magis quàm hominibus movebatur, sibi malè metuens, auditus est non semel eà vià per aërem vociferari: *quid queris? ad quid huc venisti? quis, malum! te huc advexit? ego te vitâ expellam!* Sed & classẽ miris infestabat terroribus, expeditioni moras injiciebat, indè maximè irritatus, quòd Marcellus omnia illa pietatis exercitia, veliscante illi in omnibus religiosissimo Gubernatore, quòcum Preces Canonicas aliàsque pietates plerumque persolvebat, in totam classẽ induxit, quibus eum in oneraria, quæ ex Europa vectus fuit, usum fuisse vidimus; ut revera non milites, sed totidem Religiosi navigare jure censerì possent. Ad diem 22. Februarij Samboangam Mindanaei arcem appulsi sunt, leucis 60. ab hoste, & postridie generalis omnibus Communio, proposito Jubilæo, uno

Marcello omnes expiante, in proximam Dominicam, quæ erat prima Quadragesimæ, indicta. Eà per incredibilem pietatem religiosissimè exposito in totam diem Vener. Sacramento celebratâ, Marcellus, ut militem pro concione quàm ardentissimè ad ulciscendas Dei injurias inflammaret, Christi Crucifixi signum produxit, cui hostes brachium dextrâ, & pedem utrumque truncantes, sagulum vetus ignominiosè induerant. Ejus conspectu omnes lachrymis perfusi cum incredibiliter in hostem exarsissent, Gubernator non expectatis subsidiarijs Indorum, quæ intra triduum expectabantur, copijs, in hostem movere decrevit. Voluere quidem Duces, ipso adeò inclinante primùm Marcello, ad eam moram inducere Gubernatorem; sed ubi is Sacrificio D E U M per Sanctum suum consuluit, patuit Gubernatorem impulsu Numinis agi. Postquam enim vaticinium illum Epistolarum Xaverij librum fortuito aperuit, & hæc in eo verba fortius est: *Sape credimus nostram sententiam potiorẽ esse; verum permittenda sunt res ijs, qui eas administrant, si errare volumus: nunquam deinde induci potuit, ut obniteretur inceptis. Itaque festinatâ protectione in Silinganum sinum provectis, gravem à dæmone commotam tempestatem, reliquijs Sancti Marcellus, & sacris exorcismis composuit. Ad Promontorium Sagittarum (sic dictum, quia reduces à prædatione barbari sagittis solebant illud configere, eoque ritu Mahometi consecrare) allapsis, Marcellus totâ illâ sagittarum silvâ, quæ in crepidine fixa hærebat, flammis consumptâ, nomen illi à S. Sebastiano deinceps imposuit. Indè provectos iterum eadẽ dæmon ter objectis ventis & fluctibus, & quartò tandem etiam nullo restante vento, adversus omnem remigij vim classẽ remoratus, infestavit; donec injectis in undas reliquijs iterum præstigias amolitus est Marcellus. Appulsæ ad littus hostile copię (id est, quod mirere, vix milites universim 70. nam cæteri nondum advenerant) ad oppidum Coralati, fossâ & vallo munitum ad moveri cœptæ sunt, in quo supra bis mille propugnatores, tormenta erant compluria, & telorum omnis generis abunde. Marcellus ea in aggreffione primos ordines ducebat, unâ manu celebrem S. Xaverij imaginem hastili appensam, alterâ sagulum illud Christi Crucifixi præferens. Impressione factâ, & aliquot ex propugnatoribus primarijs neci datis (nam Coralatus tempestivè in arcem refugerat) vix horæ intervallo, oppido potiuntur. Præ-*

dã mi-

dà militi concessa, fanum Mahometi, Deiparæ Marcellus consecrat. Advenère interim copiarum reliquæ, quibus iterum per Sacramenta expiatis, decernitur in diem 17. Martij Arce expugnatio.

Erat ea jugo prærupti montis inædificata, opere, situ, & naturâ firmata, via undiq; propemodum inaccessa. Neq; dubitabat Coralatus tam multis indè in tam paucos pugnantibus, de Hispanis triumphaturum. Facto Sacro, inflammatisq; concione militibus, præmissa pars una militum est, quæ in supercilium montis à tergo inobservata evaderet, indèque clangentibus tubis ad oppugnandam arcem descendens, signo esset Gubernatori, eodem tempore altera ex parte illam invadendi. Quo stratagemate è sententia cedente, dum illi nec opinantem hostem tumultuosè invadunt & confternant, Gubernator ex adverso per incredibiles viarum ineptias in altum egressus, simul in arcem signa admovet. Prima in aggressionem Marcellus globo tormenti majoris ictus in pectore, noxæ prorsus nihil accepit, pilâ, post lacertam leviter togam, ad ejus pedes prolapsâ. Sed in Gubernatorem, dum Marcellus pluribus militum vulneratis opem laturus, labarum suum Crucifixi & S. Xaverij iconem, prætextum cuiuspiam militum gestandum committit, pilâ è tormento excussa est; sed quæ S. Francisci operâ, ut Marcello postea revelatio. ne constitit, ab illo in ipsam S. Xaverij imaginem impunè averfa est, servato Gubernatore incolumi; qui si cecidisset, & de copiis uni versis, & fortasse de Republica actum foret. Observatus est autem in illa sua effigie Sanctus pro vario belli successu, vultum modò mœstum, modò lætum, ingenti militum admiratione, præferre. Coacti nihilominus eâ die receptui canere Hispani opinionem, hosti fecere cæsi in prælio Gubernatoris. Qui proinde festis ignibus victoriam Mahometo gratulantes, totam eam noctem epulis & potationibus transgère. Marcellus interim dolore cæcorum (plures enim illo die dum fortiter agunt, occubuerant) & minùs prospere gestæ rei, in proximum jugum secedens, cingulotenus à vertice nudus diris in suum tergum flagris itâ desævijt, ut sanguine totus manaret. Voluitq; Deo centum deinceps disciplinis quotannis citra eas, quibus se antè obstrinxerat, ut omnino bis tervè posthac indies se cæderet. Cùm verò cruentandi se nullum finem tunc faceret, interventu tandem Gubernatoris modum verberandi fecit, Atq; hictum divinitus intellexit, nostros postri-

die victoriâ potituros, quamvis ab ea longissimè abesse putarent. Cognovit item, quod jam monui, Gubernatorem fuisse à S. Xaverio, averfo in suam imaginem tormenti globo, à morte servatum. At ubi primùm dies illuxit, ij qui pridie per averfa montis juga subreperunt, neq; per illius diei tempus difficultatibus retardati, quod moliebantur, efficere poterant, incogitantem hostem improvissò cum tubarum & tympanorum sonitu aggressi, brevi spatio arcem redegère in potestatem, cæsis compluribus, qui arma corripuerant, ipsòque Coralato faucio in fugam conjecto. Partâ eâ victoriâ, quâ nullus ex Christianis cæsus, & tres duntaxat quatuorve vulnerati sunt, Moncajus Coralati nepos, & legitimus Mindanai Rex, Regioni imponitur, data in certas conditiones pax, quâ indigenis omnibus recipiendi Evangelij potestas facta, & illius promulgandi præcones impositi sunt. Remenso pelago, die 24. Maij, triumphans classis Manilam invecta est, sed quæ plurimam laborum denuo segetem Marcello attulit. Saucijs namque, quorum curam in castris totam in se unum hæctenus derivavit, in Nosocomium delatis, ipse lectos sternere, cibaria corrogare, coquere, condire, miniltrare, in os inferre, dies noctesq; adesse, neq; nosocomio, donec omnes sanarentur, discedere. Et quod omnibus prodigiosum visum est, nullus eorum quibus ipse manum admovit (nisi qui medicinam pertinaciter respuebant) non integre restitutus est, cùm multitaliter idi, multi venenatis essent speculis transfixi. Ipse namq; malagmata, quæ vulneribus apponebantur, S. Xaverij admittis reliquijs temperabat; & chirurgi manus ante curationem ordiendam suis manibus complexus, præsignificavit, neminem ex acceptis vulneribus, qui ea medicamina acceptaret, moriturum; Chirurgis interim vulnerum gravitate notatâ, cùm ea viderent præter omnem expectationem coalescere, attonitis, neq; nisi prodigio id accidere possuisse, attestantibus.

Unica posthæc Marcellum tenuit sollicitudo trajiciendi in Japoniam; quæ cùm atq; adeo teneretur excubijs, ut omni penè eò se penetranti spe destitueretur, Maccaum deniq; post Socios navigare constituit. Sed amantissimus Marcelli Gubernator nullatenus eum divelli à se patiebatur; cùmque frustra inducere laborasset, ut secum in bellum contra Joloenses (quos ab eo devincendos, licet majore quàm cum Mindanaënsibus contigerat clade, prædixit) proficisceretur, tandem

dem datæ primò fidei memor, & Marcellum anxium videre non sustinens, à P. Provincia-
li petijt illum suæ potestati, quoad tractum
in Japoniam permitti: daturum se operam
nè quid temerè constituat, nève cuiquam no-
xæ aut calamitatis, quidquid ab se susceptum
fuerit, existat. Provincialis qui rem altiore,
quàm humanâ providentiâ geri videbat, eâ
potissimùm causâ, quam etiam ad Genera-
lem perscripsit, assensum dedit, nè resistendo
medicinam, quam lapsò Ferreira parare,
DEUS in Marcello videbatur, humanâ pru-
dentiâ interverteret; nève culturam eam So-
cietatis summis istis temporibus desereret,
quoniam à lapsò Ferreira nemo se potuisset
adhuc in Japoniam penetrare. Et quidem
Marcellus ipse Gubernatori asseveravit, id-
circo se in Japoniam à S. Xaverio missum, ut
Christophorum Ferreira suo exemplo à
perfidia retractum, ad tormenta animaret,
vel si id non cederet, labem ab eo factam suâ
morte sarciret. Ideoque non se verbis & præ-
dicatione, sed vulneribus duntaxat & morte
illic Evangelium promulgaturum. Guber-
nator eâ licentiâ lætus, navigium ejuscemo-
di silentio compingi jubet, quales Japonum
Cymbæ littorales sunt, quas ipsi Funeas vo-
cant. Tum illud dissolutum alteri grandiori
navigio clàm imponit, simulatq; se illud pu-
blicæ rei causâ in Formosam Insulam destina-
re. Habebat eâ tempestate in vinculis nau-
clerum, omnis oræ Japonicæ scientissimum,
sed capitis idcirco reum, quod suo injussu tres
PP. Dominicanos eodem vexisset. Huic &
vitæ gratiam pollicetur, & amplam præ-
terea mercedem, si bonâ fide Marcellum in
Japoniæ littus quodpiam indeprehensum ex-
ponat. Quo conditionem magnâ lætitiâ ac-
ceptante, Gubernator Marcello tantum auri
comparat, quantum ad aliquot annos in Ja-
ponia sustentando satis fore videbatur. Igitur
Marcello, qui generali confessione animum
postremum expiârât, antè digressum valedi-
cens Gubernator, cum præ lachrymarum co-
pia loqui non posset, epistolam tradidit, quâ
memoriam sui in Cœlis post obitum Mar-
tyrium, obnixè flagitabat; & ut fido cuiquam
Christianorum committeret, ut ejus ad se or-
cisi corpus transferret, sponderetq; suo nomi-
ne in præmium sex millia nummum, vel
demum quocunq; pretio indicâset operam
suam, persoluturum se quidquid convenerit.
Digressò Gubernatore Marcellus cultu Japo-
nico, & Joannis à Cruce nomine adscito, ad-
iunctis aliquot Japonibus, quos timore per-
secutionis è Patria profugos, ad oppetendam

pro Christo mortem accenderat, in navim
transijt, relicta in Urbe opinione, quòd in Si-
nas; in navi, quòd in Formosam tenderet, in
concupitam tantopere Japoniam solvit die
10. Julij A. 1637. Ibat Marcellus tanto deli-
butus gaudio, ut quodam quasi modo impos-
sui, alienari à se ipso videretur. Qua de sua
voluptate ita ad Amicum ex ipsa navi scri-
bit: *Misericordias Domini in æternum cantabo!*
quando enim unquam talem mihi diem assutu-
rum, per mea peccata, potuissim imaginari? nunc
dentum affirmare possim, ne cum lætitiâ scribere.
Ceterum quàm plena periculorum exiterit
ea navigatio, scribens ad alium hæc ait: *Tan-*
varia fuit navigatio, tamq; periculosa, ut vene-
rim inter spem & metum, veritus, ne mea peccata
totum corrumpere. Et jam nunc, dum ista scri-
bo, veemens ex obliquo ventus veli rudentem di-
rupit, & cursum ultro citroq; obliquavit, expe-
ctantes dum Funea compingitur. Et fateor id
quod est: omnium itinerum quæ mari confecti,
gravissimum istud & periculosissimum exitisse.
Sed tamen hæc omnia, jam cruce super undis
lipfanothecâ Xaverij ductâ, jam eâdem mari
religiosè demersâ tranquillavit, promissò
nautis faciliori in reditu, uti factum est, cur-
su, ubi Jonam in Japoniam ejecissent, propter
quem illæ tempestates sunt concitæ. Veheba-
tur in navi is, qui Funeam molitus fuerat, Ja-
pon, ut eam ex arte dissolutam, eâdem quâ
pollebat iterum in loco & tempore compagi-
naret. Ubi autem dirigi in Japoniam cursum
vidit, qui Formosam navigare credebat, ma-
gnitudinem periculû expavescens, vehemen-
ter queri, sibiq; graviter impositum jactare
cepit, patefacturum se ad salutem servan-
dam mox Magistratibus, ubi littus attigerint;
quem & unde vehant. Vix hæc effutierat,
cùm eodem loco & momento, sædum in mo-
dum os illi torquetur, & violentâ convulsio-
ne sub alteram aurem attrahitur. Mox ta-
men ut facti pœnitens genibus Patris advolu-
tus culpam deprecatus est, malum leniri, spa-
simus remittere, & os ad pristinum statum re-
dire. Cùm verò Navarchus lignationis, &
aquationis causâ omnibus nervis jam ad For-
mosam, jam ad Lavanam Insulas appellere
contenderet, magnâ vi semper, tantum non
haustâ fluctibus semel navi repulsus est: so-
lante interim omnes Marcello, neque ligno-
rum, neque aquæ copiam unquam defuturam.
Ecce autem eo ipso die copiosus è Cœ-
lo imber vasa complevit omnia; lignorumq;
in usus abunde semper fuit, attonito Navar-
cho, unde tantum illorum suppeteret. Omnes
interim sollicitè conspectum alicujus ex Japo-
nicis

ponicis Insulæ anhelabant; cùm Marcellus post medium noctis ex superioribus navis prospectans, unam ex ijs, Lequium majorem dictam, tam propè intnetur, ut penè contingi, nec ultra minoris scopi jactum removeri appareret, quæ tamen eo distabat intervallo, ut totâ eâ reliquâ nocte, & pluribus diei frequentis horis teneri nequirit. Tandem inexplicabili Marcelli lætitiâ 4. Augusti ad Insulam Joannoscizæ applicant, ubi cœmptâ ab indigenis cymbâ (nam Funea compingi nequiverat) quâ ad interiora proveheretur Pater, redituri Manilam nautæ cum lachrymis ei valedicunt. Infrat Marcellus magnopere suadere Japonibus, qui illum comitari ultro volebant, quasi defectionis eorum, quæ deinde secuta est, præscius, ut reditu Manilam cruciatus & certam mortem, quibus ferendis pares fortè non essent, redimerent. Verùm firmitatem omnem spondentibus, reluctari, nè viam illis ad Martyrium præclusisse videretur, nolens, pauculas ad Manilenses Amicos dedit alijs redituris epistolas, quas illi cùm reciperent, ad pedes ejus provoluti, certatim eos & manus exosculabantur, solis lachrymis & singultibus, qui verba præcludebant, vale ultimùm dicentes. In binis earum ad Gubernatorem Philippinarum & ad P. Rodericum Dezam asseverabat, mortem se priùs oppetiturum, uti res ipsa tulit, quàm illæ redderentur. Tertia ad Patrum suum inscripta, ita loquitur: *neq; unde ordiar, neq; ubi desinam scio; sed verbo complectamur omnia. S. Franciscus Xaverius tandem confecit, quod ipsius est. Miraculo mihi vitam dedit, miraculo me conduxit in Philippinas, miraculo me fecit consequi à me concupitam Japoniam. Itidem spero, quod miraculo me aliquando videbo inter carnisces. Quando talem unquam diem ipsemet pro meis peccatis imaginari potuissim? O quantam adeptus sum ejus veritatis certitudinem: non esse volentis, neq; currentis, sed miserentis DEI! Cui Laus, honor in sempiternum.* Hæc eadem quæ Marcellus experiundo didicisse scribit, alteri cuipiam virtutis clarissimæ, miro DEUS ostento firmavit. Quo enim tempore Marcellus Japoniam petens vehementiùs alto jactabatur, fatigabat ille DEUM precibus alibi, ut cursum ejus secundaret. Cui die 21. Julij è Christi Crucifixi effigie, coram qua precabatur, allapsa vox ejusmodi est: *jam S. Spiritus lucem dimitto: & simul ab imagine ipsa radijs perfusa lux fulgentissima visa promicare.*

Digressis Manilam versùs vectioribus, Marcellus cū Japonibus suis in cymba, quàm

posset rectissimâ ad Imperatorem viâ per interiores insulas tetendit. Sed in portu Cuto agnitus à nonnullis pro advena, indicium sui pecuniâ redemit, & uno è Japonibus Socijs Lazaro Satzumano secundùm littus se fugâ pedes subduxit, reliquis suâ cymbâ idem littus legentibus. Sed à littoralibus excubijs celeriter deprehenso, & quia nullum perfidiæ symbolum gestabant è collo conspicuum, pro Christianis habiti, Nangasachum in vinculis abducti sunt. Statuerat enim totâ latè Japoniâ Imperator, ut omnes Idoli imaginem palam de collo pendulam gestarent, sinè qua igni & aquâ omnibus interdicebatur, nec fas erat emere quidpiam aut vendere, vel testò ullo recipi, quin statim ad mortem & tormenta rapiebatur. Post clementes Nangasachi interrogationes, Marcelli comites cùm aliqua in responsis variarent, quæstioni subiecti sunt; quam cum principio constanter aliquamdiu toleravissent, ubi vehementiùs torquebantur, præter Andream Cotendam, cui vitâ spoliato tormenta cessèrè, sex reliqui cruciatibus succubùere, factòque Marcelli indicio, ejus in Philippinis prodigia, virtutes, & stimulationem, mirè extulèrè. Submissi continuò vestigatum 250. milites, Marcellum in profundo densòq; nemore orationi vacantem deprehendunt. Prodidit illum fumus ex igne ab illo excitato ascèndens: quem tamen vultu inflammato, quasi in Deum raptus esset, conspicientes, non sunt ausi, serenissimâ oris majestate perstrikti, manus injicere, dum sponte ipse precatione finitâ, conformatis pro pectore in Crucem brachijs, vultu & voce placidissimâ, in vincula se offerret; ecce me, inquit, Filij, arbitratu vestro comprehendite. Vix credi potest quanta militum fuerit in eoprehendendo modestia, quantos in ducendo cultus & observantia, nescio enim quid homine majus in eo suspiciebant, etiam ex eo, quòd eodem temporis, quo eum vinciebant momento, tanto terra motu concussa est, ut accolæ omnes exterruerit. Vinculis innexum Gubernatoribus Nangasachi 5. Octobris sistunt, miro quodam splendore citè cùm caput ejus emicante omnibus spectabilem. Leniter primùm quæritus: *Mucio, an Manilâ, quem in finem venisset?* magnâ animi excellentia negavit se unquam Macai fuisse: *Europæum se, ac Italum Neapolitanum, in Indiam indè per Malacam ac Philippinas, in Japonem demum missum à S. Xaverio trajecisse, ut Imperatori egrotanti, si superstes adhuc sit, incolumitatem redintegret, eiq; legem Christi persuadeat.* Quis ille est S. Xaverius? inquit Gubernatores:

Is nimirum, ait Marcellus, qui primus è Societate Jesu huc delatus, Franciscum Bungi Regem, & clientes ejus Fidem Christi condocuit. At ille pridem, inquit, morte oppetitâ, quæ huc legare petuit? Tum Marcellus: ille quidem mortali vitâ defunctus est, sed vivit etiamnum æternum beatus in Cælis, & me Neapoli à medicis depositum, eâ specie, quâ depictum mecum attuli, invivens, subito vitâ viribusq; restituit. Gubernatores admirati dicentes modestiam, neminem adeo conspicuâ virtute usq; adhuc in Japoniam venisse dicebant. Sed quia leges Imperatoris ita ferebant, nè gratiâ apud illum exciderent, tormento aquæ per violentam infusionem, & tantò violentiorem ejusdem regestione, Marcellum primò subjecerunt: ac deinde aliud per aquam supplicium adhibent, quod sic exercetur. Divaricatum hominem pedibus sublimem deligant ad palum, capite subjectam in aquam narium tenus demerso. Dein funem, ex quo pendet, validè contortum remittunt, ut dâ pondere corporis celeri circumactû retexitur, animæ reciprocatio intercludatur. Utrumque tormentum eodem die in Marcello exercitum est: sed in altero plus 400. aquæ mensuris, nullo intervallo, sic os illi obruere, ut liberè spiritum ducendi nullâ relictâ potestate, semî animis duperetur. Ut primum ex animi deliquio ad se revenit, tortores ita affatus est: Nulla vos mei capiat admiratio, si languere videatû in cruciatibus atq; destitui viribus. Etenim quanquam delictis nō insueverim, sensum tamen humanam imbecillitatis nō exui. Consistat tamen fatigante corpore sibi animus in omnia, quæ vobis irrogare libuerit tormenta. Retursum posthæc in carcerem convenère Magistratûs permisso, defectionis eorum adhuc ignarum, sui Japones, vultu dejecto, luridôq; postulantes, nè diversa ab ijs, quæ fassi fuerant, loquendo, in nova illos tormenta præcipitatos vellet. Marcellus ad tormenta hætenus vultu semper amœnissimus, adeò defectione illorum concussus est, ut eodem in vestigio tacitus immotûsq; horam ipsam uno in obtutu conslitterit manantibus interim continuè pleno vultu lachrymis. Et postquam collegit animum, graviter oburgavit admisso probrum, decessisse viros providere, quid possent: factum quidem se quod postulavit, quando ipso-rum gratiâ hætenus siluerit, quæ vereri poterat illis noxæ fore. Sed vehementer hortari, abdicatam Fidem & suas animas pretio sanguinis & pœnarum vindicent. Et fama est omnes deinde resipuisse, & Fidem sanguine fuso averuisse. Interim Gubernatores evoca-

cato Marcello atrocissima comminantur, nisi edicat, missûsue à Gubernatore Philippinarum, an sponte suâ, quæve causâ, venerit. Ille tormenta se exoptare professus, venisse ultro & sponte suâ, & nentiquam a Gubernatore submissum, respondet, ex causa, quam antea jam edixerit. Eâ gratiâ si mortem obire contigerit, ecquid optabilem, inquit, evenire potest? Age vero, inquit unus Gubernatorum, quoniam mortis tam avidus es, ego certam ejus copiam tibi fecero. Sed quid istud medicamentum est, quod Imperatori spondes saluti fore? Herbas quæ salutares, respondet Pater, quasdam & radices attuli, & pulverem imprimis, cujus tanta vis est, ut Imperatorem certò persanaturus sit. Erat ille pulvis è S. Xaverij visceribus in pilulas conglobatus; tantq; fiduciâ in Sanctum suum erat Marcellus, ut non dubitaret, quin si eum sumpisset Imperator, & corporis salutem consequeretur & animi; neq; enim videri Sancti viscera, visceribus Imperatoris quantumvis crudelissimi, permista, posse non ea pervellere, atq; in suum ingenium morèsq; transferre. Addidit ampliùs, imaginem se ejusdem afferre, quæ si in Pagodum delubrum aliquod ab Imperatore statuatur, operaturam tot ac tanta prodigia sit, ut omnibus magnæ admirationi futura sit. Experiantur duntaxat, & ipsam in delubro collocent, suo periculo, ut, si sefellerit, quibuslibet mactetur supplicijs. Sed nihilominus ad feralem pœnarum locum deductus, toto corpore denudatur: ubi eum eandentibus instrumentis usulandas eas partes peti cerneret, quarum pudore potius quàm dolore tangebatur, severius eos increpans admonuit, nè ab avita civitate defesciant: non fuisse Japones antehac immodestè sævire; multa sui corporis membra habere usulationi opportuna, ipsos tam inhonestè agere dedecere. Gubernatores rubore perfusi eum pœnæ modum suo injussu attentatum præferentes, aquæ tormenta repeti jusserunt: quibus triduo sæpe iteratis, nè prorsus extingueretur, foveri semianimis in custodia aliquamdiu debuit, donec viribus redeuntibus capitalis in eum lata est fœsse sententia. Quam ubi rescivit: bene habet, inquit, spiritus quidem promptus est, caro autem infirma. Et isto quidem tormento ego vivus defungar, verum Catana (Japonico gladio id nomen) me manet, quæ capite absciso Cælis inferat. Noctæ ultima cùm se ad Cælestia committenda in carceris angulum recepisset, Divinæ consolationis vi corpus librante, visus est ab excubitoribus sublimè à terra pendere, multâ circum luce perfusus: ad cujus insolentiam

spectaculi evocati Gubernatores, & ipsi admiratione confecti hærebant, videntes eodem simul tempore ingentem lucem Cælo lapsam custodiæ imminere.

Die 14. Octobris Marcellus è custodia productus, strigoso equo imponitur, brevi togulâ genuum tenus, cetera nudus, promissâ, manibus à tergo revinctis, lupato ferreo muricibus aspero ora constrictus, ne loqui de Christo ad circumstantes posset: dextra capitatis pars rasa & rubricâ, quo nihil ibi probrosius habetur, depicta. Ipse autem hilari vultu, oculis in Cælum sublatis, ubi institores Lusitanos, qui sex navibus paulò antè Macao merces ad vexerant, lachrymantes, seq; multâ appreciatione venerantes aspexit, ter inclinato capite eos consalutavit. A tergo alligatam trahebat chartaceo vexillo inscriptam mortis causam, his verbis: *Hoc supplicium decrevit Sciogunsama Imperator Japonia per suos Gubernatores Fidasakibara, & Ponbasaburosayemon, in hominem istum dementem; eò quòd venerit predicatum in hâ Japonia Regni externam Legem, adversus leges Sciaca, Amida, aliorumq; Fotokium Japonia. Omnes spectatum acurrere; moriturus est enim in fovea, ut ejus exemplo sit alijs cautum.* Perductus ad fossam in Monte Martyrum, interim dum toto corpore funibus, quò diutius compresso sanguinis in caput defluxu vita illi constaret, arctissimè confringitur, gratias Gubernatoribus egit, pro molestia sui causâ toleratâ. Mox in scrobem genuum tenus supinis pedibus demissus, semper immotus quietissimè pependit, ut milites, animam egisse aliquoties rati, operculum amoverint, scitantes, *num quo egeret?* quibus ille, *unâ sibi gloriâ cælesti opus esse,* respondit; *sinerent se suis in fovea delicijs & Paradiso frui.* Erat jam quartus dies devexus in vesperam, & postridie festus Nangasachi cuipiam Idolorum, ideòq; nefastus supplicij dies. Igitur gladio percutiendus horâ post meridiem tertiâ extrahitur; quod ubi advertit, *bene est,* inquit, *id ego pridem opperiebar.* Omnibus miraculum visum, nihil è corpore sanguinis illi primum in caput defluxisse, cum solita sit alijs, nè obruerentur, vena laxari. Porro cruciatum illum acerbissimum, quo viscera suis sedibus mota, atque in præcordia delapsa, suo se deinde naturali loco, dum corpus erigitur, restituant, incredibile gaudio tulit Marcellus, humillimâ comitate veniam laboris ab excubitoribus petens, quem suâ causâ tam diu sustinuerant. Et mox flexis humi ad excipiendum ictum genibus, bis exclamavit; *Pater mi S. Fran-*

cisce Xaveri! creditus exinde habuisse illum extremo hoc vitæ articulo conspicuum. Secundùm eam vocem carnis ex validè vibravit acinacem, qui licet, ut apud Japonenses solet, acie præstaret, noxæ tamen, velut in ferrum impactus, nihil intulit: cùmq; totis viribus iterâisset ictum, è manibus penitus in terram excidit, solo levi vestigio, sicut fricando strinxisset, in collo relicto. Cùmq; carnis fex sui impos, velut è cælo tactus, attonitus prodigio staret, Marcellus eum blandè affatus, exequi nunc demum Gubernatorum, jussa hortatur. Quâ velut sibi datâ facultate animosior, ferrum corripit, & JESUM ac MARIAM invocanti facillimo ictu caput amputat die 17. Oct. 1637. cùm ageret Marcellus vitæ annum 35, in Societate 20. Quo tempore validè rursum terra contremuit, & sereno undequaq; Cælo, soli Gubernatorum Curia atra nubes impendere conspecta est. Corpus ejus nnâ cum Andræ unius ex Socijs, qui in fossa obierat, sædè à sicarijs discerptum, in cineres exustum, atq; in fluctus dispersum est. Ex cujus busto mirum omnibus visum est, fumum rectâ semper Cælum versum, licet vehemens spiraret ventus sese extulisse. Pilulas tamen illas Xaverianas, medicas esse rati, unâ cum thaumaturga ejus effigie ad Imperatorem transmitti placuit, rebus alijs Marcelli omnibus igne crematis & dispersis. Simul atque nuncius mortis ejus Manilam perlatus est, incredibilis omnes pietatis sensus cum lachrymis occupavit, æta Sacra cum Hymno Ambrosiano per omnia, Tempia resonaverunt. idem factum Macao, Goæ, Ulyssipone, Madriti, Neapoli insuper cubiculum illud, in quo miraculè consanuerat, in sacellum consecratum, in quo effigies illius visitur, à pictore, qui nunquam eum viderat, nullam verè illum exprimentem nancisci imaginem poterat, vitâ ad vivum depicta, ut nihil expressius, nihil Marcello similius fingi possit. Ex eo etiam tempore certatim Navarchi suis in vexillis atque supparis ejus effigiem expingebant, ad servanda in procellis navigia, cursumq; fortunandum. Eâdem decollati Marcelli horâ (quod postea ex temporis supputatione constitit) Manilæ vir pius, qui præcipuam Marcello ad iter Japonicum operam navarat, inopinatò nullâ causâ antegressâ, sensit se ad studium sanctitatis maximis ardoribus inflammari, & inusitatâ quâdam animi jucunditate perfundi. Cujus unicum auctorem Marcellum interpretatus, omnem deinde superædificatæ perfectionis molem uni illi

illi acceptam ferebat. Diximus suprà cui-
dam personæ Christum pro Marcello in Ja-
poniam navigante oranti, illum ex cruce di-
xisse, Spiritus S. lucem à se eò mitti, quæ e-
adem eventus Marcelli ignara, dum ardentis-
simè coram eodem Crucifixo, quâ horâ Mar-
cellus pleſtebatur, Deum pro Japonia exo-
rat, ecce tibi adest Marcellus, veste quidem
Societatis, sed capite Japonicum in morem
raſo, qui propter illum in genua provolutus,
eandem pro Japonia preces instanter adjuva-
bat. Fuère complures, qui solo in cubiculum
illud, quod Manilæ Marcellus incoluit, in-
gressu, moleſtos animi scrupulos angorèsq;
deterſerint, & ad ſanctitatis studium vehe-
menter impulſi ſint. Eodem ipſo cæſi Mar-
celli die, Manilæ Gubernatoris ex Fratre ne-
pos ad extrema deductus (cujus obitum an-
te diſceſſum ſuum Marcellus prædixerat) re-
pentè totus hilareſcens, eum ſibi, ut indè cre-
ditum eſt, præſentem alloqui cœpit, *quid re-
rum agitur P. Marcelle? reſpōde ad mortem com-
paratus ſum? condonātione mihi peccata ſunt?*
obitæque, veluti admonitus, totius vitæ exo-
mologèſi, neq; quidquam præterea aliud elo-
cutus, plenus optimæ ſpei mortuus eſt. Ejus-
dem invocatâ ope res amiſſas & jam deſperat-
as ipſi mroviſo recuperârunt alij, alij admotis,
ab ejus attactû ſacratîs imaginibus, numi-
ſmatis, aut chirographo, capitis dolores mo-
mento depulerunt, periculofos partus è veſti-
gio ſolverunt, febres ſedârunt, caleulos præ-
grandes, quos ſinè miraculo nequiviſſe de-
pelli poſtea Medici ſenſère, ejeceerunt; verbo
omnis generis morboſo, ſolo etiam ejus nomi-
ne invocato, abegerunt.

Nec in Europam ſuam beneficus mi-
nùs extitit Marcellus. Anno 1635, dum Ma-
driti rebus ad profeſſionem Indicam conſi-
ciendis verſaretur, filium Comitîs Schom-
burg Oratoris Cæſarei, nomine Regis Hun-
gariæ è ſacro fonte Marcellus levârât, eumq;
ſub tutelam ſuam receptum, in articulo præ-
ſertim obeundi Martyrij, commendatum ha-
biturum ſponſonderat. Pertinax interim ma-
lum conſtanter puerum exercuit, atq; adeo
macie tenuatum exhaust, ut eum diu victu-
rum Medici Regij negarent. Ecce autem
eodem anni & Octobris die, quo Marcellus
glorioſam mortem obiit (& eandem horam
proſuſ fuiſſe deinde conſtitit) puerulus atto-
nitis omnibus, nullâ præcedente cauſâ, ſubi-
tâ corpusculi inſtauratione revaluit, firmâq;
incolumitate deinceps vixit. Eodem horæ
momento Comitî Rupis florida, cui ſimiliter
ſui memoriam certò ſe indicaturum Mar-

cellus addixerat, quartana febris, cujus ea
hora acceſſionis erat, evanuit, neq; unquam
deinceps reverſa eſt. Nobilis adoleſcens Nea-
poli, ex gravi in caput lapſu perpaulum à
morte abſuit. Sed eo in lecto, ubi Marcellus
æger cubuerat depoſitus, manè ſoſpes, nè qui-
dem ſigno mali relicto, evaſit. Drepani Ca-
tharina à Vincentio & Burgo, cùm ſanguinis,
tum virtutis laude conſpicua, tam atroci con-
ſiſtâbatur malo, ut nono morbi die ab omni-
bus depoſita, ſuſceptis rite Sacramentis, &
procuratis craſtinum in ſunus rebus omni-
bus, nil niſi mortem, paralyſi & apoplexiâ
percuſſa expectaret. Fruſtra etiam Spiritua-
lia fuère remedia, provocati muneribus & a-
nathematis Sancti, preces expoſito propalam
SS. Sacramento multis in Templis inſtitu-
tæ, ipſe adeo Thaumaturgus Xaverius ne-
quidquam exoratus. Pater Antonius Ro-
ſella Virginis Confeſſarius morienti extre-
mum adſtitutus, epiſtolam à Marcello con-
ſcriptam ſecum inter hæc attulit, juſſitque
Marcelli merita apud S. Xaverium interpo-
nere, dicto in eundem finem cum adſtantibus
ſemel Pater & Ave. Ipſe corpus infirmæ, du-
ctâ in Crucis formam epiſtolâ, locis affectis
ſignare, cum hiſce verbis: *per merita S. Xa-
verij, & Marcelli Maſtrilli, protegat & ſalvet te
D. DEUS omnipotens, in nomine Patris & Filij,
& Spiritus S.* Res prodigij pleniffima! admo-
tâ brachio apoplectico epiſtolâ, conſeſtim vi-
gor ad omnem motum reſtitutus eſt: e-
adem digitis contraſtis inſerta, mox eodem
explicuit: ſuppoſita capiti, ductâque per re-
liqua paralytica membra, magno omnium,
ſupore, quaquâ trahebatur vitam, vigorem,
ſalutem integravit; ut ægra continuo ſur-
gens ſeipſam veſtibus induerit, die ſequenti
in noſtram Ædem gratias Divis actura adve-
nerit, dum quaternis interim choris, totâ ci-
vitate cum Senatu illuc effuſa, reſonantibus
totius Urbis campanis, Te Deum laudamus
caneretur. Quo prodigio celebris facta ea
Epiſtola, certatim deinceps ægrotis expe-
tebatur, reſtituitq; non multo poſt alteri cui-
dam Matronæ in agone jam conſtitutæ, eâ-
dem celeritate perfectam incolumitatem: &
puellæ multos annos pedibus captæ, eodem
quo applicata eſt veſtigio, grefſu & ſoſpi-
tatem. Alia ejusdem epiſtola Neapoli Anno
1639, ægrotantis faucibus apoſſita, momen-
tò anginam depulit.

Verùm ſingulare proſuſ eſt, quod Lu-
xemburgi eodem anno in Joanna Goudia pa-
tratum eſt. Hæc poſt varios longòſq; morboſ
ex tibiæ dolore ingrediendi facultate,

prorsus orbata, miris item ignotisq; doloribus excruciatâ est, ut per annos 12. moveri sinè ingenti cruciâtu, neq; sæpius quàm ter quâterve per annum posset. Ad hæc itâ illi ademptum est linguæ officium, ut nè mutiret quidem, sed gestu duntaxat loqueretur; omnis aurâ & aëris impatiens, frustra per annos 16. in ejus cura defudantibus Mystis & Medicis. Postremò interiore impulsu se urgeri sensit, ut in B. V. Consolatricis Sacellum deportaretur. Ibi appensam S. Xaverij Marcellum eurantis effigiem digito ostentans, eorum, & maximè Marcelli ope, se bene de successu sperare significat. Ergo tribus illuc continenter Sacris citrà molestiam auditis 8 Sept. Anno 1639. quia meliusculè sibi fieri sensit, totum novendium eam pietatem continuavit. Et ecce quodam die cupidò eam incescit ante Divini Corporis elevationem genibus nitendi: dùmque tentat se moliri in pedes, sentit sibi quempiam à læva, licet nullo tangente homine, adminiculari, quem ipsa P. Marcellum interpretata, stetit, flexit, Divino Epulo accubuit, deniq; ambulavit; donec 14. Sept. inter Sacra mysteria

perfectum sandi usum adepta, votum disertâ formulâ palàm concepit, honorem & nomen Deiparæ, ac servi ejus Marcelli, semper tutandi, ac propagandi. Et nè in recensendis speciatim miraculis prolixior sim, vix ullum morbi genus est, quod invocatus ipse non depulerit, terrâ, mariq; clientibus suis præfens hospitator; dæmonibus, quos è corporibus, & habitaculis hominum sæpius exegit, in vitâ & morte factus terribilis. Quantum etiam Prophetiæ dono claruerit, ex multis hætenus colligi potuit. Certè Neapoli Augustino Viaræ Discipulo suo diu antè præsignificavit, ubi annum ætatis 25. exequeretur, creatur sanguinis, uti reipsa factum est, obitum. Madriti cuiquam è nostris insperanti spondit, revisuros invicem in Philippinis: alteri, sollicitum iri gravibus tentationibus ad deiscendû à Societate. Et cùm ejusmodi prædictiones obviæ illi penè essent & quotidianæ, nunquam tamen quidquam fefellerit, quin, uti dixerat, eveniret: ex verè de eo dici possit: *Non cecidit ex verbis ejus in terram.*

P. PETRUS CASSUI.

Patri Petro Cassui Japonia natalis fuit Omuræ, fatalis eadem Jerudi, Regia Imperatoris sede, multò hætenus Christianorum sanguine nobilitata. Imperij enim hæres Daifusama, nè à parentis ferocia degenerasse videretur, sub ipsa gubernationis suæ initia atrociter in Christianos Jendi inquisivit; ac 16. Augusti octo Christi Athletas obtruncari fecit. Et ut tenaces iræ Principum non facile placantur ubi semel ferrum induerint, die insequenti hesternis octo additi 14. atrocitatem & propè numerum duplicârunt. Ex eorum numero fuit Marcus Principum satus sanguine, qui in Patrum absentia Christianos in fide ob pœnarum atrocitatem nutantes, confirmare, lapsos erigere egregiè solebat. Sequenti rursus die tres alij supra viginti obtruncandi erant; sed cùm Judices Imperatorem monuissent, lentius aliquantò in tanta civium cæde pergendum esse, ad quinque solum Martyrij gloria pervenit; è quibus memoranda potissimùm venit constantia Laurentij. Ducebatur ille ad Martyrium cum primis octo nonus, sed parens ejus Ethnicus ad Judices appellavit, sponditque se filium ad defectionem pertracturum, si mora aliqua

concederetur. Non gravatè impetrat, quod Judices ipsi exoptabant. Itaque magno doloris sensu Laurentius frustra Fidem suam protestatus, à socijs avellitur, & in ergastulum reclusus, nova prælia, cùm victoriam se tenere crederet, auspicatur cum parente; qui licet fictum Chiographum ejuratæ à Filio Fidei ad judices attulisset, cùm tamen coram advocatus Laurentius parentis signum detestaretur, desideratæ gloriæ effectus est princeps. Quibus tandem adjectus ibidem hoc anno noster P. Petrus Cassui, gloriôsè occubuit. Fuit ille à puero in Seminario institutus, & A. 1614. cùm à Patrum latere divelli non posset, exilio cum illis multatus. Ipse per eam occasionem roborandæ Pietati & Fidei sue intentus, Hierosolymæ visendâ, legendorûque Christi Servatoris nostri vestigiis studio, Indiam atque universam Persiam emensus est: & suo illo perfunctus officio, Romam tetendit. Ibi rerum humanarum pertractus, anno 1620. Societatem amplexus, in suam retro Japoniam Moderatorum missu remigravit: in quam, ut ementitâ melius perforsâ penetraret, biennio toto longa in navi, nudo capite, nudisque pedibus remum duxit: & eo tamen frustratus consilio Manilam pro mancipio



P Petrus Cassui Japon Soc. IESV. pro Christi Fide varijs tormentis enectus Iendi in Iaponia, mense Iulio. A. 1639.

C. Sireta. d.

W. K. c.

cipio tetendit. Sic demum elusis excubijs ingressus Japoniam, Nangasacki complures, quos à Fide subtraxerat horror Unguentum aquarum, suis ipse hortatibus revocavit. Inde in septentrionales oras latus, cum in hostium manus incidisset, Jendum Urbem Regiam perductus est, ibique varijs atrocissimis tormentis enectus, mense Julio A. 1639. ætatis 51. In media tormentorum acerbitate constitutus, cum inter alios spectatores Christophorum etiam Ferreiram (itã quondam in Societate dictum, postmodum autem in

sua à Fide apostasia, Joannem, seu Yendo Japonijs nuncupatum) conspexisset (hunc enim Magistratus supplicio Petri interesse, ad magis in Idololatria terrore firmandum iusserant) cepit eum verbis ad omnem fervorem incitatissimis, & exemplo suo, ad desertæ Fidei, & mortis pro ea obeundæ gloriam invitare. Sed frustra tunc quidem iterum id fuit, DEO illius pœnitentiam, & fortissimam in Confessione S. Religionis obitam mortem, in multos posterius annos disponente.





P. Amarus Moureira, Lusitanus Soc. IESV odio Religionis ab Hæreticis occisus in India ad Goam 30. Septembris. A. 1639.

C. Sireta del.

Melch. Kuschl. sculp.

P. ANDREAS MOUREIRA.

Sæpius experta est in Oriente Societas Hæreticos infensiores sibi, quàm Ethnicos fuisse. Nam calumnijs suis Angli & Batavi Imperatoris Japoniæ animum à nostris penitus averterunt, cùm dicerent: impostores illos esse, & mentitæ pietatis fucò Regna perturbare; Hispanijsq; nova Regna quærentibus viam parare. Quamobrem affirmabant eos in Europa Regnis pelli ab ijs Principibus, qui acutiùs eorum artes explorassent. Enimvero Imperator hæc audiens, continere se non potuit quin palàm diceret: *Si Principes Europa suis illos Regnis & Provincijs exterminant, cur Regno meo non ejiciam advenas, qui à*

suis non feruntur? Ejectos postmodum in exilium Patres, cùm navibus in Philippinas deportarentur, duobus navigijs invadere parabant in Firandensi portu ijdem Batavi; nū in Firandi Toparcha ethnico Catholici contra hæreticos patrocinium reperissent. Ijdem P. Ægidium de Abreu verberibus & inediâ confecerunt in nova Batavia, & hoc rursus anno ad Goam Patrem Amarum ortu Lusitanum, Domo Ulyssiponensem, Domûs Professæ Goanæ Ministrum sustulère. Cùm enim hi suis classibus Indica maria diu haberent infesta, ut Goanos omni exterorum commercio prohiberent, extremo Septembri duos Myoparones in anchoris pro portu collocavère, Præ-

tor Indicus hos ut abigeret, rostratam ingentem navem, cui à S. Bonaventura nomen, immisurus, cum compleri militibus jubet; additi qui Sacris mysterijs, & hortatu rem publicam adjuvarent è nostris duo. P. Emmanuel de Lyra, & P. Amarus Moureira. Antevenère Batavi: Et septem aliorum accessione navium aucti, in Murmuganum amnè, ubi rostrata Lusitanorum stabat, inveſti, tormentis eam validè pertinaciterq; verberavère. Resistère contra Lusitani fortissimè dimicantes, donec sub noctem impulsio in eos navigio quodam inflammato, ignem etiam rostrata concepit, & horæ momento deflagavit. Tum sibi quisque, quà evaderent universi, consulere; plerique se in flumen agere, & nando experiri. In his P. Amarus fuit: què Batavi submissis cymbis ad excipiendos profugos concursantes agnitum è toga, & rasà eo die capitis coronà, Jesuitam esse, cum cæteros etiam Religiosos servarent incolumes, nostri nominis & Catholicæ Fidei, quam sustineri à nobis totà Indià clamitabant, odio, contis & mucronibus impiè confecerunt, die 30. Septembris anno 1639. ætatis 42. Initæ Societatis 22.

Secutus hunc est eodem anno 28. Decembris, diverso tamen loco in Philippinis à Mahometanis necatus, P. Petrus de Zamora Hispanus. Hic posteaquam Mindanaus Insula bello ab Hispanis subacta, jugum Christi operà P. Mastrilli suscepit, bene cæpta na-

viter cum Socijs, prædicatione Evangelij promovebat, magnas ab insectis indigenis, ubi occultè possent Patrum vitæ insidias fruenticibus, difficultates perpeſsus. Degebat in Præsidio Bahayeni, militibus in Spiritu procurandis additus, in tanta rerum omniū penuria, ut suà quādam ad Moderatores datā epistolā sic testetur: *opiparè secum agi quisq; exciſminat, ubi quantum vola complecti potest, leguminum nactus est. Sed in his omnibus superabundo gaudio: neq; hic unquam alias tam bene habuimus.* In hac rerum humanarum penuria, & copia divinarum, mors Patrem fortunata ità excepit. Constiterat ex adverso Arcis manipulus Mahometanorum, sedus & pacem firmaturum simulans: ad quos dum nimium creduli in adversam fluminis ripam Dux ipse cum Patre, & primores aliquot exeunt, ab hostibus Fidei circumventi impiè & perfidè trucidantur. Dux nihilominus cum Patre vulneribus saucij per amnem evadunt, ex quibus Pater tertio die consumptus occubuit 20. Decemb. Neque illi, quibus ejus conditio mortis perspecta fuit, cunctati sunt cum in Fidei heroibus numerare, ut quem ideo maximè trucidatum scirent, quòd studio haberet eos Hispanis conciliare, quò ità Christo eosdem facilius aggregaret, cujus illi vehementer odio, ut ejus perſidiæ cultores solent, perditèque flagrant.

P. FRANCISCUS DE MENDOZA.



Equissimum semper duxit Societas, eos qui pro aris Christi, aut focis domesticis, armis depugnant milites, Christianæ quoq; militiæ armaturā munire; hinc cum ipsis ferè Societatis primordijs Missio cœpit Castrensis, quando Aphrodisium obſessurus Vega, Jacobum Lainium unum ex primis S. Ignatij socijs, in castris suis habere voluit, qui sibi, suisq; militibus, quā precibus & Sacrificijs, quā adhortationibus sacris, & administratione Sacramentorum præsidio foret. Bellum movebat in Mindanao Philippinarum Insula pro Hispaniæ Rege illic Gubernator, contra Fidei capitales hostes Mahometanos, in quorum conversione impigre ibi defudabat 16. jam annum P. Mendoza. Ij namque qui mediterranea Insulæ ad Malanai lacum accolebant, facti Deo & Regi refractarij, arma rebellia corripuerant, tracturi

secum in aciem, quidquid impij dogmatis cultorum illic adhuc superesset, ut cum Hispanis omnem simul Fidem & Religionem Christi ab Insula eliminarent. Et prima quidem expeditio secunda Hispanis, nec multo sanguine stetit & impendio: cujus optato successu delibuti, alteram apparabant animosius; & ut ferè sit, ex secundis eventis præſidente nasci solitā securitate, quasi jam debellatum foret, nunquam superfluum in militia cautelam & vigilantiam propè deposuerant. Priùs tamen quàm decretoria barbaris arma inferrent, legatos pacis interpretes præmisère, eà solà lege & cautione pacem & quietem ferentes, ut Patres legis Christianæ doctores ad se omni absque armorum strepitu dirigendos reciperent, à quibus documenta salutis æternæ perciperent: cætera omnia illis cum omnibus suis juribus & libertate mansura integra & immunia. Sed

G g g

illud



P. Franciscus de Mendoza, ex illustrissimo Sanguine Lusit. Soc. IESV odio Fidei Christianæ necatus ab Idololatri in Philippinarum Insula Mindanao. 7 May A. 1642.

C. Secreta. d

M. R. f

illud nempe erat quod ad rebellionem animos impiorum conciverat, dolentibus & frendentibus tres jam stationes seu colonias, in totidem suorum confiniorum vicis à Patribus Societatis excitatas, in quibus singuli naviter in deserta illa vinea laborantes. Christianos mores & humanitatem illis instillare satagebant. Paucis enim & brevibus laconicâ barbarie responderunt, veniret enimvero quando luberet bonis avibus Pater, experturum profectò continuè quantum ejus gratiâ velint. Geminas habere se clavus in promptu, quæis illum pectore & tergo contusum elidant: haud alijs sibi opus præconibus, quàm suis esse Cacigijs. Mendoza igitur statione suâ, quam uno ex tribus memoratis colonijs loco, in alterum jam mensem durante

primâ expeditione Yligani procurabat, necessariò cedens, magnopere apud Socium Sacerdotem institit, ut quando ipse militarem aciem priore vice fuerat secutus, sibi jam copia fieret alternâ vicissitudine in campum prodeundi. Verebatur nimirum magnopere, nè hæc sibi tam propinqua fundendi pro Religione sanguinis occasio elaberetur, postquam vix aliam secuturâ sibi polliceri posse videbatur. Paucis siquidem antè menses gravi morbo oppressus, trimestres inducias sibi à DEO vitæ poposcit, quò se diligentius morti præpararet. Convaluit mox enimvero, sed Yligani tertio jam mense ad exitum properante dixit euidam, mortem sibi videri propediem imminere, trimestres enim quas postulaverat inducias jam fluxisse. Ergo ma-

ximâ

ximâ alacritate cū militum manu ad interiora Regni profectus est, ut se cum reliquo exercitu conjungerent. Et quia nemo hostium pergentibus occurrebat, reliquiasque exercitus non longè ampliùs aberat, audâ fiduciâ ejus turmâ Duçtor, adscitis duobus militibus Hispanis, totidémq; famulis, Patre etiâ in Comitum se ultro adjucente, antegredi constituit. At vix à reliquo agmine digressos, improvisus ex insidijs Mahometanorum occupat manipulus, inq; vestigio omnes contrucidat. Quidquid autem insidus hostis persecutus necesse fuerit in alijs, in Patre certè nil nisi Religionem & Sacerdotium se morte plectere voluisse vel eo declaravit, quòd nudum à telo & armis longè diùs atq; atrocius ceteris armatis tractârit; innumeris enim vulneribus totum ejus corpus cæsum & punctim discerptum ab Hispanis deprehensum est, vultu tamen ità post fata sereno, ut

arridenti esset quàm simillimus. Nec dubitavèrè illis locis Christiani inter cæsos pro Fide eundem computare, cujus reliquias diligentissimè ad religionem collegerunt; & militum quidam sanctè asseveravit, se gravem morbum, quo fatigabatur, epotâ, cui frustillum zonæ Patris intinxerat, aquâ depulisse. Natus fuit P. Mendoza Ulyssipone, Hispanis & clarissimi generis Parentibus 24. Augusti Anno 1602. Societatem verò in nova Hispania A. 1621. complexus, in Philippinas, etiamnum Tyro transmisit. Ubi gradum Coadjutoris Spiritualis sortitus, omnibus Apostolicis eluxit virtutibus: sui præsertim contentu, mortificatione, & in proximis, ægris, præcipuè commiseratione, quibus medicandis & herbarum, & rerum medicarum nonnullam noticiam comparârat.

Cæsus est ad diem 7. Majj

Anno 1642.

P. BARTHOLOMÆUS SANCHEZ.



Uam verè professus sit mortaliū omnium Sapientissimus Prov. 30. inter tria sibi difficilia, quartum penitus à se ignorari, nempe *viam viri in adolescentia*: penè evincere videtur labyrinthus adolescentis vitæ à P. Bartholomæo decursus. Prodigiousè à Parentibus DEUM timentibus impetratus, & antequam conciperetur jam Divinis obsequijs devotus, idcirco nomen à S. Bartholomæo traxit, quòd ei die Sacro in lucem prodijt Murciæ in Hispania Anno 1613. Hi sollicitè educatum, novis artibus ab infantia docuerunt ea aspernari, quibus illa ætas maxime capi solet. Rhedas & pilenta asserabant astu Dæmonis ab inferno exitisse, quibus properantiùs ad Tartara veherentur mortales. Quibus persuasus ille pia omnia sectari à parvo, arulas extruere, simulare Sacrificia, concionari ad domesticos, Missis libentissimè intervenire, confuèrat. Verùm jam puer Grammaticæ capax, in Gymnasium Societatis traductus, licentiæ solutioris, discolorum Sodalium exemplis inductus, indicia prodere cœpit; quæ tamen gravibus Patris minis & inculpationibus in semine consopita sunt, & in contrarium penitus Sacratioris incendij ardorem deinceps eruperunt, quò primùm die trium Japonicorum Societatis Martyrum, festivitatem Murciæ celebrari alpexit. Ab his enim conceptâ fervoris flammâ, eodem die viam & ad Crucem, & ad Societatem.

Jesu arripuisset, nisi febris eum repentina tum, cū admittendus erat, incesisset. Sed iterum fervorem Spiritus eadem febris penitus infregit; donec paulò post majore incremento exarsit, ubi intellexit Patrem Ferdinandum Perez, cui erat per familiaris, in Philippinas Insulas discessum parare, unde, perfacilis in Japoniam, quòd illum Martyrum exemplum nuper traxerat, esset trajectus. Ergo certus eum eodem Indias, & ibidem ingressum in Societatem petere, dum Parentum consensum requirit, veniam quidem amplectendæ Religionis ab ultro volentibus nullo negotio obtinuit, ut autem longius ab Hispania recederet, exculpere nullis argumentis potuit. Hispalim ergo, ut inter Societatis Tyrones recipereetur profectus, P. Ferdinandum jamjam consensurum deprehendit: simulq; novo & repentino ardore inflammatus, celerem resolutionem unâ abeundi concipit. Mox Gades, ubi naves discessuræ stabant in anchoris, provolans, in unam earum clandestinè se injicit, nec ullis suasionibus, ac penè violentiâ à nauculis adhibita, exigi potuit. Verùm unæ iterum supervenientes à Matre literæ, lamentis scæmineis orbitatem suam graphicè deplorantibus referæ, in transversum ità egere animum, ut excensionem illico concluderet, nisi repentè asslantibus ventis naves solvissent. Mœstissimus ab eo momento juvenis, vultu & animo dejectus, non amplius Indias, sed navigium.

G g g 2

quod



P. Bartholomæus Sanchez Hispanus Soc. I.E.S.V. ab Idololatrâ necatus
pro Christi fide in Philippinis Buhayeni, mense Iunio. A. 1642.

C.S. d

M. K. f.

quodpiam ab Indijs remeans sibi occurrere suspirabat, cujus beneficio è medio cursu remearet ad suos. Quo nuspian occurrente, tandem omnino deliberavit ubi primum Mexicum appulissent, clam sese subducere, & cursum ad suos relegere. Nec defuit sibi id temporis Dæmon, obiectans amaricato jam aliunde animo, contemptum sui à Patribus, qui non instar ingenui, sed ut mediastinum in via habuissent, ad vilissima nautarum & ægrorum obsequia (fecerunt enim id periclitandæ ejus virtutis causâ) deprimendo: id si in liberum adhuc & sui juris agant, quid tum designaturos eum habuerint obligatum? Talia secum turbidis cogitationibus volutantes, novum antevertit impedimentum. Patres enim omnium ignari, ab ipso portu rectâ Tepozotlanum juvenem destinant ad Tyro-

cinium. Quid agat inter sacrum & farum deprehensus, neq; tamen, ingenuo pudore retractus, palàm defectionem profiteri, sustinens? clam cum Naclero convenit, ut ceteris Tepozotlani expositis, ipsum indè clam secum auferat, opimam recepturus mercedem. Sed inane fuit contra Dominum consilium, qui providæ ætatis misertus, compedes malignæ febris illi injecit; atq; idcirco Mexicum ad meliorem curam in Collegium delato, ubi incredibili supra maternam charitate sese haberi expertus est; ita omnes simul animo nubes absterfit, ut exinde nunquam in omnem vitam ticubârît.

Animosè ergo manum ad aratrum mittens in Tyrocinio, & per omne virtutis exercitium edomandis naturæ inclinationibus intentus, præcipuum collicepit studium imitandi,

tandi, & primario affectu prosequendi S. Xaverium: expertus aliquando intimè in corde sibi dici: *Stude, age, huic Sancto impense, quem tantopere vides tua indolis consentire.* Quia verò per idem tempus P. Mastrillus Japonem petens, in Philippinis, quò jam Bartholomæus immigrârât, substitit, non solum affectus hos in Divum, cujus tot ingentia beneficia in illo legebat, immensè adauxit, verum etiam desiderium petendi Japonem sufflam-mavit, ut proinde continuo copiam eos ad-eundi per literas apud Præpositos sollicitaret. Chirographum quin etiam, expresso è pectore, quò cordi imminet, sanguine con-scriptum, quo te Divo pro salute Japoniæ dedi-cabar, Mastrillo tradidit: vicissimq; pul-verem de corpore Sancti delinatum vulneri indidit, ut exinde veluti cordis sui possessio-nem circumferret. Atq; hoc suo in Divum studio, quem jam modis & praxibus omni-bus Mastrilli venerari satagebat, sentiebat ingentes sibi animos ad virtutes addi, obedi-entiam præsertim, quâ ad Superiorum nutus indifferens, ita lubens & quietus, inter tam incensa Japoniæ desideria vivebat in loco & statione qualibet, ac si ea divinitus ipsi desi-gnaretur. Paupertatis amator ut Matris, ni-hil novi in vestitu unquam admittens, eò quòd novos aliquando calceos indutus, ita a-marè & pertinaciter sibi internè Sanctum id exprobrante fuerat expertus, ut quietem & hilaritatem recipere nequiverit, dum exuisset. Idem in adversis & tentationibus omni-bus, impuris maximè, certum illi erat per-fugium, ita familiare, ut cum ijs aliquando videretur sibi oppressus, & ad extrema dedu-ctus, fiducialiter & quereretur; *Sancti mi Pa-ter*, inquit, *ecce jam huic impar certamini, sustinere ultra non valeo.* Momentòq; abster-sis sedis imaginibus, vidit simul tetras quas-dam umbrarum larvas à se diffugere. Labo-rabat aliquando sub gravi desolationis pon-dere, insolitâ Cælestium suavitatum penuriâ, cui medendæ ad Sancti Altare & imaginem confugiens, videt illam ingenti Cruce, à ca-pite ad calcem prætensâ, totam propè con-tegi: & ex eo tempore expertus est majoribus se, quam unquam aliàs, animi corporisq; do-loribus opprimi, donec penitus Christo in Cruce per mortem confingeretur. Non mini-ma ex ijs crux fuit Sacris jam initiatò, incre-dibilis animi angor, quo ex verisimilibus ar-gumentis angebatur, suam in Sacerdotem inaugurationem irritam esse. Tantùm-que anxietas processerat, ut eum metum, quo verebatur atq; eâ re sempiterni causa esse exitij, libentissimè morte redempturus

esset. Itaq; novendiali præmissâ appari-tione, dum ipso Primitiarum die afflictissimus ante Sacrum erat, & inter querelas patrocini-um S. Xaverij implorat, allapsa vox illi est: *Quid tu te desertum a Sancto tuo queris? eâne, qua in te contulit beneficia, tui deserti indicia sunt? Quoniam vero te illi semel commisiſti, ei-dem te posthac permitte, tolerando potior, quam fruendo futurus. Studium amulandarum ejus virtutum nova: & nunc referenda pro acceptis per eum donis gratia, Deo primam istam hostiam lita.* Absterſis ita majore parte animi crucia-tibus, maxima cura eum incesſit, an osten-tum in Xaveriana imagine Crucis jam com-pletum, an porro novis in se doloribus explendum esset? Cùm superiorum jussis occu-patus Buhayanam in Arcem destinatur, præ-sidiarij suâ operâ adfuturus, & circumjectos Mahometanos ad Fidem allecturus. Quod dum instantissimè, sed nullo penè, ob gentis perviciam, effectu procurat, evocatur à P. Provinciali Samboangam, principem Hispanorum in Philippinis stationem, ad concele-brandam secularem institutæ Societatis me-moriam. Ubi ipse instaurato per Sacra Ex-erciseitia Spiritu, quia majorem à repetenda Buhayana Colonia reluctantiam in se sentiebat, magnopere oravit illuc remitti, Deo ipsi nec cogitanti lauream cupitæ mortis in reditu disponente. Migranti enim navigio unâ cum militum supplemento, duo Insulæ Prin-cipes Mahometani Coralatus & Manaquerius, sexaginta navibus hostiliter occurrunt. Pater arrepto Crucifixi simulacro Hispanos ad fortiter dimicandum in Christi hostes ani-mabat, donec post bidui certamen victi tan-dem numero cessare Christiani. Irrumpen-tem stricto ense Manaquerium sibi antehac simulatâ familiaritate addictum interpellans Pater, *antice Manaquerie*, exclamat; sed il-le factis amicitiam negans, ejus gutturi si-cam altè immergit, & alius quispiam in ge-nua provolutò, oculosque & manus in cælum tollenti, acinace vulnus bipartito ca-pite superaddit. Atque ut liqueret, quem hostem in Viro Dei persequerentur, solum præterea incernem Patris puerum Ignatium ejusdem odio contrueidant, Hispanis In-disque armatis omnibus servatis. Id quod accidit Anno 1642. initio Junij, ætatis ejus 33. Societatis 11. Patris reliquias Hispani milites summâ pietate ad venerationem col-legere: Mauaquerius autè ante lapsum annu ab alio Principe ditione suâ exutus, omnibus suis, etiâ sorori Coralatis Conjugi exosus, per montes & sylvas vagus vitam traxit.



P. Antonius Rubinus, P. Antonius Capocius Itali, P. Albertus Mécinski Senatoris Regni ordine Polonus, P. Didacus de Morales Hispa, P. Franciscus Marover Japon, Socii. E. S. V. post toleratum insusur aquæ, et violenter expressa tormentum in scribem, è pedibus suspensus, et pro fide necati in Iaponia Nangasachi. A. 1643. 22. 23. et 25. Martyr.

C. S. recta d.

M. P. J.

P. ANTONIUS RUBINUS, cum quatuor Socijs.



Acinus aggredior narrare Christo gloriosum, ausu fortissimum, toti posteritati admirandum magis, quam imitandum: quod nisi speciali S. Spiritûs impulsu susceptum esset, vituperationem magis mereretur, quam commendationem. Jam ex eo tempore, quo P. Mastrillum crudeli morte Japonia sustulerat, arctis adeo custodijs à Tociogunsama Imperatore claudabatur, ut nulli prorsus sive Europæo, sive Japonio illuc irrepere fas esset. Interim P. Antonius Rubinus è Cocinenſi Provincia Macaum missu P. Generalis appellens, ibiq; primùm literas ejusdem referare jussus, intellexit ex ijs se Visi-

tatorem Japoniæ & Sinarum constiturum. Cujus prima statim cogitatio & cura fuit, Japoniam nullatenus deserere, sed omni, quæ fieri posset arte & modo, tot Sociorum sanguine rigatum solum quantovis periculo adjutum ire. Et quamvis id fieri posset per alias in subsidium afflictiſsimæ Patriæ submissas operas, avebat tamen incredibili desiderio æstus per seipsum eam invisere, tum quia suo Visitationis Japoniæ muneri id directè & primò conveniebat, tum quia missis alijs in tam aperta discrimina se subtrahendo, judicabat sinistra rem exempli futuram; reipsa autem, ut Martyrij gloriam per tot navigationes quæsitam, & nunc propè in manibus positam

positam consequi daretur. Cùm igitur hoc in animo firmiter statuisset, Macao autem ob interdicta à Japoniæ Tyranno omnia indè commercia, id nullatenus perfici posset, continuò Manilam Philippinarum Insulam trajicere statuit. Verùm resistentibus ventis à cursu in Cocincinam actus, incredibili solatio novellis illis Christianis per aliquot menses fuit. An. 1641. resumpto cursu, difficili sesqui mensis navigatione Manilam tenuit: ubi continuè de eventum votorum suorum sollicitus, nè videretur temerè & inconsultè discrimini caput obijcere, à P. Francisco Colin Philippinarum Provinciali obtinuit, ut gravissimis Patribus in consilium vocatis, injungeret illis super certis à se scripto exhibendis punctis seriam coram DEO deliberationem. Convocati ergo præter, Provinciales, ejusq; Antecessorem, fuere tres Provinciales, totidèmq; Manilani Rectoris Consultores, cum Rectoribus Collegij & Seminarij, duòque Theologiæ Professores, quibus scripto tradita fuere ad diernum aliquot deliberationem hæc præcipuè puncta: 1. *Licet ætne Patribus in Japoniam tam asperis temporibus, tam atroci gl'cente persecutione, proficisci?* 2. *An id etiam expediret?* 3. *Utrum, si qui eo destinandi essent, videretur ipsimet cum illis Visitator ire debere?* Negotio pluribus diebus à Patribus expenso, perq; Sacrificia, preces, & voluntarias penas Deo recommendato, iterum convocati, in hanc unanimis covenère sententiam, quæ scripto à P. Joanne de Bucras complexa, ita habet: Ad 1. *Ire in Japoniam ad comprehensionem & mortem manifestò certam, & nulla ex parte dubiam, censè non licere, ob damna gravissima, quæ res indè Christiana captura sit, sine ullius utilitatis compensatione impeditis etiam, ut est ejus gentis ingenium, opportunis in posterum remedijs. Et hoc maxime casu, si ullo unquam, illud exercendum est, quod Christus verbo & exemplo docuit, & sua in apologia S. Athanasius observavit. Neq; decet eà ratione gloriam Dei defendere, cùm satis id jam præstitum sit tot ineluctis martyrij; præsertim paucis abhinc mensibus, Oratorum Regis Catholici, & Comitum, unius omnino & sexaginta, diversarum nationum, etatum, conditionum à Tyranno pro Fide interemptorū. Ad alteram; Est obligatio procurandi Japoniæ Christianitati auxilij, omni quo potest prudenter fieri modo; eaq; P. Visitator obstringitur, cui summus Pontifex id ex Officio commendavit. Ea propter si qua spes est posse per Coream aut alià vià indeprehensio eo penetrare, illico mittendi sunt, nullo nationum discrimine, qui linguæ & morum ejus gentis experti sunt, designandiq; præterea qui*

sedulo linguam condiscant, ex ijs, qui se ad eam missionem divinitus excitari senserint. Ad tertiam; si Pater Visitator habet idoneum quempiam, ut habere audio, quem suo loco ad Provinciæ gubernationem relinquat, censè in hisce circumstantijs expedire, ut ipse cum socijs in Japoniam iturus eat; idq; plures ob causas. Prima ea est, quia apprimè laudabile est superiorem intra suæ jurisdictionis fines, dummodo non desit reliquo officio suo, præcedere sibi subiectos exemplo ad ea, quæ difficiliora & vehementer ardua sunt; cujusmodi est, vitam pro Christo ponere, proq; ovibus suis. Altera ratio est; quia cum Confessione Fidei turpiter defuerit miserabili defensione unus è subditis ejus, quem item Visitator pro suo munere Vice-Provincialem in Japonia tantisper nominaverat, dum certiores faceret præpositum Generalem, profectò futurum est è magna Dei gloria, & Ritui Nostro aliquod justis doloris levamentum, itidem & universæ Societati; & aliqua Romana Curia, atq; universo Christiano Orbi satisfactio, si Visitator item quispiam nō contentus ijs, quæ Xaverianus ille Heros Marcellus Franciscus Majistrillus eum in finem præstitit, & perpassus est, ipsemet opitulatum eum illi Ecclesiæ scandalum passa, & reductum, si fieri possit, ovem illam suam errantem, & si fuerit necesse, suo etiam sanguine compensatum damnum, quod illarum est, elutimq; eam maculam, quæ Societatem magno opere sedavit. Tertia ratio est; quia multa reddit facilia & expedita P. Visitatoris presentia, quæ aliqui superatis perdifficilia sunt, quantavis cura & diligentia adhibeatur, & trahunt plerumq; secum grandia impendia; & subditis insigni solatio est in rebus asperis suum habere secum Superiorem Majorem. Postrema denum causa est; quia cùm Superioris officium, in his præsertim Indiarum Provincijs, admodum grave sit, hand æquum videtur eum præcipuè solutij parte arce-ri, quod habere possit; & si privatorum quisq; omnes itineris ex Europa suscepti labores hoc uno bene collocatos existimat, si ad Missionem adeò gloriosam designetur, profectò non videtur ab ea Superior debere excludi, quoties citra sui dispendium officij, multa opportunitates, & impensius Societatis bonum illi faciunt occasionem: imò videtur laude dignus fore, idipsum si attenter,

Votorum summam se obtinuisse videns P. Visitator, consilium illico Gubernatori Philippinarum Sebastiano Hurtado Corcuera, communicat, & iste omnem opem ad trans- missionem compromittit. Ergo ocyssimè viam Macaum relegit, ut designato pro se absente Vicario, ne quid interim gubernationis muneri deforet, Manilam renaviget, rectà indè Japoniam petiturus. Sed non exiguum Macai

Macai remoram iterum passus, conantibus omni ratione iter ei in Japoniam dissuadere, tum Patre Provinciali Japoniæ, tum Socijs Macaensibus omnibus; ipse tamē rebus omnibus bene in omnem eventū constitutis, Manilam deniq; repetit, assumtis socijs P. Petro Marquez, 66. annos nato, & Andream Vieirā Japonæ Coadjutore. Atque itā Divino impulsu manifestē illum agente, ter sesqui anni spatio tam vasta, tam obnoxia latrocinijs, tam aspera tempestatibus maria tranavit, semper integer valetudinis & virum, cum tamen senex esset 64. annorum. Manilā discessum paranti, superveniunt multiplices à Provinciali Japoniæ, & primoribus Socijs Macao literæ, omnibus modis profectionem illam dissuadere conantibus; quibus ipse unā Epistolā ad Provincialem Japoniæ datā satisfactorius, in hæc verba respondit. *Primum propositionis caput meam ipsius personam attinet; nempe videri satus, hæc omnia transmittendi in Japoniam occasione, aliam ab hac proximam opperriri. Gratissimus mihi sanē est animus R. V. & meorum Patrum, quo persuadere student ijs argumentis quæ proferunt, ut nunc quidem profectione desistam. Sed ego omittere non possum, quin sequar vocantem DEUM: vererirq; si Macaum reverterer, nē mihi Jona fortuna contingeret, quando fugiebat à facie Domini, & me Oceanus absorberet. Nihil Provinciis me absente decessit; relinquo ad quem in rebus recurri possit: & anno proximo novus illis aderit Visitator, ego jam enim ab anno Patrem Nostrum admonui, me in Japoniam meditari, quò maturē mihi successorem sufficeret. Sed illud ad cumulum est, quod qui me tali vocatione ciet, idem ille DEUS Provinciarum necessitatibus abunde subveniet. Non est mihi alligatus Deus; sed ipse suā providentiā res itā suaviter disponet, ut nullam ex mea absentia jacturam capiant. Adhuc mihi videri ajo fore, ut si ab hoc itinere prohiberetur, Provinciis aliquod grande incommodum Deus permetteret, ob suæ voluntatis executionem neglectam. Non est alligata manus Domini ad unum. Faciamus ipsi quod ille inspirat, & ipsi cura eorum conficiendorum, quæ sollicitant homines. Itaque deliberatā jam certāq; profectione antequam Manilā solveret, varias dedit ad diversos literas, quarum aliquas, quia nescio quid Divinum spirant, placet hic atterere. Primæ ad P. Joannem de Matos, Assistentem Lusitanæ Romam datæ, sic habent: Visum fuit hoc anno mitti omnino Patres aliquos in Japoniam, ad opitulandum illi Christianitati tantopere afflictæ, cui nullus jam omnino Sacerdos præsto est. In eum finem hæc Manilam Macao veni, quoniam*

apprimè propitium huic consilio sortitus sum Gubernatorem harum Philippinarum, suppeditato navigio & nautis, quorum copia Macai non est. Stamus in procinctu ad profectionem. Qui proficiscimur, hi sumus, P. Petrus Marquez, 4. Votorum Professor, P. Albertus de Polonia, P. Didacus Morales Professor 4. Votorum, P. Antonius Capetius, P. Alphonsus Arroyus Professor 4. Votorum, P. Franciscus Cassola, P. Franciscus Marquez, P. Josephus Clara, & Frater Andreas Vieira Coadjutor Japon. Ego quoque cum illis unā decrevi transmittere, Deo favente, nam meis ipse oculis, quid præstari possit cupio lustrare: cumq; Japoniæ Visitator existam, ipsa videtur exigere ratio, ut id officij exerceam; fieriq; potest, ut res ita dispositas nanciscar, ut oporteat eadem me navi Macaum reverti ad nova subsidia submittenda. Deniq; in omnem fortunam comparatus eo; confidō, Divinam Majestatem hoc in itinere nobis propitiam fore, Sanctis Sacrificijs & Orationibus R. V. quibus me impensè commendō. Sui qui ambigant, omnēsne hoc anno transmitti expediat: sed si omnes nequiverint, certè parteorum media ibit. Manilā 20. Junij 1642.

Alteræ ad Socios Mediolanum inscriptæ itā sonant. *Postquam adjuvanda Japonia Consilium diu multūq; versavi, decrevi novem eo Patres mittere, delectos è multis, magnifervorū & Spiritūs; statūq; me illis decimum adungere, & mea ipse in persona cū illis ire; arbitratus, quoniā Japoniæ Visitator constitutus sum, eū me reipia opterere, non verbo tantū & nomine gerere, & exatam eam Christianitatem invisere, de qua illud usurpare possumus: Singularis ferus depauper est eam: quodq; deterius est, his minime contentus Tyrannus, clamat insuper: Exinanite, exinanite, usq; ad fundamentum in ea, firmitus eam, radicatusq; nitens eruere. Et ut cū Patres mei amantissimi, id quod est, fatear, nec animus mihi suppeditaret, nec verba, quibus ad expeditionem adeo periculosam quoniam meorum admonerem, nisi præcederem illos exempli, nisi primus illis viam aperirem. Cum recordor unum signorum boni Pastoris à Christo indicatum illud esse: Et ante oves suas vadit; video me bonum pastorem non fore harum ipsius ovium delectarum, nisi prior illis vestigia signem. Itaque quando me DEUS citra omne meritum meum Pastorem constituit hujus dilecti gregis sui, æquum est eam à me conditionem observari; præcedamq; alios, viam illis demonstrans. Superiores nisi dū difficiles & arduas Missiones primi fuerint, æge nanciscuntur qui se ad eas occasiones exhibeant, ut si exemplo inter primos extiterint, multos habebunt qui subsequantur. Multi mihi Patres meum iniecerunt, nē per me ipse in Japoniam trans-*

erem, & multas ad id rationes adducere: Sed Deum de me penas sumpturum fore existimo, si efficacem ejus vocationem non sequar. Et sanè quando mihi DEUS pro sua Divina misericordia animum in manum dedit, quanta recordia foret, uti nescire tam commodè & opportunè occasione? Decevi ergo cum novem Socijs eò transmittere, sperans per illorum merita & virtutes, DEUM aliquam etiam mihi particulam earum suarum gratiarum & favorum collaturum, quæ illis præbiturus est. Conabimur, quoad fieri poterit terram inobservati capere: sed DEO si secus complacitum fuerit, ut nè pedem in solo eo ponere liceat, anima certè Cælum occupabunt, comprehensis nobis affectibus, Martyrio; quæ fors si nobis obveniret, quid felicitatis amplius optari potest? Ego pro Christo mori non mereor; sed ipse dignus est pro quo omnes moriamur; ideòq; mihi prorsus diffusus, & tam boni Domini dignitate confusus, non cunctabor qualibetlibet me tormentis exponere, certus Christum in nobis, non nos pati, quidquid pro ipso putimur: ut Sanctus ait Cyprianus, idcirco Christum, cum S. Petrum admoneret Martyrij, quod erat subiturus, dixisse: Vado Romam iterum crucifigi: quæ verba explicans S. Ambrosius ait, intellexit ergo Petrus, quod Christus iterum Crucifigendus erat in servulo. Et Dominus est is qui patitur in Martyribus: Tu vincis in Martyribus: Quid contemnimus? Estimamus eum nobis tantum virtutis ac roboris præbiturum, quantum ad toleranda ea omnia tormenta, quæ nos volet ipse tolerare, necesse sit; certumq; est, quod non patietur nos tentari supra id quod possumus, sed faciet etiam cum tentatione proventum, definitis unicuiq; cruciatibus pro modo virum spiritualium, non ultra eius. Qui si curam habet unicuiq; capilli iustorum suorum, multo magis illi cura fuerit definire, quæ quemq; tormenta volet sustinere. Soluturus post biduum ad mei muneris executionem, nolui prius conscendere, quam istius Collegij Patribus Fratribusq; cunctis valedicerem, invitareq; ad ferendam nobis opem in hac magnanima Missione. Constitutum relinquimus, ut quotannis in posterum Patres in Japoniam desinenter ex ijs, qui in virtute & mortificatione progressus ampliores habuerint. Et si quis inter vos est (ut multos esse credo) qui vitam & sanguinem suum consecrare desideret benignissimo illi & amantissimo Domino, qui pretiosissimum suum dedit pro nobis; jam tempus est, & occasio est peropportuna. Christus fuit sanguinem nostrum, & ideo in Cruce fixus clamat: Sitio. Cur non resignamus sitim ipsius, oblati illi promptè, quem habemus in venis, sanguine? Non nos terreat crudelia tormenta, quibus Tyrannus Ministros Evangelij excruciat, quia

Dominus ea Cælestibus consolationibus & gaudijs animi dulcia efficiet. Nos ij non sumus, qui passuri sumus, sed Christus in nobis; si glorioso Martyri S. Cypriano credimus, qui pulchris illis verbis ad martyrium nos accendit: Militate fortiter, dimiccate constanter, scientes vos sub oculis præsentis Domini dimicare, confessione nominis ejusdem ad ipsius gloriam pervenire, qui non sic est, ut servos suos tantum spectet, sed ut ipse luctetur in nobis; ipse congreditur, ipse in certamine agonis nostri & coronat pariter, & coronatur. Et si sic est, ut verè est, quid metumus? quid dubitamus? consicimus nos in amabilissima & tutissima brachia Christi Crucifixi, ipsiq; fidamus, dicamusq; cum Apostolo S. Paulo: Scio cui credidi. Patres mei, non fallit nos Christus, dum nos invitat, sed pugnat nobiscum, subveniens nobis beneficijs favoribusq; extraordinarijs. Nos præcedimus aperturi viam, & accensuri pyram. Venite Patres mei, venite; succurrite nobis, non cunctemini amplius, quia appropinquavit Regnum Cælorum. Exspectamus tandem ab omnibus commoditatibus & inanimatibus, & serio nos Christo consecremus, quia merces nostra copiosa est nimis. SS. Sacrificijs & orationibus omnium me commendo, Manilæ 1. Julij 1642.

Tertia ad Macaënse Collegium data epistola ita inter reliqua habet: Nolui postremum hoc iter suscipere, nisi vale meis amantissimis Patribus & Fratribus dicto, quos mecum fero, non dicam inscriptos, sed impressos animo & cordi meo, propter eam caritatem, quæ completur singulos in Domino. Semper dilexi omnes, diligo, diligamq;, & dum in vivis fuero, & postquam desiero vivere; nam verus amor nunquam interit, sed semper viget. Decevi transire in Japoniam ego ipse, ut satisfaciam Vistoris Officio, quandoquidem ut id reverem DEO complacitum est. Neq; me Ruter Noster Visitatorem idè duxit, ut Macai residerem edens & bibens, sed ut loca concurrerem obligationi meæ, hoc est jurisdictioni subiecta; cujus cum princeps portio Japonia sit, par est ab illa me ordiri, meisq; ipsius oculis observare, quid possit adferri remedij animis illis prorsus destitutis, & extremâ necessitate spiritali laborantibus. Et fortasse tam liberum nanciscar ingressum, ut eodem navigio remeare compellar, ad sollicitanda operarum supplementa uberiora. Et si DEO cordi non fuerit tam facilem ut ingressum habeamus, at nostro in Officio moriemur, eoq; in opere, cujus existimus debitores: & intelliget Orbis Christianus, Societatem omni studio, quo potest, eniti, ut Operarios in Japoniam immittat, & Christianis ibi lapsis succurrat, qui nobis concrediti sunt. Et ut, quod est, dicam, ma-

amini feci constitutum esse me ab R. P. N. Generali Visitatore hoc verum statu, non equidem gubernandi cupidine, quâ, DEO auctore, vacuus sum; sed Japonia adeunda factâ opportunitate, & ejus exequendi desiderij, quod olim mihi DEUS ejus expeditionis iniecit & profecto satis videri possem vecors & stolidus, si oblatâ divinitus occasione frui nesciam, mihiq; metipsi studere. tantosq; in me ad hoc iter impulsus experior, ut si eo dimisso Micam reverterer, sanè metuerem, nè me DEUS mari obrueret sua vocationi renitentem, evenirētq; mihi, quod olim Jona imperium Domini detrectanti. Quapropter Patres ac Fratres mei, consilium hoc meum in bonam, non in lavam partem accipite; ut sequar vocantem Deum, ipse me vocat; ipse scit, quem in finem; scit non obfuturam officio meo eam absentiam meam, & ipse supplebit omnia suavitate permagnâ. Nè queso tantum mihi bonum impedire studeant, nève ijs me frustrari beneficijs, quæ mihi Deus destinat. Scio quid mihi, & Ordini nostro prosit. Quis sit, vel tunc Deusea claustra tam pertinaciter obserata, meâ illuc itione reserare? ut subinde vos omnes possitis subingredi, & vestris illis ardentissimis desiderijs satisfacere, quibus à DEO curamuramini? Nulla mei factura est; imò levatur istud Collegium magno hoc peccatore; qui fortasse multa vobis beneficia inopedit, quæ, si abessem, Deus in illud conferret. Sinite mitti in mare miserabilem hunc Jonam: sic enim fortè cessabunt omnes tempestates & procellæ. Sinite me ire & periculum exequi, ut à me DEUS exigit. Nè me amplius sollicitate ad reditum, neu scribite literas, quibus impedire susceptum meum conemini; neg, animum & cor meum amplius affligite, representandis, ut vestris in Epistolis facitis, incommodis: nè succensete huic vestro Fratri & servo, nève querimini, nolle me sententia quorundam assentiris; sed gratulantes mihi potius, meq; vestris SS. Sacrificijs & orationibus prosequentes, dicite laetis vocibus; pergas secundis avibus, Deus te sospitem perducatur, votis tuis faveat, & optatum in portum agat: his enim faustis acclamationibus recreatus ibo, & securus à Domino exauditus iri servos suos. Et quanta foret ea felicitas mea, si Domino cordi futurum esset, ut vitam amitterem, imò rectè ut loquar, servarem ipsius causâ? non sum equidem tanto bono dignus, neg, gratia tam insignis cadit sub meritâ. Sed quamvis ego dignus non sum, qui vitam impendam pro Domini amore; at certo certius est ipsum esse dignum, cuius studio omnes occumbamus. Itaq; de me ipso prorsus dissidens confidensq; promeritis Christi, in ipsum me brachia divina conficio, ut de me, quod ei placitum fuerit, hoc agat. Et quid possumus reformidare mali, loco tam tuto constituti, quàm

sunt brachia Domini? nòme ipse promisit, nemo eos de manû mea rapiet? Veniant ergo quotquot excogitare tormenta potest humana malitia, non poterunt ea nos divellere à brachijs amabilissimi Domini. Verum est quidem nos pati pro Christo; sed verum item est Christum esse qui patitur in nobis: itaq; dixit S. Cyprianus: Dimiccate constanter, scientes nos sub oculis presentis Domini dimicare, qui non tantum servos suos spectat, sed & ipse luctatur in nobis; ipse in certamine agonis & coronatur pariter & coronat.

Placuit non omnes pariter periculo objici sed ut quing. nunc, quing. reliqui anno sequente transmitterent: & quibus animus fueris hujus expeditionis, interea comparabunt se, ut post eos quing., qui jam hic resistunt, subintrare possint. Faxit DEUS, ut pateat Japonia, idq; non operi secularium aut mercatorum, sed Religiosorum, Reverentia vestra, Patres mei, se comparent seriis, ut succedant ijs, qui jam admoniti sunt; nos precedimus viam faciunt, referaturq; portæ. Ipsi magnum instruant apparatus egregia Virtutum & mortificationis. Deus fese integrè Deo, factis ab omnibus suis commodis sempiterno divortio; neg, enim aliter huic susceptioni apti fuerint. Ab Patres ac Fratres mei, videre mihi videor servorem vestrum, vòsq; latantes exultare ardentissimè cupiditate conflagrandi ob amorem Christi invogo, aut pendendi in foveis illis immanibus. Animo magno estote. Appropinquat Regnum Cælorum. Ego si fortè in Japonia persistero, significabo quid facto opus sit; & omnino prolixè scribam per hanc ipsam redituram, quâ jam vehemur. Navem. Pax DEI quæ exsuperat omnem sensum, custodiat corda vestra & intelligentias vestras. JESUS sit refugium vestrum: si me videre atque alloqui voluerint, desinant oculos in Christum Crucifixum; ibi me inveniunt ad pedes cum Magdalenâ abjectum, deplorantem mea grandia peccata; ijs Sacratissimis pedibus meos contradiidi, in illis dormio & vivo, illos complacens dicens: Da mihi, Domine JESU, ut sequar vestigia tua; mi JESU, da quod jubes, & jube quod vis. Atq; hisce finio, amplectens omnes, nunquamq; ingratum, eo amore & affectu, qui possum maximo, & pedibus omnium advoletum peto plenis lacrymarum oculis, nè hujus magni peccatoris obliviscantur & ignorent errata meâ in gubernando admisis & modica edificationi, quam præbui, dum in sanctissimo illo Collegio versatus sum: Spiritus Sanctus impleat corda vestra Charitas Christi possideat animas vestras; Amor Christi JESU, & Beate Virginis Deiparæ habitet in mentibus vestris. SS. Sacrificijs & orationibus Patrum & Fratrum me plurimam commendo. Manila 4. Julij 1642.

Relictis ergo Manilæ quinq; in annum sequentem ex designatis iter Japonicum Socijs, nè si prodi eos contingeret, omnes simul in potestatem hostium venirent, quatuor cum illo profecturi, P. Albertus Mecinski, P. Antonius Capecius, P. Franciscus Marquez, & P. Didacus Morales, Sinicam induti personam Anno 1642. 5. Julij, horâ post noctis dimidium tertiâ, clam omnibus conscendêre navigium. Navicularij maximis muneribus à Prætorè conducti, prospero celeritq; cursu eos exposuêre in quadam exigua Satzumæ Insula 12. Augusti: ubi Patres omnes genibus nixi, osculis terram libantes, manibûsq; in Cælum levatis, infinitas Deo gratias manantibus gaudio lachrymis agebant, quòd se in eam tamdiu, tot votis cupitam terram adduxisset, unde brevem ad æternam Patriam sibi transmissionem ominabantur. Ibi tugurium è virgultis adversum æris injurias moliri, assumptòq; Japonico, quæ attulerant, cultu, crinem etiam more gentis ad dissimulandum raserunt. Verum paulò post ab intensissimis quaquaverfum execubijs observati, comprehensiq; Nangasachum 21. Augusti inveci sunt. Die postero ex ergastulo, in quo ferro & nervis innexi totam noctem precando insumpserant, ad Gubernatorem producti, & per interpretem quandam Jendo, sive Joannem (id nominis adsciverat Fidei è Societate nostra defector Christophorus Ferreira, cujus revocandi, si possent, gratiâ potissimum iter illud susceperant, & quæ Divina Misericordia respiciens, tandem A. 1652. Martyrem fecerat) examinati, ore P. Visitatoris intrepidi responderunt: *Sacerdotes se esse è Societate Jesu, cujus Fidem Japonibus predicatum venissent.* Dum Joannes Gubernatoris jussu, velintne, sciscitatur, *jurat à Christi Fide, secundum Japoniæ mores institutâq; vivere? ingentibus illos cumulatim iri opibus & honoribus, quæ Regiâ fidesponderet.* Ad hæc commotior P. Visitator: *apage, inquit, tenebrio, defector, lucifuga, apage ad tartarum & avernales prestigias, quibus nunc apostata famularis. Quæ te Parca, quæ tigris, quæ viperina progenies, aut quod aliud terris infame monstrum genuit, qui tam vecordi nos audeas interrogatione experiri?* Percussus miser tam robustâ reprehensione, ut qui ea ipsâ interrogata coactus proposuerat, è vestigio se proripuit, neque ex eo ampliùs in conspectum Patrum venit. Ergo Gubernator ipse (erant enim omnes Japonicæ gnari) sciscitatur: *pervenissetne ad eorum aures severitas procriptionis Imperatoris, quâ omnes Christi cruciatores, Sacerdotes presertim,*

sub atrocissimis, quæ excogitari possent, tormentis arcuisset? & quâ ergo dementiâ ausi fuissent irrepere in Regnum, tot custodijs obseptum, ut eas fallere omnino sit impossibile? Respondit P. Visitator: *edictum Imperatoris probè sibi fuisse cognitum; sed mandatis Magni Dei, Cælo terræque dominantis, magis obtemperandum fuisse. Ejus causâ nunc libenter se corpora sua offerre in omnes pœnas & cruciatus, in omne genus contumelia & injuriæ, cum aliter ob celeritatem comprehensionis, lucrândis animabus DEO obsequium præstare non liceat.* His magnâ adstantium admiratione & stupore auditis, detrusi sunt in teterrimum septem mensium carcerem, modico orizæ, & aquæ dimensæ pauxillo sustentati: cum interim modò singulis, modò, nè ad ultiores cruciatus fatiscerent, alternis diebus, aquæ in os infusæ ingentem vim, & rursum violenter, compresso ventre, egestæ, sustinere cogerentur. Tandem seu defatigatâ crudelitate Gubernator, seu desperans posse eos à Fide quibuscvis tormentis abduci, A. 1643. 17. Martij singulos in obscuram fossam è pedibus pubetenus suspendi, & quâ inedia, quâ convulsis præcordiis, quâ sanguinis & intestinorum in caput defluxu, lentâ morte consumi imperat. Quâ sententiâ flexis genibus, summa veneratione & actione gratiarum exceptâ, strigosis jumentis impositi, capitibus ad ignominiam dextrâ parte semirasis, oribus ferro frenatis, vincis à tergo manibus, inscriptâ chartaceo vexillo, quod in dorso alligatum quisq; ferebat supplicij causâ: *quia Christi Fidem contra Imperatoris vetitum predicaturi venissent in Japoniam:* circumvecti sunt per primarias Nangasachi plateas, inter inconditas infinitæ plebis exhibitiones: ac demum in monte Martyrum singuli in fossas singulas, exosculatis priùs funibus aliisque mortis suæ instrumentis, suspensi, & toto penè corpore demersi sunt. Occubuêre unus altero priùs, ut sua cuique virium firmitas emolumento fuit ad produtiorem pœnam. Et primus quidem omniâ P. Visitator 22. Martij die, sexto quàm fuerat suspensus. 23. successit P. Albertus Mecinski, reliqui duravêre usq; ad 25. quos eo die adhuc spirantes, unâ cum mortuis duorum corporibus extractos, obruncavêre, & frustatim dissectos, inque cinerem flammis redactos procul in mare demersêre, nè quidquam extare posset surripiendum ad venerationem. Mors eorum celebrata est Macai ingenti Urbis lætitiâ, solenni omnium campanarum tinnitu, tormentorum tum curtilium, tum manualium explosione, hymno

Ambrosiano solenniter decantato , & festis ignibus octo per noctes ad hilaritatem accensis. Soror decrepita P. Visitatoris, quæ diuturno tempore fulcris cogeatur ad gressum niti, ubi Eporodiæ nuncium gloriose ejus mortis accepit, seu magnitudine insolentis gaudij, seu Divino prodigio ita confirmata est, ut ex eo tempore sui potens gradum firmum receperit, neque ullius opis ad incessum deinceps eguerit. Neq; ab hoc deinceps anno ullus Catholicorum Sacerdotum ingressum in Japonem tentare præsumpsit, nè pro virtute in vitium impingens, vitam aperto mortis discrimini, contra datam à Christo cautelam, temerè expositum iret. Nunc ea, quæ cuilibet illustrissimorum Heroum fuere propria prosequamur.

P. ANTONIUS RUBINUS, natus fuit Strombini in Insubria, Societatem Aronæ A. 1596. annum agens 18. complexus. Absolutâ Mediolani Philosophiâ cum P. Alberto Laërtio transmissit in Indiam, ubi auditâ Goæ Theologiâ, & eadem mox Cocini in Malabare doctâ, binis vicibus in Legatione Pro-Regis Lusitani nomine obita, manifestum vitæ periculum evasit. Sed majus utroq; discrimen tulit, quod in liberanda Meliapore, S. Thomæ tumulo celebratâ Urbe, subijt. Bisnagensis namq; Reguli conjunx impotens fœmina, occasione Regis morbi, ad quem depellendum centum hominum victimas Idolo immolari fecerat, Meliaporem obûdione tumultuariâ cinxit; ad cujus liberationem missus fœcialis P. Antonius, cum in immensam auri vim, solvendæ obûdioni ab hostibus postulatam, consentire non posset, angustissimo carcere & compedibus conclusus, nudâ humo cubare, cibôq; vix ad mortem arcedam sufficiente totos 65. dies vivere coactus est. Donec tandem civium Meliaporensium munificâ largitione, captivitate ereptus, pristinis suis concionum & catecheseos laboribus restitueretur. Post hæc Rectorem egit ejusdem Urbis Collegij quadriennio; postque procuratam decennali prædicatione orâ Piscariam, præfectus est Collegio Cocinensi; sub quæ tempora invitatus à PP. Chinenfibus ob eximiam Mathefeseos peritiam ad ejus gentis culturam, autoritate Patris Generalis translatus est Macaum, ubi Visitatoris Chinæ & Japoniæ accepit officium, & in Japonia optatissimæ mortis, quam retulimus, gloriam. Caterùm immensa quædam in eo charitas eluxit in Deum, quâ offensis illius sumæ bonitatis ita indolebat, ut propè emoreretur. Eâ hyeme quam in Cocineina, Ur-

be Cacciani, tempestate maris illuc ejectione transegit, contigit pijsimi cujusdam Civis Christiani omnia Cœlitum signa & imagines ab apparitoribus violentè intercipi, quæ Gubernator jussit pro foribus nostræ Domus exstructo rogo comburi. Inter has potissimum fuit Servatoris in Cruce pendentis simulachrum, cujus injuria animum ejus tantopere affecit, ut nisi novellæ illius Christianitatis everfionem fuisset reveritus, jam erat in publicum erupturus, & medijs ex ignibus Crucifixum vindicaturus. Quæ tamen ubi nostrorum conatu jam semiusta fuisset vindicata, eiq; contradita, dici non potest, quantis doloris lachrymis eâ complexus fuerit, quorū osculis libaverit, quibus gemitibus injuriam deplorans in suum caput eam averti exoraverit; ut adeò plurium dierum inedia, in ejus expiationem, continuo luctu & lachrymis infusus, sibi indixerit. Ex hoc in Deum affectu processit ingens illa & inflammatissima in salutem proximi charitas, quæ unius etiam perditæ Apostatæ lucranda studio, certissimæ morti per atrocissima tormenta inferendæ caput objecit. Injuriarum etiam gravissimarum tam fuit tolerans, ut licet eas apud Pro-Regem falsò in se concitatum nullo negotio dissilire posset, facere tamen nullâ ratione voluerit. Religio in DEUM non aliâs magis se prodebat, quàm in oratione quotidiana, semper cum lachrymis & ardentissimis suspirijs conjuncta: quæ tempore Sacrificij tam copiosæ defluebant indies, ut Sacra lintea largè perfunderent; monendûsque idcirco fuerit, ut vel à lachrymis temperaret, vel eas suo vulgari strophio exciperet. Ex quo Divinæ consuetudinis fonte derivabatur illud sui odium, quo ad ulque inclementem corporis tractionem, & sanguinolentam diverberationem incitabatur. Semel duntaxat vescabatur per diem, & quidem sanitatis prætextu per sæpe cibonatio quo ex herbistam ingrata amaritudinis parato, ut ejus bolum alterum Socij reliqui sustinere non possent. Cœnæ vicem supplebat oratio, in Templi otheo coram SS. Sacramento eodem temporis semper illi obiri solita. Vinum extra Sacrificium nè rogantibus quidem, & senectutem viri obtendentibus Socijs libare sustinuit; nedum vel Cocolatam in Philippinis, vel Ciâm Macai communem, & vulgaris usûs degustare. Exercitijs Spiritualibus annuè obiri solitis penitus immergebatur, nec finem ijs, semper ultra consuetos dies productis, facere noverat, nisi avocaretur; vix alternis diebus tunc, idq; plane jejune

jejunè vesci solitus. Subjectis sibi Socijs exemplo magis quàm verbis praeibat, accumbentibus ad mensam grandævus jam & Viscerum famulando, lances eluendo, ambulacra publicè verrendo, coco operam suam exhibendo, nihil denique humilium officiorum declinando, quoad sublimem in Martyrij gradum à Domino eveheretur.

P. ALBERTUS MECINSKI, Batavis in suo Diario de Polonia agnominatus, & ipse Poloni nomen, ut pronunciatu facilius, inter Indos assumpsit; utroque genere tum per Patrem, tum per Matrem, illustrissimum ac Senatorio in Polonia natus, indè Mecinski, hinc Głowski, majores suos rebus praeclare domi ac militiæ gestis, obscurasse suâ gloriâ, & illustrasse videri potest. Et verò à puero, suavi DEI Providentiâ ad hanc gloriam educus est, quando non alijs colloquijs, quàm de India, de nostrorum ibi toleratis cruciatibus delectabatur. Scholis mansuetioribus apud nostros Lublini decursis, adjectaq; Societati sese aggregandi mente, Parenti jam viduæ cam aperuit: à qua pro sperato in propositum tam sanctum annutu, colapho insigniter mulctatur, & ad Academiâ Cracoviensem tunc Societati in paucis infectam, unâ cum fratre amandatur. Sed & ibi continuata pietatis studia, multis Nobilium adolescentum in idem propositum exemplo suo traductis, longè magis intendit in Italia, Romæ tandem votorum suorum terminum consecutus. Igitur in Tyrocinium 14. Aprilis Anno 1621. ibidem admissus, ita inoffenso pede biennium ejus decurrit, ut nihil unquam in eo sive publicâ, sive privatâ corrigendum reprehensione sit animadversum. Quod an nemini præter illum usu aliquando eveniret, meritò ambigunt Annales nostri. Nullum autem genus mortificationis est, nulla praxis edomandis animi sensualis affectionibus, Societatis quidem Tyronibus usurpari solita, quam non heroicis iste adolescens usurpandam sibi duxerit: donec corrente etiamnum Novitiatus tempore in Poloniam remissus, palam fecit omnibus, quàm profunda solidæ Perfectionis jecisset fundamenta. De mortuo siquidem post matrem unico, quem habebat Fratre Stanislaò, adeoque omni Domûs opulente fortunâ ad eum devolutâ, eum propinqui & affines omnes unanimiter instarent, ut propagandæ illustrissimæ stirpis, in se unum tandem recumbentis, spem promoturus, Societatem, ipsis etiam aliqui amatam, defenderet; ipse è contrâ, opulentissimâ hereditate pro amore Christi in ejus pauperes divisâ,

ubi ea de re legitimas tabulas confecit, lætus exclamavit: *jam nihil ultra habeo, quod DEO meo offeram amplius; dedi facultates, dabo & sanguinem pro nomine ipsius.* Nec ab eo momento destitit Japonicam Missionem instantissimis flagitationibus apud Præpositum totius Societatis urgere, dum denique Romam evocatus A. 1626. obtinuit, ut cum selectissimo illo Sociorum, plerorumq; deinde Martyrum manipulo, quem P. Sebastianus Vieira itidem Martyr in Indiam deducebat, mitteretur. Jamq; Primitijs Eboræ in Lusitania Anno 1628. celebratis Ulyssiponem tenebat & jamjam navigio in desideratam Japoniâ pedem inferebat, cùm jubetur ejusdem Præpositi perscriptis mandatis in Poloniam recedere. Nimirum sororis ejus vir Cracoviensis Collegio diem dixerat; causatus à nobis aliâ pro Alberto, jam scilicet fatis functo, suppositam fuisse personam, neque idcirco legitimam esse potuisse hereditatis illius pro Cracoviensi Collegio transcriptionem, sed ad conjugem suam jure sanguinis devolutam. Ivit ergo Albertus in Poloniam, quàm mœstus de ommissa tantopere cupita Japoniâ, tam lætus de implendo obedientie mandato. Stetit se judicio, agnitus ab adversario est, suum erubescere commentum, compositaq; propere lite revolavit continuè in Italiâ, Lusitaniam, Indiam, atq; demum Japoniam, Goam Ulyssipone cùm quinque mensium & dimidij navigatione, multiplici morbo per viam, confectus, tenuisset, A. 1633. itâ ad quandam in Europam perscriptis: *Hoc solum peto à Reverentia Vestra (sacriñcium nempe & precum suffragia) & nihil amplius, quia hic nulla re ego, etiamsi sim in egestate, cùm habeam solum Deum, quibz eo majores mihi communicat gratias indigno, quo longius ab omni consolatione humana absum.*

Cocinum provectus, indè alteras dedite literas die 18. Aprilis A. 1635. his verbis: *Scripti nuper R. V. ex Provincia Malabarica, de rebus istius gentis Indicæ, & de successu & periculis meis. Nunc etiam de ulteriori discessu meo hæc paucis scribo. Hodie vespere ascendo navim, navigaturus Malacam. Hæc est periculosissima navigatio, sed quia suscepta purè ad gloriam DEI, contabor illo juvante superare omnia. Verè mihi Patet multa hic aperta pericula mortis; sed scimus quod hæc tribulatio pondus gloriæ operatur; & dignus est DEUS, ut omnia patiamur propter illum, qui tanta pro nobis passus est. Socius meus P. Sebastianus Vieira, qui me Româ secum duxit, & qui cum P. Generali nostro egit de mea missione, & cujus ego erâ destinatus socius perpetuus, subijt*

anno præterito gloriosissimum Martyrium in Japonia; nam viventi paulatim viscera extracta sunt, & idem alijs tormentis affectus egregie triumphavit. Va mihi qui non fui socius in termino, nisi in via! Causa fuit excursus ille in Poloniam, propter quam tam citò advolare non poteram: conabor tamen DEO duce vias querere, ut cui non licuit nunc desideratam mortem consequi, saltè postea liceat assequi. Jurvet quaso R.V. hunc miserum peccatorem, quarentem dilectum suum per tot Oceani spatia, ut eum saltè vel inter ignes, vel inter ferrum & sanguinem inveniat. Verùm dum suam Albertus Japoniam Cocincinam eadè classe cum P. Mastrillo vectus persequitur, iterum ab Hollandis effugiente in Prætoria navi Mastrillo, intercipitur, & ad Insulam Formosam captivus, aliquot tempestatibus jactatus abducitur. Ibi post varia de captivorum capitibus habita consilia, damnatus demum à Gubernatore cum Navarcho, & Nobili quodam Italo, ad suorum pecorum pascua, suppeditatè ad victum orizà, cum frusto bubulæ falsæ quidem, sed ità imputrescentis, ut aliqui canibus in ossam cessura esset. Cœpit interim morborum contagio illic grassari, quà etiam duo captivi Religiosi interierunt: quà occasione invenit charitas P. Alberti remedium, quo sibi suisque succurreret. Medicinam enim, cujus principia aliqua olim in Academia hauferat, & in India præstantissimarum herbarum observatione excoluerat, exercere cœpit, ità feliciter, ut desperatum è febris & dysenteria unicum Gubernatoris filium restituerit; cui cùm alterum calculo ad extrema deductum, & tertium oculis propè jam captum addidisset, æstimationem scilicet apud Gubernatorem, mercedis est, à quo liberalius jam habitus, quidquid pecuniolæ nancisceretur, in captivorum subsidium derivavit. Sextus jam captivitatis volebatur mensis, cùm navis illuc appulit è Japonia argento gravis, in quam permixtus conscendere, sex diebus in Cocincinam pervenit; ingenti Lusitanorum gratulatione illic exceptus, miserantibus informem illius aspectum, macie atq; illuvie confecti, sordidà ac planè pannosà veste induti. Indè evocatus Macaum, priusquam denuò remitteretur Cocincinam, ità de se Romam, perscriptit A. 1638. Ego de me quid amplius dicam, nisi quòd hætenus Crucem, Domini secter; siquidem ex quo discessi, Romà, nil amplius accidit mihi præter infirmitates, tribulationes, miseras, pericula, in mari & in terra. Ultimò incidi in manus Hollandorum, qui ceperunt navigium,

in quo eram, & P. Marcellus effugit in alio, navigio Manilam; indè discessit in Japoniam, & jam factus gloriosissimus Martyr. Videat R.V. mirabilem Dei ordinationem, & obstupescat. Ego qui tot annis quero ad huc mihi restat querendum; & illi statim, sponte suà tam felix est oblata occasio. Væ mihi, quia peccata mea impedimento sunt, huic tam grandi desiderio meo &c. Ego post, aliquot dies discessurus sum in Regnum, Cocincinæ, ad prædicandum ibi Evangelium. In hoc loco libertatem affectus sum, ab Hollandis. Messis ibi multa: & invitatus sum à Magnatibus illius Regni, ut veniam. Spero aliquem futurum gloriæ Dei progressum.

In Cocincina deinceps versatus est, donec in Japoniam à P. Antonio Rubino Visitatore deductus, eo ex itinere priusquam Manilà decederet, ità Romam die 2. Julij Anno 1642. scripsit: Mitto ultimas literas, R.V. dirigat ad eos, ad quos spectant; quia, scripsi alias latè R.V. vale ultimum dicendo in hac vita, nunc non scribo. Charissimo, Zychowicz valedico, Socio carissimo, Dum has accipiet, jam puto cursum meum finiero in manu carnificum pro Fide Jesu Christi: post dies 30. plùs minùs id futurum puto. Citò scribo, nam vocor ad meam. Vale millies amice carissime: Datum, in itinere Japonensi. R.V. fervus in Christo, ad mortem pro Christo designatus, Albertus, Mecinski.

Sic ille crediderat, tricenis ab se diebus depugnatum, & victoriam reportatum, sed longiori 7. mensum certamine, alteris ferè diebus, ut dixi, aquæ potatione, vomitione; tortus, demum pendens in fovea, die 23. Martij Anno 1643. ætatis suæ circiter 42. ab inita Societate 22. Nangasachitrium phavit.

P. DIDACUS DE MORALES magnanimi ornamentis Virum futurum se demonstravit adhuc infans, ortu Hispanus, cui nulli sistendi fletus alia potior fuit ratio, quàm oblata libri cujuspiam volutandi copia. Societati ipso Nominis Jesu die A. 1620. adscriptus, omnes in ea Facultates discendo docendoque percurrit in diversis Indiæ tractibus, in quam à Superioribus missionem exoravit A. 1625. quantà humani affectus omnis abdicatione, vel indè conjice, quod in extremum illum Orbis angulum, Novam Hispaniam, recessurus, Patriam, parentes, necessarios omnes, qui bis mille vix passus aberant, in salutatos præterijt, neque ullis unquà deinceps

ceps literis, aut misâ salute revist. Ab ea Peruani Imperij Provincia traductus in Philippinas, plurimis annis omni contentione in salutem proximorum illic desudavit, omnibus penè Societatis muneribus. in scholis, missis, domi, forisq; persundus. Neq; interrim in profectum aliorum intentus, remissus erat in suum: tanta illi corporis afflictatio, verberibus, cilicij, inedia, ut decolor vultuque extenuato semper sorderet. Nulla in cubiculo sella, sed ad scriptionem unicum scabellum. Omnibus honori cum esset ob doctrinam & Virtutem, uni tamen sibi despectus apparebat & vilis: ita ad quemvis Superiorum nutum obedire promptus & facilis, ut à paucorum dierum Tyrone amplius non exigeres. In hisce præclare factis eo tempore versabatur in S. Iosephi Seminario Manilæ Rector, ejus Regiam fundationem Gubernatori ipse persuaserat, cum eò P. Rubinus Visitator advenerat, aditum in suam Japoniam tentaturus: obtentaque à Superioribus unâ cum eo, quam frustra cum P. Sebastiano Vieira quondam urserat, Missionem, eadem fortunâ usus, vitam asserendam Christi Fidei consecravit; inverso in foveam suspensio, novem ipsos dies tolerato superstes, ac tandem ferro absumptus Nangasachi 25. Martij, A. 1643. ætatis 38.

P. ANTONIUS CAPECIUS Nobili genere ortus Neapoli in Italia, Societatem complexus est A. 1624. ipso S. Ignatij pervigilio: cuius igneo spiritu inflammatus, mox anno sequente Missionem Indicam è Tyrocinio flagrantissimè exorare institit, hisce ad Generalem perscriptis: Post concessam mihi vocationem ad Societatem, dignata est Dei, benedicti benignitas impertiri vocationem, etiam Indiarum, tanquam illi scilicet coherentem, ut sanguinem possim profundere, re pro eo, qui tantum sui sanguinis pro me misero peccatore profudit. Eam posteaquam cogitavi recogitaviq; ac demum, probè maturavi; ad P. V. scribere volui, tanquam Divinæ voluntatis interpretem; ut me solari dignetur, & cum se occasio obtulerit utendi hoc minimo instrumento Societatis, & in præfentiarum aliquo certæ, spei responso. Neapoli 24. Maij 1625.

Confectis Neapoli Philosophiæ spatijs, Romam ad Theologiæ studium evocatus, ut primùm se Japonicæ Missionis occasio objecit, hocce eam libello denuo sollicitare instituit: Antonius Capecius minimus fratrum Societatis Jesu supplicat P. V. per viscera Jesu Christi & Beatæ Virginis, ut petitio-


nem ejus axaudire velit Indicæ Missionis, præsertim Japonicæ, quò eum vocat Deus, benedictus. Complurium annorum vocatio est, ut ex unius ad P. V. & Tyrocinio datis, liquet. Sed trium horum postremorum annorum spatio magis exarsit, & postremò, ferventissimè, re assidue cogitatâ, Deoque, diu per preces commendatâ. Nunc in tertio Theologiæ versatur anno, & de suscipiendo proximâ quadragesimâ Sacerdotio, monitus est, supplicat denuò P. V. ad pedes, S. Ignatij, & S. Francisci Xaverij, ut ejus, velit memoriam habere; eumq; exaudire, pro prima cum hoc Procuratore missione. Factus votorum compos, & properè Sacerdotio initiatus, transmisit eadem cum P. Mastrillo navigatione, casibus & eventis tum in Indiam, tum ultrâ in Philippinas; magna pars eorum gestorum, quæ de Mastrillo memorantur. Divulsus ab eo in Japoniam tendente, facto naufragio Macaum denique repetitâ navigatione tenuit: unde frustra tentatâ sæpius in Japoniam transmissione, Cambojam interim excolere cum P. Mecinski jussus est; donec cum eodem in Societatem itineris à P. Rubino excitus, cum illo excruciatius & tortus, telluri vivus infusus, & vitâ in diem nonum productâ, è ligno depositus, cum etiamnum spiraret, capite truncatus est die 25. Martij A. 1643.

P. FRANCISCUS MARQUEZ Lusitano patre, matre Japoniâ, nobili apud suos loco natus, ortus est Nangasachi, & ad omnem pietatem à puero educatus. Post literas Humaniores in Societatem à P. Andrea Palmerio adscriptus, ita hoc vitæ institutum adamavit, ut sortem suam cum Orbe universo non esset mutaturus. Tyranni edicto pulsus cum reliquis Socijs è Patria Macaum, Philosophiæ, Theologiæque operam impendit, eo interim tormentorū & Martyrij desiderio, ut si quando hæc materia sive in colloquium, sive in lectionem super mensâ incideret, dulcissimis continuò lachrymis perplueret. Adornante iter in Japoniam P. Rubino, profunda Franciscum ejus affectandi incescit cupiditas. Sed eam rejiciebat ille scilicet velut temerariam, cum necdum Sacerdos, anni secundi Theologus, nullius frugis, nullius usus ibi foret. Eadem nihilominus pertinaciter redeunte, nè judicio sui unius veram fortè Dei evocationem contemneret, Fratrem germanum quæ habebat in Societate, licet ætate juniorem, consuluit. Sed & ille post deridiculo temerarium instinctum habuit; donec post biduum Franciscus redux, non valere se ultrâ Divinis obniti

obniti impulsibus asseruit, *cogor*, inquit, *edere, quæ in animo persentisco, & Religio mihi est nō fecero, ac metus ingens, nē officij à me neglecti rationem DEUS & penas aliquando exspectat.* Cui Frater, & ipse germanum à DEO agi suspicatus: *age ergo*, inquit, *si DEO cordis sic reris, aperi pectus animi tui P. Visitatori, nec moras trabe.* Quod ubi eodem adhuc die exequitur, P. Rubinus multis quaestionibus animum ejus versans, nē fortē levitatis aliquid subesset, aut subitanei impetūs, postquam omnia Divina esse, & ardorem humano majorem deprehendit, eum pectori suo arctē adstringens, Societatem itineris pollicetur. Nec multo post consensu Manilam versūs navigio, dum in Cocincinam rejiciuntur; resumptoque; denuo cursu ad eam laboriosè tendunt, Exhaurire, & vectoribus infima mediastrini obsequia deferre perrexit. Manilæ Sacris initiandis ordinibus, repentinà ejus Archi-Episcopi morte, coactus est 80. leucarum periculosā navigatione, quā etiam navis altera in omnium oculis maris tempestate hausta interiit; Zebuanum adire Antistitem: ubi primo Sacrificio Deo litato, nunquam deinceps illud instauravit sinē ingenti lachrymarum imbre, & arcanissimis animi divinitus perceptis sensis. Quæ etiam in Fratrem suum Macai versantem derivaturus, hæc ei præci-
 „ pte inter reliqua perscripsit: Incumbe ad
 „ literas, mi carissime, dum tempus suppetit
 „ magnā curā; sed pluris virtutes solidas du-
 „ cito quàm literas; neq; ulla omiseris pro-
 „ pter illa Religionis officia: cujusmodi sunt
 „ orare, legere, conscientiam explorare. Sum-
 „ mā diligentia regulas observato, quoniam
 „ ea certa ad gloriam via sunt. Nulla te res
 „ humana desectat, ut eas prætereas. Huma-
 „ nis respectibus nē moveare; quoniam ea
 „ Religioso viro pestis atq; perniciēs est. Ite-
 „ rum atque iterum studeo patientiæ, quia
 „ virtus ea summopere necessaria est ei, qui
 „ cum alijs in commune victurus est; præ-
 „ sertim qui Missionibus additus sit; uti ego
 „ pronuper abundè Cocincinensi in mora
 „ expertus sum. Magnum tibi comparato so-
 „ lidarum virtutum commeatum; quoniam
 „ eos, qui hæc Missiones obituri sunt, Ange-
 „ los in corporibus oportet esse. Redijt in-
 „ terim Macao, quo Provinciæ sibi commissæ
 „ res ordinaturus excurrerat P. Visitator, factō-

que recens Sociorum delectu, nescio quā cau-
 sâ Franciscum excluserat. Quantā in animo
 ejus exsternatione, quo luctu, quis eloqua-
 tur? Soli tamen DEO illum cum lachrymis
 conquestus, spe suā minimè excidit. Ipi-
 namque, ut dicimus, professionis horā iussu
 cum reliquis navim conscendere, quo gau-
 dio nuncium exceperit, paucis ad eundem
 germanū exaratis lineolis expressit: Ceci-
 dit fors super Matthiam. Prioribus ad te
 literis scripseram, ambigere me, iturus nec-
 ne in Japoniam essem. Jam istis significo,
 pridie quàm abeundum fuit, inter eos me
 fuisse constitutum, quos antea jam ituros
 significāram. Deo gratias infinitas ago,
 quod in suorum electorum numero me de-
 scripsit: id ipsum & te quoque agere, mi
 charissime, justum est, quoniam delectum
 Martyrio fratrem sortitus es. Ego Sinæ per-
 sonam Patribus famulaturi mentitus con-
 scendo; & faxit pro sua infinita misericor-
 dia DEUS, ut eos ad finem usque confederet.
 Tempus me defecit: Lacrymæ non siccant.
 Hoc tantum dico; Divinā me misericordiam
 fretum præire ad Cœlestia; ibi te operari,
 neque ibi pro te obsecrare prætermittam.
 Ora vicissim & tu DEUM atque obtesta-
 re, nē in meas misérias atque peccata con-
 vertat oculos suos, sed in suam ipsius mis-
 ricordiam, meque suæ Sacratissime Passio-
 nis consortem efficiat, suggeratque vires &
 animum ad ea perferenda tormenta om-
 nia, quæ Tyrannus excogitavit, ad glori-
 am suam. Sic animo comparatus suavi-
 vim conscendit, Satzumæ cum alijs captus
 iisdemque tormentis excruciatu est. Illi
 tamen speciale habuit, quod consanguineis
 suis Nangasachi traditus, ut quaquā demum
 ratione à Religione suasionibus eorum de-
 dimoveretur, importunas eorum blanditiæ
 immobilis superavit: tandēque sollemni
 intumulatus, tolerato novem diebus immo-
 supplicio superstes, ferro triumphum con-
 summavit, sua in Patria Nangasachi 31.

Martij, A. 1643. ætatis circi-
 ter 35.





P. Joannes Aresius Soc. IESV. natus in Sardinia. occisus in Philippinis ad
Virtutis ab Indis. 10. Aprilis. A. 1645.

C. S. d

M. K. f

P. JOANNES ARESIUS.

Utrâ comparati sunt mortaliū ple-
rique, ut vitiosos esse nō pudeat,
pudeat dici, multoq; magis aper-
te scelerum redargui. At Viro-
rum Apostolicorum ea ē contrā
est libertas, ut vel mortis ipsius contempto
discrimine, nescientes vitia palpare, scelera
inseſcentur; neque sustineant in munere suo
esse quasi homines non habentes in ore suo
redargutiones; quamvis cum Joanne Chryso-
stomo relegentur in exilium, cum Præcurso-
re Domini damnentur ad gladium; non prius
cessaturi arguere, quā voce ferro interce-
ptā, Enimvero similis libertas P. Joanni mor-
tem gloriosam concipivit. Laborabat in Phi-

lippinis Indiæ Insulis omni conatu in procu-
randis Sacramentorum administratione Fide-
libus, & gentilibus adhuc ad Christi Sacra in-
ducendis: cūq; frustra Japoniam, cujus de-
siderium potissimè ab Europa eum traxerat,
tunc Apostolicis viris omnino imperviam
anhelaret, cupitāque Martyrij laureolam
sibi jam infractam æstimaret, ipso in loco
eamdem, pro virtutis in vitium defensione,
indeptus est. Indum ille quempiam negli-
gentiæ coarguebat, quod matrem suam le-
thaliter decumbentem, se minimè ex vici-
nia commonito, Sacramentorum expertem
decedere passus esset: simulque ob oculos po-
nebat, quā gravem hoc nomine DEO vin-
dici

dici rationem esset redditurus, si fortè ejus vecordia æternis illa supplicijs macretur. Ille reprehensione factus impatiens, iraque prorsus belluinà in monitorè excandescens, dum Pater eo relicto nihil mali suspicatus ad orandum se flexo poplite comparat, hastà innocentem crudeliter configit. Invenère suo natantem in sanguine fideles indigenæ, qui adopem, voce JESUM & MARIAM invocantis exciti, properè concurrerant. Dùmque elapso jam percussore auctorem immanis paricidij sollicitè à Patre etiamnum spirante requirunt, renuìt ille constanter prodere, facinus se illi, Christoque vindictam condonare protestatus. Patuit nihilominus mirabiliter non muleò post sceleris artifex, dignasque facto pœnas luit. Sic honestissimà morte, &

optima in causa consumtus est P. Joannes Cebaliæ in Philippinis 10. Aprilis A. 1645, ætatis 40. Societatis 23. Fertinianum Sardinie oppidum ei natale fuit. Societatem annos 17, natus complexus, haud contemnendos tam in Philosophicis, quàm Theologicis doctrinis fecit progressus; gradum tamen Coadjutorum Spiritualium dontaxat, quæ erat humilitate, in ea consecutus. Et quia magno propagandæ Numinis gloriæ apud infideles zelo flagrabat, bonæ Moderatorum veniâ, cum P. Didaco Bobadilla Philippinarum Procuratore, ille delatus, & ad animarum curam in Vicum Cebaliæ est destinatus.

P. FRANCISCUS PALIOLA.



Corruptio Optimi pessima, inquit Philosophus: & S. Augustinus fatetur, se nullum hominum genus deterius, & in sordibus peccatorum protervius deprehendisse, quàm qui à sanctimonie tramite desciscentes, sive à Fide, sive à Religiosa Familia in apostasiam prolapsi sunt. Indè quotidianà videmus experientiâ, centum citiùs ab Idolorum ad Christi cultum gentiles traduci, quàm unum ab Hæresi ad Ecclesiam, reduci: centum priùs Religiosam vitam è statu seculari adire, quàm unicum apostatam ad eandem redire. Insudabat naviter octavum jam annum Apostolico operi in ipsa Philippinis, ac præcipuè Infula Mindanao complures annos P. Franciscus, neque fructus labori parcè respondit. Siquidem præter Subanos ad Christi Fidem, ac Fidei consentaneos mores, à spurcijs gentiliū prospere adductos, in veterem Christianorum vitam jam intepestentem, eum fervorem & pietatem reduxit, ut primæ Christianitatis faciem referrent. Unus eâ Regione vivebat homo exitiosi publicè exempli, primæ notæ Apostata, cujus perniciofa, inque aliorum corruptelam vergentia scandala ut impediret, & ab infelici transfugio revocatum, Deo, si posset, lucraretur, omnem eò conatum adverterat. Nimirum plùs ei laborandum fuit in uno (quis credat?) ad vitam revocando perfuga, quàm in omnibus eâ Infula lucrifaciendis, quantumlibet principiò obstinatis gentilibus. Hunc ergo dum in omnes partes versat, & continuatis curis omni arte

industriaque allicit, hortatur, exterre: id denique extorlit, quod tam anxie, tot marium transmissione summis votis semper inquisivit, mortem pro virtutis & Fidei alteratione sibi conscitam. In omnem ergo tollendi importuni monitoris occasionem intentus Apostata, funestum tamen animi propositum, nè quâ Francisco suboleret, sollicitè tegebat, commoveri etiam salubriter meliorum ranculatione animum quandoque simulans, ut adeò Pater de reducendo ad frugem homine vix jam dubius, diem certam domi suæ condixerit, quâ eum ad repetenda hæcenus invicem tractata præstolaretur. Hanc illi maxime opportunam patrando facinoræ raris horam, cogitati hæcenus facinoris animam furibundis quibusdam capitibus aperit, quibus comitatus, ut alter Judas, domicillio Patris appropinquans sanguinarius irrupit. Sed præsciis ultimæ horæ Pater, eodem quo Martyrum exemplar Christus ad eam secula comparare instituit. Namque in genua provolutus, & agonem suum ardenti prece Deo commendans, Marianum Rosarium promoriendi tessera in manus arripuit, itaque instructus paritidam suum præstolatus est. Ille cum incondita turba irruens, lato cultro gravissimum vulnus per maxillam ad extrema usque colli adegit, atque alius Sacra JESU & Mariæ nomina supremum invocantis tergum lanceâ transfixit, humi autem indè collapsum iterum lanceâ, & reliquis armis alij atque alij per transversaria vulnera transverberarunt, A. 1648. 29. Januarij. A eade Patris in Sacram suppellectilem translato furore, Christi



*P. Franciscus Paliola Italus Soc. IESV. odio Religionis à ne-
fario quodam Fidei Apostata hastâ transfixus, in Indis
Insula Mindanao. 29. Ianua. A. 1648.*

C.S.d.

M.K.f.

Christi Crucifixi effigiem columnæ per ludibrium alligant, fustibus & flagellis verberant: Sacrificales vestes histrionicè in cachinnum induunt, patenam in scutellæ usum adhibent, & sacerrimum omnium calicem, fœdissimorum, pro nefas! sputorum receptaculum faciunt. At Fideles è contrâ collecti viri innocentissimi membra, summâ pietate, veluti Christi victimæ reliquias, contumulant, & privatâ licet, continuâ tamen hodièque veneratione celebrant, Patria Francisco Nola fuit in Regno Neapolitano, qui Societatem anno ætatis 32. jam Sacerdos ingressus, à primo statim Tyrocinij die ad Indi-

eas ærumnas ardentissimè aspirare cœpit, d. nec A. 1641. impetratâ professione, in Occidentales Indias susceptâ navigatione, Philippinas postliminio petijt. Vir Deo per orationem conjunctissimus, à qua ad agendum cum proximis quia velut alter Moyses à confortio DEI redibat facie ardens, & fervorè semper inflammatius, passim apud omnes Sancti nomine appellabatur.





P. Vincentius Damianus Siculus Soc. I.F.SV. odio Religionis Christianæ lanceâ percussus ab Idololâtris, in Insulis Philippinis A. 1649. u. Novē
C. Secreta d. M. X. f

P. VINCENTIUS DAMIANUS.


Vnde hæcenus plerumq; in Japoniam desiderio Martyrij solvebant Socij, aditu in eam deinceps penitus intercluso, ipsæ factæ sunt Viris Apostolicis Martyrij campus Philippinæ Insulæ, iterum eruentâ nece in Christianæ Legis odium sublato P. Damiano. Natus hic in Sicilia A. 1615. Societatem impetravit anno ætatis 16. in qua post Philosophiæ & Theologiæ biennio auditiæ spatia in Philippinas discedens, & in ipsis Indijs Indiis magis reconditas & arduas perferutatus, ad Ibabao Insulâ penetravit Quoties deinde novi laboris aut periculû quidpiâ

imminebat, ipse in se incunctanter ultro incipiebat, cursu laborum nunquam per ullam interpirationem intermisso. Sublato nuper ab Ethnicis in Palanagensi Missione, adactâ in latus lanceâ, Michaëli Ronec, jussus succedere, ingressus in ærumnarum ac sanguinis illum agrum, tam paternè questissimâ modis apostatas illos, ipso transfugio in callâ magis duratos, tractare cepit, ut ferociam tandem demitigati exuerent, Christumq; induerent. Indè re fortiter atq; optato eventu gesta, missus ad Jubigenfes & Bacerenses barbaros, quibus efferratiores nulli eâ tempestate habebantur, ut pauxillum ibi Christianorum gregem

gregem miserrimè fatiscentem restitueret, incredibiles arumnas, labores, & quotidianas vitæ infidias subiit. Donec tandem redintegratis in illum odijs improborum, denique sublatus è vivis cessit. Horum ille globum in se furore armatum conspicatus, in gentua continuè dimissus, & Crucifixum, pro quo & cui animam devovebat, amplexus, adventantis cruentæ mortis gloriam expectavit; à quibus lanceâ confixus, eam, quam ab infantia incorruptam ab omni graviore noxa servarat innocentiam, innocentissimi sanguinis purpurâ cumulatam nobilitavit, omnium ore in vita & à morte prædicatus vir Apostolicus, & magnus Evangelij præco. Solemne illi fuit totas noctes in oratione transi-

gere; unde consuetudinem nactus est, in Dei ubique præsentis aspectu adeò attentè semper versari, ut nihil omnino esset, quod absuetam DEO præsentem mentem posset avertere. Atque hoc illi præcipuum fuit salutis præsidium, innocentie custos: hæc ille cogitatione agebatur in quælibet maximè ardua & periculosa, cum de auxilio DEI nunquam absentis neque diffidere, neque de viribus suis præfidere posset. Passus est A. 1649.

ætatis 34. die 11. Novembris.



P. CHRISTOPHORUS FERREIRA.



Christophorum Ferreiram, saculi nostri Marcellinum, vulnertum, lapsum, victum, surgentem, pugnantem, vincentem, ad imbecillitatis humanæ documentum ostendit optimus DEUS, ut Iusti hujus naufragium fiat peccatori stabilior portus. E Lusitania Patria sua in Japoniam An. 1609. discessionem, ut quidam memorant, violentè & præsumptuosè extortam instituit, & ea quibus abundè dotatus erat animi ornamenta, pro salute animarum ita impendit, ut innumeris ad Christi Sacra suscipienda inductis, agrum Domini latè cum Socijs messe impleverit; fueritque adeò ob virtutis & meritum excellentiam sparsis totà Japoniâ Socijs, cum Provincialis potestate præfectus. Jam 23. annos in ea cultura posuerat, cum A. 1633. crudelis in omne Christianum nomen tempestas intumuit Nagasachi, in qua infelix Christophorus Fidei fecit naufragium. Etenim è tigno per pedes capite in scrobem umbilico tenus depressus suspensus, posteaquam immane tormentum horas aliquot infractus tolerasset, cruciatum tandem & lacerationis viscerum impatiens, turpissimæ defectionis signum dedit, & illico è fossa exemptus est. Socij non solum in Japonia, sed & in Philippinis & Macai, hoc nuncio tristissimi, per anni unius & plus quam quatuor mensium intervallum pro eo tam preces, quam varias cæque perquam asperas corporis afflictationes continuârunt, cum lachrymis, tum epistolis sub-

indè ad illum magno rationum & verborum pondere exaratis. Parati fuere nonnulli vel idcirco iter in Japoniam intendere, ut eum adhortatione, & mortis à se ferendæ exemplo ad resipiscendum incitarent: id quod etiam ipsa perfecisse P. Mastrillum, P. Petrum Cassui, & P. Antonium Rubinum cum Socijs, in eorum gestis memoravimus. Et respexit tandem benignissimè JESUS ex sola fragilitate, & tormentorū metu lapsum peccatorem; qui etiam notatus fuit omnibus illis ruinæ lamentabilis annis, vultu incedere ad mærorem composito, latebris quoad posset se occultere, tam sæpe tamque affluenter lachrymas fundere, ut verba nonnisi teritata proferret: & quod maximè suspectum illum reddebat, nullius unquam Sacerdotis hospitium aut latebras, quas habebat perspicissimas, prodere velle. Asseruit quin etiam Antonio de Sylva Lusitano, se de Fide bene sentire, & cum DEI adjutorio quondam factis id ostensurum: ostenditque etiam illo tristi tempore, notatus à Christianis Rosarium Deiparæ in secreto nunquam de manu dimittere, & super ægram sceminam etiam Evangelium, ut ibi fieri consuevit, recitare. In hoc miserrimo statu 80. annos supergressus, & lectulo fatali affixus, auditus est à vicinis frequenter gemere, dolenter vociferari, fortèque suam similibus verbis, quæ fideliter ex epistolis Japonicis traducta damus, deplorare: *Domine DEUS meus, ergo fieri potuit, ut ego Sacrosancta tua Fidei desertor fierem? Idque brevius & caduca hujus vite*



*P Christophorus Ferreira Lusitanus Soc. IESV. primum à fide Christi tor-
mentorum vi factus apostata, postmodum octuagenario maior resipiscens, et pro
Christo sitè raptatus, et in fovea ex pedibus suspensus necatusq. in Iapama.*

A 1057 C. Secreta del

Melch. Xarell f

perdenda metu inductus? O Domine misericor-
diarum Pater! video me errasse, erravi, sicut
ovis quæ perijt! Ah mi DEUS! ah Domine mi!
quàm doleo, quòd te offenderim! Tu Domine qui
me creasti, tu qui me pretioso tuo sanguine re-
demisti, tu Domine parce, parce Domine pec-
catis meis: & novas animi vires suggere corpori
huic senectutis effato, & fesso, ut te consteatur, & vel
in hac extrema mea atate vitam lubens depo-
nam pro te, pro te! Hæc atque hæc similia
cùm diceret, illud sæpenumero ingeminabat:
Suscipe Domine mi hoc Sacrificiū voluntatis meæ,
& adminiculo Divinae tue gratia, atque auxi-
lijs me sustenta, ut constans inter tormenta cru-
delia perseveranter testis meum erga te amorem
usque in finem: ut hi cruciatus sint experimen-

tum fidelis amoris, quo te diligo DEUS mea.
Quibus ad Gubernatores confestim delati,
missi ad eum quidam sunt ab Aula, qui in-
tentu officij ægrum solari, & causam totius
mituum, verbis dolosâ amicitia tectis, ex-
primere institerunt. Quibus ille jam ap-
tè Christianus; quia, respondit, deliqui con-
tra verum Celi, terræque Dominum, & inler-
errantis caci collapsus, illum deserui mortui mi-
tu, id quod mihi summo dolori est. Ad quæ
illi cum cachinnis, apage sis, reponebant. Bre-
do senex; delirationis hæc verba sunt, non homi-
nis lingua mentisque compotis. Ego verò, affe-
mabat ille, probè mihi, planèque sum compo-
adeòque affirmatè ac disertè id vobis assero, &
Gubernatori multò etiam asseverantiùs constare
vobis

*volo: quòd cum hæcenus perditè defecerim à Fide illa, quam debeo Domino meo, deinceps ab hoc ipso temporis articulo sum promptus paratùsque, ope ejusdem veri DEI mei ac Domini quem supplex adoro, revereor, credo; quem unicum totius Celi ac terræ Conditorem agnosco, cujus sola lex vera est, & extra quam nusquam est salus ulla. Vestra autem secta Japonica omnes fallacissimè vobis imponunt, earumque sectatores errore horrendo eunt in abyssum cruciatuum, & exitium sempiternum. Hæc magno animo proferens, cum insuper ardentissimè Fidem Christi prædicaret, suaderet, & superstitiones Japonicas detestans, earum falsitatem luculenter demonstraret, detestaretur; jussu Xoye Gubernatoris continuè lectulo dejectus; & quia præeuntes sequi non poterat, humi colligatus, & immaniter raptatus est ad fossam. Hic ille, quoties respirationis causâ à raptatione subsisterent milites, Christi Religionem veluti quodam igneo torrente, inflammatis verbis suadebat alijs, alios nè Christum omni amore dignissimum desererent, hortabatur. Donec ad montem Martyrum Nangasacho imminem ventum, est, ubi manibus retrorsum revinctis, & toto corpore, genibus pedibusque religatus, capite deorsum verso in foveam suspensus est. In ea tribus diebus superstes, nunquam cessavit brevi hoc compendio Fidem in Christum commendare: *JESUS Christus est verus DEVS, verus Homo.* Quibus etiam bea-*

tè immortalis est Anno 1652. Bona illius (nam opulentos census ei assignaverat Imperator) mox ad fiscum redacta fuere, quod non nisi in Fidei odium necatis fieri amat. Felicissima autem mors celebrata fuit publicâ famâ Macai, in Philippinis, in China. Illud autem singulare prorsus est, quòd P. Marcellus Mastrillus ruinam Christophoro, & resipiscenciam divinitus præsentiens, P. Andrea Lubellio vaticinans affirmavit, nos brevè in Japonia Marcellinum alterum habituros; uti jurejurando, tactis sanctè Evangelijs, Lubellius contestatus est. Idem Mastrillus cum ad Sacrificium offerendum Cocini se accingeret, Coadjutorem nostrum Bastum nomine, virtute & Cælestibus visis summè conspicuum, sibi que sacrificanti ministraturum, impensè monuit, ut P. Christophorum Ferreiram DEO enixius commendaret. Fecit id perdiligenter Bastus, & P. Mastrillo deinde retulit, sibi eo ipso precationis suæ tempore, quo P. Divinam Hostiam pro more in altum tollebat, visum P. Ferreiram veste quidem Societatis, sed sordidum in modum sordidatâ amictum: cum deinde, super calicem Hostiam frangeret, Ferreiram in mundiore veste fuisse ostensum: cum verò demum S. Hostiam sumpturus indignum se pectoris tusione profiteretur, conspectum esse illum in candidissima, & instar crystalli translucida veste.





P. Alexander Lopez Hispanus. P. Ioannes Montiel Calaber Soc. IESV odio
Fidei Christianae crudeliter trucidati ab Idololatriis Indis. Mindanai A. 1655
13. Decembris.
C.S. d

M. K. f

P. ALEXANDER LOPEZ, ET P. IOANNES MONTIEL.



Alexander Lopez Jacæ in Aragonia Anno 1604. Mundo natus, Societati verò Anno 1631. Studiis Philosophiæ Theologiæque cum Magisterij laureâ absolutis, reliquam omnem vitam in procurationem Indorum salutis in Philippinis Insulis consecravit. Quibus dum maximè fructuosè distringitur, & cuiusvis penè regionis, in quam pedem intulisset, felicissimo ad Christi Fidem traduçu, vix ampliùs inter fide-

les populos, gloriose pro Christo oppetendæ mortis sibi ansam obventurâ pollicetur, ecce tibi illa nec opinanti ultro in manus ingentur. Sebastianus Manrique Philippinarum Gubernator legationem pacificam ad Coralatam Mindanai Regem decernebat, qui deletis ab Regis animo falsis quibusdam umbris, pax deinceps firmior sinceriorque utrimque observaretur. Placuit ad eam, inclinante vel maximè P. Provincialis assensu, deligere præ omnibus P. Alexandrum. ut-

pot

pote gentis illius & locorum, in quibus Fidem fructuosissimè diu prædicaverat, optimè gnaro; ad hæc illiusmet ipsius pacis paulò antè conciliatori, & privatim Coralatam familiariter adstricto, ut non alio quàm Fratris nomine compellaretur. Iter ergo cum reduce ad eundem suum Regem Legato Mauro Manillà ingressus, Samboangam Urbem ejusdem nominis Regni caput, præsidio Hispanorum & Societatis domicilio nobilitatam, pervenit, ubi ei socius adjunctus est P. Joannes Montiel, anno superiore à Calabris eodem appulsus, & recens Sacerdotio inauguratus. Noluit indè Alexander, futurorum veluti præfagus, pedem in Maurorum fines efferre, donec priùs uterque Divinis S. Ignatij Exercitationibus, magnisque corporis afflictationibus animum, veluti cocte ad virtutis firmitatem exacercent; singuli verò comitum (additi enim ad securitatem, & Legationis Majestatem indè fuerant cum Præfesto militiæ Claudio de Ribera 12. Hispani, & 60. Indi) Divina Pœnitentiæ ac Eucharistiæ mysteria obirent. Hinc illos Coralati Legatus, reipsà merus, ut eventus docuit, proditor, ad Regem prævertere voluit, ut nuncium de eorum adventu condignè recipiendo anteferret, reipsà ut in necem innocentissimorum virorum accenderet. Quem ipsi festo Deiparæ sinè labe conceptæ, quantà fieri potuit devotione celebrato subsecuti, 9. Decembris fines Coralati ingressi sunt. Ecce autem in ipso navis, quâ flumen barbarum trajecturi erant, ingressu, prodigium illos excepit, quo Sol repente è claro & splendente cæpit obscurari, circulòque majore sanguinolentus increfcere; ut adeò exterriti, & mala maxima omni- nantes Indi, reditum Patribus omnibus modis persuadere, licèt in cassum niterentur. Indè à submissis obviam Aulicis quibusdā, ut per honoris speciem ad Regiam deducerentur, excepti, dum in eorum comitatu ad Regis conspectum se evocandos arbitrantur, nuncium à Rege accipiunt, quo literas, quas Regi exhibendas afferrent, destinato à se tradere Ministro jubebantur, Regi deferendas. Vetari enim ipsum ominoso illo Solis defectu quemquam ex Hispanis aut alienigenis in limen Aulæ admittere. Verùm, quia asseveranter negabat Alexander se Epistolas ulli alteri, præterquam ipsi Coralato in manus consignaturum, admitti tandem obtinuit, unā cum Patre Joanne, duobusque præter interpretem comitibus è famulatio.

Literis Regi & muneribus traditis, Pater in omnem rei Christianæ bene gerendæ occasionem intentus, Coralato familiariùs secum agenti, suadere omni ratione baptismum incepit, adductū in robur persuasionis ejusdem sponse, quā nuper inter puncta pacis firmatæ idipsum spononderat. Excaudit non modicè ad illatam baptismi mentionem Rex, indignatus id à se veluti jure exposcere fuisse ausum Alexandrum: addiditque inter alia per indignationem prolata: effecturum priùs se, ut Patres atque Hispani Mauritanam, quā ipse Christianam Religionem iniret. Cūque Alexander veteris amicitia confidentiā pergeret modestè firmis rationibus Christianam veritatem tueri, ille furore jam insanienti de sede se propripuit, minaciter circumspiciens, ut aliquid, quod in Alexandrum projiceret, reperiret. Cūque adstantibus Ministris etiam innueret, ut Patrem in vestigio trucidarent, accurrens ad ejus clamorem Regina, conjugemque amplexu stringens inhibuit, & pugione, quo erat accinctus, exarmatum utcunque placavit. Addidit nihilominus ad Patrem jam digredientem Rex inflammatus: *Tu verò Pater, siquid porro de hoc argumento coram me attuleris (fatale siquidem apud Mahometanos est Alcoranum impugnare, aut Christum suadere) te ego unā cum Socio contrucidabo instar animalium immundorum.* Cui respondens Pater, hæc verò, inquit, in auribus Religiosorum boni nuntij verba sunt, non mine, in spe, non in metu, quippe qui per mortem Christi causā obitam redduntur Martyres gloriosi. Ego verò, subjungit Rex: *brevi saxo, ut tu ac socius tuus huc non tanquam Legati, verum cœu Martyres futuri veneritis.* His à se abactos, vocatis in consilium Sultano Bunayensi Regulo, aliisque Principibus Mauris, Patres omnino neci dando concludit. Itaque 13. Decembris ad Regiam accersuntur Regiæ nomine, iubenturque non nisi duobus è famulatio comitatis adesse, eò quod secretò quidpiam ipsis suggerendum haberet. Illi nuncio exhilarati, mansuetum à Regina Coralatum interpretabantur; eaque spe pleni Regiam ingrediebantur: cū ecce Alexander inopinatò lancearij manu in humeris minore lancea vulneratur, illico armatā Maurorum multitudine unā cum P. Joanne circumdatus, qui utrumque campelanis (familiare id apud illos gladiorum genus est) undequaque petitum creberrimis vulneribus confecerunt. Hic Alexander ad unum

è sicarijs: *quandoquidem*, ait, *me occidis, age percutite ut liber validè, nè parce: nam ego pro baptismo apud vos predicato lubens valde ac volens hanc mortem oppeto.* Ubi autem lethali vulnere se laucium advertit, æneum quod ab annis pluribus ad pectus gestabat Christi Cruci affixi simulachrum eximens, amanter amplexatus est, atque in ipso religioso osculo purpuream animam posuit, cum facillè centum vulnera toto corpore accepisset. Idem factum cum Patre Joanne, SS. JESU & MARIÆ nomina supremis vocibus invocante. Corpora necatorum totà nocte in suo sanguine relicta sunt ubi ceciderant; quæ tamen Indorum aliquis miseratus sepelivit. Ea mensis unius spatio ut Samboangam asportarentur exhumata, tam integra & recentibus vulneribus purpurea reperta sunt, ac si tunc primùm occisi fuissent. Coralatus necem eorum à se in Ministros suos apud

Philippinarum Gubernatorem amoliturus, luculentum pretiosæ eorum morti testimonium exhibuit, ita scribens: *Patres à Ministris suis interfectos idcirco fuisse, quod contra Fidei avitæ, atque ipsius hætenus receptæ jura, illos ad Fidem Christianam adducere, ac baptismo expiare studuerint.* Cæterum P. Joannes Montiel natus erat Rhegij in Calabria Anno 1631. Societatem ingressus anno ætatis 15. in qua post auditam Philosophiam ardentiori zelo transmittendi in Indiam inflammatus, necdum Theologiâ ad calcem deductâ in Philippinas pervenit: ubi non diu post Sacros Ordines receptos, Socius Missionis & mortis P. Alexandro factus, in ipso laborum ingressu præmium æternitatis obtinuit, annos natus non amplius 24.

•••••






C. Sereia del.

Melchior Kusell f.

SOCIETAS JESU AMERICANA.



AMERICA ultima Orbis portio, sæculo superiore primùm Europæis detecta, incolarum feritate, crudelitate, omnium immanissima, in Meridionalem & Septentrionalem dividitur: cujus ad utrumque polum Terræ etiamnum incognitæ si pensentur, tum una America molis vastitate, & regionum magnitudine, quamvis aliam Orbis portionem, longè superatura creditur. Ultraque Mahometicæ superstitionis omnino expers, eâ credo causâ, permanfit, quia Veteribus penitus inexplorata, altero primùm abhinc sæculo aperiri cœpit: hinc omnibus latè Provincijs sola regnat Idololatria, abominandis ultra omnes veterum superstitiones ritibus fœdata; siquidem divinum cultum vilissimis quibusque rebus & bestijs tribuit, & Dæmonibus visibiliter in horribili forma apparentibus divinos honores concedit. Nullibi artes magicæ majore sunt in usu vel pretio, quarum artifices passim Deorum loco habentur, & adorantur. Sunt namq; Americæ populi universi, si ferè Mexicum, Peruviam, & novam Hispaniam aliquanto humanitati propinquiore, excipias, omnis omnino Politicæ expertes, nullâ lege, Societate, Republicâ, aut civitate adstricti, promiscuè inter se ferarum more viventes, adeoque incredibili ruditate, uti omnium bonarum artium vacui, ita quibusvis impostoribus mirè creduli; & quod indè consequitur, mobilis animi, & nullius constantiæ. Plerisque ad meridiem Regionibus toto corpore nudi degunt in sylvis, & communiter cum belluis spelæa incolunt, nullo præterea cibo, nisi carnibus venatu & piscatu apprehensis, herbisque, quas sponte nativum solum suppeditat, vitam producere solliciti: nec alterius ferè edulij sunt appetentiores, quàm quod ex humanis carnibus paratur: unde perpetua inter eos latrocinia, & internecina semper sunt bella, utpote quibus nil aliud ferè in egentissimis omnium rerum populis magis quæritur, quàm hostilium corporum occupatio, quos diligenter saginatos, gulæ deinde suæ avidi immolant, & dapsiliter depascuntur. Præcipui Meridionalis Americæ tractus sunt, Brasilia, Chica, Chile, Toucumania, Paraquaria, Peru, Omagua, Gujana, Timbuja, Acutia, Caribana, Amázonum Regio, Parabolia, Castilia, Pagua-

Paguana, Patagonia, Hispaniola, Cuba, Nicocara, & innumerabiles circa Argenteum fluvium populi. Et has plerasque efferatissimarum gentium Regiones arma Lusitanica & Hispanica vel perdomuerunt, vel fœderibus mutuis illigatas sibi obnoxias fecerunt: exceptis immensis terrarum ad Austrum spatij, quæ ob æstuum maris violentiam explorari adhuc nequiverunt.

Quâ Septemtrionem versùs eadem America porrigitur, primariò complectitur Novam Hispaniam, Mexicum, auri argentiq; fodinis ditissimum, Californiam, Novam Granadam, Floridam, Virginiam, Novam Franciam, Novam Sueciam, Hiroquios, & innumeros alios sinè nomine populos, qui pleriq; Catholici, quidam etiam Christianissimi Regis obsequijs, alijsq; Europæ Monarchijs obnoxij parent: magnâ similiter parte belluis, quàm hominibus propinquiores, & in Florida, Virginia, Canada, & Hiroquia, super omnes hætenus cognitæ Mundi plagas immanissimè barbari, & anthropophagi. *In hanc itaque frementium bestiarum sylvam, ut cum S. Leone Papa Ser. 1. de SS. Petro & Paulo loquar, & turbulentissima profunditatis Oceanum, ubi diligentissimâ superstitione habebatur collectum, quidquid usquam fuerat vanis erroribus institutum, ubi solus Demonum cultus, & omnium Sacrilegiorum impietas stabulabatur, ingressi Socij, plusquam ullibi terrarum, exhaustere laboris, ærumnarum, difficultatum; & Sanctâ quadam constantis animi pertinaciâ vexillum Crucis eò intulere, quò Regia Hispanorum signa nullis hætenus armis, nullâ vi penetrare potuerunt: sic ut vix ulla cognita hucúsque Americæ sit Provincia, quæ culturæ Sociorum expers, hodièque illos non habeat Veritatis Magistros, & Cœlestium mysteriorum interpretes. Verùm alia prorsus hic à reliquis Mundi plagis agendi methodus ineunda Socijs fuit, diversa penitus barbarorum animos versandi ratio, qui omnis humani convictûs insueti, docendi priùs erant, quæ agenda hominum vitæ competunt, quàm institutione Christianâ imbuerentur.*

Principium operæ ferè collocatur in barbaris à vagabunda ex montium & sylvarum spelæis vitæ consuetudine abducendis, & ad communem humanæ Societatis convictum pelliciendis, quibus deinde in colonias pagatim & oppidatim distributis, mapalia Sociorum manibus exstrui, agriculturam & artes omnes mæchanicas tradi, & exerceri necessum est. Quarum usu & utilitate capti, pronissimas Cœlesti doctrinæ aures exhibent, & Magistros suos tenerrimo amore & veneratione privatim & publicè prosequuntur; tunc præsertim, cum aut ex Europa nova Patrum subsidia, aut illorum Superiores adveniunt. Tum enim obviam procul effusi, quatuor subinde ipsorum millia, terrâ & navigijs honoris causâ procurrun, & modò qui-

dem ludicram ad militiæ suæ leges pugnam, divisim utrinque copijs adumbrant: modò ad vocum tibiarumque symphoniam lætis saltibus animi sui hilaritatem, è desiderati hospitis adventu ostentant: modò alia barbaræ jucunditatis spectacula, Europæis oculis ipsâ raritate gratissima, inter promiscuas applaudentis multitudinis acclamationes exhibent. Quâcunque autem incedendum est, arcus triumphales, quibus iter per intervalla distinguitur, erigunt, & latera utrinque structis aris exornant. Porro in arcubus illis nemo Parium marmor, & operosè sculpta in faxis heroum facinora expectet, etsi ob operis ac mentis tam gratæ novitatem, nè Romæ quidem suas moles & amphitheatra invidas. His enim pretiosis machinis, quia ob publicam inopiam illorum fortunæ planè sunt impares, arcus illos ex arborum ramis intextos, rerum copiâ, ut Amaltheum cornu instruunt, è quorum fornice pisces assos, crudósque, carnem ferinam, pullos gallinarijs inclusos, gallinas è collo suspensas, struthionum ova, perdices, versicolores aves, quibus omnes illæ Regiones abundant; vulpes item & canes mirabili varietate appendunt. Nec dissimili ornatu arcuum bases & columnas ædificant, quibus tigridum, serpentum, aliarumque ferarum exuvias, scæno ad viventium speciem fartas, ordine annectunt. Hisce saccos interponunt edulij referatos, fiscinas insuper gossipio, milio Indico, ac leguminibus plenas. Et nè quid ad copiam desit, ligneas scutellas, vestes, arcus & pharetras, quin corollas adèd precatorias, totamque supellectilem ad insolentem structuram accumulunt. Cujus tam liberali apparatu innuunt, se hospitis tam optati commodis, omnia sua in hoc œconomix compendio dedicare.

Atque hic ferè mos est totâ latè Paraquariâ, Uervaiçâ, Paranâ, Amazonum & Brasiliæ Regionibus, Toucumaniâ, & reliquis pauperioris Americæ Provincijs receptus, quo ad humanitatem & mansuetudinem jam ci curati, Magistrorum suorum adventum honorare, & festiviores dies celebrare consueverunt. Sanè cùm sæcularem ab origine sua celebraret annum Societas JESU, hi quoque alterius Orbis populi totâ contentione ad cohonestandam Societatis, tanquam Magistræ suæ, primam ætatem, singulari DEI beneficio exactam, sibi que tam fructuosam, incubuere; tótque omnibus Paraquariæ Colonij & Reductionibus, ejusmodi trophæa erecta sunt, ut plausus Europææ elegantix, simplicitatis conditurâ vel æquarent, vel etiam superarent. Et verò hæc tam pronis Americanorum animis recepta Evangelij semina, uberrimos jam pridem reddidissent Cœlesti Patrifamilias fructus, si illa adolescere, & in maturitatem justam pervenire, intimè genio ipsorum innata volubilitas, & vertumno instabilior variabilitas pateretur. Quolibet enim ferè ariolantium Magorum astu dementati, facillimè in transversum aguntur, & ad cujusvis persuasionis impulsu arundine mobiliore,

normam

normam rectè vivendi deferunt, quæque heri divinâ veneratione prosequerantur Sacra, hodie pedibus calcata contemnant, & proculcant. Neque tamen durum, & sudoribus colonorum tam malignè respondens novale, deferendum unquam duxere Socij; sed sublati identidem, qui ante se missi ad reperendos fructus fuerant DEI servis, infractis animis succedentes, hodièque *profecti predicant ubique, Domino cooperante, & si uspiam alibi, sermonem eorum confirmante sequentibus signis.* Tot enim tamque ingentia Divinæ Bonitati placuit patrare per servos suos ibi miracula, quot nunquam alibi post S. Xaverium, ultimis hisce sæculis visa sunt: ut legere est in vita P. Josephi Anchietæ, & aliorum Americæ Virorum Apostolicorum. Quibus nos aliorum instituto relictis, non minora fortiter toleratorum pro Fide tormentorum prodigia recensere, in quibus Christi pugiles Adamantis instar, neque incudi, neque flammis cedentis, immobiles permanentes, supplicia omnia supra Naturæ vires alacriter, cum ipsa morte tulerunt, atque ita haud paulò efficacius veritatem Religionis Christianæ asseruerunt, quam miracula contestata sint. Quorum immortalia decora ita legamus, ut otiosa non sint: *que quideri tanta* (concludo verbis Pontij, vitam S. Cypriani scribentis) *atque tam magna & mira sunt, ut magnitudinis contemplatione deterrear, ac imparem me esse confitear, ad proferendum dignè, pro meritum honore, sermonem: nec posse sic prosequi facta tam grandia, ut quantæ sunt, tanta videantur: nisi quòd numerositas gloriarum sibi met- ipsa sufficiens, alieno præconio non eget.*





Petrus Correa, et Ioannes Sosa, Lusitani Societatis IESU, sagittis confixi in Brasilia, apud Carigios; Mense Decem., brl. A. 1554.

C. Secreta del.

Melch. Küßel f.

PETRUS CORREA, & JOANNES SOSA.

Vales impetus habebas ad Mundum, tales habebas ad Authorem Mundi, scitè monet S. Ambrosius, conformiter ad illud Apostoli Rom 6. Sicut exhibuistis membra vestra servire iniquitati ad iniquitatem, ita exhibete membra vestra servire iustitiæ ad Sanctificationem. Cujus Apostolici moniti vim cernere est in Petro Correa luculenter expressam, quo sicut nihil fuit initio in vita sæculari immanius, & in miseros Brasilos truculentius, ita postliminio in vita Religiosa nihil illo benignius, & commodis eorundem procurandis impensius. Natus in Lusitania clarissimo sanguine, Regia stipendia secutus est in Brasiliam, ani-

mo Provincias illas Sceptro Lusitano subji-
ciendi, seque & suos quâ possent arte & Marte
ex spolijs barbarorum ditandi. Nemo illo
totâ Brasiliâ inter Lusitanos ditior, sed nemo
etiam in indigenas sævior, quibus spoliandis,
& post erepta omnia durissimæ servituti
addicendis, mille artifex evaserat. Littora
enim Brasiliæ navi oberrans, exposito pro op-
portunitate capturæ in terram milite, inermes
Brasilos veluti indagine cingebat, ferarum
instar insectabatur, contrâque omne jus
& fas comprehensos, pro mancipijs ad duris-
simos Sacchari parandi, aliâque infirmorum
servitiorum opera Lusitanis divendebat, neq;
meliùs quàm canes habebat. Hæc & alia id
genus

genus patrata in miseros facinora, totâ deinde Religiosâ vitâ materiam illi perpetui doloris & lachrymarum, ut olim S. Petro perpererunt: quorum vel idcirco facilem à Deo veniam consecutus cum Paulo credi potest, quia ignorans fecerit; siquidem parum Legis Divinæ, & solius militiæ homo intelligens, aestimabat se præclarum fidelis obsequij genus præstare Regi, officinarum sacchari operas mancipijs augendo: nec minus DEO gratum ex animabus lucrum facere, cum ea ratione Barbari Christianorum consuetudine plerumque ad veram Fidem miterent, & servitute corporis animæ libertatem lucrifacerent.

Appulère interim in Brasiliam Patres Societatis Jesu, ex quibus P. Leonardus Nunnez, demonstratâ Petro piaculi ejusmodi gravitate, eoque illum perculit, ut nullam conscientiæ quietem capere posset, anxie sollicitus, quo pacto in tot mortales injustitiæ erimen admissum, posset maximè congruè rependere. Cùmque non aliud melius succurreret, quàm ut sua omnia, seque ipsum, in ejusdem gentis lucra & commoda, cui tantum nocuisset, totum expenderet, distractâ in miseros omni substantiâ, seipsum Societati primus intra Brasiliam adjunxit, in Colonia S. Vincentij, A. 1549. In quo barbarorum luerandorum studio totos quinque annos, quos in Societate vixit, ita defudavit, ut animam denique & sanguinem pro eis dederit: eâ etiam arte quàm maximè in conversione illorum adjutus, quod linguæ peritiam consecutus fuerit tantam, ut ab ijs Brasilicæ eloquentiæ Doctores appellaretur. Accedebat singularis quidam in Viri dictis & factis relucens Virtutis & Sanctitatis splendor, tantò validiùs animos indigenarum percellens, quantò deterioris ejus vitæ vigeat apud ipsos memoria: quo factum est, ut cùm longè plures eorum animas sub suave Christi jugum, quàm priùs corpora in duram hominum servitutem adduxisset, jure merito gentis illius Apostoli nomen, cui primitiæ fructuum Brasilicæ potissimum debeantur, deinceps illi adhaerit. Subsenferat interim Dæmon ex ipso Tyrocini ejus fervore damna sua & futuras clades, idèoque tendentem Superiorum missu ad quendam barbarorum pagum, conatus est de medio tollere, duorum ingentium lignorum in verticem prætereun-
tis casu, ex quo contractum fœdè caput, de
vita ipsius viâ comites desperare fecit. Sed
quia iter agebatur ex obedientia, manè se-
quenti, perinde ac si nunquam iniectum es-

set vulnus, caput integrum & sanum appa-
ruit. Successit mox dolor oculorum acerrimus, qui Regionibus illis propè incurabilis habetur: sed adhibito ab Socijs solo precum medicamento, æquè ac primum malum subito evanuit. Et jam ventum erat ad designatum pagum, cùm in ipso introitu videt Correa ingentem mancipiorum vim impiæ laniens paratam, quæ è diuturna sagina Barbari illi suo ventri macianda (quod epularum genus omnibus Brasilis in lautissimis cupedijs habetur) & dapiliter voranda educebant. Laboravit quidem omni conditione detestandam ingluviem illis dissuadere, miserisque macello eripere, sed cùm nihil proficeret, copiam saltem baptismo victimas lustrandi expetiit. Id verò cùm æquè renuerent barbari, causati, eâ Sacrifontis aspersione carnes vitiari, & si non vorantibus noxias, certè insipidas palato & insuaves reddi: tum verò Correa cum Socijs piâ fraude usus, è madefactis aquâ sudarijs liquore dissimulante expresso, universos, priusquam de more cæderentur in epulas, baptizavit, ac salutaribus monitis, spèq; æternorum, sub ipsa clava & cultro carnario implevit.

Interea Carigij & Ibragiari, interioris Americæ ultra Brasiliam populi, desiderio percipiendæ Christi Legis, cujus orexim aliquam à vicinis Hispanis Paraquariam incolentibus acceperant, cùm diu frustra P. Nobregæ ad se accessum expectassent, ducenti circiter eorum baptisimi gratiâ à sexcentis passuum millibus Brasiliam versùs, ignoto & periculoso itinere se commiserunt. Sed à Tupinaquinis Ethnicis trucidati plerique, quibuscum in vincula conjectis, in suomet sanguine Baptismi copiam nati sunt; tam certâ beatitudinis intersequendæ spe pleni, ut percussiores suos his inter necem verbis compellarent: *vos quidem arbitratu vestro caduca hæc & mortalia membra concidite, animorum certè cursum, quò minus hodie ad suum Creatorem evoleat, non retardabitis.* Unus duntaxat Hispanus (nam aliquot eorum Carigijs se adjunxerant) evasit, & tristem credis nuncium ad Coloniam S. Vincentij attulit. Missus est continuè Correa non sine manifesto capitis periculo: qui sanguinariæ gentis ferociâ blando mitigatâ alloquio, duos è vinculis exemptos Hispanos ad S. Vincentij adduxit. Tanto autem exinde Carigiorum salutis zelo exarsit, ut missionem ad illos sine mora apud Provinciale Nobregam sollicitarit; quâ etiam eâ causâ propensius obtinuit, ut ejectione adversâ tempestate in Brasiliam Hispanos, qui

qui in Paraquariam tendebant; per infestas illas barbarasque gentes, pro autoritate, quâ per eas oras valebat, notitiâque sermonis, deduceret; additis ei socijs Fabiano, & Joanne Sosâ. Hic ortu Lusitanus, cum viro nobili in Brasilia famularetur, ita jam tum Divinis addictus erat, ut Religiosus censeretur. Ter jejunabat per hebdomadam, in omnes ita benevolus, ut tamen nihil improbum coram se se dici fierive tacitus pateretur, magnis idcirco sapius probris & injurijs appetitus. Ut primum autem Societatis in Brasiliam appulsæ notitiam accepit, avidissimo in eam animo primus secundum Corream transgressus est, in laboribus culinæ humilitatem & charitatem erga omnes exercens, Vir excellentis poenitentiae ac patientiae. Cum duobus his socijs Sacerdotij æquè expertibus (dum horum nulla esset copia) post expiatam conscientiam Cœlesti pane refectis, itineri se dedit, Centum fere ac viginti progressi passuum, millia, sparsaque liberaliter ubique Evangelij semine, inveniunt alium in hostium potestate Hispanum saucium, duosque Brasiles Janienæ & epulis destinatos. Quos gratiosè eblanditus Correa, Brasiles quidem in comitatum assumpsit, Hispano autem, qui progredi ob vulnere non poterat, curando, Fabianum in subsidium reliquit, ut simul in barbara gente semen Divini verbi jaceret. Et hic quidem confanato brevè cliente, cum acerbissimo barbaris esset odio, quòd carnium humanarum quædam frustra clam subrepta in nemore sepelisset, ægrè tandem ad S. Vincentij se recepit. Correa & Sosâ magnis laboribus Carigiorum fines ingressi, tantos sermonibus & exemplis in tota gente fecere motus, ut non modò plebem, verum etiam primores ad studium Christianæ veritatis pertraxerint. Non tulit diu præclara cœpta ulterius progredi Dæmon, sed per eum ipsum, cui vitam & libertatem servavit Correa, necem ei atque interitum machinatus est.

Ex duobus illis, quos à Correa barbarorum captivitate ereptos diximus, Hispanis unus, implacabile in illum jam inde à Brasi-

lia efferebat odium, quòd eo auctore pellex Brasilia, quam sibi nihilò melior ab infortunio factus assumpserat, erepta fuisset. Is ergo in mores barbaris ipsis vitiosiores transgressus, pro usu & autoritate quâ apud Carigios pridem valebat, mirâ calliditate cœpit liberatorem suum, unâque Sosam insimulare, & in summum odium adducere, quasi in eorum perniciem cum vicinis hostibus conjurassent, & exploratum cum armato comitatu illuc præcurrentes, paulò post à reditu intergrum secum hostium exercitum in Carigios adducturi essent. Fidem mendacio fecit, tum quod Brasili duo, qui paulò antè à Correa servati eum comitabantur, arcus uterq; gentis more gestabant: tum quia Correa ad Natalis Dominici festum, qui ei reverſionis terminus à Provinciali constitutus erat, reditu adornabat. Jàmque aliquantum itineris à Carigijs digressi perſecerant, cum repente ab illis, duce eo ipso veteratore, qui sine Correa in epulas barbaris nuper cessurus erat, ex insidijs circumveniuntur. Ac primum comites duos Brasiles, deinde Sosam in genua procumbentem sagittis interimunt, postremò ipsum Corream, hortantem eos ad Salutis curam, & eorum quæ docuerat observantiam, ac tandem in genua provolutum, ut eorum sceleri veniam precaretur, configunt A. 1594. mense Novembri. Hæc illi gratia pro benefactis reddita est, à deceptis alienâ nequitia Carigijs, hæc merces repens: qui interim gloriosâ morte pro asserta castimonia, & impedito pellicatu defunctus, inter inelitos Societatis viros, qui profundendâ vitâ honorem DEI tueri non dubitant, meruit connumerari. Pretiosas eorum nex ubi Brasilis nuntiata est, novelli Christiani catechumenique ex Corree desiderio, tanquam ad amantissimi Parentis obitum, in uberes lachrymas & gemitus erumpere, non privatâ solum, sed communi lamentatione, ipsum veri eloquij principem, unicum suum veritatis interpretem, qui sincero eos Parentis & Fratris amore complexus esset, deplorantes.

DUO FRATRES COADJUTORES.



Um Societas JESU, in ipsis sui primordijs A. 1549. à confirmatione sua decimo, in Brasiliam, etiam operarios transmittere cœpisset, coacta est in Sacerdotum paucitate etiam Marthæ officijs additos, in

subsidiariam animarum culturam adhibere. Quorum opera in ea gente ex eo etiam accidebat utilior, quòd indigenæ nullis literaturæ, aut subtiliorum dogmatum principijs imbuti, in rebus fere ipso naturæ lumine dictatis exerrarent. Nam neque Deum colebant ullum,



Duo Fratres Coadiutores Societatis IESU, à Barbaris, odio Fidei, interfecti in Brasilia. A. 1555.

C. Sireta del.

Melch. Küßel f.

ullum, augurijs tantum, veneficijs, impossibilisque ad insaniam dediti. Nudi æquè viri ac feminae prorsus incedunt, & infertos gerunt à prima ætate, deliciarum causâ, inferiore labro, nonnunquam autem totâ facie, prælongos nullius ferè pretij lapillos, tetro fanè spectaculo. Vivunt in diem, & quidquid habent in commune facillè conferunt; triduum ipsum, ubi ciborum penuria ingruerit, jejuniò transigentes; & si copia rursùm suppetat, à primis tenebris ad insequentem usque lucem in convivijs & comotatione persistentes. Bella inter singulas cognationes, nullo Rege vel Principe saviunt: in quibus captos multâ curâ saginant, dum in amicorum conventu ingenti cum gaudio bene farti pinguesque maculentur. Eæ optatissimæ Brasilijs epule

sunt, nec alia ferè operosior Patribus cura, quàm ab ea belluinam gentem ingluvie abstinerè. Ad hos igitur delati Socij, primò omnium patentibus locis præcellâ Crucis trophæa fixère, tum suis orsi manibus ac laboribus, in MARIÆ adjutricis nomine templum, ac deinceps plura alia struxère, suis ipsorum humeris aquâ, lignis, ceteraque materiâ proximis è montibus comportatâ. Plurima deinde sollicitudo & præcipuus conatus, ut populus ferarum more sylvas nullo tecto, nullâ agrorum aut alterius rei ad vitam humanam curâ palabundus, certis sedibus, & fixis communiter pagis vellet consistere: quod ubi post ingentes demum Sociorum labores aliquantum processit, redibant tamen ferè ad ingenium adultiores barbari, & quavis difficultate,

cultate in hominum convictu occurrente, brutalem repetebant vivendi ritum, ebriatati ad insaniam dediti; indè licèt sobrij ab humana carne non difficulter abstinerent, ratione tamen vino quodam sacitio obrutà, ad necem continuò hostilium corporum, & feralem coquinam, simulque ad vagas, nullà certà uxore, libidines redibant.

Itaque Patres suam in adulatorum cura propè omnem operam ludi videntes, in exatam puerorum institutionem tantò sollicitius impendi cæperunt, extructis eorum educationi plurimis contubernijs, ut omnibus penè locis, ubi sua Lusitani propugnacula & arces habebant, certa simul pueris domicilia locarentur. Eorum erat vitæ ratio, ut manè finitis Scholis ante mensam Sanctos omnes Litanij decantatis, & vespèri alteris misericordiae Matrem, adjectis quibusdam precibus, implorarent. Sextis feriis cruentabant se flagellis; his in die docebantur elementa Christianæ Legis; tantòque paulò post Christi flagrabant amore, ut ethnicorum parentum sensu propemodum nullo tangerentur, eosque sibi delinquerent, accusarent, interdumque nè affarentur quidem. Sustentabantur autem publico Lusitanorum sumptu, adjectis servis, qui quotidianum illis victum colendis agris, piscandòque conquirerent. Circumducebantur per sepe instructo agmine inter barbarorum mapalia, Litaniarum divinæque Legis carmina concinentes, cum quibusdam gentis de more crepitaculis. Animadversum quippe est, nihil tam in Brasiliensium animos influere, quam varios canendi sonos, dum adeò cantu permovebantur, ut in eo felicitatis summam reponerent. Unde PP. ut Christianæ Legis præstantiam ad eorum captum extollerent, dicebant illam verissimum cantum esse musicum: eaq; de causa pleraq; Fidei mysteria, quò dulcius asperis mandarentur ingenijs, pijs cantibus intexebant. Eratque in ea sententia Nobrega Provincialis, potuisse perfacile Evangelij lumen vel in ultimam inferri Brasiliam, si prima ejus prædicatio jucundis modulationibus condita fuisset. Nec raro DEUS simplicem innocentium puerorum fidem admirandis operibus comprobabat, per quos etià ferè precipua in conversione barbarorum Patres perficiebant. Diverterant hi fortè ad quandam ex nobilioribus, qui cùm suam ad eos filiam graviter ægram adduxisset, unus è pueris præter cæteros Fide accensus, filiae salutem nihil hæsitans pollicetur. Fuis mox à toto grege pro ea precibus, melius sit puel-

læ, totaque sibi paulò post restituitur. Cujus eventus admiratione permotus parens infidelis, filium eis quem habebat elegantissimum, sacris imbuendum mysterijs ultro dedit; quem illi in suam acceptum disciplinam, brevi ad fontè baptismi promoverunt, in singula namq; hæc Seminaria deducebantur ab Lusitania orbatì parentibus tres quatuorve, veluti contubernio præfecti, pueri, in quos indigenæ filij intenti, similes mores inducebant. Tantum autem his pueris tribuebant barbari Ethnici, ut quacunque nôssent eos iter habere, vias sternerent, & iter ornarent, eosque velut singularem quidam Sandimoniam præditos, omni significatione honoris exciperent: nec in eorum conspectu audent vel exiguum aliquid ex humanis carnibus delibare. Occupaverat terra lues aliquando totum Piratiningæ pagum, quâ ichti complures quotidie cadebant; dùmque humana nulla adessent, omni medicinâ & pharmacis destitutâ Patriâ, remedia, supplicium puerorum agmen instruant Patres, non è Brasiliis modò in terga sævientium, sed ex alijs etiam, faces manibus, aut Sacras Christi Divorùmque imagines sustinentium: quâ supplicatione novies cum Litaniarum cantu, ad implorandos Angelos loci tutelares, perductâ, lues omnis abacta est.

Jam verò quantum in hac efferatissimæ gentis cultura laborum, quid incommodorum, quid ærumnarum pertulerint Socij, specimen aliquod juvat ex Josephi Anchiætæ, illius inter Brasilos thauaturgi Apostoli, quâ Augusto mense A. 1554. ad S. Ignatium dedit, epistola recognoscere. *Ab Januario, inquit, usq; in præsens, nonnunquam plus viginti (simul enim pueri Catechistæ debebant) in paupercula domo, luto & lignis contextâ, paleis cooperta, 14. passus longa, 10. lata mansimus. Ibi Schola, ibi valetudinarium, ibi dormitorium, cænaculum item & coquina, & penus simul sunt. Nec tamen ampliarum habitationum, quibus alibi fratres nostri utuntur, nos movet desiderium: Siquidem Dominus noster JESUS in arctiore loco positus est, cùm in paupere præsepi inter bruta animalia voluit nasci, multo verò arctissimè, cùm in cruce pro nobis dignatus est mori. Porro domus angustijs vita erat cætera consentiens, frustra nauticorum velorum, quæ nautarum donabat benignitas, atro colore tincta ipsimet sibi concinnabant in tunicas. Potio erat aqua ex gailio cocta; esca, legumen ferme, vel aliquid mandiocæ (panis species est, ex ligno in farinam contrito pisti) vel olera. Ipse P. Anchieta, Grammaticam fratres nostros docens, cùm*

cum simul ipse Brasiliæ condiscendæ impenderetur, etiam genus quoddam calceorum intexere in usus nostros & puerorum perdidit. Idem Nobregæ Provincialis iussu, cum Brasilorum multi perirent, secare venam aggressus, vitam multis servavit. Ad hæc Socij omnes in egentissimo solo agri culturam exercere, & suis manibus ad vitam necessaria parare, unaque omnia mechanicarum artium exercitia indigenis tradere cogebantur. Cui rei maximo adjumento erant Fratres Coadjutores, quorum Noguera ferrarij operis artifex, rustica ab se condita ferramenta, Brasilis artium eousque omnium, & agriolationis expertibus largiebatur, terramque subigere perdocebat. At Satanas dum omni ratione Socij corporibus simul & animis Brasilorum prodesse student, veneficorum Ariolorumque linguas, quorum ibi omnia plena, exacuit in nomen famamque Christi prædicatorum. Jactabant eos quocumq; vestigium

ponerent, eò morbos & luem importare. Quibus obtreccionibus credulum vulgus infraudem & errorem inductum, quam longissimè à salutaribus refugiebat Magistris, congressum horrebat, vitabat aspectum: cumq; auditum esset eos, aliquà iter esse facturos, omnis commota vicinitas incenso pipere & sale, ut solent in abigendis prastigijs, eos conabantur arcere. Quin etiam crudelem omnibus necem sapius minati, illos se per crudelem epulationem absumpturos jactabant; Anchetam præcipuè, nisi eundem ingentibus prodigijs ad gentis salutem servasset Deus. In eo tamen insectationis æstu duo Fratres, quorum nomina interciderè, dum paricum alijs studio in perdomandis efferis ingenijs elaborant, à barbaris intercepti, & eadem quàm priores duo crudelitate trucidati sunt, mox anno insequentete 1555.

P. PETRUS MARTINEZ.



Rimum hunc Floridæ Apostolicum operarium tulit Hispania A. 1533. Celdis natus, virtutis floridæ tam zelosum amatorem, ut etiamnum puer perpetuam DEO Virginitatem voto sanxerit. Disciplinas humaniores & domesticas dum decurreret, nullà adhuc Societatis acceptà notitià vel usu, ab ejus hominum consuetudine etiam abhorrebat. Sed animos cum ijs non tantum confidentius agendi, sed etiam Societati se aggregandi assumpsit, dum quatuor sodales Societatem ambientes Valentiz ad Collegiū comitatus, mores Sociorum, & fraternam inter se charitatem propius advertit. Mox enim & ipse admitti in Tyrocinium postulans, cum è quatuor illis competitoribus nemo reciperetur, ipse unus ab Hieronymo Natali admissus est A. 1553. Exacto Tyrocinio Theologiæ studio applicatus, concionatoris unà & Ministri domus, & per ruralem viciniam Catechizandi munus implebat: dicere solitus, se etiam ad ducenta munia obeunda, si Moderatores imponant, paratum esse. Et quia non ingenio solum, sed & industrià erat perquam accuratà, quodcumque munus aut laborem attingeret, ejus totum artificium assequi conabatur. Itaque cum ex obedientia nunc culinæ, nunc alijs atque alijs humilibus ministerijs exercitus esset, non usui modò præsentis id exequi studebat, sed rationes

singulorum & artem penetrabat ità feliciter, ut Magistrorum peritiam adæquaret, essetq; unus ipse omnium ferè sciens operum, quocumq; ad vitæ necessitates Religiosorum manu tractantur. Quæ res magno illi usui, & exercendæ charitatis in proximum occasio fuit, in infelici illa Hispanorum in Africam expeditione A. 1558. Cum enim Martinus Corduba Alcaudali Marchio classem Regiam in Africam deportaret, datus est illi P. Martinez, & P. Petrus Domenecus cum uno Coadjutore, qui exercitui suà operà prodesse: cum quo feliciter Oranum, maritimam Hispanorum in ora Africæ Urbem delati, dum promovetur ad Mostaganum exercitus, ad militum in nosocomio, qui plus 500. decumbebant, animos & corpora sublevanda resistere jussi sunt. Cupiebant quidem magis illi, ac fuisset sanè militibus peropportunum, omnium casuum participes, exercitui Christiano in præsentis confictis discrimine præsto esse, ubi is barbarorum multitudine sinè modo prægravante, ad interneccionem deletus, & qui superfuert, à Mauris capti sunt. Cujus cladis perlato in Hispaniam nuncio, jam eos Socij luxerant pro mortuis, & consuetis Sacrificiorum ac precum suffragijs lustrant: quos tamen Divina Providentia dies nodèsque in ægrorum salutem, ac Petrum præsertim multiplici illà domesticarum artium notitià illis proficuum, intentos,



P. Petrus Martinez Hispanus I. odio Fidei Christianae occisus à
Barbaris Americanis in Insula Florida A. 1566. 28. Septembris.
C. Soreta del. Melch. Kusell f.

tentos, ad gloriosius pro nomine suo certamen reservavit. In obedientia & mandatis Superiorum mirificè acquiescebat, tum vel maximè, cum aspera atque ardua imponebantur; dicere solitus, nihil ad eò operosum ac formidandum esse, quod Dei gratià & obedientià fretus non audacter assumeret; experimento edoctus, quò plus periculi atque difficultatis haberent gerendæ res, eò affluentius Divinam opem adesse. Hinc ad Ethnicorum vel Hereticorum destinari terras, maxigè eas optabat, quibus primùm inferenda esset Christi Religio. Cujus diuturni atque ardentissimi voti tandem hac ratione compos evasit.

Petrus Menendes Florida sub ditionem Hispanam redigendæ à Rege Catholico An.

1565. præfectus, eà conditione munus admittit, ut aliquot ei de Societate Evangelij promulgatores attribueret, quorum industriam in Oriente sibi olim militanti perspectam agebat. Assignati mox fuere à S. Borgia, tum Societatis Vicario Generali, tres, interq; eos Martinez: quia tamen prius solvendum cum exercitu fuit Menendi ex Hispania, quàm illi potuissent adesse, exercebat interim se ad tam arduam missionem Martinez peracri verberatione, severaq; inedia quotidie. Toto item trimestri Compluti humillimum culinæ, rogatu suo, navavit obsequium, egregius per omnia sui contemptor, dignusque ut his prolationibus ad illustre certamen, quod paulò post in ipso Florida ingressu subijt, initiaretur. Est autem Florida (ut semel id melius per-

per-

percipiendis plurium Sociorum illic certaminibus præmittam) Americæ Provincia perampla, finitima novæ Hispaniæ, in quam primus Joannes Pontius Leonius An. 1512. ipso Dominicæ Resurrectionis die incidit. Quam quia *Pascha florum* Hispani appellant, inde nomen inventæ Regioni Floridæ indiderunt. Ingenia genti ferocia, vires magnæ, sagittarum summa peritia, & natandi currendique gnaritas super alias nationes exercitata. Lunam Solémque inter præcipua colunt Numina, quibus aliquoties in anno continuuum triduum, omni proorsu cibo ac potione, item somno abstinentes, reddunt solennes cultus. Unde qui vigilias atque jejunia fortissimè ac diutissimè perferunt, ij maximo sunt in pretio; nullo verò loco, quorum natura infirmior minimè ad eadurat. Plurimum herbis sponte nascentibus, venatu, piscatûque vescuntur, & Maizio (panis est ex eo tritici genere, quod turcicum nos communiter, ingentium granorum, dicimus) quæ usitatissima omnibus Americæ populis esca est. Qui inter eos dignitate cæteris præstant, Cacique (ut ferè alibi in novo Orbe) nominantur. Nulla adhuc facta in vastitate illa Divini Verbi sementis fuerat; Hispani, pauca ad oram maritimam habebant præsidia, quæ acerrimè oppugnantibus indigenis, extremâ fame laborabant. In quibus tamen angustiis aiebat Menéndes æquissimo se animo esse, quòd sciret arma sua non nisi Divinæ gloriæ militare, confisos præsertim Societatis præciis, quarum frustra quidquid aggrederetur, ex voluntate speraret se confecturum, eòque avidius Sociorum adventum expectabat. Exacto igitur inter summas angustias anno in portum S. Augustini, ad auxilium ab Rege Hispano missæ naves primum 17. in Junio invehuntur: quos paulò post cum classe in novam Hispaniam tendente, Petrus Martinez & Joannes Roterius Sacerdos, & Franciscus Villaregium vitæ domesticæ administrantes secuti sunt. Et quidem quo animo irent, argumento sunt literæ, quas sub professione Martinez, veluti beatum sibi finem vaticinas, ad S. Borgiam dedit. *Per alias, inquit, literas egi jam gratias Paternitati tuæ de beneficio, quod in me per te Dei bonitas contulit; spero, de ejus clementia, id magnopere ad obsequium ipsius casurum & gloriam: cui proprium est insignia facta, piscatorum ac vilium hominum ministerio facere, quo laudetur magis ejus nomen, & cognoscatur potestas. Ego, quæ Dei indulgentia est, magno animo iter capesso, valde ejus gratiâ fretus, viasq; meâ & sanguine ad ejus*

obsequium sæpe in hanc expeditionem oblati. Deoque aspirante certus esto Pater, quidquid in nobis fuerit virium, eo collaturus, ut Provincia ille in Conditoris sui, ac Redemptoris notitiam veniant: nec pereant animæ tam pretioso sanguine redemptæ. eadèmq; curâ admissuros, ut Societas JESU, quæ tantum bonum mihi contulit, nihil de egregio illo nomine amittat, quod nostri Patres tot tantisque laboribus pepererunt; quin potius dilatetur & crescat, ut æquum est, ad majorem gloriam DEI. Illud quidem vellem, alius veniret Caput & Dux, cui ego subessem; quanquam hic quoque Divinæ Providentiæ me consolatur ordo. Quamobrè Sanctæ Obedientiæ Virtute plurimum coisus, id minus accingor, præsertim tam egregio, tantâq; bonitate comites nactus, Joannem Rogerium trium Votorum professum, multa charitatis humilitatisq; Sacerdotem, firmæ cognitæq; in omni genere virtutis; & Franciscum Villaregium, vitæ domesticæ adjutorem, secundum meum cor, & (ut arbitror) Dei. Adeo rari exempli est, ac planè ejusmodi, qualem tanta res postulat. Illi, ego quæ magnopere lati agimus; jamque vellemus in Provinciâ nostrâ esse, ut aliquid subiremus laborum ejus causâ, qui causâ nostrâ ad sudorem usq; cruentum, necemq; acerbissimam laboravit. Sanè quoniam tanti momenti est prima Christianæ Fidei semina in regionem adeo patentem inferre, libenter coram excolatis Sanctissimis pedibus, benedictionem Beatissimi Patris Nij s. excepissemus. At id quia fieri non poterat, suis nos consolata sunt literæ, quibus cognovimus perbenignè illum nobis absentibus & bene precatum, & singularia beneficia impertisse: ac tua Paternitas poterit nostro nomine ei confirmare, præter votum proprium, quo ego tanquam Professus illi adstringor, ad novum illi querendum egregem proficisci fidelissimos Sanctæ Romanæ Ecclesiæ filios; pro quacum Divina gratia sanguinem fundenti, & vitam in ea longius proferenda ponenti, idq; pro summo Dei beneficio numerant. Tua simul Paternitas nobis jam jam consensurus bene precatur, ut ubique meminerimus tuos ac Societatis, cui immensum debemus, non esse filios. Illud quibi cor vehementer excruciat (ut verum fatear, Pater) quòd parum tredecim aut quatuordecim annis profecerim, quibus me Societas tantâ curâ, tamq; eximio lacte jam educat, doctrinâ atque exemplis tam insignium piorumque heroum, regulis & constitutionibus tam absolutis ac sapientibus, tanto mortificationis usu & orat onis, tot collationibus & exhortationibus pijs, denique adeo prudentium studioforumq; gubernatione Præsidum, ut spatium tot annorum jam vel laxum emoluri debuerit, idèq; cor meum angitur. quòd eò transeo, ubi prædicti hîc sancti propè nuda-

bor.

bor. Quare oporteret nunc adhibere diligentiam ad comparandam annonam in eum locum, ubi erit utique usui, & campus amplissimus patiendi. Osi in hac ex Hispania professione cunctos à Societate Patres fratresque alloqui daretur, ut eo sensu, quo ego commoveor, excitarem currentes, admoneremque, ut presenti tantum tempore: ex uberrimis pretiosarum rerum fodinis atq; thesauris, in quibus versantur, sedulo capiant fructus, seponant, recordantque in tempora huic meo similia! Verum quia id negatum est, eo valeat sensus hic animi mei, ut supplicem Paternitati tue, totique Societati, ut me meosq; socios DEO commendent, quo iniuncto nobis munere cum DEI Domini nostri gloria, & proximorum adjuvamento fungamur.

Ubi prope Floridam ventum est, separati à Classe rectà in novam Hispaniam tendente, flexerunt in Septemtrionem cursum. Verum Navarcho terrarum locorumque faciem non agnoscente, cum tamen vix 10. à continente leucas distarent, visum fuit mittere in scapha viros, qui regionem explorarent. Sed quia latè indomiti immanesq; colebant barbari, nemo subire discrimen audebat: iussiq; à Navarcho ire quidam Belgæ, asseveranter negarunt ituros, nisi una iret P. Martinez. Quod ubi relatum Patri est, nullum pro communi causa periculum formidans, atque eà charitate, quâ jubemur animas pro fratribus nostris ponere, plenus, transiit primus in scapham, novem Belgis, paucioribus Hispanis sequentibus. Vix terras attingerant, cum repente coorta tempestas, navim, unde descenderant, procul à conspectu abstulit. Interim P. Martinez cum socijs egressi in littus, nullum Hispanorum vestigium, omnia latè deserta inveniunt. Cumque hinc horridum ac minacem Oceanum, hinc ignotas ac vastas spectarent solitudines, eodem loco dies 10. si fortè aliunde se navis ostenderet, præsolantur prope jejuni. Prodigabant interdum, paucasq; legebat herbas, præeunte cum Christi Crucifixi effigie Martinio, cujus de caritate mira deinde retulerunt. Sed desperato tandem navis reditu (quæ post multos errores, ad Insulam Cubam evasit) cum interiora petere barbarorum metu, locorum ignari non auderent, supérq; omnia fame enecarentur, propulsâ ad vicinum fluvium scaphâ, adversus eum 15. ferè passuum millia subierunt. Ubi cum item nil nisi solæ desertæque terræ offerrentur, repetito mari littora legere statuerunt, si quem uspiam portum invenirent. Ad leucas 20. progressis alius occurrit amnis, quem subeuntibus, navicula vado cum inhæ-

fisset, primus Martinez delapsus in aquas, cunctis connixus viribus, duobus Hispanis adjuvantibus eam revulsit. Nocte ibi exactâ, paucis ad scapham relictis, ceteri præferente Martinez Christi effigiem lanceæ cuspidi alligatam, regionem exploraturi egrediuntur, Cœlitum patrocinia litaniarum cantu poscentes. Occurrere inter pinus tuguria quædam, unus duntaxat homo conspectus est, qui statim se in proximas sylvas abdedit. Ingressi tuguria, si fortè quid inesset enectis propè fame reficiendis, grandem in uno piscem inveniunt: cujus dimidium auferentes, relictisq; in pretium, monitu P. Martinez, sago & torque ex vitris, ad scapham regrediuntur. Postero die ad flumen quinq; apparent indigenæ, nutibus invitantes ad ripam: à quibus vicissim nutibus cibum Pater deposcebat, manu ori admotâ. Recurrere itaque velociter ad sua mapalia, & quos tam liberales in solvendo pridie pisce experti erant, reficere tantum viros bonos laborabant. Igitur egregiâ aquâ, cocto pisce, aliisque cibarijs onusti redeunt, varijs signis indicabant, nequaquam hostilem esse gentem; quibus in reciproco munus Pater, cum aliud nil suppetere, ex detractis libro aliquot membranæ folijs cœcinnatas forfice figuras donavit, quas illi puerorum more majoris se facere ostendebant, quàm thoracem & femoralia, quæ duo ex Hispanis sibi detracta impertierant. Ex eo deinde loco stringentibus littora, ad singula flumina accolentes populi benignos se exhibuerunt, quorû unus centenario multum grandævior, capillo ad usque genu promisso, nutibus indicavit, ubi tres populos, totidem fluvij aditos præterveherentur, Hispanam Coloniam reperturos. Ergo instaurato cursu, & duos populos prætergressi, ad Insulam Tacatucurum in adolescentes quatuor piscantes incidunt, qui sine cunctatione vim piscum quidem magnam obtulere, sed unus celeriter delapsus, plus 40. indigenas excitavit, quorum 12. scapham intrant, reliquis in littore subsistentibus. Hic Pater quia in cruci eorum ore ac vultibus hostilem animû legebat, removeri tamen in altum flumen scapham passus non est, donec Belgæ qui exscenderant reciperentur: quæ charitas mortem illi, ut salvaretur proximus, accivit. Dum enim illi redeunt scapham subeunt, quidam barbarorum à tergo Patrem, quem ex habitu Legis tam sibi exolæ promulgatorem advenire dignoscebant, duosque Belgas repente furtim complexi, dant secum in flumen, viribusq; prævalidi in littus asportant.

Ibi Pater, omnibus è scapha spectantibus carnificinam, cum in genua, ut potuit, procidens extulisset in cælum manus, capite clavâ confraçto, expiravit: idemque Belgis factum eodem An. 1566. 28. Septembris. Reliqui in scapha vix hostium sagittis elapssi, alterâ die in navigium Hispaniense incidunt, referuntque Menendi tristem P. Martinez, non amplius quinque indè leucis necem illatam. Cujus commendandæ charitatis, ac omnigenæ virtutis cum finem nullum facerent, ut

cum ipsis ad legendas herbas prodire solitus, ut eadem noctu coquebat in littore, ut consolabatur ac sustentabat unus omnes, & quidem non hispanicè tantum, sed & belgicè Belgas, cum tamen eum sermonem nunquam aliàs calluerit: tum verò demum Menendes ingemiscere, indignum se nimirum tali auxilio lamentari, suisque factum peccatis, ut eo viro careret, adscribere, in quo plus fiducia, quam in magni exercitus robore collocasset.

P. LUDOVICUS DE QUIROS,
GABRIEL DE SOLIS, &
JOANNES MENDEZ.

Sterilis in omnia vitæ humanæ necessaria Floridæ Regio, in arumnas tamen & mortes servorum Dei perquam fertilis, novos iterum proprii sanguinis rigatione Martyrum flores protulit. Reversus in Hispaniam Petrus Menendes è Florida A. 1568, spēsque rei Christianæ amplificandæ in imensum efferens, facillè Borgiam impulit, ut sex è Societate in eam expeditionem designaret, Joanne Bapt. Segurâ, ijs præesse jussu. E Sancti Lucae portu, commeatu & Sacrà supellectile à Rege instructi, solverunt ab Hispania tertio idus Martias, octo secum adolescentes, quibus pro Catechistis uterentur, plerosque Societatis ineundæ cupidos, itemque Floridanos quinque Hispani baptismi initiatos, ducentes, & in Floridam tertio decimo Cal. Quindagesimales appulerunt. Excepti sunt incredibili gaudio in Præsidio S. Augustini, nam reliqua omnia extremâ rerum ad vitam necessarium penuriâ ab indigenis partim eversa, partim famis intolerantiâ, quâ præsidiarii invicem in S. Lucae propugnaculo vorâsse feruntur, deserta fuerunt. Promulgato ibi Jubileo, Christianisque mysterijs Præsidiij animabus, & corporibus abundante, commeatu recreatis, Habanam Segura cum Socijs concessit, solo Dominico Vaëzio ad solatium militum, & linguam gentis ediscendam relicto. In eo Habanam trajectu coortâ tempestate, Nauclerus diris execrationibus in Numen versus, idcirco querebatur eam concitatam, quod Orthodoxi & Religiosi nave veherentur, non itâ cum Lutheranis aut Turcis sibi evenire. Ad has execrationes commoti Patres, Divinæ bonitatis indulgentiam precibus fatigare cœperunt, ut daret

gloriam nomini suo, dictâque nefanda prospero eventu reselleret. Et audita sunt preces: cum enim duo irent navigia, id in quo impius Nauclerus Patres vehebat, ab ipso eo loco prosperum iter tenuit, alterum perdiu jactatum, proximè ab exitio abfuit. Nè tamen convicatori sua impudentia cederet feliciter, Habanâ Floridam repetentem, eodem propè loco, quo in blasphemâ eruperat verba, fluctus vindices unâ cum vecturibus cunctis & mercibus hauserunt. Habanæ P. Segura Collegium Societati instituit, & Gymnasium, in quo primorum Floridanorum Filij (abest enim haud amplius 20. leucis à Florida) literis & Christianis moribus instituerentur: quibus imbuendis Rogerius relictus est, ceteri in Floridam revecti, atque in diversas missiones distributi sunt. In Neophytis ex Hispania reportatis erat Teguestani Cacique frater Jacobus nomine, quæ ejus populares suspicati ab Hispanis occisum, ubi viderunt incolumem à Segura & Menende reduci, redintegratâ amicitia Crucem eodem loco, ubi nuper steterat, eximie proceritatis restituerunt. Advenère interim novæ Socijs Floridanis ab Hispania A. 1570. suppetiæ, P. Ludovicus Quiros cum duobus Socijs, totisque viribus & ipsi in salutem indigenarum effusi, propè nullum retulerunt fructum, ut deplorata jam propè Floridanorum salus videretur. Ad res divinas silice duriores: quamdiù annona tribuebatur (sunt enim & soli sterilitate, & innatâ segnitie mortalium egentissimi) & de bonitate ac beneficentia DEI sermones instituebantur, aures præbebant non illibenter; ad supplicia damnatorum, ad animæ immortalitatem planè erant surdi. Quin etiam Satanam detestari jussi, negabant



P. Ludovicus Quiros, Gabriel de Solis et Ioannes Mendez S. I. Hispani
in Florida pro Christi fide barbaramente enecti. A. 1571. 4. Februarij.
C. Sireta del. Melch. Küßel f.

Id facturos, Deum illum juvenum esse affirmantes, cui multum obstricti essent. Pueri ipsi ad Catechesim audiendam vocati, cum audita referre jubebantur, panem è contrà cibumque, esurire se dicentes, poscebant.

Segura igitur operam Sociorum omnem ità eludi videns, ad novam expeditionem in mediterranea regionis, ubi spes majoris fructus affulgeret, animum adjecit. Erat Habanæ è Provincia Axaca, de qua vulgo bona prædicabantur, Caciquius, Reguli ejus Regionis Frater, qui in Hispania baptismo tinctus Ludovici nomen acceperat, & tunc annum circiter quinquagesimum agebat. Is cum P. Segura magna viri boni argumenta præbuisset, credebatur Pater fore, ut gentis suæ morumque, quos Fidei Christianæ capacissi-

mos jactabat, & linguæ gnarus, unàque polens opibus, commodè Socios deduceret, viamque muniret. Itaque re DEO plurimis Sacrificijs & precibus commendatà, jussisq; ex Hispanica Florida, in qua frustra laborabant, Socijs, cum collectis quotquot possent Caciquarum pueris Habanam redire, ipse cum Ludovico Quiros, & septem præterea Socijs, tertio Idus Septembris in Axacam, prospero cursu pervenit. Navibus cum milite præsidario, qui se ultro in comites offerebant, remissis, pedibus porrò ingressi, supellectilem Sacram, libellósque humeris gestantes, sylvas, loca deserta, paludésque emetiuntur. Jàmque commeatu defecerat, ideò herbis & radicibus per agros obvijs victitabant, cubabant sub dio; donec eandem Ludovici Patriam

Patriam procul à mari sitam attigerunt, à sylvestribus hominibus, planèque nudis incedentibus habitatam. Illic inter quædam gentis egentissimæ, & septennium jam fame & morte miserè conflictantis tuguria, domunculam Segura sibi suisque constituit. Sed Ludovicus paucis apud PP. exactis diebus (quod feris hominum industriâ mansuefactis usuvenit, si fortè patria lustra nancisci contingat) popularium invitante licentiâ, sensim redire ad ingenium & Ethnicorum mores cœpit, malleque Judæ proditoris imitari perfidiâ, quàm DEO & hominibus tam bene de se meritis fidem servare. Igitur à contubernio Sociorum in totum se auferens, ad populum indè sesquidiei itinere distitum migravit. Semel atque iterum missò uno è Fratribus invitavit ad reditum Segura, quo scilicet ad interpretis usum, Socijs adhuc omnibus linguæ gentis ignaris, unicè egebat. Sed cum nullis precibus, nullis flecti se pateretur argumentis, jam haud dubiam pusillus ille grex, tanquam in luporum faucibus constitutus, in dies expectabat necem, cui nulla

ad effugium, hinc Oceano, indè vastâ barbarie conclusio pateret via. Quo rerum statu singuli corpora sua & animas in holocaustum DEO continuum offerentes, totum in precibus & in meditatione beatæ vitæ ponebant tempus, quatuor mensibus in his angustijs & quotidianâ mortis expectatione transactis. Jamque non solitudo, & imminens in momenta singula mors ità perturbabat, ut ciborum macerabat penuria & fames, cui proinde quærendis remedijs, & pertentando extremum proditoris animo, P. Ludovicum Quiros, cum duobus non Sacerdotibus, Gabriele de Solis, & Joanne Mendez ablegavit Segura. Ille Socios legatos inani reditu sui spe alacriores à se remittens, dum hi securi suis onusti sarcinulis viam relegunt, cum barbarorū manu inopinatè aggreditur, suâque ipse manu Patri Quiros sagittâ cor transverberat, cujus duos Socios cæteri pari crudelitate peremerunt, die 4. Februarij A. 1571.

OS (O) SC

P. JOANNES BAPTISTA SEGURA, cum 4. Socijs.

Sublato ità truculentâ cæde tres Socios, ignarus adhuc facti, magno cum suis desiderio sp̄e inter ac metum expectabat reduces Segura, si quid forte elscarum rogandæ vitæ afferrent. Sed ubi longiorem quàm itineris ferebat ratio moram ducere sensit, jam vix ampliùs dubium scelus Apostatæ hominis reputans, eò intentiùs cum reliquis ad geminandas pro illis, seu vivent, seu jam fato functi essent preces, & poscendam adhuc superstitibus à DEO pacem se convertit. Ecce autem quinto post trium cædem die, adest flodidâ dissimulatione proditor Ludovicus, duobus suis fratribus, & magno popularium numero stipatus, lignatum se proficisci prætendens: rogans proinde Patres, ut secures & ferra menta cædendis arboribus, quæ secum in eam regionem talium expertem attulerant, accommodata velint: eâ forsitan reapse causâ, nè illis Socij, quibus alia ad defensionem arma non erant, contra vim inferendam sese tuerentur. Verùm utrâque opinione magnopere aberrabat, frustra eo artificio ad Patres exarmandus usus, qui promptiores erant ad ferendam, quàm latrones ad irrogandam necem. Nec poterat tegi

simulatis verbis mens sanguinaria, quam res loquebatur, cum detractis occiso Patri Quiros vestibus, Religiosum in morem proditor indutus incederet, ut nihil ambigeres, devorata ovis pelle indutum lupum, alijs similiter vorandis adventare. Igitur quod rogarent cum sine mora à promptissimis accepissent, contra inermes & mitissimos homines, & de setam bene meritos, furore converso, ipsi ipsis omnes concidere securibus, præter unum adolescentem Alphonsum, qui è Societate necdum erat. Hunc alter Apostatæ fratrum servavit, & cum illi etiam Ludovicus proditor, nè ullum patra sceleris erumpere posset indicium, perimendo insidias strueret, finitimo Cacicque tradidit, ex quo deinde totius tragœdiæ series innouit.

A cæde patrata barbari, ad direptionem pauperis turgurij, quod ipsimet sibi Patres proprio labore concinnaverant, versi, profanam quidem, quæ paucula supererat, supellectilem diripiunt, Sacram autem ostentui insuper & deridiculo habent. Sacrificalem patinam unus Cacicquarum de collo sibi quasi pretiosum monile suspendit, alius casulam ad mimicas gesticulationes induit, calix autem in communem omnium compotationem,



P. Loñes Bapt. de Segura Gabriel Gomez Petrus de Linarez Sanctius Sauellig,
Christoph. Rotundus, Hisp. S.I. in Florida pro Christi fide trucidati A. 1571. 8. Febr.
C. Secreti del. Melch. Küßell f.

nem, tanquam primum poculum transijt. Ad clausam demum arcam cum avidè complures, tanquam thesaurum reperturi, accessissent, præter pia quædam & religiosa munuscula, sacros libros, Christi etiam Crucifixi simulachrum, nihil deprehenderunt. Quod dum contemptui quidam habent, & irreligiosè tractant, tres eorum in vestigio exanimis corruisse retulit præsens spectaculo Alphonsus, quo cæteri cōterriti in diversa dilapsi sunt. Ipse adèd Ludovicus Apostata vindictis DEI ostento percussus, nè in se quoque ultricem DEI manum experiretur, occisorum corpora, suâ cuique in manum Cruce insertâ, religiosiùs quàm vivos coluerat, tumulari fecit. Erat Joannes Baptista Segura, uti & reliqui septem Socij, natione Hispanus,

Toleto oriundus, qui A. 1556. Compluti in Societatem adscitus è Theologiæ studio, ità deinceps in omni genere virtutum conspicuus evasit, ut gratus cum primis S. Borgiæ, justo Sandimonix ponderatori, & charus fuerit: quem eo prorsus tempore, quo classis in Floridam solvebat, Vallisoletani Collegij Reçtoratu defunctum, velut primum arduæ illius expeditionis futurum columen, ed ablegavit. Socij qui cum eodem die 8. Februarij passi sunt, fuere Gabriel Gomez, Petrus de Linarez, Sanctius Savallius, & Christophorus Rotundus. Anno sequente 1572. Menendes expeditione in Axacum, contra impios homicidas susceptâ, sceleris adjutores, erepto captivitate Alphonso, plebsque comprehendit, & supremo affectu suppli-

supplicio. Qui antequam morerentur, eorum sine dubio, quos necaverant, precibus placato Numine, petierunt & impetrarunt baptismum: inenarrabili DEI provisu per illam innocentibus mortem, immortalis occasionem indepti. Apostata tamen Ludovi-

cus evasit longè in mediterranea, quem ferunt immanis sui piaculi poenitentia & dolore percussum, per montes ac loca deserta, in assiduo ad expiandum nefas luctu, vagatum contabuisse.

P. GUNDISALVUS DE TAPIA.

Provinciæ Floridae ad occidentem continuatur vasta Regio, in longitudinem 800. leucas, latitudinem ubi minimum 180. patens, longè illa felicior, sive humanitate gentis, sive feracitate soli: quam quanti inventores fecerint, significasse videntur, cum eam novam Hispaniam dici voluerunt. Caput Regni Mexicum est, unde & Regno nomen, Urbs frequens & nobilis, in medio vastissimi dulcium & salubrium aquarum stagni sita: sedes ibi Pro-Regis & Archiepiscopi, in septem Regni Episcopos Jurisdictionem exercentis. Pridem ibi Societas desiderata & expetita, tandem A. 1572. per P. Sedennium intravit, cum jam per Oceanum secundissimo cursu nova Patrum colonia adventaret, quibus Collegium Regiæ liberalitate fundavit Alphonsus Villafecca, Regni totius facillè opulentissimus. Post complures alios eandem in Provinciam ab Hispania navigantes Socios, eodem transmisit P. Gundisalvus de Tapia A. 1585. clarè inter suos atque apprimè Nobili stirpe, Legionenatus. Humaniores literas singulari ingenij laude, ac præcipuè in Deiparam pietate emensus, cui jam tum donatus à Parente vicus haud ignobilis Qujritana de Raneros parebat, Societatem expetijt & complexus est A. 1576. ipso Dominicæ Ascensionis die. Confectis Philosophiæ, ac Theologiæ spatijs, jam Sacerdos in Mexicum transiens, ibi primà occupatione in Philosophia pro Magistro ægrotante tradenda laboravit, eà doctrinæ & ingenij commendatione, ut tacitis omnium votis & Superiorum suffragijs, explicandæ deinceps Theologiæ designaretur. Verùm speciosa ea munia deprecatus, ut ad barbarorum conversionem se transferre liceret, omnibus votis exoravit. Fortè per illud tempus in Pazquarense Collegio è quatuor Sacerdotibus, qui in vicinis gentium diversarum vicos identidem excurrerant, tres morbo correpti, munus obire non poterant; quorum ut vices unus ipse suppleret missus, ita omnium primò in gentium earum linguas, quamvis interea pro

concione ad Hispanos diceret, totus incubuit, ut dierum 15. spatio Tarascum idioma superaverit. atque apud eos per regionis montana vicatim circumeundo, hortando, concionandoque incredibilem sibi amorem & virtutis æstimationem conciliavit. Mox ad Cicimecas gentem efferam, neque unquam ab Hispanis perdomitam conversus, eorum quoque linguae pertinaci 17. dierum studio compos evasit: simulque DEO fretus, nullo alio humano tectus præsidio, barbaris ipsis confidentiam hominis mirantibus, terras eorum adire, familiariter alloqui, & de rebus sempiternis blandè interfari instituit: tantà brevè apud eos partà gratià, ut quoquo vellet eorum facillè inderet voluntates. Idem in Tarascorum gente paulò post mirà felicitate perfecit, & gravissima, quibus insueverant, promiscui pellicatus, ebrietatis, ac inhumanae crudelitatis vitia, penitus sacrà eloquentià sustulit. His veluti zeli Apostolici prolusionibus, ad majora incitatus, ad Aragos & Topianos, aliasque efferas, neque ulli eatenus tentatas nationes se conferre contuit. Est autem Topiana omnis Regio asperima, inter continua montium juga medià valle, leucarum 40. latitudine, sita, viarum anfractibus, asperrimis saxorum crepidinibus, & altorum interlapso fluminum adiri difficillima. Hieme altissimis nivibus, æstate quotidianis propè imbribus obruitur, unde grave indigenis ab immoderatis frigore & caloribus Cælum est. Et hi quidem dispersi per varia loca, nullo pago, certisve domicilijs morantur, pecudum more nullis Magistratibus, nullà Lege adstricti. Exortas inter se rixas, evocatis in armorum societatem consanguineis, cruentà semper caede dirimunt: & devictorum carnes in ollis excoctas, totà nocte in saltationibus posita, deliciosà gulà absument. Quarum ex diversis nationibus probato gustu, aiebant ipsi *Ethiopum carnes porcinas esse, ac proinde gratiores jucundioresque: at Indorum bubulas: Hispanorum autem vervecem sapere.* Divinos honores animantibus ferè deferunt; nam cunicu-



P. Gundisalvus de Tapia S. I. illustri stemmate in Hispania natus, pro Fide Christi necatus in Mexico. A. 1594. 10. Iulij

C. Sireta del.

Melchior Xúell f

los cervósque venerantur, nè satis noceant : at venatum profecti, aquilam colunt : & ad bella prodeuntes, novaçulam è filice adorant, nè filiceæ sagittarum eùspides obtundantur. Nudi semper incedunt, tenuissimis cinctorijs & floccis lola verenda contecti. Et tamen hæc tam barbara natio, primò omnium à P. Gundisalvo excoli cœpta, ac postmodum à pluribus Socijs Evangelio subacta, tam secundis eventibus semen Cœleste excepit, ut multi ex asperrimis montibus & sylvis ad æquiora loca descenderint, atque à fera ad humanam vitam traducti, Templâ domósque fabricârint, ampliùs 5000. salutari baptismo tinctis. Ad hæc sublata computationes, idola plus 500. ignibus exusta ; tantus autem ad nostros audiendos conciliatus affectus, ut in-

tegros dies cibi potúsque expertes consumerent in templis, donec de Fidei dogmatis factis erudirentur : quæ multi post unicum edocti diem, catechesim etiam integram memoriæ captu (tanta est etiam in asperrimis plagis ingenij memoriæque felicitas!) perdiscebant.

Ab his Gundisalvus comite P. Martino Perezio transivit ad Cinaloënses A. 1591. quo nomine plures diversæ linguæ & moribus nationes continentur, à Mexico millia passuum ferè nongenta distitæ : à quibus patet aditus ad montanos populos penè innumerabiles, itémque ad amplissimum novi Mexici tractum, aliásque gentes vel nuper cognitâs, vel adhuc incognitas. Ex agris bis in anno fruges & fructus (tanta est glæbæ ubertas) colligunt,

gunt; visu tamen utuntur tenuissimo, ineredibili in omnes liberalitate, adeoque nullus apud illos mendicus est, nullus fur. Docili omnes ingenio, & proprio quique arbitratu sine Duce, sine Rege, pacis tempore viventibus belli tamen tempore, quod non nisi lacessiti inferunt, summa rerum ad aliquem deferretur, cui omnes dicto audientes sunt. Et hæc quidem populorum campestria colentium indoles est: at qui ultra campestrum tractum degunt, duri imprimis & asperi, vagam ac solitariam vitam inter prærupta montium sylvasque, serarum prorsus more ducunt, ad omnem audaciam perfidiamque, etiam postquam Evangelij lumen acceperunt, mobilitate ingenij propensi, ut quacunque levi occasione tumultuentur, & Christo datam Fidem pro nihilo ducant. Ad hos itaque Christo subigendos cum socio Patre profectus Gundisalvus, magnopere à Culiacanensibus detinebatur, ostentatione discriminum quæ subibat, ut apud se remaneret. Sed ille eum obstinatè Regionem intrasset, omnium animos mansuetudine & comitate ita conciliavit, ut quocunque venisset, summo amore ac lætitiâ exciperetur, obviam effusus vicis universis. Demum totâ illâ regione percrebuit, venisse quosdam specie Hispanis (à quorum milite insolenti licentiâ antea habiti fuerant) similes, sed vitæ ratione dissimillimos, qui nihil alienum appeterent, nihil per vim auferrent, aut minaciter postulare: quorum mores & animi moderati, sermones nonnisi de DEI cultu, & animarum salute essent. Hinc ubi primum Christianæ disciplinæ capita tradere instituerunt, tanto concursu, tam secundis accepti sunt auribus, ut paucis diebus amplius duo millia, ac deinceps longè plura baptizarentur; Ecclesiæ plûs 20. sint excitatæ, Crucis salutiferæ signo in rectorum fastigijs, in vijs, in collibus, passim erecto, ut præ gaudio Patres lachrymas tenere non possent. His Mexicum perlatis, auctus duorum Patrum subsidio à Provinciali Gundisalvus, ad populos illos montanos effectiores excurrit: maximo tamen & ab illis gaudio, fructuque præsentissimo exceptus, ut adeo desiderio multitudinis ad Sacra Fidei & Baptismi percipienda accurrentis, sufficere unus non posset. Accedebant finitimarum nationum instantissimæ invitationes, quæ famâ Evangelij à Cinaloa recepti permotæ, eodem ad salutem excoli crebris nuntijs flagitabant: ut jam nihil dubitaret Gundisalvus, Principem tenebrarum universæ ejus regionis possessione, dæmmodo plures Apostolicæ

adeffent operæ, pulsus propediem iri. Nè itaque spei tantæ deesset, Mexicum ipse repetijt, plures à Provinciali Socios oraturus: qui dum aliunde evocandi ad novam se Provinciam compararent, ipse ad stationem præcurrit, incredibili lætitiæ significatione, effusis obviam ad usque 30. leucas populi Primoribus, receptus.

Annus jam agebatur 1594. cum unius hominis propudiosa libido omnia hæcenus bene cœpta Patris si non evertit, multum certè labefactavit, dum nefariâ conspiratione, Virum innocentissimum de medio sustulit. Deboropa vicus est Neophytorum, quò frequens Ocorone, ubi residebat, commeabat Pater Tapia, firmandis in Fide indigenis, & adjacentibus undiq; Ethnicis ad Baptismum invitandis: ibidemque domunculam Sacræ Ædi conjunctam sibi in diverforium extruxerat. Erat ibi libidinose admodum & proli-gatæ vitæ senex Nacabeba dictus, qui Baptismo quidem olim initiatus, nullâ tamen Religionis curâ, ad eandem usque ultimam ætatem per omnia flagitiorum genera volutari, magno oppidi offendiculo pergebat. Hunc cum reducere ad frugem blandis & serijs hortamentis, & æterni supplicij comminationibus nunquam Pater desineret, indignatus ipse in eum, quæ amare oportebat, statuit morte Patris eam molestiam redimere. Clâm itaque sollicitare populares suos, & in Religionis Christianæ, unaq; Patris odium adducere cepit: qui cum præter gentis genium ad nova & subita consilia præcipitis, suaforem constanter rejicerent, novem solos è suis ferè cognatis in societatem sceleris pertraxit, in omnem deinceps patranda quantocyus cædis occasionem intentus. Sabbato qui in 9. Julij eo anno incidebat, Pater Deboropam venit, ut postridie Divina Neophytis perageret: totòque die Dominico erudientis illis insumpto, sub noctem ad suam domunculam regressus, Rosarium B. Virginis decurrebat. Indendentibus se tenebris adest cum conjuratis Nacabeba, cæterisque ad fores cubiculi silentio relictis, cum duobus ingressus, quasi venerabundus ad osculum manûs inclinat sese, dum interim alius exertam, quam veste occultaverat clavam, valido ictu in caput Patris adegit. Hic sui vix compos, Jesumque inelamans, titubante gressu profluit è cubiculo templum petiturus: sed qui ad ostium restiterant, illi ad terram afflicto caput ac brachium sinistrum securi absci-dunt, secumque unâ cum sacro apparatu auferunt. Tentârunt & brachium dextrum, ejus

ejus digitos in Crucis formam, utpote ad osculandam, Fidemque pro qua moriebatur contestandam, composuerat, abscondere fecerit sæpius adactâ; sed vibicibus solis relictis, nequiverunt illam, Crucis signum decussatis digitis pertinaciter facientem (quæ etiam in mortua cadaveris dextera sic efformata deprehensa est) refecare. Duo pueri qui Patri aderant, cæde exteriti, eadem nocte in oppidum Hispanorum SS. Philippi & Jacobi percurrunt, crudelitatis nuncij: cujus incolæ Deboropam profecti, corpus sine capite & brachio sinistro truncum in suum oppidum deportant, ac sepulture ingenti luctu tradunt. Nec solum Hispanis tristissimæ ejus accidit occasus, sed indigenis quàm maximè: quorum necessitatibus & miserijs quâ monitis & præceptis, quâ eleemosynarum subsidij omni ope subveniendi, ita singulorum genio se accommodabat, ut planè unus ex ijs videretur. Ubi vicum quempiam subibat, apprehenso scipione domatim ægros quæstibat, assidebat, alloquio solabatur; natu minores, suos fratres; majores, patres salutabat; serviebat eò studiosius, quò gravitas morbi majorem naturæ cietet horrorem. Cùm autem DEO perpetuâ oratione & suspirijs conjunctissimum viderent Ethnici & Neophyti, Cælo lapsum hominem, & quidquid posceret à DEO, obtinere sentiebant, cujus etiam precibus fecunditatem sterili mulieri impetrantæ testabantur.

Non multò post gravi terræ motu afflictâ eâ Patriâ, Ethnici cum muneribus ad tumulum Patris accurrerunt, nihil dubitantes hanc eladem in pœnam indignæ ejus cædis immisissam: quam si precibus suis in Cælo averteret, spondebant se fore Christianos. Ex flagrantissimo illo, quo animarum salutem stitiebatur zelo factum est, ut senas omnino barbaras linguas, brevissimo, sed improbo labore perdiderit: dièrere solitus, se faciliè quamvis aliam 20. diebus adepturum, si animarum saluti quærendæ usui, vel necessaria foret. Nunquam etiam notatus est irasci, nunquam indignari, nunquam tædio affici, aut vultum contrahere; Christi D. contemplatione didicisse se asseverans, quàm invitâ malorum patientiâ oporteret ejus Fidem doctrinamque gentibus prædicare. Puritatem in tanta illa gentium lascivarum colluvie Angelicam semper & Virginealem conservavit: cui tuendæ magnas corporis adhibuit afflictationes, nullo lecto vel culcitra ad cubatum uti solitus; ad cibatum verò adhibens plerumque sola cocta è Maizio lagana,

Impij Patris carnifices cum præda in fines Ethnicorum se receperunt, honorificè ab ijs, tanquam præclaro facinore edito, excepti. Ibi Patris caput unâ proferunt cum brachio, ut barbacoam ex illis (genus id est epularum dirissimum) faciant. Humanas enim carnes terræ infodiunt, prunarum ingenti vi superinjectâ, donec assætæ excoquantur, quas extractas adhibent ad honorem mensarum, tanquam sapidissimum barbaris dapum genus. Huic culinæ veneranda membra semel, iterum ac tertio tradita, eruda semper ac recentia extracta sunt: nec hoc tamen miraculo ab impietate sua absteritis barbaris. Quin etiam sacris vestibus per summam lasciviam induti, saltus & bacchanalia exercebant, ex despoliato carnibus Patris cranio circumportabant, & brachio detractam pellem stramine fartam, extremis adhærentibus digitis, ad ludibrium & triumphum ostentationem gestabant.

Hispani interim Neophytiq; Ocoronenses, apud quos Pater debebat, non contenti pio planctu necem Parentis optimi lugere, acerrimam in authores conquestionem instituere; donec compluribus carptim interfectis, ipso tandem Nacabebâ, & Oroccone sororis filio vivis potiti sunt. Quæstione paucis diebus ex forensi forma peractâ, falsus est Nacabeba, causam sibi suisque patrandi homicidij eam fuisse, quòd pelliculas, ebrietates, atque alias pravas artes ex Evangelij doctrina Pater acrius, quàm ipsi vellent, insectaretur. Uterq; tamen ante supplicium peccata cum dolore detestatus, mortem non dubijs salutis sue significationibus constanter excepit. Id quod P. Gundisalvi meritis communiter tribuebatur: sicut & alterum, quòd inter eas gentes illa præcipuè vitia desinerent penitus, ob quæ potissimum eradicanda, mors illi conscita fuit: nam & temulentia ita prorsus in ebriosissimis aliàs extincta est, ut jam continentia toto illo Orbe præcellant: maleficæ artes penitus abdicatæ, plurimique veneficorum Ecclesiæ se adjunxerunt. Quinto à morte Gundisalvi anno, in oppido Pazquarensi Mecioacænæ Provinciæ, ubi primos Pater posuerat labores, mulier ab ipso olim conversa statuerat Sacerdotem confessionis gratiâ, ubi primum luxisset, adire, in eaque cogitatione quieti se dedit. Cùm ecce per visum ipsi obijcerit Regia domus, auro gemmisque exculpta, ad cujus aditus inter alios, quorum industriâ multi homines portis patentibus inducebantur, Pat, Gundisalus etia apparuit, ad quem mulier

veteri

lier veteri confidentiâ accedens, admitti etiam ipsa postulavit. At pater severo vultu: *nondum, inquit, tibi maturum tempus advenit, & præter complura quæ tibi à me imperata per socordiam & negligentiam vitia bibes, in Confessione reticisti crimina ecce nunc: quæ etiam illi*

commemoravit.' Mulier somno soluta, & ingenti timore dolorêque perculsa, ubi dilucuit, conquisitum Sacerdotem accedit, & totius vitæ exomologesi animum expiatum, Regiæ Cœlestis capacem facere intulit.



P. Antonius Lopez Hispanus Soc. IESU veneno sublatuſ ab Indis odio Fidei in Peruvia A. 1596.

C. S. 1. 1

M. K. f

P. ANTONIUS LOPEZ.



Egobiz in Hispania natus P. Antonius Lopez, postquam Societati nomen dedit, quærendarum studio animarum flagrans, impetratâ à moderatoribus facultate in Peruviam navigavit. Est autem Peruvia sive Veru Americæ Occidentalis vastum Regnum, proximè ad antarcticum ex-

currens polum, à Pizarriſ Marchionibus Hispaniæ sceptris adjunctum, auri argentiq; potens, ex cujus Potossiſ Provinciæ inexhaustis fodinis, Catholicus Monarcha hodièq; annuis proventibus ditatus, Orbem universum auro argentoq; perpluit. Sanè Regni illius vetustiores Monarchæ divitijs superbientes, Romanam magnitudinem non parum

Nnn

operum

operum molibus superârunt. Catenam auream fecit Huayna Capac Peruanorum Rex, longam septingentis pedibus, anulis connectam, quorum crassities brachij humani rotunditatem adæquabat: ducenti Viri movere illam loco non poterant. Delubrum Solis in Regis Aula undique auri tabulatione opertum micabat; nulla supellex ibi non aurea, usque ad ligones, & vilissima quæque, vascula. Cadavera Regum in sellis aureis, ante ingentem Solis vultum similiter aureum locabantur. Hortus etiam totius aureus & argenteus; ex quibus metallis effictæ fuerunt ingentis altitudinis arbores, flores, areolæ, frutices, feræ, reptilia. Regum quoque insanum Palatium aureis intus laminis ubique opertum, cum tamen aliqua ejus cænacula caperent tria millia hominum: omniæque Aulæ vasa, usque ad instrumenta coquinæ, aurea & argentea. Eadem majestas in Prætorij, & hospitij per totam Provinciam regijs. Ipsi ad eod. Regiæ muri exterius mille arbutis manufactis, & animalculis reptantibus avibusque variegati, ex auro erant argentodæ. Duæ viæ Regiæ à Cuzco usque Quitum manufactæ incredibili laboris operâ, adæquatis profundis vallibus, humiliatis editissimis rupibus, per 50. leucas protendebantur, 25. pedes latæ. Et ut taceam Templum immane, in 78. fabricas sive partes divisum, & totidem numero Dijs consecratum: Atriû in eodem Regno visebatur spatiosum & quadratum, ex unico & integro lapide in rupe excisum, undique cinctum muris, ad duo stadia elatis, tres dodrantes latis: in cuius latere cænaculum 45. pedes longum, & 22. latum. Tectum autem ex eodem integro saxo incumbens, velut paleis opertum extrinsecus videbatur, mirâ quâdam simulatione artis.

In ejus Regni culturam evocata A. 1567. Societas JESU, novis subinde ac novis eodem missis coloniis, complura in Urbibus Collegia, & quàm plurimas ad barbaros per juga montium instituendos missiones erexit. Tota enim natio ad insaniam usque Idolorum cultui dedita, varia ex auro & argento simulachra venerabatur, effigie avium, tigridum, cervorum, aliorumque animalium expressa: quedam etiam deformi specie, quales vulgò apud nos pingi solent Dæmones. cardâ ad solum usque promissâ, quibus etiam humanis plerumque hostijs sacrificabat. Eò delatus P. Antonius, cum pro religiosæ humilitatis studio & modestia, nihil aliud quàm durissimos in locis incultis, inter efferatorum Indorum latibula prensaret & expelleret la-

bores, moderatores tamen doctrinæ, quæ excellerebat, præstantiam in eo suspicientes, Theologiam de moribus explicandam illi commiserunt. Nec longè post gubernandis alijs Rector præpositus, rarâ sui contemptione, quâ omnia naturæ & gratiæ dona celabat, ita effulfit, ut tandem demissionis ejus studio suffragati majores, Indorum procurandâ salute, & difficillimis periculosisque concursationibus satiari passi fuerint. Initium Apostolicorum laborum Cuschem Civitas, Regni olim Metropolis, fuit, in qua solennem etiam Professionem A. 1585. nuncupaverat: cujus religione ad singularem rudium & puerorum in Fide erudiendorum curam obstrictum se sentiens, quocunque spes verosimilis uberioris frugis vocabat, indefessus operarius excurrerebat. Et referebat quidem ille cum socijs Apostolici muneris fructus, pro operarum paucitate uberrius, pro Regionum tamen magnitudine, & multitudine petentium qui sibi panem frangerent, prorsus exiguos. Hinc subinde ex arcano suæ prædestinationis consilio, Divina Misericordia ultro quosdam à longissimè diffitis Regionibus Cuschem, per eos annos adducebat, qui sacris Fidei & Baptismi mysterijs imbuendos spontaneè se offerrent.

Christianus Indus ex culta Hispani regione, nescitur quâ causâ, fugiens, quindecim dierum itinere in latam & incolis frequentem Provinciam pervenerat, in qua cum indigenis delatum secum Crucifixi effigiem ostendisset, percrebuit inter barbaros, & ad Principem delatum est, adesse hominem, qui famosum illum & victorijs mirificis formidatum Christianorum DEum secum ferret. Accersit eum continuò Regulus, & in corona trecentorum circiter Nobilium petit sibi pridem cupido Christum ostendi. Quem depromptum in manus sumens, *hicne, ait, Deus ille est, cujus ope caelesti Peruviam Hispani, deleti Ingarum* (id erat omnium illie Regum commune agnomen) *Imperio subegerunt?* Asserente illo; *atqui*, subjecit Princeps, *hæc quidem homunculi infirmi & miseri figura est. Absis in rem malam cum isto tuo DEO: simulque Crucifixum conspicens, cum contemptu hospiti projecit. Qui simul ac in manus reverenter illum recepit, cunctis clarè cernentibus imago caput à dextra, in quam propendebat, parte, in sinistram flexit, minaci in Principem, adstantesque Ethnicos defixo obtutu, unde omnes in terram corruentes, sine sensu mortuis similes diu jacuerunt. Fit clamor & concursus ex Urbe universa; cum Princeps post*

tres ferè horas confurgens, magnà voce inclamat: *verè unus est Christianorum Deus!* ingeminantibus idem Aulicis, sensim etiam sibi restitutis. Edicitor subito capitali pœnâ propositâ, nè quis Deum Christianorum ullâ afflicte contumeliâ audeat; extruitur subitario opere juxta Palatiû Sacellum, in quo perhonorificè collocatam eam Crucifixi effigiem primus adorat Regulus, imitantibus passim universis. Quæsiuit deinde tam ex hospite Indo, quàm ex alijs undique ditione suâ conquestis Peruvio transfugis, ecquid de Christianorum DEO scirent? quibus ritibus ac ceremonijs colendus foret? Sed responderunt, vix quidquam se de his nôsse: verùm esse quosdam Cuschi Sacerdotes Europæos, humanos cum primis & benignos, qui ea edoceant. His auditis Princeps, repente cum unico filio sexenni, tanta vis erat Divinæ gratiæ! & sex Dynastis, ducibus transfugis duobus se dat in viam, vestitu mutato, nè qui, & unde erant, agnosci possent. Cuschi Rectorem Collegij convenit, ab eoque, causâ itineris arcanò propositâ, petit aliquos secum Patres mittere nè gravetur, qui gentem suam Christianè informet. Ille paucitatem Sociorum, & absentiam Provincialis excusans, negavit aliud in præsentî, quàm eos qui advenerant primis Fidei rudimentis imbui posse. Quæsiuit Regulus, quantum distaret Provincialis. Milliaribus 400. respondet, nec posse ante duos menses responsum inde haberi. Regulus cùm tam diu morari Cuschi, nè quid interim turbarum in Regno exciretur, non posset, filiolum in Collegio erudiendum & baptizandum relinquit: ipse quantum licuit sacris monitis instruens, domum repetit. Ubi cùm eum quiescere sacri stimuli non sinerent, bimestri exacto ad condicium Cuschi comparet, sed responso, non quale optabat, à Provinciali invento. Excusavit nimirum, non adesse ullum ad manum, qui tam longinquè mitti posset; tanta erat eâ tempestate, in tot vicinarum gentium cultura, operum inopia! præter Rectorem ipsum, quem officio dimoveri eo temporis non expediret. Conturbatus inopinâ, iustâ licèt repulsâ Regulus, & ad animi ægritudinem accedente invale tudine corporis, infueto itineris tanti labore fracti, filium jam baptizatum domum remittere, ipse verò Cuschi ad animi & corporis curam remanere statuit. Dimisso puero ingravescere parenti corporis morbus cœ-

pit, animus è contra vegetior quotidie è catechetica instructione evadere. Donec ad extremum non dubiè jam instante morte, ritè baptizatus, puram animam inter egregias spei & interni gaudij significationes Deo reddidit A. 1582.

Talibus animatus miræ DEI circa salutem Peruanorum Providentiæ exemplis, incredibili eorum procurandæ salutis fervore ardebat P. Antonius, quorum juvandorum causâ assiduè peregrinationibus per aspera atque inculta regionum vitam suam conte rebat, donec eum naviter in opere Apostolico versantem, mors à barbaris obstinatis conciliata oppressit. Inoleverat in ea gentium coluvie præter promiscuam libidinem, nullis matrimonij, consanguinitatis, vel affinitatis legibus adstrictam, aliæque vitiorum monstra, ea etiam plusquam brutalis sese ingurgitandi intemperantia, ut, quò eâ voluptate perfruerentur, non solum immoderato potu sese ingurgitarent, sed fumo etiam quodam ebrietatem procurarent. Hunc illi ex certi generis arundinum siccatis, ac postmodum incensis folijs, quæ ibi largè proveniunt, copiosè ore subebant, dum adeò inebrientur, ut penitus sopito omni sensu è mentis potestate exeant. Reperiuntur etiam, qui adeò avidè ac furenter eum hauriant, ut tanquam exanimis in terram concidant, ibiq; maximam diei aut noctis partem, velut capti mentes, stupefactis sensibus jaceant. Hæc itaque vitia ardentiore zelo perstringens Pater, dum omni modo eliminare conatur, impatientiam primum, mox indignationem & rabiem in barbarie efferatis animis provocavit, eo furoris reprehensionum intolerantiâ prolapsos, ut veneno poculum optime de se merito Patri mistum propinantes, de medio sustulerint, A. 1596. ætatis 53. Societatis 32. Quos tamen ipsos tanta postliminio sui sceleris subijit pœnitudo, ut omni honoris genere tumulum ejus prosecuti, non aliter post fata quàm Martyrem, gnari quâ causâ necem illi procurâssent, appellarint, & venerati sint. Clerici qui frequentes è vicinia (erat enim apud omnes incredibili Sanctimonix opinione) ad exequias convenerunt, ejus cadaver admirabilem odorem fragrantiam spirâsse testati sunt, ac proinde singulariter depositum, tanquam viri planè Sancti, in magna deinceps veneratione habuerunt.



P. Michaël de Urrea Hispanus Soc: IESU ex odio Fidei à Barbaris necatus in Peruvia A. 1597. 28. Aug.

C. Secreta d.

N. K. f.

P. MICHAEL DE URREA.

Michaëlem de Urrea Fontibus in Hispania natum, eadem Peruvia, Occidentalium Indorum, præcipua portio, sibi vëdicavit, jam Sacerdotio, & Philosophiæ Doctoratu initiatum A. 1585. Limam, Peruvia principem hodie urbem, appulsus, Quicivianum & Aymaranum idiomata statim condidicit, ut utroque concionaretur: unde confestim exercendo, quo inprimis flagrabat, zelo, inter barbaros missus, apud Julidos primum populos, tum in Cinquiabi, unde in circumfusas latè nationes agrestes excursus est, elaboravit. Quantà verò aviditate talium missionum necessaria incommoda non

exhauserit solum, sed etiam ultro exambiverit, ostendit in Pacensi Collegio, quod licet commodis conclavibus abundaret, ipse tamen angulum unum anno integro, vix unquam etiam de die prodeundo, incoluit, ita arctum, ut vix hominis capax esset; ita humilem, ut rectus in eo stare non posset. Cui Collegio cum se præficiendum Rectorem subsensisset, tot tantisque lachrymis deprecatus est, ut eum sibi cum difficillima ad Ciuncios missione permutari impetrârit. Sont ij populi asperitate montium, & fluminum interluvione à reliquis disjuncti penitus, ad quos nullo jumento penetrabilis, & pedibus penè insuperabilis accessus est; commoratio autem

autem inter illos ærumnarum & periculorum, plus quam credi possit, plenissima. Nunquam ad eos penetrare potuerunt Hispani, tum loci naturâ, tum armis bellicis gentis repulsi: penetravit tamen Societatis Zelus, & ex ea primus omnium P. Michael, Fratre uno Benavidio comite, A. 1596. Huic expeditioni ut legitimè se compararet, Deum primò statuit assiduâ oratione, & multâ corporis per annum integrum maceratione, suis laboribus, & indigenarum profectui conciliare. Quo toto tempore Camatâ, quæ ultima Peruviae urbs, & proxima Ciunciis est, ad perdiscendum gentis idioma resistens, herbis duntaxat, & quas ultro terra progignit radicibus vesciebatur, samentis nocte decumbebat, quotidie cruentam adhibens flagellationem.

Camatâ die S. Jacobi, ducibus binis Ciunciorum Caciquijs, cum 40. circiter hominum comitatu egressus, iter habuit in descensu & ascensu montium asperissimum: ubi arbores tantum non perpetuo contactu junctæ, ramis deciduis ita omnia intersepunt, ut leporum & cuniculorum, non hominum vias esse dixeris. Post plurima flumina vado semper transmissa, à Tayrapo Aquacillum primo vico progressi, ad Zupimarim flumen rapidissimum descenderunt, quod spatio 9. leucarum plus centies transmittere oportuit, aquis umbilico tenus, cum maximè tunc extenuatum esset, eos perludentibus. Ità in Ciuncinorum denique fines perventum est, unde post paulò Benavidius Limam, ut in mandatis habuerat, ad referendum missionis successum repetijt, solo Michaële in medio pravae & indomitæ Nationis relicto. A puerorum informatione Gatechesim exorsus Pater, omnes ejus gentis Caciquios indefessus invisit, & Fidem ubique predicando, populos qui longè plurimi sunt, obivit. Sed licet illi mysteria Christianæ Religionis non inviti explicari audirent, quando tamen ad præceptorum observantiam, & veteres ritus relinquendos, quibus mirum in modum continuatâ assuetudine tenebantur, descensum est, nullâ propè vi aut ratione pervelli poterant. Nam & plures pro dignitate & facultate opum alebant uxores, aut pellices potiùs, & Numinum loco bruta animantia, multorum seculorum firmatâ superstitione colebant. Et quia Pater ex quodam eorum delubro simulachrum avis, ex varijs plumis versicolorib' formatum, avertendo cultui idololatrico sustulerat, eam rem ita ægro animo tulit loci Caciquius, Patri, alioqui inter paucos additus, ut vultus acerbitate non dissimulârit,

Quas inter difficultates supremo conatu elaborans, complures nihilominus ad lucem veritatis intuendam perduxit, maximis conflictibus incommodis, atque omni humano solatio destitutus. Præcipuum tamen odium erat Veneficorum & Ariolorum, qui suas artes Patris consilijs vilescere non ferentes, ejus perdendi, quam dudum circumspectabant occasionem, tandem nacti sunt. Rogatus Pater ut Caciquij ejusdam filio, malignâ febris æstuanti, remedium si quod posset asferret, aquæ paucillum saccharo medicatæ præbuit ad refrigerationem. Sed prævalente tantillâ potioni febrili æstu, extinctus juvenis anam dedit insimulandi Patrem veneficis, quasi toxicum ægro propinâisset. Duo Principis defuncti fratres cum subditorum comitatu, ut gens levis est & credula, arcubus armati & macanis (qui lignei acinaces sunt) securum periculi Patrem adorti, duas illi in capite lethales plagas imposuere, hospitale nomen. Jesu invocanti, veniamque percussoribus à DEO exoranti: qui mox inde barbaros inter ululatus, & crebras sagittarum ob rem bene gestam jaculationes, se receperunt in tutum.

Mortem ejus, quæ in diem 28. Aug. A. 1597. ætatis 42. incidit, ægerrimè Vici Torapo Caciquius, ubi cæsus est, & omnes indigenæ acceperunt, eique funus, prout ante obitum præscriperat, apparaturi, Sacerdotali amictu cadaver induerunt, quaternas Cruces ad 4. funeris latera, Christi Crucifixi signum ad caput collocârunt. Idem postmodum reserebant, sæpe se lumina per noctem sepulchro P. Michaëlis imminuentia, splendoremque mirificum conspicatos: sæpe nebulam inde procedentem intuitos, quæ postea totam latè regionem occuparet, cum magno simul terræ motu, quo humus alicubi fatiscens in rimas, Indorum quorundam, ceu noxæ illius reorum, prædia & mapalia etiam quassaverit, & diruerit. Et cum aliquando corpus defuncti nonnemo pararet exhumare, nebula inde repente prorumpens à cæptis eum deterruit. Gravior etiam Sicarios mox ultio divina excepit: quos comestantes die quodâ & temulentos, viginti leones & tygrides è lacu vicino erumpentes, plerosq; discerpsere: pauci quos fuga subduxit, à finitimis populis homicidas execrantibus, & lapidatione à suis domibus arcentibus, suo demùm in vico leprâ pestilente ad unum omnes absumpti sunt. Ossa Patris pro Fide tam patenter necati, tótque prodigijs à DEO illustrati, ut loco aliquo sacro Societatis humarentur, obtinuit P. Provincialis per Camatâ Gubernatorem à Torapi Caciquio, ea

ut transferri pateretur. Quæ sine cunctatione, deducantibus cum pompa, Caciquij jussu indigenis, Camatam perlata, ibique à Clero supplicabundo, gestantibus illa Religiosis ex Ordine Prædicatorum, excepta, & ad Aræ principis crepidinem interim deposita fuere. Donec post annum in Pacense Collegium,

excitis famâ (Socijs nequidquam funus quod vehabant tegere laborantibus) quaqua transibant populis ad pompam, & tanti viri venerationem, translata, ante majus Altare decentissimè quidem, sed quâ oportuit modestiâ, collocata sunt.



P. Franciscus Pintus Soc: IESV, odio fidei Christianæ à Brasiliis crudeliter occisus. A. 1608. 11 January. Ibiapanæ.
C. S. d. M. K. f.

P. FRANCISCUS PINTUS.

Inter Insulas Tertias, omnes Lusitanico juri subiectas, princeps est illa, quæ à Bono JESU cognominatur, in qua oppidum Angeræ natale fuit Francisco, in magnam Patriæ suæ ornamentum A. 1552. in lucem edito. In Societatem anno ætatis 16.

adlectus, & post decennium partim in Tyrocinio, partim in bonis artibus impensum, Brasiliæ transcriptus, totos 30. annos in efferratarum illic gentium conversionem admirabili strenuitate ita se impendit, ut & barbari idiomatis apprimè gnarus, & ad conciliandos agrestium animos natus factusque videretur.

videretur. Et quia animos gerebat periculis quibusq; pectus obijendi paratissimos, difficiles in mediterranea Brasiliæ, durasque expeditiones quater aut quinque obivit, multis ad Ecclesiam barbarorum adductis: ex quibus periculosum adeo sibi conficiuit morbum, ut graviter in Bahyensi Collegio decumbens, exiguam spem vitæ ulterioris pro rogandæ relinqueret. Advenit interea eo prorsus fataliter ægotantis Francisci tempore A. 1582. Bahyam, Collegium pro munere suo visitaturus P. Josephus Anchieta Provincia- lis, & confectis rebus omnibus, Pernambu- cum discessum parabat: prius tamen Franci- scum valedicturus invens, deprehendit eum ulterioris vitæ spe abjectâ, totum in iter æternitatis adornandum intentum. Delectatus eâ animi vitam aspernantis alacritate, ac simul Cœlesti Numine afflatus Anchieta, jubet de profectione in Cœlum cogitationes modò po- nere, & se multis adhuc exantlandis labori- bus, tolerandis adversis comparare: diu enim ultra supervidendum, neq; siccâ morte igno- biliter in lecto decessurum, sed multos de- mum post annos cruentâ nece Fidei Christia- næ veritatem asserturum. His dictis iussit illi indumenta exhiberi, & ille cæcè obedire affluet, dum mandanti parere connititur, repente sensit exhausto corpori vigorem pri- stinum & vires restitui; dùmque induitur, toto abscedente morbo ita subito revaluit, ut ex eo tempore ad valetudinarium non redie- rit. Secundùm hæc primò omnium iussus est ab Anchieta Templum petere, & Deo Eucha- ristico pro restituta sanitate gratias referre; vixitque ab eo die totos adhuc 26. annos, va- letudine semper robustâ, donec eam unâ cum vita in manibus infidelium pro Fide cœsus reliquit.

Varios deinde domi forisq; tum in pro- pria quærenda perfectione, ad quam emin- tem omnino evasit, tum in Ethnorum cu- randa salute exantlavit labores, dum postre- mō expeditionem summæ arduam, & omni- um periculosissimam ad Tapojas impetra- vit. Censentur autem promiscuè hoc nomi- ne gentes innumera, natione & idiomate in- ter se penitus diversæ, omnium quas Brasilia alit immanissimæ minimèq; tractabiles, quas sapius quidem per intermedios haud paulò crudelitate inferiores populos adire Socijs fuit animus, sed semper defuit facultas. In- colunt illæ eum terrarum tractum, qui ab 8. altitudinis Australis gradu à Pernambuco ex- currens, aditus est magno illi Amazonum si- ve Maragnon flumini, omnium toto Orbe

terrarum facilè principi, cujus ostium Æqua- tor determinat. Hoc demum A. 1607. spes certior eò penetrandi, & animos barbarorum pertentandi visa est; maximèque idoneus ad deliniendos sanguinarios populos delectus P. Franciscus, addito comite P. Aloysio Fighe- riâ. Rebus omnibus ad iter comparatis, acuum præsertim, & omnis generis ferramentorum variâ supellestile, quæ sola apud barbaros, nullum autem pecunia, aurum, argentumve pretium obtinent, duo adversus tartareas po- testates conjurati socij mense Januario mari discedunt. Leucas 120. emensi, excensionē factâ pedibus iter scipione nixi in mediter- ranea capiunt, paucis indignarum quorum aliquot ex ipsa Tapojarum gente jam Bapti- smo initiati erant, comitantibus, tum ut per viam piscatu venatûque, cujus expertissimi sunt, Patres in itinere sustentarent, tum ut conciliatâ ipsi ad populares suos benevolentiâ, interpretum munus sustinerent. Non ullibi aliàs difficiliora humanis vestigijs sunt itinera: sylvæ invixæ, montes asperi, horridi- que dumis; nulli aditus, semitæ nullæ, omnia densis arboribus obsepta; neq; progredi vel pedem unum licebat, nisi quantum ferro & lacertis viæ aperiretur in diem. Ad hæc plana & declivia omnia luto & aquis latè sta- gnantia, ut nudis pedibus, frigido aëre incede- dere cogerentur. Cùm his difficultatibus, & acerrimâ fame, quam solis persepse herbis sponte natis tolerabant, annum penè inte- grum luctati, tandem plus 100. leucas aper- ti sibi, an potius perfolli itineris, emensis, per- rupere demum ad montes Ibiapanæ, seu Ibi- gapabæ, leucis plus minus 100. cis Maragnonem sitos, non longè à finibus Ethnorum, quos quærebant. Ad hos uno ex tribus, qui soli patebant, aditu, penetrandum erat: sed hi ab esseris penitus, ac omnium Tapojarum truculentissimis tenebantur, non aliter homi- nibus quàm ipsis suis belluis insectis, ac per- petua inter se, cùmque vicinis bella gerenti- bus. Patres anxij misere semel ac iterû cum muneribus ad primos, qui proximi erant, ut transitum impetrarent; idemque tentatum cum secundis, sed nihil impetratum. Tertijs interpellati nuncios insuper trucidarunt, uno servato 18. annorum adolescente, quo uteren- tur duce ad Patres in necem conquirendos.

Nuncios non comparentibus, dum in- certi quid agendum deliberant, ecce tibi die 11. Januarij A. 1608. magna barbarorum è montibus manus descendens, simul sagittis Patrum comitatum impetit, simul mapalæ extemporaneam, in quo fortè horas Canoni-

cas Franciscus persolvebat, convellit. Prodit ille, vultuque quàm maximè potest & oratione benignâ, furentes illos sedare contendit: idem faciunt certatim comites, magnisque vocibus inclamant; *hunc Patrem illum Sanctum esse, qui ad ipsos Cœlestia docendos veniret: ejus itaque vita parcerent.* Illi è contra, nihil sibi cum illo, respondere, *esse omnino ipsorum manibus necandum.* Tandem cùm diutius impetus barbarorum à paucis sustineri non posset, uno qui validiùs Patrem tuebatur interempto, ad illum se penetrant, vedèque ligneo capiti impaço, multis repetitis ictibus, maxillas, oculis excussis, penitus unà eum cranio comminuunt, cùm Pater natus esset annos 54. Non longè indè aberat Sacerdos alter, cùm puer è comitatu inter eas turbas, *Pater, Pater, Lusitanicè inclamat, consule vita tua.* Ille confestim in intimas se sylvas recipiens, frustra à barbaris ad necem quoque conquisitus, mirabiliter vitam servavit, latuitque, dum barbaros directâ sacrâ & pro-

fanâ suppellectile recessisse appareret: ac tum collectis viæ socijs, ad cædis locum accedens, deformatum, nudum, luto & sordibus (nam & in mortuum sevierant) oppletum cada-ver, omnium lachrymis ad montis radicem sepelivit. Peraçtis funebribus, viam undè venerant relegens cum comitibus P. Figueria, unum è fustibus cruore Francisci infectum, & à barbaris temerè abjectum, Bahyam in Collegium secum retulit, solatio & excitemento Socijs futurum. Corpus autem aliquamdiu in ignota barbarie, medijs sylvis, nulli fidelium notum, sinè honore, sinè nomine jacuit: at posteaquam siccitatibus insuetis populus sanguinarius atrox facinus plecti persensit, magna in veneratione tumulum ejus, licèt adhuc infidelis, habuisse fertur, quòd illius imploratione pluvias, quoties opus esset, è Cœlo eliceret.

—DS(O)SC—

P. RAPHAEL FERRER.

Non inane aut vacuum R. phaëlis nomen gessit, ex Catalaunia Hispaniæ oriundus P. Ferrer, natus in salutem Indiæ Occidentalis populorum, verè juxta nomen suum *medicina DEI.* Primam pueritiæ ætatem plenè maturitate actionibus ità laudabiliter decurrit, ut jam tunc adultam virtutem præferret. Quam ut æquabili semper profectu ad debitum perduceret perfectionis apicem, adolescentiam Societati Jesu An. 1587 ætatis 21, implantavit, iisq; munivit, quoad in Arragoniæ Provincia vixit, virtutum præsidij, quibus deinde in campum difficillimi certaminis educus, certam de animabus à barbarie vindictis, & in amabilem Christi captivitatem adductis, referre posset victoriam. Sic instructus transmisit in Peruviam A. 1597. plenus desiderijs atrocissima omnia pro Christo patiendi, & vitam ipsam in obsequium Fidei immolandi. Cui fortiter excipiendæ ut prævijs assuefuerat experimentis, totum se mortificationis studio impendit, & assiduâ patientis Christi cruciatuum meditatione ità animum accendit, ut vix Sacerdotium ullum perficere, horas Canonicas, aliasve preces recitare, aut pia de materia tractantes libros legere posset, quin copiosis largè inundaretur lachrymis. Pluribus post hæc adhibitus fuit inter diversos Peruviae po-

pulos sacris expeditionibus, semper ardens, semper novas excogitans praxes, quibus eos à vitijis (nam his relictis facilè Idola spernebant) ad virtutis amorem traduceret. Cujus industriæ Charitatis eximium specimen dedit Cali, oppido Popayanæ Provinciæ. Instituerant cives actionem scenicam, quam absurdâ, illis tamen ex inolito more minimè indecente visâ, consuetudine, in sacra Æde pro theatro dari disposuerant. P. Raphael cùm frustra impedire Sacri loci ad non sacra spectacula abusum conatus esset, ut ea in ipso jam procinctu disturbaret, Apostolico zelo inflammatus, repente ante ordiendum prosiijit improvisus in theatrum, Christi Crucifixi effigie dexteram armatus, tantæque contentione dixit ad concionem jam congregatam, ut cùm lachrymas omnibus conscivisset, fastidientes jam aliud præterea spectaculum, omnes domum, abrogato feliciter in perpetuum pravo more dimoverit. Inter alias magno animarum lucro susceptas excursionis, sæpius excoluerat Quitum, celebrè meridionalis Americæ Equatori subjectam Urbem; quam instituendis ad innumeras barbarorum circumfusas nationes procurisibz admodum opportunam advertens, ex ea velut stativorum suorum loco, sæpius ad diversos se inferebat. Ex his Cosanes erant, gens præ alijs immanitate barbæra, & ingenio in-

tracta-



P. Raphaël Ferrer Hispanus Soc. IESV, odio Fidei Christianæ
submersus à Barbaris in America A. 1611. Mense Martio

C. S. d.

M. K. f.

tractabilis, 50. leucis Quieto, inter montes
conciatósque fluvios sita. Eam igitur sibi
post alias diligentius instituendam cum as-
sumpisset, inchoato ad annum 1609. & per
sequentem continuato labore, 400. undis sa-
lutaribus ablutos, à vaga sylvestrique, extra
humana domicilia, vitâ, ad communem ur-
banâque societatem traduxit, tribus con-
structis oppidis, in quorum præcipuo, ut deni-
etiam Hispani, veluti exemplar illis ritu hu-
mano vi vendi futuri, sedem figerent, perfecit.
Ex tam prosperis initijs spes erat, aperto se-
mel Evangelij campo, totam gentem sub sua-
ve ipsius jugum ituram, nisi humani generis
& salutis nostræ hostis bene cœpta pessumde-

disset. Quidam enim seu tædio Christianæ
vitæ, ab assuetis eos in Idololatria voluptati-
bus retrahentis, affecti, seu mobilitate animi
sibi innatâ, ex vitæ licentiosæ & vagæ deside-
rio in odium Patris accensi, dum ex oppido
in oppidum vagus & fessus iter faceret, ipsi
adventantem in ponticulo quopiam præsto-
lantes, gratulabundos se excipere (ut toti sunt
ex fraudibus composci) simulant, nihilque
adversî suspicantem, in fluvium, ubi in-
firmum cogitur, præcipitant, & aquis suf-
focant, An. 1611. mense

Martio.

☞S(O)S☞

Ooo

P. MARTI-



P. Martinus de Aranda Valdivia. P. Horatius de Vecchi, Didacus de Montalvan Soc. IESV. pro Christo crudeliter interfecti in Chile 14. Decem: A. 1612. C. S. d. M. K. f.

P. MARTINUS DE ARANDA VALDIVIA, P. HORATIUS DE VECCHI, & DIDACUS DE MONTALVAN.



Nventis, & magna ex parte domitis Indiarum Occidentalium regionibus, quàm plurimæ ex Hispanis Illustres Familiæ sedem sibi stabilem in earum colonijs fixerunt. Ex quarū una in Urbe Regni Chilenſis Villarica, Illuſtriſſimo ſanguine nat⁹ Martinus, poſt libata duntaxat humaniorum literarū ſtudia militiam ſecutus, turmā equitum ea cum laude fortitudinis plures annos duſtabat, ut totius Peruviz Pro. Rex, explora-

tæ ſibi virtutis ornandæ conſilio, Praturam ei Ricobambæ ultro deferret. Ipſe tunc annum ætatis 31. ingreſſus, ut oblatum novum munus ex Divinæ magis, quàm humanæ prudentiæ legibus adminiſtraret, animum prius in S. Exercitiorum ſolitudine colligere, intra Limenſe tyrocinium conſtituit. Ibī rerum mundanarum caducitate, & æternarum ſtabilitate, per exactiſſimam contemplationem perſpectā, itā Divino Spiritu occupatus eſt, ut de capeſſenda Societate voto factō, ſamula-

ri in ea Coadjutorum servitio (indignum se-
ratus Sacerdotum gradu) experierit. Igitur
A. 1592. admissus, & à Pro-Rege subitan-
cam in viro militari mutationē stupente & com-
mendante perhumaniter in Tyrocinio visita-
tus, omnes illos martiales spiritus in se u-
num persequendum, & debellandos rebelles
animi motus convertit. A quibus spiritui
penitus subiectis pacem interiorē nactus,
mox ab audita per biennium, quantum pro
Sacerdotio sufficiebat, morali de casibus con-
scientiæ Theologia, bella externa in Demo-
nem & Idololatriam quæsit. Penetrave-
rat eo ipso tempore ad Ciuncios P. Michael
Urrea, de quo paulò antè meminimus, & so-
cios in partem messis ardentē vocabat: cui
ut venire in subsidariam opem liceret, ar-
dentibus votis exoptans Martinus, illuc è Ju-
lide per Camatam pedestri & laboriosissimo
itinere discessit. A. 1596. Adversò quippe an-
ni tempore profectus, cum perpæpe reptan-
do magis quàm gradiendo, iter urgere coge-
retur, comites penè omnes clandestinà sese
fugâ a rumnoso labore, & portentosa ma-
ximè tot fluminum traiectione absteriti,
subduxere. Ipse tamen studio animarum vi-
res addente, penè solus viam constanter pro-
fecutus, præter minora flumina, jam quadra-
gesies Zupimarim fluvium rapidissimum
(quem centies transeundum in P. Urrea mo-
nuimus) vado trajecerat, cum denuo amnem
ingressus, & rapidissimo torrente abreptus,
vires profusus ac sensus amisit. Ejectus ta-
men divinâ ope in eandem ripam est à qua
discesserat; sorbendus alioqui medijs alvei
vorticibus, si in adversam propelleretur. Ex-
tractus ab undis est, cruribus, brachijs, toto
corpore contusus (sæpius enim in petrasco
æstu impingebatur) ac propè exanimis: cum-
que frustra plurium dierum labore vadum
commodius quæsisset, consilium cepit ibi-
dem cum duobus residuis comitibus hye-
mem transigere.

Verùm ad Cœli & solitudinis incom-
moda accedebat loci infalubritas, & rerum
omnium præter herbas sponte enascentes in-
opia: adhæc Regio colubris, cerastis, & vene-
natissimis hominique infestissimis viperis
(quarum unam jam insilientē vix effugerat)
abundans. Omnibus itaque pensatis, sta-
tuit præteritas repetere, Camatam redeun-
do, difficultates; quam etiam undevicesimo
die, eodem remenso cursu, quadragies ite-
rum amne superato, tenuit, duobus nixus
baculis, altero pede vix prorepens, & mole-
stissimis insuper febribus gravatus, Perla-

tum inter hæc certis nuntijs est, necatum à
Ciuncis P. Urream: quare Limam revoca-
tus P. Martinus, in patriam regionem Chi-
le, ut indigenis, majorem partem adhuc in-
domitis, Christum prædicaret, remittitur.
Est autem Chile Regio amplissima infra Pe-
ru, trans Æquatorem longè ad meridiem us-
que ad angustias Magellanici freti porrecta,
à Tucumanibus ad Orientem editissimorum
montium interfectu determinata, quorum 16.
instar Ætnæ aut Vesuvij sunt ignivomi, &
per quinquies millies passuum millia pro-
currunt. Gentes in ea sunt plurimæ, & bel-
lo fortissimæ, cum quibus diu vario Marte &
multis cladibus bellatum est ab Hispanis, nec
unquam debellatum: donec interventu P.
Ludovici Valdivia, Chilensis Regni à Catho-
lico Rege Vistatoris, quantumcunque voca-
tioni suæ tam adversans munus excusaret,
constituti, pax certis conditionibus firmata
est, & bonâ fide longo tempore utrimque cul-
ta. Accidit interim, ut Anganomonio Ca-
ciquio tres ejus uxores seu pellices, cum libe-
ris ad ubera pendentibus profugerent ad Hi-
spanos, & paucis diebus instructe baptizaren-
tur: quas cum Caciquius ardentē & minaciter
sibi restitui à P. Ludovico Valdivia flagi-
taret, excusavit ille quàm lenissimè potuit,
neas esse jam Christi initiatas, ad perfidiam
& pellicatum, invitas præsertim restitui: bo-
ni consulat necessariam repulsam, perliben-
ter in alijs omnibus obsecundaturum. Anga-
namonius quia vires ad violentiam unus,
reliquis omnibus Hispanam pacem colenti-
bus, non habebat, dissimulatâ irâ tantisper
quietus, opportunam ultioni occasionem
præstolari decernit, quæ ità se illi obulit. Ve-
nere ad Valdiviam quindeni Caciquij è val-
le Elicura, quæ 7. solùm leucas abest à valle
Bellabuana Anganamonij sede, pacem simi-
liter, & Patres ad Fidem imbuendos suos, pos-
tulantes. Valdivia suspectos illos habens,
nè quando perfidè ab Anganamonio ultio-
nem spirante opprimerentur Patres, cuncta-
batur: sed quia Provincialis & alij omnes au-
dendum plusculum, & Deo fidendum cen-
sebant, decrevit in eam missionem P. Mar-
tinum Valdiviam propinquum suum, & P. Ho-
ratiū de Vecchi, addito illis ad domestica
otsequia, Didaco de Montalvan, Mexici in
nova Hispania nato.

Assueti hi ejusmodi expeditionibus, &
durati jam habebantur, magnis paulò antè
inter Araucanos perfundi laboribus & eru-
mnis. Cum enim eam gentem tetra latè pe-
silia inaccessisset, ejus timore nec conjuges

maritis, nec parentes liberis mutua obsequia præstare vellent, P. Martinus cum Horatio paratis edulijs, manè & vesperi longè divulsa obibant eorum mapalia, & suum singulis dimensum indefatigabili charitate particabantur: tantà ejus rei in superstitibus æstimatione, ut se Christianis Sacris imbuendos ultro offerrent, & tanquam parentibus obsequerentur. Paicavium post hæc revocati, non diu ad novam ejusmodi quampiam missionem animos in Collegio strenuà exercitatione parare insistebant, cum hoc eos imperium ad Elicuranos proficiscendi occupavit: cujus denuntiatione mirè gestientes, quò fructum uberiores tam ancipitis & plenæ discriminum missionis consequerentur, petierunt sibi eam addito S. Obedientiæ præcepto imperari, idque imperium eximiam devotionem nixi genibus exceperunt. Sed & Ludovicus futurorum timens, ut Anganamoni furorem à Patribus averteret, pretium illi mulierum & liberorum jussit offerri, quantà vilitate licitatione magnam & grande cuperet. Elicuram ut pervenire, excepti sunt populum lætitiâ & celebritate, quanta nunquam ibi visa. Ipsi verò adornato in tertium diem subitanè facello, post mutuam noxarum, exomologesim, ad primum illic Sacrificium offerendum, & Frater ad Divinum epulum se comparabant: cum ecce inopinatè Anganamoni cum 200. equitibus, ut erat bello strenuus, advolans, occupatis Elicuranis, Caequios, quòd pacem & fidem ab Hispanis petissent, interfecit; Patribus interceptis multa super suis uxoribus exprobrans, morientum similiter edicit. Rogare hic P. Martinus Anganamonium, in se quidem pro libitu sæviat, at socijs saltè innocentibus parcat, nè privata hæc injuria paci publicæ noxæ fiat. Verùm ille negare ullam sibi pacis aut Christianitatis curam esse, neque ut alijs integra sit, unquam passurum. Simulque dato suis imperio cædis, sicarii omnes tres in genua provolutos invadunt, & macanis, quæ clavæ è duro ligno sunt ferreis muricibus asperatæ, capita cõinuunt, hastis humi stratos transverberant, cervices præsciunt 14. Decembris A. 1612. Alij referunt ad diram laniam excipiendam arboribus alligatos fuisse, dissecta pectora, & evulso corde etiamnum viventes, integro horæ quadrante utrumque Sacerdotem Christum prædicasse: ac tum primò macanis, uti retulimus, confectos esse. Corpora eorum cum stratis promiscuè Indorum cadaveribus nuda jacere à barbaris reli-

cta, cum hæc à Peucis (avium genus est, nostratibus corvis ingluvie par) fœdè lacerarentur; mirum dictu, illa diræ immunia laniationis permansere. Morte eorum intellectà Pat. Ludovicus Valdivia incredibili solatio exultans, quòd præsertim ingenti alacritate & constantià gestientes mortem hilariter excepisse audisset ab ijs, qui neci adfuerant, primò omnium grates DEO per Sacrificium de SS. Trinitate debitas egit, missis qui corpora linteis & loculis decore involuta reveherent. Hæc biennio post ad Urbem Conceptionis deportata, nostro in templo ad principis Aræ latus, cedrinis inclusa cistis, intus & foris aureo panno inductis, honorificè collocata sunt. Ipso autem eorum occisionis die 14. Decemb. cognita divinitus eorum cades procul in Tucumanibus fuit ab Antonio Rangelio, spectatè Virtutis Coadjutore, qui Cordubæ inter hauriendum è puteo aquam, nostros eà horâ sanguinem ibi profundere asseveravit.

P. Horatius de Vecchi socius Patri Martino gloriosi certaminis, natus fuit Senis in Italia, paterno Vecchiorum, & materno Lunadororum stemmate nobilis. Romæ vicinarius Societati adscriptus est An. 1597, mitissimo ingenio, & tenerimà in B. V. observantiâ. Antequam in Indias proficisceretur, dum aliquando majore devotione Sacrum epulum in Tyrocino accederet, responsum divinitus accepit, & certam sponsonem gloriose mortis pro Fide Christi optendæ. In Americam trajecit cum P. Didaco de Torres Anno 1603. Peruviam ad Urbem Procurator, & postquam Limæ spatia Philosophiæ & Theologiæ pari laude virtutis & ingenij emensus est, in Chile concessit. Chilensium idioma brevi, sed improbo labore complexus, Araucanos cum P. Martino naviter excoluit. Vir patientiæ invictæ, qui serviendo Indorum salutem, acerbos interim calculi & lateris cruciatus sine gemitu, sine significatione ullius doloris tolerabat. Ardens illi in DEUM amor, & assiduum precandi studium, præcipuè pro gentium illarum conversione, de quibus dicere solebat, non priùs Elicuranos jugum Christianæ Fidei subituros, quàm profuso Martyrum sanguine molliantur: id verò se à DEO repetitis sæpe supplicijs flagitare, ut in ejus gloriæ partem venire possit. Nec eventus vaticinium fefellit, cum enim post aliquot ab eorum nece annos pax inter Hispanos Indosque rursùm coaluisset, primi

Evangelium admiserè ipsorum percussores. Cum verò Elicuram discedens socijs valediceret, eorum nonnemi diserte asservit, non ampliùs invicem in hac mortalitate visuros; tam certa illi mortis suæ fuit è Cælo notitia. Excusa fuit Parisijs Anno 1656.

eleganti scalpello ejus effigies, Alexandro VII. Pontifici dicata, ed quòd familiam ejus Horatij stemma consanguinitate & affinitate contingere.

ret.



P. Ferdinandus de Tovar Hispanus, Soc. IESV à Barbaris Americanis odio Fidei interemptus, in nova Hispania A. 1616. 16 Nov.

M. K. f.

P. FERDINANDUS DE TOVAR.

Splendidiſſimam clariffimorum natalium gloriam, eximie Sanctitatis, & invidendæ mortis prærogativâ ita illustravit Ferdinandus, ut plus Familiæ Tovararum & Guzmanorum ſplendoris attulerit, quàm acceperit. Culiacana novæ Hiſpaniæ pervetus Colonia, Patria Ferdinando fuit,

unigenito Filio Ludovici de los Rios, & Iſabelæ de Guzman & Tovar, per quam proximâ conſanguinitate attingebat Cardinalem Duçem Lermenſem. Piè imprimis & lautè, pro generis nobilitate, & poſteritatis ſpe unicâ educatus, primos ab ipſa infantia virtutis igniculos concepit ex perpetuo Patrum Societatis commercio, qui Cinaloam frequen-

Ooo 3

ter

ter per Culiacanam ultro citroque commean-
tes, certum & perpetuum in paterna domo
diversorium, libentibus planè ac pià violen-
tià propè cogentibus Dominis, habebant. Per
eam occasionem Ferdinandus Patrum con-
versationi & moribus insuescens, ejusdem vi-
tæ puerili cupidine jam tum tangi cœpit:
eratque assiduus ad latus eorum, quò se con-
verterent, comes; ad pulpitem & conciones
assessor, & in Sacris mysterijs administer:
quin adeò agrientibus etiam aut languenti-
bus, ad infima obsequia servulus ità ambitio-
sus, ut P. Ferdinando de Sanctæren decumben-
ti ministrans, nullum præterea alium in ser-
vitiij societatem admittere sustinuerit. *Æta-
tem* Grammaticæ capacem adeptus, Mexi-
cum transmissus est: in cuius & reliquæ Hu-
manitatis literaturæ decursu, firmatum Re-
ligionis propositum ità constanter fovit aluit,
que, dum ad maturitatem perduceret, in So-
cietatem cooptatus A. 1598. ætatis 17. In
cujus tyrocinio Virginali suâ modestiâ, com-
positorum ad omnem religiositatem morum
elegantia, humilitatis & obedientiæ ambitu,
Angeli nomen apud omnes vulgò obtinuit.
Nullus illi unquam de sua prosapia, etiam
dum Philosophiæ & Theologiæ studia, mag-
nâ ingenij æstimatione decurreret, sermo,
nulla cuiusvis splendoris æstimatione. Et cum
facultate ubertatèque dicendi pro concione,
polleret præstantissimâ, sic ut mentes Audi-
torum, ex quo pulpitis ad moveri cœpit, quo-
quò vellet, facillimo raperet impetu; Insulas
illi & dignitates Ecclesiasticas à propinquo
Cardinali Duce, qui gratiâ Regis pro arbi-
trio utebatur, ominabantur omnes; ipse verò
certus omnes respuere, unicam miserabili-
um Indorum salutem excelfo animo anhe-
labat. Hos illi sensus familiaris cum DEO
consuetudo, crebris lachrymis & perpetuis
suspirijs fota indidit, & assiduæ mortificatio-
nis studium, atque Virginei puritatis, quam
illibatam sepulchro intulit, procuratio, egre-
giè promovit. Quarum virtutum, ac præ-
sertim latendi in obscuro studio, obtinuit à
moderatoribus, ut ab urbium luce ac splen-
dore ad Indorum curam, & Apostolicarum
missionum ærumnas transire liceret.

Missus itaque est ad Parras, & Paludem
magnam, quæ ultra novam Cantabriam sita
est, Provinciarum septentrionalis Americæ,
quæ quidem Hispanis parent, postremam.
Urbs in eadem Cantabria Hispanorum prin-
ceps est Guadiana, sive Durango, quæ Topia-
nos montes dominatu suo, & complures in
ijs nationes, Acagænos, Xiximos, Tepegua-

nos, feritate animi atque inconstantiâ insignes
complectitur. Complures in ijs Evangelij
prædicatione imbuendis laborabant eo tem-
pore Societatis homines, & pellectis in vitæ
societatem identidem Barbaris, jamque am-
plius 50. millibus eorum baptizatis, aliquot
oppida, pagos, & vicos è fundamentis ere-
xere. Primus ex ijs ad magni fluminis ripas
30. leucis Guadianâ dislitus, ab S. Jacobo Pa-
pazkiaro dictus est. Alteri Cape, seu ab S.
Ignatio nomen est: inter alios minores recen-
sentur præcipuè Tenerapa, & qui à S. Catha-
rina vocatur. In his cum Christiana res cur-
su prospero magnis incrementis procederet,
unus veneficus, ut gens est ingenio ad omne
novitatem mobili, omnia turbavit, atque à
Fide, à DEO, à Rege Catholico avertit. Fi-
lium enim Solis, qui Cæli DEUS sit, se men-
titus, Terrarum Deum se esse fingebat, à quo
proinde omnia bona & prospera illis expec-
tanda essent. tantisque pollicitationibus, &
nè parenter, minis, animos credulorum fasci-
navit, ut communi omnes conspiratione,
Christi jugum universim excuterent: Fidei
Divinæ Prædicatores correptis armis de me-
dio tollendos constituerent, & longè latèque
ad belli societatem pertractis finitimis po-
pulis, arma Hispanis inferrent; idque eò fi-
dentiùs, quòd idem ille præstigiator in vi-
tam illico se revocaturum spononderat, quot.
quot in ea causa prælio cecidissent. Nec de-
erat causæ suæ Dæmon, qui facie horribili
palàm se dabat in conspectum, dicta nefarii
ministri confirmans, atque ex lapideo Idolo,
quod veterator ille circumferebat, verbis for-
matis gravissimas minas, nè obsequerentur,
intentabat. Decreta publicæ secessionis neci-
que Patrum, quibus sublati omnia sibi faci-
lia fore & obnoxia augurabantur, dies erat 21.
Novembris, Præsentatæ Deiparæ sacra; in
quam eandem diem è contra Patres omnium
ignari, in vico S. Ignatii apparabant solennem
Processionis pompam, quâ triumphabunda
circumveheretur, publicæque proponeretur
venerationi, elegans advecta Mexico ejus-
dem Divæ Virginis effigies.

Per idem illud tempus evocatus à sua
missione Mexicum P. Ferdinandus, ignarus
omnium per Tepeguanos ad suos Parras Mex-
ico revertebatur, cum in eum primò omni-
um turbo barbarorum delavisset. Defuncto
enim Ferdinandi parente vidua mater, Me-
xicum se Culiacanâ trāsferens, remisso mun-
danis rebus nuncio, sanctimonialibus S. Lau-
rentij unâ cum nepte virgine sese junxerat.
Illic studio filij sui supremum videndi fruē-
dique

dique prius, quàm fortè vità inter Indos spoliaretur, incensa, P. Provinciale sollicite, ejus ut sibi brevem copiam faceret, modèstè juxta ac fidenter institit: ignorans se eà postulatione, mortis ei accelerationem procurare. Provinciali haudquaquam æquum visum est, optimæ, adeoque de Societate bene meritæ, & adhuc merita continuantis Matronæ petitioni refragari: hinc sinè mora Ferdinandum à Parris evocatum jubet aliquantisper revolare Mexicum, tacitè evocationis causâ, nè qua cunctationi & excusationi pietas religioque, ut erat ab omni sanguinis affectu alienus Ferdinandus, obtenderetur; reditum postea, si animus fuerit, ad suam stationem. Pater, cui obedientia delicatissima pro oculi erat pupilla, omnibus sinè dilatione, postpositis, Mexicum se longissimi refert itineris remensu; ubi Matre pijs colloquijs ad Sanctitatis studium mirè accensâ, ad suos Parras lætus regreditur: & quia Collegij Mexicani Rector quædam ei Topiæ expediendo commiserat, iter deinceps per Tepeguanos tanquam expeditus prosequitur. Igitur in vicum S. Catharinæ delatus cum agalone, resciscendi corporis causâ mapale unum, inscius nefariæ conjurationis, subit die 16. Novem. qui licèt necdum ille dies esset, quem universali Patrum cædi, & movendis armis destinatum habebant; sed neq; Pater inter eos Sacerdotes, qui terras eorū procurabant, censeretur: tamen quòd ejusdem cum illis, quibus mors destinabatur, Religionis esset & Fidei, atque eundem Christum alibi Parris prædicaret, id causæ abunde ad cædem fuit. Curato per otium Pater cibo & quiete corpore, viam repetens, aliquantulum mulâ lento gradu egcesserat, cùm armis præter solitum instructos barbaros tumultuosè propinquare, agalo observat. Ex quorum insolentia certum Patri exitum parari colligens, nō fugam celeret, magnis eum clamoribus, properaret, & violentia barbarorū se subduceret, urgere cœpit. Pater monitus retro respiciens, ut ad se versus ire concitatiùs percussores vidit: haud istud æquidem est, inquit, fuga tempus, sed moris fortiter pro DEO oppetenda, dum ejus nobis gratia sit.

Ergo magnanimus ultro eis obviam procedens, licèt missis eminus jaculis imperetur, donec unum jumento detractum stravit, & pectus lanceâ transfodit; ceteris incondito clamore blasphemè exprobrantibus: itane vero Sacrificuli nihil esse reliqui creditis, præterquam vestrum illud carmen nos docere: *Pater noster qui es in Cælis: Ave Maria gratiâ plena? jam porro qualiter hunc Sanctum suum DEUS ipse redivivum faciat, visuri sumus.* Pater interim DEUM percussoribus suis propitium exorans, Jesūque & Mariæ nominibus imploratis spiritum in manus Dei commendans, felicem animam egit eodem die 16. Novemb. A. 1616. Et verò sui hujus beati exitus vaticinium videri potest Ferdinandus jam olim puer edidisse. Nam cùm P. Gundisalvi de Tapia à Cinaloënsibus necati caput, unus quispiam Patrum devehret Mexicum, & Culiacani ad paternam ejus domum divertisset, mater sacro pignori includendo scriniolum suorum monilium commodatura, illud vacuabat: cui Ferdinandus: *nimis illud arctum est mater, inquit, tanto capiti; serva sis illud capiti meo, qui Martyr ipse olim futurus etiam sum.* Jam verò mox ab obitu suo spectandum se per quietem P. Francisco Aristæ, suo in Parensi missione Moderatori dedit, pallente formâ, quæ mortuum referret. Attonitus ille spectaculo percontatur, *quid isthoc rei est P. Ferdinande?* Cui Pater vultum momentò hilaritate lucèque perfusus: *bene felicitèrg,* respondit, *mibi est: omnia mibi bona in Cælo abunde sunt: & confestim disparuit.* Sed & matri ejus visus per quietem vir de Societate senio venerabilis, mortem illi à filio gloriosè pro Christo obitam nunciavit, priùs quàm ullus ea de re Mexicum rumor esset allatus.

MS (O) SC



P. Bernardus de Cisneros, P. Didacus de Orosco, P. Ioannes de Valle, P. Ludovicus de Alabes Hispani, Soci IESV, à Barbaris Americanis occisi odio fidei in nova Hispania A. 1616. 18 Novemb.

M. K. f.

P. BERNARDUS DE CISNEROS.
P. DIDACUS DE OROSCO.
P. JOANNES DE VALLE, &
P. LUDOVICUS DE ALABES.

P Atratam in P. Ferdinandum in-
tempestivè cædem ad S. Catha-
rinae vicum, adeoque vulgata,
præproperè seditionis confusio
ut primus rumor per Tepegua-
norum pagos distulit, concursum simul ab
omnibus ad arma est, & correpta in necem
Patrum tela. Proximus aberat S. Jacobi Pa-
pazkiari vicus, ubi P. Bernardus cum P. Di-
daco rem Christianam curabant: cujus re-

pentino tumultu, & incolarum insolitis dis-
cursibus excitati, faciliè quid ageretur asse-
cuti sunt. Itaque quotquot Hispanorum &
fidorum adhuc ex Indis nancisci potuerunt,
eos in Templum domumque suam colligunt,
quantumlibet ab annona & ab armis penitus
inparatam, opportunam tamen ad sustinen-
dos primos furentium barbarorum impetus,
si fortè post eos (ut sunt omnium horarum
animi mobilitate homines) penitidine cor-
ptorum

ptorum tacti respicerent. At barbari cin-
 ctas continuè coronâ obfessâsque ædes, telis
 & saxis impetere, flammâs injicere, tantâ per-
 tinaciâ & rabie triduo toto moliri, ut cum re-
 sisti amplius vi non posset, deditione transi-
 gendum fuerit. Ad eam priùs quàm de-
 scenderetur, tentandum antè visum est, si
 quid benignitate, & familiari gentis alloquio
 posset confici. Igitur P. Bernardus magno
 ausu præsentèq; animo templi patefactis val-
 vis prodiens, Indos ad mentem Fidemque
 revocare potenter exorsus est; sed imbre sa-
 gittarum pro responso obrutus, si non eum
 manus Hispanorum retraxisset, in loco op-
 pressus concidisset. Aliqua tamen brachijs
 tela inhæserunt, quæ ipse tam sui potens,
 tamque doloris patiens eduxit, quàm si alic-
 nio fixa corpori starent. Post triduum ubi nul-
 la diutius sustinendæ spes obfisionis, nulla sol-
 vendæ jam apparet, liberè abeundi ad suos
 copiâ deditionem pacificuntur. Prodiere pos-
 sitis armis quotquot erant in Templo, agmi-
 ne supplicantium, P. Didaco SS. Sacramen-
 tum, & alio Deiparæ imaginem exportante.
 Ad cæmeterij ferè medium ubi ventum est,
 barbari flexis humi genibus procubère, &
 Deum qui ferebatur adorare videri voluère.
 Ad quos eâ causâ paululùm resistens P. Didac-
 us sermonem instituit, ad Fidem doctrinam-
 que, quam se Magistro susceperant, retinen-
 dam cohortatus; mercedem à DEO, quem in
 Eucharistia præsentem cernerent, si parui-
 sent habituri, sin resisterent, æterna supplicia
 recepturi. Tum illi effusâ, quàm dissimula-
 verant, rabie, mentiri cum vociferantur, DEUM
 Christianorum nequaquam ac suum
 cum hominibus loqui, simulque impetu facto
 Sacras Eucharistias particulas primò omniũ
 in terram effusas proculcant, imaginem Dei-
 paræ disceperunt, totumq; qui è Templo pro-
 dierat comitatum, crudeliter & nefariè con-
 trucidant. In Patres tamen produciorem
 lanienam exercere illis visum, ut mori se an-
 tequam morentur sentirent. P. Didacum
 feruli Eucharistici portitorem jaculo pectus
 confossum, octo valentes barbari sublimem
 tollunt, per ludibrium solennem illam Eccle-
 siæ Sacerdotum appreciationem, *Dominus vo-
 biscum*, alternantibus alijs pari ludibrio, &
eum spiritu tuo, ingeminantes: & post longam
 raptationem humi depositum, panis in cruce-
 rem brachijs porrectum tenuère, dum in-
 terim unus securi ad vertice ad imum corpus
 ei bipertit, blandissimè ipsos affanti: *agite
 porro filii, & patræ in me quidquid lubet,
 mihi pro Deo mori certum, & summa felicitas est.*

Natus hic erat Placentiæ in Hispania il-
 lustri genere, à pueritia Sacerdotij & Marty-
 rij cupidissimus, cujus utriusque consequen-
 di studio animum ad capeffendas litterarum
 disciplinas applicuit: solitus in ipsa pueritia
 non pueriliter jactare, se Societatem olim
 ingressurum, ad Indos navigaturum, ac tan-
 dem glorioso pro Fide agone occubiturum.
 Societatem re ipsâ complexus est An. 1602.
 ætatis 15. ejusq; Tyrocinio viâ absoluto, mis-
 sionem impetravit in Indiam A. 1605. frustra
 obnitentibus consanguineis, inter quos emi-
 nebat patruus Rodericus de Oroscó, Mar-
 chio Mortaræ. Navigationis eisdem quos
 mortis habebat socios, P. Bernardum de Cis-
 neros, & Hieronymum de Moranta, cum qui-
 bus Mexicum delatus, Philosophiæ & Theo-
 logiæ studia magna cum laude ibi decurrit.
 Quia verò nulla vicina Martyrij spes in eo
 Indiarum tractu offerri videbatur, Japoni-
 cam ambivit missionem: cum repentè Su-
 periorum missu ad Tepeguanos destinatus,
 ingentibus eorum in cultura exhaustis labo-
 ribus & ærumnis, tandem & animam posuit
 in ipso ætatis flore, die 18. Nov. An. 1616.
 Societatis 14. Vir magnæ mortificationis, &
 in seipso assidendo studij: quibus præsidij
 consecutum Virginitatis florem intaminatum
 sepulchro intulit.

P. Bernardo de Cisneros, qui unâ erat in
 agmine veteranus ejus populi institutor, lan-
 ceam penitus in præcordia adegere, & macæ-
 næ repetitis ictibus cranium confregere. Pa-
 tria illi fuit eadem Hispania, in qua Societa-
 tem ingressus A. 1599. ætatis 17. post absolu-
 tam Philosophiam navigavit Mexicum, un-
 de Theologiâ ad calcem deductâ digressus Sa-
 cerdos, inter Tepeguanos pluribus annis la-
 boravit, quàm incredibilem conatu innumeris
 obsepto molestijs, & quotidie occurrentibus
 periculis, tam exiguo, & malignè prorsus re-
 spondente in indigenis fructu. Quis enume-
 ret, quoties ab esseris illis hominibus, ab bel-
 luis, crudeliter habitus? quoties acerbissimis
 plagis affectus sit? Indus quidam obstinatæ
 perversitatis Idolum statuerat in extempora-
 neo delubro, quod resciscens Bernardus post-
 quam diruisset, ille quæ erat pertinaciâ pra-
 vitatis, rursum aliud in vico Otinapa erexit.
 Sed & illud cum vitæ prodigus, neque discrimi-
 nis ex eo facti imminenti ignarus, solo
 aquasset Pater, furore percitus Idololatra stri-
 cto ferro illum invadit, & tribus plagis pe-
 ctori insiditis confectum arbitratus, fugâ se
 subducit. Evasit tamen medicorum ope in
 præsens Bernardus mortem, neq; tamen un-

quam ad sceleris authorem prodendum induci potuit; his veluti præsidij ad gloriosum agonem à Deo perductus, quem eodem die & anno cum P. Didaco consummavit, natus annos 34.

Dum hæc geruntur in S. Jacobi Colonia, manus alia rebellium, quibus id curæ datum. Coloniam alteram Sancti Ignatii eodem die aggreditur, ubi jam complures Hispani cum famulitijs & Æthiopicis mancipijs conveniant, ad constitutam Divæ Virginis Purificatæ celebritatem. Hos improvisâ irruptione obruentes barbari, omnes promiscuo furore contrucidant, interq; illos duos Sacerdotes, inchoandis Divinis mysterijs in Templo se accingentes, jam pridem illius Christianitatis curatores. Primus fuit P. Joannes de Valle, Victoriæ in Hispania. Mundo natus A. 1576. Societati autem An. 1594. ætatis 18. Indicas ærumnas in ipso statim Tyrocinio ardentem exambivit, ex quo etiam continuè Mexicum dimissus est, tam exactè Regularum nunquam à se violatarum observans toto vitæ decursu, ut nihil in eo, qui penitus ipsum exploraverant, vidisse testarentur, quod alienum à perfecto Religioso videri posset. Altissimarum, quæ animæ ejus inerant, virtutum specimina tum maximè patefecit, cum inter Tepeguanos versatus omnia vilissimi mancipij munia obivit. Ipse terram aratro alendis Indis proscindebat; ligna in usum coquebat, comportabat; operam templis moliendis locabat; cibos laboratoribus coquebat; suum ipse ex Regia largitione dimensum illis præbebat; ipse interim Maiizio, aut herbis temerè collectis victitans. Ipsos autem barbaros habebat in filiorum loco, neque aliter ac fratres verbis officiisque tractabat, salutis ipsorum procuracionem ante munerum quorumcunque claritudinem ducebat. Sed quàm disparè contrà fuit tam profusæ charitatis remuneratio! talis tamen, quam solam unicè rependi sibi optabat ipse: tam copiosè Apostolicis ejus laboribus reddita, ut ex assidujs quibus impetebatur ab omni hominum genere insectationibus, nemo non ei coronam Martyrij ominaretur. Recedenti aliquando ab Ara peracti Sacrificio, colaphum barbarus valenter infregit: sciscitantque causam, *band aliam*, respondit, *nisi istum ipsam tuam Sacrificationem.* Age ergo, repōnit Pater, *ea si diuntaxat est causa, in alteram quoque genam, quam ferias;* & ut erat sacris vestibus indutus, & manus calice impeditus, in genua procumbit idum operiens. Aliàs in latrunculos viatoribus infestus incidens, cum

increpatâ vesaniâ ab his eos sceleribus dehortaretur, unus cæteris effertur tantâ violaphum infregit, ut humi straverit. Quâ eadem colaphorum injuriâ mulctatus est à muliere Inda, cum eam à publica corporis prostitutione ad pudicitiam exhortaretur: uti & à Tepeguano alio gravissimis exceptus verberibus, quod à triplici pellicatu abstrahere illum conaretur.

Admirabilis tamen interim fuit DEI providentia, sæpius à designata illum nece servantis. Duplex cuipiam Indosortum avellere tentabat, qui idcirco furore amens, & mortem pro beneficio Patri rependere certus, tertio in mapale, ubi Patrem certò esse cognorat, in festis armis irruit: cujus tamen oculis ita semper Patrem subduxit Deus, ut cum staret in cubiculi medio, barbarus tamen undique circumspiciens, miraretur se videre non posse, quem ibi adesse nullus ambigebat. Quâ re toties iteratâ vehementer perturbatus, ubi se collegit, pœnitentiâ scelerum ad Patrem se expiaturus accessit. Neque tamen hæc illi illarum insectationes viro sibi implacabiliter inlenso sufficiebant, quin tantò plures ipse per sese adjiceret. Nullus ei unquam ad usum lectus fuit, præter nudum asserem; quem si rigor hyemis, aut fatiscientis corpusculi necessitas molliorem subinde requireret, solo bubulo corio infernebat. Vestis ei semper obsoleta, & aliorum usu non solum detrita, sed etiam lacera, ut cutis per foramina promicaret, etiam algente cœlo. Octonos ferè menses quotannis pererrabat deserta sylvarum ad 50. milliaria, in intentatas regiones Indorum se penetrans, ut eos ad humanitatis & salutis suæ studium pelliceret. Neque tamen etiam tum cilicium ferè deponebat, crebras adhibens ad sanguinem verberationes, idque nocte plerumque intempestâ, procul à comitibus in agro vel sylvis, nè illis obturbaret. Atque in his laboribus 12. annos apud Tepeguanos maximo fructu egit, pluribus institutis templis, & extirpatis Idolis. Inter quæ lapideum unum famosum confregit, tanto Dæmonis sensu, ut terram moverit, incendia conciverit, pluræque alia ediderit prodigia. Pacem uti ipse colebat sanctè cum omnibus, ita studiosè eandem inter dissidentes conciliabat; tantâ felicitate, ut ex facilitate odia quantumlibet inveterata componendi, mutato nomine P. Joannes à Pace vulgo nominaretur, appellatione hæc etiam post fata illis partibus hodièque perdurante. Deiparæ cultor fuit planè magnus, ad solum illius nomen lachrymis

perfundī solitus: quo interposito si aliquid postularetur, voto, eoque quotidie instaurato se obstrinxit, nunquam denegaturum. Eidem se chirographo sanguinis sui obligavit in servum perpetuum; & in celebri ejus imagine, sæpius per diem & noctem supplex illi adolvebatur, quæ postea unā cū ipso sagittis confixa fuit. Cujus gloriose mortis sponsonem (quam inter sacrificandum quotidie ardentè flagitabat) accepisse divinitus creditur ab eadem Virgine Deipara; nam & coram nonnullis, & per literas absentibus alijs sese Tepeguanorum manibus ante trimestre occubiturum asseveravit ex vero. Ad hæc stanti aliquando, dum Missam faceret, ad Aram, è manibus S. Agnetis (cujus imago super Altari erat) lapsa palma in caput est, velut de mortis gloria illū admonens: quam affectus est anno ætatis 40. Societatis 20. perpetuo conservatæ Virginitatis flore candidam & rubicundam.

Alter P. Ludovicus de Alabes pernobili genere natus est Guaxacæ in nova Hispania, ibidemque Mexici Baccalaureus Philosphici gradu jam insignis, Tyrocinium Societatis ingressus est A. 1607. Sacris à Theologia peroluta initiatus, continuè missus est ad Tepeganos barbaros, vitā universā tam innocentè tradidit, ut primè in Baptismo susceptæ gratiæ nunquam fecerit jacturam; cū tamen conscientiæ suæ tam accuratus esset inspector, ut vel atomos erratorum, & inobservabiles penè incogitantias ad tribunal Pœnitentiæ afferret. Perpetuā mentis collectione cum Deo conjunctus, animum in cœlestia semper intentum prœbebat, tum oculorum frequenti in cœlum elevatione, tum assiduīs suspirationibus, sæpe in clamoras etiam voces illi erumpentibus. Ceterū corporis afflicti studio, amore paupertatis,

animarum zelo, suæque omnia Indis pauperibus, quæ munificentia Regis illi assignaverat, distribuendi charitate, persimilis fuit Patri Joanni de Valle, cui commortuus est Ann. ætatis 27. Societatis 9. Et quia Virginalis pudicitia, corporis animique illibato flore servato, erat amator eximius, inde Reginæ Virginum cultor etiam fuit constantissimus: cum qua multas frequenter horas exigere, multaq; filiali cōfidentia, & præ alijs Martyrij copiā cupientissimè flagitare solebat; dignus proinde ab illa habitus, cui prærogativam hanc ante illius eventum polliceretur. Nam inter fundendas coram illius imagine preces, 15. diebus antè quàm à barbaris occisus est, audita est à nonneme clām observante major humanā voce, clarè mortem inclytam, non diu post illi condicens, atque ille promissum cum actione gratiarū admittens, Eundem Guanaceni sacrificantem adstantes audivèrè Domino ita locutum: *Itāne ergo Domine eo mortis genere occubituri sumus? & eodem illo quidem univèrsi? fiat sanctissima voluntas tua.* Quæ eadem noctū dicere à puero famulo auditus est: quem etiam interrogavit: *tantumne tibi futurum est animi, ut unā necem persurgare Martyrio?* annuit puer, & re ipsā postea id præstitit. Sed & fratri Sebastiano Montano Ord. Prædic. Guanaceni, & suam & ipsius in Fidei causa necem disertè præsignificavit, tantā asseveratione, ut ex eo indicio Montanus datis ad Moderatores suos literis vale ipsis fecerit. Imò videri potest Martyrij præsagium inde usque à baptismo obtinuisse: cujus videlicet unius nomen in Albo Parochiali à Curione, qui Dominicanus erat, rubris descriptum grandioribusq; literis fuerit; cū id nemini vel fratrum ipsius antè natorum, vel ulli aliorum Nobiliū sit faciūm.

P. JOANNES DE FONTE, & P. HIERONYMUS DE MORANTA.



uemadmodum in concitato tempestatis pelago fluctus fluctu trahit, sic in exulceratis semel ferocia mentibus, scelus unum ad aliud tentandum gradus est. Vix quatuor Sacerdotes 18. Novembris immani parricidio confecti fuerant, cū insequenti 19. duo alij à barbaris, uno ferè milliari à cædis loco intercepti sunt, venientes à suis Ecclesijs ad condidam B. V. purifi-

cantis in vicum S. Ignatij solennitatem, ignari adhuc tum seditionis atque tumultuum. Ij erant P. Joannes de Fonte, Socijs totā eā missione Tepeguanicā dispensis præpositus, quod eam gentem ab ipso expeditionis exordio, totos 16. annos cūcūcaverat, & expoliaverat: & P. Hieronymus de Moranta, qui antea non semel turbida eorum consilia sui capitis periculo dissiparat. His obviam progressi barbari, primum eminus jaculis, mox



P. Ioannes de Fonte, P. Hieronymus de Moranta Hispani, Soc. IESV, odio fidei à Barbaris Americanis interfecti in nova Hispania A. 1616. 19. Novembris.

M. K. f.

è propinquo lanceis atq; macanis, odio Christiani nominis, eos immaniter contrucidant. Prior natus in Hispania, ebidemque Societati & Sacerdotio auditoratus, in Mexicum, atque inde ad Tepeguanos transivit. P. Hieronymi Ramirez, expeditionis illius auspicius futurus successor. Hic ei ad mortem usque laborum campus fuit, in quem DEO fretus sine comite ingressus, ad 50. milliaria per barbariem vastitatemque periculorum contemptor penetravit. Victus ut plurimum erat tostus mazium, & in ejus defectu promiscue ex agris herbe; potus aqua pluvialis, fortuito è lacuna vel palustri cœno hausta; lectus vel dura humus, vel nuda tabula: ex his aliisq; perpetuis incommodis, in ore macies, multa in toto homine, Apostolico viro non indeco-

ra, illuvies. Ubi autem barbarorum, belluarum more montium latibula incolentium, sibi per intervalla conciliârat aliquem numerum, eos in æquiora loca deducebat: casas illis partim ipse extruebat, partim suâ manu paratis instrumentis structuram docebat: ipse lateres, ipse fornaces illis excoquendis fingeat, aratra conficiebat, arabat, boves arandis agris aliunde quæsitos suppeditabat. Quod si morbus quempiam ex ipsis incesse- ret, ex aratore factus medicus, ægris adesse, fovere, ipse cibos parare, in os inferre, medicamenta conficere aut comparare, & suâ manu dhibere. Sicque demum delinitos effe- ratorum hominum, ac propè dixerim fera- rum animos, Christianis rudimentis imbue- re, Baptismo præparare. Quantum autem
ad

ad hos labores virtutum attulerit apparatus (nè jam dicta in alijs sæpius ingrâtè repetam) facillè hunc ei majorem etiam præ alijs adfuisse concipiet, qui tot annos illum in vastissima barbarie, indefatigabili constantiâ perstitisse cogitabit. Indorum ea natio, cui postremam operam impendit, & totam Christo per Baptismum subegit, tam fera nihilominus & sanguinis sitiens extitit, ut malo agente Dæmone ad ingenium rediens, Patrem non semel designaverit ad necem, habueritque bis clausum in custodia, diu impastum, ut inediâ conficeretur. Nunquam tamen ipse periculis ejusmodi, aut toties frustratis laboribus in tædium adductus, vel ad quietem, vel ad aliam regionem respectavit; donec corundem, quibus optimè semper fecerat, manibus interemptus, pro tam malè repensa in terris mercede, meliorem à DEO recepturus in Cælum abiit, anno ætatis 42. Societatis 23.

Alter P. Hieronymus de Moranta, magni illius in Societate Hieronymi Natalis nepos, in Majore Balearium Insularum ortum traxit An. 1575. & monitu venerabilis Alphonsi Rodriguez Coadjutoris nostri, primò Societatem, ejusdemque suavi deinde Indicam professionem expetijt, & impetravit. Cujus vaticinà prædicatione, Martyrij coronam illi pollicentis, incredibiliter animatus, in novam transmisi Hispaniam An. 1605. mox à suo adventu in campum ærumnarum inter Tepeguanos emissus, ut P. Joanni de Fonte Apostolicorum laborum socius esset & adjutor. Cum quo omnes deinceps calamitates, necessitates, rerum penuria, communia ipsi fuere, cum & nudà semper humo, etiam dum apud Hispanos divertenti lectus paratus esset, cubaret, & vitam duceret in victu & vestitu longè illis veteribus Eremicis austeriorem. Quanto desiderio ferretur in barbarorum salutem, tunc præcipuè patuit, cum deprehensus est in avio saltu, Crucifixi Dei manu alterà complexus effugiem, alterà se dirà verberatione cruentans, & DEO profusus unà lachrymis supplicans, suæ ut prædicationi vim, ad pervellenda Tepeguanorum corda adderet. Nec irritas fuisse preces inde conficitur; nam 500. aliquando simul conciliavit culturæ Christianæ, & alibi sæpe numero tam frequentes, ut populos aliquot ex illis, in novas colonias divisit, funditus condiderit, quibus similiter ipsi, atq; alijs Socijs, aratione, messione, mapalium structurâ, omnium denique artium mechanicarum exhibitione præcursum fuit. Nec ullius ferè

ex Tepeguanis Patribus major apud Hispanos opinio, & virtutis fuit æstimatio, qui eum vix alio quàm Sancti nomine communiter designabant. Mortem, quam anno ætatis 41. Societatis 21. oppetijt, non uno præfagio pridem antè patefecit Cælum. In vico S. Josephi Sacris operanti, columba repentinò advolans, calicem consecratum effudit, & faciem illi sanguine conspersit. Quod eùm iterum in loco, cui Procas seu Ora est nomen, evenisset, ijs qui aderant stupefactis respondit: *quantum ego quidem assequor filioli, videtur complacere Deo, ut sanguinem ego meum pro ejus amore profundam.*

Post tam immanem Patrum cædem, Gaspar de Albear novæ Cantabrie Gubernator, contracto undique Hispano milite, in regionem barbarorum homicidarum irrupens, dum Provinciam domitis perduellibus armatus obit, quatuor cæsum Patrum corpora ad vicum S. Ignatij nuda, & tertium jam menssem prona humi jacentia deprehendit, prorsus adhuc & recentia, omnis tabis expertia, & formâ tam suâ, ut internosci perfacillè possent; ac præ alijs P. Joannes de Valle, spirare adhuc & vivere nonnullis videretur. Corporibus PP. Joannis de Fonte, & Hieronymi de Moranta, duo assistebant canes, quales servandi in solitudine jumentis, nè diffugiant, ibi adhiberi solent, qui primi adventantibus Hispanis latratu fecere indicium. Inventus etiam penes illos concionum descriptorum fasciculus esse, experts injuriæ à crebris imbris, & densâ nive; uti & calix, cujus ipsis ad litandum in excursionibus usus erat: corpus utriusque cilicio erat præcinctum. P. Joannis de Valle, & P. Ludovici de Alabes cadavera, intra ipsum vicum prope Templum reperta sunt. Et quidem P. Ludovici mirabili situ pronum humi jacebat, solo pectore terræ incumbens; caput, manus, pedes sursum erigebat in cælum; in femorum altero ferratum cilicium, usu atque appensione in carnem aliquoufque sepultum: in altero pedum vulneris vestigium erat, & sanguis etiamnum ruber ac recens. P. Joanni de Valle thecam de collo pendulam cum Reliquijs, cetera penitus spoliata, à barbaris relictam, Gubernator suæ pietati vendicavit, in qua reperit servitij Mariani chirographum sanguine ab ipso conscriptum, & particulam ligni S. Crucis. Et quidem ab ipso, dum viveret, petierat pronuper hic ipse Gubernator aliquod Crucis Christi fragmentum, & P. Joannes spondit, non quidem tunc, sed alio tempore ac loco se illi præbiturum: quod jam in cæsi ca-

davere inveniēns, demiratus Patris conjunctionem cum vaticinio fidem, desponsum sibi pignus magnā veneratione accepit.

Inventis his quatuor casorum pro Fide Patrum pignoribus, exultans Gubernator (nam reliquorum partim omnino abjecta, partim defluente carne cum aliorum ossibus permixta, discerni non poterant, cum quibus ideo promiscuē, magno tamen honore sepulta sunt) ea secum ingenti pompā & solennitate Guadianam deportavit, egressā obviam Urbis multitudine, & frequenti Nobilitate, resonantibus Urbe totā campanis, & reboan-

tibus militaribus fistulis. Venerandæ eorum exuvie deportatæ sunt ab Episcopi ea in Urbe Vicario, comitante Clero & PP. Franciscanis, ad Societatis Ecclesiam, & ad Evangelij summæ Aræ latus honorificè sepulta. Indè post annos aliquot reſerato, nescio quā causā, conditorio, inventa iterum fuere eorum corpora labis expertia, & suavi odore, fragrantia, tamque firma & integra, ut P. Ludovici corpus in pedes locatum, uno duntaxat ad humeros admoto digito, rectum consisteret,

P. FERDINANDUS DE SANTAREN.

Numerum feliciſtōnarij clauſit P. Ferdinandus, licet non Tepeguanæ Vineæ, sed Xiximorum priori contineretur cultor, & propter multorum annorum constanter navatam operam, veluti earum gentium Apostolus habitus. Quia verò per idem illud tempus Guadianam Moderatorum accitū erat abiturus, vehementer eum oravere Patres vici S. Ignatij, ut ad eam Deiparæ purificantis publicam solennitatem, non magno itineris deflexu ad se diverteret. Ille votis amantissimorum Fratrum obsecundatus, cum per Tepeguanos iter aggressus Tenerapam, omnis periculi inconſcius, perveniſſet, jumentum pabulo inſtauraret, ipſe verò Miſſæ Sacrificium interim peragere decrevit. Verum frustra campanæ ſonitu evocato ædituo, Templum ingreſſus, aram ibi everſam, Sacras imagines violatas, impiata pollutæque omnia invenit. Indè rem, ut erat, ſuſpicatus, jumentum celeriter repetit, & diverſum Guadianam iter arripit. Sed Indi ex inſidijs ſpeculati omnia, aliquantulum progreſſum conſecuti, ad præterfluentem amnem deprehendunt, & detractum jumento humi aſſigunt. Quos ille benigniſſimè aſſatus cum ſciſcitaretur, quid unquam ijs intuliſſet incommodi, quo ſic interfici meruiſſet? ſatis illi ad necem cauſæ eſſe reſponderent, eſſe Sacerdotem: & valido clavæ icſtu caput illi diminuunt, alijsque ſuper alia vulneribus inſiſtis, cerebro viam diſpergunt, corpūſque deſpoliatum in amnem abijciunt. Cædem viri innocentis luxere ipſemet Tepeguanorum mulieres, & virorum in Patres diritatem execratæ ſunt. Erat P. Ferdinandus nobiliſſimā proſapiā in Hiſpania oriundus, in Societatem, cui maternus avus Col-

legium fundarat, annos natus 15. transgreſſus: in qua tantum cum ardor divinitus juvandarum animarum occupavit, ut aſſidujs precibus miſſionem Indicam, mox auditā Philoſophiā, impetrārēt. In ea navigatione delicatiſſimus adoleſcens, incredibili ſubmiſſione imis etiam veſtoribus famulari, quavis vel abjectiſſima ſordidiſſimæque in re inſtitit, omnes affari blandiſſimè, amiſſimè tractare: quibus artibus omnium animos ita ſibi devinxit, ut in tanta abjectione, nobilitatis virtutiſque ſplendore magis eluſcente, perſtricti militum, nautarum, mercatorum, omnium animi, ad omnem ejus vocem, monitum, nutum, cerei eſſent & impigri; totoque adeò navigio, ex ejus quodammodo unius, quanquam adoleſcentis, neque Sacris ordinibus adhuc maturi, arbitrio, ab univerſis viveretur, omnes ad eum controverſiæ deferrentur, & ex ejus deciſione, quod mirificiſſimum eſt, ratæ haberentur. Et quia præter quotidianam ad nautas Cathedreſim, feſtis omnibus ardenti concione dicebat, omnes in navigio ſimultates & odia extincta, ludi vetiti, blaſphemæ, aliæque vitia ſublata, & in eorum locum crebra virtutum officia, Pœnitentiæ & Euchariſtiæ frequentationes introductæ. Ipſe interim tantæ ſui cuſtodia, tam vigili ſenſuum coërcitione agitare, ut cum in ea ſitam innocentia ſummam diceret, non ſolum illibatam Virginitatem, ab omni etiam alio lethali peccato immunis, per omnem ſervaritatem, ſed neque ullis contrarijs illi motibus unquam inſeſtatus ſit. Theologiæ ſpatia Mexici decurrens, doctriſnam ſimul Chriſtianam vicino Indorum Seminario tradebat; dum Sacerdotio initiatus, totum ſe illorum ſaluti conſecraret. Itaque in Cinaloam deſtinatus, primus eam cum P. Gundifalvo



P. Ferdinandus Santaren Hispanus, Soc. I. E. S. V. Religionis causâ ab Indiis Americanis occisus, in nova Hispania A. 1616. 20. Novembri

M. K. f.

salvo de Tapia per biennium multo labore, & præsentis semper vitæ periculo, excoluit. Indè ad longè duriorem inter esferatissimos omnium barbaros expeditionem evocatus, omnem reliquam ætatem in Topianis percolendis insumpsit. Primis annis dum solus operam contulit ad eam messem, diebus Dominicis ternas in S. Andree vico habebat conciones ad Hispanos, qui perpetuâ barbarorum consuetudine sinè ullo hætenus animarum pastore penè obbrutescebant: ad Æthiopica mancipia, ad Indos gentiles. Ad quos ubi die Mercurij iterum dixisset, ad alterum in ijs montanis Hispanorum oppidum Topiam per plura milliaria iter inibat, in quo trecenties sexages amins unius interfui vadam, præsentissimo sæpe periculo capitis,

dum ex imbris intumuerat, pertransire cogebatur: atque ibi die Veneris ternis similiter habitis concionibus, recurrebat illico pro Dominica ad S. Andree. Per Quadragesimas autem tempus circumquaque procurrens, supra millena & quingenta passuum millia, repetitis in Orbem excursibus, Evangelium promulgando conficiebat.

Atq; hæc fuere Viro Apostolicorum laborum veluti prolusiones; nam ubi latius suæ proferre spatia Charitatis instituit, tam multa, tam grandia unus aggressus & complexus est, ut 14. deinde operarij, quamvis navi & perstrenui, in labores ejus induciti, vix operi implendo pares fuerint. Supra 40. ædificavit ex mansuefactis jam suo congressu palatibus barbaris colonias, & amplius 50. Ethnicorum

nicorum millia suâ ipse manu aquis Baptismi perfudit; longè tamen auctiore numero ad humanæ & Christianæ vitæ modum cicuravit. Idolorum vim innumerabilem confregit, superstitiones & veneficia plurima extinxit; quantis ad hæc perficienda exantlatis tot annorum continuato labore malorum iliadibus, quis enumeret? nam de vili ac pertenui, & crebrò propemodum nullo victu, paupere strato, tecto, corporis cultu, de omni humani destitutione solatii, de longo illo, atque ab humana veluti consorte divulso inter ferros mortales exilio, ipsa per se satis descriptio regionis, quid sit sentiendum, declarat. Eam P. Andreas Tutinus, qui ægro tantem inter Xiximos Ferdinandum inivit, breviter ita descripsit. *Ubi ad locum, ubi P. Ferdinandus jacebat, accessi, visa mihi est tum via, tum loci facies tam aspera, tam ardui ascensus, tam horridus ipse populus, ob præruptas precipitesq; scopulorum, quibus obvolutur crepidines, ut si mihi moriendum ibi foret, dicerem testamento canturum me, ut meas alio transferrent exuvias: propterea, quod locus hic situ ipso, asperitate, indigentia rerum omnium, quoddam inferni simulachrum referret. Ipsi tamen P. Ferdinando tam ibi jucundè, tam latè erat, perinde quasi Toleti degeret aut Madriti: & consueverat dicere, ibi se suum habere Mexicum, suas delicias.* A. 1603. Topiana gens universa arma corripuit in Hispanos, & præter vicos, officinasque argentariorum, amplius 40. templa partim exussit, partim diruit. Ad quos minas spirantes & sanguinem P. Santarenius inrepidus per medias hostium turmas accurrit, præsentissimo vitæ periculo, siquidem eo ipso die grassantes barbari vias obsidebant, & obvios rebus omnibus ac vitâ ipsâ spoliabant. Jamque paterni nominis immemores, pacem offerenti Patri, apage, inquebant, non jam parentem te agnoscimus. Sed eos Pater suavissimâ tractatione delinatos, & invidiâ injuriarum & convitiolorum tolerantia fractos, brevi ad mitiora deduxit consilia, & stabili cum Hispanis & Ecclesia pace conjunxit.

Non multò post in vicina Topianis gente, Sobaibi dicuntur, grandævus ætate veneficus, à Dæmone dictus Episcopus & Apostolorum Princeps, impellere suos in vindicandam de Hispanis libertatem instituit, se illos non minùs ac Hispani faciant, Christi legibus imbuturum; præbebâtq; jam cum duobus Apostolis, quos Joannem & Jacobum appellaverat, fidei Sacramenta. Ad eos P. Santarenius impigrè per infestas hostium vias profectus, salutaribus monitis ita feliciter in

viam reduxit, ut brevi è præruptis montium latebris ingentem eorum vim secum ad plana colenda deduxerit, sexcentis periculis ereptus. Veterator ille Episcopus cum sociis captus, & supplicio addictus, auctore P. Santareno magna pœnitudinis & plenæ conversionis signa, de tota vita ritè expiatus, priùs edidit. Erat nimirum in Ferdinando mirifica quædam morum suavitas, & venustas, agendi gratia, quâ sibi omnium, quibuscum ageret, animos, amorèque conciliabat. Hinc fiebat, ut sicut olim in navi, ita nunc in metallicis Hispanorù per ea montana officinis, ubi quotidiana propè odiorum & rixarum seges est, ipse summâ partium voluntate quæreretur unus omnium controversiarum judex & dirimitor. Incredibili porrò barbaros tractabat suavitate, & charitate planè maternâ complectebatur; quos cum post aliquam absentiam revisens sibi obviam occurrentes haberet, continuè ruebat in amplexum, brachijs arctè circumligabat, vultui quamvis squallido vultum admovebat, sciscitabatur benevolè qui valerent, venisse cupidè se quò eos reviseret, quos coactus fuerat tantisper ob gravia negotia deserere. Et major adhuc teneriorque cum infirmis & calamitosus erat agendi ratio, quorum levare miseras tum suæ portionis impendio, tum corrogatâ stipe nitebatur, impensis in usus inopum supra 40. millia pondo argenti: nonnunquam etiam intimâ sibi detractâ interulâ, quâ egentes, suorum negligens & contemptor commodorâ, amiciret. Neque tamen his extinguebatur ardentissima, quâ flagrabat, patiendi sitis: ipse novas adinveniebat quotidie sui afflicti & persequendi, tantum non usque ad mortem, artes. Et quia molli nimium in se ipsum manu flagris & cilicijs fœvere sibi videbatur, deprehensus est aliquando duobus Indis pedissequis sui verberandi copiam cum imperio fecisse, justissè ad arborem alligari, nudari tergum, & positâ sui miseratione, totis in flagella viribus & lacertis incumbere. Hæc verò asperitates jucundas ei reddebat perpetua cum Deo familiarisque consuetudo, quâ non tantum orationis tempore & loco, sed medios etiam inter hominum concursus, intus ipse se colligans, summo Bono conjungebatur. Cujus perpetuis laudibus personabant vastæ illæ terrarum solitudines, ipso humanitatis omnis silentio formidosiores: adjungebatur sæpius diei integrè adorando uni Deo impensæ, nox etiam solidè in Numinis veneratione consumenda. Ab hac agendi cum Deo consuetudine Sera-

phicis plenus æstibus, quoties ad mortales ad virtutem exhortandos se transferebat, flammæ & ignes spargebat: quibus maiorem corda hominum inflammandi vim addebat, perspectus omnibus in eo virtutis, ac præsertim puritatis nitor, quo nullum adversum pudicitia: verbum nutumve coram se edipatiebatur. Constat etiam auctore certissimo, totis 20 annis, quibus creberrimè viri sibi addictissimi in itinere: hospitio usus est, nunquam illum in herilem filiam virginem, domi passim ante oculos obversantem, oculos flexisse.

Sed nè longior in virtutibus ejus recensendis sim, possent eæ velut in compendio legi unâ ejus epistolâ expressæ, quâ Superiori Mexicum ad quietem illum invitanti, respondet in hæc verba: *Tametsi me jam persensitum senem & lassum, atamen stare per me volum, quò minus procuratio salutis istarum animarum, atq; missionum procedat, neq; postulaturus sum unquam ab illis decessum. Neq; derogatum ibo tamen idcirco quidquam obedientia: quin de me perinde quasi de cadavere constituat; quandoquidem satis id mali foret, si post annos undeviginti in missionibus exactos fecundos laborum, non esset illud indifferentia super, quod à nobis S. P. N. Ignatius exposcit. Et quanquam præclaris baudquaquam dotibus instructus sum, non omitto tamen me denuo offerre: Ecce ego; non recuso laborem; fiat voluntas Domini. Isthic non experiri mihi vos eum animi succum, illud gaudium, quod Dominus, ubi complacitum est, obventibus has missiones infundit. Amplius multo largitur interdum DEUS una in destitutione, quæ hic percipere sunt, dum aberramus à via pedites in arduis montibus, in procella nivis, tenebrosa nocte, sub dio inter imbres, sine tegumento; quam horis compluribus orationis & secessus. Apprimè magnum id solatij est, quod medijs hisce in labo-*

ribus mihi DEUS impertit. Ea causa est; & præterea quia ab his arumnis eximi velle, genus esse quoddam videatur DEO terga vertendi, & Christum Dominum sub Cruce solum relinquendi, id quod ipse mihi quondam isthic in quiete exprobraturum foret; hæc inquam me movent, ne abire hinc postulem. In hoc positus sum. Quando verò me hic occupavit fatalis dies, ne ego felix fuero; intelligamq; mortem in armis obitam atq; in acie inter hos barbaros, hand imparis meriti fore, quam si Patribus meis Fratribusq; circumdarer. Et hæc in destitutione presidium. Me mihi Domini nostri promitto, cujus gratiâ jucundè ea toleratur. Has exaro defatigatus, nullo vel considendi tantisper spatio totum jam triduum concessi; morbidus meâ manu venam incidens, quia qui id faciat nemo alius in promptu est; ad hæc Catechismi erudiens, & salutis undâ perlucens, supra septuaginta capita, qui Fidem nunc primum capebant, eamq; unâ cum Patre, à quo baptizantur, palam profitentur; & in momenta dissero, ac diversè vocor. Deus Dominus noster hisce misellus sospitatem & Celum morientibus largiatur, & Reverentia Vestra per multos in suam vineam operario. & mihi spiritum ad obediendum, ut vero filio Societatis Jesu, qui servet Reverentiam Vestram. Sic in labores adhuc ultiores animatum, invidenda mortis eripuit, ut Cælo infereret, natum annos 51. quorum 23, in difficillima missione Topajana exegit, sociorum illic annis 14. Superior. Partem exuviarum ipse sibi ab India impetravit Hueta, Patria ipsius, quæ in Collegio à Familia ipsius ibidem, futuris (si Deo visum fuerit) honoribus asservatur. Ejus etiam invocatione, coram ordinario loci Antistite juramento deposito, fassus est Didaci Davila Centurio Hispanus, his tæve se in lethali casu fuisse servatum.

P. ROCHUS GONZALEZ à S. CRUCE, &
P. ALPHONSUS RODRIGUEZ.



Uod olim fabulosè Orpheo tribuit Antiquitas, eum tam scitè modulos ad citharæ usum potuisse attemperare, ut truces etiam belluæ, omnis seu timoris, seu feritatis oblitæ, ad communem voluptatem confluerent: id longè veriùs in P. Rochum cadit, qui Divinæ gloriæ, ac animarum studio accensus, mortales belluistruculentiores, omnis humanæ Societatis cultusque ignaros,

à latebris nemorum evocavit, legumque ac honesti publici amore captos, communi pagorum & oppidorum septo conclusit. Est Paraquaria ab ingenti flumine, quo interluitur, immensus quidam terrarum in America tractus, inter objectam ab ortu Brasiliam, ab occasu Peruviam, multas in se vastas Provincias & Nationes continens; in cujus urbe ab Hispanis condita, & ab Assumptione B. V. agnominata, natus est Rochus parentibus



P. Rochus Gonzalez à S. Cruce Paraquariensis Indus et P. Alphoneus Rodriguez Hispanus Soc. IESV. crudelissimè ab Idololatri Paraquariensibus pro Christo necati 15 Novemb. A 1628.
C.S.d.

M.K.f.

Hispanis, & Nobilitate & Virtute claris. A puero ita nostris insuevit, ut frequentior domi Societatis esset, quam suae: quorum praeceptis & exemplis institutus, coepit necdum perfectè rationis compos divinarum jam tum rerum meditatione sese exercere, multis in eo studio favoribus à Deo cumulatus, quorum princeps fuit, quòd tempestivè saeculi negotijs remissò nuncio, ad Virginitatis statum in gradu Ecclesiastico sese transtulit. Vix Sacerdotio inauguratus erat, cum inopportuna flagitatione eum poposcit Episcopus ad suas vices, in Cathedrali Ecclesia obtinendas, cum Provisoris & Generalis Vicarii titulis: cujus postulationem, & intempestivum opinione sua munus, declinans vir modestissimus, post administratum aliquanto tem-

pore simplicius Curionis munus, ut omnibus deinceps in perpetuum dignitatibus caput subduceret, in Societatem, Urbe, atque universam mirante Provinciâ, se contulit An. 1609. ætatis 33. Indorum idioma ut inter vernaculos à puero imbiberat, ita tractabat incredibili facundiâ, tantumque illi gratiæ ac leporis divinitus addebatur, ut, cum se in novas illas belluarum magis, quam hominum Provincias Apostolico zelo deinde inferret, effera illa barbarorum corda ejus oratione mitigata, sensim ad humanitatis cultum haud ægrè adhærescerent. Ad quam expectationem quemadmodum ingentem virtutum attulit apparatus, ita scientiarum non nisi quæ ad sufficientiam esset penu instruitus fuit, solâ Theologiâ morali eruditus. Igitur

tur post absolutum legitime Tyrocinium ab habitata Hispanorum colonijs Paraquariæ regione, in profundiora & ferocissimis habitata barbaris, ferarum more, loca se transferens, vagos illos palantesque mortales à feritate ad humanitatem, & mox ad Christianæ Fidei lucem, itémq; ex montibus & sylvis ad aqua loca in oppida populósq; reducere instituit. Indè Reduções cœpere dici ea loca, in quibus Indi passim antè nullâ Reipublicæ specie, ut apud Inferos aut inter feras vivere soliti, nunc ad civilem & socialem vitam reducti, sedes & oppida figunt. Quæ res quantum laboris P. Rocho, & Socijs ejus exemplum sequentibus, attulerit erumnarum, dici vix potest. Decem tamen ejusmodi Reduções ad Paraná vastissimi fluminis ripas, quod lato 60. leucarum alveo mare intrat; totidémque ad Urugaicæ alterius fluvij littora, Socio- rum improbo conatu coalitæ hodie visuntur, quarum nonnullæ mille familijs, aliæ sexcentis aut septingentis habitantur, in justæ urbis formam, domorum & incolarum numero, perductæ. Patet autem Urugaica Provincia, à fluvio sic dicta, 300. circiter leucas in longum porrecta, inter perpetua montium juga obtenta Brasiliæ, & fluvium Urugai: in quam post excultos labore immenso Guaycuras, gentem asperam & freni impatientem, primus P. Rochus Christi signa sub annum 1620 intulit, & primam Reduccionem, ab Immaculato Deiparæ conceptu nominatam constituit, ex septingentis indigenarum familijs, quæ ter mille octoginta capita continent, constatam. Quas ipse ut suis è latebris, nemorumque & montium cavis pelliceret, & socialem vitam vagis, & suo cujusque arbitratu vivere assuetis persuaderet, incredibile dictum est, quanta in hisce molitionibus dura atque adversa tolerarit, edendi bibendique penuriam, lecti, tecti, & vestium inopiam, æstum, lassitudinem, sudorem, & defectionem virium. Accedebant innumera auctore Dæmone injecta obstacula, grassata per totum triennium in ipsa hac prima Reduccionem pestis, quæ vix sexaginta familias stragi superstites fecit.

Cum niteretur adverso flumine Urugaico cum socio P. Petro Romero in Provincie ulteriora pervadere, continuo magnis copijs barbari obsistere, mortem, nō regrederentur, crebris emissis sagittis minati. Sed nihilominus ille ausus experiri hominum feritatem, si flecti possent, solus pedes, inermis ad eos tetendit, & suâ plûs quam humanâ lenitate felicissimè, quæ intendebat, impetra-

vit. Mox igitur novâ deductâ barbarorum coloniâ, alteram à S. Nicolao dictam Reduccionem ex 400. familijs inchoavit, iterumque A. 1626. tertiam à S. Francisco Xaverio, 1200. Indorum capitibus cultam; ac subinde quartam & quintam condidit, illam à tribus Regibus, 500. deductis familijs, hanc à Virgine Purificata ex 340. His sedibus statuendis, quàm sæpe caput præsentissimo discrimini objicere, sæpe vitam, barbarorum incertæ fidei credendo, prodigere coactus fuerit, non meliùs quàm ex ipsiusmet epistola ad suum P. Provinciale datum, colligi poterit, enarrantis pericula, quæ in una istiusmodi Reduccionum fundatione exantlavit. *Dum ex Conceptionis ad Regum Reduccionem prono flamine tenderem, ut secundo in Ibicuiti profiscerer, literas à P. Petro Romero accepi, quibus indicabat Indos Ibicuitenses ingentem exercitum cœgisse, ut Regum Reduccionem solo aquarent, ac de ludis penas sumerent, quod eo processissent temeritatis, ut Patrem apud se degere permitterent, neq; veriti fuerint legibus ab eo propositis seipsos mancipare. Omnes Reduções Regum me etiam vehementer debortabantur, nē me via committerem: certum enim me vita periculum subiturum, si ulterius progrederer. Sed ego sempiterna animarum illarum, ante temporaria mea pericula ducens, eo me conferre statui, ut quid rei subesset propè discernerem. Patrem itaq; Romerum mihi comitem adscivi, ac viginti leucas ingressi, binas Indigenarum canoas (sic navas suas vocant) reperimus, quas P. Romerus, exploraturus quid veri haberent mina atq; terrores, præmiserat. Hi uno omnes consilio nobis auctores ut regrederemur extitere, nisi lucis hujus usurâ certò cupere- mus orbari. Seditionem inter Indos esse constatam, eosque cum ingentibus copijs ad inchoatam Purificationis venisse Reduccionem, ut me, quem adhuc ibi versari rebantur, armati per vim opprimerent; cùmq; paulo antè commodum indè digressum non reperissent, Templum ac Crucem distulbasse. Hæsi hic aliquantisper incertus consilij; sed peracto Missæ Sacrificio, ad progrediendum incitari me sensi, ut aliquid remedij tam projectæ audacia, quoad possem, adferrem. Simul locum attingi, ubi ea Reductio fuerat, finitimos Caciquios (ij gentis veluti Principes sunt) ad me convocavi, qui rem universam, uti gesta fuerat, enarrarant; venisse copias innumeras, atq; omnia eruisse; nonnullos ex ipsis abfuisse tum temporis à Reduccionem, sed nē si quidem adfuis- sent omnes, tante Indorum multitudini ad obsistendum futuros fuisse pares. Nihilominus acerbo verborum castigatione eos insectatus sum, nega- tūq; me eo loco vestigia positurum posthac, ubi tan-*

tam fuerat scelus perpetratum. Tum Caciquios regionis Tapè, hoc est magni populi, accersitu meo frequentiori ludorum comitatu ad me profectos rogavi, ad summum ut me populum deducerent. Sed illi unâ omnes sententiâ, quotquot erant, capere vehementer refragari petitioni meæ: donec partim verborum lenocinio, partim illecebrâ munusculorum, itâ eorum gratiam aucupatus sum, ut mihi reniges à suis dederint, quibus Tibiquaro flumine conscenso ad Tapè pervenirem. Ipsi terrestri itinere prægressi, tuguriolum in ripa construxerunt, quo me, cum quinto post die appuli, reciperem, neq; ultra progredere; præferentibus illis aliorum Caciquiorum metum, eo quod in interiora sue regionis me admississent. Sed post multos ultro citroq; sermones ijs persuasi demum, ut me lustrare patriæ suæ penetralia sinerent; neq; tamen omnem ijs metum adimere potui. Igitur ut veni in Tapè, magnis benevolentia significationibus me protinus cum uxoribus & liberis inuisce; sed exorare nullo pacto potui, ut me secum degere sinerent. Diem interim ex die ducens, affirmavi tum denum brevi me remeaturum unde veneram, ubi terram eorum omnem obivissem, designassem, quo loco posset olim Reductio statui. Sic ab illis obtinui ut omnia perlustrarem. Lustratis omnibus cum haberem progredi vellem an regredi, nuncius adfertur adventare mei interficiendi consilio Indos plurimos. Sed eorum impetum repressere ij qui mecum erant, polliciti se suis terris me quam primum ejectiones. Asperimus eis minis Barbari tamen, eorumq; audaciam increperunt, quod me frivisc ad suas sedes intrare. Cum igitur totum infernum meis obniti conatibus cernerem, & Deum videri velle nê quid ultra tentare cessi, & res eo statu, quo dixi, constitutas reliqui. Ac profecto illud affirmare possum, nullis me in laboribus meis atq; itinerebus unquam itâ undiq; arctatum fuisse. Sed quantula demum hac sunt, si spectetur, cuius augendo honori & gloria ea suscipiuntur? Et verò quanquam hoc in itinere assidue nihil profecissem, quam pervidisse Tapè, & designasse opportuna Reductionibus suo tempore, DEO aspirante, extruendis loca, omnemq; eam lustrasse Provinciam, haud equidem inutiliter me tempus impendisse rerer. Quid si etiam Obedientia merita aestimetur?

Porro in constituendis ejusmodi Reductionibus hunc ipse morem, & reliqui post eum socii observabant. Ubi locus habitationi idoneus delectus est, & indigenæ tot undique è sylvis & montibus contracti, ut novo oppido erigendo sufficerent, Sacrum Crucis trophæum primò omnium erigebat, tum casas & mapalia suâ ipse manu concinnabat, &

cuique familiæ attribuebat, singulis certas agri portiones dividebat, leges populo illi omnis æqui bonique ignaro sanciebat, ac demum singulis id genus populis seu vicis, singulos è Societate viros fervidos præficebat, qui eorum in re Politica & Christiana curam gererent, hoc est, qui Patrem, Judicem, Tutorem, Medicum, Patronum, Doctorem, & omnem prorsus personam sustinerent. Nam populus hic omnis omnino artis ignarus non arare terram, non serere, non ædificia struere, non vestem ullam concinnare, non morbis mederi, non denique ullum opus humanis usibus conveniens perficere gnarus, in omnibus à Sociorum charitate, quæ omnibus omnia fit, etiam in canabe paranda, filis duccendis, tingendisque telâ & panno edocendus est. Est tamen in hac ipsa laborum segete, præter illud supremum propagati honoris divini solatium, non minima laborantibus sociis consolatio, quod videant jactum semen in tam inculta paulò antè gente tam uberes fructus progerminare. Vix enim majora reverentiæ, grati animi, obedientiæque signa sperare in cultissima gente possis, quàm Indi isti (præter aliorum morem & genium) suis Moderatoribus, pro meritum existimatione, privatim & publicè ostendunt. Ad quosvis enim Patrum nutus intenti, non agelli limites, non ædis extruendæ aream definiunt, non operas absque sociorum sententia locant. Nec aliud tribunal in animorum vel familiarum causis, quàm Patrum implorant, sive quorum auctoritate aliquid gessisse propiulo habetur. Nam postquam sub ortum diei Cives omnes Divinæ rei interfuerint, ante Patrum ædes, non aliter ac operarij conducti, in quem laborem mittantur incerti à Dominis, diurni laboris pensum expectant, ubi quis illo die agrum colat, quis metat, quis peregrè, quis piscatum venatumve exeat, ab ore Patrum excipiunt; tam in explendo imperij cujusvis apice religiosi, ut pueri Europæi ferulam Magistris nunquam itâ timeant, quàm Paraquarienses Religiosi Magistratus os revereantur. Sunt tamen etiam inter ipsos incolas certi à Patribus constituti Magistratus, nominanturque in annos singulos novi Consules, Prætores, aliâq; dignitatis simulachra, ut nominum splendore illecti pluris novam Rempublicam faciant: nulli tamen ex illis, absque Patrum auctoritate, quidquam præpotestate statuere vel abrogare fas est, nê quid parum cauti malo publico decernant. Nihilominus credi non potest quàm se illi Magistratus circumspiciant, & falces sibi

alio-

aliorum manibus præferri gaudeant, quos ipsi nuper privati ad focum è sylva tulere. Et hoc solo discrimine à vulgo differunt, cæteroquin in re omnino nulla, neque fortunis diversis: has enim ita inter se ad Platonis mentem, & primorum Christianorum morem communes habent, ut nec divitem illic, nec pauperem invenias, quia vestium inopiâ vix cæsti, cibos tamen, quibus abundant, liberaliter cuicunque petenti, inemptos, velut è communi penu largiuntur. Jam verò quâ integritate inter se mutuò amicitiam colunt, eâdem pietate Numen venerantur. Viris & Matribus interdiu laborantibus, manè pueri, vespere puellæ quotidie catechesi instruuntur, cui Dominicis ac Jovis diebus, omnes omnino etiam adulti venerant. Cæus Deiparæ sanctioribus ferè exemplis quàm Europæi celebrant, quot mensibus animum Confessione saltem semel expiare, quotidie B. V. coronam recitare, de rebus Divinis colloqui, flagellis corpus afficere, ægris adesse, in usum omnino jam abiit. Ut meritò obstupeas, omnis humanæ Divinæque culturæ paulò antè impatientes, tantillo spatio virtutes addiscere potuisse, quantum vix putes vitij imbibendis, ad quæ sponte à natura rapimur, suffecturum.

Jam ut ad P. Rochum redeam, tot Reductionibus ille feliciter fundatis, socios duntaxat plures desiderabat, quos sibi novis in Reductionibus substitueret, ut ipse per nova, semper pericula fines Religionis & humanitatis proferret. Ad ejus invitationem An. 1628. Sociorum 44. suppetiæ in Lusitania eum conscendissent, Dæmon extremam rebus suis ruinam imminere odoratus, Sacrificulos suos monet, novos ab Europa PP. adventare, ut illos vivendi licentiâ & pellicum grege deficiant, à crapula priscisque moribus advertant: unde præcipuum gentis adhuc indomitæ Caciquium, Nezu dictum, maleficijs instructissimum, in necem Patris extimulat. Pergebat interim strenuè Pater novis erigendis Reductionibus insistere, & jam in Carò, ubi Quarobajus Caciquius dominabatur, unam feliciter iterum statuerat, ad quam urgendam promovendamque P. Alphonsum Rodriguez substituit. Indè quia proximus imperabat Nezu, eum crepundijs acuum, acicularum, vitreorum globulorum delinitum devinctumque expugnat, ut potestatem inchoandæ Reductionis in Yuy faciat, simulque ad ejus exordia perurgenda, P. Joannem del Castillio designat. Interim Potiravaus quidam alterius Reductionis incola, & à Fi-

de Apostata, cum Nezu in necem P. Rochi, & quotquot in omnibus Reductionibus degebant Sociorum eadem conspirat. Causa erat multitudo pellicum, quas Nezu libidini suæ clam asservabat; & Divinitatis affectatio, quâ DEum se Conditorem rerum omnium apud suos prædicabat, cui tygrides aliæque feræ parerent; minarique meticulosa plebi, si suæ libidini obtemperarent, solis defectum, procellas, tigrides, vastitatem solebat. Utrique huic suæ cupiditati exterminium non falsò à Patribus prælagiens, ad proximum in Carò Caciquium Caarupen mittit, ac pro imperio mandat, ut junctus germano suo Aregoati, qui Divinitatis ipse quoque opinionem per magica sacra colligebat, suæ Reductionis Patres obtruncant; ubi fecerint, sibi curriculum renuntient, obtruncaturum se quoque continuo eum, quem penes se habeat: tum porrò perrecturos unà conjunctis copijs ad omnium per Urugajam & Paranam, atque adeò universam Paraquariam, Sacrificulorum advenarum excidium. Caarupe, qui & ipse odio Patrum ob suas libidines flagrabat, in sceleris societatem facile perpulsus, solam cædis opportunitatem præstolabatur.

Dies erat 15. Novemb. in quem P. Rochus conventum Indis Reductionis Carò indixerat, ut post Missæ Sacrificium majori celebritate campanam, novum atque invisum ijs antea populis instrumentum, de trabe suspenderet, ejus pulsu deinceps ad Sacra Christiana excirentur. Peractis debitâ celebritate Divinis, P. Alphonsus in suum mappale, Canonicæ recitaturus horas abscedit: P. Rochus è templo progressus, dum se in terram, funem campanæ alligandum fortè elevaturus inclinat, Caarupe in facinoris occasionem intentus, servo suo Marangoa nutu capitis eadem imperat. Hic itaizam, hoc est, è robore clavam bicubitalem, acuto filice præferratam, Patri vibrat in caput, & uno ictu comminuit, cerebrumque dispergit: & mox alij sceleris conscij plura exanimato vulnera infligunt. Insolente eorum ululatu, quo peractum scelus sibi gratulabantur, excitus Alphonsus, è casa sua prodit, quem nil tale sperantem continuè jubet Caarupe cætari. Ille viso socij cadavere vitam peti advertens, filij, exclamat, *quid molimini? ecquid agitis filij?* simulq; ad templum, ut ibi cruenta DEO cadat hostia, gradum accelerat. Sed acceptis primo ficiariorum incurso luculentis aliquot in capite vulneribus, & nunc repetitis ictibus saucius, ipso templi in limine

procumbit 15. Novemb. A. 1628. ætatis 31. Sævitiæ deinde versâ in cadavera, nudata sunt, concisa, lacerata, circum ædem ignominiosè tracta, & P. Alphonfi dimidiatim dissectum. Mox direpta Templi supellex, Crux Christi minutatim contracta, calix in segmenta ad monilis usum concisus, Virginis effigies, quæ P. Rocho primo semper in pretio fuerat, quàmque præferre semper ad novas ordiendas Reductiones insueverat, expugnatricem vocabant, frustillatim discerpta. Ac nè ullum extaret eorum vestigium, supposito adi sacræ igne, corpora Patrum simul in eundem, ut cum reliqua duplicis Crucifixi supellectile cremarentur, injecta sunt.

Regressi postridie barbari ad immanitatis suæ spectaculum, miro prodigio innoxia deprehendere cadavera, & imagines Christi, reliquis rebus omnibus in cinerem resolutis. Quos inde attonitos, atque in obtutu defixos, affatur P. Rochi corpus exanime, cujus vox non ab ore formata, quod pridie cum capite comminutum, & ferro resectum erat, sed à corde prodibat è pectore in hæc omnino verba: *Occidistis eum qui vos diligit, occidistis corpus meum, & contrivistis ossa mea; at non animam, quæ jam inter beatos versatur in Cælo. Multa vobis calamitates obvenient ob mortem meam: quia venient filij mei pœnas repetituri, ob violatam DEI Matris imaginem. Quidam addunt insuper dixisse: venturum se ad opem ipsi ferendam. Unanimes hæc retulere testes ex ipsis auditoribus barbaris 53. cum postmodum fuissent ab Hispanis comprehensi. At*

illi ipsâ hæc miraculi excellentiâ efferati, *etiamnum*, inquit, *loquitur prestigator iste?* Quorum antesignanus Caarupe ut loquentis voces opprimeret, quas ex intimo pectore mitti audiebat, Marangoano præcepit, ut thorace dissecto cor ei revelleret. Quod revulsum, & teli cuspidē transfixum, in luculentiore focum, quàm pridie fuerat, cum utriusque denuo corpore exurendum injici jussit. Sed benignior barbarorum infantiâ ignis, omnibus iterum alijs incineratis, corpore utroque abstinuit: & cum ipsum teli osseum hastile, quod è trajecto corde foras extabat, absumpsisset, cor tamen, atque adauctam cordi partem spiculi, integrum, inviolatumque reliquit: quæ in Sociorum deinde redacta potestatem, hodièque servantur. Cor verò unâ cum inhærente spiculo Romam An. 1633. perlatum est.

Socius P. Rocho gloriosi hujus certaminis P. Alphonfus Rodriguez, editus in lucem est tenui ortu & fortunâ Zamoræ in Hispania; vir candidissimo à pueritia ingenio, quique sine ulla graviore noxa primæ gratiæ, in Sacro fonte acceptæ, nitorem, usque ad supremum vitæ diem tenuit illibatum. Societatem A. 1614. complexus, in ipsis Philosophiæ audiendæ exordijs transmissit in Paraquariam. Tenerimè erga Passionem Dominicam afficiebatur, cujus assidua memoria & jugis meditatio tam frequentes illi ciebat lachrymas, ut ab illis obtusiore oculorum acie evaserit.

P. JOANNES DEL CASTILLIO.

Tertius, in quem furibunda Paraquariensium detumuit eodem anno biduo post sævitia, P. Joannes del Castillio fuit, natus nobili genere Belmonte in Hispania, Societatem A. 1614. duodevicensarius ingressus, votis omnibus ab ipso statim Tyrociniij principio Indias, atque ex his ardentius cæteris Paraquariam exambivit, tum propter uberem patientiæ segetem, in solo ab omni commercio humanitatis quàm maximè alieno: tum verò propter certiores, quæ ibi affulgere videbatur, spem Martirii. Huic ille expeditioni toto eo tempore, quo transmissio Indica ipsi differebatur, se aptaturus, ad omnem humilitatis & tolerantæ exercitationem, veluti proludens certamini suo, naviter condoceri studebat. Hinc domi jus-

sus exercere per æstivos menses furnariam, quamvis ignis Cœlique ardoribus anhelus æstualet sudore, laborèque defectus, nihilominus alijs ultro pœnis adscitis, perpetuâ suarum cupiditatum expugnatione sibi vim inferre studebat. Hibernis noctibus procul à suo strato vestes dispersim locabat, ut eas cogeretur per algorem postridie queritare, quò sensim adversus inclementiam frigoris Paraquariensis obdureceret. Pudicitia Josephi æmulator, cum procax aliquando formina prehenso pallio ad scelus eum invitaret, fugâ se victor, relicto in manibus pallio, eripuit. Sed neque ullum minùs honestum coram se versum, licet blandissimæ aliàs conversationis esset, dici unquam sine reprehensione passus est. Sic paratus processit in campum gloriæ suæ, inter lachrymas Parentum &

Ami-



P. Ioannes del Castillo illustri sanguine Hispani Soc. I.E.S.V. Fidei odio ab Idololatriæ in Paraguarâ crudeliſſimâ per saxa et spinas raptatione necatus. 17. Novemb. A. 1688.
C.S.d. M.X.

Amicorum ad navem deductus, ipse interim gaudio & lætitiâ triumphans. Septennio, quo Philosophiâ & Theologiâ in Indijs excultus est, perdifficile simul gentis Paraquariæ idioma perfectè combibit. Secundùm hæc missus ad Reduccionem S. Nicolai moderandam, cùm nimia laborum contentione valetudinem profligasset, revocari ad ejus restitutionem tantisper in Collegium debuit: quâ vix utcunque reparatâ, quietis impatiens, sinè evagatione eodem revolavit. Ejus fervore, & majorum capace animo perspecto P. Rochus, ad novam in Yuytun primùm ab se constitutam Reduccionem illum abduxit. Hanc dum sedulitate, quâ omnia consueverat, & diligentia studiosè procurat, paulò post loci Caciquius Nezu impiâ conspiratione in

ejus & aliorum Patrum cædem conjurat. Jàmque ex ejus imperio P. Rochus cum Alphonso in Carò occubugrant, cùm immanis successu facinoris elatus Caarupe, nuncium patratî sceleris ad Nezu mittit, repetitum vi-eissim fidem necandi Castilij. Nezu ingenti perfusus gaudio, accinxit illico sese ad ejus necem, redempturus moram atrocitate supplicij.

Illâ ipsâ nocte post 16. diem Novemb. oraculo Dæmonis per horribicos ritus consulto, cùm totus in furorem abiens immaniter boaret Nezu, Indisque minaciter intentaret, se Deorum maximum, nisi Patrem extemplo conficerent, evolaturum ipsis desertis in Cælum, dirisque supplicijs eisdem mactaturum; barbari funeste timore denuntiatio-

tionis externati, orantem postridie Patrem fidei salutacione occupant, atque interim violentè comprehenso, inque terram prostrato, manus & pedes revinciunt. Ad quos Pater blandissimâ compellatione, *filij mei*, inquit, *hec si eò mibi mala infertis, ut quæ sunt penes me reliqua* (hamos intelligebat & acus, aliæque id genus summæ illic æstimationis ferramenta, quorum nonnulla eis largitus jam fuerat) *occupetis, ea vobis à me allata sunt, vos ea vobis tanquam vestri juris vendicæ: inò & me quoque ipsum vobis mancipio addico, adhibete vestro arbitratu quovis in usus.* At illi contrà negantes se ipsum, aut res ejus appetere, sed hic ajunt, *in vestigio nostris tu manibus occides, uti Rochus & Alphonsus jam occubuerunt.* Ipse intellectâ Sociorum nece, & miseriorum futurâ orbitate ingemiscens, *ecceh autem*, subjicit, *filij mei, mortem mibi paratâ asserre, qui vitam vobis allaturus, tot itinera pro salute vestra ab usq; Europâ suscepi?* At illi obstinatione miserabili, & Quaroboray Caciuij hortationibus instigati, maledictâ & verbera primùm pro responso reponunt, tum jaculis densè confixis, sustibus immaniter contundunt, extremis arcubus oculos vultumque compungunt. Quaroborayus ense, quo stricte cæteros in audaciam hortabatur, terna illi vulnera infligit: ac demum alij funibus innexus, raptant immaniter per aspera montium & vallium, bis mille passuum spatio, quod ille liberaliter profluo de vulneribus sanguine in segetem animarum rigabat. Postquam ex continuo ad faxa, spinas, ramos, & truncos arborum alifis, tota vestis discerpta à corpore est, tum passim revulsâ cute, unâ quasi plagâ undique perfluebat. Ipse autem inter raptandum Deo quàm sibi præsentior, hispanicè & latinè plena ad illum pietatis fundebat suspiria, interpositis suavissimè JESU & MARIE nominibus; cùmque nexus, quo manus constrictæ erant, impetu raptationis laxatus pròpmodum solveretur, *restringite*, aiebat, *hunc suum, perlibenter enim hæc morte desungor.* Sic demum per duos montes, & duos torrentes violentiâ tractum, expansis in crucem brachijs alligant arbori, percussiones idusque repetunt, & tandem binis in caput validè impactis saxis, pretiosam animam elidunt 17. Nov. A. 1628. ætatis 33. feriâ 6. eadem. quâ Christus expiravit horâ, post meridiem tertiâ.

In exanime Joannis corpus barbari crudelitatis novâ descendentes, cranium sudibus

confringunt, viscera discerptis præcordijs diripiunt, cadaver tigris laniatui, ubi per frequentes sunt, exponunt: cùmque abstinuissent eo belluæ, postridie flammis absumunt. His ex animi sententia perfectis impius Nezu, ignem templo injici, Crucis simulachra confringi, Sacra omnia impiari jubet: ipse, Sacras vestes superindutus, in Sacri lavacri ignominia, baptizatis omnibus ad Chrisma delendum, summum verticem calidâ abluit; linguam conchylio, ad extinguendum salis benedicti saporem, deradit; pectus humerisque testâ defricat, quâ sacro fuerant delibuti oleo. Sic veluti exauguratos Christo, novo lavacro Dæmoni sacrandos admovet, simulansque mirum è corpore suo scaturientem laticem, quem interim ex recondita sub vestibus promebat cucurbita, illo pedes singulorum tingebat, impiè gloriatus, *nomine vobis*, inquires, *videor divinitate dignissimus, qui ritus vos inusitato baptizo?* Posthæc junctis cum Caarupe ex condicte copijs, Reductiones S. Nicolai, ubi P. Alphonsus Aragonius; & Candelariæ, ubi P. Petrus Romerus Christianos procurabat, confestim movè. Verùm gener Quaroboraij Caciuij, ejus qui Patres in Carò primus induxerat, annis effectus, feritatem Caarupe, licet necdum Baptismo initiatus, palàm execratus est: quem ille infans ibidem crudeliter obrucavit. Interim ex incolis adolescens quidâ nactus effugium, periculi indicium facit P. Romero, ac deinceps alijs in reliquis Reductionibus; qui Divinâ ope omnes servati sunt, & Ecclesiæ ab incendijs & direptionibus vindicatæ. Nicolaus verò Neengirû, Caciuius Reductionis immaculatæ Conceptionis, adjungentibus subinde se aliarum Reductionum incolis, supra 700. in campum produxit, certus non antè, quàm iniquam Patrum cædem ulciscerentur, arma ponendi. Ex alia verò parte Hispani delecti ex urbe Boni aëris habito, in ditionem Nezu & Caarupe irruerunt, & per multis indigenarum prælio cæsis (uti post facta vaticinatus eis præfago corde P. Rochus fuerat) conscios facinoris omnes interceptos meritis supplicijs affecerunt: quos inter & Caarupe proficuo sibi infortunio deprehensus est; siquidem salutaribus aquis volens libensque prius expiatus, magnâ æternorum fiduciâ, cervicem carnificis gladio subiecit.

OS (O) SC

P. BERNAR-



P. Bernardus Reus Hispanus Soc. IESV vulso corde telis Confixus ab Idololatriis in Peru 17 Julij. A. 1629

C. Sireta. d.

M. Kuerll. f.

P. BERNARDUS REUS.

Ex tenui fortuna, & infimis natalibus, in Majore Balearidum Insularum editus Bernardus, in magnum & nobilem DEI servum evasit. In Escoriali Patrum Hieronymianorum Asceterio à puero educatus, penes obsequia quæ Religioso Cœnobio præstabat, egregiū in literis & virtutibus profectum fecit. Ubi cum venustè concionatores, quos audire contigerat, naturali quâdam vocis actionisque elegantia referret, Philippi III. Regis, & Principis ejus Caroli curas, sapius imitationis ejus concinnitate distrahebat. Ubi verò rediturus in Peruviam P. Joannes Vasquez Provincie ejus Procura-

tor, in Hispaniam ab Urbe appulit, magnis eum sollicitare precibus Bernardus 16. ætatis annum tum ingressus, ut Societatis simul & Americanæ professionis se participem redderet, quod nescio quâ arcanâ fiducia sanguinis olim pro Christo ibi fundendi duceretur. Ille eximia Juvenis indole, & præclaris naturæ & gratiæ dotibus notatis, ut certiore experimento constantiam in proposito periclitaretur, tum demum copiam Societatis faciurum se edixit, cum Arcticum emensus Oceanum, in Americæ continenti pedem posuisset. Ejus favoris memoriam tam grata semper animi significatione Bernardus celebravit, ut eâ die 5. Julij quotannis vel co-

R r r

râ m

ràm provolutus in genua, vel si longiùs abesset, datis ad eum literis gratias referret. Peractis à Tyrocinio cum laude Philosophiæ & Theologiæ in Peruvia spatijs, ad condiscendum Aymaranum idioma se transtulit, omnibus interim animum instruere connisus virtutibus, quibus sustinendo inter barbaras nationes Apostolico muneri idoneus redderetur. Itaque vilissimis domi vacare munijs, sæpe flexis à coco genibus veniam flagitare coquinaria detergendi vasa, corpus flagellis & cilicijs atterere, ægris adesse continuò, diviniq; magno studio pluribus in diem horis commentari. Adhæc sensibus perpetuam adhibere vigilantiam, & effrenes animi motus ità spiritui subjugare, ut Virgineum Castimonie nitorem nunquam ab eo inquinatum fuisse constet. Ità præparatus ad Ciuncios, gentem in paucis barbaram, & humanitatis omnis expertem se conferre jussus est: cujus expeditionis denunciatione quantum sibi eam sortem gratulatus sit, quantis incesse- rit læticijs, percipere lubet ex ejus, quam gratiæ referendæ tenerimms conscriptam sententijs, ad P. Provincialem dedit epistolâ: *Quo pacto gratari Reverentia Vestra potero insignem illam, quam ipsi in me conferre placuit, charitatem? neg. lingua suppetit, quâ satis id eloquar, neg. affectus quo declarem: superabundo gaudio. Dominus remuneretur Reverentia Vestra amorem illum tantum, quo me prosequitur, quèmq; hac occasione testata est. Dabo operam ut facta respondeant ijs meis desiderijs, qua Reverentia Vestra toties explicavi, quippe qui omnia possunt in eo qui me confortat. Quis me separabit à Charitate Christi? tribulatio, an angustia, an famines, an persecutio? certus sum quia neg. mors, neg. vita, neg. instantia, neg. futura, neg. creatura alia me separabit à charitate, qua est in Christo. Libenter ergo gloriabor, in infirmitatibus meis, ut inhabitet in me virtus Christi. O nuncijs lætus! ô nuncijs felix! ô quis te quæat genibus humi positus, & oculis lachrymarum fonte manantibus excipere! quis tibi nuntius poterat delectabilior, quis luculentior adferri? debebat prorsus ab Reverentia Vestra tam gratus mihi nuncijs dari. Reddat Dominus Reverentia Vestra semper gratissimum, pro tam bono quem mihi dedit. Utinam mea me gravia peccata nequaquam ab ejus usu impediunt; neg. enim hac in re quicquam, præter memet ipsum reformido. Sed gratiâ DEI sum id, quod modo sum, adeòq; confido, quod gratia Dei in me vacua non erit, Portabo igitur nomen tuum Domine usq; ad fines terra. Sive mori me Christus jubes, seu vivere mavis, dulce mihi tecum vivere, dulce mori. Ad omnia prom-*

ptus & paratus sum, nam ad omnia me obstringit scopus ille, in quem actiones meas omnes collinearvi: fiat voluntas tua. Nihil in hac vita aliud appeto, Patet anime mea. Et quoniam onus mihi adeò suave placuit humeris meis imponere, impetra mihi à Domino, nè illi succumbam, sed imò ad mortem usq; perseverem. Ità confido futurum, fretus Divinâ benignitate & orationibus Reverentia Vestra, omniumq; Patrum & fratrum istius Sancti Collegij, cui Cælestem benedictionem exopto.

Ubi tempus professionis adfuit, P. Bernardus unâ cum duobus ex S. Augustini familia, uno interprete, ac septem indigenis, Ciucuiabo digressus, iter ad Ciuncios capefit; & post ineluctabiles viarum, quas alibi suprâ descripsimus, difficultates, nisu tamen & perseverantiâ superatas, die 6. Miasine, primum Ciunciorum vicum tenuit. Hic obvium habuere manipulum barbarorum, arcubus instructorum ad prælium, ductore, Mulatayo Caciquio, Patribus Augustinianis quàm maximè in senso, quod parenti suo priore excursionem adpromissis, nec redditis munusculis frustrato, atque ideo mæore & indignatione tabescenti, causam mortis fuisse diceret. Cùmque illi multò nunc plura & meliora secum asserre, quin & Evangelij ex Societate Jesu præconem illis adducere excusarent, visi nonnihil deliniri barbari, etiam mapale DEI servis arcendæ pluvie, quæ totam noctem tenuit, excitantur. Sed mutatâ noctis spatio in ferociam pridianâ lenitate, primâ luce interpretem vinciri Mulatayus jubet, ex quo necem sibi imminere Bernardus satis colligens, ad pedes P. Laureano Augustiniano provolvitur, ut expiatus occumbat. Quæ re tantò ampliùs illi Idololatæ exasperati, tela omnium primò in utrumque contorquent, quibus & alios omnes, uno puer ad servitium servato, & duobus fugâ elabentibus, conficiunt. Bernardus tribus sagittis confixus priùs quàm deficeret, arripit è proximo Crucifixû complexus, oculos attulit in Cælum, & suum DEO commendans spiritum, felici casu, quem sibi aliquot ante annos apud Ciuncios odio Christianæ Fidei obventurum prædixerat, concidit 17. Julij, A. 1629. cùm nondum 28. ætatis excessisset. Barbari extracta exanimis corporibus corda, & telis confixa ignibus exurunt, manus caforum sanguine, scelus opinionis suæ expiaturi, abluint, ac felices exuvias bestijs discerpendas relinquunt.



P. Julius Pasqualis Italus, et P. Emmanuel Martinez illustri Prosapia Lusit.
Soc. IESV, sagittis confixi ab Idololatriis in America apud Varohios
1 February. A. 1632.

c. s. d.

M. A.

P. JULIUS PASQUALIS, & P. EMMANUEL MARTINEZ.



Talia Fidelium omnium in spiritu, P. Julio etiam in corpore parens, nobili & locuplete domo in agro Brixienti illum genuit, Parma & Mantua literis humanioribus & Philosophicis expolivit, Societas Jesu ad vitam Apostolicam & Martyrij gloriam eduxit. Exaeto magnâ virtutis commendatione Tyrocinio, tertium jam annum Faventis præcepta Grammaticæ pueris explicuerat, ut in minimis periclitaretur, quid posset in maximis, qui nunquam intermissis precibus tantopere Indias Orientales sibi deposcebat. Appulit interea Romam Peruviae

Procurator P. Nicolaus Arnaya, cui inter reliquos in supplementum Sociorum adjectus Julius, paribus animis perrexit in Occidentem, quibus aspirabat in Orientem, gnarus Socijs Jesu omnem terram, & nullam terram Patriam esse. Mexicum appulso postquam Theologiam, & consuetam Societati tertiam probationem decurrit, primum fervorem, apud Cinaloas, Zuaques, Teguecos, & Hiaquos, eâ virtutis, Zeli, & laborum commendatione expertus est, ut idoneus aestimaretur qui primus, atque item solus ad colligendos informandosque Cinipas, Guazaparios, Varohios, aliasque gentes adhuc intractatas, &

R r r 2

feritate

feritate formidabiles, velut earum Apostolus mitteretur. Et inerat omnino viro virtus, quæcunque ad arduas ejusmodi expeditiones requiri solet; pietas in Deum, quâ tempus omne laboribus superfluens uni sacrabat orationi; ex qua ardore concepto, in medijs etiam occupationibus abreptus, æstuante animo gembundus suspirabat, *Deus meus cur non amo te? ô quando te perfecte Domine diligam! ô fac Deus ut amem te, ut te amari à me dignum est!* Ut ij quibus intimè perspectus erat, dicerent eum beatitudine, quæ in terris haberi potest, perfrui, perpetuâ nimirum Dei obverlantis præsentia. Peculiari Superiorum licentiâ domestico in sacello, quod sibi in missionibus extruxerat, Ven. Eucharistiam servabat, ante quam noctes sæpenumero solidas transigebat. Apud Cinipas, qui majorum more è concilijs testulisque decollo pendula monilia gestare solebant ad ornatum, effecit, ut deinceps Rosarium Marianum sic deferrent, illudque alternatim inter se, in templo, domi, ruri, per choros recitarent. Quam porro humiles de se habebat sensus, tam viles etiam ultro se demittebat ad actiones, famulum & agaznem Sociorum per vias agere solitus, quorum jumenta ipse procurabat, insternebat, deducebat. Dumque aliquando uni ex Socijs mulus profugisset, ipse ad illum perquirendum inclinato jam in vespertum die secus amnem crocodilis infamem abivit, & nocte interim obrutus, vasto in loco solus remanere coactus, manè jumentum lætus ad Socios retraxit. Idem vada in fluminibus tentabat primus, præruptas crepidines primus transibat, ut in se prius, tanquam caput vilissimum, quàm in alios infortunium recideret. Paupertatem summo semper loco habuit, attritis duntaxat & jam laceris vestibus uti solitus, quas suâ ipse manu in centonem sarciebat. Quamdiu studijs vacavit, nunquam in scholastica penu plures uno calamo recensuit: cibis non nisi vilissimis utebatur, & qui toto illo Regno essent abjectissimi, neque unquam Ciocolatam, illic penitus plebejam degustavit. Castitatem in medio nationum, nudis magna ex parte corporibus ingredientium, tanto tempore versatus, integrâ non solum animi corporisque Virginitate servavit illibatam, sed nè venialem illi quidem nævum unquam aspersit. Tuebatur nimirum illam hirtis corpori admotis cilicij, quotidianâ, sæpe tertium repetitâ, sui acerrimâ diverberatione, durâ super nudis in asseribus cubatione, Charitate in proximum, Indorum præser-

tim nationem, immensâ quadamtenus flagrabat, illos per montium avia maximis laboribus, innumeris periculis conquirebat, tractabatq; lenissimè, donec munusculis captos ad societatem humanam colendam pellexisset: quibus tum demum Fidei mysteria solerter explicabat, mapalia struebat, agrorum culturam, & artes hominum vitæ tuendæ necessarias edocebat. Quibus modis complures nationes turmatim errabundas, exleges, libidini, ebrietati, veneficijs ad insaniam deditas, legibus Christianis adstrinxit, Deoq; lucratus est.

Primi ex his fuere Cinipæ, ad quos sub annum circiter 1627. solus & primus à Moderatoribus ire iussus, quatuor annorum spatium ita instituit confirmavitque, ut antiqui Christiani videri possent. Collegit eos è sylvis in duos veluti populos, opportuno situ extructis oppidis, & perpulchris Templis erectis. Tum ad efferos Guazaparios, Varohios, aliisque finitimos barbaros transgressus, eos pari felicitate ad sociabilem vitam vicôsq; traduxit, baptizavit: quos ex intervallo per ordinem in singulis vicis invisebat, confirmabat, solabatur, idem omnium institutor, nutritus, & in ægreditudinibus medicus: pro quibus, si animam agerent, ut toto simul vico omnes Deum exorarent, salutarem morem induxit ut æris campani signo admonerentur. In ijs transcurribus vigetis vadandus erat amnis & amplus & rapidus, transcendendi saltus montesq; prærupti, quidam intolerabili æstu torridi, asperissimo alij frigore & nivibus gelidi, ut qui cum aliquando comitati sunt, mirarentur posse illum vitâ incolumi durare, præsertim cum & ex alto revolutus quondam in præceps unâ cum jumento fuerit; & ipsis deinde in vicis adeo crebræ conciones, catecheses habendæ, tot confessiones audiendæ, ut plures etiam impigros Sacerdotes fatigaturæ essent. Quatuor barbarorum linguas edidicit, & quintam jam erat aggressus, dum de medio sublatus est. In annonæ defectu comparabat ipse alibi que ad victum essent, nè cogernerentur per montes & sylvas vitæ subsidia quærere: & in hoc præter subsidia emendicata, totam à Rege sibi liberaliter assignatam pensionem infumebat; fuitque aliquando ut plus 300. capitibus cibaria suâ ipse manu divideret, pueris præterea seorsum pastis, ingestôque etiam ipsis in os infantibus cibo.

His tam diversis oppressum curis, & propè fatiscentem ut sublevarent Moderatores, locum illi P. Emmanuelem Martinez sub-

submiserunt, quicum posset curas laborèsque parti. Is in Lusitania nobili propapia ortus, anno ætatis 19. trajecit in novam Hispaniam, & anno sequenti in Collegio Angelopolitano Grammaticam absolvit, multis pro tuenda castimonia prælijs insignis, quæ illi sua corporis & oris elegantia, plurimis impudicarum sollicitationibus impugnata, excivit. Quam demum ut securiore Religionis septo obvallaret, Societati Jesu nomen eodem anno dedit, tanto ad virtutes solidas connisus, ut primam à Sacerdotio missionem ad Cinipas, quæ non nisi multum aliàs probatum requirebat, obtinuerit. In eo ab Socijs digressu cum enixè à pluribus rogaretur, ut expeditionis successum sapius eos certiores faceret; ipse certaminis sui præfagus, negavit id ab se expectandum, primum enim de se nuncium obitæ pro Christo mortis accepturos. Idem cuiuspiam Sacerdotum affirmatè asseruit, diu jam P. Julium Pasqualem versari inter barbaros Martyrij expertem, esse id quàm maximè anhelaret: sed non antè illud adepturum, quàm focus ad eum ipse accessisset; quod tamen cum diceret, nihil tum erat de ipso ad P. Julium adjungendo deliberatum, cujus tandem voti compotem præclara virtutum ornamenta fecere, multa cum Deo familiaritas, quam duarum horarum post Communionem actione gratiarum continuabat: & quanta in proximum dilectio, tantum sui ipsius odium, quo præter frequens jejuniis, humi cubationes, & penè continuum cilicij usum, cruentà divinatione propè quotidie in se deserviebat. In itinere ad Cinipas cum ad Collegium Cinaloæ divertisset, Socij ejus domicilij seu virtutis æstimatione, seu mortis gloriosæ præfatio, tacito quodam instinctu impulsos se fassi sunt, ut ejus vestem (quod inter nos fieri minime consuevit) libarent osculis, & ejus pedibus advolverentur. Et verò necdum ille ad P. Julium accessit, cum jam ipsi pretiosa pro Christi Religione mors nefario sceleratorum consilio decreta fuit. Caciquius namque inter Guazaparios præcipuus, disciplinæ Christianæ quæ susceperat pertæsus, complures sui similes veterum libidinum & veneficiorum cupidos in necem P. Julio inferendam pertraxit: quam tamen, ubi Socium P. Julio propediem adfore accepit, differendam tantisper, ut ambo simul tollerentur constituit. Ejus conspirationis indicium ad se delatum P. Julius, quod aliorum animos ex suo mentis candore metiri solet, vanum & inane credidit: & licèt providà sollicitudine

Cinaloæ Gubernator sex milites Hispanos in præsidium submisisset, ipse tamen blandè & perhumaniter eos, qui conjurationis suspitione laborabant, allocutus, cum ipsi omne officium sponderent, alienosque se tanti sceleris esse dicerent, tantam eis fidem adhibuit, ut continuò milites Cinaloam repetere jussit. Advenit iterea diu optatus P. Julio Socius laborum & solator P. Emmanuel, & per paucorum dierum quiete recreatus, in ipso muneris Apostolici ingressu felicitatis lauream invenit.

A. 1632. 25. Januarij, quæ erat Dominica, peracto uterque apud Cinipas Sacrificio, ad oppidum Varohiorum 700. circiter familijs habitatum, contendit, ubi multà lætitiæ significatione, dissimulantibus prava sua cogitata perfidiosis hominibus, accepti sunt. Binà interim denunciatione P. Julio conspiratio Varohiorum & Guazapariorum patefacta est, & posterior quidem eà ipsà die, quæ noctem utrique decretoriam antecessit. Sub ejus vesperum circumfessa undiq; à barbaris est Patrum domus, quos à scelere dehortari frustra conatus P. Julius, ubi de vita clamatum animadverit, & semet instituit, & P. Emmanuelem ad constantiam hortari, ut DEO redderent fortiter animas suas, & cervices in tam bona causa libenter præberent. Mox invicem confessi, animum à noxis mutuo absolvère. Idem præstitum novem opificibus, quos Templo novo conficendo elaborandæque adduxerant, & octo pueris Symphoniæ Indis, qui inter Sacra mysteria accinere consueverant. Ubi dies Dominicus 1. Februarij illuxit, Cobamejus conjurationis princeps convocatà suorum concione, multis eos ad maturandam PP. necem cohortatus est, intolerabile servitium esse dicens, patrijs ritibus abjectis nova instituta amplecti, frequentare templum, catecheses, confessiones, unaque arceri à comestationibus, libidinibus, quibus infueverint. Poterat adhuc tum imminenti morti fugâ sese P. Julius cum suis eripere, præsidio Nicolai Caviori, gente quidem Varohij, sed serventis & manu fortis Christiani: verum cum tempus illud asserendæ potiùs per intrepidam mortem Religionis Orthodoxæ, quàm tuendæ per timidam fugam vitæ arbitraretur, etiam Nicolaum in eam sententiam pertraxit. Interim autem barbarorum corona obsessam domum premit, ad quos egressus Nicolaus gentiliis suorum furorem dum fortiter objurgat, in veltigio fædè concisus occumbit; & P. Julius qui in conspectum barbarorum

egressus, malum ab eo infimis obsecrationibus avertere studebat, jaculo trans stomachum confixus, vix intra septa domicilij retrahi vivus potuit. Hærebant enim adhuc Templi domûsq; parietibus reliqui conclusi, si fortè repentina barbarorum rabies, ut mobili sunt in singula propè momenta ingenio, subsideret, vitam tuentes: sed postquam undique suppositis facibus fumo & ignibus omnia involuta sunt, *prodeamus in aciem*, exclamat P. Emmanuel, & *strenuè moriendo decertemus, nè meri pro DEO nostro reformidare videamur*. Tum unà cum P. Julio acceptis in manus Rosarijs præcedit in aream, cui ut prior apparuit, tanto impetu sagitta inflicta est, ut brachium corpori ceu clavo adactò confixerit. Ut venèrè in aream Patres, genua uterque humi flectere, oculos in Cælum attollere, seque DEO devovere: barbari ex adverso inconditis clamoribus & opprobrijs venenata addensare spicula, ac totos imbres sagittarum immittere. Sic obruti cum toto comitatu, inter Sacra JESU & MARIE nomina felices animas profudèrè 1. Februar. A. 1632. ætatis quidem P. Emmanuel 32, P. Julius autem 44. In corpora necatorum ubi atrociter punctim cæsimque sævitum est, resecta utriusq; Patris capita ad ferales epularum delicias auferre parabant; cùm Chrysostedus Sinemeai DEO & Patribus fidus, quando jam non poterat vivos, mortuos contra sævam barbariem tuiturus, in percussoribus tanto cœpit ardore spicula intorquere, ut ex ijs primo impetu quinque dejecerit. Et quia muro se ad movens circumiri à tergo non poterat, cæteri strage attoniti fugà abièrunt; donec sub versperam advolantes Cinipæ, multis cum lachrymis collecta Patrum corpora suo in Templo honorificè condidèrunt, quorum deinde capita Mexicum translata sunt.

Hujus tam gloriosæ mortis sicuti semper cupidissimus, ità etiam præscijs fuisset videtur P. Julius. Inventa est à morte inter ejus monumentorum reliquias scheda, quâ conceptum Deo, pro Religione sanguinè fundendi, votum continebatur. Paucis ante necem suam diebus cùm 18. Januarij apud Cinipas Deo litaret, advertit sub ea Canonis verba: *omnis honor & gloria*, derepente corporalità linea recenti sanguine tincta: quæ in sacrario coram pluribus denuo revoluta inspiciens, similiter sanguine rubentia illis ostendit; credere se dicens, vel Reipublicæ cladem, vel sibi

necem eo prodigio portendi. Postridie verò cùm rursus ea evolvisset, deprehendit ad suum rediisse candorem. Eodem autem die, nè fortè improvidum ostensi eventus occurreret, omnes ejus vici necdum tinctos Baptismo infantes ad se conferri jussit, & lavacro salutari conspersit. Tanta autem virtutis ipsius etiamnum viventis fuit æstimatio, ut passim ab omnibus Sanctus nominaretur, multique ad eum vel idcirco literas darent, ut eblandito eâ ratione responso, chirographum illius, thecæ reliquiarum includendum nanciscerentur, quod plurimis deinde vario morborum genere affectis salutare fuisset, plura exempla testantur. Certè militem in Arce Montescclaros referunt unius talis ad motionem chirographi, febrem, dolorémque capitis momento discussisse. Parabat non nemo postulare aliquando à P. Julio, ut pro certa sua necessitate Sacrum faceret: sed occupavit ipse insperantem, & se pro ea, quam ipsi proponere volebat, intentione celebraturum ultro recepit, quo dictò hominem attonitum stupentémque vaticinatione reliquit. Aliàs inter litandum in Templo, quod rupto fornice fatiscere, jamque ruinam ducere credebatur, populum metu diffugientem jussit periculi securum esse, non enim Sacram Ædem ante Sacrificij finem ruituram. Sacro peractò & dilapsis hominibus, templum repentè, velut potestate tum demum acceptâ, procubuit. Miles quidam Christophorus Martinez noxio defluxu ità repentè sideratus fuit, ut illi os momento sædè contortum, atque ad aurem usque retractum, oculorum alter obductus & retrusus in cavum, alter item malè affectus sit. Cùm ergo horâ noctis 10. mæstus jaceret in lecto, cogitabat, *ô si Pater Julius Pasqualis vir ille Sanctus adesset, procul dubio mihi redintegraret sanitatem!* Vix cogitando ea verba finierat, cùm venientis jumenti adventum mirabundus exaudit. Erat P. Julius: ad quem continuo excipendum dum æger exilit è strato, & vultu obvoluto procurrit: *Domine Christophore*, inquit P. Julius, *ego si Sanctus forem, tu quoq; sanus fores: sed flecte genua*. Cùmque ille flexisset, recitavit super illo, ut facere consueverat, Evangelium, & malum Crucis signavit: quo factò citiùs quatrinduo integræ sanitati est restitutus, nullo relicto mali vestigio.

—(O)—



P. Antonius Bellavia Siculus Soc. IF. SV odio Sacramentalis Confessionis
sublatus ab Hereticis in Brasilia ad Pernambuco, 4 Augusti. A. 1633.

C S J.

M K. f

P. ANTONIUS BELLAVIA.

Elicissimis progressibus res Christiana procedebat in Brasilia, Socijs jam centenis pluribus barbari-
em illam successibus prosperi-
mis subigentibus, ut jam insanam
humanorum corporum ingluviem obliti,
immaculatas è contra Agni Eucharistici car-
nes unice esurirent, ad quarum degustatio-
nem nullo non anno supra 70. millia Chri-
stianorum Brasilorum accedebant. Interim
hostis humani generis non cessavit tam bene
cepta impugnare, & ad eorum everfionem
tam internas perduellium barbarorum re-
belliones, quàm externas ab hæreticis ex Eu-
ropa mutuatas vires admovere. Excitavit

imprimis novum superstitionis phanaticæ
inter indigenas monstrum, Christianæ Reli-
gionis æmulum, authoribus quibusdam ve-
nificis, qui se à Dæmone horribili formâ ap-
parente illud edoctos jactabant. Creavère hi
ante omnia Sacrorum Dæmoniacorum Re-
gem, quem etiam Papam dixerunt, & sub eo
plures Episcopos ac Sacerdotes, ad quos pec-
cata confessuri accederent: Scholas quoque
veneficijs sine omni mercede gratuito do-
cendis, ad imitationem Scholarum Societatis,
sub uno Magistrorum Præfecto, in quolibet
pago instituerunt, & Missæ quoddam simula-
chrum, quo Dæmoni per conventicula lita-
bant. Globulos filis insertos, conceptis ad
cun-

eundem per singula grana precibus, distribuebant multitudini, uti & libros stylo Diaboli conceptos, in quibus primarium hoc dogma tradebatur, venturos è remotis Insulis ingenti classe dudum mortuos majores ipsorum, ad quorum appulsum omnes repente Lusitani aut morerentur, aut in pisces, fues, aliasque malas bestias mutarentur, Baptismi etiam quâdam similitudine lavacro infernali initiatis, si qui ad eminentem perfectionem aspirare vellent, ijs palam id votum professis succus herbæ propinabatur, Pettiniæ dictæ, quo hausto alienati à mente bacchabantur horrendis aspectu notibus, oris, & totius corporis: quos quod quisque immaniores & visu sordiores ederet, eò sanctior diviniorque prædicabatur. Ex his à Pseudo-Hierarcha quoquo versum dimissi ad sectam diffeminandam insanæ disciplinæ Magistri, eos in credulis barbarorum animis motus excipere, ut multis quotidie Lusitanorum crudeliter enectis, agris vastatis, contra effertorum vim & multitudinem parum Lusitanis præsidij in armis esset, sed latebris passim capta vitam servare cogerentur.

Horum ferociâ vix utcunque, operâ præfertim Sociorum omnia latè concursantium, & lenissimis congressibus barbaros demulcentium, oppressâ, ecce tibi ab Europa Batavorum classes Brasiliam infestare, Lusitanica præsidia, adjunctis sibi Indorum animis, invadere, expugnare, & necdum bene coalitam Religionē orthodoxam extirpare cœperunt. Atque hoc ipso tempore sub annum 1620. Moderatorum jussu pervenit in Brasiliam P. Antonius Bellavia, ortu Siculus, cujus mortaliū juvandorum studio, vastoque animo, cum minor Europa videretur, ad Indicū Orbem toto animo aspirabat. Erat illi non tantum animus in Deum integer & sincerus, sed exterior etiam corporis ac vultus modestissima species, ut qui sum contuerentur, veram se absolutæ formam virtutis habere præ oculis crederent. Ut primum Brasiliam attigit, diligenti statim studio ad linguam gentis perdiscendam incubuit, cujus egregiâ guaritate cum se totum deinceps in salutem Indorum impendere pergeret, jussus est à Superioribus militum Lusitanorū animos, qui Hollandorū progressibus objiciebatur, procurare. Cum enim Hollandi Pernambuco dejectis Lusitanis, molirentur res ibi suas stabili-

re, impediendis eorū conatibus opposuere isti uno ferè ab ipforum castris milliarum, noviter excitatam munitionem, quam Arrajal nuncupavere, impositoque præsidio P. Antonius adjunctus est, qui militibus atque indigenis, ut res posceret, spirituali adesse auxilio. Binnio ferè provinciam hanc sustinuit, tam luculentâ in omnes charitate, & eximie Sanctitatis præbitis documentis, ut nemo esset ex omnibus, qui eum non haberet & veneraretur pro Sancto. Nunquam eo temporis spatio in hæreticos procursum est (excursum autem est creberrimè) nunquam armis & prælio decertatum, quin cum manipulis provocaret Antonius, vitæ prodigus, dummodo aliquis armatorum Confessionis expertus à vita decederet. Demum ingruentibus aliquando Batavis cum erumperet obviam Lusitanorum acies, Antonius se illis, quo faucibus excipiendis more suo confessionibus præsto esset, adjunxit: ubi inter acerrimum utrinque principio confictum obvolitans Antonius, glande tractus quidem & ipse esset, sed nihilominus neque vulneris, neque vitæ suæ ductâ ratione, pugnantibus ubique Catholicis adesse, cadentes excipere, expiare. Donec inclinâtâ ad Batavos fortunâ, recipientibus se Lusitanis hostium numero oppressis, ipse ad expiandos morientes, depositâ vitæ propriæ curâ remanens, in ipso hoc eximie in Deum & proximum charitatis actu circumventus, animam suam pro fratribus posuit. Demiserat fortè se in ipso momento ad expiandam prostrati, & animam agentis militis conscientiam, cum duo illum ex hostium hæreticorum numero occupant, & quo sunt in omnia Catholicorum Sacra, & imprimis in Pœnitentiæ Sacramentum inflammati odio, Patrem inviso fungentem munere districtis mucronibus, infestis sclopis impetunt, aliquot in capite vulnera, aliquot imponunt in gutture, & hominem inermem, neque adversi quidquam molientem, impiè contrucidant die 4. Aug. A. 1633. cum ageret ætatis suæ 41. Corpus ejus triduo insepultum, ob confertam illud certatim venerationem, deosculantium, & velut ad Sancti exuvias, pio contactu coronas, imagines, precatorios libellos admoventium, relinqui debuit; summo deinde omnium luctu & lachrymis tumulo ibidem impositum.



P. Christophorus de Mendoza Soc. I. F. S. V. clarissimo apud Hispanos genere
ortus in Peruvia crudelissime ab Idololatriis pro Christo necatus in Paraguarina
Ibiæ 25 Aprilis A. 1635
C. S. d.

M. X. f.

P. CHRISTOPHORUS DE MENDOZA.

CLarum inter Hispanos Mendozarum Nomen eo etiam titulo illustrius evasit, quod magna Peruviae pars, quae montanas Regiones Civitati S. Crucis aditas amplectitur, eorum auspicijs Catholico Regi subacta est. Ejus Regionis gubernacula quâdam veluti successionis prerogativâ cum post avum, ejus Provinciae primum Administratorem, obtineret P. Christophori parens, ibi eum filium suscepit, in baptismali lavacro Rodericum appellatum. Quod ille nomen Societatis ineunda cupiditate exardescens, adscito Christophori nomine commutavit, dum clam e domo profugus, & sangui-

nis claritudine dissimulatâ, longo terrarum intervallo, nè à suis impeditur in Paraguariam contendit. Illic Societati auctoratus, per omne virtutis genus impigre se exercuit, intimâ imprimis sui despicientiâ, & miserorum tantâ compassione, ut eum aliquando per somnium mendicabulum stipem deponens cernere sibi videretur, ipsa quibus tegebatur stragula ab se verè detraheret, & somniato pauperi projiceret. Regularum Societatis, ac praesertim stata orationis & Examinum tempora observandi adeo fuit studiosus, ut in Reductionibus etiam, ubi praeter illum nemo alius aderat domicilij incolâ, signum tintinnabulo ad ea obeunda semper

per accuratè ederet, perinde quasi plures domestici præsentis eorum commonendi essent. Adhibitus primùm est Sacerdotio jam initiatus, & barbarorum idiomatibus ad elegantiam percutus, ad tractum Gvayræ excolendum; unde transitu facto in Provinciam Tingau, omnes eos labores, & vilissimorum munerum tractationem subjicit, in colligendis per montana palabundis Indis, & per certas Reductiones distribuendis, quas non semel antè in gestis aliorum memoravimus. Ejus industriæ debetur præter colonias Tingau, nova ex integro fundata Reductio ad fluvium Uneyay, quam à Sancto Paulo nominavit; item Sancti Michaëlis, quam numero his mille Christianorum adauxit; Sancti Antonij, & Bityrunia, quas ita percoluit, ut frequenti Sacramentorum usu, & Christianarum exercitatione virtutum, etiam veteranis fidelibus proponi possent in exemplum. Et nisi Paulopolitanorum obstitisset immanitas, longè plures Reductiones instituisset. Sunt autem Paulopolitæ, colonie hujus nominis in contermina Brasilia inscæle, sex hominum è transfugis Europæis, in Christiani nominis ignominiam Brasiliis fœdere juncta; qui frequentibus in Paraquariam incursionibus prædas hominum, nullo Ethnicorum Christianorumve discrimine, ex Reductionibus agere, atque in mancipia distrahere, & dividere solent: sæpius hoc nomine anathemate à Romanis Pontificibus perstricti, quòd Religionem Catholicam in Paraquaria barbarâ crudelitate pessumderent, Quorum aliquando furoris veluti torrente undecim florentissimæ Reductiones Sociorum curâ administratæ funditus everse sunt, multis Christianorū millibus à nefarijs his Christianis, eòq; nomine indignissimis, partim crudelissimè necatis, partim in duorem morte servitutem abreptis; nequidquam Patribus, Superum hominūmq; fidem obtestantibus; à quibus pro misericordia vulnera sæpius & verbera, aliqui etiam violentam mortem retulere. Ex horum tamen iniquissima captivitate & vinculis plures variarum Reductionum incolas vindicavit P. Christophorus, ingenti animi magnitudine contempto capitis discrimine, & vitæ præsentissimo mortis periculo aliquoties expulsa. Quæ mentis excelsitas inprimis eluxit, cum eos vastatâ potiore Provincie parte insolentes intrepidus adiit, rogavitque, ut Christianos matrimonio junctos liberos dimitterent, neque pergerent Christo, quem & ipsi DEUM agnoscerent, atrocem injuriam irro-

gare. A quibus responsum est arcubus & bombardis, quibus comitum pars læsi, pars occisi; ipse autem duo spicula jugulo excepit, interiturus haud dubiè, nisi miraculo DEUS vitam ei prorogasset, ad tot mortalium, quos Cælo deinceps lucratus est, salutem.

Feliciùs aliàs missu P. Petri Romeri Moderatoris Reductionum, ad eripiendam ejusmodi prædonibus captivorum multitudinem excurrit; assumptis enim omnibus Reductionis suæ viris incolis, improvisè velociterque latrones oppressit, omnèsque prædâ, & plurimorum ex Reductione JESU MARIÆ captivorum numero exutos, in potestatem redegit. Quos cum non alienigenas, sed populares Christianis infensos comperissent, qui ad Christianos Brasiliis in captivitatem vendendos conspiraverant, non aliâ infacinosos (quis tantam in novellis Fidei plantulis, nuper omni barbarie effris, erga inimicos charitatem expectaret?) pœnâ animadverterunt, quàm exprobratione sceleris, & adhortatione ad pietatem nervosâ. Quos tamen unâ cum familijs suis aliò traducendos remotiùs à Brasilia decrevit Pater, tum ut sensim fidelium consortio perducerentur ad Christum, tum ut sibi securitatem ab eorum machinationibus præstarent. Maximâ verò Christianorum voluptate simul, & charitate his ipsis capitalibus hostibus ubiq; exceptis, omnia quæ ad vitæ cultum necessaria fuere suppeditata sunt, latèque fama sedulam Patrum in suis tuendis sollicitudinem pervulgavit. Quo factum est, ut ingens Indorum Fidei & humanitatis adhuc expertium multitudo concurreret, postulantes aliquem è Patribus, qui se suosque Religionem & humanos mores edoceret. Verùm Patres quoniam parvo numero vix quida hætenus tueri poterant, in præsentem quidem spe plenos dimisere: tantus enim credentium novis quotidie augescens accessioibus erat jam tum numerus, ut in solis duabus Uruay & Parana Reductionibus ad nonaginta quinque millia vitali lavaero à Patribus expiati sint. Post hæc P. Christophorus suorū securitati quantum posset in futurum provisorius, vicinos Caciquios omnes, & populos ijs subjectos ad Societatem & amicitiam, si ad Religionem non posset, colendam, sollicitare constituit. Quos inter præcipuum quendam, & à magis percelebrem Yegucapanu nomine, primò onustum tentare aggressus est: eà etiam insaniâ tumidum, quòd Divinitatem sibi pes veneficia concilians, rerum omnium Conditor à suis haberi & coli affectaret. Ad eam

rem conficiendam ultro operam suam obtulit Reductionis JESU MARIE Caciquius, Mago quondam ante susceptum Baptisma per familiaris; qui eum verbis mollissimis, & pretiosis donarijs (meris apud Europæos erepundijs) in omnem partem versans, non tantum ad pacem cum Patribus colendam non inflexit, ut è contrà in legem ab ijs divulgatam, utpote Divinitati suæ præjudicofam furiosè debacchatus, Antonium etiam ad operam secum illis de medio tollendis jungendam sollicitare præsumperit. Pater eâ spe de cæcis noctes interim insomnes ducere, & super commissum sibi gregem, nè qua vis aliunde hostium improvisa ingrueret, excubare: dum iterum resumpto consilio alios è diversis partibus confines populos experiri constituit. Itaque ad amnem usq; Tibiquarium professionem ipsemet adornat, ineundæ cum accolis amicitie causâ, quò suis ipsi finibus hostem arcerent, neque transitum ad Reductionem suam permitterent. Perhumaniter acceptus, & magno animorum motu auditus, datâ receptaque fide ad alium populum se convertere, per quem prior hosti, & suis periculosior patebat accessus, similis exitus confidentiâ, audacter constituit.

Vallem inis colebat vastissimam Coaguape, Brasiliæ à tergo aditam, quam multi continuique montes efficiunt. Populus mitis & tractabilis ingenij, quique non multò antè grassante pestilentia Patres à Reductione JESU & MARIE poposcera, tum ad prædicandum Evangelium, tum vel maximè ad baptizandos infantes, nè salutis expertes eâ pestilentia decederent. Quæ omnia accessum Patri magnopere suadebant: sed timor unus retrahebat regionis, quâ subundum erat, hostilis animus, & latrocinij locus infamis: cui nè temerè caput obiceret, consulto multis Sacrificijs & sui afflictationibus Numine, aliorum etiam Patrum vota exploravit. Una omnium atque eadem sententia fuit, è DEI gloria fore professionem illam: periculum enim ab interjecta natione neque adeo certum esse, posseque assumpto in tutelam animosiore Indorum comitatu evitari. His confirmatus Pater iter arripuit ipsi Paschæ diebus A. 1635. per Ibiensium Regionem, in qua plurimum discriminis formidabatur. Verùm incolæ ultro obviam Patri effusi, & munusculis conciliati, pronis auribus differentem de Fidei mysterijs audiverunt, rogaruntq; ut in reditu locum apud illos Reductioni designaret, in quam se ex montibus

colligere & recipere possent. Ab his ita dispositis iter resumens, ad terminum profperè pervenit, maximo ejus gentis gaudio exceptus: cui efficaciter persuasit, nè prædonibus è Brasilia transitum concederent; & rationem simul edocuit, quâ nefarias eorum artes à suis possent cervicibus avertere. Postquam complures dies in catechesi tradenda, & preparandis Evangelio animis apud eos insumpsit, distributis magnâ copâ inter indigenas acubus, hamis, aciculis, speculis, globulis vitreis, alijsq; nugis, eandem viam ad suos relegere sub extremum Aprilis constituit.

Interea temporis Tayobay Caciquius, homo prestigij nobilis, & P. Christophoro Religionis causâ infestus, à quo tamen extremo supplicio, cui veneficiorum causâ addicendus erat, subductus est, in caput ejus nefariè conjurat. Aggressus primum fuit Coaguapæos in necem Patris sollicitare; sed ab ijs constanter rejectus, ad Ibienses se contulit, à quorum plerisque cum scelerata consilia non admitterentur, sollicitandum statuit insignem, quem commemoravi suprâ magum Yegucaparu, qui summam sibi Divinitatem tribuebat, & vel hoc nomine cogebatur Patribus adversari. Illo occasione tollendi Christophori, quod pridem aveau, lætus, arcu sagittam emisit; quod illis deliberati certique assensus signum est, continuo ciere Caciquios veneficosque frequentes, ad intercipiendum ex insidijs Christophorum. Redibat is lætus, conceptâ messis uberrimæ spe, & transmissi Ibiæ anime, defunctum se jam omni periculo credebat, ubi præsertim venefici in insidijs venientem præsolantes, nè quâ suspitione fortasse aliorum deflenderet, hominem ad eum legârunt, qui gratularetur, atque ad exoptatum colloquium simulato officio invitaret. Ut ad sylvam ventum est, ubi latebant insidiæ, profluit è latebris illico barbari, & confusè in Patris comitatum tela contorquent. Hic Pater socios itineris vehementer hortari, ut armis tantisper primum hostium impetum sustinerent, dum catechumeni imbelles, nè Baptismi expertes opprimerentur, tuti vicinos in montes evaderent. Primo congressu adversit Pater unum è Catechumenis vulnus accepisse, cui sacro lavacro consulturus, citato equo se proripit ad fluvium, aquam haustus Indo lustrando. At quia equus ita se in voraginem cenofoant induit, ut nec progredi posset neque regredi, desiliens Pater aquâ strophium imbuit, & quasi vitæ securus redit ad locum impavidus,

duc. Ibi ereptâ Indo lignea parmâ, iussuque se fugâ subducere, solus hostiles incurfus tam diu sustinuit, dum se in tuto nemoris recessu comites omnes collocarent. Tum verò parmam Pater, quam suorum, non suâ tutandæ vitæ sumperat, multis perfoctam locis, & hærentibus in ea spiculis gravem, abiecit, seque intrepidus morti obtulit: quasi dicens cum Christo: *si ergo me queritis, sinite hos abire.* Nec mora, sagittam mox unam altero temporum, & duas humeris excepit, binisque in capite lignea clavâ acceptis vulneribus, exanimi similis hûmi concidit. Nec dubitavere barbari, additis prostrato compluribus ictibus, exanimatum; hinc despoliatum vestibus, mutilatum aure, calcatoque, quod pendulum de collo gestabat Crucifixi signo, nudatum in agro, quia densus urgebat imber, reliquere.

Solebat P. Christophorus dum sanus viveret, aliquando dicere, diuturnum Martyrium sibi horridum videri, adeoque nè illo percelleretur, optare se brevem exitum. Verum quando ea vis animi, quâ tormenta pro DEO subeuntur, haud nostræ facultatis, sed divinæ est, longam huic famulo suo voluit DEUS mortem obtingere. Itaque digressis percussoribus semivivus jacuit in luto cœno, sub Cœlo pluvio ad multam noctem, suo volutatus in sanguine, sensuum ac mentis expertus; Ubi tandem sibi redditus est, neque adesse quonquam animadvertit, cum ingredi per imbecillitatem non posset, in alium sese æquiores locum, quamvis non extra uliginem, reptando pertraxit. Ecce autem simul atque diluxit, reduces ad mortui, ut rebantur, cadaveris lanienam venefici (æstimant enim barbarâ superstitione, nisi ventrem à se necati dissecuerint, percussorem tumefacto, quantum ille cæso intumuerit, pariter ventre interitutum) ubi abesse comperiunt, cruoris secuti vestigia, non inde procul inter arbusa prolapsus, spirantem adhuc, & agonem suum DEO commendantem

deprehendunt. Tum verò intentare opprobria, convicia, exprobrare DEI sui infirmitatem, qui nequisset eum noxæ eripere. Quibus Pater, ad cetera mutus, Deo è contrâ Numen asserere, & vecordiam illis suam, quâ Divinitatem sibi per demenciam adscriberent, objicere, collectoque extremo spiritu, veritatem Christianæ Fidei ardentem si unquam prædicare. Cùmque verbis & minis increpitus à laudibus DEI non desisteret, os illi malleo dirè contundunt, & convulsos dentes propè omnes excutunt. Sed ille nihilò fractior verba facere; illi ex adverso dicentem verberibus impetere; quibus nihilominus & vitâ superstitem, & verbis facundum, rati in loco plano emori non posse, transverso ligno ceu phalangæ alligatum, raptant propinquum in clivum. Ibi redintegrato veluti spiritu cum multò ardentius pergeret ille loqui, nasum ei atque aurem alteram primò præcidunt, mox labio utroque amputato linguam per cæsas sub mento fauces ab stirpe evellunt, pectus securi uno continente ductu per thoracem & ventrem lacerant, cor atque intestina violenter evulsa oculis ejus obstant; nunc demum visum iri agentes, possitne mori. Ipse oculis semper inter hæc tormenta in Cœlum defixis, tandem per latè ductum vulnus magnam illam animam ad Superos emisit 25. Aprilis A. 1635. ætatis suæ 46. Societatis 19. Corpus enecli flammis absumere interfectores conati sunt, sed cum ligna flammam nullo eorum conatu conciperent, in subterfluentem rivum prono lapsu illud devolvunt, ac tum ad paratas epulas digressi, duos adolescentes è Patris comitatu interemptos ad ganeam patriâ feritate absumunt. Necem P. Christophori tam immanem magnâ consciorum clade ultæ sunt Reductiones, ipsius curæ aliquando subiectæ, interfectisque penè omnibus cædis authoribus, corpus honorificè translatus, in Templo Reductionis JESU & MARIE tumulârunt.

P. PETRUS DE ESPINOSA.



Llustris generis a viti nobilitate, sed illustrior Religionis studio Espinosarum Familia, inclutos in utroque statu heroës in Boetica decus illius censendum est, quod Petri parentes, quos genuere 4. filios, omnes Societati JESU consecravere, omnes insignes in ea

operarios, & Apostolicis laboribus claros: quorum unica soror Beatrix, sæculo similiter & opulentis sponsalibus damnatis, in perpetuo celibatu, cum egregia Sanctitatis opinionis, vitam traxit. Non degener à tam Sancta progenie Petrus, in ipsa pueritia pietatem impensè coluit, frequentior inter Socios versatus, quàm cum parentibus: ita affiduus



P. Petrus de Espinosa. Soc. IESV. illustrissimis Natalibus Hispanus, necatus ab Idololatriæ odio Nominis IESV in Paragvaria 3 Julij. A. 1637.

C. Secreti del

M. de K. uell f

duus in Cœlestium mysteriorum frequentatione, ut multis lachrymis, quod illis aliquando dies octo abstinuisset, se velut de atroci crimine accusaret. Desiderium intrandi Societatem, & pro animarum salute inter Indos desudandi, penè ab infantia cum illo crevit: quod tandem in firmum propositum adolevit vaticinio germani Fratris, qui illum Cordubæ in literas incumbente, epistolâ ex Peruvia datâ parentibus commendans admonuit, ut diligentem educandi Petri curam haberent, quem sciret ipse Indorum salutis, ac tandem Martyrio destinatum. Cujus vaticinii stimulo incitatus, postquam Societatem impetravit, novo iterum ostento ad spem Martyrij inter Paraquarienses obtinendi animatus est; dum Cordubæ in Templo

ferventer orans, visus sibi est à barbaris in terram prosterni, raptari, cædij; ex qua visione sensibus restitutus, humi provolutum re ipsâ se comperit, ita fatigato corpore, ac si revera inclementius vapulasset. Appulit interea Hispalim P. Franciscus Vasquez, ex Paragvaria ad Urbem Procurator: cujus adventum, velut de celo submissam sibi Indias petendi opportunitatem interpretans Petrus, Augustinum Fratrem suum consulit. Qui collaudato ejus voto, missionem etiam ipse apud Præpositum Generalem pro fratre deprecator urget, & Parentes magnâ pietate approbant. Igitur Sacris initiatis Hispali Ordinibus, & feliciter emenso Oceano, ubi residuum inaudita Theologiæ, ac tertiam Probationem absolvit, in Guagira confestim Reduccionem

ductiones dimissus est. Hic ille primò omnium in barbarorum idioma condiscendum incubuit; quo exigui temporis spatio perfectè instructus, totum se in gentium illarum culturam, per omnia vilissimorum, de quibus sapius meminimus, laborum exercitamenta expendit; felix inter paucos in cicurandis barbarorum ingenijs, & ad Fidem humanitatemque persuadendis. Et videbatur singulari quadam arte, & facili ad omne opus industrià cœlitus donatus, quâ præstantissima quatuor Tempia, in Nuatiqui, Tayaoba, Caaro, & Lauretana Reductionibus, non descriptis modò, sed ad fastigium eduxit. Quorum incolis charus semper & in pretio fuit, cum tamen illi, ex quibus Tayabensem Coloniam bis mille capitibus à belluina vita reductis stabilivit, humanæ carnis voracitati ad insaniam essent dediti.

Jam verò superata his in conatibus discrimina, exantlatos humanis majores viribus labores, extremam rerum omnium indigentiam, nihil attinet hic repetere, cum ea satis ipsa Missionum hujusmodi arduitas declararet: quibus ipse voluntarias insuper pœnas, & tam arctam addebant abstinentiam, ut præter milium aquâ coctum, salis, & omnis alterius condimenti expers, nihil præterea degustaret. Ad puritatem, quam ipse Virgineam sepulchro intulit, illibatè inter tot libidinum incentiva conservandam, præter asperè semper habiti corpusculi præsidia, præcipuum fuit matris illius contestatio, quâ illum adhuc puerum aliquando decumbentem, flexis ante lectulum genibus, manantibus lachrymis ità affata est: *Cave sis, fili mi, nè mortifero te unquam scelere obstrinxeris; mortuum te malim, quàm inquinatum conspiciere. Vide nè quam in turpitudinem unquam prolaberere: vide ut vel ipsam feditatis umbram præpesses, præ quavis pernicie vites. Multo maximo mihi solatio fuerit fili mi, si a te nunquam in id genus flagitij consensum iri spondideris.* Spondidit verò sanctè Matri optimæ optimus filius, nec minùs sanctè servavit; etque tuendæ non propriè duntaxat manu incussa adhibuit flagra, sed ab alijs nonnunquam cædi se, cum Moderatorum conscientia, impetravit. Et quia Virum obedientem seiebat loqui victorias, hanc præ omnibus Societati propriam Virtutem, ipse etiam ut pupillam oculi habuit; ità unicè à Superiorum jussis, veluti ipsiusmet Christi Domini, dependere assuetus, ut eorum nutibus nè quidem primos obluantis animi impetus experiretur. Missus in Caarum ad construendam ædemi Sacram,

Socijs quoque domum suam fabricavit, descripsitque Reductionis plateas, insigni item normâ villas suburbanas. Una dies adhuc desiderabatur ad totius operis absolutionem, cum Superioris aliò ipsum evocant nuncium accepit; & continuò, nec illius diei moram operi perficiendo indulgens, in viam se dedit. Atque hujus ipsius virtutis studium, & immensa quædam in Indorum non tantum salutem, sed & commoda externa charitatis propensio, viam illi ad gloriosam pro Christi Religione mortis victoriam aperuit.

Truculenti illi Fidelium Paraquariensium hostes, iterum ex S. Pauli Brasiliæ oppido gentilibus immixti, Provinciam totam inundaverant, atque immani sævitie Reductiones Guagiræ propè omnes devastaverant. Pars crudeliter caesi, pars in servitutem misserrimam abacti; ut adeò necessariò in eam sententiam descensum sit, ut duæ D. Virginis Lauretanæ & S. Ignatii Reductiones, ex tredecim totius Guagiræ Reductionibus florentissimæ simul & antiquissimæ, quia injurijs excurrentium magis obnoxie patebant, in alium remotiorem locum transferrentur. Acerbissima ea migratio incolis accidebat, quòd nullæ aliæ sive Sacris, sive profanis ædibus, melius instructæ essent Reductiones. Tempia totius Paraquariæ elegantissima, duplici columnarum ordine interiùs affabre factarum, & pictis perbellè tabulis exornata, materia operis cedrina, & ornatus supellexque omnis venustè conpinnata. Oppida in quadrum extructa, plateæ rectæ & æquales, domus continentes commodæ & elegantes, sua cuique loca, gallinis, anseribus, alijsq; avibus alendis. Ager cujuslibet grani, & gossipij imprimis ferax, ex quo pannorum in suos & alienos usus abundantia: in montibus greges, armenta in pascuis, piscatus in promptu. Hæc tamen omnia deferenda tandem afflictißimis Indis fuere, nè suam & liberorum vitam, conjugum pudicitiam, furori ac libidini perditissimorum illorum, & nomine Europæo atque Christiano indignorum relinquerent. Itaque fupellex illi & omni annonâ in septingentas canoas (navigij certum genus est) comportatâ, designato die conscenderunt caput supra 12. millia; dumque secundo Parapane navigant, tertio à perfectione die vacua oppida hostis occupat. Evitatum discrimen profugi dum invicem grassantur, novû & præsentiam apud Guairam Urbem incurrunt, cujus cives struendo materia vallo, fluminis angustias occupaverunt, quo venientes interciperent in servitutem.

tem. Quos à scelere dehortatus Pater Antonius Ruiz exulum ductor, ubi nihil nisi minas retulit, auæis sui ex desperatione animis arma expedire, & viam vi sibi facere constitunt. Quorum audaciâ è contra externati Gvayrenses, suam ipsi jam libertatem depacti, liberum Indis cursum reliquere. Ità feliciter ventum est usque ad locum, quo Parana fluvius quantus ille est, ex altissima rupe, 12. leucarum lapsu præcepit in rupes alias ruit, è quibus aquæ reverberatæ in eximiam altitudinem resiliunt, tantâ collisione, ut ad quatuor leucarum spatium murmur percipiatur; ex qua violentia, totis deinde 12. leucis continente spumâ albescentes destuunt, quæ Solis repercussu intuentium aciem vehementer hebetant. Ad hoc præcipitium exscensum ab omnibus est, & onera exposita: 300. tamen canoæ aquis permixtæ periclitandæ gratiâ, num quæ fortè integra ad resumendam infrâ navigationem ad radices perferretur. Sed omnibus immani præcipitio ad scopulos contractis, iter deinceps pedestre 20. leucarum urgendum fuit, & Sarcinæ omnes cum annona per invia & confragosa montium humeris deportanda, per intolerabiles Solis ardores, quibus nulla alia orbis plagæ magis exæstuat.

Adjunxere hic se ipsi P. Petrus de Espinosa, & cæteri Reductionum Gvayræ Patres cum nova exulum multitudine, & diebus octo iter pedestre consecrere usque ad flumen, ubi trajiciendum erat. Cum autem nulla adessent navigia, neque tam expedite nova parari possent, mox fames cœpta vagari, & ex illa morbi mortēsque, quibus supra 2000. sublati sunt. Ergo multi tædio malorum retrò diffugientes, hosti in prædam celsere: pars magna per montes dissipati, alij terram subigere spargendo semini, alij canoas moliri, alij temere compactis truncorum vel arundinum fragmentis se flumini credere, quorum alij undis hausti, alij prodigio evasere. Tandem delecta à Patribus sedes est exilibus ad amnem placidum, qui paulò infrâ Parana se miscet. Sed vacua cibarijs ora, & urgere morbi. Patres suis omnibus distractis, plùs 12. millia boum celsa viritum ac domesticatim distribuerunt: quibus licet utcunque famem, non tamen Dysentericæ malum, quo plerique fatigabantur, leniebatur. Ecce autem miram Divinæ Bonitatis providentiam! subnasci repente in flumine cœpit herba insolens, Igau ipsi dicta, optimi saporis & alimenti, morboque illi efficacissimum remedium. Hanc cum legerent, & magnâ avidi-

tate carnibus incoctam ederent universi, & profuit ad sanitatem, & quotidie tantum subnascebatur, quantum omnibus sufficeret. Quotidianum prodigium duravit usque ad adultam mensem: quæ ubi maturuit, herba simul videri desijt. Ceterum quanti labores Patrum, profugos deducendum fuerint, cogitari facilius quàm explicari potest: potissimus in alendis orbis pueris fuit, pascendisque pecoribus, cum & bubulcos, & lanios, & cocos medicosque in dies agere cogerentur. Sed hæc demum mala glebæ felicitas, in qua coloniam moliebantur, temperavit, omnium ferè præter materiam ad corporis indumenta ferax. Cui occursurus indigentia P. Antonius Ruiz Reductionum omnium Superior, cœmpas in Urbe S. Fidei 1800. oves lanificio destinavit: sed quæ illæ per loca asperissima & latronibus infesta adducerentur, in ancipiti fuit. Hic verò P. Espinosa ingenti in miseros charitate, periculorum ambitu & sui depressi ardore incensus, studiosè onus hoc in se derivare, ac tam diu pecoris ejus adducendi provinciam, licet diu ad pastortiam hanc curam virum tantum deprimere exhorresceret P. Antonius, sibi deposcere, dum denique voti compos, effectus est.

Ergo ingenti lætitiâ iter cum aliquot ex indigenis ingressus, & feliciter etiam, licet maximis difficultatibus, inedia, defatigatione, fluminum latè campos inundantium vadatione emensus, receptum pecus magnâ alacritate ad suos agebat, donec ad fluvium restagnante alveo minimè in reditu vadabilem devenit: ut proinde scaphis impositæ pecudes fuerint transvehendæ. Jamque magnam partem transmiserant, cum respiraturi tantisper & siccaturi per noctem vestes, ignem excitare: cujus fumo admoniti finitimi Guaiquirense, homines efferi & Idolis addicti, intempestâ nocte incurrunt, ac primâ aggressionem quinque ludos, qui propter Patrem accubabant, contrucidant. Pater expergefactus in præsentis periculo JESUM & MARIAM inclamat: quem barbari faciliè quis esset agnitus, non tam frigide sibi necandum, utpote capitalem Deorum suorum hostem existimant, ideòque vestibus omnibus nudatum, sustibus immaniter contundunt, & Cælo istic per Julium mensem frigidissimo, sub dio exponunt. Cum verò eadem Sacratissima nomina, quasi præsentem JESUM & MARIAM cerneret, Pater identidem ingeminare non desisteret, irritati vehementiùs barbari, verbera multiplicare, frustra eorum auxilium implorari dicere, sicut ea Numina

mina & commentitia esse, nec cuiquam posse opitulari. Sed quò crudeliùs sæviebant ipsi, hoc ardentius DEUM ille invocabat, & blasphemias homicidarum eundem Deum execrantium redargebat: dum demum in rabiem ultimam acti, caput ei bifariam disseuerunt, & de reliquo tigris immanitati laniandum exposuerunt; à quibus discerpit, & præter crurum unum, atque unum brachium, devoratus est. Digtos inventa manus adhuc habebat decussatos in Crucem, pro cuius honore tendo passus est die 3. Julij A.

1637. Eadem quâ mortuus est horâ, uni ex Socijs Juliano apud Itatines, 200. indè leucas, immortalì gloriâ conspicuus apparuit, hisque affatus est: *bene tibi sit mi frater, ad superos ego nunc letus abeo*. Alteri quin etiam ejus familiari biduo priùs quàm neci daretur patefactum est divinitus ipsum illud periculum, quod incurrebat: & tota deinde occisionis ratio cùm perageretur, distinctè eidem, cùm longo indè abesset loco rum intervallo, demonstrata est.

P. DIDACUS DE ALFARO.



Imensus ille Servatoris nostri in mortales amor, in quo cognovimus charitatem DEI, quoniam ille animam suam pro nobis posuit, per dilectum ejus Discipulum 1. Joan. 3. promulgatus omnibusque DEUM diligentibus in exemplum propositus, ut si veri sectatores Christi esse velimus, & nos debeamus pro Fratribus animas ponere; tanto ardore animum P. Didaci inflammavit, ut expositis quotidianæ Paulopolitanorum luporum prædæ oviculis Christi Paraquariensibus in pastorem datus, videns lupum venientem, nequaquam eas ut mercenarius dimittens fugerit, sed ante eas vadens, animam suam dedit pro ovibus suis. Joan. 10. Natus fuit Panamæ, Urbe percelebri ad mare Pacificum, eo in Isthmo, qui utramque committit Americam, Parente Regio Senatore, à quo Limam primum Peruanì Imperij Caput mansuetioribus literis imbuendus, ac deinde Salmanticam ad severiores disciplinas transmissus est. Ibi injectâ divinitus mente Societate exambiens, anno ætatis 18. Tyrocinium auspiciatus est, & biennio post Villagarziæ Religiosa vota DEO nuncupavit. Nec multo post ardoris illius, quo ad salutem proximi curandam agebatur, impatiens, anni infrequentis Majo in Americam navigavit, ubi Cordubæ in Tucumanis Philosophiæ Theologiæque spacia cum laude decurrit. Quo tempore Sacerdotem ad ægrum extra Urbem comitatus, incidit in profluentem, jumentoque unâ secum aquarum vi abrepto, sub undis citra spem vitæ aliquanto spatio abstractus fuit. Homo Indus, qui jumentis curandis pedes sequebatur, insiluit intrepidè in fluvium, & nandi peritiâ periculi securus, quæstum atque apprehensum protrahit in ripam, sui & sensus omnis expertem. Ubi ad se redijt, &

in se officium Indi intellexit, vitam quam ab Indo conservatam accepit, ex illo momento Indorum salutem voluit esse devotam. Igitur Sacerdotio initiatus, laboriosissimam Paraquariensium culturam precibus & lachrymis impetravit, brevique Gvayranicam linguam labore improbo condiscens, strenuam populis illis vagis operam navavit. In Reductione Conceptionis postquam aliquamdiu Apostolico muneri incubuisset, à Sacro Inquisitionis Limensis senatu iussus est sacri Commissarii operam in Urbe Assumptionis sustinere, constitutus unâ Collegij ibidem Rector. Quâ utrâque potestate ex dignitate gestâ, magnis postulationibus iterum impetravit Reductionibus Paraquariensium restitui: sed aliter non obtinuit, quàm ut constitutus Præses omnes eas colonias, quotquot in Gvayrana Paranaq; provincijs deducæ sunt, moderaretur.

Dici vix potest quantâ in ferendis barbarorum inculis moribus fuerit tolerantia, in ijs curandis patientia, in instituendis longanimitate. Ipse valentibus & ægris omnia fieri, tam in his quæ ad corporum, quàm quæ ad animorum spectarent necessitatem: ipse suâ manu venam infirmis incidere; grassante contagione destitutos scditatis horrore ab ipsis summè necessarijs fovere, præstò semper adesse; egenis ad vitam necessaria conquirere; vitâ sanctos humare; adversus Brasilorum crudelitatem tutari, & ab obnoxijis periculo colonijs abductos, ad loca tutiora deducere. Ubi in sedium novarum molitionibus quid laborum, velut omnium antesignanus subiret, quid exhausserit ærummatum, quis verbis exaequet? Et tamen ultro etiam in sui corporis tractatione semper asper & immanis, verberando, vexando, esse perrexit; in cultu atque omnium re-

rum



P. Didacus de Alfaro in America Laxama illustri Sangvine natus.
 Soc: IESU. in obsequio Pastoralis animarum curæ ab infidelibus
 agnus in Paraguarina. A. 1639. die 17. Ianuarij.

rum usu apprimè tenuis, sic ut ipsam reliquiariam, quam de collo piè gestabat thecam, non nisi ex arundinis geniculo confectam haberet. Atque his instructum boni Pastoris virtutibus invidenda mors occupavit, illata ipsi à crudelissimis Piratiningæ (oppidum est in extrema Brasilia Paraguarie conterminum, aliàs S. Pauli dictum) incolis, qui armatâ promiscuæ multitudinis ex Europa atque America collectæ manu erumpentes, innoxios everfis Reductionibus, in diram rapiebant servitutem, fideles juxtâ ac infideles. Quam violentiam sæpius experti Paraguarientes Christiani, cum occuparentur improvise, demum hostem armis excipere, liberatis ipsi suæ, & Christianæ, quâ susceperant, Fidei vindices, decreverê, & vim depellere telis adversus,

Igitur A. 1639. cum rumor adventantium latronum increbresceret, & jam in finitima vicinitate prædas egissent, Paranenſes haudquaquam cunctandum, sed obviâ procedendum rati, copias omnes suas in agmen cogunt, & disciplinâ militari satis instructi, ultro progrediuntur in aciem. P. Didacus, qui suos eo tempore deferere nefas putaret, priusquam exiret in campum, aut prælagus futuri, aut præsciis, ad solidum mensem secessit in locum solum atq; avium, & spiritualibus Exercitijs se diligenter excoluit. Ubi tempus prodeundi adfuit, Indos suos, ad agendum fortiter, Deiq; gloriam, ac suam cum Fide libertatem vindicandam cohortatus, nusquam se illis defuturum pollicitus est; imò se sanguinem pro illis vitamque,

T t t


per

per vulnera positurum: illud meminissent duntaxat, nè suo percussu casu à persequenda victoria desisterent. Tum scriptis ad quempiam Sociorum absentem literis, extremum illi vale dicit: exire se in prælium ad suorum Indorum defensionem, in eoque hostili se glande propediem occubiturum. Ità comparatus ubi movit in hostem, nihil in eo desideratum est, quod ad Pastoris optimi, gregem suum à luporum rabie tuentis officium pertineret. Victoria penès Indos stetit, prædones prædà cessere, pars ferro cæsi, ceteri in fugam acti. Versabatur Pater nunc media, nunc extrema in acie dimicantium, ubi res consilio vel hortatu, aut necessitas morientium extremà absolutione egebat. Interea unus quispiam ex hostibus, qui credebatur eo sublatu casurus Indis animos, ut facinus egregium faceret, clam se post vepretum abiecit: inde ubi commodum nactus est sceleris exequendi modum, ex insidijs sclopium collineat, & glande tempora lævumque oculum ità stringit, ut ipso in vestigio Pater conciderit penè exanimis. Unde mox in castra receptus, Indulgentiarum præsidio, Societati in extremo articulo concessio procuratus, vitam ibi honesto fine, plenoque æternæ gloriæ terminavit haud procul à sylva Cazapaguazu 17. Jan. A. 1639. ætatis 42. imitatus S. Desiderium & Theodardum Episcopos, quos in simili causa pro defensione creditarum sibi ovium necatos, Ecclesia veros Christi Martyres agnoscit & veneratur 23. Maij, & 10. Septemb.

Est autem tempus illud anni, quo Pater necatus est, ijs in locis maximè caloribus æstuans, nihil uspiam umbræ, quâ servari corpus, & à tæbe defendi possit. Et tamen cum postridie succollantibus Indis cadaver ejus deferretur ad Reductionem Conceptio-

nis, ad tricenae minimùm leucas, nihil graveolentiæ adspirabat: imò occurrentes in via Paranensium suppetiæ, integrum, & quasi spirantis instar mirabundi deprehenderunt, & venerati sunt. Die tertià cum ad locum sepulturæ appulsum est, neque tumidum, neque tabidum, neque olens fuit, sed ea duntaxat pars frontis, quæ fuerat glande confusa, nonnihil affecta visa est. Magna comploratio extitit Neophytorum, cum Patrem suum mortuum excepere, & inter gemitus lachrymasque multitudinis, prope P. Rochi Gonzalez de S. Cruce corpus, composuere. Gloriam mortis ex officio Charitatis oppetiti, ab æmulatione atque obtestatione nonnullorum vindicavit insigni panegyri, unus ex Senatu Ecclesiastico in Urbe Assumptionis, ità orationem suam concludens, ut Pastorem verè Evangelicum, atque ex sententia Christi Servatoris verè bonum predicaret, qui pro Dei Domini sui grege certaverit contra infernos lupos, & pro ovibus sibi creditis fortiter animam posuerit. Siquidem à ratione Martyrij alienum non est, si Pastor non sui tuendi, vel reservandæ vitæ studio, hostisve ferendi, sed servandi gregis sui causâ, dum ad Fidei periculationem deposcitur, in aciem prodeat, & in pugna cadat: cum ad id officij obligetur, & mors ejus contestationi Fidei subserviat, utpote qui obiti ejus officij invidiâ ab impijs occidatur; neque tam suæ neci ipse repugnare, quàm suos ab injuria, & perfidiâ periculo prohibere censeatur. Hinc Ecclesia S. Ericum Regem Sueciæ ad diem 18. Maij, & S. Olavum item Regem ad diem 29. Julij refert in Martyrologio Romano, quos in bello arma tractantes, & quidem propriâ manu in hostem depugnando, occubuisse, vitæ illorum Scriptores tradunt.

P. GASPAR OSORIUS DE VALDERAVANO, P. ANTONIUS RIPARIUS.

 Adem Paraquaria horum Patrum conatus dum viverent, exercuit, & in præmium laborum crudeli nece irrogatâ, utrumque pro asserta Religione Christiana de medio sustulit. P. Gaspar patriâ Hispanus magnis animis Societatem ingressus, cum ardorem ingentem concepisset Indis opitulandi, in Paraquariam An. 1617. trajecit. Ibi post varia Societati consueta mu-

nia, & Rectoris etiam officium singulari subditorum charitate ministratum, reliquam vitam omnem in Missionibus ad gentes incultas obeundis expendit: ijsdem ærumnis, laboribus & periculis exercitus, quæ jam sæpius in alijs memoravimus. Quoties ad audiendas Confessiones accedendum illi erat, suum prius ipse animum attentâ meditatione incitabat ad peccatorum odium, ut idem penitiùs pœnitentibus imprimeret. Idem facie-



P. Gaspar Osorius de Valderavano Hispanus, et P. Antonius Riparius Italus Ss. IESV crudeliter ab Idololatriis pro Christo occisi in Paraquaria apud Cuias. A 1639. 1 Aprilis.

C. S. d

M. K. f

faciebat quoties ad novos populos succederet, positus humi genibus, & in amplexu Crucifixi prolixâ commentatione DEUM precatus: atque eodem deinde oris & corporis habitu, animo in Divinitatem abrepto alacer intrabat. Sed neque ad populum sive ex superiore, sive ex æquo loco dixit unquam, nisi prius ipse ferventi meditatione exarsisset: ex qua deinde tanta vis in dictionem ejus derivabatur, ut obstinatissimorum etiam corda percelleret. Eodem præsidio inter nudos plerumque mortales, & belluinâ propè libidine effrenes, diu noctûque versatus, intaminatam servavit pudicitiam, multarum etiam sollicitationum, quas à procacibus fœminis sustinuit, victtricem. Cui facilius tuendæ præter obvia semper incommoda, & rerum

ferè omnium penuriam æquanimè toleratam, graves corporis adhibuit afflictationes, quotidianam communiter ad sanguinem flagro nodis ferreis præfixo diverberationem, cilicij & jejunij perpetuum usum, durissimam noctibus super solo bubulo tergore, lapide pro cervicali supposito, cubationem, quem lecti rigorem nè in morbo quidem remisit. Servitium nullius unquam etiam Redor existens passus est, & in Missionibus nè quidem ad victûs & cibi sui condituram operam alienam admisit, sed eos coxit & paravit ipse.

Plurimas ad illud usq; tempus Societatis Paraquariæ nationes, erectis passim Reductionum colonijs, humanitati & Fidei conciliaverat; sed innumeræ etiamnum supererant

erant adhuc intentata; interque eas Tobarum natio in Tucumania, ferò imprimis & bellicosa, quæ Hispanica etiam arma eatenus fortiter represserat. Tentavit eos felicius P. Gaspar, solo scipione Crucem in fastigio præferente instructus: à quibus perhumaniter exceptus, & ad Molonos subinde, aliòsque remotiores populos penetrans, Christum omnibus non pœnitendo fructu primus prædica- vit; quem ita ipse literis ad Superiores datis desoribit: Tres jam menses abire, cum ex Esterens S. Jacobi Collegio sum egressus, solo hoc Æthiope comite. Auspicato B. Virginis ad Nives die perveni. Miro hic gaudio fuisse affecti, ex Ara mea portatilis aspectu, sed majore ego ex ejus possessione; quandoquidem his in locis præter augmentum Missæ Sacrificium nihil sit, quod solatio mihi in laboribus esse possit. Ager hic opimus ac fertilis est, multis annis interfluentibus distinctus. Magnam Indi voluptatem percipiunt, cum me suum idioma vident addiscere. Complures hæc Cuciquij in dies commeant. Variæ nationes confines vario utuntur idiomate. Numerum quinquaginta millia superare dicuntur ejus solius linguae, quam mihi reddo magis familiarem. Mata-guacici amplius triginta millia feruntur, qui indusitrij quidem sed non ijs viribus pollent, quibus Ciriguanes (alia hæc Indorum nobilium natio est à superioribus distincta, quæ Peruanis Hispanis hæcenus resistere) & propterea quia Ciriguanes perpetuo eos bello in servitutem redigunt, Hispanorum gratiam & auxilium sibi suppeditandum student aucupari. Hujus linguae interpretæ in dies opperor, quævis Tobarum, Mocoviorum, atq. Zapitalaguarum (tres sunt Provincia innume- ris populis repleta) idioma non negligo; tum quod hi magnâ aviditate in Christianorum numerum adscribi expetant, tum quod hæc sit multorum populorum janua, quâ pervasâ innumera provin- ciæ patent: tantumq. his roboris, ac virtutis in- est, ut Ciriguanes qui hæcenus Hispanis resistere, hos sibi carverint adoriri. Eigna ad Reductiones in tribus hisce provinciis, sicut in Paraguaria faciendas, cædi cepta. Aliud est Ciurumatis idio- ma, facile quidem, at gutturale nonnihil, quod frequentissimè Chuchu in eo recurat, certis par- ticularis tempora, modos, numerosq. distinguenti- bus. Hujus idiomatis, uti & præcedentis, multa indies principia in commentariolum refero. Qua- re spero fore, ut eas propediem linguas calleam; tanto enim discendi ardore flagro, ut laborem vix percipiam. Juxta Ciurumatis, Orochones, prægandibus auribus degunt; quorum multitu- dinem roburq. facile ex eo colligere licebit, quod Ciriganibus contermini, ab ijs se indennes tu- rantur. Jam verò Tonocotorum notitia adeo in-

ter hos Indos certa est ac celebris, ac inter Hispa- nos Madridi. Duo Hispanorum Gubernatores armatâ manu in hæc Provincias sunt ingressi. Hæreo an exercitui me velim adjungere, quod mihi constet non illos animo eo proficisci, ut Indis detrimentum inferant, sed ut terra dumtaxat explorentur. Nisi tamen multum me precibus adi- gant, deliberatum mihi est inter hosce Tobas com- morari, primæque Reductionis initium dare, ne tempus mihi aliquod elabatur; cum ita sim consti- tutus, ut id omne utilissimè consumere ea me co- gat occasio, quâ benignissimus Dominus tot ani- marum salutem in meâ manibus reposuisse vide- tur. In hisce etiam Regionibus gentem adeo terro- sermone utentem reperi, ut elegantia ac nitore latino parum cedere videatur: adeo copiosus est, ut quatuor DEUM synonymis exprimat, Particu- lula ac verba sunt geminata, ita ut vehementer sim admiratus tam cultum idioma, in gente tam barbara reperiri. Non ij tamen se barbaros ar- bitrantur, pro totius enim India generosissimis at- que invictissimis se gerunt. Staturâ sunt adeo præaltâ, ut extento brachio eorum vix capita at- tingere possim. Alacri comig, ingenio sunt, atq. incredibili in quidvis ex Europa allatum avidita- te feruntur. Horum regio Tarichâ annue allui- tur, quem aliquot hinc lentia is quem modo trans- missi intercipit, adeo magnus, ut balsa (genus est majoris navigij) sit trajiciendus. Piscium mellis- que copîa regiones hæc ceteras India partes supe- rare videntur: multis etiam silvis abundant, adeo ut ex omni parte multa in ijs promittantur.

Plurimos jam illic Christo pepererat, pueros præsertim certatim à parentibus Bap- tismo oblato, cum repente à Provinciali revo- catus, illis valedicere, atque expedire re- ditum instituit. At Indi precibus primò & officiis certare, mox violentiam etiam adhi- bere, & exitium, nisi remaneat, intentare. Cùmque aliquando largiter se ad ebrietatem ingurgitassent, repente corripunt medium, & in stragulum undequaque à compluribus sustentatum dejiciunt, tum læpius sublimè excussum, atque ex casu vicissim stragulo ex- ceptum, citra vulnus aut sanguinem exagi- tant. Sed in proposito obediendi persistentem, atq. ita ad mortem animatum, ut etiam cun- ctantes ad eam ocyùs inferendam provoca- ret, ipsi patientiâ viri attoniti, aliâ viâ, quæ primum apud illos officiij genus est, illum aggre- diuntur. Puellam è suis formâ præ alijs liberaliori in matrimonium offerunt, si pe- nes e sedem figere in animum inducat. Irri- sit vir purissimus infanas cogitationes, & ex- plicatâ Sacerdotum Evangelij castissimâ san- ctimoniâ, majore indè attonitos admiratione deni-

denique reliquit, ne ab obedientia discederet. Hæc cum ad Ciacos, quò jam aliàs frustra ingressum tentaverat, abire iussit; quo in itinere excurrens ad Ocellos, dum interim focus Missioni destinatus adveniret, bimestri spatio institutos tinctòsque Baptismo, tanto numero ab inaccessis montium jugis ad campestria deduxit, ut Templo, & privatis circum excitationis mapalibus, non contemnendam Reductionem statuerit.

Ad Ciacorum Provinciam, socio P. Antonio Ripario auctus, quia nullus patebat aditus, viam sibi excisis ferro sentietis aperire debuit. Primos habuere obvios Palomos & Pintadillos, quos munusculis delinitos ubi sacra doctrinà erudièrunt, læti tam auspiciis initijs iter promovent ad interiora Regionis, plurimis habitata populis, effertis quam maximè, & inter seipsos hostiliter adversis. Hæc dum maximè deliberant, Ciriguanum copias in Palomos infestis armis irrumpunt; quorum furori omnia latè ferro flammæque devastantium ut sese subducat monitus P. Gaspar, ipse è contra DEO fretus, ultro eis obviam procedere, affari constituit. Et quidem multi ipsorum crepundijs Europæis, quæ liberaliter in donum illis dispertiebat Pater, capi videbantur, neque inviti Evangelio aures præbere, ut jam crederet, illos sibi habere devinctos, posseque sinè periculo diuturniorem apud illos sedem collocare. Ideòque Sebastianum Alarconium adolescentem Paraquariensem, & Societatis jam tum Candidatum, retrò ad urbem, comitatum in tutelam duobus Ciriguanibus, pro uberiore commeatu remittit, ipse interim cum P. Antonio unicè in tradendam genti catechesim intentus. Redeunt cum annona Sebastianum obruncant in via Ciriguani comites, & corpus totum depaßi, caput solum ad ostentationem apportant: cuius spectaculo incitati barbari, ad similem lanienam utrumque Patrem, qui avitas Majorum superstitiones convellerent, designant. Illi accepto machinationis indicio, latissimis animis optatam mortem præstolantur, & diem illum totum orando, Confessione mutuà conscientiam expiando, impendunt. Intendentibus se tenebris, cum diu antè pro sui tugurioli foribus inambulassent, intrò concedunt, & suis incumbentes farcinulis carpunt aliquantulum

quietis. Nocte intempestà irrumpunt sicarii, & direptis ante oculos Patrum farcinulis, pauperem illam gazam secum auferunt, spatiūque animos ad mortem colligendi relinquunt. Primo autem manè reduces, ligneis suis clavis distentas oratione Patres invadunt, contusisque capitibus sternunt, jugulum primò, tum pectus lacerant, vertices, quæ rasi coronà Sacerdotum erant, forè conserpunt, ac demum rescissa capita secum asportant, die 1. Aprilis A. 1639. Eodem servorum suorum paulò post ultus est DEUS, omnibus eorum percussoribus miserando exitu sublati. Testati autem sæpius deinde sunt barbari, Patres à morte multà perfosos luce visos sibi frequentius esse in cultu Sacerdotali, scelus coarguentes, & ad alios in sui locum evocandos Socios, à quibus Fidem edocerentur, exhortantes.

Hujus invidendæ mortis Osorio socius P. Antonius Riparius, natus fuit in Italia, & à puero in omnem pietatem propensus, ita humaniores & Philosophicas disciplinas decurrit, ut nihil in eo reprehensione dignum sive à domesticis, sive à Præceptoribus noceatur. Societati adscriptus, biennio literas humaniores Mediolani tradidit, eo successu, ut plerosque discipulorum ad varia vitæ Religiosæ Instituta permoverit. Quo tempore semper ille excolendorum in arduis Missionibus populorum cupiditate æstuabat, dum sui desiderij in ipso Theologiæ decursu factus compos, cum Paraquariæ ad Urbem Procuratore, in Americam transmissit. Medio in cursu sæda tempestas mari incubuit, cuius vi cum proximè exitio navis abesse videretur, ipse reliquijs S. Xaverij in mare demissis, tumentes fluctus & ventos momento sedavit. Prima illi Missio ad Ciacos cum P. Osorio oblata est, in qua consummatus in brevi, felicissimo exitu tempora multa vitæ explevit, anno ætatis 31. Caput ejus abissum aliquoties humo sponte suà exiliit, & corporis truncus in pedes erectus, attonitis prodigio barbaris, firmus constitit. Videbatur & multò antè sui hujus apud Ciacos agonis tacitam habuisse præfensionem, quòd ab usque Europa, quoties Ciacorum fieri mentionem audiret, insolitè quādam animi dulcedine imbueretur.



P. Petrus Romerus Hispanus et Matthæus Fernandez Indus Soc:
IESV. crudeliter ab Idololatriis in Paragvaria apud Itatines oc-
cisi. 22. Martij A. 1645.

C.S.L.

M.X.J.

P. PETRUS ROMERUS, & MATTHÆUS FERNANDEZ.

Ispalim Urbem natus est Pa-
triam P. Romerus, quam in ipsa
adoleſcentia voluntarius exul
deſerens, in Peruviam tranſivit,
ut in primum ibi ac fundamen-
talem Paraquariæ Provinciæ Societatis lapi-
dem cederet. Illum enim novâ Carthagine
ſtudijs vacantem P. Didacus de Torres de-
prehendens, cum ad fundandam juſſu Aqua-
vivæ Generalis novam eam Provinciam ty-
rones conquereret, ex primis unum adlegit.
Exacto Tyrocinio Philoſophiæ cum in cum-
beret egregiâ ingenij commendatione, quia

tamen tot circum barbaræ gentes in ſempi-
ternum ruebant exitium cultorum inopiâ,
abdicatâ ipſe altiorum Diſciplinæ proſe-
cutione, illarum ſe ſaluti ſummâ ſponte, &
P. Provincialis acceptione, totum devovit.
Itaque Sacris initiatus Ordinibus A. 1611. à
Guaicurvis gente barbarâ & ſanguinaria,
culturam Apoſtolicam exorſus eſt: apud quos
decem circiter annos commoratus, ingentia
& quotidiana vitæ ſubijte diſcrimina, affiduas
peregrinationes, & moleſtiſſimos labores,
quod adultiores in vetuſta libidinum, vene-
ficiorum, ebrietas conſuetudine obſtinati,
nullum

nullum de se fructum sponderent; sed omnis quæsus in solo serè infantium Baptismo, post quem non pauci continuè emoriebantur, consisteret. Ab his transitu capto A. 1621. majore proventu spe ad Puranos, ibi deinceps, & apud Urvajæ populos, ac Tape montanis, perdiu elaboravit ad annum usq; 1644. fundandis Reductionibus, mansuefaciendis barbaris, in fame & siti, in algore & æstu, multas ab infidelibus contumelias & verbera perpeffus, crebra vitæ pericula per lapsus è montibus & naufragia, veneficorum insidias, Paulopolitanorum incurfiones & duram captivitatem, à quibus despoliatus omnibus ægre vivus evasit. Neque attinet innumera-biles animarum fructus ex tantis consecutos laboribus recensere, quorum mirifico proventu permoti Superiores, eum præ omnibus ad ordiendam inter Itatines, & plurimos circum populos adhuc inaccessos intentatōsque Missionem designavere; eò propensiore illius animo, quòd eodem tempore, quo ea Provincia ipsi in Tucumanis Cordubæ à Provinciali designabatur, ipse longissimè in Paraquaria discessit, eam sibi demandari per literas obnixè flagitabat.

Igitur incredibili gaudio ad gentes illas convulsas & dilaceratas professionem exorsus, comitantibus P. Justo van Sverck, & Matthæo Fernandez, peritissimo linguarum barbararum interprete, 13. Februarij An. 1645. ad primum Itatinorum vicum appulit, festotympanorum crepitu, alisque lætitiæ signis exceptus. Primà istic Reductione institutà sub nomine S. Barbaræ, priusquam intimas profundæ barbariæ nationes peteret, P. Justum ad reddendam Moderatoribus successuum rationem, & sollicitandas plures in messem operas remisit. Ipse interim vicinam demereri gentem, per quam patefaciendus ad ulteriora aditus erat, omni arte connisus, internuncio ejusdem gentis cui Quiriquerayo nomen erat, ad conficiendum negotium utebatur. Sed homo perfidus, qui ad conciliandos Patri suorum popularium animos mittebatur, eorum è contrà arma quantum potuit in ejus necem sollicitare studuit, eò prioniore successu, quò vetustiore Christianorum odio ardebant Caciquij, pellicibus suis spoliari lege Christianà metuentes: intèrque eos primarius Mborosenno dictus,

veneficiorum artibus summam in ea gente, omnia pro arbitratu agendi auctoritatem nactus. Is non ex vano veritus hanc suà auctoritate per Patrem, si admitteretur ejus doctrina, excidere, simulato Patris consalutandi consilio, 40. circiter sui sceleris populares armatos secum trahit, atque ad 21. Martij haud longè à vico confidens, Patri significat, die postero ad salutationis officium, si placeat, cum suis accessurum. Suspiciosus plerisque videbatur sic instructorum adventus, & nonnemo Patri asseruit vitam haud dubiè ipsius eo armorum apparatu peti. Sed Pater, quæ erat animi constantia, *interimant*, respondit, *ut lubet in tali causa*. Postridie benè manè cum illi adventarent, periculi certissimò ab illis in caput suum parati iterum Pater admonetur: sed ille vetitis suis arma ad sui defensionem capere, ultro illis obviam hilari vultu procedit, explicatè adventus sui in eas terras consilium & emolumentum. Interim ijsdem per amicorum mapalia distributis, ipse ad faciendum Sacrum parabat ire, at Jucamij primi agminis ductor, *agite*, exclamat, *Socij percutite*: & è vestigio Cæsurumbij designatus cædi faciendæ, macanam utrâque manu elatam in alterum Patris humerum vi validà librat, cùmque Pater ictu percussus JESUM inclamaret, semel atque iterum in caput ictum iterat, humique sternit. Cæsus cum eodem est Gonzalus Indus Christianus, & Matthæus Fernandez, fidiissimus multis annis Sociorum comes, cui tertius jam Provincialis copiam Societatis ingrediendæ fecerat pro mortis articulo, quoquo illum hic tempore, vel loco deprehenderet. Quia verò lethaliter quidem prostrato Patri adhuc erat anima super, redintegrato in eum furore barbari linguam sub mento radicitus exinunt, præcordia diffundunt, abscissos manuum digitos ventri imponunt, ac demum guttur cultro præscindunt, A. 1645. ætatis 60. 22. Martij. Digressis cum directa Patris suppellectile barbaris, quem incrementis, & à Patre insuper inhibiti tueri vivum non poterant, humavere cum luctu & lachrymis Itatines & Socij lato per omnes Paraquariæ Reductiones & Collegia campanarum tinnitu. achymno Ambrosiano celebravere.



P. Isaacus Jogves Gallus Soc. IESV. post evulsos ungues. praeclisos et praemorsos articulos innumera tolerata pro Christo ab Hircapijs supplicia et arumnas feratâ clavâ catus. et capite plexus in Canada apud Huronibus is Octobris. C. S. d. A 1646. M. K. f.

P. ISAACUS JOGVES.

Verissimum Patientiae, & in proximum Charitatis portentum. P. Isaacus Jogves, natus fuit Aurelijs in Gallia, eâ solâ spe Societatem 22. ætatis anno complexus, ut transmigrandi ad barbaras nationes, plurimâque illic perperendi haberet occasionem. Et primò quidem ardentissimè Missionem inter Æthiopus sollicitavit; sed eâ spe dejectus, totum se in Canadam ambientem ita constanter transfudit, dum denique tertio Theologiæ audito anno, sæculi autem 1636. impetravit: Patronum suum hujus & postulationis & expeditionis adsciscens Carolum Spinolam, cujus pro Fide in Japonia

exusti effigiem semper in sinu circumferebat. Est autem Canadæ Americæ Septentrionalis ora barbaris frequentata mortalibus, quam à Francis primùm aditam ideo novam Franciam appellavere. Natio multiplex est, omnes cultu agrestes, atque egentes omnium quæ ad vitam sunt, populi invicem infidi, & perpetua bella gerentes, tam immani quidam in bello captos odio, ut ubi in eos crudeliùs omni belluâ sævierint, tandem necatos horrendâ ingluvie devorent. Et hic ferè solus bellandi scopus & fructus est, cum vix alia præda raptoribus suppetat. Inter hos prima natio Huronum adeuntibus occurrit, Gallicis armis subacta, & Fide Christianâ mitigata. Huc

Huc appulsus Isaacus, paucos post dies in mediterranea iter periculosissimum suscepit, pueri insuper decennis secum deducendi curâ impositâ: quem in via ægritudine correptum, suis ipse plerumque humeris per intercurrentes fluvios, & ingentia montium præcipitia vectare coactus est. Iter 20. dierum fuit, quibus vix semel in die modicâ frumenti Indici farinâ, aquæ commistâ, refici dabatur, somnûsq; nudâ in humo capiendus erat. Hæc Apostolica militiæ rudimenta 40. circiter dierum exceptit ægritudo, solâ patientiâ, & voluntatis cum DEO conformatione superanda, quando nulla medicamentorum, aut eduliorum commoditas suppetebat, & vix straminis modicum ad cubile. Sex annis Hurones excoluit incredibili diligentia & fervore: quo tempore singularis potissimum in eo visa est animi demissio, quâ se omnibus postponens, vilissima semper munia ambiebat, & hæc studiosè per omnem vitam aucupaturum se voto etiam speciali sanxerat. In venerando Eucharistico DEO erat inexplēbilis, hinc totas sæpe noctes ante illius tabernaculû genuflexus perstitisse notatus est.

Anno deinde 1642. visum est e re Christiana unum è Patribus Quebecum mittere, qui princeps ejus oræ Gallorum vicus est, 300. circiter leucas ab Huronibus in mediterranea remotus, liæt viæ crudelissimorum Hiocensium insidijs infestæ essent. Hi enim inter omnes eas nationes effratrissimæ, & à Batavis fœdere sibi conjunctis, bombardis aliisque Europæis armis instructi, implacabiliter Hurones & Gallos persequuntur. Paulò antè P. Isaacus ante venerandam Eucharistiam prostratus, ardentissimè efflagitabat aliquam sibi dari copiam duri quidpiam pro Christo perferendi: & percepit intimum à DEO responsum: *exaudita est oratio tua: fiet tibi sicut petisti; confortare & esto robustus.* Et ecce continuò Pat. Hieronymus Lallemand Missionis Huronicæ Præpositus, profectiōnem ei Quebecanam desert, ad quam discriminis plenissimam ut se debitè compararet, 8. dierum Exercitia cum generali totius vitæ exomologesi præmisit. Quæ tam accurata veluti ad certam lanienam properantis dispositio, quàm necessariò adhibita fuerit, ità ipse calamitates suas, multis mortibus graviores, in sua ad Patrem Provinciale latinâ Epistola describens, fusè enarrat.

Reverende in Christo Pater,
Pax Christi.

Volenti mihi ad R.V. scribere, quàmam linguâ id facerem primum dubium fuit.

Utriusq; enim sermonis post tam longam intermissionem penè Oblitus, tam in uno, quàm in altero difficultatem patiebar. Verùm hæc me duæ rationes, & quòd liberius Sacræ Scripturæ verba usurpare potero, quæ mihi maximo solatio semper fuerunt in tribulationibus, quæ invenerunt me nimis; & quòd minus communem cupio esse hanc epistolam nostram, minus communi sermone ut scriberem impulerunt. Dabit veniam eximia illa vestra Charitas, quæ peccatorum nostrorum multitudinem aliàs cooperatebat, si quid sit ab homine, jam ab annis octo, usq; consuetudine, imò nunc habitu & vestitu barbaro, contra leges officij aut sermonis peccatum; plus timeo, nè imperitus sermone sim etiam & scientiâ, nec noverim tempus Visitationis meæ, meminerimq; quam mihi hic à DEO impositam personam sustineam, & prædicantis Evangelium, & Jesuitæ, & sacerdotis. Hoc me impulit ut ad R.V. scriberem, ut si fortè hæc epistola in ejus manus veniret aliquando, mihi dura in Regione jacenti, inter Iroceos, & Maquoas, suis SS. Sacrificijs, & totius Provinciæ suæ orationibus optularetur. Quod (spero) impensius faciet, ubi ex lectiōne istius viderit, & quantum Deo debeam, & quàm opus habeam piorum virorum precibus, in quibus scio mihi magnum præsidium esse constitutum.

Ex Huronibus solvimus 13. Junij anni 1642. navigiola quatuor (Canoas vocant) animæ 23. in quibus eramus Galli numero quinque. Iter istud per se difficillimum, cum propter multa, tum propterea, quòd 40. in locis & Canoæ, & sarcinæ humeris ferendæ sunt, periculis plenum reddebat hostium metus, qui singulis annis vias ad Gallos obsidentes, multos captivos abducunt, propiusq; nihil factum fuerat anno superiori, quàm ut Patrem Joannem de Brebeuf interciperent. Accedebat de novo, quòd cum recenē duos Gallos captivos abduxissent, posteaque incolumes ad suos reduxissent, pacem à Gallis, sed iniquis conditionibus petentes, hostilitateque postea segerentes, tormentorum explosiōne fugati pronunciarant, si aliquem deinceps Gallum captivum caperent, fore ut eum ad modum cæterorum captivorum diris tormentis excruciatum, vivum lento igne comburerent.

Hæc omnia cum sciret obedientia non ignara periculorum, quibus nos obiciebat, hujus itineris ad Dei gloriam omnino necessarij, ità mihi curam demandavit, ut si nollem, non susceperem. Ego verò non contraxi.

V u u

dixi,

dixi, nec retrorsum abij; sed hanc mihi ab Obedientia & Charitate impositam provinciam lubens volensque suscepi; quam si abnuissem, in alium rejecissem multò me meliorem. Igitur ex Sancta Maria Huronum solventes, post varium hostium metum, diversa pericula, jaçuras & naufragia, trigesimo quinto à discessu nostro die, salvis animabus, ad Conceptionem B. Virginis appulimus. Hæc est Gallorum habitatio seu Colonia, trium fluminum dicta, à vicino sibi flumine pulcherrimo, quod tribus ostijs se in magnum S. Laurentij fluvium exonerat. Gratias Deo actis, tum ibidem, tum Quebeci dies subsistimus circiter quindecim.

Peraçtis negotijs quæ nos illuc adduxerant, celebratòque S. P. N. Ignatij festo, 1. Augusti nos rursum itineri Huroniam versus committimus. Secundus à discessu nostro dies illuxerat, cum summo manè è socijs nostris aliqui recentia in littore vestigia conspiciunt: cùmque ex his aliqui inimicorum, alij amicorum esse contendunt, Eustachius Ahatistat, cui omnes ob egregia in bello facta primas deferrebant, hostium, inquit (sint licet in ijs fortissimi) quantum ex vestigijs conjicio, non amplius quam tres Canoæ sunt, nos verò eo sumus numero, qui talem hostium manum non pertimescamus: eramus autem circiter 40. aliqui enim se nobis adjunxerant, Igitur cæptum prosequentes iter, vix milliare unum confeceramus, cum in hostes incidimus, qui nos partito agmine ex utraque fluminis ripa opperiebantur 70. numero, Canoæ 12.

Hi in herbis & arundinibus latitantes, ubi ad eum locum pervenimus, in quo nobis insidias paraverant, bombardas, quas satis magno numero habebant, exploserunt, occiderunt tamen neminem. Ad primos bombardarum ictus Hurones penè omnes, relictis Canois (ad lectus enim, quòd medio in alveo concitator sit amnis, adnavigabamus) concitatà fugà se in penitissimas sylvas abdiderunt. Relicti igitur nos Galli quatuor cum paucis, partim Christianis, vel Catechumenis, præmissa ad Christum oratione hosti resistimus. Sed cùm pauci, id est vix duodecim aut quatuordecim, cum triginta confingimus, obruimur numero: pugnamus tamen, donec videntes socij nostri alias Canoas ex adversa fluminis ripa sibi imminere, animis cadentes aufugerunt. Tunc Gallorum unus, qui inter primos decertabat. Renatus Goupil nomine, & aliqui ex Huronibus capti sunt. Ego autem hæc videns, nec fugere

volui, nec potui; quò enim nudis pedibus fugissem? potuissème Gallorum unum, aliosque Hurones jam captos, aut capiendos non baptizatos relinquere? Itaque cùm hostes, ut fugientes insequerentur, me in loco ubi pugnatum fuerat stantem præterissent, unà ex his qui ad captorum custodiam remanserant, advoco, moneòque me captivum captivo Gallo adjungat, velle me sicut itineris, ità etiam periculorum & mortis ipsius esse socium; ille vix credens, multumque sibi timens accedit, meq; jam captivis conjungit.

Tum ego; charissime mi frater, mirè nobiscum egit Deus! sed Dominus est, quòd bonum est in oculis suis, hoc fecit; sicut ipsi placuit, ità factum est; sit nomen ejus benedictum: ipsique absolutionem post Confessionem impetients, mox ad Hurones captos accedens, ipsos singillatim instructos baptizo, & ut novi semper à fuga retrahebantur, novus mihi semper labor incumberebat. Tandè adductus Eustachius Ahatistat dux ille egregius Christianus, qui ubi me vidit: Enimvero tibi sanctè juraveram (mi frater) fore ut tecum aut viverè, aut morerè. Quòd ad hæc responderim nescio, adeò animum meum mæror contraxerat. Novissimè & ex fuga retractus Guilielmus Constore, qui mecum ex Huronibus discesserat. Is ubi turbata vidit omnia, cum alijs in sylvam aufugerat, & ut est adolescens non solum egregij animi, sed etiam corporis dotibus insignis, maximeque agilis, longissimè aberat ab hostibus: cùm se circumspiciens, meque non videns, egòne, inquit apud se, charissimum Patrem meum captum à Barbaris deferam, & sine ipso aufugiam? minimè verò; tum eadem quâ fugerat vià rediens, se hostibus capiendum obijcit. Qui utinam aufugisset, nec miserorum auxisset numerum! nam hac in re non est consolatio habere pares, potissimum ex his, quos sicut te ipsum diligas. Sed tales sunt homines, sæculares licet, qui nullo intuitu terrenæ mercedis Deo & Societati apud Hurones deservunt. Quæ & quàm gravia passus fuerit, difficile est cogitare. Ipsum enim odium in Gallos omnes, & maxime in ipsum, à quo seiebant ex præcipuis unum in pugna interfectum, exarserant. Primò igitur ipsi vestimentis omnibus nudato, ungues omnes mordicus abstulerunt, digitos dentibus contriverunt, & ensen latissimè per mediam manum dextram adegerunt; quem dolore licet acutissimum, memor vulnerum Domini Nostri Jesu Christi, magno gaudio, ut ipse postea mihi referebat, sustinuit. Ut ergo ipsum

ipsum sic nudum & ligatum vidi, continere me non potui, sed relictis custodibus meis, per medios hostes, qui ipsum adduxerant, ipsum sum amplexatus tenerrimè, monuiq; hæc omnia Deo ut offerret, in suum, & eorum à quibus hæc patiebatur emolumentum. Mirari primò Barbari quæ faciebam, deinde quasi resumpro spiritu, & collectà rabie, me pugnis, veſtibus, & clavâ percussum, semianimem abjecerunt. Reductus ergo à duobus ad eum locum in quo priùs eram, vix respiraveram, cum alij advenientes mihi etiam ungues penè omnes mordicus avulserunt, indices duos dentibus mihi contriverunt ingenti doloris sensu. Idem Renato Goupil fecerunt, intactis reliquis omnibus alijs Huronibus captivis.

Ubi omnes ex fuga redièrè, in qua Hurones duos occiderunt, nos in aliam fluminis partem trajiciunt, ibique duodecim Canoarum prædam inter se partiuntur, multam nimis: & nos quidè in ijs præter id, quod Gallorum unusquisque secum habebat, viginti sarcinas habebamus, in quibus & sacra suppellex, & vestes, & libri, & alia id genus continebantur, divitiæ sanè multæ, habitatio ratione nostræ apud Hurones paupertatis. Dum prædam partiuntur, reliquos non baptizatos planè instructos baptizo, atque inter alios grandævum senem octuagenarium, qui iustus Canoam conscendere ut cum alijs abduceretur, quoniam, inquit, ibo grandævus senex, in terram longinquam & peregrinam? minimè verò: hic moriar. Itaque cum discedere recufaret, in eo loco, ubi recens baptizatus fuerat, est interfectus.

Læto igitur clamore complentes omnia, quasi victores qui exultant captâ prædâ, nos captivos viginti duos, præter tres quos interfecerant, abducunt in terram suam. Multa sanè DEI gratiâ passi sumus in illo itinere, quod dies triginta octo nos tenuit, & famem, & æstum, & minas, sæva Barbarorum odia, & ex plagis nostris non curatis & putrescentibus, imò vermes producentibus, acres doloris sensus; sed nihil mihi magis durum videbatur, quàm cum post quinque aut sex dies viâ lassos accederent, sedato jam ab ira eundia animo, nobisque frigide capillos & barbam evellerent, unguesque quos acutissimos habent, in partibus teneris, & ad levissimæ punctiois sensum mollibus, altè infigerent. Sed illa externa: multò me magis interna movebant, cum nimirum videbam funebrem illam Christianorum pompam traduci ante oculos meos, in quibus erant quinque

veteres Christiani, præcipua nascentis Huronicæ Ecclesiæ cùmmina.

Certè ut ingenuè fatear, semel aut iterum lachrimas tenere non potui, illorum & sociorum meorum vicem dolens, & multum sollicitus expectatione futurorum. Videbam enim ab Iroqueis istis Fidei Christianæ apud Hurones, & alias innumeras nationes intercludi aditus, nisi peculiari quâdam divinæ dispensationis providentiâ obviaretur.

Octavus dies venerat, cum in turmam ducentorum Barbarorum advenientes, qui ad bellum proficiscebantur, & ab Domino Gubernatore novæ Franciæ Præfecto, Carolo de Montmagnij Equite Melitenſi, fugati sunt, duobus ex ipsis occisis, pluribus vulneratis, licèt multis partibus numero plures essent. Et quia solemne est Barbaris ad bellum euntibus crudelitate quasi præludere, tantò se feliciores futuros credentes, quantò fuerint crudeliores, hac ratione nos exceperunt. Primò Soli gratias agentes, quem bellis præesse credunt, festâ catapulartâ explosione suis gratulati sunt. Tum eorum unusquisque ex primo saltu baculos decerpere, quibus nos exciperent. Ubi igitur exlensionem ex Canois fecimus, in nos hinc & inde duas divisi in turmas sustibus ità desavierunt, ut ego qui omnium postremus eram, ac proinde magis eorum verberibus expositus, medio in itinere, quod nobis ad collem, in quo theatrum construxerant, faciendum erat, ictuum multiplicitate & atrocitate obrutus corruerim. Sub illis brevi me moriturum credebam: itaque partim quia non poteram, partim quia negligebam, non surrexi, donec diu multumq; in me sævitum est; ille scit, pro cuius amore & gratiâ hæc pati & jucundum, & gloriosum est. Tandem crudeli misericordiâ moti, volentes me vivum in suam terram deducere, à verberando cessarunt. Itaque semianimis in theatrum illatus sum, totus respersus sanguine: fortè enim mihi inter alios ictus aliquos in facie deiderant, qui indusum meum, quod solum mihi reliquum erat, totum sanguine repleverunt. Vix respiraveram, cum jusserunt ut descenderem, meque probris & contumelijs onustum, innumeris etiam alijs ictibus in capite, in collo, & reliquo corpore onerârunt. Longus essem, si, quæ nos Galli pertulimus, vellem singula recensere: mihi digitum unum combusserunt, alium dentibus contriverunt, alios jam contritos disruptis nervis contorsèrunt, ut etiam nunc utcumque sanati, sedè deformati remanserint.

Nec verò multò potior fuit sociorum meorum conditio. Verùm nōstri curam gerere Deum, & nos probare potiùs quam abjicere, hoc declaravit; inter Barbaros sanguinem & crudelitatem spirantes, unus ad me vix pedibus insistentem accedit, unàque manu mihi apprehensas nares, alterà cum ingenti cultro eas parat abscindere. Quid facerem? Ego qui me brevi lento igne comburendum credebam, immotus Deo meo gemens interiùs idem expecto: cùm divinà quādam vi repressus, manum in ipsa abscissione sustinuit. Interposità quā quartà horæ parte ad me iterum accedit, seque timiditatis quasi & ignaviæ dampnans, idem facere apparat: cùm similis in visibili quādam potestate retentus abscessit, bis lassæ cecidère manus. Quòd si perfecisset quod habebat in animo, actum erat de me: cùm non soleant ita mutilatis vitam dare. Tandem serà sub nocte, & omniū postremus ad eos, qui me abducebant, rediit, sinè cibo, quem jam vix à multis diebus attigeram, reliquam noctem non sinè magno doloris sensu transegi. Verùm hæc omnia multò acerbiora fecerat in Christianos Hurones penè similis, & in Eustachium major crudelitas: ipsi enim utrumque pollicem ademerant, & per resectum sinistræ pollicem præacutum baculum ad cubitum usque crudeliter adegerunt, quod quidem generosè & Christianè admodum pertulit. Sequenti die in alias Canoas incidimus, ad bellum itidem euntes, qui socijs nostris digitos aliquos absciderunt, non sinè magno omnium nostrum timore.

Tandem decimo die sub meridiem Canoas reliquimus: & reliquum iter, quod quatuor dies tenuit, pedites conficimus. Ad solitas itineris molestias novus ferendarum sarcinarum labor accessit, quanquam hac in parte mecum satis remissè actum est, & tum quia non potesam, tum etiam quia dedignabar (ego enim in captivitate, & morte, alios spiritus gerebam) leve onus mihi ferendum datum est. Augebatur tamen fames ex majori semper penuria ciborum. Itaque totum triduum traduxeramus: quarto verò die, quo nobis ex pago obviàm ventum est, nihil præter paucos fructus, quos semel in via collegimus, comedimus. Et quidem ego, cū in initio itineris ex Canoas nostris suppeterent cibi, ferè comedere neglexeram, ne nimis ro-pustum & vegetum corpus igni & tormentis traderem (quæ enim infirmitatis meæ sunt, libenter fatebor) ubi verò jejunijs exhaustum corpus cibos expetijt, nullos reperit

præter aquam; secundo enim die, cū de via lassī essemus, lebetem igni exposuerunt, quasi cibum parare vellent, sed ex sola paululū tepesacta aqua, unicuique quantum voluit bibendi facta est potestas.

Tandem decimo octavo die, qui in vigiliam Assumptionis Beatæ Mariæ Virginis incidebat, ad primum pagum Irokenisum pervenimus. Gratiās ago Domino nostro Jesu Christo, quòd eo die, quo orbis Christianus de Assumptæ in Cælos Matris suæ gloria lætatur, nos in partem aliquam & societatem dolorum & Crucis suæ vocavit. Et quidem illum diem in via semper nobis acerbum & funestum fore prævideramus, quem diem quidem, sicut & ignem vitare Renat Goupil, & mihi facilè fuit: sæpe enim nullis ligati vinculis longè à ductoribus nostris sera sub nocte divertere potuimus, & si ad nostros minimè redire, saltem in sylvis mitius mori. Sed ille hoc facere recusavit, & ego extrema quæque potiùs pati volui, quàm Gallos, & Christianos Hurones in morte derelinquere, eosque consolatione illā, quam Sacerdos potest impertiri privare. Vigiliā igitur Assumptionis, circa horam tertiam ad amnem illorum Pago vicinū pervenimus. Nos ex utraque fluvij ripa præstolabantur tum veteres captivi Hurones, tum Irokei; & illi quidem pro salute, nos lento igne comburendos vivos admonuerunt; hi verò nos baculis, pugnīs, & lapidibus exceperunt: ac ut rarum & rasum capillitium oderunt, ita illa tempestas in me, & nudum caput meum potissimū defevijit. Reliqui mihi erant duo ungues, hos mihi mordicus avulserunt, subjectamque carnem acutissimis suis unguibus ad ossa usque denu-darunt. Ubi satis ad fluvij ripam illorum crudelitati datum est, & ludibrio patuimus, nos ad illorum pagum in edito colle positum deducunt. Ante Pagum nos totius regionis juvenus fustibus armata hinc & inde ex utraque viæ parte expectabat.

Nos autem scientes, quia si nos eximeremus à numero flagellatorum, eximeremus etiam à numero filiorum, Deo nostro paternè sævienti, ut in nobis tanquam in filiis suis complaceret sibi. prompto animo nos obulimus. Hunc autem ordinem servarunt: in fronte turmæ Gallum unum nudum omnino, etiam sinè subligaculo constituerunt: Renatum Goupil in medio; ego omnium novissimus postremum agmen claudebam: & quidem Renato & mihi indusia reliquerant, & femoralia. Inter nos & Hurones captivos, medij sese infuderunt Irokenes, & ut eun-

sum

sum remorarentur, & plus temporis & otij darent, nos ab invicem separatos diverberandi. Diu & sanè immaniter supra dorsum nostrum fabricaverunt peccatores, non baculis tantum, sed etiam virgis ferreis, quibus ob Europæorum vicinitatem abundanti; imò unus inter primos masâ ferreâ pugni crassitudine è fune pendulâ tam validum mihi, sicut & socijs, ictum impexit, ut semianimis corruissem, ni similis iterationis metus vires mihi & animos addidisset. Longam igitur viam sub tam immani verberum grandine decurrentes, vix ad theatrum in medio Pago extruendum pervenimus. Et quidem cum cujuscunque nostrum miserabilis esset facies, certè Renati inprimis. Is ut erat minimè agilis, & in currendo celer, tam multos ictus ad corpus univèrsum, sed maximè in faciem sustinuit, ut nihil in vultu præter album oculorum appareret; eò nimirum formosior, quò ei similior, quem pro nobis vidimus sicut leprosum & percussum à Deo, in quo non erat species neq; decolor. Vix in theatro respirationi datus erat locus; cum unus grandi fuste ter ictus nobis Gallis in nudata dorso impexit; mox barbari cultros promere, theatrum conscendere, & multis è captivis digitos amputare cœperunt: & quia quò captivus aliquis plus habet dignitatis, plùs eorum crudelitati patet, à me, quem inter Gallos & Hurones, tum ex ipsorum relatione, tum ex mea agendi ratione eminere videbant, initium fecèrè. Ad me ergo senex unus accedit cum muliere; is illam, ut pollicem mihi abscindat, monet: illa incitò relucatur, tandem ter quaterq; à fene id facere quasi compulsa, sinistrum pollicem, quâ manui committitur, adimit. hæc mulier Algonquina erat, id est, ex ijs barbaris, qui prope Gallos in nova Francia habitant, & ipsa paucos ante menses capta, & Christiana, Ioanna nomine. Certè jucundum est te talia ab ijs pati, pro quibus moreris, & quos nè hostium visibilibus & invisibilibus crudelitati expositos relinquant, eligis potiùs extrema quæque pati. Tum ego resectum pollicem manu alterâ capiens, illum tibi Deo meo vivo & vero obtuli, memor Sacrificiorum, quæ tibi per septennium in Ecclesia tua obtuleram; donec monitus ab uno è socijs meis, id facere desisterem, nè illum mihi in os ingestum crudum comedere me cogerent, nescio quò abjectum in theatro reliqui. Renato dextrum pollicem ad primam commissuram absciderunt. Gratias Deo, qui dextrum pollicem mihi relictum

voluit, ut hæc epistolâ possem rogare RR. PP. & FF. meos, ut pro nobis fiant SS. preces, postulationes, & orationes, in sancta Dei Ecclesia, cui scimus nunc duplici novo titulo nos esse maximè commendatos, cum illa saepe oret pro afflictis & captivis.

Posterà die, quæ erat Assumptionis B. Virginis, ubi matutinum tempus in theatro transegitur, circa meridiem nos in alium Pagum, duobus milliaribus à primo illo distantem, deducunt. Sub discessum, qui me adduxerat Barbarus, dolens sibi perire, indusium meum, nudum me omnino, excepto malo & veteri subligaculo, dimittebat; cum me sic nudum circumspiciens, enimvero mi frater, dixi, me sic nudum dimittis, tu qui tam multa ex nostris rebus lucratus es? Ille misericordiâ motus, ex tela cannabina, quibus sarcinæ nostræ involvebantur, tantum mihi dedit, quantum tegendis humeris, & parti corporis sufficeret. Sed tot plagis & verberibus exulceratis humeri, crudum illud & rude textum sustinere recusabant: itaque in via dum me malè, aut omnino non tegit, accedente ardentissimo solis æstu, pellis mea quasi in clibano aruit, & quæ collum, humeros, & brachia vestiebat, paulò post arefacta decidit. In ingressu secundi Pagi illius, præter consuetudinem, quæ fert, ut captivos baculis semel exceplisse sufficiat, à verberibus minimè temperârunt: nimirum Dominus cum Apostolo suo, qui se ter virgis caesum gloriatur, nos aliquam hac in parte similitudinem habere voluit, & licèt multò paucioribus, quàm antea nos exceperint, eò tamen atrocioribus, quòd qui id faciebant, à circumfusa multitudine liberiores, meliùs ictus suos metiebantur, quorum aliqui in anteriores tibiae partes magno nostro dolore impa-cti sunt.

Reliquum diei in theatro, noctem in tugurio super nudâ humo, nudi & vinculis alligati transegitur, & ut omnis sexus, ita etiam omnis ætas nos exercuit: pueri enim & adolescentibus illudendi traditi sumus, qui carbonibus, fervidos cineres in nudata corpora injiciebant, quibus mederi nobis ligatis erat difficile; sic nimirum rudimenta ponunt crudelitatis, & per minora ad majora confuecunt. Duos ibidem dies, & totidem noctes, sine ullo penè cibo & somno traduximus, maximo animi mei interno angore. Subinde enim theatrum conscendebant, qui ex socijs meis Huronibus digitos amputabant, durissimos funes circa pugnos tantâ vi contorquebant, ut in deliquium deciderent

animi; & dum sua quemque tantum, me omnium clades premit, tanto dolore sum affectus, quanto par est credere amantissimi parentis viscera, filiorum suorum (hos enim omnes, paucis exceptis veteribus Christianis, per Baptismum recens in Christo genueram) casibus commoveri.

In his tamen satis virium mihi dabat Dominus, ut & Gallos, & Hurones, qui in pressura erant, ego ipse in pressura possem consolari. Itaque sicut in via, ita & in theatris, ubi molesta illa salutantium turba defluerat (sic enim eos vocant, qui in captivos in adventu defleunt) modò singulos, modò universos adhortor, patientiam retineant, non amitterent confidentiam, quæ magnam haberet remunerationem; meminissent, quia per plures tribulationes oportet nos intrare in regnum Cælorum: advenisse nimirum tempus, nobis à Deo prænuntiatum, cum dixit: plorabitis, & flebitis vos, mundus autem gaudebit, sed tristitia vestra vertetur in gaudium: parturienti mulieri nos esse similes, quæ cum parit, tristitiam habet, quia venit hora ejus, cum autem peperit, non meminit pressuræ propter gaudium, quia natus est homo in mundum; ita sibi persuaderent, fore ut post dies paucos, momentaneos istos dolores gaudia æterna exsuperent. Et certè mihi jure letandum erat, cum eos tam bene paratos conspicerem, atque inprimis veteres Christianos, Josephum, Eustachium, & reliquos duos. Nam Theodorus illo die, quo ad primum Pagum pervenimus, se vinculis exemerat; sed quia in pugna clavâ catapultæ humerum unum illi fregerant, medio in itinere, cum ad Gallos se reciperet, occubuit.

Nusquam hæcenus captivos Gallos, nusquam Christianos barbarica theatra conspexerant. Itaque præter morem, ut omnium curiositati satisficeret, per omnes Pagos traducti sumus. Tertium quidem pacificè sumus ingressi, sed in theatro spectaculum vidi omni supplicio acerbius: quatuor nimirum Hurones, quos alij alibi captos illuc adduxerant, auctores numerum miserorum. Et his quidem omnibus, præter cætera, digitos aliquos, & seniori utrumque pollicem ademeraut. His me adjungens, ultra eos seorsum de rebus Fidei nostræ instruxi, duos ex his in ipso theatro ex pluvia, quæ fons Turcici frumenti inerat, ejus culmi nobis masticandi dabantur; reliquos duos, cum in alium Pagum deduceremur, ex prætereunte rivulo baptizavi. In hoc Pago, de

pluvioso in frigidum converso cælo, nudi ut eramus, frigoris multum sustinuiamus. Itaque in theatro sæpe frigore contremiscens, etiam injussus descendebam, tuguriumque aliquod ingressus, in eo vix paululum me calefeceram, cum theatrum iterum conscendere jubebat. Nullum adhuc Guilielmo Cousture digitum absciderant: id molestè ferens unus ex eo Pago, indicem dextrum in medio ipsi eò majori doloris sensu amputat, quò ad id non cultro, sed conchâ quorundam conchiliorum, quibus abundant, ferræ in modum utitur; quæ cum nervos, propterea quòd duri & lubrici erant, abscindere non posset, ipse tantà vi attraxit, ut disruptis nervis brachium patientis usque ad cubitum, fœdè intumuerit. Aliquis misericordiâ illum domi suæ toto illo biduo, quo in Pago substitimus, continuit, me quid de illo factum esset ignaro, & plurimum sollicito.

Nox advenerat, cum in tugurium admissi sumus, in quo nos juvenis præstolabatur. Hæc ubi ut cantaremus, sicut solent cæteri captivi, imperavit, tandem (quid enim aliud faceres?) cantamus, sed de Canticis Domini in terra aliena. Post cantus ventum est ad cruciatus, & quidem in Renatum & me pars illius procellæ deflexit: nam Guilielmum Barbarus Domi suæ affervabat. In me igitur, sed magis Renatum, fervidos cineres, ardentes carbonem iniecere: eumque in pectore graviter combusserunt.

Me autem medio in tugurio, hinc & inde ad duos palos, cubitum inter & humeros sublimem alligârunt duris corticibus, quos in funes ex arboribus depexunt. Tunc me comburendum credebam; sic enim solent agere cum id faciunt. Et ut scirem, quia si quid fortiter, si quid patienter hæcenus sustinuissem, id non à me, sed ab eo esse profectum, qui dat fortitudinem lassus, in eo supplicio quasi mihi redditus, ingemui (libenter enim gloriabor in infirmitatibus meis, ut inhabitet in me virtus Christi) & propter ingentem dolorem tortores meos rogavi, paululum de vinculorum asperitate remitterent. Sed iuste faciebat Deus, ut quò plus eos rogarem, eò plus illa astringerent. Tandem ubi quartam circiter horæ partem in illo statu fui, me brevè deliquium passurum animi, vinculis exemerunt. Gratias tibi ago Domine Jesu, quòd aliquà levi experientiâ didici, quantum pro me in Cruce pat dignatus es, cum non in funes, sed in manus pedesque tuos durissimis clavis perforatos, totius tui sacratissimi corporis pondus incumberet,

beret. Priora illa vincula, alia consecuta sunt: nos enim ut reliquum noctis transigerent, humi colligârunt. Quæ & qualia nobis sic ligatis non fecerunt Huronibus socijs meis? quæ & qualia mihi facere non tentarunt? Sed iterum gratias ago tibi, Domine mi, quod me Sacerdotem tuum, purum semper ab impuris Barbarorum manibus servaveris. Ubi duos dies itidem in illo Pago degimus, nos in Pagum illum, quem secundum ingressi eramus, ut tandem de nobis statueretur, deducunt.

Jamq; septimus dies venerat ab eo tempore, quo de Pago in Pagum, de theatro in theatrum deducebamur, spectaculum facti Deo & Angelis, ut de divina bonitate par est credere; hominibus autem, & vilissimæ barbariei ludibrium & illuso; cum tandem moniti sumus, fore ut dies ille vitam nostram incendio concluderet. Certè etsi aliquid horrois habebat extremus ille actus, illum tamen lætiores reddebat beneplacitum Dei, & melioris, nullisque peccatis obnoxie vitæ expectatio. Itaque tum Gallos, tum Hurones socios meos extremum allocutus, bono animo esse rogavi: in corporis & animi sui doloribus recogitare eum, qui talem à peccatoribus adversus semetipsum sustinuisset contradictionem, ut non fatigaretur animis suis deficientes; sperarent, quod crastinus dies nos Deo nostro in æternum regnatos adjungeret. Et quia verebamur, nè ab invicem abstraheremur, Eustachium maxime monueram, ut cum unà esse minimè possemus, me intuens, admodò pectori manu, & sublati in cælum oculis, se de factis suis dolere testaretur, ut illi absolutionem, quam sæpe in via, & ab adventu nostro post Confessionem dederam, etiam tunc impertirer: quod non secus ac monitus fuit pluries præstitit. Verùm maturius re considerata, censuerunt seniores, nihil in hac re Gallorum esse præcipiandum, nosque in Concilium ubi advocârunt, vivere pronunciarunt. Reliquis item Huronibus penè omnibus vitam dedere; tribus exceptis, Paulo, Eustachio, & Stephano, quos tribus in Pagis, qui nationem istam constituunt, occiderunt: Stephanum in eodem quo eramus Pago, Andagoron appellant; Paulum in alio, Ossernenon; Eustachium, Teonontogen. Et Eustachio quidem, ubi eum toto penè corpore ustularunt, cultro cervicem amputârunt; quæ omnia Christianè admodum pertulit; cumq; soleant captivi alij moriendo cum illa dicere, Exoriarè aliquis nostris ex ossibus ultor; ille

contrà Christiano spiritu, quem à Baptismo altè imbiberat, astantes Hurones concives suos rogavit, nè ipsius consideratio, stabilis eundem cum Irokeis illis paci officeret. Paulus Ononhoraton qui in Pago Ossernenon dicto, post solitas ustulationes securi percussus fuerat, juvenis erat 25. circiter annorum, & maxime animosus: hos enim potissimum occidunt, ut hostium vitas succidant; is egregius mortis contemptor spe melioris vitæ, ut palam loquebatur in via, cum ad me accederent Irokeses, ut aut mihi ungues detraherent, aut aliud aliquid agerent, se illis offerebat, rogans, ut me derelicto, in ipsum potius deficerent: reddat illi Dominus centuplicia cum sœnore, per proximam illam charitatem, quâ animam suam dabat pro amicis suis, & ijs qui eum in vinculis in Christo genuerant. Sub vesperum Guilielmum Cousture, quem Juvenem præstantem viribus intuebantur, in ultimum regionis Pagum Teonontogen dictum deducunt, cumq; eundem Barbarorum familiæ adscribunt. Solemne est his Barbaris, cum captivo alicui dant vitam, eum in familiam aliquam adlegere, in qua demortui alicujus locum suppleat, in cuius etiam jura quodammodo succedit, nec quispiam alius ipsius Dominus est, quàm is, qui familiæ illius caput est: ob id enim munera aliqua exhibet. Me verò & Renatum, quos non ità firmis viribus conspicebant, deducunt in Pagum primum, in quo ij qui nos captivos ceperant, manebant; ibique nos, quoad aliud statueretur, constituunt.

Ergo post tam multos & longos dies inedia traductos, post tam vigilatas ordine noctes, post tot plagas & verbera, ac potissimum post tot penitissimos animi cruciatus, ubi nobis licuit quasi per otium dolores nostros persentiscere, tum ægras trahere animas, vix ingredi, vix pedibus insistere, nullam habere, neque diurnæ, neque nocturnæ partem tranquillitatis, cum propter alia, tum præcipue ob vulnera, quæ hæcenus incurata remanserant; quæ omnia duriora reddebat pulicem, pediculorum, & cimicum copia, quibus mederi cæsis truncatisque digitis erat difficile. Accedebat ciborum penuria. multò enim verius de his regionibus potest dici; non cibus utilis agro. Itaque cum ad frumentum hujus Americæ, quod in Europa Turcicum appellant, inter duos lapides negligenter atritum, nihil præter multas & præcoces cucurbitas obsonij adhiberetur, penè ad extremum adducti sumus. Renatus inprimis, qui cibus illis non assueve-

rat,

rat, & qui ex acceptis plagis vix quidquam videbat. Itaque videntes Barbari nos paulatim deficere, conquistos in Pago pisciculos paucos, & aliqua carnis frustula, ad ignem & solem exsiccata, in pulverem redacta, obsonij loco polentæ nostræ immiscuerunt. Post tres hebdomadas utunque ex malo recreati sumus, cum ad necem conquerimur.

Ducenti illi Barbari, qui nos malè exceperant in via, ad eum novæ Franciæ locum venerant, quò Irokenisum amnis, ab ijs sic dictus, se in magnum Sancti Laurentij fluvium exonerat; cum Gallos aliquos, qui munitionis de Richelieu initia ponebant, conspicati, crediderunt se posse facillè, occisâ eorum parte, aliam captivam secum adducere. Itaque ducenti, ut erant magnâ parte catapultis armati, uno facto agmine in Gallos diversis in rebus occupatos, penè improvisi incurserunt. Ad primum hostium adventum ad arma Galli, paucissimi licet habitâ ratione, barbaricæ multitudinis, concurrentes, tam fortiter feliciterque influentes Barbaros respuerunt, ut duobus ex ipsis occisis, pluribus vulneratis, reliquos fugere compulerint. Frementes igitur redibant, & quasi injuriam magnam sustinuisent, qui ierant ut inferrent, nos qui adhuc vivebamus, ad mortem deposcebant. Turpe nimirum esse dicebant, tres Gallos quietè apud se vivere, cum Irokei tres nuperrimè ab eis essent interfecti. Certè his querimonijs Renati salus potissimum & mea ad extremum discrimen adducta est, illèque solus ictum sustinuit, qui ut vitæ largitor, ita protector est.

Vigiliâ Nativitatis B. Virginis unus ex præcipuis Batavis, qui in Colonia viginti tantum leucis ab his Barbaris distita manent, cum duobus alijs venit, de liberatione nostra acturus. Multos dies ibi substitit, multa obtulit, plura promisit, nihil obtinuit. Verùm quia maxime vâstrum & callidum est hoc Barbarorum genus, ut aliquid roganti amico dedisse, ne omnia ejus desiderio abnuisse viderentur, nos post paucos dies nostris restituendos mentiuntur: & fortè id ipsorum aliqui volebant, sed sub finem Septembris (ingruentes enim pluvie rem in illud usque tempus protraxerunt) ubi parato comœatu, destinatisque ijs, qui nos reducerent, extremum de rebus nostris concilium agitur, paucorum bene sentientium opinio victa est: victi tumultus, & turbulenti homines negarunt se passuros unquam Gallos ad suos reduci. Itaque ingenti timore solvitur concilium, & unusquisque fugienti similis domum aut

Pagum, ex quo ad concilium venerat, repetit. Igitur truculentorum hominum savitiæ relictæ, ubique ad necem quærimur: ij securibus instructi domos lustrant, ut inventos occidant. Fortè sub finem concilij, nescio quam mihi tunc mentem Deus iniecerat, socios meos, in suburbanum agrum domus, in qua degebam, deduxeram; ubi ignari eorum quæ agebantur, tuti quodammodo delitescimus, turbo ille interim, qui nos omnes, si in Pago fuisset, sustulisset, paululum conquivit.

Postea reducto à suis in suum Pagum Guilielmo, ego & Renatus, ubi de redivo nostro conclamatum esse cognovimus, in collem vicinum, qui Pago plurimus imminet, orationis causâ secedimus: ibi remoti ab arbitris, & molesto interpellatore, nos Deo, ejusque sanctæ voluntati totos committimus: in itinere pagum versùs coronam B. Virginis recitamus; jamque quatuor decades percurreramus, cum Juvenes duos obvios habemus, qui nos ut Pagum repeteremus, admonent. Tum ego, mi frater, dixi, quid velint homines isti in tanta perturbatione rerum, ignoramus. Nos Deo impensius, Sanctissimæque Virgini bonæ matri nostræ commendamus. Orantes ad Pagum perveneramus, cum in ipso aditu unus ex his duobus, quos obvios habueramus, extractâ, quam veste occultatam gerebat, securi, tam validum in Renati caput ictum impexit, ut semianimis corruerit, Sanctissimum nomen J E S U inclamando (& fortè sæpè invicem monueramus, ut memores Indulgentiarum, Sacratissimum illud nomen vocem vitæque nostram concluderet.) Ego vero sanguineam illam securim conspicatus, in eo ubi eram loco positus humi genibus, detractoque è capite quem gerebam pileolo, D E O meo me commendans, simile ictum præstolabar. Vbi in eo statu fui aliquamdiu, iussus sum surgere, se me occidendi potestatem non habere cum diceret, utpote alteri familiæ participatum. Tunc surgens properè, ad charissimum meum socium spirantem adhuc accurro, ipsique absolutionem, quam semper alternis quibusque diebus, cum peccata deponeret, dabam, etiam nunc impertitur illi alij duo ictus me præsentem impacti, illum Beatorum numero adjunxerunt. Vir erat triginta quinque annorum, simplicitate, vitæ innocentia, & patientiâ in adversis singulari, Deo, quem præsentissimum semper in omnibus intuebatur, ejusque sanctissimæ voluntati per amorem maxime subiectus; dignus

dignus sanè Rev. mi Pater, qui à te ut tuus agnoscatur, non tantùm quia plures menses in Tyrocinio Societatis cum laude posuerat, & imperio Superiorum ejusdem, quibus se totum regendum dederat, Hurones petebat ut Christianis chirurgicà arte, quam nove- rat, opitularetur, sed maximè quòd paucis antequam occideretur diebus, impulsus desiderio se Deo magis uniendi, nuncupatis So- cietatis votis, eidem quantùm potuit manci- pàrit. Et certè tum in vita, tum in morte, quà extremùm locutus sacratissimum no- men Jesu pronuntiavit, non degenerem se Societatis filiù comprobavit: imò ego eum non ut fratrem tantùm, sed ut Martyrem (*ita illi piè loqui tunc placuit*) non obedi- tiæ tantùm, sed & fidei, & Crucis, amo & vene- ror. Ut erat maximè pius, & cum ijs Bar- baris solitus agere, qui aut Christiani, aut Christianorum intimi sunt, longas quotidie ad Deum orationes fundebat, id mirantibus, & propter rei insolentiam aliquid supplican- tibus Barbaris. Ad hæc tanquam cumulus accessit, quòd quãdam die detractò è capite pileolo puerum tuguri, in quo diversaba- tur, ingenti signo Crucis à fronte ad pectus munivit; tum verò id conspicatus senex quidam maximè superstitiosus avus pueri, maleficium aliquid esse ratus, nepoti suo eum ut occideret imperavit; sed mihi to- tum ipsiusmet pueri mater postea narravit, eumque hac de causa à sene occidi jussum.

Sed ut institutum sermonem persequa- mur ubi in tugurio nostro, in quo quietè sa- tis vixeram, paululum resedi, in aliud dedu- ctus sum; illius nimirum, qui mihi polli- cem ademerat, hostis Algonquiorum, ac perinde Gallorum insensissimì: ibi me sin- gulis momentis securi percutiendum & ego credebam, & cæteri sibi persuadebant Irokei: quorum qui mihi aliquid, ut quoquo modo vestiret, concesserant, jam illud repetierant, nè id me moriente sibi periret. Sequenti die ingens me sollicitudo cæpit, quidnam de corpore Charissimi mei socij factum esset, quod proposito quovis periculo quærere, il- lùdque terræ mandare, si possem, constitui: illud autem nudatum omnino, indignè ligato circa collum fune, per pagum pertractum in torrentem sat longè projecterant. Pago egres- sus in senem: cujus in tugurio antea mane- ham, ineidi: ille, me domi continèrè, admo- nuit: Quo properas, inquit, vix vivis: ubi- que quæreris ad necem, & adhuc mortui corpus jam semiputridum quæris, num vi- des ferocientes hos juvenes (aliqui cum ar-

mis è pago me paululum anteedebant) qui te modò interficient? Ego nihil veritus, ut- pote cui tantis in angustiis vivere pœna erat, & tali in officio charitatis mori lucrum, cor- ptum persequer bar iter: ubi me videt obfir- mato ad id animo, aliud Barbarum rogat me comitetur. Hujus igitur auxilio repertum corpus, quod jam canes circa renes absump- serant, in ipsomet torrente, ubi erat profun- dior, lapidum acervo tumulo; proponens sequenti die cum ligone venturum, ut illud solus, & occultè defoderem: verebar enim, nè illud exhumarent. Domum regressum me præstolabantur duo juvenes, ut me in su- um Pagum, ibi nimirum occidendum dedu- cerent. Ego non ignarus quid vellent, me in illorum potestate esse dixi, apud quos mane- bam: illi si vel minimùm annuerent, me comitem illis adjundurum; itaque revera fecissem. Ubi nihil hoc modo profecisse vi- dent, sequenti die alter illorum, qui cum ca- pti fueramus cum fratre vulneratus fuerat, acceptà securi in agrum, in quem jussu meo- rum nescio quid facturus iveram, propera- bat, ut ibi me occideret, cum in itinere al- terne nostræ familiæ, id nè faceret, est prohibitus. His me instruebat Dominus, ut omnem me- am sollicitudinem projicerem in ipsum, scien- s quia ipsi cura esset de me, nec timerem à facie hominis, cum Omnipotens esset prote- ctor vitæ meæ, sinè cujus nutu ne capillus quidem è capite meo deflueret. Verùm quia eo die perficere non poteram quæ proposue- ram, subsequenti diei manè accepto ligone seu sarculo, ut corpus humo defoderem, per- rexi: sed tulerant fratrem meum. Eo, re- den: montem ad cujus radices torrens ille, decurrit ascendo, descendo; saltum qui ex altera parte erat lustrò, sed frustra: torrentis qui ex nocturna pluvia plurimùm increve- rat fundum, tum baculo, tum pede pertento, non prohibitus aut, aquæ altitudine, quæ ad medium corpus pertingebat, aut frigiditate (erat enim 1. Octob:) si fortè vis torrentis il- lud aliò tulisset: obvios quosq; interrogo, nū aliquid de illo sciant: sed ut est maximè men- dax hoc hominū genus, & semper ad assenta- tionē loquitur, nil ad veritatem, in fluvium remotissimū protractū esse mentiuntur: non enim hoc verum erat. Quos ego gemitus non dedi? quas non fudi lacrymas? quas cum aquis torrentis miscebam, cantans tibi Domino meo de psalmis usurpari solitis ab Ecclesia sancta tua, in funeribus mortuorum. Verùm ubi liquefactæ sunt nives, audiavi ab adolescentibus videri sparsa defuncti Galli ossa.

ossa. Itaque eò me conferens, semirosa ossa, reliquias canum, vulpium, ac cornorum, & præcipuè caput multis in partibus confractum collegi, quæ omnia reverenter osculatus terræ mandavi, ut ea si vellet aliquando Deus in terram sanctam & Christianorum, tanquam ingentes divitias, exportarem.

Multis sanè periculis alijs, quæ scio, & quæ nescio, invitis licèt & tumentibus Iro-keis, me exemit Dominus. Sed illud minimè prætermittendum. Ineptus quidam erat domi postre, qui ex panniculo septem palmorum, quo utcumque tegebar, duos sibi ut deciperet, à me postulavit: cum ego, mi frater, dixi, vides me sub brevi illo & levi panno totis noctibus frigore contremiscere, tamen fac ut volueris: ille modestà meâ excusatione offensus, ubi postea in baptizatorum Huronum tuguria ingressus sum (hos enim quotidie instruebam, iterumque parturiebam donec in eis formaretur Christus) me quærit, severèq; denuntiat, domum repetam. Me ingresso, Renati interfector accersitur, ut eadem manus quæ ipsum, me etiam occideret; quæsitus minimè inventus est. Itaque frequenti die cum duabus mulieribus in ipsius agrum, in quo tunc manebat, mitto; specie quidem aliquid asserendi causâ, revera autem, ut me ipsi occidendum offerrent (duobus etiam ante diebus domi nostræ mortuus fuerat unicus filius mulieris cuiusdam nobilis, cujus manibus me etiam immolabant) & ferebant hæ mulieres cucurbitas, picas, & alia id genus pretium interfectionis. Ego autem tanquam surdus non audiebam quæ meditabantur inania, & sicut mutus non aperiēbam os meum, & factus eram sicut homo non audiens, nec habens in ore suo redargutiones; quoniam in te Domine speravi: sed memor illius mansuetudinis, qui tanquam ovis ad occisionem ductus est, ibam ad mortem rogans Dominum cum Davide, ut averteret mala inimicis meis, & in veritate sua illos disperderet. Medio in itinere obvium habuimus interfectorem, quem quærebant. Itaq; illum à longè conspicatus, Deo meo extremum me commendans, animum meum tot curis & angoribus confectum susciperet, rogabam; sed necdum illud peccata mea meruerant. Ubi igitur illi quietè transijt, in ipsius matrem incidimus, quæ nescio quid cum ijs, quæ me ducebant, locuta: illæ trepidæ & fugientibus similes medio me in itinere (fatīs enim videbant me quæ vellent perspicere) destituerunt.

In his igitur pavoribus & frequentibus

mortibus dum quotidie morior, imò vitâ omni morte duriore vivo, duo menses elapsi sunt ab adventu nostro: in ijs nullum mihi linguæ studium, ut quid enim eam addiscerem, eum me singulis momentis morituum crederem? Pagus mihi carcer erat, celebritatem fugiebam, amabam solitudines, in quibus rogabam Dominum, nè dedignaretur loqui ad servum suum, ut robur mihi tantis in angustijs adderet, in quibus sanè si prodigium factus sum multis, Deus fait adjutor fortis, qui proluxâ suâ bonitate sæpe mœrentis animum erexit. Recurrebam ad præsidia sacrum Scripturarum, unicum meum refugium in tribulationibus, quæ invenerant me nimis: has venerabar, cum his volebam mori. Et fortè ex omnibus libris, quos in usum Gallorum apud Hurones versantium ferebamus, unica venerat in manus meas Epistola Beati Pauli ad Hebræos, paraphrastâ Reverend: Domino Antonio Godean Grassensi Episcopo: hunc ego libellum cum imagine Beati Brunonis illusterrimi Carthusianorum Ordinis Fundatoris, cui applicatæ erant Indulgentiæ, quibus Crucem quam mihi ex ligno utcumq; confeceram addidi, ferebam semper mecum, ut ubicunque me mors, quam præsentissimam semper ante oculos habebam, oppressisset, cum Scriptura Sacra, quæ mihi maximo semper solatio fuerat, cum donis, & Indulgentijs Sanctissimæ matris meæ Ecclesiæ, quam cum maxime semper, tunc tenerimè diligebam, & cum Cruce Domini mei libentissimè morerer.

Jamque medius October venerat, quo Barbari omnes relictis Pagis, eunt ad venationem cervorum, quos partim laqueis capiunt, partim bombardis, quibus tractandis peritissimi sunt, interficiunt. Itaq; tempus illud quod sibi Barbari genio, & relaxationi animorum assumunt, mihi dolorum novorum augmento fuit: aliquibus enim datus comes sum; illi primò me mirari, tum ride-re, postremò odisse cœperunt. Ut memineraam quam mihi à Deo hic impositam personam sustinerem, eos de colendo uno Deo, ejusq; servandis mandatis, de Paradiso, Inferis, alijsq; Fidei nostræ mysterijs, ut poteram, modestè docere cepi. Et illi quidem initidò me audiebant; ubi verò me in ijs fatīs assiduum viderunt, præsertim ubi venatio eum non habuit successum, quem volebant, tum me Dæmonem quandam, causamq; cur parum venationis acciperent pronuntiabant. Sed illud eos maxime de malevolis rabidos & furiosos, ut ita dicam, effectit. Solemne est omni-

omnibus Populis istis in venatione, piscatione, bello, morbis, & similibus, ad Dæmonem quandam, quem Aireskoi appellant, confugere. Qui faustam vult sibi venationem, piscationem, & similia, acceptis carnibus & optimis quibusque quibus vescuntur homines, antiquissimum domûs vel totius Pagi rogat, ut sibi, ut ita dicam, benedicat (& sunt quorum benedictiones plus alijs prodesse credunt) ille stans ex adverso tenentis carnes, contentâ & distinctâ voce in hæc verba loquitur: Dæmon Aireskoi, ecce, carnes illas tibi offerimus, & ex his tibi convivium paramus; ut ex his comedas, nobisq; ostendas quoniam in loco sunt cervi, eos in laqueos nostros inducas; (si extra venationem) ut per te rursus verum tempus videre possimus, novas fruges degustare, rursus venationi autumno interesse; (si in morbo sunt) ut per te valetudinem possimus recuperare. Vbi igitur primò talibus verbis conceptam formulam audivi, magnum me odium cepit barbaricæ illius superstitionis, firmiterq; statui ejusmodi oblati carnibus in perpetuum abstinere. Illam igitur meam abstinentiam, Dæmonis sui contemptum, causamq; cur parùm caperent interpretati, in quo odio habuerunt me gratis. Ego in tam offenso illorum odio, quo nec me illos instruentem audire, aut me interrogantem de lingua, quâ ineptias illorum confutabam, docere volebant, totum illud tempus spiritualibus exercitijs dare decrevi. Singulis igitur diebus manè exibam de medio Babylonis, tugurio nimirum ubi perpetuus ferè cultus Dæmoni, & somnii exhibebatur, & salvabar in monte, colle nimirum vicino, ibi in ingenti arbore ingentem Crucem, detractò cortice mihi efformaveram, ad cujus pedem, quâ meditando, & orando, quâ librum de imitatione Christi, quem paulò antè receperam legendo, totos penè dies cum Deo meo, quem solus penè in tam vastis Regionibus & colebam, & amabam, transigebam. Ideo aliquamdiu latuit: verùm ubi aliquando in me ad Crucem solito meo more orantem inciderant, tum inveni in me vehementius, odisse se Crucem illam, cum dicerent, & sibi & vicinis Europæis amicis suis incognitam. (Hollandos intelligebant hæreticos) ego qui de industria in eorùm tugurio apertè orare, & genua flectere destiteram, nè ipsis aliquam occasionem darem etiam levem querimonie (semper enim maximè inter Barbaros, rebus istis minimè assuetos, prudenter agendum est) ab illis pietatis officijs quibus vita spiri-

tualis, quam longè temporali anteponebam, continetur, minime abstinendum existimavi: profutura nimirum credebam illa suo tempore, cum illorum conversionis momenta, quæ Pater posuit in sua potestate, venissent.

Certè in tanto illo Barbarorum odio multa passus sum, & famem, & frigus, & vilissimorum hominum contemptum, & sæva muliercularum odia, quarum in emolum entum cum venatio omnis penè cedat, illæ me ut inopia suæ auctorem & paupertatis intuebantur. Et famem quidem magnam sustinui: Cum enim omnes penè carnes, quibus ferè solis tunc vescuntur, ejusmodi oblationibus Dæmoni offerrentur, multos dies inedia trafluxi, siebātque ferè quotidie, ut cum impransus domum sub nocte repeterem, viderem Egyptios nostros sedere super ollas carniū, quas nè attingerem, severâ lege mihi interdixeram; & licet aliquæ mihi rationes succurrerent, quæ nè id facerem, utcunq; persuaderent, tamen nunquam Dei gratia de proposito meo passus sum dimoveri; sed famellus dicebam Domino meo: Replebimur bonis domus tuæ, satior cum apparuerit gloria tua, cum nimirum replebis desiderium esurientium fervorum tuorum, in civitate illa sancta tua Hierusalem, quam in perpetuum adipe frumenti satiabis.

Frigus etiam maximum toleravi, altis jam nivibus sub brevi illa, & jam detrita lacerata, cum præcipuè noctibus nudus super nuda humo, aut duris arborum corticibus cubare juberer: & licet multæ essent pelles Cervorum, etiam quæ nulli usui erant, nullæ mihi dabantur; imò si quando intempestâ nocte, cogente vi frigoris occultè aliquam caperem, illico surgentes illam mihi detraxerant. Tantum erat illorum in me odium! Cutis ergo mea, quæ jam in illo statu, ut cum Davide loquar, sordibus pulveris aterata, frigore fatiscibat, sentiebat toto penè corpore magnum dolorem. Verùm ubi ad externa illa se interiora adjunxerunt, tum verò intolerabilis factus est dolor meus. Memineram me nuper sanguine charissimi socij mei respersum: & qui ex Guilielmi Pago ad nos veniebant, eum exquiritis tormentis occisum, me ubi in pagum rediissem similiter interficiendum dicebant. His adhuc se jungebat antea actæ vitæ, tam multis peccatis obnoxia, tamq; Deo infidæ recordatio; dolēbamq; me quasi medio in cursu, nullis præmissis bonis operibus à Deo meo projectum, eripi sinē ullis Sacramentis. Sanè in illo

statu, quo & vivere volebam, & mori perhorrescebam, jactabam voces miserabiles, & dicebam Deo meo, quandonam finis miseriarum, & dolorum meorum? Vsq; quo oblivisceris inopie, & tribulationis nostræ? quandonam post tempestatem tranquillum facies, & post fletum gaudium & exultationem infundes? & nisi breviati fuissent dies illi, non salva fuisset mea caro.

Recurrere ad solita præsidia scripturarum, solitum refugium meum, quorum loca memoriter tenebam, docebantque me, ut sentirem de Deo in bonitate, etsi non adesset sensibilis ille devotionis affectus, scirem justum ex fide vivere. Scrutabar eas, rimabar rivulos earum, quasi diuturnam sitim explere cupiens, & in lege Dei meditabar die ac nocte; quæ quidem Dei lex nisi fuisset meditatio mea, fortè perissem in humilitate mea, & pertransisset anima nostra aquam intolerabilem. Sed benedictus Deus, qui non dedit nos in captionem dentibus inimicorum nostrorum, quorum hora venerat & potestas tenebrarum, in qua supra modum gravati sumus, ita ut nos tæderet vivere, diceremq; cum Job contrario sensu: Etiam si me non occiderit, sperabo in eo.

Elapis igitur duobus mensibus in illo secessu, in quo cum Bernardo sagorum discipulus, nihil præter Deum cogitabam, omnibus invisum, cum me amplius ferre non possent, in pagum ante tempus remiserunt. In itinere, quod nos octo dies tenuit, sub magno carnium quas ferebam pondere, tanquam jumentum apud Deum factus, cum illo semper esse conabar, quæ mihi in pago ventura essent ignorans. Jam enim aliqui nos præcesserant, qui multis de me omnia rumoribus repleverant. In itinere penè nudus, ut eram, ingenti frigore ut plurimum subdicio pernoctans, molestiæ multum sustinui, non curatis adhuc digitorum vulneribus, quæ vix medio Januario coaluerunt. In pago ad detritam lacernam, quæ induebar, tenue corium adjunctum est: eo igitur malè tectus circuibam plateas Pagi nostri, rogans me aliquando sanctis suis conjungeret Dominus, qui in pellibus & melotis quondam gementes & angustiatii illi servierant, quibus dignus non erat mundus. Et videbam quotidie barbaros panno, & vestibus quas sarcinæ nostræ multas continebant bene tectos, cum diebus & noctibus frigore obrigescerem: sed illa parum plus me movebat, cum videbam profanos illos homines sacrâ suppellectili indigne abuti, quorum unus tibialia sibi ex duo-

bus velis, quorum usus est in Missa, consecerat, non hos servatum munus in usus. Certè de illo omni tempore, quod ad medium usq; Januarium effluxit, verè coram Deo possum dicere, usq; in hanc horam esurimus, & sitimus, & nudi sumus, & colaphis cedimur, & instabiles sumus, laborantes manibus nostris: Maledicimur, & benedicimus; blasphemamur, & obsecramus; persecutionem patimur, & sustinemus: tanquam purgamenta hujus mundi facti sumus omnium, peripsema usq; adhuc.

Circa medium Januarium ubi rediëre ex venatione qui mei curam habebant, pellibus me utcumq; vestierunt: donec Lotharingus quidam, qui cum Batavis vicinis nostris manebat, vestemq; ex his quas barbaris solent divendere, ad me, quem multa à frigore pati audierat, dono misit. Ista paululum dolorem meum levabant, sed maximè annoſæ cujusdam mulieris, cujus unicus filius paulò antè obierat, cura: hæc inter suos maximè nobilis (habet enim & nobiles suos Barbaries) curam mei gerebat, deditq; mihi Dominus gratiam in oculis ejus. Sed hæc sunt solatia mea lucis exigua ingentis.

Ubi tandem vidi me utcumq; vivere; me studio linguæ addixi: & quia domi nostræ non solum pagi, sed totius penè regionis consilia agitabantur, cœpi antiquissimos quoſq; de rebus fidei nostræ edocere. Illi plurima à me de sole, luna, & facie in globo ejus apparente, de terræ ambitu, vastitate Oceani, de ejus accessu & recessu, an alieubi, sicut audierant, cœlum terræ conjungeretur, & similibus, seiscitabantur: quibus cum ex Philosophia ad eorum captum me accommodans satisfacio, tum verò mirari, cum dicerent: Enimvero jacturam maximam fecissemus, si hunc, ut nihil sæpe propius factum fuit, occidissemus. Tum eos à creaturis ad Creatoris cognitionem conabar deducere: rejiciebam aniles, quas habent de Creatione orbis, quem à testudine conditum dicunt, fabulas: solem, (quem nec ingenio, imò nec vitâ præditum ostendebam) Deum aliquem minimè esse, quòd si specie illius delectati, Deum aliquem esse crederent, intelligerent quantò Dominator illius speciosior esset: illud Aireskoi non Deum, sed Dæmonem esse, qui se vitæ authorem, & conservatorem, & tot honorum, quibus fruerentur, largiorem mentiebatur. Si quàm facile convineantur, tam facile crederent, res citò conficeretur. Sed princeps mundi, qui virtute Crucis ab omnibus penè orbis partibus ejus

Atus est foras, in has regiones tanquam in munitissimam arcem videtur confugisse; ita ut non possit regnum illud, quod à tot annorum millibus fortis ille armatus possidet, nisi processu temporis, & invicta Christi militum constantia labefactari. Subinde tamen CHRISTUS illius sicut & cæterorum verus Dominus, aliquos sibi deligebat, non tantum ex infantibus, quos multos cælum tenet, sed etiam ex adultis, quos in morbo aut captivitate baptizavi. Plures alios adultos indigenas in morbo instruxi: sed aut illi me non audierunt, alij rejecerunt, alij labijs tantum, & urbanitate quâdam, quâ ijs, quæ dicis, refragari rusticitatis esse putant, quæque incautos deciperet, consenserunt. Excurrebam etiam aliquando ad vicinos pagos, ut Christianos Hurones, qui non fledebant genua coram Baal, solarer, instruerem, eosque post peccatorum Confessionem absolverem, Deum ubique, quantum poteram annuntia-rem, morientibus succurrerem, sed maximè infantibus periclitantibus subvenirem. Hoc erat unicuique meum in penitissimis animi mei cruciatibus solatium: contigitque aliquando, ut cum in pagum vicinum hac de causa excurrissem, ibiq; quinq; pueros baptizassem, eos omnes paulò post in alio excursu cælum petiisse cognoverim.

In his igitur & similibus exercitijs, & qualicunq; studio lingue (quale enim sine scriptura esse poterat?) duo menses abierant; cum medio Martio, solutis jam nivibus, me secum ducunt ad piscationem. Abimus igitur, & senex, & annosa mulier, & puerulus, & ego, viam quatuor dierum, ad lacum in quo præter pisciculos paucos nihil capiebamus, quorum exta ut plurimum, quod pisces in Pagum deferendi reservabantur, polente pro obsonio & condimento erant. Jam enim hæc omnia, sicut & intestina cervorum cum sanguine & fœcium parte semiputrida, & fungos aquâ costos, & mala ostrea, & ranas, quas integras, nè excoriatis quidem, aut exenteratas, cum capite vorant & pedibus, tolerabilia, nè dicam suavia fecerat consuetudo, fames, & penuria meliorum. Quoties in illis itineribus & quieto secessu, super flumina Babylonis sedimus, & flevimus, dum recordaremur tui Sion, non solum in cælo exultantis, sed etiam in terris laudantis Deum tuum? Quoties, licet in terra aliena, cantavimus canticum Domini; & sylvæ & montes resonuerunt laudibus sui Creatoris, quas à constitutione sua non audiverant: quoties in proceris sylvarum arbori-

bus Sacratissimum JESU nomen inculpsi, ut eo viso fugerent, quo audito contremiscunt Dæmones? quoties in eisdem Sanctissimam Domini Crucem detracto cortice efformavi, ut ad ejus aspectum fugerent partes adversæ, & per eam Domine mi Rex, dominareris in medio inimicorum tuorum, inimicorum CRUCIS tuæ, hæreticorum, & paganorum hominum has terras incolentium, & Dæmoniorum in eis latè imperantium? gaudebam itaq; me à Deo esse deductum in solitudinem eo tempore, quo Ecclesia Passionem ejus recolit, ut liberius memorarer transgressionis ejus, amaritudinis & fellis, & tabesceret anima mea recolens. Itaq; expletis his quæ Dominis meis in quantum servus, & Barbarotum servus, debebam præstare (eis autem in cædendis ut poteram lignis, iisque in usum tugurioli deferendis inferviebam) omne tempus ferè ad Crucem, quam mihi remotè à tugurio in ingenti Pinu efformaveram transigebam. Sed non licuit mihi diu illo sancto otio meo frui: nimirum nimis multi dies sine solitis meis pavoribus abierant. Feriâ secundâ Hebdomadæ sanctæ quidam è Pago nostro ad nos venit. Illius autem adventus hæc causa fuit. Decem Irokei, inter quos erat filius illius qui mihi pollicem absciderat, & ejus in tugurio manebam, mediâ æstate ad bellum profecti fuerant. Nihil de illis reliquâ æstate, nihil autumno, nihil totâ hyeme audierant. Itaque de illorum salute actum esse credebant, cum potissimum circumpositæ nationes eos hostium crudelitati patuisse nuntiarent. Verùm ubi initio veris, nobis absentibus, captivus adductus, de iisdem interrogatus, ita esse respondit, eosq; occisos confirmavit; tum verò illud, quod verum antea credebant, indubitatum tenentes, illum ipsum captivum, illius adolescentis, filij illius in cujus eram tugurio, manibus immolârunt. Sed vilior erat illius captivi anima, quàm ut illius nobilis adolescentis vitæ componeretur. Itaq; ex illo lacu in quo eramus, accersiebat, ut priori conjunctus, sequentis mortem compensarem. Si enim muliercula una, aut altera, & vetulus senex concluderant, Sequenti igitur die fugientibus similes discimus: & in speciem dicebant vagari hostes: & feriâ quintâ in Cœna Domini sub vesperam ad Pagum pervenimus. Sequens dies, qui Salvatoris vitam concluderat, debebat & meam; cum illi placuit, qui illo die moriendo mihi vitam spiritûs dederat, illam etiam & corporis largiri. Illo igitur die quo

debebam occidi, primò murmur aliquod auditur, quasi incerto authoris, quod vivere illos qui perierant referebat, postremò eos alteri turmæ conjunctos, viginti duos captivos secum adducere. Hac ratione Deus infesta Barbarorum consilia dispulit, qui his me instruebat, ostendebatq; se curam mei habere, ut totum me in ipsum projicerem, sciens, quia non se subtraheret ut caderem.

His igitur aliisq; periculis ereptus, etsi naturaliter non nihil gaudebam, dolebam tamen me novis semper doloribus, penitissimisq; cruciatibus redditum, vitam vivere omni sanè morte acerbiorē. Nam istorum hominum prosperi, aut adversi casus, in me unum recidebant: si eorum aliquis occideretur in pugna, ego tanquam victima aliqua deposebar ipsius manibus immolanda. Si verò, quod fiebat ferè semper, captivos aliquos alijs occisis adducerent, cum aut Galli, aut Gallorum amici essent, magnus semper erat dolor cordi meo.

Amabam itaq; naturaliter secessus, & solitudines, in quibus longè à Pagis non offerebar solitè Barbarorum istorum crudelitate, & liberius Deo vacabam, & melius. Verùm sciens aliunde, Liam etsi lippientem oculis, Rachele esse sœcundiorē, plurēsq; parere; memor insuper instituti Societatis, quæ proximorū salutem privatè illi dulcedini antepōnit, non invitus domi me continebam: in Pago enim præter adjumenta ad linguam majora, melius & puerorum Baptismo, & adultorum salutis consulebam: dolebam enim ut plurimū me absente aliquem aut non instructum adultum, aut non baptizatum puerum obiisse. Qui redibant ergo ex bello Barbari nostri, viginti duos captivos adducebant: sex ex ijs cum quibus hætenus bellum nullum gesserant, quos contra fas omne, & justitiam, fustibus, & verberibus, & digitorum abscissione solito more mutilarunt. Quinq; ex his erant occidendi (nam reliqui omnes pueri erant, & puellæ, & mulieres, qui in servitute reservabantur) de illorum ergo salute eram sollicitus: nam linguam illorum non noveram, tamen Dei gratiā eos aliquibus verbis, quæ ex illorum lingua sciebam, sed maximè beneficio unius, qui linguam utramq; callebat, instructos baptizavi: hæc festis Paschalis contigerunt. Festis Pentecostes alios captivos adduxerunt, tres nimirum mulieres cum puerulis (mares enim propter Gallos nostros occiderant) & nudas quidem omnino, etiam sinè subligaculis in Pagum verberibus malè mulcta-

tas induxerunt, ipsiq; pollices ademerunt. Unam ex ijs, quod hætenus factum non fuerat, toto corpore ustulatam, in ingentem rogi postea injecerunt. Hoc novum, & notatu dignum vidi; cum combusta fuit hæc mulier, ad unamquamque combustionem, quam ardentibus facibus admotis faciunt, antiquus quidam contenta voce in hæc verba loquitur: Dæmon Aireskoi offerimus tibi hanc victimam, quam tibi comburimus, ut ipsius carnibus satieris, faciasque semper de novo hostium nostrorum victores. Ipsi corpus in partes dissectum, in varios Pagos delatum voratum est: mediā enim hyemē dolentes quasi abstinuisse à quibusdam, quorum carnes non voraverant, in solemnī sacrificio duorum urforum, quos Dæmoni suo offerebant, in hæc verba locuti fuerant: Justè nos punis, Dæmon Aireskoi, quòd jam à longo tempore hostes nullos cœperimus captivos; æstate autem, & Autumno nullos ex Algomquinis (quos propriè hostes suos dicunt) acceperimus. Tibi peccavimus, quia ultimos captivos projectos non comeditimus; sed si in posterum aliquos capiamus pollicemur tibi, nos eā ratione eos devoratos, quā sumus duos istos urfos modò consumpturi; sicq; præstiterunt. Hanc autem mulierem medijs in rogis, quia antea non potueram, cum ipsi sitienti potum præberem, baptizavi. Vigiliā Nativitatis Beati Joannis Baptiste (de quo dictum est, & multi in nativitate ejus gaudebunt) ad dolores meos solitos maximus cumulus accessit, cum & captivi adducti sunt Hurones undecim, Gallus unus, præter tres occisos, quorum calvarias aut comas, quas ex mortuis cum cete trahunt, afferebant, & decem Hurones, quos perfidè deceptos specie amicitie occiderant, atq; inter eos Christianos aliquos maximè celebres. Certè sentiebam in me hanc, quam peccata mea meruerant, punitionem, olim populo suo prænunciatam à Deo, cum dixit fore, ut eorum neomeniæ, celebritates, & festa, in luctum & dolorem verterentur, cum & in Paschate, & in Pentecoste, & in Nativitate Beati Joannis Baptiste, novi dolores in me incurrissent, quos postea centum Huronum clades, quorum pars diris tormentis excarnificata, in vicinis nobis nationibus igne combusta est, auxit vehementer. Væ mihi misero, ut quid natus sum, videre contritionem populorum meorum.

Certè in his, aliisq; similibus penitissimis animi cruciatibus, defect: in dolore ani-

ma mea, & anni mei in gemitibus. propter enim iniquitates meas corripuit me Dominus, & tabescere fecit sicut araneam animam meam. Replevit me amaritudinibus, inebriavit me absinthio, quia longè factus est à me consolator meus, consolans animam meam; sed in ijs omnibus superamus, & favente Deo superabimus propter eum, qui dilexit nos, usque dum veniat qui venturus est, & qui non tardabit, donec veniat sicut mercenarij dies mea, aut fiat immutatio mea. Licet enim satis probabiliter possem vel per Europæos, vel per alios Barbaros nobis vicinos, si vellem, aufugere, tamen in hac Cruce, cui me Dominus secum confixit, & vivere, & mori favente ejus gratiâ constitui. Quis enim captivos Gallos me absente posset solari? confidentes absolvere? quis Hærenes captos & baptizatos monere de officio? quis eos, qui de novo subinde captivi adducuntur, instruere, morientes baptizare, corroborare in tormentis? Quis pueros sacris aquis ablueret, quis morientium adultorum saluti providere, sanorum instructioni? Et sanè non sinè peculiari quadam divinæ bonitatis providentiâ factum esse arbitror, ut cum hinc à Catholica, & vera Religione alieni, aditum ad Fidem istis Regionibus, illinc atrox bellum inter Barbaros, & eorum occasione inter Gallos interluserint, pervenerim in istorum Barbarorum manus, qui me nolentes, ut ità dicam, & inviti hæcenus, Deo sic volente, conservârunt, ut per me licet indignum instruere, crederent, & baptizarentur, quotquot sunt præordinati ad vitam æternam. Septuaginta autem ab eo tempore, quo captus sum, baptizavi, & pueros, & adolescentes, & sences, ex quinque diversis nationibus, & linguis, ut ex omni Tribu, lingua, & Populo stent in conspectu Agni.

Hac de causa quotidie flecto genua ad Dominum, & Patrem Domini mei, ut si est ad ipsius gloriam, infatuet omnia tum Europæorum, tum Barbarorum consilia, qui de me aut retrahendo, aut ad nostros reducendo cogitant. Multum enim locuti sunt de me reducendo Barbari. Et Batavi, apud quos hæc scribo, multa obtulerunt, & etiamnum offerunt, ut me retrahant cum meis socijs. Apud eos bis diverti: & me humaniter tractârunt, nihilque intentatum relinqvunt, ut me, meosque extrahant. Imò & Barbaris, apud quos sum, multa elargiuntur, ut me humaniter tractent.

Sed jam me tedium capit tam longæ, & tam prolixe Epistolæ: rogo igitur ex ani-

mo Rev. V. ut me indignum licet, semper tamen suum agnoscat: licet enim habitu, & vestitu Barbarus, imò & penè in tam tumultuosa vita sinè Deo meo, semper tamen & Sanctissimæ Romanæ Ecclesiæ, & Societatis filius, ut vixi deper, ità & mori cupio. Obiine mihi à Deo, Reverende mi Pater, sanctis Sacrificijs tuis, ut cum mihi multa adjumenta ad eximiam sanctitatem dederit, quibus hæcenus malè usus sum, saltèm hæc postremâ occasione, quam mihi præbet, bene utar. Certè hoc debet bonitas tua filio tuo ad te confugienti: vitam enim vivo sanè miserabilem, in qua virtutes omnes periclitantur. Fides quidem in tam perfissis infidelitatis tenebris; Spes in tam longis, & duris sanè probationibus; Charitas in tanta carnalitate, & Sacramentorum omnium carentia. Castitas quidem licet non multùm hîc periclitetur in delicijs, periclitatur tamen in promiscuo illo & intimo utriusque sexus convivio, in quolibet audendi, & faciendi unicuique libera facultate, & maximè in nuditatibus. Multa enim sæpe velis nolis videas necesse est, quæ alibi non modò curiosos oculos excluderent, sed etiam errantes. Hac de causa gemo quotidie ad Deum meum, rogans eum, nè me relinquat inter mortuos sinè adjutorio; rogans, inquam, eum, ut inter tot carnis spurcicias, & superstitiosos Dæmonum cultus, quibus me nudum quasi & inermem exposuit, fiat cor meum immaculatum in justificationibus suis, ut cum venerit bonus ille Pastor, qui dispersiones Israël congregabit, congreget nos de nationibus ad benedicendum nomini sancto suo, fiat, fiat.

Reverentiæ Vestræ

Humillimus in Christo servus
& filius

Isaacus Joques.

Licebit mihi per R. V. omnes meos RR. PP. charissimos FF. quos usicè orones in Christo diligo & colo, salutare, meque eorum SS. Sacrificijs & precibus commendare. Coloniae Renseralianæ in Neo-Belgio 5. Augusti Anno 1643.

Humillimus in Christo
servus & filius

Isaacus Joques.

Ad id temporis, quod recitata P. Isaaci completur epitola. pertinent aliqua, quæ pro sua ipse modestia noluit literis fortasse committere. Sed ubi rediit in Galliam, Moderatorum auctoritate compulsus, ea patefecit: quæ quoniam ipsius verbis Latine descripta nactus non sum; quàm optinè fide con-

consequi ex Gallico potui, interpretata reddam. Itaque sic ait:

Post amantissimi mei socij, faustæ memorix, mortem; eo tempore, quo ad mortem ipse etiam quotidie hærebar, & angustijs repleta erat anima mea, accidit in somnis mihi, quod nunc edisseram. Egressus eram è pago nostro, sicut erat meus mos, ut tibi, DEus meus, liberius gemerem, exhiberemq; orationes meas, & catacactam adducerem coram te meis angustijs, & querimonijs. In reditu meo nova omnia comperio, valla, quæis pagus noster cingebatur, in turres, in mœnia perelegantia, in propugnacula videntur esse mutata; quamvis nihil de novo videretur esse fabricatum, sed urbs appareret egregia, & veteris avi. Dum anceps animi hæreo, isne pagus noster esset, necne; cerno prodeuntes Hirocensium aliquos mihi pernotos; sique nostrum eum esse pagum asseverant. Igitur accedo ad urbem plenus admirationis; & primam portam ingressus, conspicio in columna dextera portæ secundæ duos istos characteres L. N. grandi forma incisos; & deinceps agnum pusillum neci datum. Obstupui spectans; neq; satis capere poteram, qui potuissent, characteres illos Barbari, nostrorum ignari literarum, incidere: cumq; eorum sententiam cum animo meo reputarem; conspicio in volumine sursum hæc tria verba descripta, *Laudent nomen ejus*: simul ingenti luce, penitissimo in sinu animi collustratus, eos intellexi verè nomen Agni laudare, qui in pressuris & tribulationibus eniterentur ejus imitari suavitatem, qui tanquam Agnus non aperuit os suum coram ijs, qui despoliatum vellere ducebant ad necem. Eo conspectu recreatus, alteram portam ingredior, ingentibus saxis quadratis structam, grandi porticu, seu fornice ad ingressum ornatam. In ejus medio stationem militarem conspicio, armorum omnis generis refertam, sed milite vacuum; arma quidem ego reveritus sum, ejus observantix memor, quæ eis deberetur. Quo facto, exclamat excubitor, eo loco, quò fortè contendebam collocatus, ut starem: verum ego, siue quòd aliò vultum aversum haberem; siue quòd elegantia rerum, quibus eram intuentis intentus, animum occupasset, clamantem neq; vidi, neq; audiavi. Itaq; rursus altiùs vigil inclamat, ut sistam gradum. Ego illico in vestigio restiti. Tum ille: Siccine voci ejus obtemperas, qui ante Regiam excebat, ut bis clamandum fuerit, quò subisteres? Age, ad Judi-

cem, ad Capitaneum nostrum, ut merita tæmeritatis tuæ pœnâ defungare. Cui ego; crede sis, inquam, amice, neque te videram ego, neque audieram. At ille purgatione repulsâ, intrò me rapit. Palatij porta paulò infra stationem erat. Locus ille speciem mihi earum aularum deauratarum exhibuit, ubi exereentur in Europa judicia; vel qualia prisca in Monasterijs visuntur fuisse Capitula. In eo palatio vidi senem plenum majestatis, Antiquo dierum persimilem, togâ oblongâ vestitum; è spectatissima purpura; non sedentem illum; sed leniter inambulantem, subq; populo jura dicentem, quem pretiosi ab ipso cancelli separabant. Ad portam conditionis cuiusq; multitudo confiteratur. Ue Judicem miles, qui me induxerat, affatus est; ille virgam è fasce depromit, quales præferri consueverant Romanis Consulibus. Eâ virgâ me diu, inclementerq; diverberat, humeros, & collum, & caput feriens; & quamvis alterâ dumtaxat id manu faceret; tanta tamen erat doloris acerbitas, quantam in primo Hirocensium pago fueram expertus, cum primùm sub ingressum universæ juventutis atroci sultuario exceptus sum. Nullus mihi sub ijs verberibus gemitus excidit; nulla conquestio: toleravi dolorem meum, hausta ex humilitatis meæ consideratione patientiâ. Demum Judex veluti meam mirabundus patientiam, virgâ positâ, meum in collum se dejecit, & complexu stringit, omni animi detersâ agritudine, & divinâ quâdam, ac prorsus inexplicabili consolatione perfusum. Hac cælesti dulcedine redundans, exosculabar eam manum, quæ me verberaverat; & quâdam quodammodo velut extasi oppressus, exclamavi: Virga tua, Domine mi Rex, & baculus tuus, ipsa me consolata sunt. Atq; his actis, reduxit me, & in limine portæ destituit. Ego verò, cum ad me redijsssem, dubitare non potui, quin meo in animo Deus mira quâdam esset operatus; non eò duntaxat; quia res eæ sibi aptè cohererent; sed multò maxime ob ardentissimum amoris ignem, quem in profundo cordis mihi Judex meus accenderat; cujus vel sola recordatio lachrymas dulcissimæ consolationis mihi post menses etiam complures ciebat.

Fuit mihi etiam dilata meæ mortis opinio non semel in animo secundum quietem impressa. Nam cum ego me earum meum socium jam cælo receptum sequi arbitrarer; currebam post eum per limites & anfractus, qui mihi mox ejus conspectum adi-

adimebant. Aliàs inter cum persequendum templa superba offendebar; in quæ cum me intulifsem, eorum specie, & pulchritudine pellectus, vocibûsq; canentium, quas audiebam, delinictus, orando precandoq; tantisper ejus solabar absentiam. Verùm ijs suavitatibus simul atque exibam, in ejus sequendi cupiditatem rursus intrabam. Hæc ille tunc temporis haud satis dum intellecta suæ mortis præfagia divinitus habuit. Sed in eo quoq; secessu, cum in tunulum pago imminenter egrediens, longa spacia cum Deo precando ducebat, ut in epistola nuper recitata commemorat, abdita nonnulla Divinæ benignitatis argumenta percepit.

Videbar, inquit, mihi die quâdam in conventu esse complurium Patrum nostrorum, quorum, cum viverent, colueram virtutem: tres tantùm ex ijs distinctè recognovi, P. Jacobum Bertric, P. Stephanum Binet, P. Petrum Coton; & eorum quemque eò claritùs agnovi, quò mihi cum illis major fuerat in Europa consuetudo. Eos ego toto animi mei impetu deprecatus sum, ut Cruci me commendarent, quò me ipsa reciperet, discipulum ejus, qui pependerat inter brachia ipsius. Causam attuli postulationis, quæ neq; unquam mihi aliàs, ac nè tumquidem etiam, cum de Cruce meditarer, in mentem venisset; nempe, civem me Crucis esse, ea scilicet in urbe natum, cujus Ecclesia princeps ac Metropolitica Sanctæ Cruci dicata sit.

In hoc eodem secessu deprehendi me, inquit, derepentè in officina Librarij, sita in porticu, seu claustro S. Crucis in urbe mea natali. Sciscitatus ex eo sum, equem haberet librum de pietate, & officio tractarent? Ille sibi unum esse quempiam respondit, quem haberet in pretio. Is mihi cum præberetur in manus, unà vocem inaudij hujuscemodi: Liber iste continet illustres pietate viros, & fortia bello pectora: quæ verba veritatem istam animo meo impresserunt. Oportere me scilicet per multas tribulationes ingredi in regnum Dei. Ecce autem, ut ex officina egressus sum, eam ipsam undique Crucibus opertam conspexi. Dixi librario, reditum me isthuc propediem, coempturumq; ex eis, quod satis foret, cupere enim me earum copiam; vidi autem omnis generis, & magno numero Cruces. Adeò scilicet vir optimus nihil, nisi Crucem spirabat, nihil optabat: & consecerat ipse sibi Litanias de S. Cruce, quæ post ejus excessum in chartæ fragmentis ventæ sunt.

In eadem ista solitudine, quâ supra modum à Barbaris vexabatur, Deus eum quoq; maximâ destitutione consolationis exercuit. Verùm sic eum rursus solatus est. Cum altæ jam nives essent, inquit, eram inediâ, frigore, nuditate semimortuus: eram Barbarorum lutum ac cænum, opprobrium, & ludibrium hominum: mortiferos in animo meo angores, ex conspectu negligentiarum, & delictorum vitæ meæ retroactæ; dolores mortis, quam de Barbarorum manibus, ut ipsi mihi denunciabant, cogebar expectare propediem; & pericula inferni circumdabant me undique. Inter hæc verò vocem distinctè percepi, damnantis pusilli cordis mei contractionem, jubentisque: *Sentire de Deo in bonitate*, meq; in ejus sinum plenè, integrèque conjicere. Percepi & ista alia verba, quæ S. Bernardi esse credidi: *Servite Domino in illa charitate, qua foras mittit timorem; meritum non intuetur*. Tempestiva prorsus ea monita fuere: neq; enim ego tum agebar liberali atque amico, seu filiali timore; sed vernili potius, serviliq; dejectione: neque satis habebam spei atque fiduciæ; & proemitibus, quos pro malè factis in Deum debueram, eo tristabar, quia me de medio vitæ tolli cernebam, sistique Judicio, priusquam ulla præ me misissem opera bona. Itaq; ea verba me momento mutarunt; eadem dispulere molestias; meq; in amoris adeò vehementem coniecere flammam; ut prius ea Bernardi verba magno impetu pronunciarerim, quàm ad me revenirem: *Non immerito vitam ille vindicat nostram, qui pro nobis dedit & suam*. Denique tantopere servi sui pauperis animum Deus dilatavit, ut in pagum, cujus in introitu me maciandum rebar, gaudij plenus redierim.

Per idem illud captivitatis suæ tempus, quoties venationis aut piscationis causâ prodirent pago suo indigenæ, Isaacus vice jumenti sarcinarij ad deportanda foras quidem alimonie necessaria, domum autem revehendas carnes ferinas, illis adhibebatur, nudis semper pedibus per altas nives, & concretum glacie solum incedens. Durante autem pluribus subinde hebdomadis ea excursione, lignandi cura illi incumbebat, & apparandi foci, cui necessaria ligna cedere, & suis humeris convectare cogebatur. Ipse autem media in sylva mapale sibi è ramalibus in modum Sacelli interim contexebat, & Cruce in illo collocatâ, quidquid temporis suffurari poterat, coram eadem prostratus contemplationi impendebat. Accidit ali-

quando, ut ingenti carniū farcinā onustus in aliorum comitatu domū per 30. leucas remitteretur, cū mulier pręgnans infante ulnas, & carniū præterea onere prægrandi dorsum impedita, ex angusto ponticulo in rapidum profundūque flumen delapsa est: cujus miseratione P. Isaacus in aquas ē vestigio desiliit, & pondere liberatam, ad ripam ingenti suo periculo pertraxit; infantem verò ex hausta aqua & gelido frigore morientem sacris undis elutum, Cælo transmisit. Attonuit ea charitas nonnihil barbaros, donec ad pagum perventum est, ubi nullā concessā quiete jubetur prægrandem frumenti saccum ocyūs ad venatores portare. Cohorruit viro animus magnitudine oneris, quod tamen supremis viribus conatus aliquosq; deferre, cū & virium imbecillitas, & glaciati soli lubricitas prohiberet ultrā progredi, coactus est domum redire. Ibī convicijs exceptum, & canem, jumentum iners, nihil nisi edere sciens, compellatum, damnant ad servitium hominis, ē fœtidissimo morbo in angusta casa computrescentis, ejus ipsius scilicet, qui Patri ungues crudeliter evulserat: cui ipse charitate, quā filius amantissimo Patri posset, diebus 15. inservivit; quod idem obsequij genus paulò post alteri sedā illuvie diffuenti, qui præ alijs crudeliūs in se desāvierat, spontaneā charitate exhibuit. Aliās ex simili venatione fraudulentē senecio quidam domum illum revocabat, ut scilicet Manibus sui familiaris, quem diu ab expeditione in Huroniam non revertentem necatum credebat, Patrem immolaret. Jamq; is ignarus technæ, velut ovis ad occisionem, pagum repetebat, cū repentē de incolumi amico allapsus nunciis, & mox cum captivis ex gente Abnakiensī revertens victor ipsorum manipulos, improbum senis consilium iterum discussit, & in captivos furorem convertit, quos gaudior elati certatim cum fene omnes carnificant, torrent, maciant, ac demum per diram ingluviem devorant.

Quoties verò quies à venationibus, aliisque excursionibus dabatur, continuē Pater tres eorum pagos, quos Agneronons vocant, concurfabat, Hurones captivos posthabito sui capitis evidenti periculo solando, expiando, & in Fidei constantia roborando. Unde paulatim ejus hospita ac Domina, quam Pater suam amitam ex beneficio vocabat, virtutum ejus admiratione capta, binas ei pelles cervinas commodavit, unan: quā se obvolveret, alteram cui incubaret. Sed paulò post iterum extremum vitæ subijt pericu-

lum: nam rabidus homo inopinatē irruens, duos ei validos ictus militari clavā in caput infixit, ut eliso ferē cerebro corruerit: conficiendus ab eo penitus, nisi ab accurrentibus prohibitus esset. Amita Patrem miseratā, copiosē profusus lachrymis, quidquid deinceps in eum molirentur barbari, sincere aperiebat, & ad subducendum se fugā tam dira immanitati hortabatur. At ipse patiendi pro Christo atrocissima cupidissimus, siubi verberum & cruciatuum sibi illatorum instrumenta nancisci poterat, ea devotis osculis & lachrymis venerabatur; præsertim verò theatri illius fulcra, in quo fuerat tam dira perpeffus, non poterat absq; gesticantis animi lætitia intueri, quia divinæ in sua crimina ultionis fuerant instrumentum. Circumductus etiam aliquando ab hero suo per vctigalium pagos est, ad vānam victoriarum suarum etiam de Europeis ostentationem; quam ei mentem DEus evenire videri potest permisisse, ut per eam suorum in ea barbariæ electorum salutem operaretur. Nam Pater cujuslibet ejus vici domos singulas executiens, quotquot moribundos reperit infantes (reperit autem in una aliquando domo quinque) baptizabat; idēq; adultis compluribus, ubi diuturnior mora præviæ instructioni favebat, beneficium impertiebat. Inter alios tum in Juvenem languentem incidit, à quo sic compellatus est: *Ordeffon* (id Patri nomen inter barbaros erat) *ecquid me agnoscu? meminissine ejus beneficij, quod tibi primo in hanc Regionem Hirocensium ingressu prestiti? neganti meminisse unquam illum sibi visum: meminissin'*, ait, *hominis ejus, qui in tertio pago Hirocensium, cui Agnerononsium nomen, cum suspensus animi defectione penē fatisceres vinculorum quibus tenebare nexus incidit? Equidem rectē commemini, respondit Pater, sed eum ego nusquam adhuc deprehendi; pro eo tamen Deum crebro simplex interpellavi. Ego ipse sum is, inquit reget. Quem illico Pater complexu stringens, ab quam dolet, subjicit, quod tui juvandi hoc in morbo copia mihi non sit! vides egestatem meam, Cupio tamen aliquid tibi, si libet, quam quod tu mihi, conferre præstantius. Annuentem exemplo docet Fidei mysteria, erigit ad cupiditatem & spem beatitatis; institutum, & scelera dolentem, Baptismo abluit, nec multò post plenum Deo & cælesti solatio, ad Superos transmittit. Tantā viciissim suā voluptate, ut illum 80. leucarum laboriosum circumductum, omnēsque hætenus exantillas molestias abunde sibi ejus partā salute pensatas diceret. Toto eo*

itine-

itinere victus ei fuit sola agrestis portulaca, temerè per agros collecta, citra ullum condimentum calidà duntaxat aquà macerata.

Vix domum redierat, cùm iterum indicitur ex more piscatio, in locum septem oròve leucas ab Hollandorum statione remotum. Ibi dum consuetà lignatione piscatoribus famulatur, nuncium clam accipit, ipsum in pago reducem, ut vivus affetur expectari. Igitur multùm deliberans, utrùm periculo semet eximeret, tandem eà solà causà, quòd vità modò servatà posset ad còrundem salutem postliminio regredi, consilium suscipit præfati discretissimi caput subducendi, evaditq; in unam Hollandicarum navium, receptus, nequidquam querentibus injuriarum barbaris, in Præsidij Præfecti domum, restituendus tamen eis in omnem carnificinam, nè sædus violaretur, si non barbari muneribus & blanditijs pacarentur. Hic senas hebdomadas avarissimo, unàq; immitti annonæ militaris curatori in custodià commissus, sub tegularum tectum conclusus est, ubi locum alium solis discclusum asseribus habebat, sed adeò latè diductis, ut inferi juncturis digitus posset. Cùm igitur quotidie Hirocenses illuc induceret annonæ distrahendæ causà, miraculo ducebat Pater, se illis sexcenties non fuisse proditum, cùm aliqui omnes domûs aditus pertinaciter obfessò tenerent, ut fugitivum deprehenderent: siquidem eos ipse distinctè semper videns, nè ab illis vicissim observaretur, laboriosè contrahò conglobatq; corpore, ternas quaternasq; continenter horas compressò omni creatu ac propemodum halitu, post fragmenta vestustorum vasorum delitescbat, nullò unquam per 6. illas hebdomadas prodians. Ad hæc victus ei nequitia curatoris non amplior suppeditabatur, quàm sufficeret præcisè vitæ fame non amittendæ; aquæ verò mensura quinto quoq; die afferebatur, quæ caloribus æstivis corrupta, ingentes stomachi cruciatus bibenti ciebat. Accedebat gravissimum tibiæ ex morfu canis, dum ad Hollandos profugeret, acceptum vulnus, ex quo illa jam cancro occupata immanem ei dolorem, & certum exitium afferebat, nisi peritus chirurgus accessisset.

Sedato jam nonnihil apud barbaros recuperandi Patris desiderio, Manatam, primariam illie Hollandorum arcem 60. leucis distitam, navigio transmittitur: & perhumaniter à Præfecto, ipsiq; Batavorum Ministris acceptus, veste nigrà, rebûsque omnibus necessarijs liberaliter instruitur. Cer-

tatim accolæ omnes accurrebant, visum hominem tam crudeliter deformatum, totiesq; extrema expertum: & ex præfidijs adolescens Polonus etiam pedibus Patris advoli non dubitavit, articulos pedum & manuum Christi causà mutilatos exosculans, & Dei Martyrem appellans: quem Pater libentissimè à Luthero traductum ad Catholicam Fidem voluisset, nisi ignorantia linguæ, & defectus inter meros hæreticos interpretis vetuisset. Quæ eadem causa non fivit eum plenè solari Catholicam mulierem Lusitanam, in cujus domicilium Arce vicinum, aliquando descendens, maximam consolationem accepit, visis duabus sacris, Deiparæ videlicet & B. ALOYSII imaginibus, quas ipsa, nè deprehensæ eriperentur, in camini testudine suæ devotioni asservat. Inter hæc ineunte Novembri navigium de more in Hollandiam soluturum erat. cui etiam Pater se committens, multis in via exercitus calamitatibus, in Angliæ portu quodam, ad quem adulto Decembri applicuerant, etiam vitæ periculum adiit, despoliatus vestibus omnibus, & selopo jam pectori admo to interinfectus, nisi repente Gallum se professus fuisset. Indè carbonario Gallorū navigio discedens, postridie in pervigilio Nativitatis Dominiæ portum inferioris Britannia, quæ prima Gallia Anglis obversa regio est, tenuit; ac primò omnium in templum divertit, peccata confessus Sacro interfuit, & Divinum epulum, quantà cordis exultatione post tantum illius fruendi intervallum! libavit. Acceptus deinde est liberaliter à tenuibus pagi incolis pro exule ab Hibernia Catholico: at ubi laceratarum sædè manuum causam edixit, incredibile dictū est, quanto eum studio universi recreare conissi sint. Duæ virgines illi duos ternosq; solidos in stipem contulere, & mercator Rhedonensis illac fortè transiens egyptum, quo ad proximum Societatis Collegium veheretur, concessit.

Die 5. Januarij bene manè An. 1644. pulsavit fores Collegij Rhedonensis, & alieniore habitu minimè agnitus, Rectorem, novorum Canadensium obtinere accessit. Is patentium de more literarum ab Hollando Gubernatore, quibus persona Patris & nomen indicabatur, incuriosus, interrogare multa de rebus Canadicis, atque adeò sciretne superesse P. Isaacum Joques, an tradictum à barbaris, à quibus captum audisset. Cui Pater, super est, inquit, ille, & hic ipse est quem colloqueris; & ex templo ad pedes Rectoris procumbens, bene ut sibi precaretur oravit.

vit. Rector novitate spectaculi æquè lætus atque attonitus in domum inducere, artibus amplexibus adstringere pectori; gestire domesticis, & diversa mirabundi, quisq; pro ingenio, universi percontari, & veluti hominem redivivum pendentes oculis atq; auribus circumstare. Profectus inde post paulò Parisios, ibi pari spectaculo fuit: neq; Regina potuit dissimulare commiserationem, Barbarorum rabie in tanta crudelitatis indignitate conspectâ. Porro haud admodum diu denotatus in Gallia, cum triumphalis Provinciæ cupido urgeret, simul ac sui spectandi copiâ, quibus ex officio decuit, abunde fecit, otioso ab rebus alienis animo Rupellam concessit, indeq; factâ transmissione iterum ad Hurones, Montrealem Gallicæ potestatis arcem, ubi pristinorum ejus virtutum odor etiamnum fragrabat, applicuit. Interea temporis dum abest in Gallia P. Isaacus, Gallos inter & Hirocensenses de pace convenit; cui firmandæ, suôq; nomine & autoritate honestandæ, Gubernator è suis eò duos ablegare cum decreisset, unum itidem ut è nostris adijungeret consilio futurum & solatio, Moderatorem in ijs oris Sociorum oravit. Idoneus præ alijs P. Isaacus & gentis, & morum ejus, ac linguæ prudentiâ visus, invitatur à P. Hieronymo Lallemand Superiore per litteras ad eam itionem. Ipse literis acceptis in hæc verba respondit: *Litera, quas mihi R. V. scribere dignata est, versantem in Exercitijs ne occupaverunt, quas fueram aggressus in digressu lintrûs, qui literas nostras vehit; eo delecto tempore propter silentium, quo intentus venationi barbaris fui conceditur. Cederesne Rater in apertione literarum tuarum contremuisse principio cor meum, tanquam vereretur, nè quod avidè concupisco, quôdque in pretio debet esse spiritui meo, illud ipsum eveniret! Miserabilis natura conditio, retroactorum recordatione corroboruit; sed eam Dominus noster, quæ est ejus benignitas, illico tranquillavit, tranquillabitq; impoſitum amplius. Itâ Pater; id unum quodcumque vult DEus, & ego volo, vel cum vitarum mille periculo. O quàm me pœniteret, olim tam honesta neglecta occasione! possemne aquo animo pati per me stetiſſe, nè ulla quæpiam animarum salutem adipisceretur? Confido bonitatem ejus, qui mihi prateritis casibus nunquam desinit, deinceps quoq; præſto fore. Ipse mecum cunctas quæ se possunt obicere difficultates calcare potentes sumus. Arduum id est quidem observari in medio nationis prava, sine Missa, sine Sacrificio, sine Confessione, sine Sacramentis: verum tamen ejus sancta voluntas suavisq; dispositio*

eo pretio digna est. Idem ipse qui nos absq; hisce praesidijs menses vicinos aut duodeviginti suâ gratiâ tutatus est, eundem nobis favorem minimè denegabit; quippe qui nos nequaquam ingerimus, neq; hoc iter alio, quàm illi placendi studio, adversus omnem naturæ propensionem, subimus. Eum qui mecum venturus est oporteret bonum hominem esse, virtute præditum, tractabilem, atq; imperij patientem, juxta & animosum, & cupientem pati quippiam pro Dei gloria. Conduceret item si lintres cavare nôſſet, ut citra Sylvestrium opem possemus ultro citroq; commeare.

Deliberato itaq; itinere, à loco cui trium annium nomen est, per munitionem Richelieu navigio discesſere 30. Maij, Anno 1646. & post aliquot dierum navigationem pedibus iter ingressi sunt, suis onusti sarcinis & impedimentis, donec aliquot superatis amnibus Arcem Auriacam, quæ prima Hollandorum statio est, 5. Junij tenuere. Inde 17. ejusdem digressi ad primum Hirocensium pagum bidui spatio, pace mutuis firmatâ fœderibus, eadem viâ, iisdemq; incommodis ad Triamnem rediverunt. Verùm P. Isaacus vix trimeſtri inter suos commoratus, impotens ejus desiderij, quo flagrabat prædicandæ Hirocensibus Fidei, vel fundendæ eâ causâ sanguinis inter ipsos, denuo se in omnes eas ærumnas injicere statuit, hiſce priùs ad quendam Sociorū in Galliam datis literis. *Heu mi charissime Rater, ecquando tandem ei servire ordiar, eumque amare, qui nos amare nunquam excosus est? Ecquando me illi ex integro tradere incipiam, qui se mihi sine exceptione totum tradidit? At ego quanquam summe miserabilis sum, & collatis mihi à Deo hæc in Regione benefactis perperam malignè, respon-di, animum tamen minimè despondeo; quoniam illi quidem video cura esse novas identidem opportunitates, quibus mihiinet ipsi moriar, meque cum ipso individue conjungam, suppeditare; quò me scilicet meliorem efficiat. Unde mea in Deo sita fiducia est, qui ad exequenda consilia sua nostra opus non eget. Nostrum est operam dare, ut ei fideles existimamus; neq; per socordiam ejus opus corrumpamus. Confido abs te mihi eam gratiam impetratum iri à Deo. Et post tantam in ejus obsequio segnitiam, tandem ei servire diligentius inchoabo. Quòd si ei missioni impendar, ibo, nec (itâ præſagit animus) redibo. Verùm bene mihi beatèq; fuerit, si colibuerit Deo ibi sacrificium, ubi accepit, explere; & perparum illud sanguinis, quod ibi fudi, pignora verit illi cum omnem, quem venis omnibus corporis cordisq; fundendum gero. In suavia, populus ille Sponsus mihi sanguinum est, hunc mihi despondi*

sum.

sanguine meo. Bonus Magister noster & Dominus, qui eum sibi acquisivit sanguine suo, eidem portam, si placet, aperiat Evangelij sui, unâque quatuor alij nationibus illi fœderatis, quæ finitimæ sunt. Vale mi chare Pater, DEûmque obsecra, ut me sibi nunquam separandum conjungat.

Igitur 24. Septemb. ejusdem anni 1646. unâ cum adolescente Gallo Joanne Lande, profectus, paucis comitatus Huronibus & Hiocensibus, à quorum istis in itinere paulò post perfidiis delitutus est. Ecce autem, vix dum patriam illorum ingressus, unâ cum Joanne adolescentem malè verberibus excipitur, & ad nuditatem usque despoliatus, perlevi duntaxat flocco, quo pudori consuleret, concesso, ad oppidum pertrahitur. Incesserat enim, mali genij rebus suis timentis instinctu, stulta illa barbaros opinio, diabolum in suas terras à Patre pro Christo inferri, qui morbos pestesq; crearet: unde efferatâ perfidiâ mortem illi in diem sequentem decernunt. Is erat 18. Octobris, quo sub vesperam evocato ad cenam, percussor post januam tugurioli latens inopinanti Patri, dum limen subit, ferrum illisit in caput, & humistrato cervicem illico præcidit, atq; in vallo sublimi hastâ defixit, unâ cum Joannis adolescentis capite, quorum corpora in profluentem abjecta sunt.

Hic exitus fuit ærumnosissimæ Patris Isaaci vitæ, inter tam atrocia supplicia nihil

se unquam pati cogitantis, inter tam pretiosa merita mortalium omnium se inertissimum, & Societatis veste indignum, sincerè æstimantis. Nihil illi esse gravius atq; molestius, quàm laceras manus spectandas efflagitari: quod ut postulant Reginæ Christianissimæ faceret, oportuit à Superioribus id imperari. Nullos unquam in vita propensius amavit, quàm à quibus atrocissima pertulisset; hinc medias inter barbarorum atrocitates nunquam averso ab illis animo fuit, sed eâ commiseratione spectavit, quâ Mater filium furentem amentia solet: alias tanquâ divinæ in sua peccata ultionis ministros venerabatur; quo etiam more jam inde à pueritia suæ correctionis authores impensissimè amare consueverat. Quin & ipsas injurias solebat pro ijs, à quibus patiebatur, Deo offerre: unde creditum est salutem æternam percussori ab ipso impetratam, qui comprehensus à Gallis summâ voluntate Baptismû suscepit, & commercium supplicium lætus etiam, & beatitatis spe hilaris subijt. Tanta autem vitæ illius fuit innocentia, ut eum à diuturna illa Hiocensium captivitate reor omnia peccatoris sui arcana ex more Societatis Superiori patefecisset, is sanctè asseveraverit, nihil in eo deprehendisse gravius, quàm specie mortis oblectatum aliquantisper fuisse, tanquam eximi calamitatus immoderatius desiderasset.

P. ANTONIUS DANIEL.

Isteaquam crudeli barbarorum Hiocensium perfidiâ violatum per necem P. Isaaci cum Gallis & Huronibus est pacis fœdus, novo veluti furore & æstro perciti, in agros atque oppida Gallicana cœpere incurfiones facere, sædèq; grassari terrore, caedibus, rapinis. Oppidum primò quoddam sat frequentatum adorti cum devastassent, universos ibi præter paucas mulieres, horrendis cruciatibus priùs excarnificatos, magnâ parte suæ gulæ immolârunt. Nihil proinde sequentibus annis inter Hurones ampliùs securum, nihil immatissimis latronibus impervium, non tantùm itinera viatoribus, sed ipsa etiam oppida hospitibus suis intuta. Versabatur in Huronia per idem tempus P. Antonius Daniel, natione Gallus, unus ex primis Apostolicis gentis illius operarius, qui A. 1633. ad Fidem Christi præ-

dicandam eò penetraverant. Quindecim ipsos annos ea in expeditione laboraverat, invictâ patientiâ, excelsoque in rebus arduis animo; ea omnia perpessus, quæ citra mortem pati quisquam in humagis potest. Victus illi communis cum barbaris, insuetus & pertenuis, qui perpetuum inter Europæos in ediam æquaret: peregrinationes assiduæ aquâ terrâque, neq; alia in ijs diurna nocturna hospitia, quam obviarum rupium cavernæ, aut exesarum arborû foramina. Ad hæc onera omnia & sarcinæ proprijs semper vestanda humeris, & per amnem S. Laurentij, qui creberrimis scopulis interruptus triginta minimùm ex intervallo locis navigabilis esse desinit, ipsa navigia cum oneribus ad bina sæpe miliaria transportanda, & plûs quinquagesies, ubi minor aquarum copia est, vadandus. Per hunc Antonium ultro citroque assiduè commeando, inter perpetua ab



P. Antonius Daniel Gallus Soc. IESV, Sagittis et bombardis
ab Hirocensibus Idololatriis confixus, et unâ cum Templo com-
bustus, apud Hurones in Nova Francia. 4. Julij. A. 1648.
C. S. d. M. K. f.

Hiroquijs pericula. Apostolicis laboribus plus 1700. barbarorum capita paucis annis ferociam dedegit, & salutari lavacro Christo peperit: cùm insperata Hirocensium in eas partes incurfio, bene cœpta omnia perturbavit.

Captatâ namq; per Huronum ab oppidis suis absentiam opportunitate, quorum pars Quœbecum ad nundinas, pars in alios conterminos hostes bellum secuta discesserat; repente oppidum S. Iosephi, complexum familias supra 400. invadunt, cui procurando per illud tempus impositus Pater, incolas ad insignem morum innocentiam, & eximie Religionis supra ceteros pagos famam provexerat. Instauraverat ille paulò antè, veluti imminētis supremi certaminis præfagus, animum octiduanis S. Ignatij

Exercitijs, & die 4. Julij, qui item quartus à sacro secessu finito erat, manè ad primam lucem Deo Sacrificium in magna oppidanorum frequentia peregerat; cùm illis etiamnum in Æde sacra comprecantibus clamor hostium exaudiri, totq; oppido cœptum trepidari & discurriri, alijs arma, fugam alijs corripientibus. Pater in publica trepidatione impavidus, ante omnia illos, quos catechesi jam imbutos à Baptismo tantisper distulerat, aquâ simul confectos (nam singulos ablueret, temporis & multitudinis circùm se confortæ angustia prohibuerat) lustravit: tum per singulas casas discurrens, quotquot erant infantes, decrepiti, ægroti, iisdem mysterijs aternitati præparavit. Interim hostis superato vallo oppidi potens, obvios quosque cadere, ferro, catapultis, & omni telo ferire,

rire, trucidare: per quorum medium elapsus Pater, in Ædem sacram properat, quo plerisque Christianorum spes salutis æternæ, & multos catechumenorum metus Inferni, omnes desiderium in loco sacro vitam ponendi perpulerat. Igitur omnes misericordiam Dei implorantes, & peccata sua amarissimis lachrymis descentes, catechumenos quidem Baptismate ritè abluit, reliquis autem sacræ absolutionis donum impertit; tum ardentissimo charitatis fervore inflammatus, omnes ad moriendum pro Christo exhortabatur: *Agite fratres mei, hodie erimus in Paradiso! hoc credite, hoc sperate, ut vos Deus æternum amore suo beatos efficiat.*

Hoc dum maximè agit, subjectis toto oppido jam ignibus ardebant casæ, & barbari à privatis mapalibus, in sacram Ædem inconditis horrendisque clamoribus ruebant. Quos ubi Pater glomerari advertit, fugam, quæ liber etiamnum patebat exitus, suis imperat; ipse ut hostem tantisper, dum illi evadant, demoretur, adversum procedit, & quod meritò stupeas, unus barbari militis impetum divinâ quâdam vi infringit, circumfistentibus, neque ultrâ proruerè audentibus Hiroquijs. Et cum armati inermem tot unum nullo negotio opprimere, & vivum in potestatem & vincula redactum, ad immania supplicia servare possent, arcano quodam divinitus horrore consternati formidârunt accedere; sed denso imbre sagittarum & plumbeâ glande eminus obruere tutius habuere. Earum unâ ictu lethali per medium

pectus transactus, & amabile JESU nomen identidem ingemians, felicem pro ovisculis suis, & supremo earum Pastore animam edidit, eadem 4. Julij, A. 1648. Multis dilectissimorum sibi Huronum ea circa Patrem hostium demoratio ad fugam & salutem fuit: in cujus demum exanime corpus securè desævitur, tantâ rabie effusi sunt, ut nè unus quisquam hostium fuerit, qui non ei vulnus intulerit, dum vulnere locus fuit. Ignis demum Templo illatus, injectum Patris cadaver ad cineres usque consumpsit, ut nulla vel tenuissima ossis particula, quæ servat ad venerationem posset, inventa fuerit. Cujus rei causam indaganti Sacerdoti cuidam nostro, sanctitatis præcipuæ, & probatissimæ humilitatis, cui semel iterumque post mortem gloriosus comparuit: *ecquid consilij fuerit divino Numini, in ea tam indigna barbarorum savitia, ad abolendum penitus servi sui corpus permittenda?* respondit P. Daniel: *magnus Dominus, & laudabilis nimis! qui horum sui servi opprobriorum contumeliarumque respectu, multas mihi animas è purgatorijs ignibus eruitas dedit, quæ meum in cælo triumphum ornarent.* Visus autem tunc est augustiore, & quodam cælesti vultu, annos ætatis circiter 30. præferens, quanquam 52. egisset in vivis. Patribus autem in exilium, Hirocensium ferocia exactis, sollicitè in medium consultantibus de re Christiana promovenda, conspicuus idem adsuit, cælestique ardore hortatus est, ut salutem eorum barbarorum strenuè pro Dei Gloria procurarent.

P. JOANNES DE BREBEUF. P. GABRIEL LALLEMANT.



Uod in propra & mitiore P. Antonij nece crudelitatis omissum est à Barbaris Hirocensibus, id cum senore pensatum est anno sequente, in atrocissima duorum istorum Christi pugilum carnificina, quorum certamen enarrare nunc aggredior. P. Joannes de Brebeuf honestè in Gallijs familiâ natus, & in Societate Coadjutor Spirituallis, postquam in novam Franciam quinquennio ante P. Antonium, id est A. 1625. trajecit, tyrocinium Apostolicæ missionis posuit in montanis Quebeco aditis, quorum sylvestres incolas totam hyemem, per loca saltusque altâ nive rigentes, linguæ eorum etiamnum ignaræ concursando, majorem pa-

tientiæ quàm animarum fructum, omnis esculenti cui insueverat expers, reportavit. Primus deinde labor fuit novæ atque insolentis linguæ studium, nullo neque doctore, neque interprete, per suam solius industriam: quæ sufficienter instructus, primus omnium fuit, qui ad Hurones populos Evangelium Christi pertulit A. 1626. meritò Apostolus eorum cognominatus, utpote qui nullum in aditu Christi cultorem reperiens, amplius septem millia in decessu reliquit. Occupato violentis Anglorum armis A. 1631. Quebeco, in Galliam ejectus est; ijs autem, recuperatâ à Gallijs munitione, iterum pulsus, quartum post annum stationem repetijt, totâmq; deinceps ætatem Huronum saluti expendit: majore



P. Ioannes de Brebeuf, et P. Gabriel Lallumant Galli Soc. IESV. exco-
 triatæ vertice, subulis sub ungues infixis, ferventibus aquis baptizati, in locum
 vulsorum oculorum, ardentibus prunis inditis ignitis appensis securibus, toto cor-
 pore ustulati, ac demum plurium horarum tormentis, rescisso iudicio, et corporis
 eorum carnibus, membratim pro Christo descripti, ab Iraqe exiit in nova Franci-
 a. 1649. 16 et 17. Mai.

majorenè animarum zelo, an moriendi pro Christo desiderio, meritò ambigas, ut cujus in scriptis nihil crebriùs occurrat, quàm similia verba: *sensio me vehementer impelli ad moriendum pro Christo.* Ardentissima decem continenter diebus in me persensì Martyrij desideria. Quibus demum scilicet incitatus, hisce verbis Martyrij exequendi votum concepit: *quid retribuam tibi Domine mi Iesu, pro omnibus quæ retribuisti mihi? Calicem salutaris accipiam, & nomen tuum invocabo.* Voveo ergo in conspectu aterni Patris tui, sanctique Spiritus, in conspectu Sanctissimæ Matris tuæ, castissimæque ejus Sponsi Josephi, coram Angelis, Apostolis, & Martyribus, Sanctisq; meis parentibus Ignatio & Francisco Xaverio: voveo, inquam, tibi Domine mi Iesu, si mihi unquam indigno famulo tuo Martyrij gratia misericorditer a te oblata

fuerit, me huic gratiæ non defuturum: sic, ut impostum licere mihi nunquam velim, aut quæ sese offerent moriendi, pro te occasiones, declinare (quis ita fieri ad majorem tuam gloriam judicaret) aut jam institutum mortis istum non accipere gaudent. Tibi ergo Domine mi Iesu & sanguinem & corpus, & spiritum meum jam ab hac die gaudent offero, ut pro te, si ita dones, moriar, qui pro me mori dignatus es. Fac ut sic vivam, ut ita mori tandem me velis. Ità Domine, calicem tuum accipiam, & nomen tuum invocabo, Iesu, Iesu, Iesu.

Cùm verò persepse deinde mors illi à barbaris decreta, & dies etiam necando inditus esset, ipse decretoriam horam impavidus expectans, & interim eventus securus, inque animarum quæstum toto conatu intentus, meruit sæpius Christum Iesum videre

dere modò gloriosum, modò autem, & crebriùs quidem, Cruci suffixum, aut eam bajulantem, quam ipsam in Patris humeros deponere se cupere ostendebat. Iterum Anno 1640. ostensa illi Crux ingentis molis est ex ea parte, quâ Hirocensiles spectabat, quæ non uni ipsi, sed omnibus, quotquot ijs in oris elaborabant, Socijs prægravandis sat esset. Quâ videlicet aut ei per tam immanes cruciatus inferenda mors, aut in omnes universim Socios paulò post concitata calamitas signabatur. Id quod etiam portendere videbantur quàm plurimæ Cruces, in suis Sociorùmque vestibus aliàs ipsi visæ: quarum admiratio- ne captus: cum nocte insequente, scribit ipse, de hac sua visione, flunderem in oratione me conforare Divina voluntati, & dicerem: Domine fiat voluntas tua: Domine quid me vis facere? audiui interius mihi dici: tolle, lege. Manè igitur factò cepi in manus libellum aureum de imitatione Christi, & incidi in caput de Regia via S Crucis. Ex eo infecta est in anima mea magna pax & quies, in omnibus casibus occurrentibus. Subjungit postea iterum: In Sacello Sanctæ MARIÆ dum preces fierent ante cenam, mihi visus sum videre maculas sanguineas in vestibus omnium nostrorum, & meis etiam, ita ut nemo exciperetur: quod me movit in admirationem.

Porro quanto furore arderent dæmones mala his Crucibus designata ipsi inferre, & omni ratione illum de medio tollere, aliâ visione sibi à Deo demonstratum ita idem perscribit: Sub Examen vespertinum conscientie, & Litanias B V. mihi visus sum videre ingentem catervam demonum ad me venientium, ut me devorarent: sed nullus potuit mihi nocere. Et ij quidem qui præbant, similes erant equis innisita magnitudinis, sed erant pilo crispo & ob longo tanquam hirci: caterorum figuram non meminì; sed hoc scio, tot & tam, diversas fuisse eorum formas, adeòq; terribiles, ut nihil visum viderim simile. Duravit hac visio per spatium unius Miserere. Non meminì me timuisse, sed jacti meâ fiduciâ in DEU M. dixisse: facite quodcumq; permittet vobis DEUS; non enim capillum de capite meo avellietis, sine ejus nutu & imperio. Objectum etiam illi aliquando fuit mortis, quemadmodum pingi solet simulachrum, nudis ossibus, speculum in Patrem furibundo jactu emittere conissum. Sed cum imperturbatus ille totum vulnere peccatus offerret dicens: fiat voluntas DEI; inane telum & spectrum evanuit. Manè autem cognitum evengu est, quid visum portenderit. Pridie namq; perfidus quidam ex Hu-

ronibus in pagum, ubi tum Pater diversabatur advenit, & convocato incolarum concilio, novem ferreas secures, pretiosum ijs terris donum, in munus obtulit, si in necem Patris consentirent. Sed rejectus tandem, post longam deliberationis fluctuationem improbus unâ cum dono est. Deniq; crberimis se Christi Domini, DEIPARÆ, S. Josephi, Sanctorumque visitationibus, orationis tempore recreatum, passim in adversarijs suis testatum reliquit; videlicet: subito raptu avulsam se à se ipso, cum Christo Domino tam familiariter fuisse congressum, ut eum verba saluti loquentem audiret: evedum fuisse in complexum Dei, totum illi adhæsisse, in corde Christi requievisse. Die 27. Maij, loquitur idem, Anno 1640. S. Spiritus adventui sacro, tempore Examinis serotini mihi visus sum videre rosam pulcherrimam, quæ post spatium unius Miserere evanuit. Omniaq; visâ mihi sunt ardere circa me ingenti igne: & tum sensi me interius inflammari ad ardentiorem amorem Dei.

Fuit, cum montem spectavit Sanctis undiq; sed maximè Virginibus coopertum, cujus in vertice Virginum Regina plena majestatis confederat. Interdum solo vestimentorum ejus, vel extremæ pallij simbræ conspectu, tam inusitatâ luce se offundi sentiebat, ut ferendo non esset, nèq; attollere in Virginis faciem oculos auderet, nè opprimeretur ab ejus gloria. Quæ talia cum penè ipsi essent quotidiana, occultissima tamen semper, præterquam Confessario & suis Prædicatoribus habuit, & tam profundæ remansit humilitatis, ut omnium se vilissimum ex animo reputans, omnibus se dictis & factis postponeret. Et licet, non eatantum, quæ statum suum concernebant, sed ipsa adeo cordium arcana frequenter pervideret, eodem tamen auctore DEO percepti, quàm oporteret in omnibus ex Moderatorum pendere arbitrio. Nam dum meditans de vita Christi occulta, scribit ipse, ruminarem verba illa: & erat subditus illis: venit mihi in mentem rogare: Domine quid me vis facere, tum circa victum, austéritates, mores, naturam, tum circa tempus orationis? Responsum est mihi, quod dicit Paulus: vade ad Ananiam, & ipse dicit tibi quid te oportet facere. Statui igitur eo die, in posterum non meo consilio regere, neq; peculiarem Dei ductum expectare per visiones, sensus, & revelationes, sed me totum arbitrio Superioris permittere, tum circa ea quæ exteriora sunt, tum circa ea quæ interiora: nèq; quidquam ampliùs facere aut aggre-di, sine ejus prævio consilio. Itâ autem suave sibi esse dicebat alieno ductu, non suo ferri,

quàm infanti maternis gestari brachijs, fo-
veri sinu, qui suo niti gradu, ut maximè ve-
lit, non queat. *Agnovi in me, ait idem, nul-
lum esse talentum, tantum me prout esse ad
obedientiam. Visus sum mihi aptus ad januam
custodiendam, triclinium parandum, faciendam
culinam. Geram me in Societate ac si essem
mendicum, per gratiam in eam admissus, & omnia
mihi cogitabo fieri ex mera gratia.*

Et verò non tantum vilia hæc munia,
quoties licuit, promptissimè executus est, sed
etiam Sacerdotali gradu indignum se ratus,
Fratrum numero apponi flagrantissimè ex-
petijt: cum tamen animo vasto, rerum ma-
gnarum capaci, & dotibus ad gubernandum
præclaris abundaret. Verum ad hæc ille in
se animadvertenda nunquam oculos conver-
tit, sed tanquam omnium mancipium in pe-
destribus irineribus, quæ sæpe 30. continuos
dies extendebantur, gravissima onera subire
humeris, & sociorum impedimenta quoad
posset gestare: si aqua veherentur, diem to-
tum remo insistere, primus in flumen, ubi
necessitas posceret, desilire, postremus exire,
rigantibus trementibusq; frigore membris.
Manè comitibus adhuc confopitis surgere,
cibum parare, noctem orando Deo, & quæ
Regula Ordinis præscribit, exequendo im-
pendere: dicere solitus, noctes homini eo
concessas, ut cum D E O solus, dies, ut cum
proximis, Dei & salutis eorum causâ ageret.
His addebat flagellationes per diem binas &
ternas, cilicia, jejunia, & quidquid pia cru-
delitas sanctis hominibus in seipsos persua-
det. Et cum his tamen omnibus sæpe
rebundus cum Deo & Præsidibus expostula-
bat, Crucis Christi nullam particulam sibi
obtingere, sic ut paulò ante mortem de se
annotarit: *Timui meam reprobationem, eo quod
nimis suaviter hæcenus egerit mecum D E U S.
Tunc bene de mea salute sperabo, cum patiendi
occasione se dederint.* Ità coquebat eum sen-
tire de se immensum, quo fruebatur, animi
gaudium in asperis & duris rebus: quibus si
exerceretur, tanto acquiescebat interiore gu-
stu, ut læticia cordis in os & vultum, & to-
tum ipsius corpus redundaret. Quantam
autem in omnes, etiam capitaliter sibi in-
fensus præferret mansuetudinem, optimè ex-
plicuit Sociorum unus, ità de ipso testatus.
*Duodecim omnino sunt anni, ex quo agere cum
Patre Joanne familiaris cepi, ejusq; motus ani-
mi omnes observare, curiosus satis inspector. Vi-
di enim Superiorem, inferiorem, æqualem omni-
bus: nunc res temporales administrantem, tu-
multuosum sæpe negotium: nunc missionibus va-*

*cantem, actuosum opus & difficile: cum Gallis,
Barbaris, Christianis, Infidelibus: amicis, inimi-
cis, impijs, blasphemis tractantem; maledictis,
calumnijs, plagis, ac verberibus oppressum usque
ad sanguinem: nunquam tamen nè semel qui-
dem in eo levioris ira non modo commotionem de-
prehendi, sed nè indicia quidem: pacato sem-
per animo & tranquillo subibat omnia: in silen-
tio & patientia ut plurimum: si loquendi locus
esset, in mansuetudine & lenitate verborum.
Unctus nimirum hoc lætitiæ & benignitatis
oleo fuerat celitus ad Christum Domino, qui ei
sacris Exercitijs An. 1634. occupato, spineâ
redimitus coronâ apparuit, & amicâ voce
pollicitus est: habebis, inquiens, deinceps un-
ctionem Spiritus in verbis tuis.*

Simile quid iterum sibi factum A. 1640
testatur in hæc verba: *Die 30. Martij cum
post Missam intus me collegissem, ut Christum in
me loquentem audirem, mihi visus sum videre
manum, nescio quo oleo cor meum linientem, &
omnia interiora mea: ex qua visione summa
animi mei pax & tranquillitas consecuta est.
Paucos post dies hoc alterum adnotat. Aprili-
lis die 11. cum in Residentia S. Josephi exorta
fuisset seditio, in qua Petrus Boucher (is erat
puer domesticus) vulneratus in brachio fuerat,
& P. Chaumonot & ego capulâsemus; omnesq;
injurij affecti, minis territi, & exire à vico jussi
essemus ab Ondibaborca (is erat impius Apo-
stata) & alijs ejus vicij ducibus: sero cum de ijs
omnibus Deo gratias agerem, & licet animo in-
quietus pressusq; curis, tamen voluntatem meam
divina conformare studebam; visus sum mihi
videre Beatam Virginem, eo modo, quo depingi-
tur, desolatam, & tribus ensibus in corde vulne-
ratam, sensuque interius quasi mihi diceretur:
Beatissimam Dei Matrem etsi valde afflicta fuis-
set, fuisse tamen semper cum Divina voluntate
perfectissimè conformem: eamq; mihi exemplum
esse debere in omnibus adversitatibus. A. itidem
1640. sic scribit: perfectis meis peccatis, ijsq;
gravibus atq; innumeris, vidi D. JESUM divina
misericordia brachia extendentem ad me benignè
complectendum, præterita mihi condonantem,
omnia oblivioni dantem, suâq; gratias in me ex-
suscitantem, atque adeo me ad summam secum
amicitiam vocantem, dicentemq; sicut dictum est
de Paulo: Vas electionis est iste, ut portet nomen
meum in gentibus; ostendam illi, quanta opor-
teat eum pro nomine meo pati. Itaq; gratias
egi, obtuli me, & dixi: fac me Domine virum
secundum cor tuum: doce me quid me vis face-
re, nihil in posterum me separabit à charitate tua,
non nuditas, non gladius, non mors. &c. Hoc
edem incensus zelo coram Deo exclamabat:*

O uti-

O utinam barbari *Canadenſes converterentur*, & non amplius DEum offenderent, ſed eum ardentius amarent, eſſi mihi ſubenda eſſent omnia tormenta, quæ captivi ſubire ſolent in his Regionibus! Paratum cor meum DEus! Domine JEſu Chriſte Redemptor meus, tu me tuo ſanguine & morte pretioſiſſimè redemiſti: ideo promitto me totà vità meà tibi ſervitutum in Societate JEſu, in ſalutem animarum, & nulli alij, niſi uni tibi, aut propter te ſervitutum: id quod meo ſanguine, & meà manu ſubſignavi, paratum totam vitam meam tam libenter, quàm hanc guttam profundere. Rogatus à quodam Sociorum, an non ipſi duriffimum futurum eſſet, ſi quando in hoſtium manus incideret, toto corpore veſtibus ſpoliari, cogiq; ſic planè nudum ingredi? abnuit grave id ſibi fore: ea enim, inquit, tum eſſet voluntas Dei: neq; tui mihi attenderet, ſed uni Deo, cujus imperijs parerem. Percontanti ruruſum, an non flammas horreret & tormenta ignium? omnino, inquit, horrerem maxime, ſi vires meas metirer, & natura imbecillitatem: neq; enim ſatis par forem, vel muſca unius morſui patienter ferendo. At ſpes mea in Deo eſt, Deiq; gratia, cujus auxilio adjutus, non magis perborreſco cruciatu ignium, quàm punctiorem aculea. Sic ille nimirum his duobus nitebatur præſidijs, ſui diſſidenti ipſius, Deique fiducia.

Neque tamen cùm ad excelsa aspiraret, levia aſpernabatur: dicere ſolitus, in via virtutis nihil eſſe non excelsum, & crucis facile aſcenſum ad excelsa præbere. Paupertatis tantum in eo ſtudium fuit, ut præter novi Teſtamenti volumen, Brevariium, libelluſ Thomæ Kempenſis de imitatione Chriſti, librūmq; unum quempiam de argumento virtutis, quem ex officio legeret, itēque coronam B. Virginis, quam quotidie recitabat, nihil admodum aliud quidpiam haberet, ac nè unam quidem imaginem, ſacrūmve nummum, quæ pueris aut alteri unquam dare poſſet. Quam ea verò grata Deo atq; accepta inopia fuerit, ſic intellexit: cùm A. 1637. videre ſibi viſus eſt ingentem planitiem, triumphalibus paſſim fornicibus diſtinctam, numero infinitis, pulchritudine admirandis. In medio ſita Regia miræ elegantia, inviſa ignotq; materiā, divinæ magis artis quàm humanæ opus; ipſe mirari attonitus domum tam nobilem, & cùm vacuum cultoribus eſſe cerneret, magis etiam obſtupeſcere. Sed illico intellexit, ijs paratas eas ades eſſe, qui teſto paupere atq; humili, fumoſaq; caſa, ob Dei amore contenti forent. Caſtimonia in eo, media in bar-

baria, ipſoque, ut dici poteſt, in Regno libidinis, adeo ſemper integra atque illaſa, quàm pupilla in oculo ſolet, fuit. Cùm remoto arbitris loco ſæmina, quæ illi fortè in obvio fuit, haud obſcuris ejus fidem verbis tentavit, ipſe nullum contra verbū rependit, ſed ſilenzio pugnavit, & ſigno Crucis: cujus obſectu dæmon, habitum ementitus mulieris & vocē, ex oculis deviſus evanuit. Par corporis caſtitati conſcientiæ puritas: cujus tanta innocentia fuit, ut annis ante mortem circiter 20. ſic in adverſarijs ſcriberet: Non agnovi in me ullam affectionem ad peccatum veniale, ita ut deſerer in aliquo peccato veniali committendo. Eligerem potiùs infernum, quàm vel minimum peccatum. Statui odiſſe quodcunq; peccatum odio implacabili, quia unicum eſt malum Dei, quia unicum eſt malum hominis, quia ſummè diſplicet Chriſto dilecto meo. Et paulò poſt ſubdit, quod mirèrè; nè me Deus tantquam inſtruſuſ arborē ſucci deret, oravi, ut me dimitteret adhuc hoc anno, & promiſiſſi me meliores fructus allaturum. Dixit etiam aliquando uni Sociorum, nunquam abſe quaſitam, ex quo inter Hurones eſſet (erat autem tunc anno jam undecimo) nè ſemel quidem in veſcendo ciborum voluptatem. Sed nè Regulam quidem ullam Societatis, quantumvis minimam, violàſſe aliquando à quopiam notatus eſt: adeoq; cumulatè obligationi ſuæ, quæ ſcripto ſe obſtrinxerat, ſatiſfecit: Diſſumpar, inquit, potiùs, quàm ut voluntariè Regulam ullam infringam. Nullum commercium habendum mihi cum creaturis: nunquam quieſcam, nunquam dicam ſatiſ, quia gratia nunquam eſt otioſa; nam ubi gratia eſt, ibi operatur: ſi autem non operatur, gratia non eſt. Atque alio in loco: capit me, inquit, magna averſio rerum omnium creaturarum, quæ tandem in morte deferenda ſunt. Ità quotidie me geram, quaſi quotidie, inno ſingulis moriturus. In Deo ſolo quieſcit cor meum; & præter ipſum, nihil mihi ſunt omnia, niſi propter ipſum.

Socius tormentorum tanto Viro, & primo Huronum Apoſtolo, fuit P. Gabriel Lallemant Patricius Pariſienſis, anno ætatis 20. ſæculi 1630. Societatem complexus, vir quàm invalido corpore, tam robuſtā virtute, tantq; peccati odio, ut vel ad ſpeciem ejus cohorreretur. Quo tempore Philoſophiam in Gallijs, altero jam curſu explicuit, incredibili in Deum, & barbaros hoſce charitate flagrans, enixè DEum per lachrymas & ſuſpiria, Moderatores precibus & votis ſollicitavit, ut extremum hunc in orbis angulum relegeretur, nihil reveritus tenerimam ſui

corporis constitutionem, ærumnarum insuetam atq; intolerantem, cuius sui desiderij causas & motiva in hæc ipsa verba annotavit. Hoc ita volui Domine mi *JE SV, DEus & Salvator meus*: primo, ut respondeam obligationibus, quæ tibi obnoxius sum; nam si tu neglexisti delicias tuas, si gloriam tuam, si salutem & gaudia, & vitam tuam, ut me miserum peccatorem servares: nonne plusquam æquum est, eadem omnia à me deferri exemplo tuo, pro salute animarum, quas tu reputas tuas, qua tuo tibi sanguine, constituerunt, quas tu dilexisti usq; ad mortem; de quibus dixisti: quod uni ex minimis meis fecisti, mihi fecisti. Ad hoc: quando me grata vicissitudo non impelleret impetus ad holocaustum meimetipsum tibi dedicandum; toto tamen id corde facerem, ex consideratione excellentiarum adorabilis Majestatis tuæ, & tuæ bonitatis infinitis modis infinita, quæ digna est, ut se homo immolet obsequio tuo, & sic fortunatè se perdat, ut fideliter illud exequatur, quod tuæ de se voluntatis esse judicaverit, easq; inspirationes peculiare, quas tibi complacuit illi inmittere, ad majoris tuæ gloriæ incrementum. Præterea: Quoniam adeo miserabilis fui, ut tam bonitatem toties offenderim, ô mi *JEsu*, par est à me tibi satisfieri per extraordinarias penas; idèoque me oportet coram te reliquâ meâ vitâ incedere corde humiliato & contrito, in malorum tolerantia, quæ tu pro me prior sustinuisti. Tum: debitor Parentibus meis sum, matri meæ, & fratribus, & eis debeo tuæ misericordiam fructum conciliare. Mi *DEus*, nè sinas ullum istius familia, quam tanto amore complexus es, coram te perire; & in eorum numero esse, qui te æternum blasphematuri sunt: sing, pro eis ego victima. Quoniam ego in flagelli paratus sum: hic ure, hic seca, ut in æternum parcas. Deinde: Ita mi *IE SV & amor meus*, oportet sanguine tuum tam pro barbaris, quam pro nobis effusum, efficaciter eorum salutem applicari; & id ipsum est in quo gratia tua allaborare cupio, utq; pro ipsis immolare. Insuper: oportet adorari nomen tuum, Regnumque tuum per omnes Orbis nationes extendi: adeoque me vitam impendere, ut è potestate Satanae hostis tui pauperes hæc animas vindicem, quæ tibi tuo sanguine, tamq; vitâ constituerunt. Ad extremum: æquitati congruit, ut aliquis tandem amoris studio ducatur ad eam *JEsu Christo* præstandam voluptatem, idq; vel cum centum millibus vite periculis, si cui tot vitæ essent, cumq; eorum omnium dispendio, quæ natura maxime sua via & jucunda sunt. Neminem autem unum nunquam repereris, qui magis id suscipere, quam tuteipse tenearis. Age igitur anime mi, per æternum sanctè, ut hanc voluptatem pariamus sacro

cordi *JESU Christi*. Ipse dignus est, & tibi non est integrum omittere, nì velis ingratus ejus amoris & vivere, & mori. Ultimus Sociorum hoc ipso anno in Huroniam advenerat, eique nomen ab indigenis Atirona impositum est. Nec amplius quàm sextum in ea mensem versabatur, addiscendâ ante omnia perdifficili barbarorum linguâ occupatus, cum ipso in limine laborum palman alijs in ea vinea veteranis cultoribus præripuit.

Mense Martio A. 1649. Hiocenses irruptione in Huroniam factâ, oppidum S. Ignatij invaserant, unum è quinq; Patrum Joannis & Gabrielis curæ creditis. Quod dum indigenæ strenuè aliquamdiu contra barbaros propugnant, Patres fugæ consilio, quâ facili vitam salvare poterant, abiecto, alter baptizandis Catechumenis, alter Sacramentaliter absolvendis Neophytis strenuè incumbunt, solantur, & ad Fidei constantiam erigunt. Demum hoste præpollente, ipsi cum plerisque capiuntur die 16. Martij, & continuò ad nuditatem usq; despoliatis, ungues singulis aliquot evelluntur. Mox ingens verberum turbo fudibus & baculis, consequitur, ut nullam partem corporis integram, nè vultum quidem relinquerent. In qua dirissima procella P. Joannes ad patientiam omnes hortatus: Filij levemus, ait, oculos in celum hisce in doloribus nostris: meminerimus *DEum* esse spectatorem, ac testem tolerantie nostræ; brevique fore eundem remuneratorem, & mercedem ipsam nostram magnam nimis. Cum hac Fide moriamur, expectemusque certi promissorum ejus expletionem. Vestri me magis quam mei miseret: sed ferendum fortiter istud, quod reliqui est cruciatuum; finientur illi saltem cum hac vita mortali: at gloria quæ nos excipiet, nullo unquam fine terminabitur. Cui vicissim illi, Pater, inquit, nostri spiritus mentisq; fixæ erant in Cælo, dum corpora patientur in terra: *DEum* ora pro nobis, nostri ut misereantur, ipsum invocabimus usq; ad mortem. Erant inter hostes Huronum aliquoti, qui longè ipsis Hiocensibus essetiorie (uti major plerumq; Apostatarum, præ ipsis infidelibus, est nequitia) Christi odio, libertate Patrum, etiam in captivitate Neophytos adhortantium, irritati, correptos Patres ad paolos deligârunt; quos illi, antequam adstringerentur, flexis genibus venerati, & veluti suæ instrumentum salutis amplexati, & deosculati sunt. Mox barbari P. Joanni, quia liberrimè Christum prædicare pergebat, lapidibus os contuderunt, linguam insertis in fauces flammis ustularunt, manum utramq; len-

lentâ præcissione amputârunt. P. Gabrieli acutâ sub unguës, & per totum corpus infixâ subulâ, & aculei ferrei: utriq; sub brachia & renes admotæ candentes secures, ignita collaria collo circumdata. Adhæc contexto piceis resinatisq; corticibus cinctû, circumdedere medium utriq; corpus, eôq; incenso circum undiq; cremavêre.

Immanes hos cruciatus P. Gabriel fortissimo animo sustinuit, erectisq; identidem in Cælum oculis, Deum suspirans vocabat in opem; quâ illius pietate exasperati barbari, utrumq; oculum acutissimis suis unguibus strigentes evulserunt, & in eorum cavos orbes indidêre candentes prunas. At P. Joannes rupis instar immotus, silentio, perinde quasi sensûs expulso, tulit omnia, neque inter flammâs & ustulationes ullam edidit vocem; attonitis novitate spectaculi, ideôq; per multiplicata tormenta, quasi per vim insentienti exprimere dolorem vellent, breviori morte illum tollentibus barbaris. Ubi tamen post longam moram veluti ad se redijt, ingenti ardore denuo Christum prædicare coepit, donec barbari discerptis labris, nê loqui posset, nares etiam detruncârunt. Sub hæc ludibrio Sacri Baptismatis, aquâ fervente iterum iterumq; toti perfusi sunt, insultantibus blasphemæ barbaris, se illis baptismo suo gratiam ingentem præstare, sinè quo salus æterna nequeat obtineri; meretricie gratiæ ab illis vicissitudinem, quod diris adeo mactarentur supplicijs, quibus ad tantò altiora cæli subfella promoverentur. Igitur carnes utriusque ex feminibus, furis, brachijs, & ubicunq;

lethalis abesset iactus, frustra tim per interval- la defecerunt, & igne leviter tostas, ipsorum in obtutu vorârunt; plagas revulsarum car- nium, nê sanguinis defluxu extinguerentur, admotis candentibus ferramentis exasperârunt. P. Joanni detracta pellis est, quæ cal- vam tegit, abscessi pedes, postquam carnibus funditus direptis, solis ossibus insitebat; al- tera mandibula bipertito securis icu diffissa. P. Gabrieli nulla corporis pars, ab usq; capite ad calcem expers ustulationis fuit, auris læ- va securi violata, penetrabili usque ad cere- brum plagâ; lingua, nê Deum in vocaret, quem tamen unicè pro carnificibus suis ex- rabat, ingestis flammatis tædis ambusta. Denique ubi emori jam illos apparebat, disse- ctum pectus, & exceptus sanguis avidè ab il- lis adhuc calens haustus est: cor etiamnum spirantibus evulsum. Sic è vita heroës in- vidissimè alter altero celerius discessêre, P. Joannes eodem die 16. Martij, cum tres ho- ras extortus ea tormenta pertulisset, P. Ga- briel die insequenti, postquam horas omni- no quindecim, immanibus cruciamenis ex- earnificatus est. Dilapsos ad propria bar- baros ubi constitit, residuæ partes corporum à nostris collectæ, humatæque à Socijs super- stitibus fuêre 21. Martij, magnâ omnium consolatione, & sanctâ invidia, utpote qui di- rissimè discerptorum undiq; corporum aspe- ctu neutiquam consternati, accendebantur quin potius confimilis aliquando victoriæ spe, quam laboribus suis unicum præ- mium anhelabant.

P. CAROLUS GARNIER.



Unc etiam Christi pugilè Or- bi dedit Gallia, nobili loco Pa- risijs satum, & in Convictorum ibidem Collegio ad omnem pie- tatem à Societatis Patribus edu- ctum. Ubi tam intentâ inter Nobiles con- tubernales sui vixit custodiâ, ut nullam Par- thenij Mariani legem violâsse notatus sit; solitus etiam pecuniam omnem, quæ à pa- rentibus usibus suis submittebatur, inter- vineos in carceribus distribuere. Et jam- tum zelo lucrandarum Cælo animarum ple- nus, libris perniciosi vel lascivi bellum movit: quos si venales proflare in officinis deprehenderet, suo ære coemptos tenebris damnabat & igni. In Societatem Iesu An. 1624. ætatis 19. susceptus est; magnam pri-

mò parentum reluctantiâ, quod inter pro- les maximè mortigerus appareret, expertus; sed postmodum tam pronâ in Deum mentis inclinatione Societati permixtus, ut Parens ipse Provinciæ Præposito illum stiterit, di- cens: *Do tibi Pater filium meum, nullius unquam in parendo segnitiâ, neque ullius erga Parentum observantiâ irreverentiæ reum.* Exit deinde in Gallijs discendo, tradendq; varias disci- plinas, usque ad annum 1636. quatuor ibi- dem vota professus, quibus magis jam obli- gatum se interpretans ad mortalium in salu- tis semitam adducendorum studium, sum- mis votis Superiores suos perurfit, & mul- tum diûq; oblucentem parentem continuis tandem precibus inflexit, ut ad arduam il- lam novæ Franciæ expeditionem transire



P Carolus Garnier Nobili prosapiâ Gallus Soc. I.E.S.V. ab Hiroqueis Gentilibus crudeliter pro Christo necatus in Nova Francia. A. 1649 7 Decembris.

C. Secreta d

M. Kusell. f

liceret. Quo in trajectu complures navi eâdem vestros partim ab hæresi, partim à scelere veterano, & unum aliquem decennio in expiatum eripuit; quosdam nonnulli fassi sunt, se vel ipsius solo aspectu, tam decorâ hilaritate, & modestâ jucunditate composito, felicitatis interioris indice, ad Fidem rectam fuisse pellectos.

Ad locum desideratum appulsus ab A. 1636. usq; ad 1649. ea apud Hurones egit, ea tulit, quæ facile quisq; ex dictis hæctenus de Regionis & incolarum genio, in tam robustæ virtutis viro assequi poterit. Memôr siquidem, quia sicut *Lex Domini immaculata est convertens animas*, itâ immaculatum ejus promulgatorem esse debere, quotidianâ exomologesi conscientiam emundabat, & præsidij Cælestibus, per ferventissimum orationis

studium, quam omnium evagationum semper expertem habuit, muniebat. Nulla totius Novæ Franciæ fuit Colonia, nulla missio, quam ipse Apostolicis laboribus non excoluisset, maximo in quibusdam animarum profectu, in alijs nullo ferè conatibus suis respondente proventu: quod tamen semper æqui bonique consulens, eâdem promptitudine has adibat, quâ ab illis Præsidum nutu avellebatur; sæpius reliquâ animarum cultione, jussus terræ, ac rusticis laboribus manus dare, aut jumenti vice onera diversa per montana æternis nivibus rigentia deportare. Quæ tamen solis alibi mancipijs imponi consueverat munia, tantâ animi exequabatur alacritate, quali colendis agris, curandâ coquina, ferendis oneribus, Parisios Huroniâ commutasset; esto non semel inter altas ni-

ves nocte non unâ errare, ac propè perire, contingeret, nullâ gnaritate locorum, per sylvas viâque difficiles, & Hirocensium latrocinij intutas: à quibus ille in potestatem redigi identidem exoptabat, quò qualem-cunque, Christum illis suadendi, ac barbaram impietatem evellendi ansam nancisceretur. Nullum unquam inclementiore verbo vultùve perstrinxit, nec de ullo etiam malè merito finistrè loqui auditus est: suorum in Evropa ità oblitus & incurius, ut imperijs Majorum urgeri debuerit, ut literis eorum per tot intervalla datis ad se, responderet.

Si quando ægros in loco lustrandi, curandive ex morbo facultas deesset, illis in humeros alacriter sublati, ad locum opportunum per plures etiam levcas deportabat, ibiq; caelesti unda perfulos, dum vel revalerent, vel Cælum peterent, incredibili charitate idem medicus & servus accurabat, ulcera tractabat, saniem expurgabat: tum præsertim, cum latè fusa contagio illis Regionibus inhorrescens, sanguine etiam junctos à cognatorum accessu arceret. Quorum non nemo deinde valetudini restitutus, sanctè testatus est, conspectum à se P. Carolum Angelo stipante, in forma pellucens juvenis comitatum, qui me, inquebat, amicâ compellatione hortator accessit, & auctor fuit, ut P. Caroli monitis promptus parere, atq; illius ductum sequi comiterer. Corpus interim ipse suum omnibus modis crucliter accipere, nunquam depositò, nè noctibus quidem, ferratis cuspidibus asperato cilicio, in nuda humo vestitus quiescere; cibo perparco, & qui nec famem depelleret, uti, qui non alius ferè ipsi per 13. annos, quibus inter Hurones versatus est, adhiberi solebat, quàm granum Turcicum: quo tamen ipso per ultimum vitæ biennium abstinuit, contentus glandibus & amarâ quâdam radice in aqua coctâ, sinè sale aliòve condimento. Atq; huic ciborum fami longè majorem virtutum adjecit esuriem, quam in eo supra omnem fidem fuisse testatur missionis illius Neo-Francicæ Superior, dū scribit, in veritate se affirmare, quòd in illa tota 12. annorum intercapedine, quâ P. Caroli cor, ipso candide illud aperiente, intentius introspectit, nè horâ vel unicâ, extra somni tempora, fuerit absque ardenti desiderio ad crescendum in viâ virtutis; atq; ad animarum lucra. Omnia reliqua illi vilia fuisse visa, & ipsum nihil: Cognatos, Amicos, Evropam, solatia, quietem: præter solum DEUM, qui ipsi unicè erat omnia.

Versabatur ultimo vitæ suæ anno, qui

erat sæculi 1649. in Missionè & oppido S. Joannis, quam ipse post aliquot alias, deductis eò secum Neophytis, fundaverat, ubi mortis obeundæ seu desiderio, seu præfagatione animo divinitus injectâ, duobus germanis suis, alteri sub Sacris Carmeli, alteri sub S. Francisci apud Capuccinos signis, Christo in Europa militantibus, supremas scripsit epistolas, in qua unum triû Fratrum (se cum illis computans) ajebat, à morte, haud procul abesse. Quocirca deinceps alterum tantum studij addendum esse ardori animi, & contentioni precandi. Tædium ante felicem obitum à Superiore ad S. MARIE Residentiam invitatus ad se restaurandum in tanta ærumnarum mole, inter alia rescripsit: pati se quidem famem, at non usque ad mortem: & Dei benignitate fieri, ut nihil Spiritui, nihil corpori de suo vigore decedat. *Non timeo tantum famem, addit inter alia, quantum timerem, ut nè deserto isto meo grege inter famis ac periculorum bellicorum ærumnas, ubi nunc vel maximè illi deesse me æquum non est, desim occasione luculenta, quam mihi offert Deus, amittendi seu perdendi me pro illo: nève hæc ignavia reddâ illius me favore indignum. Si recuperandarum virium causâ id necessarium esse viderem, non omitterem ad S. MARIAM promptè proficisci, cum sim paratus omnia prius, quam parendi pronitate accuratiorè me deserere. Sed nihil præter obedientia vires ab hac me Cruce avellet, cui me Divina Bonitas affixit.*

Septima interim Decembris dies illuxit, postquam biduo antè revocatus ad Residentiam S. MARIE, nè uterque in famis ac belli discrimine periclitaretur, socius Pater Natalis Chabanel discesserat: cum in oppidum S. Joannis non plus quàm sexcentis familiarum capitibus habitatum, Hirocenses improvisi incurrunt, primòq; insulu aggerem superant. Non alias dirius, aut magis infestâ hostilitate exitialis barbarorum pestilentia delavij. Ignis penè citius oppidum totum involuit, quàm adesse hostem adversum est. Omnia caedibus, strage, direptionibus vastata, prostrata, funditus ad usq; inter necionem eruta. P. Carolus è Templo tum fortè prodibat, visq; tempestate, eo demum die anteaكتورum vitæ annorum fructum longè optimum se capturum faciliè pervidebat; ergo de suorum unicè salute anxius, omnes ad fugam tempestivam hortatur, & bene, fugientibus, precatur. Ipse Neophytis fugacium illam habere deposcentibus, heroci animo ad casum sibi sæpe provisum armatus, oves in faucibus invadentium, casque per-

perdentium luporum deferere noluit, ut in eorum numero computari mereretur, de quibus S. Augustinus Epist. 180. ad Honorat: Episc. ita scribit: *qui propterea patiuntur, quia fratres, qui eis ad Christianam salutem indigebant, deferere noluerunt, sine dubio suas animas pro Fratribus ponunt.* Hinc cum omnia crepitu flammarum, mapalium ruinis, matrum & parvulorum in flammis abjectorum ejulatu, cæde, sanguine miscerentur; Carolus sibi & omnibus præsens, per domos incendijs obvolutas, circuibat num quos supremæ opis indigos reperiret; & obvios quoque Sacramento poenitentiae expiabat. Quosdam in medio incendij globo, Cælestis aquæ injectu baptizavit, nullâ sui discriminis curâ vel attentione: ut nihil stupere magis & laudarent deinde, qui rebus turbidis adfuere, quàm periculi tam præcipitis metu nihil animo turbatum, sine gradum quidem concitatus intendisse, aut lentius è contrâ attenuissimè, tanquam in oppido altissimâ quiete pacato incederet. Planè ut ei convepire videantur illa à S. Augustino ibidem adjecta: *qui clades hostiles ideo non fugit, cum possit effugere, nè deserat ministerium Christi, sine quo non possunt homines vel fieri, vel vivere Christiani, majorem charitatis invenit fructum, quàm qui non propter fratres, sed propter seipsum fugiens, atque comprehensus, non negat Christum, suscipitque Martyrium.*

Hæc inter domos & plateas, funeribus & bustis obseptas, inter faucios & moribundos Hurones, alios palpitantes in igne, alios in sanguine supremum spiritum agrè trahentes, mirâ fortitudine charitatis & securitate fiducia, perinde ac si invisibilis hostibus foret, agentem Carolum, advertunt tandem & ædoriuntur Hiroquæi, & triplici ex se loptotidè globis in pectore, stomacho, coxendice excerpitis, humi sternunt, prolapsum veste omni expoliant, & in sanguine natantem relinquunt. Qui ubi prostratum similiter non longè distantem Christianum Huronem, & vulneribus suis immorientem advertit, in genua, ut potest, se colligit, & quantumvis semel iterumq; virium imbecillitate collapsus, iterum tamen iterumq; connixus, ad suppetias moribundo ferendas ægerimè se protrahit, supremum absolutionis Sacramentalis donum illi collaturus. Hoc ceu vitæ præclarè actæ coronario opere perfunctum, quidam iterum Hiroquæorum aggressus, impressâ in caput gemino ictu securi, dissiliente circum cerebro, confecit. Et licet

Huronem etiam Carolum complexo vulnus inflixerit, ille tamen malo superstes hæc ipsa à compluribus relata, fideli deinde testimonio de Patre confirmavit. Acta sunt hæc A. 1649. in vigilia Delparæ sine labe conceptæ, cujus P. Carolus eximius per omnem vitam cultor, voto etiam speciali huic Mysterio propugnando propagandoque se pridem obstrinxerat. Propagandoque se pridem obstrinxerat. Vix tam inhumani patratâ clade lætantes Hiroquæi decesserant, cum postero die reversi ex alio, cum vicinis confecto bello, pagi incolæ viri, visâ Templi in cineribus jacentis, domorum, conjugum, parentum, liberorum clade, cum evitabile malum amplius non esset, solenni patrioque viris dolendi ritu, per dimidium diem humi, profundo absorpti silentio, nè sublatis quidem in celum oculis, miserabiliter, citra tamen lachrymas & suspiria, quæ apud illos effeminati doloris officia sunt, confedere. Neque inter cæsos alium ab alio dabatur discernere, omnibus largo sanguine coopertis. Repertum tamen inter promiscuos cadaverum acervos vix tandem agrè à vicinis Socijs est P. Caroli corpus, & suo seorsim ab alijs sepulchro, loculo decenti compositum, honorificè tumulatum est.

Quid interim P. Natali Chabanel actum sit, qui & ipse cruentæ mortis haud expertus fuisse creditur, juvat cognoscere. Biduo ante cladem cum aliquot Christianis à S. Joanne digressus, cum per S. Matthiæ missionem transiret, cuidam à Patribus dixit: *nescio equidem cur me revocet obedientia, sed vel non potero, vel si potero, revertar ad meam stationem. Oportet perseveranter servire Deo usq; ad mortem.* Iter porro per sylvam habentis dies defecit, & socijs somno occupatis, noctem precationi vigil dedit. Mediâ ferè nocte audit confusos primùm clamores, mox claras tripudij & lætitiæ voces, quibus Hirocenses à patrata ad S. Joannem clade reduces bellica victoriæ acroamata, gentis mors, inconditis gaudijs concinebant. Excitati à Patre socij nè & ipsi præda victoribus fierent, alij se aliò, ut securitatis suadebat occasio, in sylvæ intima & recessus abditos condidère: neque derelictus tum ab illis P. Natalis unquam deinceps comparuit, sive ab Hirocensibus interceptus, & crudeli carnificinâ sublatus occubuerit, sive alius quis supremus casus palabundum in ea solitudine opprefferit. Illud tamè postea de eo retulère comites; cum in illa fugæ necessitate, properationi tantæ impar, eos sequi non posset, resistentem eodem loco dixisse: *nihil interest me hic emori; hæc vita exilii*

exilis quadam res est, verum bonum ac unicum est, vita illa pitialis, & felicitas Paradysi, quod mihi ab Hiroqueis auferri non potest. Magna etiam suspicio fuit, eum ab Hurone quodam Fidei apostata interemptum, qui eum se per flumen quoddam trajecisse, & ut Patrem peditem ab oneribus expediret, illius scripta, pileum, & integumentum pallii vicarium, à volente accepisse referebat. Verum alij cæsum omnino, non tantum è sanguinario apostatarum genio coniectabant, sed & inde conficiebant, quòd idem paulò antè jactabundus dicere se auditus, fore haud multò post, ut suà manù è Sacerdotibus aliquis cadat.

Cæterum P. Natalis Gallià itidem oriundus, anno ætatis 17. Societatem, & tredecim annis post missionem Huronicam obtinuit, eamq; Apostolicis septennij laboribus excoluit. In digressu ab Gallia ultimum, vale Patri, cui spiritus arcana omnia pandebat, faciens, inter supremos amplexus dixit: *nunc demum omnino confido futurum me totum Dei!* id quod eà voce protulit, ut ea visa fuerit vox victimæ pro Christo immolandæ. Ipse autem Natalis, cum hæcenus à natura exilis ferè & timidi animi se fuisset expertus, ab obtenta eà missione mirabatur se tam vivido imbutum spiritu, ut positus quantumvis exaggeratè ob oculos ardua illius Provinciae periculis, nihil percelleretur, sed ea exambiret, potius. Uno ante obitum anno, suo in Societate Fratri in Galliam ita scripsit; *parum absuit, quin Reverentia vestra haberet unum fratrem Martyrem: sed Deus vult pro hac palæstra virtutem melioris temperaturæ, quam mea sit.* P. Gabriel Lallemand unus trium proximè interemptorum, commutaverat mecum stationem uno mense antè. Ego tanquam robustior missus eram ad unam longinquiorē, & magis arduam missionē. Sed non ita fertilem palmarum sicut illa est, quæ meum me torpor indignum fecit. Erit ubi Deo ita visum, dum ego vicissim non desin interea facere me

Martyrem in umbra, & exercere in me imitamentum Martyrij sine sanguine. Hiroqueorum furor, qui omnia hic pessundat, faciet fortasse aliquando id, quod desideratur, per merita tot Sanctorum, quibuscum grandi meo solatio vivo magna in pace, in continuis vite periculis. Vestra Reverentia, & Patres in Provincia, mei obsecro meminerint ad altare, tanquam victimæ ad Hiroqueorum ignem destinatæ, ut meream tot Sanctorum patrocinio in tam forti certamine victoriam.

Tentari aliquando vehementius capit desiderio Galliæ repetendæ, cum quia ad linguas barbarorum perfiscendas parum felici, erat memoriâ, ex quibus annorum quinque improbo labore vix tantum didicerat, ut animi sui sensa intelligenter posset exprimere, adeoque longè utiliùs dotes animi sui in Patria impensurum sperare poterat: tum quia à barbarorum cibo, potu, domo sumi plena, moribus, incondito frigore, barbarie, insuperabilem naturæ abhorrentiam sentienti, nulla aliunde cælitus levamenta concedebantur, videbaturq; sibi Crucem nudam ferre, sine delicijs Crucifixi. Sed ille tenebras has ab Inferno creati nihil dubitans, violentiâ naturæ maximâ, sequens vorum, nunquam stationem Huronicam deferendi, edidit. Domine J E S U Christe, qui me Apostolorum sanctorum hujus vineæ Huronica adiutorem, licet indignissimum, admirabili dispositione tue paternæ providentiæ voluisti: ego Natalis Chabanel, impulsus desiderio serviendi Spiritui tuo Sancto, in promovenda Barbarorum Huronia ad tuam Fidem conversione, voveo coram Sanctissimo Sacramento pretiosi Corporis & Sanguinis tui, tabernaculo Dei cum hominibus, perpetuam stabilitatem in hac missione Huronica: omnia intelligendo juxta Societatis, & Superiorum ejus interpretationem & dispositionem. Obsecro te igitur, suscipe me in servum hujus missionis perpetuum; & dignum effice, tam excessu Ministerio.

Amen. 20. die Junij 1647.

P. CORNELIUS BEUDIN.



Ravelinga nobilis Flandriæ urbs Patrem Cornelium in lucem protulit, bonam, & ab infantia Virgini Matri mancipatam, sortitum animam, cui antè positam puerili manu Aram quotidianus cultor adolvebatur ipse, diebus autem Sabbatinis omnes unâ domesticos eidem adorato-

res adducebat, qui Litanias Lauretanas tennerrimo affectu & voce præcipienti, non sine pietatis quandoque lachrymis responderent. Ubi pueritiam scholis idoneam attingisse visus parentibus est, PP. Societatis in disciplinam traditus, in omni quidem virtute, sed puritatis potissimum cura eximius apparuit, dicere solitus: *malè se cum brutis animalibus*



P. Cornelius Beudin Belga Soc. IESV crudeliter ab Idololatriis Indis raptatus, et pro Christo strangulatus, apud Tlaximarcenses in America A. 1650. +. Gunt.
C.S.d. M.X.f.

libus & scorpionibus, quàm cum feminis habitare. Ab earum consortio ut in perpetuum quàm maximè se divelleret, Societatem candidatur; post Rhetoricam auditam, ex ambire magnis precibus instituit: cui pro candidatorio quasi munere, ad promerendum in eam aditum, in junctum à Superioribus est, infima literarum pueros docere. Quo in violentissimo officio cum raram promptitudinem & industriam suam abundè probavisset, in Tyrocinium admissus, ità deinde per omnem vitæ in Religione cursum egit, ut nullam Regulæ ullus vel semel neglectæ maculam contraxisset deprehensus sit. Post 12. annos in Belgio varias inter munerum occupationes laudabiliter exactos, in exoptatam tot apud Deum suspirijs, apud Moderatores precibus, Americam solvit An. 1647. hilari

ac læto animo proficisci jussus à Matrona quadam, virtute istic usque ad sanctimoniam famam illustri, quippe qui certam illic Martyrij gloriam adipisceretur.

In Indiam post varia tempestuosi maris pericula, quibus aliquot navigia fluctibus hausta interierunt, cum Socijs 14. appulsus, Godinez appellatus deinceps est: & per brevi quiete Mexici ad rescindendas vires captà, ut colligendis in Reductiones barbaris utilior evaderet, trimestri spatio omnem Cynaloanæ, Mexitanæ, ac Taxaumarenis linguæ artem, mirabili avidæ capacisque memoriæ gratià ità perdidicit, ut methodum etiam & leges brevi easdem perdiscendi compendio utilissimas, conscripserit. Mox industriam suam in tradendis ad Neophytos Christianæ Fidei rudimentis intra Collegium Tepozotlanum

tlanum expertus, eundemq; suum zelum in aliquot Paraquariæ Reductionibus egregiè magno cum fructu periclitatus, ad novam ex integro fundandam & erigendam, inter barbaros Taraumares, Reductionem, cum Socio Sacerdote misit. Igitur magnà animositate negotium aggressus, percurfare montana Regionis, sylvas excutere, penetrare barbarorum gregatim sinè tecto, sinè Rege, sinè capite, per nemora vagantium latibula, delinire crepundijs animos, & benigno affatu ad humanum & commune contubernium hortari, Reductionis designare & moliri ad Papigochum flumen fundamenta: omnem in eam rem conferre industriam, musicam etiam, cujus ad usq; excellentiam voce, & omnis generis instrumentis peritus erat, adhibere artem; & quos musicà allexerat, Christianæ vitæ præceptionibus studiosè imbuere. Donec tandem non contemnendâ barbarorum manu, per omnes illos difficultatum & ærumnarum labores, quos alibi supra memoravimus, collectâ, par alijs ferè vetustioribus Reductionibus nova staret Colonia, mapalibus, Æde sacrâ, & ingenti præ illius foribus Cruce conspicua; reductis ad humanitatem, & Christianæ Fidei per susceptum Baptisma professionem, amplius quàm senis hominum millibus.

Hanc dum ille veluti proprium partum, maternâ prorsus curâ & charitate ad perfectionem expolire & educare, omnibus omnia factus conatur, ecce tibi ingrati & rebelles quidam filij tristitia in Patrem moliri, & inveterem se licentiam ejus interemptione, restitutum ire. De quorum molitionibus tempestivè commonitus Pater, stationem tamen nequitiam deserendam duxit, nè pusillus grex absente se periret, & paucorum malitia in totius Reductionis perniciem redundaret. Ergo qui in atrocem seditionem coaluerunt, 4. Junij A. 1650. in vigilia Spiritus Sancti in oppidum irruunt, & Patris mapale furibundi petunt, in quo cum aliquot Christianis Pater rerum eventum tacitus, atque ad mortem animatus, & suos ad eandem animans, eosdemq; vim vi repellere prohibens, præstolabatur. Quia verò aggressionem molientibus obstrictâ portâ aditus non patebat, ignem contra arundineo illi stramineoque turgurio injiciunt: cujus fumo, & penetrantium ad intima flammarum violentiâ adaacti, foras inermes cumpunt, quos armata barbarorum sevitia in vestigio sagittis & morte consecit; mox secuturum filios Patrem, cui potissimum crudelitas imminebat, haud paulò dirore mor-

te sublatura. Vidit, quâ per ignem & undantem fumum licuijs jacentes in sanguine charos filios Cornelius, & intrepidò animo vicinæ jam æternitati feliciter imminens, è domo sese in medium dedit. Tum verò sublata in expectatam prædam barbarâ vociferatione, inter probra & convitia procaciter furenterq; ingesta, quòd indigenas ab avito more ad ignotam Religionem averteret, funem ejus collo properè circumdant, & humi dejectum ad Templum truculenter raptant, tam rabido in obvia faxe allistu & jactatione, ut cruenta ubique sanguinis non parè effusi manerent vestigia. Ad Templum, ipsamq; adeò Aram protractum, verberibus immaniter excipiunt: rursusq; foras per atrium, cæmeterium, atque inde circumcirca religiosum illum locum iterum ac iterum raptatum, ad eam denique, cujus ab eo præ foribus erectæ meminimus, Crucem, velut ad cursus sui metam pertrahunt.

Hanc ille brachijs stringens, ut in complexu vivifici trophæi moreretur, dum sacra Nomina in supremi agonis auxiliu invocat, barbari fune adducto, ac utrimq; toto viriù connifu contorto, inter strangulandum, illi sanguinem impetu erumpentem effundunt, & spiritum intercludunt. Neq; unâ morte parciùs necatù obire contenti, gemino simul ac valido Indicæ clavæ istu capiti impacto, telis quoq; & lapidibus pro mortis auctario certatim conficiunt, inq; suo sanguine natantem, omnibus spoliatum vestibus nudum relinquant. Atq; inde in Patris turguriolum Ademq; sacrâ procurentes, quidquid Imaginum & sacræ supellectilis fuit reliquum, sedè conspurcant; famoso etiâ è suis venefico sacrificiali veste circumdato, & jocularibus in ea saltibus Deo Christianorum insultante. Dilapsis post hæc in montes ad cavernas suas homicidis, conquestu Patris cadaver decantissimè à vicinaru Reductionu Socijs tumulatus est; & funis cruentæ strangulationis instrumentu, argentæ cistula, ad privatam devotionè, à pia Gubernatoris novæ Cantabriæ uxore, inclusus. Non longè post Taraumares ubi se ab illo æstu sanguinario collegere, dolore istu, veniam, pacè, & amicitiam cum Hispanis depacti, nostros avidè receperunt; qui revocatis dispersis percusso pastore Neophytis, Templum iterum & sacra, longè maximo Christianorù accessu, instauraverunt. Bienio post resofsum corpus, integrù illibatūq; repertum fuisse, testati sunt qui viderunt, & signati etiam tum cruentâ semitâ illius sanguine, per omne illud spatium, quo ab Ara è Templo ad usq; Crucem raptatus fuerat.



P. Jacobus Basilè, Italus Soc. IESV. ab Idololâtris pro fide truncatus, et à Cruce suspensus, apud Papagachas Indas in America. A. 1682. mense Martio.

C. Serbelli del.

M. J.

P. JACOBUS BASILE.

Barium, nobilis Apuliæ in Italia Civitas, natalis fuit P. Jacobo, eumque liberaliter educatum. An. 1630. ætatis 21. Societati, hæc deniq; impensè id flagitantem An. 1642. Mexicanæ in occidentalibus Indijs Provinciæ dedit; ea puritatis integritate sæculi vitam emensum, ut Bernardini Senensis nomen ac laudem obtineret, solo aspectu & interventu licentiora æqualium colloquia componere solitus. Quâ suâ felicitate ita exultavit, ut in ipso navigationis procinctu Hispali ad suos in Italiam scribens fateretur, suum animum nunquam antea, nunquam post initam Societatem, tantâ illiquefactæ in cor voluptatis dulcedine fuisse

perfusum, quantam tunc persentisceret. *Benedictus*, inquit inter alia, *DEUS*, qui mihi vires dedit & voluntatem, ut vocanti obtemperarem. Versantem etiamnum in Patria, studijs Neapoli occupatum, cupida intueri coram in Sacra Religionis veste mater, desiderium suum literis illi aperuerat. Sed ei Jacobus Christi Cruci affixi simulachrum transmissit, & monuit, ut sui loco illum aspiceret, quoties filij videri cupiditate flagraret. Sexaginta simul ab Hispania, duabus impositi navibus solvere Socij, in Philippinas 40. reliqui 20. inter quos etiam Jacobus, in Mexicum, omnes incredibili sanguinis pro Christo fundendi cupidine accensit. Probata primum est illius Apostolica opera in excolenda Regionis

gionis illius quādam Provincia, longius latiusque toto Regno Neapolitano porrecta; in qua cum expectationi omnium etiam supra spem, & conatus industriā, & proventus ubertate respondisset, idoneus maximè iudicatus est, qui P. Cornelio Beudin, nuper odio Fidei cæso, in cultura Papigochorum Reductionis succenturiaretur. A cuius adhuc calente illic sanguine mentis vigorē hauriens, dici vix potest quanto ardore, & gestientis animi impetu, caput difficillimæ Provinciæ devoverit. Inter alia Mexico scribens 20. Julij, sexto & quadragesimo ab obitu Cornelij die, se per 8. annos ad illos populos expeditionem petiisse, hesterno impetrasse, & post 5. dies eò moturum; tum addidit: *nescio quid præsit animus, & præ lætitia gestit.*

Præcipua post expertum animi ardorem, quæ illum arduæ missionis apud Moderatores candidatum fecit, causa fuit, præclara emendatè ac disertè barbarorum idiomate loquendi, vernaculo quodam sapore condita peritia, ut Taraumarense, ac passim barbaros teneret admiratione suspensos. Indè instauratā sensim, quæ post eadem Cornelij jacebat cum Templo, Fidei disciplinā, totumque zelum ad augendam ex deductis vagorum mortalium coloniis Reductionem impendit; quā ubere & facundè successu, ex superiorum annorum gestis collige, quorum fructus ad Socios Cinaloēnsis, quò eos ad referendas secum Deo gratias excitaret, perscribens, intra quinquennij spatium initiata sacris Baptismi aquis fuisse quindecim millia Ethnicorum ait: quos inter fuit anus 150. annos nata, quæ à Baptismo nē quartam quidem horæ partem ampliùs supervixit. At vix unquam fera illa levissimorum Barbarorum ingenia ita integrè manifesteunt, quin flagitiosa scelerum assuetudine in transversum acta, tædio disciplinæ Christianæ pristinam pessimarum cupiditatum libertatem suspirant. Magnam illorum vim suavi suā eloquentiā Christo jam pepererat, cum altero sudorom Apostolicorum vertente anno 1652. mense Martio, iterum inter inquieta Papigochorum ingenia celebratum senaculum, & conspiratio conflata est inter Ethnicos, & nonnullos à Fide apostatas, ut Basilius primum ceu malorum caput, deinde alij constantes in Religione Indi Hispanique, in villa Aguilar è medio tollerentur.

Invitabatur ab Hispanis Pater ut sibi maturè fugā consulcret; at ipse boni pastoris non esse dicens, ignobiliter fugiendo gregem desertum, lupis rapacibus, & dispergen-

tibus in prædam relinquere, stationem deferere noluit. Igitur collectis in templū Fidelibus, ante omnia quā Indorū, quā Hispanorū animos, sacrā exomologesi expiare, & supremo vitæ actui parare aggressus, dū supremo fervore incurius sui operi insistit, repentinò se in eum locū Taraumares insudere, ac magnā in utroque eade grassati sunt. Pater arreptum ab Ara Crucifixum manu gerens, in medium proflit, suamque illis peridiā & impietatem exprobrans, etiam atque etiam monet, nē à dæmone seducti impiè capta prosequantur: pèrque mediis barbarorum, cuneos foras è templo prorumpens, dum constanter Christum ejusque legem inculcare sanguinarijs pergit, illi audaciam & libertatem Dei servi indignati, eodem loci otruncant, & ex eodem, in quo Dominus & Redemptor suus olim pependerat, crucis præforibus erectæ patibulo, truncum cadaver, velut in contumeliā defensionē ab illo Christi Crucis, suspendunt: omnibus qui adhuc supererant Christianis, eodem furoris tenore necatis, & post direptum sacrum apparatus, templis incensis. Corpus ejus seu casu, sive divinā destinatione ibi conditum est, ubi P. Cornelius Beudin altero jam anno jacebat sepultus; eaque occasione integrum vividumque ejus cadaver, ut suprà retulimus, deprehensum est.

Videtur autem Deus hunc suum occasum Patri prænoscentum, ejusque ultimū sacrificantis ministro, dedisse. Etenim cum inter litandum eo ipso necis die Divinam Hostiam populo de more monstraturus elevarer, visus est cruentus circulus, qui eam orbiculatim circumdabat; eaque super Altari reposita, eodem sanguine sacrificialis mappula cruentata comparuit. Testati etiam deinde communiter sunt omnes, qui neci Patris tam spectatores, quàm mortis auctores intererant Indi, interque illos tres Caciquij, singuli sectis diversè ab alijs sigillatim in legitimo processu interrogati, quod moriens Pater pulcherrimum infantem (ita vernaculā phrasī exprimentes) ore pepererit. *Vidimus, aiebant: hisce ipsis oculis quod è moriente Patre tener infans, niveo splendore amabilis exierit, qui in media sumi instar nubecula; magno splendore circumdatus, inter duos alios comites infantes) Angelos fuisse crediderim, animam illius; vel certè JESUM Eucharisticum, paulò antè in Sacrificio sumptum, in Cælum stipantes) eosque alis insignes; quos inter alius aliusque ascendebat in Cælum, donec tandem videri desit.* Cujus spectaculi admira-

miratione percussis barbari, & horrore quodam atq; arcanâ vi in testram prostrati sunt.

Atque hi ferè sunt magis hæcenus comperti, ad usq; Christi annum 1655. per quatuor Orbis plagas inclytorum è Societate IESU pugilum de sanguinea morte trium-

phi; quos ità posteri eorundem legamus, ut ad æmulanda ipsorum charismata accendamus, neque unquam degeneremus à præcellis cogitationibus Fratrum nostrorum.

A M E N.

PROTESTATIO.

LECTOR, adverte in Elogijs virorum Illustrum, quos hoc libro complexus sum, nonnulla me obiter attingere, quæ sanctitatem illis videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: præfagia futurorum, arcanorum manifestationes, revelationes, illustrationes, & si quæ sunt alia huiusmodi: beneficia item in miseros mortales eorum intercessione collata divinitus; demum nonnullis sanctimonia, vel Martyrij videor appellationem tribuere. Verùm hæc omnia ità meis lectoribus propono, ut nolim ab illis accipi tanquam ab Apostolica Sede examinata, atque approbata; sed tanquam, quæ à sola suorum Auctorum fide pondus obtineant, atq; aded non aliter, quàm humanam historiam. Proinde Apostolicum S. Congregationis S.R. & Universalis Inquisitionis Decretum Anno 1625. editum, & Anno 1634. confirmatum, integre, atque inviolatè, juxta declarationem ejusdem Decreti à Sanctissimo D.N. D. URBANO Papa VIII. Anno 1631. factam, servari à me omnes intelligant: nec velle me, vel cultum, aut venerationem aliquam per has meas narrationes ulli arrogare; vel famam, & opinionem sanctitatis, aut Martyrij inducere, seu augere; nec quicquid existimationi adjungere, nullumq; gradum facere ad futuram aliquando ullius Beatificationem, aut miraculi comprobationem; sed omnia in eo statu à me relinqui, quem seclusà hæc meà lucubratione obtinerent, non obstante quocunq; longissimi temporis cursu. Hoc tam sanctè profiteor, quàm decet eum, qui Sanctæ Sedis Apostolicæ obedientissimus haberi filius cupit, & ab ea in omni sua scriptione & actione dirigi.

MATHIAS TANNER S.J.

NOMINA EORUM,

Qui pro DEI causa ex Societate JESU interfecti,
hoc libro recensentur, ordine Alphabetico.

EUROPA.

P. Alexander Briantus, Anglus.	pag. 14
Andreas Martini, Franco.	p. 107
P. Arnoldus à Boecop, Belga.	p. 92
Blasius Schelling, Bavarus.	p. 105
P. Briantus Cansfeldus, Anglus.	p. 120
P. Christophorus Spotecus, Polonus.	p. 48
P. Curbertus Prescottus, Anglus.	p. 133
Dominicus Colinus, Hibernus.	p. 55
P. Edmundus Arousmithæus, Anglus.	p. 99
P. Edmundus Campianus, Anglus.	p. 9
P. Edmundus Donatus, Hibernus.	p. 7
P. Eduardus Oldcornus, Anglus.	p. 60
P. Emmanuel Fernandez, Afer.	p. 1
Emmanuel Neri, Italus.	p. 58
Franciscus Pages, Anglus.	p. 52
P. Gerardus Paelman, Belga.	p. 109
P. Godefridus Thelen, Germanus.	p. 90
P. Guilielmus Boytonus, Hibernus.	p. 135
Guilielmus Saltemochius, Gallus.	p. 25
P. Henricus Garnetus, Anglus.	p. 65
P. Henricus Morfæus, Anglus.	p. 126
P. Henricus Walpolus, Anglus.	p. 37
P. Hervæus Malvesius, Gallus.	p. 94
P. Hieremias Fischer, Boëmus.	p. 146
P. Jacobus Salefius, Gallus.	p. 22
P. Ioannes Arnoldi, Westphalus.	p. 104
P. Ioannes Bathæus, Hibernus.	p. 138
P. Ioannes Boddens, Belga.	p. 109
P. Ioannes Cornelius, Anglus.	p. 28
Ioannes Esto, Polonus.	p. 48
P. Ioannes la Garde, Gallus.	p. 96
P. Ioannes Grossus, Anglus.	p. 131
P. Ioannes Leleszi, Vngarus.	p. 26
P. Ioannes Meagh, Hibernus.	p. 112
P. Ioannes Ogilbeus, Scotus.	p. 82
P. Ioannes Sandæus, Belga.	p. 95
P. Ioannes Vorthingtonus, Anglus.	p. 149
P. Jodocus Mayering, Westphalus.	p. 107
P. Laurentius Everardi, Belga.	p. 45
P. Laurentius Passokius, Silesius.	p. 115
P. Martinus Gutierrez Hispanus.	p. 5
Martinus Ignatius, Silesius.	p. 112
P. Martinus Laterna, Polonus.	p. 42
P. Matthæus Cramerus, Boëmus.	p. 115
P. Matthæus Grimes, Gallus.	p. 139
P. Mathias Burnatius, Silesius.	p. 102
Mathias Vitriarius, Lithuanus.	p. 48
P. Melchior Grodecus, Silesius.	p. 88
Nicolaus Krziwozanziewicz, Lithuanus.	p. 48

Nicolaus Odoenus, Anglus.	p. 73
P. Otho Campensis, Holandus.	p. 45
P. Petrus Buzelinus, Belga.	p. 45
P. Petrus Michaël, Germanus.	p. 41
P. Petrus Venustus, Helveticus.	p. 3
P. Petrus Wrichtus, Anglus.	p. 141
Philippus Nottin, Belga.	p. 109
P. Richardus Bradæus, Anglus.	p. 124
P. Robertus Netervillius, Hibernus.	p. 136
P. Robertus Southwellus, Anglus.	p. 30
P. Rogerius Filcockius, Anglus.	p. 50
P. Rudolphus Corbæus, Hibernus.	p. 122
P. Stephanus Pongraz, Vngarus.	p. 88
P. Theodorus Ritswig, Belga.	p. 58
P. Thomas Cottamus, Anglus.	p. 17
P. Thomas Garnetæus, Anglus.	p. 79
P. Thomas Holandus, Anglus.	p. 117
P. Thomas Mettamus, Anglus.	p. 20
Wenceslaus Trnofska, Moravus.	p. 112

AFRICA.

P. Abrahamus Georgius, Syrus.	p. 184
Alexius Delgadus, Lusitanus.	p. 170
Alphonfus Fernandez, Lusitanus.	p. 174
Alphonfus Væna, Hispanus.	p. 170
Alvarus Mendez, Lusitanus.	p. 170
Andreas Gonzalez, Lusitanus.	p. 170
P. Andreas Gualdanez, Hispanus.	p. 164
Andreas Pays, Lusitanus.	p. 177
Antonius Correa, Lusitanus.	p. 170
Antonius Fernandez, Lusit.	p. 170
Antonius Suarez, Lusitan.	p. 170
P. Apollinaris de Almeida, Lusit.	p. 197
P. Benedictus de Castro, Lusit.	p. 170
P. Bernardus Nogueira, Lusit.	p. 205
P. Bernardus Pereira, Lusit.	p. 190
P. Blasius Ribera, Lusit.	p. 170
P. Brunus à S. Cruce, Italus.	p. 200
P. Didacus de Andrada, Lusit.	p. 170
Didacus Carvalius, Lusit.	p. 177
Dominicus Fernandez, Lusit.	p. 170
Emmanuel Alvarus, Lusit.	p. 170
Emmanuel Fernandez, Lusit.	p. 170
Emmanuel Paceccus, Lusit.	p. 170
Emmanuel Rodriquez, Lusit.	p. 170
Ferdinandus Alvarez, Lusit.	p. 175
Ferdinandus Sanchez, Hispan.	p. 170
Franciscus Alvarus, Lusit.	p. 170
Franciscus de Castro, Lusitan.	p. 174
P. Franciscus Macciadus, Lusit.	p. 190
Franciscus Magalliane, Lusit.	p. 170
Franciscus Paulus, Lusit.	p. 174

Fran-

I N D E X

P. Franciscus Perez Godojus, Hisp.	pag. 170	P. Antonius Sociro, Lusitanus.	p. 384
P. Franciscus Ribeirus, Lusit.	p. 188	P. Antonius de Sousa, Lusitanus.	p. 364
P. Franciscus Rodriguez, Lusit.	p. 197	P. Antonius Vasconcellus, Lusitanus.	p. 347
Gaspar Alvarez, Lusit.	p. 170	Augustinus Ota, Japon.	p. 287
Gaspar Goëz, Lusit.	p. 174	P. Balthasar de Torres, Hispanus.	p. 322
P. Gaspar Paës, Lusit.	p. 193	P. Bartholomæus Sanchez, Hispan.	p. 409
P. Gonzalus Cardofus, Lusit.	p. 179	P. Benediclus Fernandez, Lusitan.	p. 360
Gonsalvus Henriquez, Lusit.	p. 170	P. Bernardinus Peccius, Italus.	p. 330
P. Gonsalvus Sylveria, Lusit.	p. 156	P. Camillus Constantius, Italus.	p. 301
Gregorius Scribanus,	p. 170	P. Carolus Spinola, Bohemus.	p. 289
P. Hyacinthus Francisci, Italus.	p. 197	P. Christophorus Ferreira, Lusitanus.	p. 427
Jacobus Perez, Lusit.	p. 170	Consalvus Fufai, Japon.	p. 298
P. Ignatius Azcoedius, Lusit.	p. 166	Damianus Fucaye, Japon.	p. 362
Ioannes Alvarus, Lusitanus.	p. 177	P. Didacus Carvallius, Lusitanus.	p. 313
Ioannes Baëza, Hispan.	p. 170	P. Didacus de Morales, Hispanus.	p. 412
Ioannes Fernandez, Lusitanus	Bracha-	P. Didacus Yuki, Japon.	p. 381
rensis.	p. 170	Dionysius Fugixima, Japon.	p. 305
Ioannes Fernandez, Lusit. Ulissipon.	p. 170	Dionysius Jamamoto, Japon.	p. 356
Ioannes à S. Martino, Hisp.	p. 170	P. Emmanuel Barretus, Lusitanus.	p. 275
Ioannes de Mayorgo, Hisp.	p. 170	P. Emmanuel Borges, Lusitanus.	p. 349
P. Ioannes Pereira, Lusit.	p. 193	Franciscus Aranea, Lusitanus.	p. 238
Ioannes Zaurus, Hisp.	p. 170	P. Franciscus Buldrinus, Italus.	p. 339
P. Ludovicus Cardeira, Lusit.	p. 200	P. Franciscus Carrion, Hispanus.	p. 251
Ludovicus Correea, Lusit.	p. 170	P. Franciscus Lopez, Lusitanus.	p. 229
Marcus Caldeira, Lusit.	p. 170	P. Franciscus Marquez, Japon.	p. 412
P. Mauritius Serpius, Lusit.	p. 181	Franciscus Martinez, Sina.	p. 269
Michael Aragonius, Hisp.	p. 174	P. Franciscus de Mendoza, Lusitan.	p. 407
Nicolaus Dinis, Lusit.	p. 170	P. Franciscus Pacieccus, Lusit.	p. 322
P. Petrus Diaz Lusit.	p. 174	P. Franciscus Paliola, Italus.	p. 424
Petrus Diaz, Lusit.	p. 177	P. Gaspar de Castro, Lusit.	p. 319
Petrus Fernandius Lusit.	p. 177	Gaspar Sandamatfu, Japon.	p. 322
Petrus Fonscca Lusit.	p. 170	P. Georgius Carvalhal, Lusit.	p. 255
Petrus Foatorus, Lusit.	p. 170	P. Georgius Fernandez, Lusit.	p. 232
Petrus Nunnez, Hisp.	p. 170	P. Gomez Damarallus, Lusitanus.	p. 232
Sanctus Ioannes, Lusit.	p. 170	Patris Henriquez Socius anonymus.	p. 224
Simon Acofta	p. 170	P. Hieronymus de Angelis, Siculus.	p. 309
Simon Lopez, Lusit.	p. 170	P. Jacobus Giannonius, Italus.	p. 350
Stephanus Zurara, Cantaber.	p. 170	S. Jacobus Gifai, Japon.	p. 258. & 266
A S I A.		P. Jacobus de Mesquita Lusitanus.	p. 272
		Jacobus Tacufcima, Japon.	p. 358
P. Egidius de Abrey, Lusit.	p. 286	P. Ignatius Fialho, Lusitanus.	p. 341
P. Albertus Meczinsky, Pelonus.	p. 412	Ignatius Kindo, Japon.	p. 349
P. Alexander Lopez, Hisp.	p. 430	P. Joannes de Acofta, Lusit.	p. 362
P. Alphonsus de Castro, Lusit.	p. 226	P. Ioannes Adamus, Siculus.	p. 364
P. Alphonsus Pacieccus, Hisp.	p. 238	P. Ioannes Arefius, Sardus.	p. 423
P. Amarus Moureira, Lusitanus.	p. 406	P. Ioannes de Baëza, Hisp.	p. 319
Ambrosius Fernandez, Lusitanus.	p. 284	P. Ioannes del Carpio, Hispan.	p. 379
Andreas Saito, Japon.	p. 276	Ioannes Chungocu, Japon.	p. 298
P. Antonius de Andrade, Lusitanus	p. 372	P. Ioannes de Fonscca, Lusitanus.	p. 276
P. Antonius Capecius, Italus.	p. 412	S. Ioannes de Goto, Japon.	p. 258. & 265
P. Antonius Criminalis, Italus.	p. 212	Ioannes Kidera, Japon.	p. 350
P. Antonius Critana, Hispanus.	p. 275	Ioannes Kifaku, Japon.	p. 322
P. Antonius Franciscus, Lusitanus.	p. 238	P. Ioan. Macciadus, Afer ex Insula Tertia.	178
P. Antonius Ifcida, Japon.	p. 336	P. Ioannes Metella, Lusitanus.	p. 277
Antonius Kiuni, Japon.	p. 298	P. Ioannes Montiel, Calaber.	p. 430
P. Antonius Rubinus, Italus.	p. 412	Joannes Yama, Japon.	p. 353
		P. Ioan-	

N O M I N U M.

A M E R I C A.

P. Ioannes Zola, Italus.	p. 322	P. Alphonfus Rodriguez, Hispanus.	p. 479
P. Josephus Furlanettus, Italus.	p. 255	P. Antonius Bellavia, Siculus.	p. 493
Josephus Reomuy, Japon.	p. 349	P. Antonius Daniel, Gallus.	p. 531
P. Julianus Nacaura, Japon.	p. 364	P. Antonius Lopez, Hispan.	p. 455
P. Julius Margicus, Italus.	p. 334	P. Antonius Riparius, Italus.	p. 504
Leonardus Kimura, Japon.	p. 282	P. Bernardus de Cisneros, Hispan.	p. 470
Ludovicus Cafucu, Japon.	p. 356	P. Bernardus Reus, Hispan.	p. 487
Ludovicus Cávara, Japon.	p. 298	P. Carolus Garnier, Gallus.	p. 539
P. Ludovicus Mendez.	p. 219	P. Christoph. de Mendoza, Peruanus.	p. 495
P. Ludovicus Pelingottus, Lusitanus.	p. 277	Christophorus Rotundus, Hisp.	p. 449
P. Mancius Firabajsci Japon.	p. 275	P. Cornelius Beudin, Belga.	p. 543
Mancius Mizogucci, Japon.	p. 275	P. Didacus de Alfaro, Peruanus.	p. 502
Mancius Taicicu, Japon.	p. 275	Didacus de Montalvan, Mexicanus.	p. 464
P. Marcellus Franciscus Mastrillus, Italus.	p. 386	P. Didacus de Orofco, Hisp.	p. 470
Matthæus, Japon.	p. 364	P. Emmanuel Martinez, Lusit.	p. 489
P. Matthæus de Courros, Lusitanus.	p. 368	P. Ferdinandus Santaren, Hispanus.	p. 476
P. Matthæus Fernandez, Indus Cocinensis.	p. 330	P. Ferdinandus de To'ar, Hispan.	p. 467
Mathias Sanga, Japon.	p. 275	P. Francisc. Pint ^o , Afer ex Insula Tertia.	p. 460
P. Michaël Carvallius, Lusitanus.	p. 316	Fratres duo anonymi.	p. 440
Michaël Xumpo, Japon.	p. 298	Gabriel Gomez, Hisp.	p. 449
Michaël Nacalcima, Japon.	p. 332	P. Gabriel Lallemand, Gallus.	p. 533
P. Michaël Pineda, Japon.	p. 355	Gabriel de S ^o lis, Hisp.	p. 447
Michaël Tozo, Japon.	p. 322	P. Gaspar Oforius de Valderavano, Hisp.	p. 404
Nicolaus Keyan Fucunanga, Japon.	p. 345	P. Gundisalvus de Tapia, Hisp.	p. 451
P. Nunnus Ribertus Lusitanus.	p. 217	P. Hieronymus de Moranta, Hisp.	p. 473
S. Paulus Miki, Japon.	p. 258. & 264	P. Moratius de Vecchi, Italus.	p. 564
Paulus Rioin, Japon.	p. 275	P. Iacobus Basile, Italus.	p. 546
P. Paulus Saito, Japon.	p. 360	P. Ioannes de Brebeuf, Gallus.	p. 533
Paulus Scinfuke, Japon.	p. 322	P. Ioannes del Castillio, Hispan.	p. 484
Petrus, Japon.	p. 364	P. Ioannes de Fonte, Hisp.	p. 473
P. Petrus Berna, Italus.	p. 238	Ioannes Mendez, Hisp.	p. 447
P. Petrus Caffui, Japon.	p. 404	P. Ioannes de Segura, Hisp.	p. 449
P. Petrus Mafcarenia, Lusitan.	p. 233	Ioannes Sosa, Lusit.	p. 438
P. Petrus Navarra, Italus.	p. 305	P. Ioannes de Valle, Hisp.	p. 470
Petrus Onizuccha, Japon.	p. 305	P. Isaacus Ioquez, Gallus.	p. 510
Petrus Rinkei, Japon.	p. 322	P. Iulius Pasqualis, Italus.	p. 489
Petrus Sampo, Japon.	p. 298	P. Ludovicus de Alabes, Hisp.	p. 470
P. Petrus de Zamora, Hispan.	p. 406	P. Ludovicus de Quiros, Hisp.	p. 447
P. Rudolphus Aquaviva, Italus.	p. 238	P. Martinus de Arande Valdivia, Chilenfis.	p. 464
Sacerdotes duo anonymi.	p. 222	Matthæus Fernandez, Hisp.	p. 508
P. Sebastianus Kimura Japon.	p. 289. & 298	P. Michaël de Vreea, Hisp.	p. 458
P. Sebastianus Vieira Lusitanus.	p. 375	P. Natalis Chabanel, Gallus.	p. 542
Quinq; Socij P. Sebast. Vieiræ, Japon.	p. 375	Petrus Correa, Lusit.	p. 438
Simon Jempo, Japon.	p. 309	P. Petrus de Espinosa, Hisp.	p. 498
P. Sixtus Tocuum, Japon.	p. 362	Petrus de Linarez, Hisp.	p. 449
P. Theodorus Mantels, Belga.	p. 257	P. Petrus Martinez, Hisp.	p. 443
Thomas Acafoxi, Japon.	p. 298	P. Petrus Romerus, Hisp.	p. 508
Thomas Nisciferus, Japon.	p. 343	P. Raphaël Ferrer, Hisp.	p. 462
Thomas Riocan, Japon.	p. 356	Renatus Goupil, Gallus.	p. 510
P. Thomas Tzugi, Japon.	p. 329	P. Rochus Gonzalez, Paraquariensis.	p. 479
Vincentius Alvarus, Lusitanus.	p. 267	Sanctius Savallius, Hisp.	p. 449
Vincentius Caunus, Japon.	p. 322		
P. Vincentius Damianus, Siculus,	p. 426		

ERRATA ità corrige.

- Pag. 4. Columnâ 2. lineâ 12. *quarto Calendas Novembris.* lege, *decimo quarto.*
 Pag. 7. Col. 2. lin. 14. à fine. *proies.* lege *proles.* & lin. 9. à fine. *cujus.* lege *ejus.*
 Pag. 11. Col. 2. lin. 3. à fine. *evadendas casses intentas.* lege *evadendos intentatos.*
 Pag. 19. Col. 1. lin. 18. *unpe sdecim.* lege *unde speciem.*
 Pag. 50. Col. 1. lin. 7. *ignito clavo.* lege *indito.* Et lin. 12. *operiri.* lege *opperiri.* Idè alibi corrige.
 Pag. 62. Col. 2. lin. 25. *plurin.* lege *plurium.*
 Pag. 86. Col. 2. lin. 32. *consuleritis.* lege *consuleretis.* Et lin. ultimâ in. lege *n2.*
 Pag. 114. Col. 1. lin. 2. *recepti.* lege *recipi.*
 Pag. 123. Col. 1. lin. 12. à fine. *enitovit.* lege *enituit.*
 Pag. 139. Col. 1. lin. 18. *suppellex.* lege *supellex.* Item pag. 173. Col. 1. lin. 34.
 In Præfatione ad Asiaticam Societatem lin. 12. à fine *subj uum.* lege *sub jugum.*
 Pag. 219. Col. 2. lin. 22. à fine. *Sacerdos.* lege *Sacerdotes.*
 Pag. 223. Col. 1. lin. 24. à fine *curas.* lege *curata.*
 Pag. 290. Col. 1. lin. 5. à fine. *orationis.* lege *orationes.*
 Pag. 291. Col. 1. lin. 31. *ea perscribenda.* lege *cas perscribendas.*
 Pag. 293. Col. 1. lin. 13. *turbidino.* lege *turbine.*
 Pag. 315. Col. 2. lin. 6. à fine. 24. *Febru.* lege 23.
 Pag. 327. Col. 2. lin. 5. *novas.* lege *novus.*
 Pag. 330. Col. 1. lin. 31. *sufflaminabat.* lege *sufflamabat.*
 Pag. 333. Col. 2. lin. 5. *subjectus.* lege *subjectas.* & lin. 10. *confusum.* lege *confusam.*
 Pag. 334. Col. 1. lin. ultimâ. *domesti.* lege *domestici.*
 Pag. 354. Col. 2. lin. 9. *subgeit.* lege *subegit.*
 Pag. 367. Col. 2. lin. 42. 28. *Octob.* lege 26.
 Pag. 373. Col. 2. lin. 27. *calamitantis.* lege *clamitantes.*
 Pag. 382. Col. 2. lin. 3. *famosâ.* lege *fumosa.*
 Pag. 391. Col. 2. lin. antepen. *lapis illi est totus annus.* lege *totus Martius Anni.*
 Pag. 392. Col. 1. lin. 4. & lin. 21. *A. 1636.* lege. 1635.
 Pag. 398. Col. 1. lin. 7. à fine. *voluitq. centum disciplinis.* lege *voritq. centum disciplinas.*
 Pag. 400. Col. 2. lib. 4. *nvo è Japonibus.* lege *cum uno.*
 Pag. 406. in titulo. *P. Andreas Moureira.* lege *P. Amaris.*
 Pag. 472. Col. 1. lin. 12. *Purificata.* lege *Presentata.*
 Pag. 476. Col. 1. lin. 25. *Purificantis.* lege *Presentata.*
 Pag. 519. Col. 1. lin. 21. *supplicantibus.* lege *susplicantibus.*

Benevole Lector, hæc ferè sunt, quæ in decursu hujus operis sensum quodammodo immutare videbantur. Irreperunt præterea nonnulla, præsertim quæ Orthographiam concernunt; hæc apud te ipsum gratiosè excusa & emenda.



924764
81971-01

1678
Vol.

